


Nacom Pejume Diwesi po diwesi pena jume diwesi

xua Jesucristo yabara tinatsi



New Testament in Cuiba

# **Nacom Pejume Diwesi po diwesi pena jume diwesi xua Jesucristo yabara tinatsi New Testament in Cuiba**

copyright © 2010 Wycliffe Bible Translators, Inc.

Language: Cuiba

Translation by: Wycliffe Bible Translators, Inc.

## **Copyright Information**

© 2010, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

### **The New Testament**

in Cuiba

**© 2010, Wycliffe Bible Translators, Inc. All rights reserved.**

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents.

For other uses, please contact the respective copyright owners.

2014-04-22

## Contents

SAN MATEO . . . . .	1
SAN MARCOS . . . . .	103
SAN LUCAS . . . . .	159
SAN JUAN . . . . .	253
HECHOS . . . . .	321
ROMANOS . . . . .	402
1 CORINTIOS . . . . .	446
2 CORINTIOS . . . . .	487
GÁLATAS . . . . .	513
EFESIOS . . . . .	528
FILIPENSES . . . . .	543
COLOSENSES . . . . .	553
1 TESALONICENSES . . . . .	563
2 TESALONICENSES . . . . .	571
1 TIMOTEO . . . . .	576
2 TIMOTEO . . . . .	588
TITO . . . . .	596
FILEMÓN . . . . .	601
HEBREOS . . . . .	603
SANTIAGO . . . . .	638
1 SAN PEDRO . . . . .	648
2 SAN PEDRO . . . . .	659
1 SAN JUAN . . . . .	666
2 SAN JUAN . . . . .	675
3 SAN JUAN . . . . .	677
SAN JUDAS . . . . .	679
APOCALIPSIS . . . . .	683

## Jesucristo Pia Pexeinya Diwesi Jume Tatsi Mateo Petinae Diwesi

*Meje yabara pomonae Jesucristo pia pamo susatopiwi tatsi (Lc 3.23-38)*

<sup>1</sup> Meje barapo diwese Jesucristo pia pamo susatopiwi tatsi yabara. Jesucristo pon Nacom itoroba itaboco wetsica xua jiwi pecapanenebiyaenexatsi. Bapon Abraham pia pemomoxi susato jiwanapin tatsi. Barapon Abraham pon bayatha caena tupa, pon copiya naebopa po cae pin nacuatha xua israelmonae pomonae judiomonaexae beya pinmonae tsoponae. Matautano Jesucristo David pia pemomoxi susato jiwanapin tatsi. Barapon David pon bayatha caena tupa, pon caena bayatha Israel nacuapiwi itorobiya pia pepa peewatsinchi.

<sup>2</sup> Abraham Isaac paxa tatsi. Bapon Isaac Jacob paxa tatsi. Bapon Jacob, Judá paxa tatsi yawa Judá peweicho jiwi, bapontha cae axaba.

<sup>3</sup> Bapon Judá Fares iru Zara paxa tatsi. Tamar Fares pena tatsi iru Zara pena tatsi. Bapon Fares Esrom paxa tatsi. Bapon Esrom Aram paxa tatsi.

<sup>4</sup> Bapon Aram Aminadab paxa tatsi. Bapon Aminadab Naasón paxa tatsi. Bapon Naasón Salmón paxa tatsi.

<sup>5</sup> Bapon Salmón Booz paxa tatsi. Booz pena tatsi pewun Rahab. Bapon Booz Obed paxa tatsi. Obed pena tatsi pewun Rut. Bapon Obed Isaí paxa tatsi.

<sup>6</sup> Bapon Isaí David paxa tatsi, po David caena bayatha Israel nacuamonae itorobiya pia pepa peewatsinchi. Matautano David pexanto tatsi pewun Salomón. Bapon Salomón pena tatsi pewun Betsabé, powa copiya bayatha Urías xeina.

<sup>7</sup> Bapon Salomón Roboam paxa tatsi. Bapon Roboam Abías paxa tatsi. Bapon Abías Asa paxa tatsi.

<sup>8</sup> Bapon Asa Josafat paxa tatsi. Bapon Josafat Joram paxa tatsi. Bapon Joram Uzías paxa tatsi.

<sup>9</sup> Bapon Uzías Jotam paxa tatsi. Bapon Jotam Acaz paxa tatsi. Bapon Acaz Ezequías paxa tatsi.

<sup>10</sup> Bapon Ezequías Manasés paxa tatsi. Bapon Manasés Amón paxa tatsi. Bapon Amón Josías paxa tatsi.

<sup>11</sup> Bapon Josías Jeconías paxa tatsi, iru Jeconías peweicho jiwi bapontha cae axaba. Bapon Jeconías poxonae israelmonae teicaeya capoinchi Babilonia nacua beya, barapo jinaebotha Jeconías naexana epatotha.

<sup>12</sup> Bapoxonae pirapae Jeconías tanaexanatsi pexanto Babilonia nacuatha. Jeconías Salatiel paxa tatsi. Bapon Salatiel Zorobabel paxa tatsi.

<sup>13</sup> Bapon Zorobabel Abiud paxa tatsi. Bapon Abiud Eliaquim paxa tatsi. Bapon Eliaquim Azor paxa tatsi.

<sup>14</sup> Bapon Azor Sadoc paxa tatsi. Bapon Sadoc Aquim paxa tatsi. Bapon Aquim Eliud paxa tatsi.

<sup>15</sup> Bapon Eliud Eleazar paxa tatsi. Bapon Eleazar Matán paxa tatsi. Bapon Matán Jacob paxa tatsi.

<sup>16</sup> Bapon Jacob José paxa tatsi. Bapon José piowa tatsi pewun María. Barapowa María Jesús pena tatsi. Bapon Jesús icha wun wun dutatsi, po wun “Mesías”, jei, po wun xua jei: “Pon Nacom itoroba itaboco wetsica xua jiwi pecapanenebiyaenexa tsainchi”, jei.

<sup>17</sup> Abraham pia xainya weya tatsi trece poyobe pebiwi naexana xua Abraham mux-unano daxota daxita catorce poyobe naexana, beya pu ducua poxonae David naexana. Bapon iru Salomón pia xainya weya tatsi trece poyobe pebiwi naexana xua Salomón

muxunano daxota daxita catorce poyobe pebiwi naexana beya pu ducua poxonae Israel nacuamonae teicaeya capoinchi Babilonia nacua beya, beya pu ducua poxonae Jeconías naexana. Salatiel pia xainya weya tatsi trece poyobe pebiwi naexanapona xua Jeconías muxunano. Daxota daxita catorce poyobe naexana, beya pu ducua poxonae Mesías naexana.

*Meje yabara poxonae Jesucristo nowaeuncua pebin wɔto barapo cae pin nacuathe (Lc 2.1-7)*

<sup>18</sup> Poxonae Jesucristo naexana bara iche: María Jesucristo pena tatsi, poxonae bapowa muxu pepichi pecotsiwa pon pewɔn José, poxonae abɔ cataunxuae jopa peru nacoyabiyo, bapoxonae María pexuyo bɔpana taecatsi. Barapo pexuyo Nacom pia Pejumope tɔnaxɔ tatsi María tsiperɔ weeca exanatsi. Barapo pexuyo pewɔn Jesús.

<sup>19</sup> José, María pia pebin tatsi tsane, poxonae pichina pon pejɔntɔ coyene xanepanaein. Daxota bapon José, María jopa beyabara paebichi xua catsa pexuyo pecapoponaexae xua bɔpana taecatsi xua María aura peexanaenexa tsainchi jiwi peitɔtha tatsi. Bapoxonae José namicha moyiya najɔntɔ cui coyene baraxuba xua jopa pepichiwa tsane, xua jiwi jopa cataunxuae pecui yabara yaputaenexa.

<sup>20</sup> Poxonae came cataunxuae baxua yabara nanta xeina, José maituncuataba. Bapoxonae José amachinae tsita naitɔtatsi matatsunpin po matatsunpin Nacom itoroba. Matatsunpin namchiya jeye: “José, David pia pemomoxi susato jiwanapin tatsim, jopa junuwinde xua nepichiwa tsane María xua jinseuri neexanaewa tsane. Tsipei barapo pexuyo, po pexuyo naexanaena, apara Nacom pia Pejumope tɔnaxɔ tatsi pia pexuyo tatsi.

<sup>21</sup> Bapowa tanaexanaeinchi pexanto. Bapon wɔn dutsiname, po wɔn ‘Jesús’, jei. Barapo wɔn, wɔn dutsiname tsipei bapon pijimonaе capanepaena xua abe pia pexanae cuiru coyenein weya tatsi, xua daxota Nacom jopa petsitanexatsi xua barapomonaе pexeinaewa penatsicuentsiwa”, jei matatsunpin.

<sup>22</sup> Daxita baraxua exana penacui yabara jume wetsinexa pocotsiwa bayatha Nacom pia peitorobi jume pepaebin caena bayatha yabara tsiwɔnae muxu duta Nacom nexa, xua jeye:

<sup>23</sup> “Matha taema, yabɔyo pexuyo bɔpana taecatsi powa jopa peru nacoyabiyo pebin.

Yawa tanaexanatsi pexanto, po pexuyo wɔn dutatsi, po wɔn ‘Emanuel’, jei”,

jei Nacom pia peitorobi jume pepaebin.

(Barapo wɔn jei: “Nacom naca barɔ popona”, jei.)

<sup>24</sup> Poxonae José nacosataxuba, bapon exana pocotsiwa matatsunpin itoroba po matatsunpin Nacom itoroba. José María pitatsi.

<sup>25</sup> Bequein cae botha nabaɔ poponabe daichitha jopa came imoxoyo naperɔ cuicuinaeyobe beya poxonae pexanto tanaexanatsi. José pexuyo wɔn duta, po wɔn “Jesús”, jei.

## 2

*Meje yabara poxonae pomonaе opitei pecayabara wɔnae yaputaewi barapomonaе Jesús siwa poinchi xua petaenexatsi*

<sup>1</sup> Jesús naexana Belén tomaratha, Judea nacuatha. Barapoxonaerɔ Herodes pon Judea nacuapiwi pia peyanacua ewatsinchi popona barapo Judea nacuatha. Poxonae Jesús naexana pebiwi pata Jerusalén tomaratha. Barapomonaе opitei pecayabara wɔnae yaputaewi. Barapomonaе pia tomara tajɔ taenatsi ichaxota pocotsiwa xometo weecoina.

<sup>2</sup> Barapomonaе ichawa beya yayainyaba tsiniya, jeye:

—¿Exota naexana pexuyo, po pexuyo judiomonae itorobiya pia pepa peewatsinchi exanaeinchi poxonae pinyo tsane? Paxan payaputan xua bapon naexana xote tsipei bapon pia opiteito tatsi panaitomatsiya punaenaponan pata nacua werena, po nacuatha ichaxota pocotsiwa xometo weecoina. Papatan xua pata wɔnae jainchiwa tsane barapo pexuyo, jei.

<sup>3</sup> Herodes, pon Judea nacuapiwi pia peyanacua ewatsinchi poxonae bapon yabara jume tane xua ichɯn naexana pon jiwi itorobiya pia pepa peewatsinchi, bapoxonae bapon bichocono ɯnthɯthɯ deideijeji Irɯrɯ Jerusalén tomarapiwino daxita bichocono ɯnthɯthɯ deideijeji pejume taexae baxua.

<sup>4</sup> Nexata Herodes waba sacerdotemonae pia pentacaponae tatsi xua pia petanacae-tutsinexa tsainchi pia botha. Mataɯtano wabano pomonae jiwi pecuidubiwi Moisés pia peitorobi coyenewa tatsi. Daxita barapomonaetha Herodes yainyaba, jeye:

—¿Exota naexanaena Mesías, pon bepa pinae Nacom itorobei? jei Herodes.

<sup>5</sup> Barapomonaena jume nota, jeye:

—Bapon naexanaena Belén tomaratha, po tomara Judea nacuatha eca. Bapon naexanaena barapo tomaratha, tsipei Nacom pia peitorobi jume pepaebin caena bayatha tsiwɔnaeya yabara muxu dutsiya tina xua Mesías yabara, Nacom nexa. Nacom jeye:

<sup>6</sup> Belén tomara bequein po tomariyo tsiqui tomariyo jiwana tomara xua Judea nacuatha, daichitha Judea nacua pentacaponae yabara nanta xeinaena xua Belén tomara peainya cui tomariyo tsane.

Baxua nanta xeinaena tsipei barapo

tomariyotha naexanaena, pon jiwi

pia Pecanamataxeinaeinchi tatsi.

Xan Nacom bapon itorobin tamonaetha,

pomonae Israel nacuapiwixae,

xua bapon barapo israelmonae itorobiya

pia pepa Peewatsinchi tsainchi', jei Nacom,

xua Nacom tatinatsi pon Nacom peitorobi jume

pepaebin, jei sacerdotemonae irɯ pomonae jiwi

pecuidubiwi Moisés pia peitorobi coyenewa tatsi.

<sup>7</sup> Nexata Herodes namicha moyiya waba pomonae opitei pecayabara wɔnae yaputaewi. Herodes yainyaba barapomonaetha: “¿Eta poxonae yatsicaewa barapo opiteito paca tsita naitɯta?” jei bapon.

<sup>8</sup> Poxonae barapomonaena jume nota bapontha bapoxonae Herodes itoroba barapo pebiwi Belén tomara beya. Herodes jeye barapomonaetha:

—Paponare Belén tomara beya. Beta xanepanaya pajeire barapo pexuyo. Poxonae pataebiname barapo pexuyo, nexata pana netsipaebare, tsipei xan irɯ ponaein wɔnae tajainchinexa tsanerɯ barapo pexuyo, jei Herodes.

<sup>9</sup> Poxonae Herodes najume weta, barapo pebiwi bara ponarɯcɯpa, pomonae opitei pecayabara wɔnae yaputaewi. Bapoxonae po opiteito bayatha tane pia nacuatha, barapo opiteito jemeicha caewa naitɯtaba. Yawa barapomonaena matacapoinchi. Barapo opiteito ducuapona beya matapainya matatsun ducuatabica ichaxota barapo pexuyo boca.

<sup>10</sup> Poxonae barapo pebiwi tane barapo opiteito, barapo pebiwi bichocono jɯntɯ coyene weiweina.

<sup>11</sup> Barapomonaena bo jojoniya ichaxota tane barapo pexuyo xua pena barɯ ecatsi, barapowa María. Bapoxonae barapo pebiwi pentabocotontha ena xua barapo pexuyo wɔnae pejainchinexa tsainchi, tsipei barapoyo pon Pecanamataxeinaein peexanaexae tsainchi poxonae pinyo tsane. Bapoxonae barapomonaena piawan coibo isacapenta xua

cajijinca. Barapo pexuyo catsibatsi xuan pocotsiwa pewun oro nain. Catsibatsino xua pocotsiwa pewun incienso xua pocotsiwa tuxusi tuxuei benata poxonae tauta exana. Matautano muxuna catsibatsi icha petuxueiwa pocotsiwa pewun mirra xua pocotsiwa anaincuito.

<sup>12</sup> Bapoxonae pirapae barapo pebiwi maitumenaeya amachinae xua jopa bewa equeicha patsi tsane ichaxota Herodes eca. Daxota barapomonae pia nacua be-iyiya, icha namto iyiya.

*Meje yabara poxonae Jesusbarun panenebiya Egipto nacua beya*

<sup>13</sup> Poxonae barapo pebiwi ponarucupa bapoxonae Nacom itoroba matatsunpin Josetha. Matatsunpin tsita naitata poxonae José amachinae. Matatsunpin José baraichi, jeye: “Asiya uncuare. Pexuyo pire yawa coxiwano. Egipto nacua bebarun naetsiri-wiyama. Ecare barapo nacuatha, beya abun poxonae equeicha catsipaebinchi baxota. Tsipei Herodes pexuyo jeitsina pebexubinexa tsainchi pexuyo”, jeichichi José matatsunpin.

<sup>14</sup> Poxonae cataunxuae merawi, José nacosataxuba. José pexuyo pita, yawano José pita yabunyo María xua pexuyo pena tatsi. Daxita barapoyobe warapa Egipto nacua beya poxonae cataunxuae quirei tsuncuae.

<sup>15</sup> Barapo nacuatha, Egipto nacuatha, barapoyobe ecabe beya poxonae juinya Herodes tupa. Baxua José cana exanatsi xua bayatha Nacom pia peitorobi jume pepaebin petsiwanae yabara paebixae Nacom nexa xua jeye: “Waban Taxanto Egipto nacua weya”, jei Nacom pon pia peitorobi jume pepaebin Nacom nexa pon jiwi Pecanamataxeinaeinchi.

*Meje yabara poxonae Herodes itoroba, ichamonae itorobatsi xua pejutebinexatsi pexui*

<sup>16</sup> Poxonae Herodes yaputane xua pomonae opitei pecayabara wunae yaputaewi muxujainyabiya tsipaeba bapontha xua itara patapaeba, bapoxonae Herodes anaya bichocono anaepana. Nexata bapon itoroba, ichamonae itorobatsi xua pejutebinexatsi daxita pexui pebiwi wutixi, po pexui cataunxuae pencuetixi, po pencuetixi cataunxuae jopa yapu othopaeyo dos po weibe, irun po pexui xua bayatha yapu othopa dos po weibe. Barapon Herodes itoroba xua pejutebinexatsi barapo pexui pebiwi wutixi daxita poxi Belén tomara cuariya beya. Herodes baxua exana yaitama bayatha pomonae opitei pecayabara wunae yaputaewi yopita xua pinae tane pexuyo pia opiteito tatsi barapo dos po weibetha poxonae peputha tapon, opiteito peputha tatsi xua jinaebotha, poxonae Judea nacua beya pona.

<sup>17</sup> Baxua Herodes cana cui wetsiya exanatsi, xua bayatha Jeremías pon Nacom pia peitorobi jume pepaebin petsiwanae yabara paebixae, xua jeye:

<sup>18</sup> “Jume tan xua wecoyeyi Ramá tomaratha,  
po tomara eca imoxoyo Belén tomaratha.

Powa xua wecoyeyi, bapowa Raquel,  
powa bayatha tupa.

Bapowa Raquel pia pemomoxi susatopiwi siwa  
wecoyeyi, tsipei daxita tajutebatsi.

Barapowa jopa naitawanae copatsiyo tsipei  
pexui bayatha werapa bequein ichamonae jume  
matawenta”, jei Jeremías.

<sup>19</sup> Herodes bapoxonae pirapae tupa. Bapoxonae matatsunpin pon Nacom itoroba, José tsita naitatatsi poxonae José amachinae Egipto nacuatha. Matatsunpin jeye Josetha:

<sup>20</sup> “Natsixitabare. Pire barapo pexuyo yawa coxiwa María, pexuyo pena tatsi. Israel nacua beya caibe nawiyama. Tsipei bayatha werapa pomonae ichichipa xua barapo pexuyo pebexubiwatsi”, jei matatsunpin.



<sup>21</sup> Bapoxonae José natsixitaba. José pita pexuyo yawa coxiwa. Israel nacua beya caibe nawiya.

<sup>22</sup> José jume tane xua juinya pinae Arquelao naexana Judea nacuapiwi pia peyanacua ewatsin tatsi. Arquelao Herodes pexanto tatsi. Arquelao xuya peyanacua ewatsin naexana ichaxota bayatha coxiyan peyanacua ewatsin naexana bapon Herodes. Tsipei Arquelao eca Judea nacuatha daxota José junuwa xua peponaewa barapo nacuatha. Daxota José pona Galilea nacua beya, tsipei poxonae amachinae matatsunpin itoroba xua bewa pinae ponaena barapo nacuatha.

<sup>23</sup> Poxonae José patopa barapo nacuatha, bapoxonae popona po tomaratha, po tomara pewan Nazaret tomara. Baxua José cana cui wetsiya exanatsi, xua bayatha Nacom pia peitorobi jume pepaebiwi Jesús cayabara tsiwanae muxu dutsiya jeye: “Bapon wan dutinchi po wan jei: ‘Nazaret tomarapin’, jei”, jei barapo Nacom pia peitorobi jume pepaebiwi.

### 3

*Meje yabara poxonae Juan, pon Pebautisabin jiwi, cuiduba ira xuepana susato tsurucuae nacuatha*

*(Mr 1.1-8; Lc 3.1-9, 15-17; Jn 1.19-28)*

<sup>1</sup> Pirapae poxonae ainya wei yapucaewa, poxonae aban cataunxuae Jesús eca Nazaret tomaratha, bapoxonae Juan pon jiwi Pebautisabin patopa ira xuepana susato tsurucuae nacua beya xua Judea nacuatha. Bapon Juan Nacom Pejume Diwesi paeba ducuanabiya.

<sup>2</sup> Juan namchi: “¡Icha juntu coyene paxeinare Nacomtha painya neauraxae xua abe paexaname! Tsipei Nacom paca waba painya nenaexanaenexa piamonae tatsi jiwana pomonae Nacom itorobiya peewatsixae”, jei Juan.

<sup>3</sup> Barapo Juan apara bapon pon caena bayatha peyabara tinaexaetsi. Isaías pon Nacom pia peitorobi jume pepaebin, bapon caena bayatha yabara jume wanaeya tina, xua caena bayatha Juan yabara jume wanaeya tinatsi. Isaías jeye:

“Jume tan pon wawai ira xuepana

susato tsurucuae nacuatha.

Bapon wawaya jeye: ‘Patsi najuntu cui

coyene wanaere pon jiwi pia pepa

Pecanamataxeinaeinchi pia pepatopae wanaeya tsane’,

jei pon wawai”, jei Isaías petinae diwesitha.

<sup>4</sup> Juan jumaina duwein nabocoto, po duwein pewan camello. Coreinya bocoto maraina. Juan xane pocotsiwan yapupuna, pocotsiwan be sure, matautano bana daebano.

<sup>5</sup> Jiwi pata Jerusalén tomara weya, iruru pata xua daxita tomaranpiwi xua Judea nacua weya, iruru pata po tomaranpiwi xua imoxoyo Jordán mene weya. Barapomonae pata Juan pejume taenexatsi.

<sup>6</sup> Poxonae barapomonae nayopita Nacomtha xua bepa pinae Nacom tsita auratsi, xua abe peexanaexae, barapoxonae Juan bautisaba barapomonae Jordán mentha.

<sup>7</sup> Ichitha poxonae Juan tane xua nawita pata fariseomonae jiwana iruru xua saduceomonae jiwana pata ichaxota Juan bautisaba, Juan jeye barapomonaetha: “¡Paxam pomonae pemuxuitorobi jiwi pam! ¡Paxam be bara jomomonae pam, tsipei jomo ba cuitaya ducupa nawa! Bara paichim anoxuae, paichichipame Nacom pacuitaya ducupame xua abe paca exanaeyainwa. Jopa papanenebiyaem tsane bequein bara paca bautisabinchi tsipei jopa pajuntu coyene xanepanaem Nacomtha.

<sup>8-9</sup> Xaniwaicha pajinompare xain ichamonae paca cui tane, xua icha juntu coyene painya nexainaewa Nacomtha xua painya neauraxae xua abe paexaname. Tsipei



bequein paxam pajam: ‘Waxainchi Abraham pia pemomoxi susato jiwichixaetsi Nacom naca capanenebiya exanaena’, pajam, daichitha paxam jopa xaniwaicha pajume cowantsim Nacom. Daxota Nacom itacupatsi xua paca cui matawenta pia jopa paca nepaca capanenebiyaenexa tsane. Matautano barichino Nacom itacupatsi xua jiwi forotsinchi barapo ibotixi weya, po ibotixi xote Jordán mene itapatha bobena. Barapo jiwi naexanaena, po jiwi yatsicaewa Abraham pia pemomoxi susato jiwi tatsi, pomonae pejume cowantsiwixaetsi Nacom.

<sup>10</sup> Poxonae pebin naein uba sipari ba canacui wunaeta xua pecaucubobinexa po naein jopa nacoichiyo. Poxonae barapo naein ucuboba nantatsun eta xua petautsinexa isototha. Paxam bara paca juta ichiya paca cana exanaena. Nacom paca yabara nacui wunaeta xua paca bebai tsane isototha, ichaxota po isototha jopa cuinaya itacounayiyo tsipei Nacom jopa xanepanaya pata exanaem.

<sup>11</sup> Xan xaniwaicha paca bautisabatsi meratha painya neauraxae xua abe paexaname xua daxota icha juntu coyene painya nexenaewa tsane Nacomtha. Paca bautisabatsi meratha, ichitha nama pon tsiwanaya patopan, apara bapon Mesías. Bapon paca bautisabina Nacom pia Pejumope tñaxutha tatsi poxonae Nacom paca najumope catsibina. Bapon paca jiwana cui copatsinchi xua atene tsane Cristo pejume cowantsixaetsi xua ichamonae atene exanaena. Bapon bichocono peayapusu itorobi coyenewa xeina beyacaincha xan. Bapon pon jiwi pia Pecanamataxeinaeinchi. Daxota bapon bichocono tsita pin ura xeinan xua tataxu mu isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomonae amanaya petanacuichiwi pia pentacaponae wi poxonae baru cui itura jina pia pentacaponae wichi.

<sup>12</sup> Bapon pon patopaena bapon bayatha tsinacobenata po paparato xua trigo xu nexa. Bapon trigo xu tsanaya seicaya matapepe jehebapona. Trigo xu jehebapona trigo xu matabohta. Matapepe jehebapona petautsinexa isototha, ichaxota po isoto jopa cuinaya itacounayiyo. Bapon bara juta cana ichi tsane jiwitha icha trigo xu cana ichiya ichi. Jiwi Nacom tsana nobina pomonae pejume cowantsixaetsi pia nacuatha nexa. Ichamonae tsana nobinchi pomonae jopa pejume cowantsiwichi, petautsinexa isototha ichaxota xua jopa itacounayiyo”, jei Juan.

*Meje yabara poxonae Jesús bautisabatsi  
(Mr 1.9-11; Lc 3.21-22)*

<sup>13</sup> Nexata Jesús patopa ichaxota Juan uncuca Jordán mentha xua Galilea nacuatha. Jesús patopa xua Juan pebautisabinexa tsane.

<sup>14</sup> Copiya Juan juntucuru jume matawenta xua Jesús pebautisabiwatsi tsainchi tsipei anacuicaura. Juan jeye Jesustha:

—Xan apara pon xua tanantawenonaewa xua xam bewa jame tana nebautisabiwam tsane. Nama xan jopa bewa cabautisabi tsainchi, jei Juan.

<sup>15</sup> Ichitha Jesús jume nota:

—Anoxuae bara ‘je’ jande pocotsiwa xua xanepana, pocotsiwa ichichipan pocotsiwa xua xanepanaya exantsi pocotsiwa xua Nacom naca itoroba, jei Jesús.

Bapoxonae Juan jume jejei xua Jesús bautisabatsi.

<sup>16</sup> Nexata poxonae Jesús bautisabatsi, Jesús nainya mene wejuina. Bapoxonae nainya peitaboco nayausanaxuba. Jesús tane xua Nacom pia Pejumope tñaxu tatsi Jesús tapatopeicatsi, be topiboto yaruneica.

<sup>17</sup> Bapoxonae Jesús jume tane pocotsiwa peitaboco wetsipaebicatsi, jechichi: “Bapon apara Taxanto, pon bichocono antobein pon itapetan. Bapon nejuntu coyene weiweina exana”, jei Nacom.

## 4

*Meje yabara poxonae Jesús j̄unt̄a coyene j̄uj̄tatsi caurimonaē pia pentacaponaein tatsi xua Jesús abe coyeneya p̄taexanaenexa tsane*  
(Mr 1.12-13; Lc 4.1-13)

<sup>1</sup> Nexata Nacom pia Pejumope t̄nax̄a tatsi Jesús m̄atacayatsi ira xuepana susato tsurucuae nacua beya. Baxotiya caurimonaē pia pentacaponaein tatsi Jesús piraichi j̄unt̄a coyene j̄uj̄tatsi xua Jesús abe coyeneya p̄taexanaenexa tsane.

<sup>2</sup> Jesús j̄opa nabanaeyo baraxotiya cuarenta po m̄atacabibetha m̄atautano cuarenta po merawibetha. Poxonaē barapo m̄atacabin yapucaewaba bapoxonaē Jesús bi-chocono jainpa.

<sup>3</sup> Caurimonaē pia pentacaponaein tatsi imoxoyo patopa Jesth̄a. Bapon Jesús piraichi j̄unt̄a coyene j̄uj̄tatsi xua Jesús abe coyeneya p̄taexanaenexa tsane. Bapon Jesús baraichi:

—Icha xam yatsicaya Nacom Pexantom, netsita it̄are. Barapo iboton itorobare xain pan naexanapenta, jei caurimonaē pia pentacaponaein tatsi.

<sup>4</sup> Ichitha Jesús jume nota:

—Nacom Pejume Diwesitha namchi: ‘Jopa metha bepa meisa jiwi betiya una jinom-paetsipae pan. Bara ir̄a yawano Nacom Pejume Diwesi jiwi betiya yaj̄unt̄a cui coyeneya j̄unt̄emiya jinompa’, jei Nacom Pejume Diwesitha, jei Jesús.

<sup>5</sup> Nexata caurimonaē pia pentacaponaein tatsi Jesús m̄atacapoinchi Jerusalén tomara beya. Baxotiya Jesús Nacom pin pia botha pentatupa beicha capoinchi.

<sup>6</sup> Caurimonaē pia pentacaponaein tatsi Jesús baraichi, jeye:

—Icha bara xaniwaicha Nacom Pexanto tatsim, wenaxoreinque. Yaitama tsipei Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

Barapo matatsunpiwi asiya cawaetaboutsina pecobetha, xua j̄opa necataxu t̄saquituncuaenexa tsane ibototha, poxonaē wenaxorecame’, jei Nacom Pejume Diwesitha, jei caurimonaē pia pentacaponaein tatsi.

<sup>7</sup> Jesús jume nota, jeye:

—Barichi Nacom Pejume Diwesitha namchi, jeye: ‘Jopa j̄unt̄a coyene j̄uj̄tsiya w̄n̄caeinde Nacom pon j̄inya Necanamataxeinaein, xua necajume jejeiwa tsane xua necayawenaewa tsane poxonaē j̄opa xapain exanaem’, jei Nacom Pejume Diwesitha, jei Jesús.

<sup>8</sup> Equeicha caurimonaē pia pentacaponaein tatsi Jesús m̄atacapoinchi ichaxota po demxuwa bichocono atororo. Baraxotiya Jesús tsita it̄utatsi daxita nacuan xua barapo cae pin nacuathe. M̄atautano Jesús tsita it̄utatsi daxita nacuan pia peit̄upanae coyenewan.

<sup>9</sup> Caurimonaē pia pentacaponaein tatsi Jesús baraichi, jeye:

—Ichaunxuae nentabocototha uncuaename taitabaratha, xua m̄atautano ichaunxuae new̄nae jaintsiname xua nenanta xeinaewaxae xua xan j̄inya tacacanamataxeinaeinchi. Bapoxonaē barapo nacuan yawa muxuna nacuan pia peit̄upanae coyenewan, baxuan cacatsinchi xua j̄inya necanamataxeinaenexa barapo nacuan, jei caurimonaē pia pentacaponaein tatsi.

<sup>10</sup> Nexata Jesús jume nota:

—Xam pon caurimonaē pia pentacaponaem, bara nexubiriware. Yaitama Nacom Pejume Diwesitha namchi, jeye: ‘Meisa w̄nae jainde j̄inya Necanamataxeinaein Nacom.

Meisa bapon yatsicaewa taexande pocotsiwa caitoroba', jei Nacom Pejume Diwesitha, jei Jesús.

<sup>11</sup> Bapoxonae caurimonae pia pentacaponaein tatsi Jesús pia xainya weya tatsi nap-itaba. Matatsunpiwi pata Jesustha xua Jesús pecui matateicaenexa tsainchi, matautano xua peapatsinexa tsainchi.

*Meje yabara poxonae Jesús tamropata pitaba pia penacuichiwa Galilea nacuatha (Mr 1.14-15; Lc 4.14-15)*

<sup>12</sup> Poxonae Jesús jume tane xua Juan jiwi pecabi botha eca, bapoxonae Jesús pona Galilea nacua beya.

<sup>13</sup> Ichitha Jesús jopa ecaeyo Nazaret tomaratha, jame saya pona Capernaum tomara beya xua baxotiya pepoponaenexa. Barapo tomara eca, Galilea pucua itapatha ichaxota ainya nacuabe nacaquita ecabe po nacuiyo pewun Zabulón nacuiyo, yawa po nacuiyo iru pewun Neftalí nacuiyo.

<sup>14</sup> Pocotsiwa Jesús exana poxonae Capernaum tomaratha popona, baxua Jesús yabara nacui wetatsi xua caena bayatha Nacom pia peitorobi jume pepaebin, pon Isaías, pecayabara cui wunae tsiwunaeya tinaexae poxonae jeye:

<sup>15</sup> "Po ainya nacuabe pewun Zabulón nacuiyo matautano Neftalí nacuiyo, barapo nacuabe ecabe ichaxota po namtotha pucua imoxoyo caquita ducuiya.

Barapo nacuabe ecabe ichaxota po pin nacua, pewun Galilea nacua.

Barapo Galilea nacua icha muxunenetha eca xua Jordán mentha.

Barapo Galilea nacua weya jinompa pomonae jopa judiomonae naexanaeyo.

<sup>16</sup> Barapomonae caena bayatha jopa yaputaeyo Nacom, matautano caena bayatha jopa nayabara yaputaeyo xua muxu bara nama pewerapaeba abe peexanaexae. Daxita barapomonae be pocotsi jiwimonae poxonae pona pequireiwatha xua poxonae matautano jopa xeinaeyo xua penatsiwana itiyobiwa.

Daichitha daxita barapomonae nama jume cowantsina, xua jume cowantsinchi pon Nacom itoroba.

Bapon barapomonae juntu cui coyene babatsiya xanepanaya jinompaeya exanaeinchi ichi be jiwi ichi xua poxonae pin pecoichatha jinompa", jei Isaías, pon Nacom pia peitorobi jume pepaebin.

<sup>17</sup> Bapoxonae Capernaum tomaratha Jesús tamropata pitaba xua jiwi cuidubatsi. Jesús namchi, jeye: "Icha juntu coyene paxeinare Nacomtha, painya neauraxae xua abe paexaname. Tsipei Nacom paca waba painya nenaexanaenexa piamonae tatsi pomonae Nacom itorobiya peewatsixae", jei Jesús.

*Meje yabara poxonae Jesús waba cuatro poyobe pebiwi, pomonae duwei peyamaewi (Mr 1.16-20; Lc 5.1-11)*

<sup>18</sup> Jesús pona Galilea pucua itapatha. Jesús tane ponbe ainya caepipeweichobe. Ichun pewun Simón pon icha wunno Pedro. Ichun pewun Andrés. Baponbe duwei peyamon-aeinbe. Baponbe mentha yamonauyabe duwei pocotsiwatha xua peyamaewa.

<sup>19</sup> Nexata Jesús baraibe baponbe, jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cowantsiwa tsane Nacom icha bayatha paichimbe poxonae payamonamebe duwei nawita, jei Jesús.

<sup>20</sup> Nainya caena baraponbe peyamonawean xubotabe. Napuna ponabe Jesththa.

<sup>21</sup> Bapoxonae pirapae Jesús tane ichunbe, ponbe ainya caepipeweichobe. Ichun pewun Santiago. Ichun pewun Juan. Baponbe Zebedeo pexantobe tatsi. Baponbe jeratha paxa baru ecabe. Baponbe peyamonawean wunaetauyabe. Jesús waba, baponbe wabatsibe.

<sup>22</sup> Caena nainya jera xubotabe matautano paxa cuenta ponabe. Baponbe Jesús puna poinchibe.

*Meje yabara poxonae Jesús pin bicheitomonae cuiduba  
(Lc 6.17-19)*

<sup>23</sup> Jesús popona ducuaeta daxita Galilea nacua beya. Bapon cuiduba ducuaeta daxita judiomonae pia penacaetutsi bontha tatsi. Jesús paeba ducuaeta Nacom pia pexeinya jume diwesi tatsi, po diwesi yabara xua Nacom waba jiwi, petanaexanaenexatsi piamonae pomonae Nacom juntu coyene itorobiya ewata. Matautano Jesús axaibi exana jiwi xua daxita carepaya xoxi atene barapomonae yawa xua faefaena peatenexae.

<sup>24</sup> Pin bicheitomonae jiwi jume tane xua juinya Jesús exana daxita carepaya Siria nacuaatha. Barapomonae pomonae pejume taexae xua Jesús exana, barapomonae capona daxita pomonae domaebatsi, yawa pomonae peatenexae, matautano pomonae caurimonae xeina, matautano pomonae amameibatsi, matautano pomonae mabatsi. Jesús axaibi exana daxita barapomonae.

<sup>25</sup> Pin bicheitomonae jiwi Jesús puna poinchi pomonae Galilea nacua weya pona. Iruru Jesús puna poinchi pomonae Decápolis nacua tomaran weya pona, iruru pomonae Jerusalén tomara weya pona, iruru pomonae Judea nacua weya pona. Iruru Jesús puna poinchi pomonae jinompa ichaxota po nacua eca imoxoyo Jordán mentha xua icha muxunenetha xua tajuthiya.

## 5

*Meje yabara poxonae Jesús cuiduba jiwi demxuwatheicha*

<sup>1</sup> Poxonae Jesús tane barapo pin bicheitomonae, bapoxonae Jesús pona demxuwatheicha. Matautano Jesús baxoteicha eca. Bapoxonae Jesús pijimonae matawacaicha nacaetutarucupatsi pomonae pia pepuna ponaewichi.

<sup>2</sup> Jesús tamropata pitaba xua diwesi cuiduba barapo pin bicheitomonae.

*Meje poxonae Jesús yabara cuiduba pomonae pejuntu coyene weiweinae jiwi  
(Lc 6.20-23)*

<sup>3</sup> Jesús barai barapo pin bicheitomonae pomonae pijimonaexae tatsi, jeye: “Maisa bichocono juntu coyene weiweina pomonae yaputane xua Nacom pecanantawenonaewatsi xua xanepanaya pejinompaewa tsane. Tsipei barapomonae naexanaena Nacom piamonae pomonae Nacom juntu coyene itorobiya ewata.

<sup>4</sup> “Maisa bichocono juntu coyene weiweina pomonae bequein anthuthurewe xua siwa wecoyei petaexae xua ichamonae abe cana exana jiwitha. Daichitha barapomonae Nacom cui matateicaena, barapomonae cui matateicaeinchi xua anthuthurewe, xua ichamonae siwa wecoyeichi.

<sup>5</sup> “Maisa bichocono juntu coyene weiweina pomonae Nacom bichocono pebaru cui itura jinaewatsi xua jopa Nacom yabara ajuntucoyenetsacatsi. Barapomonae nama patsina pena iratha po ira Nacom bayatha yabara paeba.

6 “Maisa bichocono jũntũ coyene weiweina pomonae ichichipa nawita xua exaneiba xua Nacom ichichipa, pexeinaenexa tsane pejũntũ coyene xanepanaewa Nacomtha xua Nacom jopa petsitanexatsi xua barapomonae pexeinaewa penatsicuentisiwa xua abe peexanaexae bapontha. Barapomonae yawenatsi, Nacom yawena xua barapomonae pexeinaenexa tsane barapo coyene.

7 “Maisa bichocono jũntũ coyene weiweina pomonae nantanuweya pecayabara cui cananta xeinaewi xua ichamonae peyawenaenexatsi. Barapomonae xuya Nacom nantanuweya cayabara cui nanta xeinaena xua peyawenaenexa tsane.

8 “Maisa bichocono jũntũ coyene weiweina pomonae pejũntũ xeicae jiwi xua pomonae jopa pecayabara nanta xeinaexae abe peexanae cuiru coyene. Barapomonae Nacom necotsinchi.

9 “Maisa bichocono jũntũ coyene weiweina pomonae jũntema pejinompaexae xua peyawenaexae xua irũ ichamonae jũntema jinompa peexanaexaetsi pomonae copiya abe nata exaneiba. Barapomonae pomonae jũntema pejinompaexae Nacom unuta ‘Tapexui’, jei Nacom.

10 “Maisa bichocono jũntũ coyene weiweina pomonae bequein bara aperutane exainchi mataũtano bequein bara anthũthũtane exainchi, xua amsiya xaniwaicha peexanaexae pocotsiwa Nacom itoroba. Barapomonae nama Nacom pijimonae tatsi naexanaena pomonae Nacom jũntũ coyene itorobiya ewata.

11 “Maisa bichocono pajũntũ coyene weiweiname poxonae bequein bara ichamonae abeya paca yabara paeba, poxonae bequeinno abe pacata exana, mataũtano poxonae bequeinno canaerabiya paca yabara paeba tapaneantobemxaem.

12 Pajũntũ coyene weiweinare. Mataũtano jũntema painompare tsipei Nacom paca catsina pia pexeinya peitũpanaewan pocotsiwan Nacom paca jũntana jeba pia nacuatheicha. Icha ichamonae abe pacata exana payabara nanta xeinare, matha caena barichi poxonae ichamonae abe exana pomonaetha pomonae Nacom pia peitorobi jume pepaebiwi. Barapomonae caena bayatha jinompa poxonae paxam cataunxuae jopa pajinompaem”, jei Jesús.

*Meje yabara poxonae Jesús diwesi paeba xua sare yabara yawa xua pecoicha yabarano (Mr 9.50; Lc 14.34-35)*

13 Equeicha Jesús barai barapo pin bicheitomonae, pomonae pijimonaexae tatsi jeye: “Sare beno bara beno wũnae. Ichitha icha barapo sare beno jopa abenataeyo bapoxonae jopa peitacũpaewatsi xua equeicha peabenataewa. Bapoxonae jiwi barapo sare beno xuba iratha. Mataũta beno taxunaunaba iratha. Paxam pomonae tamonae pam be bara jũtiya ichiya pam, icha sare beno cana ichichi. Paxam payawende jiwi pomonae jinompa barapo cae pin nacuathe xua daxita jiwi jopa abe peexanaewa tsane. Ichitha icha barapomonae jopa xapain payawenaem tsane, Nacom bara paca bebai tsane. Tsipei jopa wũnae pam, Nacom bara paca bebai tsane icha jiwi ichi poxonae bebai sare beno mataũta xua beno taxunaunaba, tsipei jopa abenataeyo.

14 “Icha pecoicha ichi poxonae pentha xua poxonae baxota jiwi yawenatsi, paxam bara jũta ichiya paichim poxonae beta painompare. Barapocotsi coyenewatha jiwi payawenae xua beta jinompa. Po tomara ba demxuwatha eca, barapo tomara ba jiwi tajũ tane. Bara paca yabara jũta coyene ichi, jiwi paca tane xua poxonae beta painya nejinompaewa.

15 Jiton dapon ba aibi xua pon pecoicha coicha exana xua pecoicha matacatetsinexa corototha. Jame, asiya coicha exanatsi xua pecoicha taenexa pomonae bomũxũtha ena.

16 Bara paca yabara jũta coyene ichi xua jiwi peitabaratha tatsi. Beta painompare xua jiwi painya nepaca cataenexa xua xanepanaya paexaname painya neantobemxae Nacom. Bapoxonae barapo jiwi Nacom wũnae jainchinchi, pon painya Axa, pon itabocotha eca”, jei Jesús.



*Meje yabara poxonae Jesús jiwi yabara cuidubatsi Moisés pia peitorobi diwesi jume*

<sup>17</sup> Equeicha Jesús barai barapo pin bicheitomona, pomona pijimonaexae tatsi, jeye: “Jopa pananta xeinaeinde xua xan patopeican xua apara Moisés pia peitorobi diwesi jume tacana exanaewa tsane xua jiwi jopa equeicha pecanantawenonaewa tsane barapo Moisés pia peitorobi diwesi jume xuano iru bara cana ichin tsane pomona Nacom pia peitorobi jume pepaebiwi pia pecuidubiwan tatsi. Jame apara patopeican tanayabara jume cui yabara wetsinexan tsane pocotsiwa caena bayatha neyabara tsiwuna paeba po diwesi Moisés pia peitorobi coyenewa tatsi, irano Nacom pia peitorobi jume pepaebiwi pia penacuidubiwan jumeintha.

<sup>18</sup> Bara xaniyeya paca tsipaebatsi poxona cataunxuae barapo itaboco ducue, matautano poxona cataunxuae barapo ira ducue, Moisés pia peitorobi diwesi jopa weraweracae tsane. Matautano jopa cae itanetiyo aichurucuae tsane beya poxona wetsina pocotsiwa bayatha Nacom tsiwuna yabara paeba xua wetapaeba.

<sup>19</sup> Pon yabara nanta xeina pecuidubinexa ichamonaetha xua tsita jume ita xexenatsi Nacom pia peitorobi coyenewa bequein saya po peitorobi coyenewiyo peya itorobi coyenewiyo, bapon xuya, Nacom pia nacuatheicha cana juntu cui ita xexenecaeinchi. Ichitha nama pomona cuiduba ichamonaetha Nacom pia peitorobi coyewan, matautano xua exana pocotsiwa Nacom itoroba, barapomona peainya cui jiwi tsane Nacom pia peitorobi nacuatheicha tatsi.

<sup>20</sup> Paca tsipaebatsi jame bewa juntu coyene xanepanaya paexaneibiname ichamonaetha be pocotsi coyeneya xua Nacom paca itoroba, beyacaincha poxona exana pomona pecuidubiwi Moisés pia peitorobi coyenewa tatsi, matautano xua poxona beyacaincha jinompa fariseomona. Icha jopa yatsicaewa beta juntu coyene xanepanaya paexanaem tsane beyacaincha xua poxona barapomona itara mexeya wunaeya exana, jopa papatsim tsane Nacom pia peitorobi nacia beicha tatsi”, jei Jesús.

*Meje yabara poxonae Jesús yabara cuiduba xua peanaepanae cui coyene*

*(Lc 12.57-59)*

<sup>21</sup> Equeicha Jesús barai barapo pin bicheitomona, pomona pijimonaexae tatsi, jeye: “Paxam pajume taneme pocotsiwa Moisés namchi painya amo susato jiwitha, jeye: ‘Jopa ichun anaya bexubinde. Tsipei pon xua ichun bexotsi, ichamona yabara paebina xua bapon natsicuenta xua abe peexanaexae’, jei.

<sup>22</sup> Ichitha nama seicaya paca tsipaebatsi xua pon caseba ichantha ichamona yabara paebina xua bapon natsicuenta xua abe peexanaexae. Iruru pon biatane ichantha ichamona yabara paebina xua bapon natsicuenta xua abe peexanaexae. Pomona pecanamata caitorobi bicheito bapon yabara paebinchi xua bapon natsicuenta tsipei bapon bichocono unthathu anaepana. Matautano iruru pon namchi xua ichun jeichichi: ‘Xam nabeneame’, jei pon, bapon xubinchi po nacia beya ichaxota isoto bapana jopa itacounayiyo.

<sup>23-24</sup> “Equeicha paca tsipaebatsi. Ichacuitha ichun duwein becapona ichaxota xua be pexaethopaewa xua tuxusi exana Nacom nexa poxona tauta. Poxona cataunxuae jopa exanaeyo baxua, matha copiya tsiwanaya yabara nanta xeinaena pocotsiwa icha metha bayatha abe exana ichantha. Matha be ichi tsane meje xuaje: Bu abu cataunxuae bota pocotsiwa pia pecatuxusi exanaewanexa xua Nacom nexa. Matha copiya bewa ponaena ichun beya xua pia penaita coxone exanaewa tsanebe. Bapoxona bapon caibeya bewa ponaena xua duwein petuxusi exanaewa tsane Nacom nexa poxona tauta.

<sup>25</sup> “Icha ichamona be paca itoroba paca necacaponaenexa pontha pon jiwi peyabara paebin penatsicuentisiwa, nexata patsipaebare barapomona, poxona cataunxuae namtotha paca baru pona xua painya nenaita coxone exanaewa tsanebe. Xain bapoxona barapomona jopa paca caponaebe tsane pontha pon jiwi peyabara paebin

penatsicuentisiwa. Tsipei icha barapomonaē bara beya paca caponaetsipa, bapoxonaē pon jiwi peyabara paebin penatsicuentisiwa equeicha dabeya policiamonae beya paca itorobichipa. Bapoxonaē nama policiamonae jiwi pecubi bo beya paca itorobichipa.

<sup>26</sup> Bara xaniyeya paca tsipaebatsi. Paxam jopa paca pu copabi tsane jiwi pecubi bo weya, beya ab<sub>u</sub> poxonaē pana pu matomacaename daxita paratixi cuntha po paratixi xua paxeiname”, jei Jesús.

*Meje yabara poxonaē Jesús yabara cuiduba xua jiton pita, powa ich<sub>u</sub>n piowa tatsi, powa bequein piseuri xeina taetha*

<sup>27</sup> Equeicha Jesús barai barapo pin bicheitomonaē, pomonaē pijimonaexae tatsi, jeye: “Paxam pajume taneme xua Moisés pia peitorobi coyenewan xua jeye caena bayatha: ‘Jopa ichowa pichinde powa ich<sub>u</sub>n piowa tatsi, powa piseuri xeina taetham’, jei Moisés.

<sup>28</sup> Ichitha nama xan paca tsipaebatsi. Icha pebin tane petsiriwa, yawa nanta xeinaeya jeye: ‘Barapowa ichichipan taisa maituncuaewa tsane, bequein bapowa jopa taseuriyo’, jei, bapoxonaē barapara abe exana Nacomtha, icha be pocotsi coyene ichi, poxonaē pita yab<sub>u</sub>yotha powa jopa bequein piseuriyo tatsi.

<sup>29</sup> “Bara xaniyeya paca tsipaebatsi. Icha po itamaiqueito painya necoxa werena ducua icha barapo itamaiqueito paca exana xua abe painya neexanaewa tsane panaitamaiquei jucua, barapo itamaiqueiton yawa taj<sub>u</sub> beya pabebande. Metha w<sub>u</sub>nae xua painya nebebeiwa tsane cae itamaiqueitoxi xua Nacom pia nacua beicha cae itamaiqueitoxi painya neyawa patsinexa. Baxua jame w<sub>u</sub>nae yatsicaewa, beyacaincha xua poxonaē painya pepon ompin paca bebai tsane ichaxota po nacuatha isoto bapana jopa itacounayiyo.

<sup>30</sup> Barichi icha painya necobe, po cobe painya necoxa weya, icha barapo cobe paca exana xua abe painya neexanaewa tsane panacobe ucubobare, yawa taj<sub>u</sub> beya pabebande. Metha w<sub>u</sub>nae xua cae cobexi painya nebebeiwa tsane, xua cae cobexi painya neyawa patsinexa Nacom pia nacua beicha. Baxua jame w<sub>u</sub>nae beyacaincha xua poxonaē painya pepon ompin paca bebai tsane ichaxota po nacuatha isoto bapana jopa itacounayiyo”, jei Jesús.

*Meje yabara poxonaē Jesús yabara cuiduba xua jiwi piseurixi pepunapenteibiyainwa (Mt 19.9; Mr 10.11-12; Lc 16.18)*

<sup>31</sup> Equeicha Jesús barai barapo pin bicheitomonaē, pomonaē pijimonaexae tatsi jeye: “Caena bayatha Moisés pia peitorobi jume diwesitha namchiya jeye: ‘Pon punaxuba piowa peichaxaibixae xua pocotsiwa bapowa exana, bapon barab<sub>u</sub> piowa catsina papera, po paperatha tina xua pexubiwa tsane piseuri’, jei barapo Moisés pia peitorobi coyenetha.

<sup>32</sup> Ichitha nama seicaya icha coyeneya paca tsipaebatsi. Icha pebin piowa punaxuba xua saya peichaxaibixae poxonaē bequein bapowa jopa nasi cui coyene exanaeyo bapoxonaē Nacom tsita abetsi xua bapon cana exana piseuritha. Tsipei bapon cana exana piowa xua piseuri tatsi nasi cui matacaeta xua weiweina pebiwitha. Barichi pon pita petsiriwa, powa piseuri pepunaxubixae, bapon barichi pia coutha abe natsiexana, tsipei Nacom ichowa yabara nanta xeina xua bapowa cataunxuae ich<sub>u</sub>n piowa tatsi bequein punaxuba”, jei Jesús.

*Meje yabara poxonaē Jesús yabara cuiduba xua jiwi xainyeya penacui w<sub>u</sub>nae tsiw<sub>u</sub>naeya yabara paebiwa xua peexanaewa pocotsiwa exanapaeba*

<sup>33</sup> Equeicha Jesús barai barapo pin bicheitomonaē, pomonaē pijimonaexae tatsi, jeye: “Bayatha pajume taneme xua painya amo susato jiwi tsipaebatsi, xua Moisés tsipaeba. Moisés jeye: ‘Paxam jopa bewa naerabiya pana cui w<sub>u</sub>nae tsiw<sub>u</sub>naeya yabara paebim tsane xua painya neexanaewa pocotsiwa paexanapaebeibame xua Nacom



peitabaratha tatsi. Ichitha jame bewa bara xainyeya paexaneibiname pocotsiwa papaebeibame xua Nacom peitabaratha tatsi', jei Moisés pijimonaetha.

<sup>34</sup> Ichitha xan seicaya icha coyeneya paca tsipaebatsi. Poxonae jiwi peitabaratha tatsi pana nacui w<sub>h</sub>nae tsiw<sub>h</sub>naeya xainyeya yabara paebiname pocotsiwa xua paexanapae-bame bara moya baxua paexande, xua jiwi pia painya nepaca cajume cow<sub>h</sub>ntsinea. Jopa yawa muxuna icha jumein papaebinde. Jopa pajande ich<sub>h</sub>ntha: 'Bara xaniyan xua exanaein. Nacui w<sub>h</sub>nae tsiw<sub>h</sub>naeya xaniyeya yabara paeban Nacom peitabaratha xua exanaein', jopa pajande. Matautano jopa pajande: 'Bara xaniyan. Baraxua paeban po w<sub>h</sub>ntha xua Nacom pia nacua w<sub>h</sub>ntheicha tatsi', jopa pajande baxua, tsipei Nacom bara xoteicha eca pia pexeinya equeibithopeibiwa tatsi ichaxota bapon ewatsiya itorobeibeca jiwi.

<sup>35</sup> Matautano barapocotsi coyenewa jopa bewa pana cui w<sub>h</sub>nae tsiw<sub>h</sub>naeya yabara paebim ich<sub>h</sub>ntha xua ira yabara. Tsipei barapo ira apara Nacom pia ira. Barapo iratha nataxu y<sub>h</sub>yuteca. Barichi matautano barapocotsi coyenewa jopa bewa pana cui w<sub>h</sub>nae tsiw<sub>h</sub>naeya yabara paebim ich<sub>h</sub>ntha xua Jerusalén tomara yabara, tsipei barapo tomara, po tomaratha ichaxota Nacom popona pon jiwi itorobiya pia pepa Peewatsinchi.

<sup>36</sup> Matautano barapocotsi coyene jopa bewa pana nacui w<sub>h</sub>nae tsiw<sub>h</sub>naeya yabara paebim ich<sub>h</sub>ntha xua painya nentasipa yabara. Saya meisa Nacom paca yabara matasipa yaputane. Pomonae pam xua pewowi pam xua pantana tsaebiam jopa paca itac<sub>h</sub>paeyo xua equeicha pantana inyapaname. Matautano pomonae pam pomonae amomonae pam xua pantana inyapaname jopa itac<sub>h</sub>paetsi xua equeicha pantana tsaebiam. Matautano jopa baxua daichiyo xua caentanatoxitha. Saya meisa Nacom itac<sub>h</sub>patsi xua cana exana baxua.

<sup>37</sup> Saya meisa barapo jumethabe patsipaebare ich<sub>h</sub>ntha ichaxota po jumetha jei 'Je, bara exanaein', jei, matautano ichaxota po jumetha jei 'Jume jopa exanaein tsane', jei. Tsipei poxonae pamuxuna paebame poxonae pana tsiw<sub>h</sub>nae yabara paebame ichamonaetha Nacom pia w<sub>h</sub>ntha tatsi xua painya neexanaewa pocotsiwa paexanapae-beibame baraxua apara caurimonae pia pentacaponaein tatsi paca tsimuxu duba xua painya nepaebiwa baxua", jei Jesús.

*Meje yabara poxonae Jesús yabara cuiduba xua penayantomocae coyene  
(Lc 6.29-30)*

<sup>38</sup> Equeicha Jesús barai barapo pin bicheitomonae, pomonae pijimonaexae tatsi, jeye: "Paxam pajume taneme xua bayatha Moisés paeba xua jeye: 'Pon itamaiquei esanopa ich<sub>h</sub>n peitamaiqueito, bapon xuya bewa itamaiquei esanopaeinchi. Matautano pon xua wano teranopa, xua ich<sub>h</sub>n wano teranopatsi, bapon xuya wano teranopaeinchi', jei.

<sup>39</sup> Ichitha nama icha coyeneya paca tsipaebatsi: Jopa xuya pebin pacaitacueinchinde poxonae paca caitacueinta, pon peaitabein. Matautano icha ich<sub>h</sub>n paca jumata tsaquinopa pecobetha, moya equeicha icha jumata pana najumata caeware xua painya necajumata tsaquinopaenexa.

<sup>40</sup> Icha ich<sub>h</sub>n paca yabara yopichiya paeba pontha pon jiwi peyabara paebim xua penatsicuentiwa xua painya nentoma amanayabixae bapon, bapoxonae bara pacare xua paca itoroba. Icha painya camisa pacata pita bara yawa muxuna pacare camisa po camisa peam<sub>h</sub>tiy<sub>h</sub> camisa, po camisa xua athawe peruyaewa.

<sup>41</sup> Icha soldadomonae paca itoroba xua jeye: 'Painta caponde pocotsiwa arewe xua saya cae kilómetro beya', jei, bara moya pacaponde pocotsiwa arewe xua equeicha icha cae kilómetrono pantaropatabare.

<sup>42</sup> Daxita coyenexi pocotsiwa ichamonae paca w<sub>h</sub>ca, moya bara pacaichabeibare. Pon paca nacowaeta painyawa moya bara patsicobe copabare. Jopa paasiwinde painyawan", jei Jesús.

*Meje yabara poxonae Jesús yabara cuiduba xua jiwi bewa antobe pomonaetha pomonae pia peaitafaetabi jiwichi*

*(Lc 6.27-28, 32-36)*

<sup>43</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Matautano pajume taneme xua caena bayatha Moisés namchi, xua jeye: ‘Paantobeinde pomonae painya jiwi. Matautano pacasebare pomonae painya nepaca caaitafaetabi jiwi’, jei xua Moisés paeba.

<sup>44</sup> Ichitha icha coyeneya paca tsipaebatsi: Paantobeinde pomonae bequein painya nepaca caaitafaetabi jiwi. Matautano Nacomtha patawucare pomonae bequein abe pacata exana.

<sup>45</sup> Icha paexanaename daxita barapo coyenexi bapoxonae yatsicaewa Nacom pi- amonae tatsi pam tsane. Bara paichim tsane icha be painya Axa ichi pon Na- com, pon peitabocotha peecaexae xua daxita jiwi antobetsi. Nacom xometo pentha taexana daxita jiwi pomonae pejuntũ coyene xanepanae jiwi nexa irũũ pomonae peajuntũcoyenebe jiwi nexa. Matautano Nacom ema taitorobicano daxita jiwi pomonae xaniwaicha pejuntũ coyene xeicae jiwi nexa irũũ pomonae peajuntũcoyenebe jiwi nexano.

<sup>46</sup> Icha saya meisa paantobem pomonae painya nepaca antobexae, Nacom jopa paca cui yabara matomacae tsane. Tsipei irũũ barapo coyene exana pomonae paratixi pentoma noteibiwi po paratixi jiwi bewa catsibina pon romanomonae itoro- biya pia pepa peewatsinchi nexa, bequein jiwi yabara nanta xeina xua bapomonae peajuntũcoyenebewi. Barapomonae antobe pomonae xua pia peantobewixaetsi.

<sup>47</sup> Matautano icha saya meisa painyamonae pajacobame pomonae irũ pejume cowantsiwi poxonae paca siwa pona, xuano xua jopa pajacobim ichamonae, pomonae jopa pejume cowantsiwi, barapo coyene jopa xanepanaeyo. Tsipei pomonae Nacom jopa peyaputae jiwi, barapomonae irũ ba jacobia piamonae. Ichitha nama bewa toxeinchiya pananta xeinaem beyacaincha barapomonae poxonae nanta xeina.

<sup>48</sup> Daxota paxam bewa bichocono xaniwaichiya beta painompaem. Matautano xua caewiyo jopa bewa paexanaem tsane xua peabe coyenewa. Barapocotsi jũta coyeneya paichim tsane icha painya Axa ichi pon Nacom, pon peitabocotha peecaexae xua bichocono xaniwaichiya beta popona. Matautano bapon caewiyo jopa exanaeyo peabe coyenewa”, jei Jesús.

## 6

*Meje yabara poxonae Jesús jiwi yabara cuidubatsi xua jiwi xanepanaya peexanaewan*

<sup>1</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Poxonae paxam paexaname pocotsiwan xua ichamonae tsita xanepanatsi xua Nacom paca itoroba, bapocotsiwan paexande xua Nacom painya nepaca cacuitaenexa. Saya meisa jopa paexanaeinde xua jiwi ƚ painya nepaca cacuitaenexa xanepanaeya painya nepaca cayabara paebinexa. Icha bapocotsi coyeneya paexanaetsipame nexata painya Axa Nacom pon itabocotha peecaexae jopa paca catsitsipae pocotsiwa paca yabara cui coyene matomacaewa tsipei jopa paexanaetsipaem Nacom nexa.

<sup>2</sup> “Daxota poxonae peacopeibiwi xoxi pacatsibeibame jopa ichamonae patsipaebinde xua baxua painya neexanaexae. Jopa barapocotsi coyeneya bara paichinde icha be pomonae pemuxutorobiwi ichi, poxonae itara mexeya pomonae xanepanaya pepae- biwi. Tsipei barapocotsimonae saya ichawa beya paeba xua pinae yawena nawita peacopeibi jiwitha. Barapomonae matha jiwi wabeibatsi xua barapomonae pejume taenexa tsainchi, bapoxonae judiomonae pia penacaetutsi botha yawa namtontha baxua yabara paeba nawita xua pinae yawena nawita pomonaetha pomonae pea- copeibi jiwi. Barapomonae baxua exana pia xua jiwi beta yabara nanta xeinaetsi, pia xua jeichi jiwi: Maisa barapomonae betiya exana, xua pejeinexa jiwi. Ichitha

xaniwaicha paca tsipaebatsi, barapomonae xeina pia pecui yabara matomacaewatsi poxonae jiwi baxua caunuta tsipei jopa moicha exanaeyo Nacom nexa.

<sup>3-4</sup> Ichitha poxonae paxam payawenname peacopebiwi namicha moicha pacare barapomonaetha xua painya jiwimonae jopa paca necacui taenexa. Matautano poxonae Nacom painya Axa paca tane poxonae namicha moicha paexaname baxua bapoxonae bapon Nacom paca catsina pocotsiwa pia pecui yabara matomacaewa”, jei Jesús.

*Meje yabara poxonae Jesús jiwi yabara cuidubatsi po coyene xua Nacom pewucaewatsi (Lc 11.2-4)*

<sup>5</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Poxonae Nacom pawucame, jopa barapocotsi coyeneya paexanaeinde icha be pomonae pemuxitorobiwi ichi, pomonae itara mexeya beta pepaebiwi. Barapomonae saya ichichipa xua jiwi pecui taenexa poxonae barapomonae Nacom wucatsi. Barapomonae ichichipa umena pewucaenexa Nacomtha judiomonae pia penacaetutsi bontha tatsi xua matautano barichino namtontha. Barapomonae baxua exana xua pecui taenexatsi xua ichamonae pecui taenexa. Bara xaniyei paca tsipaebatsi. Barapomonae barompaya xeina pia pecui yabara matomatsiwatsi poxonae jiwi yabara paeba xua barapomonae pinae bara xanepanaeya exana. Nama bapoxonae Nacom jopa catsiyo pia pematomatsiwa barapomonaetha tsipei barapomonae jopa moicha exanaeyo Nacom nexa.

<sup>6</sup> Ichitha poxonae Nacom pawucame, barompaya painya tutu beya paponde yawa bomuxu tutu pacoibo xatababare. Bapoxonae painya Axa Nacom baraxotiya patsipaebare. Painya Axa paca yanta compa yawa daxita paca cui tane pocotsiwa namicha paexaname. Bapoxonae bapon Nacom paca catsina pocotsiwa pia paca yabara cui matomacaewa, xua beta painya neexanaexae poxonae Nacom patsipaebame.

<sup>7</sup> “Poxonae Nacom patsipaebame, jopa equeicha matowa patsipaebinde po jumetha xua po jume jopa paca yawenaeyo. Jopa bara paichinde icha be pocotsimonae ichi pomonae jopa peyaputaewi Nacom. Barapomonae nanta xeina xua bara Nacom jume tane pocotsiwa barapomonae tsipaeba xua matowa pepaebixae.

<sup>8</sup> Nexata jopa barapocotsi coyeneya bara paichinde icha be poxonae barapomonae icha ichi. Tsipei painya Axa Nacom bara yaputane pocotsiwa painya nenantawenonawam, xua beya poxonae pawucame Nacom.

<sup>9</sup> Daxota Nacom patsipaebare, paichinde:

‘Pata Taxam, xam ponxaem peitabocotha athabeicha neecaein.

Barabu daxita jiwi cabaru cui itura jina nejuntu coyene xanepanaeinxae.

<sup>10</sup> Barabu jopaena matababi, po matababitha poxonae xam jiwi itorobiya ewatsiname barapo cae pin nacuathe.

Barabu jiwi exanaena pocotsiwa jinya neichichipae coyenewa xua barapo cae pin nacuathe tsique.

Barabu jiwi exanaena icha peitabocotha ichi xua exana pocotsiwa jinya neichichipae coyenewa.

<sup>11</sup> Daxita matababin pexaewa pana catsibeibare xua po pexaewa daxita matababin pata canantawenonaewa tsaibi tsane.

<sup>12</sup> Pana neyabara cui cana jantemainare xua abe pata catsita exanaewatsi.

Bapoxonae pana neyabara cui cana exaname xua

jopa equeicha pata catsita natsicuentisiwatsi  
 xua abe pata catsita exanaexaetsi.  
 Baraxua painta exande icha paichin ichamonaetha.  
 Tsipei paxan copiya payabara cui cana exanan  
 xua ichamonaexa jopa pana netsita natsicuentisiyo  
 xua abe pata tanetsita exanaexaexa.

<sup>13</sup> Jopa pana copatsinde xua abe pata exanaewa  
 tsane poxonaexa jiwi pana nejuntaxa coyene jujuta,  
 xua abe pata exanaewa tsane.

Ichitha pana necapanenebiya exande barapo abe  
 peexanaexa coyene weya', pajande poxonaexa  
 Nacomtha patsipaebame", jei Jesús.

<sup>14</sup> Equeicha Jesús barai barapo pin bicheitomonaexa, pomonaexa pijimonaexaexa tatsi,  
 jeye: "Tsipei icha paxam pacui yabara jantemaimaexa pocotsiwa ichamonaexa pacata abe  
 exana, nexata xuya painya Axa Nacom pon peitabocotha peecaexaexa, xuya paca cui  
 yabara jantemaimaexa pocotsiwa abe paexaname.

<sup>15</sup> Ichitha icha paxam jopa pacui yabara jantemaimaexa pocotsiwa ichamonaexa abe  
 pacata exana, nexata xuya painya Axa Nacom jopa paca cui yabara jantemaimaexa  
 tsane pocotsiwa abe paexaname", jei Jesús barapo pin bicheitomonaetha pomonaexa  
 pijimonaexaexa tatsi.

*Meje yabara poxonaexa Jesús yabara cuiduba po coyene peyabara nainbotsi cui coyenewa*

<sup>16</sup> Equeicha Jesús barai barapo pin bicheitomonaexa pomonaexa pijimonaexaexa tatsi,  
 jeye: "Poxonaexa paxam payabara nainbotame xua Nacom beta painya newucaenexa  
 tsane, jopa bara jata ichiya coyeneya paexanaexaexa inde icha be pomonaexa ichi pomonaexa  
 itara mexeya betiya peexanaexaexa daichitha abe exana. Barapomonaexa piyain itabara  
 aenaenaca xua poxonaexa bequein peyabara nainbotsiwatha Nacom. Barapomonaexa jopa  
 nanta cachetsiyo yawa jopa naitabara quiatsiyo. Barapomonaexa ichipa xua ichamonaexa  
 yaputane xua barapomonaexa cou bara nainbota. Bara xainyeya paca tsipaebatsi xua  
 barapomonaexa bayatha xeina barompaya pia peyabara cui matomacaewatsi xua pox-  
 onaexa jiwi yabara wanaexa jainta xua barapomonaexa cou bara nainbota.

<sup>17</sup> Ichitha paxam poxonaexa payabara nainbotame, xua Nacom betiya painya  
 newucaenexa tsane, pana naitabara iquicare yawa beta pananta caichere.

<sup>18</sup> Bapoxonaexa jiwi jopa paca cui yaputane tsane xua paxam bara cou payabara nain-  
 botame. Namicha painya netsita exanaexaexa Nacom barapo coyene. Meisa saya painya  
 Axa Nacom paca cui yaputane, tsipei daxita yaputane pocotsiwa namicha paexaname.  
 Bapon paca catsina pocotsiwa pia paca yabara cui matomacaewa", jei Jesús.

*Meje yabara poxonaexa Jesús yabara cuiduba xua pocotsiwa Nacom jiwi pejantana  
 jebiwatsi pia nacuatheicha*

*(Lc 12.33-34)*

<sup>19</sup> Equeicha Jesús barai barapo pin bicheitomonaexa, pomonaexa pijimonaexaexa tatsi,  
 jeye: "Barapo cae pin nacuathe copei jopa pacaetubinde xua painya nexainaewa tsane  
 nawita barapo cae pin nacuathe. Tsipei bocobocowaton abe exanaena poxonaexa xane  
 pocotsiwan xua paxeiname. Ichacuitha abe exanaena poxonaexa painyawan axumain-  
 batsi. Ichacuitha painyawan pocotsiwa paxeiname baxuan pomonaexa pecaibiwi paca  
 caibina.

<sup>20</sup> Ichitha jame paexande barapo pejantana coyene xanepanaewa po pejantana coyene  
 xanepanaewa Nacom ichichipa. Bapoxonaexa Nacom paca catsibina pocotsiwa painya  
 nepaca jantana jebiwa pia nacuatheicha. Baraxoteicha bapocotsiwa bocobocowaton  
 jopa xaeyo. Yawa jopa axumainbichi. Matautano pomonaexa pecaibiwi jopa paca caibiyo  
 baxuan xuan Nacom paca necayabara cui matomacaewan.

<sup>21</sup> Ichaxota ba pajebame xua painya neichichipaewan baxota ba payabara nanta xeiname nawita”, jei Jesús pijimonaetha.

*Meje yabara poxonae Jesús yabara cuiduba jiwi po coyene xanepanaeya peexanaewa pejuntũ coyene wetsina*

*(Lc 11.34-36)*

<sup>22</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itamaiqueiton paca yawena xua beta painya netaewa tsane. Icha painya itamaiqueiton wunaе, bara beta pataneme.

<sup>23</sup> Ichitha icha painya itamaiqueiton abe, jopa beta pataetsipaem. Barichirũ painya juntũ coyenewan xua painya nenanta xeinaewan. Icha painya juntũ coyenewan xanepanaetsipa bara beta Nacom payabara najuntũ coyene xeinaetsipame. Ichitha icha painya juntũ coyenewan jopa xanepanaetsipae jopa beta Nacom payabara najuntũ coyene xeinaetsipaem. Painya juntũ coyenewan paca cana exanaetsipa xua bichocono abe paexanaetsipame”, jei Jesús.

*Meje yabara poxonae Jesús yabara cuiduba jiwi, xua pon nantaũta ainya pia pecanamataxeinaeinchibe tatsi*

*(Lc 16.13)*

<sup>24</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeinchi poxonaе itorobatsi. Icha pia pecanamataxeinaeinchi jopa taraichiyo. Cae pia pecanamataxeinaeinchi xanepanaeya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom jopa itacũpaetsi xua bichocono peantobewa paratixi poxonaе yawa bichocono antobetsi Nacom”, jei Jesús barapo pin bicheitomonaetha, pomonaе pijimonaexae tatsi.

*Meje yabara poxonae Jesús yabara cuiduba po coyene xua Nacom eena pijimonaе*

*(Lc 12.22-31)*

<sup>25</sup> Equeicha Jesús barai barapo pin bicheitomonaе, pomonaе pijimonaexae tatsi, jeye: “Paca tsipaebatsi, jopa bichocono payabara najuntũ coyene exabinde pexaewa xua painya neuna jinompraewa tsane yawano xua painya neapaewanno tsane. Barichi jopa bichocono payabara najuntũ coyene exabinde parabũrũ xua painya pepon nexa. Po coyene xua asũ pejinompraewa xua Nacom naca cata jame baxua ainya cui, beyacaincha pexaewa xua peuna jinompraewa. Pepon ainya cui irũ, beyacaincha parabũrũ xua pepon nexa.

<sup>26</sup> Pataema peyapupunaewi. Barapoxi jopa ubiyo pabitha. Yawa xua penawetsiwa jopa notsiyo. Yawa jopa xeinaeyo bomũxũn xua pejebinexa pexaewan. Ichitha Nacom apata peyapupunaewi pexaewa. ¡Paxam nama bichocono Nacom patsita ainya cuim, beyacaincha peyapupunaewi xua Nacom tsita ainya cuichi, po Nacom painya Axa pon itabocotha eca!

<sup>27</sup> Dapon aibi pon paxam jiwana pon itacũpatsi xua xeinaena icha matabi xua po matabitha pepoponaewa tsane poxonaе tũpaena. Bequein bapon bichocono nayabara najuntũ exaba baxua, ichitha jopa itacũpaetsi xua xeinaena caentacabi equeicha.

<sup>28</sup> “Paxam bichocono payabara najuntũ exabame parabũrũ. Jame pacayabara nanta xeinare pentonon, po pentonon wexotha xuwa, xua matono itũpana. Pentonon jopa nacuichiyo yawa jopa natsiexanaeyo parabũrũ penama xatabinexa.



<sup>29</sup> Ichitha paca tsipaebatsi xua pentonon matono itupana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomonae itorobiya pia pepa peewatsinchi pon bayatha tupa.

<sup>30</sup> Pentonon po matonon wexotha anoxuae xuwa, Nacom cana exana xua matono itupana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wuna bara bequein saya pentonon. Barichi Nacom itacupatsi xua beta paca neca-eenaewa xua beta painya nejinompaenexa. Matautano Nacom paca catsina paparuwan. ¡Maisa pebiwi pam tsobenae, be conotha pajume cowantame Nacom!

<sup>31</sup> Jopa paunthuthu deideijeya jinompaeinde xua ichawa painya neyabara nanta xeinaexae. Jopa pajan tsaibinde: ‘¿Eta xua xaeinchi jane? ¿Eta xua apaeinchi jane? ¿Eta xua nama xatabinchi jane?’ jopa pajan tsaibinde.

<sup>32</sup> Tsipei barapo cae pin nacuathe jiwi saya u baxua pecayabara najuntu coyene exabi pocotsiwa nantawenona. Ichitha nama paxam painya Axa Nacom panantautame. Barapon Nacom pon peitabocopin, pon yaputane daxita pocotsiwa xua xoxi panantawenoname.

<sup>33</sup> Saya meisa jame bichocono copiya payabara nanta xeinare xua painya neexanaewa xua pocotsiwa Nacom ichichipa pon jiwi itorobiya pia pepa peewatsinchi. Matautano jame bichocono payabara nanta xeinare painya nexeinaenexa pejuntu coyene xanepanaewa Nacomtha. Icha paexanaename barapo coyenewan nexata bapoxonae Nacom paca catsibina xua daxita pocotsiwa panantawenoname.

<sup>34</sup> Jopa payabara muxuna najuntu exabinde anoxuae pocotsiwa baya tsane pocotsiwa painya neexanaewa tsane, tsipei barapo matabi nama xeina pocotsiwa bichocono pacata ayapube. Daxita matabi tsoponeibi pocotsiwa xua pacata ayapube xua pocotsiwa painya neexanaewan”, jei Jesús.

## 7

*Meje yabara poxonae Jesús cuiduba xua jiwi jopa bewa yabara paebi xua ichamonae penatsicuentisiwa*

*(Lc 6.37-38, 41-42)*

<sup>1</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Jopa ichamonae payabara paebinde xua penatsicuentisiwa xua abe peexanaexae. Nexata bapoxonae Nacom jopa paca yabara paebi tsane painya nenatsicuentisiwa xua abe painya neexanaexae.

<sup>2</sup> Nacom pia coya paca yabara paebina xua painya nenatsicuentisiwa xua abe painya neexanaewa icha po coyeneya paichim poxonae ichamonae payabara paebame xua penatsicuentisiwa xua abe peexanaexae. Icha daunweya payabara paebiname xua penatsicuentisiwa ichamonae xua abe peexanaexae, Nacom barichi daunweya paca yabara paebina xua painya nenatsicuentisiwa xua abe painya neexanaexae”, jei Jesús.

<sup>3</sup> Equeicha Jesús paeba caeintha pomonae pijimona jiwana pecayabara juta pepaebi diwesiyo jeye: “Xam ba jinya jiton itata taneme poxonae itata jopiyatsi naepatiyo, ichitha jopa taem xua iruru xam nama pin naepato neitamaiqueitha ducua. Barapocotsi juta coyeneya ichi, xam ba jinya jiton cui taneme xua poxonae abe exana, ichitha jopa nayaputaem xua iruru xam baraichim nama bichocono abe exaname.

<sup>4</sup> Icha jopa taem pin naepato xua neitamaiqueitha ducua jopa caitacupaeyo xua nejeiwa jinya jitontha: ‘Tajiton, cata jutinchi naepatiyo xua ducua neitamaiqueitha’, xua nejeiwa.

<sup>5</sup> Xam nepaebim xua ichun exana xua baxua neexanaewatha iru. Xam copiya nata jure barapo pin naepato xua neitamaiqueitha ducua. Bapoxonae beta taename nejutsinexa tsane naepatiyo xua jinya jiton peitamaiqueitha tarucuatsi.

<sup>6</sup> “Jopa patsipaebinde Nacom Pejume Diwesi pomonae anaya paca aeaba, xvano anaya aeaba Nacom Pejume Diwesi pomonae jopa pejume cowantsiwi Nacom. Tsipei barapomonae peajuntucoyenebe jiwi bichocono. Barapomonae bara abe exana be barapocotsi jata coyeneya ichiya exana icha be auri ichi xua poxonae anaepanaya nawano webaba pocotsiwa pacatame. Matautano barapomonae bara abe exana be barapocotsi jata coyeneya ichiya exana icha be marrano ichi, xua poxonae petaxutha taxunaunaba xua irainyaba po pexaewa paapatame”, jei Jesús.

*Meje yabara poxonae Jesús yabara paeba xua jiwi bewa matowa wunqueibi Nacomtha (Lc 11.9-13; 6.31)*

<sup>7</sup> Equeicha Jesús barai barapo pin bicheitomona, pomonae pijimonaexae tatsi, jeye: “Matowa Nacom pawncare, bapoxonae paca catsibina pocotsiwa xua pawncame. Baraxua matowa paexande icha paichim poxonae matowa pajeiteibame beya poxonae pataebame yawa icha paichim poxonae matowa pawawam bomuxutha beya poxonae ichan paca jume nota.

<sup>8</sup> Tsipei pon matowa wuca ichan bara catatsi. Tsipei pon matowa necoba, bara taeba. Tsipei pon bomuxu pecoibotha matowa wawai, bara tacoibo sarana xorenatsi, matauta jume notatsino.

<sup>9</sup> “Paxam pomonae pexui paxeiname paca muxuwetatsi. Poxonae painya pexui paca wuca pan, ¿pacatsipame iboto? ¡Jume!

<sup>10</sup> Ichacuitha tsipae, poxonae painya pexui paca wuca duwei, ¿pacatsipame jomo wito? ¡Jume! Jopa baxua paraichim tsane.

<sup>11</sup> Bara bequein peajuntucoyenebe jiwi pam, ichitha paxam payaputaneme xua xanepanaeya painya pexui pacatsibeibame. Ichitha nama Nacom painya Axa pon itabocotha peecaein bichocono jopa juniya paca catsiyo pejuntucoyene xanepanaewan poxonae pawncame beyacaincha poxonae painya pexui pacatsibeibame poxonae paca wunqueiba.

<sup>12</sup> “Paexande ichamonaetha xua po coyene painya neichichipaewa xua barapomonae beta painya nepacata exanaewa tsane. Tsipei barapo coyenewa bayatha Moisés pia peitorobi coyenewatha paca itoroba, matautano Nacom pia peitorobi jume pepaebiwi bayatha paca cui itoroba”, jei Jesús.

*Meje yabara poxonae Jesús yabara cuiduba po boupayo tsica boupayo dena (Lc 13.24)*

<sup>13-14</sup> Nexata equeicha Jesús barai barapo pin bicheitomona, pomonae pijimonaexae tatsi, jeye: “Poxonae jiwi pona tomara beya, pomonae itapeta pin namto iya pona, barapo jiwi pinmonae, tsipei barapo tomara namto boupa iya xua jopa ayapubeyo. Pomonae nama itapeta, po namto tsica namtiyo iya pona, barapo jiwi tsiquimonaeyo tsipei barapo tsica boupayo ayapube iya. Barichi poxonae jiwi patsina Nacom pia nacua beicha saya tsiquimonaeyo patsina tsipei ichamonaewa jopa tsita juntu cui coyene xanepanaetsi xua xanepanaeya pejinompaewa Nacomtha. Daxota pomonae Satanás pia nacua beya patsina pinmonae tsane tsipei jopa taayapubetsi xua barapo Satanás pia juntu coyeneyatha tatsi jinompa. Nama itapeta pacananta xeinaeya jinompare Nacom pia juntu coyenewa tatsi xua icha jiwi ichi poxonae seicaya iruru barompaya pona tomara tsica namtiyo boupayo iya”, jei Jesús.

*Meje yabara poxonae Jesús yabara cuiduba xua jiwi yaputane nae, penacoichixae (Lc 6.43-44)*

<sup>15</sup> Equeicha Jesús barai barapo pin bicheitomona, pomonae pijimonaexae tatsi, jeye: “Dota pam, dota pomonae penaerabiwi, pomonae xua jeye: ‘Paxan papaeban Nacom nexa’, jei. Barapomonae painya xainya beya pata itara mexeya jopa juntu coyene anaepanaeyo icha be ichi pomonae xua Nacom pejume jejei jiwichi xua



peexanaewa pocotsiwa Nacom itoroba xua matautano icha be ovejamonae ichi xua pia cui coyene xeina xua jopa anaepanaeyo. Daichitha barapomonae bichocono antucicoyenyapube xua anaepana, icha be neuthu ichi poxonae bichocono anaepana.

<sup>16</sup> Ichitha paxam pacayabara ita coxonae barapomonae poxonae pataneme pocotsiwa barapomonae exana, icha be jiwi ichi xua poxonae yaputane nae, po nae penacoichixae. Matautano jiwi jopa yaputaeyo xua bapana jiwi jopa teracae uva cuei po naetha sojei, tsipei apara uva cuei xuwa unbototha po unbo jopa e dubenaeyo. Matautano jiwi jopa bapana teracae higo thei naexitha, tsipei apara higo thei xuwa higo naetha.

<sup>17</sup> Tsipei daxita naein, po naein pexeinya naein bara nacoita po pethei pexeinya thei. Matautano daxita naein, po naein camatsa naein bara nacoita po pethei camatsa thei.

<sup>18</sup> Po nae pexeinya nae jopa bapana nacoichi po pethei camatsa thei. Barichi po nae camatsa nae jopa bapana nacoichi po pethei pexeinya thei.

<sup>19</sup> Daxita naein, po naein jopa nacoichiyo po pethei pexeinya thei, jiwi barapo naein uncata. Bapoxonae jiwi barapo naein tauta isototha.

<sup>20</sup> Icha naein cana ichichi xua poxonae jopa penacoichiyoxaera, bara cana ichi tsainchi jiwi xua poxoru xanepanaeya jopa peexanaexaera tsane. Icha ichi xua payaputaneme naein poxonae pia pethei pataneme, barichi jiwi pantu cui coyene yaputaneme poxonae pataneme pocotsiwa barapomonae exana”, jei Jesús.

*Meje yabara poxonae Jesús pinae paeba xua pinae daxita jiwi jopa patsi tsane Nacom pia peitorobi nacua beicha*

*(Lc 13.25-27)*

<sup>21</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Pinmonae jiwi neyabara caunutsiya jei tsane: ‘Tanecanamataxeinaem’, jei tsane. Daichitha barapomonae jiwana tsicamonaeyo patsina Nacom pia peitorobi nacua beicha. Saya meisa patsina pomonae exana xua pocotsiwa Taxa ichichipa. Barapomonae patsina ichaxota Taxa po nacuatheicha ewatsiya itorobeibeca.

<sup>22</sup> Poxonae barapo matabi jopaena, po matabitha poxonae Nacom yabara pae-bina xua jiwi penatsicuentiwa pinmonae jiwi pijunuwi neyabara caunutsiya jei tsane: ‘Pata Tanecanamataxeinaem, paxan pacueicueijan nejume diwesi xam nexa. Matautano cauri paitawetan newantha. Matautano jinya newantha papaeban poxonae pexeinya petsita itatsi coyenewa paexanan’, nejei tsane.

<sup>23</sup> Daichitha barapomonae jume notsin. Jan tsane: ‘Bu canta bapana jopa paca yaitaetsi. ¡Taxainya weya pana natsixibarucupare pomonae abe painya neexanae jiwi pamxaem!’ jan tsane”, jei Jesús.

*Meje yabara poxonae Jesús ainya bomxu be yabara paeba*

*(Mr 1.22; Lc 6.47-49)*

<sup>24</sup> Equeicha Jesús barai barapo pin bicheitomonae, pomonae pijimonaexae tatsi, jeye: “Pon nejume naitomata pocotsiwa paeban matautano exanano pocotsiwa ichichipan barapon beta popona Nacom nexa. Bara barapon barapocotsi juta coyeneya nacana exana icha be pocotsin peyaputaen ichi, pon bo acabanota peira matatsucaewatha xua ichaxota ira daunwei. Meje jeye: Copiya muthun tajun exanareca pecuaranobinexa bomxu naeton.

<sup>25</sup> Poxonae ema duneica yawa mene matabaewaxuba yawa joibo bomxu daunweya capubabanota, barapo bomxu jopa joparenaeyo, poxoru naeton tajun umenareca xuanano poxoru barapo bomxu peira matatsucaewatha uncua ichaxota ira daunwei.

<sup>26</sup> Ichitha nama pon nejume taetha xuano jopa exanaeyo pocotsiwa ichichipan jopa beta poponaeyo Nacom nexa. Bara barapon barapocotsi juta coyeneya nacana exana icha be pocotsin amameibatsi ichi. Bapon be meje: Bapon be pocotsin bo

acabanota ichaxota ira matafatsana xuano naeton jopa taj<sub>u</sub> umenarecaeyo poxoru taetowa. Baraxota mene pateiba poxonae aw<sub>u</sub>bo tsaibi.

<sup>27</sup> Poxonae ema duneica, yawa mene matacaewaxuba, yawa pin joibo capubabanota barapo bo, bapoxonae barapo bom<sub>u</sub>x<sub>u</sub> joparena poxoru naeton jopa taj<sub>u</sub> umenarecaeyo xuano poxoru bom<sub>u</sub>x<sub>u</sub> uncua ichaxota ira matafatsana. ¡Maisa bom<sub>u</sub>x<sub>u</sub> bichocono abe!” jei Jesús barapo pin bicheitomonaetha, pomonae pijimonaexae tatsi.

<sup>28</sup> Poxonae Jesús barapo diwesin najume weta, pomonae Jesús jume tainchi, barapomonae yabara naj<sub>u</sub>nt<sub>u</sub> coyene cabenaeca xua Jesús pia pecuidubiwan tatsi.

<sup>29</sup> Tsipei Jesús ba cuiduba be peyaputaein pia peyapus<sub>u</sub> itorobi coyeneya tatsi. Jesús jopa cuidubiyo be judiomonae pia pecuidubiwi pia picoyeneya tatsi.

## 8

### *Meje yabara poxonae Jesús axaibi exana pon peper<sub>u</sub> sawinchi* (Mr 1.40-45; Lc 5.12-16)

<sup>1</sup> Poxonae Jesús peitapatororo wejuinca, pin bicheitomonaetha Jesús puna poinchi.

<sup>2</sup> Jesús imoxoyo caquita poinchi pebin, pon peper<sub>u</sub> sawinchi. Bapon pentabocototha uncua Jesús peitabaratha tatsi xua Jesús pebar<sub>u</sub> cui itura jinaexaetsi. Bapon namchi Jesús beya, jeye:

—Pon Necanamataxeinaem jiwi, icha bara ichichipame bara caitac<sub>u</sub>pa xua axaibi tana neexanaewam, tsipei jinya neayapus<sub>u</sub> itorobi coyenewa nexeinaem, jei bapon.

<sup>3</sup> Nexata Jesús nacobe yota yawa mata jayaba barapo pebin. Jesús barai, jeye:

—Bara ichichipan. ¡Bara axaibinde! ¡Bara caaper<sub>u</sub>xaibi exanatsi! jei Jesús.

Bapoxonae bapon nainya taaichurucuaetsi xua peper<sub>u</sub> sawiwatsi.

<sup>4</sup> Nexata Jesús barai peper<sub>u</sub> sawinchi:

—Taema, jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenait<sub>u</sub>tsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita ita peinya xeinatsi xua xam bara jumem yawa xua per<sub>u</sub> w<sub>u</sub>naem, jei Jesús.

### *Meje yabara poxonae Jesús axaibi exana pon soldadomonaetha romanomonaetha pia pentacaponaein tatsi tanacuitatsi* (Lc 7.1-10)

<sup>5</sup> Poxonae Jesús joniya Capernaum tomaratha, bapoxonae pebin Jesús imoxoyo caquita poinchi. Bapon romanomonaetha soldadomonaetha pia pentacaponaein tatsi. Bapon nanta<sub>u</sub>ta pon tanacuiteibatsi pia botha.

<sup>6</sup> Barapo pentacaponaein Jesús jume daunweya baraichi, jeye:

—Tanecanamataxeinaem, pon inta nacuiteiba camatha boca tabohta. Bapon m<sub>u</sub>batsi yawa bichocono atene, jei barapo pentacaponaein.

<sup>7</sup> Jesús namchi:

—Bara beya tha ponaetsi taaxaibi exanaenexa bapon, jei Jesús.

<sup>8</sup> Barapo soldadomonaetha pia pentacaponaein tatsi jume nota:

—Tanecanamataxeinaem, xan saya tacui pawin. Auran xua xam nepatopaewa tsane tabohta tsipei xam ainya cuim. Icha saya paebiname xua bapon pia peatenewatha tatsi, bapoxonae bara axaibi tsane pon inta nacuiteiba.

<sup>9</sup> Xan barichi xeinan tanecanamataxeinaem pon neitoroba. Barichir<sub>u</sub> xeinan soldadomonaetha pomonae itorobeiban. Poxonae ich<sub>u</sub>n itoroban: ‘ponde’, jan, bara bapon pona. Poxonae ich<sub>u</sub>n waban: ‘antha’, jan, bara bapon patopa. Pon inta nacuita itoroban: ‘inta exande’, jan. Bara inta exana, jei barapon pon pentacaponaein.

<sup>10</sup> Poxonae Jesús baxua jume taeba, jume cui yabara cananthuthu nanta xeinanaya cabenaeca, beta pepaebixae romanomonae soldadomonae pia pentacaponaein tatsi. Jesús necotaba pomonae puna poinchi, barai, jeye:

—Xaniyeya paca tsipaebatsi, Israel nacuatha iru dapocotsin jopa caxinaeinyo pocotsin icha pon iche pon tana necui yabara jume cowantsin xua bara neitacupa xua axaibi taexanaewa jiwi.

<sup>11</sup> Paca tsipaebatsi, pinmonae patsina Nacom pia peitorobi nacuatha penabanaenexa tsane. Ichamonae pomonae ichaxota xometo ecoina, barapomonaepiwi patsinano. Ichamonae pomonae ichaxota xometo jopeica, barapomonaepiwi patsinano. Daxita carepaya barapomona Abraham baru equiyaena, iru Isaac baru equiyaena iru Jacob baru equiyaena. Daxita carepaya barapo nacuanmonaepiwi baru nabanaeinchi peitaboco beicha. Abraham, baru nabanaena barapomona ichaxoteicha Nacom itorobiya ewateiba jiwi.

<sup>12</sup> Ichamonae nanta xeina xua bepa pinae patsina Nacom pia peitorobi nacua beicha tatsi, bara bequein jopa xanepanaeya peexanaewi. Daxota barapomonaebai tsainchi ichawatha waxainya weya ichaxota pequireiwatha. Baraxota barapomonaebichocono wecoyeyi tsane yawa nantanuweya nantu jayabina, jei Jesús.

<sup>13</sup> Nexata Jesús barai pentacaponaein, jeye:

—Ponde jinya bo beya. Bara cata exanatsi tanecui yabara jume cowantsimxae xua bara taneitacupaewa xua tacata exanaewatsi, jei Jesús.

Bapoxonae barapo pentacaponaein pia petanacuichin tatsi bara caena taaxaibi exanatsi.

*Meje yabara poxonae Jesús axaibi exana Pedro pamiyo tatsi  
(Mr 1.29-31; Lc 4.38-39)*

<sup>14</sup> Jesús joniya Simón Pedro pia botha tatsi. Baraxota Jesús tane Pedro pamiyo tatsi xua camatha boca yawa xua domaebatsi.

<sup>15</sup> Jesús cobe pita, barapowa cobe pitatsi. Domae taichurucuaetsi bapowa. Nainya barapowa nanta cotaxuba. Bapoxonae bapowa pexaewa apata barapomonaetha.

*Meje yabara poxonae Jesús axaibi exana pin bicheitomonae  
(Mr 1.32-34; Lc 4.40-41)*

<sup>16</sup> Poxonae tabopiya tsanaicha, ichamonae pomonae cauri xeina barapomona Jesús becarendenatsi. Jesús pia jumetha itaweta caurimonae. Barichi Jesús axaibi exana daxita pomonae peatenewi.

<sup>17</sup> Poxonae Jesús barapo coyenein exana, bara nayabara jume cui weta exana caena bayatha Isaías peyabara cui tsiwunaeya paebixae. Bapon Isaías Nacom peitorobi jume pepaebin. Bapon jeye Cristo yabara: “Bapon naca wenota wajantu coyene bojeiwa. Matautano bapon naca wenota waatene coyenewan”, jei Isaías pejume diwesitha.

*Meje yabara poxonae Jesús yabara paeba pomonae ichichipa xua pepuna ponaewatsi  
(Lc 9.57-62)*

<sup>18</sup> Poxonae Jesús tane xua pin bicheitomonae nacaetuta bapontha, bapoxonae bapon pijimonae itoroba xua icha muxunene beya peponaenexa tsane xua pucua epatauta iya.

<sup>19</sup> Poxonae cataunxuae Jesusbaru jopa torobabiyaeyo xua icha muxunene beya nexa, bapoxonae Jesús imoxoyo caquita uncuatabutsi pon jiwi pecuidubin Moisés pia peitorobi coyene. Jesús baraichi:

—Pon jiwi Necuidubim, capuna ponaeinchi daxita jupaeyantha xua ichaxotan neponaewa tsane, jei.

<sup>20</sup> Jesús jume nota:

—Namomonae ba pia m̄th̄an xeina ichaxota pemaitathopeibiwa. Ir̄a peya-pupunaewi ba coton xeina, ichaxota peyamaitathopeibiwa. Ichitha nama xan ponxaein Nacom Tananeitapetsin nama jopa daichinyo. Nama jopa xeinaeinyo bo xua tabo xua xota nafifinacaecan, jei Jesús.

<sup>21</sup> Bapoxonae ich̄an pon ir̄a Jesús pijimonae jiwana bapon Jesth̄a namchi, jeye:

—Tanecanamataxeinaem, bara nepu copare tha taxa matha m̄th̄atha xubichi copiya xua bapoxonae tacapuna ponaewatsi tsainchi, jei.

<sup>22</sup> Jesús jume nota:

—Maisa jame nepuna ponde. Bara copare xua pet̄paewi bara m̄th̄acaeinchi, pomonae be pewerapaewi, jopa be tana nejume cow̄antsiwixae, barapomonae m̄th̄acaena, jei Jesús.

*Meje yabara poxonae Jesús xainya ducuanaya exana joibo yawa maratsacano xainya mene ducuanaya exanano*

*(Mr 4.35-41; Lc 8.22-25)*

<sup>23</sup> Nexata Jesús jeratha nontabiya. Jesús pijimonae bar̄a pona jeratha.

<sup>24</sup> Bapoxonae jemeicha pin joibo naetaba mentha. Maratsacan jeratha mene othopa muxu pebunarecae. Daichitha Jesús maituncua.

<sup>25</sup> Bapoxonae Jesús pijimonae yābaxotsi, jeichichi Jesús:

—¡Pata Necanamataxeinaem, pana capanepare! ¡Yanabunarecatsi! jei Jesús pijimonae tatsi.

<sup>26</sup> Jesús jume nota:

—¿Eta pocotsiwa metha bichocono pajunuwame? ¿Cataunxuae jopa pana neyabara jume cow̄antsim xua bara tana neitac̄paewa xua tapaca yawenaewatsi? jei Jesús.

Nexata Jesús asiya uncu. Bapoxonae Jesús itawetaxuba joibo, maratsacano. Daxita caewanaya joibo yawa maratsacano.

<sup>27</sup> Bapoxonae barapo pebiwi yabara naj̄unt̄a coyene cabenaecar̄c̄pa xua pocotsiwa Jesús peexanaexae. Barapomonae najei:

—¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomonae.

*Meje yabara poxonae pebinbe ponbe caurimonae pexeinaeinbe, ponbe Gadara nacuap-inbe*

*(Mr 5.1-20; Lc 8.26-39)*

<sup>28</sup> Poxonae Jesús patopa pucua icha muxunene beya xua po nacuatha Gadara nacua, bapoxonae pebinbe Jesús imoxoyo caquita uncuatab̄tsibe. Baponbe ibo wountha poponeibabe. Caena bayatha baponbe xeinabe caurimonae. Barapo caurimonae baponbe anaepana cana exanatsibe daxota daxita jiwi junuwa xua peponaewa barapo namtotha ichaxota baponbe poponabe.

<sup>29</sup> Bapoxonae jemeicha caurimonae baponbe wawai exanatsibe, jeibe:

—Nacom Pexantom tatsim, ¿eta pocotsiwa metha patopame pata xantha? ¿Patopame jinya painya neperaxa exanaetsibe pew̄naeya xua po matababitha xua poxonae Nacom atene pana exanaena xua abe pata exanaexae? jei baponbe xua caurimonae wawaya exana.

<sup>30</sup> Tsiwiyo taj̄yo beya pin marrano duweimonae xayompa.

<sup>31</sup> Caurimonae Jesús jeichi:

—Icha pana itawetame, moya pana nepu copabare marrano duweimonaetha, jei caurimonae.

<sup>32</sup> Nexata Jesús jume nota caurimonaetha, jeye:

—Moya pataema, jei.

Nexata caurimonae pebinbe wepu ponatsibe, yawa marrano duweimonaetha pata. Barapo marrano duweimonaе дѣсѣра, pin pitapatororo othopareca. Pucuatha bunothopa. Caurimonae cabunothopatsi.

<sup>33</sup> Pomonaе yapu eena barapo marrano duweimonaе, junuwiya cuinaenouta peyabara paebinxeta tomarapiwitha. Barapomonaе yabara paeba daxita pocotsiwa Jesús cana exana marrano duweimonaetha yawano pocotsiwa Jesús cana exana ponbetha ponbe xua cauri pexeinaeinbe.

<sup>34</sup> Bapoxonaе daxita tomarapiwi pona ichaxota Jesús eca. Poxonaе Jesús tainchi, barapomonaе Jesús jeichichi: “Maisa bewa warapaename Gadara nacua weya, po nacua pata nacua weya”, jei daxita barapomonaе.

## 9

### *Meje yabara poxonaе Jesús axaibi exana pon pecuenobinchi (Mr 2.1-12; Lc 5.17-26)*

<sup>1</sup> Nexata Jesús jeratha nontabiya. Jeratha pona icha muxunene beya xua pucua epatauta iya. Jesús pia tomara beya patopa, barapo tomara icha muxunenetha eca.

<sup>2</sup> Baraxota pebiwi pata. Barapo pebiwi Jesús tacarendenatsi pon pecuenobinchi. Xua xota pocotsiwatha pemaiteibiwa, barapomonaе barapocotsiwatha pecuenobinchi carendenatsi. Poxonaе Jesús tane xua barapomonaе yabara jume cowanta xua bara Jesús peitacupaewatsi xua axaibi peexanaewatsi pon pecuenobinchi, bapoxonaе Jesús barai pecuenobinchi:

—Tajiton, najanta coyene tsacatabare. Cacui yabara jantemainaya janta puxana exanatsiba jinya abe neexanae cuiru coyenein, jei Jesús.

<sup>3</sup> Bapoxonaе pomonaе jiwi pecuidubiwi Moisés pia peitorobi coyenewa tatsi, barapomonaе daxita carepaya pia coutha nanta xeina. Najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara jantemainaya janta puxana exanatsi abe pia peexanae cuiru coyenein tatsi”, najei barapomonaе.

<sup>4</sup> Daichitha Jesús yaputane xua barapomonaе pijanta coyeneintha natsipaeba. Jesús barai barapomonaе, jeye:

—¿Eta xua metha baxua abeya pana neyabara cananta xeiname?

<sup>5</sup> ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiru coyenein cata jantemainatsi’, jan tsane? Ichacuitha ¿metha jan tsane: ‘Nontaponare, yawa bara ponare’, jan tsane?

<sup>6</sup> Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui jantemainaya janta puxana exanaewa abe pia peexanae cuiru coyenein tatsi pomonaе jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi nontaponde. Jinya nemaituncuaewa pire. Jinya bo be-iyande, jei Jesús.

<sup>7</sup> Bapoxonaе pon pecuenobinchi caena nainya nontapona barapomonaе peitatha tatsi, yawa pita xua pemaituncuaewa. Bapoxonaе pia bo be-iya.

<sup>8</sup> Poxonaе jiwi tane baxua, barapomonaе yabara najanta coyene cabenaeca yawa Nacom wanae jaintatsi. Barapomonaе nabarai:

—Anoxuae waxainchi tainchi pocotsiwa pewanaewa pocotsiwa jopa yaputaetsi, yawa wanae jaintatsi xua Nacom barapo jitontha pecatsixae pia peayapusu itorobi coyenewa, jei barapomonaе.

### *Meje yabara poxonaе Mateo wabatsi, Jesús waba (Mr 2.13-17; Lc 5.27-32)*



<sup>9</sup> Jesús bara weya pontaba ichaxota axaibi exana pon pecuenobinchi. Bapoxonae Jesús tane pebin pon pewan Mateo. Bapon eca ichaxota bapon paratixi matoma noteibeca po paratixi jiwi bewa catsibina pon romanomonae itorobiya pia pepa peewatsinchi nexa. Jesús Mateo baraichi:

—Nepuna ponde, jei Jesús.

Bapoxonae Mateo caena nainya nontapona yawa napuna pona Jesustha.

<sup>10</sup> Pirapaeyo Jesús baru ecatsi, Mateo baru eca pia botha pexaethopeibiwatha xua Jesús pebaru xaenexatsi. Barichi Jesús baru eca pinmonae barapo pexaethopeibiwatha pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa. Iruru Jesús baru eca ichamonae pomonae abe peexanae cuiru coyenein peexanaewi. Daxita barapomonae Jesús baru eca pexaethopeibiwatha yawa Jesús pijimonae baru ecano penabanaenexa.

<sup>11</sup> Ichitha poxonae fariseomonae tane xua Jesús dacotsiwa baru eca, barapomonae namchi. Jesús pijimonae tatsi baraichi:

—Maisa Jesús abe exana poxoru baru xayeca pomonae paratixi pentoma noteibiwi. Matautano, baru xayeca pomonae abe peexanae cuiru coyene peexanaewi, jeichichi Jesús pijimonae tatsi barapo fariseomonae.

<sup>12</sup> Poxonae Jesús baxua jume tane, bapon Jesús namchi barapomonaetha:

—Pomonae ba xaniwaicha jinompa xua jopa ateneyo barapomonae ba jopa canantawenonaeyo pon jiwi peyawubin. Saya jame meisa pomonae ba atene barapomonae jame canantawenona pon jiwi peyawubin. Bara juta coyene ichi barapomonae pomonae nebaru xane. Barapomonae nenantawenona xua tayabara cui jumentainaenexa abe pia peexanae cuiru coyenein tatsi.

<sup>13</sup> Panacuidubaponde xua Nacom Pejume Diwesi paeba. Meje xua Nacom namchi, jeye: ‘Ichichipan xua jiwi nantanuweya peyabara nanta xeinaewa ichamonaetha xua peyawenaewa tsane. Baxua jame ichichipan beyacaincha xua ichichipan po cui coyene xua jiwi duwei petautsiwa xua tuxusi exana xan nexa’, jei Nacom. Barichinno xan patopan apara tha jopa tawabinexa tsane pomonae pejuntu coyene xanepanaewi. Apara jame patopan tha meisa tawabinexa tsane pomonae peajuntu coyenebe jiwi, xua barapomonae icha juntu coyene pexeinaenexa tsane peauraxa xua abe exana, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi*

*(Mr 2.18-22; Lc 5.33-39)*

<sup>14</sup> Nexata Juan pon jiwi Pebautisabin, bapon pia pepuna jinompaewichi barapomonae pata Jesús pia xantha tatsi. Barapomonae Jesús yainyabatsi, jeye:

—Apara paxan iru fariseomonaeru jopa juniya Nacom payabara nainboteibinyo poxonae Nacom pawunqueiban. ¿Eta xua metha jinyamonae daxua jopa cou daichiyo, saya cou u penabaneibi? jei barapomonae pomonae Juan pia pepuna jinompaewichi tatsi.

<sup>15</sup> Jesús jume nota barapomonae:

—Jiwi ba jopa bewa wecoyeya yabara nainbotsi poxonae ichamonae pexaewa tsi-nacaetuta penabanaenexa xua poxonae pebin pecotsiwa pita. Poxonae cataunxuae awiya bapon eca pexaewa penabanaewatha, bapoxonae jiwi ba peburaya nabane, jopa bewa yabara nainbotsi tsane. Ichitha icha pon aena piowa pita, caena nainya waetabatsi, ichamonae waetaba xua bapon taju pecaponaenexatsi, bapoxonae jame jiwi ba bewa wecoyeya yabara nainbotsi xua equeicha bapon caewa pepatopaewa tsane.

<sup>16</sup> “Jiwi ba jopa exanaeyo xua pena paparuwa tsiwiyo jiwana caxinaxubeta po paparuwa cataunxuae jopa matanaxubiyo, xua barapo paparuwa pewan botsinexa peru dorouto. Icha baxua exanaetsipa xua pena paparuwatha wan bota peru dorouto, bapoxonae barapo dorouto abe tsipae. Tsipei poxonae barapo dorouto matanaxuba

barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha nama bichocono pin wan tsanaya beyacaincha xua poxonae copiya.

<sup>17</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba yawa barapo bocoto naxuba poxonae barapo bocoto tsitsica. Daxota bewa jame pena vino mera eparecae pena bocototha. Bapoxonae pena vino mera jopa naxubiyo, yawa pena bocoto jopa naxubiyo poxorū boco yeyena yawa poxorū pena bocoto”, jei Jesús.

*Meje yabara xua poxonae Jairo pexantiyo taaxaibi exanatsi, yawa yabara xua bapoxonae icha yabꞑyo irꞑ axaibi exanatsi poxonae Jesús pia paparuwa tajayabatsirꞑ*  
(Mr 5.21-43; Lc 8.40-56)

<sup>18</sup> Poxonae cataunxuae Jesús cueicueije barapomonaetha, bapoxonae pebin patopa. Bapon judiomonaē pia penacaetutsi bo pia pecanamataxeinaein tatsi. Bapon pewꞑn Jairo. Jesús petaxutha irabe tatayecarecatsi. Bapon baxua exana tsipei Jesús pon ainya cui peexanaeinchi. Bapon namchi Jesustha:

—Taxantiyo anoxuaetha inta tꞑpa. Icha xam ponaename yawa necobetha mata jayabiname, bapoxonae barapowa equeicha asꞑ tsane xua equeicha nacosatsina, jei Jairo.

<sup>19</sup> Jesús bapoxonae nontapona. Jairo puna poinchi. Irꞑ Jesús pijimonaē puna poinchi.

<sup>20</sup> Poxonae Jesús iya irꞑ yabꞑyo Jesús imoxoyo caquita poinchi. Barapowa caena bayatha be yadoce po weiyobe jopa xua pentabꞑ janatha boca xua be nantawane. Barapowa Jesús pia paparuwa xainyowa tajayabapoinyatsi. Bapowa paparuwa tajayaba xua peopirawa xua Jesús pia penamaxatatsiwa tatsi.

<sup>21-22</sup> Baxua exana tsipei bapowa nanta xeina, jeye: “Icha pia paparuwa tajayabin bapoxonae axaibin tsane”, jei bapowa.

Poxonae bapowa Jesús tajayabatsi pia paparuwa, bapoxonae caena jꞑntabꞑ jana naruntaba.

Nexata Jesús napatomeicha necota, yawa yabꞑyo tainchi. Jesús namchi bapowatha:

—Yabꞑyo, najꞑntemiya xore. Caaxaibi exanatsi jinya tana neyabara jume cowantsixaem xua bara tana neitacꞑpaewa xua tacaaxaibi exanaewatsi, jei Jesús.

<sup>23</sup> Jesús equeicha pona. Poxonae Jesús patopa pecanamataxeinaein pia bo tatsitha, bapoxonae Jesús tane xua pebiwi oba tsipei yabꞑyo bayatha tꞑpa. Barapo pebiwi pomonaē pecapu obiwi pewerapeibiwi. Matautano Jesús tane pomonaē pesiwa namtsebiya wecoyei jiwi.

<sup>24</sup> Jesús namchi jiwitha:

—Tutu weya paponde. Yabꞑyo apara jopa tꞑpaeyo, maituncua apara, jei Jesús.

Poxonae Jesús baxua paeba, jiwi Jesús jume cui caponatsi.

<sup>25</sup> Ichitha Jesús itoroba xua barapomonaē tutu wejojoniya pesato beya. Bapoxonae Jesús bo tutu joniya. Jesús cobe pita, yabꞑyo cobe pitatsi yawano asiya cuaranotatsino penacosatsixae.

<sup>26</sup> Xua Jesús yabꞑyo axaibi exanatsi, barapo diwesi daxita jiwi jume taetaepona pomonaē barapo nacuatha jinompa.

*Meje yabara poxonae Jesús axaibi exana ponbe nantiyabe itata nacꞑtabe*

<sup>27</sup> Poxonae Jesús bara weya pona ichaxota yabꞑyo caewa asꞑ exanatsi, pebinbe Jesús puna poinchi. Baponbe peitata nacꞑtsinbe. Baponbe wawaya jeibe:

—Xam Jesús, David pia pemomoxi susatopin jiwanam ponxaem Nacom necaitapetsin pana neyabara najꞑntꞑ coyene xeinarebe xua pata tana neyawenaenexamebe, jeibe baponbe ponbe peitata nacꞑtsinbe.



<sup>28</sup> Poxonae Jesús bomuxu bejoniya, ponbe peitata nacutsinbe Jesús imoxoyo caquita poinchibe. Jesús yainyaba baponbetha:

—¿Bara pana neyabara jume cowantamebe xua bara tana neitacupaewa xua axaibi tapaca caexanaewatsibe? jei.

Jume notabe:

—Aja, pata Tanecanamataxeinaem, bara paca cui yabara jume cui cowantatsibe, jeibe.

<sup>29</sup> Bapoxonae Jesús itamaiquei jayababe baponbe. Jesús namchi baponbetha, jeye:

—Icha pana necui yabara jume cowantamebe xua bara tana neitacupaewa xua axaibi tapaca exanaewatsibe bara baxua pacata exanaeinchibe xua axaibi paca exanaeinchibe, jei Jesús.

<sup>30</sup> Bapoxonae caena nainya aitamaiqueixaibibe. Jesús jume daunweya baraibe baponbe, jeye:

—Jopa pana necui yopichindebe ichamonaetha xua pacata exainchibe baxua, jei Jesús baponbetha.

<sup>31</sup> Daichitha poxonae Jesús weya ponabe, pejume taewathabe xua Jesús paeba, tsipaebabe ichamonaetha pomonae barapo nacuatha jinompa, daxita pocotsiwa xua Jesús cana exana baponbetha.

*Meje yabara poxonae Jesús axaibi exana pon pemuxusipanaein*

<sup>32</sup> Poxonae Jesús bo wejoniya iruru ponbe aitamaiqueixaibi exanatsibe, bapoxonae ichamonae Jesthata pata. Barapomonae capona pebin, pon muxusipana, matautano jopa paebiyo, tsipei cauri xeina.

<sup>33</sup> Bapoxonae Jesús itaweta cauri xua barapo pebin muxusipana exainchi. Caena nainya bapon cueicueije. Nexata pomonae xua tane xua Jesús exana, barapomonae yabara najuntu coyene benaeca. Barapomonae namchi, jeye:

—Jopa bapana taetsi Israel nacuatha icha be ichi pocotsiwa Jesús exana, jei barapomonae.

<sup>34</sup> Ichitha poxonae fariseomonae jume tane baxua, barapomonae namchi Jesús yabara, jeye:

—Barapon caurimonae itawetatsi tsipei xeina caurimonae pia pentacaponaein tatsi pia peyapusu itorobi coyene tatsi, jei fariseomonae.

*Meje yabara poxonae Jesús nantanuweya yabara cui nanta xeina jiwi xua peyawenaewa tsane*

<sup>35</sup> Jesús pona daxita pin tomarantha yawa po tomaraxi tsiqui tomaraxitha. Bapon cuiduba ducuaeta judiomonae pia penacatetsi bontha tatsi. Matautano bapon paeba ducuaeta Nacom pia pexeinya jume diwesi tatsi po diwesi yabara xua Nacom waba jiwi petanaexanaenexatsi piamonae pomonae Nacom juntu coyene itorobiya ewata. Matauta bapon jiwi axaibi exana ducuaeta pomonae xua atene yawa xua cuenecuenona.

<sup>36</sup> Poxonae Jesús jiwi tainchi, Jesús yabara nanta xeina barapomonae xua peyawenaewa tsane. Tsipei barapomonae natsepa matautano jopa itacupaetsi xua pia coutha penayawenaewa. Barapomonae bara be juta coyeneya ichi, icha be ovejamonae ichi xua poxonae iratha bobena tsipei natsepa matautano tsipei dapon aibi, pon pe-eeinaein ovejamonae xua peyawenaenexa.

<sup>37</sup> Nexata Jesús namchi pijimonaetha:

—Bara xainyeya paca tsipaebatsi. Pabitha ba pocotsiwa peubiwanaeweta nawita, daichitha ba penacuichiwi pomonae jota pinmonae aibi. Bara juta ichi barapo cae pin nacuathe. Jiwi pinmonae jinompa pomonae nantawenona xua pejume taewa tsane Nacom pia pexeinya jume diwesi tatsi. Daichitha pomonae Nacom Pejume

Diwesi cueicueije tsurubenanaebiya ichamonaetha, barapomonaе pinmonaе aibi, saya tsiquimonaeyo.

<sup>38</sup> Daxota Nacom pawucare xua pecaitorobinexa tsane ichamonaе xua petacamaxu tsipaebinexa tsainchi pia pejume diwesi pomonaetha pomonaе barapo cae pin nacuathe pejinompaewi, jei Jesús.

## 10

*Meje yabara poxonaе Jesús itapetsiya waba pia peitorobiwi tatsi xua doce poyobe (Mr 3.13-19; Lc 6.12-16)*

<sup>1</sup> Nexata Jesús pijimonaе waba. Barapomonaе jiwana itapetatsi doce poyobe, pomonaе baraichi: “Jesús pia peitorobi jiwі tatsi”, jeichichi. Jesús barapomonaе cata pia peayapusu itorobi coyenewa xua cauri ichamonaе petaitawetsinexatsi pomonaе xua cauri xeina. Matautano Jesús cata pia peayapusu itorobi coyenewa xua pijimonaе tatsi axaibi peexanaenexa pomonaе xua atene, xuano xua cuenecuenona.

<sup>2</sup> Barapomonaе pomonaе doce poyobe pomonaе peitorobiwichi, ichun pewun Simón, pon icha wunno “Pedro” baraichi. Iru ichun pewun Andrés, pon Simón peweicho tatsi. Iru ichun pewun Santiago. Iru ichun pewun Juan, pon Santiago peweicho tatsi. Baponbe Zebedeo pexantobe tatsi.

<sup>3-4</sup> Iru ichun pewun Felipe, iru ichun pewun Bartolomé, iru ichun pewun Tomás, iru ichun pewun Mateo. Barapon Mateo pon paratixi pentoma noteibin po paratixi jiwі bewa catsibina pon romanomonaе itorobiya pia pepa peewatsinchi nexa. Iru ichun pewun Santiago, pon Alfeo pexanto tatsi. Iru ichun pewun Tadeo. Iru ichun pewun Simón, pon celotemonaepin. Iru ichun pewun Judas Iscariote, pon Jesús caenaetaxubatsi ichamonaetha xua pebexubinexatsi.

*Meje yabara poxonaе Jesús itoroba pijimonaе xua barapomonaе peyabara cueicueijeinexa jiwіtha po coyene xua Nacom waba jiwі xua petanaexanaenexatsi pijimonaе tatsi (Mr 6.7-13; Lc 9.1-6)*

<sup>5</sup> Barapo doce poyobe Jesús itoroba, Jesús jeye:

—Jopa paponaeinde po nacua ichaxota jinompa pomonaе jopa judiomonaе naexanaeyo. Jopa paponaeinde po tomaran ena Samaria nacuathe.

<sup>6</sup> Meisa saya paponde pomonaе Israel nacuamonaepiwіtha. Barapomonaе payawende tsipei barapomonaе Nacom tajw wepu jinompatsi xua pipato jinompa. Icha be pocotsi jata coyeneya ichi oveja, barapo ovejamonaе napuxana poxoru wepu pona tajw beya, xua pon pe-enaеin barapo ovejamonaе bapon tajw wepu poinchi icha xua poxonaе napuxana.

<sup>7</sup> Poxonaе papaeba dubenanaebiyame, papaebare barapomonaetha po coyene xua anoxuae Nacom waba jiwі xua petanaexanaenexatsi piamonaе pomonaе itorobiya peewatsixae.

<sup>8</sup> Matautano Nacom pia peayapusu itorobi coyenewatha po coyenewe meje baxua paexande: Axaibi paexande pomonaе peatenewi; equeicha asu paexande pomonaе werapeibina; axaibi paexande pomonaе xua peperu sawichimonaе; matautano caurimonaе pata taitawere pomonaе caurimonaе pexeinaewi. Nacom amanaya paca cata barapo pia peayapusu itorobi coyene, daxota poxonaе jiwі payawename Nacom pia peayapusuwatha, jopa jiwі paratixi pawucaеinde.

<sup>9</sup> “Jopa pacaponaeinde paratixi xua poxonaе painya newarapaenexa.

<sup>10</sup> Jopa pacaponaeinde cote xua painya nejeyaenexa paparuwan poxonaе pawarapame. Saya cae camisa panama xatabare, jopa icha camisa pacaponaeinde. Matauta jopa pacaponaeinde ichawan xua painya nenataxu xatabiwan, yawa icha iwaton jopa pacaponaeinde. Painya xoba paauram xua poxonaе jiwі paca catsibeibina tsipei

baraxua pocotsiwa paca cata apara bara painya matoma painya netanacuichixaemxae Nacom.

<sup>11</sup> “Poxonae papanenebiyam pin tomaratha, ichacuitha tsiqui tomariyotha, pajeire pon jiwi baru cui itura jina xuano xua paca tsiwaba pia botha tatsi pia paca apatsinexa tsane. Bapon pia botha tatsi painya nepu enaeinde beya tsane poxonae barapo tomara weya pawarapaename.

<sup>12</sup> Poxonae bomuxutha pajojonyame, barapo bopiwi pajacobare, pajande: ‘Barabu Nacom jantema jinompa paca cana exanaena’, pajande.

<sup>13</sup> Icha baxota jinompa pomonae pomonaetha jiwi baru cui itura jina, bara baxua Nacom barapomonae taexanaeinchi pocotsiwa papaebame. Ichitha icha baxota jinompa pomonae pomonaetha jopa jiwi baru cui itura jinaeyo, baxua Nacom jopa taexanae tsane pocotsiwa papaebame barapomonaetha. Equeicha caewa pacata parenaena xua pocotsiwa papaebame.

<sup>14</sup> Ichitha icha icha tomarapiwi jopa paca matenta weyataeya wabiyo yawano icha jopa xapain paca jume naitaewatsiyo, nexata bapoxonae panatsixibare. Namto beya raponde xua bomuxu weya xua ichacuitha icha tomara weya. Po tsorobo painya taxutha dubena pana nataxu wenubabare barapo tomaratha. Poxonae baxua paexaname patsita itapeinya xeinaename, apara xua barapomonae abe exana painya xainya berena xua poxonae barapomonae paca jume itaweta.

<sup>15</sup> Bara xainyeya paca tsipaebatsi matacabi patopaena, po matacabitha Nacom yabara paebina jiwi petsita natsicuentisixaetsi xua abe petsita exanaexaetsi. Barapo matacabitha jopa juniya bichocono atene tsane pomonae paca jume itaweta. Caena bayatha Sodoma tomarapiwi iru Gomorra tomarapiwi bichocono abe exana. Daxota Nacom atene exanaena barapo tomaramonaebe. Bara bequein Sodoma tomarapiwi atene matauta iru Gomorra tomarapiwi bequein atene tsipei bichocono abe exana barapomonae. Ichitha nama pomonae barapo tomaratha jinompa, pomonae paca jume itaweta, jopa juniya peraxa jubebi tsainchi, beyacaincha poxonae Sodoma tomarapiwi yawa Gomorra tomarapiwi peraxa jubebatsi”, jei Jesús.

### *Meje yabara poxonae Jesús yabara paeba xua ichamonae abe exanaena Jesús pijimonaetha tatsi*

<sup>16</sup> Equeicha Jesús jeye: “Paponde ichaxota paca itorobatsi. Paca caitorobatsi pia xainya beya pomonae jopa pejume cowantsiwi, pomonae itacupatsi xua abe painya nepaca exanaewa, icha ovejan ichi xua poxonae pona ichaxota neuthu jinompa xua itacupatsi xua abe peexanaewatsi. Paxam pananthuthu cui wunaetsiya tsaquiya jinompare, tsipei ichamonae beya paca pepechipa. Baxua bara paichinde icha jomo ichi xua peita coxonaein poxonae waxouto cuitaya naetsiriwatsi. Paxam bara jutiya jopa paichim tsane jopa ichamonaetha abe paexanaeinde, icha topiboto ichi xua anaepana jopa nanta xeinecaeyo xua jantema yapoponeca.

<sup>17</sup> Paxam dota pam, dota pomonae peajuntucoyenebe jiwi. Barapomonae paca teicaena pepaca caponaenexa tsane pomonaetha pomonae tomaran pentacaponawewi. Bapoxonae barapomonae paca cuainchina judiomonae pia penacaetutsi bontha tatsi.

<sup>18</sup> Matauta barapomonae paca caponaena pomonae peyanacua ewatsi jiwi peitabaratha tatsi. Matauta paca caponaena pomonae jiwi itorobiya pia pepa peewatsiwichi pia peitabaratha tatsi. Baxua paca cana exanaena painya tana nejume cowantsixaemxae. Daichitha barapo pentacaponawewi peitabaratha tatsi paca itacupaena xua pata neyabara paebiwon pocotsiwa bayatha tapacata exanaewatsi paxam. Matautano paca itacupaena xua pata neyabara paebiwon pomonae jopa judiomonae naexanaeyo peitabaratha tatsi.

<sup>19</sup> Ichitha poxonae paca caponaena pentacaponae wi beya, jopa payabara najuntu coyene exabinde pocotsiwa xua painya nejume notsiwa tsane barapomonaetha. Nama Nacom paca tsijume dubina po jume xua painya necaunutsiwam tsane.

<sup>20</sup> Tsipei beta jopa papaebimchipae painya coutha, ichitha Nacom pia Pejumope t̃nax̃ tatsi paca tsimumu cueicueijeji tsane. Bapon paca catsina po jumetha xua patsipaebiname.

<sup>21</sup> “Jiwi caenaetsina barompaya peweicho jiwi ichamonaetha xua ichamona pe-jutebinexa tsane. Ir̃ coxiyeiwi ichamonaetha caenaetsina pia pexui xua ichamona pe-jutebinexa tsane. Ir̃ pexui paxeiwi caenaetsina ichamonaetha xua ichamona pe-jutebinexa tsainchi.

<sup>22</sup> Daxita nacuanpiwi paca casebina painya tana nejume cowantsixaemxae. Ichitha icha awiya paant̃yapusãya nejume cowantsiya jinompaename xua beya payacuiya werapaeya othopaename, poxonae bequein abe pacata exana ichamona Nacom na-paeba paca cana exanaena.

<sup>23</sup> Icha cae tomarapiwi paca abe exanaena, par̃cupare icha tomara beya. Bara xainyeya paca tsipaebatsi xua xan ponxaein Nacom Tananeitapetsin, equeicha patope-icaein beya ab̃ poxonae cataunxuae jopa panacui wetsim tsane xua paponame daxita israelmonae pia nacia tomarantha tatsi, xua papaeba dubenanaebiyame Nacom Pe-jume Diwesi.

<sup>24</sup> “Pon ba aena nacuiduba xua peyaputaenexa, bapon jopa be bapocotsinyo, pon pecuidubin jiwi, pon peyaputaen. Matauta pon ba petanacuichin jopa ainya cuiyo, jopa be bapocotsinyo pon xua peitorobixaetsi pon pia pecanamataxeinaeinchi tatsi.

<sup>25</sup> Pon ba penacuidubin bewa nanta xeinae, bewa najei: ‘Maisa ichamona inta abe exanatsi pon tana necuidubin. Metha bara neichi tsane’, bewa najei. Ir̃ pon ba tanacuita pia pecanamataxeinaeinchi bewa najei: ‘Maisa ichamona inta abe exanatsi pon tanecanamataxeinaein. Metha bara neichi tsane’, bewa najei. Icha pocotsi coyeneya baponbe ichi poxonae baxua nayabara nanta xeinabe, bara pocotsi coyeneya paca cana ichiya exana jiwi icha poxonae neyabara ichiya namchi. Tsipei jiwi abe neyabara paeba xua jeye: ‘Maisa bapon Beelzebú tsecae pon caurimonae pia pentacaponaein tatsi’, jei. Matauta paca yabara jei tsane: ‘Maisa barapomona Beelzebú pijimonae tatsi po Beelzebú caurimonae pia pentacaponaein tatsi’, paca yabara jei tsane”, jei Jesús.

*Meje yabara poxonae Jesús yabara paeba xua pontha bewa ba jiwi cuitaya cunuwina (Lc 12.2-7)*

<sup>26</sup> Equeicha Jesús jeye: “Jopa jiwi pacunuwinde xua tapana neyabara paebiwam. Tsipei daxita diwesi, xua po diwesi bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamona bexa yaputaeponaena baxua.

<sup>27</sup> Tsipei daxita baxua xua nameicha paca tsipaebatsi, baxua xuya patsipaebare jiwi. Po diwesi xua merawi paca tsipaebatsi, barapo diwesi xuya ichamona mataqueitha patsipaebare. Po diwesi xua paxapaxeya paca tsipaebatsi, barapo diwesi xuya panatha pana nejume canawabiya wawande.

<sup>28</sup> Tamona pam, paca tsipaebatsi, jopa pacunuwinde pomona itac̃patsi xua paca jutebina xua saya meisa painya pepontha. Ichitha barapomona jopa itac̃paetsi xua equeicha paca jumopein t̃nax̃ jutebina. Jame paca tsipaebatsi pon jame bewa pajume cuitaya cunuwim bapon apara jame Nacom. Tsipei barapon Nacom itac̃patsi xua paca bebai pin isototha po pin isototha jopa bapana itacounayiyo xua weraweraca painya nepaca exanaenexa painya pepon yawa painya nejumope t̃nax̃n.

<sup>29</sup> “Jiwi ba caenaeta sito dos poyobe, saya cae paratiyotha nantomata. Bequein barapo sitobe caenaeta jiwi xua jopa matoma nautsiyo, poxoru saya sito, ichitha painya Axa

Nacom yaputane yawa copata poxonae barapo sitobe jiwana iratha yajopeica xua yatupa.

<sup>30</sup> Nacom daxita carepaya jopa juniya paca yabara yaputaeyo, daxota paca matana yaputane xua pontanatiyobe painya nexainaewa.

<sup>31</sup> Jopa pajunuwinde tsipei paxam bichocono Nacom patsita ainya cuim, beyacaincha siri”, jei Jesús pijimonaetha.

*Meje yabara poxonae Jesucristo yabara paeba xua pomona peyabara paebiwichi ichamona peitabaratha tatsi*

*(Lc 12.8-9)*

<sup>32</sup> Equeicha Jesús namchi: “Yabara paca tsipaebatsi pomona xua nayopita ichamon-aetha pomona xua najei: ‘Apara paxan Jesús pijimona tatsi pan’, najei. Barichi xan xuya jan tsane Nacomtha: ‘Barapomona apara tana nejume cowantsiwi’, jan tsane xuya barapo Nacom peitabaratha pon Taxa, pon peitabocotha peecaexae.

<sup>33</sup> Ichitha pomona xua neyabara jei ichamonaetha: ‘Jopa bapon yaitaeinyo’, jei, xan xuya barapomona yabara jan tsane: ‘Apara barapomona jopa yaitaeinyo’, jan tsane xuya Taxa beicha, pon peitabocotha peecaexae”, jei Jesús.

*Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowantsixaetsi xua ichamona jopa pejume cowantsixaetsir#*

*(Lc 12.51-53; 14.26-27)*

<sup>34</sup> Equeicha Jesús namchi: “Jopa pananta xeinaeinde xua patopeican saya meisa xua jiwi jantema jinompa tacana exanaewa tsane. Jopa baxua tsipatopaeinyo. Apara jame tsipatopeican taexanaenexa po coyene jiwi naba exanatsi xua daxota ainya bicheiton penaexanaenexa. Pomona jopa nejume cowantsiyo ita aenae-aenei pomonaetha pomona tana nejume cowantsiwi.

<sup>35</sup> Coxian pexanto ita aenae-aenei tsainchi. Ir# coxiwa pexantiyo ita aenae-aenei tsainchi. Ir# ichowayo pecopeinyo ita aenae-aenei tsainchi.

<sup>36</sup> Daxota pebin barompaya piamona penaaitafaetabi jiwi nacana exanatsi.

<sup>37</sup> “Pon antobe paxa yawa pena beyacaincha xua neantobe bapon jopa naexanae tsane pon tajiwimona jiwana pin. Pon antobe pexanto beyacaincha xua neantobe, bapon jopa naexanae tsane pon tajiwimona jiwana pin. Yawa pon antobe pexantiyo beyacaincha xua neantobe bapon jopa naexanae tsane pon tajiwimona jiwana pin.

<sup>38</sup> Matautano pon jopa awiya exana ducunaebiyaeyo pocotsiwa itoroban, tsipei jopa be peraxa exanaetsi icha be xua poxonae neichi nexata bapon jopa tajiwimonaepinyo.

<sup>39</sup> Pon naantobeya nata exana pocotsiwa bapon ichichipa bapon jopa xeinaeyo peajuntuyarusawa, po peajuntuyarusawa ataya tsiteca xua Nacom pia nacua be-icha. Ichitha pon neantobeya inta exana pocotsiwa ichichipan taneantobexae bapon xeinaena peajuntuyarusawa, po peajuntuyarusawa ataya tsiteca xua Nacom pia nacua beicha”, jei Jesús.

*Meje yabara poxonae Jesús yabara paeba xua pocotsiwan peyabara cui matomatsiwa*  
*(Mr 9.41)*

<sup>40</sup> Equeicha Jesús namchi: “Pon xua paca matenta weyatane pia tana neyabara jume taenexa tsane pocotsiwa papaebiname, barapara bapon yawa neweyataner#. Barapon pon xua neweyatane, barapara matautano weyataenar# xua weyatainchi pon xua tana neitorobixae, bapon Nacom.

<sup>41</sup> Pon cueicueije Nacom pia peitorobi jume diwesi, Nacom bapontha catsina pia peyabara cui matomatsiwa tsipei barapon pon barapo peitorobi jume pepaebin Nacom tanacuitatsi. Po peyabara cui matomatsiwa catatsi pon Nacom peitorobi jume pepaebin Nacom barichi tsane jupa catsina pontha pon matenta weyatane, xua matenta wey-atainchi pon Nacom pia peitorobi jume pepaebin. Matauta ir# pon xua pejant# coyene



xeicaein bapontha Nacom catsina peyabara cui matomatsiwa tsipei bapon xanepanaya popona Nacom nexa. Nacom barichi tsane jupa catsina pontha pon matenta weyatane xua matenta weyatainchi pon pejuntũ coyene xeicaein.

<sup>42</sup> Pon xua apatsina tajiwimonae jiwana pintha bequein jopa matowa apatsiyo mera xua bequein cae corotiyo xua ameneque, daichitha Nacom bapontha catsina pia peyabara cui matomatsiwa tsipei bapon tajiwimonae jiwana pin yawenatsi”, jei Jesús.

## 11

*Meje yabara poxonae Juan pon jiwi Pebautisabin itoroba pijimonae Jesús beya, peyainyabinexa tsainchi Jesús*

*(Lc 7.18-35)*

<sup>1</sup> Jesús najume weta xua pijimonae muxuwetsiya cuiduba, po jiwimonae tatsi xua doce poyobe tatsi. Bapoxonae Jesús bara weya natsixitaba xua tomarantha peponaenexa po tomaran ena barapo nacuaitha xua jiwitha pecuidubinexa Nacom pia pexeinya jume diwesi tatsi.

<sup>2</sup> Juan pon jiwi Pebautisabin, bapon jiwi pecubi botha etatsi. Poxonae cataunxuae jiwi pecubi botha eca, bapon jume tane xua juinya Cristo exana. Bapoxonae Juan itorobabe Jesús beya ponbe pia pepuna jinompaewichi jiwanaabe tatsibe xua petayainyabinexatatsibe Jesús beya.

<sup>3</sup> Barapomonae Jesús yainyabatsi xua Juan najume caruta, xua jei:

—¿Metha bara xaniwaicha xam baponda, pon bewa patopaena pon Mesías? ¿Ichacuitha metha bara ichun pawunaewatan jampa? jei baraponbe xua Juan najume caruta.

<sup>4</sup> Jesús jume nota baraponbe, jeye: “Papondebe, matauta Juan patsipaebarebe xuaunxuae pocotsiwa pana necui tanemebe, matautano xuaunxuae pocotsiwa pana nejume tanemebeno.

<sup>5</sup> Matautano patsipaebarebe xua pomonae peitata nacutsi jiwi equeicha tane, matauta xua pomonae pejayujayujeiwi beta pona equeicha, matautano xua pomonae peperu sawichimonae equeicha peruwanae, matauta pomonae xua pemuxusipanaewi equeicha muxu nasaba, matauta pomonae xua pewerapaewi equeicha asu tsane. Matauta pomonae xua peacopeibi jiwi jume tane Nacom pia pexeinya pecapanenebiyae diwesi jume.

<sup>6</sup> Patsipaebarebe Juan xua xan janje: ‘Juntũ coyene weiweinaena pon jopa ainya unthũthũnyo, pon xaniwaicha neyabara jume cowunta’, xua jan”, jei Jesús.

<sup>7</sup> Poxonae Juan pia penacana jume caitorobinbe tatsi ponatababe, bapoxonae Jesús tamropata pitaba xua yabara paeba jiwitha xua Juan yabara paebatsi, jeye: “Ira xuepana susato tsurucuae nacuaitha paponame. Poxonae bara beya poponame, ¿eta xua painyatsi, painya jume taetsi pebin pon ainya unthũthũto cui xeina icha be naepanaewa ichi xua saya joibo ba jababiya caya tsaibi? Jume apara.

<sup>8</sup> Bara paichim. Paponame ¿painya nejumetaenexa pebin pon peitapanae paparuwa nama xatata? Jume apara. Payaputaneme pomonae peitapanae paparuwan nama xataba, barapomonae ba jinompa pexeinya bontha pomonae jiwi itorobiya pia pepa peewatsiwixaetsi.

<sup>9</sup> Jume. Jopa baxua patsiponaem xua jopa painya jume taenexa pebin pon ainya unthũthũto cui xeina, matautano xua jopa painya jume taenexa pebin pon peitapanae paparuwa nama xatata. Apra jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichun pon Nacom peitorobi jume pepaebin.

<sup>10</sup> Juan bapon apra, pon yabara paebatsi Nacom Pejume Diwesitha poxonae Nacom netsipaeba, nejei:

‘Catsiwanae itorobinchi copiya pon tana nacajume carutsin.

Barapon jũntũ cui wũnaetsina jiwi xua daxita jiwi najũntũ cui wũnaetsina xam nexa, xua necantenta weyataeya wabinexa poxona patopaename’, nejei Nacom Pejume Diwesitha.

<sup>11</sup> Bara xaniyeya paca tsipaebatsi xua daxita Nacom peitorobi jume pepaebiwi pomona Juan tsiwanaya jinompatsi bayatha, dapocotsin aibi barapomona jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueijei po coyene xua Nacom itorobina jiwi. Ichitha po diwesi xua tamona anoxuae paeba barapo diwesi bichocono ainya cui diwesi beyacaincha xua Juan cueicueijei, bequein jiwi nanta xeina xua tamona jopa ainya cui jiwi.

<sup>12</sup> “Juan pon jiwi Pebautisabin, poxona bapon tamropata pitaba xua cueicueijei Nacom Pejume Diwesi xua beya anoxuae pin bicheitomona ne jume cowũnta pia penaexanaenexa Nacom piamona tatsi. Barapomona pichichi xua penaexanaewa Nacom piamona tatsi pomona Nacom itorobiya peewatsixae bequein ichamona ayapube taexana barapomonaetha.

<sup>13</sup> Daxita po petinae diwesi Nacom peitorobi jume pepaebiwi tina irũrũ Moisés pia peitorobi coyenewa tatsi barapo naxobe peitorobi coyenewathabe yabara tsiwũnae muxu dutsiya paeba. Barapo peitorobi coyenewabe yabara paeba xua bexa tsane jopaena matacabi po mataqueitha xua Nacom jũntũ coyene itorobiya canamataxeinaena jiwi. Matapainya Juan patopa. Bapoxona irũ Nacom tamropata pitaba xua exana pocotsiwa bayatha yabara tsiwũnae muxu duta.

<sup>14</sup> Icha paxam xaniwaicha paichichipame xua payabara jume cowũntame xua pocotsiwa barapomona bayatha yabara paeba, bapoxona bara panejume cowũntsiname xua paeban, xua jan: ‘Apara Juan bapon Elías pon caena bayatha tũpa. Barapon apara pon Nacom peitorobi jume pepaebin, pon bayatha Nacom yabara paeba xua bepa pinae equeicha patopaena’, jan.

<sup>15</sup> Icha pamuxu dubename moya pana ne jume naitaeware pocotsiwa tapaca tsipaebiwatsi.

<sup>16</sup> “¿Eta pocotsimona cui jũpatsi barapomona pomona xote jinompe pomona Nacom jume itawetatsi? ¿Etabe jũta ichi barapomona? Barapomona be pexui, pocotsixi panatha nabarũ jinompa. Nabarũ wawai tsurubenanaebiya.

<sup>17</sup> Barapoxi nabarai, jeye: ‘Bayatha oibo paca tsimuxu obatsiba ichitha jopa panawirabim. Bayatha paca tsimuxu wecoyeichiba icha be ichi poxona ichũn tatũpatsi ichitha jopa pana itanuwe jume notsim xua painya newecoyeinexarũ’, jei barapoxi.

<sup>18</sup> Juan patopa pon jiwi Pebautisabin. Bapon jopa xaeyo pan, yawa jopa apaeyo vino mera. Ichitha paxam pajam: ‘Apara Juan xeina cauri’, pajam.

<sup>19</sup> Bapoxona xan ponxaein Nacom Tananeitapetsin patopan. Xan pan taxaein yawa vino mera taapaein. Paxam pana neyabara paebame pajam: ‘Bapon maisa jopa juniya nabanaeyo, yawa jopa juniya apaeyo. Peatsacaewi abe peexanae jiwi pia jiton tatsi, irũ pomona paratixi pentoma noteibiwi, barapomona pia jiton tatsi’, pana neyabara jam. Nacom piamona tatsi barapomona tsita exana xua jiwi tsita exanatsi Nacom pia peyaputae coyeneintha tatsi. Po coyene barapomona exana, baxua Nacom tsita pexainyei coyenetsi”, jei Jesús.

*Meje yabara poxona Jesús yabara paeba po tomaranpiwi jopa pejume cowũntsiwichi (Lc 10.13-15)*

<sup>20</sup> Nexata Jesús tamropata pitaba xua biatane ainya tomaranpiwi, ichaxota bayatha copiya matha matowa exana pia petsita itũtsi coyenewan. Bequein Jesús baxua matowa



exana, ichitha barapomonae jopa icha j̄nt̄u coyene xeinaeyo xua peauraxae xua abe exana.

<sup>21</sup> Daxota barapo tomarapiwi beya, jeye: “¡Pai jaibo, Corazín tomarapiwi tsobena! ¡Ir̄u Betsaida tomarapiwi tsobena! Po tsita it̄tsi coyenewan exanan Corazín tomaratha ir̄u Betsaida tomarathano, ich̄un jopa bapana exanaeyo barapo tsita it̄tsi coyenewan Tiro tomaratha yawa Sidón tomaratha. Icha barapo tsita it̄tsi coyenewan exanaetsipa Tiro tomaratha Sidón tomarathano, barapo tomarabepiwi icha penanta xeinae coyenewatha yabara nanta pentsipa Nacomtha. Barapomonae iratha enaetsipa yawa paparuwan nama xatabichipa xua pocotsiwa be peru mapaton xua ax̄un, yawa ipuna nacaxuebichipa pia pepontha. Barapomonae baxua exanaetsipa xua ichamonae petsita itapeinya xeinaewa tsainchi xua icha j̄nt̄u coyenein Nacom petsita xeinaewatsi peauraxae abe peexanaexae bapontha.

<sup>22</sup> Paxam pomonae Corazín tomarapiwi pam ir̄u Betsaida tomarapiwi pam, bara xaniyeya paca tsipaebatsi. Poxonae barapo matacabi patopeicaena po mataqueitha Nacom yabara paebina daxita jiwi petsita natsicuentsexiaetsi abe petsita exanaexaetsi, Tiro tomarapiwi ir̄u Sidón tomarapiwi daxita barapo tomarabepiwi bichocono peraxa j̄bebinchi. Ichitha nama paxam pomonae Corazín tomarapiwi pam, ir̄u Betsaida tomarapiwi pamd̄u, daxita paxam jopa juniya paca peraxa j̄bebi tsane, beyacaincha xua peraxa j̄bebinchi Tiro tomarapiwi ir̄u Sidón tomarapiwi.

<sup>23</sup> ¡Incane ir̄u Capernaum tomarapiwi pamd̄u! ¿Bara pana nanta xeiname xua paca capanenebiya tsane peitaboco beicha? Jume, apara paca itorobina pet̄pae coyene cuiru bereca. Po petsita it̄tsi coyenewan painya tomaratha exanan icha bayatha barapo petsita it̄tsi coyenewan exanaetsipa Sodoma tomaratha, bara cataunxuae barapo tomara ecaetsipa, xua beya anoxuae tsipae. Tsipei barapomonae metha bayatha xeinaetsipa icha j̄nt̄u coyene xua peauraxae xua abe exana Nacomtha. Metha bapoxonae Nacom jopa jutebichipae barapo tomarapiwi.

<sup>24</sup> Ichitha paca tsipaebatsi paxam Capernaum tomarapiwi pam, matacabi patopeicaena po mataqueitha Nacom yabara paebina daxita jiwi petsita natsicuentsexiaetsi abe petsita exanaexaetsi. Barapo mataqueitha bichocono paca peraxa j̄bebincha, beyacaincha xua Sodoma tomarapiwi peraxa j̄bebinchi bichocono”, jei Jesús.

*Meje yabara poxonae Jesús waba jiwi: “Anetha xan berena tapaca yawenaewa tsainchi”, jei*

*(Lc 10.21-22)*

<sup>25</sup> Bara caena bapoxonae Jesús j̄nt̄u coyene weiweina exanatsi Nacom pia Pejumope t̄nax̄u tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. W̄nae cajaintatsi tsipei jopa tsita it̄bim pocotsiwa pexainyei coyenewa xan yabara pomonaetha pomonae bichocono penacuidubiwi pomonae be pinyon penatsicotaewi tsipei nanta xeina xua bichocono peyaputaewi daxita. Jame tsita it̄tame barapo pexainyei coyenewa xua xan yabara pomonaetha pomonae jopa bichocono penacuidubiwi, pomonae be pexui penatsicotaewi tsipei jopa nanta xeinaeyo xua bichocono peyaputae jiwi daxita.

<sup>26</sup> Axa, baxua exaname necatsita xanepanaexae baxua”, jei Jesús Paxatha.

<sup>27</sup> Equeicha Jesús namchi pijimonaetha, jeye: “Taxa daxita necata xua pia peitorobi coyenewa tatsi, matautano xua pia peyaputae coyenewa tatsi. Dapon aibi pon xaniwaicha nej̄nt̄u cui coyene yaputane. Jame saya meisa Taxa Nacom, nej̄nt̄u cui coyene yaputane. Dapon aibi pon Taxa j̄nt̄u cui coyene yaputainchi. Saya jame meisa Taxaxae j̄nt̄u cui coyene yaputan. Matautano barichi Taxa meisa j̄nt̄u coyene yaputainchi pon saya bara copatan xua bara Taxa pej̄nt̄u cui coyene yaputaewa tsainchi.

<sup>28</sup> Anetha xan berena daxita paxam xua tapaca yawenaewa tsainchi. Daxita paxam xua pocotsiwa paca j̄nt̄u coyene natsepa exana painya abe neexanae cuiru coyene

baxua paca juntu cui coyene canapuxanaeya yabara jntemainaeinchi xua painya nenafinacaewatsinexa. Equeicha pena juntu coyene paca cana exanaeinchi, xua painya nejuntu coyene weiweinaeya jinompaewa tsane.

<sup>29</sup> Pana necui coyene xeinare tacuidubi coyene painya nenacuidubinexam tsane yawa painya neyawenaenexa tsane xua painya necuidubiwa tsane ichamona. Baxuan paexande tsipei xan jopa bapana juntu cui coyene anaepanaeya tacuidubin jiwi. Matauta bapana jopa tajuntu cui coyene atsacaein. Matautano jopa pajuntu coyene deideijeya jinompaem tsane. Saya jame xanepanaeya painompaename tsipei paexanaename tacuidubi cui coyenein.

<sup>30</sup> Barapo tacuidubi cui coyenewan jopa ayapubeyo painya juntu cui coyenetha. Bara paca itacupa xua painya neexanaewa tsane barapo tacuidubi cui coyenewan”, jei Jesús.

## 12

*Meje yabara poxonae Jesús pijimonae tatsi yaboto nota trigo xu judiomona barompaya pia pentaquei seicae mataqueitha tatsi*

*(Mr 2.23-28; Lc 6.1-5)*

<sup>1</sup> Caentacabi poxonae judiomona barompaya pia pentaquei seicae matabitha tatsi barapo mataqueitha Jesús iru pijimonae tatsino pabi iyiya. Jesús pijimonae tatsi jainpa. Barapomona tamropata notarucupa xua yaboto xunumenapona trigo xu, bapoxona pecobetha xu mata pepeta yawa xu xane.

<sup>2</sup> Poxonae fariseomona cui tane xua Jesús pijimonae tatsi exana, bapoxonae barapomona Jesús tsipaebatsi, jeye:

—Jamaisa jinya jiwimona nacuita barapo matabithe poxonae yaboto nota trigo xu. Apra jiwi jopa yabara copatichi xua penacuichiwa po mataqueithe xua judiomona barompaya pia pentaquei seicae matabi tatsi, jei fariseomona.

<sup>3</sup> Jesús jume nota, jeye:

—Barapo tajiwiwimona jopa apra abe exanaeyo. Jopa payabara yorobim pocotsiwa bayatha David exana poxonae jainpa, poxonae iru pijimonae tajainpatsiru. Bapon David, pon caena bayatha israelmona itorobiya pia pepa Peewatsinchi.

<sup>4</sup> Bapon David iru pijimonae tatsi barapomona Nacom pin pia botha tatsi jojoniya. David xane pan, po pan ichamona cana exana xua Nacomtha pecatsiwatsi. Iru barapo pan David pijimona cata xua pexaenexaru. Barapomona xane bequein bara Nacom pia peitorobi coyenewatha copata xua saya meisa sacerdotemona itacupatsi xua pexaewa tsane barapo pan.

<sup>5</sup> Matautano bequein payabara yorobame Moisés pia peitorobi coyenewatha ichaxota jei: ‘Sacerdotemonaepiwi nacuita judiomona barompaya pia pentaquei seicae matabitha tatsi poxonae Nacom pin pia botha tatsi duwei tauta xua petuxusi exanaenexa Nacom nexa’, jei. Apra barapo coyene jopa peabe coyenewiyo. Jiwi bara copata. Jopa cui matawentsiyo bequein bara barapo judiomona barompaya pia pentaquei seicae matabitha tatsi exana taetha.

<sup>6</sup> Ichitha paca tsipaebatsi xua nama taayapusu itorobi coyenewa ainya cui beyacaincha Moisés pia peitorobi coyenewan tatsi, xuano beyacaincha barapo coyene po coyene poxonae Nacom pin pia botha exana.

<sup>7</sup> Paxam jopa xanepanaeya payaputaem xua Nacom jei pejume diwesitha: ‘Ichichipan xua painya nexainaewa tsane nantanuweya peyabara nanta xinae unthato xua ichamona painya neyawenaewa tsane. Baxua jame bichocono ichichipan beyacaincha xua duwei petautsiwa xua petuxusi exanaewa xan nexa’, jei Nacom Pejume Diwesitha. Icha bayatha payaputaetsipame pocotsiwa Nacom Pejume Diwesitha paeba, bapoxona barapo tamona jopa abe payabara paebimchipae pomona bequein bara jopa abe exanaeyo.

<sup>8</sup> Xan ponxaein Nacom Tananeitapetsixae taitorobi coyene xeinan xua jiwi tacoya taitorobiwa pentaquei seicae matakabitha, jei Jesús, fariseomonaetha.

*Meje yabara poxonae Jesús cobe wɥnae exana pon pecobe mɥbinchi*  
(Mr 3.1-6; Lc 6.6-11)

<sup>9</sup> Poxonae Jesús najume weta xua fariseomonae tsipaebatsi, bapoxonae Jesús bara weya natsixitabiya ponataba trigo pabi weya. Bapoxonae pona judiomonaе pia penacaetutsi bo tatsi beya, bapoxonaeno joniya barapo botha.

<sup>10</sup> Barapo botha pebin eca pon pecobe mɥbinchi. Baxotarɥ fariseomonaе ena. Barapo fariseomonaе ichipa piraichi Jesús yainyabatsi xua icha Jesús jume notsina icha jumetha xua bapoxonae Jesús pecui yabara paebinxatsi jiwitha xua Jesús abe exana. Barapo fariseomonaе Jesús jeichichi:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicae mataqueitha jampa? jei.

<sup>11</sup> Jesús jume nota, jeye:

—¿Jintam metha pon paxam jiwana, pon xeina cae oveja, xua poxonae jopa jutsipae icha barapo oveja mɥthɥtha tajoparecatsi? Apará bara awiya jutsipa pia ovejaxae bara bequein pentaquei seicae matakabi taetha.

<sup>12</sup> Nama apara bichocono jiwi yabara Nacom tsita ainya cuichi beyacaincha xua oveja yabara Nacom tsita ainya cuichi. Daxota Nacom copata xua bara jiwi pexanepanae coyene exaneibina, bara bequein xua poxonae pentaquei seicae matakabintha taetha, jei Jesús fariseomonaetha.

<sup>13</sup> Nexata Jesús barai pontha pon pecobe mɥbinchi jeye:

—Nacobe doire, jei.

Poxonae bapon nacobe doita, bapoxonae nainya cobe wɥnae tsanaya icha icha cobe ichi.

<sup>14</sup> Bapoxonae fariseomonaе Jesús weya ponarɥcɥpa xua Jesús pecui yabara paebinxatsi xua po cui coyenewatha Jesús pebexubiwa tsainchi.

*Meje yabara xua Jesús peyabara tsiwɥnae cui paebiwatsi*

<sup>15</sup> Poxonae Jesús yaputane xua yabara cui paebatsi xua abe exana mataɥtano xua bexubapaebatsi, bapoxonae Jesús bara weya ponataba. Mataɥtano Jesús pinmonaeno puna poinchi. Jesús axaibi exana ducuaanaebiya daxita pomonaе peatenewi.

<sup>16</sup> Mataɥta Jesús barapomonaetha itoroba, jei: “Jopa baxua ichamonaetha pana necui yopichinde xua jiwi axaibi taexanaewa”, jei Jesús.

<sup>17</sup> Jesús itoroba pomonaе xua axaibi peexanaexae xua jopa peyabara cueicueijeinexa tsainchi ichamonaetha. Baxua exana xua penayabara jume cui wetsinexa xua Isaiás pejume diwesitha bayatha yabara tsiwɥnaeya tina Nacom nexa pon Nacom peitorobi jume pepaebin. Nacom jeye, Jesús yabara:

<sup>18</sup> “Bapon apara pon inta nacuita, pon itapetan,

pon bichocono antobein yawa xua nejɥntɥ

coyene weiweina exana pon.

Taitorobicaein tajumope tɥnaxɥ xua

bapon peyantsiwa tsainchi.

Bapon daxita nacuanpiwitha capona exanaena

tapexeinya jume diwesi pomonaetha pomonaе

jopa judiomonaе naexanaeyo.

Barapon barapo pexeinya jume diwesi caponaena,

xua pejume cowɥntsinexa tsane pomonaе poxonae

jume taibina barapo pexeinya jume diwesi xua

bapoxonae barapomonaе tayabara jɥntemainaenexa

abe pia peexanae cuiru coyenein tatsi.

<sup>19</sup> Matauta bapon jopa jume matsontsonobeibi tsane. Bapon jopa namtsebiya wawai tsaibi tsane namtotha xua jiwi bapon pejume taenexa tsaibi tsainchi, xua bapon pejume naitaewatsinexa tsaibi tsainchi.

<sup>20</sup> Pomonae jopa peajuntucoyenesuwi xua tana nejume cowantsiwa, bapon jopa bebai tsaibi tsane.

Barapomonae capanenebiya tsainchi.

Matautano pijimonae tatsi poxonae juntu coyene faefaenena, jopa anaya jutebi tsane.

Bara bapon yawenaena barapomonae.

Bapon baxua exanaena xua pijimonae yayawenaponaena beya tsane xua cui amanayabina pia peaitafaetabi jiwichi.

<sup>21</sup> Matauta daxita nacuanpiwi jiwanamonae pomonae jopa judiomonae naexanaeyo barapomonae bapon wnae ewatatsi xua bara bapon barapomonae pecapanenebiwa tsainchi Nacom beicha”, jei Nacom Jesús yabara Isaías pejume diwesitha.

*Meje yabara poxonae Jesús baraichi xua pinae xeina Beelzebú pia peayapusu itorobi coyenewa tatsi*

*(Mr 3.20-30; Lc 11.14-23; 12.10)*

<sup>22</sup> Bapoxonae jiwi Jesús tacapatatsi pebin pon muxusipana exainchi cauri, matautano xua itata nacuta exainchino. Bapon Jesús axaibi exana. Bapoxonae pebin muxu nasaba, beta necota, matautano paebano.

<sup>23</sup> Daxita pomonae cui tane baxua, pocotsiwa Jesús exana, daxita barapomonae yabara najuntu coyene benaecaeya najei: “Jina, ¿bapon apara David pia pemomoxi susato jiwi jiwanapin tatsi jampa, pon Nacom yabara wnae tsiwunaeya paeba xua pinae patopeicaena jampa?” jei.

<sup>24</sup> Poxonae baxua fariseomonae jume tane, jeye: “Bapon caurimonae itawetatsi apara pexeinaexae Beelzebú pia peayapusu itorobi coyenewa tatsi pon caurimonae pia pentacaponaein tatsi”, jei fariseomonae.

<sup>25</sup> Jesús yaputane xua fariseomonae nanta xeina poxonae natsipaeba baxua, daxota jei fariseomonaetha: “Icha cae nacuapiwi nawepu tsatabe matauta nababe, bapoxonae jopa xaexaenaecaeyo. Matauta iruru icha cae tomarapiwi nababe, bapoxonae jopa xapain jinompaeyo barapo tomarapiwi. Matauta iruru icha cae bo matabuxuyomonaebe nababe, yawa nawepu tsatajopabe bapoxonae jopa xaexaenaecaeyo.

<sup>26</sup> Barichi icha Satanás pijimonae tatsi nawepu tsatajopabe, matautano nababe, bapoxonae jopa xaexaenaecaeyo. Satanás jopa itacupaetsi xua itoroba pijimonae, tsipei amsiya exana.

<sup>27</sup> Paxam pana neyabara jam: ‘Apara bapon itaweta cauri tsipei bapon xeina Beelzebú pia peayapusu itorobi coyenewa tatsi, pon Beelzebú caurimonae pia pentacaponaein tatsi’, pana neyabara jam. Icha baxua bara xainyei, ¿nexata eta po peayapusu itorobi coyenewa tatsi painyamonaetha itaweta cauri? ¿Iuru barapomonae itaweta cauri Beelzebú pia peayapusu itorobi coyenewatha tatsi? Daxota painyamonaetha paca yaputane xua apara paxam panaerabame.

<sup>28</sup> Ichitha nama xan cauri itawetan Nacom pia pejumope tana xatu tatsi pia peayapusu itorobi coyenewatha tatsi, xua barapo pejumope tana xatu tana necatsixae pia peayapusu itorobi coyenewa. Baxua apara paca tsipaebatsi painya neyaputaenexa xua painya xantha patopan ponxaein Nacom Tananeitapetsin.

<sup>29</sup> “Dapon aibi pon itacɥpatsi xua botha joniya po botha pon bichocono maxɥ daunwei pia bo tatsi xua daxita penotsiwa tsane pocotsiwa bapon xeina pon maxɥ daunwei, icha jopa copiya matha maxɥ cutanotsiyo. Barapocotsi jɥta coyeneya ichin. Xan cui amanayaban Satanás daxota neitacɥpa xua torotsiya itawetan bapon pijimonae tatsi pomonae caurimonae.

<sup>30</sup> “Pomonae jopa neyawenaeyo, barapomonae apara inta abe exana. Barapomonae exana xua ichamonae jopa tana nejume cowɥntsiwa tsane. Barapomonae jopa yawenaeyo xua ichamonae nenacaetutsina tajiwiwonaexae tsane.

<sup>31</sup> “Daxota paca tsipaebatsi xua pocotsiwa jiwi abe peexanae cuiru coyenein exana mataɥtano pocotsiwa xua jiwi abe paeba, barapo coyene Nacom itacɥpatsi xua yabara jɥntemainena daxita barapo coyenein. Pon abe yabara paeba Nacom pia Pejumope tɥnaxɥ tatsi Nacom bapana jopa yabara jɥntemainae tsane xua bapon paeba.

<sup>32</sup> Mataɥtano xan ponxaein Nacom Tananeitapetsin pon abe neyabara paeba Nacom itacɥpatsi xua bapon peyabara jɥntemainewatsi pocotsiwa bapon abe neyabara paeba. Ichitha pon nama bichocono abe yabara paeba Nacom pia Pejumope tɥnaxɥ tatsi, Nacom jopa bapana yabara jɥntemainae tsane bapon, anoxuae mataɥtano xua bexa tsane”, jei Jesús.

*Meje yabara poxonae Jesús yabara cuiduba xua pinae jiwi yaputane nae penacoichixae (Lc 6.43-45)*

<sup>33</sup> Equeicha Jesús jeye: “Icha nae po nae pexeinya nae bara nacoita po pethei pexeinya thei. Icha nae po nae peabe nae bara nacoita po pethei camatsa thei. Jiwi ba nae yaputane tsipei po nae penacoichixae.

<sup>34</sup> ¡Paxam pomonae bichocono abe peexanaewi pam! Icha jomomonae ichi xua abe exana jiwitha bara paichim, abe paexaname jiwitha. Paxam jopa paca itacɥpaeyo xua xanepanaeya painya nepaebiwa, tsipei pocotsiwa painya coibototha papaebame barapara baxua painya jɥntɥ coyenetha pacayabara nanta xeiname.

<sup>35</sup> Pon ba rejɥntɥ coyene xanepanaein bapon ba xua xanepana paeba, tsipei ba rejɥntɥ coyene xeicaein. Pon ba peajɥntɥcoyenebein bapon ba xua abe paeba tsipei ba peajɥntɥcoyenebein.

<sup>36</sup> Ichitha paca tsipaebatsi xua matakabi patopeicaena po mataqueitha Nacom yabara paebina daxita jiwi penatsicuentsiwa abe peexanaexae bapontha. Barapo matakabitha daxita jiwi bewa atene tsane pepaebixae po jumein jopa xanepanaeyo.

<sup>37</sup> Poxonae Nacom yabara paebina daxita jiwi penatsicuentsiwa abe peexanaexae bapontha, Nacom tsanaya tsabina pia pepaebixae jumeintha tsane. Pomonae paxam xanepanaya papaebame ichamonaetha poxonae cataunxuae pajinompame po irathe, Nacom xuya paca yabara jei tsane: ‘Barapomonae bara jopa abe exanaeyo’, paca yabara jei tsane. Paxam pomonae bayatha abe papaebame poxonae cataunxuae pajinompame po irathe Nacom xuya paca yabara jei tsane: ‘Maisa barapomonae abe pepaebiwi’, paca yabara jei tsane”, jei Jesús.

*Meje yabara poxonae pomonae peajɥntɥcoyenebe jiwi Jesús cui itorobatsi xua peexanaewa tsane pexeinya petsita itɥtsi coyenewa (Mr 8.12; Lc 11.29-32)*

<sup>38</sup> Nexata fariseomonae jiwanamonaе irɥrɥ pomonae jiwi pecuidubiwi Moisés pia peitorobi coyene tatsi jiwanamonaе, daxita barapomonae Jesús cui itorobatsi, jeichichi: —Pon jiwi Pecuidubim, paichichipan xua pata taewa tsane xua tapan netsita itɥtsiwam tsane cae jinya pexeinya netsita itɥtsi coyenewa pocotsiwa Nacom cacatsina pia peayapusɥ itorobi coyenewatha. Bapoxonae paca jume cowɥntsinchi, jei.

<sup>39</sup> Daxita barapomonaetha Jesús barai, jeye:

—Pomonae peajɥntɥcoyenebe jiwi irɥrɥ pomonae jopa tana nejume cowɥntsi jiwi barapomonae necui itoroba xua taexanaewa cae coyenewa tapexeinya tsita itɥtsi



coyenewa. Ichitha jopa tsita itutsin tsane icha tapexeinya tsita itutsi coyenewa. Saya meisa exanaein icha bayatha j̄uta coyene cana ichichi Jonás pon Nacom peitorobi jume pepaebin, pon caena bayatha t̄upa.

<sup>40</sup> Nacom Jonás itorobatsi Nínive tomarapiwi beya petsipaebinexa Nacom Pejume Diwesi barapomonaetha. Jonás jopa baxua peexanaexae daxota Nacom exana xua Jonás quianaxorecatsi duwein pon pinyo. Bapon barapo pin duwein tsijuntutha eca acoibi po matacabiyobe, matautano acoibi po merawiyobe, beya poxonae equeicha yacabaxotsi xua as̄u popona. Barichi tsane xan ponxaein Nacom Tananeitapetsin t̄upaein. Bapoxonae m̄uth̄utha nebotsina acoibi po matacabiyobe nexa tsane, matautano acoibi po merawiyobe nexa tsane, beya poxonae equeicha Nacom as̄u juina neexanaena.

<sup>41</sup> Matacabi patopeicaena po matcabitha Nacom yabara paebina daxita jiwi peperaxa exanaenexatsi penatsicuentisixae abe peexanaexae. Barapo mataqueitha Nínive tomarapiwi pomona caena bayatha jinompa barapomona abeya paca yabara paebina poxonae umenaena Nacom peitabaratha. Baxua exanaena tsipei barapo Nínive tomarapiwi icha j̄unt̄u coyene xeina Nacomtha peuraxae xua abe exana caena bayatha poxonae Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha j̄unt̄u coyene paxeinaem. Nama apara xote uncuanje ponxaein taexanaein po coyenewa pepa peainya cui coyenewa xua tacaponaewa Nacom Pejume Diwesi daxita jiwitha. Bara pocotsi coyenewa toxeinchiya ainya cui coyenewa beyacaincha Jonás po cui coyene exana poxonae Nacom Pejume Diwesi capona Nínive tomarapiwitha.

<sup>42</sup> Matauta barapo matcabitha tsane petsiriwa, powa caena bayatha t̄upa, bapowa asiya uncuaena Nacom peitabaratha tatsi. Barapowa pia nacuapiwayo, po nacua pocotsiwa parowa bereca taj̄u bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicueije tsane pomona xua anoxuae jinompa poxonae uncuaena Nacom peitabaratha tatsi. Jei tsane bapowa: ‘Maisa pomona xua jinompa poxonae Mesías popona po irathe deque, barapomona abe bichocono peexanaewi, tsipei aj̄unt̄ucoyenefaetabiya jume tane pocotsiwa Mesías cuiduba bequein Mesías bichocono peyaputaein’, jei tsane barapowa. Barapowa baxua paebina tsipei bapowa bayatha taj̄u werena pona, pesiwa ponaenexatsi Salomón, pon caena bayatha Israel nacuapiwi itorobiya pia pepa peewatsinchi. Bapowa yaputane xua Salomón bichocono peyaputaein Nacom yabara. Daxota bapowa ichichipa xua pecuidubiwatsi xua Salomón pecuidubinexa Nacom yabara. Nama apara xote uncuanje ponxaein taexanaein pocotsiwa pepa peainya cui coyenewa xua tacuidubin Nacom yabara daxita jiwitha. Barapocotsi coyenewa toxeinchiya ainya cui coyenewa beyacaincha Salomón po cui coyene exana poxonae cuiduba Nacom yabara barapo petsiriwatha, jei Jesús.

*Meje yabara poxonae Jesús yabara paeba cauri xua caewa nauyata pebintha (Lc 11.24-26)*

<sup>43-44</sup> Equeicha Jesús jeye: “Poxonae pebin wepu poinchi cauri, bapoxona cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxona bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri. Poxona caibeya pona cauri caxina, pebin caxinatsi xua xanepanaeya popona.

<sup>45</sup> Nexata equeicha cauri pona pebin weya. Pirapaeyo bapon bar̄u patopa siete poyobe cauri pomona bichocono abe beyacaincha bapon pon copiya. Daxita barapo caurimona pebin puna jinompatsi. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein. Barichi tsane caurimona abe cana exanaena pomonaetha pomona anoxuae jinompa, pomonaetha pomona peaj̄unt̄ucoyenebe jiwi, icha barapo caurimona ichi poxona pebin abe cana exainchi”, jei Jesús.

*Meje yabara xua Jesús pena tatsi irur̃ peyapin jiwi tatsino  
(Mr 3.31-35; Lc 8.19-21)*

<sup>46</sup> Jesús cataunxuae cueicueijeji tsuncuae poxonae beya ir̃ pena tatsi peyapin jiwi tatsino pata. Daxita barapomonaeyobe pesato beya umena bequein ichichipa Jesús bar̃ cueicueijeichi canta pin bicheito.

<sup>47</sup> Ich̃n Jesús baraichi, jeye:

—Ena, irur̃ neyapin jiwino pesato beya umena. Bepara bequein cataei, necatsipae-binexa tsane, jei bapon.

<sup>48</sup> Ichitha Jesús jopa bara jume jejeyo, saya jame yainyaba bapontha, jeye:

—¿Jintam powa be taena natsicotanera? ¿Jintam pomonae be tayapin jiwi natsicotanera? jei Jesús bapontha.

Baxua Jesús caunuta pia pecuidubinexa xua peyabara caunutsinexa pomonae pia pepuna jinompaewichi.

<sup>49</sup> Nexata Jesús pijimonae cowai yawa jei jiwitha:

—Pomonae xua cowan apara barapomonae be taena tsicotan matautano ir̃ be tayapin jiwi tsicotanno.

<sup>50</sup> Pomonae xua exana pocotsiwa Taxa Nacom itoroba, pon peitabocotha peecaeinxae, barapomonae be tayapin jiwi tsicotan, matautano ir̃ be tayapixi tsicotanno, matautano ir̃ be taena tsicotanno, jei Jesús.

## 13

*Meje yabara poxonae Jesús cuiduba jiwi pecayabara j̃ta pepaebi diwesiyo xua pon pẽbin yabara*

*(Mr 4.1-9; Lc 8.4-8)*

<sup>1</sup> Barapo mataqueitha caena Jesús bo weya pona, bapoxonae pucua itapatha ecopa.

<sup>2</sup> Tsipei pin bicheito nacaetuta Jesth̃a daxota Jesús jeratha nontabiya yawa tsiwiyo nayana toroya bapoxonae ecoundeca. Daxita barapo pin bicheito taetabo mene itapatha umena.

<sup>3</sup> Jesús barapo pin bicheito cuiduba pecayabara j̃ta pepaebi diwesintha.

Cae diwesiyotha Jesús namchi, jeye: “Peb̃n pon pẽbin pontaba pia ubichi pabitha.

<sup>4</sup> Poxonae pon pẽbin ubauya, icha xu namtotha xu othopeica. Peyarupunaewi yapata yawa xu x̃ne.

<sup>5</sup> Icha xu, xu othopeica ibowantha ichaxota ira itafafana. Barapoxonae barapo xu caena nainya xu xuwa tsipei jopa taj̃ xu xuwarecaeyo.

<sup>6</sup> Ichitha poxonae xometo atsa tsina bapoxonae yaboto tsaquiwa yawa t̃pa tsipei jopa taj̃ tab̃ opina xuwarecaeyo.

<sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan.

<sup>8</sup> Icha xu, xu othopeica ichaxota ira w̃nae. Poxonae barapo xu, xu xuwa, xu naw̃naeta. Icha xun, xu nanacoitapona cien po xu matab̃x̃yobe tsiniya. Icha xun, xu nanacoitapona sesenta po xu matab̃x̃yobe tsiniya. Icha xun, xu nanacoitapona treinta po xu matab̃x̃yobe tsiniya.

<sup>9</sup> Icha pamuxu dubename, moya pana nejume naitaeware pocotsiwa tapaca tsipaebi-watsi”, jei Jesús.

*Meje yabara poxonae Jesús namchi xua exua metha pecayabara j̃ta pepaebi diwesiyo yabara jane, jei*

*(Mr 4.10-12; Lc 8.9-10)*

<sup>10</sup> Nexata Jesús pijimonae imoxoyo caquita umenar̃cupatsi yawa yainyabatsi, je-ichichi:

—¿Eta xua metha jiwitha paebame pecayabara j̄ta pepaebi diwesin? jei Jesús pijimonaethatsi.

<sup>11</sup> Jesús jume nota barapomonaetha, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyaw̄n̄n̄ xeinaewa. Barapo moya peyaw̄n̄n̄ xeinaewa xua jiwi jopa peyaputaewa apara xua Nacom paca cana exana xua painya nepaca itac̄paewa xua painya nenaexanaewa Nacom piamonaethatsi pam, pomonaetha pamxaem Nacom itorobiya paca ewata. Ichitha jame ichamonaetha pomonaetha jopa nejume cow̄ntsiyo jopa daichichi. Nacom jopa copatsiyo xua barapomonaetha peyabara yaputaewa baxua. Daxota barapomonaetha cuiduban pecayabara j̄ta pepaebi diwesintha xua Nacom peyabara yaputaenexatsi.

<sup>12</sup> Pon ba be conotha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonaetha bapon equeicha bichocono Nacom pejume cow̄ntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cow̄ntsiwa tsainchi.

<sup>13</sup> Daxota jiwitha paeban pecayabara j̄ta pepaebi diwesintha. Baxua paeban barapomonaetha xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane.

<sup>14</sup> Barapomonaetha baxua exana bayatha petsiw̄naetha cui yabara paebixaetsi, xua bayatha Isaías pon Nacom peitorobi jume pepaebin, petsiw̄naetha cui yabara paebixaetha pejume diwesintha pocotsiwa barapomonaetha poxonaetha baxua exanaena. Isaías Mesías nexa jeye barapomonaetha:

‘Xaniwaicha pana nejume taename ichitha jopa bepayaaputaem tsane xua jopa painya tana nejume cow̄ntsinexam tsane.

Pana necui taename ichitha xaniwaicha jopa bepayaaputaem tsane xua painya tana necui yabara jume cow̄ntsinexam tsane.

<sup>15</sup> Paxam bichocono paainya ̄nth̄tom, xua jopa painya tana neyaputaexae jiwim.

Matātano jopa xanepanaeya pajume taem tsane, be pomonaetha penamuxujematsi jiwi pam tsane.

Panaichaquetsiname icha be pomonaetha peitata nac̄tsi jiwi pam tsane.

Baxua paexanaename tsipei jopa bepainya tana nejume taewam tsane, xua jopa painya tana nejume cow̄ntsinexa tsane.

Yawano matāta, baxua paexanaename tsipei jopa bepainya tana necui taewam tsane xua jopa painya tana nejume cow̄ntsinexam tsane.

Matāta baxua paexanaename tsipei jopa bepainya tana neyaputaewam tsane painya itamaiqueitontha.

Matātano jopa painya neauraxae xua abe paexaname daxota jopa paca j̄nt̄ coyene xanepana exanaetsi’, jei Isaías barapomonaetha xua Mesías nexa”, jei Jesús.

<sup>16</sup> Nexata Jesús pijimonaetha jeye: “Paxam paj̄nt̄ coyene weiweiname tsipei poxonaetha pana necui taneme pocotsiwa exanan bapoxonaetha pana necui yaputaneme.

Matautano pajuntũ coyene weiweiname tsipei poxonae pana nejume taneme pocotsiwa paeban bapoxonae pana nejume cowuntame.

<sup>17</sup> Xaniwaicha paca tsipaebatsi pin bicheitomonae, pomonae Nacom peitorobi jume pepaebiwi, matautano iruru pomonae pejuntũ coyene xeicae jiwi, pomonae caena bayatha jinompa barapomonae newnae ewata xua tapatopeicaewa. Daxita barapomonae bequein bichocono betaena pocotsiwa pana necui taneme, daichitha jopa baxua taeyo. Matautano bequein bejume taena pocotsiwa pana nejume taneme daichitha baxuan jopa nejume taeyo”, jei Jesús.

*Meje yabara poxonae Jesús pijimonae muxu yaputane exana po diwesi xua pecayabara jũta pepaebi diwesiyo pon peubin yabara*

*(Mr 4.13-20; Lc 8.11-15)*

<sup>18</sup> Equeicha Jesús jeye: “Pajume taema xua paca tsipaebatsi pecayabara jũta pepaebi diwesiyo xua pon peubin yabara:

<sup>19</sup> Pomonae bequein jume tane po pecuidubi coyenewa xua Nacom tamropata pitaba xua ewatsiya itoroba jiwi, barapomonae daichitha jopa yaputaeyo barapo coyenewa. Daxota barapomonae jopa xanepanaya exanaeyo icha be pocotsi jũta coyeneya ichi xua pexuton xua po xuton namto othopeica. Bara jũta coyeneya cana ichichi pomonae jopa yaputaeyo tacuidubiwa. Caurimonae pia pentacaponaein tatsi barapomonae omeicha bara jũntũ coyene weichichi tacuidubi coyenewa daxota barapomonae jopa nejume cowantsiyo.

<sup>20-21</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuano jũntũ coyene weiweinyaya Nacom jume cowuntatsi. Ichitha bara caeto jume cowunta poxoru barapomonae antũfaetabiya jume jeba Nacom pejume diwesi pejuntũ coyeneintha. Poxonae yaitama barapomonae bichocono peatenexae, matautano poxonae barapomonae yaitama abe petaxanaexaetsi ichamonae xua pejume cowantsixae Nacom, bapoxonae caurimonae abe exana barapomonaetha xua barapomonae jũntũ coyene wejũntemaina exanatsi xua Nacom pecayabara jũntemainawatsi.

<sup>22</sup> Po xuton xua xu othopa pesoiwantha, barapo xuton caunuta xua pomonae Nacom Pejume Diwesi jume tane ichitha saya barompaya pia jũntũ coyenetha jinompa. Matautano saya ¼ copei cayabara nanta xeina. Matautano saya exana pocotsiwa jũntũ coyene weiweina cana exainchi. Po coyene pebiwi exana baxuan barapocotsi jũta coyene exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi jũta coyeneya ichi barapo jiwi. Jopa xanepanaya Nacom tsita jinompaetsi.

<sup>23</sup> Po xuton xua xu othopeica peira wnaewatha, bara nacoita. Barapo xuton yabara caunuta pomonae jume tane Nacom Pejume Diwesi, matautano jume cowuntano poxoru jũntũ coyene xanepanaya jume tane. Matautano beta exana dubenanaebiya beya matapainya jiwi cui tane xua barapomonae bara jũntũ coyene xanepana Nacom peitabaratha tatsi. Bapoxonae ichamonae barapomonae jiwana beta yawena ichamonae aetha icha barapo xuto ichi xua cien po xu matabũxũyobe tsiniya tsoponae. Matautano ichamonae barapomonae jiwana beta yawena ichamonaetha icha barapo xuto ichi xua sesenta po xu matabũxũyobe tsiniya tsoponae xua jume cowunta. Matautano ichamonae barapomonae jiwana beta yawena ichamonaetha icha barapo xuto ichi xua treinta po xu matabũxũyobe tsiniya tsoponae”, jei Jesús.

*Meje yabara poxonae Jesús cuiduba pecayabara jũta pepaebi diwesiyo xua trigo xu yabara xua irũ baxoyo xuwina ayabo xu*

<sup>24</sup> Bapoxonae Jesús equeicha cuiduba jiwi icha pecayabara jũta pepaebi diwesiyo, jeye: “Yabara paca tsipaebatsi po coyene xua Nacom exanaena pon jiwi ewatsiya peitorobixaetsi. Bapon yabara paebina daxita jiwi penatsicuentsexae abe peexanaexae.

Barapo coyenewa j̄pa, icha be pocotsi coyeneya j̄ta ichi poxonae pebin ba ɯ̄barona pabitha peɯ̄bi xuton po peɯ̄bi xuton pexeinya xuton.

<sup>25</sup> Ichitha poxonae cataunxuae jiwi maitumena, bapoxonae pon pabi pexeinaein pia peaitafaetabi jitontsi tapatopatsi pia pabitha tatsi. Bapoxonae bapon ayabo xu taɯ̄barecatsi ichaxoyo ɯ̄bareca po pexu pexeinya xu. Poxonae nacobe weta xua ɯ̄ba ayabo xu, bapoxonae napitabiya ponataba.

<sup>26</sup> Poxonae trigo xu yaothopa bapoxonae ir̄ɯ̄ ayabo xuwina.

<sup>27</sup> Bapoxonae pon pabi pexeinaein baraichi pomonaе pia petanacuichixaetsi: ‘Pata Tanecanamataxeinaem, icha bara metha ɯ̄bame po xu pexeinya xu, ¿nexasata eta werena metha ayabo pona xua xuwa?’ jei.

<sup>28</sup> Pon pabi pexeinaein jume nota pomonaе pia petanacuichiwiwixaetsi jeye: ‘Apara baxua inta exana pon tana neaitafaetabi jiton’, jei. Bapoxonae bapon baraichi pomonaе pia petanacuichiwichi, jeye: ‘¿Ichichipame xua pata ponaewa tsane bara beya pata xunaenexa barapo ayabo?’ jei.

<sup>29</sup> Ichitha bapon jume nota jeye: ‘Bara tsane itompaena tsipei icha barapo ayabo paxunaetsipame payawa xunaetsipame trigo xu.

<sup>30</sup> Bara saya yawa umenaena barapo ayabo beya ab̄ɯ̄ poxonae yawa nawetsina trigo xu. Tha nexata bapoxonae itorobichi penacuichiwi xua copiya pexunaenexa barapo ayabo xua pepa cunton peexanaenexa, xua petautsinexa tsane, xua bapoxonae trigo xu pejebinexa tabotha xua trigo xu matabotha’, jei pon pabi pexeinaein”, jei Jesús.

*Meje yabara poxonaе Jesús cuiduba pecayabara j̄ta pepaebi diwesiyo po peɯ̄bi xutiyo pew̄ɯ̄n mostaza xutiyo*

*(Mr 4.30-32; Lc 13.18-19)*

<sup>31-32</sup> Equeicha Jesús jiwi cuiduba icha pecayabara j̄ta pepaebi diwesiyo, jeye: “Nacom waba jiwi xua petanaexanaenexatsi pijimonaе tatsi, pomonaе itorobiya peewatsixae beya pinmonaе tsoponaе xua pomonaе jume cow̄ɯ̄ntapona Nacom. Barapo coyene j̄pa icha be poxonae pebin ichi poxonae ɯ̄banota pabitha po peɯ̄bi xuto tsica xutiyo. Barapo xuto xuwa beya pin nae tsoponaе. Barapo nae pepinnaexae daxota siri pemax̄ɯ̄ranantha coton exana”, jei Jesús.

*Meje yabara poxonaе Jesús cuiduba pecayabara j̄ta pepaebi diwesiyo xua levadura yabara xua pan cotowa exana*

*(Lc 13.20-21)*

<sup>33</sup> Jesús equeicha cuiduba jiwi icha pecayabara j̄ta pepaebi diwesiyo, jeye: “Poxonaе Nacom waba jiwi petanaexanaenexatsi pijimonaе tatsi pomonaе itorobiya peewatsixae barapomonaе pin bicheitomonaе naenaexanapona. Barapo coyene bara j̄ta ichi, icha levadura mataw̄ɯ̄n ichi pocotsiwa cotowa exana poxonaе pan exana. Petsiriwa tres po tsoropabe trigo xu beno muxuna cauyentaba levadura mataw̄ɯ̄n pocotsiwa xua cotowa exana pan. Bapoxonaе pent̄ɯ̄ba naexananaya cocotowapona tsipei levadura mataw̄ɯ̄n muxunaxuba”, jei Jesús.

*Meje yabara poxonaе Jesús cuiduba jiwi pecayabara j̄ta pepaebi diwesixitha*

*(Mr 4.33-34)*

<sup>34</sup> Jesús cuiduba jiwi daxita barapo coyenein xua xuan saya ɯ̄ pecayabara j̄ta pepaebi diwesixitha. Jesús jopa cuidubeibiyo poxonaе jopa paebeibiyo pecayabara j̄ta pepaebi diwesixitha.

<sup>35</sup> Bara barapo coyeneintha Jesús cueicueijeji xua penayabara jume wetsinexa xua bayatha pon Nacom peitorobi jume pepaebin pecui yabara w̄ɯ̄nae tsiw̄ɯ̄naeya pae-bixae, xua jeye:

“Jiwitha tsipaebin pecayabara j̄ta pepaebi diwesintha.

Mataɯ̄tano muxuna yabara tsipaebin pocotsiwa



moya yawɯn xeina xua jiwɯ jopa peyaputaewa,  
po coyene caena bayatha moya yawɯn xeina xua  
poxonae aena Nacom forota po cae pin nacuathe xua  
pocotsiwa beya anoxuae tsoponae”,  
jei bapon xua saya Jesús tapaebatsi.

*Meje yabara poxonae Jesús pijimonae yaputane exana po pecayabara jɯta pepaebi diwesiyo xua ayabo yabara*

<sup>36</sup> Nexata Jesús napeyaba pin bicheito jiwimonae. Bapoxonae botha joniya. Iɯ baxota Jesús pijimonae tatsi barapo botha najojoniyarɯ. Jesús pijimonae baraichi, jeye: –Yabara pana neyaputane exande po diwesiyo xua ayabo po ayabo xuwa trigo pabitha, jei.

<sup>37</sup> Nexata Jesús namchi, jeye: “Pon ɯba po xuton pexeinya xuton, trigo xuton jan, bapon apara bara xan ponxaein Nacom Tananeitapetsin.

<sup>38</sup> Mataɯtano po pabitha ichaxota ɯba jan, apara jiwɯ pia jɯntɯ coyenein yabara caunutan. Pocotsi xuton xua yabara caunutan xua pexeinya xuton jan, apara yabara caunutan pocotsi jiwimonae xua patsina Nacom pia peitorobi nacua beicha tatsi. Po xuto peabe xuton, po xuton ayabo xu jan, apara yabara caunutan pocotsi jiwimonae caurimonae pia pentacaponaein tatsi pijimonae tatsi.

<sup>39</sup> Pon ɯba po xuton abe xua ayabo xu jan, apara bapon caurimonae pia pentacaponaein tatsi yabara caunutan. Xua bayatha xu naweta jan, apara yabara caunutan, po mataqueitha xua Nacom daxita nacui wetsina. Mataɯtano barapo matabitha Nacom yabara paebina jiwɯ penatsicuentsiwa abe peexanaexae bapontha. Pomonae xua trigo xu, xu siraca jan, apara yabara caunutan matatsunpiwimonae.

<sup>40</sup> Copiya matha xuexuetapona ayabo petautsinexa isototha. Jiwɯ bara jɯtiya ichainchi po matabitha tsane Nacom daxita yabara paebina jiwɯ penatsicuentsiwa abe peexanaexae bapontha. Mataɯtano barapo cae pin nacue weraweracaena.

<sup>41</sup> Xan ponxaein Nacom Tananeitapetsin itorobin tamatatsunpiwi xua jiwɯ penotsinexa tsainchi pomonae abe peexanaewi, pomonae xua cana exana ichamonaetha xua ichamonae xuya iɯ abe peexanaenexarɯ. Barapo matatsunpiwi wenotsina pomonae abe peexanaewi pomonae tajiwimonae barɯ jinompatsi. Barapo abe peexanaewi jopa tamonaeyo pomonae itorobiya taewatsixae.

<sup>42</sup> Daxita barapo jiwɯ pomonae abe peexanaewixae bebai tsainchi, matatsunpiwi bebai tsane ichaxota isoto jopa itacounayiyo ataya. Baxota daxita jiwɯ wecoyei tsane mataɯta baxota nantanuweya nantɯ jayabina, poxoru bichocono atene tsane.

<sup>43</sup> Bapoxonae pomonae exana pocotsiwa Nacom ichichipa barapomonae bichocono pexeinya coicha xeinaena po nacuathe ichaxota Nacom itorobiya ewata piamonae pon barapomonae pia paxaxae tatsi. Po pexeinya coicha xua barapomonae xeinaena, bichocono itɯpana icha be xometo ichi xua poxonae pentha. Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús pecayabara jɯta pepaebi diwesiyo paeba xua po peitɯpanaewa pocotsiwa bichocono ainya matoma xua ira bɯxɯpanatha boca panatha*

<sup>44</sup> Equeicha Jesús namchi, jeye: “Yabara paca tsipaebatsi po coyene xua Nacom exana, pomonaetha pomonae pejɯntɯ coyene canamataxeinaexae pon jiwɯ itorobiya pia pepa peewatsinchi. Barapo coyene bara jɯta ichi, icha be pocotsiwa peitɯpanaewa ichi pocotsiwa ainya matoma xua ira bɯxɯpanatha boca pabitha. Poxonae pebin barapo peitɯpanaewa jemeicha ira bɯxɯpanatha namicha taebota, bichocono tsorobotha matatsaebota, bichocono peichichipaexae baxua. Jopa muxu tsipaebiyo ichamonaetha. Bichocono jɯntɯ coyene weiweina. Bapoxonae pia botha pona pecaenaetsinexa daxita xua xuan pocotsiwan xeina. Bapoxonae barapo paratixitha comota barapo pabi, po

pabitha boca barapo peitapanaewa. Bewa barichi jiwi. Bewa jiwi bichocono beita cui jichatsi xua pexeinaewanexa tsane barapo peajuntuyarusawa, icha poxonae pebin ichi xua pitapeitapanaewatsi piraichi daxita caenaeta pocotsiwan xeina”, jei Jesús.

*Meje yabara poxonae Jesús cuiduba jiwi pecayabara juta pepaebi diwesiyo xua po warowa pewan perla*

<sup>45</sup> Equeicha Jesús namchi, jeye: “Barichirua yabara paca tsipaebatsi po coyene xua Nacom exanaena pon jiwi ewatsiya peitorobixaetsi po coyene bichocono wanae. Barapo coyene bara juta icha be ichi poxonae jiton warowan matowa jeita. Barapo warowan xua bapon jeita, pewan perla. Bapon jeita pecomotsinexa tsane barapo warowan, po warowan ainya matoman.

<sup>46</sup> Poxonae bapon cae warowaxuto taebota, po warowaxuto perla matawan xua bichocono ainya matoma, bapoxonae bapon pia botha pona matauta bapoxonae caenaeta daxita xua xuan pocotsiwa xeina. Bapoxonae comota po warowa bichocono ainya matoma, po warowa pewan perla. Bewa barichi jiwi. Bewa jiwi bichocono beita cui jichatsi xua pexeinaenexa peajuntuyarusawa po peajuntuyarusawa ataya tsiteca, icha poxonae pebin ichi xua pitaperlatsi piraichi daxita caenaeta pocotsiwan xeina”, jei Jesús.

*Meje yabara poxonae Jesús cuiduba jiwi pecayabara juta pepaebi diwesiyo xua pecayamonaewa yabara*

<sup>47</sup> Equeicha Jesús namchi, jeye: “Yabara paca tsipaebatsi po coyene xua Nacom exana pon jiwi ewatsiya peitorobixaetsi xua poxonae yabara paebina jiwi penatsicuentisixae abe peexanaexae. Barapo coyene bara juta ichi, icha be pocotsiwa xua xota jiwi yacamona duwei ichi. Jiwi peyacamonaewa xoya pepa mar mentha xua daxita duweimonaein tunto pecapirenaenexa.

<sup>48</sup> Poxonae bichocono wuncaxuba xua peyacamonaewa pomonae peyaxunubiwi taetabo bejutaboreca. Bapoxonae enoundeca, xua naitaubiya tsana pejehebapon-aenexa. Po duwei pepa duwei tsana naitaubiya jehebapona corontha. Po duwei pocotsiwa camatsawan bebai tsoponae.

<sup>49</sup> Barapocotsi juta coyeneya ichi tsane poxonae matakabi patopeicaena, po mataqueitha xua poxonae nacua weraweracaena, matautano Nacom daxita yabara paebina jiwi penatsicuentisixae abe peexanaexae bapontha. Bapo mataqueitha matatsunpiwi patsicaena xua daxita jiwi petsabinexa tsainchi, pomonae abe peexanae cuiru coyenein peexanae jiwi tsana nobinchi xua pomonae xanepanaya peexanae jiwi pia xainya weya tatsi.

<sup>50</sup> Pomonae abe peexanae cuiru coyene peexanae jiwi bebai tsainchi isototha ichaxota jopa ataya itacounayiyo. Baraxota wecoyei tsane matautano baxota nantanuweya nantajayabina”, jei Jesús.

*Meje yabara poxonae Jesús cuiduba jiwi pecayabara juta pepaebi diwesiyo xua pena peitapanaewa yawa xua peru peitapanaewa yabara*

<sup>51</sup> Nexata Jesús pijimonae yainyaba, jeye:

—¿Bara daxita baxuan payaputaneme xuaunxuae paca tsipaebatsi? jei.

Barapomonae Jesús jume notatsi:

—Aa, bara payaputan pocotsiwa xuaunxuae pana netsipaebame pon pata Tanecana-mataxeinaemxaem, jei barapomonae.

<sup>52</sup> Bapoxonae Jesús pijimonaetha namchi, jeye:

—Pomonae pecuidubiwi Nacom pia peitorobi diwesi pomonae tamonaexae barapomonae yabara cuiduba ichamonaetha xua po coyene Nacom exana pon itorobiya peewatsin jiwi. Barapomonae xeina ainya diwesi coyenewabe, po diwesi xua xan yabara, peru diwesi poxonae cataunxuae aibin tsica po cae pin nacuathe tsique yabara.

Matautano xeina pena diwesi poxonae xua anoxuae poponan yabara. Barapo ainya diwesi coyenewabe barapomonae paeba jiwitha. Barapomonae bara be juta ichi icha be poxonae pon bo pexeinaein ichi. Poxonae piamonae tatsi nantawenona paparuwa yawa pexaewa, bapon baxua bara cata pijimonaetha, poxoru bapon jeba xua peruwa yawa xua penawa piamonae nexa, jei Jesús.

*Meje yabara poxonae Jesús Nazaret tomaratha popona  
(Mr 6.1-6; Lc 4.16-30)*

<sup>53</sup> Poxonae Jesús najume weta xua cuiduba jiwi barapo pecayabara juta pepaebi diwesixi bapoxonae Jesús tomara weya pontaba.

<sup>54</sup> Bapoxonae Jesús patopa pia tomaratha, po tomara pewan Nazaret tomara. Baraxota Jesús cuiduba jiwi, judiomonae pia penacaetutsi botha tatsi. Pomonae jinompa Nazaret tomaratha yabara najuntɔ coyene cabenaeca xua pocotsiwa Jesús cuiduba. Barapomonae natsipaeba, najei:

—¿Exota metha bapon nacuiduba jane, xua daxota bapon daxita peyaputaen? ¿Jintam metha pia peayapusɔwatha tatsi jane, poxonae po petsita itutsi coyene bapon exana?

<sup>55</sup> Apra saya bapon pexanto tatsi pon xua pecobe coxonaein xua naepan pematabobiwa. Apra bapon pena tatsi María. Apra bapon Santiago pentapin tatsi, irɔ José pentapin tatsi, irɔ Simón pentapin tatsi, irɔ Judas pentapin tatsi irɔ.

<sup>56</sup> Matautano irɔ pamcho jiwi tatsi apra jinompa barapo tomarathe. ¿Exota metha bapon nacuiduba jane, pocotsiwa xua beta naca cuiduba? jei barapomonae.

<sup>57</sup> Daxota barapomonae Jesús casebatsi pecui uwixaetsi. Barapomonae uwa tsipei Jesús bichocono peyaputaen. Jesús namchi jiwitha, xua nayabara paeba, jeye:

—Daxita jiwi ba barɔ cui itura jina pontha pon Nacom peitorobi jume pepaebin. Nama pia nacuapiwi tatsi irɔ pia bomonae matabɔɔyomonaepiwi tatsi barapomonae ba jopa bapon barɔ cui itura jinaetsi, jei Jesús, xua nayabara paeba.

<sup>58</sup> Nazaret tomaratha, barapo tomaratha Jesús saya be conotha exana pexeinya petsita itutsi coyenewan tsipei barapo tomarapiwi Jesús jopa jume cowantichi.

## 14

*Meje yabara poxonae Juan bexotsi  
(Mr 6.14-29; Lc 9.7-9)*

<sup>1</sup> Bapoxonae caena Herodes pon Galilea nacuapiwi, pia peyanacua ewatsinchi, bapon jume tane daxita pocotsiwa juinya xua Jesús exana.

<sup>2</sup> Herodes tsipaeba pomonae petanacuichiwxiaetsi pia botha tatsi, xua Jesús yabara paebatsi. Herodes Jesús catsawiya yabara paebatsi, jeye: “Apra bapon Juan, pon jiw i Pebautisabin, pon bequein bayatha tɔpa, pon equeicha asɔ juina. Tsipei bapon peayapusɔ itorobi coyenewa xeina daxota petsita itutsi coyenewa exana”, jei Herodes.

<sup>3</sup> Baxua Herodes paeba tsipei caena bayatha Herodes cui itoroba xua Juan pe-waetabinexatsi, matautano xua pemaɔ cɔbinexatsi, matautano xua jiwi pecɔbi botha peetsinexatsi. Baxua Herodes exana tsipei piowa tatsi powa pewan Herodías, pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yabɔyo.

<sup>4</sup> Juan bayatha paeba Herodestha, jeye: “Nacom pia peitorobi coyenewa jopa copatsiyo xua nexainaewa bapowa tsipei ichan piowa tatsi”, jei Juan.

<sup>5</sup> Daxota Herodes bichocono anaepana. Herodes ichichipa xua Juan pebexubiwatsi. Daichitha Herodes jopa baxua exanaeyo tsipei junuwa, jiwi cunuwatsi. Tsipei daxita jiwi nanta xeina xua Juan apra pon Nacom pia peitorobi jume pepaebin.

<sup>6</sup> Ichitha poxonae Herodes yantacabi jopa po matabitha poxonae caena bayatha nowaeuncua, barapo matabitha pinmonae nacaetuta xua pexaewa yabara nacaetuta

pia xaetsi. Barapo penacaetutsiwi peitatha tatsi Herodías pexantiyo tatsi nawiraba. Herodes baxua bichocono ita cui xanepanatsi.

<sup>7</sup> Herodes barapowa beya paeba, jeye:

—Nacom peitatha cata tsiwuna yabara paebatsi xua pocotsiwa tacacatsiwa tsainchi pocotsiwa xua tana newucaewam tsane tsipei inta pexeinya penawirabi coyene exaname, jei Herodes.

<sup>8</sup> Bapoxonae pocotsiwa pena itorobatsi barapowa Herodes wucatsi baxua. Bapowa namchi, jeye:

—Necare Juan pentasipa xua yutabore paratontha, pon jiwi Pebautisabin matasipa, jei Herodías pexantiyo tatsi.

<sup>9</sup> Ichitha baxua Herodes jume taya wecoyei tsanareca poxoru jopa ichipaeyo xua Juan petupaewa tsane. Tsipei mexeya poxoru bayatha Nacom peitatha peyabara tsiwuna paebixae xua bepa pinae catsina xua pocotsiwa pewucaewaxae tsainchi, matautano mexeya poxoru barapo pin bicheitha peitatha pepaebixae baxua, daxota itoroba xua bapowa bara catinchi baxua.

<sup>10</sup> Daxota Herodes pomonae petanacuichiwiwaetsi, barapomonae Herodes cui itoroba xua Juan pewisi ucuibinexatsi jiwi pecabi botha iya.

<sup>11</sup> Bapoxonae barapomonae paratontha matasipa yutabota yawa carendena. Bapoxonae Herodías pexantiyo tatsi catatsi, equeicha barapowayo xuya pena cata, Herodías catatsi, xua peyaputaenexa xua bara cou Juan bayatha tupa.

<sup>12</sup> Nexata pomonae Juan pia pepuna jinompaewichi, barapomonae pata jiwi pecabi botha. Juan petupaein pitatsi. Barapoxonae barapomonae Juan mathatha xotsi. Barapoxonae barapomonae pona Jesús beya xua baxua Jesús peyabara tsipaebinexatsi.

*Meje yabara poxonae Jesús apata pexaewa cinco mil pebiwi*

*(Mr 6.30-44; Lc 9.10-17; Jn 6.1-14)*

<sup>13</sup> Poxonae Jesús yaputane xua Juan tupa, bapoxonae compa jeratha pona icha muxunene beya ichaxota jiwi ajibi. Ichitha jiwi yaputane xua ichaxota Jesús pona. Daxota pinmonae xua carepaya tomaranpiwi pecae iya pona, ichaxota Jesús ponaena jeratha.

<sup>14</sup> Poxonae Jesús jera wenontounya, bapoxonae Jesús pin bicheito tane. Jesús yabara nanta xeina barapomonae xua peyawenaewa tsane. Bapoxonae Jesús axaibi exana peatenewi.

<sup>15</sup> Tsipei yaitama bayatha tabopiya tsanaichaba, daxota Jesús imoxoyo caquita ume-narucapatsi pijimonae. Barapomonae Jesús baraichichi, jeye:

—Apara bayatha tabopiya tsanaicha. Apara xote bomuxun ajibi. Barapo jiwi itorobare bu tsiqui tomaraxi beya ponaena xua pecomocaenexa pexaewa xua pexaenexa, jei.

<sup>16</sup> Jesús jume nota pijimonae, jeye:

—Apara jopa bewa ponae barapomonae, paxam jame maisa paapare pexaewa, jei.

<sup>17</sup> Jesús jume notatsi pijimonae, jeye:

—Xote jopa pexaewa paxeinaeyo. Saya apara cinco po panyobe paxeinan matauta saya ainyobe paxeinan duweiyobe, jei.

<sup>18</sup> Jesús jume nota:

—Painta xawena baxua, jei.

<sup>19</sup> Bapoxonae Jesús najume caitoroba xua bepa daxita barapo jiwi iratha taenaetsei. Bapoxonae Jesús pecobetha pita cinco po panyobe yawa xua barapo duweiyobe xua ainyobe. Jesús peitaboco benecoicha yawa Nacomtha tsipaeba, jeye: “Axa, juntu coyene weiweinan xua pexaewa pata tanecatsiwaxaem”, jei. Poxonae Jesús najume weta xua Paxatha tsipaeba, bapoxonae pan epa janaca, yawano duwei epa janaqueba. Bapoxonae Jesús pijimonae caitoroba pexaewa xua pijimonae tatsi xuya pecacataponaenexa barapo jiwi.

<sup>20</sup> Daxita barapo jiwi nabane beya barapo jiwi jain cowantarucupatsi. Bapoxonae Jesús pijimonae tatsi doce po cote matabuxnyobe wunba xua bayatha nacopaba pocot-siwa xua bayatha barapo jiwi jopa xaeyo petonsanaexae.

<sup>21</sup> Pomonae xua pexaewa nabane barapomonae cinco mil pebiwi. Yabuxino iru nanabane. Matautano pexuino iru nabane. Daichitha jopa ununaetsi pexui matauta yabuxi jopa ununaetsi.

*Meje yabara poxonae Jesús mene matatsun jumatha pona  
(Mr 6.45-52; Jn 6.16-21)*

<sup>22</sup> Nexata bapoxonae Jesús jera beitorobiya pijimonae, xua pijimonae copiya pet-siwana warapaenexa tsainchi icha muxunene beya xua pucua iya. Poxonae barapomonae ponarucupaba bapoxonae Jesús barapo jiwi pu itoroba xua penawibiyaenexa pia tomaran beya.

<sup>23</sup> Bapoxonae Jesús demxuwa beicha pona xua baxota compa petsipaebinexa Nacomtha. Poxonae quirei tsuxubi Jesús demxuwatha compa eca.

<sup>24</sup> Poxonae Jesús Paxa tsipaebauya, bapoxonae caena iruru Jesús pijimonae tatsi cataunxuae tuwatha yana pona. Jera maratsaca caewa carena tsaibi tsipei joibo dawerena daunwei.

<sup>25</sup> Mataquei wunaeyo Jesús mene matatsun jumatha pona, pijimonae itiya pona.

<sup>26</sup> Poxonae Jesús pijimonae taerucupatsi, barapomonae nanthathu cui coyene nabenaeca. Junuwiya wawaya jeye:

—¡Pai jaibo, jina! ¡Apara dowatsi! jei barapomonae.

<sup>27</sup> Jesús pijimonaetha caena nainya tsipaeba, jeye:

—¡Apara xan! ¡Jopa pajunuwinde! ¡Maisa pajantu coyene weiweinare! jei Jesús.

<sup>28</sup> Bapoxonae nexata Pedro Jesús baraichichi, jeye:

—Tanecanamataxeinaem, icha bara metha xam yatsicaewa bapom, moya neitorobare xua mene matatsun juma ta-iyenexa nexainya beya, jei Pedro.

<sup>29</sup> Jesús jume nota, jeye:

—¡Moya anetha denande! jei Jesús.

Nexata Pedro mene matatsun juma nontabiya dunareca jera wereca. Bara Pedro mene matatsun juma iya pona pepatopaenexa Jesús pia xainya beya tatsi.

<sup>30</sup> Daichitha poxonae Pedro yabara nanta xeinanareca pin joibo, bapoxonae bichocono junuwanareca. Daxota bapoxonae Pedro yamene jopareca. Bapoxonae Pedro jume daunweya wawaya jeye:

—¡Tanecanamataxeinaem, necapanepare, nepitaxuina! jei.

<sup>31</sup> Bapoxonae Jesús nainya cobe pitaxuina. Jesús namchi, jeye:

—¡Maisa be conotha neyabara jume cowantame xua bara tana neitacupaewa xua tacayawenaewa tsainchi! ¿Eta xua metha ainya juntu coyeneintha nanta xeiname? jei Jesús.

<sup>32</sup> Poxonae Jesús iru Pedro nontabiyabe jeratha, Jesús bapoxonae joibo yainjei tsanaya exana.

<sup>33</sup> Daxita pomonae jeratha ena, barapomonae Jesús wuna jaintatsi. Barapomonae Jesús baraichi, jeye:

—Bara yatsicaya apara xam Nacom Pexantom tatsim, jei barapomonae.

*Meje yabara poxonae Jesús axaibi exana pomonae peatenewi, pomonae Genesaret nacuapiwi  
(Mr 6.53-56)*

<sup>34</sup> Bapoxonae Jesús iru pijimonae tatsi jeratha yana enapona beya poxonae Genesaret nacua beya pata.

<sup>35</sup> Pomonae baxota jinompa, barapomonae Jesús caena yaitainchi. Daxota barapomonae najume caitoroba ichamonaetha daxita barapo Genesaret nacuapiwitha



beya, xua Jesús pepatopaexae. Bapoxonae daxita jiwi carendena peatenewi ichaxota Jesús pucua itapatha uncua.

<sup>36</sup> Barapomonae pomonae peatenewi Jesús jume daunweya wucatsi, xua Jesús bara pecui copatsinexa xua bara petajayabinexatsi pia paparuwa tatsi xua peopirawa. Bapoxonae daxita barapomonae axaibi tsane. Pomonae Jesús pia paparuwa tajayabatsi daxita barapomonae equeicha axaibi exanatsi pocotsiwa bayatha atene.

## 15

*Mejeyabara poxonae Jesús yabara paeba xua pebin abe pia peexanae cuiru coyene juntu coyene webocatsi*

*(Mr 7.1-23)*

<sup>1</sup> Fariseomonae iru pomonae jiwi pecuidubiwi Moisés pia peitorobi coyene tatsi, barapomonae jiwana Jerusalén tomara werendena. Barapomonae Jesús imoxoyo caquita umenarucupiya yainyabatsi, jeye:

<sup>2</sup> —¿Eta xua metha jinyamonae jopa exanaeyo xua pocotsiwa wamo susato jiwi pia peitorobi cui coyenewatha itoroba? Barapomonae pomonae jinyamonae barapo cui jopa exanaeyo. Barapomonae jopa matha tsiwanaya nacobe quiateibiyo poxonae beya xaiba xua jopa penataxobinexa tsane pia juntu coyenewantha, jei daxita fariseomonae, iruru pomonae jiwi pecuidubiwi Moisés pia peitorobi coyene tatsi.

<sup>3</sup> Nexata Jesús xuya yainyaba, jeye:

—Irru paxamd, ¿eta xua metha jopa paexanaem pocotsiwa Nacom Pejume Diwesitha itoroba? ¿Eta xua metha saya meisa paexaname pocotsiwa painya amo susato jiwi pia peitorobi cui coyenewantha tatsi itoroba?

<sup>4</sup> Jopa bewa paexanaem tsane painya amo susato jiwi pia peitorobi coyenewa tatsi po peitorobi coyenewa paca tsita ainya cui bichocono beyacaincha xua Nacom Pejume Diwesi. Tsipei Nacom Pejume Diwesitha jeye: ‘Axatha baru cui itura jinare, iruru enatha baru cui itura jinare’, jei Nacom. Yawa equeicha Nacom jeye: ‘Pon paxa abe yabara paeba matautano xua pena abe yabara paeba, bapon bewa tupaena’, jei Nacom Pejume Diwesitha.

<sup>5-6</sup> Ichitha paxam ba papaebame xua pinae pebin ba itacupatsi xua pepaebiwa xua pejeiwa paxatha yawa penatha: ‘Jopa neitacupaeyo xua tapaca cayawenaewatsi bara bequein paacopeibim, tsipei daxita pocotsiwa xeinan baxua yabara tsiwanae paeban xua Nacomtha bexa catsin’, xua pejeiwa. Matautano ba pajam: ‘Pon bapocotsiwa paeba, jopa nantawenonaeyo xua paxa yawenaena. Matauta jopa nantawenonaeyo xua pena yawenaena bara bequein acopeibi taetha’, ba pajam. Poxonae baxua pacaunutsiya pae-bame paxam pacana exaname xua painya amo susato jiwi pia peitorobi cui coyenewa tatsi bichocono ainya cui coyene, beyacaincha xua Nacom Pejume Diwesi xua ainya cui coyene.

<sup>7</sup> ¡Itara mexeya pomonae xanepanaeya pepaebi jiwi pam, daichitha apara peajuntucoyenebe jiwi pam! Bara apara Isaías caena bayatha xaniwaicha paca yabara paeba pon Nacom peitorobi jume pepaebin. Bapon paca yabara jeye poxonae tina pejume diwesitha:

<sup>8</sup> ‘Barapomonae itara be xanepanaeya neyabara paebina jiwitha xua pinae neyabara baru cui itura jina.

Daichitha barapomonae pia juntu coyenewatha jopa xaniwaicha neyabara baru cui itura jinae tsane.

<sup>9</sup> Bequein barapomonae newanae jainteibina poxonae nacaetuteibina, daichitha baxua jopa yawena tsabi tsainchi tsipei barapomonae

peajuntucoyenebewi.

Matautano tsipei po peitorobi coyenewa cuidubina jiwitha, apara jopa taitorobi coyenewiyo tsane, apara xua saya jiwi barompaya pia peitorobi coyenewa tatsi tsane', jei Isaías xua paca yabara paeba, jei Jesús.

<sup>10</sup> Nexata bapoxonae Jesús waba daxita jiwi xua imoxoyo peumendenaenexa. Yawa namchi barapo jiwitha, jeye:

—Pana nejume naitaeware, painya neyaputaenexa pocotsiwa paca tsipaebatsi.

<sup>11</sup> Pocotsiwa ba pebin pecoiboto deca tsijain jojonecatsi pexaewan, bequein jopa tsiwunaeya matha nacobe quiatsiyo poxonae xaiba, barapo coyene apara ba jopa barana pebin juntucoyene taxobichi xua poxonae pocotsiwa pexaexae. Jame pocotsiwa ba pebin pecoibototha caunuta, xua peabe jume barapo jume coyene apara pebin juntucoyene taxobatsi xua poxonae pecueicueijeixae baxua, jei Jesús.

<sup>12</sup> Nexata Jesús imoxoyo caquita umenarucupatsi pijimonae. Jesús pijimonae yainya-batsi, jeichichi:

—¿Bara yaputaneme xua fariseomonae cayabara muxu coniquiya anaepana, xua nepaebixae baxuan? jei.

<sup>13</sup> Jesús jume nota pijimonae, jeye:

—Taxa pon peitabocotha peecaexae xubina pon jopa pejume cowantsinchi. Taxa barapocotsi juta coyeneya cana ichi tsane jiwitha icha pebin ichi xua poxonae pabitha pona, matauta poxonae naeyo tabu opina jonta daxita, pexubinexa.

<sup>14</sup> Bara barabu neyabara muxuconacaena, fariseomonae. Jopa payabara jume naitaewatsinde pocotsiwa barapomonae paeba. Tsipei barapomonae jopa xanepanaya peyawenae jiwi ichamonaetha. Barapomonae barapocotsi juta coyeneya exana, icha be pon peitata nacutsin ichi, xua poxonae matabapona ichan xua pon peitata nacutsin mat-acapoinchi. Bapoxonae barapo cae peitata nacutsinbe napuna joparecabe mathutha deca, jei Jesús.

<sup>15</sup> Nexata Pedro Jesús baraichi, jeye:

—Yabara pana yaputane exande po pecayabara juta pepaebi diwesiyo xua pexaewa yabara, jei Pedro.

<sup>16</sup> Jesús biataeya jume nota pijimonae, jeye:

—¿Paxam bara paichimdu icha jiwi ichi? ¿Cataunxuae jopa painya yaputae jiwi pamdu?

<sup>17</sup> Bayatha paxam payaputaneme pocotsiwa pebin tsijain jojonecatsi pexaewa pecoiboto deca baraxua jopa juntucoyene taxobichi, tsipei barapo pexaewa jopa ponaeyo pia juntucoyenewatha. Jame barapo pexaewa pecotsorotha pona, bapoxonae nawexacaeca.

<sup>18</sup> Ichitha pocotsiwa pecoiboto tsina caunuta peabe jume, baxua apara seicaya pejuntucoyene wetsina jume pichapa. Tsipei baxua penanta xeinae coyenewa, daxota pebin abeya paeba. Daxota Nacom tsitatsi xua bapon peajuntucuyeyenebein Nacomtha.

<sup>19</sup> Tsipei pejuntucoyene wetsina jume pichapa pocotsiwa abeya penanta xeinae coyenewan, pocotsiwe meje: Ichun anaya pebexotsi coyenewa, iru ichun piseuri tatsi pepichi coyene, iru peita coxanae coyenewatsi coyene xua poxonae penayaputae jiwi naperu nacoyoba, iru ichun piawa tatsi pecaibi coyene, iru ichun yabara penaerabiwatsi coyene, iru ichun yabara peabiwatsi coyene.

<sup>20</sup> Nacom tsitatsi xua daxita barapocotsi coyenein pebin ajuntucoyenebe exanatsi xua juntucoyene taxobatsi xua daxota jopa itacupaetsi xua beta exana. Ichitha pocotsiwa pebin nabane matautano xua poxonae bequein tsiwanaya matha jopa nacobe quiatsiyo, barapocotsi coyenein pebin jopa juntucoyene taxobichi Nacom peitutha tatsi, jei Jesús.

*Meje yabara poxonae yabꞑyo powayo penanapaincha poponaewayo Jesús jume cowꞑntatsi*  
(Mr 7.24-30)

<sup>21</sup> Nexata bapoxonae Jesús barapo ira weya warapa Genesaret nacua weya. Mataꞑtano pona icha nacua beya po nacuatha ichaxota Tiro tomara eca yawa Sidón tomara ecaño.

<sup>22</sup> Yabꞑyo, powayo barapo cananeamonaewayo patopa Jesús pia xantha tatsi. Bapoxonae barapowa wawaya Jesustha jeye:

—¡Tanecanamataxeinaem, David pia pemomoxi susato jiwi jiwanam! Neyabara najꞑntꞑ cui coyene cananta xeinare, xua tana neyawenaenexam tsane. Taxantiyo inta cauri xeina; inta bichocono atene exanatsi, jei bapowa.

<sup>23</sup> Daichitha Jesús jopa jume notsiyo, saya moya uncua. Nexata bapoxonae Jesús imoxoyo caquita umenarꞑꞑratsi pijimonae. Mataꞑtano jume daunweya baraichichi pijimonae, jeye:

—Barapowa itawere, tsipei barapowa waputha jume daunweya wawai, jei.

<sup>24</sup> Nexata Jesús jume nota pijimonae, jeye:

—Nacom meisa saya neitoroba Israel piamonae susato saineiwitha pomonae judiomonae xua tayawenaenexa barapomonae, tsipei barapomonae Nacom tsitatsi xua barapomonae nacabeta icha be ovejan ichi xua poxonae pipato napuxanompa, jei.

<sup>25</sup> Ichitha barapowa pentabocotha uncua yawa irabe taeuncuareca Jesús peitabaratha tatsi tsipei bapowa barꞑ cui itura jina peauraxae, yaitama tsipei Jesús pon jiwi pepa Pecanamataxeinaein. Bapowa namchi, jeye:

—¡Pon Tanecanamataxeinaem, neyawende! jei.

<sup>26</sup> Jesús jume nota barapowa, jeye:

—Jopa xanepanaeyo icha matha cayawenatsi powayo nenanapaincha poponaewayom poxonae cataunxuae matha jopa yawenaeyo pepa tamonae judiomonae. Icha baxua exanaetsipan, bapoxonae be pitan pexui pia pexaewa taapatsinexa aurimonae, jei.

<sup>27</sup> Barapowa Jesús jume notatsi, jeye:

—Aa, bara barichi xuaunxuae netsipaebame ponxaem Tanecanamataxeinaem. Jopa bewa auri catsibi pexui pia pexaewa tatsi, yaitama auri irꞑ xane pocotsiwa pexui sorobaba barapo pepꞑꞑwixi pocotsiwa pexaethopaewa pebꞑꞑꞑpana tsica. Daxota bara ichiya neichinde: Neyawende, tsipei bara neayapusꞑ itorobi coyenewa nawita xeiname jinya axaibi exanaenexa judiomonae. Po neayapusꞑ itorobi coyenewa judiomonae jopa canantawenonaeyo barapo neayapusꞑ itorobi coyenewatha inta axaibi exande taxantiyo, jei.

<sup>28</sup> Nexata Jesús jume nota, jeye:

—¡Yabꞑyo, maisa bichocono neyabara jume cowꞑntame xua bara tana neitacꞑpaewa xua tacayawenaewatsi tsainchi! Bara cata exainchi pocotsiwa aunxuae newꞑcame, jei Jesús.

Poxonae Jesús baxua paeba, bapoxonae nainya barapo yabꞑyo pexantiyo tatsi taaxaibi tsuxubichi.

*Meje yabara poxonae Jesús axaibi exana pin bicheitomonae peatenewi*

<sup>29</sup> Nexata bapoxonae Jesús bara weya pona. Galilea pucua itapa iya pona. Bapoxonae demxuwa icha juinya, baxota ecopa.

<sup>30</sup> Ichaxota Jesús eca baxota pin bicheito jiwi ayei pata. Barapo bicheito jiwi carendena pejayujayujeiwi, irꞑ peitata nacꞑtsi jiwino, irꞑ pemuxusipanaewino, mataꞑta pomonae irꞑ peacowaebi jiwi xua pomonae jopa xeinaeyo xua xota nacowaeba. Mataꞑtano irꞑ icha bicheitomonaeno, pomonae peatenewi. Pomonae peatenewi Jesús pexainya tajibarecatsi. Daxita barapomonae Jesús axaibi exana.

<sup>31</sup> Poxonae daxita jiwi baxua cui tane, pomonae jopa judiomonae naexanaeyo daxita barapo jiwi yabara cui coyene nanthathu cabenaeca. Bapoxonae Jesús xanepanaya peexanaexae, barapomonae Nacom wuna jaintatsi, po Nacom Israel nacuapiwi pia Nacom tatsi. Daxota barapomonae baxua exana, tsipei Jesús equeicha paeba cana exanaeya exana pomonae pemuxusipanaewi. Matauta tsipei Jesús taduba exana pomonae bayatha jopa xeinaeyo xua xota nacowaeba. Matautano tsipei pomonae pejayujayujei jiwi equeicha beta pona. Matautano tsipei pomonae peitata nacutsi jiwi equeicha beta tane.

*Meje yabara poxonae Jesús pexaewa apata cuatro mil pebiwi  
(Mr 8.1-10)*

<sup>32</sup> Nexata Jesús waba pijimonae, jeye:

—Yabara cui cananta xeinan barapo pin bicheitomonae tayawenaenexa, tsipei barapomonae acoibi po matakabiyobe jinompa taxantha, maisa ajibi xua barapomonae penabanaewa tsane. Jopa jainbotha bepú itorobinyo pia bon beya tatsi, tsipei icha barapomonae jainbotha pu itorobichipan, metha piyain namtotha xuirabathopaetsipa, jei Jesús.

<sup>33</sup> Jesús baraichi pijimonae, jeye:

—Xote ira xuepana susato tsurucuae nacua ichaxota jiwi ajibi. ¿Eta beya tsijeitinchi pexaewa barapomonae pomonae pinmonaexae? jei.

<sup>34</sup> Jesús yainyaba pijimonae jeye:

—¿Eta po panyobe paxeiname? jei.

Barapomonae Jesús jume notatsi, jeye:

—Siete po panyobe paxeinan yawa be conothano duweixi, poxi tsiquirixi, jei.

<sup>35</sup> Nexata Jesús pijimonae najume caitoroba xua bepa pinae barapo pin bicheito jiwi iratha taenaetsei.

<sup>36</sup> Jesús pecobetha pita barapo siete panyobe yawa duweixino. Bapoxonae Jesús Paxatha tsipaeba: “Axa, juntu coyene weiweinan xua pexaewa pata tanecatsiwaxaem”, jei Jesús. Bapoxonae Jesús pijimonae tsicobe epa nantarubiya jajanaquiya catsibapona xua xuya pijimonae tatsi pecatsibaponaenexa barapo jiwitha.

<sup>37</sup> Daxita barapomonae nabane, beya barapomonae bichocono jain cowantarucupatsi. Bapoxonae Jesús pijimonae tatsi siete po cotebe wunba pocotsiwa xua barapo jiwi jopa xaeyo petonsanaexae.

<sup>38</sup> Pomonae xua nabane pexaewa barapomonae cuatro mil pebiwi. Matautano iru yabuxi nanabane matautano iru pexui nanabane, daichitha daxita jopa ununaeyo.

<sup>39</sup> Bapoxonae Jesús pu itoroba xua barapo jiwi penawibiyaenexa pia tomaran beya. Bapoxonae Jesús jeratha nontabiya, peponaenexa Magadán nacua beya.

## 16

*Meje yabara poxonae fariseomonae iru saduceomonae Jesús cui itorobatsi pia pexeinya petsita itutsi coyene xua peitabocotha  
(Mr 8.11-13; Lc 12.54-56)*

<sup>1</sup> Fariseomonae iru saduceomonae, barapomonae pona Jesús beya xua Jesús pejuntu coyene jujatsinexatsi. Barapomonae Jesús cui itorobatsi pia petsita itutsi coyenewa pocotsi coyenewa xua cana exana itaboco wetsica. Icha Jesús jopa itacupaetsi xua exana baxua, barapomonae pepaebinexa tsane xua deta cou Jesús jopa apara Nacom Pexanto tatsi.

<sup>2</sup> Daichitha Jesús jume nota barapomonaetha, jeye: “Poxonae tabopiya paxam ba pajam: ‘Baya tsane pexeinya matakabi tsane tsipei anoxuae quiripitha itaboco tsobia’, ba pajam.

<sup>3</sup> Ichacuitha tsipae poxonae baya, paxam ba pajam: ‘Anoxuae ema duneicaena tsipei itaboco tsaebia yawa ituruna’, ba pajam. ¡Itara mexeya pomonae xanepanaya pepaebiwi pam, daichitha abe painya neexanaewi pam! Paxam peitaboco payabara yaputaneme. Ema ba payabara wunaeyaputaneme. Matautano pexeinya matabino ba payabara wunaeyaputaneme, deta meisa paxam jopa pana neyabara yaputaem matautano jopa payabara yaputaem pocotsiwa exanan tapexeinya tsita itatsi coyenewan.

<sup>4</sup> Barapo peajuntacoyenebe jiwi iru pomonae jopa tana nejume cowantsi jiwi, barapomonae necui itoroba tapexeinya tsita itatsi coyenewa pocotsi coyene cana exanan itaboco wetsica daichitha jopa baxua beexanaeyo pocotsiwa barapomonae necui itoroba. Saya meisa barapo petsita itatsi coyene exanaein, icha be pocotsi coyeneya Jonás cana ichichi pon Nacom peitorobi jume pepaebin xua poxonae pin duweintha tsijuntutha eca acobi po matabibe beya equeicha poxonae yacabaxotsi xua asu popona”, jei Jesús xua nayabara paeba xua tupaena xua equeicha Nacom asu exanaena acobi po merawithabe.

Bapoxonae Jesús ponataba, yawa cuenta pona barapomonae.

*Meje yabara poxonae Jesús pijimonae yabara yaputane exana, pocotsiwa pan cotowa exana*  
(Mr 8.14-21)

<sup>5</sup> Poxonae Jesús pijimonae tatsi icha muxunene beya pona jeratha xua pucua iya, barapomonae juntemainaxua pan capana.

<sup>6</sup> Nexata Jesús pewanaeya muxuweta pijimonae xua jopa pejume cowantsinexa tsane fariseomonae iru saduceomonae pia pecuidubiwa coyenewa tatsi po pecuidubi coyenewa jopa Jesús pia pecuidubi coyenewa tatsi. Jesús jeye:

—Dota pam jopa pajume naitaewatsinde fariseomonae pia pecuidubi coyenewa tatsi xua painya nejume cowantsiyainwa. Matauta dota pam xua saduceomonae pia pecuidubi coyenewa tatsi xua painya nejume cowantsiyainwa. Barapo pecuidubi coyenewan jiwi ichawa beya ajuntacuicoyeneyapube cana exanapoinchi icha be pocotsi coyene ichi xua levadura matawun xua pan cotowa exanapona beya poxonae pin pan, jei Jesús.

<sup>7</sup> Poxonae Jesús yabara paeba pocotsiwa xua pan cotowa exana, bapoxonae Jesús pijimonae tatsi catsawiya nanta xeinaeya natsipaeba caemonae, najei:

—Metha Jesús daxota baxua paeba metha poxoru yaitama jopa caponaetsi pan, najei barapomonae.

<sup>8</sup> Jesús yaputane pocotsiwa barapomonae natsipaeba, daxota Jesús barai, jeye:

—Pocotsiwa pana natsipaebame xua jopa painya necaponaexae pan, apara poxoru jopa pana nejume cowantsim.

<sup>9</sup> ¡Cataunxuae jopa pana necui yabara yaputaem! Paxam pana necui yabara juntemainame poxonae cinco mil pebiwi apatan pexaewa xua yabara juntemainame poxonae saya cinco po panbe. Matautano pana necui yabara juntemainame poxonae equeicha doce po cotebe pawwunbaponame pocotsiwa jiwi jopa xaeyo.

<sup>10</sup> Matautano paxam pana necui yabara juntemainame xua poxonae cuatro mil pebiwi apatan pexaewa xua poxonae saya siete po panbe. Matautano pana necui yabara juntemainame poxonae equeicha siete po cotebe pawwunbaponame pocotsiwa jiwi jopa xaeyo.

<sup>11</sup> Matautano jopa payaputaem xua poxonae yabara paca tsipaebatsi fariseomonae pia pecuidubi coyenewa tatsi, iru saduceomonae pia pecuidubi coyenewa tatsi, apara jopa pan yabara paca tsipaebichi xua jopa painya necaponaexae, jei Jesús.

<sup>12</sup> Bapoxonae matapainya Jesús jume yaputaerucupatsi pijimonae, xua apara yabara paeba fariseomonae pia pecuidubi coyenewan yainwa tatsi, iruru saduceomonae pia



pecuidubi coyenewan yainwa tatsi. Matautano matapainya yaputaerucupa xua apara Jesús jopa yabara paebiyo pocotsiwa pan cotowa exana.

*Meje yabara poxonae Pedro namchi Jesustha jeye: “Xam apara Mesías Nacom caitorobica”, jei*

*(Mr 8.27-30; Lc 9.18-21)*

<sup>13</sup> Bapoxonae pirapae Jesús pona. Poxonae Jesús patopa Cesarea de Filipo tomara pecuariya xua pepa tomaratha, bapoxonae Jesús yainyaba pijimonae, jeye:

—¿Eta po jiton, po jiton xua jiwi yabara paeba xua pinae bapon Nacom pia Peitapetsin tatsi? jei Jesús.

<sup>14</sup> Jesús jume notatsi pijimonae, jeye:

—Ichamonae cayabara jeye: ‘Apara bapon Juan pon jiwi Pebautisabin, pon equeicha petupaein asu juina’, jei. Iru ichamonae cayabara jeye: ‘Apara bapon Elías pon equeicha petupaein asu juina’, jei. Iruru ichamonae cayabara jeye: ‘Apara bapon Jeremías pon equeicha petupaein asu juina’, jei. Iruru ichamonae cayabara jeye: ‘Apara bapon jiwana pomonae Nacom peitorobi jume pepaebiwi’, jei, jei Jesús pijimonae tatsi.

<sup>15</sup> Nexata Jesús pijimonae barai, jeye:

—¿Incane iru paxamdu? ¿Eta pana neyabara jumichimdu xua xan eta pondun? jei Jesús.

<sup>16</sup> Simón Pedro Jesús jume notatsi, jeye:

—Xam apara Mesías. Nacom caitorobica, pon asu popona. Xam apara Nacom Pexanto tatsim, jei Simón Pedro.

<sup>17</sup> Jesús barai, Simón Pedro baraichi, jeye:

—Simón, Jonás pexantom, maisa Nacom cajuntu coyene weiweina exana, tsipei bapana jiton bapocotsiwa jopa cacuidubi pocotsiwa xua tana neyabara paebiwam. Saya apara meisa Nacom, Taxa, cacuiduba baxua pocotsiwa tana neyabara paebiwam, pon itabocotha eca.

<sup>18</sup> Pocotsiwa xua tana neyabara paebiwam baxua natsita jume itapeinya xeiname xua bichocono tana necui yabara jume cowantsiwam. Daxota cawun dutatsi po wun xua jei: ‘Pedro’, jei, po wun caunuta xua jei: ‘iboto’, jei, tsipei ba iboto bichocono mata daunwei. Pocotsiwa xua xainyeya neyabara paebame baxua be iboto coyene jutiya paebame poxonae jam: ‘Xam apara Mesías. Nacom caitoroba, pon asu popona. Xam apara Nacom Pexanto tatsim’, jam. Daxita pomonae xua neyabara jume cowanta barapo pexainyeya jume tana neyabara paebiwathaxaemxae, barapomonae tajiwiwimonae exanaein. Tajiwiwimonae catsin taayapusu itorobi coyenewa xua barapo tajiwiwimonae jopa peamanayabinexa tsainchi pia peaitafaetabi jiwichi pomonae petupae cuiru nacua beya ponaena.

<sup>19</sup> Xam Pedrom, cacatinchi taayapusu itorobi coyenewa xua copiyam tsane caponaename tajume diwesi xua xan yabara ponxaein Mesías, ponxaein Nacom Pexanton. Barapo tajume diwesi caponaename judiomonaetha matautano caponaename pomonaetha pomonae jopa judiomonae naexanaeyo. Matautano xam pon tajitonxaem, pocotsiwa xam jopa copatsim barapo cae pin nacuathe, xua pocotsiwa tamonae exana, baxuan bara iru Nacom jopa copatsiyo pia peitorobi nacua beicha xua barapomonae bara peexanaenexa baraxua. Pocotsiwa copatame xua tajiwiwimonae peexanaenexa barapo cae pin nacuathe, bapocotsiwa iru Nacom copata pia peitorobi nacua beicha xua barapomonae bara peexanaenexa baxua, jei Jesús.

<sup>20</sup> Nexata Jesús pijimonae muxu barai xua pijimonae jopa peyabara pepaebinexatsi ichamonaetha baxua xua po coyene bapon apara Mesías.

*Meje yabara poxonae Jesús nayabara diwesi paeba po coyene xua petupaewa tsane*

*(Mr 8.31-9.1; Lc 9.22-27)*

<sup>21</sup> Bapoxonae barapo matabi weya Jesús tamropata pitaba xua pijimonaetha tsi-paeba pocotsi coyene Jesús cana exanaeinchi ichamonae, jeye:

—Bewa ponaein Jerusalén tomara beya ichaxota pitiri jiwi, iruru sacerdotemonaē pia pentacoponaewi tatsi, iruru pomonaē jiwi pecuidubiwi Moisés pia peitorobi coyene tatsi, daxita barapomonaē bichocono neperaxa jubina. Matautano barapomonaē nebexubina. Daichitha poxonaē acoibi po matabiyobe tsuxubi tsane equeicha Nacom tatupaēin asu neexanaena, jei Jesús.

<sup>22</sup> Ichitha bapoxonaē Pedro, Jesús baru natsixitabatsi aisowa beya. Pedro Jesús baraichichi, jeye:

—Xam pon Necanamataxeinaem. ¡Jamaisa daxua paebameno, bara! Nacom jopa copatsi tsane xua jiwi cata exanaena baxua, jei Pedro.

<sup>23</sup> Nexata Pedro peitabara beya tatsi Jesús napatomeicha cauncuatabiya namchi, jeye:

—¡Xam newepu natsixitabare, tsipei be Satanám! ¡Nejuntu coyene jutame xua jopa xanepanaya taexanaewa tsane neaichaxaibixae xua tatsitupaewa tsane jiwi! Xam saya abe nanta xeiname icha pebiwi ichi. Saya jopa nanta xeinaem pocotsiwa Nacom necayabara nanta xeina xua tatsitupaewa tsane jiwi, jei Jesús.

<sup>24</sup> Nexata Jesús barai pijimonaē, jeye:

—Icha pebin ichichipa xua tajiwimonaē jiwanaē pin penaexanaewa tsane, bewa bapon yabara naitematsi pocotsiwa xua bapon ichichipa pia peexanaē coyenewan tatsi. Bapoxonaē jame bapon bewa eexanaponaē pocotsiwa itoroban, bequein bara bapon bexotsi ichamonaē, tajiwimonaē jitonxae.

<sup>25</sup> Pon naantobeya nata exana pocotsiwa bapon ichichipa, bapon jopa xeinaeyo peajuntuyparusawa, po peajuntuyparusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae bapon xeinaena peajuntuyparusawa, po peajuntuyparusawa ataya tsiteca xua Nacom pia nacua beicha.

<sup>26</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntuycoyenesawa po peajuntuycoyenesawa ataya tsiteca, bapoxonaē bapon jopa itacupaetsi xua penajuntu coyene capanepaewa xua jopa peweraweracaewa. Tsipei pebin jopa itacupaetsi xua barapo copeitha matomatsina Nacomtha xua bapon pecatsinexa tsainchi peajuntuycoyenesawa xua barapoxonaē pepatopaewanexa tsane Nacom pia nacua beicha tatsi.

<sup>27</sup> Tsipei xan ponxaein Nacom Tananeitapetsin bewa yawa muxuna patopeicaēin Nacom pia peitupanaewa tatsi. Matauta matatsunpiwi baru patopeicaēin. Daxita carepaya jiwitha catsibin pocotsiwa peyabara cui matomatsiwatsi. Pomonaē jopa xapain exanaeyo ichamonaetha xuya barapocotsi coyeneya exanaēin xua antomabeya catsin. Pomonaē xua xanepanaya exana ichamonaetha pocotsiwa cui itoroban xuya barapocotsi coyeneya exanaēin matoma xanepanaya catsibin.

<sup>28</sup> Bara xaniwaicha paca tsipaebatsi xua pomonaē xote umene barapomonaē jiwana abu, copiya matha yabara yaputaena poxonaē xan ponxaein Nacom Tananeitapetsin tamropata pitabin xua itorobiya taewatsiwa tsane pomonaē tana nejume cowantsiwi, jei Jesús.

## 17

*Meje yabara poxonaē Jesús pijimonaē peitutha pexeinya itupanaē coicha tsanaya naexana*

*(Mr 9.2-13; Lc 9.28-36)*

<sup>1</sup> Poxonaē seis po matabibe jopa, po matabin weya poxonaē Jesús paeba baxua, bapoxonaē icha matabitha Jesús pona demxuwa beicha. Pedro Jesús baru pona, iruno Santiago Jesús baru pona, iruno Juan Jesús baru pona, pon Santiago peweicho tatsi. Barapo acoibi poyobe Jesús matabapona demxuwatha, po demxuwatha bichocono taucha ichaxota jiwaibi.

<sup>2</sup> Baxoteicha daxita Pedrobarꝰ peitꝰtha tatsi Jesús pexeinya itꝰpanae coicha tsanaya. Bichocono itabara daedaena icha be xometo ichi poxonae pentha. Mataꝰtano pocotsiwa penama xatatsiwa bichocono inyapana tsanaya icha pecoicha ichi.

<sup>3</sup> Bapoxonae Pedrobarꝰ taerꝰꝰꝰa Moisés irꝰ Elías xua baponbe Jesús barꝰ cueicueije-ichibe.

<sup>4</sup> Bapoxonae Pedro namchi Jesustha, jeye:

—Pata Tanecanamataxeinaem, maisa wꝰnae xua xote pata umenaewa. Icha ichichipame, bapoxonae pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

<sup>5</sup> Poxonae cataunxuae Pedro cueicueije, xua Jesús barꝰ cueicueijeichi, bapoxonae daxita barapomonae bematawacaicha taruneicatsi tsaquinaebowa po tsaquinaebowa bichocono pentha. Nexata barapomonae tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon bichocono nejꝰntꝰ coyene weiweina exana. Bapon beta pajume taema pocotsiwa paca tsipaeba”, jei Nacom.

<sup>6</sup> Poxonae Jesús pijimonae tatsi jume taerꝰꝰꝰa baxua, bapoxonae barapomonae pia coutha iratha nabebeya, irabe taebobendeca. Barapomonae bichocono pijunuwi.

<sup>7</sup> Bapoxonae Jesús pijimonae imoxoyo caquita uncuataba yawa pijimonae warꝰba, jeye:

—Panonobaponde, painya xoba pajunuwame, jei Jesús.

<sup>8</sup> Poxonae barapomonae necobarꝰꝰꝰa beya meisa Jesús compa uncua, ichamonae aichurubena.

<sup>9</sup> Poxonae Jesús pijimonae barꝰ duneica demxuwa wetsica, pijimonae barai, jeye:

—Ichamonaetha jopa baxua patsipaebinde pocotsiwa aunxuae pataneme xuaunxuae paca tsita itꝰtatsi, beya abꝰ poxonae xan ponxaein Nacom Tananeitapetsin equeicha asꝰn poponaein tatꝰpae coyene weya, jei Jesús.

<sup>10</sup> Nexata Jesús yainyabatsi pijimonae, jeye:

—Pomonae jiwi pecuidubiwi Moisés pia peitorobi coyene jeye: ‘Mesías matha tsiwanaya patopaeinchi Elías’, jei. ¿Eta pocotsiwa metha jane? jei Jesús pijimonae tatsi.

<sup>11</sup> Jesús jume nota, jeye:

—Bara xainyei, copiya matha netsiwanaya patopa pon icha be Elías ichi. Mataꝰtano bapon cana exana jiwitha xua jiwi cana jꝰntꝰ coyene weta exanaya exanatsi xua tana nejume cowꝰntsiwa tsane xua tapatopaewa tsane.

<sup>12</sup> Ichitha xan paca tsipaebatsi xua bayatha apara patopa pon copiya matha netsiwanaya patopa pocotsin xua icha Elías ichi. Poxonae bapon bayatha patopeica jiwi jopa yaitaeyo bapontha pon icha Elías ichi. Saya barapo jiwi bapon abe cana exanatsi be pocotsi coyeneya ichichipa beya poxonae bapon yatsicaya bexotsi. Icha bapon ichichi xua poxonae cana exanatsi, barapomonae bara neichi tsane ponxaein Nacom Tananeitapetsin. Barapomonae irꝰ nebexubina, jei Jesús.

<sup>13</sup> Jesús pijimonae tatsi matapainya yaputane xua poxonae Jesús pijimonae tsipaeba Elías yabara, apara xua Juan yabara paebatsi pon jiwi Pebautisabin.

*Meje yabara poxonae Jesús cauri taitaweta xua pewowin xeina  
(Mr 9.14-29; Lc 9.37-43)*

<sup>14</sup> Poxonae demxuwa weya pona, bapoxonae Jesús pijimonae barꝰ patopa ichaxota pin bicheito jiwi jinompa. Bapoxonae pebin Jesús imoxoyo caquita uncatabatsi. Bapon pentabocototha uncua Jesús peitabaratha tatsi. Bapon Jesús baraichi, jeye:

<sup>15</sup> —Tanecanamataxeinaem, inta taxanto yabara najꝰntꝰ coyene xeinare xua jinya neyawenaenexa. Taxanto inta waetabatsi cauri. Inta papai exanatsi. Inta coibo thamthamei exanatsi. Matayaiba exanatsino. Mataꝰta isototha inta bebai tsaibichino. Mataꝰtano mentha inta bebai tsaibichino.

<sup>16</sup> Bequein barapo taxanto xote caponanje jinyamonaetha yawa janje: ‘Painta taxanto taitawere cauri’, jan, daichitha jopa itacupaetsi xua taxanto petaitawetsinexatsi cauri, jei bapon.

<sup>17</sup> Jesús namchi daxita barapomonaetha, jeye:

—¡Paxam barapomonaē pam pomonaē jopa xapain cataunxuae pana nejume cowantsim! ¡Paxam barapomonaē pam, peajuntucoyenebe jiwi pam! ¿Eta po weibe nantawenonan xua bewa tapaca baru ecaewatsi tsainchi xua beya poxonaē tapana nejume cowantsiwam tsane? Matautano ¿eta po weibe equeicha nantawenonan xua tapaca cayawenaewatsi tsainchi? Inta xawena pewowin, jei Jesús.

<sup>18</sup> Bapoxonaē Jesús itaweta cauri, matautano pewowin wepu ponatsi exanatsi. Barapo pewowin nainya axaibi tsuxubi.

<sup>19</sup> Bapoxonaē pirapaeyo Jesús compa tsipaebatsi pijimonaē. Jesús jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei Jesús pijimonaē tatsi.

<sup>20</sup> Jesús jume barai pijimonaē jeye:

—Jopa paca itacupaeyo xua painya itawetsiwa cauri tsipei jopa beta payabara jume cowantsim xua Nacom painya nepaca cayawenaewa. Bara xaniyeya paca tsipaebatsi. Icha paxeinaetsipame xua be peya pejume cowantsi coyenewiyo xua bequein, icha mostaza xutiyo jeta ichi xua tsica xutiyo, ichitha bara paca itacupa xua urutotha painya nejeiwa: ‘Uruto bara jincoutha natabu jonde, icha ira beya naxore’, xua painya nejeiwa. Bara jopa bayathiyo tsipae barapo uruto. Dapocotsiwa apara pacata aibi, pocotsiwa peayapubeya daunweiwa icha paxeiname tapana nejume cowantsiwam xua peya jume cowantsiwiyo.

<sup>21</sup> Barapo cauri saya paca itacupa xua painya neitawetsiwa poxonaē matha payabara nainbotame matautano poxonaē matha Nacomtha matowa pawacame, jei Jesús.

*Meje yabara poxonaē equeicha Jesús nayabara paeba xua poxonaē tupaena (Mr 9.30-32; Lc 9.43-45)*

<sup>22</sup> Poxonaē cataunxuae Jesús pijimonaē baru popona Galilea nacuatha, pijimonaē tsipaeba, jeye:

—Xan ponxaein Nacom Tananeitapetsin, jiwi necaenaetsina ichamonaetha.

<sup>23</sup> Bapoxonaē bequein nebexubina, ichitha poxonaē acoibi po matabiyobe yapucaewina Nacom equeicha tatupaēin asu neexanaena, jei Jesús.

Bichocono Jesús pijimonaē tatsi anthuthutane, xua poxonaē Jesús pejume taexaetsi poxonaē baxua paeba.

*Meje yabara poxonaē Jesús cata paratiyo xua Nacom pin pia bo nexa*

<sup>24</sup> Jesús baru patopa pijimonaē Capernaum tomaratha. Bapoxonaē pomonaē paratixi penoteibiwi po paratixi judiomonaē bewa catsibeibina xua Nacom pin pia bo nexa, barapomonaē Pedro pexainya beya taponatsi. Barapomonaē Pedro yainyabatsi, jeichichi:

—¿Pon painya nepaca cuidubin, bapon bepa pana catsei paratixi xua Nacom pin pia bo nexa? jei.

<sup>25</sup> Pedro jume nota, jeye:

—Aa, bepa paca catsei, jei Pedro.

Poxonaē Pedro botha joniya, Jesús copiya barai bapon, jeye:

—Simón, ¿eta be caita cui jicha? Barapo cae pin nacuathe, ¿eta po jiwi wucatsi paratixi, po paratixi xua jiwi bewa catsibeibina pomonaetha pomonaē jiwi itorobiya pia pepa peewatsiwichi poxonaē pomonaē jiwi itorobiya pia pepa peewatsiwichi wuca? ¿Metha bara piamonaē matabuxu wuca? Ichacuitha, ¿metha bara ichamonaē wucatsi pomonaē penanapaincha jinompaewi xua icha nacua werena peponaewi? ¿Eta pomonaē cuita wucatsi? jei Jesús.

<sup>26</sup> Pedro Jesús jume notatsi, jeye:

—¡Apara jame w<sub>h</sub>caetsipa ichamonaetha! jei Pedro.

Equeicha Jesús jume nota, jeye:

—Nexata barapomonaе jopa w<sub>h</sub>caeyo piamonaе matab<sub>h</sub>xyo.

<sup>27</sup> Barichin jopa bewa Taxa catsin tsane paratixi, yaitama tsipei apara Taxa Pexanton tatsin. Ichitha xua barapomonaе jopa wanaca casebinexa, matha mene beya ponde. Curupobo xoyama mentha bapoxonaе po duwein copiya wana pichina curupobo, pire barapo duwein. Bapoxonaе barapo duwein coiboto tsina paratiyo taename po paratiyo xua naca yaj<sub>u</sub>pabe xua wamatomatsiwabe tsane Nacom pin pia bo nexa. Bapoxonaе barapo paratiyo caponde pomonaе paratixi penotebiwi beya bara careno, jei Jesús.

## 18

*Meje yabara poxonaе Jesús yabara yainyabatsi pijimonaе xua pon peainya cui peexanaeinchi*

*(Mr 9.33-37; Lc 9.46-48)*

<sup>1</sup> Nexata bapoxonaе Jesús imoxoyo caquita umenar<sub>u</sub>c<sub>u</sub>patsi pijimonaе, yawa pijimonaе yainyabatsi, jeichichi:

—¿Jintam paxan jiwana pan pon bichocono ainya cui cana exanaeinchi po mataqueitha poxonaе Nacom wabina jiwi xua petanaexanaenexatsi pijimonaе pomonaе itorobiya pecanamataxeinaexae? jei Jesús pijimonaе tatsi.

<sup>2</sup> Nexata Jesús waba pexuyo, yawa pijimonaе tatsi peitabarayo deca tatsi tacuara-noreca.

<sup>3</sup> Jesús namchi pijimonaetha, jeye:

—Bara xainyeya paca tsipaebatsi bewa paxeinaem icha j<sub>u</sub>nt<sub>u</sub> coyenewa xua jopa pananta xeinaem peainya cui coyenewa yabara. Barapocotsi j<sub>u</sub>nt<sub>u</sub> coyenewa pexui ba xeina xua jopa taayapubetsi poxonaе nejume cow<sub>u</sub>nta. Bewa pananta xeinaem icha pexui ichi poxonaе nanta xeina, icha paichichipame xua Nacom painya nepaca wabiwa xua pijimonaе tatsi painya nepaca exanaewa pomonaе pamxaem Nacom itorobiya paca ewata.

<sup>4</sup> Po jiton pon naj<sub>u</sub>nt<sub>u</sub> coyene acaura, xua daxota bichocono Nacom canantawenonatsi xua pejume cow<sub>u</sub>ntsiwatsi, bapon jame ainya cui xua pecana exanaewatsi Nacom pijimonaе tatsi jiwanapin pomonaе pejume cow<sub>u</sub>ntsiwichi pomonaе Nacom itorobiya peewatsixae.

<sup>5</sup> Pon matenta weyataeya waba peyawenaenexa pontha pon tana nejume cow<sub>u</sub>ntsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo apara bara ir<sub>u</sub> matenta weyataeya wabatsi pon tana neitorobixae, xua pon bara Nacom, jei Jesús.

*Meje yabara poxonaе Jesús paeba xua jiton jopa bewa cana exanae ich<sub>u</sub>ntha xua ir<sub>u</sub> abe peexanaewa tsane*

*(Mr 9.42-48; Lc 17.1-2)*

<sup>6</sup> “Nacom tsitatsi xua pebin bichocono abe exana poxonaе ich<sub>u</sub>n cana exanatsi xua abe peexanae cuiru coyene exana, po barapo ich<sub>u</sub>n pon cataunxuae aena tana nejume cow<sub>u</sub>ntsixae. Metha jame w<sub>h</sub>nae tsipae xua barapo pebin pon abeya cana exanaeya taexana ich<sub>u</sub>ntha, barapon pin iboto wisi catsipatsi yawa xua tuw<sub>u</sub>tha xua pin mar mentha barapo iboto cayawa cabutabachipatsino. Tsipei jopa w<sub>h</sub>nae tsipae xua bapon cana exana xua ichamonaе abe peexanae cuiru coyene exana pomonaе cataunxuae aena nejume cow<sub>u</sub>nta.

<sup>7</sup> Maisa bichocono jopa xanepanaeyo barapo cae pin nacuathe nexa pomonaе abe exaneiba. Barapo cae pin nacuathepiwi ataya xeineiba po jiwi pecana exanaexaetsi xua ichamonaе cana exana xua barapo jiwi pecana exanaexaetsi xua ichamonaе cana exana xua barapo jiwi abe peexanae cuiru coyene peexaneibinexa xua daxota jopa



nejume cowanteibiyo. Ichitha pebin tsocuae xua bapon abe taexana xua ichun abe exanaeya taexanaetsi.

<sup>8</sup> “Daxota paca tsipaebatsi icha painya cobe paca exana xua abe painya neexanaewa tsane maisa pana nacobe ucubobare yawa tajū beya pana nacobe bebande abe painya jopa neexanaenexa. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua ainya cobebe painya necayawa bebai tsane ichaxota po nacuatha isoto jopa itacounayiyo. Matautano icha painya taxu paca exana xua abe painya neexanaewa tsane maisa pana nataxu ucubobare yawa tajū beya pana nataxu bebande xua abe painya neexanaeyainwa. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacua beicha tatsi. Baxua jame yatsicaewa xanepana beyacaincha xua ainya taxube painya necayawa bebai tsane ichaxota po nacuatha isoto jopa itacounayiyo.

<sup>9</sup> Matautano icha pocotsiwa pataneme painya itamaiqueitha xua icha baxua paca exana xua abe painya neexanaewa tsane painya netaexae painya itamaiqueitha, maisa pana naitamaiquei jucuaire. Yawa tajū beya pana naitamaiquei bebande abe painya neexanaeyainwa. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia nacua beicha tatsi. Baxua jame yatsicaewa xanepana beyacaincha xua poxonae ainya itamaiqueitobe painya necayawa bebai tsane ichaxota isoto jopa itacounayiyo”, jei Jesús.

*Meje yabara poxonae Jesús tsipaeba pijimonaе pecayabara jata pepaebi diwesiyo xua oveja yabara pon penapuxanaein*  
(Lc 15.3-7)

<sup>10</sup> Equeicha Jesús jeye: “Barapocotsi pexuyo jopa catsa jumeya pacayabara jande: ‘Maisa barapo pexuyo jopa peainya cuiyiyo’, jopa pajande. Matauta pomonaе aena pejume cowantsiwi Nacom jopa pacayabara jande: ‘Maisa barapomonaе jopa peainya cuimonaeyo’, jopa pajande. Paca tsipaebatsi pomonaе Nacom pejume cowantsiwi barapomonaе nantauta pia matatsunpiwi po matatsunpiwi barapomonaе yawenatsi. Barapo matatsunpiwi, Taxa Nacom peitabaratha tatsi tajinompeibatsi pia nacuathe-icha, xua barapo pejume cowantsiwi peyawenaenexa tsaibi tsainchi.

<sup>11</sup> Tsipei xan, ponxaein Nacom Tananeitapetsin patopeican tayawenaenexa pomonaе jopa pejume cowantsiwi xua barapomonaе napaeba tacana exanaewa tsane.

<sup>12</sup> “Pana nejume naitaware po pecayabara jata pepaebi diwesiyo xua paca tsipaeb- binchi. Barapo diwesiyo jeye: Jiton ba xeina oveja cien poyobe. Caein tanapuxanatsi. Jiton demxuwatha cuenta pona noventa y nueve poyobe oveja, pewenaweneinexa oveja, pon catsawa jopa, beya matapainya taeba.

<sup>13</sup> Xaniwaicha paca tsipaebatsi poxonaе jiton oveja taeba, bapon bichocono weiweina petaebixae oveja pon catsawa jopa, beyacaincha xua poxonaе weiweina poxonaе saya noventa y nueve poyobe po ovejamonaе jopa catsawa othopaeyo.

<sup>14</sup> Barichi barapocotsi jata coyeneya ichi, Nacom pon Taxa, pon peitabocotha eca, bapon jopa ichichipaeyo xua pebarapentsiwatsi pijiwimonaе xua pejume cowantsiwatsi matautano xua bara caeinno irū, pomonaе aena pejume cowantsiwixaetsi”, jei Jesús.

*Meje yabara poxonae Jesús yabara paeba xua jiton eta bichi tsane poxonaе cayabara jantemainaena pontha pon abe petaexanaexaetsi*  
(Lc 17.3)

<sup>15</sup> Equeicha Jesús barai pijimonaе, jeye: “Icha ichun pon irū pejume cowantsindū, icha bapon pacata abe exana, bapon baxua yabara patsipaebare xua bapon peyaputaewa tsane xua deta cou abe exana. Icha barapon paca jume taeya jejei tsane pocotsiwa xua bapon abe exana bara bapoxonaе paca itacoxonaena.

16 Ichacuitha icha ichan pon pejume cowantsindu, icha bapon jopa paca jume cowantsiya jejeyo, bara nexata equeicha pawabare pebinbe nacueyatabe xua yoroba painya netsipaebinxaxa bapon xua abe peexanaexae.

17 Ichitha icha awiya bapon jopa cataunxuae paca jume cowantsiya jejeyo, bara nexata barapon pacaponde pomonaetha pomonae Nacom pejume cowantsiwichi, xua barapomonaetha bapon peyabara paebinxatsi. Icha bapon awiya cataunxuae jopa came jume cowantsiya jejeyo barapomonaetha barapoxonae barapomonaetha bewa yabara nanta xeinae xua bapon bara be pocotsi jiton pon jopa bapana pejume cowantsin Nacom. Ichacuitha bewa yabara nanta xeinae xua bapon bara be pocotsi jiton jiwana, pomonaetha peajantacoyenebewi, pomonaetha paratixi pentoma noteibiwi, po paratixi jiwi bewa catsibeibina pon romanomonaetha itorobiya pia pepa peewatsinchi nexa.

18 “Xainyeya paca tsipaebatsi. Pocotsiwa paxam jopa pacopatsim barapo cae pin nacuathe xua pocotsiwa exana pomonaetha tana nejume cowantsiwi, bapocotsiwa bara iru Nacom jopa copatsiyo pia peitorobi nacua beicha xua barapomonaetha peexanaewa tsane baxua. Pocotsiwa pacopatame xua tajiwiwimonaetha peexanaenexa barapo cae pin nacuathe bapocotsiwa iru Nacom copata pia peitorobi nacua beicha xua barapomonaetha bara peexanaewa tsane baxua.

19 “Matautano paca tsipaebatsi icha paxam jiwana nacueyatabe barapo cae pin nacuathe icha baponbe peburaya jupaya yabara nanta xeinae xua Nacomtha pewucaewabe, baponbe bara baxua taexanaeinchibe pocotsiwa pewucaexaebe xua Taxa Nacom bara taexanaena pon peitabocotha eca.

20 Tsipei ichaxota ba nayantabe xua nacueyatabe poyobe, xua poxonae pewucaenexabe Nacom xua ichacuitha ichaxota acoibi poyobe, xua pomonaetha taneantobe jiwixae, bara bequein saya caeyobe daichitha xan baxota ba uncueiban iru”, jei Jesús.

21 Nexata Pedro Jesús yainyabatsi, jeye:

—Tanecanamataxeinaem, icha inta abe exana pon iruru jume cowanta, zeta po cuiyobe tsipaebocuaein xua bewa tacui yabara jantemainaewa tsane pocotsiwa inta abe exana? ¿Metha saya beya poxonae siete po jume cuiyobe tsipae? jei Pedro.

22 Jesús jume nota, jeye:

—Ichitha jopa catsipaebichi xua saya siete po cuiyobetham netsipaebiwa tsane xua jinya necui yabara jantemainaewa tsane pocotsiwa cata abe exana. Seicaya apara jame catsipaebatsi, xua jopa cuinaya najume baraxubim tsane xua jinya necui yabara jantemainaewa tsane pon cata abe exana xua beya bequein jame cuatrocientos noventa po cuiyobetham tsane xua netsipaebiwa tsane, jei Jesús.

*Meje yabara poxonae Jesús cuiduba pecayabara jata pepaebi diwesiyo xua pon jopa yabara jantemainaeyo ichantha*

23 Equeicha Jesús pijimonaetha barai pecayabara jata pepaebi diwesiyo, jeye: “Anoxuae paca cuidubatsi xua Nacom yabara. Nacom pijimonaetha bichocono yabara jantemaina po abe peexanaetha coyenein pijimonaetha tatsi exana. Nacom baxua exana icha pebin ichi pon jiwi itorobiya pia pepa peewatsinchi. Bapon wuca xua caewa equeicha pematomatsinexatsi xua po matoman caena bayatha penacowaebixaetsi.

24 Pon jiwi itorobiya pia pepa peewatsinchi tamropata pitaba xua waba pia petanacuichiwichi. Pon copiya, bapon pon jiwi itorobiya pia pepa peewatsinchi jopa equeicha caewa tacanawitichi diez millones po paratiximonaetha.

25 Barapon pon copiya pon petanacuichinxae pon jiwi itorobiya pia pepa peewatsinchi nexa jopa xeinaeyo paratiximonaetha xua pon jiwi itorobiya pia pepa peewatsinchi caewa petacanawichinxae tsainchi. Daxota pon jiwi itorobiya pia pepa peewatsinchi itoroba ichantha xua barapo petanacuichinchi caenaetaxubinchi ichantha xua ichan pecomatsinexa tsane xua pon pebusi cui taetaeinchi pecanaexanaenexa

tsainchi. Barapon pon jiwi itorobiya pia pepa peewatsinchi matauta cui itoroba xua yabayo pecaenaetsinexa tsainchimo, powa barapo petanacuichin piowa tatsi. Yawano cui itoroba xua pexuino pemuxuna caenaetsinexa tsainchi. Yawano cui itoroba xua pemuxuna caenaetsinexa pocotsiwan xeina pon petanacuichin, xua barapo matoma pecatsinexatsi pon jiwi itorobiya pia pepa peewatsinchi. Ichitha daxita barapo matoma awiya seica, bequein bapon daxita baxua cana exanaetsipatsi.

<sup>26</sup> Nexata pon petanacuichin pentabocototha uncua pon jiwi itorobiya pia pepa peewatsinchi itabaratha tatsi matautano jume daunweya namchiya jeye: ‘Tanentacapon-aem, abu necayabara najuntu coyene xeinare, xua jopa bepijawa neaitaconaenexa. Barapara bexa daxita pentoman cacatsibinchi’, jei pon petanacuichin.

<sup>27</sup> Pon jiwi itorobiya pia pepa peewatsinchi bara yabara najuntu coyene xeina peyawenaenexa, yawa yabara juntemaina barapo paratiximona, matautano bara saya pu copata.

<sup>28</sup> “Daichitha bapon pon petanacuichinxae poxona pontaba pon jiwi itorobiya pia pepa peewatsinchi weya, jemeicha caxina pia jiton pon penabar nacuichinxaebe. Pon caxinatsi bapon matoma amanayaba saya cien po paratiximonaebe. Pon jiwi itorobiya pia pepa peewatsinchi weya pona matoma amanayabatsi. Pon jiwi itorobiya pia pepa peewatsinchi weya pona bapon pia jiton coibotathu waetaba, muxu penaichatabi. Pon pecoibotathu waetabixae bapon jei: ‘Equeicha inta caewa canawire xua bayatha nentoma amanayabame!’ jei.

<sup>29</sup> Bapoxona pon coibotathu waetabatsi pentabocototha uncua pia jiton itabaratha tatsi, matautano jeye: ‘Abu, neyabara najuntu coyene xeinare, xua jopa bepijawa neaitaconaenexa. Barapara bexa pentoma cacatsinchi’, jei pon coibotathu waetabatsi.

<sup>30</sup> Ichitha pon jiwi itorobiya pia pepa peewatsinchi weya pona bapon aichaxaibi xua abu came pentoma ewatsiwa. Daxota bapon pia jiton capona jiwi pecabi bo beya, beya abu poxona matoma catsinchi pia jiton, xua pon jiwi itorobiya pia pepa peewatsinchi weya pona matoma catsinchi.

<sup>31</sup> Poxona ichamona pomona iruru petanacuichiwi baxua cui tane, barapomona unthuthu wecoyei, tsipei ichun pon iru petanacuichin jiwi pecabi botha etatsi. Bapoxona barapomona pon jiwi itorobiya pia pepa peewatsinchi beya pona. Barapomona tsipaeba pontha pon jiwi itorobiya pia pepa peewatsinchi daxita pocotsiwa pon petanacuichin cana exana ichuntha pon iruru petanacuichin.

<sup>32</sup> Bapoxona pon jiwi itorobiya pia pepa peewatsinchi itoroba pijimona xua petawabinexa tsainchi pon petanacuichinxaetsi pontha xua pon peyabara juntemainaexae pocotsiwa penacowaetsixaetsi. Pon jiwi itorobiya pia pepa peewatsinchi bapontha jeye: ‘Maisa pon inta nacuitame maisa bichocono abem! Xan cayabara juntemainatsi daxita barapo ainya paratiximona tsipei tanebaru jumichimxaem.

<sup>33</sup> Xam bewa bayatha barichim. Bewa yabara najuntu coyene xeinaem jinya jiton xua nejuntemainaenexa pocotsiwa bapon cantoma amanayaba, icha xan ichin xua bayatha cayabara najuntu coyene xeinatsi tacayawenaenexa tsainchi’, jei.

<sup>34</sup> Pon jiwi itorobiya pia pepa peewatsinchi bichocono anaepana. Daxota bapon cui itoroba ichamona, xua barapon pon petanacuichinxaetsi caponaeinchi jiwi pecabi bo beya. Baraxota peraxa exanaeinchi xua beya abu poxona barapon pon petanacuichinxaetsi matoma catsinchi daxita po pentoma bayatha jopa caewa petacanawichixaetsi”, jei Jesús.

<sup>35</sup> Equeicha Jesús jeye:

—Bara juta coyeneya ichi tsane icha be pon jiwi itorobiya pia pepa peewatsinchi ichi. Poxona bapon peraxa exana barapo pia petanacuichinxaetsi xua bapon pia jiton jopa pecui yabara juntemainaexae, Nacom pon itaboco pecaein barichi tsane pijiwitha.

Nacom exanaena baxua poxonae barapomonae jopa xapain yabara j̄ntemainaeyo pomonaetha pomonae abe petaexanaexaetsi, jei Jesús.

## 19

*Meje yabara poxonae Jesús cuiduba xua jiwi piseurixi pepunapenteibiyainwa.  
(Mr 10.1-12; Lc 16.18)*

<sup>1</sup> Poxonae Jesús najume weta xua tsipaeba pijimonae, bapoxonae Galilea nacua weya warapa. Bapoxonae Jordán mene deca bara bereca pona, equeicha dabeya barapo Jordán mene, mene epa Ꞇncatabiya xua patopa Judea nacuatha, po nacua eca ichaxota pocotsiwa xometo bejopiya xua po nacua Jordán mene weya eca.

<sup>2</sup> Pin bicheitomonae puna poinchi. Baxotiya Judea nacuatha Jesús axaibi exana peatenewi.

<sup>3</sup> Bapoxonae fariseomonae piraichi Jesús imoxoyo caquita umenarꞆꞆpatsi xua Jesús pejuntꞆ coyene j̄j̄j̄tsinexatsi daxota jeye Jesustha:

—¿Moisés pia peitorobi coyenewa copata xua pebin piseuri pepunaxubiwa ichi saya poxonae ichipa? jei fariseomonae.

<sup>4</sup> Jesús fariseomonae jume notatsi, jeye:

—¿Jopa payorobim Nacom Pejume Diwesi? Barapo diwesitha jeye: ‘Poxonae aena Nacom forota, Nacom forota pebin yawa forota petsiriwa’, jei barapo Nacom Pejume Diwesitha.

<sup>5</sup> MataꞆta jeyeno Nacom Pejume Diwesitha: ‘Daxota baxuaxae pebin paxa wepu natsata yawa pena wepu natsata xua piowabe imoxoyo penaperꞆ nacoyobinexabe. Baraponbe be cae jiwimonae naexanabe’, jei Nacom Pejume Diwesitha.

<sup>6</sup> Bapoxonae baponbe xua ainya jiwibe aibi, bara be caein naexanabe. Daxota pebin bapana jopa bewa punaxubi piowa, tsipei apara bayatha Nacom cana exana xua bara be bara caein naexanabe, jei Jesús.

<sup>7</sup> Nexata fariseomonae Jesús yainyabatsi, jeye:

—¿Eta xua metha Moisés pia peitorobi coyenewa copata xua jiton itacꞆpatsi xua pecatsiwa papera piseuri po paperatha tina xua pexubiwa tsane piseuri? jei fariseomonae.

<sup>8</sup> Jesús jume nota, jeye:

—Moisés copata xua paxam painya seuriwi painya nepunapenteibiwa jopa painya nejume cowꞆntsi jiwixae Nacom. Apra caena bayatha Nacom jopa baxua copatsiyo poxonae aena foforatapona jiwi.

<sup>9</sup> Nama paca tsipaebatsi pon piowa punaxuba xua poxonae yabꞆyo bequein jopa nasi cui exanaeyo ichꞆntha, icha bapon ichowa pita, bapon abe exana Nacom peitꞆtha tatsi tsipei Nacom tsitatsi xua powa copiya barꞆ popona apra bara piowa tatsi, jei Jesús.

<sup>10</sup> Nexata Jesús tsipaebatsi pijimonae, jeye:

—Icha Nacom jopa copatsiyo xua pebin piowa punaxubina poxonae barapowa saya Ꞇ exana pocotsiwa pebin aichaxaibi, baxua bichocono ajumeyapube. Metha nexata pebin jopa jitha ecaetsipae. Bara saya pebin metha misa ecaetsipa, jeichichi Jesús pijimonae.

<sup>11</sup> Jesús barai pijimonae, jeye:

—Daxita jiwi ba jopa itacꞆpaetsi xua peyabara yaputaewa pocotsiwa aunxuae payabara caunutame xua jopa jitha peenaewa. Saya meisa pomonae Nacom yabara yaputane exana barapo coyene, barapomonae itacꞆpatsi xua pecana exanaewa barapo coyenetha xua jopa jitha peenaewa.

<sup>12</sup> Barichi acoibi po cui coyenewabe xua pebiwi jopa penotsiwa pecotsiwaxi jiwi. Ichamonae aichaxaibi xua jitha peenaewa tsipei barapocotsi jiwimonae bara yacuiya naexana xua jopa penotsiwa yabꞆxitha. Ichamonae jopa itacꞆpaetsi xua pecotsiwaxi penotsiwa tsipei bayatha tobꞆ jucuatsi, xua ichamonae tobꞆ jucua. Daxota jopa

itacupaetsi xua pexui pecanaexanaewa. Ichamonae aichaxaibi xua pecotsiwaxi nota, peichichipaexae xua saya ɯ peexanaewa pocotsiwa Nacom itoroba. Pon itacupaetsi xua peyabara yaputaewa xua pocotsi coyene jopa pepichiwa pecotsiwa, bara moya jopa exanae tsane xua pepichiwa tsane pecotsiwa, jei Jesús.

*Meje yabara poxonae Jesús jeye pexuitha: “Barabɯ Nacom beta paca yawenaena”, jei (Mr 10.13-16; Lc 18.15-17)*

<sup>13</sup> Nexata jiwi Jesús tacaponatsi pexui xua Jesús pejayabinexa pecobetha yawa xua Nacomtha pewɯcaenexa barapo pexui nexa xua pejeinexa: “Barabɯ Nacom beta paca yawenaena”, pejeinexa. Ichitha Jesús pijimonaе tatsi poxonaе baxua tane, tamropata notarɯcɯpa xua barapomonaе cui matawentatsi pomonaе pexui carendena tsaibi.

<sup>14</sup> Ichitha Jesús jume barai pijimonaе, jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonaе nexa pomonaе pejɯntɯ coyene xanepanaewi icha pexui ichi. Pexui pia cui xua tayapu xanepanatsi xua pia jɯntɯ coyeneintha jume cowɯnta Nacom, jei Jesús pijimonaetha.

<sup>15</sup> Poxonaе Jesús nacobe weta xua pexui jayabatsi yawa xua Nacomtha tawɯca barapo pexui, xua jeye: “Barabɯ Nacom beta paca yawenaena”, jei. Bapoxonaе Jesús wepu pona barapomonaе.

*Meje yabara poxonaе pewowin pon copei pexeinaein Jesús tsipaebatsi (Mr 10.17-31; Lc 18.18-30)*

<sup>16</sup> Pewowin pona xua Jesús petaenexatsi. Barapo pewowin jeye Jesthath:

—Ja Tanecuidubim, maisa nejɯntɯ coyene xanepanaem. ¿Eta xua copiya matha exanocuaein xua ajɯntɯyapɯsɯya tapoponaewa tsane xua ataya tsane? jei.

<sup>17</sup> Jesús jume barai, jeye:

—¿Eta xua nebaram: ‘Nejɯntɯ coyene xanepanaem’, jam? Apará ichɯn dapon aibi pon pejɯntɯ coyene xanepanaein. Jame meisa apara bapon Nacom compa pejɯntɯ coyene xanepanaein. Icha ichichipame xua ajɯntɯyapɯsɯya nepoponaewa xua ataya tsane, moya matha exande pocotsiwa Moisés itoroba pia peitorobi jume coyenewantha, jei Jesús.

<sup>18</sup> Pewowin Jesús jume baraichi jeye:

—¿Eta po peitorobi jume coyenewara? jei.

Jesús jume notsiya namchi xua Moisés pia peitorobi coyenewa namchi, jeye:

—‘Jopa ichɯn bexubinde. Jopa ichowa pichinde ichɯn piowa tatsi. Jopa caibinde ichɯn piawan tatsi. Jopa naerabiya cayabara paebinde pocotsiwa ichamonae exana.

<sup>19</sup> Axatha barɯ jume cui itura jinare. Antobeinde necatsicuarabɯ enaewi icha ichim xua jincoutha naantobem’, jei Moises, jei Jesús.

<sup>20</sup> Pewowin Jesús jume baraichi, jeye:

—Daxita caena bayatha barapo coyenein exaneiban. Poxonaе pexuyothan tamropata pitaban, beya anoxuae yacuiya pinyon. ¿Eta pocotsiwa meisa inta acoibi xua exanaein? jei barapo pewowin.

<sup>21</sup> Jesús jume barai, jei:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaya ne-exanaewa, matha daxita caenaere pocotsiwa xeiname yawa catsibare pomonaetha pomonaе peacopeibi jiwi. Bapoxonaе jame moya anetha, nepuna ponde. Bequein bara bapoxonaе acopeibim tsane, daichitha Nacom cacatsina peitaboco beicha pocotsiwa Nacom necajɯntana botsiwa pocotsiwa bichocono wɯnae, jei Jesús.

<sup>22</sup> Poxonaе barapo pewowin baxua jume taeba bichocono unthɯthɯ wecoyeya ponataba tsipei bichocono copei pexeinaein.



<sup>23</sup> Nexata Jesús barai pijimonaetha, jeye:

—Bara xaniyeya paca tsipaebatsi. Maisa bichocono ayapubecai xua pomonae bichocono copei pexeinaewi naexana Nacom pijimonaetha tatsi jiwana pomonae Nacom itorobiya peewatsixae. Tsipei barapomonae bichocono antasiwayatane barapo pia copei beyacaincha xua Nacom antobetsi.

<sup>24</sup> Equeicha paca tsipaebatsi. Bichocono acuiruyapube xua duwein pon pewan camello xua pejoniyaeewa acuicheto peetabun wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaetha tatsi jiwana pomonae Nacom itorobiya peewatsixae beyacaincha xua poxonae acuiruyapube xua poxonae camello acuicheto peetabun wan iya pejoniyaeewa, jei Jesús.

<sup>25</sup> Poxonae baxua Jesús jume taerucupatsi pijimonaetha, barapomonae yabara najuntun cui coyene cabenaeca, yawa Jesús jeichichi:

—Bapoxonae jintam metha nexata itacupatsi xua penacapanepaewa pia coutha? jei barapomonae.

<sup>26</sup> Jesús necotsiya jeye:

—Pebiwu ba jopa itacupaetsi xua baxua exana, saya jame meisa Nacom compa itacupatsi xua jiwu napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>27</sup> Nexata Pedro jeye Jesthath:

—Pata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi. Tsipei baxua bayatha paexanan zeta pocotsiwa metha nexata pana necatsiname? jei.

<sup>28</sup> Jesús jume nota, jeye:

—Bara xaniyeya paca tsipaebatsi. Po mataqueitha tsane Nacom pena ira exanaena, barapo mataqueitha, xan ponxaein Nacom Tananeitapetsin ecaein tapexeinya itupanae ecaethopaewatha po tapexeinya itupanae caecaethopaewa bichocono itupana. Paxam pomonae tapana nepuna jinompaewim doce po itupanae eneibithopebiwatha paenae-name painya yabara paebinexam tsane pomonae doce po matabunuyobe israelmonae pia penatsicuentsiwa abe peexanaexae.

<sup>29</sup> Daxita pomonae taneantobe jiwixae xua pecueicueijeije tsurubenaebiyaenexa Nacom Pejume Diwesi, Nacom beta cana exanaena barapomonae. Nacom beta cana exanaena pomonae pia bon pecuenta ponaexae, matauta ichacuitha ichamonae pewe-icho jiwu pecuenta ponaexae, matautano ichacuitha pamcho jiwu pecuenta ponaexae, matautano ichacuitha paxeiwi pecuenta ponaexae, matautano ichacuitha pena jiwu pecuenta ponaexae, matauta ichacuitha pia pexui pecuenta ponaexae, matautano ichacuitha pia iran pecuenta ponaexae. Barapomonae barapo coyenein exana tana neantobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Matautano barapomonaetha Nacom catsina pia peitorobi nacuathe-icha peajuntucoyeneyapusawa, po peajuntucoyeneyapusawa ataya tsiteca.

<sup>30</sup> Pomonae xua anoxuae pomonae jiwu petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwu tsane. Pomonae xua anoxuae pepawi naexana, pomonae jiwu jopa petsita ainya cui jiwichi po cae pin nacuathe, barapomonae Nacom pia peitorobi nacuatheicha peainya cui jiwu tsane, jei Jesús.

## 20

*Meje yabara poxonae Jesús paeba pecayabara jutha pepaebi diwesiyo pomonae uva pabitha petanacuichiwi*

<sup>1</sup> Equeicha Jesús tsipaeba pijimonaē pecayabara j̄uta pepaebi diwesiyotha, jeye: “Na-com pijimonaē matomatsina pia nacuatheicha xua be pematomatsiwa petaxanaex-aetsi pia petanacuichiwa tatsi icha pon pabi pexeinaein ichi xua poxonaē matoma catsiba pomonaetha pomonaē petanacuichixaetsi. Pon pabi pexeinaein caem̄ambotha pona xua jeita pomonaē pia petanacuichinexa tsainchi pia uva bacabo.

<sup>2</sup> Bapon muxu tsipaeba pia petanacuichiwichi, jeye: ‘Paxam painta nacuire ta uva bacabo, nexata paca matoma catsibebnchi pocotsi paratiyo xua caentaqueitha nexa’, jei. Bapoxonaē bapon pia petanacuichiwichi itoroba pia uva bacabo beya.

<sup>3</sup> Bapoxonaē equeicha bapon pona poxonaē xometo taj̄u beequaina xua pejeichinexa ichamonaē pomonaē petanacuichiwichinexa tsainchi pia uva bacabo. Bapoxonaē bapon tane ichamonaē, pomonaē panatha saya jinompa xua jopa nacuitompaeyo.

<sup>4</sup> Bapon barai barapomonaē jeye: ‘Paxam ir̄ū painta nacuire ta uva pabi. Nexata beta paca matoma catsibnchi, xua pocotsi paratiyo po horatha panacuitame nexa’, jei. Bapoxonaē barapomonaē pona pabi beya penacuichinexa.

<sup>5</sup> Bapon mateinyaxae equeicha pona xua pejeichinexa ichamonaē pomonaē pia petanacuichiwichi tsainchi. Barichi equeicha poxonaē tabopiya pona xua pejeichinexa ichamonaē pomonaē pia petanacuichiwichi tsainchi.

<sup>6</sup> Bapon equeicha pona pana beya poxonaē xometo iriya ducunaicha xua pejeichinexa ichamonaē pomonaē pia petanacuichiwichi tsainchi. Bapon equeicha tane ichamonaē pomonaē xua jopa ir̄ū nacuitompaeyo. Bapon barai barapomonaetha, jeye: ‘¿Eta xua metha came saya anoxuae paumename po panathe, xua jopa panacuitompaem?’ jei pabi pexeinaein.

<sup>7</sup> Barapomonaē jume nota, jeye: ‘Canta dapon aibi pon pata tana neitorobiwa tsane’, jei. Nexata bapon barai barapomonaē, jeye: ‘Paxam paponare, ir̄ū painta nacuire ta uva pabi, nexata beta paca matoma catsibnchi xua pocotsi paratiyo po horatha painya nenacuichixae tsane’, jei pon pabi pexeinaein.

<sup>8</sup> “Poxonaē quirei tsanaicha pon pabi pexeinaein, bapon itoroba pon pia petayapu-caecaeinchi uva pabi, jeye: ‘Inta wabare pomonaē inta nacuita yawa matoma catsibare. Tamroropata wabaponde yawa matoma catsibaponde. Copiya matha wabare pomonaē opi dubena pomonaē inta cotacaya nacuita poxonaē xometo iriya ducunaicha, beya poxonaē papataponaena pomonaē copiya inta nacuita caem̄ambotha’, jei.

<sup>9</sup> Nexata copiya pata pomonaē cotacaya nacuita poxonaē xometo iriya ducunaicha. Daxita barapoyobe pomonaē cotacaya nacuita bara beta matoma catsibatsi xua pocotsi paratiyo caentaqueitha nexa, bequein bara jopa pin mataqueitha nacuichiyo.

<sup>10</sup> Nexata bara ir̄ū bapoxonaē pata pomonaē tamropata notar̄uc̄pa xua nacuita poxonaē tabopiya, bara barapomonaē ir̄ū beta matoma catsibatsi pocotsi paratiyo caentaqueitha nexa. Bapoxonaē ir̄ū pata pomonaē tamropata notar̄uc̄pa xua nacuita poxonaē mateinyaxae, bara barapomonaē ir̄ū beta matoma catsibatsi, pocotsi paratiyo caentaqueitha nexa. Bapoxonaē ir̄ū pata pomonaē tamropata notar̄uc̄pa xua nacuita poxonaē xometo taj̄u beequaina, bara barapomonaē ir̄ū beta matoma catsibatsi, pocotsi paratiyo caentaqueitha nexa. Bapoxonaē ir̄ū nama pata pomonaē tamropata notar̄uc̄pa xua nacuita caem̄ambotha. Barapomonaē najei: ‘Metha equeicha matarope-ichiya naca catsibina paratixi tsipei nacuitatsi caem̄ambotha’, najei barapomonaē. Dāmetha barapomonaē saya matoma catsibatsi, pocotsi paratiyo caentaqueitha nexa.

<sup>11</sup> Ichitha poxonaē barapomonaē matoma nota, itaconacar̄uc̄pa pontha pon peitoro-bixae barapomonaetha.

<sup>12</sup> Barapomonaē anaya jei bapontha: ‘Pomonaē nacuita cotacaya, saya cae horatha nacuita, barapomonaē matoma catsibame pocotsi matoma pana catsibame. Nama apara paxan daunweya panacuitan, yawa atsatha daunweya panacuitan’, jei barapomonaē.

<sup>13</sup> Ichitha pon pabi pexeinaein jume nota caeintha barapomonae jiwana pintha, jeye: ‘Tajiton, apara jopa bara abe pacata exanaetsi. Canaunxuae paca muxu tsipaebatsiba paca jeichi: Paca matoma catsibinchi xua pocotsi paratiyo caentaqueitha nexa, paca jeichi.

<sup>14</sup> Bara jinya matoma pire. Bara nawiyama. Xan ichichipan tacoya matoma catsiban pomonae quiripitha nacuita barapocotsi matoma, pocotsi matoma jupa paca catsibatsi.

<sup>15</sup> Apara xan tawaxae itacoxonan xua tantoma exanaewa. Apara pauwame ichamona xua jopa taasiwaxae xua tantoma exanaewa ichamonaetha’, jei pon pabi pexeinaein.

<sup>16</sup> “Nacom barapocotsi juta coyeneya cana ichi tsane jiwitha icha pon pabi pexeinaein ichi poxonae cana exana pomonaetha pomonae pia petanacuichiwichi. Pomonae xua anoxuae pepawi naexana, pomonae jiwi jopa petsita ainya cui jiwichi po cae pin nacuathe, barapomonae Nacom pia peitorobi nacuatheicha peainya cui jiwi tsane. Pomonae xua anoxuae pomonae xua jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane”, jei Jesús.

*Meje yabara poxonae Jesús nayabara paeba acoibi po coyenebetha xua poxonae tupaena*

*(Mr 10.32-34; Lc 18.31-34)*

<sup>17</sup> Bapoxonae pirapae Jesús pona Jerusalén tomara beya. Poxonae cataunxuae Jesús pijimonae baru ecapona namtotha pomonae doce poyobe tatsi, barapo doce poyobe Jesús meisa waba aisowa beya petsipaebinxexa.

<sup>18</sup> Jesús jeye:

—Anoxuae ponaeinchi Jerusalén tomara beya. Barapo tomaratha xan ponxaein Nacom Tananeitapetsin necaenaetsina sacerdotemonae pia pentacaponae witha tatsi yawa pomonaetha pomonae jiwi pecuidubiwi Moisés pia peitorobi coyene tatsi. Barapomonae necaenaetsina ichamonaetha xua ichamonaetha tana nebexubiwa tsane.

<sup>19</sup> Bapoxonae daxita barapomonae necaenaetsina pomonaetha pomonae penanapaincha jinompaewi xua icha nacua werena peponaewi xua barapomonae tana necui caponaenexa. Matautano barapo penanapaincha jinompaewi nebena yawano tupaerucua neexanaena naetotha. Daichitha poxonae acoibi po matabibibe yapu jopae equeicha Nacom asu neexanaena petupae cuiru coyene weya, jei Jesús.

*Meje yabara poxonae Jesús wucatsi powa, Santiago pena tatsi xua iru Juan pena tatsi*

*(Mr 10.35-45)*

<sup>20</sup> Nexata petsiriwa Jesús imoxoyo caquita uncuatabatsi. Barapowa, Juan pena tatsi yawa Santiago pena tatsi. Juan iru Santiago, baponbe Zebedeo pexantobe tatsi. Barapo petsiriwa pexantobe baru patopa Jesustha. Barapo petsiriwa pentabocototha uncua Jesús peitabaratha tatsi, xua Jesús pewucaenexa tsainchi.

<sup>21</sup> Jesús barai bapowatha, jeye:

—¿Eta pocotsiwa jinya newucaetsi? jei.

Bapowa Jesús jume notatsi, jeye:

—Poxonae matabi patopaena po mataqueitha itorobiya ewatsiname jiwi barapo mataqueitha cawucatsi xua bara itorobiname barapo taxantobe, xua nantiyabe peecaewa tsanebe xamtha, xua ichun necoxa weya peecaewa tsane, xua ichun netsocon weya peecaewa tsane, jei.

<sup>22</sup> Ichitha Jesús baraipe baraponbe, jeye:

—Paxambe jopa payaputaembe xua pocotsiwa pana newucaenamebe. Poxonae ichamonaetha abe inta exanaena bara saya copatsin xua barapomonae bara neperaxa jubina. Barichi poxoru paxambe pana neantobem, ¿bara iru paca itacupabe xua bara pacopatsinamebe xua bara ichamonaetha paca peraxa jubinabe? Barichin bara saya

copatsin xua ichamonae bara tupa neexanaena. Barichi, ¿bara iru paca itacupabe xua bara pacopatsinamebe xua bara ichamonae tupa paca exanaenabe? jei Jesús.

Santiago peweichobe jume notabe, jeibe:

—Aa, bara pana itacupabe, jeibe.

<sup>23</sup> Jesús jume nota, jeye:

—Bara bara xainyei barapocotsi coyene ichamonae paca cana exanaenabe. Ichamonae paca peraxa exanaenabe. Matautano tupa paca exanaenabeno icha xan necana ichi tsane. Nama xua xantha nantiya paecamebe xua ichun pocotsiwa tacoxa weya eca, yawa xua ichun tatsocona weya eca, baxua jopa tacoya yabara itorobinyo. Saya jame Taxa Nacom meisa baxua taexanaena pomonaetha pomonae caena bayatha tsiwunaeta xua peenaewa tsane, jei Jesús.

<sup>24</sup> Jesús pijimonae pomonae umena, pomonae diez poyobe jume tane xua Santiago iru Juan Jesús wucatsibe. Bapoxonae barapo diez poyobe, Santiago iru Juan yabara anaepanarucatsibe.

<sup>25</sup> Ichitha Jesús pia xainya berena pijimonae waba yawa namchiya jeye barapomonaetha:

—Paxam bayatha pataneme po coyenewa ba exana pomonae jopa judiomonae naexanaeyo. Barapomonae ba nantauta pomonae pia nacia tatsi pia petaewatsiwichi tatsi. Daichitha barapo nacia peewatsiwi aebiya itoroba piamonae, xua daxota bichocono jiwu taayapubetsi.

<sup>26</sup> Ichitha nama paxam barapocotsi coyeneya jopa barapaichim tsane. Seicaya nama icha juntu coyeneyatha paca itorobatsi. Icha pon paxam jiwana icha bapon ichichipa naexana be pocotsin canamataxeina ichamonae, bapon matha bewa copiya daxita paxam beta amanaya pacata nacuichina.

<sup>27</sup> Matautano icha pon paxam jiwana icha bapon ichichipa naexana be pocotsin bichocono ainya cui penaexanaein xua beyacaincha ichamonae, bapon bewa copiya matha daxita paxam amanaya pacata nacuichina pia coya peichichipaexae.

<sup>28</sup> Icha be pocotsi coyeneya icha ichin, bara paichinde. Xan ponxaein Nacom Tananeitapetsin patopeican xua tanacuichinexa tsane ichamonae nexa. Aparaxa jopa baxua tsipatopaeinyo xua ichamonae inta penacuichiwanexa tsane. Saya patopeican tsipei ichichipan xua daxita carepaya jiwu tayawenaewa tsane. Matautano patopeican xua tatsitupaenexa tsane be pentoma xua daxita jiwu pepanenebiyaenexa abe pia peexanae cuiru coyenein weya tatsi, jei Jesús pijimonaetha.

*Meje yabara poxonae Jesús axaibi exana ponbe peitata nacutsinbe  
(Mr 10.46-52; Lc 18.35-43)*

<sup>29</sup> Poxonae Jesús pijimonae baru pontaba Jericó tomara weya, bapoxonae Jesús puna poinchi pin bicheito.

<sup>30</sup> Barapo Jerusalén namto iya ecabe pon peitata nacutsinbe. Poxonae baponbe, ponbe peitata nacutsinbe jume yaputanebe xua juinya Jesús xentapona, bapoxonae jume daunweya wawaibe, jeibe:

—iPon jiwu Necanamataxeinaem, ponxae David pia pemomoxi susato jiwana pim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

<sup>31</sup> Barapo peitata nacutsinbe jume matawentatsibe barapo pin bicheito xua moya peecaenexabe. Ichitha baponbe equeicha jume daunweya wawaibe, beyacaincha xua poxonae copiya, jeyebe:

—iPon jiwu Necanamataxeinaem, ponxae David pia pemomoxi susato jiwana pim, pana neyabara najuntu coyene xeinarebe xua pata taneyawenaenexamebe! jei baraponbe ponbe peitata nacutsinbe.

<sup>32</sup> Nexata Jesús naruntaba yawa wabatsibe ponbe peitata nacútsinbe. Bapoxonae baponbe Jesús yainyaba, jeye:

—¿Eta xua jinya pata cata exanaetsibe? jei Jesús.

<sup>33</sup> Baraponbe Jesús jume notatsibe, jeibe:

—Pon jiwi Necanamataxeinaem, bepanecotsinbe cuinaya, jeibe baponbe.

<sup>34</sup> Nexata baponbe Jesús yabara najantú coyene xeinabe xua pia peyawenaewa tsane. Bapoxonae baponbe Jesús itamaiquei jayababe. Bapoxonae baponbe nainya necotaxubabe. Jestha napuna ponabe.

## 21

*Meje yabara poxonae Jesús Jerusalén tomaratha patopa  
(Mr 11.1-11; Lc 19.28-40; Jn 12.12-19)*

<sup>1</sup> Poxonae bara itiya pona Jerusalén tomara, Jesús bara muxu pebarú patopae piji-monae Betfagé tomaratha. Barapo Betfagé tomara demxuwa itapatororotha eca po demxuwa pewun Olivowa, tsipei baxota umena olivo naein. Bapoxonae Jesús itoroba pebinbe nacueyatabe xua doce poyobe jiwanae.

<sup>2</sup> Jesús baraipe baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha pacaxinaenamebe burra pesowato xua pon quetanotatsi yawano xua penun quetanotatsi pon pebto. Barapo burra paisanaxorebe yawa payama carenandebe coxiwa yawa penunno.

<sup>3</sup> Icha ichun paca barai tsane: ‘¿Eta xua payama isanaxubamebe burra?’ jei tsane, nexata pajandebe: ‘Pon jiwi Pecanamataxeinaein bepa pata yama cayiyaeinjei, tsipei pinae nantawenona’, pajandebe. Nexata bapoxonae nainya bapon paca cobe itorobinabe xua painya neyama carenaenexambe tsane, jei Jesús.

<sup>4</sup> Poxonae Jesús daxita baxua paeba bara bapoxonae nayabara jume weta pocotsiwa bayatha Isaías yabara paeba pijume diwesitha xua Mesías pepatopaewa tsane Jerusalén tomaratha, jeye:

<sup>5</sup> “Patsipaebare Sión tomarapiwi.

Pajande: ‘Pataename pon itorobiya

painya pepa paca Ewatsin.

Pacata juntea patopaena, xua burriyotha

equeicaena, penantha xua burra pesowato

coxi tatsi’ pajande”, jei pon Nacom

pia peitorobi jume pepaebin,

bapon Isaías, xua Mesías yabara paebatsi.

<sup>6</sup> Nexata Jesús pijimonae jitonbe tatsi ponabe. Matautano baponbe exanabe pocotsiwa bayatha Jesús itoroba.

<sup>7</sup> Baponbe yama carenabe burra pesowato yawa yama carenabe penun. Baponbe pia paparuwan tsijuma jebicabe po paparuwan matha weruyabe coxiwathano yawa penanthano. Bapoxonae Jesús equeica penantha.

<sup>8</sup> Jiwi, barapo jiwi pin bicheito bichocono. Bapoxonae barapo pin bicheito namtotha paparuwan yerababa jejabapoinya. Ichamonae peaxu ucuboba po axu icha coichaxu axu ichi. Bapoxonae barapo axu, namtotha axu jejabapoinya. Daxita barapomonae barapo coyene exana xua Jesús pebarú cui itura jinaenexa tsainchi.

<sup>9</sup> Pomonae, xua Jesús tsiwana enapoinchi irurú pomonae Jesús peputha taenapoinchi daxita barapomonae bichocono jume daunweya wawaya jeye:

—¡Pai jayana, barabú jiwi barú cui itura jinaena bapon pon David pia pemomoxi susatopin tatsi! Bapon jiwi yabara jei: ‘¡Bapon David pexanto tatsi!’ jei. ¡Maisa Jesús pon



jiwi itorobiya pia pepa peewatsinchi, maisa w<sub>h</sub>nae! ¡Bapon patopa Nacom peitorobixae! ¡Maisa Nacom bichocono w<sub>h</sub>nae jaintatsi pon athabeicha eca! jei barapomonaе.

<sup>10</sup> Poxonaе Jesús patopa Jerusalén tomaratha, daxita barapo tomarapiwi najume cayayatsiya paeba. Cae bicheitomonaе nayainyaba, jeye:

—¿Jintam metha bapon jane? najei.

<sup>11</sup> Ichamonaе jume nota, jeye:

—Apara bapon Jesús pon Nacom pia peitorobi jume pepaebin, pon Nazaret tomarapin po tomara eca Galilea nacuatha, jei ichamonaе xua ir<sub>h</sub> ichamonaе jume notatsi.

*Meje yabara poxonaе Jesús aisowa benapuna torobabiya pomonaе Nacom pin pia botha pecaenaetsiwi*

*(Mr 11.15-19; Lc 19.45-48; Jn 2.13-22)*

<sup>12</sup> Bapoxonaе Jesús joniya Nacom pin pia botha, yawa aisowa benapuna torobabiya pomonaе caenaeta baxota. Jesús tab<sub>h</sub> tayebiya bebai iratha pocotsiwa pexaethopae-wan, po pexaethopae-wantha nantiya nacatsiba paratixi yawa xua tab<sub>h</sub> tayebiya bebai iratha peenaewan po peenaewan ichaxota ena pomonaе caenaeta topibo.

<sup>13</sup> Jesús barai barapomonaе:

—Nacom Pejume Diwesitha namchi, jeye: ‘Tabo apara po botha jiwi tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia m<sub>h</sub>tu<sub>h</sub> tutu pacana exaname ichaxota pijunuwi nantsiyabeibathopa tsipei baxota panacaetutame saya <sub>h</sub> xua painya necaibinexam tsane paratixi pomonaе aetha pomonaе xua pateiba xua Nacom petsipaebinexatsi, jei Jesús.

<sup>14</sup> Barapo Nacom pin pia botha tatsi, Jesús imoxoyo caquita umenar<sub>h</sub>c<sub>h</sub>ratsi pomonaе peitata nac<sub>h</sub>tsiwi. Ir<sub>h</sub>r<sub>h</sub> Jesús imoxoyo caquita umenar<sub>h</sub>c<sub>h</sub>ratsi pomonaе pejayujayu-jeiwi. Jesús axaibi exana daxita barapomonaе.

<sup>15</sup> Sacerdotemonaе pia pentacaponae<sub>h</sub> tatsi ir<sub>h</sub>r<sub>h</sub> pomonaе jiwi pecuidubiwi Moisés pia peitorobi coyenewa tatsi, daxita barapomonaе tane pocotsiwa Jesús exana pia pexeinya petsita it<sub>h</sub>tsi coyenewatha. Daxita barapomonaе jume tane xua pexui wawai Nacom pin pia botha tatsi xua pexui Jesús yabara jeichichi: “¡Pai jayana, barab<sub>h</sub> jiwi bar<sub>h</sub> cui itura jinaena bapon pon David pia pemomoxi susato jiwanapin tatsi! Pon jiwi yabara jei: ‘Bapon David pexanto tatsi’, jei”, jei pexui. Bapoxonaе daxita pomonaе sacerdotemonaе pia pentacaponae<sub>h</sub> tatsi ir<sub>h</sub>r<sub>h</sub> pomonaе jiwi pecuidubiwi Moisés pia peitorobi coyenewa tatsi anaepana poxonaе Jesús cui tainchi yawa xua jume tainchino.

<sup>16</sup> Daxita barapomonaе jopa ichipaeyo xua pexui paeba, daxota anaya Jesús jeichichi: —¿Bayatha jume taneme xua baxua pexui cayabara wawaya namchi? jei barapomonaе.

Jesús jume nota barapomonaе, jeye:

—Aa, bara bayatha jume tan xua pexui new<sub>h</sub>nae jainta. Paxam bayatha payorobame Nacom Pejume Diwesi xua pexui bara cui copatatsi xua bara w<sub>h</sub>nae pejainteibiwa tsane. David pexui yabara jeichichi Nacom Pejume Diwesitha, jeye:

‘Xam Nacom, cana exaname pexui poxi isainatsi,

ir<sub>h</sub> poxi jinompena, xua barapoxi pexeinya

weixi cayabara caununaya nax<sub>h</sub>na

poxonaе saw<sub>h</sub>nae jainchina’,

jei David Nacom Pejume Diwesitha,

jei Jesús daxita barapomonaetha.

<sup>17</sup> Nexata Jesús daxita barapomonaе wepu pona Jerusalén tomara weya. Bapoxonaе Betania tomara bewarapiya. Baxota merawi maiteca.

*Meje yabara poxonaе Jesús biatane higuera nae xua jopa penacoichixae*

*(Mr 11.12-14, 20-26)*

<sup>18</sup> Poxonae Jesús caemambotha equeicha caibe iya Jerusalén tomara beya, bichocono jainpa pona.

<sup>19</sup> Bapoxonae Jesús imoxoyo namtotha taenota higuera nae. Imoxoyo caquita pona piyain, pia taetsi pethei. Daichitha barapo naetha Jesús jopa taeyo pethei, saya ꞥ noxu tane. Nexata Jesús biataenota higuera nae, jeye:

—Bapana equeicha jopa nacoichim tsane pethei, jei Jesús higuera naetha.

Bapoxonae caena nainya higuera nae yꞥnuncua.

<sup>20</sup> Poxonae Jesús cui tainchi pijimonae baxua barapomonae yabara najꞥntꞥ coyene cui cabenaeca bichocono. Yawa Jesús yainyabatsi pijimonae, jeye:

—¿Eta xua metha higuera nae nainya yꞥnuncua? jeichichi Jesús pijimonae.

<sup>21</sup> Jesús jume nota pijimonae, jeye:

—Bara xaniyeya paca tsipaebatsi. Icha xanepanaya payabara jume cowꞥntame xua Nacom painya nepaca cayawenaewa xuano xua jopa ainya ꞥnthꞥton paxeinaem bara paca itacꞥpaena xua painya nepaebiwa icha ichin xua cana exanan higuera nae. Mataꞥtano bara paca itacꞥpaena xua painya nejeiwa uruto beya xua pajam: ‘Uruto natsixitabare, mar mene beya jopare’, xua painya nejeiwa. Bapoxonae bara baxua jopa bayathiyo tsane.

<sup>22</sup> Daxita xua xuan pocotsiwan Nacom beya pawꞥcame, icha bara xanepanaya pajume cowꞥntsiya wꞥcame, bara Nacom paca catsibina baxuan, jei Jesús.

*Meje yabara xua Jesús pia peitorobi coyenewa xeina*

*(Mr 11.27-33; Lc 20.1-8)*

<sup>23</sup> Nexata bapoxonae Jesús joniya Nacom pin pia botha tatsi. Poxonae cataunxuae Jesús baxota cuidubuncua jiwi, bapoxonae Jesús imoxoyo caquita umenarꞥꞥpatsi sacerdotemonae pia pentacaponae tatsi irꞥ judiomonae pia pitiri jiwi tatsi. Daxita barapomonae Jesús yainyabatsi, jeye:

—¿Eta po peayapusꞥ itorobi coyenewatha cuidubame baxuan? ¿Jintam cacata barapo peayapusꞥ itorobi coyenewa?

<sup>24</sup> Jesús jume nota barapomonae, jeye:

—Xan irꞥꞥ tha barichichi paca yainyabinchi. Icha beta pana nejume notsiname, bapoxonae xuya yabara paca tsipaebinchi xua po peayapusꞥ itorobi coyeneyatha taexanaewa baxuan.

<sup>25</sup> ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús, xua Juan yabara paebatsi pon caena bayatha tꞥpa.

Nexata daxita barapomonae caemonae najume matsontsonoba, najei: “¿Eta xua metha jei tsainchi? Icha jei tsipaetsi: ‘Juan cui itorobatsi Nacom xua pebautisabiwa jiwi’, metha naca jei tsipae: ‘¿Eta xua metha nexata jopa pajume cowꞥntsim Juan?’ metha naca jei tsipae Jesús.

<sup>26</sup> Jiwi cui cunuwatsi icha jeichi: ‘Juan cui itorobatsi jiwi xua bautisaba’, icha jeichi. Metha bapoxonae jiwi naca casebichipa anaya. Tsipei daxita jiwi Juan yabara jume cowꞥntatsi xua bapon apara pon Nacom pia peitorobi jume tatsi pepaebi jiton”, najei barapomonae.

<sup>27</sup> Nexata barapomonae Jesús baraichi, jeye:

—Canta jopa payaputaeinyo, jei barapomonae.

Nexata Jesús barai barapomonae, jeye:

—Nexata barichin tsane, jopa yabara paca tsipaebi tsainchi po peayapusꞥ itorobi coyeneyatha xua daxita taexanaewan, jei Jesús.

*Meje yabara poxonae Jesús cuiduba pecayabara jꞥta pepaebi diwesiyo xua pebin ainya pexantobe tatsi*

<sup>28</sup> Equeicha Jesús namchi Nacom pin pia botha daxita barapomonaetha, xua sacerdotemonae pia pentacaponae witha tatsi, iru judiomonae pia pitiri jiwitha tatsino. Jesús jeye:

—Moya pana nejume naitaeware pocotsiwa paca tsipaebinchi. Pebin nacueyatabe poyobe tatsi pexantobe tatsibe. Bapon caeintha nacoxi barai, jeye: ‘Owae, inta anoxuae uva bacabo pabi nacuire’, jei.

<sup>29</sup> Bapon jume notatsi pexanto jeye: ‘Bara, aichaxaibin’, jeichichi bapon pexanto. Daichitha equeicha bapon pexanto tatsi nanta xeinataba, bapoxonae pona xua penacuichinexa uva pabi, paxa tatsi pia pabi tatsi.

<sup>30</sup> Pirapae equeicha ichantha, nacoxi barai barapo jumetha, jeye: ‘Owae, inta anoxuae uva pabi nacuire’, jei bapon pexantotha. Bapon paxa jume nota, jeye: ‘Je, moya daichane, methaunxuae ponaein’, jei paxatha. Daichitha bapon jopa ponaeyo.

<sup>31</sup> Incane yabara paca yainyabinchi xua bapon barapo pexantobe tatsi, zeta po pewowinda pon exana pocotsiwa paxa itorobatsi? jei Jesús.

Barapomonae Jesús jume notatsi, jeye:

—Pon copiya paxa itorobatsi, jeichichi Jesús barapomonae.

Nexata Jesús jume barai barapomonae, jeye:

—Bara xaniyan yabara paca tsipaebatsi, pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa, iruru yabuxi powaxi pesi cui weiweinaewaxi. Bara bequein barapomonae peantucoyenebewi, daichitha barapomonae naexanaena Nacom piamonae tatsi jiwana tatsi, beya poxonae paxam iru panaexaname Nacom piamonae tatsi jiwana tatsi.

<sup>32</sup> Juan pon jiwi Pebautisabin patopa xua pia nepaca cuidubinexa xua pocotsiwa bewa paexanaename painya nexenaenexa tsane po juntu coyene pexanepanae juntu coyene. Daichitha paxam jopa pajume cowuntsim pocotsiwa Juan paeba. Ichitha Juan yabara jume cowuntatsi pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchichi nexa. Iruru yabuxi powaxi pesi cui weiweinaewaxi Juan yabara jume cowuntatsi po coyene Nacom Juan peitorobiwatsi. Nama paxam bequein bara Juan pacui taneme pocotsiwa exana, daichitha jopa painya neauraxae poxonae abe paexaname. Daxota icha juntu coyene jopa paxeinaem xua painya nejume cowuntsinexa Nacom, jei Jesús.

*Meje yabara poxonae Jesús paeba pecayabara jata pepaebi diwesiyo pomonae xua abe exana, pomonae petayapucaenaewi uva pabi*

*(Mr 12.1-12; Lc 20.9-19)*

<sup>33</sup> Nexata Jesús equeicha namchi jiwitha, jeye: “Incane pana nejume naitaeware xua paca tsipaebinchi pecayabara jata pepaebi diwesiyo. Matha iruru pebin pia pabi xeina. Bapon uba po unbo pewan uva cuei unbo. Yawano yapu curarata barapo uva pabi ibowantha xua jopa pejojondenaenexa ichamonae barapo pabitha. Yawano baxota ibo feto exana, xua barapo ibo fetotha pecubinexa uva cuei. Matautano baxota exananota bo po bo tancha xua baxota pebin bara wenecotequeica uva pabi. Bapoxonae bapon itoroba pomonae pia uva pabi pia petayapucaenaewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona.

<sup>34</sup> Barapo matabi tsuxubi po matabitha uva cuei naweta. Bapoxonae barapo matabitha pomonae pabi petayapucaenaewi jiwana itapetanota xua penawetsiwa. Bapoxonae pon uva pabi pexeinaein, bapon pomonae petanacuichiwichi jiwana itoroba, xua petawucaenexa tsainchi uva cuei pomonae beya, pomonae pabi petayapucaenaewichi.

<sup>35</sup> Ichitha barapomonae, pomonae pabi petayapucaenaewichi teica, teiquebatsi pomonae itorobatsi, pomonae pabi pexeinaein itoroba uva pabi petayapucaenaewichi

tatsi beya. Barapomonaē pomonaē petayapucaenaewi pabi, cuainta caeintha pomonaē penajume carutsi jiwichi jiwanapintha. Ich̄n̄n̄ bexotsi. Ich̄n̄n̄ ibotontha cuinbabatsi.

<sup>36</sup> Pon pabi pexeinaein barichi equeicha itoroba ichamonaē pomonaē pia petanacuichiwichi. Equeicha barichi pomonaē pabi petayapucaenaewi bara j̄tiya cana exana barapomonaetha.

<sup>37</sup> “Bara nama matapainya pexanto itoroba. Bapon najei: ‘Barapomonaē metha taxanto inta yabara bar̄ cui itura jinaeinchi, daxota itoroban bapon’, najei bapon.

<sup>38</sup> Dapo jumetha pomonaē pabi petayapucaenaewi poxonaē bapon tainchi barapomonaē najei: ‘Apara bapon paxa copiniwa pichina. Daxota bapon b̄ bexotsi xainya xeinatsi barapo uva pabi’, najei barapomonaē.

<sup>39</sup> Barapo pexanto tatsi uva pabi juma bemax̄ cayiyatsi. Baxotiya bexotsi”, jei Jesús.

<sup>40</sup> Nexata Jesús barai barapo jiwi Nacom pin pia botha, jeye: “Poxonaē pabi pexeinaein patopaena, ¿eta be cana ichi tsane pomonaetha pomonaē barapo uva pabi pia petayapucaenaewichi?” jei Jesús.

<sup>41</sup> Barapomonaē Jesús jume notatsi, jeye:

—Bapon bewa jutebina barapomonaē, jopa weyatae tsane barapomonaetha xua peant̄coyeneyapube jiwixae. Bapoxonaē itorobina ichamonaē xua petayapucae-naenexa tsainchi barapo uva pabi. Barapo pabi petayapucaenaewi matha notsina uva cuei xua naweta. Bapoxonaē tsabina pabi pexeinaein nexa yawa ir̄r̄ barapomonaē nexar̄, jei barapo jiwitha pomonaē peenaexae Nacom pin pia botha.

<sup>42</sup> Nexata Jesús barai barapomonaē xua nayabara paeba, jeye:

—¡Paxam bara bayatha payorobameba Nacom Pejume Diwesitha! Barapo diwesitha neyabara caunuta poxonaē iboto yabara paeba, xua jeye:

‘Pebiwi pomonaē ibo bon peacabiwi,  
barapo pebiwi xuba po iboto tab̄ caboca  
po iboto peainya cui iboto.

Ichitha Nacom itapeta barapo iboto xua  
petab̄ cabocaenexa barapo peainya cui ibotoxae.

Waxainchi nanta xeinatsi jeichichi:

Maisa pocotsiwa Nacom exana naca tsita xanepana’,  
jeichichi, jei Nacom Pejume Diwesitha  
xua neyabara caunuta.

<sup>43</sup> Daxota paca tsipaebatsi, Nacom paca itawetsina xua jopa painya nenaexanaenexa tsane Nacom piamonaē jiwana tatsi pam. Barapo coyenewa xua Nacom piamonaē jiwana tatsi penaexanaē coyenewa Nacom pichina painya xainya weya xua ichamon-aetha pecatsinexa pomonaetha pomonaē petsita j̄nt̄ coyene xanepanaewichi.

<sup>44</sup> Incane iboto yabara paca tsipaebinchi. Barapo ibototha poxonaē ichauyo jopeica pep̄r̄wixi tsanaya. Matautano poxonaē barapo iboto ichauyo matatsun jopeicatsi pebeno tsanaya. Icha barapo iboto ichi poxonaē cana exana ichauxitha peainya cui ibotoxae, xan barapocotsi j̄ta coyeneya barichin pomonaetha pomonaē jopa tana ne-jume cow̄ntsiwi. Pia jopa tana neyaputaexae barapomonaē daxota peraxa exanaein, jei Jesús.

<sup>45</sup> Sacerdotemonaē pia pentacaponaewi tatsi ir̄ fariseomonaē, poxonaē jume tane barapo pecayabara j̄ta pepaebi diwesi, xua Jesús paeba, barapomonaē yaputane xua apara bara Jesús yabara paeba barapomonaē.

<sup>46</sup> Bequein barapomonaē Jesús muxu pewaetabichi, ichitha barapomonaē junuwa. Jiwi cunuwatsi, tsipei daxita jiwi Jesús xanepanaya yabara paebatsi xua pinae Jesús Nacom pia peitorobi jume pepaebiwi jiwana tatsi.

## 22

*Meje yabara poxonae Jesús cuiduba pecayabara j̄uta pepaebi diwesiyo xua pin penabanaewa peexanaewa tsane*

*(Lc 14.15-24)*

<sup>1</sup> Equeicha Jesús tsipaeba jiwitha pecayabara j̄uta pepaebi diwesiyo, jeye:

<sup>2</sup> “Nacom cana exana piamonaetha pomonae j̄unt̄a coyene itorobiya ewata, icha pocotsin ichi pon jiwi itorobiya pia pepa peewatsinchi poxonae waba, xua poxonae ichamonae wabatsi xua petsinacaetutsinexa pexaewa xua penabanaenexa. Baxua exana poxonae pexanto tatsi pecotsiwa pepichixae.

<sup>3</sup> Barapon pon jiwi itorobiya pia pepa peewatsinchi itoroba pomonae pia petanacuichiwichi xua petawabinexa tsainchi pomonae xua bayatha petsipaebixae xua petapatsiwa tsainchi pia botha xua bepa pinae petanabanaewa tsainchi pia botha. Daichitha barapomonae aichaxaibi xua pepatsiwa tsane.

<sup>4</sup> Bapoxonae barapon pon jiwi itorobiya pia pepa peewatsinchi equeicha itoroba ichamonae pomonae pia petanacuichiwichi, jeye barapomonaetha: ‘Pomonae bayatha tsiwaban pexaewa xua penabanaenexa painta tsipaebare pajande: Bepa pinae nainya papatsim, tsipei pinae bayatha pexaewa canacui w̄unaeta. Tsipei caena bayatha pinae cobe itoroba xua petajutebiwa tsainchi vacan, yawano po duwein bichocono nasita. Daxota bewa pinae nainya paponam bara beya xua painya nenanabanaenexa pexaewa, yaitama tsipei pinae pexanto tatsi pichina pecotsiwa, pajande’, jei barapon pon jiwi itorobiya pia pepa peewatsinchi.

<sup>5</sup> Daichitha barapomonae pomonae tsiwabatsi pexaewa, barapomonae jume naitemata, saya meisa ɱ naitomatsiya exana piawan. Barapomonae jiwana-pin pia pabitha pona. Ir̄u ich̄un piawa caenaetauya.

<sup>6</sup> Ichamonaer̄u teica, pomonae pon jiwi itorobiya pia pepa peewatsinchi itoroba, barapomonae teicatsi. Yawano bichocono abe exainchi beya poxonae nama werapa.

<sup>7</sup> Nexata bapon pon jiwi itorobiya pia pepa peewatsinchi bichocono caseba pomonae petajutebixaetsi pomonae bapon itoroba. Nexata bapon itoroba pia soldadomonae xua barapomonae xuya pejutebinexa tsainchi matāuta xua tomara petatautsinexa tsainchi.

<sup>8</sup> Bapon pirapae equeicha barai ichamonaetha pomonae pia petanacuichiwichi jiwitha, jeye: ‘Bayatha bequein daxita wetan xua penabanaewa tsane, daichitha pomonae waban jopa xanepanaya nejume jejeyo daxota jopa bewa patsi tsane xua penabanaenexa.

<sup>9</sup> Daxota paponde tomara namtontha, po namtontha pin namtontha, baxotiya pomonae poxonae pacaxibeibame, barapomonae painta wabare’, jei bapon.

<sup>10</sup> Pomonae petanacuichiwi, barapomonae pona namton beya. Bapoxonae barapomonae, daxita pomonae caxiba namtontha, matacayiya pon jiwi itorobiya pia pepa peewatsinchi pia bo tatsi beya. Pomonae abe peexanaewino carendenatsi, pomonae xanepanaya peexanaewino carendenatsi, beya poxonae bo tutu naȳcaxuba.

<sup>11</sup> “Nexata pon jiwi itorobiya pia pepa peewatsinchi bo tutu joniya petaenexa tsane pomonae pata. Bapon itabara tane pebin xua ir̄ur̄u pon baxota eca. Ichitha barapo pebin pexeinya paparuwa jopa nama xatatsiyo icha be jopa ichiyo ichamonae, tsipei ichamonae pexeinya paparuwa nama xataba xua po paparuwa jiwi ba nama xataba poxonae pona penacaetutswatha xua penabanaenexa pexaewa poxonae pebin pecotsiwa pita.

<sup>12</sup> Pon jiwi itorobiya pia pepa peewatsinchi barai bapon, jeye: ‘Tajiton, ¿eta xua metha xote naecame xua matāuta jopa pexeinya paparuwa nama xatatsim?’ jei bapon. Ichitha bapon saya moȳa eca.

<sup>13</sup> Bapoxonae pon jiwi itorobiya pia pepa peewatsinchi barai pomonaetha pomonae pexaewa carena tsaibi pexaethopaewatha, jeye: ‘Bapon pacobe caecunta c̄ure yawa



pataxu caecunta care, yawa aisowa beya paxore ichaxota quirei. Baxota bapon wecoyei tsane yawa baxota nantanuweya nanta jayabina, bichocono peatenexae tsane', jei pom jiwi itorobiya pia pepa peewatsinchi.

<sup>14</sup> Barapon pon jiwi itorobiya pia pepa peewatsinchi bequein pinmonae waba ichitha saya tsiquimonaeyo pata penabanaewatha. Icha barapon ichi Nacom bara juta coyene ichiya cana ichi tsane jiwi. Nacom bequein waba pin bicheitomona, daichitha saya tsicamonaeyo itapetatsi, pomona Nacom pijimona tatsi penaexanaenexa tsane", jei Jesús.

*Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomona itorobiya pia pepa peewatsinchi*

*(Mr 12.13-17; Lc 20.20-26)*

<sup>15</sup> Nexata fariseomona pona Jesús weya, caemona natsipaeba najei: "¿Eta po peyainyabiwa Jesús taexanaeinchi xua catsawa wanaca jume notsinexa? Bapoxona waxainchi xain yopitatsi ichamonaetha xua bapon abeya wanaca jume notsiwaxae", najei fariseomona.

<sup>16</sup> Bapoxona barapomona itoroba pia pepuna ponaewichi, matautano barapomona itorobano pomona Herodes pia pepuna jinompaewichi. Daxita barapo matabuxuyobe pata Jestutha pomona fariseomona itoroba. Barapomona Jesús beya jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pex-einaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxona cuidubame poxona bequein jiwi jopa ichichipaeyo baxua, tsipei xam daxita jiwi bara catsita najupa.

<sup>17</sup> Incane yabara pana netsipaebare xua nanta xeiname xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomona itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaein xua icha nacia werena peponaein? Icha jopa tsipae ¿metha daxua abe tsipae? jeichichi Jesús barapomona pomona fariseomona itoroba.

<sup>18</sup> Daichitha Jesús yaputane xua bichocono barapomona abeya nanta xeina xua Jesús abe pecanaexanaenexa tsainchi. Jesús barai barapomona, jeye:

—Paxam pomona itara mexeya xanepanaya pepaebiwi pam, daichitha abeya pepaebiwi pam. ¿Eta xua metha pana nejuntu coyene jujutame poxona baxua yabara pana neyainyabame?

<sup>19</sup> Incane moya painta xawena tha taetsi barapo paratiyo, jei Jesús.

Bapoxona barapomona barapo paratiyo Jesús tacapoinchi.

<sup>20</sup> Poxona Jesús tane barapo paratiyo, bapoxona yainyaba barapomona, jeye:

—¿Jintam pejumopere? ¿Yawano jintam wun ducuaire? jei Jesús.

<sup>21</sup> Nexata Jesús jume notatsi barapomona, jeye:

—Apara romanomona itorobiya pia pepa peewatsinchi, jei barapomona.

Nexata Jesús barai barapomona, jeye:

—Bara nexata romanomona itorobiya pia pepa peewatsinchi pacare pocotsiwa xua bapon piawaxae tatsi. Matautano bara Nacom pacare xua baxua iru piawaxae tatsi, jei Jesús.

<sup>22</sup> Poxona barapomona jume tane xua Jesús beta xanepanaya jume nota, bapoxona barapomona yabara najuntu cui coyene cabenaeca. Bapoxona ponarucupa Jesús weya.

*Meje yabara poxonae Jesús yabara yainyabatsi po coyene xua equeicha asu pomona pewerapeibiwi*

*(Mr 12.18-27; Lc 20.27-40)*

<sup>23</sup> Bapoxonae caena barapo mataqueitha saduceomonae jiwana pata Jesús pia xantha tatsi xua Jesús piraichi petsipaebinxatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asu tsaibiyo. Barapo pecuidubi coyenewa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonae werapa. Daxota barapo saduceomonae Jesús tsipaebatsi jeye:

<sup>24</sup> —Pon jiwi Necuidubim, Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa xuya pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés.

<sup>25</sup> Barichi, matha iruru cae peweicho caepiwi nabaru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo. Pon cotacaya naexana xuya pentapin coseuri pita xua bapoxonae pentapin pecoutha pexui pexeinaenexa.

<sup>26</sup> Bapon iru cuenta tupa, iru jopa xeinaeyo pexui. Bapoxonae ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. Daxita barapo siete poyobe cuenta nanapentapona bapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo.

<sup>27</sup> Bapoxonae matapainya iru bapowa tupa.

<sup>28</sup> Xam Jesús, ba paebame, ba jam: Matabi jopaena po matabitha Nacom asu exanaena, xua jiwi asu exanaeinchi muthun wetsina, ba jam. Poxonae barapo matabi jopaena xua daxita jiwi asu jujuinaena, barapo matabitha jintam metha bapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

<sup>29</sup> Nexata saduceomonae Jesús jume nota, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peayapusu itorobi coyenewa tatsi.

<sup>30</sup> Poxonae petupaewi equeicha asu jujuinaena, jopa jitha eenaponae tsane. Yawa barapomonae jopa pexantixi jitha cuarebaponae tsane. Tsipei barapomonae barichi tsane icha be matatsunpiwimonae ichi, po matatsunpiwimonae Nacom pia nacuathe-icha jinompa, xua po matatsunpiwi jopa jitha enaeyo.

<sup>31</sup> Paxam bequein bara bayatha payabara yorobame pocotsiwa Nacom namchi Pejume Diwesitha, po coyene xua pomonae pewerapaewi equeicha asu jujuina. Barapo diwesitha Nacom jeye:

<sup>32</sup> ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom. Baxua Nacom paeba tsipei Abraham iru Isaac iru Jacob pomonae bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomonae pewerapaewi pomonae jopa caewa equeicha asu pejinompaewi, barapomonae jopa pia Nacom tatsi, pon itabocotha eca. Saya jame meisa pomonae bayatha pewerapaewi xua caewa equeicha asu pejinompaewi, pomonae pejume cowantsiwixaetsi Nacom barapomonae jame pia Nacom tatsi, pon itabocotha eca, jei Jesús.

<sup>33</sup> Poxonae jiwi jume tane pocotsiwa Jesús cuiduba, barapomonae yabara najuntu cui coyene cabenaeca.

*Meje yabara poxonae Jesús yabara cuiduba po peitorobi cui coyene pepa peainya cui coyenewa*

*(Mr 12.28-34)*

<sup>34</sup> Poxonae fariseomonae yaputane xua saduceomonae moya umena xua Jesús beta pejume notsixa, bapoxonae fariseomonae nacaetuta xua equeicha peyainyabiwanexa tsainchi Jesús.

<sup>35</sup> Barapo fariseomonae caein jiwana, pon peyabara yaputaein Moisés pia peitorobi coyene tatsi, bapon ichichipa xua Jesús pejuntꝫ coyene jujutsiwatsi xua icha bara metha Jesús abeya jume notsina. Bapon jeye Jestutha:

<sup>36</sup> —Ja pon jiwi Necuidubim, ¿eta po peitorobi coyene pepa ainya cui coyenewara po peitorobi coyene beyacaincha xua icha peitorobi coyene? jei.

<sup>37</sup> Jesús jume nota bapon, jeye:

—Po peitorobi cui coyenewa pepa ainya cui coyenewa jeye: ‘Antobeinde pon jiwi Pecanamataxeinaein, bapon Nacom xua daxita nejuntꝫ coyene wetsina, matautano xua daxita jinya nepoponae coyenewatha, matautano xua daxita nenanta xeinaewatha nentasipatha’, jei.

<sup>38</sup> Jame barapo peitorobi coyene bichocono ainya cui coyenewa beyacaincha icha peitorobi coyene. Barapo peitorobi coyene, po peitorobi coyene ainya cui coyenewa, Nacom copiya itoroba.

<sup>39</sup> Po peitorobi coyene cotacaya itoroba ichaxota ba ‘dos’ jei, barapo peitorobi coyene be jume jupa po peitorobi coyene copiya ducua. Iruru barapo peitorobi coyenewatha jeye: ‘Antobeinde jinya necatsicuarabu ecaein icha ichim xua jinya coutha naantobem’, jei barapo peitorobi coyenewatha.

<sup>40</sup> Barapo peitorobi coyene jumebe caunuta, xua Moisés pia peitorobi coyenewatha baxua yabara paeba, iru pomonae Nacom peitorobi jume pepaebiwi pia pecuidubi coyenewatha baxua yabara paebaru, jei Jesús.

*Meje yabara poxonae Jesús nayabara jei: “Mesías, ¿jintam pia pemomoxi susato jiwanapin tatsira?” jei*

*(Mr 12.35-37; Lc 20.41-44)*

<sup>41</sup> Poxonae fariseomonae cataunxuae nacaetutempa bapoxonae Jesús yainyaba barapo fariseomonae, jeye:

<sup>42</sup> —¿Eta xua pacayabara nanta xeiname Mesías pon Nacom pia Peitapetsin? ¿Jintam pia pemomoxi susato jiwanapin tatsira? jei Jesús.

Barapomonae Jesús jume notatsi, jeye:

—Apara David, pon Israel nacuapiwi itorobiya pia pepa peewatsinchi, bapon pia pemomoxi susato jiwanapin tatsi, jei fariseomonae.

<sup>43</sup> Bapoxonae Jesús barai barapomonae, jeye:

—David yabara paeba xua Mesías apara pia Pecanamataxeinaeinchi tatsi poxonae David cueicueije exanatsi Nacom pia Pejumope tunaxu tatsi.

<sup>44</sup> David salmos penaxuna wei diwesitha bayatha jeye:

‘Nacom pon Pecanamataxeinaein jiwi,  
Tanecanamataxeinaein baraichi pon Mesías, jeichichi:  
Tacoza werena ecare, beya abu tsane poxonae  
necaitafaetabi jiwi pia pecanamataxeinaeinchi  
tatsi caexanaeinchi, jei Nacom’,  
jei David salmos penaxuna wei diwesitha.

<sup>45</sup> Icha David Mesías yabara jei: ‘Bapon Mesías Tanecanamataxeinaein’, jei, ¿eta xua metha tsipae xua Mesías apara David pia pemomoxi susato jiwanapin tatsi? jei Jesús.

<sup>46</sup> Daxita barapomonae jopa itacupaetsi xua Jesús pejume notsiwatsi tsainchi, poxonae pinae David paeba xua pinae jei: ‘Bapon Mesías Tanecanamataxeinaein’, jei. Bara nama barapo matabitha weya, equeicha nama Jesús jopa bepeyainyabiwatsi barapomonae.

## 23

*Meje yabara poxonae Jesús muxuweta jiwi xua pomonae fariseomonae iru pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi (Mr 12.38-40; Lc 11.37-54; 20.45-47)*

<sup>1</sup> Nexata Jesús barai pin bicheito jiwi iru pijimonae, jeye:

<sup>2</sup> “Pomonae jiwi pecuidubiwi Moisés pia peitorobi coyene tatsi iru fariseomonae daxita barapomonae pia pecuidubi coyene xeina xua po coyene jiwi yaputane exanatsi po coyene Moisés pia peitorobi coyenewatha paeba.

<sup>3</sup> Pacui yabara jume cowunde pocotsiwa barapomonae pia pecuidubi coyenewan tatsi. Matautano paexande pocotsiwa barapomonae paca itoroba. Daichitha jopa paexanaeinde pocotsiwa barapomonae exana tsipei barapomonae itara beta pepaebiwi daichitha yabara jume toxechiya catsawiya exana, barapo peitorobi coyenewan.

<sup>4</sup> Barapomonae be pocotsimonae poxonae ichamonae itorobatsi xua pecaponaewa pocotsiwa arewe, pocotsiwa jiwi bapana jopa itacupaetsi xua pecaponaewa. Daichitha barapomonae jopa yawenaeyo pocotsiwa ichamonae itorobatsi. Matautano barapomonae jopa tayoichaeyo cae cobesitiyotha. Icha barapomonae ichi poxonae ichamonae itorobatsi xua pecaponaewa pocotsiwa bichocono arewe, barapocotsi jata coyeneya ichi pomonae jiwi pecuidubiwi Moisés pia peitorobi coyene tatsi, iru fariseomonae, daxita barapomonae itoroba pia pecuidubi coyenewatha pocotsiwa paxam painya neexanaenexa. Ichitha barapomonae jopa exanaeyo baxua. Pocotsiwa barapomonae paca cui itoroba pocotsiwa painya neexanaenexa, paxam bapana jopa paca itacupaeyo xua painya neexanaewa baxuan.

<sup>5</sup> Barapomonae ichichipa nawita xua jiwi pecui taewa tsane pocotsiwa poxonae barapomonae exana xua bapoxonae jiwi penanta xeinaenexa xua barapomonae bara pejuntu coyene xanepanaewi. Daxota barapomonae tsica cajaxi peitapatha querabaduba xua pebocoton. Barapo bocotontha tututha iya jeya xua xoxitha tinaduba Nacom Pejume Diwesi. Yawa icha cajaxi pemaxutha querabaduba. Yawa barapo bocotontha tututha iya jeya xua xoxitha tinaduba Nacom Pejume Diwesi. Matauta barapomonae nama xataba po paparuwan bichocono apipiya deca, beyacaincha xua poxonae ichamonae nama xataba po paparuwan apipiya.

<sup>6</sup> Matauta barapomonae nanta caxunaeneiba ichaxota nanta caxunaeneiba pomonae peainya cui jiwi penaexanaewi. Matautano barapomonae judiomonae pia penacaetutsi bontha ichichipa nawita xua nanta caeneiba ichaxota enathopeiba pomonae peainya cui jiwi penaexanaewi.

<sup>7</sup> Matauta barapomonae ichichipa xua jiwi pejacobeibiwa tsane namtontha barapomonaetha, xua jiwi pebaru cui itura jineibinexa barapomonae. Matautano barapomonae ichichipa nawita xua jiwi ainya cui pecana exanaewa barapomonae poxonae jiwi pejei tsaibinexa ‘Pomonae jiwi pecuidubiwi’ poxonae pejei tsaibinexa jiwi.

<sup>8</sup> “Ichitha nama paxam jopa bewa pacopatsim xua bara jiwi jacobiya paca necajei tsaibinexa: ‘Pata pecuidubi jiwi pam’, paca necajei tsaibinexa xua ainya cui jiwi painya nepaca exanae jiwixae. Painya xoba jiwi baxua bara pajume copatame, tsipei apara paxam be caemonae jiwi pam, saya jame panantautame bara caein pon ainya cui penaexanaein painya itutha.

<sup>9</sup> Pomonae po irathe jinompe jopa bewa wabi pajam ‘Axa’, jopa bewa pajam xua painya baru cui itura jinaexae pomonae jopa bequein barompaya painya axeiwi. Painya xoba jiwi baxua bara pajume copatame, tsipei paxam panantautame bara caein painya Axa, pon pabarui cui itura jiname pon peitabocotha eca.

<sup>10</sup> Matautano jopa bewa pacopatsim xua bara jiwi jacobiya paca necajei tsaibiwa: ‘Pata necanamataxeinaewi pam’, paca necajei tsaibiwa xua ainya cui jiwi painya nepaca exanae jiwixae. Painya xoba jiwi baxua bara pajume copatame, tsipei apara

paxam panantaıtame bara caein pon painya Necanamataxeinaein, jame apara bapon meisa Cristo.

<sup>11</sup> Icha pon paxam jiwana, icha bapon ichichipa naexana be pocotsin canamataxeina ichamonae bapon matha bewa copiya daxita paxam beta amanaya pacata nacuichina.

<sup>12</sup> Pon xua pia coutha peainya cui jiton naexana pejuntı coyenetha, Nacom exanaena xua bapon pecui pawı jiton naexanaena. Ichitha pon xua pecui pawı jiton naexana, pejuntı coyenetha, Nacom exanaena xua bapon peainya cui jiton naexanaena.

<sup>13</sup> “ıPaxam pomonae Moisés pia peitorobi coyene tatsi painya necuidubiwi jiwi pam tsobenaem! ıPaxam irı pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam acuicoyenyapubeya paexaname xua poxonae jiwi bequein ichichipa naexana Nacom piamonae tatsi jiwana. Paxam jopa pajume cowantsim Nacom yawa jopa pacopatsim xua ichamonae irı pejume cowantsiwa Nacom.

<sup>14</sup> “ıPaxam pomonae Moisés pia peitorobi coyene tatsi painya necuidubiwi jiwi pam tsobenaem! ıPaxam irı pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Powaxi pecuenta werapaewaxichi piseurixi, barapowaxi pacueranta ename pia bon. Naemata Nacom pawıqueibame. Jopa cuinaya pana najume copababeibim poxonae pawıqueibame Nacom tsipei paichichipame nawıta xua jiwi xanepanaya paca necayabara paebiwa xua bara cou paxam pejuntı coyene xanepanae jiwi pam. Daxota poxonae po mataqueitha Nacom yabara paebina daxita jiwi penatsicuentısiwa barapo mataqueitha Nacom bichocono paca peraxa jubina, beyacaincha poxonae peraxa jubinchi pomonae pacuidubame.

<sup>15</sup> “ıPaxam pomonae Moisés pia peitorobi coyene tatsi painya necuidubiwi jiwi pam tsobenaem! ıPaxam irı pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam tajı beya paponame daxita carepayan beya, xua painya cana exanaenexa ichantha xua bapon pejume cowantsiwa tsane painya necuidubi coyenewan xua bapoxonae bapon be judiomonaepin penaexanaewa tsane. Bapon pacana exaname, xua bapon bichocono equeicha mataropeicha abe peexanaein. Daxota bapon bewa xubinchi ichaxota po nacuatha isoto jopa itacounayiyo, icha paca cana ichi tsane poxonae paca bebai tsane barapo nacuatha.

<sup>16</sup> “ıPaxam abe peexanae jiwi tsobenae pam! Paxam barapocotsi coyeneya jıta panacana exaname, icha be pon peıtata nacıtsin ichi xua poxonae ichın matacapoinchi pon irıı peıtata nacıtsin. Paxam ichamonae ba pacuidubeibame ba pajam tsaibim: ‘Icha ichın nayabara cui wınae tımuxu duta xua jeye: Xaniwaicha exanaein pocotsiwa xua catsipaebatsi Nacom pia pin bo wınthaxae tatsi, poxonae jei, baxua ba jopa ainya cuiyiyo poxonae ichın nayabara cui wınae tımuxu duta bapocotsi wınthı’, ba pajam tsaibim xua ichamonae poxonae pacuidubeibame. Mataıtano ba pajam tsaibim: ‘Icha ichın nayabara cui wınae tımuxu duta xua jeye: Xaniwaicha bara exanaein pocotsiwa xua catsipaebatsi oro nainto wınthı pocotsiwa daedaena po oro nain coroton Nacom pin pia botha tatsi eca, poxonae jei, baxua ba xua bapon exana bapocotsi wınthı, baxua jame ainya cui poxonae barapon barapo wınthı nayabara cui wınae tımuxu dubeibina’, ba pajam tsaibim poxonae pacuidubeibame.

<sup>17</sup> ıPaxam barapocotsi coyeneya jıta panacana exaname, icha be pomonae matasipa daunwei ichi poxonae jopa beta jume cowantsiyo Nacom! Nacom pin pia bo bichocono ainya cui beyacaincha oro nain, po oro nain coroton Nacom pin pia botha tatsı ena. Tsipei barapo oro nain poxonae aisowa beequiya Nacom pin pia bo weya jopa ainya cuiyiyo. Jame saya meisa poxonae bo tututha eca bapoxonae ainya cui barapo oro nain, tsipei barapo bo ainya cui cana exanatsı.



<sup>18</sup> Matauta ba pajam tsaibim: 'Icha ichan nayabara cui wanae tsimuxu duta, xua jeye: Xaniwaicha bara exanaein pocotsiwa xua catsipaebatsi xua be pexaethopaewa wantha xua ichaxota duwei tauteiba xua tuxusi exaneiba Nacom nexa, poxonae jei, baxua ba bapon jopa bewa exanae poxoru baraxua xua be pexaethopaewa jopa ainya cuiyiyo poxonae ichan nayabara cui wanae tsimuxu duta bapocotsi wantha', ba pajam tsaibim poxonae ichamona pacuidubeibame. Matautano ba pajam tsaibim: 'Icha ichan nayabara cui wanae tsimuxu duta xua jeye: Xaniwaicha bara exanaein pocotsiwa xua catsipaebatsi duwei wantha po duwei xua bocopiya ichaxota xua be pexaethopaewa wantha, poxonae jei, baxua ba bapon jame bewa exanae poxoru po duwei xua bocopiya ichaxota xua be pexaethopaewa, baxua jame ainya cui poxonae bapon barapo wantha nayabara cui wanae tsimuxu dubeibina', ba pajam tsaibim poxonae pacuidubeibame.

<sup>19</sup> ¡Paxam barapocotsi coyeneya juta pana cana exaname, icha be pomona matasipa daunwei ichi poxonae jopa beta jume cowantsiyo Nacom! Pocotsiwa xua be pexaethopaewa ichaxota duwei tauteiba xua tuxusi exana Nacom nexa, poxonae tauta baraxua xua be pexaethopaewa bichocono ainya cui, beyacaincha ainya cui poxonae duwein aisowatha bexuba xua saya pexaenexa. Tsipei duwei saya ainya cui poxonae pocotsiwa xua be pexaethopaewatha bocopiya poxonae petuxusi exanaewa tsane Nacom nexa. Barapoxonae barapo duwein ainya cui, tsipei baraxua xua be pexaethopaewa ainya cui cana exanatsi.

<sup>20</sup> Daxota pon nayabara cui wanae tsimuxu duta xua be pexaethopaewa wantha, xua ichaxota duwei tauteiba xua tuxusi exaneiba Nacom nexa, saya meisa jopa barapo wanthiyo, matautano jame nayabara cui wanae tsimuxu dutsina duwei wantha, po duwein baxota bocopiya.

<sup>21</sup> Matautano pon nayabara cui wanae tsimuxu duta Nacom pin pia bo wantha tatsi, saya jopa meisa barapo wanthiyo, matautano jame nayabara cui wanae tsimuxu dutsina Nacom pewantha tatsi. Tsipei bara Nacom pin pia bothaxae eca.

<sup>22</sup> Daxota pon nayabara cui wanae tsimuxu duta itaboco wantha, saya meisa jopa barapo wanthiyo, matautano jame nayabara cui wanae tsimuxu dutsina Nacom pia pexeinya peecaethopeibiwa tatsi wantha beicha matauta Nacom pewantha tatsi pon baxoteicha eca.

<sup>23</sup> "¡Paxam pomona Moisés pia peitorobi coyene painya necuidubi jiwi pam tsobenaem! ¡Paxam pomonae fariseomona pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam ba caewaxi pajiwana wetsabeibame xua painya catsibeibinexa Nacom poxonae diez xoyobe paxeineibame xua pocotsiwa painya neubiwan. Barichi pacana exaname tsiqui xutixitha po xutoxi pewan menta, matautano po pexuno pewan anís barichi matautano po pexuno pewan comino. Bara bequein barapo coyene paexaneibame, daichitha jopa paexanaem pocotsiwa bichocono ainya cui coyenewa pocotsiwa Nacom pia peitorobi coyenewatha itoroba. Matautano jopa paexanaem po cui coyenewatha bewa bara xaniwaicha pata exanaename jiwi. Matautano jopa paexanaem po cui coyenewatha bewa jiwi payabara najantu coyene xeinaename painya neyawenaenexa jiwi. Matautano jopa paexanaem po cui coyenewatha xua pana cana exaname xua beta painya nejume cowantsinexa Nacom. Daxita barapo coyenein jame maisa paexanare, muxuna pa-eexanaponde po coyene copiya pa-eexanaponaem, po coyene poxonae pajiwana nonotaponeibame poxonae pocotsiwan diez xoyobe paxeineibame, xua pocotsiwa painya neubiwan.

<sup>24</sup> ¡Paxam barapocotsi coyeneya juta pana cana exaname, icha be pon peitata nacutsin ichi xua poxonae ichan matacapoinchi pon iruru peitata nacutsin! Paxam jopa juniya pacayabara jume exaneibim xua Moisés pia peitorobi coyenewatha itoroba. Daichitha jopa paexanaem po peitorobi coyene peainya cui coyenewa Nacomtha. Barapocotsi juta coyeneya paexaname icha jiton ichi poxonae mera mene caewata paparuwatha xua

pichixi pemuxuna apaeyainwa, daichitha apara yawa apareca xua xuan poxi peconoxi.

<sup>25</sup> “¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam pomonae iru fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam jopa ba juniya paexaneibim poxonae meisa panaperu iquicame. Daichitha burana iya painya juntu coyenetha pecaibi coyene paxeiname, peuwi coyeneno paxeiname. Be barapocotsi jiwi pam pocotsimonae coroton saya matawacaicha iquica yawa paratonno, ichitha atutuxuira bichocono.

<sup>26</sup> Paxam fariseomonae pam, pocotsi jiwimonae pam pomonae be peitata nacutsi jiwi pam. Copiya matha pana najuntu cui coyene barapende barapo painya neajuntucoyenebewan, bapoxonae jame xanepanaya painompaename.

<sup>27</sup> “¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam iru pomonae fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Jiwi ba inyapana exana xua pocotsiwa jiton peturpaein peyamuthu acatabiwatsi. Bequein bara baxua inyapana daichitha xua matha bocareca bichocono ayei xua jiton peturpaein.

<sup>28</sup> Barapocotsi juta coyeneya paexaname, icha be pocotsi coyene peayeiwa ichi xua jiton peturpaein. Bequein panaperu wunaetame, daichitha painya juntu coyene abe bichocono. Bequein jiwi paca yabara nanta xeina poxonae paca cui tane xua paxam deta cou rejuntu coyene xanepanae jiwi pam Nacomtha, daichitha painya juntu coyene bichocono paajuntucoyenebem. Matautano bara bequein paxam itara mexeya xanepanaya pepaebi jiwi pam, daichitha apara abeya pepaebi jiwi pam.

<sup>29</sup> “¡Paxam pomonae Moisés pia peitorobi coyene tatsi painya necuidubi jiwi pam tsobenaem! ¡Paxam pomonae iru fariseomonae pam tsobenaem! Daxita paxam itara mexeya xanepanaya pepaebi jiwi pam, daichitha apara abeya peexanae jiwi pam. Paxam peturpaewi pomonae Nacom pia peitorobi jume pepaebiwi payamuthu acabame boutixi. Matautano pomonae rejuntu coyene xeicae jiwi payamuthu iturpana exaname.

<sup>30</sup> Matauta naerabiya pana najam: ‘Icha caena bayatha jinompaetsipatsi poxonae wamo susato jiwi jinompa metha jopa cueicha yawenaetsipaetsi poxonae barapo Nacom peitorobi jume pepaebiwi jutebatsi’, pana najam.

<sup>31</sup> Barapo jumetha poxonae baxua pacaunutame, barapara barapo cui coyene paexaname, icha painya amo susato jiwi ichi poxonae barapo juntu coyeneya exana poxonae jutebatsi Nacom pia peitorobi jume pepaebiwi.

<sup>32</sup> ¡Painya amo susato jiwi abe peexanaexae, caena bayatha bara paichinde! Poxonae pana nebexubiname moya pana necui yabara jume cui were icha matha painya amo susato jiwi ichi poxonae tamropata notarucupa xua barapo Nacom pia peitorobi jume pepaebiwi jutebatsi.

<sup>33</sup> “¡Maisa paxam pomonae pemuxuitorobi jiwi pam! ¡Daxota be jomomonae pacui jurpame poxoru jomo ba cuitaya ducupa nawa! Bara paichim anoxuae bequein paichichipame xua Nacom pacuitaya ducupame xua abe paca exanaeyainwa. Ichitha Nacom paca itorobina ichaxota isoto jopa itacounayiyo. Jopa papanenebiyaem tsane barapo isoto weya.

<sup>34</sup> Itorobicaein painya xantha pomonae taitorobi jume pepaebiwi. Matautano itorobicaein pomonae peyaputaewi. Matautano itorobicaein pomonae jiwi pecuidubiwi Moisés pia peitorobi coyene tatsi. Ichitha barapomonae pajiwana jutebiname. Ichamonae naetha pacobe matabobiname painya jutebinexa tsane. Ichamonae judiomonae pia penacaetutsi bontha tatsi pabename. Daxita carepaya tomarantha abe pacana eexanaponaename pomonaetha pomonae taitorobi jiwi.

<sup>35</sup> Daxota Nacom paca cana exanaena xua paca peraxa exanaena xua daxita pomonae peꝓntꝓ coyene xeicae jiwi pejujutebaponaexaetsi painya nacuatha. Painya amo susato jiwi jujutebapona pomonae peꝓntꝓ coyene xeicae jiwi. Copiya matha Abel bexotsi pon peꝓntꝓ coyene xeicaein pon bequein jopa abe exanaeyo, beya poxonae irꝓꝓ Zacarías bexotsirꝓ pon Berequías pexanto tatsi. Barapon Zacarías pabexubame Nacom pin pia botha ichaxota xua barapo bo tututha uncuca pocotsiwa be pexaethopaewa xua ichaxota tuxusi exana Nacom nexa xua irꝓ baxota uncuca pepa Nacom pia boyo tatsi xua naitama taeuncuabe.

<sup>36</sup> Bara xaniwaicha paca tsipaebatsi pomonae xua anoxuae pajinompame bichocono paca peraxa ꝓꝓbebina tsipei daxita paxam barapara Nacom tsitatsi xua paxam patsita xeiname penatsicuentsiwa xua painya amo susato jiwi pejujutebaponaexae pomonae peꝓntꝓ coyene xanepanae jiwi xua irꝓꝓ paxam painya nejutebaponaexaerꝓ”, jei Jesús.

*Meje yabara poxonae Jesús Jerusalén tomarapiwi siwa wecoyeichi  
(Lc 13.34-35)*

<sup>37</sup> Bapoxonae Jesús yabara ꝓntꝓthꝓ wecoyei Jerusalén tomarapiwi. Jesús wecoyeya namchi, jeye: “¡Maisa Jerusalén tomarapiwi pam pajutebeibame pomonae Nacom pia peitorobi jume pepaebiwi! ¡Mataꝓta paxam pajutebeibame ibotontha pomonae Nacom pacata itoroba! ¡Maisa be paca caetucaetuteibinchi, tapaca cayawenaewatsi tsainchi, icha wacara ichi poxonae nacoxi caetucaetuteta pecuarafetha! ¡Maisa be barichocuaein tsane, daichitha jopa paichichipaem!

<sup>38</sup> Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha.

<sup>39</sup> Paca tsipaebatsi xua equeicha jopa pana netaem tsane beya abꝓ poxonae pana neyabara jam tsane: ‘¡Maisa bapon jiwi ꝓntꝓ coyene weiweina cana exanatsi pon patopa, Nacom peitorobixae, pon jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

## 24

*Meje yabara poxonae Jesús yabara paeba xua ichamonae abe exanaena Nacom pin pia bo tatsi  
(Mr 13.1-2; Lc 21.5-6)*

<sup>1</sup> Jesús Nacom pin pia bo tatsi wejoniya. Poxonae nama bara weya pona, bapoxonae Jesús imoxoyo caquita umenarꝓꝓatsi pijimonae. Yawa pijimonae jeichichi:

—Maisa Nacom pin pia bo tatsi bepa wꝓnae, jei barapomonae.

<sup>2</sup> Daichitha Jesús jume barai barapomonae, jeye:

—¡Moya caepatiyo pataema! Bara xaniyan paca tsipaebatsi. Matacabi jopaena barapo mataqueitha ichamonae pomonae penanapaincha jinompaewi xua icha nacua werena peponaewi abe cana exanaena Nacom pin pia bo tatsi po bo anoxuae pataneme. Apara jopa cae ibotiyo nacopatuncuae tsane icha iboto peꝓmatha. Daxita abe tsane, jei Jesús.

*Meje yabara poxonae Jesús yabara paeba xua copiya matha pewꝓnaeya exanaena petsita itꝓtsi coyenewa poxonae daxita weraweracaenaba  
(Mr 13.3-23; Lc 21.7-24; 17.22-24)*

<sup>3</sup> Bapoxonae Jesús pijimonae barꝓ pona demxuwatheicha po demxuwa pewꝓn demxu Olivowa tsipei baxota umena olivo naein. Poxonae Jesús demxuwatheicha ecopiya, bapoxonae Jesús pijimonae nameicha tsipaebatsi, jeye:

—Paichichipan xua xam tapata netsipaebiwam tsane, ¿eta poxonae metha ichamonae baxua exanaena poxonae abe cana exanaena Nacom pin pia bo tatsi? ¿Eta pocotsiwa tsane metha xua pewꝓnaeya tsita itapeinya xeinaena xua poxonae patopeicaename, mataꝓtano xua poxonae imoxoyo daxita weraweracaenaba? jei Jesús pijimonae tatsi.

<sup>4</sup> Nexata Jesús barai, jeye:

—Dota pam bu ichamonae naerabiya paca muxu tsipaeba xua daxota abe paexanaet-sipame.

<sup>5</sup> Tsipei tsana patsina ayei bicheito jiwi pomonae natsicotaena icha be xan ichin. Barapomonae jei tsane: ‘Apara xan Mesías’, jei tsane. Poxonae barapomonae muxuitorobiya paebina bapoxonae pinmonae jume cowantsina.

<sup>6</sup> Pajume taename xua jiwi juinya nabenoutsina xote yawa xua juinya iruru nabenoutsina icha ira beya. Daichitha jopa pajunuwinde, tsipei baxua pewunaeya matha copiya tsane. Daichitha cataunxuae dapu matacabi aichica tsane xua poxonae daxita weraweracaenaba yatsicaewa.

<sup>7</sup> Cae nacuapiwi iru icha nacuapiwino, barapo ainya nacuapiwibe nabenoutsina. Matautano iru pon nacia peewatsin iru ichundu pon icha nacia peewatsin, baraponbe iruru nantiya nabenabe. Matautano ainya nacuantha pin jainbo nacia tsane tsipei pin mayayo tsane. Matautano domae tsurucuae tsane ainya nacuantha. Matautano ainya nacuantha ira jijiyatsina.

<sup>8</sup> Baraxua copiya matha tsane xua jiwi atene tsoponae tsane bichocono, xua beya jopa nama juniya tsane.

<sup>9</sup> “Bapoxonae jiwi paca teiquebina, paca atene exanaena matautano paca jutebina. Daxita nacuanpiwi paca casebina painya tana nejume cowantsixaemxae.

<sup>10</sup> Barapo matacabintha jiwi pentsina xua Nacom pejume cowantsiwatsi. Matautano daxita jiwi nacasebina, matauta barapomonae piamonae caenaetsina ichamonaetha.

<sup>11</sup> Pinmonae tsana pateibina, pomonae jiwi pemuxuitorobiwi. Tsana jei tsane: ‘Xan Nacom peitorobi jume tapaebin, Nacom yabara paca cuidubinchi’, jei tsane. Barapo pemuxuitorobi diwesi jume pinmonae jume cowantsina barapo diwesi.

<sup>12</sup> Pinmonae jopa juniya abe exanaponae tsane daxota jiwi, jopa caemonae nantiya naantobe tsaibi tsane.

<sup>13</sup> Ichitha pon awiya xua antuyapusuya nejume cowantsiya poponaena xua beya yacuiya tupaeya jopaena poxonae bequein abe taexanatsi ichamonae, bapon jame Nacom napaeba cana exanaena.

<sup>14</sup> Tamonae capanaena tapexeinya jume diwesi po diwesi xua Nacom waba jiwi petanaexanaenexatsi pijimonae pomonae itorobiya peewatsixae. Barapo diwesi tajiwi-monae pomonae tanejume cowantsi jiwi paebinoutsina daxita jiwitha. Poxonae barapo diwesi daxita nacuanpiwi jume taena, bapoxonae daxita barapo jiwi yaputaena xua bara matacabi imoxoyo jopaena po mataqueitha poxonae daxita weraweracaenaba.

<sup>15</sup> “Daniel, pon Nacom peitorobi jume pepaebin bapon caena bayatha yabara tsiwunaeya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichan Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonae payaputaename xua bara imoxoyo matacabi jopaenaba poxonae daxita weraweracaenaba”, jei Jesús. (Xan Mateon, paca baraichi: “Pon yorobina po jume diwesi tinan, moya jume naitaewatsina pia peyaputaenexa tsane”, paca jeichi.)

<sup>16</sup> Cataunxuae Jesús cueicueijei, jeye: “Poxonae bara pocotsiwa pataename bapoxonae pomonae Judea nacuantha jinompa, barapomonae bewa demxuwan berucupiyaena.

<sup>17</sup> Barapo matacabitha pon bo matatupatha uncua bapon jopa bewa botha joniya tsane xua penotsiwa tsane pocotsiwa tabobeinchi bomuxu tututha. Saya jame bewa nainya benaetsiricuaena.

<sup>18</sup> Iruru pon pabitha popona bapon jopa bewa caibeya ponae tsane botha xua penotsiwa tsane pia paparuan. Saya jame bewa nainya benaetsiricuaena.

<sup>19</sup> ¡Pai yabuxi tsobenae powaxi pexui bupana taenatsi barapo matacabitha! ¡Pai powaxi iru pexui isaina, barapowaxi tsobenaeru! Tsipei acabe tsobenae tsane pexui.



<sup>20</sup> Poxonae pewnaeya tsane baxua Nacom pawncare xua jopa painya nerucpaewa tsane poxonae awabo peaquexae bichocono, matautano xua jopa painya nerucpaewa tsane poxonae pentaquei seicae matakabitha.

<sup>21</sup> Tsipei barapo matakabintha jiwi bichocono pin peraxa exanaeinchi. Atene tsane beyacaincha poxonae jiwi atene tsaibi poxonae Nacom aena nacua exana, xua equeicha nama bichocono pin peraxa tsane. Equeicha bexa bapoxonae bapana jopa baxua exanae tsane poxonae bichocono jiwi pin peraxa.

<sup>22</sup> Icha Nacom jopa be caentacabiyobe exanaetsipae, metha dapomonae ajibi tsipae pomonae panenebiya barapo peatene coyenewa weya. Daichitha Nacom be caentacabiyobe exanaena peantobexae pijimonae, pomonae pia peitapetsiwixae tatsi.

<sup>23</sup> “Bapoxonae icha ichun paca jei: ‘Pataema bapon apara Mesías uncue pon Nacom itorobica’, paca jei, iru icha ichun paca jei: ‘Pataema bapon Mesías xota uncuiye’, paca jei, baxuan jopa pajume cowantsinde barapo jumein.

<sup>24</sup> Tsipei pomonae pemuxitorobi jiwi tsana patsina. Barapomonae natsicotaena icha be xan ichi ponxaein Mesías. Matautano barapomonae natsicotaena icha be pomonae Nacom peitorobi jume pepaebiwi ichi tsane. Barapomonae pexeinya petsita itatsi coyenewan exanaena peitabocotha, po irathe tsaneno xua jiwi pemuxitorobinexa tsainchi, xua jiwi pejume cowantsinexa pocotsiwa barapomonae paeba. Barichiru pomonaetha pomonae Nacom pia peitapetsiwi tatsi pemuxitorobinexa tsainchi, xua iruru icha metha barapomonae pejume cowantsinexa tsaneru pocotsiwa barapomonae paeba. Ichitha jopa itacupaetsi tsainchi xua barapomonae pemuxitorobiwa tsainchi.

<sup>25</sup> Baxua tsiwanaya yabara paca tsiwanae muxu dutatsi.

<sup>26</sup> Daxota icha jiwi paca jei tsane: ‘Pataema bapon Mesías uncuiye ira xuepana susato tsurucuae nacua beya’, icha paca jei, jopa bara beya paponaeinde. Matauta icha paca jei: ‘Pataema bapon Mesías xote uncue bomxu tututha’, icha paca jei, jopa baxua pajume cowantsinde.

<sup>27</sup> Icha yamxu ichi poxonae jemeicha yacoicha uncueica xua coicha nayotaxuba itabocotha, barichi tsane po matakabitha patopeicaein jemeicha. Xan ponxaein Nacom Tananeitapetsin tsita naitutsin daxita jiwi.

<sup>28</sup> Quequeremonae ba nacaetuta ichaxota baurin boca. Bara juta paichim tsane. Paxam pomonae tana nejume cowantsi jiwi pam, pana newnae ewatsiname po mataqueitha patopeicaein. Bara po mataqueitha pana nacaetutsiname”, jei Jesús.

*Meje yabara poxonae Jesús nayabara paeba xua poxonae equeicha patopaetsica ponxae Nacom pia Peitapetsin*

*(Mr 13.24-37; Lc 21.25-33; 17.26-30, 34-36)*

<sup>29</sup> Equeicha Jesús namchi: “Po matakabin poxonae nacui wetsina xua jiwi pin peraxa tsane, bapoxonae xometo nainya naquitabina. Jomocoichato jopa pentha tsane. Opiteiton peitaboco weothopeicaena. Matauta Nacom napuna torobabiyaena xua xuan itabocotha dubena. Bapoxonae jopa xapain dubenae tsane.

<sup>30</sup> Bapoxonae daxita jiwi taena peitabocotha xua cou equeicha apara tapatopaewa tsane ponxaein Nacom Tananeitapetsin. Poxonae daxita nacuanpiwi netaena xua patopaein, barapomonae pijunuwi wecoyei tsane. Jiwi netaena ponxaein Nacom Tananeitapetsin xua patopeicaein tsaquinaebowantha. Nacom pia peayapusu itorobi coyenewatha, matautano bichocono pexeinya itupanae coichatha patopeicaein.

<sup>31</sup> Matautano itorobin tamatatsunpiwi xua bichocono daunweya peobinexa tsane, po peobiwa pewun trompeta. Poxonae baxua jume taena tamatatsunpiwi inta caetutsina pomonae taitapetsiwi. Nacaetutsina daxita nacuanpiwi jiwana, iru ichamonae pomonae ichaxota xometo weecoinapiwi jiwana, iru ichamonae pomonae ichaxota xometo bejopiyapiwi jiwana, iru ichamonae pomonae pocotsiwa werenepiwi jiwana, iru ichamonae pomonae pocotsiwa berequepiwi jiwana”, jei Jesús.



<sup>32</sup> Equeicha Jesús jeye: “Pajume taema barapo pecayabara j̄uta pepaebi diwesiyo xua higuera nae xua painya nenacuidubiwa tsane. Poxonae ba pataneme xua pena noxu xuxuwapona, bapoxonae ba payaputaneme xua bara imoxoyo wei tsurucuae tsoponae, xua pentono perubenaenexa.

<sup>33</sup> Barapocotsi j̄uta coyeneya ichi tsane poxonae pataename daxita baxuan pocotsiwa aunxuae paca tsipaebatsi, pocotsiwa bexa exanaena, bapoxonae payaputaename, xua bara imoxoyo tsane xua tapatopae w̄nae tsane.

<sup>34</sup> Bara xainyeya paca tsipaebatsi daxita judiomonae naitapataya naexanaponaena beya yacui othopaena poxonae Nacom exanaena daxita baxuan pocotsiwa xuaunxuae paca tsipaebatsi. Bapoxonae barapo judiomonae weraweracaena.

<sup>35</sup> Peitaboco aichurucuae tsane, matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban”, jei Jesús.

<sup>36</sup> Equeicha Jesús jeye: “Po matacabitha baxua exanaena, matauta po horatha baxua exanaena jiwi jopa baxuan yabara yaputaeyo. Iru matatsunpiwi pomonae peitaboco beicha jinompa baxuan iruru jopa yabara yaputaeyo. Iru xan, ponxaein Nacom Pexanton baxuan jopa yabara yaputaeyo. Meisa saya Nacom pon Waxa yaputane poxonae po matacabitha baxua exanaena, matautano yaputane poxonae po horatha daxita exanaena baxua xuaunxuae paca tsipaebatsi”, jei Jesús.

<sup>37</sup> Equeicha Jesús jeye: “Icha matha ichi poxonae Noé caena bayatha popona jiwi jopa tsaqueinaeyo xua Nacom pin aw̄bo exanaena methaunxuae. Saya barompaya icha j̄untu cuitha jinompa daxota jiwi werapa. Barichi j̄uta ichi tsane poxonae patopeicaein barapo cae pin nacuathe xua ponxaein Nacom Tananeitapetsin. Poxonae patopeicaein jiwi jopa tsaqueinae tsane xua Nacom werapa exanaena barapo jiwi pomonae jopa pejume cow̄ntsiyoxaetsi.

<sup>38</sup> Barapo matacabintha poxonae Noé popona poxonae cataunxuae pin ema jopa duneicaeyo, jiwi jopa tsaqueinaeyo xua bexa pin aw̄bo tsane. Barapo jiwi j̄untema nabaneiba yawa apeiba. Yawa jiwitha jijinapona, yawa pexantixi jitha dodoubapona beya yacuiya othopa poxonae po matacabitha Noé pin jera naetha joniya. Bapoxonae pin ema m̄u jopa. Daxita Noé wepu bunothopatsi pomonae jinompa poxonae Noé popona.

<sup>39</sup> Barapo jiwi jopa aw̄bo yabara tsaca jinompaeyo. Barapoxonae jemeicha pin ema uncueica. Matauta monapentatsi barapo jiwi. Icha jiwi ichi poxonae Noé popona poxonae barapo jiwi jopa nanta xeinaeyo xua nacabetsina, barichi tsane poxonae xan patopeicaein ponxaein Nacom Tananeitapetsin, jiwi jopa baxua yabara tsaqueinae tsane xua poxonae equeicha patopeicaein.

<sup>40</sup> Barapo mataqueitha ainya pebinbe nacuara nacuitauyaenabe pabitha. Ich̄n matatsunpin pichina, pejume cow̄ntsixaetsi Nacom. Ich̄n saya cuenta ponaeinchi jopa pejume cow̄ntsixaetsi Nacom.

<sup>41</sup> Iruru ainya yabuyobe nacuara yacatoyorobauyaenabe. Ichowa matatsunpin pichina, pejume cow̄ntsixaetsi Nacom. Ichowa saya cuenta ponaeinchi, jopa pejume cow̄ntsixaetsi Nacom.

<sup>42</sup> “Tsaca pajinompeibare xua tapatopae w̄nae tsane, tsipei jopa payaputaem po mataqueitha patopaein ponxaein jiwi Tacanamataxeinaein.

<sup>43</sup> Meje pocotsiwe payaputaema. Icha pon bo pexeinaein yaputaetsipa xua poxonae patopaena pon jiwi pecaibin, bapoxonae bapon jopa maitecaetsipae. Matauta bapon jopa copatsipae xua pon pecaibin petajondenaewatsi pia botha.

<sup>44</sup> Daxota bara paichinde. Tawanaetha pana nacui w̄naere, tsipei xan, ponxaein Nacom Tananeitapetsin patopeicaein poxonae jopa tsaca payabara jinompaem tsane tsipei jopa payabara nanta xeinaem tsane xua tapatopaewa tsane”, jei Jesús.

*Meje yabara poxonae Jesús yabara diwesi paeba ponbe xua bo peyapucaeaeinbe pon xua beta peexanaein irꝥ xua pon jopa beta peexanaein*

*(Lc 12.41-48)*

<sup>45</sup> Equeicha Jesús namchi pijimonaetha pecayabara jꝥta pepaebi diwesiyo xua pepatopaewa tsane, jeye: “Yabara paca tsipaebatsi pon matacapopona pomonae bo pexeinaein tanacuitatsi. Barapon xanepanaya yaputaeya matacapopona. Poxonae bo pexeinaein wepu warapa barapomona, pon bo pexeinaein itoroba pontha pon bo petayapucaeaeinchi, jeye: ‘Inta beta matacapoponde, yawa inta beta pexaewa apare daxita matacabi pomonae xua inta nacuita’, jei bo pexeinaein.

<sup>46</sup> Pon bo petayapucaeaein bara jꝥntꝥ coyene weiweinaena poxonae patopaena pon bo pexeinaein petaexaetsi xua bara beta tayapucaeaca bo, xuano bara beta peexanaexae pocotsiwa xua bo pexeinaein itoroba.

<sup>47</sup> Xaniwaicha paca tsipaebatsi. Bo pexeinaein itorobina xua pon petayapucaeaeinchi aetsi bo xua bapon cana exanaeinchi xua equeicha daxita piawan beta petayapuenae-watsi xua xuan xeina pon bo pexeinaein.

<sup>48</sup> Ichitha ichacuitha pon bo petayapucaeaein bapon peantꝥcuiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae pon bo petayapucaeaein.

<sup>49</sup> Bapoxonae bapon cueinta pomonae pon bo pexeinaein tanacuitatsi. Mataꝥtano bapon nanabanaetsipa nawita ichamona yawa cupatsi nanaexanaetsipano.

<sup>50</sup> Bapoxonae pon bo pexeinaein jemeicha patopaena poxonae pon bo petayapucaeaein jopa wꝥnae tsaqueinaeyo. Poxonae bara po hora tsuxubi jopa yaputaeyo yawa poxonae barapo matacabi tsuxubi jopa yaputaeyo.

<sup>51</sup> Pon bo pexeinaein itoroba ichamonaetha xua pebenexatsi yawa peperaxa jubinexatsi tsainchi pon bo petayapucaeaeinchi. Mataꝥtano itoroba xua barapomona bapon pexubinexatsi ichaxota jinompa pomonae itara mexeya wꝥnaeya pepaebiwi ichitha abe peexanaewi. Barapo nacua bereca jiwi bichocono wecoyei pomonae abe peexanaewixae, mataꝥtano nantanuweya nantꝥ jayabina bichocono peatenexae”, jei Jesús.

## 25

*Meje yabara poxonae Jesús cuiduba pecayabara jꝥta pepaebi diwesiyo xua diez powayobe xua penowaxi*

<sup>1</sup> Nexata Jesús equeicha icha pecayabara jꝥta pepaebi diwesiyo cuiduba pijimona, jeye: “Nacom cana exanaena jiwi xua pomonae pejꝥntꝥ coyene itorobiya ewatsixae, icha pebin ichi poxonae diez powayobetha xua penowaxi cana exana powaxi bapana jopa perꝥ nacoyabiyo pebiwi. Barapo diez powayobe nota pia lámpan xua peewatsinexa pon pia pecotsiwa nacoyobina. Barapowaxi barompaya capona pia lámpan xua aceite epaca.

<sup>2</sup> Icha cinco powayobe barapo diez powaxi jiwana, barapowaxi ita coxanatsi xua penacui wꝥnaetsiwa. Icha cinco powayobe ita coxone xua penacui wꝥnaetsiwa.

<sup>3</sup> Barapowaxi powaxi ita coxanatsi xua penacui wꝥnaetsiwa barapowaxi poxonae lámpan cajjinca jopa muxuna cajjincaeyo icha aceite xua equeicha pemene epacaenexa poxonae ameneibi tsurubena.

<sup>4</sup> Saya meisa powaxi yaputane xua penacui wꝥnaetsiwa jame barapowaxi pia lámpan muxuna cajjinca aceite xua equeicha pemene epacaenexa poxonae ameneibi tsurubena.

<sup>5</sup> Tsipei pon imoxoyo pecotsiwa nacoyobina bapon jopa cuinaya patopaeyo, daxota daxita barapo diez powayobe itamaipanaꝥcupa. Matapainya maitaꝥcupa.

<sup>6</sup> Poxonae papae tsuxubi poxonae barapowaxi cataunxuae maita, bapoxonae jume tane pon wawai xua barapowaxi jeichichi: ‘Bara juinya dawerena pebin pon pecotsiwa nacoyobina. Bapon panta enare painya necobe jacobinexa’, jei pon wawai.

<sup>7</sup> Daxita barapo diez powayobe nacosabarꝥꝥꝥꝥ. Mataꝥta equeicha icha aceite epacarꝥꝥꝥꝥ xua bapoxonae peçoicha exanaenexa.

<sup>8</sup> Bapoxonae icha cinco powayobe, powaxi jopa nacui wꝥnaetsiyo jeye ichawaxitha xua cinco powayobetha: ‘Panecatsibare icha aceite meraxi pata tha equeicha mene epacaetsi, yaitama pata lámpan acueicheibi’, jei barapowaxi.

<sup>9</sup> Ichitha powaxi penacui wꝥnaetsiwaxi jume barai, jeye: ‘Aibi apara, canta peyauxi barompaya pacajijincan patauxi, jopa pacajijincaeiyo xua paxam nexarꝥ. Maisa ichaxota pecaenaetsithopaewa aceite bara bepayiyande matha pacomocare aceite xua painya nemene epacaenexa’, jei barapowaxi poxonae xua jume barai ichawaxitha.

<sup>10</sup> Poxonae cataunxuae ichawaxi enapona xua pecomocaenexa aceite ichamonaetha, bapoxonaerꝥ pebin pecoutha patopa, pon pecotsiwa imoxoyo nacoyobina. Powaxi bayatha nacui wꝥnaeta napuna joniya bapontha xua penanabanaenexa pexaewa xua poxonae barapo pexaewa jiwi tsinacaetuta xua penabanaenexa poxonae barapo pebin pecotsiwa nacoyobina. Bapoxonae bomꝥꝥꝥꝥ bichocono boupa cateitabanota.

<sup>11</sup> Bapoxonae pirapaeyo ichawaxi pata powaxi aceite siwayiya, jeye: ‘Pata Tanecana-mataxeinaem, painta boupa saranaxorena’, jei bapowaxi.

<sup>12</sup> Ichitha bapon barapowaxi jume baraichichi, jeye: ‘Canta jopa paca yaitaetsi’, jei bapon”, jei Jesús, xua pijimonaes tsipaeba.

<sup>13</sup> Bapoxonae Jesús barai pijimonaetha, jeye: “Tawanaetha pana najꝥntꝥꝥꝥꝥ coyene wꝥnaere, tsipei jopa payaputaem po matabitha patopaein, mataꝥtano jopa payaputaem po horatha patopaein ponxaein Nacom Tananeitapetsin”, jei Jesús.

*Meje yabara poxonae Jesús paeba pecayabara jꝥta pepaebi diwesiyo xua paratixi yabara*

*(Lc 19.11-27)*

<sup>14</sup> Equeicha Jesús pijimonaes cuiduba pecayabara jꝥta pepaebi diwesiyo xua paratixi, jeye: “Anoxuae ichichipan xua tapaca tsipaebiwatsi po coyene xua xan beta matomacan pomonaes inta beta penacuichiwi pomonaes Nacom jꝥntꝥꝥꝥꝥ coyene itorobiya ewata. Barapo coyene jꝥpa icha be poxonae pebin ichi poxonae bara juntucuru warapaenaba icha nacua beya. Pewꝥnaeya poxonae warapaenaba matha waba pomonaes pia petanacuichi jiwichi tsainchi. Barapomonaetha itoroba xua pia paratixi tatsi beta petacacomocaewa tsainchi poxonae cataunxuae wꝥnae ewatatsi xua pepatopaewa tsane.

<sup>15</sup> Ichꝥntha pomonaes barapomonaes jiwana cata cinco mil po paratiximonaes. Iru ichꝥntha cata dos mil po paratiximonaes. Iru ichꝥntha cata saya be cae mil po paratiximonaes. Bapon daxita barapomonaetha barompaya catsiba be pocotsi coyeneya barapomonaes yapu jꝥpatsi xua poxonae pecacomocaewa tsane barapo paratiximonaetha. Bapoxonae bapon warapa.

<sup>16</sup> Pon catatsi cinco mil po paratiximonaes, barapo cinco mil po paratiximonaes betha equeicha icha cinco mil po paratiximonaes matoma exana.

<sup>17</sup> Barichi pon catatsi dos mil po paratiximonaes, barapo dos mil po paratiximonaes betha equeicha matoma exana icha dos mil po paratiximonaes.

<sup>18</sup> Ichitha pon catatsi cae mil po paratiximonaes, bapon mꝥthꝥꝥꝥꝥ cua iratha. Bapoxonae barapo mꝥthꝥꝥꝥꝥ bota barapo cae mil po paratiximonaes”, jei Jesús.

<sup>19</sup> Equeicha Jesús jeye: “Poxonae ainya matabin yapucaewa, bapoxonae patopa pon paratixi catsiba barapomonaetha pon barapomonaes pia pecanamataxeinaeinchi tatsi. Bapon pia petanacuichiwi pia paratixi matoma yabara yainyaba.

<sup>20</sup> Copiya patopa pon cinco mil po paratiximonaebe catatsi. Bapon icha cinco mil po paratiximonaebe cata pia pecanamataxeinaeinchitha, yawa jeye: ‘Tanecanamataxeinaem, caena bayatha cinco mil po paratiximonaebe necatame, equeicha icha cinco mil po paratiximonaebe cata matoma exainchi’, jei bapon.

<sup>21</sup> Pon pecanamataxeinaein jume nota, jeye: ‘Maisa juntu coyene wunaem matautano xam ponxaem cayabara jume cowuntatsi xua xanepanaya neexaneibiwam pocotsiwa caitorobatsi. Tsipei inta xanepanaya beta exaname bequein poxona be conotha caitorobatsi, daxota equeicha ichawa caitorobatsi xua bichocono nawita. Moya tabohta nebaru jonyama yawa nebaru juntu coyene weiweinare’, jei pon pecanamataxeinaein.

<sup>22</sup> Bapoxona pirapae ichun patopa pon dos mil po paratiximonaebe catatsi yawa jeye pia pecanamataxeinaeinchitha: ‘Tanecanamataxeinaem, caena bayatha dos mil po paratiximonaebe necatame, equeicha icha dos mil po paratiximonaebe cata matoma exainchi’, jei bapon.

<sup>23</sup> Pon pecanamataxeinaein jume nota, jeye: ‘Maisa juntu coyene wunaem matautano xam ponxaem cayabara jume cowuntatsi xua xanepanaya neexaneibiwam pocotsiwa caitorobatsi. Tsipei inta xanepanaya beta exaname bequein poxona be conotha caitorobatsi, daxota equeicha ichawa caitorobatsi xua bichocono nawita. Moya tabohta nebaru jonyama yawa nebaru juntu coyene weiweinare’, jei pon pecanamataxeinaein”, jei Jesús.

<sup>24</sup> Equeicha Jesús jeye: “Bapoxona matapainya patopa pon cae mil po paratiximonaebe catatsi. Bapon atsqiuya jei pia pecanamataxeinaeinchitha: ‘Tanecanamataxeinaem, xan yaputan xua xam be barapocotsim pon jopa jiwu junya itorobeibim. Matautano jiwu cobe itorobeibame xua penoteibiwa pocotsiwa jopa jinyawiyu. Matautano pexaewa xua naweta noteibame ichaxota jopa ubim.

<sup>25</sup> Daxota cacunuwatsi baxua neexanaeinxae tsipei metha inta pichipame barapo paratiximonaebe poxona equeicha icha paratiximonaebe cata matoma exainchi daxota jinya paratiximonaebe muthutha xubotan. Xote barapo paratiximonaebe caewa cata canawitatsi’, jei bapon.

<sup>26</sup> Nexata pon pecanamataxeinaein namchi jeye: ‘¡Bepa maisa dapon abem, pon fifiname poxona inta nacuitame! Xam apara neyabara nanta xeiname xua xan pexaewa tanoteibiwa pocotsiwa naweta ichaxota jopa tacoya ubeibinyo. Matautano xua ichamonae cobe itorobeiban xua noteiba pocotsiwa jopa tawiyu.

<sup>27</sup> Tsipei catsawiya neyabara nanta xeiname, xua bichocono daunwei itoroban daxota bayatha inta bewa barapo paratiximonaebe banco botha botsipame. Nexata poxona equeicha patopan, icha paratiximona equeicha matoma xeinaetsipan xua equeicha inta pemataropeicha botsixaetsipae poxona ichamonae nacowaeta barapo taparatiximonaebe’, jei pon pecanamataxeinaein.

<sup>28</sup> Bapoxona pon pecanamataxeinaein barai pomona baxota umena jeye: ‘Bapon pacobe wepire barapo cae mil po paratiximonaebe. Bapoxona barapo paratiximonaebe pacare pon icha diez mil po paratiximonaebe xeina.

<sup>29</sup> Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane xua beya poxona bapon equeicha bichocono Nacom pejume cowuntsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowuntsiwa tsainchi.

<sup>30</sup> Matauta bapon pon inta beta jopa nacuichiyo bapon paxore peitaquirei nacuatha, xua barapo nacuatha pewecoyeinexa, xua nantanuweya penantu jayabinexa tsane’, jei pon pecanamataxeinaein”, jei Jesús.

*Meje yabara poxona Jesús nayabara paeba xua bepa pinae Nacom Pexanto tatsi tsabina daxita jiwu*

<sup>31</sup> Equeicha Jesús pijimonae tsipaeba, jeye: “Xan, ponxaein Nacom Tananeitapetsin patopeicaein, iru matatsunpiwi nebaru patsicaena. Poxonae patopeicaein, bapoxonae ecaein pexeinya peitapanae ecaewatha xua tawa tayabara paebinexa daxita jiwu xua penatsicuentsiwa abe peexanaexae Nacomtha.

<sup>32</sup> Jiwu nacaetutsina taitabaratha pomonae daxita nacuan werena pona. Barichin tsane icha pon oveja peewatsin ichi. Bapon ba tsaba ovejamonae, matautano tsaba icha duweimonaeno, po duweimonaewu cabra.

<sup>33</sup> Pon ovejamonae peewatsin, bapon ovejamonae cuaranoba pecoxa weya. Cabra duweimonaewu petsocona weya cuaranoba. Bara cana jutiya ichin tsane jiwu, icha pon ovejamonae peewatsin ichi. Pomonae xanepanaya peexanaewu tsana nobin. Pomonae abe peexanaewu tsana nobin.

<sup>34</sup> Bapoxonae xan ponxaein jiwu itorobiya pepa Taewatsin baran tsane pomonae tacoxa weya inta umena, jan tsane: ‘Anetha paxam pomonae Nacom, Taxa, paca juntu coyene weiweina exana. Pajojoniyama Nacom pia peitorobi nacuatheicha. Bara xoteicha caena bayatha Nacom paca tsiwunaeta pocotsiwa xua paxam nexa, beya poxonae barapo nacue forota.

<sup>35</sup> Paca itacura xua papatame baxoteicha, tsipei poxonae jainpan bayatha, bapoxonae pana neapatame pexaewa. Matauta tsipei poxonae meratsipan, bapoxonae mera pana neapatame. Matauta tsipei bayatha poxonae patopan painya botha poxonae be wawatsiyo coyeneya patopan daichitha pana nententa weyataeya wabame.

<sup>36</sup> Matautano tsipei poxonae bayatha jumasa patopan, bapoxonae paparuwa pana necatame. Matautano tsipei poxonae bayatha neromaeba yawa poxonae atenein bara pana nesiwa poname painya tana neyawenaenexam. Matautano tsipei poxonae jiwu pecubi botha neeta, paxam papatame painya tana nenecotsinexam’, jan tsane xua ponxaein jiwu itorobiya pepa Taewatsin.

<sup>37</sup> Nexata barapomonae, pomonae tacoxa weya inta peumenaexae pomonae xanepanaya peexanaewu, nejei tsane: ‘Pata Tanecanamataxeinaem, ¿eta poxonae paca tainchi xua jainpame matauta xua poxonae paca apatatsi pexaewa? ¿Eta poxonae paca cui tainchi xua meratsipame xua bapoxonae mera paca apatatsi?’

<sup>38</sup> ¿Eta poxonae paca tainchi xua poxonae be wawatsiyo coyeneya patopame xua bapoxonae paca matenta weyataeya wabatsi? ¿Eta poxonae paca tainchi xua poxonae jumasa patopame xua bapoxonae paca catatsi paparuwa?’

<sup>39</sup> ¿Eta poxonae paca tainchi poxonae caromaeba xua poxonae atennemno xua bapoxonae paca siwa poinchi pata paca cayawenaenexatsi? ¿Eta poxonae paca tainchi poxonae jiwu pecubi botha caeta xua bapoxonae papatan pata cataenexatsi?’ nejei tsane barapomonae.

<sup>40</sup> Bapoxonae xan ponxaein jiwu itorobiya pepa Taewatsin, jume notsin barapomonae aetha jan tsane: ‘Xaniyan paca tsipaebatsi. Daxita po coyenewan paxam bayatha paexaname tamonae jiwu poxonae bequein barapomonae jopa peainya cui jiwu, apara bara painta exaname’, jan tsane ponxaein jiwu itorobiya pepa Taewatsin.

<sup>41</sup> “Nexata xan ponxaein jiwu itorobiya pepa Taewatsin baran tsane pomonae tatsocona weya peumenaewu, pomonae jopa beta peexanaewu, jan tsane: ‘Panatsixibarucupare taxainya weya, tsipei paxam pomonae abe painya neexanaewu pam. Maisa po nacuathe isoto jopa cuinaya itacounayiyo baxota paponare. Barapo iso nacua caena bayatha Nacom yabara wunaeta caurimonae pia pentacaponaein tatsi nexa iruru pia matatsunpiwimonae tatsi nexa pomonae caurimonae.

<sup>42</sup> Tsipei poxonae jainpan bayatha, jopa pexaewa pana necatsim. Matauta tsipei poxonae bayatha meratsipan, jopa mera pana neapatsim.

<sup>43</sup> Matautano tsipei caena bayatha poxonae be wawatsiyo coyeneya patopan, paxam jopa pana nententa weyataeya wabim. Matauta tsipei poxonae bayatha jumasa



patopan, paxam paparuwa jopa pana necatsim. Matautano tsipei caena bayatha poxonae neromaeba yawa poxonae jiwi pecubi botha ecan, paxam jopa pana nesiwa ponaem', jan tsane.

<sup>44</sup> Nexata pomonae abe peexanaewi nejume notsina, jei tsane: 'Pata Tanecana-mataxeinaem, ¿eta poxonae xua pata paca cui taewathatsi xua jopa paca yawenaetsi? ¿Eta poxonae xua pata paca cataebenaewathatsi poxonae jainpame? Matautano ¿eta poxonae xua pata paca cataebenaewathatsi poxonae meratsipame? Matautano, ¿eta poxonae xua poxonae pata paca cataebenaewathatsi poxonae be wawatsiyo coyeneya patopame? Matautano, ¿eta poxonae xua poxonae pata paca cataebenaewathatsi poxonae caromaeba? Matautano, ¿eta poxonae xua poxonae pata paca cataebenaewathatsi poxonae jiwi pecubi botha caeta? Daxita baxuan, ¿eta poxonae xua poxonae jopa paca yawenaetsi?' nejei tsane barapomonae.

<sup>45</sup> Xan ponxaein jiwi itorobiya pepa Taewatsin jume notsin barapomonae jan tsane: 'Xaniyan paca tsipaebatsi. Daxita po coyenewa bayatha jopa paexanaem tamonae jiwitha xua barapomonae jopa peainya cui jiwiyoxae, apara bara jopa painta exanaem', jan tsane ponxaein jiwi itorobiya pepa Taewatsin.

<sup>46</sup> Bexa bapoxonae tsane barapo abe peexanae jiwi ponaena po nacuatha bapana jopa nacui copatsi xua atene. Pomonae pentu cui xanepanae jiwi ponaena po nacuatha jiwi xeineiba peantucoyenyapusuwa, po peantucoyenyapusuwa ataya tsiteca", jei Jesús.

## 26

*Meje yabara poxonae fariseomonae iru sacerdotemonae pia pentacaponaei tatsi daxita barapomonae Jesús yabara nanta xeinatsi po coyeneya xua Jesús pewaetabiwa tsainchi*

*(Mr 14.1-2; Lc 22.1-2; Jn 11.45-53)*

<sup>1</sup> Poxonae Jesús baxua daxita najume weta, bapoxonae pijimonae barai, jeye:

<sup>2</sup> —Paxam payaputaneme xua poxonae po baya tsane, jiwi nacaetutsina penabanaenexa pexaewa peyabara nanta xeinaenexa barapo matacabi xua poxonae caena bayatha matha judiomonae Egipto nacia weya panenebiya, po matacabi pewun Pascua matacabi wun. Barapo mataqueitha ichamonae necaenaetsina xua teparucua tanaexanaenexa tsane naetotha, ponxaein Nacom Tananeitapetsin, jei Jesús.

<sup>3</sup> Poxonae Jesús pijimonae baxua tsipaebuncua, bara caena barapo mataqueitha sacerdotemonae pia pentacaponaei tatsi nacaetuta. Iruu baxota nacaetuta judiomonae pia pitiri jiwi tatsi. Barapomonae daxita nacaetuta po tututha pon pewun Caifás pon sacerdotemonae pia pepa pentacaponaein tatsi pia pexeinya tutu botha tatsi.

<sup>4</sup> Daxita barapomonae nabaru muxu jei xua bepa pinae eta bichi tsane poxonae Jesús nameicha waetabinchi xua pebexubiwa tsainchi.

<sup>5</sup> Barapomonae najei:

—Abu jopa waetabi tsainchi poxonae jiwi Pascua matacabi wuntha nacaetuta penabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayayataxubichipa, najei daxita barapomonae.

*Meje yabara poxonae petsiriwa Jesús mata epatabatsi penasiwa, po penasiwa petuxueiwa*

*(Mr 14.3-9; Jn 12.1-8)*

<sup>6</sup> Pirapae Jesús popona Betania tomaratha. Barapo tomaratha Jesús popona Simón pia botha tatsi, pon copiya bayatha peperu sawinchi.

<sup>7</sup> Barapo botha petsiriwa powa pesi cui weiweinaewa Jesús imoxoyo caquita uncuatabatsi. Barapo petsiriwa capatopa alabastro ibo wun bosibu atsato, xua bichocono wunca penasiwa xua petuxueiwa, po petuxueiwa bichocono ainya matoma. Poxonae Jesús

eca pexaethopaewatha, bapoxonae barapo petsiriwa Jesús mata eatabatsi barapo petuxuei tuxusi nasiwatha.

<sup>8</sup> Poxonae Jesús pijimonae tatsi tane baxua, barapomonae bichocono anaepana, yawa caemonae najeino:

—¿Eta pocotsiwa metha saya baxua xuba jane?

<sup>9</sup> Barapo petuxueiwa becaenaetsipatsi bapoxonae bexeinaetsipatsi paratixi nawita xua bapoxonae barapo paratixitha beyawenaetsipatsi peacopeibi jiwi, najei barapomonae.

<sup>10</sup> Jesús yaputane xua pijimonae tatsi baxua pepaebiwa, daxota Jesús jeye:

—¿Eta pocotsiwa metha barapowa pabiataneme? Pocotsiwa barapowa inta exana apara seicayar<sub>u</sub> xua pexeinya coyene inta exana.

<sup>11</sup> Barapo irathe peacopeibi jiwi paca bar<sub>u</sub> jinompeibina painya neyawenaenexa tsabi tsane barapo jiwi. Ichitha nama paxam jopa ataya paca bar<sub>u</sub> poponae tsainchi xua pata tana neyawenaenexam barapo irathe.

<sup>12</sup> Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui w<sub>u</sub>naeta xua m<sub>u</sub>th<sub>u</sub> tana neboyaenexa poxonae t<sub>u</sub>paein.

<sup>13</sup> Bara xaniyan paca tsipaebatsi, daxita nacuantha poxonae jiwi cueicueijejei tsane Nacom pia pecapanenebiyae diwesi, barapo jiwi yawa yabara paebina xua pocotsiwa poxonae bapowa inta exana xua jiwi barapowa peyabara cui nanta xeinaenexatsi, jei Jesús.

*Meje yabara poxonae Judas, Jesús caenaetaxotsi*

*(Mr 14.10-11; Lc 22.3-6)*

<sup>14</sup> Nexata Jesús pijimonae tatsi pomonae doce poyobe tatsi, barapo doce poyobe jiwana bara caein, bapon pew<sub>u</sub>n Judas Iscariote. Bapon Judas pona sacerdotemonae pia pentacaponae tatsi beya xua petsipaebinexa barapomonaetha.

<sup>15</sup> Judas jeye barapomonaetha:

—¿Eta po paratixi pana necatsiname icha Jesús caenaetaxubin, painya xantha? jei.

Nexata barapomonae Judas pentoma catatsi treinta po paratiximonaebe, xua po paratixi bichocono matoma nawita.

<sup>16</sup> Barapoxonae Judas tamropata pitaba xua jeita xua po coyenetha Jesús pecaenae-taxubiwa tsainchi barapomonaetha, poxonae peyapu xanepanaewatha.

*Meje yabara poxonae Jesús pijimonae bar<sub>u</sub> nabane Pascua w<sub>u</sub>n matakabitha*

*(Mr 14.12-25; Lc 22.7-23; Jn 13.21-30; 1 Co 11.23-26)*

<sup>17</sup> Nexata copiya matakabi jopa po matakabi tsiwana penantacarucuae matakabi, xua po matakabintha poxonae jiwi tsinacaetutsina xua penabanaewa tsane pan, po pan jopa muxunapentsiyo levadura mataw<sub>u</sub>n, pocotsiwa xua cotowa exana pan. Jesús imoxoyo caquita umenar<sub>u</sub>capatsi pijimonae yawa Jesús jeichichino:

—¿Exota ichichipame xua ichaxota pexaewa paca tsinacui w<sub>u</sub>naetsinchi wana-banaenexa tsane xua Pascua w<sub>u</sub>n matakabi nexa? jei barapomonae.

<sup>18</sup> Jesús barai pijimonae, jeye:

—Tomara beya paponde, Jerusalén tomara beya. Paponde po botha pon bichocono pin tutu xeina. Bapontha painta jande: ‘Pon jiwi Pecuidubin namchi: Bara nama tat<sub>u</sub>pae w<sub>u</sub>nae tsane. Jinya tututha tajiwiwimonae tha bar<sub>u</sub> nabanaetsi pexaewa Pascua w<sub>u</sub>n matakabi nexa’, cajei pon jiwi Pecuidubin, pajande, jei Jesús pijimonaetha.

<sup>19</sup> Jesús pijimonae tatsi bara exana pocotsiwa bayatha Jesús pijimonae peitorobixae. Mata<sub>u</sub>tano barapomonae pexaewa nacui w<sub>u</sub>naetajeba Pascua w<sub>u</sub>n matakabi nexa xua penabanaenexa.

<sup>20</sup> Poxonae quirei tsanaicha bapoxonae Jesús pijimonae bar<sub>u</sub> eca pexaethopaewatha pomonae doce poyobe tatsi.

<sup>21</sup> Poxonae Jesús pijimonae barꝝ xunaeca bapoxonae barai pijimonae, jeye:

—Bara xaniyan paca tsipaebatsi caein pon paxam jiwana pam, bapon necaenaetaxubina ichamonaetha xua tana nebexubiwa tsane ichamonaetha, jei.

<sup>22</sup> Nexata bapoxonae Jesús pijimonae tatsi ʌnthuthꝝ wecoyeyi tsɯꝛɯcɯpaeyi, nexata daxita tsana jei tsoponae Jesustha:

—Tanecanamataxeinaem, apara ¿xan cacaenaetaxubinchi? jei daxita barapomonae xua Jesús tsana yainyabapoinchi.

<sup>23</sup> Jesús jume nota barapomonae, jeye:

—Pon cae paratotha pana nabarꝝ jajaucuncuaponanbe pan, bapon apara pon necaenaetaxubina ichamonaetha.

<sup>24</sup> Xan ponxaein Nacom Tananeitapetsin bewa tɯpaeyin, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame wɯnaeyi tsipae icha bapon bayatha jopa naexaenae tsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

<sup>25</sup> Nexata Judas pon Jesús caenaetaxubinchi bapon itacaretaba, jeye Jesustha:

—Pon jiwu Necuidubim, ¿xan apara cacaenaetaxubinchi? jei Judas.

Jesús jume nota, jeye:

—A, xuaunxuae bara paebame, jei.

<sup>26</sup> Poxonae Jesús pijimonae barꝝ xunaeca, bapoxonae Jesús pecobetha pita pan yawa Paxatha tsipaeba, jeye: “Axa, maisa jɯntꝝ coyene weiweinan xua pan pata tana necatsiwam”, jei. Bapoxonae Jesús pecobetha pan epa janaca yawa catsiba pijimonae. Bapoxonae pijimonae barai, jeye:

—Paxaema po pan epa janacan. Barapo pan apara yabara caunuta tapepon xua poxonae tapaca tsitɯpaewatsi tsainchi, jei Jesús.

<sup>27</sup> Bapoxonae Jesús equeicha pecobetha pita corotiyoyawa Nacomtha tsipaeba, jeye: “Axa, maisa jɯntꝝ coyene weiweinan xua corotiyotha ecareca pepa uva mera xua pata tana necatsiwam”, jei. Bapoxonae Jesús pijimonae cata corotiyoyawa pejiwana aapaponaenexa. Bapoxonae jeye pijimonaetha:

—Daxita pa-aapaponde xua barapo cae corotiyotha.

<sup>28</sup> Pena peyabara tsiwɯnaeyi muxu dutsi coyenewa paca tsipaebatsi. Barapo uva mera xua tsijuntutu eca corotiyotha barapo mera yabara caunuta tajana xua jana othoparenaeyin poxonae tɯpaeyin. Barapo jana tsita itapeinya xeinaena xua jiwu pinmonae, yabara jɯntemainaeyin abe pia peexanaeyi cuiru coyenein tatsi.

<sup>29</sup> Daxota paca tsipaebatsi barapo uva mera jopa equeicha paca barꝝ apae tsainchi anoxuae. Meisa abꝝ bexa tsane equeicha pena coyenewatha paca barꝝ apaeinchi, barapo uva mera poxonae Nacom neexanaena xua itorobiya ewatsin jiwu, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús*

*(Mr 14.26-31; Lc 22.31-34; Jn 13.36-38)*

<sup>30</sup> Poxonae Jesús pijimonae barꝝ najume weta xua naxɯna Nacom nexa, bapoxonae Jesús pijimonae barꝝ pona demxuwa beya. Barapo demxuwa pewɯn demxu Olivowa, olivo naeyin peumenaexae baxota.

<sup>31</sup> Nexata Jesús barai pijimonae, jeye:

—Anoxuae barapo merawithe daxita pam pana necuentarɯcɯpaename, tapaca urapentsixaetsi tsainchi. Baxua paexanaename tsipei Nacom Pejume Diwesitha paca yabara cui tsiwɯnaeyi jeye: ‘Poxonae ovejamonaeyi peewatsin bexubinchi, bapoxonae ovejamonaeyi tsanarɯcɯpaena’, jei Nacom. Penamchixae poxonae ichamonaeyi newaetabina tana nebexubinexa pana necuentarɯcɯpaename.

<sup>32</sup> Ichitha taeyarapaeyo poxonae equeicha asu neexanaena, bapoxonae paca tsiwana patopiyaeinchi Galilea nacua beya poxonae bara beya paponaname, jei Jesús.

<sup>33</sup> Nexata Pedro Jesús jume notatsi, jeye:

—Bequein ichamonae cacuentarucupaena jinya neuraxubixae nama xan bapana jopa cacuenta naetsiricuae tsainchi tana neuraxubixaemxae, jei Pedro.

<sup>34</sup> Nexata Jesús Pedro jume baraichi, jeye:

—Bara xainyeya catsipaebatsi po merawithe, pewunaeya poxonae beya ainya jume cuiyobetha wacara pebto fibina, bapoxonae xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

<sup>35</sup> Pedro Jesús baraichi:

—Bara bequein capuna tupaeinchi ichitha baxua jopa cayabara paebi tsainchi, jei Pedro.

Iruru daxita Jesús pijimonae tatsi bara jumichi, nanta jupaia paeba.

*Meje poxonae Jesús Paxa tsipaeba ichaxota tsica iriyo, po iriyo pewun Getsemani  
(Mr 14.32-42; Lc 22.39-46)*

<sup>36</sup> Nexata Jesús pijimonae baru patopa ichaxota tsica iriyo, po iriyo pewun Getsemani. Baxota Jesús barai pijimonae, jeye:

—Xote abu paenare tha matha Taxatha tsipaebichi painya cuariyatha xotiye, jei Jesús.

<sup>37</sup> Jesús baru pona Pedro. Iru Zebedeo pexantobe tatsi Jesús baru pona. Bapoxonae Jesús bichocono anthuthu wecoyeyi, yawa bichocono anthuthu deideije.

<sup>38</sup> Nexata barapo acoibi poyobetha Jesús barai, jeye:

—Bichocono juntu coyene natsepiya wecoyan, tsipei muxu tatupa. Xote paenare, yawa payoyocare xua painya tana nebaru naitaewatsinexam, jei Jesús.

<sup>39</sup> Nexata Jesús equeicha tsiwiyo dabe natsixitabiya, irabe taeuncuareca tsipei jopa juniya ajuntutaneyo. Bapoxonae Jesús Paxa tsipaeba, jeye:

—Axa, icha ichichipame xua tana neyawenaewam tsane, newepire pocotsiwa anthuthutane neexana. Ichitha jopa necana exanaeinde xua pocotsiwa ichichipan, saya jame necana exande xua pocotsiwa ichichipame, jei.

<sup>40</sup> Nexata Jesús equeicha caibe iya pijimonae tatsi beya poyobe xua acoibi poyobe, ichitha barapomonae maita. Jesús Pedro baraichi, jeye:

—Maisa jopa paca itacupaeyo xua pata tana nebaru yoyocaewam xua poxonae bequein bara cae horatha.

<sup>41</sup> Maisa payoyocare. Nacom patsipaebare xua jopa abe painya neexanaewa tsane poxonae caurimonae pia pentacaponaein tatsi piraichi paca juntu coyene jujata. Painya juntu coyene wetsina bichocono paichichipame xua Nacom painya netsipaebiwa ichitha painya pepon bichocono paacoyenefaetabim xua painya netsipaebiwa Nacom, jei Jesús.

<sup>42</sup> Equeicha Jesús bara nama caeto pona xua Paxa petsipaebinexa. Poxonae Paxa tsipaeba, jeye:

—Axa, icha jopa ichichipaem xua tana newepichiwam, pocotsiwa neajuntutane exana, bara jopa necana exanaeinde xua pocotsiwa ichichipan saya jame necana exande xua pocotsiwa ichichipame, jei Jesús.

<sup>43</sup> Bapoxonae equeicha Jesús pijimonae beya pona xua acoibi poyobe daichitha barapo acoibi poyobe came maitumena, tsipei bichocono itata tsacatsaquei xua ita- maipana.

<sup>44</sup> Bara nexata Jesús equeicha saya cuentapona. Equeicha Jesús pona xua Paxa petsipaebinexa xua equeicha acoibi po cuiyobetha, barapo jumetha equeicha Jesús Paxa tsipaeba.

<sup>45</sup> Nexata equeicha Jesús pona pijimonae tatsi beya. Bapoxonae barai pijimonae, jeye:

—¡Moya bara painya nepu maitumenaende aunxuae jopa Nacom patsipaebim xua painya nepaca cayawenaenexa! Bayatha tsuxubiba, po horatha poxonae xua xan ponxaein Nacom Tananeitapetsin ichuñ necaenaetaxubina ichamonaetha, pomonaetha pomonae peantucoyenebe jiwí.

<sup>46</sup> Panacosapende, panonobapondeno. Antha bu poinchi. Dota dawerena pon necaenaetaxubina ichamonaetha, jei Jesús pijimonaetha.

*Meje yabara poxonae Jesús waetabatsi*

*(Mr 14.43-50; Lc 22.47-53; Jn 18.2-11)*

<sup>47</sup> Poxonae Jesús cataunxuae tsipaebuncua pijimonae bapoxonae Judas patopa. Bapon Judas doce poyobe jiwana caein, xua Jesús pepa pijimonae tatsi. Judas pinmonae baru patopa. Ichamonaе cusin cajijinca. Ichamonaе iwabi cajijinca. Daxota daxita barapomonae pata, tsipei sacerdotemonae pia pentacaponaei tatsi iru pitiri jiwiru daxita barapo pentacaponaei itoroba barapomonae.

<sup>48</sup> Judas, pon Jesús caenaetaxubinchi, pewunaeya tsane xua poxonae patopa bapon cou tsiwanaya paeba barapo pin bicheitha, cou jeye: “Pon tsutsubin, bapon apara barapo pebin, nexata moya pawaetabare bapon”, cou jei.

<sup>49</sup> Daxota poxonae patopa, bapoxonae Judas Jesús imoxoyo caquita poinchi, matauta nainya Jesús jeichichi:

—Pon jiwí Pecuidubim, xamda, jei Judas.

Bapoxonae nainya Judas Jesús tsutsubatsi.

<sup>50</sup> Nexata Jesús jume nota, jeye:

—Ponxaem tajitom, moya bara exande xua jinya necana exanaetsi, jei.

Nexata barapomonae pomonae Judas pebaru patopaexae barapomonae Jesús imoxoyo caquita umenarucupatsi, bapoxonae Jesús waetabatsi.

<sup>51</sup> Caein pon Jesús pijimonaе tatsi jiwana, pon Pedro, bapon nainya cusi namara wejonta. Bapoxonae bapon muxuyoro catsoniba, pon sacerdotemonae pia pepa pentacaponaein tatsi tanacuitatsi, bapon muxuyoro catsonibatsi.

<sup>52</sup> Nexata Jesús barai pijimonaе jiwana jitontha, pon Pedro, jeye:

—Maisa cusi jeinca pentacuerutha. Tsipei pon ba cusitha namawainta, bapon ba xuya bexubinchi cusitha.

<sup>53</sup> ¡Maisa xam jopa yaputaem! Icha ichichipan bara neitacupa xua Taxatha tawucaewa, xua nainya inta peitorobinexa pia matatsunpiwi xua bichocono ayei pin bicheithomonaе xua tana neyawenaewa tsane.

<sup>54</sup> Icha Taxa wucaetsipan xua bapon tana neyawenaewa tsane bapoxonae jopa neyabara jume cui wetsipae po coyene bayatha Nacom Pejume Diwesitha neyabara paeba, po coyene xua tana newaetabiwa tsane xua tana nebexubiwa tsane, jei Jesús.

<sup>55</sup> Nexata Jesús barai pomonaetha pomonae Judas baru patopa, jeye:

—Pacapatame cusin yawa iwabi be poxonae pacana ichim pontha pon jiwí pecaibin. Daxita maticabin Nacom pin pia botha tatsi paca baru poponeibatsi, paca cuidubeibatsino, daichitha bapoxonae jame jopa pana newaetabim.

<sup>56</sup> Ichitha daxita baxuan neyabara canacui jume weta exana, bayatha penecui yabara wunaе tsiwanaya paebixae pomonae Nacom peitorobi jume pepaebiwi, Nacom Pejume Diwesitha, jei Jesús.

Bapoxonae Jesús cuentarucupatsi pijimonaе, meisa Jesús baru umeinchi pomonae Judas bayatha baru patopa.

*Meje yabara poxonae Jesús capoinchi judiomonaе pia pecanamata caitorobi jiwí bicheito tatsi pia peitabaratha tatsi*

*(Mr 14.53-65; Lc 22.54-55, 63-71; Jn 18.12-14, 19-24)*

<sup>57</sup> Pomonae Jesús teicatsi barapomonae Jesús capoinchi pon pewun Caifás itabaratha tatsi. Bapon Caifás, pon sacerdotemonae pia pepa pentacaponaein tatsi pon peainya



cuin yatsicaya. Baxota iru nanacaetuta pomonae judiomonae pecuidubiwichi Moisés pia peitorobi coyene tatsi, iruru pitiri jiwí pomonae judiomonaexae.

<sup>58</sup> Iru Pedro Jesús tsiwiyo tajru pu taetae tsiniyatsi beya poxonae patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae imoxoyo naeca policiamonaetha pecui taenexa xua po coyeneya Jesús cana exanaeinchi pomonae nacaetuta.

<sup>59</sup> Sacerdotemonae pia pentacaponaewi tatsi iru ichamonaeno, pomonae pecanamata caitorobi jiwí bicheito, daxita barapomonae jeita ichamonae pomonae xua Jesús naerabiya peyabara paebinxatsi pocotsiwa xua Jesús paeba xuano xua exana, pia barapo jumetha paebichi xua bara Jesús tupa peexanaewa tsainchi.

<sup>60</sup> Bara bequein pin bicheito pata xua Jesús abeya peyabara paebinxatsi, ichitha cataunxuae barapomonae pomonae pecanamata caitorobi bicheito, came jopa xeinaeyo po jume naemata jume tsita itapeinya xeina pocotsiwa xua Jesús paeba xua barapo jumetha Jesús pebexubinxatsi. Matapainya bapoxonae pebinbe nacueyatabe patopabe. Baponbe Jesús abeya yabara paebatsibe.

<sup>61</sup> Baraponbe jeibe Jesús yabara:

—Bapon namchi: ‘Neitacupa xua Nacom pin pia bo abe taexanaewa. Bapoxonae equeicha acoibi po matabibe barapo Nacom pin pia bo tatsi xanebin’, jei, jeibe baponbe.

<sup>62</sup> Nexata bapoxonae sacerdotemonae pia pepa pentacaponaein tatsi asiya uncuataba yawa bapoxonae Jesús baraichi, jeye:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei sacerdotemonae pia pepa pentacaponaein tatsi.

<sup>63</sup> Daichitha saya Jesús moya uncu. Daxota bapoxonae sacerdotemonae pia pepa pentacaponaein tatsi Jesús baraichi, jeye:

—Caitorobatsi Nacom peitabaratha tatsi, pon asu popona. Yatsicaewa paebiname pocotsiwa bara xainyei nepaebiwa. Incane pana netsipaebare. ¿Bara yatsicaya xam Mesías, pon Nacom Pexantom, pon Nacom necaitorobin? jei.

<sup>64</sup> Jesús jume nota, jeye:

—Aa, xuaunxuae bara paebame. Paca tsipaebatsi xua pana netaename xan ponxaein Nacom Tananeitapetsin Nacom pia pecoxa weya tatsi ecaein pon peayapusu itorobi coyenewa pexeinaein. Matautano pana netaename poxonae equeicha patopeicaein tsaquinaebowantha xua peitaboco wetsica, jei Jesús.

<sup>65</sup> Nexata bapon pon sacerdotemonae pia pepa pentacaponaein tatsi pin anaetha anaya paparuwa nata tsitsinaxuba. Bapoxonae jeye:

—Po jumetha xua bapon paeba barapo jume Nacom tsita abetsi. Nama equeicha jopa wanantawenonaewa ichamonae xua wanaca tsipaebiwa tsane xua bapon peyabara paebiwatsi. Bapon natsiaenae exana abe pepaebixae barapo jume poxonae Nacom Pexanto najainta. Paxam bara pajume taneme pocotsiwa bapon paeba, pocotsiwa Nacom jopa ichipaeyo.

<sup>66</sup> ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo bicheito po bicheito baxota ena, jeye:

—Bara xainyeya paebame. Jesús abe pia pepaebixae Nacom tsitatsi xua bapon tsita natsicuentatsi. Daxota bapon bewa tupaena, jei barapo pecanamata caitorobi jiwí bicheito.

<sup>67</sup> Poxonae barapomonae Jesús itacuere cutatsi, bapoxonae peonetha Jesús itabara subabatsi, yawano butsin. Ichamonae Jesús itabara tsaquibacotatsi.

<sup>68</sup> Bapoxonae barapomonae Jesús baraichi:

—Xam jam: ‘Xan Mesías’, jam, incane pana netsipaebare: ¿Jintam caitabara tsaquibobara xua bequein paca itacuere cutatsi? jei barapomonae.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús*

*(Mr 14.66-72; Lc 22.56-62; Jn 18.15-18, 25-27)*

<sup>69</sup> Poxonae cataunxuae Jesús cana exanompatsi bapoxonae iruru Pedro panatha eca xua pesato beya. Bapoxonae iruru yabuyo, powa sacerdotemonae pia pepa pentacaponaein tatsi tanacuitatsi, bapowa Pedro imoxoyo caquita poinchi. Bapowa Pedro jeichichi:

—Apara xam bayatha iruru napuna poneibame Jesús, pon Galilea nacuapin, jei yabuyo.

<sup>70</sup> Ichitha Pedro jume matawenta bapowa, daxita jiwi peitutha tatsi. Pedro jeye:

—Jopa yaputaeinyo pocotsiwa xua yabara paebame, jei Pedro.

<sup>71</sup> Poxonae cataunxuae Pedro ecapona xua pia ponaetsi bomuxu coiboto beya, bapoxonae iru ichawayo Pedro tainchi. Barapowa tsipaeba ichamonae pomonae baxota iru umena, Pedro yabara paebatsi, jeye:

—Apara bapon, pon napuna poponeiba Jesús pon Nazaret tomarapin, jei barapowayo.

<sup>72</sup> Equeicha Pedro jume matawenta, jeye:

—Bara xainyan jan. Jopa dapon yaitaeinyo pon aunxuae payabara paebame, jei Pedro.

<sup>73</sup> Equeicha bapoxonae pirapaeyo Pedro imoxoyo caquita poinchi pomonae baxota umena. Barapomonae Pedro jeichichi:

—Apara bara xam iruru bapon pijimonae tatsi jiwana, daxota barapo jume coyeneya paebame, icha barapomonae ichi, jei.

<sup>74</sup> Nexata Pedro daunweya jeye:

—Bara Nacom peitabaratha xainyeya paca tsipaebatsi pocotsiwa bara xaniwaicha tapaebiwa. Icha jopa xainyeya paca tsipaebichipaetsi metha barabu Nacom abe necana exanaetsipa. Equeicha paca tsipaebatsi, jopa dapon yaitaeinyo xuaunxuae pon payabara paebame, jei Pedro.

Bapoxonae iruru caena nainya wacara pebto fibaru.

<sup>75</sup> Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe, pewunaeya poxonae wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeinyo, neyabara jam tsane. Bapoxonae iru nainya wacara pebto fibina’, jeichichi Pedro, xua Jesús paeba. Nexata Pedro pesato bejoniya bichocono wecoyei, peajuntutanexae xua Jesús yabara paebatsi.

## 27

*Meje yabara poxonae Jesús capoinchi Pilato beya*

*(Mr 15.1; Lc 23.1-2; Jn 18.28-32)*

<sup>1</sup> Poxonae pentha tsina sacerdotemonae pia pentacaponaein tatsi iruru judiomonae pia pitiri jiwi tatsi, daxita barapomonae yabara nacaetuta xua nanta jupaeya peburaya penanta xeinaenexa po coyeneya xua Jesús pebexubiwa tsainchi.

<sup>2</sup> Daxita barapomonae equeicha Jesús maxu cutatsi. Bapoxonae Jesús yamaxu cutsiya capoinchi Pilato beya, pon Judea nacuapiwi peyanacua ewatsinchi xua romanomonae peitorobixae.

*Meje yabara poxonae Judas pia coutha nabexuba*

<sup>3</sup> Judas Jesús caenaetaxubatsi ichamonaetha. Poxonae bapon jume tane xua ichamonae Jesús yabara paebatsi xua bewa tupaena abe peexanaexae, poxonae bequein jopa abe exanaeyo, bapoxonae Judas bichocono aura xua Jesús pecaenaetaxubixae.

Daxota Judas equeicha caewa capona barapo treinta po paratiximonaebe. Sacerdote-monaē pia pentacaponae wi catatsi ir<sub>u</sub> pitiri jiwi catatsi.

<sup>4</sup> Judas barai barapomonaē, jeye:

—Poxonaē pebin caenaetaxuban, xua jopa pon abe exanaeyo, xua poxonaē icha-monaē pebexubinexa xua pejana pichapabarena, xan apara bara abe exanan, jei.

Ichitha barapomonaē Judas jume notatsi, jeye:

—Apara baxua jopa pinta ainya cuiyiyo. Jame apara xam jinya coyam poxonaē baxua cana exaname, jei.

<sup>5</sup> Nexata Judas barapo treinta po paratiximonaebe anaya xoya Nacom pin pia botha. Poxonaē Nacom pin pia bo weya pona, bapoxonaē Judas nabexuba pia coutha, nacoibo tath<sub>u</sub> catutaba athawetsica.

<sup>6</sup> Bapoxonaē sacerdotemonaē pia pentacaponae wi tatsi nota po paratixi Judas be-baya. Bapoxonaē barapomonaē najei:

—Jopa naca copatsiyo xua barapo paratixi bara wajebinexa Nacom pin pia botha tatsi nexa. Tsipei apara barapo paratixi taxoba poxonaē barapo paratixitha comotatsi pebin xua ichamonaē pebexubinexa, xua pejana pichapabarenaenexa, jei barapomonaē.

<sup>7</sup> Bapoxonaē daxita barapomonaē pebur<sub>u</sub>ya nanta xeinar<sub>u</sub>c<sub>u</sub>pa, najei: “Waxainchi barapo paratixitha comotinchi tsica iriyo, po iriyotha jiton tsorobon noteiba xua juruwaton peexaneibinexa. Barapo iriyotha tsane xua pemath<sub>u</sub>th<sub>u</sub>queibinexa tsainchi poxonaē werapeibina pomonaē penanapaincha jinompaewi xua icha nacia werena peponaewi”, najei.

<sup>8</sup> Daxota barapo iriyo barapomonaē w<sub>u</sub>n duta po w<sub>u</sub>n jeye: “Pejana ira”, jei. Po iriyo barapo w<sub>u</sub>ntha cataunxuae jiwi w<sub>u</sub>n ununutapona beya anoxuae.

<sup>9-10</sup> Baraxua barapomonaē exana xua bayatha pecui yabara tsiwunaeya w<sub>u</sub>naē tsimuxu dutsiya jeixae pon Nacom peitorobi jume pepaebin, pon pew<sub>u</sub>n Jeremías pon caena bayatha t<sub>u</sub>pa. Bapon Jeremías jeye: “Israelmonaē pia pentacaponae wi tatsi catsina treinta po paratiximonaebe ich<sub>u</sub>ntha xua poxonaē pecaenaetsixae tsainchi pon peju<sub>u</sub>nt<sub>u</sub> coyene xeicaein. Barapo matomatha cana matomatsinchi pon peju<sub>u</sub>nt<sub>u</sub> coyene xeicaein. Barapomonaē baxua cana exanaena bapontha tsipei barapomonaē pebur<sub>u</sub>ya nanta xeinar<sub>u</sub>c<sub>u</sub>pa pecana matomatsinexa. Bapoxonaē equeicha barapomonaē caewa pichina barapo treinta po paratiximonaebe. Barapo paratixitha barapomonaē iriyo comotsina, po iriyotha jiton tsorobon noteibina xua exaneibina juruwaton. Baxua bara barapomonaē exana be pocotsi coyeneya Nacom pon jiwi Pecanamataxeinaein nejume cui itoroba”, jei Jeremías.

*Meje yabara poxonaē Jesús uncia Pilato peitabaratha tatsi  
(Mr 15.2-5; Lc 23.3-5; Jn 18.33-38)*

<sup>11</sup> Jesús cataunxuae uncia Pilato peitabaratha, pon Judea nacuapiwi peyanacua ewatsinchi. Bapon Pilato Jesús yainyabatsi, jeye:

—¿Bara yatsicaya xam judiomonaē itorobiya pia pepa Neewatsin? jei.

Jesús jume nota, jeye:

—A, xuaunxuae paebame bara baxua apara, jei Jesús Pilato beya.

<sup>12</sup> Sacerdotemonaē pia pentacaponae wi tatsi ir<sub>u</sub> judiomonaē pia pitiri jiwi tatsi, daxita barapomonaē Jesús abe yabara paebatsi xua pinae abe exana. Daichitha Jesús jopa jume barabotsiyo barapomonaē.

<sup>13</sup> Nexata daxota Pilato Jesús baraichi, jeye:

—¿Jopa jume taem pocotsiwa barapomonaē bichocono abe cayabara paeba? jei.

<sup>14</sup> Ichitha Jesús jopa jume notsiyo Pilato xua pocotsiwa ichamonaē Jesús abe peyabara paebiwatsi xua mata<sub>u</sub>ta cae jume coyenewatha jopa jume notsiyo. Daxota Pilato bichocono yabara nant<sub>u</sub> coyene cui cabenaeca baxua.

*Meje yabara poxonae Pilato jume barꝥ jejei xua Jesús bara pebexubiwa tsainchi ichamona*

(Mr 15.6-20; Lc 23.13-25; Jn 18.38-19.16)

<sup>15</sup> Bara nama, Pilato ba pia cui xeina poxonae ba jiwi tsinacaetuta pexaewa penanabanaenexa. Barapo matabitha Pilato ba caein jiwana pu sotaba pomona jiwi pecubi botha peanaewi. Pilato ba pu sotaba pon ba jiwi itapeta cowai xua Pilato peisanaxubinexa.

<sup>16</sup> Barapo jiwi pecubi botha irꝥ eca pon bichocono abe peexanaein, pon peyaputaeinchi daxita jiwi poxonae abe exaneiba. Bapon pewan Barrabás.

<sup>17</sup> Poxonae jiwi nacaetuta, Pilato barai barapo jiwi, jeye:

—¿Eta pon pu sotabocuaein? ¿Metha Barrabás jampa? ¿Metha Jesús jampa, pon Mesías baraichi? jei Pilato.

<sup>18</sup> Baxua Pilato paeba tsipei bapon yaputane xua pomona pecanamata caitorobi bicheito, Jesús peuwixaetsi, caenaetaxubatsi Pilatotha.

<sup>19</sup> Poxonae Pilato cataunxuae pia peecaethopeibiwatha eca xua Jesús peyabara paebinexatsi penatsicuentsiwa bapoxonae Pilato piowa tatsi najume caitoroba ichantha xua jeye: “Jopa copatsinde xua bapon pebexubinexatsi ichamona, tsipei apara bapon pejantꝥ coyene xeicaein. Yaitama tsipei merawi bapon camaitan daxota bichocono anthuthꝥrewein, tsipei bapon dacotsiwa bexotsi”, jei bapon xua Pilato piowa tatsi najume caitoroba.

<sup>20</sup> Ichitha sacerdotemona pia pentacaponae tatsi, irꝥ judiomona pia pitiri jiwi tatsi, daxita barapomona jiwi cui tsacarabatsi, xua barapo jiwi Pilato pecui itorobinexatsi xua Barrabás pepu sotabinexatsi, matautano xua Jesús pebexubinexatsino.

<sup>21</sup> Bapon Pilato equeicha barai jiwi, jeye:

—¿Eta pon pu sotabocuaein caein xua baponbe jiwana? jei. Barapomona Pilatotha jeye:

—Maisa Barrabás pu sotabare bara, jei barapomona.

<sup>22</sup> Equeicha Pilato yainyaba barapomona, jeye:

—¿Eta xua cana exanocuaein Jesús pon Mesías baraichi? jei.

Nexata pinmona Pilato jume daunweya jume notatsi, jeye:

—¡Bewa maisa naetotha tꝥparucua exanaem! jei barapomona.

<sup>23</sup> Nexata Pilato jume barai, jeye:

—¿Eta pocotsiwa xua metha jane xua abe exana? jei.

Equeicha daꝥmetha barapomona jume daunweya jeye:

—¡Bewa maisa naetotha tꝥparucua exanaem! jei.

<sup>24</sup> Poxonae Pilato yaputane xua nama taaibichiba pocotsiwa bapon pepaebinexa picoya, xua peajumetsacaxae barapomona, daxota Pilato itoroba ichan xua petaxawenaenexa tsainchi mera. Bapoxonae barapo meratha nacobe quiataxuba barapo jiwi peitutha tatsi. Bapoxonae bapon namchi, jeye:

—Xan apara jopa tacoutha bexuba exanaeinyo bapon xua daxota pejana pichapabarena pon jopa bequein abe exanaeyo. Poxonae nacobe quiataxuban meratha, baxua tsita itapeinya xeinan xua apara jopa tacouthinyo. Apra jame painya coutha pam poxonae bexuba paexaname pon abe jopa exanaeyo, jei Pilato.

<sup>25</sup> Daxita barapomona equeicha namchi, jeye:

—¡Paxan irꝥ pata tamomoxi susato jiwi pata coutha pan apara xua bapon bexotsi paexanan! jei daxita barapo jiwi.

<sup>26</sup> Nexata Pilato nama pu sotaba Barrabás. Bapoxonae itoroba xua soldadomona bara Jesús moya bichocono pecuainchinexatsi pocotsiwatha eewa xua bichocono amꝥpiya xua xota ba jiwi cuainteibatsi poxonae abe exaneiba. Matautano itorobano xua moya bara Jesús tꝥparucua exanaeinchi naetotha.

<sup>27</sup> Bapoxonae soldadomonae Jesús capoinchi Pilato pia bo tatsi beya po soldadomonae yapu eena Pilato pia bo tatsi. Bapoxonae barapo soldadomonae waba icha soldadomonae xua daxita barapo soldadomonae Jesús pematawacaicha umenaenexa tsainchi.

<sup>28</sup> Bapoxonae Jesús pia paparuwa juma xuenatsi yawa juma xatatatsi icha paparuwa, po paparuwa tsobia xua Jesús be pecana exanaenexatsi pon jiwi itorobiya pepa Peewatsinchi.

<sup>29</sup> Bapoxonae cuane tepa xua pee tepa, yawa bapoxonae Jesús canamitontsiya mata xatatatsi baxua xua cana exanatsi icha be ichi pon jiwi itorobiya pepa peewatsin poxonae mata xatatatsi tepa. Matautano Jesús cobenatsi naewa icha be ichi pon jiwi itorobiya pepa peewatsinchi poxonae naewa cobenatsi poxonae itoroba jiwi. Bapoxonae Jesús peitabaratha tatsi pentabocototha taenatsi xua Jesús naerabiya pebara cui itura jinaenexa tsainchi. Bapoxonae Jesús cui caponatsi, jeye:

—jaco judiomonae itorobiya pepa Neewatsim! jei barapomonae xua Jesús canamitontatsi.

<sup>30</sup> Matautano Jesús yabara naone subabatsi. Matautano Jesús cobe wepitatsi naewa. Bapoxonae barapo naewatha Jesús mata cuaintatsi.

<sup>31</sup> Poxonae Jesús canacui wetatsi xua cui caponatsi, equeicha bapoxonae Jesús caewa juma wejontatsi xua po paparuwa tsobia. Bapoxonae equeicha caewa juma xatatatsi po paparuwa pia paparuwaxae tatsi. Bapoxonae Jesús capoinchi xua tɔparucua peexanaenexatsi naetotha.

*Meje yabara poxonae Jesús tɔparucua exanatsi naetotha  
(Mr 15.21-32; Lc 23.26-43; Jn 19.17-27)*

<sup>32</sup> Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin. Bapon pewɔn Simón. Bapoxonae barapo soldadomonae Simón itorobatsi xua pecaponaenexa Jesús pia naeto tatsi, po naetotha tɔparucua peexanaenexatsi Jesús.

<sup>33</sup> Bapoxonae Jesús bara patatsi ichaxota po uruto be jiton matasipa piwa. Daxota barapo uruto jiwi wɔn unuta “Gólgota”, jei.

<sup>34</sup> Baraxotiya Jesús apatatsi vino mera, po vino mera equeicha muxuna epareca hiel mera matawɔn po mera bichocono atsu wɔwa. Poxonae Jesús mene pana, bapoxonae Jesús aichaxaibi apa barapo mera.

<sup>35</sup> Poxonae Jesús canacobe wetatsi xua naetotha tɔparucua exanatsi, bapoxonae soldadomonae nata tsaba Jesús pia paparuwan tatsi. Barapomonae ibotixi bebeya penacueranta notsinexa Jesús pia paparuwan tatsi. Pon beta xoya ibotiyo bapon copiya pita Jesús pia paparuwan tatsi.

<sup>36</sup> Nexata barapo soldadomonae Jesús yapu caenatsi poxoru jopa ichipaeyo xua Jesús pepanepaewa tsane.

<sup>37</sup> Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonae itorobiya pia pepa Peewatsinchi”, jei barapo petinadutsiwa xua napaewatha tinaduta.

<sup>38</sup> Irɔrɔ ponbe jiwi pecaibinbe tɔparucua exanatsibe naetotha ichaxota imoxoyo Jesús ducua. Ichɔn Jesús petsocona wetauncuiyatsi, ichɔn pecoxa wetauncuarenatsi.

<sup>39</sup> Pomonae Jesús xentapoinchi barapomonae Jesús cui capoinchi, yawa Jesús yabara itata naichaquebatsi.

<sup>40</sup> Barapomonae Jesús jeichichi:

—Xam bayatha jam: ‘Nacom pin pia bo abe exanaein, bapoxonae equeicha acoibi po matabibe xaneibin’, jam. Moya bara jinya coutha nacapanepare naeto wetsica icha bara metha Nacom Pexantom tatsim, jei barapomonae.



<sup>41</sup> Iruru barichi sacerdotemonae pia pentacaponae wi tatsi iruru pomonae jiwi pecuidubiwi Moisés pia peitorobi coyene tatsi iruru judiomonae pia pitiri jiwi tatsi, daxita barapomonae Jesús cui capanatsi. Daxita barapomonae najei:

<sup>42</sup> —Bapon cain capanepeibabei ichamonae, came jopa nacapanepaeyo. Icha bara bapon israelmonae itorobiya pia pepa Peewatsinchi, bu bapon pia coutha naeto wetsica ecoinca, xainya bapoxonae jume cowantatsi.

<sup>43</sup> Bapon jume cowanta Nacom, xua bepa pinae capanepaeinchi, xua Nacom capanepaena. Icha Nacom ichichipa, bu bara moya capanepaena, tsipei caena bayatha naca jei: ‘Apara xan Nacom Pexanton’, naca jei, jei barapomonae.

<sup>44</sup> Barichiru baxua paeba ponbe jiwi pecaibinbe, ponbe xua iruru cobe matatabarutatsibe naetha. Baponbe iruru Jesús cui caponatsi.

*Meje yabara poxonae Jesús tupa  
(Mr 15.33-41; Lc 23.44-49; Jn 19.28-30)*

<sup>45</sup> Poxonae Jesús cataunxuae ducua naetha, bapoxonae daxita nacuantha bichocono aitaquiri xua poxonae mataeinyaxae weya, beya yatabopiya. Tres po horabe quirei tsuncuae.

<sup>46</sup> Bapoxonae Jesús jume daunweya wawai, jeye: “Elí, Elí, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

<sup>47</sup> Ichamonae pomonae Jesús baxota jume taeumeinchi, barapomonae jeye:

—Pajume taema. Bapon waba, Elías wabatsi, pon Elías Nacom peitorobi jume pepaein, pon caena bayatha tupa, jei.

<sup>48</sup> Bapoxonae caein nainya cuinaepoinya pon barapomonae jiwana yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, bapoxonae naewatha duta xua Jesús petayoichaenexatsi xua peapaenexa.

<sup>49</sup> Ichitha ichamonae namchi, jeye.

—Abu, abu jopa apatsinde. Waxainchi abu matha taeinchi icha Elías patopeicaena xua bapon pecapanepaenexatsi, jei barapomonae.

<sup>50</sup> Equeicha Jesús jume daunweya wawai, bapoxonae nama tupanaicha Jesús.

<sup>51</sup> Bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica ainya epatobe naexanabe. Matautano ira jijiyataxuba, matauta ibo wacapouna.

<sup>52</sup> Po muthantha pomonae pewerapeibiwi bobena, barapo muthan coibo tupa wacapouna pocotsiwa coibo xatababanoba xua pin ibo panawan. Barapo muthantha cataunxuae abu saya bobena pomonae caena bayatha werapa. Pirapaeyo acoibi po matabiyobe poxonae Jesús asu juina exanatsi, xua Nacom exana, bapoxonae iruru pomonae bayatha pejume cowantsiwichi Nacom pomonae xua bayatha pewerapaexae barapomonae iru asu jujuina exanatsi xua Nacom exana.

<sup>53</sup> Bapoxonae daxita barapomonae muthan we-iyiya. Daxita barapomonae, Jerusalén tomara beya pona po tomaratha xeina Nacom pin pia bo tatsi. Barapomonae naituta pinmonaetha Jerusalén tomarapiwitha.

<sup>54</sup> Bapoxonae soldadomonae pomonae Jesús yapu enatsi iruru barapo soldadomonae pia pentacaponaein tatsi, pon romanomonaepin poxonae daxita barapomonae tane xua ira jijiyata yawa xua tane ichawanno, bapoxonae barapomonae bichocono junuwa. Bapoxonae barapomonae jeye:

—¡Apara bara yatsicaya bapon Nacom pepa Pexanto tatsi! jei barapo soldadomonae.

<sup>55</sup> Barichi iru ainyawaxi yabuxi, barapowaxi Jesús tsiwiyo tajū wetaeumeinyatsi. Barapowaxi Jesús bayatha matha puna jinompatsi xua poxonae Galilea nacua weya pona xua Jesús peyawenaenexatsi.

<sup>56</sup> Barapowaxi jiwana, ichowayo pewun María Magdalena, powa Magdala tomarapiwayo. Ichowayo pewun María, Santiago iru José baponbe penabe tatsi. Ichowayo pewun Salomé bapowa Zebedeo piowa tatsi, xua iru bapowa Santiago iru Juan baponbe pena tatsibe.

*Meje yabara poxonae Jesús petupaein ibo muthutha yauxatatabotatsi  
(Mr 15.42-47; Lc 23.50-56; Jn 19.38-42)*

<sup>57</sup> Poxonae quirei tsanaicha, pebin patopa ichaxota Jesús naetotha tparucua. Bapon copei pexeinaein. Bapon pewun José. Bapon Arimatea tomarapin. Matauta bapon iru Jesús pia pepuna jinompaewichi jiwana pin tatsi pomonae Jesús pia pejume cowantsiwichixaetsi.

<sup>58</sup> Bapon pona Pilato beya pewucaenexa xua Jesús petupaein. Nexata Pilato najume caruta xua bara José pecatsinexatsi Jesús petupaein.

<sup>59</sup> José nexata pita Jesús petupaein. Bapoxonae pena paparuwatha mata quiyontabareca xua pexeinya paparuwa.

<sup>60</sup> Bapoxonae José muthu iya Jesús botatsi pena ibo muthutha, po muthu bequein José pia muthu tatsi xua poxonae petupaewa tsane. Poxonae José nacobe weta xua yauxatatabotata pin ibo panawatha, bapoxonae ponataba.

<sup>61</sup> Baxotiya ibo muthu itapatha eca María Magdalena, powa Magdala tomarapiwayo. Iru ichowayoru María baxota naeca.

*Meje yabara poxonae Pilato itoroba soldadomona xua Jesús peyamuthu eenaenexa tsainchi*

<sup>62</sup> Icha matabitha po matabitha pentaquei seica matabi bapoxonae sacerdote monae pia pentacaponae tatsi iruru fariseomonae daxita barapomonae pona Pilato beya.

<sup>63</sup> Barapomonae Pilato jeichichi:

—Pon pata Tanecanamataxeinaem, pananta xeinan xua barapo pemuxitorobin poxonae cataunxuae popona, pana tsipaeba, jeye: ‘Poxonae acoibi po matabibibe tsuxubi tsane equeicha asun tsane petupae coyene cuiru weya’, pana jei bapon.

<sup>64</sup> Daxota xam itorobare soldadomona xua xaniwaicha peyapu eenaenexa muthu xua beya poxonae acoibi po matabibibe tsuxubi tsane. Baxua exande xua jopa pepatsinexa tsane muthu beya Jesús pia pepuna jinompaewichi, tsipei bu merawi barapomonae pichapa Jesús pia pepon. Tsipei pirapae naerabichipa jiwitha jei tsipae: ‘Bayatha equeicha asu exanatsi petupae cuiru coyene weya’, jei tsipae xua Jesús yabara naerabatsi. Barapomonae baxua naerabichipa jiwitha, baxua bichocono abe tsipae, beyacaincha poxonae Jesús bayatha pocotsiwa paeba xua pemuxitorobiwa, jei barapomonae.

<sup>65</sup> Pilato barai barapomonae, jeye:

—Bara moya pataema. Moya panore soldadomona. Moya muthu beya pabaru ponde. Paexande pocotsiwa panantawenoname xua bu moya barapo soldadomona xaniwaicha yapu eenaena, jei Pilato.

<sup>66</sup> Nexata barapomonae iru soldadomona bara be-iyiya. Bapoxonae muthu coibo daunwei exananota. Bichocono barapomonae cateitabanota xua pin ibo panawa xua muthu boupa ata. Matautano bichocono barapomonae pemacatha epatautarena boupa catabarena barapo peboupa patsiwa, xua peyaputaenexa icha ichun namicha patopa xua pecaibinexa Jesús petupaein. Bapoxonae barapomonae cuentadendena soldadomona xua barapo soldadomona peyapu eenaenexa muthu.

## 28

*Meje yabara poxonae Jesús equeicha asu juina exanatsi petupae cuiru coyene weya  
(Mr 16.1-8; Lc 24.1-12; Jn 20.1-10)*

<sup>1</sup> Poxonae po pentaquei seicae matakabi yapu caewaba, bapoxonae matakabi jopa po matakabi xua nanta carucua xua cae semanatha xua penacuichi matakabi. Barapo mataqueitha María Magdalena, powa Magdala tomarapiwayo iru ichawayo María, barapowayobe caemumbotha siwa ponabe muthu ichaxota Jesús yamuthu uncua.

<sup>2</sup> Bapoxonae nainya ira jijiyataxuba tsipei Nacom itoroba matatsunpin xua peitaboco wetsica pona. Barapo matatsunpin yaupataxubanota barapo pin ibo panawa. Bapoxonae barapo ibo panawatha ecopiya.

<sup>3</sup> Barapo matatsunpin bichocono daedaena icha be yamuxu coicha ichi. Paparua bichocono inyapana.

<sup>4</sup> Poxonae soldadomona baxua taeruxu bichocono cuitaya jijiyei tsuruxu, mexeya poxi werapa iratha bobena, tsipei bichocono junuwa.

<sup>5</sup> Barapo matatsunpin namchi barapowayobetha, jeye:

—Jopa pajunuwindebe. Bara yaputan xua pawenawenambe Jesús xua painya taetsibe, pon tupa exanadutatsi naetotha jiwi.

<sup>6</sup> Xote apara bapon aibi. Apara bayatha equeicha asu juina exanatsi petupae cuiru coyene weya, xua caena bayatha painya nepaca catsipaebixae. Incane anetha xote, pacou taemabe ichaxota bapon petupaein botatsi bayatha.

<sup>7</sup> Nainya papondebe weye, patsipaebarebe Jesús pijimonae tatsi. Pajandeb: ‘Bara bequein bapon bayatha tupa ichitha equeicha asu juina exanatsi petupae cuiru coyene weya. Bapon copiya paca tsiwana ponaena Galilea nacua beya. Baxotiya bapon pataename, pana nejei matatsunpin’, pajandeb Jesús pijimonaetha. Poxonae bapon pataename, bapoxonae payaputaename xuaunxuae paca tsipaebatsi bara apara xaniyei, jei matatsunpin.

<sup>8</sup> Bapoxonae barapo yabuyobe muthu weya nainya pontababe. Junuwiya juntu coyene weiweinabe. Barapowayobe cuinaepoinyabe Jesús pijimonae tatsi beya xua diwesi caponabe pocotsiwa matatsunpin paeba.

<sup>9</sup> Poxonae barapowayobe epathotha cataunxuae cuinaecaponabe bapoxonae Jesús jemeicha uncuataba barapowayobe pia xantha tatsi. Jesús jeye barapowayobetha: “Jaco”, jei Jesús. Barapowayobe imoxoyo caquita ponabe Jesthath bapoxonae pentabocotha uncuabe yawa taxu waetababe xua Jesús wuna pejainchinexatsi.

<sup>10</sup> Jesús barai barapowayobe, jeye:

—Jopa pana necunuwindebe. Paponarebe tajiwimonae beya. Patsipaebarebe pajandeb: Jesús paca itoroba bepa pinae paponam Galilea nacua beya. Bepa pinae baxotiya pataem, pajandeb, jei Jesús.

*Mejeyabara poxonae soldadomona naerabiya paeba, jeye: “Jesús pijimonae petupaein pitatsi”, jei*

<sup>11</sup> Poxonae barapo yabuyobe cataunxuae namtotha ecaponabe, bapoxonae icha soldadomona jiwana, po soldadomona Jesús yamuthu eenatsi, barapo soldadomona tomara beya pona. Matauta sacerdotemona pia pentacaponae tatsi tsipaebatsi daxita pocotsiwa xua xuan tane.

<sup>12</sup> Barapo sacerdotemona pia pentacaponae tatsi pona pitiri jiwi beya xua caemona peyabara natsipaebinexa xua Jesús petupaein yabara. Bapoxonae daxita barapomona soldadomona paratixi nawita catsibatsi xua jiwi naerabiya petsipaebinexatsi.

<sup>13</sup> Bapoxonae barapomona soldadomona baraichi, jeye:

—Patsipaebare jiwi xua merawi poxonae pamaitumename Jesús pijimonae tatsi pata, yawa xua bapoxonae petupaein pitatsi.

<sup>14</sup> Icha Pilato pon peyanacua ewatsin jiwi jume taebina xua Jesús petupaein aichurucuae, yawa icha bapon baxua yabara paca yainyabina, bapoxonae nexata paca yabara jume yawenaechi xua bapon jopa paca jutebi tsane, jei barapomona.

<sup>15</sup> Nexata barapo soldadomonaē nota paratixi yawa jiwi tsipaeba tsiniyatsi xua sacerdotemonaē pia pentacaponae wi tatsi peitorobixae. Barapo penaerabi diwesi jume, judiomonaē jume cocowantapona. Anoxuae barichi po judiomonaē anoxuae jinompa, jume cocowantapona barapo diwesi.

*Meje yabara poxonaē Jesús cui itoroba pijimonaē xua pia diwesi tatsi daxita nacuantha petapaebiwa tsainchi*

*(Mr 16.14-18; Lc 24.36-49; Jn 20.19-23)*

<sup>16</sup> Nexata once poyobe pomonaē xua Jesús pijimonaē tatsi barapomonaē nawibiya Galilea nacua beya. Bapoxonaē barapomonaē demxuwa beya pona, po demxuwa pinaē Jesús caunuta xua pinaē baxota patopaena.

<sup>17</sup> Poxonaē barapo once poyobe baxota Jesús taerucupatsi, ichamonaē Jesús wunaē jaintatsi, bequein ichamonaē ainya juntu coyenein xeina xua Jesús xapain beta jopa yabara jume cowantichi.

<sup>18</sup> Nexata Jesús pijimonaē imoxoyo caquita pona. Bapoxonaē jeye:

—Nacom necata daxita peayapusu itorobi coyene xua peitabocotha nexa, matautano po cae pin nacuathe tsiquenexano.

<sup>19</sup> Paponare daxita carepaya jiwitha xua daxita nacuantha. Jiwi pacana exande xua tana nejume cowantsiwa tsane. Daxita pomonaē tana nejume cowantsiwi pabautisabare. Poxonaē pabautisabame Taxa pewun pawun taibare, matautano pana newun taibare, ponxaein Nacom Pexanton, matautano Nacom pia Pejumope tnanaxu tatsi pawun taibare xua barapo acoibi wunthabe painya paca nepaca yawenaenexa pia peayapusu itorobi coyenewatha.

<sup>20</sup> Daxita barapomonaē pacuidubare daxita xua xuan pocotsiwa bayatha paca itorobatsi. Matautano painya xoba pajuntemainame xua daxita matakabin bara ataya paca baru poponeibinchi beya poxonaē tsane xua equeicha patopeicaein, jei Jesús pijimonaetha.

Baja Mateo.

## Jesucristo Pia Pexeinya Diwesi Jume Tatsi Marcos Petinae Diwesi

*Meje yabara poxonae Juan pon Pebautisabin jiwi cuiduba ira xuepana susato tsurucuae nacuatha*

*(Mt 3.1-12; Lc 3.1-9, 15-17; Jn 1.19-28)*

<sup>1</sup> Baraxue tamropata pitaban xua Jesucristo pia pexeinya jume diwesi tatsi. Bapon Jesucristo, Nacom Pexanto tatsi.

<sup>2</sup> Bayatha Nacom pia peitorobi jume pepaebin, pon pewan Isaiás, bapon tina petinae diwesitha. Isaiás tina Nacom nexa, Nacom barapo diwesitha jeye Pexantotha: “Itorobin copiya pon tana najume caitorobin xua catsiwanaya itorobinchi.

Bapon cana exanaena jiwitha xua jiwi yabara aura tsane abe pia peexanae cuiru coyenein tatsi, xua poxonae nepatopae wanaeya tsane.

<sup>3</sup> Pon itorobin bapon jume tan pon xua wawai ira xuepana susato tsurucuae nacuatha.

Bapon wawaya jeye: ‘Patsinajuntã cui coyene wanaere, pon jiwi pia pepa Pecanamataxeinaeinchi nexa pia pepatopae wanaeya tsane’, jei pon xua wawai”, jei Isaiás petinae diwesitha.

<sup>4</sup> Nexata Juan pon Isaiás peyabara paebixae bapon ira xuepana susato tsurucuae nacuatha patopa. Bapon Juan bautisaba ducuaenaebiya, xua jiwi bautisabatsi merantha. Matautano bapon tsipaeba jiwitha Nacom pia pexeinya jume diwesi tatsi. Bapon Juan jeye jiwitha: “Icha juntã coyene paxeinare painya neauraxae xua abe paexaname. Bapoxonae Nacom paca yabara jantemainaena abe painya neexanae cuiru coyenein”, jei Juan.

<sup>5</sup> Daxita Judea nacuamonae, iruru Jerusalén tomarapiwi, daxita barapomonae pona ichaxota beya Juan bautisaba jiwi ira xuepana susato tsurucuae nacuatha. Poxonae barapomonae nayopita Nacomtha xua bepa pinae Nacom tsita auratsi xua abe peexanaexae bapoxonae barapomonae Juan bautisaba Jordán mentha.

<sup>6</sup> Juan jumaina duwein nabocoto, po duwein pewan camello. Coreinya bocoto maraina. Xane pocotsiwa yapupuna pocotsiwan be sure poxi. Matautano bana daeba.

<sup>7</sup> Barapon pomonaetha pebautisabixae tsipaeba, jeye: “Pon nepuna patopaena, apara bapon Mesías. Bapon bichocono peayapusã itorobi coyenewa xeina beyacaincha xan. Bapon pon jiwi pia Pecanamataxeinaeinchi. Xan bichocono tapawin daxota bapon bichocono tsita pin ura xeinan xua tataxu mã isanaxubiwa tsane pia penataxu xatatsiwa tatsi. Tsipei xan bichocono tapawin, beyacaincha pomonae amanaya petanacuichiwi pia pentacaponae wewi poxonae barã cui itura jina pia pentacaponae wewichi.

<sup>8</sup> Paca bautisabatsi meratha, ichitha nama barapon Mesías paca bautisabina Nacom pia Pejumope tãanaxãtha tatsi poxonae Nacom paca najumope catsibina”, jei Juan jiwitha xua Jesús yabara.

*Meje yabara poxonae Jesús bautisabatsi*

*(Mt 3.13-17; Lc 3.21-22)*

<sup>9</sup> Barapo dapaetha Jesús Nazaret tomara weya pona, po tomara eca Galilea nacuatha. Bapon Jordán mentha patopa, ichaxota Juan bautisaba. Baraxota Jesús bautisabatsi.



<sup>10</sup> Poxonae mene wejuina barapoxonae caena nainya Jesús itaboco necoicha xua peitaboco nayausanaxuba. Jesús tane xua Nacom pia Pejumope t̃nax̃ tatsi patopa bapontha xua be topiboto yaruneica.

<sup>11</sup> Barapoxonae Jesús jume tane pocotsiwa peitaboco wetsipaebicatsi, jeichichi: “Xam apara Taxantom, pom bichocono caantobetsi, pom caitapetatsi. Nej̃nt̃ coyene weiweina exaname”, jei Nacom.

*Meje yabara poxonae Jesús j̃nt̃ coyene j̃nt̃ tatsi caurimonae pia pentacaponaein tatsi xua Jesús abe coyeneya petaexanaenexa tsane*

*(Mt 4.1-11; Lc 4.1-13)*

<sup>12</sup> Poxonae Jesús nanacui wetatsi xua bautisabatsi bapoxonae Nacom pia Pejumope t̃nax̃ tatsi Jesús nainya itorobatsi ira xuepana susato tsurucuae nacua beya.

<sup>13</sup> Jesús ira xuepana susato tsurucuae nacuatha popona cuarenta po matacabibe. Baraxota pichiwan xua camatsawan jinompa ichaxota Jesús popona pocotsiwan bichocono atsaca. Caurimonae pia pentacaponaein tatsi pon Satanás Jesús piraichi j̃nt̃ coyene j̃nt̃ tatsi xua Jesús abe coyeneya petaexanaenexa tsane. Pirapae matatsunpiwimonae po matatsunpiwimonae Nacom itoroba, barapomonae pata Jesustha xua Jesús pecui matateicaenexa tsainchi, matautano xua peapatsinexatsi tsainchi.

*Meje yabara poxonae Jesús tamropata pitaba pia penacuichiwa xua Galilea nacuatha*

*(Mt 4.12-17; Lc 4.14-15)*

<sup>14</sup> Nexata poxonae ichamonae Juan max̃ waetabatsi xua peetsinexatsi jiwi pec̃bi botha, bapoxonae Jesús Galilea nacuatha patopa. Jesús paeba ducuaeta j̃witha Nacom pia pexeinya jume diwesi tatsi.

<sup>15</sup> Jesús namchi jeye: “Nacom bayatha yabara necana cui weta exana po coyeneya xua poxonae tapatopaewa. Daxota jiwi itac̃patsi xua naexana Nacom piamonae, pomonae Nacom itorobiya peewatsixae. Daxota icha j̃nt̃ coyene paxeinare Nacomtha xua painya neauraxae xua abe paexaname, Nacom piamonae painya nenaexanaenexa tsane. Pajume cow̃nde Nacom pia pexeinya jume diwesi tatsi”, jei Jesús.

*Meje yabara poxonae Jesús waba cuatro poyobe pebiwi, pomonae duwei peyamonaei*

*(Mt 4.18-22; Lc 5.1-11)*

<sup>16</sup> Poxonae Jesús pona Galilea pucua itapatha, bapoxonae tane ponbe peyaxunubinbe duwei. Ich̃n pew̃n Simón, ich̃n pew̃n Andrés. Baponbe bara cae peweichobe. Baponbe peweichobe duwei yamonauyabe pucuatha.

<sup>17</sup> Jesús waba, baraponbe wabatsibe. Jesús jeye:

—Anetha, pana nepuna pondebe. Paca cuidubinchibe. Anoxuae nama xan paca exanaeinchibe xua pinmonae payawenaenamebe xua barapomonae pejume cow̃ntsiwa tsane Nacom icha bayatha paichimbe poxonae payamonamebe duwei nawita, jei Jesús.

<sup>18</sup> Bara caena baraponbe botabe barapo peyamonae. Bapoxonae napuna ponabe Jesustha.

<sup>19</sup> Jesús equeicha pona. Bapoxonae equeicha ich̃nbe tainchibe. Baraponbe ich̃n pew̃n Santiago, ir̃ ich̃n pew̃n Juan. Baponbe Zebedeo pexantobe tatsi. Jeratha mataquerabauyabe peyamonae xua ucupouna.

<sup>20</sup> Jesús nainya waba, baponbe wabatsibe: Jesús baraibe: “Anetha, pana nepuna pondebe”, jei Jesús. Baponbe paxa cuenta ponabe jera weya, pon pew̃n Zebedeo. Matautano cuenta ponabe pomonae Zebedeo pia peyawenae j̃wichi tatsi xua yamona duwei. Baponbe Jesustha napuna ponabe.

*Meje yabara poxonae pebin pon cauri xeina*

*(Lc 4.31-37)*

<sup>21</sup> Bapoxonae Jesús pijimonae bar<sub>u</sub> pona Capernaum tomara beya. Bapoxonaer<sub>u</sub> judiomonae barompaya pia pentaquei seicae matacabi tatsi tsuxubi. Barapo matacabitha Jesús pijimonae bar<sub>u</sub> joniya judiomonae pia penacaetutsi botha tatsi.

<sup>22</sup> Barapo jiwi yabara naj<sub>unt</sub><sub>u</sub> coyene cabenaeca, tsipei pocotsiwa Jesús barapomonae cuidubatsi be pon peyaputaein pia peayapus<sub>u</sub> itorobi jume coyeneya tatsi paeba. Jesús jopa cuidubiyo be judiomonae pia pecuidubiwi pia coyeneya tatsi.

<sup>23</sup> Pebin pon cauri xeina barapon eca barapo judiomonae pia penacaetutsi botha tatsi.

<sup>24</sup> Bapon wawaya jeye:

—¡Jesús Nazaret tomarapim, pana wepu warapare! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebichim? Paca yaputainchi yawa paca yaitainchi xam apara pon Nacom caitoroba, pon pepa Nentacuiruyapuxanepanaem, jei pebin pon cauri xeina.

<sup>25</sup> Jesús taitaweta, pebin taitawetatsi cauri. Jesús cauritha jeye:

—¡Moyandel! ¡Barapon wepu ponde! jei Jesús cauritha.

<sup>26</sup> Barapoxonae cauri pebin naichababa exanatsi. Poxonae cauri barapo pebin bichocono wawai exanatsi, bapoxonae barapo cauri pebin wepu poinchi.

<sup>27</sup> Daxita barapomonae yabara naj<sub>unt</sub><sub>u</sub> coyene cabenaeca. Daxota nayainyaba, jeye:

—¿Eta pocotsiwa jane? ¿Jamaisa baxua mexeya pena pecuidubi coyenewa? Maisa barapo pebin Jesús bichocono peayapus<sub>u</sub> itorobi coyenewa pexeinaein. Matautano caurimonae jume cow<sub>anta</sub> poxonae pocotsiwa bapon itoroba, najei barapomonae.

<sup>28</sup> Bapoxonae caena nainya daxita pomonae jinompa Galilea nacuatha jume taer<sub>u</sub>capa pocotsiwa juinya Jesús exana.

*Meje yabara poxonae Jesús axaibi exana Simón Pedro pamiyo tatsi*

*(Mt 8.14-15; Lc 4.38-39)*

<sup>29</sup> Jesús caena nainya pona judiomonae pia penacaetutsi bo tatsi weya. Bapoxonae Jesús joniya Simón pia botha tatsi po bo xua ir<sub>u</sub> Andrés pia bo tatsi. Barapo botha Santiago ir<sub>u</sub> Juan Jesús bar<sub>u</sub> joniya.

<sup>30</sup> Simón pamiyo tatsi domae xainchi. Barapowa camatha boca. Poxonae Jesús patopa barapomonae caena nainya Jesús tsipaebatsi, jeye: “Simón pamiyo tatsi domae xainchi”, jei.

<sup>31</sup> Jesús caquita pona Simón pamiyo tatsi. Bapoxonae bapowa cobe pitatsi. Barapowa asiya cuaranotatsi. Bapoxonae barapowa caena nainya taaichurucuaetsi domae. Nexata barapowa pexaewa apata barapomonaetha.

*Meje yabara poxonae Jesús axaibi exana pin bicheitomonae*

*(Mt 8.16-17; Lc 4.40-41)*

<sup>32</sup> Poxonae tabopiya tsanaicha xua quirei tsanaicha, bapoxonae jiwi Jesús tacapoinchi pomonae peatenemonaewi, ir<sub>u</sub> pomonae caurimonae xeina.

<sup>33</sup> Daxita barapo tomarapiwi nacaetuta bom<sub>u</sub>xu boupatha.

<sup>34</sup> Jesús axaibi exana pinmonae pomonae xeina daxita coyenexi xua xoxi peatenewa. Matautano Jesús taitaweta pomonae cauri xeina. Jesús jopa copatsiyo xua pecueicuei-jeiwa caurimonae, tsipei caurimonae Jesús cui yaputainchi.

*Meje yabara poxonae Jesús cueicueiwei Nacom Pejume Diwesi judiomonae pia penacaetutsi bontha tatsi*

*(Lc 4.42-44)*

<sup>35</sup> Baya poxonae caem<sub>u</sub>botha poxonae cataunxuae quiriquirica Jesús nacosataxuba. Bapoxonae tomara weya pona xua ichaxota jiwaibi bara beya pona. Baraxotiya Jesús tsipaebauya, Nacom tsipaebatsi.

<sup>36</sup> Nexata Simón ir<sub>u</sub> pomonae Jesús pepuna jinompae jiwichi, barapomonae Jesús pu barainatsi.

<sup>37</sup> Poxonae barapomonae Jesús caxibatsi, bapoxonae Jesús tsipaebatsi, jeye:

—Daxita jiwi cawenawenei, jei.

<sup>38</sup> Jesús jume nota jeye:

—Barab<sub>u</sub> ponaeinchi icha tomaran beya, barapo tomarantha ir<sub>u</sub> tacueicueijeinexa tsane Nacom pia pexeinya jume diwesi tatsi. Daxota apara baxua tsipatopeican, jei Jesús.

<sup>39</sup> Bapoxonae Jesús siwa pona ducuaeta daxita tomaran Galilea nacuatha. Judiomonae pia penacaetutsi bontha tatsi Nacom pia pexeinya jume diwesi Jesús tsipaeba barapo judiomaetha. Matautano Jesús taitaweta caurimonae.

*Meje yabara poxonae Jesús axaibi exana pon peper<sub>u</sub> sawinchi*

*(Mt 8.1-4; Lc 5.12-16)*

<sup>40</sup> Bapoxonaer<sub>u</sub> pebin, pon peper<sub>u</sub> sawinchi, Jesús caquita poinchi. Bapoxonae bapon pentabocototha uncuca Jesús peitabaratha tatsi xua Jesús pebar<sub>u</sub> cui itura jinaexaetsi. Bapon matowa Jesús w<sub>u</sub>catsi, jeye:

—Icha bara ichichipame bara caitac<sub>u</sub>pa xua axaibi tana neexanaewam, tsipei jinya neayapus<sub>u</sub> itorobi coyenewa nexenaem, jei bapon.

<sup>41</sup> Jesús yabara najunt<sub>u</sub> coyene xeina bapon, xua peyawenaenexa. Jesús nacobe yota, bapoxonae bapon mata jayabatsi, jeye:

—Bara ichichipan. ¡Bara axaibinde! ¡Bara caaper<sub>u</sub>xaibi exanatsi! jei Jesús.

<sup>42</sup> Bapoxonae bapon nainya taaichurucuaetsi xua peper<sub>u</sub> sawiwatsi. Matautano axaibi tsanayano.

<sup>43-44</sup> Bapoxonae Jesús jume daunweya itorobiya jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotepintha xua nenait<sub>u</sub>tsinexa xua bapon necataenexa xua bayatha nejumewa. Care bapontha pocotsiwa xua pecatsiwa Nacomtha, pocotsiwa bayatha Moisés cui itoroba xua equeicha jopa jinya nenataxobinexa jinya repontha. Bapoxonae daxita jiwi cayaputaena xua tsita itapeinya xeinatsi xua xam bara jumem yawa xua per<sub>u</sub> w<sub>u</sub>naem, jei Jesús.

<sup>45</sup> Daichitha poxonae bapon pona jopa moya yaw<sub>u</sub>n xeinaeyo. Bapon yabara tsipaebapona ichamonaetha pocotsiwa xua bayatha peaxaibiwa. Daxota Jesús jopa itac<sub>u</sub>paetsi xua nait<sub>u</sub>tsiya pata ducuaenaebiya tomarantha. Daxota Jesús tomaran cuariya popona xua aisowantha. Jiwi pomonae daxita ichawan werena pona, barapomonae Jesús pia xantha tatsi tapatatsi.

## 2

*Meje yabara poxonae Jesús axaibi exana pon pecuenobinchi*

*(Mt 9.1-8; Lc 5.17-26)*

<sup>1</sup> Poxonae be caentacabiyobe yapucaewa, bapoxonae Jesús equeicha caibeya pona Capernaum tomara beya. Jiwi yopita xua pinae Jesús botha eca.

<sup>2</sup> Pin bicheito nacaetuta ichaxota po botha Jesús patopa, beya poxonae matauta bo coibo quecona. Barapomonaetha Jesús tsipaeba Nacom pia pexeinya jume diwesi tatsi.

<sup>3</sup> Bapoxonae pebiwi pata cuatro poyobe. Barapo pebiwi yapaparuwa capata pon pecuenobinchi.

<sup>4</sup> Tsipei pin bicheito, daxota barapo pebiwi jopa itac<sub>u</sub>paetsi xua Jesús imoxoyo pecaquita ponaewatsi. Daxota barapo pebiwi bom<sub>u</sub>x<sub>u</sub>tha pentatupa wereca atsa caxinaxoreca ichaxoya Jesús uncuareca. Barapo m<sub>u</sub>th<sub>u</sub> deca pon pecuenobinchi yapaparuwa yorecatsi.

<sup>5</sup> Poxonae Jesús yaputane xua barapomonae yabara cui jume cow<sub>u</sub>nta xua bara Jesús peitac<sub>u</sub>paewatsi xua axaibi peexanaewatsi pon pecuenobinchi, bapoxonae pecuenobinchitha Jesús tsipaebiya jeye:

—Tajitom cacui yabara j̄ntemainaya j̄nt̄ puxana exanatsiba abe jinya neexanae cuiru coyenein, jei Jesús.

<sup>6</sup> Ichitha baraxota ir̄ naena pomonae jiwi pecuidubiwi Moisés pia peitorobi coyene tatsi. Barapomonaenanta xeinaeya najei:

<sup>7</sup> “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara j̄ntemainaya j̄nt̄ puxana exanatsi abe pia peexanae cuiru coyenein tatsi. Jame meisa apara caein Nacom yaputane xua jiwi cacui yabara j̄ntemainaya j̄nt̄ puxana exanatsi abe pia peexanae cuiru coyenein tatsi”, najei.

<sup>8</sup> Barapoxonae caena nainya Jesús yaputane pej̄nt̄ coyenewatha pocotsiwa barapomonaenanta pia coutha nayainyaba. Jesús jeye barapomonaetha:

—¿Eta pocotsiwa metha baraxua pana natsipaebame?

<sup>9</sup> ¿Eta po jumetha baran tsane pecuenobinchi? ¿Metha jan tsane: ‘Jinya abe neexanae cuiru coyenein cata j̄ntemainatsi’, jan tsane? Ichacuitha ¿metha jan tsane: ‘Nontaponde, bara pire jinya nemaituncuaewa, yawa bara ponare’, jan tsane?

<sup>10</sup> Daxota anoxuae paca tsita itapeinya xeinaeinchi, xua xan ponxaein Nacom Tananeitapetsin, xua xeinan taayapus̄ itorobi coyenewa xua bara tana neitac̄paewa xua jiwi tayabara cacui j̄ntemainaya j̄nt̄ puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Barapoxonae Jesús tsipaeba pontha pon pecuenobinchi. Jesús jeye:

<sup>11</sup> —Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

<sup>12</sup> Barapoxonae bapon caena nainya nontapona barapomonaenanta peit̄tha tatsi, yawa pita xua pemaituncuaewa. Barapoxonae bapon bo tutu weya pona barapo pin bicheito peit̄tha tatsi. Daxita barapomonaenanta yabara naj̄nt̄ coyene cabenaeca, yawa Nacom w̄nae jaintatsi, jeye:

—Maisa waxainchi bapana bayatha jopa taetsi pocotsiwa w̄nae pocotsiwe icha be iche, jei barapomonaenanta.

*Meje yabara poxonae Leví wabatsi, Jesús waba  
(Mt 9.9-13; Lc 5.27-32)*

<sup>13</sup> Barapoxonae Jesús pona Galilea pucua itapatha. Barapoxonae baxotiya pin bicheito pata Jesús pia xantha tatsi. Barapomonaetha Jesús cuiduba.

<sup>14</sup> Poxonae Jesús cataunxuae ecapona Galilea pucua itapatha, barapoxonae Leví tainchi. Bapon Leví Alfeo pexanto tatsi. Bapon Leví eca ichaxota bapon paratixi matoma noteibeca po paratixi jiwi bewa catsibina pon romanomonaenanta itorobiya pia pepa peewatsinchi. Jesús Leví tsipaebatsi, Jesús jeye:

—Nepuna ponde, jei Jesús.

Barapoxonae Leví nontapona, yawa Jesús puna poinchino.

<sup>15</sup> Pirapaeyo Jesús Leví bar̄ eca pexaethopeibiwatha, xua Leví pia botha tatsi xua Jesús pebar̄ xaenexatsi. Barichi Jesús bar̄ eca pinmonae barapo pexaethopeibiwatha pomonaenanta paratixi pentoma noteibiwi po paratixi jiwi bewa catsibina pon romanomonaenanta itorobiya pia pepa peewatsinchi nexa. Ir̄r̄ Jesús bar̄ eca ichamonae pomonaenanta abe peexanae cuiru coyenein peexanae jiwi. Matautano Jesús pijimonaenanta bar̄ eca barapo pexaethopaewatha. Pinmonae Jesús bar̄ eca tsipei pinmonae Jesús puna poinchi.

<sup>16</sup> Ichitha pomonaenanta jiwi pecuidubiwi Moisés pia peitorobi coyenewa tatsi ir̄r̄ fariseomonaenanta, daxita barapomonaenanta Jesús tainchi poxonae Jesús bar̄ xayeca pomonaenanta paratixi pentoma noteibiwi, ir̄ pomonaenanta abe peexanae cuiru coyenein peexanae jiwi. Pomonaenanta Jesús tainchi daxita barapomonaenanta Jesús pijimonaenanta tatsi jeichichi:

—Maisa Jesús pon painya nepaca cacuidubin abe exana poxoru barꝯ xayeca pomonae paratixi penoteibiwi, matautano, barꝯ xayeca pomonae peajꝯntꝯcoyenebe jiwi, jei barapomonae.

<sup>17</sup> Poxonae Jesús jume tane baraxua, bapoxonae Jesús jume nota, jeye:

—Pomonae ba xua xaniwaicha jinompa xua jopa ateneyo barapomonae ba jopa canantawenonaeyo pon jiwi peyawꝯbin. Saya jame meisa pomonae ba atene barapomonae jame canantawenona pon jiwi peyawꝯbin. Barichi xan patopan apara tha jopa tawabinexa tsane pomonae peꝯntꝯ coyene xanepanae jiwi. Saya apara tawabinexa pomonae abe peexanae cuiru coyene peexanaewi tayawenaenexa tsane barapomonae, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi*

*(Mt 9.14-17; Lc 5.33-39)*

<sup>18</sup> Caentaqueitha Juan pia pepuna jinompaewichi, irꝯꝯ fariseomonae, nainbota Nacomtha xua saya pewꝯcaenexa Nacomtha. Poxonae barapomonae nainbota, bapoxonae ichamonae Jesús siwa poinchi. Barapomonae Jesús yabara yainyabatsi barapo penainbotsi coyene. Barapomonae jeye Jestustha:

—Juan pia pepuna jinompaewichi, irꝯ fariseomonae jopa juniya Nacom peyabara nainbotsiwatsi poxonae Nacom wꝯqueibatsi. Ichitha jinyamonae jopa daichiyo, jopa nainbotsiyo Nacomtha xua saya pewꝯcaenexa Nacomtha, jei barapomonae Jestustha.

<sup>19</sup> Jesús jume nota barapomonae, jeye:

—Jiwi ba jopa bewa wecoyeya yabara nainbotsi poxonae ichamonae pexaewa tsinacaetuta penabanaenexa xua poxonae pebin pecotsiwa pita. Poxonae cataunxuae awiya bapon eca pexaewa penabanaewatha bapoxonae jiwi ba pebꝯꝯya nabane. Jopa bewa yabara nainbotsi tsane.

<sup>20</sup> Ichitha icha pon aena piowa pita, caena nainya waetabatsi, ichamonae waetaba xua tajꝯ bapon pecaponaenexatsi, bapoxonae jame jiwi ba bewa wecoyeya yabara nainbotsi, xua equeicha bapon caewa pepatopaewa tsane.

<sup>21</sup> “Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru doroutotha, bapoxonae barapo dorouto abe tsanaya tsipae. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha nama bichocono pin wan tsanaya beyacaincha xua poxonae copiya.

<sup>22</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto. Tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba xuano barapo bocoto naxuba poxonae barapo bocoto tsitsica. Daxota bewa jame pena vino mera eparecae pena bocototha. Bapoxonae pena vino mera jopa naxubiyo. Yawa pena bocoto jopa naxubiyo poxoru boco yeyena yawa poxoru pena bocoto”, jei Jesús.

*Meje yabara poxonae Jesús pijimonae tatsi yaboto nota trigo xu judiomonae barompaya pia pentaquei seicae mataqueitha tatsi*

*(Mt 12.1-8; Lc 6.1-5)*

<sup>23</sup> Caentacabi poxonae judiomonae barompaya pia pentaquei seicae matabi tatsi, barapo matabitha Jesús, irꝯ pijimonae tatsino pabi iyiya. Jesús pijimonae tatsi jainpa. Barapomonae tamropata notarꝯcꝯpa xua yaboto xunumenapona trigo xu. Bapoxonae pecobetha xu mata pepeta.

<sup>24</sup> Poxonae fariseomonae cui tane xua Jesús pijimonae tatsi exana, bapoxonae fariseomonae Jesús tsipaebatsi, jeye:



—Jamaisa jinya jiwimonae nacuita barapo matakabithe, poxonae yaboto nota trigo xu. Apará jiwi jopá yabara cui copatsiyo xua ichamonae penacuichiwa barapo matakabithe xua judiomonae barompaya pia pentaquei seicae matakabi tatsi, jei fariseomonae.

<sup>25</sup> Jesús jume nota, jeye:

—Barapomonae tajiwimonae jopá apará abe exanaeyo. ¿Jopá payabara yorobim pocotsiwa bayatha David exana poxonae jainpa, poxonae iru pijimonae tajainpatsiru? Bapon David, pon caena bayatha israelmonae itorobiya pia pepa peewatsinchi.

<sup>26</sup> Bapon David, iru pijimonae tatsi, barapomonae jojoniya Nacom pin pia botha tatsi poxonae pon pewun Abiatar tanacuita Nacom. Bapon Abiatar sacerdotemonae pia pepa pentacaponaein tatsi. David xane pan, po pan ichamonae cana exana xua Nacom pecatsiwatsi. Iru barapo pan David pijimonae cata xua pexaenexaru. Barapomonae xane bequein bara Nacom pia peitorobi coyenewatha copata xua saya meisa sacerdotemonae itacupatsi xua pexaewa tsane barapo pan, jei Jesús.

<sup>27</sup> Equeicha Jesús namchi, jeye:

—Nacom, jiwi pewunaeya taexanatsi pentaquei seicae matakabi. Barapo pentaquei seicae matakabi Nacom tsixana jiwi, xua barapo matakabitha jiwi penafinacae-watsinexa. Nacom jopá ainya cui cana exanaeyo pentaquei seicae matakabi xua beyacaincha jiwi.

<sup>28</sup> Daxota xan ponxaein Nacom tana neitapetsixae xeinan taitorobi coyenewa xua jiwi tacoya taitorobiwa pentaquei seicae matakabitha, jei Jesús fariseomonaetha.

### 3

*Meje yabara poxonae Jesús cobe wuna exana pon pecobe mabinchi  
(Mt 12.9-14; Lc 6.6-11)*

<sup>1</sup> Jesús equeicha joniya judiomonae pia penacaetutsi botha tatsi. Baraxota pon pecobe mabinchi eca.

<sup>2</sup> Barichi pomonae jiwi pecuidubiwi Moisés pia peitorobi coyene tatsi, iru fariseomonae baxota ena. Daxita barapomonae Jesús necotenatsi pecui taenexatsi icha bara metha Jesús cobe wuna exanaena pentaquei seicae mataqueitha pon pecobe mabinchi. Icha Jesús pon pecobe mabinchi axaibi exanatsi, bapoxonae barapomonae xeinaena po coyenewa xua Jesús abe peyabara paebiwatsi tsainchi.

<sup>3</sup> Bapoxonae Jesús barai pontha pon pecobe mabinchi, jeye:

—Nontaponare. Uncuare xote, jei Jesús.

<sup>4</sup> Pomonae Jesús tainchi Jesús barai barapomonae, jeye:

—Paca yainyabinchi, ¿eta xua copata pentaquei seicae matakabitha? ¿Wuna jampa? ¿Abe jampa? ¿Eta xua metha tsipae? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

Ichitha barapomonae jopá jume notsiyo, saya moya umena.

<sup>5</sup> Nexata Jesús necota barapomonae. Anaya Jesús caseba barapomonae. Matautano juntu coyene wecoyei, tsipei barapomonae jopá beyaputaeyo pocotsiwa bapon exana. Jesús barai pon pecobe mabinchi:

—Nacobe doire, jei Jesús.

Bapon nacobe doita. Bapoxonae bapon nainya cobe wuna tsanaya.

<sup>6</sup> Bapoxonae fariseomonae Jesús weya ponarucapa. Bapoxonae barapomonae nacaetuta Herodes pijimonaetha tatsi xua pecui yabara paebinxatsi xua po cui coyenewatha Jesús pebexubiwa tsainchi.

*Meje yabara poxonae pin bicheito nacaetuta Galilea pucua itapatha*

<sup>7</sup> Jesús pijimonae baru pona Galilea pucua itapa beya. Iru pin bicheitomonae Jesús puna poinchi pomonae Galilea nacia weya pona.

<sup>8</sup> Irurū pomonae Judea nacua werena pona irurū pomonae Jerusalén tomara werena pona, daxita barapomonae Jesús puna poinchi. Irurū Idumea nacuapiwi Jesús puna poinchi. Irurū ichamonae Jesús puna poinchi pomonae icha muxunenetha jinompa xua Jordán mentha. Irurū Tiro tomarapiwi Jesús puna poinchi. Irurū Sidón tomarapiwi Jesús puna poinchi. Daxita barapo bicheito Jesús itata patatsi poxonae jume tane daxita xua juinya pocotsiwan Jesús exana.

<sup>9</sup> Tsipei pin bicheito, daxota Jesús pijimonae itoroba xua jera petaxawenaewa tsainchi xua petsaquibabiyainwatsi barapo pin bicheito.

<sup>10</sup> Yaitama Jesús axaibi exaneiba pin bicheito pomonae atenemonae, daxota irū ichamonae Jesús imoxoyo caquita poinchi. Barapomonae ichichipa xua Jesús pejayabiwatsi xua barapomonae irū axaibi peexanaenexatsirū.

<sup>11</sup> Pomonae caurimonae pexeinaewi, poxonae barapomonae Jesús tainchi, barapomonae pentabocototha umena Jesús peitabaratha tatsi. Barapomonae wawaya jeye xua caurimonae wawai peexanaexaetsi:

—¡Maisa bara xam Nacom Pexantom! jei barapomonae xua wawaya exanatsi caurimonae.

<sup>12</sup> Jesús jume daunweya itoroba barapomonae, jeye:

—Jopa pana neyabara paebinde ichamonaetha xua xan Nacom Pexanton, jei Jesús.

*Meje yabara poxonae Jesús itapetsiya waba pia peitorobi jiwi tatsi pomonae xua doce poyobe*

*(Mt 10.1-4; Lc 6.12-16)*

<sup>13</sup> Bapoxonae Jesús demxuwatha pona. Barapo demxuwatha Jesús waba pomonaetha xua peichichipaexae xua itapetsiya waba. Bapoxonae barapomonae Jesús pia xantha tatsi tapatatsi.

<sup>14</sup> Jesús itapetsiya waba doce poyobe xua pomonae pebarū jinompaenexatsi. Matautano barapomonae Jesús itoroba xua daxita jiwitha petacueicueijeinexatsi Nacom Pejume Diwesi.

<sup>15</sup> Barapomonaetha Jesús cata pia peayapusū itorobi coyenewa tatsi, xua cauri ichamonae petaitawetsinexatsi pomonae xua cauri pepuna jinompaewichi.

<sup>16</sup> Meje barapomonae pewanxi tatsi pomonae Jesús waba: Simón pon icha wun wun dutatsi “Pedro”, baraichi.

<sup>17</sup> Ichun pewan Santiago. Ichun pewan Juan pon Santiago peweicho tatsi. Baraponbe Zebedeo pexantobe tatsi. Baraponbetha Jesús icha wun wun dutabe “Boanerges” jei (xua po wuntha xua jei: “Yamuxū pexantobe tatsi”, jei). Barapo wun wun duta tsipei peajuntucoyenesunbe.

<sup>18</sup> Ichun pewan Andrés. Irū ichun pewan Felipe. Irū ichun pewan Bartolomé. Irū ichun pewan Mateo. Irū ichun pewan Tomás. Irū ichun pewan Santiago pon Alfeo pexanto tatsi. Irū ichun pewan Tadeo. Irū ichun pewan Simón pon celotemonaepin.

<sup>19</sup> Irū ichun pewan Judas Iscariote. Barapon Judas pon Jesús caenaetaxubatsi ichamonaetha pebexubinexatsi.

*Meje yabara poxonae Jesús baraichi xua pinae xeina Beelzebú pia peayapusū itorobi coyenewa tatsi*

*(Mt 12.22-32; Lc 11.14-23; 12.10)*

<sup>20</sup> Bapoxonae Jesús, irū pomonae pia peitapetsiwi tatsi botha jojoniya. Bapoxonae equeicha pin bicheito nacaetuta Jesús pia xantha tatsi. Daxota Jesús irū pijimonae tatsi jopa itacupaetsi xua penabanaewa tsane.

<sup>21</sup> Jesús piamonae matabuxūyo tatsi jume tane xua jiwi paeba xua pinae juinya Jesús matayaibatsi. Daxota barapomonae pata, xua Jesús pewaetabinexatsi, xua pia bo beya pecaponaenexatsi.

<sup>22</sup> Matautano pomonae jiwi pecuidubiwi Moisés pia peitorobi coyene tatsi, pomonae Jerusalén werena pona, barapomonae jiwitha jeye Jesús yabara: “Bapon caurimonae itawetatsi, apara pexeinaexae Beelzebú pia peayapus itorobi coyene tatsi, pon caurimonae pia pentacaponaein tatsi”, jei barapomonae pomonae jiwi pecuidubiwi Moisés pia peitorobi coyenewa tatsi.

<sup>23</sup> Bapoxonae Jesús waba barapomonae pia xainya berena. Yawano Jesús pecayabara jata pepaebi diwesiyo tsipaeba, jeye: “Caurimonae pia pentacaponaein tatsi jopa itacupaetsi xua peitawetsiwa icha caurimonaetha, xua pecae caurimonaexae.

<sup>24</sup> Icha cae nacuapiwi nawepu tsatabe xua matauta nababe, bapoxonae jopa xaexaenaecaeyo.

<sup>25</sup> Matauta iruru icha cae bo matabaxuyomonaebe nababe yawa nawepu tsatajopabe, bapoxonae jopa xaexaenaecaeyo.

<sup>26</sup> Barichi icha Satanás, pijimonae tatsi nawepu tsatajopabe matautano xua nababe, bapoxonae jopa xaexaenaecaeyo. Satanás jopa itacupaetsi xua itoroba pijimonae, tsipei amsiya exana.

<sup>27</sup> “Dapon ajibi, pon itacupaetsi xua botha joniya po botha pon bichocono maxu daunwei pia bo tatsi xua daxita notsina pocotsiwa bapon xeina pon maxu daunwei icha jopa copiya matha maxu cūtanotsiyo.

<sup>28</sup> “Bara xaniyeya paca tsipaebatsi. Pocotsiwa jiwi abe peexanae cuiru coyenein exana, matautano pocotsiwa xua jiwi abe paeba, barapo coyenein Nacom itacupaetsi xua yabara jantemainaena xua barapo jiwi abe exana.

<sup>29</sup> Pon abe yabara paeba Nacom pia Pejumope tūnaxu tatsi, Nacom bapana jopa yabara jantemainaena tsane xua bapon paeba. Bara bapon ataya atene tsane ichaxota jopa itacounayiyo isoto xua bapon abe peexanaexae”, jei Jesús.

<sup>30</sup> Jesús baraxua paeba, tsipei pomonae jiwi pecuidubiwi Moisés pia peitorobi coyene tatsi barapomonae bayatha naerabiya paeba xua pinae Jesús cauri xeina. Ichitha pon Jesús xeina apara Nacom pia Pejumope tūnaxu tatsi. Daxota barapomonae Nacom pia Pejumope tūnaxu tatsi tsita natsicuentatsi, tsipei Nacom pia Pejumope tūnaxu tatsi abe yabara paebatsi.

*Meje yabara Jesús pena tatsi, iruru peyapin jiwi tatsino  
(Mt 12.46-50; Lc 8.19-21)*

<sup>31</sup> Pirapae Jesús pena tatsi, iru peyapin jiwi tatsi pata Jesustha. Ichitha barapomonae pesato beumeinya. Bapoxonae najume caruta ichamonaetha xua petawabinexa tsainchi Jesús.

<sup>32</sup> Po bicheito Jesús matawacaicha enatsi, barapomonae Jesús tsipaebatsi, jeye:

—Ena, iruru neyapin jiwino, pesato beya umena. Bepara bequein cataei. Bepara bequein catsipaebai, jei.

<sup>33</sup> Ichitha Jesús jume barai barapomonae, jeye:

—¿Jintam powa be taena natsicotanera? ¿Jintam pomonae be tayapin jiwi natsicotanera? jei Jesús.

<sup>34</sup> Bapoxonae Jesús necota pomonae pematawacaicha enaewichi. Jesús jeye:

—Barapomonae pomonae xote umene apara be taena tsicotan, matautano be tayapin jiwi tsicotan.

<sup>35</sup> Pomonae exana pocotsiwa Nacom itoroba, pon peitabocotha peecaeinxae, barapomonae be tayapin jiwi tsicotan, matautano iru be tayapixi tsicotanno, matautano iru be taena tsicotanno, jei Jesús.

## 4

*Meje yabara poxonae Jesús cuiduba jwi pecayabara jta pepaebi diwesiyo xua pon peabin yabara*

*(Mt 13.1-9; Lc 8.4-8)*

<sup>1</sup> Equeicha Jesús tamropata pitaba xua cuiduba Galilea pucua itapatha. Bapoxona pin bicheito nacaetuta ichaxota Jesús cuidubuncua. Tsipei pin bicheito daxota Jesús jeratha nontabiya xua peecaenexa, po nae mentha ducuiya. Barapo pin bicheitomonae taetabo itapatha umena.

<sup>2</sup> Jesús barapomonaetha cuiduba pecayabara jta pepaebi diwesiyo.

Poxonae Jesús cuiduba barapomona, jeye:

<sup>3</sup> “Pana nejume naitaeware barapo diwesiyo: Pebin pon peabin ponataba pia abichi pabitha.

<sup>4</sup> Poxonae pon peabin abauya, icha xu namtotha othopeica. Pepupunaewi yapata. Bapoxonae barapo xu xu xane.

<sup>5</sup> Icha xu, xu othopeica ibowantha ichaxota xua ira itafafana. Barapoxonae barapo xu caena nainya xu xuwa, tsipei jopa tajx xu xuwarecaeyo.

<sup>6</sup> Ichitha poxonae xometo atsa tsina, bapoxonae yaboto tsaquiwa yawa tpa tsipei jopa tajx tabx opina xuwarecaeyo.

<sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan. Daxota barapo xu jopa xu nacoichiyo.

<sup>8</sup> Icha xu, xu othopeica ichaxota ira wxnae. Poxonae barapo xu, xu xuwa, xu nawnaeta. Icha xun, xu nanacoitapona treinta po xu matabxxyobe tsiniya. Icha xun, xu nanacoitapona sesenta po xu matabxxyobe tsiniya. Icha xun, xu nanacoitapona cien po xu matabxxyobe tsiniya”, jei Jesús barapo pin bicheitomonaetha.

<sup>9</sup> Equeicha Jesús jeye: “Icha pamuxu dubename, moya pana nejume naitaeware pocotsiwa tapaca tsipaewiatsi”, jei Jesús poxonae pijimona muxuconaqiwa tsipaeba.

*Meje yabara poxonae Jesús namchi xua exua metha pecayabara jta pepaebi diwesiyo*

*(Mt 13.10-17; Lc 8.9-10)*

<sup>10</sup> Nexata poxonae Jesús pipatotha eca, bapoxonae barx eca pomona pia pepuna ponaewichi, irano pijimona tatsi pomona doce poyobe. Barapomona Jesús yainya-batsi jeye: “¿Eta pocotsiwa yabara caunutame poxonae barapo pecayabara jta pepaebi diwesiyo cuidubame?” jei barapomona.

<sup>11</sup> Jesús jume nota barapomona, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyawxn xeinaewa. Barapo moya peyawxn xeinaewa apara xua Nacom paca cana exana xua painya nepaca itacpaewa xua painya nenaexanaewa Nacom piamona tatsi pam, pomona pamxae Nacom itorobiya paca ewata. Ichitha meisa jame ichamona pomona jopa nejume cowantsiyo jopa daichichi. Nacom jopa copatsiyo xua barapomona peyabara yaputaewa baxua. Daxota barapomona cuiduban pecayabara jta pepaebi diwesiyo, xua Nacom peyabara yaputaenexatsi.

<sup>12</sup> Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane. Poxoru bapomona jopa icha jntx coyene xeinaeyo Nacomtha, daxota barapomona Nacom tsita natsicuentatsi abe petsita exanaexaetsi xuano Nacom jopa yabara jntemaineyo abe pia peexanae coyenein tatsi”, jei Jesús.

*Meje yabara poxonae Jesús pijimona muxu yaputane exana po diwesiyo xua pecayabara jta pepaebi diwesiyo, pon peabin yabara*

*(Mt 13.18-23; Lc 8.11-15)*

<sup>13</sup> Equeicha Jesús barapomonaetha muxu tsipaeba, jeye: “Tsipei jopa payaputaem po pecayabara j̄ta pepaebi diwesiyo xua pēbin yabara paeban daxota jopa payaputaemt-sipae bequein ainya pecayabara j̄ta pepaebi diwesi paca tsipaebichipatsi.

<sup>14</sup> Paca tsipaebatsi pecayabara j̄ta pepaebi diwesiyo xua iche: Pon pēbin j̄pa, icha be ichi pon Nacom Pejume Diwesi pepaebi ducuaanaebiyaein.

<sup>15</sup> Po xuton xua namto beothopiya, aichurubena. Barapo xuton yabara caunuta xua jiwi bara j̄nt̄a weichichi caurimona pia pentacaponaein tatsi, pon Satanás. Jiwi j̄nt̄a coyene weajumetsurubena exanatsi Nacom Pejume Diwesi xua bayatha po jume jume tane, xua bapoxonae jopa petajume cow̄ntsinexa tsainchi Nacom, yawa xua jopa petanacapanenebiyaenexa tsainchi Nacom beya, xua Nacom exanaena.

<sup>16-17</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi, xuano j̄nt̄a coyene weiweinaya Nacom jume cow̄ntatsi. Ichitha bara caeto jume cow̄nta, poxoru barapomona aj̄nt̄afaetabiya jume jeba Nacom Pejume Diwesi pēj̄nt̄a coyeneintha. Poxonae yaitama barapomona bichocono peatenexae, matātano poxonae barapomona yaitama abe petaexanaexaetsi ichamona xua pejume cow̄ntsixae Nacom, bapoxonae caurimona abe exana barapomonaetha, xua barapomona j̄nt̄a coyene wej̄nt̄emaina exanatsi xua Nacom pecayabara j̄nt̄emainawatsi.

<sup>18-19</sup> Po xuton xua xu othopeica pesoiwantha, barapo xuton caunuta xua pomona Nacom Pejume Diwesi jume tane, ichitha saya barompaya pia j̄nt̄a coyeneyatha jinompa, yawa saya ̄ copei cayabara nanta xeina, yawa saya exana pocotsiwa j̄nt̄a coyene weiweina cana exainchi. Po coyene pebiwi exana baxuan bara j̄tiya ichiya exana xua po xuton be pesoiwantha othopiya. Barapo xuton jopa thei dubenaeyo. Barapocotsi j̄ta coyeneya ichi, barapo jiwi. Jopa xanepanaya jinompaeyo Nacom nexa.

<sup>20</sup> Po xuton xua xu othopeica peira w̄naewatha, bara nacoita. Barapo xuton yabara caunuta pomona jume tane Nacom Pejume Diwesi, matātano jume cow̄ntano poxoru j̄nt̄a coyene xanepanaya jume tane. Matātano beta exana dubenanaebiya beya matapainya jiwi cui tane xua barapomona j̄nt̄a coyene xanepana Nacom peitabaratha tatsi. Bapoxonae ichamona barapomona jiwana beta yawena ichamonaetha icha barapo xuto ichi xua treinta po xu matab̄x̄yobe tsiniya tsopona. Matātano ichamona barapomona jiwana beta yawena ichamonaetha icha barapo xuto ichi xua sesenta po xu matab̄x̄yobe tsiniya tsopona. Matātano ichamona barapomona jiwana beta yawena ichamonaetha icha barapo xuto ichi xua cien po xu matab̄x̄yobe tsiniya tsopona”, jei Jesús.

*Meje yabara poxonae Jesús pijimona tsipaeba pecayabara j̄ta pepaebi diwesiyo xua pecoicha yabara*

*(Lc 8.16-18)*

<sup>21</sup> Equeicha Jesús barapomonaetha tsipaeba, jeye: “Poxonae jiton pecoicha, coicha exana, bapoxonae jopa coicha matakatsiyo cajatha. Yawa jopa coicha exanaeyo cama pēpana deca. Jame asiya coicha exanatsi, xua pecoicha taenexa pomona jojoneibarena.

<sup>22</sup> Daxita pocotsiwa xua moya peyaw̄n xeinaewa bexa tsane jiwi yabara yaputaena. Barichi po diwesi xua pecayabara j̄ta pepaebi diwesi xua paebapona jiwi barapo diwesi jiwi itac̄paeinchi xua peyabara yaputaewa tsane.

<sup>23</sup> Icha pamuxu dubename, moya pana nejume naitaeware pocotsiwa tapaca tsipae-biwatsi”, jei Jesús poxonae pijimona muxuconaquiya tsipaeba.

<sup>24</sup> Equeicha Jesús barapomona barai, jeye: “Pana nejume naitaeware painya neexanaenexa pocotsiwa paca tsipaebatsi. Icha ichamona daunweya payabara paebiname penatsicuentiwa xua abe peexanaexae Nacom barichi daunweya paca yabara paebina



painya nenatsicuentsiwa xua abe painya neexanaexae. Matautano equeicha ichawano mataropeicha paca catsina.

<sup>25</sup> Pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara poxonae Jesús pecayabara j̄ta pepaebi diwesiyo paeba xua pēbi xuto yabara*

<sup>26</sup> Nexata equeicha Jesús namchi, jeye: “Yabara paca cuidubatsi po coyene xua Nacom itorobiya ewata piamonae. Barapo coyene bara j̄ta coyeneya ichi, icha pebin ichi poxonae pēbi xu xu bebeya.

<sup>27</sup> Poxonae nacobe weta xua ̄ba, bapoxonae pabi weya pona. Bara bequein bapon jopa yawenaeyo xua barapo xuton xuxuwapona mataqueitha, merawithano poxonae pebin maitequeiba, daichitha awiya barapo xu xuxuwapona.

<sup>28</sup> Daxota barapo xu xuxuwapona tsipei ira yawena xua barapo xu xuxuwapona. Copiya pepaboto xuwina, bapoxonae pepato naexana. Bapoxonae pepa xu xu dubena xua bichocono axuc̄ca.

<sup>29</sup> Poxonae pepa xu xu naweta barapo matabitha pebin pona xua penotsinexa pocotsiwa naweta”, jei Jesús.

*Meje yabara poxonae Jesús cuiduba pecayabara j̄ta pepaebi diwesiyo po pēbi xutiyo pew̄n mostaza xutiyo*

*(Mt 13.31-32; Lc 13.18-19)*

<sup>30</sup> Jesús barapomonae tsipaeba, jeye: “Poxonae Nacom waba jiwi xua petanaexanaenexatsi piamonae tatsi pomonae itorobiya peewatsixae, ¿eta po coyene nacoyene j̄pabe? ¿Eta xua paca cuidubinchi xua baxua yabara?

<sup>31-32</sup> Nacom pijimonae tatsi mataropeicha bichocono pinmonae tsopona xua pomonae jume cowantapona Nacom. Baraxua icha be mostaza xutiyo ichi po xutiyo bichocono tsica xutiyo beyacaincha xua icha pethei xutiyo. Barapo mostaza xutiyo pebin ̄ba pia pabitha. Xuwa beya pin nae tsopona. Pepinnaexae daxota siri coton exana pemax̄ranantha. Icha mostaza xutiyo ichi xua beya pin nae tsopona, bara j̄ta ichi Nacom pejume cowantsiwichi, pomonae bapon itorobiya peewatsixae. Bequein anoxuae tsica bicheitiyo, bexa tsane beya pin bicheito tsopona tsane”, jei Jesús.

*Meje yabara poxonae Jesús cuiduba jiwi pecayabara j̄ta pepaebi diwesixitha*

*(Mt 13.34-35)*

<sup>33</sup> Jesús jiwitha ainya pecayabara j̄ta pepaebi diwesixi tsipaeba poxonae cuiduba Nacom Pejume Diwesi, icha barapocotsi diwesixi ichi xuaunxuae po diwesixi paeba. Awiya cuidudubapona beya poxonae barapomonae xainwaicha yaputane.

<sup>34</sup> Saya meisa barapomonaetha Jesús cuidubeiba pecayabara j̄ta pepaebi diwesixi coyenexitha. Poxonae Jesús meisa pijimonae bar̄ eca, bapoxonae Jesús pijimonae yabara muxu yaputane exana pecayabara j̄ta pepaebi diwesixi coyenexi.

*Meje yabara poxonae Jesús xainya ducuanaya exana joibo, yawa maratsacano xainya mene ducuanaya exanano*

*(Mt 8.23-27; Lc 8.22-25)*

<sup>35</sup> Barapo mataqueitha poxonae quirei tsanaicha Jesús pijimonae tsipaeba, jeye:

—Anthapoinchi icha muxunene beya, pucua beicha, jei Jesús.

<sup>36</sup> Bapoxonae Jesús pijimonae bar̄ wepu pona barapo pin bicheito. Bapoxonae Jesús pijimonae bar̄ poinchi jeratha, po jeratha Jesús cuidubeca barapo pin bicheito. Barichi icha jeranno naponano.

<sup>37</sup> Bapoxonae mentha jemeicha naetaba pin joibo. Maratsacan jeratha mene othopa, muxu jera pebunarecae.

<sup>38</sup> Ichitha Jesús jera tafetha maituncua, nantasipa yuyutuncua paparuwatha xua xota nacuenacuena. Jesús pijimonae yaubatsi, jeichichi:

—Pon pata Necuidubin, ¿jopa catsita ainya cuiyo xua waxainchi bunathopaeinchi? jei barapomonae.

<sup>39</sup> Bapoxonae Jesús asiya uncua, yawa joibo itawetaxuba. Jesús jeye maratsacantha:

—¡Barande, bara xainya mene ducuanayama! jei Jesús.

Bapoxonae joibo caewanaya, yawa mene xainya ducuanaya.

<sup>40</sup> Nexata Jesús barai pijimonae, jeye:

—¿Eta pocotsiwa metha bichocono pajunuwame? ¿Cataunxuae jopa pana nejume cui yabara jume cowantsim xua bara tana neitacupaewa xua tapaca yawenaewatsi? jei Jesús.

<sup>41</sup> Barapomonae bichocono najuntu coyene cabenaeca, yawa caemonae natsipaeba najei:

—¿Metha jintamda baponda? ¡Jamaisa bapon itawetaxuba joibo yawa maratsacan xua daxita xainya dubenanaya! najei barapomonae.

## 5

### *Meje yabara xua pebin pon caurimonae xeina pon Gerasa nacuapin (Mt 8.28-34; Lc 8.26-39)*

<sup>1</sup> Jesús, iru pijimonae tatsi pata icha muxunene beya xua barapo pucuathiya. Po iratha Jesusbaru pata barapo ira pewun Gerasa nacua.

<sup>2</sup> Poxonae Jesús jera wenontouna bapoxonae patopa pebin pon caurimonae xeina. Bapon ibo wou weya patopa Jesththa.

<sup>3</sup> Barapo pebin poponeiba ibo wountha. Dapon aibi pon itacupatsi xua bapon pecatsiwatsi, matautano metha bequein penaintotha tsipae.

<sup>4</sup> Bapon matowa penaintotha taxu cubeibatsi, yawa maxu cubeibatsi xua bapon peyapucaeinebinexa tsainchi. Daichitha bapon barapo nain nain epa xuneiba. Dapon aibi xua bapon pecui amanayabiwatsi.

<sup>5</sup> Barapon mataqueitha poponeiba, yawa merawitha poponeiba. Matautano atoro-rotha yawa ibo wountha wawai tsopoponeibi. Matautano ibotixitha pia coutha nathabeiba.

<sup>6</sup> Poxonae barapo pebin Jesús tajū taebatsi, bapoxonae cuinaepona Jesús beya. Bapon pentabocototha uncua Jesús peitabaratha tatsi xua Jesús pebaru cui itura jinaeatsi peainya cuinxae.

<sup>7</sup> Bapon wawaya jeye Jesththa:

—Jesús pon Nacom Pexantom, pon peitabocotha eca, ¿eta pocotsiwa metha taxantha patopame? Jume daunweya cabaraichi jopa neperaxa exanaeinde, jei.

<sup>8</sup> Bapon baxua paeba tsipei Jesús copiya namchi, jeye:

—¡Caurimonae pam, bapon pawepu ponare! jei Jesús.

<sup>9</sup> Jesús yainyaba bapontha:

—¿Eta po wum? jei.

Bapon jume nota jeye:

—Tawun Ayei, tsipei paxan caurimonae pan ayei jiwi pan, jei bapon xua paeba exanatsi caurimonae.

<sup>10</sup> Barapo caurimonae Jesús muxu fayacotatsi xua bepa pinae barapomonae jopa bewa itawetichi icha nacua beya.

<sup>11</sup> Ichaxota imoxoyo peitapatororotha baxota jinompa pin marranomona. Barapo marrano duweimonae xayompa peitapa tororotha.

<sup>12</sup> Caurimonae Jesús wꞛcatsi, jeye:

—Icha pana itawetame, moya pana nepu copabare marrano duweimonaetha, jei caurimonae.

<sup>13</sup> Bapoxonae Jesús copata xua bara caurimonae ponaena marrano duweimonaetha pebin weya. Barapo marranomonaе dꞛcꞛpa. Pin pitapatororo othopareca. Pucuatha bunothopa. Yawa caurimonae cabunathopatsi. Barapo marranomonaе dos mil po duweimonaеbe.

<sup>14</sup> Bapoxonae pomonaе peyapu eenaewi marranomonaе, barapomonaе bichocono junuwiya cuinaepona tomara beya, jiwi petsipaebinxatsi baxua yabara, yawa jiwi petsipaebinxatsi tomara cuariya beya. Bapoxonae jiwi pata petaenexa pocotsiwa Jesús cana exana pebintha.

<sup>15</sup> Poxonae barapomonaе pata Jesustha, bapoxonae barapomonaе tane pebin pon bayatha cauri xeina. Barapo pebin moya eca, paparuwa nama xatatano, mataꞛtano jꞛntema eca. Bapoxonae barapomonaе bichocono junuwa.

<sup>16</sup> Pomonaе bayatha tane xua pocotsiwa Jesús bayatha cana exana pebintha, pontha pon cauri xeina, baxua yabara paeba ichamonaetha pomonaе pata. Mataꞛtano yabara paeba pocotsiwa Jesús cana exana marrano duweimonaetha.

<sup>17</sup> Bapoxonae barapomonaе tamropata notarꞛcꞛpa xua Jesús itawetatsi, jeye: “Maisa bewa warapaename Gerasa nacua weya, po nacua pata nacua weya”, jei barapomonaе.

<sup>18</sup> Poxonae Jesús jeratha nontabiya, bapo pebin pon bayatha caurimonaе xeina, bapon Jesús wꞛcatsi xua bepa pinae Jesús puna ponaetsi.

<sup>19</sup> Ichitha Jesús jopa copatsiyo xua pepuna ponaenexa tsainchi bapon. Saya jame Jesús bapontha jeye:

—Maisa jinya bo beya ponare ichaxota jinyamonae matabꞛꞛyo beya. Barapomonaetha tsipaebare daxita pocotsiwa Nacom cacana exana. Mataꞛtano barapomonaetha tsipaebare xua Nacom bara cayabara najꞛntꞛ coyene xeina pia necayawenaenexa, jei Jesús.

<sup>20</sup> Bapoxonae barapo pebin ponataba. Mataꞛtano tamropata pitaba xua cueicuei-jei daxita pocotsiwa bayatha Jesús cana exana bapontha. Barapon baxua tsipaeba Decápolis tomarantha, po tomaran xua diez po tomaranbe xua imoxoyo nacacuita ena. Daxita jiwi barapo tomaran najꞛntꞛ coyene cabenaeca poxonae jume tane xua barapon paeba.

*Meje yabara xua poxonae Jairo pexantiyo taaxaibi exanatsi; yawa yabara xua bapoxonae irꞛ icha yabꞛyo axaibi exanatsi poxonae Jesús pia paparuwa tajayabatsirꞛ*  
(Mt 9.18-26; Lc 8.40-56)

<sup>21</sup> Poxonae Jesús caibeya pona jeratha icha muxunene beya pucua iya, bapoxonae pin bicheito Jesús pia xantha tapatatsi pitapatha.

<sup>22</sup> Bapoxonae caein patopa pon judiomonaе pia penacaetutsi bo tatsi pecanamataxeinaewi jiwanaeponaepin. Bapon pewꞛn Jairo. Poxonae bapon Jesús tainchi, Jesús peitabaratha tatsi pentabocototha tauncuatsi.

<sup>23</sup> Bapon Jairo bichocono Jesús wꞛcatsi. Jairo jeye:

—Taxantiyo muxu imoxoyo petꞛpaе. Anetha, inta taxantiyo necobetha mata jayabare, axaibi jinya neexanaenexa tsane. Bapoxonae inta asꞛ pepoponaenexa tsane, jei Jairo.

<sup>24</sup> Bapoxonae nexata Jairo Jesús puna pona. Pin bicheito Jesús puna poinchi, yawa barapo bicheito tsaquibabatsi.

<sup>25</sup> Barapo pin bicheitha irꞛ napona yabꞛyo powa atene. Barapowa caena bayatha beya yadoce po weiyobe jopa xua pentabꞛ janatha boca xua be nantawane.

<sup>26</sup> Barapowa bichocono atene tsaibi bequein siwa poneiba pomonaetha pomonaе peyawꞛbiwi jiwi. Barapomonaе bapowa daxita cobe matapaeteibatsi paratixi xua

bapowa peyaw**u**bixaetsi, daichitha bapowa jopa yawenaetsi baxua. Saya equeicha bichocono abe tsoponae bapowa.

<sup>27</sup> Poxonae bapowa jume tane xua pinae juinya Jesús axaibi exana jiwi, bapoxonae bapowa imoxoyo caquita uncuataba Jesús peputha tatsi xua pin bicheitha. Barapowa Jesús pia paparuwa tatsi tajayabatsi xua peopirawa.

<sup>28</sup> Barapowa pia coutha natsipaeba, najei: “Icha saya Jesús pia paparuwa tajayabin, bapoxonae axaibin tsane”, najei.

<sup>29</sup> Poxonae barapowa tajayaba Jesús pia paparuwa tatsi, bapoxonae caena nainya bapowa ajaneibi tsanareca. Bapowa pia coutha nayaputane xua bayatha axaibi.

<sup>30</sup> Jesús pia coutha nayaputane xua ich**u**n axaibi peexanaewatsi, tsipei pia pepon weya taajiwanatsurucuaetsi pia peayap**u**s itorobi coyenewa tatsi. Bapoxonae Jesús napatomeicha necota jiwitha, jeye:

—¿Jintam inta paparuwa jayabara? jei Jesús.

<sup>31</sup> Nexata Jesús pijimonae jume notatsi, jeye:

—Apara xam bayatha taneme xua pin bicheito catsaquibaba. ¿Eta xua metha pana yainyabame: ‘¿Jintam metha inta paparuwa jayabara?’ jam? jei pijimonae tatsi.

<sup>32</sup> Ichitha Jesús daxita j**u**paya tane peyaputaenexa pon pejayabiwatsi.

<sup>33</sup> Barapowa bichocono junuwa, tsipei yaputane xua barapowa Jesús jayabatsi poxonae axaibi exanatsi. Barapowa jijiyeya patopa Jesthath, yawa pentabocototha uncuata Jesús peitabaratha tatsi xua Jesús pebar**u** cui itura jinaexaetsi peainya cuinxae. Barapowa bara xainyeya paeba daxita pocotsiwa xua exana.

<sup>34</sup> Jesús jeye barapowatha:

—Yab**u**yo, caaxaibi exanatsi tana neyabara jume cow**u**ntsixaem xua bara tana neitac**u**paewa xua tacaaxaibi exanaewatsi. Saya j**u**ntemiya poponde. Bara axaibim tsaibim tsane xua bara nepu tsitecae tsane, jei Jesús.

<sup>35</sup> Poxonae Jesús cataunxuae cueicueijei tsuncuae barapowatha, bapoxonae pata pomonae Jairo pia botha petanacuichi jiwichi. Bapon Jairo pecanamataxeinaein judiomonae pia penacaetutsi bo tatsi. Barapomonae jeye Jairotha pon pexantiyo taatenetsi:

—Nexantiyo bayatha cata t**u**pa. ¿Eta xua metha came fayacotame pon jiwi Pecuidu-bin? jei barapomonae.

<sup>36</sup> Bequein bara baxua Jesús jume tane, ichitha baxua Jesús jopa jume naitaewatsiyo. Jesús jeye Jairotha:

—Jopa junuwinde, saya maisa nejume cow**u**nde, jei Jesús.

<sup>37</sup> Bapoxonae Jesús jopa copatsiyo xua pepuna ponaewatsi tsainchi ichamonae. Saya meisa Jesús copata, xua pepuna ponaenexa tsainchi Pedro, ir**u** Santiago ir**u** Juan pon Santiago peweicho tatsi.

<sup>38</sup> Poxonae Jesusbar**u** pata Jairo pia botha tatsi, bapoxonae Jesusbar**u** tane pin bicheito xua ajumeyaexa. Barapomonae bichocono wecoyeyi, yawa wawai xua Jairo pexantiyo petat**u**paexaetsi.

<sup>39</sup> Bapoxonae Jesús joniya botha, yawa tsipaeba barapomonaetha, jeye:

—¿Eta pocotsiwa metha paajumeyaexam, xua yawa pawecoyam? Barapo pexuyo apara jopa t**u**paeyo, apara maituncua, jei Jesús.

<sup>40</sup> Ichitha barapomonae Jesús jume cui caponatsi. Nexata barapo pin bicheito Jesús pesato beitaweya. Meisa saya Jesús bar**u** joniya coxiy**u**n, coxiwano ichaxota Jairo pexantiyo tatsi pet**u**paeyo tabocatsi. Mata**u**tano Jesús pijimonae bar**u** joniya poyobe acoibi poyobe.

<sup>41</sup> Barapowayo Jesús cobe pita, yawa jeye:

—Talita, cum, jeichichi (xua apara jeichi: “Yab**u**yo, asiya uncuare, catsipaebatsi”, jei Jesús.)

<sup>42</sup> Barapoxonae barapowa caena nainya nontapona, powa xua doce po weibe xeina powayo Jairo pexantiyoxae tatsi. Barapowa asiya uncua, yawa itacupatsi xua peponaewa. Barapoxonae barapo pin bicheito poxonae baxua Jesús cui tainchi najuntũ coyene cabenaeca.

<sup>43</sup> Bapoxonae Jesús jume daunweya itoroba jiwitha xua baxua jopa peyabara paebinexatsi ichamonaetha pocotsiwa Jesús cana exana barapowayotha. Bapoxonae Jesús itoroba xua barapo pexuyo bara peapatsiwa tsainchi pexaewa.

## 6

### *Meje yabara poxonae Jesús Nazaret tomaratha popona (Mt 13.53-58; Lc 4.16-30)*

<sup>1</sup> Nexata Jesús Capernaum tomara weya warapa, equeicha caibeya pia tomara beya warapa xua Nazaret tomara beya. Irũũ Jesús pijimonae puna poinchi.

<sup>2</sup> Poxonae judiomonae barompaya pia pentaquei seicae matababi tatsi tsuxubi, barapo matababitha Jesús tamropata pitaba xua cuiduba judiomonaetha judiomonae pia penacaetutsi botha tatsi. Pinmonae pomonae Jesús jume tayenatsi, barapomonae najuntũ coyene cabenaeca, jeye:

—¿Eta xota metha bapon nacuiduba daxita baxua jane? ¿Jintam metha cata bapontha barapo peyaputae coyene jane, xua daxota bapon pexeinya petsita itũtsi coyenewa exana?

<sup>3</sup> Apará bapon pon naepan pematabobin. Bapon apará María pexanto tatsi, apará irũ Santiago pentapin tatsi, irũ José pentapin tatsi, irũ apará Judas pentapin tatsi, irũ Simón pentapin tatsi. Apará bara irũ pamchowaxi tatsi watomaratha jinompa, jei barapomonae.

Daxota barapomonae jopa xapain Jesús yabara jume cowantsichi.

<sup>4</sup> Ichitha Jesús jeye barapo jiwitha:

—Daxita jiwi ba barũ cui itura jina pontha pon Nacom peayapusũ itorobi jume pepaebin. Nama pia tomarapiwi tatsi, irũ piamonae tatsi irũ pia bomonae matabũxũyomonaepiwi tatsi, barapomonae ba jopa bapon barũ cui itura jinaetsi, jei Jesús.

<sup>5</sup> Daxota Jesús jopa itacupaetsi xua pexeinya petsita itũtsi coyenewan peexanaewa barapo Nazaret tomaratha po tomara pia tomaraxae tatsi. Saya meisa Jesús axaibi exana tsicamonaeyo pomonae peatenewi.

<sup>6</sup> Jesús najuntũ coyene cabenaeca, tsipei barapomonae jopa yatsicaewa jume cowantsichi.

### *Meje yabara poxonae Jesús pijimonae itoroba xua barapomonae peyabara cueicuei- jeinexa jiwitha po coyene xua Nacom waba jiwi xua petanaexanaenexatsi pijimonae tatsi (Mt 10.5-15; Lc 9.1-6)*

Daxota Jesús cuidubapona tsiqui tomaraxitha po tomaraxi ena Nazaret tomara pecuariya.

<sup>7</sup> Jesús waba pijimonae pomonae doce poyobe tatsi. Jesús tamropata pitaba xua tsana itoroba tsiniya tomarantha be dos poyobe tsiniya. Jesús pijimonae cata pia peayapusũ itorobi coyenewa, xua pijimonae tatsi peitawetsinexa caurimonae.

<sup>8</sup> Jesús pijimonae itoroba, xua pijimonae tatsi jopa pecaponaenexa pocotsiwan xua poxonae namtontha peponaenexa. Itoroba xua saya meisa pecaponaenexa naeton po naeton penacobena bababi naeton. Jopa bewa barapomonae pecaponaenexa cotein, yawa jopa bewa pecaponaenexa pexaewan, yawa jopa bewa pecaponaenexa paratixi.

<sup>9</sup> Yawa Jesús pijimonae itoroba xua bara nataxu xatabina sapaton, po sapaton pebũxũmũbiwan. Matautano barapomonae bewa nama xatabina saya be cae camisan. Jopa bewa caponae icha camisan.



<sup>10</sup> Jesús pijimonae barai, jeye:

—Poxonae papatame tomaratha moya bara paenare po botha papatame, xua beya ab<sub>u</sub> poxonae pawarapaename barapo tomara weya.

<sup>11</sup> Icha, icha tomarapiwi jopa paca matenta weyataeya wabiyo, matautano icha jopa paca jume naitaewatsiyo pocotsiwa papaebame, nexata bapoxonae barapo tomara weya pawarapare. Po tsorobon painya taxutha dubena panataxu wen<sub>u</sub>n<sub>u</sub>babare barapo tomaratha. Baxua paexande xua barapomonae peyaputaenexa xua apara barapomonae abe exana paxamtha, jei Jesús.

<sup>12</sup> Bapoxonae Jesús pijimonae tatsi ponar<sub>u</sub>c<sub>u</sub>pa Jesús pia xainya weya tatsi. Barapomonae cueicueijeji jiwitha xua bewa pinae jiwi icha j<sub>u</sub>n<sub>t</sub><sub>u</sub> coyene xeinae Nacomtha xua peuraxae xua abe peexanae cuiru coyene exana Nacomtha.

<sup>13</sup> Barichino barapomonae taitaweta cauri pomonae cauri xeina. Matautano barapomonae caxueba penasiwatha pomonaetha pomonae peatenewi. Bapoxonae barapomonae axaibi exana pinmonae pomonae peatenewi.

*Meje yabara poxonae Juan bexotsi pon Pebautisabin jiwi  
(Mt 14.1-12; Lc 9.7-9)*

<sup>14</sup> Herodes pon Galilea nacuapiwi itorobiya pia pepa peewatsinchi bapon jume tane xua juinya jiwi daxita jume tane pocotsiwa Jesús exana. Daxota bapon jeye:

—Juan pon jiwi Pebautisabin pon bequein bayatha t<sub>u</sub>pa, equeicha as<sub>u</sub> juina. Daxota barapon Jesús xeina barapo peayapus<sub>u</sub> itorobi coyenewa xua exana pexeinya petsita it<sub>u</sub>bi coyenewan, jei Herodes.

<sup>15</sup> Ichamonae Jesús yabara jeichichi:

—Bapon apara Elías xua equeicha as<sub>u</sub>, pon bayatha t<sub>u</sub>pa, jei.

Ir<sub>u</sub> ichamonae jeye:

—Bapon apara pon Nacom peitorobi jume pepaebin icha pomonae ichi pomonae Nacom peitorobi jume pepaebiwi pomonae caena bayatha jinompa, jei xua ichamonae paeba.

<sup>16</sup> Poxonae Herodes baxua jume tane, jeye:

—Apara bapon Juan, pon yabara xua bayatha najume carutan xua bapon pewisi ucuibiwatsi. Anoxuae bapon equeicha as<sub>u</sub> pet<sub>u</sub>pae cuiru coyene weya, jei Herodes.

<sup>17</sup> Herodes baxua paeba, tsipei caena bayatha Herodes cui itoroba xua Juan pe-waetabinexatsi, matautano xua pemax<sub>u</sub> c<sub>u</sub>binexatsino matautano xua jiwi pec<sub>u</sub>bi botha peetsinexatsi. Herodes baxua exana tsipei piowa tatsi powa pew<sub>u</sub>n Herodías pia coutha baxua peichichipaexae. Barapowa copiya Felipe xeina pon Herodes peweicho tatsi. Herodes peweicho yacaiba yab<sub>u</sub>yo.

<sup>18</sup> Daxota Juan jiwi pec<sub>u</sub>bi botha etatsi, tsipei Juan Herodes tsipaebatsi, jeichichi: “Nacom pia peitorobi coyenewa jopa copatsiyo xua xeiname bapowa tsipei bapowa eweicho piowa tatsi”, jei Juan.

<sup>19</sup> Daxota bapowa Herodías Juan bichocono casebatsi. Bequein bapowa ichichipa xua Juan pecaenaetaxubiwatsi xua ichamonae pebexubiwatsi tsainchi, ichitha jopa itac<sub>u</sub>paetsi bapowa.

<sup>20</sup> Herodías jopa itac<sub>u</sub>paetsi xua peexanaewa baxua, tsipei Herodes Juan cunuwatsi. Bapon yaputane xua Juan bara xaniwaicha peexanaein, xuano matautano bara j<sub>u</sub>n<sub>t</sub><sub>u</sub> coyene xanepana Nacomtha. Daxota jopa copatsiyo xua Juan bara abe pecana exanaenexa tsainchi. Bequein Herodes yabara <sub>u</sub>n<sub>t</sub><sub>u</sub>th<sub>u</sub> deideijeji pocotsiwa Juan pepaebixae, daichitha awiya ichichipa pocotsiwa Juan pepaebiwa.

<sup>21</sup> Ichitha matabi jopa, po matabitha Herodías itac<sub>u</sub>paetsi xua Juan abe pecana exanaewatsi. Herodes yantacabi jopa, po matabitha caena bayatha Herodes naexana poxonae pexuyo. Barapo matabitha Herodes exana pin penabanaewa. Bapon waba pomonae ir<sub>u</sub> pentacaponawewi, pomonaetha itoroba xua ir<sub>u</sub> tacanamataxeinatsi icha

tomarantha. Irano wabano pomonae soldadomonaepia pepa pentacaponawewi tatsi. Irano wabano pomonae ainya cui penaexanae jiwi Galilea nacuatha.

<sup>22</sup> Herodías pexantiyo tatsi patopa po tututha ichaxota nabanathopa. Barapowa tsita yaweibuncua xua barapomonaepane. Baxua Herodes ichichi xeica xua bapowa yaweibuncua. Iruru pomonae baxota naxayena, ichichi xeica baxua. Bapoxonae Herodes jeye bapowatha.

—Newucare pocotsiwa xua neichichipaewa, bapoxonae cacatsinchi jinya beta neyaweibixae, jei Herodes.

<sup>23</sup> Bapon Herodes yabara tsiwunaep muxu dutsiya jeye:

—Bara cacatsinchi pocotsiwa xua newucame. Metha bequein newucaetsipame xua tanacua epa toyatsipan baraxua bara cacatsinchi, jei.

<sup>24</sup> Barapowa pona xua peyainyabinexa pena, jeye:

—Ena, zeta pocotsiwa metha wucacuaein? jei.

Barapowayo pena jume notatsi, jeye:

—Wucare Juan pentasipa tatsi, pon jiwi Pebautisabin matasipa, jei Herodías.

<sup>25</sup> Barapowayo barapoxonae caena nainya pona ichaxota eca Herodes. Jeye bapontha:

—Ichichipan xua nainya anoxuae tanecatsiwam tsane paratontha Juan pentasipa tatsi, pon jiwi Pebautisabin matasipa, jei.

<sup>26</sup> Barapoxonae Herodes bichocono unthuthu wecoyei. Ichitha tsipei bayatha yabara petsiwunaep muxu dutsixae xua bepa pinae catsina pocotsiwa wucacuaeinchi, matautano tsipei pejume taexaetsi pomonae bayatha waba, daxota Herodes jopa bejume totabiyo pocotsiwa wucatsi.

<sup>27</sup> Bapoxonae caena nainya Herodes itoroba soldadomonaepin xua pecarenaenexa tsane paratontha Juan pentasipa tatsi. Bapon pona jiwi pecubi bo beya. Baraxotiya Juan wisi ucuibatsi.

<sup>28</sup> Barapo soldadomonaepin matasipa carena paratontha. Bapon cata yabuyotha. Barapowayo xuya pena cata.

<sup>29</sup> Pomonae Juan pia pepuna jinompaewichi jume tane xua pinae Juan bexotsi. Barapoxonae barapomonaep pona jiwi pecubi bo beya xua Juan pepichinexa tsainchi petupaepin, yawano xua peboyaenexa tsainchi ibo wou muthu iya.

*Meje yabara poxonae Jesús apata pexaewa cinco mil pebiwi  
(Mt 14.13-21; Lc 9.10-17; Jn 6.1-14)*

<sup>30</sup> Barapoxonae pirapae Jesús pia peitorobiwi tatsi, Jesús baru nacaetutatsi. Barapomonaep Jesús tsipaebatsi xua daxita pocotsiwan barapomonaep peexanaexae, yawano pocotsiwa xua bayatha barapomonaep cuiduba.

<sup>31</sup> Jesús pijimonaep tsipaeba, jeye:

—Anetha poinchi, xua wanafifina ewatsinexa tsainchi saya caeto ichaxota jiwaibi beya, jei Jesús.

Daxota Jesús baxua paeba, tsipei pinmonae Jesús itata pateibatsi, xua poxonae naepanaya poneiba. Daxota Jesús iru pijimonaep tatsi jopa itacupaetsi xua pexaewa tsane.

<sup>32</sup> Barapoxonae Jesús, iru pijimonaep tatsi compa ponarucupa jeratha ichawatha beya xua ichaxota jiwaibi beya.

<sup>33</sup> Ichitha pin bicheitomonae tane poxonae Jesús iru pijimonaep tatsi jeratha pona. Barapo pin bicheitomonae Jesusbaru yaitainchi. Barapo pin bicheitomonae daxita tomaran wecuinaeyiya. Bapoxonae pata ichaxota jiwaibi beya. Barapomonaep tsiwanaya patatsi Jesús.

<sup>34</sup> Poxonae Jesús jera wenontouna bapoxonae Jesús tane pin bicheito. Jesús yabara najuntu coyene xeina xua barapomonaep peyawenaenexatsi. Barapomonaep jopa

xeinaeyo pon peyawenaein barapomonaetha icha be oveja ichi poxonae jopa xeinaeyo pon peyapu eenaein. Daxota Jesús barapomonaetha cuiduba ainya coyenein.

<sup>35</sup> Poxonae tabopiya tsanaichaba Jesús pijimonaetha itata patatsi, jeye Jesthath:

—Bayatha tabopiya tsanaicha. Xote apara bon ajibi xua ichaxota jiwi jinompa.

<sup>36</sup> Barapomonaetha itorobare ichaxota po bon pipatotha umena yawa ichaxota xua tomaranxitha xua imoxoyo wacuariya xua barapomonaetha pecomocaewa pexaewa. Tsipei xote pexaewa ajibi, jei pijimonaetha tatsi.

<sup>37</sup> Ichitha Jesús pijimonaetha barai, jeye:

—Paxam jame moya paapare pexaewa, jei.

Barapomonaetha jeye:

—¿Xam ichichipame xua pata upain comocaewa tsane barapo bicheitomonaetha ainya panmonaetha xua pata comocaenexa doscientos po paratiximonaebetha pocotsi paratiximonaebe xeineiba pomonaetha nacuiteiba doscientos matabibetha? jei barapomonaetha.

<sup>38</sup> Jesús barai pijimonaetha, jeye:

—Pan ¿eta xoyobe paxename? Incane matha pataema, jei.

Poxonae barapomonaetha yaputane jeye Jesthath:

—Cinco po panyobe, yawa dos poyobe duweiyobe, jei barapomonaetha.

<sup>39</sup> Jesús pijimonaetha najume caruta xua bepa daxita barapo bicheito iratha taenaetsei naepanaewatha xua pepa bicheiton tsana naexana tsiniya.

<sup>40</sup> Barapo pin bicheito pepa bicheito naexana tsiniya. Icha bicheito cien poyobe tsiniya. Icha bicheito cincuenta poyobe tsiniya.

<sup>41</sup> Barapoxonae Jesús pecobetha pita pan cinco po panyobe. Yawa pita duweiyobe xua dos poyobe. Bapoxonae Jesús peitaboco benecoicha, Nacomtha tsipaeba jeye: “Axa maisa juntũ coyene weiweinan, xua pexaewa pata tanecatxiwaxaem”, jei Jesús. Barapoxonae Jesús epa janaxuba pan. Jesús pijimonaetha cata barapo pan, xua pijimonaetha tatsi xuya pecatsibaponaenexa barapo pin bicheitotha. Barichi Jesús duweiyobe epa janaxubabe. Bapoxonae apata barapo pin bicheitotha.

<sup>42</sup> Barapo pin bicheito bara daxita nabane. Bara jain cowuntarũcpatsi.

<sup>43</sup> Barapoxonae Jesús pijimonaetha tatsi doce po cotebe wũmba xua nacopaba xua bayatha barapo jiwi jopa xaeyo petonsanaexae.

<sup>44</sup> Pomonaetha xua barapo pan pexaexae barapomonaetha cinco mil pebiwimonaetha.

*Meje yabara poxonae Jesús mene matatsun jumatha pona  
(Mt 14.22-27; Jn 6.16-21)*

<sup>45</sup> Pirapae Jesús pijimonaetha itoroba xua peponaenexa jeratha, xua icha muxunene beya. Barapomonaetha Jesús tsiwana payatsi Betsaida tomara beya. Barapoxonae Jesús napeyaba barapo pin bicheito.

<sup>46</sup> Poxonae Jesús napeyaba barapo pin bicheito, bapoxonae Jesús pona demxuwathe-icha xua petsipaebineha Nacomtha.

<sup>47</sup> Poxonae bayatha quirei tsanaicha, bapoxonae Jesús pijimonaetha tatsi irũ jeratha tuwũtha yanapona. Jesús irũ compa pecaetha popona.

<sup>48</sup> Jesús tane xua barapomonaetha bichocono daunweya nowaeta tsipei dawerena bichocono joibo daunwei. Poxonae mataqueiwũnaeyo tsoponae, Jesús pijimonaetha imoxoyo caquita pona. Bapon mene matatsun jumatha pona. Jesús juntucuru xenta iya barapomonaetha.

<sup>49</sup> Poxonae Jesús pijimonaetha tainchi xua mene matatsun jumatha pona, barapomonaetha itaraerowiya nanta xeina, xua Jesús itara mexeya dowatsiwejei. Yawa barapomonaetha wawai.

<sup>50</sup> Daxota barapomonaetha bichocono wawai, tsipei daxita barapomonaetha tane, yawa bichocono cuitaya junuwa. Ichitha Jesús barai barapomonaetha, jeye:

—¡Apara xan! ¡Jopa pajunuwinde! ¡Maisa pajuntꞤ coyene weiweinare! jei Jesús.

<sup>51</sup> Bapoxonae Jesús jeratha nontabiya barapomonae pia xantha tatsi. Barapoxonae joibo caewanaya exana. Barapomonae bichocono najuntꞤ coyene cabenaeca.

<sup>52</sup> Barapomonae baxua exana, tsipei barapomonae cataunxuae jopa yaputaeyo xua apara Jesús pon Nacom itoroba. Bequein bapon pexeinya petsita itatsi coyenewa exana poxonae apata pan pin bicheitomonaetha, barapomonae jopa beyaputaeyo pia juntꞤ coyenewantha.

*Meje yabara poxonae Jesús axaibi exana pomonae peatenewi, pomonae Genesaret nacuapiwi*

*(Mt 14.34-36)*

<sup>53</sup> Jesús, irꞤ pijimonae tatsi bara pitapa berubenathopiya xua pucua weya. Genesaret nacuatha pata. Baxota jera quetanota pitapatha.

<sup>54</sup> Poxonae Jesús jera wenontouna, bapoxonae caena nainya pinmonae Jesús yaitaerꞤcupatsi.

<sup>55</sup> Bapoxonae barapo jiwi bara wecuinaeyiya daxita barapo ira weya. Matautano carendena pocotsiwa pemaichiwatha pomonae atenemonae, Jesús pia xainya beta-cayiyatsi.

<sup>56</sup> Daxitantha ichaxota Jesús ponaena, ichaxota bequein tsica tomaraxi, ichaxotano bequein pin tomaran, ichaxotano bequein tomaran cuariya, daxita barapomonae capona peatenewimonae. Barapo peatenewimonae jebatsi namtontha. Barapomonae Jesús wꞤcatsi xua Jesús petajayabinexatsi pia paparuwa peopirato tatsi. Daxita pomonae Jesús pia paparuwa tajayabatsi daxita barapomonae axaibi tsurꞤcupaibi.

## 7

*Meje yabara poxonae Jesús yabara paeba xua pebin abe peexanae cuiru coyene juntꞤ webocatsi*

*(Mt 15.1-20)*

<sup>1</sup> Nexata fariseomonae, irꞤ pomonae jiwi pecuidubiwi Moisés pia peitorobi coyene tatsi xua pomonae Jerusalén tomara werendena, daxita barapomonae Jesús imoxoyo caquita poinchi.

<sup>2</sup> Barapomonae tane xua Jesús pijimonae tatsi jiwana najuntꞤ coyene taxoba xuano xua daxota Nacom tsita natsicuentatsi abe peexanaexae poxoru jopa matha nacobe quiatsiyo poxonae xane. Daxota barapomonae nanta xeina xua Jesús pijimonae tatsi pomonae peantꞤcuiruyapube jiwi.

<sup>3</sup> (Barapomonae aichaxaibi xua Jesús pijimonae tatsi jopa matha nacobe quiatsiyo poxonae xane, tsipei fariseomonae irꞤ daxita judiomonae jopa daichiyo. Barapomonae pia cui xeina xua jopa xaibiyo poxonae jopa matha tsiwanaya daunweya nacobe quiateibiyo. Barapomonae barapo cui coyene exana xua po cui coyene pia pamo susato jiwi tatsi copiya cananta forota.)

<sup>4</sup> Poxonae barapomonae caibe nawibeibarena ichaxota po bon xua pexaewa pecae-naetsiwan weya, bapoxonae copiya tsiwanaya merantha naperꞤ tsicababeiba xua poxonae xane. Barichi barapomonae icha coyeneinno exanapona xua peitorobi coyenewantha itoroba xua poxonae corotixi itapa quiata, yawano corotonno xua caseta itapa quiata yawano paraton po paraton pecaxae paraton itapa quiata yawa caman.)

<sup>5</sup> Bapoxonae fariseomonae, irꞤ pomonae jiwi pecuidubiwi Moisés pia peitorobi coyene tatsi, jeye Jesthath:

—¿Eta xua metha jinya jiwimonae jopa exanaeyo xua pocotsiwa wamo susato jiwi pia peitorobi cui coyenewantha itoroba xua penajuntꞤ coyene taxobiyainwa? Jinyamonae barapo cui jopa exanaeyo xua jopa matha tsiwanaya nacobe quiateibiyo poxonae beya

xaiba. Daxota jinyamonae pomonae peantacuiruyapube jiwi xua penajuntũ coyene taxobixae, jei barapomonae.

<sup>6</sup> Jesús jume nota barapomonae, jeye:

—Bara Isaías pon Nacom peitorobi jume pepaebin beta xaniwaicha paca yabara paeba xua paxam pomonae itara mexeya xanepanaeya pepaebi jiwi pam, daichitha apara abeya peexanae jiwi pam. Bapon paca yabara tinaeya jeye, xua Nacom paeba:

‘Barapomonae neyabara barũ cui itura jina poxonae cueicueijeĩ tsaibi, ichitha pejuntũ coyenewantha jopa neantobeyo.

<sup>7</sup> Pocotsiwa poxonae barapomonae wũnae nejainta saya pejume pawĩ.

Po pecuidubiwa xua barapomonae cuiduba jiwitha saya apara jiwi pia peitorobi coyenewa tatsi’, jei Nacom xua Isaías tatina Nacom, jei Jesús.

<sup>8</sup> Equeicha Jesús jeye barapo fariseomonaetha irũ pomonaetha pomonae pecuidubiwi Moisés pia peitorobi coyene tatsi:

—Saya paxam panaitematame pocotsiwa Nacom pia peitorobi coyenewa tatsi painya exanaenexa po peitorobi coyenewa painya amo susato jiwi copiya canamata forota. Paxam baxua paexaname poxonae jiwi paitorobame xua jiwi matha penacobe quiateibinexa poxonae xaiba penajuntũ coyene taxobiayainwa, jei Jesús.

<sup>9</sup> Equeicha Jesús barapomonaetha jeye:

—Itapetsiya painya neexanaenexa pocotsiwa painya amo susato jiwi pia peitorobi coyenewatha itoroba, daxota bichoina pajume itawetame Nacom pia peitorobi coyenewa tatsi.

<sup>10</sup> Bayatha Moisés pia peitorobi coyenewatha itoroba, jeye: ‘Axa barũ cui itura jinare, irũ ena barũ cui itura jinare’, jei. Equeicha bapon Moisés jeye: ‘Pon abe yabara paeba paxa, xua jopa peyawenaewa paxa ichacuitha tsipae xua penatha, bara bapon bewa tũpaena’, jei Moisés.

<sup>11</sup> Ichitha paxam papaebame, xua pinae pebin bara itacũpatsi xua paxatha tsipaeba, ichacuitha xua penatha xua jeye: ‘Jopa neitacũpaeyo xua tapaca cayawenaewatsi, tsipei daxita pocotsiwa xeinan xua bequein pocotsiwatha tapaca cayawenaewatsi tsainchi baxuan daxita Nacomtha catan’, xua jei pebin.

<sup>12</sup> Poxonae pebũrũya payabara nanta xeiname xua bapon baxua paeba, bapoxonae bara pacopatame xua barapo pebin jopa penantawenonaewa xua peyawenaewa paxatha, irũrũ xua penatha.

<sup>13</sup> Poxonae paexanaponame pocotsiwa painya amo susato jiwi pia peitorobi coyenewatha itoroba, xuano xua ichamonae pacana exaname xua baxua irũ exana bapoxonae paxam Nacom pia peitorobi jume pecui pawĩ jume pacana exaname. Barichi ichawanno xua be jũpa xua peabe coyenein paexanameno, jei Jesús.

<sup>14</sup> Equeicha Jesús waba barapo bicheito pia xainya berena, jeye:

—Daxita paxam pana nejume taema yawa pana nejume copi yaputaema pocotsiwa paca tsipaebinchi.

<sup>15</sup> Pocotsiwa ba pebin pecoiboto deca tsijain jojonecatsi pexaewan, barapo coyene apara ba jopa bapana pebin antacuiruyapube exanaetsi xua poxonae pocotsiwa peexanaexae. Jame pocotsiwa ba pebin nanta xeina xua pecoibototha caunuta xua peabe jume, barapo jume coyenewatha jame pebin antacuiruyapube exanatsi xua poxonae pecueicueijeixae baxua.

<sup>16</sup> Icha pamuxu dubename, moya pana nejume naitaeware pocotsiwa tapaca tsipaebiwatsi, jei Jesús.



17 Poxonae Jesús jiwi cuenta pona yawa bo bejoniya, bapoxonae Jesús pijimonae yabara yainyabatsi barapo pecayabara j̄ta pepaebi diwesiyo.

18-19 Jesús jume nota pijimonae jeye:

—¡Paxam bara paichim icha fariseomonae ichi! Jopa payabara yaputaem barapo pecayabara j̄ta pepaebi diwesiyo xua pexaewa yabara. Bayatha paxam payaputaneme pocotsiwa pebin tsijain jojonecatsi pexaewa pecoiboto deca, barapo pexaewa jopa abe cana exanaeyo pebin pia j̄nt̄a coyenewa. Barapo pexaewa pebin jopa ant̄acuiruyapube exanaetsi. Barapo pexaewa jopa ponaeyo pia j̄nt̄a coyenewatha. Jame barapo pexaewa pecotsorotha pona. Bapoxonae pexaewa aichurucuae nawexacaeca, jei Jesús.

Poxonae Jesús baxua paeba jiwi yaputane xua daxita pexaewan bara w̄nae pexaenexa. Jopa jiwi ant̄acuiruyapube exanaetsi.

20 Equeicha Jesús namchi, jeye:

—Pocotsiwa pebin pecoibototha caunuta xua peabe jume, barapo jume coyenewatha jame pebin ant̄acuiruyapube exanatsi.

21-22 Tsipei pej̄nt̄a coyenewatha pebin nanta xeina, xua meje bapocotsiwanje: Abe penanta xeinae coyenewa, ir̄a peita coxanae coyenewatsi coyenewa xua poxonae penayaputae jiwi naper̄a nacoayaba, ir̄a ich̄an piawa tatsi pecaibi coyenewa, ir̄a ich̄an anaya pebexotsi coyenewa, ir̄a ich̄an piseuri tatsi pepichi coyenewa, ir̄a ich̄an piawa tatsi peichichipae coyenewa, ir̄a abe peexanae coyenewa, ir̄a ich̄an pemuxitorobiwatsi coyenewa, ir̄a peuȳuj̄ei coyenewa, ir̄a peuwi coyenewa, ir̄a ich̄an peyabara naerabiwatsi coyenewa, ir̄a ich̄amona peabi coyenewatsi, ir̄a jopa xainyeya peexanae coyenewa poxonae bequein yaputaetha xua jopa bewa exanae.

23 Daxita barapo coyenein pej̄nt̄a coyene weya jume pichapa. Barapo jume coyeneintha pebin ant̄acuiruyapube exanatsi, jei Jesús.

*Meje yabara poxonae yab̄yo powayo penanapaincha poponaewayo Jesús jume cow̄ntatsi*

*(Mt 15.21-28)*

24 Bapoxonae Jesús bara weya pona. Tiro tomara beya pona. Sidón tomara beya ponano. Jesús botha joniya. Bequein Jesús aichaxaibi xua jiwi yaputane ichaxota bapon eca, ichitha Jesús jopa itac̄paetsi xua nameicha eca.

25 Barapoxonae caena nainya petsiriwa jume tane xua Jesús botha eca. Barapowa pexantiyo tatsi cauri xeina. Daxota barapo petsiriwa patopa Jesththa. Yawa pentabocototha uncuwa Jesús peitabaratha tatsi xua bapowa petsita ainya cuixaetsi.

26 Barapowa penanapaincha poponaewayo pecueicueijeixae griegojume. Jopa judiomonae jitowayiyoy. Bapowa sirofeniciamonaewayo naexana penaexanaexae Fencia tomaratha xua Siria nacuatha. Barapowa Jesús w̄ncatsi jeye:

—Taxantiyo inta taitawere cauri, jei barapowa.

27 Ichitha Jesús jume nota barapowatha pecayabara j̄ta pepaebi diwesiyotha, jeye:

—Jopa bewa ba auri apatsi pexaewa pocotsiwa pexui pia pexaewa tatsi. Baxua caunutsiya apara yabara paeban xua jopa bewa catsin tsane pomonaetha pomonaen penanapaincha jinompaewi pomonaen jopa judiomonaen naexanaeyo xua pocotsiwa barompaya judiomonaen piawa tatsi. Daxota jopa w̄naeyo xua cayawenatsi, jei Jesús.

28 Barapowa jume nota Jesththa pecayabara j̄ta pepaebi diwesiyotha, jeye:

—Aa, bara barichi xuaunxuae netsipaebame ponxaem Tanecanamataxeinaem. Xainyei paebame. Jopa ba bewa auri catsibi pexui pia pexaewa tatsi. Daichitha auri ba xane pocotsiwa pexui sorobaba barapo pep̄r̄w̄ixi pocotsiwa pexaethopaewa peb̄x̄pana tsica othopeica. Bara j̄tiya ichiya necana ichinde, daichitha neyawende, jei barapowa.

29 Barapoxonae Jesús barai barapowatha, jeye:

—Bara xaniwaicha paebame daxota cayawenatsi. Moya bara bara beya ponare. Bara bayatha nexantiyo wepu poinchi cauri, jei Jesús.

<sup>30</sup> Poxonae barapowa patopa pia botha, pexantiyo taebota xua camatha jantema boca. Matautano tane xua bapowayo bayatha wepu poinchi cauri.

*Meje yabara poxonae Jesús axaibi exana pon pemuxusipanaein*

<sup>31</sup> Bapoxonae Jesús Tiro tomara weya pona, xua caibeya pona, ichaxota Sidón tomara iya pona. Matautano ichaxota diez po tomaranbe iya pona po tomaran pewn Decápolis. Bapoxonae Galilea pucuatha patopa.

<sup>32</sup> Baraxotiya Jesús pia xainya berena tacapoinchi pebin pon muxusipana, matautano xua jopa itacupaetsi xua pecueicueijejiwa. Pomonae pecarendenaexae bapon, barapomonae Jesús wucatsi, xua Jesús penta jayabiwa tsane xua bapon axaibi peexanaenexa tsainchi.

<sup>33</sup> Barapo pebin Jesús aisowa bebaru poinya pin bicheito pia xainya weya tatsi. Jesús pecobesitobetha nantiyabe muxu yauxatata. Poxonae naone sutaba peone pecobetha bapoxonae barapo cobetha ebato jayaba bapontha.

<sup>34</sup> Bapoxonae Jesús peitaboco benecoicha, yawa najumei cajujuina, yawano jeino bapontha: “¡Efata!” jeichichi, (xua jeichichi: “¡Muxu nasabare!” jeichichi.)

<sup>35</sup> Bapoxonae caena nainya bapon muxu nasaba nantiyabe. Matautano bara ebato xanepana. Matautano bara itacupaetsi xua pecueicueijejiwa beta.

<sup>36</sup> Bapoxonae Jesús barai barapomonae, jeye: “Jopa ichamonaetha pana neyabara paebinde pocotsiwa exanan”, jei Jesús. Bequein Jesús matowa tsipaeba baxua, dai-chitha barapomonae awiya baxua yabara paebeiba ichamonaetha beyacaincha xua Jesús jume matawenta.

<sup>37</sup> Barapomonae najuntu coyene cabenaeca, yawa jeino: “¡Maisa barapon bichocono daxita coyeneya xanepana exana! Pomonae pemuxusipanaewi equeicha beta jume tane, yawa bara cueicueijeji”, jei barapomonae.

## 8

*Meje yabara poxonae Jesús pexaewa apata cuatro mil pebiwi (Mt 15.32-39)*

<sup>1</sup> Bapoxonae icha matabitha pinmonae nacaetuta Jesús pia xantha tatsi. Jopa xeinaeyo pocotsiwa xua pexaewa tsane. Bapoxonae Jesús waba pijimonae, yawa jeye:

<sup>2</sup> —Barapomonae yabara najuntu coyene xeinan tayawenaenexa, tsipei barapomonae bayatha xote nebaru jinompa acoibi po matabibe. Anoxuae jopa xeinaeyo xua pocotsiwa pexaewa tsane.

<sup>3</sup> Icha barapomonae jainbotha pu itorobichipan pia bon beya, piyain namtotha xuirabathopaetsipa. Metha xuirabathopaetsipa tsipei ichamona bayatha taju weren-dena, jei Jesús.

<sup>4</sup> Jesús pijimonae jume notatsi, jeye:

—Paxan jopa pana itacupaeyo xua barapomonae pexaewa pata apatsiwa, tsipei xote jiwaibi xua pata comocaenexa pexaewa, jei Jesús pijimonae tatsi.

<sup>5</sup> Jesús yainyaba pijimonae, jeye:

—¿Eta po panyobe paxeiname? jei.

Jesús jume notatsi pijimonae, jeye:

—Siete po panyobe paxeinan, jei.

<sup>6</sup> Nexata Jesús pijimonae najume caruta xua bepa pinae barapo jiwi iratha taenaetsei. Jesús pecobetha pita barapo siete panyobe. Bapoxonae Nacomtha tsipaeba jeye: “Axa, maisa juntu coyene weiweinan xua pexaewa pata tanecatsiwaxaem”, jei Jesús. Bapoxonae Jesús pan epa janaquiya nacobe weta. Bapoxonae Jesús pijimonae catsibapona, xua pijimonae tatsi xuya pecatsibaponaenexa barapo bicheitotha.

<sup>7</sup> Barichino barapomonae be conotha xeina duweixi poxi tsiquirixi. Jesús Paxa tsi-paeba jeye: “Axa, maisa j̄nt̄u coyene weiweinan xua pata tanecatxiwaxaem duweixi”, jei Jesús. Poxonae Jesús epa janaca, bapoxonae pijimonae cobe itoroba xua pecatsi-baponaenexa barapo bicheitha.

<sup>8</sup> Daxita barapomonae bara xane. Daxita bara jain cow̄ntar̄uc̄patsi. Pirapae awiya equeicha w̄mba siete po cotebe xua nacopaba pocotsiwa xua barapomonae bayatha jopa xaeyo petonsanaexae.

<sup>9-10</sup> Pomonae nabane pexaewa, barapomonae cuatro mil pebiwi. Bapoxonae Jesús pu itoroba barapomonae, xua penawibiyaenexa pia tomanan beya. Bapoxonae caena nainya Jesús, ir̄u pijimonae tatsi, jeratha nonobabiya pewarapaenexa Dalmanuta nacua beya.

*Meje yabara poxonae fariseomonae Jesús cui itorobatsi xua peexanaewa tsane pex-einya petsita it̄tsi coyenewa*  
(Mt 16.1-4; Lc 12.54-56)

<sup>11</sup> Bapoxonae fariseomonae pata Jesustha. Barapomonae tamropata notar̄uc̄pa xua najume matsontsonoba exana Jesustha. Barapomonae Jesús pej̄nt̄u coyene j̄j̄tsinexatsi, daxota Jesús piraichi cui itorobatsi pia petsita it̄tsi coyenewa pocotsi coyenewa xua cana exana itaboco wetsica. Barapomonae jopa bapon jume cow̄ntsichi icha jopa itac̄paetsi xua exana petsita it̄tsi coyenewa.

<sup>12</sup> Jesús najumeicauna pej̄nt̄u coyene weya poxoru barapomonae bapon amuxu-coyenefaetabi exanatsi. Bapoxonae jeye:

—¿Eta pocotsiwa metha barapomonae tapexeinya tsita it̄tsi coyenewa necui itoroba jane? Bara xainyeya paca tsipaebatsi jopa bapana beexanaeinyo baxua, xua barapomonae necui itoroba, jei Jesús.

<sup>13</sup> Bapoxonae Jesús cuenta pona barapomonae jeratha, peponaenexa icha muxunene beya xua pucua iya.

*Meje yabara poxonae Jesús pijimonae yabara yaputane exana pocotsiwa pan cotowa exana*  
(Mt 16.5-12)

<sup>14</sup> Jesús pijimonae tatsi j̄nt̄emaina xua capona pan. Meisa cae pan capona jeratha, po nae pin naetha.

<sup>15</sup> Jesús itoroba pijimonae, jeye:

—Dota pam, jopa pajume naitaewatsinde fariseomonae pia pecuidubi coyenewa tatsi xua painya nejume cow̄ntsiyainwa. Matautano dota pam, xua Herodes pia pecuidubi coyenewa tatsi xua painya nejume cow̄ntsiyainwa. Barapo pecuidubi coyenewan jiwi ichawa beya aj̄nt̄uc̄uicoyeneypube cana exanapoinchi icha be pocotsi coyene ichi xua levadura mataw̄n xua pan cocotowa exanapona beya poxonae pin pan, jei Jesús.

<sup>16</sup> Jesús pijimonae tatsi tamropata notar̄uc̄pa xua caemonae natsipaeba, najei: “Metha apara poxoru j̄nt̄emainatsi xua caponatsi po pan xua levadura cotowa exana, daxota metha baxua Jesús j̄nt̄u coniquiya naca muxu tsipaeba”, najei barapomonae.

<sup>17</sup> Jesús yaputane pocotsiwa pijimonae tatsi natsipaeba. Ichitha poxoru Jesús yabara paeba xua fariseomonae ir̄u Herodes pia pecuidubiwat̄tsi daxota Jesús yainyaba piamonae:

—¿Eta xua metha pana natsipaebame xua jopa painya necaponaexae pan? Baxua papaebame apara poxoru jopa pana nejume yabara cow̄ntsim pocotsiwa paca cuidubatsi. Cataunxuae jopa pana necui yabara yaputaem poxoru jopa paichichipaem xua painya neyaputaewa tsane painya j̄nt̄u coyeneintha.

<sup>18</sup> Paxam bequein pana necui taneme, ichitha jopa xaniwaicha pana necui yaputaem. Matautano bequein bara pana nejume taneme ichitha jopa xaniwaicha pana nejume

copi yaputaem. Matautano pajantemainame poxonae pexeinya petsita itatsi coyenewa exanan jiwi nexa poxonae pan catan jiwitha.

<sup>19</sup> Poxonae janacan pan xua cinco po panbe xua cinco mil pebiwi nexa, ¿eta po cotethabe pawanbaponame xua pocotsiwa nacopaba? jei Jesús.

Barapomonae Jesús jume notatsi, jeye:

—Doce po cotebe apara, jei Jesús pijimonae tatsi.

<sup>20</sup> —Poxonae janacan pan xua siete po panbe xua cuatro mil jiwi nexa, ¿eta po cotethabe pawanbaponame xua pocotsiwa nacopaba? jei Jesús.

Barapomonae Jesús jume notatsi jeye:

—Siete po cotebe apara, jei Jesús pijimonae tatsi.

<sup>21</sup> Nexata Jesús pijimonae barai xua muxu jei:

—Metha matapainya payaputaename xua apara jopa yabara paca tsipaebichi pan. Apra jame paca tsipaebatsi xua jopa bewa pajume cowantsim tsane fariseomonae iru Herodes pia pecuidubiwat tatsi, jei Jesús.

*Meje yabara poxonae Jesús itacuere wanaeta pon peitata nacutsin Betsaida tomaratha*

<sup>22</sup> Jesús pijimonae baru botouna jeratha Betsaida tomaratha. Barapo tomarapiwi jiwana carendena pon peitata nacutsin, Jesús pia xantha tatsi. Barapomonae Jesús wacatsi, xua bapon pemata jayabinexatsi xuano xua axaibi peexanaenexatsi.

<sup>23</sup> Jesús cobe pita pon peitata nacutsin. Bapon cobe capoinchi aisowa beya xua tomara weya. Bapoxonae Jesús naone sutaba bapon peitamaiqueitobetha, itacuere jayabano. Jesús bapon yainyaba jeye:

—¿Bara caitacupa xua netaewa? jei Jesús.

<sup>24</sup> Bapon necotaxuba, bapoxonae Jesús jume notatsi, jeye:

—Pebiwi tan, daichitha itanonojan. Jiwi saya be naewan jinompa, jei bapon.

<sup>25</sup> Equeicha Jesús pecobetha itamaiquei jayaba nantiyabe. Barapo pebin daunweya naitata babatsiya tane. Bapoxonae itamaiquei xanepana. Bapon bara beta matapainya wanae tane.

<sup>26</sup> Jesús itorobiya jeye bapon xua penawiyaenexa pia bo beya:

—Jopa tomaratha ponaeinde xua jopa baxua taneyabara cueicueijeinexa jiwitha, jei Jesús.

*Meje yabara poxonae Pedro namchi Jesustha jeye: “Xam apara Mesías pon Nacom caitorobica”, jei*

*(Mt 16.13-20; Lc 9.18-21)*

<sup>27</sup> Bapoxonae Jesús, iru pijimonae tatsi pata tsiqui tomaraxitha, po tomaraxi pewan Cesarea de Filipo. Poxonae namtotha cataunxuae enapona, bapoxonae Jesús pijimonae yainyaba, jeye:

—¿Eta jiwi neyabara jei po coyene xua xan bapon aparan? jei Jesús.

<sup>28</sup> Barapomonae Jesús jume notatsi, jeye:

—Ichamonae cayabara jei: ‘Apra bapon Juan, pon jiwi Pebautisabin pon equeicha petupaein asu juina’, jei. Iru ichamonae cayabara jei: ‘Apra bapon Elías, pon equeicha petupaein asu juina’, jei. Iru ichamonae cayabara jei: ‘Apra bapon jiwana, pomonae Nacom peitorobi jume pepaebiwi’, jei, jei Jesús pijimonae tatsi.

<sup>29</sup> Bapoxonae Jesús pijimonae yainyaba, jeye:

—¿Incane iru paxamdu? ¿Eta paneyabara jumichimdu xua xan eta pondan? jei Jesús.

Bapoxonae Pedro, Jesús jume notatsi, jeye:

—Xam apara Mesías, pon Nacom caitorobica, jei Pedro.

<sup>30</sup> Jesús pijimonae muxu barai xua pijimonae jopa peyabara paebinexatsi ichamon- aetha baxua.

*Meje yabara poxonae Jesús nayabara diwesi paeba po coyene xua petapaewa tsane  
(Mt 16.21-28; Lc 9.22-27)*

<sup>31</sup> Bapoxonae Jesús tamropata pitaba xua pijimonae tsipaeba pocotsi coyene xua Jesús cana exanaeinchi ichamona, Jesús jeye: “Xan ponxaein Nacom Tananeitapetsin jiwi bichocono neperaxa jubina. Matautano pitiri jiwi, iruru sacerdotemona pia pentacaponaei tatsi, iruru pomona jiwi pecuidubiwi Moisés pia peitorobi coyene tatsi, daxita barapomona neitawetsina. Matautano barapomona nebexubina. Ichitha equeicha asu poponaein poxonae acoibi po matabiyobe tsuxubi tsane”, jei Jesús.

<sup>32</sup> Baxua Jesús pijimonae wunaeya muxu tsipaeba xua barapomona bara xaniwaicha peyaputaenexa. Bapoxonae Pedro, Jesús compa aisowa bebaru poinyatsi, Pedro Jesús jume daunweya tsipaebatsi xua Jesús jopa pepaebinexa baxua.

<sup>33</sup> Jesús pijimona napatomeicha necota. Bapoxonae jume daunweya jeye Pedrotha: —iXam be pon caurimona pia pentacaponaein tatsim! Bara newepu ponare, tsipei xam jopa beta nanta xeinaem icha be jopa Nacom ichim poxonae xua beta nanta xeina. Saya xam nanta xeiname icha jiwi ichi poxonae nanta xeina, jei Jesús.

<sup>34</sup> Bapoxonae Jesús waba pin bicheito, matautano wabano pijimona, yawa jeye daxita barapomonaetha:

—Icha pebin ichichipa xua tajiwimona jiwana pin penaexanaewa tsane, bewa bapon yabara naitematsi pocotsiwa xua bapon ichichipa pia peexanae coyenewan tatsi. Bapoxonae jame bapon bewa eexanapona pocotsiwa itoroban, bequein bara bapon bexotsi ichamona, tajiwimona jitonxae.

<sup>35</sup> Pon naantobeya nata exana pocotsiwa bapon ichichipa, bapon jopa xeinaeyo peajuntayarusawa, po peajuntayarusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan tana neantobexae xuano xua pecueicueijeixae Nacom Pejume Diwesi, bapon xeinaena peajuntayarusawa, po peajuntayarusawa ataya tsiteca xua Nacom pia nacua beicha.

<sup>36</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntayarusawa po peajuntayarusawa ataya tsiteca, bapoxonae bapon jopa itacupaetsi xua penajuntu coyene capanepaewa xua peweraweracaewa tsane.

<sup>37</sup> Tsipei pebin jopa itacupaetsi xua barapo copeitha Nacom pematomatsiwatsi, xua bapon pecatsinexa tsainchi peajuntayarusawa xua barapoxonae pepatopaewa tsane Nacom pia nacua beicha tatsi.

<sup>38</sup> Icha ichun neacaura, yawa nejume diwesi acaurano jiwi peitabaratha tatsi, pomonaetha pomona jopa tana nejume cowantsi jiwi, pomonaethano pomona bichocono abe peexanaewi, xan xuya barichin tsane. Xan ponxaein Nacom Tananeitapetsin, bapon xuya acauran tsane. Baxua exanaein poxonae patopaetsicaein be jiwi pia Pecanamataxeinaein tatsi yaitupanae susato patopaetsicaein. Taxa pia peitupanaewa tatsi yawa patopeicaein. Matautano Taxa pia matatsunpiwi tatsi nebaru patsicaena, jei Jesús.

## 9

<sup>1</sup> Barichino Jesús jeye:

—Bara xaniwaicha paca tsipaebatsi xua pomonae xote umene barapomona jiwana abu copiya matha yabara yaputaena xua po coyene Nacom waba jiwi xua petanaexanaenexatsi piamona pomona itorobiya taewatsixae taayarusawatha. Bapoxonae barapomona werapaena, jei Jesús.

*Meje yabara poxonae Jesús pijimonae peitupana pexeinya itupanae coicha tsanaya naexana  
(Mt 17.1-13; Lc 9.28-36)*

<sup>2</sup> Poxonae seis po matabibe jopa, xua Jesús paeba baxua bapoxonae pirapae Jesús baru pona Pedro, iru Santiago iru Juan. Barapoyobe Jesús compa baru pona



demxuwatheicha po demxuwa bichocono taucha. Baxoteicha barapoyobe peitatha tatsi, Jesús pexeinya itupanae coicha tsanaya.

<sup>3</sup> Pocotsiwa Jesús pia penama xatatsiwa bichocono daedaena, yawa bichocono inyapana, beyacaincha poxonae jiwi bichocono paparuwa matanaca xua inyapana exana.

<sup>4</sup> Bapoxonae Pedro, iru Santiago iru Juan Elías taerucupatsi, iru Moisés ponbe caena bayatha naxubabe. Baponbe Jesús baru cueicueijeichibe.

<sup>5</sup> Bapoxonae Pedro namchi, jeye Jesthath:

—Pon jiwi Necuidubim maisa wanae xua xote pata umenaewa. Pacata acabinchi acoibi po boutiyobe, cae bouto xam nexa, icha bouto Moisés nexa, icha bouto Elías nexa, jei Pedro.

<sup>6</sup> Pedro baxua paeba, bequein jopa yaputaeyo pocotsiwa yabara cueicueije, tsipei poxoru saya barapomonae bichocono pijunuwi.

<sup>7</sup> Bapoxonae daxita barapomonae pia xainya bematawacaicha taruneicatsi tsaquinaebowa. Barapo tsaquinaebowatha pejume jume tane, xua Nacom Jesús yabara cueicueijeichi, jeye: “Bapon apara Taxanto pon bichocono antobein pon itapetan. Bapon beta pajume taema pocotsiwa paca tsipaeba”, jei Nacom.

<sup>8</sup> Barapoxonae caena nainya poxonae necobarucupa barapomonae, baponbe jopa taetsi, meisa saya Jesús compa uncua.

<sup>9</sup> Poxonae Jesús pijimonae baru juinca demxuwa wetsica, bapoxonae Jesús tsipaeba barapo acoibi poyobe, jeye: “Ichamonaetha jopa yabara patsipaebinde pocotsiwa xuaunxuae pataneme xua tapaca catsita exanaewatsi. Jopa payabara paebinde beya abu poxonae equeicha asun poponaein tatupae coyene weya, xan ponxaein Nacom Tananeitapetsin”, jei Jesús.

<sup>10</sup> Daxota barapoyobe jopa yabara paebiyoyochamonaetha xua tane. Saya barapoyobe pia coutha namicha natsipaebabe najeibe: “¿Eta xua metha baraxuara xua Jesús paeba xua pinae petupae coyene weya asu tsane?” najeibe.

<sup>11</sup> Barapoxonae barapo acoibi poyobe Jesús yainyabatsi, jeibe:

—Pomonae jiwi pecuidubiwi Moisés pia peitorobi coyene tatsi, ¿eta xua metha bapomonae paeba xua pinae bewa copiya patopaena Elías, xua pinae beya poxonae patopaena Mesías? jei barapoyobe.

<sup>12</sup> Jesús barapoyobe jume notatsi, jeye:

—Bara xainyei, Nacom Pejume Diwesitha paeba xua pon be Elías copiya netsiwana patopaena. Matautano paeba xua bapon cana nantu coyene weta exanaena jiwi pia juntu coyenewantha xua jiwi pejume cowantsinexa Nacom. Matautano barapo Nacom Pejume Diwesitha paeba xua xan ponxaein Nacom Tananeitapetsin ichamona neperaxa jubina. Matautano bichocono abeya neyabara paebina.

<sup>13</sup> Ichitha nama xan paca tsipaebatsi xua pon be Elías bayatha apara patopa. Bapontha abeya cana exanatsi ichamona, icha be pocotsiwa barapomonae ichichipa xua bapon pecana exanaewatsi. Bayatha baxua Nacom Pejume Diwesitha peyabara tsiwinae muxu dutsixae, jei Jesús.

*Meje yabara poxonae Jesús cauri taitaweta xua pewowin xeina  
(Mt 17.14-21; Lc 9.37-43)*

<sup>14</sup> Bapoxonae pirapaeyo barapo acoibi poyobe Jesús baru nawiya ichaxota ichamona pijimona tatsi tajinompatsi. Bapoxonae barapomonae tane xua Jesús pijimona tatsi pomonae baxota petajinompaewixaetsi baru nacaetutatsi pin bicheito. Iru baxota naena pomonae jiwi pecuidubiwi Moisés pia peitorobi coyene tatsi. Barapo pecuidubiwi Jesús pijimona tatsi jume matsontsonobatsi.

<sup>15</sup> Barapo pin bicheito najuntu coyene nabenaeca poxonae Jesús taerucupatsi. Bapoxonae barapo pin bicheito caena nainya Jesús pexainya betacuinaeyiyatsi xua Jesús pejacobinexatsi.

<sup>16</sup> Bapoxonae Jesús yainyaba barapo pin bicheito, jeye:

—¿Eta pocotsiwa metha tajiwimonae pajume matsontsonobame? jei Jesús.

<sup>17</sup> Caein pon uncua baxota, bapon Jesús jume notatsi, jeye:

—Pon jiwi Pecuidubim, xote nexantha cata caponatsi taxanto. Bapon taxanto cauri xeina, xua daxota inta muxusipana exanatsi.

<sup>18</sup> Poxonae taxanto taibatsi cauri, inta iratha bebai tsaibichi. Bapoxonae inta coibo thamthamei exaneibatsi. Matautano inta nawano xane exanatsi. Daxota inta cuenecuenona. Bequein wacan jinyamonae, janje: 'Painta taxanto taitawere cauri', jan, daichitha jopa itacupaetsi xua inta taxanto petaitawetsinexatsi cauri, jei bapon.

<sup>19</sup> Bapoxonae Jesús anaya barai pijimonae, jeye:

—¡Paxam barapomonae pam, pomonae jopa xapain cataunxuae pana nejume cowantsim! ¿Eta po weibe nantawenonan xua bewa tapaca baru ecaewatsi tsainchi xua beya poxonae tapana nejume cowantsiwam tsane? Matautano ¿eta po weibe equeicha nantawenonan xua tapaca cayawenaewatsi tsainchi? Pon cauri xeina painta baru awena, jei Jesús.

<sup>20</sup> Bapoxonae Jesús pexantha tacapoinchi barapo pewowin. Poxonae Jesús tainchi cauri, bapoxonae pewowin naichababa exanatsi. Barapo pewowin bapoxonae iratha xotsi. Yawa iratha natorenababa exanatsi. Yawa coibo thamthamei exanatsi.

<sup>21</sup> Pexuyo paxa tatsi, Jesús yainyaba, jeye:

—¿Eta po weiyobe barapo pewowin xeina baxua xua cauri xeina? jei.

Barapon Jesús jume notatsi, jeye:

—Caena bayatha baxua xeina poxonae pexuyo tsecae.

<sup>22</sup> Matowa cauri inta taxanto isototha bebai tsaibichi. Matautano inta mentha bebai tsaibichi pebexubinexatsi. Icha caitacupa xua neexanaewa tsane baxua, pana yabara najuntu coyene xeinare jinya tapana neyawenaenexam tsane, jei pexuyo paxa tatsi.

<sup>23</sup> Jesús jume nota bapon, jeye:

—¿Eta pocotsiwa metha barapo jumetha netsipaebame xua tana neitacupaewa yabara? Tsipei ponba jume cowanta bara Nacom yawena xua peitacupaewatsi xua daxitantha beta cana exana, jei Jesús.

<sup>24</sup> Bapoxonae pexuyo paxa tatsi jume daunweya wawaya jeye:

—Bara cajume cowantatsi. Neyawende xua equeicha bichocono matowa tacajume cowantsinexa tsainchi, jei pexuyo paxa tatsi.

<sup>25</sup> Poxonae Jesús tane xua pin bicheito imoxoyo nacaetutapona, bapoxonae Jesús itaweta cauri, jeye:

—Xam caurim pom muxusipana exaname jiwi, bara caitawetatsi. Bara xubiriware barapo pewowin. Equeicha bapana jopa caewa patopaeinde bapontha, jei Jesús.

<sup>26</sup> Bapoxonae cauri pewowin papai exanatsi. Yawano naichababa exanatsi. Barapo cauri pewowin cuenta poinchi, barapoxonae barapo pewowin be petupaeyo boca iratha. Daxota daxita barapo pin bicheito paeba xua pinae barapo pewowin apara tupa.

<sup>27</sup> Barapo pewowin Jesús cobe pita, yawano asiya cuaranota. Bapoxonae barapo pewowin nantacotuncuataba.

<sup>28</sup> Bapoxonae Jesús joniya botha. Jesús pijimonae compa seicaya tsipaebatsi, jeichichi:

—¿Eta pocotsiwa metha jopa pana neitacupaeyo xua pata taitawetsiwa cauri? jei barapomonae.

<sup>29</sup> Jesús pijimonae jume nota, jeye:

—Barapocotsimonae caurimonae paca itacupa xua painya neitawetsiwa saya meisa poxonae memecabiya matowa pawncame Nacomtha, jei Jesús.

*Meje yabara poxonae equeicha Jesús nayabara paeba xua poxonae tupaena  
(Mt 17.22-23; Lc 9.43-45)*

<sup>30</sup> Poxonae Jesús, iru pijimonae tatsi bara weya pona, bapoxonae Galilea nacua iya pona. Bapon jopa beyaputaetsi xua ichaxota ponaena, xua ichamonae yaputaena.

<sup>31</sup> Baxua Jesús exana, tsipei pijimonae cuiduba. Jesús barai pijimonae xua nayabara paeba, jeye:

—Xan ponxaein Nacom Tananeitapetsin jiwi necaenaetsina ichamonaetha. Yawano nebexubina. Ichitha poxonae acoibi po matabibibe yapucaewina, bapoxonae equeicha asu poponaein, jei Jesús.

<sup>32</sup> Ichitha barapomonae pomonae Jesús pijimonae jopa jume yaputaetsi xua Jesús yabara paeba. Matautano barapomonae junuwa xua Jesús peyabara yainyabiwa tsainchi barapo jume.

*Meje yabara poxonae Jesús yabara yainyabatsi pijimonae xua pon peainya cui peexanaeinchi*

*(Mt 18.1-5; Lc 9.46-48)*

<sup>33</sup> Jesús pijimonae baru patopa Capernaum tomaratha. Poxonae Jesús pijimonae botha baru patopa, bapoxonae pijimonae yainyaba, jeye:

—¿Eta xua namtotha pana najume matsontsonobapona? jei Jesús.

<sup>34</sup> Barapomonae saya moya umena peuraxae, tsipei namtotha najume matsontsonobapona xua po coyene metha jintam ainya cui peexanaewatsi tsainchi pon barapomonae jiwanaxae.

<sup>35</sup> Nexata poxonae Jesús eca, bapoxonae pijimonae waba, pomonae doce poyobe, yawa jeye:

—Pon ichichipa xua ichamonae ainya cui petsita naexanaewatsi, bapon bewa pia coutha pecui pawu jiton naexanae petanacuichinexa ichamonae, jei Jesús.

<sup>36</sup> Bapoxonae Jesús pita pexuyo, yawa pijimonae tatsi peitabarayo deca tatsi tacuara-noreca. Jesús isaeca barapo pexuyo, jeye:

<sup>37</sup> —Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi, barapon apara bara nententa weyataeya waba. Xan jopa meisa nententa weyataeya wabiyo, apara bara iru matenta weyataeya wabatsi pon tana neitorobixae xua pon bara Nacom, jei Jesús.

*Meje yabara poxonae Jesús barai pijimonae: “Pon jopa nacata abe exanaeyo, bapon ba apara naca yawena”, jei*

*(Mt 10.42; Lc 9.49-50)*

<sup>38</sup> Nexata Juan namchi Jesustha, jeye:

—Ja Tanecuidubim, paxan caein patan pon cawun taiba poxonae itaweta caurimonae, xua caurimonae itawetatsi. Paxan baxua pacui itawetan, tsipei jopa naca puna poponaeyo, jei Juan.

<sup>39</sup> Ichitha Jesús Juan jume notatsi, jeye:

—Bapon baxua jopa pacui itawetsinde, tsipei dapon aibi pon pexeinya petsita itatsi coyenewan exana poxonae newun taiba xua bapoxonae cotacaya abeya neyabara paeba.

<sup>40</sup> Tsipei pon abe jopa nacata exanaeyo, bapon apara naca yawena.

<sup>41</sup> Pon paca yawena xua mera paca cata xua bequein tsica corotiyotha xua iru pejume cowantsixae, xua xan Criston tajiwiwimonae pamxaem, baxua peexanaexae, Nacom catsina bapontha pematomatsiwa baxua nexa, jei Jesús.

*Meje yabara poxonae Jesús paeba xua jiton jopa bewa cana exanae ichantha xua iru abe peexanaewa tsane*

*(Mt 18.6-9; Lc 17.1-2)*

<sup>42</sup> Equeicha Jesús namchi, jeye: “Nacom tsitatsi xua pebin bichocono abe exana poxonae natsicuenta ichun cana exanatsi xua abe peexanae cuiru coyene exana, po

barapo ichun pon cataunxuae aena tana nejume cowantsixae. Metha jame wuna tsipae xua barapo pebin pon abeya cana exanaeya taexana ichantha, barapon pin iboto wisi catsipatsi yawa xua tuwatha xua pin mar menetha barapo ibototha cayawa cabutabachipatsino.

<sup>43-44</sup> Icha painya cobe paca exana xua abe painya neexanaewa tsane, maisa panacobe ucubobare. Tsipei baxua xanepana xua cae cobexi pabebam tsane, xua saya cae cobexi painya neyawa patsiwa tsane Nacom pia nacua beicha tatsi. Baxua jame yatsicaya xanepana beyacaincha xua ainya cobebe painya necayawa bebaiwa tsane ichaxota po nacuatha isoto jopa itacounayiyo, xua ataya tsiteca.

<sup>45-46</sup> Matautano icha painya taxu paca exana xua abe painya neexanaewa tsane, maisa panataxu ucubobare. Tsipei baxua xanepana xua cae taxuxi pabebam tsane, xua cae taxuxi painya neyawa patsinexa Nacom pia nacua beicha tatsi. Baxua jame yatsicaewa xanepana beyacaincha xua ainya taxube painya necayawa bebaiwa tsane ichaxota po nacuatha isoto jopa itacounayiyo xua ataya tsiteca.

<sup>47</sup> Matautano icha pocotsiwa pataneme painya itamaiqueitha xua icha baxua paca exana xua abe painya neexanaewa tsane, painya netaexae painya itamaiqueitha, maisa pana naitacuere jucuare. Tsipei baxua xanepana xua cae itamaiqueitoxi pabebam tsane, xua cae itamaiqueitoxi painya neyawa patsiwa tsane Nacom pia peitorobi nacua beicha tatsi. Baxua jame yatsicaewa xanepana, beyacaincha xua poxonae ainya itamaiqueitobe painya necayawa bebaiwa tsane ichaxota isoto jopa itacounayiyo.

<sup>48</sup> Barapo nacuatha isoto jopa itacounayiyo xua ataya tsiteca yawa oro jopa tupaeyo.

<sup>49</sup> “Tsipei daxita jiwi pia pejuntu coyenein tatsi nacui wunaetsina Nacom nexa pocotsi coyenewantha xua jiwi taayapubetsi bichocono xua jiwi atene exanatsi pocotsiwa icha be isoto ichi. Matautano daxita pocotsiwan jiwi tauta xua petuxusi exanaewa Nacomtha, barapocotsiwa copiya yawa muxuna nacui xaxainchina sare beno.

<sup>50</sup> Sare beno, bara bena wuna. Ichitha icha barapo sare beno jopa abenataeyo bapoxonae jopa peitacupaewatsi xua equeicha peabenataewa. Bara paichinde poxonae icha be sare beno ichi. Paxeinare pocotsi coyene pexeinya juntu coyene xua jopa po juntu coyene abeyo. Matautano juntea nantiya pana nabaaru jinompare”, jei Jesús.

## 10

*Meje yabara poxonae Jesús cuiduba xua jiwi piseurixi pepunapenteibiyainwa (Mt 19.1-12; Lc 16.18)*

<sup>1</sup> Jesús ponataba Capernaum tomara weya. Bapoxonae Judea nacuatha patopa. Yawa patopa Jordán mene iya icha muxunenetha, po muxunene xua Judea nacua weya. Baxotiya equeicha jiwi pin bicheitomonae nacaetuta ichaxota Jesús uncua. Equeicha Jesús cuiduba barapomonaetha, tsipei pia cui xua cuidubeiba.

<sup>2</sup> Bapoxonae ichamonae fariseomona, barapomona piraichi Jesús imoxoyo caquita umenarucupatsi xua Jesús pejuntu cui coyene jujatsinexatsi, daxota jeye:

—¿Metha bara Moisés copata jampa xua pebin pepunaxubiwa piowa icha saya metha ichichipa jampa? jei.

<sup>3</sup> Jesús jume epa pita barapomona, jeye:

—¿Eta xua bapon Moisés paca itoroba? jei.

<sup>4</sup> Barapomona Jesús jume notatsi, jeye:

—Moisés copata xua jiton itacupatsi xua pecatsiwa papera piseuri, po paperatha tina xua pexubiwa tsane piseuri. Bara bapoxonae bapon xubina piseuri, jei barapomona.

<sup>5</sup> Bapoxona Jesús jume nota barapomonaetha, jeye:

—Moisés paca cata barapo peitorobi coyenewa, tsipei paxam jopa bepajume cowantsim painya juntu coyenewatha.

<sup>6</sup> Tsipei poxonae Nacom aena forota daxita, pejume diwesitha jeye: ‘Nacom exana pebin, matautano exana yabũyo’, jei.

<sup>7</sup> Equeicha Nacom jeye: ‘Daxota pebin paxa wepu natsata, yawa pena wepu natsata xua piowabe imoxoyo penaperu nacoyobinexabe.

<sup>8</sup> Baraponbe be cae jiwimonae naexanabe’, jei. Bapoxonae baponbe xua ainya jiwibe aibi, bara be caein naexanabe.

<sup>9</sup> Daxota pebin bapana jopa bewa punaxubi piowa. Tsipei apara bayatha Nacom cana exana xua bara be caein naexanabe, jei Jesús.

<sup>10</sup> Poxonae Jesús, iru pijimonae tatsi botha jinompa, bapoxonae Jesús pijimonae yabara yainyabatsi baxua.

<sup>11</sup> Bapoxonae Jesús jume epa pita, jeye:

—Pon punaxuba piowa, yawa ichowa pita, bapon abe exana piseuritha yawa Nacom peitatha tatsi, tsipei Nacom tsitatsi xua powa copiya baru popona, apara bara piowa tatsi.

<sup>12</sup> Barichi icha petsiriwa punaxuba pia pebin, yawa pita icha pebin, bapoxonae bapowa abe exana pia pebintha, yawa Nacom peitatha tatsi, tsipei Nacom tsitatsi xua pon copiya xeina, apara bara pia pebin tatsi, jei Jesús.

*Meje yabara poxonae Jesús jeye pexuitha: “Barabu Nacom beta paca yawenaena”, jei (Mt 19.13-15; Lc 18.15-17)*

<sup>13</sup> Nexata jiwí Jesús pexui tacaponatsi xua Jesús pejayabinexa pecobetha, yawa xua Nacomtha pewucaenexa barapo pexui nexa xua pejeinexa: “Barabu Nacom beta paca yawenaena”, pejeinexa. Ichitha Jesús pijimonae tatsi poxonae baxua tane, tamropata notarucupa xua barapomonae cui matawentatsi pomonae pexui carendena tsaibi.

<sup>14</sup> Poxonae Jesús baxua jume tane, jopa ichipaeyo pocotsiwa pijimonae tatsi paeba, daxota anaya jeye:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonae nexa pomonae pejantu coyene xanepanaewi icha pexui ichi. Pexui pia cui xua tayapu xanepanatsi xua pia jantu coyeneintha jume cowanta Nacom.

<sup>15</sup> Bara xainyeya paca tsipaebatsi. Pon jopa yabara jume cowantsiyo xua icha be jopa pexui ichiyo xua ba pexui tayapu xanepanatsi xua jume cowanta, bapon bapana jopa naexanae tsane Nacom pijimonae tatsi pomonae Nacom itorobiya ewata, jei Jesús.

<sup>16</sup> Bapoxonae Jesús tsana tamropata nonotapona pexui, yawa pecobetha pexui jayabiya tawucatsi Nacom. Jeye: “Barabu Nacom beta yawenaena barapo pexui”, jei.

*Meje yabara poxonae pewowin pon copei pexeinaein Jesús tsipaebatsi (Mt 19.16-30; Lc 18.18-30)*

<sup>17</sup> Poxonae Jesús aena warapa, bapoxonae pebin Jesús pia xainya betacuinaerenatsi. Bapon pentabocototha uncua Jesús peitabaratha tatsi, xua pebaru cui itura jinaenexatsi Jesús, tsipei Jesús pon peainya cuin. Bapon jeye Jestutha:

—Ja Tanecuidubim, maisa nejantu coyene xanepanaem. ¿Eta xua copiya matha exanocuaein xua ajantu yapusuya tapoponaewa tsane xua ataya tsane? jei bapon.

<sup>18</sup> Bapoxonae Jesús jume nota, jeye:

—¿Eta xua nebaram: ‘Nejantu coyene xanepanaem’, jam? Apra ichan dapon aibi pon pejantu coyene xanepanaein. Jame meisa apra bapon Nacom compa pejantu coyene xanepanaein.

<sup>19</sup> Xam bara yaputaneme po coyene Moisés pia peitorobi coyenewatha itoroba, xua jeye: ‘Jopa ichan bexubinde. Jopa ichowa pichinde ichan piowa tatsi. Jopa caibinde ichan piawan tatsi. Jopa naerabiya cayabara paebinde pocotsiwa ichamonae exana. Jopa ichamonae yabara muxujainyabinde xua caibame. Axatha baru jume cui itura jinare. Matautano enatha baru jume cui itura jinare’, jei Moisés, jei Jesús.



<sup>20</sup> Pewowin Jesús jume baraichi, jeye:

—Pon jiwi Necuidubim, daxita caena bayatha barapo coyenein exaneiban. Poxonae pexuyothan tamropata pitaban, beya anoxuae yacuiya pinyon, jei bapon.

<sup>21</sup> Jesús antobeya necota bapontha, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyo nexa tsane xua pocotsiwa xanepanaeya ne-exanaewa, matha daxita caenaere pocotsiwa xeiname, yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha pocotsiwa Nacom necajuntana botsiwa pocotsiwa bichocono wunae, jei Jesús.

<sup>22</sup> Poxonae barapo pewowin baxua jume taeba, bichocono nantanuweya pontaba, tsipei bichocono copei pexeinaein.

<sup>23</sup> Bapoxonae Jesús necota jiwi, yawa jeye pijimonaetha:

—¡Maisa bichocono ayapubecai xua copei pexeinaewi naexana Nacom pijimonaetha tatsi jiwana pomonae itorobiya canamataxeina! Tsipei barapomonae bichocono antasiway-atane barapo pia copei, beyacaincha xua Nacom antobetsi, jei Jesús.

<sup>24</sup> Jesús pijimonaetha tatsi yabara najuntũ coyene cabenaeca pocotsiwa xua Jesús paeba. Ichitha Jesús pijimonaetha equeicha tsipaeba, jeye:

—Pomonae tamonae pamxaem, ¡maisa bichocono ayapubecai xua pomonae copei pexeinaewi jume cowuntsina Nacom! Barapomonae nanta xeina xua pia copeitha nayawena xua daxota jopa canantawenonaeyo xua Nacom pejume cowuntsiwatsi.

<sup>25</sup> Bichocono acuiruyapube xua duwein, pon pewun camello xua bapon pejoniyaewa acuicheto peetabũ wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonaetha tatsi jiwana pomonae itorobiya canamataxeina beyacaincha xua poxonae acuiruyapube xua poxonae camello acuicheto peetabũ wan iya pejoniyaewa, jei Jesús.

<sup>26</sup> Poxonae Jesús pijimonaetha jume taerũcpatsi xua paeba bapoxonae najuntũ coyene cabenaeca bichocono. Barapomonae caemonae nayainyaba, najei:

—Bapoxonae ¿jintam metha nexata itacũpatsi xua pecapanepaewa pia coutha? jei barapomonae.

<sup>27</sup> Jesús tane barapomonae, yawa jeye:

—Pebiwĩ ba jopa itacũpaetsi xua baxua exana, saya jame meisa Nacom compa itacũpatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>28</sup> Nexata Pedro Jesús jume notatsi, jeye:

—Paxan daxita pacuenta ponan pocotsiwa paxeinan pata paca puna ponaewatsi tsainchi, jei Pedro.

<sup>29</sup> Jesús Pedro jume notatsi, jeye:

—Bara xainyeya paca tsipaebatsi. Nacom beta cana exanaena daxita pomonae pecue-icueijeixae Nacom pia pecapanenebiyae diwesi yawa taneantobexae beyacaincha xua ichamonae antobetsi. Nacom beta cana exanaena barapomonae pia bon pecuenta ponaexae inta peexanaexae. Mataũtano beta cana exanaena pomonae peweichowi pecuenta ponaexae. Mataũtano beta cana exanaena pomonae pamchowĩ pecuenta ponaexae. Mataũtano beta cana exanaena pomonae paxewi pecuenta ponaexae, mataũtano peniwĩ pecuenta ponaexae. Mataũtano beta cana exanaena pomonae pia pexui yawa pia iran pecuenta ponaexae.

<sup>30</sup> Nacom barapomonaetha catsina po irathe pentoma xua cien po cuiyobe tsane. Barapomonae xeinaena bon, mataũtano nantaũtsina peweichowi, irũ pamchowĩ tatsi, irũ peniwĩ tatsi, irũ pia pexui tatsi, yawa iranno. Daxita barapomonaetha tsicotane be barompaya piamonae tatsi. Barapo cae pin nacuathe barapomonae peraxa jũbinchi

taneantobexae, daichitha barapomonae xeinaena Nacom pia peitorobi nacuatheicha peajuntayarusawa po peajuntayarusawa ataya tsiteca.

<sup>31</sup> Pomonae xua anoxuae, pomonae jiwi petsita ainya cui jiwichi po cae pin nacuathe, barapomonae bexa Nacom pia peitorobi nacuatheicha jopa peainya cui jiwi tsane. Pomonae xua anoxuae pepawi naexana pomonae jiwi jopa petsita ainya cui jiwichi, po cae pin nacuathe, barapomonae Nacom pia peitorobi nacuatheicha peainya cui jiwi tsane, jei Jesús.

*Meje yabara poxonae Jesús nayabara paeba acoibi po coyenebetha xua poxonae tupaena*

*(Mt 20.17-19; Lc 18.31-34)*

<sup>32</sup> Poxonae Jesús pijimonae cataunxuae namtotha barua ecapona xua Jerusalén tomara beya, Jesús pijimonae tsiwana nantacaponae. Bapoxonae Jesús pijimonae tatsi najuntu coyene cabenaeca, tsipei Jesús nainya nantacaponae. Iru pomonae Jesús puna poinchi yabara junuwa, tsipei yaputane xua Jesús abe cana exanaeinchi barapo tomarapiwi. Bapoxonae Jesús pijimonae compa waba aisowa beya xua pomonae doce poyobe tatsi. Jesús tamropata pitaba xua tsipaeba pijimonae xua pocotsiwa imoxoyo ichamonae Jesús cana exanaeinchi.

<sup>33</sup> Jesús jeye pijimonaetha: “Anoxuae ponaeinchi Jerusalén tomara beya. Baxotiya xan ponxaein Nacom Tananeitapetsin, necaenaetsina ichamonae sacerdotemonae pia pentacaponae witha tatsi, yawa pomonaetha pomonae jiwi pecuidubiwi Moisés pia peitorobi coyene tatsi. Barapomonae itorobina xua nebexubina. Matautano necana cobenatsina pomonaetha pomonae penanapaincha jinompaewi xua pomonae icha nacia werena peponaewi.

<sup>34</sup> Barapomonae necui caponaena, yawa necueinchinano. Matautano yawa necana one subabina. Bapoxonae nebexubina. Daichitha poxonae acoibi po matabibibe weraweracaena equeicha asu poponaein petupae coyene weya”, jei Jesús.

*Meje yabara poxonae Santiago irua Juan Jesús yainyabatsibe*

*(Mt 20.20-28)*

<sup>35</sup> Bapoxonae Santiago irua Juan ponbe Zebedeo pexantobe tatsi, baponbe Jesús imoxoyo caquita uncuatabatsibe, jeibe Jesthath:

—Pon jiwi Necuidubim, paichichipan xua painta exanaename pocotsiwa paca wuacaeinchi, jei.

<sup>36</sup> Nexata Jesús yainyaba baponbetha, jeye:

—¿Eta pocotsiwa paichichipamebe xua pacata exanaeinchibe? jei.

<sup>37</sup> Baponbe Jesús jume notatsi, jeye:

—Matabi jopaena, po mataqueitha itorobiya ewatsiname jiwi poxonae ecaename jinyawa xua pexeinya itupanae ecaethopaewatha. Barapo mataqueitha copare xua paxanbe nantiyabe paecaeinbe patawantha xua pexeinya itupanae ecaethopaewatha. Ichun pocotsiwa necoxa weya ecaena. Ichun pocotsiwa netsocona weya ecaena, jeibe baponbe.

<sup>38</sup> Bapoxonae Jesús baraibe baponbetha, jeye:

—Paxambe jopa payaputaembe pocotsiwa pana newucamebe. Poxonae ichamonae abe inta exanaena, xan bara saya copatsin xua barapomonae bara neperaxa jubina. Barichi poxoru paxambe tapana neantobexaembe, ¿bara irua paca itacupabe xua bara pacopatsinamebe xua bara ichamonae paca peraxa jubinabe? Barichin bara saya copatsin xua ichamonae bara tupa neexanaena. Barichi, ¿bara irua paca itacupabe xua pacopatsinamebe xua bara ichamonae tupa paca exanaenabe? jei Jesús.

<sup>39</sup> Barapoyobe jume notabe Jesthath, jeye:

—Aa, bara baxua pana neitacupabe, jeibe.

Jesús jume notabe baponbetha, jeye:

—Bara bara xainyei, barapocotsi coyene ichamonae paca cana exanaenabe. Ichamonae paca peraxa j̄binabe. Matautano ichamonae bara t̄pa paca exanaenabe, icha xan necana ichi tsane.

<sup>40</sup> Nama xua xantha nantiya paecamebe xua ich̄n pocotsiwa tacoxa weya eca, yawa xua ich̄n tatsocona weya eca, baxua jopa tacoya yabara itorobinyo. Saya jame Taxa Nacom meisa baxua taexanaena pomonaetha pomonae caena bayatha tsiw̄naeta xua peenaenexa tsane, jei Jesús.

<sup>41</sup> Jesús pijimonae tatsi pomonae umena, pomonae diez poyobe, barapomonae jume tane xua Santiago ir̄ Juan Jesús w̄catsibe. Bapoxonae barapo diez poyobe, Santiago ir̄ Juan yabara anaepanar̄c̄patsibe.

<sup>42</sup> Ichitha Jesús pia xainya berena pijimonae waba yawa namchiya jeye barapomon-aetha:

—Paxam bayatha pataneme po coyenewa ba exana pomonae jopa judiomonae naexanaeyo. Barapomonae ba nant̄uta pomonae pia nacua tatsi pia petaewatsiwichi tatsi. Daichitha barapo nacua peewatsiwi aebiya itoroba piamonae xua daxota bichocono jiwi taayapubetsi.

<sup>43</sup> Ichitha nama paxam barapocotsi coyeneya jopa bara paichinde. Seicaya nama icha j̄nt̄u coyeneyatha paca itorobatsi. Icha pon paxam jiwana, icha bapon ichichipa naexana be pocotsin canamataxeina ichamonae, bapon matha bewa copiya daxita paxam beta amanaya pacata nacuichina.

<sup>44</sup> Matautano pon xua paxam jiwana, icha bapon ichichipa naexana be pocotsin bichocono ainya cui penaexanaein xua beyacaincha ichamonae, bapon matha bewa copiya daxita paxam beta amanaya pacata nacuichina icha pon pebusi cui taetaeinchi ichi.

<sup>45</sup> Icha be pocotsi coyeneya ichin bara paichinde. Xan ponxaein Nacom Tananeitapetsin patopeican xua tanacuichinexa tsane ichamonae nexa. Apara jopa baxua tsipatopaeinyo xua ichamonae inta penacuichiwanexa tsane. Saya patopeican tsipei ichichipan xua daxita carepaya jiwi tayawenaewa tsane. Matautano patopeican xua tatsit̄paenexa tsane be pentoma xua daxita jiwi pepanenebiyaenexa abe pia peexanae cuiru coyenein weya tatsi, jei Jesús.

*Meje yabara poxonae Jesús axaibi exana pon peitata nac̄tsin, pon pew̄n Bartimeo (Mt 20.29-34; Lc 18.35-43)*

<sup>46</sup> Bapoxonae Jesús ir̄ pijimonae tatsi pata Jericó tomaratha. Jesús ir̄ pijimonae tatsi tomara we-iyiia xua ir̄r̄ pin bicheitomonae napona. Ir̄r̄ bapoxonae pebin pon pew̄n Bartimeo, pon Timeo pexanto tatsi, bapon namtotha eca.

<sup>47</sup> Poxonae Bartimeo jume tane xua juinya Jesús imoxoyo pona, pon Nazaret tomara-pin, bapoxonae bapon Bartimeo tamropata pitaba xua wawaya jeye:

—Jesús, David pia pemomoxi susato jiwanapim, ponxaem Nacom necaitapetsim neyabara naj̄nt̄u coyene xeinare jinya tana neyawenaenexam! jei.

<sup>48</sup> Pinmonae jume matawenta bapontha xua moya peecaenexa. Ichitha bapon equeicha bichocono jume daunweya wawai, jeye:

—Jesús, David pia pemomoxi susato jiwanapim, ponxaem Nacom Necaitapetsim neyabara naj̄nt̄u coyene xeinare jinya tana neyawenaenexam tsane! jei bapon.

<sup>49</sup> Bapoxonae Jesús naruntaba yawa namchi pijimonaetha, jeye:

—Maisa painta wabare, jei Jesús.

Bapoxonae pon peitata nac̄tsin wabatsi, yawa barapomonae jeye bapontha:

—Bara naj̄nt̄u tsacatabare, jopa amurande. Nontaponare, aunxuae cawaba, jei barapomonae.

<sup>50</sup> Bapoxonae pon peitata nac̄tsin pia penaupyapatsiwa xubiriwa, yawa jiraw̄na. Bapoxonae pona Jesustha.

<sup>51</sup> Jesús yainyaba bapontha, jeye:

—¿Eta xua jinya tacata exanaetsi? jei.

Bapon Jesús jume notatsi, jeye:

—Pon jiwi Pecuidubim, benecotsin cuinaya, jei.

<sup>52</sup> Jesús jume nota bapontha, jeye:

—Bara moya ponde. Bara bayatha caitacuere xanepana exanatsi, tana neyabara jume cowantsixaemxae xua bara tana neitacupaewa xua tacayawenaewatsi, jei Jesús.

Bapoxonae caena nainya pon peitata nacutsin necotaxuba. Bapoxonae bapon Jesús puna poinchi namtotha.

## 11

*Meje yabara poxonae Jesús Jerusalén tomaratha patopa*

*(Mt 21.1-11; Lc 19.28-40; Jn 12.12-19)*

<sup>1</sup> Poxonae Jesús, iru pijimonae tatsi muxu pepatsi Jerusalén tomaratha copiya pata Betfagé tomaratha yawa Betania tomaratha, po tomara xua nacacuita ecabe. Barapo tomarabe cuariya demxuwa eca, po demxuwa pewun Olivowa, xua baxota olivo naein peumenaexae. Bapoxonae Jesús nacueyatabe poyobe itoroba ponbe pijimonae tatsi jiwana.

<sup>2</sup> Jesús barai baponbetha, jeye:

—Paponarebe, po tomara painya itabaraya equiya. Poxonae papatopaenamebe barapo tomaratha, bapoxonae pacaxinaenamebe burro pon penun pon pequetanotsin, po burro ichamonae jopa tsijuma enaeyo. Barapo burro paisanaxorebe. Bapoxonae payama carenandebé.

<sup>3</sup> Icha ichun paca yainyabiya jeye: ‘¿Eta xua payama isanaxubamebe burro?’ paca jei, nexata pajandebé: ‘Pon jiwi Pecanamataxeinaein bepa pata yama cayiyaeinjei tsipei pinae nantawenona. Bexa nainya equeicha payama carenaein’, pajandebé, jei Jesús.

<sup>4</sup> Barapomonae ponarucupa. Yawa caxinarucupa barapo burro pebto, pon quetanota imoxoyo bo coibototha xua aisowa beya namtotha. Bapoxonae barapoyobe yama isanaxubabe barapo burro.

<sup>5</sup> Pomonae baxota jinompa barapomonae baponbe yainyabatsi jeye:

—¿Eta xua paexanamebe? ¿Eta xua burro paisanaxubamebe? jeichichibe baponbe.

<sup>6</sup> Bara baraponbe jume notabe barapomonaetha pocotsiwa bayatha Jesús pejume itorobixae. Bara baraponbe tacopatatsibe xua bara peyama isanaxubinexabe.

<sup>7</sup> Bapoxonae baponbe tayama cayabe burro Jesús tayama cayatsibe. Bapoxonae pia paparuwan tsijuma jebicabe, yawa Jesús tsijuma equeica.

<sup>8</sup> Bapoxonae jiwi pinmonae namtotha yerababa jejabapoinya pia paparuwan. Ichamonae peaxu po axu be coichaxu axu ucuboba. Barapo axu namtotha jebapoinya xua Jesús ainya cui exanatsi.

<sup>9</sup> Pomonae Jesús tsiwana nanta cajinjincatsi, iru pomonae Jesús peputha tajinjincatsi, barapomonae Jesús yabara wawaya jeichichi:

—¡Pai jayana, maisa Jesús pon jiwi itorobiya pia pepa peewatsinchi maisa wanae, bapon patopa Nacom peitorobixae!

<sup>10</sup> ¡Bara wanae jaintatsi pon patopeica xua jiwi peitorobinexatsi, icha David ichi pon wamo susatopin poxonae bapon Israel nacua itorobiya ewata! ¡Maisa Nacom bichocono wanae jaintatsi pon athabeicha eca! jei barapomonae.

<sup>11</sup> Bara bapoxonae Jesús patopa Jerusalén tomaratha, yawa joniya Nacom pin pia botha tatsi. Jesús naita cui wetaba xua tane daxita pocotsiwa jiwi exana barapo botha. Bapoxonae equeicha Jesús pijimonae baru ponataba Betania tomara beya, poyobe xua doce poyobe, tsipei bayatha tabopiya.

*Meje yabara poxonae Jesús biatane higuera nae xua jopa penacoichixae  
(Mt 21.18-19)*

<sup>12</sup> Icha matabitha baya, poxonae Jesús iru pijimonae tatsi Betania tomara weya pona, Jesús jainpagona.

<sup>13</sup> Tajū weya Jesús tane higuera nae xua noxu tsuncuae. Jesús higuera nae beya pona piyain petaenexa pethei, ichitha saya noxu tane, tsipei cataunxuae dapō dapae aibi po dapaetha higuera nae nacoita.

<sup>14</sup> Bapoxonae Jesús barai higuera nae, jeye:

—Bapana jopa equeicha nacoichim tsane, xua jiwi jopa necathei xaenexa, jei Jesús. Jesús pijimonae jume tainchi baxua poxonae higuera nae barai.

*Meje yabara poxonae Jesús aisowa benapuna torobabiya Nacom pin pia botha pomonae pecaenaetsiwi*

*(Mt 21.12-17; Lc 19.45-48; Jn 2.13-22)*

<sup>15</sup> Bapoxonae pirapaeyo Jesús pijimonae baru patopa Jerusalén tomaratha. Jesús joniya Nacom pin pia botha tatsi. Bapoxonae Jesús aisowa benapuna torobabiya barapo Nacom pin pia bo weya pomonae pecaenaeta jiwi baxota. Jesús tabu tayebiya bebai iratha pocotsiwa pexaethopaewa po pexaethopaewantha nantiya nacatsiba paratixi, yawa xua iruru baxota topibo caenaeta.

<sup>16</sup> Jesús jopa copatsiyo xua jiwi piawan capona Nacom pin pia bo tatsi tutiya iya.

<sup>17</sup> Jesús cuiduba barapomonae, jeye:

—Nacom Pejume Diwesitha jeye: ‘Tabo apara po botha xua daxita nacuanpiwi tanetsipaebinexa tsalibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia muthu tutu pacana exaname, ichaxota pijunuwi nantiyabeibathopa. Tsipei baxota panacaetutame saya u xua painya necaibinexam tsane paratixi pomonaetha pomonae xua pateiba xua Nacom petsipaebebinexatsi, jei Jesús.

<sup>18</sup> Sacerdotemonae pia pentacaponae tatsi, iruru pomonae jiwi pecuidubiwi Moisés pia peitorobi coyene tatsi, daxita barapomonae jume tane xua Jesús paeba. Bapoxonae barapomonae tamropata notarucpa xua jeita po coyenewatha Jesús bexubinchi. Barapomonae bequein ichichipa Jesús bexotsi ichitha baxua jopa exanaeyo tsipei barapomonae junuwa xua jiwi anaepana xua barapo sacerdotemonae pia pentacaponae tatsi pecasebiwatsi irano xua pecasebiwatsi pomonae jiwi pecuidubiwi Moisés pia peitorobi coyene. Tsipei barapomonae jiwi cunuwatsi, xua daxita jiwi peichichipaexae nawita pocotsiwa Jesús cuiduba.

<sup>19</sup> Poxonae xometo iriya ecanaicha bapoxonae Jesús pijimonae baru ponataba barapo tomara weya.

*Meje yabara poxonae higuera nae yununcia*  
*(Mt 21.20-22)*

<sup>20</sup> Baya poxonae penta tsina, Jesús pijimonae baxoyo baru ecapona yawa tane xua higuera nae yununcia xua daxita petabaca opina wetsina.

<sup>21</sup> Bapoxonae Pedro yabara nanta xeinataba xua mexuae Jesús biatane higuera nae. Bapoxonae jeye Jestutha:

—Pon jiwi Necuidubim, taema po higuera nae mexuae biataneme, bayatha yununcia, jei Pedro.

<sup>22</sup> Bapoxonae Jesús jeye pijimonaetha:

—Paxam bichocono pajume cowunde Nacom.

<sup>23</sup> Bara xainyeya paca tsipaebatsi. Icha xanepanaeya pana neyabara jume cowantame xua Nacom painya nepaca cayawenaewa xuano xua jopa ainya unthaton paxeinaem, bara paca itacupaena xua painya nepaebiwa icha ichin xua cana exanan higuera nae. Matautano bara paca itacupaena xua painya nejeiwa uruto beya, xua



pajam: ‘Uruto, natsixitabare, mar mene beya jopare’, xua painya nejeiwa. Bapoxonae bara baxua jopa bayathiyo tsane.

<sup>24</sup> Daxita xua xuan pocotsiwan Nacom beya pawɛcame, icha bara xanepanaeya pajume cowantsiya wɛcame, bara Nacom paca catsibina baxuan.

<sup>25</sup> Poxonae Nacomtha patsipaebame, icha ichɛn abe pacata exana, copiya payabara jɛntemainare bapon pocotsiwa pacata abe exana, xua xuya beta painya necayabara canantaxeinaenexa. Barichi Nacom pon peitabocotha eca xuya paca yabara jɛntemainaena pocotsiwa abe painya neexanae cuiru coyenein paexaname.

<sup>26</sup> Ichitha icha jopa payabara jɛntemainaem ichɛn pocotsiwa pacata abe exana, barichi Nacom pon itabocotha eca, jopa paca yabara jɛntemainaem tsane pocotsiwa abe painya neexanae cuiru coyenein paexaname, jei Jesús.

*Meje yabara xua Jesús pia peitorobi coyenewa xeina  
(Mt 21.23-27; Lc 20.1-8)*

<sup>27</sup> Bapoxonae Jesús, irɛ pijimonae tatsi caibe nawibiya Jerusalén tomara beya. Poxonae Jesús Nacom pin pia botha joniya xua yawa tututha iya ponano, bapoxonae sacerdotemonaem pia pentacaponawewi tatsi, irɛ pomonaem jiwi pecuidubiwi Moisés pia peitorobi coyene tatsi irɛ pitiri jiwi, barapomonaem Jesús imoxoyo caquita ume-narɛɛpatsi.

<sup>28</sup> Barapomonaem Jesús yainyabatsi, jeichichi:

—¿Eta po peayapusɛ itorobi coyenewatha cuidubame baxuan? ¿Jintam cacata barapo peayapusɛ itorobi coyenewa? jei barapomonaem.

<sup>29</sup> Jesús jume nota barapomonaem, jeye:

—Xan irɛrɛ tha barichichi paca yainyabinchi. Icha beta pana nejume notsiname, bapoxonae xuya yabara paca tsipaebinchi xua po peayapusɛ itorobi coyeneyatha exanan baxuan.

<sup>30</sup> ¿Jintam Juan cui itorobatsi xua bautisaba? ¿Metha bara Nacom cui itoroba jampa? ¿Metha bara jiwi cui itoroba jampa? Pana nejume nore, jei Jesús.

<sup>31</sup> Nexata daxita barapomonaem caemonaem najume matsontsonoba, najei: “¿Eta xua metha jei tsainchi? Icha jeichipaetsi: ‘Juan cui itorobatsi Nacom, xua pebautisabiwa jiwi’, metha naca jeichipae: ‘¿Eta xua metha nexata jopa pajume cowantsim Juan?’ metha naca jeichipae Jesús.

<sup>32</sup> Jiwi cui cunuwinchi icha jei tsainchi: ‘Juan cui itorobatsi jiwi, xua bautisaba’, icha jei tsainchi. Metha bapoxonae jiwi naca casebichipa anaya”, najei barapomonaem. Barapomonaem jiwi cunuwatsi tsipei daxita jiwi Juan yabara jume cowantsi, xua apara bapon Nacom pia peitorobi jume tatsi pepaebi jiton.

<sup>33</sup> Bapoxonae barapomonaem namchi Jesús beya, jeye:

—Canta jopa payaputaeyinyo, jei barapomonaem.

Nexata Jesús barai barapomonaem, jeye:

—Nexata barichin tsane jopa yabara paca tsipaebi tsainchi po peayapusɛ itorobi coyeneyatha exanan xua daxita taexanaewan, jei Jesús.

## 12

*Meje yabara poxonae Jesús paeba pecayabara jɛta pepaebi diwesiyo pomonaem xua abe exana, pomonaem petayapucaenaewi uva pabi  
(Mt 21.33-46; Lc 20.9-19)*

<sup>1</sup> Bapoxonae Jesús tamropata pitaba xua cuiduba jiwitha pecayabara jɛta pepaebi diwesiyo, jeye: “Matha irɛrɛ pebin pin uva pabi xeina. Bapon ɛba po ɛnbo pewɛn uva cuei ɛnbo. Yawa yapucurarata barapo pia uva pabi ibowantha xua jopa pejojon-denaenexa ichamonaem barapo pabitha. Yawano baxota ibo fetoto exana, xua barapo ibo fetotha pecubinexa uva cuei. Mataɛtano baxota exananota bo, po bo bichocono taɛcha

xua baxota pebin bara wenecotequeica uva pabi. Bapoxonae bapon itoroba pomonae pia uva pabi pia petayapucaenaewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona.

<sup>2</sup> Barapo matacabi tsuxubi, po matacabitha uva cuei naweta. Bapoxonae barapo mataqueitha pomonae pabi petayapucaenaewi jiwana itapeta nota xua penawetsiwa. Bapoxonae pon uva pabi pexeinaein, bapon pomonae petanacuichiwichi jiwana itoroba, xua petawucaenexa tsainchi uva cuei pomonae beya pomonae pabi petayapucaenaewichi.

<sup>3</sup> Ichitha barapomonae pomonae uva pabi petayapucaenaewi barapomonae waetaba pon copiya patopa, pon uva pabi pexeinaein itoroba. Yawa bapon b̄atsino. Bapoxonae bapon caibe cobesa itorobiyatsi.

<sup>4</sup> Pon uva pabi pexeinaein equeicha itoroba ich̄an pon pia petanacuichinchi. Barichir̄a bapon ibotontha matasipa cuinbabatsi, yawa abe jumetha biatainchi.

<sup>5</sup> Equeicha pon uva pabi pexeinaein itoroba ich̄an pon pia petanacuichinchi. Barichir̄a bapon bexotsir̄a. Equeicha ichamonae itorobatsi. Ichamonae b̄atsi, ir̄a ichamonae jutebatsi.

<sup>6</sup> “Cataunxuae awiya bapon pexanto tanacopatatsi, pon pexanto compa tatsi, po pexanto bichocono antobe. Matapainya bapon pexanto cotacaya itoroba bara beya. Bapon nanta xeinaeya jeye: ‘Metha barapomonae taxanto inta yabara bar̄a cui itura jinaeinchi’, jei coxiȳan.

<sup>7</sup> Dapo jumetha pomonae uva pabi petayapucaenaewi poxonae bapon tainchi, barapomonae najei: ‘Apara bapon paxa copiniwa pichina. Daxota bapon b̄a bexotsi xua xainya xeinatsi barapo uva pabi’, najei barapomonae.

<sup>8</sup> Bapoxonae barapomonae pon uva pabi pexeinaein pexanto tatsi tawaetabatsi. Poxonae bexotsi bapoxonae pet̄apaein aisowa beya xotsi uva pabi pecuariya beya”, jei Jesús.

<sup>9</sup> Bapoxonae Jesús yainyaba, jeye: “Pon uva pabi pexeinaein, ¿eta be cana ichi tsane pomonaetha pomonae barapo uva pabi pia petayapucaenaewichi? Apara bapon patopaena xua pejutebinexa tsane pomonae uva pabi pia petayapucaenaewichi. Bapoxonae barapo uva pabi catsina ichamonaetha xua petayapucaenaenexa tsainchi barapo uva pabi”, jei Jesús.

<sup>10-11</sup> Equeicha Jesús nayabara paeba barapomonaetha, jeye: “¡Paxam bara bayatha payorobameba Nacom Pejume Diwesi! Barapo diwesitha neyabara caunuta poxonae iboto yabara paeba, jeye:

‘Pebiw̄i pomonae ibo bon peacabiwi, barapo

pebiwi xuba po iboto tab̄a caboca,

po iboto peainya cui iboto.

Ichitha Nacom itapeta barapo iboto xua

petab̄a cabocaenexa peainya cui ibotoxae.

Waxainchi nanta xeinatsi jeichichi: Maisa

pocotsiwa Nacom exana naca tsita xanepana,

jeichichi’, jei Nacom Pejume Diwesitha”,

jei Jesús.

<sup>12</sup> Poxonae bapomonae jume tane xua Jesús paeba, Jesús muxu pewaetabichi. Tsipei bapomonae yaputane xua apara barapomonae yabara paebatsi poxonae Jesús cueicueijēi barapo pecayabara j̄ata pepaebi diwesiyo. Daxota Jesús casebatsi. Tsipei barapomonae jiwi cunuwatsi, daxota Jesús jopa waetabichi. Bapoxonae bara saya ponar̄uc̄apa.

*Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomona itorobiya pia pepa peewatsinchi*  
(Mt 22.15-22; Lc 20.20-26)

<sup>13</sup> Bapoxonae pirapaeyo Jesús pia xainya betaitorobiyatsi fariseomona jiwana, iruru pomona Herodes pia pepuna jinompaewichi jiwana tatsi, xua daxita barapomona piraichi Jesús petsipaebinexatsi xua Jesús xuya abeya pejume notsinexa.

<sup>14</sup> Bara barapomona Jesús pia xantha tatsi tapatatsi, jeye Jestuxa:

—Pon jiwi Necuidubim. Bara payaputan xua bara jume xainyeya tsipaebame jiwi, xua matautano jiwi bara beta cuidubame xua pocotsiwa jiwi bewa exanaena pex-einaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita jiwi bara catsita najura. Xam jume xainyeya cuidubeibame jiwi Nacom pia peitorobi coyenewa. Incane yabara pana netsipaebare xua nanta xeiname, xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomona itorobiya pia pepa peewatsinchi xua wanaca itorobixae bapon bequein bara bapon pon penanapaincha poponaein xua icha nacia werena pona? Icha jopa tsipae, ¿metha daxua abe tsipae? jeichichi Jesús barapomona pomona fariseomona itoroba.

<sup>15</sup> Daichitha Jesús yaputane, xua barapomona itara mexeya xanepanaeya pepaebi jiwi ichitha abeya peexanae jiwi. Jesús jeye:

—¿Eta pocotsiwa metha painya daichi pana nejuntu coyene jujutame? Moya painta xawena paratiyo, tha taetsi, jei Jesús.

<sup>16</sup> Bapoxonae barapomona barapo paratiyo Jesús tacapoinchi. Poxonae Jesús tane barapo paratiyo, bapoxonae Jesús yainyaba barapomona, jeye:

—¿Jintam pejumopere? ¿Yawano jintam wan ducua? jei Jesús.

Barapomona Jesús jume notatsi, jeye:

—Apara romanomona itorobiya pia pepa peewatsinchi, jei barapomona.

<sup>17</sup> Jesús barai barapomona, jeye:

—Bara nexata romanomona itorobiya pia pepa peewatsinchi pacare pocotsiwa xua bapon piawaxae tatsi. Matautano bara Nacom pacare xua baxua iru piawaxae tatsi, jei Jesús.

Barapomona yabara najuntu cui coyene cabenaeca pocotsiwa xua Jesús xanepanaeya beta jume nota.

*Meje yabara poxonae Jesús yabara yainyabatsi po coyene xua equeicha asu pomona pewerapeibiwi*

(Mt 22.23-33; Lc 20.27-40)

<sup>18</sup> Bapoxonae saduceomona jiwana pata Jesús pia xantha tatsi xua Jesús piraichi petsipaebinexatsi. Saduceomona barompaya pia pecuidubi coyenewa xeina xua pinae pomona pewerapeibiwi equeicha jopa asu tsaiyiyo. Barapo pecuidubi coyenewa jopa jurapeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonae werapa. Daxota barapomona Jesús tsipaebatsi, jeye:

<sup>19</sup> —Pon jiwi Pecuidubim. Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa xuya pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés.

<sup>20</sup> Barichi, matha iru cae peweicho caepiwi nabaru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo.

<sup>21</sup> Pon cotacaya naexana xuya pentapin coseuri pita xua bapoxonae pentapin pecoutha pexeinaenexa pexui. Bapon iru cuenta tupa, iru jopa xeinaeyo pexui. Bapoxonae ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo.

<sup>22</sup> Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo. Bapoxonae matapainya iru bapowa tupa.

<sup>23</sup> Xam, Jesús, ba paebame, ba jam: ‘Matacabi jopaena po matacabitha Nacom asu exanaena, xua jiwi asu exanaeinchi muthun wetsina’, ba jam. Poxonae barapo matacabi jopaena xua daxita jiwi asu jujuinaena, barapo matacabitha ¿jintam metha bapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe, caepi jiwi cuenta nanapentapona barapowa, jei saduceomona.

<sup>24</sup> Bapoxonae Jesús jume nota barapomona, jeye:

—Paxam apara catsawiya pana nejume notame, tsipei jopa beta payaputaem xua Nacom Pejume Diwesitha payabara yorobame baxua. Matautano jopa payaputaem Nacom pia peayapusu itorobi coyenewa tatsi.

<sup>25</sup> Poxonae petupaewi asu jujuinaena jopa jitha eenapona tsane. Yawa barapomona pexantixi jopa jitha cuarebapona tsane. Tsipei barapomona barichi tsane icha be matatsunpiwimona ichi, po matatsunpiwi Nacom pia nacuatheicha jinompa, xua po matatsunpiwi jopa jitha enaeyo.

<sup>26</sup> Paxam bequein bara bayatha payorobame pocotsiwa Nacom yabara namchi pejume diwesitha xua pomona equeicha asu jujuina pomona pewerapeibiwi. Barapo diwesitha Nacom cueicueije ichaxota xua poxona po naewa taxuncua, Nacom jeye: ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom.

<sup>27</sup> Baxua Nacom paeba, tsipei Abraham, iru Isaac, iru Jacob pewerapaewi anoxuae equeicha caewa asu jinompa, Nacom pia nacuatheicha tatsi. Pomona pewerapaewi, pomona caewa equeicha asu jopa pejinompaewi, barapomona jopa pia Nacom tatsi, pon itabocotha eca. Saya jame meisa pomona pewerapaewi caewa equeicha asu pejinompaewi, barapomona jame pia Nacom tatsi, pon itabocotha eca. Daxota paxam catsawa papaebame, jei Jesús.

*Meje yabara poxonae Jesús yabara cuiduba po peitorobi cui coyene pepa peainya cui coyenewa*

*(Mt 22.34-40)*

<sup>28</sup> Caein pon jiwanaepin pomona jiwi pecuidubiwi Moisés pia peitorobi coyene tatsi, bapon jume tane xua Jesús iru saduceomona nejume matsontsonobiya paeba. Matautano bapon jume tane xua Jesús xanepanaeya betiya jume nota barapomonaetha. Daxota bapon yainyaba Jesthath, jeye:

—¿Eta po peitorobi coyene pepa peainya cui coyenewara, po peitorobi coyene beyacaincha icha peitorobi coyene? jei bapon.

<sup>29</sup> Jesús jume nota bapontha, jeye:

—Po peitorobi cui coyenewa pepa peainya cui coyenewa jeye: ‘Paxam Israel nacua-monaepiwi pam pajume taema xuaje meje: Pon jiwi Pecanamataxeinaein bara compa pepa Pata Nacom, icha Nacom ajibi.

<sup>30</sup> Antobeinde Jinya Necanamataxeinaein bapon Nacom xua daxita nejuntu coyene wetsina, matautano xua daxita jinya nepopona coyenewatha, matautano xua daxita nenanta xeinaewatha nentasipatha, matautano daxita nedaunwei coyenewatham’, jei barapo peitorobi coyenewatha, po peitorobi coyenewa pepa peainya cui coyenewa.

<sup>31</sup> Po peitorobi coyene cotacaya itoroba ichaxotaba ‘dos’ jei, barapo peitorobi coyene be jume jupa po peitorobi coyene copiya ducua. Iru ru barapo peitorobi coyenewatha jeye: ‘Antobeinde jinya necatsicuarabu ecaein icha ichim xua jinya coutha naantobem’, jei barapo peitorobi coyenewatha. Icha peitorobi coyenewa aibi po peitorobi coyene

peainya cui coyenewa, po peitorobi coyenewa xua beyacaincha po peitorobi coyenewe, jei Jesús.

<sup>32</sup> Bapoxonae caein jiwanamonaepin pomonae jiwi pecuidubiwi Moisés pia peitorobi coyene tatsi, bapon jeye Jesustha:

—Bara beta paebame pocotsiwa aunxuae paebame ponxaem jiwi Necuidubim. Bara xainyeya paebame xua pinae pepa Nacom bara compa popona xua icha pepa Nacom ajibi.

<sup>33</sup> Matautano bara xainyeya paebame xua pinae bewa Nacom antobetsi xua daxita wajantꞫ coyene wetsina, matautano xua daxita wajinompae coyenewatha, matautano xua daxita wananta xeinaewatha wantasipantha, matautano daxita wadaunwei coyenewantha. Matautano bara xainyeya paebame xua wanacatsicuarabꞫ enaewi bewa pinae antobe tsainchi icha ichichi xua wacoutha naantobetsi. Baraxua jame bichocono peainya cui coyenein pocotsiwa bewa exanaetsi, beyacaincha xua duwein ompin tautatsi yawa xua ichawan tautatsi xua watuxusi exanaenexa Nacom nexa, jei bapon.

<sup>34</sup> Poxonae Jesús jume tane xua bapon beta jume nota, Jesús jeye:

—Bara saya tsiwiyo cata seica xua jinya nejume cowantsinexa xua nenantauntsinexa Nacom pon jiwi itorobiya pia pepa Peewatsinchi, jei Jesús.

Bapoxonae nama dapon ajibi xua pon Jesús peyainyabinexa tsainchi.

*Meje yabara poxonae Jesús nayabara jei: “Mesías, ¿jintam pia pemomoxi susato jiwana pin tatsira?” jei*

*(Mt 22.41-46; Lc 20.41-44)*

<sup>35</sup> Bapoxonae Jesús yabara cuiduba Nacom pin pia botha tatsi, xua pon Mesías baraichi xua nayabara paeba Jesús, jeye:

—¿Eta pocotsiwa metha pomonae jiwi pecuidubiwi Moisés pia peitorobi coyene tatsi paeba xua pinae Mesías bapon David pia pemomoxi susato jiwana pin tatsi?

<sup>36</sup> Nacom pia Pejumope tꞫnaxꞫ tatsi David cueicueijei exanatsi. David jeye:

‘Nacom pon Pecanamataxeinaein jiwi, Tanecanamataxeinaein baraichi pon Mesías, jeichichi: Tacoxa werena ecare, beya abꞫ tsane poxonae necaaitafaetabi jiwi pia pecanamataxeinaeinchi tatsi caexanaeinchi, jei Nacom pia Pejumope tꞫnaxꞫ tatsi’, jei David.

<sup>37</sup> Icha David Mesías yabara jei, ‘Bapon Mesías Tanecanamataxeinaein’, jei, ¿eta xua metha tsipae xua Mesías apara David pia pemomoxi susato jiwana pin tatsi? jei Jesús.

Barapo pin bicheito bichocono tsimuxu wꞫnaetsi pocotsiwa Jesús cueicueijei.

*Meje yabara poxonae Jesús muxuweta jiwi xua pomonae jiwi pecuidubiwi Moisés pia peitorobi coyene tatsi barapomonae pecuiyainwa tatsi*

*(Mt 23.1-36; Lc 11.37-54; 20.45-47)*

<sup>38</sup> Poxonae Jesús cuiduba jiwitha, jeye: “Dota pam, dota pomonae jiwi pecuidubiwi Moisés pia peitorobi coyene tatsi. Barapomonae pia pecuidubi coyenewan tatsi pecuiyainwa pande. Jopa paexanaeinde icha bapomonae ichi xua barapomonae bichocono ichichipa xua penama xatabiwa po paparuan apipiya deca xua be pomonae peainya cui jiwi penaexanaewi naexana. Barapomonae bichocono ichichipa xua jiwi namtontha jacobebina barapomonaetha xua jiwi pebarꞫ cui itura jineibinexa barapomonae.

<sup>39</sup> Barapomonae bichocono ichichipa xua nanta caeneiba judiomonae pia penacae-tutsi bontha tatsi ichaxota ba enathopeiba pomonae peainya cui jiwi penaexanaewi. Matautano barapomonae bichocono ichichipa xua eneiba ichaxota ba eneiba pomonae peainya cui jiwimonae poxonae pexaewan tsinacaetuteiba penabaneibinexa tsane.



<sup>40</sup> Matautano barapomonaе powaxi pecuenta werapaewaxichi piseurixi barapowaxi cueranta enatsi pia bon. Barapomonaе naemata jopa cuinaya najume copababeibiyo poxonaе tsipaеbeiba Nacom. Barapomonaе bichocono peraxa jubebinchi poxonaе po mataqueitha Nacom jiwi yabara paebina penatsicuentisiwa xua abe peexanaexae Nacomtha. Barapomonaе atene tsane beyacaincha poxonaе ichamonaе atene exanaeinchi xua jopa pejume cowantsixaetsi Nacom”, jei Jesús.

*Meje yabara poxonaе Jesús yabara paeba xua petsiriwa paratiyobe cata Nacomtha, powa pecuenta tupaewatsi piseuri*

*(Lc 21.1-4)*

<sup>41</sup> Poxonaе Jesús eca Nacom pin pia botha tatsi xua peitabara weya, xua ichaxota jiwi jeyeiba paratixi Nacom nexa, bapoxonaе Jesús tane xua pinmonaе pomonaе copei pexeinaewi paratixi nawita jeya ichaxota jiwi jeyeiba paratixi Nacom nexa.

<sup>42</sup> Barapoxonaeru yabuyo patopa, powa pecuenta tupaewatsi piseuri. Barapowa bichocono peacopeibiwayo. Bapowa jeca ainya pecacomocae paratiyobe Nacom nexa. Barapo paratiyobe tsiqui paratiyobe.

<sup>43</sup> Bapoxonaе Jesús pijimonaе waba, yawa jeye barapomonaetha:

—Bara xainyeya paca tsipaebatsi. Barapo yabuyo, powa pecuenta tupaewatsi piseuri, bapowa peacopeibiwayo. Daichitha barapowa jeca ainya paratiyobe Nacom nexa. Bapowa cata beyacaincha ichamonaе daxita pomonaе xua jeya xua Nacom nexa.

<sup>44</sup> Daxita barapomonaе jeya pocotsiwa tanacopabeibatsi. Ichitha nama bapowa bichocono peantobexae Nacom daxota omeicha jeca pocotsiwa bequein canantawenona xua pepoponaewa tsane bequein bichocono peacopeibiwayo, jei Jesús pijimonaetha.

## 13

*Meje yabara poxonaе Jesús yabara paeba xua ichamonaе abe cana exanaena Nacom pin pia bo tatsi*

*(Mt 24.1-2; Lc 21.5-6)*

<sup>1</sup> Poxonaе Jesús Nacom pin pia bo wejoniya, bapoxonaе caein Jesús pijimonaе jiwana tatsi, Jesús tsipaebatsi jeichi:

—¡Pon jiwi Necuidubim, taema maisa pexeinya iboton, yawa pexeinya ibo bo! jei bapon.

<sup>2</sup> Ichitha Jesús jume nota bapontha, jeye:

—Aunxuae pataebename barapo iboton yawa xua pexeinya bon. Apará jopa cae ibotiyo nacopatuncuae tsane icha iboto peumatha. Daxita abe tsane, jei Jesús.

*Meje yabara poxonaе Jesús yabara paeba xua copiya matha pewunaeya exanaena petsita itatsi coyenewa poxonaе daxita weraweracaenaba*

*(Mt 24.3-28; Lc 21.7-24; 17.22-24)*

<sup>3</sup> Bapoxonaе Jesús pijimonaе baru pona demxuwatheicha, po demxuwa pewan demxu Olivowa tsipei baxota umena olivo naein. Poxonaе Jesús ecopiya demxuwatheicha, po demxuwa Nacom pin pia bo itama tayecatsi, bapoxonaе Jesús pijimonaе tatsi Pedro, iru Santiago iru Juan, iru Andrés, barapoyobe Jesús namicha tsipaebatsi.

<sup>4</sup> Barapoyobe jeye:

—Paichichipan xua xam tapata netsipaebiwam tsane ¿eta poxonaе metha ichamonaе baxua exanaena poxonaе abe cana exanaena Nacom pin pia bo tatsi? ¿Eta pocotsiwa tsane metha xua pewunaeya tsita itapeinya xeinaena po coyene xua poxonaе imoxoyo daxita weraweracaenaba? jei Jesús pijimonaе tatsi.

<sup>5</sup> Jesús jume nota barapomonaetha, jeye: “Dota pam, bu ichamonaе naerabiya paca muxu tsipaeba, xua daxota abe paexanaetsipame.

<sup>6</sup> Tsipei tsana patsina ayei bicheito jiwi pomonae natsicotaena icha be xan ichin. Barapomonae jei tsane: ‘Apara xan Mesías’, jei tsane. Poxonae barapomonae muxutorobiya paebina, bapoxonae pinmonae jume cowantsina.

<sup>7</sup> “Pajume taename xua jiwi juinya nabenoutsina xote, yawa xua juinya iruru nabenoutsina icha ira beya. Daichitha jopa pajunuwinde, tsipei baxua pewnaeya matha copiya tsane. Daichitha cataunxuae dapó matabi aichica tsane xua poxonae daxita weraweracaenaba yatsicaewa.

<sup>8</sup> Cae nacuapiwi iru icha nacuapiwino, barapo ainya nacuapiwibe nabenoutsina. Matautano iru pon nacua peewatsin iru ichundu pon icha nacua peewatsin, baponbe iru nantiya nabenabe. Matautano ainya nacuantha ira jijiyatsina. Matautano ainya nacuantha jainbo nacua tsane tsipei pin mayayo tsane. Baxua copiya matha tsane xua jiwi atene tsoponae tsane bichocono xua beya jopa nama juniya tsane.

<sup>9</sup> “Ichitha dota pam, tsipei poxonae baxua pewnaeya tsane jiwi paca teiquebina painya nepaca caenaetsinexa pomonaetha pomonae tomaran pentacaponae. Matautano paca cuainchina judiomonae pia penacaetutsi bontha tatsi. Yawa paca caponaena nacua peewatsiwi peitabaratha tatsi, painya tana nejume cowantsixaemxae. Yawa paca caponaena pentacaponae peitabaratha tatsi pomonae iru itoroba jiwitha xua pon nacua peewatsin nexa painya tana nejume cowantsixaemxae. Barapoxonae bara paca cui itacupaena xua barapomonaetha tapana neyabara paebiwam pocotsiwa bayatha paca tsita exanatsi.

<sup>10</sup> Barapo pecapanenebiyae diwesi, tamonae bewa paebinoutsina daxita nacuanpiwitha xua poxonae pewnaeya tsane xua daxita weraweracaenaba.

<sup>11</sup> Poxonae barapomonae paca caponaena pomonaetha pomonae tomara pecanamateaxinaewi xua pia painya nepaca cayabara paebinexa tsane xua painya nenatsicuentisiwa xua abe painya neexanaexae bapoxonae jopa patsiwanaya junuwiya najuntu coyene exabinde xua painya netsipaebiwa tsane barapomonae. Paxam jame papaebare pocotsiwa xua caena bapoxonae Nacom cueicueijei paca exanaena. Bapoxonae po jume pacueicueijam tsane apara jopa poxoru painya coya paichichipam, apara jame Nacom pia Pejumope tuxu tatsi baxua paca cueicueijei exanaena.

<sup>12</sup> Jiwi barompaya pia peweicho jiwi caenaetsina ichamonaetha xua pejutebinexa tsainchi. Iru coxiyeiwi ichamonaetha caenaetsina pia pexui. Iru pexui paxa jiwi caenaetsina ichamonaetha pejutebinexa tsainchi.

<sup>13</sup> Daxita nacuanpiwi paca casebina painya tana nejume cowantsixaemxae. Ichitha pomonae awiwa antuyapusya nejume cowantsiya jinompaena xua beya yacuiya werapaeya othopaena poxonae bequein abe taexanatsi ichamonae barapomonae jame Nacom napaeba cana exanaena.

<sup>14</sup> “Daniel pon Nacom peitorobi jume pepaebin, bapon caena bayatha yabara tsiwanaya muxu dutsiya tina pocotsiwa xua bichocono abe, pocotsiwa xua weraweraca cana exana. Pataename pocotsiwa xua ichun Nacom pin pia bo tututha exananotsina, pocotsiwa jopa bewa notsi baxota, pocotsiwa Daniel bayatha yabara paeba. Bapoxonae payaputaename xua bara imoxoyo matabi jopaenaba poxonae daxita weraweracaenaba”, jei Jesús. (Xan Marcos paca baraichi: “Pon yorobina po jume diwesi tinan moya jume naitaewatsina pia peyaputaenexa tsane”, paca jeichi.) Equeicha Jesús jeye: “Poxonae barapocotsiwa pataename bapoxonae pomonae Judea nacua jinompa, barapomonae bewa demxuan berucupiyaena.

<sup>15</sup> Barapo matabitha pon bo matatupatha uncu, bapon jopa bewa botha jonyae tsane xua penotsiwa tsane pocotsiwa tabobeinchi bomuxu tututha. Saya jame bewa nainya benaetsiricaena.

<sup>16</sup> Iru pon pabitha popona, bapon jopa bewa caibeya ponae tsane botha xua penotsiwa tsane pia paparuwan. Saya jame bewa nainya benaetsiricaena.

<sup>17</sup> ¡Pai yabuxi tsobenae powaxi pexui bapana taenatsi barapo matacabitha! ¡Pai iru powaxi pexui isaina barapowaxi tsobenaeru! Tsipei acabe tsobenae tsane pexui.

<sup>18</sup> Poxonae pewunaeya tsane baxua Nacom pawucare xua jopa painya nerucupaewa tsane poxonae awubo peaquexae bichocono.

<sup>19</sup> Tsipei barapo matacabintha jiwi bichocono pin peraxa exanaeinchi. Atene tsane beyacaincha poxonae jiwi atene tsaiibi poxonae Nacom aena nacua exana, xua equeicha nama bichocono pin peraxa tsane. Equeicha bexa bapoxonae bapana jopa baxua exanae tsane poxonae bichocono jiwi pin peraxa.

<sup>20</sup> Icha Nacom jopa be caentacabiyobe exanaetsipae metha dapomonae ajibi tsipae pomonae panenebiya barapo peatene coyenewa weya. Daichitha Nacom be caentacabiyobe exanaena peantobexae pijimonae, pomonae pia peitapetsiwixae tatsi.

<sup>21</sup> “Bapoxonae icha ichun paca jei: ‘Pataema bapon apara Mesías uncue pon Nacom itorobica’, paca jei, iru icha ichun paca jei: ‘Pataema bapon Mesías xota uncuiye’, paca jei, barapo jumein jopa pajume cowantsinde.

<sup>22</sup> Tsipei pomonae pemuxuitorobi jiwi tsana patsina. Barapomonae natsicotaena icha be xan ichin ponxaein Mesías. Matautano barapomonae natsicotaena icha be pomonae Nacom peitorobi jume pepaebiwi ichi tsane. Barapomonae pexeinya petsita itatsi coyenewan exanaena peitabocotha, po irathe tsaneno xua jiwi pemuxuitorobinexa tsainchi xua jiwi pejume cowantsinexa pocotsiwa barapomonae paeba. Barichiru pomonaetha pomonae Nacom pia peitapetsiwi tatsi pemuxuitorobinexa tsainchi xua iruru icha metha barapomonae pejume cowantsinexa tsaneru pocotsiwa barapomonae paeba. Ichitha jopa itacupae tsainchi xua barapomonae pemuxuitorobiwa tsainchi.

<sup>23</sup> Tsaca pajinompare, tsipei baxua tsiwanaya yabara paca tsiwanae muxu dutatsi”, jei Jesús.

*Meje yabara poxonae Jesús nayabara paeba xua poxonae equeicha patopaetsica ponxae Nacom pia Peitapetsin*

*(Mt 24.29-35, 42, 44; Lc 21.25-36)*

<sup>24</sup> Equeicha Jesús namchi, jeye: “Po matacabintha poxonae nacui wetsina xua jiwi pin peraxa tsane, bapoxonae xometo nainya naquitabina. Jomocoichato jopa pentha tsane.

<sup>25</sup> Opiteiton peitaboco weothopeicaena. Matauta napuna torobabiyaena Nacom xua xuan itabocotha dubena. Bapoxonae jopa xapain dubenanaeyo tsane.

<sup>26</sup> Bapoxonae daxita jiwi taena peitabocotha xua po coyene apara tapatopeicaewa tsaneba tsaquinaebowatha peitaboco wetsica ponxaein Nacom Tananeitapetsin. Nacom pia peayapusu itorobi coyenewatha matautano bichocono pexeinya itupanae coichathano patopeicaein.

<sup>27</sup> Matautano itorobin tamatatsunpiwi xua inta pecaetutsinexa pomonae taitapetsiwi. Nacaetutsina daxita nacuanpiwi jiwana, iru ichamonae pomonae ichaxota xometo weecoinapiwi jiwana, iru ichamonae pomonae ichaxota xometo bejopiyapiwi, jiwana, iru ichamonae pomonae pocotsiwa werenepiwi jiwana, iru ichamonae pomonae pocotsiwa berequepiwi jiwana.

<sup>28</sup> “Payaputaema barapo pecayabara juta pepaebi diwesiyo xua higuera nae. Jeye: Poxonae ba pataneme xua pena noxu xuxuwapona, bapoxonae ba payaputaneme xua bara imoxoyo wei tsurucuae tsoponae, xua pentono perubenaenexa.

<sup>29</sup> Barapocotsi juta coyeneya ichi tsane poxonae pataename daxita baxuan pocotsiwa aunxuae paca tsipaebatsi pocotsiwa bexa exanaena, bapoxonae payaputaename, xua bara imoxoyo tsane xua tapatopae wuna tsane.

<sup>30</sup> Bara xainyeya paca tsipaebatsi daxita judiomonae naitapataya naexanaponaena beya yacuiya othopaena poxonae Nacom exanaena daxita baxuan pocotsiwa xua aunxuae paca tsipaebatsi. Bapoxonae barapo judiomonae weraweracaena pomonae poxonaeru barapo matacabitha jinompa.

<sup>31</sup> Peitaboco aichurucuae tsane. Matautano ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

<sup>32</sup> “Po matabitha baxua exanaena, matautano po horatha baxua exanaena jiwi jopa baxua yabara yaputaeyo. Iru matatsunpiwi pomonae peitaboco beicha jinompa baxuan iruru jopa yabara yaputaeyo. Iru xan ponxaein Nacom Pexanton baxua jopa yabara yaputaeyo. Meisa saya Nacom, pon Waxa yaputane poxonae po matabitha baxua exanaena. Matautano yaputane poxonae po horatha daxita exanaena baxua xuaunxuae paca tsipaebatsi.

<sup>33</sup> “Tsaca pajinompeibare xua tapatopae wuna tsane. Yawa Nacomtha patsipaeba dubenanaebiyama, tsipei jopa payaputaem po mataqueitha patopaein.

<sup>34</sup> Barapocotsi coyeneya jata ichi poxonae xan patopeicaein taitorobinexa tsane jiwi, icha be poxonae pebin ichi poxonae warapaena icha nacua beya. Poxonae bapon pewunaeya tsane xua warapaena pia bo weya, copiya matha waba pia petanacuichi-wichi. Bapon daxita pia petanacuichiwichi barompaya cobenata petanacuichiwantsi tatsi. Matautano bapon itoroba pon bo coiboto eena xua xanepanaeya bo pe-eenaenexa.

<sup>35</sup> Paxam tsaca pajinompare, tsipei jopa payaputaem poxonae patopeicaein, icha be barapomonae ichi poxonae jopa yaputaeyo poxonae pepatopaewa tsane pia pecanamataxeinaeinchi pon bo pexeinainxae. Barapomonae jopa yaputaeyo icha barapon patopaena poxonae quirei tsanaicha, ichacuitha icha bapon patopaena papaetha, ichacuitha icha bapon patopaena mataqueiwunaeyo, ichacuitha icha bapon patopaena baya tsane.

<sup>36</sup> Barapomonae jopa yaputaeyo xua pia pecanamataxeinaeinchi nainya patopaena xua yaichamaicha mata taenabounaeinchi poxonae maitumena.

<sup>37</sup> Meje xuaje paca tsipaebatsi, xua paca jeichi: ‘Tsaca pajinompare’, paca jeichi, baxua iru daxita jiwitha tsipaeban”, jei Jesús.

## 14

*Meje yabara poxonae fariseomonae iru sacerdotemonae pia pentacaponawewi tatsi daxita barapomonae Jesús yabara nanta xeinatsi po coyeneya xua Jesús pewaetabiwa tsainchi*

*(Mt 26.1-5; Lc 22.1-2; Jn 11.45-53)*

<sup>1</sup> Acoibi po matabiyobe cataunxuae seica poxonae jiwi nacaetutsina penabanaenexa pexaewa, peyabara nanta xeinaenexa barapo matabi xua poxonae caena bayatha matha judiomonae Egipto nacua weya panenebiya. Barapo matabi pewun Pascua matabi wun. Barapo Pascua matabi wuntha jiwi xane pan, po pan xua jopa cotowiyo. Sacerdotemonae pia pentacaponawewi tatsi, iru pomonae jiwi pecuidubiwi Moisés pia peitorobi coyene tatsi, daxita barapomonae nabaru muxu jei xua bepa pinae eta bichi tsane poxonae Jesús nameicha waetabinchi pebexubinexatsi.

<sup>2</sup> Ichitha barapomonae najeye:

—Abu jopa waetabi tsainchi poxonae jiwi Pascua matabi wuntha nacaetuta penanabanaenexa pexaewa. Tsipei icha barapo mataqueitha waetabichipatsi pinmonae anaepanaya najume cayayataxubichipa, najei daxita barapomonae xua Jesús yabara paebatsi.

*Meje yabara poxonae petsiriwa Jesús mata epatabatsi penasiwa, po penasiwa petuxueiwa*

*(Mt 26.6-13; Jn 12.1-8)*

<sup>3</sup> Poxonae Jesús Betania tomaratha popona, bapoxonae Jesús Simón pia bo tatsi betajoniyatsi, pon peperu sawinchi. Poxonae Jesús eca pexaethopaewatha, bapoxonae patopa petsiriwa. Bapowa capatopa alabastro ibo bosibu atsato, xua bichocono wunca

penasiwa xua petuxueiwa. Barapo petuxueiwa bichocono ainya matoma. Poxonae wacataba barapo bosib<sub>u</sub>, bapoxonae Jesús mata epatabatsi barapo petuxuei nasiwatha.

<sup>4</sup> Pomonae ir<sub>u</sub> baxota ena, barapomonae jiwana anaepana, yawa caemonae najei:

—¿Eta pocotsiwa metha saya xuba jane barapo petuxuei nasiwa?

<sup>5</sup> Barapo petuxuei nasiwa becaenaetsipatsi. Bapoxonae bexeinaetsipatsi trescientos po paratiximonaebe po paratiximonaebe xua namatomata xua poxonae trescientos matabibe nexa xua poxonae nacuita. Barapo paratixitha beyawenaetsipatsi peacopeibi jiwi, najei barapomonae.

Bapoxonae barapomonae barapowa casebatsi.

<sup>6</sup> Ichitha Jesús jeye barapomonaetha:

—Moya pande, bara pacopare. ¿Eta pocotsiwa metha barapowa pabiataneme? Pocotsiwa barapowa inta exana apara seicayar<sub>u</sub> xua pexeinya coyene inta exana.

<sup>7</sup> Barapo irathe peacopeibi jiwi paca bar<sub>u</sub> jinompeibina ataya tsaibi tsane. Paca itac<sub>u</sub>pa xua beta pata exaname barapomonae poxonae paichichipame. Ichitha nama paxam jopa ataya paca bar<sub>u</sub> poponae tsainchi barapo irathe poxonae paca itac<sub>u</sub>pa xua pana neyawename.

<sup>8</sup> Barapowa xua nenta epataraba tapepontha xua petuxuei tuxusi nasiwatha apara xua tsiwanaya nenacui yabara nacui w<sub>u</sub>naeta xua m<sub>u</sub>th<sub>u</sub> tana neboyaenexa poxonae tapaein.

<sup>9</sup> Bara xainyeya paca tsipaebatsi. Daxita nacuanthan poxonae jiwi cueicueijeje tsane Nacom pia pecapanenebiyae diwesi barapo jiwi yawa yabara paebina xua pocotsiwa poxonae bapowa inta exana xua jiwi bapowa peyabara cui nanta xeinaenexatsi, jei Jesús.

*Meje yabara poxonae Judas, Jesús caenaetaxotsi  
(Mt 26.14-16; Lc 22.3-6)*

<sup>10</sup> Barapoxonae Judas Iscariote pon doce poyobe jiwana, pomonae Jesús pijimonae aexae tatsi, bapon sacerdotemonae pia pentacaponae tatsi beya pona. Bapon pona xua petsipaeb<sub>u</sub>inexa xua Jesús caenaetaxubinchi barapomonaetha.

<sup>11</sup> Poxonae barapomonae baxua jume taer<sub>u</sub>sc<sub>u</sub>pa bichocono ichichipar<sub>u</sub>sc<sub>u</sub>pa baxua. Yawa barapomonae Judas Iscariote muxu tsipaebatsi xua paratixi catsibapaebatsi. Bapoxonae Judas tamropata pitaba xua jeita, xua po coyenetha Jesús pecaenaetaxubiwa tsainchi barapomonaetha poxonae peyapu xanepanaewatha.

*Meje yabara poxonae Jesús pijimonae bar<sub>u</sub> nabane Pascua w<sub>u</sub>n matabitha  
(Mt 26.17-29; Lc 22.7-23; Jn 13.21-30; 1 Co 11.23-26)*

<sup>12</sup> Nexata copiya matabi jopa po matabi tsiwana penanta carucuae matabi xua po matabintha poxonae jiwi tsinacaetutsina, xua penabanaenexa pan, po pan jopa muxuna pentsiyo levadura mataw<sub>u</sub>n, pocotsiwa xua cotowa exana pan. Barapo penanta carucuae matabitha ba corderoxi pebtoxi xua oveja coxi jutebatsi xua jiwi pexaenexa. Bapoxonae barapo jiwi cayabara nanta xeina xua caena bayatha pia pamo susato jiwi tatsi corderoxi juteba yawa xane beya poxonae panenebiya Egipto nacua weya. Barapo matabitha Jesús pijimonae yainyabatsi, jeye:

—¿Exota ichichipame xua xota pexaewa paca tsiw<sub>u</sub>naetsinchi wanabanaenexa tsane xua Pascua w<sub>u</sub>n matabi nexa? jei barapomonae.

<sup>13</sup> Bapoxonae Jesús itoroba nacueyatabe poyobe ponbe xua doce poyobe jiwana, pomonae Jesús pijimonae tatsi. Jesús jeye:

—Tomara beya paponarebe. Barapo tomarathiya pantenta ponaenamebe pebin pon mera yantana ponaena juruwatoha. Bara bapon papuna pondebe.

<sup>14</sup> Bo beya paponarebe ichaxota bapon joniyaena. Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwiwimonae bar<sub>u</sub> nabanaein pexaewa Pascua w<sub>u</sub>n matabi nexa?’ jei bapon, pajandebe.



<sup>15</sup> Bapoxonae bapon paca tsita itacayopichinabe po tutu pin tutu po tutu xua asiyeicha po tutu xua bayatha tutu xaneba. Barapo tututha pexaewa pana cui wɔnaetajebare xua wanabanaenexa pexaewa barapo Pascua wɔn matabi nexa, jei Jesús.

<sup>16</sup> Bara bapoxonae baponbe ponatababe. Bara patopabe tomaratha. Bara tanebe daxita be po coyeneya bayatha Jesús paeba. Bapoxonae pexaewa nacui wɔnaetajebabe Pascua wɔn matabi nexa xua penabanaenexa.

<sup>17</sup> Poxonae quirei tsanaicha bapoxonae Jesús pijimonae barɔ patopa barapo tututha.

<sup>18</sup> Poxonae Jesús pijimonae cataunxuae barɔ xunaboca pexaethopaewatha, bapoxonae Jesús pijimonae barai, jeye:

—Bara xainyeya paca tsipaebatsi caein pon paxam jiwana pam pon nebarɔ xaeuncua bapon necanaetaxubina ichamonaetha, jei Jesús.

<sup>19</sup> Nexata bapoxonae Jesús pijimonae tatsi ɔnthuthɔ wecoyei tsɔrɔcɔpaɔ, nexata daxita tsana jei tsoponae Jesthɔ:

—¿Apara xan cacaenaetaxubinchi? jei daxita barapomonae xua Jesús tsana yainyabaponatsi.

<sup>20</sup> Jesús jume nota barapomonaetha, jeye:

—Pon paxam jiwana pam xua doce poyobe jiwana xua cae paratotha pana nabarɔ jajaucuncuaponanbe pan apara bapon necaenaetaxubina ichamonaetha.

<sup>21</sup> Xan ponxaein Nacom Tananeitapetsin bewa tɔpaein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha. Metha jame wɔnae tsipae icha bapon bayatha jopa naexanaetsipae, tsipei bexa tsane bichocono atene tsocuae tsane, bichocono abe tana necana exanaexae, jei Jesús.

<sup>22</sup> Poxonae Jesús pijimonae barɔ xaeuncua, bapoxonae Jesús pecobetha pita pan. Yawa Paxatha tsipaeba, jeye: “Axa, maisa jɔntɔ coyene weiweinan xua pan pata tanecat-siwam”, jei. Bapoxonae Jesús pecobetha pan epa janaca, yawa catsiba pijimonae. Bapoxonae pijimonae barai, jeye:

—Paxaema po pan epa janacan. Barapo pan apara neyabara caunuta tapepon xua poxonae tapaca tsitɔpaewatsi tsainchi, jei Jesús.

<sup>23</sup> Bapoxonae Jesús equeicha pecobetha pita corotiyo, yawa Nacomtha tsipaeba, jeye: “Axa, maisa jɔntɔ coyene weiweinan xua corotiyotha ecareca pepa uva mera xua pata tanecat-siwam”, jei. Bapoxonae Jesús pijimonae cata corotiyo xua pejiwana aapaponaenexa. Daxita barapomonae bara jiwana aapapona.

<sup>24</sup> Bapoxonae Jesús jeye pijimonaetha:

—Pena petsiwanae muxu dutsi coyenewa paca tsipaebatsi. Barapo uva mera po mera xua corotiyotha tsijuntu eca yabara caunuta tajana barapo uva mera xua jana othoparenaein poxonae tɔpaein. Barapo jana tsita itapeinya xeinaena xua jiwi pinmonae yabara jɔntemainaein abe pia peexanae cuiru coyenein tatsi.

<sup>25</sup> Bara xainyeya paca tsipaebatsi, barapo uva mera jopa equeicha paca barɔ apae tsainchi anoxuae. Meisa abɔ bexa tsane pena coyenewatha paca barɔ apaeinchi barapo uva mera poxonae Nacom neexanaena xua itorobiya ewatsin jiwi, jei Jesús.

*Meje yabara poxonae Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús (Mt 26.30-35; Lc 22.31-34; Jn 13.36-38)*

<sup>26</sup> Poxonae Jesús pijimonae barɔ najume weta xua naxɔna Nacom nexa, bapoxonae Jesús pijimonae barɔ pona demxuwa beya. Barapo demxuwa pewɔn demxu Olivowa, olivo naein peumenaexae baxota.

<sup>27</sup> Nexata Jesús pijimonae barai, jeye:

—Anoxuae barapo merawithe daxita pam pana necuentarɔcɔpaename tapaca urapentsixaetsi tsainchi. Baxua paexanaename, tsipei Nacom Pejume Diwesitha paca

yabara cui tsiw<sub>u</sub>naeya jeye: ‘Poxonae ovejamonaē peewatsin bexubin, bapoxonae ovejamonaē tsanar<sub>u</sub>cupaena’, jei Nacom. Penamchixae poxonae ichamonaē newaetabina tanebexubinexa pana necuentar<sub>u</sub>cupaename.

<sup>28</sup> Ichitha taeyparaeyo Nacom equeicha as<sub>u</sub> neexanaena. Bapoxonae paca tsiwana patopiyaēinchi Galilea nacua beya, poxonae bara beya paponaname, jei Jesús.

<sup>29</sup> Nexata Pedro Jesús jume notatsi, jeye:

—Bequein ichamonaē cacuentar<sub>u</sub>cupaena jinya neuraxubixae, nama xan bapana jopa cacuenta naetsiricuae tsainchi taneuraxubixaemxae, jei Pedro.

<sup>30</sup> Nexata Jesús Pedro jume baraichi, jeye:

—Bara xainyeya catsipaebatsi, po merawithe pew<sub>u</sub>naeya poxonae ainya jume cuiyobetha wacara pebto fibina, bapoxonae xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane, jei Jesús.

<sup>31</sup> Ichitha Pedro equeicha jume daunweya, jeye:

—Bara bequein capuna t<sub>u</sub>paeinchi ichitha baxua jopa cayabara paebi tsainchi, jei Pedro.

Ir<sub>u</sub>u daxita Jesús pijimonaē tatsi bara jumichi, nanta j<sub>u</sub>piya paeba.

*Meje yabara poxonae Jesús Paxa tsipaeba ichaxota tsica iriyo, po iriyo pew<sub>u</sub>n Getsemaní*

*(Mt 26.36-46; Lc 22.39-46)*

<sup>32</sup> Nexata Jesús pijimonaē bar<sub>u</sub> patopa ichaxota tsica iriyo po iriyo pew<sub>u</sub>n Getsemaní. Baxota Jesús barai pijimonaē, jeye:

—Xote ab<sub>u</sub> paenare tha matha Taxatha tsipaebichi, jei Jesús.

<sup>33</sup> Jesús bar<sub>u</sub> pona Pedro ir<sub>u</sub> Santiago ir<sub>u</sub> Juan. Bapoxonae Jesús bichocono <sub>u</sub>nth<sub>u</sub>th<sub>u</sub> wecoyei, yawa bichocono <sub>u</sub>nth<sub>u</sub>th<sub>u</sub> deideije.

<sup>34</sup> Nexata barapo acoibi poyobetha Jesús barai, jeye:

—Bichocono j<sub>u</sub>nt<sub>u</sub> coyene natsepiya wecoyan, tsipei muxu tat<sub>u</sub>paē. Xote paenare, yawa payoyocare xua painya tanebar<sub>u</sub> naitaewatsinexam, jei Jesús.

<sup>35</sup> Nexata Jesús tsiwiyo dabe natsixitabiya, irabe taeuncuareca, tsipei jopa juniya aj<sub>u</sub>nt<sub>u</sub>taneyo. Jesús yaputane xua bichocono tsiatene tsane xua daxita jiwi abe pia peexanaē coyenein tatsi. Daxota Jesús Paxa w<sub>u</sub>ca xua icha itac<sub>u</sub>patsi xua jopa pen<sub>u</sub>antawenonaewa xua peatenewa.

<sup>36</sup> Bapoxonae Jesús Paxa tsipaeba, jeye: “Axa caitac<sub>u</sub>pa xua daxita exaname. Icha ichichipame xua taneyawenaewam tsane, newepire pocotsiwa neaj<sub>u</sub>nt<sub>u</sub>tane exana. Ichitha jopa necana exanaeinde xua pocotsiwa ichichipan. Saya jame necana exande xua pocotsiwa ichichipame”, jei.

<sup>37</sup> Nexata Jesús equeicha caibe iya ichaxota pijimonaē jiwana tatsi taenatsi xua acoibi poyobe. Ichitha barapomonaē maita. Jesús Pedro baraichi, jeye:

—Simón, ¿maituncuame? ¿Jopa caitac<sub>u</sub>paeyo xua yoyocame xua jinya tanebar<sub>u</sub> naitaewatsinexam, mata<sub>u</sub>tano xua bara cae horathano?

<sup>38</sup> Maisa payoyocare. Nacom patsipaebare xua jopa abe painya neexanaewa tsane poxonae caurimonaē pia pentacaponaein tatsi piraichi paca j<sub>u</sub>nt<sub>u</sub> coyene j<sub>u</sub>jata. Painya j<sub>u</sub>nt<sub>u</sub> coyene wetsina bichocono paichichipame xua Nacom painya netsipaebiwa, ichitha painya pepon bichocono paacoyenefaetabim xua painya netsipaebiwa Nacom.

<sup>39</sup> Equeicha Jesús bara nama caeto caibeya pona xua Paxa petsipaebinexa barapo jumetha, po jumetha copiya Paxa tsipaeba.

<sup>40</sup> Bapoxonae equeicha Jesús pijimonaē beya pona xua acoibi poyobe. Dai-chitha barapo acoibi poyobe came maitumena, tsipei bichocono itata tsacatsaquei xua itamaipana. Barapomonaē jopa yaputaeyo xua Jesús petsipaebiwatsi poxonae yaichamaicha mata taenanaboumeinchi.

<sup>41</sup> Bara nexata equeicha Jesús saya cuenta pona pijimona, xua Paxa equeicha petsipaebinea. Equeicha pijimonaetha patopa acoibi po cuiyobetha. Jesús jeye pijimonaetha:

—iMoya bara painya nepu maitumenaende, aunxuae jopa Nacom patsipaebim xua painya necayawenaenexa! Bayatha tsuxubi po horatha xua xan ponxaein Nacom Tananeitapetsin, ichan necaenaetaxubina ichamonaetha, pomonaetha pomona peantꞫcoyenebe jiwi.

<sup>42</sup> Panacosabapende, panonobapondeno. Antha bꞫ poinchi. Dota dawerena pon necaenaetaxubina ichamonaetha, jei Jesús.

*Meje yabara poxona Jesús waetabatsi  
(Mt 26.47-56; Lc 22.47-53; Jn 18.2-11)*

<sup>43</sup> Poxona Jesús cataunxuae tsipaebuncua pijimona, bapoxona Judas patopa. Bapon Judas doce poyobe jiwana caein pomona Jesús pepa pijimonaexae tatsi. Judas pinmona barꞫ patopa Jesthath. Ichamona cusin cajinjinca. Ichamona iwabi cajinjinca. Daxota daxita barapomona pata tsipei sacerdotemona pia pentacaponaei tatsi, irꞫ pomona jiwi pecuidubiwi Moisés pia peitorobi coyene tatsi, irꞫ pomona pitiri jiwirꞫ daxita barapo pentacaponaei itoroba barapomonaetha.

<sup>44</sup> Judas pon Jesús caenaetaxubinchi beya poxona bapon patopa cou tsiwanaya paeba barapo pin bicheitha cou Jesús yabara paebatsi, cou jeye: “Pon tsutsubin bapon apara barapo pebin Jesús. Nexata moya bara pawaetabare. Pacaponde xua soldadomona xainwaicha pecutsinexa tsane”, jei Judas.

<sup>45</sup> Nexata Judas Jesús imoxoyo caquita poinchi. Bapoxona nainya Jesús jeichichi:

—Pon jiwi Necuidubim, ¿xamda? jei Judas.

Bapoxona nainya Judas Jesús tsutsubatsi.

<sup>46</sup> Nexata barapomona pomona Judas pebarꞫ patopaexae, Jesús imoxoyo caquita umenarꞫcpatsi. Bapoxona Jesús waetabatsi.

<sup>47</sup> Caein pon Jesús pijimona tatsi jiwana, bapon nainya cusi namara wejonta. Bapoxona bapon muxuyoro catsoniba, pon sacerdotemona pia pepa pentacaponaein tatsi tanacuitatsi bapon muxuyoro catsonibatsi.

<sup>48</sup> Bapoxona Jesús jeye jiwitha:

—Pacapatame cusin, yawa iwabi ichi be poxona pacana ichim pontha pon jiwi pecaibin.

<sup>49</sup> Daxita matabin Nacom pin pia botha tatsi paca barꞫ poponeibatsi. Paca cuidubeibatsino. Daichitha bapoxona jame jopa pana newaetabim. Ichitha daxita baxuan neyabara canacui jume weta exana, bayatha Nacom Pejume Diwesitha tana necui yabara wꞫnae tsiwanaya paebixae pomona Nacom peitorobi jume pepaebiwi.

<sup>50</sup> Bapoxona Jesús daxita pijimona cuentarꞫcpatsi.

<sup>51</sup> Bapoxona pewowin Jesús puna poinchi pon saya meisa paparuwatha naepa yaraba. Barapo pewowin waetabatsi pomona Judas barꞫ patopa.

<sup>52</sup> Ichitha barapo pewowin nama xuetacuta pia paparuwa epato. Tamasa naetsiricua.

*Meje yabara poxona Jesús capoinchi judiomona pia pecanamata caitorobi jiwi bicheito tatsi pia peitabaratha tatsi*

*(Mt 26.57-68; Lc 22.54-55, 63-71; Jn 18.12-14, 19-24)*

<sup>53</sup> Pomona Jesús teicatsi, barapomona Jesús capoinchi pon sacerdotemona pia pepa pentacaponaein tatsi pia bo tatsi beya, pon yatsicaya peainya cuin. Baxota irꞫ sacerdotemona pia pentacaponaei tatsi nanacaetuta. IrꞫ pitiri jiwino nanacaetuta. Baxota irꞫ nanacaetuta pomona jiwi pecuidubiwi Moisés pia peitorobi coyene tatsi. Daxita barapo penacaetutsi jiwi, barapomonaetha jiwi wꞫn duta “Pecanamata caitorobi jiwi bicheito”, jei.

<sup>54</sup> Irá Pedro Jesús tsiwiyo taja pu taetae tsiniyatsi beya poxonae patopa panatha, po panatha ichaxota sacerdotemonae pia pepa pentacaponaein tatsi tauncuatsi bo. Poxonae Pedro pana tututha joniya bapoxonae naeca imoxoyo policiamonaetha pomonae Nacom pin pia bo tatsi pe-eenaewi. Pedro cui tane po coyeneya xua Jesús cana exanatsi pomonae nacaetuta. Pedro nonopeca isototha.

<sup>55</sup> Sacerdotemonae pia pentacaponaeawi tatsi, irá ichamonaeno pomonae pecanamata caitorobi jiwi bicheito, daxita barapomonae jeita ichamonaeno pomonae xua Jesús naerabiya peyabara paebinxatsi pocotsiwa xua Jesús paeba, xuano xua exana, pia barapo jumetha paebichi xua bara Jesús tupa peexanaewa tsainchi. Bara bequein pin bicheito pata xua Jesús abeya peyabara paebinxatsi, ichitha cataunxuae barapomonae pomonae pecanamata caitorobi jiwi bicheito came jopa xeinaeyo po diwesi xua daxota Jesús pebexubinxatsi.

<sup>56</sup> Pinmonae bequein Jesús yabara naerabiya paebatsi, ichitha tsanaya barompaya pia diwesi paeba.

<sup>57</sup> Ichamonaeno asiya umena, yawa naerabiya Jesús yabara paebatsi.

<sup>58</sup> Barapomonae jeye:

—Paxan pajume tan xua bapon Jesús paeba, jeye: ‘Xan abe exanaein barapo Nacom pin pia bo, po bo jiwi pia coutha acaba. Acoibi po matcabibe icha bo equeicha exanaein po bo jiwi jopa exanaeyo’, jei Jesús, jei barapomonae.

<sup>59</sup> Daichitha barapomonae awiya came cataunxuae tsanaya barompaya ichawan paeba. Barapomonae pia pepaebiwan xua Jesús peyabara paebiwatsi jopa pebawaya nanta jupaya nanta xeinaeyo.

<sup>60</sup> Bapoxonae sacerdotemonae pia pepa pentacaponaein tatsi asiya uncuataba xua daxita peitabaratha tatsi. Bapoxonae bapon Jesús yainyabatsi, jeichichi:

—¿Jopa jume notsim barapomonae? ¿Bara xainyei xua po jumein barapomonae cayabara paeba? jei bapon.

<sup>61</sup> Daichitha Jesús saya moya uncuata. Jopa jume notsiyo bapontha. Daxota equeicha sacerdotemonae pia pepa pentacaponaein tatsi jeye Jesustha:

—¿Bara yatsicaya xam Mesías pon Nacom necaitorobin, pon Nacom Pexantom, po Nacom wanae pajainteiban? jei bapon.

<sup>62</sup> Bapoxonae Jesús jume nota bapontha jeye:

—Aa, bara xan tsocuaein apara, Nacom Pexanton apara. Paxam pana netaename xua xan ponxaein Nacom Tananeitapetsin ecaein Nacom pexoxa weya tatsi, pon peayapusu itorobi coyenewa pexeinaein. Matautano pana netaename poxonae equeicha patopeicaein tsaquinaebowantha xua peitaboco wetsica, jei Jesús.

<sup>63</sup> Nexata bapoxonae sacerdotemonae pia pepa pentacaponaein tatsi, pin anaetha anaya pia paparuwa nata tsitsinaxuba, peyabara anaepanaexaetsi Jesús, jeye:

—¡Nama equeicha jopa wanantawenonaewa ichamonaeno xua wanaca tsipaebiwa tsane xua bapon peyabara paebiwatsi! Bapon natsiaenae exana abe pepaebixae barapo jume poxonae Nacom pexanto najainta.

<sup>64</sup> Bara paxam pajume taneme pocotsiwa bapon paeba pocotsiwa Nacom jopa ichipaeyo. ¿Eta xua pacayabara nanta xeiname xua paexanaename bapontha abe pepaebixae? jei.

Daxita barapo pecanamata caitorobi jiwi bicheito jeye:

—Bara xainyeya paebame. Jesús abe pia pepaebixae, Nacom tsitatsi xua bapon Nacom tsita natsicuentatsi. Daxota bapon bewa tupaena, jei barapo pecanamata caitorobi jiwi bicheito.

<sup>65</sup> Bapoxonae barapomonae jiwana, peonetha Jesús anaya itabara subabatsi. Poxonae Jesús itacuere catatsi, bapoxonae Jesús itabara tsaquibacotatsi pecobetha. Barapomonae jeye Jesustha:

—Incane pana netsipaebare: ¿Jintam caitabara tsaquibobara xua bequein paca itabara cútatsi? jei barapomona.

Bapoxonae iru policiamonae pomona Nacom pin pia bo tatsi peenaewi Jesús itabara cuaintatsi.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, xua yabara jeichichi Jesús*

*(Mt 26.69-75; Lc 22.56-62; Jn 18.15-18, 25-29)*

<sup>66</sup> Poxonae cataunxuae Jesús cana exanompatsi bapoxonae iruru Pedro eca panatha tsica xua bo pema werena. Bapoxonae yabayo patopa powa sacerdotemona pia pepa pentacaponaein tatsi tanacuitatsi.

<sup>67</sup> Poxonae barapowa Pedro tainchi xua nonopeca, Pedro came taeuncuatsi. Pedro jeichichi:

—Apara xam bayatha iruru napuna poneibame Jesús, pon Nazaret tomarapin, jei yabayo.

<sup>68</sup> Ichitha Pedro jume matawenta bapowa, jeye:

—Jopa dapon yaitaeinyo, matautano jopa yaputaeinyo pocotsiwa xua yabara pae-bame, jei Pedro.

Bapoxonae Pedro pona bomuxu coiboto beya. Bapoxonae wacara pebto fiba.

<sup>69</sup> Equeicha bapowa Pedro tainchi. Bapoxonae bapowa tamropata pitaba xua tsi-paeba pomonaetha pomona baxota iru umena. Bapowa Pedro yabara paebatsi, jeye:

—Apara bapon pomona Jesús pijimona tatsi jiwanapin, jei.

<sup>70</sup> Equeicha Pedro jume matawenta bapowa, jeye:

—Jopa dapon yaitaeinyo, jei Pedro.

Pirapaeyo pomona umena baxota equeicha Pedro tsipaebatsi jeichichi:

—Bara xaniwaicha barapomona jiwanam. Apara xam Galilea nacuapim, jei pomona umena.

<sup>71</sup> Nexata Pedro jume daunweya, jeye:

—Bara Nacom peitabaratha xainyeya paca tsipaebatsi pocotsiwa bara xainyeya tapaebiwa. Icha jopa xainyeya paca tsipaebichipaetsi metha barabu Nacom abe necana exanaetsipa. Equeicha paca tsipaebatsi: ‘Jopa dapon yaitaeinyo’, xuaunxuae pon payabara pae-bame, jei Pedro.

<sup>72</sup> Bapoxonae iruru caena nainya wacara pebto equeicha fiba. Nexata Pedro nanta xeinataba xua bayatha Jesús Pedro tsipaebatsi poxonae jeye: ‘Xam barapo merawithe pewunaeya poxonae ainya jume cuiyobetha wacara pebto fibina xam copiya acoibi po jume cuiyobetha neyabara jam tsane: Jopa dapon yaitaeinyo neyabara jam tsane. Bapoxonae nainya iru wacara pebto fibina’, jeichichi Pedro xua Jesús paeba. Nexata bapoxonae Pedro bichocono wecoyeyi peanthuthutanexae xua Jesús peyabara paebi-watsi.

## 15

*Meje yabara poxonae Jesús uncua Pilato peitabaratha tatsi*

*(Mt 27.1-2, 11-14; Lc 23.1-5; Jn 18.28-38)*

<sup>1</sup> Poxonae pentha tsina sacerdotemona pia pentacaponaein tatsi, iruru judiomona pia pitiri jiwi tatsi, iru pomona jiwi pecuidubiwi Moisés pia peitorobi coyenein tatsi, iruru ichamona pomona pecanamata caitorobi bicheito jiwi jiwana, daxita barapomona yabara nacaetuta xua nanta jupaya peburaya penanta xeinaenexa po coyeneya xua Jesús pebexubiwa tsainchi. Bapoxonae barapomona Jesús maxu cútatsi. Bapoxonae capoinchi Pilato beya.

<sup>2</sup> Pilato Jesús yainyabatsi, jeye:

—¿Bara xam yatsicaya judiomona itorobiya pia pepa neewatsin? jei.



Jesús jume nota, jeye:

—Xuaunxuae paebame bara baxua apara, jei Jesús.

<sup>3</sup> Sacerdotemonae pia pentacaponae wi tatsi namchi Pilatotha, jeye:

—Bapon Jesús bichocono exana pocotsiwa xua abe, jei barapomonae.

<sup>4</sup> Equeicha Pilato yainyaba Jesustha, jeye:

—¿Jopa jume notsim pocotsiwa barapomonae abe cayabara paeba? Maisa barapomonae bichocono abe cayabara paeba, jei Pilato.

<sup>5</sup> Ichitha Jesús jopa equeicha jume notsiyo, Pilato jopa jume notichi. Daxota Pilato najuntũ coyene cabenaeca poxoru Jesús jopa nayabara paebiyo xua pia coya penayawenaenexa.

*Meje yabara poxonae Pilato jume barũ jejei xua Jesús bara pebexubiwa tsainchi ichamonae*

*(Mt 27.15-31; Lc 23.13-25; Jn 18.38-19.16)*

<sup>6</sup> Bara nama matabi jopa poxonae ba Pilato pia cui xeina poxonae ba jiwi tsinacaetuta pexaewa penanabanaenexa. Barapo matabitha Pilato ba pu sotaba pon ba jiwi itapeta cowai xua Pilato peisanaxubinexa pomonae jiwi pecubi botha peenaewi jiwanamonaepin.

<sup>7</sup> Barapo jiwi pecubi botha irũ eca pon pewũn Barrabás. Bapon bichocono abe peexanaein tsipei caena bayatha matabi ichamonae xua barapomonae najume tsacaba cana exanatsi xuano xua jiwi jutebatsi.

<sup>8</sup> Bapoxonae pin bicheito jiwi pata Pilatotha, xua Pilato pewũcaenexa tsainchi xua bapon exanaena pia cui coyeneya poxonae xua isanaxubina caein pomonae jiwi pecubi botha peenaewi jiwanapin.

<sup>9</sup> Bapoxonae Pilato yainyaba barapomonae Jesús yabara, jeye:

—¿Paichichipame xua tapu sotabiwa tsane pon judiomonae itorobiya pia pepa peewatsinchi? jei.

<sup>10</sup> Baxua Pilato paeba, tsipei bapon yaputane xua sacerdotemonae pia pentacaponae wi tatsi Jesús uwatsi. Daxota barapomonae Jesús caenaetaxubatsi Pilatotha.

<sup>11</sup> Ichitha barapo sacerdotemonae pia pentacaponae wi tatsi jiwi jume cui tsacabatsi xua anaepana cana exanatsi, xua Pilato pecui itorobinexatsi xua Barrabás pepu sotabinexatsi, xua Jesús jopa pepu sotabinexatsi.

<sup>12</sup> Equeicha Pilato yainyaba barapo jiwi, jeye:

—¿Eta xua cana exanocuaein pon pawũn dutame, xua pajam: ‘Judiomonae itorobiya pia pepa peewatsinchi?’ pajam, jei.

<sup>13</sup> Barapomonae Pilato daunweya jume notatsi, jeye:

—¡Bewa maisa naetotha tũparucua exanaem! jei.

<sup>14</sup> Bapoxonae Pilato jeye barapomonaetha:

—¿Eta pocotsiwa xua metha jane, xua abe exana? jei.

Ichitha equeicha daunmetha jume daunweya, jeye:

—¡Bewa maisa naetotha tũparucua exanaem! jei.

<sup>15</sup> Pilato ichichipa xua bapon jopa peita aenae-aeniwatsi jiwi. Daxota Pilato Barrabás nama pu sotabatsi. Bapoxonae Pilato itoroba xua soldadomonae bara Jesús moya pecuainchinexatsi pocotsiwatha eewa xua bichocono amũpiya xua xota jiwi cuaintebatsi poxonae abe exaneiba. Mataũtano itorobano xua moya bara Jesús tũparucua exanaeinchi naetotha.

<sup>16</sup> Bapoxonae soldadomonae Jesús capoinchi Pilato pia bo tatsi beya po soldadomonae yapu eena Pilato pia bo tatsi. Bapoxonae barapo soldadomonae waba icha soldadomonae xua daxita barapo soldadomonae Jesús pematawacaicha umenaenexa tsainchi.

<sup>17</sup> Bapoxonae Jesús pia paparuwa juma xuenatsi. Yawa juma xatatatsi icha paparuwa po paparuwa tsobia xua Jesús be pecana exanaenexatsi pon jiwi itorobiya pia pepa

peewatsinchi. Yawa poxonae nacobe weta xua fata pee bapoxonae Jesús muxuna mata xatatatsi barapo pee tepa.

<sup>18</sup> Bapoxonae barapomonae tamropata notarucupa xua Jesús cui caponaeya jeichichi: —¿Xamda? ¡Apara xam barapom pon judiomonae itorobiya pepa Neewatsin! jei.

<sup>19</sup> Po naewa xua Jesús cobenatatsi bayatha, barapo naewa Jesús cobe wepitatsi. Bapoxonae barapo naewatha Jesús mata cuaintatsi. Matautano Jesús yabara naone subabatsi. Bapoxonae barapomonae Jesús peitabaratha tatsi pentabocototha taumeinchi, xua Jesús naerabiya wanae pejainchinexa tsainchi.

<sup>20</sup> Poxonae Jesús cana cui wetatsi xua cui caponatsi equeicha bapoxonae Jesús caewa juma wejontatsi xua po paparuwa tsobia. Bapoxonae equeicha caewa juma xatatatsi po paparuwa pia paparuwaxae tatsi. Bapoxonae Jesús capoinchi xua pecobe matabobinexatsi naetotha pebexubinexatsi.

*Meje yabara poxonae Jesús tɔparucua exanatsi naetotha  
(Mt 27.32-44; Lc 23.26-43; Jn 19.17-27)*

<sup>21</sup> Poxonae Jesús namtotha caenapoinchi soldadomonae, bapoxonae barapo soldadomonae taeba pebin, pon Cirene tomarapin pon pewɛn Simón. Bapon wexua werena pona. Bapon Alejandro paxa tatsi, irɛ xua Rufo paxa tatsi. Bapoxonae barapo soldadomonae Simón itorobatsi xua pecaponaenexa Jesús pia naeto tatsi, po naetotha tɔparucua peexanaenexatsi Jesús.

<sup>22</sup> Bapoxonae Jesús capoinchi uruto beya, po uruto be jiton matasipa piwa, daxota barapo uruto jiwi wɛn unuta “Gólgota”, jei.

<sup>23</sup> Baraxotiya Jesús apatatsi vino mera, po vino mera equeicha muxuna epareca mirra mera matawɛn po mera bichocono atsu. Ichitha Jesús jopa apaeyo.

<sup>24</sup> Matautano bapoxonae Jesús tɔparucua exanatsi. Bapoxonae barapo soldadomonae nata tsaba Jesús pia paparuwan tatsi. Barapomonae bebeya ibotixi penacueranta notsinexa Jesús pia paparuwan tatsi.

<sup>25</sup> Poxonae baya a las nueve tsuxubi, bapoxonae Jesús tɔparucua exanatsi naetotha.

<sup>26</sup> Jesús pentutu wetsica tadutatsi napaewa xua barapo napaewatha tina. Barapo petinae dutsiwa Jesús yabara jeichichi: “Baponje apara judiomonae itorobiya pia pepa peewatsinchi”, jei barapo petinae dutsiwa.

<sup>27</sup> Irɛrɛ ponbe jiwi pecaibinbe tɔparucua exanatsi naetotha imoxoyo ichaxota Jesús ducua. Ichɛn Jesús petsocona wetarucuiyatsi, ichɛn pecoxa wetarucueinatsi.

<sup>28</sup> Poxonae barapomonae baxua exana, bara barapomonae yabara jume cui weta pocotsiwa xua bayatha Nacom Pejume Diwesitha Mesías yabara paebatsi xua jiwi paeba, xua jeye: “Bapon pomonae abe peexanaewi jiwana”, jei.

<sup>29</sup> Pomonae Jesús xenta poinchi barapomonae Jesús cui capoinchi. Yawa Jesús yabara itata naichaquebatsi. Barapomonae jeye Jestutha:

—¡Xam bayatha jam: ‘Nacom pin pia bo abe exanaein, bapoxonae equeicha acoibi po matababibe xanebin’, jam!

<sup>30</sup> ¡Moya bara jinya coutha nacapanepare naeto wetsica icha bara metha Nacom Pexantom tsipaem! jei barapomonae.

<sup>31</sup> Irɛ sacerdotemonae pia pentacaponawei tatsi, irɛ pomonae jiwi pecuidubiwi Moisés pia peitorobi coyene tatsi, barapomonae Jesús cui capoinchi, yawa najei Jesús yabara:

—Bapon cain capanepibabei ichamonae, came jopa nacapanepaeyo.

<sup>32</sup> ¡Icha bara bapon Mesías, pon israelmonae itorobiya pia pepa peewatsinchi, bu bapon bara pia coutha naeto wetsica ecoinca! ¡Xainya bapoxonae jume cowɛntatsi xua wataexae tsane! najei barapomonae.

Barichirɛ baxua paebabé ponbe jiwi pecaibinbe, ponbe xua irɛrɛ cobe matatabadutatsibe naetotha. Baponbe irɛrɛ Jesús cui caponatsi.

*Meje yabara poxonae Jesús tupa*  
(Mt 27.45-56; Lc 23.44-49; Jn 19.28-30)

<sup>33</sup> Poxonae Jesús cataunxuae ducua naetotha, bapoxonae daxita nacuantha bi-chocono aitaquiri xua poxonae mateinyaxae weya, beya yatabopiya. Tres po horabe quirei tsuncuae.

<sup>34</sup> Bapoxonae Jesús jume daunweya wawai jeye: “Eloi, Eloi, ¿lema sabactani?” jei, (barapo jumetha xua jei: “Tanacom, Tanacom, ¿eta pocotsiwa metha nepunaxubame?” jei Jesús.)

<sup>35</sup> Ichamonae pomonae baxota Jesús jume taeumeinchi, barapomonae jeye:

—Pajume taema, bapon waba, Elías wabatsi, pon Elías Nacom peitorobi jume pepae-bin pon caena bayatha tupa, jei.

<sup>36</sup> Bapoxonae caein bapomonae jiwana nainya cuinaepoinya yawa pitaba esponja xua baxota pemene capichinexa vino mera xua po mera mene atsu. Poxonae bapon baxota mene capita, naewatha duta xua Jesús petayoichaenexatsi xua petsutsubinexa. Bapon jeye:

—Abu, abu jopa apatsinde. Waxainchi abu matha taeinchi icha Elías patopeicaena xua bapon pepichinexatsi naeto wetsica, jei.

<sup>37</sup> Bapoxonae Jesús jume daunweya wawai. Bapoxonae nama tupanaicha Jesús.

<sup>38</sup> Bapoxonae paparuwa, po paparuwa Nacom pin pia botha tatsi ducua, barapo paparuwa nainya bopiya epa matonta tsitsiqueica ainya epatobe naexanabe.

<sup>39</sup> Soldadomonae pia pentacaponaein tatsi, pon romanomonaepin pon Jesús peitabaratha tauncuatsi, poxonae bapon tane xua Jesús tupa parucua, bapon jeye:

—Apara bara yatsicaya bapon Nacom pepa Pexanto tatsi, jei.

<sup>40</sup> Barichi iru ainyawaxi yabuxi barapowaxi Jesús tsiwiyo tajua wetaeumeinyatsi. Barapowaxi jiwana, ichowayo pewun María Magdalena, powa Magdala tomarapiwayo. Ichowayo iru pewun María, Santiago pon xuyapin, iru José matapin, baponbe penabe tatsi. Ichowayo iru pewun Salomé.

<sup>41</sup> Barapowaxi Jesús bayatha matha puna jinompatsi xua Jesús peyawenaenexatsi xua poxonae Galilea nacuatha popona. Iru ichowaxi yabuxi pinmonae powaxi Jesús baru patopa Jerusalén tomaratha.

*Meje yabara poxonae Jesús petupaein ibo muthutha yauxatatabobotatsi*  
(Mt 27.57-61; Lc 23.50-56; Jn 19.38-42)

<sup>42</sup> Po mataqueitha pewun penacui xaxainchi matakabi poxonae judiomonae ba weta daxita xua penacuichiwa pewunaeya poxonae jopaena pentaquei seicae matakabi, poxonae quirei tsanaicha barapo penacui xaxainchi matakabitha bapoxonae patopa pebin Pilatotha.

<sup>43</sup> Bapon pon pepatopaexae bapon pewun José, pon Arimatea tomarapin. Bapon pomonae pecanamata caitorobi jiwi bicheito jiwana pin. Bapon baru cui itura jineibatsi jiwi. Bapon yabara jume cowuntsiya wuna ewateiba po coyenewa xua poxonae Mesías patopaetsica pon jiwi itorobiya peewetsinexatsi. José ajuntacoyenetsaquiya patopa Pilato pia xantha tatsi pewucaenexa Jesús petupaein.

<sup>44</sup> Bapoxonae Pilato yabara najuntu coyene cabenaecatoba xua bayatha Jesús tupa. Daxota bapon itoroba soldadomonae pia pentacaponaein tatsi pia yaputaetsi po coyene xua eta poxonae bayatha tupa.

<sup>45</sup> Poxonae barapo soldadomonae pia pentacaponaein tatsi paeba xua pinae bayatha Jesús tupa, bapoxonae Pilato copata xua José bara pichina Jesús petupaein.

<sup>46</sup> Bapoxonae José pexeinya paparuwa comota. José naeto wepichica Jesús petupaein. Yawa mata quiyontabareca barapo pexeinya paparuwatha. Bapoxonae José ibo muthu iya boya Jesús petupaein. Yawa torenababapoinya pin ibo panawa. Yawa barapo ibo panawatha yauxatatabanota.

<sup>47</sup> María Magdalena, powa Magdala tomarapiwayo iru icha María powa José pena tatsi, barapowabe tanebe ichaxota Jesús petupaein boyatsi.

## 16

*Meje yabara poxonae Jesús equeicha asu juina exanatsi petupae cuiru coyene weya (Mt 28.1-10; Lc 24.1-12; Jn 20.1-10)*

<sup>1</sup> Nexata barapo judiomonae pia pentaquei seicae matakabi tatsi yapucaewaba poxonae quirei tsanaicha xua icha matakabi jopa. Bapoxonae María Magdalena, powa Magdala tomarapiwayo, iru icha María powa Santiago pena tatsi, iru ichowayoru powa pewun Salomé, daxita barapowaxi comoca petuxueiwan peponaenexa xua Jesús peperu epababinexatsi petupaein.

<sup>2</sup> Bapoxonae baya caemumbotha, po matakabitha xua nanta carucua cae semanatha, barapowaxi capata petuxueiwan ichaxota Jesús ibo muthu iya boyatsi. Bapoxonae xometo pichatabina.

<sup>3</sup> Barapowaxi caewaxi natsipaebenapona, najei:

—¿Jintam metha nacata pataxubina barapo ibo panawa xua yauxatatabotatsi? najei.

<sup>4</sup> Daichitha poxonae barapowaxi taerucupa xua po pin ibo panawatha yauxatatababota barapo ibo muthu bayatha cou yaupataxubanota.

<sup>5</sup> Barapowaxi jojoniya barapo ibo muthu iya. Barapo ibo muthu tutu iya pewowin eca po muxunene pecoxa weya. Bapon nama xatata paparuwa, po paparuwa bichocono apiya yawa bichocono inyapana. Barapo yabuxi bichocono junuwa, pewowin cunuwatsi.

<sup>6</sup> Ichitha barapo pewowin jeye barapo yabuxitha:

—Jopa pajunuwinde. Paxam pajeitame Jesús Nazaret tomarapin, pon bayatha naetha tupa. Ichitha bapon anoxuae xote jopa bocaeyo. Bayatha asu petupae cuiru coyene weya. Pataema ichaxota Jesús bayatha botatsi petupaein.

<sup>7</sup> Bara paponare, yawano patsipaebare Pedro iru ichamonae pomonae Jesús piji-monae tatsiru. Nexata pajande: ‘Bepa Jesús paca tsiwana patopiyaei Galilea nacua beya poxonae bara bepaiyiyaename. Bapoxonae baxotiya pataename bapon icha be pocotsi coyeneya paca tsipaeba bayatha’, pajande, jei pewowin barapo yabuxitha.

<sup>8</sup> Barapo yabuxi ibo muthu wejojondena. Yawa bara weya ducupa tsipei bichocono pijunuwi jijiyei. Barapo yabuxi jopa paebiyu ichamonaetha poxoru bichocono junuwa.

*Meje yabara poxonae Jesús María tsita naitatsi powayo Magdala tomarapiwayo (Jn 20.11-18)*

<sup>9</sup> Poxonae Jesús asu exanatsiba petupaewa weya po mataqueitha opi carucua xua cae semanatha poxonae aena pentha, bapoxonae Jesús tsita naitata María Magdalena, powa Magdala tomarapiwayo. Barapowa caena bayatha Jesús taitaweta cauri siete poyobe xua bapowa xeina barapo cauri, xua equeicha bapowa jopa pexeinaenexa.

<sup>10</sup> Poxonae Jesús tainchi bapowa pona pemuxu tsipaebinexa pomonaetha pomonae anoxuae anthuthutane yawa wecoyeyi xua Jesús petupaexae. Barapomonae bayatha Jesús pepuna jinompaewichi.

<sup>11</sup> Poxonae barapomonae jume tane xua juinya Jesús asu popona, yawa xua bapowa bayatha Jesús tainchi, barapomonae baxua jopa yabara jume cowantsiyo.

*Meje yabara poxonae Jesús pebinbe tsita naitata namtotha poxonae Emaús tomara beya ponabe (Lc 24.13-35)*

<sup>12</sup> Pirapae bapoxonae equeicha Jesús tsita naitata pijimonae tatsi jiwanaetha icha cui coyeneyatha xua poxonae jopa xapain yaitaetsi poxonae namtotha pipattha ecaponabe aisawatha.

<sup>13</sup> Bapoxonae baponbe caibe nawiyabe. Yawa tsipaebabe ichamonaetha xua Jesús pijimonaetha tatsi xua po coyene bayatha Jesús baponbe tsita naitatatsibe. Ichitha barapomonae barichir<sub>u</sub> ir<sub>u</sub> jopa jume cowantsiyor<sub>u</sub> barapo diwesi pocotsiwa baponbe paebabe.

*Meje yabara poxonae Jesús cui itoroba pijimonae xua pia diwesi tatsi daxita nacuantha petapaebiwa tsainchi*

*(Mt 28.16-20; Lc 24.36-49; Jn 20.19-23)*

<sup>14</sup> Pirapae Jesús tsita naitata pijimonae pomonae once poyobe poxonae barapomonae pexaethopaewatha iratha ena. Jesús pin jumetha muxutaenaquiya exana xua jopa pejume cowantsixaetsi matautano peyabara muxusipanaexaetsi matauta xua jopa peyabara jume cowantsixaetsi pocotsiwa paeba pomonae tane xua Jesús equeicha bayatha as<sub>u</sub> popona pet<sub>u</sub>pa<sub>e</sub> cuiru coyene weya.

<sup>15</sup> Jesús jeye pijimonaetha: “Paponare, daxita nacuantha beya. Patsipaebare daxita jiwitha barapo pecapanenebiyae diwesi jume.

<sup>16</sup> Pomonae neyabara jume cowantsina xua xan apara Nacom Pexanton tatsi, matautano xua bautisabatsi, barapomonae capanenebiyaeinchi xua jopa peweraweracaenexa. Ichitha pomonae jopa neyabara jume cowantsiyo xua xan Nacom Pexanton tatsi, barapomonae peraxa jabebinchi xua Nacom peyabara paebixae xua pinae barapomonae jopa jume cowantsiyo.

<sup>17-18</sup> Pomonae neyabara jume cowantsina xua xan Nacom Pexanton tatsin muxuna exanaein xuaje pocotsiwe: Barapomonae taitawetsina ichamonaetha cauri poxonae taw<sub>u</sub>ntha w<sub>u</sub>queibina; matautano barapomonae pena jumeintha cueicueije<sub>i</sub> tsane; icha barapomonae jomon notsina pecobetha, jopa barapomonae t<sub>u</sub>pa exanae tsainchi jomon; matautano icha barapomonae apaena po mera jiwi t<sub>u</sub>pa exanatsi barapo mera jopa abe exanae tsainchi barapomonae; matautano barapomonae itac<sub>u</sub>pa<sub>e</sub>inchi xua jayabina pecobetha pomonae peatenewi, xua bapoxonae barapo peatenewi peaxaibinexa tsaibi tsane”, jei Jesús.

*Meje yabara poxonae Jesús athabe juinya Nacom pia peitorobi nacua beicha tatsi*

*(Lc 24.50-53)*

<sup>19</sup> Jesús pon jiwi Pecanamataxeinaeinchi, poxonae bapon najume weta xua cueicueije<sub>i</sub> pijimonaetha, bapoxonae Jesús asiya peitaboco beicha juinya exanatsi, xua Nacom exana. Bara xoteicha Jesús Paxa cuaretatsi pecoxa weya ainya cui peexanaenexatsi.

<sup>20</sup> Bara barapomonae Jesús pijimonae tatsi ponar<sub>u</sub>c<sub>u</sub>pa. Yawano barapomonae cueicueije<sub>i</sub> tsurubenanaebiya jiwitha barapo pecapanenebiyae diwesi jumein daxita nacuantha. Bapon Jesús pon jiwi pepa Pecanamataxeinaeinchi yawena barapomonaetha. Matautano Jesús cana exana barapomonaetha xua barapomonae muxuna exana pexeinya petsita it<sub>u</sub>t<sub>u</sub>si coyenewan xua daxota pocotsiwa barapomonae cueicueije<sub>i</sub> jiwitha bara pexainyei jumein. Je, bara ichi tsane.

Baja Marcos.



## Jesucristo Pia Pexeinya Diwesi Jume Tatsi Lucas Petinae Diwesi

*Meje po diwesi yabara xua Lucas tamropata pitaba poxonae tina*

<sup>1</sup> Jaco Teófilo. Ponxaem nentá cui xanepanaein, cata tinatsi. Pinmonae bayatha xuya cou tina diwesi Jesús yabara, xua ichamonae cou paeba, xua pinae Jesús poxonae xanepanaya popona pata xantha.

<sup>2</sup> Pomonae cou xua baxua pepaebixae barapomonae pinae copiya yatsicaewa tane daxita pocotsiwa Jesús exana pata xantha. Matautano pinae barapomonae Nacom Pejume Diwesi tatsi cuidubeiba.

<sup>3</sup> Xan netsita wánae daxota nanta xeinan xua yabara tayainyabiwa pomonae petinaexae yawa pecueicueijeixae daxita barapo diwesi xua pinae juinya Jesús exana. Bapoxonae cuita cata tinapoinchi Teófilo jinya neyaputaenexa tsane daxita pocotsiwa Jesús exana juinya xua copiya tsoponae xuano xua bapoxonae tsoponaeno.

<sup>4</sup> Baraxua cata tinatsi jinya neyaputaenexa tsane barapo pexainyei jume po coyene ichamonae bayatha cacuiduba.

*Meje yabara poxonae matatsunpin wánae yabara tsiwánae paeba xua Juan naexanaena pon jiwi Pebautisabin tsane*

<sup>5</sup> Caena bayatha poxonae Herodes popona Judea nacuatha, xua pon Judea nacuapiwi peyanacua ewatsinchi, bapoxonaerá barichi popona barapo nacuatha sacerdotepin pon pewán Zacarías. Bapon jiwana po sacerdotepiwi pia matabáxá jiwi pewán Abías. Piseuri tatsi pewán Isabel. Piseuribe pia pamo susato jiwana pin tatsibe, bapon pewán Aarón pon yatsicaya tabá ducua sacerdotepin.

<sup>6</sup> Piseuribe Nacom tsita jantá coyene xanepanatsibe xua bara xanepanaya peexanaewabe. Pocotsiwa Nacom pon jiwi Pecanamataxeinaein, nacana jume diwesi itoroba baxua itapeta beta exaneibabe. Daxota jopa yabara paebeibichibe jiwi po coyene xua baponbe natsiaenae cuentabe xua abe peexaneibiwabe.

<sup>7</sup> Ichitha pexui jopa xeinaeyobe, tsipei Isabel mawecowa, matautano tsipei bayatha acuewa irá tsipei pebin bayatha amo tsecae.

<sup>8</sup> Caentacabi poxonae Zacarías á pia matabáxá jiwi pia cuitha exana Nacom nexa, bapon Zacarías xuya piamonae itapetatsi.

<sup>9</sup> Barapomonae sacerdotemona, pia cui coyene xeina xua caein piamonae jiwana itapetatsi poxonae daxita barapomonae nacuita Nacom pon jiwi Pecanamataxeinaein pin pia botha tatsi. Bapon Zacarías itapetatsi xua pejoniyenexa po tutu peainya cui tutu Nacom pin pia botha po tututha ichaxota exaneiba xua Nacom nexa. Barapo tututha Zacarías tauta petuxusi exanaenexa Nacom nexa xua Nacom peitorobixae.

<sup>10</sup> Poxonae Zacarías cataunxuae tuxusi exanawiya petuxueiwa xua tauta Nacom nexa, barapoxonae daxita pomonae aisowa beumeinya barapomonae Nacom tsipae-bompa.

<sup>11</sup> Bapoxonae Zacarías tsita naitatatsi matatsunpin pon Nacom pon jiwi Pecanamataxeinaein itoroba. Po muxunene pecoxa weya matatsunpin iboto caquita uncua po ibototha xua ichaxota tauteiba petuxueiwa Nacom nexa.

<sup>12</sup> Poxonae Zacarías taeba matatsunpin jopa yaputaeyo xua peexanaewa, bichocono pejunuwixae.

<sup>13</sup> Ichitha matatsunpin Zacarías baraichi, jeichichi:

—Zacarías, jopa junuwinde. Nacom bara cajume tane poxona tsipaebibame bapon. Methaunxuae jinseuri Isabel tanaexanaeinchi pexuyo. Jinseuri cata pabetsina pebin wato. Xam wun dutsiname bapontha, po wun Juan, jei.

<sup>14</sup> Juntũ coyene weiweinaename. Barichi pinmonae juntũ coyene weiweinaena xua bapon penaexanaexae tsane.

<sup>15</sup> Bapon Juan Nacom pon jiwi Pecanamataxeinaein tsita ainya cui tsainchi. Bapon peatsaxae mera jopa apae tsane. Vino mera jopa apae tsaneno. Poxona cataunxuae butiyotha eca bichocono juntũ coyene yucaeinchi Nacom pia Pejumo tñaxũ tatsi pia peayapuswa tatsi.

<sup>16</sup> Bapon cana exanaena xua ainya Israel nacuapiwi jume cowuntsina Nacom pon Pecanamataxeinaein jiwi xua barapomona barapo Nacom pia Nacom tatsi tsainchi.

<sup>17</sup> Juan tsiwanaya poponaena xua pon xua Nacom itorobina bapon tsiwanaya poponaeinchi. Juan xeinaena Nacom pia Pejumo tñaxũ tatsi pia peayapuswa tatsi icha cain Elías ichi pon Nacom peitorobi jume pepaebin. Bapon Elías bayatha tupa. Juan exanaena xua pexui paxeiwi antobe tsaibi tsainchi. Matautano Juan cana exanaena xua jume cowuntsina Nacom pomona copiya Nacom pejumefebiwichi. Tsipei exanaena baxua, barapomona tsiwanaya jume cui yabara najuntũ coyene wunaetsina, xua barapomona pejume cowuntsinexa Nacom pon Pecanamataxeinaein jiwi, jei matatsunpin.

<sup>18</sup> Zacarías yainyaba matatsunpin, jeye:

—¿Eta nejumichim yatsicaewara xua inta naexanaena pexuyo? Apra xan amo tsecaein. Irũ tapetsiriwa apra inta acue tsecaeba, jei.

<sup>19</sup> Matatsunpin Zacarías jume notatsi, jeye:

—Apra xan Gabriel. Barapara Nacom ba imoxoyo caquita uncueiban. Nacom neitoroba bepara catsipaebichei barapo pexeinya jume diwesi. Daxota yatsicaya naexanaenaba nexanto.

<sup>20</sup> Incane jume taema. Yaitama jame maisa aunxuae jopa yabara nejume cowuntsim, daxota methaunxuae jopa cuinaya paebim tsane. Yajume aunyeibiya yantacabi jopae-name poxona beya abũ nexanto naexanaena xuaunxuae catsipaebatsi, jei.

<sup>21</sup> Poxona Zacarías tsipaebauyatsi, Zacarías pesato beya ewatumeinchi pomona Nacom tsipaeba pesatotha. Barapomona nabarai: “¿Eta pocotsiwa metha Zacarías came jopa jondenaeyo Nacom pin pia bo werena?” najei.

<sup>22</sup> Poxona Zacarías matapainya jondena jopa itacupaetsi xua petsipaebiwa barapomonaetha. Bapoxona barapomona nanta xeina xua metha bara Zacarías tsita naitatsi xua wanae barapo tututha poxoru Zacarías pecobetha cowai barapomonaetha. Ichitha awiya came jopa cueicueijeio.

<sup>23</sup> Poxona Zacarías daxita nacobe weta xua exana Nacom nexa, Nacom pin pia botha, bapoxona pia botha pona.

<sup>24</sup> Pirapaeyo Zacarías piseuri tatsi Isabel bũpana taecatsi pexuyo. Barapowa jopa naitatsiyo cinco po xometiyobe. Saya pia botha eca.

<sup>25</sup> Barapowa nabarai, jeye: “Baxua Nacom inta exana pon Tanecanamataxeinaein. Bapon baxua inta exana xua jiwi jopa aura tana neexanaewa tsane”, najei bapowa.

*Meje yabara poxona matatsunpin wũnae tsiwanaya paeba xua Jesús naexanaena*

<sup>26</sup> Poxona Isabel seis po xometiyobe yapucaewa poxona pexuyo bũpana taecatsi, bapoxona Nacom itoroba matatsunpin, pon pewun Gabriel. Gabriel Nazaret tomara beitorobiyatsi po tomara eca Galilea nacuatha.

<sup>27</sup> Gabriel patopa pesiwa ponaenexa yabũyo, powa bapana jopa pebin pichiyo. Bapowa muxu pepichi pecotsiwa, pon pewun José. Bapon José David pia pemomoxi susato jiwana tatsi. Caena bayatha David Israel nacuamonae itorobiya pia pepa peewatsinchi. Barapowa powa José pecotsiwaxae tatsi pewun María.

<sup>28</sup> Matatsunpin Gabriel, patopa ichaxota María eca. Gabriel barai, María baraichi, jeye:

—María jaco. Nacom itapeta cayabara tsita jüntu coyene xanepanatsi beyacaincha icha yabuxi. Matautano barapara Nacom pon jiwi Pecanamataxeinaein cabaru popona, jei matatsunpin.

<sup>29</sup> Ichitha poxona jume taeba bapowa, yabara jume cuitaya nabenaeca. Pia coutha nayainyaba jeye: “¿Eta xua bapon nejacoba jane?” najei.

<sup>30</sup> Matatsunpin María baraichi, jeichichi:

—María, jopa junuwinde, Nacom cayabara tsita jüntu coyene xanepanatsi.

<sup>31</sup> Matha taema xam methaunxuae pexuyo yapurawa jinaename xuano bara pabetsi-name nexanto. Bapoyo wan dutsiname po wan Jesús.

<sup>32</sup> Bapon ainya cui peexanaeinchi tsainchi. Bapon wan dutinchi, icha wan jei tsainchi: ‘Nacom Pexanto tatsi pon peitabocotha eca’, jei tsainchi. Nacom pon Pecanamataxeinaein jiwi, bapon pexanto cana exanaena xua bapon jiwi itorobiya pia pepa Peewatsinchi tsane icha matha David cana ichichi, pon Jesús pia pamo susato jiton tatsi.

<sup>33</sup> Bapon yacui tsitecaena xua jiwi peewatsinchi penaexanaewa tsane Israel pia monae susato saineiwi pexantha tatsi. Pia peitorobi coyenewa tatsi jopa weraweracae tsane, jei Gabriel, pon matatsunpin.

<sup>34</sup> Nexata María jume nota matatsunpin, jeye:

—¿Eta xua yapurawa jinocuaein pexuyo? Apra cataunxuae jopa nacueyabinyo, jei María.

<sup>35</sup> Matatsunpin jume nota, jeye:

—Nacom pia Pejumope tñaxu tatsi cata patopeicaena. Matautano Nacom pon bichocono pepa pejuntu coyene xanepanaein bapon, pia peayapusawa tatsi cantatsun matawacaicha nontsicaena icha be tsaquinaebowa ichi tsane. Daxota po pexuyo naexanaena, barapo pexuyo Nacom tsita jüntu coyene xanepanaeinchi. Barapo pexuyo yabara jei tsainchi: ‘Nacom Pexanto tatsi’, jei tsainchi.

<sup>36</sup> Iraru barichi jinyamonaewayo Isabel, bequein bara acue tsecae, ichitha anoxuae pexanto yapurawa jina. Anoxuae barapowa seis po xometiyobe yapucaewa xua yapurawa jina bequein copiya mawecowa.

<sup>37</sup> Dapocotsiwa aibi pocotsiwa Nacom tsita ayapubetsi, tsipei bapon daxita bara yaputane.

<sup>38</sup> Nexata María namchi, jeye:

—Xan bara barapowayan xua taexanaewayon pocotsiwa Nacom pon jiwi Pecanamataxeinaein neitoroba. Bu moya bara Nacom inta exanaena xuaunxuae netsipae-bame, jei María, matatsunpintha.

Bapoxona matatsunpin napitaba.

*Meje yabara poxonae María siwa pona, xua Isabel siwa poinchi*

<sup>39</sup> Pirapaeyo María nainya pontaba tomara beya, po tomara eca ichaxota ira marafofowa xua Judea nacuatha.

<sup>40</sup> Baxota barapowa María joniya Zacarías pia botha tatsi. Bapoxonae Isabel jacobatsi.

<sup>41</sup> Poxonae Isabel jume tane xua María jacobae, bapoxonae pia pexuyo tsiperu nat-sixibecatsi Isabel. Bapoxonae Nacom pia Pejumope tñaxu tatsi pia peayapusawa tatsi Isabel jüntu coyene yucatsi.

<sup>42</sup> Bapoxonae Isabel jume daunweya wawai xua María baraichi, jeye:

—¡Nacom cayabara tsita jüntu coyene xanepanatsi beyacaincha icha yabuxi! ¡Barichi nexanto Nacom yabara tsita jüntu coyene xanepanatsi!

<sup>43</sup> ¡Xam powa Tanecanamataxeinaein pena tatsim, bichocono auran xua tana nesiwa ponaewam tsipei jopa taainya cuiwayon!

<sup>44</sup> Poxoru poxonaē cajume tainchi xua nejacobame bapoxonaē pexuyo netsiperu weiweinaya natsixibeca.

<sup>45</sup> Juntũ coyene weiweiname nejume cowantsixae tsipei bara nayabara jume cui wetsina pocotsiwa Nacom pon jiwi Pecanamataxeinaein yabara catsiwũnae muxu duta pon Pecanamataxeinaein jiwi xua poxonaē matatsunpin catsipaeba, jei Isabel.

<sup>46</sup> Nexata María namchi, jeye:

“Tajuntũ coyene Nacom wũnae jaintatsi pon jiwi Pecanamataxeinaein.

<sup>47</sup> Mataũtano tajuntũ coyene Nacom yabara weiweinatsi pon Tanecapanepaein.

<sup>48</sup> Nacom neweyatane xua xan saya tapawin.

Bara barapowayũn, powayũn xua taexanaewa pocotsiwa Nacom neitoroba. Anoxuae xuano bexa tsaneno daxita jiwi pomonaē naitapataya naexanaponaena wũnae nejainchina tsipei Nacom nejuntũ coyene weiweina exana bichocono beyacaincha icha yabũxi.

<sup>49</sup> Bapon Nacom pon peayarusũ itorobi coyene pexeinaein inta bichocono wũnae exana.

Bapon Nacom pepa pejuntũ coyene xanepanaein.

<sup>50</sup> Bapon Nacom yaweneibina jiwi pia peantobewaxae pomonaetha pomonaē copiya pecunuweibixaetsi.

<sup>51</sup> Nacom tsita itũba xua peayarusũ itorobi coyenewa xeina.

Baxua exana poxonaē juntũ coyene amanayaba pomonaetha pomonaē atsaquiya penayabara paebiwi xua ichamonaē peaebiwichi.

<sup>52</sup> Nacom cui pita cana exana pomonaetha pomonaē pecanamataxeinaewi xua equeicha barapomonaē jopa naexanaē tsane xua pecanamataxeinaewa jiwi.

Ichitha nama pomonaetha pomonaē pecui pawi naexana barapomonaetha Nacom cana exana xua barapomonaē penaexanaewa pomonaē pecanamataxeinae jiwi.

<sup>53</sup> Pomonaē xua piyain barapomonaetha Nacom cana exana xua barapomonaē petonsanaewa xua penabanaewa po pexaewa pexeinya pexaewan.

Mataũtano copei pexeinaewi barapomonaetha Nacom cana exana xua barapomonaē pecobesainaewa.

<sup>54</sup> Nacom yaweneiba pijimonaē Israel nacuapiwi pomonaē pia pamo susatopin tatsi, bapon Israel pon tanacuita Nacom.

Nacom jopa yabara juntemainaeoyo xua peyaweneibiwa barapo pijimonaē peantobexae.

<sup>55</sup> Nacom daxita exana pocotsiwa Abraham wamo susatopin yabara tsiwũnae muxu dutatsi

xuano xua yabara tsiwũnae muxu dutatsi pia pemomoxi susato jiwi tatsi”, jei María.

<sup>56</sup> María cataunxuae acoibi po xometiyobe eca Isabel pia botha tatsi. Bapoxonaē equeicha caibe nawiya pia bo beya.

*Meje yabara poxona Juan naexana pon jiwi Pebautisabin*

<sup>57</sup> Nexata Isabel xua bɯpana taecatsi pexuyo, perɯ cui nauchitane. Bapoxona pexuyo tanowaeincuatsi xua pexanto.

<sup>58</sup> Pomona Isabel pia botha petaenaewichi, irɯɯ piamona tatsi pomona pecuariya petaenaewichi daxita barapomona Isabel siwa poinchi xua pejacobinexa tsainchi. Barapomona yaputane xua Nacom pon Pecanamataxeinaeinxae jiwi Isabel beta taexanatsi poxona Isabel dacotsiwa taitorobatsi pexuyo.

<sup>59</sup> Poxona ocho po matabibibe yapucaewa barapoxona pexuyo wi thabatsi xua pebin wɯtoxae xua ichaxota nareixacaeca. Barapomona nanta xeina xua pexuyo wɯn dutsinchi po wɯn pexuyo paxa tatsi xeina, xua po wɯn “Zacarias”, jei.

<sup>60</sup> Ichitha pexuyo pena tatsi namchi barapomonaetha, jeye:

—Jume, jame bewa jei: ‘Juan’, jei, jei pexuyo pena tatsi.

<sup>61</sup> Bapoxona barapomona Isabel baraichi, jeye:

—¿Exua? Jinyamona dapocotsi wɯn aibiba, po wɯn: ‘Juan’, jei, jei barapomona.

<sup>62</sup> Nexata barapomona moya pecobetha cowai Zacariastha. Matautano pecobetha cowaya yainyaba, Zacarias yainyabatsi jeichichi: “¿Eta po wɯn jinya nexanto wɯn dutsichi?” jei barapomona.

<sup>63</sup> Zacarias wɯca napaewa petinaenexa tsane. Bapoxona barapo napaewatha jei xua tina: ‘Apara pewɯn Juan’, jei. Bapoxona barapomona najɯntɯ coyene benaeca xua irɯ bapon namchi: ‘Bara pewɯn Juan’, jei.

<sup>64</sup> Poxona baxua exana, caena bapoxona jemeicha Zacarias equeicha caewa paeba. Equeicha ebato sadɯjei xua cueicueije. Zacarias tamropata pitaba xua wɯnae jainta Nacom.

<sup>65</sup> Bapoxona daxita pomona imoxoyo jinompa ichaxota Zacarias piseuribe poponabe, daxita barapomona junuwa. Matautano pomona xua pejinompraewi daxita ichaxota po ira xua marafofowa xua barapo Judea nacuatha, daxita barapomona paebinouta pocotsiwa xua bayatha petaexae.

<sup>66</sup> Daxita pomona jume tane, barapomona najɯntɯ coyene yabara nanta xeina nawita. Matautano caemona nantiya nayainyaba najei: “¿Eta bichane metha pexuyo poxona wichabina?” najei barapomona. Apara poxoru Nacom pon Pecanamataxeinaein jiwi bichocono pexuyo petsita jɯntɯ coyene xanepanaexaetsi daxota barapomona baxua paeba.

*Meje yabara xua Zacarias pia wei*

<sup>67</sup> Pexuyo paxa tatsi Zacarias, jɯntɯ coyene yɯcatsi Nacom pia Pejumope tɯnaxɯ tatsi pia peayapusɯwata tatsi. Matautano bapon cueicueije po jumetha po jume Nacom cata. Zacarias namchi, jeye:

<sup>68</sup> “Nacom pon Pecanamataxeinaein jiwi,  
pon Israel pia Nacom tatsi, barabɯ  
wɯnae jainchinchichi barapo Nacom.  
Tsipei bapon bayatha patopeica waxantha.  
Bapon bara piamonaetsi.

Matautano bapon bayatha naca capanepa.

<sup>69</sup> Pon Nacom nacata itorobica bapon pon jiwi pecapanenebiyaein pia peayapusɯwatha.  
Bapon David pia pemomoxi susato jiwana tatsi.  
Bapon David pon Nacom pia petanacuitinchi xua peexanaewa pocotsiwa Nacom itoroba.

<sup>70</sup> Caena bayatha Nacom yabara naca tsiwɯnae muxu duta, poxona itoroba pia peitorobi jume petapaebiwichi xua wanaca tsipaebinexa.



71 Bara naca tsipaeba xua pinae bapon pon Nacom wanacata itorobicaexae, pinae naca capanepaena pomonae wanaca aitaetaebi jiwi pia xainya weya tatsi.

Matautano pinae naca capanepaena pomonae wanaca ita aenae-aenei jiwi pia xainya weya tatsi.

72 Matautano Nacom naca tsipaeba xua pinae wamo susatopiwi yabara canantaxeinaeinchi xua peyawenaenexatsi.

Matautano pinae jopa jumentainae tsane xua wamo susatopiwi peyawenaponaewatsi xua bayatha Nacom yabara petsiwinnae muxu dutsixae baxua.

73 Baraxua Nacom naca tsiwinnae muxu duta xua xainyeya bara paeba poxonae Abraham tsipaebatsi, pon wamo susatopin.

74 Nacom Abraham tsipaebatsi xua pinae naca capanenebiya tsane wanaca aitaetaebi jiwi weya.

Baxua pinae nacata exanaena xua pinae waexanaewa tsane pocotsiwa naca itoroba, xuano jopa wacunuwinexa tsane ichamonae pinae.

75 Matautano nacata exanaena xua pinae beta jinompaeinchi bapon peitabaratha, xuano xua juntu coyene xeicaeya jinompaeinchi daxita maticabintha xua jopa abe waexanaponaewa.

76 Iru xam taxantom Juan jiwi cayabara wun dutsina pon Nacom peitorobi jume pepaebin, pon itabocotha eca, cayabara jei tsane.

Baxua cayabara jei poxoru xam tsiwanaya patopaename pon jiwi pia pepa Pecanamataxeinaein.

Daxita jiwi juntu coyene wunaetsiname pepatopaenexa tsane pon jiwi pia pepa Pecanamataxeinaein, pon Mesías.

77 Nacom caitoroba Juan xua jiwi neyaputane neexanaenexa tsane xua Nacom jumentainaena jiwi abe pia peexanae cuiru coyenein tatsi.

Bapoxonae Nacom barapomonae capanenebiya exanaeinchi bapon beya xua jopa Nacom petsita natsicuentisixatsi xua abe peexanaexae.

78 Wanacom jopa juniya wanaca antobexae xuano xua wanaca yawenaexae nacata itorobicaena pexanto itaboco wetsica.

Nacata wunae exanaena icha xometo ichi xua nacata wunae poxonae pentha pena maticabixae.

79 Poxonae patopeicaena pon Nacom itorobicaena, bapoxonae bapon jiwi juntu cui weiweinaya exanaeinchi.

Baxua exanaeinchi, pomonaetha pomonae pejume  
cowantsiwi bequein copiya barapomonae  
muxu pewerapae bichocono abe peexanaexae.  
Yawa Nacom naca jumope antas<sub>u</sub> exanaena,  
xua j<sub>u</sub>ntema wajinompaenexa tsainchi”,  
jei Zacarías xua pexanto barai pon Juan.

<sup>80</sup> Barapo pexuyo Juan wichabeca. Matautano aj<sub>u</sub>nt<sub>u</sub>yapus<sub>u</sub>ya popona xua Nacom yabara yaputaepona. Juan ira xuepana susato tsurucuae nacuatha tsana popona, beya poxonae po mataqueitha poxonae Juan tsita patopa Israel nacuapiwi pebautisabinexa barapomonae.

## 2

### *Meje yabara poxonae Jesús nowaeuncua pebin w<sub>u</sub>to barapo cae pin nacuathe (Mt 1.18-25)*

<sup>1</sup> Ir<sub>u</sub>u<sub>u</sub> bapoxonae popona romanomonae itorobiya pia pepa peewatsinchi, pon pew<sub>u</sub>n Augusto. Bapon itoroba piamonae peexanaenexa censo mataw<sub>u</sub>n xua pew<sub>u</sub>n tinaewan xua daxita carepaya tomaran jiwi w<sub>u</sub>n tinaeinchi.

<sup>2</sup> Barapo censo mataw<sub>u</sub>n xua pew<sub>u</sub>n tinaewan jiwi, baxua matapainya nacobe cui j<sub>u</sub>ta poxonae Cirenio Siria nacuapiwi pia peyanacua ewatsinchi naexana.

<sup>3</sup> Daxita jiwi tsanaya barompaya pia pepa tomaran bewa benawibiyaena, ichaxota pia pamo jiwi tatsi tanowaeumeinchi.

<sup>4</sup> Daxota José Nazaret tomara wewarapiya, xua Galilea nacua weya. Belén tomara bewarapiya po tomara eca Judea nacuatha. Baraxota caena bayatha David pon judiomonae itorobiya pia pepa peewatsinchi nacatsiwa, pon José pia pamo jiwi susato jiwana tatsi, pon yatsicaya tab<sub>u</sub> ducua.

<sup>5</sup> José pecotsiwa bar<sub>u</sub> pona pew<sub>u</sub>n tinaenexa tsainchibe. Barapowa pew<sub>u</sub>n María. Barapowa pexuyo b<sub>u</sub>pana taecatsi.

<sup>6</sup> Poxonae cataunxuae baraxota Belén tomaratha ecabe, bapoxonae María xua b<sub>u</sub>pana taecatsi pexuyo, bara weaper<sub>u</sub>tanetsiba.

<sup>7</sup> Bara bapowa tanaexanatsi pexanto pon copiya tanacatsiwatsi. Barapo pexuyo paparuwantha tsiwixitha mata quiyontababota jeriyotha, po naeyotha ichaxota vaca naepanaewa xayathopa. Tsipei tutu quecona po bom<sub>u</sub>x<sub>u</sub>tha ichaxota jiwi maiteiba pomonae pateiba pomonae siwa poneiba.

### *Meje yabara poxonae matatsunpiwi patsica ichaxota pomonaetha pomonae oveja duweimonae peyapu eenaewi*

<sup>8</sup> Imoxoyo Belén tomaratha, pebiwi oveja duweimonae yapu eeneiba wexotha poxonae merawi.

<sup>9</sup> Nexata jemeicha barapo pebiwi tsita nait<sub>u</sub>tatsi matatsunpin po matatsunpin itorobicatsi xua pon jiwi Pecanamataxeinaein itorobica. Matautano Nacom pon jiwi Pecanamataxeinaein pia peit<sub>u</sub>panae coicha tatsino barapomonae matawacaicha uncueicatsi. Barapo pebiwi bichocono junuwa.

<sup>10</sup> Nexata matatsunpin barapomonae baraichi jeye: “Jopa pajunuwinde. Aparapa tsipaebatsi pexeinya jume diwesi xua po diwesi daxita jiwi j<sub>u</sub>nt<sub>u</sub> coyene weiweina exanaeinchi.

<sup>11</sup> Poxoru anoxuae ichowayo tanaexanatsi pexuyo. Barapo pexuyo naexana David pia tomaratha tatsi xua Belén tomara. Barapo pexuyo, pon jiwi pecapanenebiyaein. Bapon apara pew<sub>u</sub>n Mesías pon Pecanamataxeinaein jiwi, pon Nacom weitorobicatsi.

<sup>12</sup> Bara barapo pexuyo paca ita cayopitatsi xua pataebotsiname vaca pia boyotha. Pataebotsiname barapo pexuyo xua paparuwatha mata quiontababotatsi jeriyotha ichaxota po naeyotha vaca naepanaewan xayathopa”, jei matatsunpin.

13 Bapoxonae jemeicha equeicha icha matatsunpiwi pin bicheito naitabarucupa ichaxota icha matatsunpin uncua. Barapo matatsunpiwi itaboco wepatsica. Barapomonae Nacom wunae jaintatsi. Barapo matatsunpiwi namchi, jeye:

14 “¡Maisa bichocono Nacom wunae jaintatsi pon itabocotha peecaein, peitorobixae pexanto! ¡Barabũ jiwi jũntema jinompa barapo irathe pomonae xua Nacom jũntũ coyene weiweina exanatsi!” jei matatsunpiwi.

15 Poxonae matatsunpiwi athabe ichicha caibeicha itaboco beicha, bapoxonae pomonae oveja duweimonae peyapu eenaewi barapomonae nabarai, jeye:

—Bũ poinchi Belén tomara beya wataenexa tsane pocotsiwa bayatha Nacom exana, xuano xuaunxuae matatsunpin naca tsipaeba pon jiwi Pecanamataxeinaein nexa, jei barapomonae pomonae oveja duweimonae peyapu eenaewi.

16 Barapoxonae oveja duweimonae peyapu eenaewi nainya ponarucupa. Barapoxonae María irũ José caxibarucupatsi. Irũ pexuyo poyo boqueca jeriyotha vaca matabotha caxibarucupatsi.

17 Poxonae barapomonae taerucupa pexuyo, barapomonae tsipaeba nawita icha monaetha pocotsiwa bayatha barapomonae petsipaebixaetsi matatsunpin xua pexuyo yabara.

18 Daxita pomonae jume taerucupa baxua yabara najũntũ coyene cabenaeca xua pomonae oveja duweimonae peyapu eenaewi pepaebixae baxua.

19 María barapo diwesi moya yawun xeina pejũntũ coyenewatha xua jume cui cayabara nanta exaba.

20 Bapoxonae oveja duweimonae peyapu eenaewi caibe nawibiya. Barapomonae Nacom wunae jaintatsi petaexae xuano pejume taexaeno xua bayatha matatsunpiwi pepaebixae. Barapomonae namchi, jeye:

—Maisa Nacom pon pepa yatsicaewa pejũntũ coyene xanepanaein, jei.

*Meje yabara poxonae María irũ José caponabe Jesús Nacom pia botha tatsi*

21 Poxonae ocho po matabibibe yapucaewa, pexuyo wi thabatsi, xua pebin wutoxae xua ichaxota nareixacaeca. Baxua judiomonae pia cui coyenetha tatsi. Barapoyo wun dutatsi pewun Jesús, po wun bayatha matatsunpin wun unuta xua María muxu tsipaebatsi poxonae María cataunxuae abũ jopa bũpana taecaetsi pexuyo.

22 Nexata matabibi jopa, xua po matabiqueitha María irũ José bewa pepon naxanebibe xua sacerdotemonaepin taexanaena be pocotsi coyeneya bayatha Moisés pia peitorobi coyenewa tatsi paeba xua daxota jopa penataxobinexa. Bapoxonae María irũ José pexuyo caponabe Jerusalén tomara beya pecatsinexa tsanebe pexuyo Nacomtha pon jiwi Pecanamataxeinaein xua petsita itapeinya xeinaenexabe xua barapo pexuyo Nacom petanacuichiwa tsainchi poxonae pinyo tsane.

23-24 Baxua exana tsipei Nacom pia peitorobi diwesitha tatsi tina, jeyei: “Daxita jiwi pia pexui tatsi, pebin wutixi, poxi copiya nacatsiwena, bapoxi Nacom itapeta pia taexanaetsi pocotsiwa Nacom ichichipa”, jei Nacom pia peitorobi jume diwesitha tatsi. Yawa ponabe pecaponaenexabe pepupunaein xua pecatsiwa Nacomtha xua sacerdotemonaepin pebexubinexa xua petautsinexa xua petuxusi exanaenexa tsane Nacomtha María nexa yawa José nexa. Nacom peitorobi coyenewa tatsi jeyei: “Bara irũ ainya tsaqueintobe care. Ichacuitha icha tsaqueintobe aibi, bara irũ ainya topibotobe care”, jei.

25 Irũrũ barapoxonae pebin popona Jerusalén tomaratha, bapon pewun Simeón. Bapon pejũntũ coyene xanepanaein. Bapon wunae jainteiba Nacom. Bapon wunae ewateiba xua Nacom itorobina pon Israel nacuapiwi pia Pecanamataxeinaein tatsi nexa. Bapon Israel nacuapiwi pu capanepaeinchi romanomonae weya. Barapo

romanomonae icha nacua werena pona xua Israel nacuapiwi cueranta enatsi. Tsipei barapo romanomonae Israel nacuapiwi canamataxeinatsi. Nacom pia Pejumope t̄nax̄ tatsi Simeón bar̄ popoinchi.

<sup>26</sup> Nacom pia Pejumope t̄nax̄ tatsi Simeón yaputane exanatsi xua pinae copiya taena Mesías pon xua Nacom, pon jiwi Pecanamataxeinaein itorobina. Bapoxonae xua pinae pirapaeyo t̄paena.

<sup>27</sup> Nacom pia Pejumope t̄nax̄ tatsi Simeón joniya exanatsi Nacom pin pia botha tatsi. Bara José ir̄ pexuyo pena tatsino patopabe Nacom pin pia botha tatsi. Pexuyo capatopabe petacana exanaenexa tsainchibe icha be pocotsi coyeneya Moisés pia peitorobi coyenewatha tatsi itoroba.

<sup>28</sup> Simeón isapita pexuyo. Nacom w̄nae jaintatsino. Simeón namchi, jeye:

<sup>29</sup> “Nacom pon Tanecanamataxeinaem,  
bara anoxuae caitac̄pa xua tanecopatsiwam  
xua bara j̄ntemiya tat̄paewa tsane.  
Tsipei anoxuae bara nayabara jume  
wetame pocotsiwa bayatha yabara  
netsiw̄nae muxu dutame.  
Poxoru xan bapon tsocuaein xua  
exanan xua neitorobame.

<sup>30</sup> Xan yatsicaewa bara tanba,  
pon Pecapanenebiyaein jiwi.

<sup>31</sup> Bapon tan pon xua itorobicapaebame,  
xua daxita jiwi taena xua bapon taeinchi.

<sup>32</sup> Bapon yaputane exanaena xua Nacom yaputaeinchi  
pomona jopa judiomona naexanaeyo.  
Tsipei bapon be bapocotsin, xua poxonae jiwi  
beta tane exainchi merawi xua xota yonoyonei.  
Yawano bapon exanaena xua Israel nacuapiwi,  
pomona jinyamona xua w̄nae jaintinchi  
xua ichamona w̄nae jainchina”, jei Simeón.

<sup>33</sup> María ir̄ José yabara naj̄nt̄ coyene cabenaecabe pocotsiwa Simeón pexuyo yabara paebatsi.

<sup>34</sup> Nexata Simeón barai, Nacom baraichi xua María yabara yawano xua José yabara, jeye: “J̄nt̄ coyene weiweina exande baraponbe”, jei. Nexata Simeón, María baraichi xua pexuyo pena tatsi:

—Barapo pexuyo Nacom itapeta xua bapon peexanaenexa tsane po coyene xua Israel nacuapiwi ichamona Nacom beya peponaenexa xua ichacuitha icha ichamona Nacom beya jopa peponaenexa tsane. Yawa Nacom itoroba barapo pexuyo, peit̄binexa Nacom pia peayapus̄wa ichitha ichamona jume cui aitafaetabi tsabi tsane.

<sup>35</sup> Daxota barapo pexuyo yaputaena pocotsiwa jiwi pej̄nt̄ coyeneintha nanta xeineibina. Ichitha xam, María, daxita baxuan caaj̄nt̄ coyenerewe exanaena be poxonae ich̄n canth̄th̄ tsapinopaena cusitha, jei Simeón xua María tsipaebatsi.

<sup>36</sup> Ir̄r̄ baxota poponar̄ petsiriwa, pew̄n Ana. Barapowayo Nacom peitorobi jume pepaebiwayo. Barapowa Fanuel pexantiyo tatsi. Aser pon yatsicaya tab̄ ducua bapon pia pemomoxi susato jiwana tatsi. Barapowa bara nama penapataewa tsoponae. Barapowa caena bayatha poxonae penowayo tsecae jitha eca. Pia pebinbe siete po weiyobe nabar̄ poponabe. Bapoxonae pebin t̄pa.

<sup>37</sup> Barapowa caena bayatha piseuri cuenta t̄patsi. Anoxuae nama barapowa yaochenta y cuatro po weiyobe jopaba. Barapowa Nacom pin pia bo weya jopa

pichapeibiyo. Saya exaneiba pocotsiwa Nacom itoroba merawintha yawa matabintha. Najainboteibano poxonae tsipaeba Nacomtha.

<sup>38</sup> Poxonae Jesús caponatsi Nacom pin pia botha xua Nacom pecatsinexatsi bapoxonae Ana imoxoyo caquita uncua barapomonaetha. Barapowa tsipaeba Nacomtha, jeye: “Nacom maisa juntu coyene weiweinan xua painta itorobame barapo pexuyo”, jei Ana. Bapoxonae Ana yabara paebaxoya pexuyo jiwitha pomonaetha pomonae wunaewateiba po coyene xua Nacom itorobina Israel nacuapiwitha pon Israel nacuapiwi capanenebiya exanaeinchi romanomonae weya.

*Meje yabara poxonae Jesusbaru caibe iyiya Nazaret tomara beya*

<sup>39</sup> Nexata María iru José wetabeba daxita xua Nacom, pon jiwí Pecanamataxeinaein, peitorobi jume coyenewa paeba. Bapoxonae caibe canawiyabe pexuyo Galilea nacua beya xua pia tomara beyabe, Nazaret tomara beyabe.

<sup>40</sup> Pexuyo wichabeca. Matautano bichocono daunwei nawita, peyaputae coyene xexeinaponano. Nacom tsita juntu coyene xanapanapoinchi.

*Meje yabara poxonae Jesús siwa pona Nacom pin pia bo tatsi*

<sup>41</sup> Jesús pena tatsi iru paxa tatsi daxita weitha poneiba Jerusalén tomara beya xua nataiba Pascua wun matabin. Barapo Pascua wun jei, poxonae Israel nacuapiwi nanta xeina xua poxonae pinae bayatha pia pamo susato jiwí tatsi capanenebiya exanatsi Egipto nacua weya, xua Nacom capanenebiya.

<sup>42</sup> Poxonae Jesús doce po weiyobe yapu jopa, María iru José iru Jesús, Jerusalén tomara be-iyiya. Tsipei barapomonae pia cui xua poneiba barapo Pascua wun matabin nexa.

<sup>43</sup> María iru José caibe nawirenabe pia tomara berena poxonae barapo matabin weta. Ichitha pewowin Jesús naruntaba Jerusalén tomaratha. Jesús pena tatsi iru José jopa taeyobe xua Jesús nacopataba.

<sup>44</sup> Nanta xeinabe xua Jesús mexeya itara napunaecaponawei pin bicheitha. Caentacabitha María iru José namtotha naecaponabe, bapoxonae itaxanawiyabe pexanto. Necobauyabe pexanto pin bicheitha pia matabunxuyo jiwimonaetha, pijiwimonaethano.

<sup>45</sup> Jopa pexanto caxinaebe. Bapoxonae equeicha caibe iyabe Jerusalén tomara beya, pewenaweneinexa tsanebe pexanto baxotiya equeicha.

<sup>46</sup> Poxonae acoibi po matabiyobe yapucaewa Jerusalén tomaratha baxota pexanto caxinabe Nacom pin pia botha tatsi. Jesús naeca ichaxota pomonae jiwí pecuidubiwi Nacom pia peitorobi jume. Jesús jume tane barapomonae. Matautano yainyabano nawita barapomonaetha.

<sup>47</sup> Daxita pomonae jume tane, najuntu coyene cabenaeca tsipei Jesús peyaputaein tseae, matautano tsipei Jesús beta jume nota.

<sup>48</sup> María iru José poxonae baxua cui tanebe najuntu coyene cabenaecabe. María pexanto barai, jeye:

—Owae, ¿eta xua metha baxua painta exaname? Axa iru xan paca yabara najuntu coyene exabatsibe, paca jeitompatsi, jei.

<sup>49</sup> Jesús jume nota pena, jeye:

—¿Eta pocotsiwa metha ichawa beya pana nejeitompame? ¿Metha bara jopa payaputaem jampa xua bewa necui eenaena xua Taxa pia cui yabara tatsi? jei.

<sup>50</sup> Ichitha María iru José jopa xapain yaputaeyobe pocotsiwa Jesús paeba.

<sup>51</sup> Jesús caibe nanawiya pena tatsibaratha Nazaret tomara beya. Jesús pena jume jejei tsaibi yawano José jume jejei tsaibichino xua daxita exana pocotsiwa Jesús itorobeibatsi. Jesús pena, daxita baxuan moicha cacui yabara cananta xeineibatsi pejuntu coyenewatha.



<sup>52</sup> Nexata Jesús wiwichabapona yawa juntu coyene ayapusaya exanapoinchino Nacom pia Pejumopetha tñaxa tatsi. Nacom iru jiwí Jesús antobe tsoponaetsi.

### 3

*Meje yabara poxona Juan pon Pebautisabin jiwí cuiduba ira xuepana susato tsurucuae nacuatha*  
(Mt 3.1-12; Mr 1.1-8; Jn 1.19-28)

<sup>1</sup> Iru Tiberio pon romanomona itorobiya pia pepa peewatsinchi tatsi yapu jopa quince po weibe xua itorobiya canamataxeina barapo nacuanthapiwi. Bapoxona iru Poncio Pilato Judea nacuapiwi peyanacua ewatsinchi naexana. Barichi Herodes Galilea nacuapiwi peyanacua ewatsinchi naexana. Iru Herodes peweicho tatsi Felipe, bapon Iturea nacuapiwi peyanacua ewatsinchi naexana xua Traconite nacuathano. Barichiru Lisanas Abilinia nacuapiwi peyanacua ewatsinchi naexana.

<sup>2</sup> Barichiru Anás iru Caifás baponbe sacerdotemona pia pepa pentacaponaeinbe tatsibe. Barapoxonaeru Nacom Juan tsipaebatsi poxona ira xuepana susato tsurucuae nacuatha popona. Juan bapon Zacarías pexanto tatsi.

<sup>3</sup> Juan popona ducuaeta Jordán nacuatha ichaxota Jordán mene. Nacom Pejume Diwesi tsipaeba ducuaeta jiwitha. Bapon barai jiwitha, jeye:

—Icha juntu coyene paxeinare painya neauraxa xua abe paexaname. Paca bautisabina ichamona xua Nacom paca necayabara jantemainaenexa abe painya neexanae cuiru coyenein, jei Juan.

<sup>4</sup> Baxua exana, peyabara jeichixaetsi xua peyabara jeixae pon Nacom peitorobi jume pepaebin Isaías poxona bapon tina pejume diwesi. Barapo diwesitha Isaías caena bayatha wñae tsiwñaeaya yabara paeba xua Juan yabara. Isaías namchi, jeye:

“Jume tan pon wawai ira xuepana susato tsurucuae nacuatha.

Bapon wawai jeye: ‘Patsinajuntu cui coyene wñaeere pon jiwí pia pepa Pecanamataxeinaeinchi pia pepatopae wñaeaya tsane.

<sup>5</sup> Daxita pamarafotontha paatsa jejebapoinyama.

Daxita petsuton paatsa caxiquiyama.

Pejeyajeyowa namton bopiya dubeinya paexande.

Pamarafotofotowa namton, panamto dameyama.

Apara jopa yabara janyo namton, jame

apara yabara jan painya juntu coyenein.

Ichi paichim xua namton paxanebame bara

paichinde pana najuntu cui wñaeere

painya Nepacacanamataxeinaein nexa

poxona bapon patopeicaena.

<sup>6</sup> Daxita nacuapiwimona yaputaena Nacom pia

pecapanenebiyae coyene tatsi’, jei pon

wawai”, jei Isaías pejume diwesitha.

<sup>7</sup> Pin bicheito pata, xua Juan pebautisabinexa tsane. Juan barai barapomona jeye:

“¡Paxam pomona pemuxuitorobi jiwí pam! ¡Paxam be bara jomomona pam, tsipei jomo ba cuitaya dñcpa nawa! Bara paichim anoxuae paichichipame Nacom pacuitaya dñcpame xua abe paca exanaeyainwa. Jopa papanenebiyaem tsane bequein bara paca bautisabinchi tsipei jopa pajuntu coyene xanepanaem Nacomtha.

<sup>8</sup> Xaniwaicha painompare xain ichamona paca cui tane xua icha juntu coyene painya nexainaewa Nacomtha, pon jiwí Pecanamataxeinaein. Tsipei bequein paxam pajam:

‘Waxainchi Abraham pia pemomoxi susato jiwichixaetsi Nacom naca capanenebiya ex-anaena’, pajam, daichitha paxam jopa xaniwaicha pajume cowantsim Nacom. Daxota Nacom itacupatsi xua paca cui matawenta pia jopa paca nepaca capanenebiyaenexa tsane. Matautano barichino Nacom itacupatsi xua jiwi forotsinchi barapo ibotixi weya, po ibotixi xote Jordán mene itapatha bobena. Barapo jiwi naexanaena, po jiwi yatsicaewa Abraham pia pemomoxi susato jiwi tatsi, pomonae pejume cowantsixaetsi Nacom.

<sup>9</sup> Poxonae pebin naein uba, sipari ba canacui wunaeta pecaucubobinexa po naein jopa nacoichiyo. Poxonae barapo naein ucuboba nantatsun eta xua petautsinexa isototha. Paxam bara paca jata ichiya paca cana exanaena. Nacom paca yabara nacui wunaeta xua paca bebai tsane isototha, ichaxota po isototha jopa cuinaya itacounayiyo tsipei Nacom jopa xanepanaya pata taexanaem”, jei Juan.

<sup>10</sup> Nexata barapomonae Juan yainyabatsi jeichichi:

—¿Eta pocotsiwa Nacom ichichipa pocotsiwa pata exanaenexa xua ichamonae pata necui taenexa tsane xua bara pajantu coyene xanepanaein Nacomtha? jei barapomonae.

<sup>11</sup> Juan jume nota, jeye:

—Pon ainya camisabe xeina, bapon becatsipa pontha pon yatsicaewa jopa nauma xatatsiyo camisa. Iru ru pon tamatecatsi penabanaewa bapon becatsipa ichan pontha pon jopa xeinaeyo penabanaewa, jei Juan.

<sup>12</sup> Barichiru pata, pomonae paratixi pentoma noteibiwi po paratixi jiwi bewa cat-sibina pon romanomonae itorobiya pia pepa peewatsinchi nexa. Barapomonae pata xua Juan pebautisabinexa tsaneru barapomonae. Barapomonae Juan yainyabatsi, jeichichi:

—Pon jiwi Necuidubim, ¿eta pocotsiwa Nacom ichichipa pocotsiwa pata exanaewa tsane? jei barapomonae.

<sup>13</sup> Juan jume nota, jeye:

—Saya meisa jiwi pawucaename paratixi xua romanomonae paca itoroba. Jopa yabara muxuitorobiya pawucaeinde ichawan, jei Juan.

<sup>14</sup> Barichiru soldadomonae Juan yainyabatsi, jeichichi:

—Iru paxan, ¿eta pocotsiwa Nacom ichichipa pocotsiwa pata exanaewa tsane? jei barapomonae.

Juan jume nota, jeye:

—Jopa payabara jume daunweya wecobe noteibinde ichamonae piawan tatsi. Matautano ichamonae jopa pacui yopiteibinde pocotsiwa exana ichamonae poxonae apara jopa exaneibiyo. Bara saya pajantu coyene weiweinare poxonae paratixi pax-einame poxonae ichamonae xua pata exaname xua soldadomonae pamxaem, jei Juan.

<sup>15</sup> Daxita pomonae wunaewateiba xua Mesías pepatopeicaewa tsane, barapomonae poxonae Juan jume tainchi, barapomonae pejantu coyeneintha nanta xeina, xua apara Juan metha apara Mesíaswei.

<sup>16</sup> Ichitha Juan barai daxita barapomonae, jeye: “Xan paca bautisabatsi meratha.

Ichitha nama patopaena pon bichocono ainya cui beyacaincha xan. Bapon pon pepa Pecanamataxeinaein jiwi. Xan saya tapawin. Daxota auran xua tataxu mu isanaxu-biwa pia penataxu xatatsiwa. Bapon paca jiwana bautisabina Nacom pia Pejumope tuxaxutha tatsi. Bapon paca jiwana cui copatsinchi xua atene tsane Jesús pejume cowantsixaetsi tsane.

<sup>17</sup> Bapon pon patopaena bapon bayatha tsinacobenata po paparato xua trigo xu nexa.

Bapon trigo xu tsanaya seicaya matapepe jejebapona. Trigo xu jejebapona, trigo xu matabohta. Matapepe jejebapona petautsinexa isototha, ichaxota po isoto jopa cuinaya itacounayiyo. Bara jata cana ichi tsane jiwitha icha trigo xu cana ichiya ichichi jiwi Nacom tsananobina pomonae pejume cowantsixaetsi pia nacuatha nexa. Ichamonae

tsananobinchi pomonae jopa pejume cowantsiwichi, petautsinexa isototha ichaxota xua jopa itacounayiyo”, jei Juan.

<sup>18</sup> Icha diwesi yabara jumeno Juan barapomonaetha paeba Nacom pia pexeinya jume diwesi tatsi.

<sup>19</sup> Matautano Juan biatane, Herodes biatainchi pon Judea nacuapiwi pia peyanacua ewatsinchi poxoru Herodes peweicho caiba yabayo powa Herodías. Herodes peweicho tatsi pewan Felipe. Matautano Juan biatane poxoru bayatha Herodes abe exana nawita jiwitha.

<sup>20</sup> Ichitha dametha equeicha Herodes abe exana xua Juan caenaetatsi ichamonaetha xua pecaponaenexa tsainchi jiwi pecabi botha.

*Meje yabara poxonae Jesús bautisabatsi*  
(Mt 3.13-17; Mr 1.9-11)

<sup>21</sup> Poxonae cataunxuae Juan jopa ecaeyo jiwi pecabi botha, Juan bautisaba ducua-naeta jiwi. Barichi iru Jesús nabautisabatsi. Poxonae Jesús tsipaebuncua paxa, peitaboco nayausanaxuba.

<sup>22</sup> Nacom pia Pejumope tñaxa tatsi patopeica Jesustha, be topiboto yaruneica. Jesús jume tane pocotsiwa peitaboco wetsipaebicatsi, jeichichi:

—Xam apara Taxantom pom bichocono cantobetsi, pom caitapetatsi. Nejantu coyene weiweina exaname, jei Nacom.

*Meje yabara pomonae Jesús pia pamo susatopiwi tatsi*  
(Mt 1.1-17)

<sup>23</sup> Poxonae Jesús treinta po weibe yapu jopa, bapoxonae nama tamropata pitaba barompaya pia pepa peexanae coyenewan po coyene Nacom Pejume Diwesi pecue-icueijejewa xuano jiwi axaibi exana ducua-naebiyano. Jesús, José pexanto tatsi. Daxita jiwi nanta xeina xua mexeya itara José yatsicaewa pexantowei. José, Elí pexanto tatsi.

<sup>24</sup> Bapon Elí, Matat pexanto tatsi. Bapon Matat, Leví pexanto tatsi. Bapon Leví, Melqui pexanto tatsi. Bapon Melqui, Jana pexanto tatsi. Bapon Jana, José pexanto tatsi.

<sup>25</sup> Bapon José, Matatías pexanto tatsi. Bapon Matatías, Amós pexanto tatsi. Bapon Amós, Nahúm pexanto tatsi. Bapon Nahúm, Esli pexanto tatsi. Bapon Esli, Nagai pexanto tatsi.

<sup>26</sup> Bapon Nagai, Maat pexanto tatsi. Bapon Maat, Matatías pexanto tatsi. Bapon Matatías, Semei pexanto tatsi. Bapon Semei, Josec pexanto tatsi. Bapon Josec, Judá pexanto tatsi.

<sup>27</sup> Bapon Judá, Joanán pexanto tatsi. Bapon Joanán, Resa pexanto tatsi. Bapon Resa, Zorobabel pexanto tatsi. Bapon Zorobabel, Salatiel pexanto tatsi. Bapon Salatiel, Neri pexanto tatsi.

<sup>28</sup> Bapon Neri, Melqui pexanto tatsi. Bapon Melqui, Adi pexanto tatsi. Bapon Adi, Cosam pexanto tatsi. Bapon Cosam, Elmadam pexanto tatsi. Bapon Elmadam, Er pexanto tatsi.

<sup>29</sup> Bapon Er, Josué pexanto tatsi. Bapon Josué Eliezer pexanto tatsi. Bapon Eliezer, Jorim pexanto tatsi. Bapon Jorim, Matat pexanto tatsi.

<sup>30</sup> Bapon Matat, Leví pexanto tatsi. Bapon Leví, Simeón pexanto tatsi. Bapon Simeón, Judá pexanto tatsi. Bapon Judá, José pexanto tatsi. Bapon José, Jonam pexanto tatsi. Bapon Jonam, Eliaquim pexanto tatsi.

<sup>31</sup> Bapon Eliaquim, Melea pexanto tatsi. Bapon Melea, Mena pexanto tatsi. Bapon Mena, Matata pexanto tatsi. Bapon Matata, Natán pexanto tatsi.

<sup>32</sup> Bapon Natán, David pexanto tatsi. Bapon David, Isaí pexanto tatsi. Bapon Isaí, Obed pexanto tatsi. Bapon Obed, Booz pexanto tatsi. Bapon Booz, Sala pexanto tatsi xua icha wan Salmón. Bapon Sala, Naasón pexanto tatsi.

<sup>33</sup> Bapon Naasón, Aminadab pexanto tatsi. Bapon Aminadab, Admin pexanto tatsi. Bapon Admin, Arni pexanto tatsi. Bapon Arni Esrom pexanto tatsi. Bapon Esrom, Fares pexanto tatsi. Bapon Fares, Judá pexanto tatsi.

<sup>34</sup> Bapon Judá, Jacob pexanto tatsi. Bapon Jacob, Isaac pexanto tatsi. Bapon Isaac, Abraham pexanto tatsi. Bapon Abraham, Taré pexanto tatsi. Bapon Taré, Nacor pexanto tatsi.

<sup>35</sup> Bapon Nacor, Serug pexanto tatsi. Bapon Serug, Ragau pexanto tatsi. Bapon Ragau, Peleg pexanto tatsi. Bapon Peleg, Heber pexanto tatsi. Bapon Heber, Sala pexanto tatsi.

<sup>36</sup> Bapon Sala, Cainán pexanto tatsi. Bapon Cainán, Arfaxad pexanto tatsi. Bapon Arfaxad, Sem pexanto tatsi. Bapon Sem, Noé pexanto tatsi. Bapon Noé, Lamec pexanto tatsi.

<sup>37</sup> Bapon Lamec, Matusalén pexanto tatsi. Bapon Matusalén, Enoc pexanto tatsi. Bapon Enoc, Jared pexanto tatsi. Bapon Jared, Mahalaleel pexanto tatsi. Bapon Mahalaleel, Cainán pexanto tatsi.

<sup>38</sup> Bapon Cainán, Enós pexanto tatsi. Bapon Enós, Set pexanto tatsi. Bapon Set, Adán pexanto tatsi. Bapon Adán, Nacom pexanto tatsi.

## 4

*Meje yabara poxonae Jesús j̄nt̄u coyene j̄j̄t̄atsi caurimonaē pia pentacaponaein tatsi xua Jesús abe coyeneya petaexanaenexa tsane (Mt 4.1-11; Mr 1.12-13)*

<sup>1</sup> Poxonaē Jesús j̄nt̄u coyene ȳcatsi Nacom pia Pejumope t̄nax̄u tatsi bapoxonaē caibe nawiya Jordán mene weya. Nacom pia Pejumope t̄nax̄u tatsi Jesús mata cayatsi ira xuepana susato tsurucuae nacua beya.

<sup>2</sup> Baraxotiya Jesús popona cuarenta po matabibibe. Caurimonaē pia pentacaponaein tatsi Jesús piraichi j̄nt̄u coyene j̄j̄t̄atsi xua Jesús abe coyeneya petaexanaenexa tsane. Barapo cuarenta po matabibetha Jesús jopa nabanaeyo. Poxonaē barapo matabin yapucaewa Jesús bichocono jainpa.

<sup>3</sup> Caurimonaē pia pentacaponaein tatsi, Jesús baraichi, jeichichi:

—Icha xam yatsicaya Nacom Pexantom, netsita it̄ure. Barapo iboto itorobare xain pan naexanaxoya, jei caurimonaē pia pentacaponaein tatsi.

<sup>4</sup> Jesús jume nota. Caurimonaē pia pentacaponaein tatsi jume notatsi, jeye:

—Nacom Pejume Diwesitha namchi: ‘Jopa metha bepa meisa jiwi betiya una jinom-paetsipae pan’, jei Nacom Pejume Diwesi, jei Jesús.

<sup>5</sup> Caurimonaē pia pentacaponaein tatsi Jesús matabapoinchi ichaxota po demxuwa bichocono atororo. Baraxotiya Jesús tsita it̄tarabatsi daxita nacuan, xua barapo cae pin nacuathe.

<sup>6</sup> Bapoxonaē caurimonaē pia pentacaponaein tatsi Jesús baraichi, jeichichi:

—Daxita barapo nacuan cacatinchi jiwi neitorobinexa tsane. Matautano daxita cacatinchi nacuan pia pew̄naewan, tsipei bayatha necata daxita barapo nacuan xua taitorobeibiwa coyenewan. Tawaxae catsin ich̄ntha pontha pon xua ichichipan xua tacatsiwa.

<sup>7</sup> Ichaunxuae nentabocototha uncuaename taitabaratha, xuano ichaunxuae new̄nae jainchiname xua nenanta xeinaewaxae xua xan jinya tacacanamataxeinaeinchi, bapoxonaē baxuan daxita bara cacatsinchi jinya Necanamataxeinaenexa barapo nacuan, jei caurimonaē pia pentacaponaein tatsi.

<sup>8</sup> Ichitha Jesús jume nota, jeye:

—Yaitama Nacom Pejume Diwesitha namchi, jeye: ‘Meisa w̄nae jainde jinya Necanamataxeinaein Nacom. Meisa bapon yatsicaewa taexande pocotsiwa caitoroba’, jei Nacom Pejume Diwesitha, jei Jesús.

<sup>9</sup> Cotacaya nama equeicha Jesús matabapoinchi Jerusalén tomara beya, Nacom pin pia botha pentatupa beicha capoinchi. Jesús baraichi, jeichichi:

—Icha bara xaniwaicha Nacom Pexanto tatsim, wenaxoreinque.

<sup>10</sup> Nacom Pejume Diwesitha namchi, jeye:

‘Nacom itorobina pia matatsunpiwi necayanabinexa.

<sup>11</sup> Barapo matatsunpiwi asiya cawaetaboutsina pecobetha, xua jopa necataxu tsaquituncuaenexa tsane ibototha poxonae wenaxorecame’, jei Nacom Pejume Diwesitha, jei caurimonae pia pentacaponaein tatsi.

<sup>12</sup> Jesús jume nota, jeye:

—Barichi Nacom Pejume Diwesitha namchi, jeye: ‘Jopa juntu coyene jujutsiya wucaeinde Nacom pon jinya Necanamataxeinaein, xua cajume jejei tsane necayawenaenexa poxonae jopa xapain exanaem’, jei Nacom Pejume Diwesitha, jei Jesús.

<sup>13</sup> Poxonae caurimonae pia pentacaponaein tatsi yaputane xua jopa xeinaeyo po coyenetha equeicha Jesús pejuntu coyene jujutsiwa tsainchi, baroxonae nama Jesús wepu poinchiba xua saya bara caeto nexa.

*Meje yabara poxonae Jesús tamropata pitaba pia penacuichiwa Galilea nacuatha (Mt 4.12-17; Mr 1.14-15)*

<sup>14</sup> Jesús caibe iya Galilea nacua beya. Matautano jopa juniya xeinaeyo Nacom pia Pejumope tunaxu tatsi pia peayapusu itorobi coyenewa tatsi. Daxita jiwi pomonae jinompa barapo nacuatha Jesús yabara paebinoutatsi.

<sup>15</sup> Jesús cuidubeiba barapomonae judiomonae pia penacaetutsi bontha tatsi xua daxita tomarantha. Barapomonae Jesús wuna jainteibatsi.

*Meje yabara poxonae Jesús Nazaret tomaratha popona (Mt 13.53-58; Mr 6.1-6)*

<sup>16</sup> Nexata Jesús Nazaret tomara beya pona, po tomaratha ichaxota wichaba. Judiomonae barompaya pia pentaquei seicae matababitha tatsi Jesús joniya judiomonae pia penacaetutsi botha tatsi tsipei pia cui xeina xua peponeibiwa barapocotsi botha. Jesús xenta iya barapomonae peuncuaenexa peitabaratha, peyorobinexa Nacom Pejume Diwesi, xua barapomonae pejume taenexa.

<sup>17</sup> Nexata Jesús catatsi Isaías pejume diwesi, pon Nacom peitorobi jume pepaebin, pon caena bayatha tupa. Poxonae Jesús diboro pataxuba baxota taeba pocotsiwa baxota paeba, xua jeye:

<sup>18</sup> “Nacom pia Pejumope tunaxu tatsi neyanta popona.

Nacom neitapeta tatabueicueijeinexa tsane pia pexeinya jume diwesi tatsi pomonaetha pomonae peacopeibi jiwi.

Matautano neitoroba xua tayawenaenexa pomonae anthathatane.

Matautano neitorobano xua tayawenaenexa pomonae caurimonae itorobatsi nawita xua barapomonae pepanenebiyaenexa.

Matautano neitorobano xua tane tacana exanaenexa pomonae peitata nacutsi jiwi.

Matautano neitorobano xua tayawenaenexa pomonae xua bichocono taayapubetsi xua pejinompaewa tsane xua barapomonae jopa pexeinae



dubenanaebiyaenexa tsane barapo coyenein.

<sup>19</sup> Matautano neitorobano xua jiwi tatsipaebinexa po coyene xua Nacom nacui wunaeta xua jiwi peyawenaewa tsainchi pomonae ichichipa xua Nacom pejume taewatsi”, jei Isaías pejume diwesitha, jei Jesús xua yoroba.

<sup>20</sup> Poxonae Jesús barapo diboro acataraba, bapoxonae cata pontha pon jiwi peyawenequeibin judiomonae pia penacaetutsi botha tatsi. Bapoxonae Jesús econeca. Daxita pomonae baxota ena, Jesús necotenatsi xua cui ewatenatsi xua pecueicueijeixa tsane Jesús.

<sup>21</sup> Bapoxonae Jesús tamropata pitaba xua paeba, jeye:

—Anoxuae xuaunxuae pajume taneme baxua apara barapo mataqueithe Nacom nayabara jume cui weta painya itutha, jei Jesús.

<sup>22</sup> Daxita carepaya jiwi Jesús xanepanaya yabara paebatsi. Daxita barapomonae najuntu coyene cabenaeca xua pejume taexae xua po jume barapomonae petsipaebix-aetsi. Barapomonae nantiya nabarai, jeye:

—Maisa jume xeica bapon, jume wunaeya paeba. ¿Bara bapon José pexanto tatsi jampa? najei barapomonae.

<sup>23</sup> Jesús barai barapomonae, jeye:

—Metha pana netsipaebichipame icha be pocotsi diwesiyo iche xua pecayabara juta pepaebi diwesiyo xua ba jei: ‘Pon jiwi neyawubin, jinya coutha nayawbare’, xua ba jei. Barichi anoxuae pana nejam tsane: ‘Xua paxan pajume tan xua juinya Capernaum tomaratha exaname, barichinde xote exande jinya tomaratha’, pana nejam tsane, jei Jesús.

<sup>24</sup> Awiya cataunxuae Jesús cueicueijeixi. Equeicha namchi, jeye:

—Xaniwaicha paca tsipaebatsi pon ba Nacom peitorobi jume pepaebin pia nacua-monaepiwi ba aitaetaebichi.

<sup>25</sup> Xaniyan paca baraichi xua caena bayatha poxonae Elías popona pon Nacom peitorobi jume pepaebin, ainyawaxi powaxi pecuenta werapaewaxichi pia seuriwi Israel nacuatha jinompa. Barapo nacuatha cuinaya jopa duneicaeyo acoibi po weiyobe xuano seis po xometiyobethano. Daxita jiwi piyain barapo nacuatha Israel nacuatha.

<sup>26</sup> Nacom jopa itorobiyo, Elías jopa itorobichi xua peyawenaenexa tsane caewayo jiwana powaxi pecuenta werapaewaxichi pia seuriwi xua Israel nacuatha. Ichitha saya meisa Nacom itoroba, Elías itorobatsi powatha powa pecuenta tupaewayotsi piseuri, powa popona Sarepta tomaratha, xua Sidón nacuatha xua barapowayo peyawenaenex-atsi.

<sup>27</sup> Barichi Israel nacuatha pinmonae jinompa pomonae peperu sawatsi jiwimonae, poxonae Eliseo popona pon Nacom peitorobi jume pepaebin. Eliseo jopa jiwana axaibi exanaeyo. Ichitha meisa Eliseo Naamán axaibi exanatsi pon bichocono peperu sawinchi. Bapon Naamán, Siria nacuapin, jei Jesús.

<sup>28</sup> Poxonae barapomonae jume tane pocotsiwa Jesús paeba pomonae judiomonae pia penacaetutsi botha ena, bapoxonae barapomonae Jesús casebatsi.

<sup>29</sup> Asiya umenarucupa barapomonae. Jesús tomara peuma beitawayatsi. Jesús capoinchi pitapatororo itapa beya, po tsututha bomaxun jeba, xua bara wepexore-caenexa tsainchi Jesús.

<sup>30</sup> Ichitha Jesús barapomonae xenta iya, pu seicataba.

*Meje yabara poxonae pebin pon cauri xeina  
(Mr 1.21-28)*

<sup>31</sup> Nexata Jesús pona Capernaum tomara beya po tomara eca Galilea nacuatha. Baxotiya Jesús cuiduba jiwi po mataqueitha pentaquei seicae matabitha.

<sup>32</sup> Barapomonae yabara najuntũ coyene cabenaeca tsipei pocotsiwa bapon barapomonae cuidubatsi be pon peyaputaen pia peyapusũ itorobi jume coyeneya tatsi paeba.

<sup>33</sup> Judiomonae pia penacætutsi botha tatsi pebin baxota eca, pon cauri xeina. Bapon bichocono wawaya exanatsi cauri. Bapon Jesús baraichi xua namtsebiya wawai, jeye:

<sup>34</sup>—¡Jesús Nazaret tomarapim, warapare pata xainya weya! ¿Eta xua metha patopame pata xantha xua jinya apara abe pata neexanaetsim? ¿Apara patopame jinya pana nejutebicham? Paca yaputainchi yawa paca yaitainchi. Xam apara pon Nacom caitoroba, pon pepa Nentacuiruyapuxanepanaem, jei cauri.

<sup>35</sup> Jesús itaweta cauri, jeye:

—¡Moyande! ¡Bapon wepu ponde! jei Jesús.

Nexata cauri pebin iratha xotsi barapomonae peitatha tatsi. Pebin wepu poinchi cauri, saya juntema. Equeicha jopa ateneyono.

<sup>36</sup> Daxita barapomonae yabara najuntũ coyene cabenaeca, nayainyaba namchi:

—¿Eta po jumera xua bapon paeba? Jamaisa barapo pebin itaweta caurimonae pia peyapusũya itorobi coyenewatha. Matautano barapo caurimonae bara pona.

<sup>37</sup> Daxita jiwi paebinouta Capernaum tomara cuariyatha pocotsiwa Jesús exana.

*Meje yabara poxonae Jesús axaibi exana Simón Pedro pamiyo tatsi  
(Mt 8.14-15; Mr 1.29-31)*

<sup>38</sup> Bapoxonae Jesús judiomonae pia penacætutsi bo tatsi wejoniya. Jesús joniya Simón pia botha tatsi. Simón pamiyo tatsi atene, domaebatsi. Barapowa piamonae tatsi Jesús jume daunweya wũcatsi xua bapowa axaibi peexanaenexa tsainchi.

<sup>39</sup> Jesús imoxoyo caquita uncua pentasipatha. Jesús domaetha namchi, jeye:

—Barapowatha jopa bayatha yacacaewiyande, jei Jesús.

Domae aichurucuae. Nainya barapowa nantacotaxuba. Bapoxonae bapowa pexaewa apata barapomonaetha.

*Meje yabara poxonae Jesús axaibi exana pin bicheitomonae  
(Mt 8.16-17; Mr 1.32-34)*

<sup>40</sup> Poxonae tabopiya tsanaicha pomonae piamonae barompaya taatenetsi pomonae xua jopa nayaromae jũpaeyo, daxita barapomonae Jesús betacarendenatsi. Jesús ichawa beya jayabapona pecobetha, bapoxonae daxita carepaya axaibi.

<sup>41</sup> Barichi pomonae cauri pexeinaewi Jesús taitaweta barapomonae. Barapo caurimonae wawaya jeye:

—Apara xam Nacom Pexantom, jei.

Bequein caurimonae baxua paeba ichitha Jesús awiwa daumetha itaweta caurimonae. Jesús jopa najume copatsiyo xua equeicha pepaebiwa tsane poxoru barapo caurimonae yaputane xua bapon yatsicaewa Mesías pon Nacom itorobica.

*Meje yabara poxonae Jesús cueicueijei Nacom Pejume Diwesi judiomonae pia penacætutsi bontha tatsi  
(Mr 1.35-39)*

<sup>42</sup> Poxonae baya juntucuru pentha tsina, Jesús tomara weiya ichaxota jiwaibi bara beya pona. Ichitha jiwi Jesús jeitatsi. Barapoxonae bapomonae pata ichaxota Jesús popona. Barapomonae aichaxaibi xua Jesús pewepu warapaewa barapomonae.

<sup>43</sup> Ichitha Jesús namchi, jeye:

—Bewa irũ yabara paebin Nacom pia pexeinya jume diwesi tatsi, po diwesi yabara xua Nacom waba jiwi petanaexanaenexatsi piamonae pomonae Nacom juntũ coyene itorobiya ewata. Apara baxua netsiyabara itorobica, jei Jesús.

<sup>44</sup> Daxota Jesús paeba ducuaeta Nacom Pejume Diwesi Judea nacuaetha xua judiomonae pia penacætutsi bontha tatsi.

## 5

*Meje yabara poxonae Jesús piamonae yawena xua duwei yamona  
(Mt 4.18-22; Mr 1.16-20)*

<sup>1</sup> Caentacabi Jesús Genesaret pucua itapatha uncuca. Pin bicheito pata bichocono nacucunaxuba Jesustha, tsipei barapomonae ichichipa jume tane Nacom Pejume Diwesi tatsi.

<sup>2</sup> Jesús ainya jerabe tane pucuatha taetabo itapatha, po jera saya naebe. Tsipei duwei peyamonaewi bayatha nacui wetarucupa, matautano poxoru bayatha nonobouna taetabotha. Barapomonae pia peyamonaewan iquicompa.

<sup>3</sup> Nexata Jesús jeratha nontabiya Simón pia naetha tatsi. Jesús Simón baraichi:

—Tsiwiyo neyana torotaxoyam, jei Jesús.

Bapoxonae Jesús eca jeratha. Jesús mene wecuidubecarena jiwí Nacom Pejume Diwesi.

<sup>4</sup> Poxonae Jesús najume weta, Simón baraichi, jeye:

—Jeratha ponde ichaxota pentatheibu. Paxoyama painya neyacamonaewa painya necapirenaenexa duwei, jei Jesús.

<sup>5</sup> Simón, Jesús jume notatsi, jeye:

—Pon jiwí Necuidubim, bequein barapo merawithe payamonompan, pacobesa patan. Yaitama aunxuae neitorobame, methaunxuae xoyaein tayamonaewa, jei Simón.

<sup>6</sup> Poxonae barapomonae xoya, duwei pin tunto capirena, muxu peucubabi xua peyamonaewa.

<sup>7</sup> Nexata barapomonae moya pecobetha itacowaeba pomonae penabarucaxunobompaexae, pomonae icha jeratha jinompa itacowaebatsi, penayawenaenexa. Barapomonae pata. Jera ainya naebe wuntabe duwei. Muxu pebunopaebe jerabe.

<sup>8</sup> Simón pon Jesús icha wun duta, xua Pedro baraichi, bapon tane baxua. Bapoxonae bapon Jesús peitabaratha tauncuatsi pentabocotha. Simón, Jesús baraichi, jeye:

—Tanecanamataxeinaein, newepu ponare, tsipei xan abe taexanaein, jei Simón Pedro.

<sup>9</sup> Poxoru Simón Pedro junuwiya najuntucoyene cabenaeca yaitama peyacamonaewatha capirena duwei pin tunto. Irucaxunobompa pomonae Simón Pedro pia jeratha petaenaewichi barapomonae irucaxunobompa junuwiya najuntucoyene cabenaeca.

<sup>10</sup> Irucaxunobompa Zebedeo pexantobe tatsi, Santiago irucaxunobompa Juan baponbe irucaxunobompa junuwiya najuntucoyene cabenaecabe. Baponbe ponbe Simón pebarucaxunobompa yamonaeinbe tatsibe. Ichitha Jesús Simón baraichi, jeichichi:

—Simón, jopa junuwinde, anoxuae caexanaeinchi xua pinmonae yawenaename xua barapomonae pejume cowuntsiwa tsane Nacom icha bayatha ichim poxonae yamoname duwei nawita, jei Jesús.

<sup>11</sup> Nexata poxonae barapo jerabe botounabe, barapoxonae barapomonae baxuan daxita nacui barapenta. Bapoxonae barapomonae Jesús puna poinchi.

*Meje yabara poxonae Jesús axaibi exana pon peperucaxunobompa sawinchi  
(Mt 8.1-4; Mr 1.40-45)*

<sup>12</sup> Jesús icha tomara siwa pona. Bapoxonae pebin patopa pon peperucaxunobompa sawinchi. Poxonae Jesús taebatsi, bapon Jesús peitabaratha tatsi pentabocototha tauncuatsi yawa ira betaeuncuareca. Bapon Jesús jume daunweya wucatsi, jeichichi:

—Pon Necanamataxeinaem jiwí, icha bara ichichipame bara caitacupa xua axaibi tana neexanaewam, tsipei jinya neayapucaxunobompa itorobi coyenewa nexainaem, jeichichi Jesús bapon.

<sup>13</sup> Nexata Jesús, nacobe yota, yawa mata jayaba bapon, pon peperucaxunobompa sawinchi. Jesús barai, jeye:

—Bara ichichipan. ¡Bara axaibinde! ¡Bara caaperucaxunobompa axaibi exanatsi! jei Jesús.

Bapoxonae bapon nainya taaichurucaetsi xua peperu sawiwatsi.

<sup>14</sup> Nexata Jesús barai bapon, jeye:

—Jopa yabara tsipaebinde ichamonaetha xua neaxaibiwam. Saya jame meisa ponde sacerdotemonaepintha xua nenaitutsinexa xua bapon necataenexa xua bayatha nejumewa. Bapontha care pocotsiwa xua pecatsiwa Nacomtha, pocotsiwa xua bayatha Moisés cui itoroba xua equeicha jopa jinya nenataxobinexa jinya pepontha. Bapoxonae daxita jiwi cayaputaena xua tsita itapeinya xeinatsi xua xam bara jumem yawa xua peru wunaem, jei Jesús.

<sup>15</sup> Ichitha daxita jiwi tajū beya jume taetaepona pocotsiwa Jesús exana. Pin bicheiton nacaetutapona Jesththa pejume taenexa tsane pocotsiwa Jesús exana. Matautano nacaetutapona xua Jesús peaxaibi exanaenexa barapomonae.

<sup>16</sup> Ichitha Jesús ichaxota jiwaibi bara beya poneiba compa. Baxotiya Paxatha tsipaebeiba.

*Meje yabara poxonae Jesús axaibi exana pon pecuenobinchi  
(Mt 9.1-8; Mr 2.1-12)*

<sup>17</sup> Caentacabi Jesús cuidubauya. Iruru baxotiya ena pomonae fariseomonae jiwana tatsi. Iru baxota ena pomonae jiwi pecuidubiwi Moisés pia peitorobi coyenewa tatsi. Barapomonae daxita tsiqui tomaraxi werendena po tomaraxi ena Galilea nacuatha. Iru daxita tsiqui tomaraxi werendena po tomaraxi ena Judea nacuatha, iru ichamonae Jerusalén tomara werendena. Nacom pia peayapusu itorobi coyenewa tatsi Jesús yawenatsi, daxota axaibi exana peatene jiwi.

<sup>18</sup> Nexata pebiwi pata. Barapo pebiwi carendena pon pecuenobinchi. Xua xota pocotsiwatha maiteiba, barapomonae barapocotsiwatha carendenatsi pecuenobinchi. Barapomonae bepa bomuxutha cajojoniyaei xua bepa Jesús peitabaratha tabotichei.

<sup>19</sup> Ichitha barapomonae jopa cajojoniyaeyo bomuxutha tsipei pin bicheito boupa quecona. Barapo bo matatupa pereca. Nexata daxota barapo bo matatupa beenoinya. Barapomonae barapo penta tupa weatsa caxina xoreca. Nexata barapomonae nantiya opi quetabe bumacatha barapo pemaiteibiwatha. Bapoxonae bara weyawa yorecatsi barapo pecuenobinchi jiwi pexainya deca tatsi, Jesús peitabarayo decano tatsi.

<sup>20</sup> Jesús tane xua barapomonae yabara cui jume cowunta xua Jesús bara peitacupaewatsi xua axaibi peexanaewatsi pon pecuenobinchi. Daxota Jesús barai pecuenobinchi, jeye:

—Tajiton cayabara cui jantemainatsiba abe jinya neexanae cuiru coyenein, jei Jesús.

<sup>21</sup> Nexata pomonae jiwi pecuidubiwi Moisés pia peitorobi coyene, iru fariseomonae, daxita barapomonae caemonae natsipaeba, najei: “Maisa bapon bichocono abe tsipei pocotsiwa bapon paeba bichocono Nacom tsita ajumebetsi. Jiton dapocotsin aibi pon xua jiwi cacui yabara jantemainaya jantu puxana exanatsi abe pia peexanae cuiru coyenein tatsi. Jame meisa apara caein Nacom yaputane xua jiwi cacui yabara jantemainaya jantu puxana exanatsi abe pia peexanae cuiru coyenein tatsi”, najei barapomonae.

<sup>22</sup> Ichitha Jesús yaputane xua barapomonae caemonae natsipaeba. Jesús barai barapomonae, jeye:

—¿Eta pocotsiwa metha baxua pana natsipaebame?

<sup>23</sup> ¿Eta po jumetha baran tsane pecuenobinchin? ¿Metha jan tsane: ‘Abe jinya neexanae cuiru coyenein cata jantemainatsi’, jan tsane? Ichacuitha ¿metha jan tsane: ‘Asiya uncuatabare yawa ponare’, jan tsane?

<sup>24</sup> Daxota aunxuae paca tsita itapeinya xeinaeinchi xua xan ponxaein Nacom Tananeitapetsin, xua xeinan taayapusu itorobi coyenewa xua bara tana neitacupaewa xua jiwi tayabara cacui jantemainaya jantu puxana exanaewa abe pia peexanae cuiru coyenein tatsi pomonae jinompa barapo cae pin nacuathe, jei Jesús.

Bara nexata pecuenobinchi Jesús barai, jeye:

—Catsipaebatsi, nontaponde. Jinya nemaituncuaewa pire. Jinya bo be-iyandeno, jei Jesús.

<sup>25</sup> Bapoxonae pon pecuenobinchi caena nainya nontapona barapomonae peitatha tatsi, yawa pita xua pemaituncuaewa. Pia bo be-iyawa Nacom w<sub>nae</sub> jaintatsi poxonae namtotha ecapona.

<sup>26</sup> Barapomonae daxita yabara naj<sub>nta</sub> coyene cabenaeca yawa Nacom w<sub>nae</sub> jaintatsi. Barapomonae junuwiya namchiya jeye:

—Anoxuae waxainchi tainchi xua pew<sub>nae</sub>ewa pocotsiwa jopa yaputaetsi, jei barapomonae.

*Meje yabara poxonae Leví wabatsi, Jesús waba  
(Mt 9.9-13; Mr 2.13-17)*

<sup>27</sup> Poxonae baxua Jesús nacui weta, bapoxonae Jesús pontaba. Jesús tane pebin pon pew<sub>n</sub> Leví. Leví bapon pon paratixi pentoma noteibin po paratixi jiwi bewa catsibina pon romanomonae pia pepa peyanacua ewatsinchi nexa. Bapon eca ichaxota paratixi matoma noteibeca. Jesús Leví baraichi, jeichichi:

—Nepuna ponde, jei Jesús.

<sup>28</sup> Bapoxonae Leví nontapona. Daxita baxua xubota, cuenta pona. Bapoxonae Jesús puna poinchi.

<sup>29</sup> Pirapaeyo Leví pin penabanaewa exana pia botha xua Jesús tsiexanatsi. Ir<sub>u</sub> pebiwi pinmonae pomonae paratixi pentoma noteibiwi po paratixi jiwi bewa catsibina pon romanomonae pia pepa peyanacua ewatsinchi nexa, barapomonae Jesús bar<sub>u</sub> eca pexaethopeibiwatha, ir<sub>u</sub> ichamonaeno bar<sub>u</sub> enatsi penabar<sub>u</sub> nabanaenexa tsane.

<sup>30</sup> Ichitha fariseomonae ir<sub>u</sub> pomonae jiwi pecuidubiwi Moisés pia peitorobi coyenewa, daxita barapomonae Jesús pijimonae abeya tsipaebatsi xua Jesús yabara. Barapomonae namchi, Jesús pijimonae tatsi baraichi, jeichichi:

—Maisa Jesús abe exana poxoru bar<sub>u</sub> xayeca pomonae paratixi pentoma noteibiwi po paratixi jiwi bewa catsibina pon romanomonae pia pepa peyanacua ewatsinchi nexa. Matautano bar<sub>u</sub> xayeca pomonae abe peexanae cuiru coyene peexanaewi, jeichichi Jesús pijimonae tatsi barapomonae.

<sup>31</sup> Jesús jume nota barapomonae, jeye:

—Pomonae ba xua xaniwaicha jinompa xua jopa ateneyo barapomonae ba jopa canantawenonaeyo pon jiwi peyaw<sub>abin</sub>. Saya jame meisa pomonae ba atene canantawenona pon jiwi peyaw<sub>abin</sub>.

<sup>32</sup> Barichinno xan patopan apara tha jopa tawabinexa tsane pomonae pe<sub>jnta</sub> coyene xanepanae jiwi. Apara tha meisa tawabinexa tsane pomonae pe<sub>jnta</sub>coyenebe jiwi, xua barapomonae icha j<sub>nta</sub> coyene pexeinaenexa tsane Nacomtha, jei Jesús.

*Meje yabara poxonae Jesús yabara yainyabatsi po coyene xua Nacom peyabara nainbotsiwatsi*

*(Mt 9.14-17; Mr 2.18-22)*

<sup>33</sup> Nexata barapomonae fariseomonae ir<sub>u</sub> pomonae jiwi pecuidubiwi Moisés pia peitorobi coyene, daxita barapomonae Jesús yainyabatsi, jeichichi:

—Pomonae Juan pia pepuna jinompaewichi jopa juniya nainboteibiyo xua jopa juniya tsipaebiyo Nacomtha. Ir<sub>u</sub> pomonae fariseomonae barichir<sub>u</sub>. Ichitha nama jinyamonae daxua jopa cou daichiyo, saya cou <sub>u</sub> penabaneibi xuano saya <sub>u</sub> peapeibi cou, jeichichi Jesús.

<sup>34</sup> Jesús jume nota barapomonae, jeye:

—Paxam jopa bewa paexanaem tsane xua ichamonae nainbotsina, pomonae patsiwabame pexaewa xua penabanaenexa xua poxonae pebin pecotsiwa pita. Poxonae cataunxae awiya bapon eca poxonae jiwi nabane, jopa ba bapoxonae nainbotsi.



<sup>35</sup> Ichitha icha pon aena piowa pita, bapon caena nainya waetabatsi, ichamonae waetaba xua bapon taj̃ pecaponaenexatsi, bapoxonae jame jiwi ba bewa wecoyeya yabara nainbotsi, xua equeicha bapon caewa pepatopaewa tsane, jei Jesús.

<sup>36</sup> Matautano Jesús pecayabara j̃ta pepaebi diwesiyo tsipaeba barapomonae, jeye:

—Jiwi ba jopa exanaeyo xua pena dorouto tsiwiyo jiwana caxinaxubeta xua peru dorouto pewan botsinexa. Icha baxua exanaetsipa xua pena paparuwatha wan bota peru doroutotha, bapoxonae barapo dorouto abe tsanaya. Tsipei poxonae barapo dorouto matanaxuba barapo pena paparuwa natsaquetabiya. Poxonae barapo pena paparuwa natsaquetabiya equeicha wan tsitsipanarena barapo dorouto. Bapoxonae equeicha pin wan tsanaya beyacaincha xua poxonae copiya.

<sup>37</sup> Matautano jiwi ba pena vino mera jopa eparecaeyo peru bocototha, tsipei icha baxua exanaetsipa, barapo pena vino mera abe exanaetsipa barapo bocoto tsipei barapo bocoto jopa nayeyetaponaeyo poxonae barapo vino mera atsaxa. Barapo pena vino mera naxuba xuano barapo bocotono naxuba poxonae barapo bocoto tsitsica.

<sup>38</sup> Daxota bewa jame pena vino mera eparecae pena bocototha. Bapoxonae pena vino mera jopa naxubiyo, xuano pena bocoto jopa nacubiyo poxoru boco yeyena xuano poxoru pena bocoto.

<sup>39</sup> Pon ba xua peru vino mera apa pirapaeyo jopa ichipaeyo pena vino mera. Bapon jei: ‘Maisa peru vino mera xeica, beyacaincha pena vino mera’, jei.

## 6

*Meje yabara poxonae Jesús pijimonae tatsi yaboto nota trigo xu judiomonae barompaya pia pentaquei seicae mataqueitha tatsi*

*(Mt 12.1-8; Mr 2.23-28)*

<sup>1</sup> Caentacabitha judiomonae barompaya pia pentaquei seicae matabitha tatsi Jesús pijimonae bar̃ iya pabi iyiya. Jesús pijimonae tatsi xunumenapona trigo xu, bapoxonae barapomonae pecobetha xu mata pepeta yawa xu xane.

<sup>2</sup> Nexata Jesús pijimonae tatsi tayainyabatsi, fariseomonae yainyaba, jeye:

—¿Eta pocotsiwa baxua paexaname? Apra jiwi jopa yabara cui copatsiyo xua ichamonae penacuichiwa barapo matabithe, xua judiomonae barompaya pia pentaquei seicae matabi tatsi, jei barapomonae.

<sup>3</sup> Jesús jume nota barapomonae, jeye:

—Barapo tajimonae jopa apra abe exanaeyo. ¿Jopa payabara yorobim pocotsiwa bayatha David exana poxonae jainpa poxonae ir̃ pijimonae tajainpatsir̃? Bapon David pon caena bayatha Israel nacuamonae itorobiya pia pepa peewatsinchi.

<sup>4</sup> Bapon David ir̃ pijimonae tatsi barapomonae Nacom pin pia botha jojoniya. David xane pan, po pan ichamonae cana exana xua Nacomtha pecatsiwatsi. Ir̃ barapo pan David pijimonae cata xua pexaenexar̃. Barapomonae xane bequein barapo Nacom pia peitorobi coyenewatha copata xua saya meisa sacerdotemonae itac̃patsi xua pexaewa barapo pan.

<sup>5</sup> Jesús namchi, jeye:

—Xan ponxaein Nacom Tananeitapetsin taitorobi coyenewa xeinan xua jiwi tacoya taitorobiwa pentaquei seicae matabitha, jei Jesús fariseomonaetha.

*Meje yabara poxonae Jesús cobe w̃nae exana pon pecobe m̃binchi*

*(Mt 12.9-14; Mr 3.1-6)*

<sup>6</sup> Icha matabitha judiomonae pia pentaquei seicae matabitha tatsi Jesús joniya judiomonae pia penacatutsi botha tatsi. Matautano tamropata pitaba xua cuiduba barapomonae. Barapo botha eca pon pecoxa weya pecobe m̃binchi.

<sup>7</sup> Pomonae jiwi pecuidubiwi Moisés pia peitorobi coyene tatsi, ir̃ fariseomonae baxota ena. Daxita barapomonae Jesús necotenatsi pecui taenexatsi icha bara metha

Jesús cobe w<sub>h</sub>nae exanaena pentaquei seicae mataqueitha pon pecobe m<sub>h</sub>binchi. Icha Jesús pon pecobe m<sub>h</sub>binchi axaibi exanatsi, bapoxonae barapomonae xeinaena po coyenewa xua Jesús abe peyabara paebiwatsi tsainchi.

<sup>8</sup> Ichitha Jesús yaputane pocotsiwa barapomonae nanta xeina. Jesús barai pontha pon pecobe m<sub>h</sub>binchi, jeye:

—Nontaponde, uncuare xote, jei Jesús.

Bapon nontapona, asiya uncu Jesús peitabaratha tatsi.

<sup>9</sup> Nexata Jesús barai ichamonae, jeye:

—Paca yainyabinchi, ¿eta xua copata pentaquei seicae matakabitha? ¿W<sub>h</sub>nae jampa? ¿Abe jampa? ¿Eta xua, xua exana jane? ¿Xua pebin capanepatsi jampa? ¿Xua pebin bexotsi jampa? ¿Eta xua jane? jei Jesús.

<sup>10</sup> Nexata Jesús naita muxunene cauncuapona, tane pomonae pematawacaicha enaewichi. Jesús barai pon pecobe m<sub>h</sub>binchi, jeye:

—Nacobe doire, jei Jesús.

Bapon nacobe doita. Nainya cobe w<sub>h</sub>nae tsanaya.

<sup>11</sup> Ichitha barapomonae bichocono Jesús casebar<sub>h</sub>c<sub>h</sub>patsi. Barapomonae caemonae natsipaeba najei:

—¿Etabe cui yabara ichainchi Jesús? jei barapomonae fariseomonae.

*Meje yabara poxonae Jesús itapetsiya waba pia peitorobiwi tatsi pomonae xua doce poyobe*

*(Mt 10.1-4; Mr 3.13-19)*

<sup>12</sup> Barapo matakabintha Jesús pona demxuwatha petsipaebinexa Paxa. Baraxotiya Jesús Paxa matowa tsipaeba barapo merawitha.

<sup>13</sup> Poxonae baya xometo pentha tsina bapoxonae Jesús pijimonae waba. Barapomonae jiwana itapetsiya waba doce poyobe, pomonae baraichi xua jeye: “Jesús pia peitorobi jiw tatsi”, yabara jeichichi.

<sup>14</sup> Meje barapo doce poyobe pomonae Jesús pia peitorobiwi tatsi. Meje barapomonae: Simón, pon icha w<sub>h</sub>n “Pedro”, baraichi, ir<sub>h</sub> ich<sub>h</sub>n pew<sub>h</sub>n Andrés, pon Simón peweicho tatsi, ir<sub>h</sub> ich<sub>h</sub>n pew<sub>h</sub>n Santiago, ir<sub>h</sub> ich<sub>h</sub>n pew<sub>h</sub>n Juan, ir<sub>h</sub> ich<sub>h</sub>n pew<sub>h</sub>n Felipe, ir<sub>h</sub> ich<sub>h</sub>n pew<sub>h</sub>n Bartolomé.

<sup>15</sup> Ir<sub>h</sub> ich<sub>h</sub>n pew<sub>h</sub>n Mateo, ir<sub>h</sub> ich<sub>h</sub>n pew<sub>h</sub>n Tomás, ir<sub>h</sub> ich<sub>h</sub>n pew<sub>h</sub>n Santiago, pon Alfeo pexanto tatsi, ir<sub>h</sub> ich<sub>h</sub>n pew<sub>h</sub>n Simón, pon celotemonaepin.

<sup>16</sup> Ir<sub>h</sub> ich<sub>h</sub>n pew<sub>h</sub>n Judas, pon Santiago pexanto tatsi, ir<sub>h</sub> ich<sub>h</sub>n pew<sub>h</sub>n Judas Iscariote, pon Jesús caenaetaxubatsi ichamonaetha xua Jesús pebexubinexatsi.

*Meje yabara poxonae Jesús pin bicheitomonae cuiduba*

*(Mt 4.23-25)*

<sup>17</sup> Barapo doce poyobe Jesús demxuwa webar<sub>h</sub> dunareca, peira matafatanaewatha bar<sub>h</sub> patopa. Baxota peira matafatanaewatha pin bicheito Jesús ewatumeinchi. Ichamonae pomonae Jesús pejume cowantsiwichi baxota umena. Ir<sub>h</sub> Jerusalén tomarapiwi pata xua Judea nacuapiwi. Barichi Tiro tomarapiwi, Sidón tomarapiwino pata. Barapo tomarabe mar mene itapatha ecabe. Daxita barapo pin bicheito pata xua Jesús pejume taenexatsi xua cueicueije xvano xua Jesús pia axaibi exanaetsi peatene jiw.

<sup>18</sup> Pomonae cauri pexeinaewi barapomonae Jesús taitaweta cauri.

<sup>19</sup> Daxita jiw ichichipa xua Jesús pejayabiwatsi tsipei Jesús daxita jiw axaibi exana pia peayap<sub>h</sub>watha.

*Meje yabara poxonae Jesús yabara cuiduba pej<sub>h</sub>nt<sub>h</sub> coyene weiweinaewa, xvano jopa pej<sub>h</sub>nt<sub>h</sub> coyene weiweinaewa*

*(Mt 5.1-12)*

<sup>20</sup> Nexata Jesús pijimonae necota. Jesús barai pijimonae, jeye:

“Pajuntɩ coyene weiweiname bequein anoxuae peacopeibi jiwi pam. Tsipei Nacom pia pejume cowuntsiwichi tatsi piamonae tatsi pam, pomonae Nacom juntɩ coyene itorobiya ewata.

21 “Pajuntɩ coyene weiweiname, bequein bara anoxuae pajainpame, bexa tsane patonsanaename.

“Pajuntɩ coyene weiweiname, bequein bara anoxuae pawecoyam, bexa tsane bichocono pajuntɩ coyene weiweinaename.

22 “Pajuntɩ coyene weiweiname poxonae bequein jiwi paca ita aenae-aenei, bequein paca itaweta bo weya xuano poxonae bequein abeya paca muxutainyaba. Matautano poxonae bequein jiwi paca yabara abe paeba. Barapomonae baxua paca cana exana tamonae jiwi pamxaem xua xan ponxaein Nacom Tananeitapetsin.

23 Bichocono pajuntɩ coyene weiweinare barapo matabitha, tsipei peitabocothicha Nacom paca catsibina pia pexeinya peitɩpanaewan pocotsiwan Nacom paca jantana jeba pia nacuatheicha. Icha barapomonae paca ichi, barapomonae pia pamo susato jiwi tatsi, Nacom pia peitorobi jume pepaebiwi barichichi abeya biatainchi yawa abe exanatsi.

24 “¡Ichitha pai jaibo paxam, anoxuae copei paacabem tsobenaem poxoru methaunxuae equeicha jopa painya neraichiwa tsane!

25 “¡Pai jaibo, paxam pomonae anoxuae patonsanabename tsipei methaunxuae bexa tsane pajainpabenaename!

“¡Pai jaibo, paxam pomonae pajuntɩ coyene weiweinabename tsipei anoxuae methaunxuae pajuntɩ coyene wecoyam tsane!

26 “¡Pai jaibo, pomonae jiwi wɩnae paca jainteibena painya necueicueijeixae po diwesi jopa Nacom Pejume Diwesiyo! ¡Icha barapomonae paca ichi barichi barapomonae pia pamo susato jiwi tatsi, wɩnae jainta pomonaetha pomonae naerabiya paeba xua pinae barapomonae Nacom pia peitorobi jume pepaebiwi!” jei Jesús.

*Meje yabara poxonae Jesús yabara cuiduba xua jiwi bewa antobe pomonaetha pomonae pia peitafaetabi jiwichi*  
(Mt 5.38-48; 7.12)

27-28 Equeicha Jesús namchi, jeye: “Paxamtha pomonae beta pana nejume taneme, barapomonae paca baraichi: Paantobeinde pomonae bequein painya nepaca caaitafaetabi jiwi. Matautano beta pata taexande pomonae paca ita aenae-aenei. Matautano amanaya beta papaebare pomonaetha pomonae paca yabara abe paeba. Nacomtha patawɩcare pomonae xua paca biatane.

29 Icha ichɩn paca jumata tsaquinopa pecobetha, moya equeicha icha jumata pana najumata caeware xua painya necajumata tsaquinopaenexa. Icha ichɩn pacata pita peamɩtiyɩ camisa, po camisa xua athawe peruyaewa yawa bara saya moya pacopare xua equeicha painya nepacata pichiwa tsane camisa.

30 Daxita coyenexi pocotsiwa ichamonae paca wɩca moya bara pacaichabeibare. Pon pacata pita painyawa jopa equeicha caewa pawɩcaeinde.

31 Paexande ichamonaetha xua po coyene painya neichichipaewa xua barapomonae beta painya nepacata exanaewa tsane.

32 “Icha saya meisa paantobem pomonae painya nepaca antobexae, Nacom jopa paca cui yabara matomacae tsane. Tsipei apara irɩ pomonae peajuntɩcoyenebewi antobe ichamonae pomonae peantobewixaetsi.

33 Barichi icha saya beta pata exaname pomonae beta pacata exana, Nacom jopa paca cui matomatsiyo tsaneno baxua. Tsipei pomonae peaitabe jiwi barapocotsi coyene irɩ exana ichamonaetha pomonae peaitabe jiwitha.

<sup>34</sup> Barichi icha saya pacatsibame ichamonaе xua bexa xuya painya nepaca catsib-inexa, Nacom jopa paca cui matomatsiyo tsane baxua. Tsipei pomonaе peaitabe jivi barichi icha peaitabe jiwitha catsiba xua xuya equeicha pecatsibeibinexatsi.

<sup>35</sup> Paxam jame bewa paantobem tsane painya nepaca caaitafaetabi jivi, xuano jame beta bewa paexanaem ichamonaetha. Matautano jame bewa bara pacatsibim ichamonaе xua jopa painya neyabara ewateibiwa xua xuya painya nepaca catsibeibiwa tsane. Icha baxua paexanaename Nacom paca catsibina pia nacuatheicha pocotsiwa xua paca juntana jeba pia nacuatheicha. Matautano Nacom paca cana exanaena pia pexanton jivi tatsi pam, pon peitabocotha eca. Tsipei Nacom pejuntа coyene xanepanaein, daxota yawena barapomonaetha, pomonaе bequein xua jopa wecobe noteibiya jacobeibiyo xuano xua peaitabe jivi.

<sup>36</sup> Payabara cui nanta xeinare po coyene xua ichamonaе painya neyawenaewa. Icha be Nacom ichi xua yabara cui nanta xeina po coyene xua peyawenaenexatsi jivi, bara paichinde”, jei Jesús.

*Meje yabara poxonaе Jesús cuiduba xua jivi jopa bewa yabara paebina ichamonaе xua penatsicuentsiwa xua abe peexanaexae*  
(Mt 7.1-5)

<sup>37</sup> Equeicha Jesús namchi, jeye: “Jopa ichamonaе payabara paebinde xua penatsicuentsiwa xua abe peexanaexae. Nexata bapoxonaе Nacom jopa paca yabara paebi tsane painya xua nenatsicuentsiwa xua abe painya exanaexae. Ichamonaе jume daunweya jopa pajande: ‘Apara bapon picoya, अपरा बण पिकोया’, jopa pajande. Nexata Nacom jopa paca daichi tsane baxua. Pacui yabara jantemainare po coyene ichamonaе pacata abe exana, nexata Nacom paca cui yabara jantemainana xua abe painya neexanaewa.

<sup>38</sup> Ichamonaetha, jopa juniya pacatsibinde, nexata Nacom jopa juniya paca catsibi tsane. Painya dorotha paca catsina, beta pacata pesabina, yawa beta pacata xataba-corecaena pecobetha yawa pacata nancutaxuina. Yawa pacata wanca exanaena. Icha daunweya payabara paebiname xua penatsicuentsiwa ichamonaе xua abe peexanaexae, Nacom barichi daunweya paca yabara paebina xua painya nenatsicuentsiwa xua abe painya neexanaexae”, jei Jesús.

<sup>39</sup> Jesús tsipaeba barapomonaе pecayabara jata pepaebi diwesiyo, jeye: “Pon ba peitata nacutsin jopa itacupaetsi xua pematacaponaewa ichan pon iru peitata nacutsin. Icha bapon baxua exanaetsipabe, baponbe fetotha joparecaetsipabe.

<sup>40</sup> Pon ba aena nacuiduba xua peyaputaenexa, bapon jopa be bapocotsinyo, pon pecuidubin jivi, pon peyaputaein. Ichitha pon poxonaе wetsina xua nacuiduba, bapon be pia pecuidubin cui jupa”, jei Jesús.

<sup>41</sup> Barichi equeicha Jesús paeba caeintha pomonaе pijimonaе tatsi jiwana icha pecayabara jata pepaebi diwesiyo, jeye: “Xam be jinya jiton itata taneme poxonaе naerutiyo itata jopiyatsi, ichitha jopa taem xua iruru xam nama pin naeruto neitacueretotha ducua. Barapocotsi jata coyeneya ichi, xam ba jinya jiton cui taneme xua poxonaе abe exana, ichitha jopa nayaputaem xua iruru xam bara ichim nama bichocono abe exaname.

<sup>42</sup> Icha jopa taem pin naeruto xua neitacueretotha ducua, jopa caitacupaeyo xua nejeiwa jinya jitontha: ‘Tajiton, cata jutinchi naerutiyo xua ducua neitacueretotha’, xua nejeiwa. Xam nepaebin xua ichan exana xua baxua neexanaewatha iru. Xam copiya nata jure barapo pin naeruto xua neitacueretotha ducua. Bapoxonaе beta taename nejutsinexa tsane naerutiyo xua jinya jiton peitacueretotha tarucuatsi”, jei Jesús.

*Meje yabara poxonaе Jesús yabara cuiduba xua pinae jivi yaputane nae penacoichixae*  
(Mt 7.17-20; 12.34-35)

<sup>43</sup> Jesús namchi, jeye: “Po naein pexeinya naein jopa bapana nacoichiyo po pethei camatsa thei. Barichi po naein camatsa naein jopa bapana nacoichiyo po pethei pexeinya thei.

<sup>44</sup> Jiwi yaputane nae po nae penacoichixae. Daxita jiwi yaputane xua higo thei, po pethei pexeinya thei jopa bapana teracae po naetha sojei xua camatsa nae. Matautano jiwi yaputane xua uva thei po thei unbototha xuwa jopa bapana teracae naexitha. Bara jata ichi jiwi yaputane xua pebin pejuntɔ coyene xanepanaein pon xanepanaya peexanaeinxae.

<sup>45</sup> Pon ba pejuntɔ coyene xanepanaein, bapon ba jame ba paeba pocotsiwa pexeinya coyene, pejuntɔ coyene xanepanaeinxae. Barichi pon ba peajuntɔcoyenebein bapon ba abe paeba, peajuntɔcoyenebeinxae. Pocotsiwa jiwi nanta xeina pejuntɔ coyenetha, baxua ba pecoiboto tsina cueicueijej”, jei Jesús.

*Meje yabara poxonae Jesús ainya bomɔxɔbe yabara paeba  
(Mt 7.24-27)*

<sup>46</sup> Equeicha Jesús namchi, jeye: “Paxam pana neyabara jam: ‘Patatanecanamataxeinaem’, pajam, daichitha jopa paexanaem pocotsiwa paca itorobatsi.

<sup>47</sup> Incane yabara paca tsipaebinchi pon xua patopa taxantha, nejume naitomata pocotsiwa paeban, matautano exanano pocotsiwa ichichipan, bapon beta popona Nacom nexa.

<sup>48</sup> Bapon barapocotsi jata coyeneya nacana exana icha be ichi pon bo acabanota peira matatsucaewatha xua ichaxota ira daunwei. Meje jeye: Copiya muthɔn tajɔ exanareca pecuaranobinexa bomɔxɔ naeton. Poxonae mene matacaewaxuba, barapo bomɔxɔ jopa joparenaeyo poxoru naeton tajɔ umenareca xuano poxoru bomɔxɔ uncua pematatsucaewatha ichaxota ira daunwei.

<sup>49</sup> Ichitha nama pon nejume taetha, xuano jopa exanaeyo pocotsiwa ichichipan, bapon be meje: Bapon be pocotsin bo acabanota ichaxota ira matafatsana, xuano naeton jopa tajɔ umenarecaeyo. Poxonae mene matacaewaxuba, barapo bomɔxɔ joparena poxoru naeton jopa tajɔ umenarecaeyo, xuano poxoru bomɔxɔ uncua ichaxota ira matafatsana. Barapo bomɔxɔ nainya joparena. ¡Maisa bomɔxɔ bichocono abe!” jei Jesús.

## 7

*Meje yabara poxonae Jesús axaibi exana pon soldadomonaе romanomonaе pia pentacaponaein tatsi tanacuitatsi  
(Mt 8.5-13)*

<sup>1</sup> Poxonae Jesús baxuan najume weta xua barapomonaе jume tane, bapoxonae Capernaum tomara beya pona.

<sup>2</sup> Baxotiya popona romanomonaе soldadomonaе pia pentacaponaein tatsi, pon xeina pia petanacuiteibinchixaetsi. Barapon bichocono antobe pia petanacuitinchi. Bapon pon petanacuiteibin bichocono atene, xua awatha petɔpae.

<sup>3</sup> Poxonae romanomonaе soldadomonaе pia pentacaponaein tatsi Jesús yabara jume tainchi, bapoxonae itoroba pitiri jiwi judiomonaе jiwanapiwi Jesús beya xua petaaxaibi exanaenexa tsainchi pia petanacuichin tatsi.

<sup>4</sup> Barapomonaе Jesús imoxoyo caquita poinchi. Barapomonaе Jesús jume daunweya tsipaebatsi, jeichichi:

—Barapo pentacaponaein, pentacui xanepanaein, daxota yawende.

<sup>5</sup> Poxoru bapon wanacuamonaе wɔnae yabara cananta xeineibatsi. Matautano bapon itoroba xua acaba pata penacaetutsi bo pia paratixitha, jei barapo pitiri jiwi.



<sup>6</sup> Nexata Jesús bar<sub>u</sub> poinchi barapomona. Ichitha poxona Jesús muxu pepatopae, romanomona soldadomona pia pentacaponaein tatsi pia botha tatsi, barapo soldadomona pia pepa pentacaponaein tatsi, bapon itoroba pia jiwi xua petacajume jeichinexa tsainchi Jesth: “Tanecanamataxeinaein, xan saya tacui pawin. Auran xua xam nepatopaewa tsane tabotha tsipei xam ainya cuim.

<sup>7</sup> Daxota jopa patopaeinyo nexainya beya, tsipei xam ainya cuim, xua paebiname pia peatenewatha tatsi bapoxona bapon axaibi bara tsane pon inta nacuiteiba.

<sup>8</sup> Xan bichi xeinan tanecanamataxeinaein, pon neitoroba. Barichir<sub>u</sub> xeinan soldadomona pomona itorobeiban. Poxona ich<sub>u</sub>n itoroban: ‘ponde’, jan, bapon pona. Poxona ich<sub>u</sub>n waban: ‘antha’, jan, bapon patopa. Pon inta nacuita, itoroban: ‘inta exande’, jan, inta exana”, jeye pentacaponaein, jei pomona penacajume caitorobix-aetsi.

<sup>9</sup> Poxona Jesús baxua jume taeba, jume cui yabara cananth<sub>u</sub>th<sub>u</sub> nanta xeinanaya cabenaeca beta pepaebixae romanomona soldadomona pia pentacaponaein tatsi. Jesús necotaba pomona puna poinchi, barai, jeye:

—Xaniyan paca tsipaebatsi Israel nacuatha ir<sub>u</sub> dapocotsin jopa caxinaeinyo pocotsin icha pon iche pon tana necui yabara jume cow<sub>u</sub>nts<sub>u</sub>n xua bara neitac<sub>u</sub>pa xua axaibi taexanaewa jiwi, jei Jesús.

<sup>10</sup> Poxona barapomona botha caibe nawibiya, barapomona taeba d<sub>u</sub>c<sub>u</sub>pa xua axaibiya boca romanomona soldadomona pia pentacaponaein tatsi pia petanacuichin tatsi.

*Meje yabara poxona Jesús pet<sub>u</sub>paein as<sub>u</sub> exana pexanto tatsi powa pecuenta t<sub>u</sub>paewayotsi piseuri*

<sup>11</sup> Poxona Jesús baxua nacui weta, bapoxona Naín tomara beya pona. Jesús cueyabatsi pijimona, ir<sub>u</sub> pin bicheitomonaeno napona.

<sup>12</sup> Poxona Jesús muxu pepatopae tomaratha, Jesús tane xua pewowin pet<sub>u</sub>paein cajojondenatsi xua pem<sub>u</sub>th<sub>u</sub>th<sub>u</sub> xubinexa tsainchiba, pon pena tsita compa. Barapo pewowin powa pecuenta t<sub>u</sub>paewayotsi piseuri barapowa pexanto tatsi. Barapowa puna poinchi pin bicheito.

<sup>13</sup> Bapon Jesús pon Pecanamataxeinaein<sub>u</sub> xae jiwi, barapowa yabara cui nanta xeinatsi. Jesús barai bapowa, jeye:

—Jopa wecoyande, jei Jesús.

<sup>14</sup> Nexata Jesús imoxoyo caquita pona pet<sub>u</sub>paein, yacaja jayabano. Pomona yacaja capona yacaja caumenar<sub>u</sub>c<sub>u</sub>pa. Jesús barai pet<sub>u</sub>paein, jeye:

—Pewowin catsipaebatsi, nontaponde, jei Jesús.

<sup>15</sup> Nexata pewowin pon t<sub>u</sub>pa, nantacotecataba, yawa tamropata pitaba xua pecue-icueije<sub>u</sub>wa. Jesús coxiwatha cana cobenata pexanto.

<sup>16</sup> Poxona pin bicheito taer<sub>u</sub>c<sub>u</sub>pa baxua, barapo pin bicheito bichocono junuwa. Barapoxona barapo pin bicheito Nacom w<sub>u</sub>nae jaintatsi, barapomona namchi:

—Nacom peitorobi jume pepaebin, pon ainya cui, waxantha patopa. Nacom siwa pona peyawenaenexa pijimona pomona pia pejume cow<sub>u</sub>ntsiwichi, jei barapomona.

<sup>17</sup> Daxita jiwi jume tane xua Jesús exana Judea nacuatha, ir<sub>u</sub> po nacuan imoxoyo caquita ena Judea nacuatha.

*Meje yabara poxona Juan itoroba pijimona Jesús beya peyainyabinexa tsainchi Jesús (Mt 11.2-19)*

<sup>18</sup> Juan pijimona tsipaebatsi daxita baxua xua Jesús exana. Juan waba ainya pebinbe pijimona jiwana tatsi.

<sup>19</sup> Baponbe Juan itoroba Jesús beya xua najume caruta baponbetha matauta xua Jesús peyainyabinexatsi xua icha metha bara baponde jei pon bewa patopeicaena, bapon Cristo, jei. Ichacuitha metha ichan jampa, xua pawnae ewatsin jampa jei.

<sup>20</sup> Bara baponbe ponbe Juan peitorobixaebe, baponbe imoxoyo Jesús caquita uncuat-sibe. Baponbe Jesús baraichi:

—Juan pon jiwi Pebautisabin, bapon pana nejume caruta, bapon namchi: ‘¿Metha bara xaniwaicha baponda, pon bewa patopeicaena, bapon Cristo?’ jei. ‘¿Ichacuitha metha bara ichan pawnae ewatan jampara?’ jei Juan, jei baponbe.

<sup>21</sup> Poxonae baponbe patopabe, Jesús axaibi exana peatenewi, iru pomonae pin domae xainchi, yawa taitaweta pomonae cauri xeina. Matautano yawenano xua equeicha tane pomonae jopa necotsiyo.

<sup>22</sup> Baponbe jume notatsibe. Jesús jume nota, jeye:

—Paponarebe Juan beya. Juan patsipaebarebe xuaunxuae pocotsiwa panecui tane-mebe, matautano xuaunxuae pocotsiwa pana nejume tanemebeno. Matautano patsipaebarebe xua pomonae peitata nacutsi jiwi equeicha tane, matautano xua pomonae pejayujayujeimonae beta pona equeicha. Matautano xua pomonae peperu sawichimonae equeicha peru wnae, matautano xua pomonae pemuxusipanaewi equeicha muxu nasaba, matauta xua pomonae pewerapaewi equeicha asu. Matautano pomonae xua peacopeibiwi jume tane Nacom pia pexeinya pecapanenebiyae diwesi jume.

<sup>23</sup> Patsipaebare Juan xua xan janje: ‘Juntu coyene weiweinaena pon jopa ainya unthuthuño, pon xaniwaicha neyabara cui jume cowanta’, xua jan, jei Jesús.

<sup>24</sup> Nexata ponbe Juan itorobabe ponabe Juan beya. Bapoxonae Jesús tsipaeba jiwitha, xua Juan yabara paebatsi, jeye barapomonaetha: “Ira xuepana susato tsurucuae nacuatha paponame. Poxonae bara beya paponame, ¿eta xua painyatsi? ¿Painya jume taetsi pebin pon ainya unthuthuto cui xeina icha be naepanaewa ichi xua saya joibo ba jababiya caya tsaibi? Jume apara.

<sup>25</sup> Bara paichim paponame, ¿painya nejume taenexa pebin, pon peitupanae paparuwa nama xatata? Jume apara. Payaputaneme pomonae peitupanae paparuwan nama xataba, barapomonae jinompa pexeinya bontha pomonae jiwi itorobiya pia pepa peewatsiwixaetsi.

<sup>26</sup> Jume. Jopa baxua patsiponaem xua jopa painya jume taenexa pebin pon ainya unthuthuto cui xeina, matautano xua jopa painya jume taenexa pebin pon peitupanae paparuwa nama xatata. Apra jame baxua patsiponame xua painya nejume taenexa pon Nacom peitorobi jume pepaebin. Bapon Juan bichocono peainya cuin pon Nacom pia peitorobi jume pepaebiwi jiwana pin beyacaincha ichan pon Nacom peitorobi jume pepaebin.

<sup>27</sup> Juan bapon apra, pon yabara paebatsi Nacom Pejume Diwesitha poxonae Nacom netsipaeba, nejei:

‘Catsiwanae itorobinchi copiya pon tana nacajume carutsin.

Barapon juntu cui wnaetsina jiwi, xua daxita jiwi najuntu cui

wnaetsina xam nexa, xua necantenta

weyataeya wabinexa poxonae patopaename’,

nejei Nacom Pejume Diwesitha.

<sup>28</sup> Paca tsipaebatsi, xua daxita Nacom peitorobi jume pepaebiwi pomonae Juan tsiwanaya jinompatsi bayatha, dapocotsin aibi barapomonae jiwana pon yatsicaewa peainya cuin beyacaincha pon Juan, pon jiwi Pebautisabin. Juan peainya cui diwesi yabara cueicueije po coyene xua Nacom itorobina jiwi. Ichitha po diwesi xua tamonae

anoxuae paeba barapo diwesi bichocono ainya cui diwesi beyacaincha xua Juan cueicueije, bequein jiwi nanta xeina xua tamonae jopa ainya cui jiwi.

<sup>29</sup> “Daxita barapomonae baxua jume taerucupa. Iruc jume taerucupa pomonae paratixi pentoma noteibiwi romanomonae pia pepa peyanacua ewatsinchi nexa, pomonae bayatha Juan bautisaba. Daxita barapomonae nanta xearucupa xua Nacom bara pepa pentacui xanepanaein.

<sup>30</sup> Ichitha fariseomonae iruc pomonae jiwi pecuidubiwi Moisés pia peitorobi coyene tatsi, barapomonae jume itaweta, Nacom jume itawetatsi pocotsiwa xua Nacom beexanaena barapomonae nexa. Matautano barapomonae cui itaweta, Juan cui itawetatsi xua pia pebautisabi coyenewa.

<sup>31</sup> “Jiwi pia Pecanamataxeinaeinchi tatsi, bapon Jesús namchi, jeye: ¿Eta pocotsimonae cui jupatsi barapomonae pomonae xote jinompe pomonae Nacom jume itawetatsi? ¿Etabe juta ichi barapomonae?

<sup>32</sup> Barapomonae be pexui, pocotsixi panatha nabaruc jinompa. Nabaruc wawai tsurubenanaebiya. Barapoxi nabarai, jeye: ‘Bayatha oibo paca tsimumu obatsiba ichitha jopa panawirabim. Bayatha paca tsimumu wecoyeichiba icha be ichi poxonae ichuc tatupatsi, ichitha jopa pana itanuwe jume notsim xua painya newecoyeinexaruc’, jei barapoxi.

<sup>33</sup> Juan patopa pon jiwi Pebautisabin. Bapon jopa xaeyo pan. Matautano jopa apaeyo vino mera. Ichitha paxam pajam: ‘Apara Juan puna popoinchi cauri’, pajam.

<sup>34</sup> Bapoxonae xan, ponxaein Nacom Tananeitapetsin patopan. Xan pan taxaein yawa vino mera taapaein. Paxam pana neyabara paebame, pajam: ‘Bapon maisa jopa juniya nabanaeyo, yawa jopa juniya apaeyo. Peatsacae jiwi abe peexanae jiwi pia jiton tatsi, iruc pomonae paratixi pentoma noteibiwi barapomonae pia jiton tatsi’, pana neyabara jam.

<sup>35</sup> Nacom piamonae tatsi barapomonae tsita exana xua jiwi tsita exanatsi Nacom pia peyaputae coyeneintha tatsi. Po coyene barapomonae exana baxua Nacom tsita pexeinya coyenetsi”, jei Jesús.

*Meje yabara poxonae Jesús siwa pona Simón fariseomonaepin pia bo beya tatsi*

<sup>36</sup> Caein fariseomonaepin bapon Jesús wabatsi petaxaenexa tsainchi pia botha. Jesús pona bara beya yawa naeca pexaethopaewatha penanabanaenexa tsane.

<sup>37</sup> Nexata petsiriwa patopa powa pesi cui weiweinaewa, powa barapo tomaratha popona. Barapowa yaputane xua Jesús nanabanaeicha fariseomonae jiwanaepintha. Barapowa alabastro ibo wuc bosibuc atsato capatopa Jesthuc xua petuxuei nasiwa xua bichocono wucna.

<sup>38</sup> Barapowa Jesús imoxoyo caquita wecoyei tsuncuaetsi yawa peitacuere mentha Jesús taxu atatsica exanatsi. Bapoxonae barapowa pia pentanatha baxota Jesús taxu tsewa exanatsi. Barapowa Jesús taxu tsutsubatsi poxoru Jesús Pecanamataxeinaein jiwi. Bapoxonae barapowa Jesús taxu epatabatsi petuxuei nasiwatha.

<sup>39</sup> Poxonae fariseomonae jiwanaepin pon Jesús pewabixaetsi petaxaenexa tsane pia botha, poxonae bapon tane baxua, bapon pia coutha nabarai: “Icha bapon xaniwaicha tsipae pon Nacom peitorobi jume pepaebin tsipae metha yaputaetsipa xua powa jayabatsi apara powa pesi cui weiweinaewa, matautano xua bapowa powa peatsacae. Ichitha bapon xaniwaicha jopa daponyo pon Nacom itoroba”, jei barapon pon fariseomonaepin.

<sup>40</sup> Nexata Jesús barai fariseomonae jiwanaepin, jeye:

—Simón incane catsipaebinchi, jei.

Bapon jume nota, jeye:

—Pon jiwi Necuidubimxae, moya taema, jei.

<sup>41</sup> Jesús barai, jeye:

—Pebinbe nacueyatabe nacowaetabe paratixi ichuntha. Ichun jopa cataunxuae xuya catsiyo quinientos po paratiximonaebe po paratixi quinientos po matacabibe nexa poxonae nacuita. Ichun jopa cataunxuae xuya catsiyo cincuenta po paratiximonaebe pontha pon penacowaetsixaetsi.

<sup>42</sup> Poxoru baponbe jopa itacupaetsibe xua xuya equeicha pecatsiwa tsanebe pontha pon penacowaetsixaebe, daxota pon penacowaetsixaetsi paratixi, bapon namchi, jeye: ‘Metha basaya paca cui yabara jantemainatsibe’, jei. Incane netsipaebare Simón xua baponbe, ¿jintam yatsicaewa antobetsira xua beyacaincha ichun antobetsi xua antobe pon nacowaetatsi paratixi? jei Jesús.

<sup>43</sup> Simón jume nota, Jesús jume notatsi, jeye:

—Bũ, metha moya pon bichocono cacui yabara jantemainatsi bichocono pon penacowaetsixaeb quinientos po paratiximonaebe, jei Simón.

Jesús barai:

—Bara beta nejume notame, jei Jesús.

<sup>44</sup> Nexata Jesús necota barapo petsiriwa, bapoxonae Jesús Simón baraichi: Taema pocotsiwa barapo petsiriwa inta exana. Xan patopan jinya botha ichitha jopa meratha netaxu waexubim xua painya cui coyeneyathaxae xua judiomonaeb pamxaem. Nama barapowa peitacuere mentha netaxu atatsica exana yawa pia pentanatha netaxu tsewa exana.

<sup>45</sup> Xam jopa netsutsubim, ichitha bapowa poxonae caena jonarenan awiya came netaxu tsutsuba.

<sup>46</sup> Jopa nenta epatabim petuxuei tuxusi nasi mera. Ichitha barapowa petuxuei tuxusi nasi mera netaxu epataba.

<sup>47</sup> Daxota catsipaebatsi xua bapowa matowa nasi cui matacaeta. Daxita baxuan yabara jantemainan, daxota bichocono neantobe. Ichitha nama pon be conotha nasi cui matacaeta, be conotha yabara cui jantemainan. Bapon be conotha neantobe, jei Jesús.

<sup>48</sup> Equeicha Jesús namchi bapowatha. Petsiriwa baraichi, jei:

—Cacui yabara jantemainaya jantũ puxana exanatsiba abe jinya neexanae cuiru coyenewan, jei Jesús.

<sup>49</sup> Pomonaeb Jesús pebarũ nabanaexaetsi, barapomonaeb nabarai, jeye:

—Bapon, ¿jintamda, jamaisa bapowa cacui yabara jantemainaya jantũ puxana exanatsi abe pia peexanae cuiru coyenewan tatsi? jei barapomonaeb pomonaeb baxota naena.

<sup>50</sup> Jesús barai petsiriwa, jeye:

—Bayatha necapanepaewa caexainchi tsipei yabara tana nejume cowantsixaem. Saya jantemiya poponde, jei Jesús.

## 8

### *Meje yabara yabũxi powaxi Jesús yanabatsi*

<sup>1</sup> Bapoxonae pirapae Jesús daxita tomarantha pona ducuaeta, tsica tomaraxithano po tomarantha pin tomaranthano. Matautano paeba ducuaeta Nacom pia pexeinya jume diwesi tatsi po diwesi yabara xua Nacom waba jiwi petanaexanaenexatsi piamonae pomonaeb Nacom jantũ coyene itorobiya ewata. Jesús yanabatsi pia peitorobiwi tatsi pomonaeb doce poyobe.

<sup>2</sup> Barichi Jesús yanabatsi petsiriwaxi, powaxi Jesús bayatha taitaweta cauri xuanano axaibi exanano xua domae xainchi. Barapowaxi jiwana caewayo pewun María Magdalena, tsipei pia tomara tatsi pewun Magdala. Barapowa María powa bayatha taitawetatsi siete poyobe cauri.

<sup>3</sup> Bichirũ petsiriwa, powa pewun Juana, bapowa napon. Bapowa Juana, Cuza piowa tatsi. Bapon Cuza pon Herodes pia bo tatsi tayapucaeatsi. Irũ ichowa pewun Susana,

barowa napona. Iru ichowaxi ainya yabuxiru napona. Daxita barapowaxi Jesús upain exaneibatsi xua xoxi barapowaxi pexeinaexae.

*Meje yabara poxonae Jesús cuiduba jiwi pecayabara j̄ta pepaebi diwesiyo xua pon peubin yabara*

*(Mt 13.1-9; Mr 4.1-9)*

<sup>4</sup> Daxita tomaranpiwi pata. Poxonae pin bicheito nacaetuta Jesús cuiduba barapo bicheito po diwesiyo pecayabara j̄ta pepaebi diwesiyo.

<sup>5</sup> Jesús barai: “Pebin pon peubin pontaba pia ubichi pabitha. Poxonae pon peubin ubauya, icha xu namtotha othopeica, pexu jiwi taxunaunaba, yawa pepupunaewi xu xane.

<sup>6</sup> Icha xu, xu othopeica ibowantha. Poxonae barapo xu xuwa, barapo xu, xu ȳnna poxoru jopa taju xuwarecaeyo poxoru ibotixi nac̄c̄na yawa poxoru ira tsewa.

<sup>7</sup> Icha xu, xu othopeica ichaxota pesoiwan xuwinaena. Barapo xu yaboto nanta capanaba poxoru yawa muxuna xuwina pesoiwan.

<sup>8</sup> Icha xu, xu othopeica ichaxota ira w̄nae. Poxonae barapo xu, xu xuwa, xu naw̄naeta. Cae xuto nacoita cien po xu matab̄x̄yobe”, jei Jesús.

Poxonae Jesús baxua paeba, barapoxonae jume daunweya namchi: “Icha pamuxu dubename, moya pana nejume naitaeware pocotsiwa tapaca tsipaebiwatsi”, jei Jesús.

*Meje yabara poxonae Jesús namchi xua exua metha pecayabara j̄ta pepaebi diwesiyo yabara, jane jei*

*(Mt 13.10-17; Mr 4.10-12)*

<sup>9</sup> Nexata Jesús yainyabatsi pijimona, barapomona namchi, jeye: “¿Eta pocotsiwa yabara caunutame poxonae pana netsipaebame barapo pecayabara j̄ta pepaebi diwesiyo?” jei barapomona.

<sup>10</sup> Jesús jume nota, jeye: “Meisa paxam yatsicaewa Nacom yabara paca yaputane exana po pecuidubiwa xua moya peyaw̄n xeinaewa. Barapo moya peyaw̄n xeinaewa apara xua Nacom exana xua paca cana exana xua painya nepaca itac̄paewa xua painya nenaexanaewa Nacom piamona tatsi pam, pomona pamxaem Nacom itorobiya paca ewata. Ichitha jame ichamona meisa pomona jopa nejume cow̄ntsiyo jopa daichichi Nacom jopa copatsiyo xua barapomona peyabara yaputaewa baxua. Daxota barapomona cuiduban pecayabara j̄ta pepaebi diwesintha xua Nacom peyabara yaputaenexatsi. Baxua paeban xua bequein pia tana necui taibenaewatha tsane ichitha jopa pia tana necui yaputaibenaewatha tsane. Yawa xua bequein pia tana nejume taibenaewatha tsane ichitha jopa pia tana nejume copi taibenaewatha tsane”, jei Jesús.

*Meje yabara poxonae Jesús pijimona muxu yaputane exana po diwesi xua pecayabara j̄ta pepaebi diwesiyo pon peubin yabara*

*(Mt 13.18-23; Mr 4.13-20)*

<sup>11</sup> Equeicha Jesús namchi: “Meje apara baxua yabara caunutan poxonae paeban pecayabara j̄ta pepaebi diwesiyo: Po xuto xua iratha xuwa nacoichiya xanepanaya exana. Barapo xuto yabara caunuta Nacom Pejume Diwesi xua poxonae pebin j̄ntu coyene webocatsi pebin w̄naeya xanepanaya cana exanatsi.

<sup>12</sup> Po xuton xua namto beothopiya, aichurubena. Barapo xuton yabara caunuta xua jiwi bara j̄ntu coyene weichichi caurimona pia pentacaponaein tatsi. Jiwi j̄ntu coyene weajumetsurubena exanatsi Nacom Pejume Diwesi xua bayatha po jume jume tane, xua barapoxona jopa petajume cow̄ntsinexa tsainchi Nacom, yawa xua jopa petana capanenebiyaenexa tsainchi Nacom beya xua Nacom exanaena.

<sup>13</sup> Po xuton xua xu othopa ibowantha, barapo xuton yabara caunuta po jiwi xanepanaya jume tane Nacom Pejume Diwesi xuano j̄ntu coyene weiweinaya Nacom jume cow̄ntatsi. Ichitha bara caeto jume cow̄nta poxoru barapomona ant̄faetabiya



jume jeba Nacom Pejume Diwesi pejunt̃ coyeneintha. Matauta cauri junt̃ coyene wemuxu paeba xua abe peexanaenexa tsane. Daxota barapomonaē cayabara jant̃emaina Nacom.

<sup>14</sup> Po xuton xua xu othopa pesoiwantha barapo xuton caunuta xua pomonaē Nacom Pejume Diwesi jume tane ichitha saya barompaya pia junt̃ coyeneyatha jinompa, yawa saya ɱ copei cayabara nanta xeina, yawa saya exana pocotsiwa junt̃ coyene weiweina cana exanatsi. Po coyene pebiwi exana baxuan barapocotsi j̃ta coyeneya exana icha ichi xua po xuton be pesoiwantha xu othopiya. Barapo xuton jopa thei dubenaeyo. Barapocotsi j̃ta coyeneya ichi, barapo jiwi jopa xanepanaya jinompaeyo Nacom nexa.

<sup>15</sup> Po xuton xua xu othopeica peira w̃naewatha, bara nacoita. Barapo xuton yabara caunuta pomonaē jume tane Nacom Pejume Diwesi xuano jume cowantano poxoru junt̃ coyene xanepanaya jume tane. Matautano beta exana dubenanaebiya beya matapainya jiwi cui tane xua barapomonaē junt̃ coyene xanepana Nacom peitabaratha tatsi”, jei Jesús.

*Meje yabara poxonaē Jesús pijimonaē tsipaeba pecayabara j̃ta pepaebi diwesiyo xua pecoicha yabara*

(Mr 4.21-25)

<sup>16</sup> Equeicha Jesús namchi: “Poxonaē jiton pecoicha coicha exana bapoxonaē jopa coicha matacatsiyo. Matauta jopa coicha exanaeyo cama peupana deca. Jame asiya coicha exanatsi, pecoicha taenexa pomonaē jojoneibarena.

<sup>17</sup> Daxita pocotsiwa xua moya peyaw̃n xeinaewa bexa tsane jiwi yabara yaputaena. Barichi barapo diwesi xua pecayabara j̃ta pepaebi diwesi xua paebaponan jiwi itac̃paeinchi xua peyabara yaputaewa tsane.

<sup>18</sup> “Pana nejume naitaeware painya neexanaenexa pocotsiwa paca tsipaebatsi. Pon ba be conotha Nacom yabara yaputainchi, Nacom bapontha cana exanaena xua ichawa peyabara yaputaewa tsane beya poxonaē bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi”, jei Jesús.

*Meje yabara Jesús pena tatsi ir̃r̃r̃ peyapin jiwi tatsino*

(Mt 12.46-50; Mr 3.31-35)

<sup>19</sup> Nexata Jesús pena tatsi ir̃r̃r̃ peyapin jiwi tatsino pata ichaxota Jesús uncua. Ichitha jopa Jesús imoxoyo caquita ponaetsi tsipei bichocono pin bicheito.

<sup>20</sup> Ich̃n Jesús baraichi:

—Ena, ir̃r̃r̃ neyapin jiwino pesato beya umena. Bepara bequein cataei, jei bapon.

<sup>21</sup> Jesús namchi barapomonaetha:

—Apara jame be taena tsicotan yawano be tayapin jiwi tsicotan pomonaē xua jume tane Nacom Pejume Diwesi xuano xua exana pocotsiwa Nacom itoroba, jei Jesús.

*Meje yabara poxonaē Jesús xainya ducuanaya exana joibo, yawa maratsacano xainya mene ducuanaya exanano*

(Mt 8.23-27; Mr 4.35-41)

<sup>22</sup> Caentacabi Jesús bar̃ pona pijimonaē jeratha. Jesús pijimonaē barai:

—Anth̃, poinchi icha muxunene beya, pucua beya, jei Jesús.

Bara ponar̃c̃paba.

<sup>23</sup> Poxonaē cataunxuae jeratha yana enapona bapoxonaē Jesús maituncuataba. Bapoxonaē jemeicha pin joibo naetaba mentha. Matauta bichocono jera mene w̃nca, muxu pebunarecae.

<sup>24</sup> Nexata Jesús yãbaxotsi. Jesús baraichi:

—¡Jesús, Patatanecuidubim, yana bunarecatsi! jei barapomonaē.

Nexata Jesús nacosataxuba. Jesús itawetaxuba joibo maratsacano. Daxita caewanaya joibo yawa maratsacano.

<sup>25</sup> Nexata Jesús barai pijimonae:

—¿Jopa pana nejume cui yabara jume cowantsim xua bara tana neitacupaewa xua tapaca yawenaewatsi? jei Jesús.

Barapomonae bichocono junuwa yawa najuntá coyene cabenaecarucupa. Barapomonae caemonae natsipaeba, jeye:

—¿Jintam metha baponda? ¡Jamaisa bapon itaweta joibo yawa maratsacan xua daxita xainya dubenanaya! najei barapomonae.

*Meje yabara xua pebin yabara pon caurimonae pexeinaein pon Gerasa nacuapin  
(Mt 8.28-34; Mr 5.1-20)*

<sup>26</sup> Pirapaeyo jebouna Gerasa nacua itapatha, po itapa eca Galilea nacua icha itapa panawa beya.

<sup>27</sup> Poxonae Jesús muxu penontounae jeratha, pebin pon copiya tomarapin pon equeicha aisowapin naexana, bapon patopa. Jesús caquita uncuatabatsi. Caena bayatha bapon puna jinompatsi caurimonae. Paparuwa jopa yawa poponaeyo, matautano botha jopa poponaeyo, saya ibo wountha poponeiba.

<sup>28</sup> Poxonae Jesús tainchi, iratha jopa. Pentabocototha uncua bapon, Jesús peitabaratha tatsi. Jume daunweya wawai:

—Jesús, Nacom Pexantom, pon peitabocototha eca. ¿Eta pocotsiwa metha patopame taxantha? ¡Jume daunweya cabaraichi jopa neperaxa exanaeinde! jei.

<sup>29</sup> Daxota bapon baxua paeba yaitama Jesús taitaweta cauri xua peponaenexa bapon pia xainya weya tatsi. Bapon matowa teiqueibatsi cauri. Bayatha bequein jiwi taxu cubeiba yawa pemaxano penaintohta xua bapon xua jopa peponaenexa, ichitha bapon nain xuneiba. Bapon ira xuepana susato tsurucuae nacua beya itorobeibatsi cauri.

<sup>30</sup> Jesús yainyaba:

—¿Eta po wum? jei Jesús.

Bapon jume nota exanatsi Jestustha. Bapon namchi, jeye:

—Tawun ayei, jei.

Baxua namchi tsipei bayatha cauri bicheito cunto pata bapontha.

<sup>31</sup> Equeicha barapo pebin cueicueije exanatsi barapo cauri bicheito cunto. Barapo cauri cunto namchi, jeye: “Jesús jopa pana neitawetsinde po nacua ira bereca ichaxota jiwi atene tsaibi”, jei bapon xua cueicueije exanatsi cauri.

<sup>32</sup> Pin marrano duweimonae pitapatororotha jinompa xua yawa xayompano. Caurimonae Jesús jume daunweya wucatsi, jeye: “Pana nepu copabare marrano duweimonaetha”, jei. Jesús namchi: “Moya pataema”, jei.

<sup>33</sup> Nexata caurimonae pebin wepu ponatsi, yawa marrano duweimonaetha pata. Barapo marrano duweimonae ducupa, pin pitapatororo othopareca. Pucuatha bunothopa. Caurimonae cabunothopatsi.

<sup>34</sup> Pomonae yapu eena barapo marrano duweimonae junuwiya cuinaenouta tomarantha xuano tomaran aisowapiwi, xua pepaebinexa xua baxua exana.

<sup>35</sup> Jiwi poxonae baxua tane, pata baxota ichaxota Jesús uncua. Tainchi pon wepu poinchi caurimonae. Bapon Jesús petaxu deca taecatsi, xuano paparuwa nama xatateca. Axabiya eca, be pocotsin jopa matsiyaibichi. Barapo jiwi junuwa nawita.

<sup>36</sup> Pomonae copiya tane, barapomonae equeicha tsipaeba ichamonaetha pomonaetha pomonae jopa taeyo po coyene xua bapon equeicha jume xua copiya bequein caurimonae pexeinaewa.

<sup>37</sup> Poxonae daxita barapo Gerasa nacuapiwi jume tane baxua, daxita barapomonae Jesús itawetatsi xua pewarapaenexa bara weya xua Gerasa nacua weya, poxoru barapomonae junuwa bichocono. Daxota Jesús jeratha nontabiya bara warapano.

<sup>38</sup> Pebin, pon wepu poinchi caurimonae, Jesús wacatsi xua bepara puna ponaetsei Jesús. Ichitha Jesús jopa copatsiyo xua pepuna ponaewa tsainchi bapon.

<sup>39</sup> —Jinya bo beya ponare. Daxita paebare jiwitha xua bayatha Nacom cata exana, jei Jesús.

Pebin nawiya tomara beya yawa daxita paebano tomaratha xua po coyene bayatha Jesús taexana xua bapon tacana exanatsi.

*Meje yabara xua poxonae Jairo pexantiyo taaxaibi exanatsi; yawa yabara xua bapoxonae iru icha yabuyo axaibi exanatsi poxonae Jesús pia paparuwa tajayabatsiru (Mt 9.18-26; Mr 5.21-43)*

<sup>40</sup> Poxonae Jesús caibe patoparena Galilea nacua berena, jiwi Jesús matenta weiweinyaya wabatsi, tsipei daxita barapomonae Jesús ewatatsi.

<sup>41</sup> Nexata pebin patopa pon pewun Jairo. Bapon Jairo pon canamataxeina judiomona pia penacaetutsi bo tatsi. Jesús petaxutha irabe tatayecarecatsi. Baxua Jairo exana poxoru Jesús pon ainya cui peexanaeinchi. Bapon Jairo Jesús jume daunweya wabatsi, jeye: “Antha tabotha ponare”, jei Jairo.

<sup>42</sup> Bapon baxua paeba tsipei Jairo pexantiyo saya compa tatsi. Barapowayo doce po weibe xeina. Bapowayo muxu petupae.

Poxonae Jesús iya iru pin bicheito napon. Bichocono jiwi acucu.

<sup>43</sup> Barapo pin bicheitha yabuyo iru napon. Bapowa caena bayatha beya yadoce po weiyobe jopa xua pentabu janatha boca xua be nantawane. Barapowa daxita cobe caewitatsi xua peaxaibi exanaenexa tsainchi. Pomona jiwi peyawubiwi cobe caewita daichitha jopa axaibi exanaetsi.

<sup>44</sup> Bapoxonae barapowa imoxoyo caquita uncuataba Jesús peputha tatsi. Barapowa Jesús pia paparuwa tatsi tajayabatsi xua peopirawa. Bapoxonae caena nainya bapowa ajaneibi tsanareca.

<sup>45</sup> Nexata Jesús yainyaba barapo pin bicheitha, jeye:

—¿Jintam nejayabara? jei.

Daxita barapomona paeba xua pinae jopa jayabichiba. Daxota Pedro barai:

—Patatanecuidubim, barapo pin bicheito acucu canapuna torobabiya tane, dacotsiwa jam: ‘¿Jintam nejayaba?’ jam, jei Pedro.

<sup>46</sup> Ichitha Jesús jume nota:

—Ichun nejayaba tsipei taayapusuwa newepu jiwana aichurucuae xua axaibi exanan, jei Jesús.

<sup>47</sup> Petsiriwa yaputane xua cobe yaputainchi xua Jesús cobe yaputane poxonae bapowa jayaba. Barapowa junuwiya patopa yawa pentabocototha uncu ira betaeuncuarecano Jesús petaxutha tatsi. Baxua exana bapowa poxoru Jesús ainya cui peexanaeinchi. Nexata barapowa namchi barapo bicheito peitabaratha, jeye:

—Apara xan jayaban. Poxonae jayaban caena nainya axaibin, jei.

<sup>48</sup> Nexata Jesús barai, bapowa baraichi, jeye:

—Yabuyo caaxaibi exanatsi tana neyabara jume cowuntsixaem xua bara tana neitacupaewa xua tacaaxaibi exanaewatsi. Saya jantemiya poponde, jei Jesús.

<sup>49</sup> Poxonae cataunxuae Jesús tsipaebauya bapowatha, pebin patoparu pon Jairo pia bo tatsi weya pona. Bapon tsipaeba pontha pon pecanamataxeinaeinxae judiomona pia penacaetutsi botha tatsi pon Jairo. Jairo baraichi, jeichichi:

—Nexantiyo bayatha cata tupa. Jopa came fayacotsinde pon jiwi Pecuidubin, jeichichi Jairo bapon.

<sup>50</sup> Ichitha poxonae Jesús jume tane baxua, xua Jairo baraichi, Jesús barai, Jairo baraichi, jeye:

—Jopa junuwinde, maisa saya nejume cowunde. Nexantiyo cata axaibi tsane, jei Jesús.

<sup>51</sup> Poxonae botha pata, Jesús jopa juntucuru bebaru joniyaeyo ichamonae. Saya meisa Pedro iru Santiago iru Juan iru powayo tupa paxa tatsi, bapon Jairo yawa pena tatsi, Jesús baru joniya barapomonae.

<sup>52</sup> Daxita barapomonae yabuyo siwa wawaya wecoyeichi. Ichitha Jesús barai barapomonae, jeye:

—Jopa pawecoyande, yabuyo apara jopa tupaeyo, maituncua apara, jei Jesús.

<sup>53</sup> Ichitha Jesús jume caponatsi barapomonae. Tsipei barapomonae yaputane xua yatsicaewa apara tupa barapowayo.

<sup>54</sup> Nexata Jesús jume daunweya cobe pichiya barai, jeye:

—Ja, owaesi asiya uncuatabare! jei Jesús.

<sup>55</sup> Barapowayo equeicha petupaewa nacosataxuba, caena nainya asiya uncuataba. Jesús itoroba barapomonae xua barapowayo peapatsinexatsi pexaewa.

<sup>56</sup> Barapowayo paxa tatsi iru pena tatsi najuntu coyene cabenaecaeya tanebe. Jesús barapomonae tsipaeba xua jopa cui yopichi tsainchi ichamonaetha xua po coyene bapon peexanaexae.

## 9

*Meje yabara poxonae Jesús pijimonae itoroba xua barapomonae peyabara cueicueijeinexa jiwitha po coyene xua Nacom waba jiwi xua petanaexanaenexatsi pijimonae tatsi (Mt 10.5-15; Mr 6.7-13)*

<sup>1</sup> Jesús pijimonae caetuta pomonae xua doce poyobe. Yawa pijimonae cata pia peayapuwawa. Matautano catano peitorobi coyenewa xua barapomonae peitaweteibinexa tsane cauri xuano xua peaxaibi exanaenexa tsaibi tsane jiwi pomonae atene.

<sup>2</sup> Jesús itoroba barapomonae xua barapomonae peyabara cueicueijeinexa tsane jiwitha xua po coyene Nacom waba jiwi xua petanaexanaenexatsi pijimonae pomonae itoroba peewatsixae. Matautano itoroba xua barapomonae peaxaibi exanaenexa tsane jiwi pomonae atene.

<sup>3</sup> Jesús barai pijimonae:

—Jopa pacaponaeinde ichawa xua painya necawarapaenexa. Matautano jopa iwabi pacaponaeinde, yawa jopa cote pacaponaeinde. Matautano jopa pacaponaeinde pexaewa, yawa jopa pacaponaeinde paratixi. Saya cae camisa panama xatabare, jopa icha camisan pacaponaeinde.

<sup>4</sup> Botha po botha papatsiname, bara po botha painya nepu enaeinde bapoxonae barapo botha painya nepu warapaeinde.

<sup>5</sup> Pomonae xua ichaxota jopa paca matenta weyataya wabiyo barapo tomara weya pawarapare. Pana taxu wenunbabare tsorobon po tsorobon painya taxutha dubena. Baxua paexande xua barapomonae peyaputaenexa xua abe exana paxamtha, jei Jesús.

<sup>6</sup> Bara barapomonae ponarucupa. Matautano barapomonae pona daxita carepaya peya tomaraxitha. Matautano papaeba tsiniya Nacom pia pecapanenebiyae diwesi jume tatsi. Yawa axaibi exana tsiniyano jiwi pomonae atene.

*Meje yabara poxonae Herodes Juan yabara jume unthuthu deideijeichi pebexubixaetsi bayatha*

*(Mt 14.1-12; Mr 6.14-29)*

<sup>7</sup> Bapoxonae Herodes Galilea nacuapiwi pia peyanacua ewatsinchi daxita jume tane xua Jesús exana. Bapon Herodes jopa xapain beta nanta xeinaeyo. Tsipei ichamonae catsawa Jesús yabara namchichi: “Apara bapon Juan, pon bequein bayatha tupa, equeicha asu juina”, jei.

<sup>8</sup> Iru ichamonae namchi: “Bapon apara Elías, pon tsita naituta jiwitha”, jei. Iru ichamonae namchi: “Apara pomonae bayatha Nacom peitorobi jume pepaebiwi, barapomonae jiwana, bapon apara, pon petupaein equeicha juina”, jei barapomonae.

<sup>9</sup> Ichitha Herodes namchi:

—Bara bayatha ichamonae cobe itorobacoumba xua Juan pewisi ucuibiwatsi. ¿Jintam metha bapon xua yabara jume tan nawita xua pinae peitupanaewan exana? jei.

Herodes bichocono beyaitaena, Jesús beyaitaeinchi pon wɔnae peexanaein.

*Meje yabara poxonae Jesús apata pexaewa cinco mil pebiwi*

*(Mt 14.13-21; Mr 6.30-44; Jn 6.1-14)*

<sup>10</sup> Poxonae pata pomonae Jesús itoroba, barapomonae Jesús tsipaebatsi pocotsiwa xua barapomonae exana. Jesús tsana barɔ jopa barapo pijimonae tatsi xua pin bicheito weya. Ichaxota jiwi aibi, Jesús bara beya barɔ pona pijimonae, Betsaida tomara pecuariya beya barɔ pona.

<sup>11</sup> Ichitha poxonae barapo bicheito yaputane xua xota Jesús ponaena, barapo bicheito irɔ Jesús puna poinchi. Jesús matenta weiweinaya waba barapo pin bicheito. Matautano Jesús yabara tsipaeba barapo bicheitha po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae. Matautano Jesús axaibi exana atenemonae.

<sup>12</sup> Poxonae imoxoyo tabopiya Jesús barompaya pijimonae tatsi pomonae xua doce poyobe, barapoyobe Jesús imoxoyo caquita umenarɔɔɔpatsi. Jesús baraichichi, jeye:

—Barapo bicheito itorobare pejeichinexa tsane xua ichaxota maichina xuano xua pexaewa pejeichinexa tsane tomanxitha yawa po bon pipatotha umena, poxoru xote aibi pexaewa yawa bon xua ichaxota pemaichiwa tsane, jeichichi Jesús pijimonae.

<sup>13</sup> Ichitha Jesús barai pijimonae:

—Paxam paapare pexaewa, jei Jesús.

Jesús jume notatsi pijimonae:

—Saya apara cinco po panbe paxeinan matautano saya ainyoyobe paxeinan duweiyobe. Apara acoibi tsipei pin bicheito. Metha paponan pata comotsinexa icha pexaewa, daxita barapomonae nexa, jei.

<sup>14</sup> Barapo bicheito be cinco mil pebiwi. Nexata Jesús pijimonae barai:

—Pana nantaɔre xua ichamonae tsana eeniyaena be cincuenta po matabɔxɔyobe tsiniya, jei.

<sup>15</sup> Bara Jesús pijimonae tatsi exana pocotsiwa xua Jesús paeba. Bapoxonae barapo pin bicheito iratha ena.

<sup>16</sup> Bapoxonae Jesús pan pita cinco po panbe, yawa duwei ainyobe pitano. Jesús itaboco benecoicha, Paxa tsipaeba: “Axa, maisa jɔntɔ coyene weiweinan xua pexaewa pata tanecatxiwaxaem”, jei Jesús. Poxonae Jesús epa janaquiya nacobe weta, pijimonae caitoroba xua pecatsibaponaenexa tsane barapo bicheitha.

<sup>17</sup> Bara daxita nabane, yawa bara daxita jain cowɔntarɔɔɔpatsi. Bapoxonae Jesús pijimonae tatsi doce po cote matabɔxɔyobe wɔnba xua bayatha nacopaba pocotsiwa xua bayatha barapo jiwi jopa xaeyo petonsanaexae.

*Meje yabara poxonae Pedro namchi Jesustha jeye: “Xam apara Mesías pon Nacom caitorobica”, jei Pedro*

*(Mt 16.13-19; Mr 8.27-29)*

<sup>18</sup> Caentacabitha Jesús Nacom tsipaebawiya, meisa pijimonae barɔ pona. Bapoxonae Jesús yainyaba pijimonae, jeye:

—¿Eta jiwi neyabara jei po coyene xua xan bapon aparan? jei Jesús.

<sup>19</sup> Barapomonae Jesús jume notatsi, jeye:

—Ichamonae cayabara, jei: ‘Apara bapon Juan pon jiwi Pebautisabin, pon equeicha petɔpaein asɔ juina’, jei. Irɔ ichamonae cayabara, jei: ‘Apara bapon Elías, pon equeicha petɔpaein asɔ juina’, jei. Irɔɔ ichamonae cayabara, jei: ‘Apara bapon jiwana pomonae Nacom peitorobi jume pepaebiwi, pon petɔpaein equeicha asɔ juina’, jei, Jesús pijimonae tatsi.



<sup>20</sup> Nexata Jesús pijimonaē yainyaba, jeye:

—Incane iru paxamdu, zeta pana neyabara jumichimdu xua xan eta pondun? jei Jesús. Pedro jume epa pita:

—Xam apara Mesías, pon Nacom caitorobica, jei Pedro.

*Meje yabara poxonaē Jesús nayabara diwesi paeba po coyene xua petupaewa tsane (Mt 16.20-28; Mr 8.30-9.1)*

<sup>21</sup> Jesús pijimonaē muxu barai, xua pijimonaē jopa peyabara paebinexatsi ichamon-aetha baxua.

<sup>22</sup> Yawa barai pijimonaē po coyene xua bexa ichamonae Jesús cana exanaeinchi. Jesús namchi, jeye:

—Xan ponxaein Nacom Tananeitapetsin, jiwi bichocono neperaxa jubina. Matautano pitiri jiwi iruru sacerdotemonaē pia pentacaponae wi tatsi, iruru pomonaē jiwi pecuidubiwi Moisés pia peitorobi coyenewa tatsi, daxita barapomonaē neitawetsina. Matautano barapomonaē nebexubina. Ichitha equeicha asu poponaēin poxonaē acoibi po matabiyobe tsuxubi tsane, jei Jesús poxonaē nayabara paeba.

<sup>23</sup> Bapoxonaē Jesús barai daxita pijimonaē, jeye:

—Icha pebin ichichipa xua tajiwimonaē jiwana pin penaexanaewa tsane bewa bapon yabara naitematsi pocotsiwa xua bapon ichichipa pia peexanaē coyenewan tatsi. Bapoxonaē jame bapon bewa eexanaponaē daxita matabi pocotsiwa itoroban bequein bara bapon bexotsi ichamonae, tajiwimonaē jitonxae.

<sup>24</sup> Pon naantobeya nata exana pocotsiwa bapon ichichipa, bapon jopa xeinaeyo peajuntuyarusawa, po peajuntuyarusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaena peajuntuyarusawa, po peajuntuyarusawa ataya tsiteca xua Nacom pia nacua beicha.

<sup>25</sup> Icha pebin bichocono copei xeina pocotsiwa xeina po cae pin nacuathe, ichitha jopa xeinaeyo peajuntucoyenesawa, po peajuntucoyenesawa ataya tsiteca, bapoxonaē bapon jopa itacupaetsi xua penajuntu coyene capanepaewa xua jopa peweraweracaewa.

<sup>26</sup> Icha ichun neacaura, yawa nejume diwesi acaurano, xan ponxaein Nacom Tananeitapetsin xuya bapon acauran tsane. Baxua exanaein poxonaē patopaetsicaein be jiwi pia pecanamataxeinaein tatsi yaitupanaē susato patopaetsicaein. Taxa pia peitupanaewa tatsi yawa patopeicaein. Matautano Taxa pia matatsunpiwi tatsi nebaru patsicaena, jei Jesús.

<sup>27</sup> Bara xaniwaicha paca tsipaebatsi xua pomonaē xote umene abu barapomonaē jopa werapae tsane. Barapomonaē jiwana copiya matha necotsina xua po coyene Nacom waba jiwi xua petanaexanaenexatsi piamonaē pomonaē itorobiya peewatsixae, bapoxonaē barapomonaē werapaena, jei Jesús.

*Meje yabara poxonaē Jesús pijimonaē peitutha pexeinya itupanaē coicha tsanaya naexana (Mt 17.1-8; Mr 9.2-8)*

<sup>28</sup> Poxonaē ocho po matabibibe jopa xua poxonaē Jesús barapo diwesi paeba, bapoxonaē Jesús pona demxuwa beicha petsipaebinexa Nacom. Pedro iru Juan iru Santiago barapo matabixyobe baru poinchibe.

<sup>29</sup> Poxonaē Jesús cataunxuae Nacom tsipaebauya, bapoxonaē icha itabara tsanaya. Matauta penama xatatsiwano inyapana tsanaya yawa bichocono daedaena tsanaya.

<sup>30</sup> Nexata pebinbe yaitupanaē be damacu patopabe. Baponbe, iru Jesús, bapoyobe nabaru cueicueijeibe. Ponbe xua Jesús jemeicha tsita patopatsibe, bapon Moisés iru ichun pewun Elías, ponbe xua caena bayatha naxubabe.

<sup>31</sup> Baponbe yabara baru cueicueijeibe xua Jesús petupaewa tsane xua peraxa jubinchi ichamonae Jerusalén tomaratha.

<sup>32</sup> Bequein Pedrobarꝰ bichocono itamaipana daichitha nacosatumena. Pedrobarꝰ tane xua Jesús yamatawacaicha pexeinya itꝰpanae be damacu tsuncuaetsi. Mataꝰtano Pedrobarꝰ tane ponbe Jesús barꝰ uncua, Moisés irꝰ Elías.

<sup>33</sup> Moisés irꝰ Elías, poxonae baponbe Jesús weya naetababe, bapoxonae Pedro Jesús baraichichi, jeye:

—Jiwi Necuidubin, maisa wꝰnae xua xote pata umenaewa. Pacata acabinchi acoibi po boutobe, cae bouto xam nexa, icha bouto Moisés nexa, icha bouto Elías nexa.

Ichitha Pedro beta jopa yaputaeyo xua baxua paeba.

<sup>34</sup> Poxonae Pedro cataunxuae barꝰ cueicueijei Jesús, bapoxonae daxita pexainya bematawacaicha taruneicatsi tsaquinaebowa. Poxonae barapomonae tsaquinaebowa tututha nataerꝰcꝰpa bichocono junuwa.

<sup>35</sup> Nexata barapomonae tsaquinaebowatha pejume jume tane xua Nacom namchi, jeye: “Bapon apara Taxanto, pon bichocono antobein, pon itapetan. Bapon beta pajume taema pocotsiwa paca tsipaeba”, jei Nacom.

<sup>36</sup> Poxonae Nacom najume weta, Pedrobarꝰ necobarꝰcꝰpa xua Jesús beya compa uncua. Pedrobarꝰ saya moya. Jopa pejumeyo ichamonaetha xua tane.

*Meje yabara poxonae Jesús cauri taitaweta xua pewowin xeina  
(Mt 17.14-21; Mr 9.14-29)*

<sup>37</sup> Baya poxonae Jesús barapo acoibi poyobe pijimonaebe dabe barꝰ dunareca Jesús pin bicheito matenta poinchi.

<sup>38</sup> Nexata barapo bicheitho jiwana pebin, bapon jume daunwei wawai, jeye:

—Jiwi Necuidubin, incane inta taema taxanto. Bapon taxanto inta compa pebin.

<sup>39</sup> Taxanto inta waetabatsi cauri, inta papai exanatsi, yawa inta iratha bebaichi. Mataꝰta inta coibo thamthamei exanatsi poxoru matayaibatsi exanatsi. Inta taxanto cui tatainchichi jopa bepu sorobabeibichi barapo cauri.

<sup>40</sup> Bayatha bequein jinyamonae jume daunweya cui itoroban: ‘Painta taxanto taitawere cauri’, jan. Ichitha jopa itacꝰpaetsi xua taxanto inta petaitawetsiwatsi cauri, jei pewowin paxa tatsi.

<sup>41</sup> Jesús barai pin bicheitho, jeye:

—¡Paxam barapomonae pam pomonae jopa xapain cataunxuae pana nejume cowꝰntsim! ¡Paxam barapomonae pam, peajꝰntꝰcoyenebe jiwi pam! ¿Eta po weibe nantawenonan xua bewa tapaca barꝰ ecaewa tsainchi xua beya poxonae tapana nejume cowꝰntsiwam tsane? ¿Mataꝰtano eta po weibe equeicha nantawenonan xua tapaca cayawenaewatsi tsainchi? jei Jesús.

Nexata Jesús barai pewowin paxa tatsi, jeye:

—¡Nexanto inta carenande! jei Jesús.

<sup>42</sup> Poxonae pewowin cataunxuae Jesús itiya poinchi, bapoxonae equeicha pewowin iratha xotsi cauri. Equeicha pewowin coibo thamthamei exanatsi. Ichitha Jesús taitaweta cauri pewowin. Jesús axaibi exana pewowin. Equeicha Jesús caewa cata. Coxian caewa catatsi pexantoxae.

<sup>43</sup> Daxita barapo pin bicheito yabara najꝰntꝰ coyene cabenaeca pocotsiwa pewowin pexeinya coyene taexanatsi Nacom.

*Meje yabara poxonae equeicha Jesús nayabara paeba xua poxonae tꝰpaena  
(Mt 17.22-23; Mr 9.30-32)*

Poxonae awiya cataunxuae yabara najꝰntꝰ coyene cabenaecompa barapo pin bicheito pocotsiwa Jesús exana, bapoxonae Jesús pijimonaebare:

<sup>44</sup> —Incane beta pajume taema, yawa jopa pana nejume cayabara jꝰnteminaeinde. Xan, ponxaein Nacom Tananeitapetsin jiwi, necaenaetsina ichamonaetha xua tanebexubinexa tsane, jei Jesús.

<sup>45</sup> Ichitha Jesús pijimonae jopa xapain jume yaputaetsi xua barai. Barapomonae jopa tacopatichi Nacom xua Jesús pejume yaputaewa tsainchi. Barapomonae junuwa xua Jesús yabara peyainyabiwa tsainchi xua Jesús yaputane peexanaenexa xuaunxuae paeba.

*Meje yabara poxonae Jesús yabara yainyabatsi pijimonae po coyene xua pon peainya cui peexanaeinchi*

*(Mt 18.1-5; Mr 9.33-37)*

<sup>46</sup> Nexata Jesús pijimonae tatsi caemonae yabara nayainyaba, najei: “¿Jintam paxantha bichocono peainya cuinda xua beyacaincha ichan?” jei.

<sup>47</sup> Jesús yaputane baxua pocotsiwa barapomonae yabara nanta xeina. Nexata Jesús cobe pita pexuyo yawa pexainya cuaranoreca.

<sup>48</sup> Nexata Jesús barai pijimonae:

—Pon matenta weyataeya waba peyawenaenexa pontha pon tana nejume cowantsixae xua pocotsin icha be barapocotsi pexuyo ichi barapon bara apara nententa weyataeya waba. Xan jopa meisa nententa weyataeya wabiyo apara bara iru matenta weyataeya wabatsi pon tana neitorobixae xua pon bara Nacom. Daxota pon paxam jiwana pam, pon jopa paca tsita ainya cuiyo, bapon jame Nacom tsita ainya cuichi, jei Jesús.

*Meje yabara poxonae Jesús barai pijimonae: “Pon jopa nacata abe exanaeyo, bapon ba apara naca yawena”, jei*

*(Mr 9.38-40)*

<sup>49</sup> Nexata Juan Jesús baraichi, jeye:

—Ja Tanecuidubim, paxan caein patan pon cawun taiba poxonae itaweta caurimonae, xua caurimonae itawetatsi. Paxan baxua pacui itawetan tsipei jopa naca puna popon-aeyo, jei Juan.

<sup>50</sup> Ichitha Jesús jume nota, jeye:

—Jopa pacui itawetsinde, tsipei pon jopa nacata abe exanaeyo bapon ba apara naca yawena, jei Jesús.

*Meje yabara poxonae Jesús jume itaweta, Santiago iru Juan jume itawetatsibe*

<sup>51</sup> Poxonae imoxoyo matabi jopaena, po matabitha Jesús athabe icha tsane, xua Nacom exanaena, bapoxonae Jesús bichocono awiya nantusaba xua peponaewa tsane Jerusalén tomara beya.

<sup>52</sup> Jesús nawanae jume caitoroba pia jitonbe tatsi. Barapo Jesús pia jitonbe tatsi ponabe Samaria naca beya. Ponabe xua bo tutu pewucaenexa tsanebe po tomara barapo Samaria nacuatha eca xua Jesús peecaenexa.

<sup>53</sup> Ichitha barapo tomarapiwi xua Samaria nacuatha jinompa, barapomonae aichaxaibi xua Jesús weiweinaya pententa wabiwatsi baxota poxoru barapomonae yaputane xua Jesús pona Jerusalén tomara beya.

<sup>54</sup> Ichitha Santiago iru Juan poxonae baxua tanebe, ponbe bequein tawucabe bo tutu Jesús nexa, baponbe Jesús baraichi, jeye:

—Patatanecanamataxeinaem, ¿xam ichichipame xua paxan isoto pawucaein po isoto xua itaboco wetsica xua petautsinexatsi barapomonae? jei baponbe.

<sup>55</sup> Nexata Jesús pijimonae napatomeicha necota yawa jume itaweta.

<sup>56</sup> Nexata equeicha Jesús pijimonae baru pona icha tsiqui tomariyo beya.

*Meje yabara poxonae Jesús yabara paeba pomonae ichichipa xua pepuna ponaewatsi*  
*(Mt 8.19-22)*

<sup>57</sup> Poxonae namtotha enapona, pebin Jesús baraichi, jeye:

—Patatanecanamataxeinaem, ichichipan xua tacapuna ponaewatsi xua ichaxota poname, jei pebin.

<sup>58</sup> Jesús jume nota, jeye:

—Namomonae ba pia m̄th̄an xeina ichaxota pemaitathopeibiwa. Ir̄u peya-pupunaewi ba coton xeina ichaxota peyamaitathopeibiwa. Nama xan ponxaein Nacom Tananeitapetsin nama jopa daichinyo. Nama jopa xeinaeinyo bo xua tabo xua xota nafinacaecan, jei Jesús.

<sup>59</sup> Jesús barai ich̄antha, jeye:

—Nepuna ponde.

Ichitha bapon Jesús jume notatsi, jeye:

—Tanecanamataxeinaem, nepu copare xua taxa matha m̄th̄atha xubichi copiya xua bapoxonae tacapuna ponaenexatsi, jei.

<sup>60</sup> Jesús jume nota, jeye:

—Bara copare xua pet̄paewi m̄th̄acaeinchi, pomonae xua be pewerapaewi jopa betanejume cow̄ntsiwixae, barapomonae m̄th̄acaena. Ichitha xam ponare jinya neyabara tsipaebinexa jiwitha po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae, jei Jesús.

<sup>61</sup> Nexata ich̄an Jesús baraichi, jeye:

—Tanecanamataxeinaem, ichichipan xua tacapuna ponaewatsi. Ichitha copiya bara necopare xua tana napeyabiwa tsane tamonae, tabopiwi, jei bapon.

<sup>62</sup> Jesús jume nota:

—Pebinba jopa itac̄paetsi xua beta penacuichiwa pabi icha saya napatomeicha necobiya nacuita. Barapocotsi j̄ata coyeneya ichi, icha pebin exana Nacom pia petanacuichiwa tatsi jopa xapain exanaeyo xua peyabara paebiwa po coyene xua Nacom waba jiwi petanaexanaenexatsi pijimonae pomonae itorobiya pecanamataxeinaexae icha bapon saya cayabara nanta xeina pocotsiwa barapo cae pin nacuathe xeina, jei Jesús.

## 10

### *Meje yabara poxonae Jesús pijimonae itoroba setenta y dos poyobe pebiwi*

<sup>1</sup> Barapoxonae Jesús pon jiwi Pecanamataxeinaeinxae tatsi, bapon itapeta equeicha icha pijimonae tatsi setenta y dos poyobe. Daxita tomarantha Jesús itoroba be dos poyobe tsiniya, tsica tomaraxithano, pin tomaranthano xua ichaxota Jesús cotacaya ponaena.

<sup>2</sup> Jesús barai barapomonae poxonae muxu peitorobi, jeye: “Bara xaniyeya paca tsipaebatsi. Pabitha ba pocotsiwa pēbiwan naweta nawita, daichitha ba penacuichiwi pomonae jota pinmonae aibi. Bara j̄ata ichi barapo cae pin nacuathe. Jiwi pinmonae jinompa pomonae nantawenona pejume taenexa Nacom pia pexeinya jume diwesi tatsi. Daichitha pomonae Nacom Pejume Diwesi cueicueijeji tsurubenanaebiya ichamonaetha barapomonae pinmonae aibi saya tsiquimonaeyo. Daxota Nacom paw̄care xua pecaitorobinexa tsane ichamonae xua petacamuxu tsipaebinexa tsainchi pia pejume diwesi pomonae barapo cae pin nacuathe pejinompaewi nexa.

<sup>3</sup> Paponde ichaxota paca itorobatsi. Paca itorobatsi pia xainya beya pomonae jopa jume cow̄ntsiyo, pomonae itac̄patsi xua abe painya nepaca exanaewa icha oveja ichi xua poxonae pona ichaxota neuth̄a jinompa xua itac̄patsi xua abe peexanaewatsi.

<sup>4</sup> Jopa pacaponaende cote. Yawa paratixi jopa pacaponaende. Yawa jopa pacaponaende painya nenataxu xatabiwan. Matāta jopa ichamonae namtotha paewatumeyaende xua saya painya netsipaebinexa.

<sup>5</sup> Poxonae bom̄x̄utha pajojoniyaename, barapo bopiwi pajacobare, pajande: ‘Barab̄u Nacom j̄antema jinompa paca cana exanaena’, pajande.

<sup>6</sup> Icha baxota jinompa pomonae j̄antema jinompa, baxua Nacom taexanaena xua papaebame. Ichitha icha baxota jinompa pomonae jopa j̄antema jinompaeyo, baxua

Nacom jopa taexanae tsane xua papaebame. Equeicha caewa pacata parenaena xua baxua papaebame.

<sup>7</sup> Barapo botha paenare. Paxaema paapareno pocotsiwa barapomonaе paca апата. Painya xoba paauram xua paca cata tsipei baraxua xua paca cata painya matoma painya netanacuichixae Nacom. Jopa ichawa beya paponaeinde bontha, saya bara po botha paenare.

<sup>8</sup> Poxonae tomaratha papanenebiyam, icha barapomonaе paca matenta weyataeya waba, moya paxaema pocotsiwa barapomonaе paca апата.

<sup>9</sup> Axaibi paexande peatene jiwi, pomonaе xua barapo tomaratha ena. Barapomonaе pabarande: ‘Anoxuae Nacom waba jiwi xua petanaexanaenexatsi piamonaе tatsi pomonaе itorobiya peewatsixae’, pajande.

<sup>10-11</sup> Ichitha poxonae icha tomaratha papatsiname icha barapo tomarapiwi jopa paca matenta weyataeya wabiyo, pajande barapomonaetha: ‘¡Po tsorobon panataxu wenunubaban painya tomaratha, apara xua abe paexaname pata xainya berena poxonae pana nejume itawetame! Payaputaema, anoxuae Nacom waba jiwi petanaexanaenexatsi piamonaе tatsi pomonaе itorobiya peewatsixae ichitha pana nejume itawetame pomonaе Nacom pata tana neitorobiwi panxaein’, pajande.

<sup>12</sup> Xaniyeya paca tsipaebatsi matabi patopaena. Barapo matabitha Nacom yabara paebina jiwi xua penatsicuenta siwa xua petsita exanaexaetsi. Barapo matabitha jopa juniya bichocono atene tsane pomonaе paca jume itaweta. Ichitha nama pomonaе barapo tomaratha jinompa pomonaе paca jume itaweta jopa juniya atene tsane, beyacaincha poxonae Sodoma tomarapiwi atene”, jei Jesús.

*Meje yabara poxonae Jesús yabara paeba po tomaranpiwi jopa pejume cowantsiwichi (Mt 11.20-24)*

<sup>13</sup> Jesús equeicha pijimonaetha namchi, pomonaе setenta y dos poyobe xua icha monae yabara paebatsi, jeye: “¡Pai jaibo Corazín tomarapiwi tsobenae! ¡Iru Betsaida tomarapiwi tsobenae! Po tsita itatsi coyenewan exanan Corazín tomaratha yawa Betsaida tomaratha ichun jopa bapana exanaeyo barapo tsita itatsi coyenewan Tiro tomaratha yawa Sidón tomaratha. Icha barapo tsita itatsi coyenewan exanaetsipa Tiro tomaratha Sidón tomarathano, barapo tomaranbepiwi icha penanta xeinae coyenewatha yabara nanta pentsipa Nacomtha. Barapomonaе iratha enaetsipa yawa paparuwan nama xatabichipa xua pocotsiwa be peru mapaton xua axun, yawa ipuna nacaxuebichipa pia pepontha. Barapomonaе baxua exanaetsipa xua icha monae petsita itapeinya xeinaenexa tsainchi xua icha juntu coyenein Nacom petsita xeinaewatsi peauraxae xua abe peexanaexae.

<sup>14</sup> Poxonae barapo matabi patopeicaena po matabitha Nacom yabara paebina daxita jiwi xua petsita natsicuenta siwaetsi xua abe petsita exanaexaetsi, Tiro tomarapiwi, Sidón tomarapiwino, daxita barapo tomarabepiwi bichocono peraxa jubebinchi. Ichitha nama paxam pomonaе Corazín tomarapiwi pam, iruru Betsaida tomarapiwi pamdu, daxita paxam jopa juniya paca peraxa jubebi tsane, beyacaincha xua peraxa jubebinchi Tiro tomarapiwi iru Sidón tomarapiwi.

<sup>15</sup> ¡Incane iru Capernaum tomarapiwi pamdu! ¿Bara pananta xeiname xua paca capanenebiya tsane peitaboco beicha? Jume, apara paca itorobina petupae coyene cuiru bereca.

<sup>16</sup> “Pon xua paca jume naitaewata, barapara nejume naitaewataru. Pon xua paca jume itaweta, barapara nejume itaweta xan berena. Pon xua nejume itaweta, barichi Nacom jume itawetatsi pon xua tana neitorobixae”, jei Jesús.

*Meje yabara poxonae equeicha caibe parenaena Jesús pijimonaе tatsi pomonaе setenta y dos poyobe pebiwi*

<sup>17</sup> Barapo setenta y dos poyobe juntu coyene weiweinaya caibe nawibarena, jeye:



—Patatanecanamataxeinaem, caurimonae pana nejume cowanta xua paitawetan poxonae paca wɛn wɛn taibatsi, jei Jesús pijimonae tatsi.

<sup>18</sup> Jesús jume nota, jeye:

—Aa, bara bayatha cauri pia pentacaponaein tatsi Satanás tan xua jopeica itaboco wetsica icha yamɛxɛ ichi poxonae uncueica.

<sup>19</sup> Paxam paca catatsi taayapusɛwa painya netaxunaunabaponaewa tsane jomon yawa pɛtonno, xua jopa painya nepaca capepeichinexa. Po peayapusɛwa paca catatsi bichocono daunwei, beyacaincha painya nepaca caaitafaetabi jiton, pon cauri pia pentacaponaein pia peayapusɛwa tatsi xua xota jiwi abe exanatsi. Jiwi dapomonae aibi pomonae abe paca cana exana.

<sup>20</sup> Jopa pajɛntɛ coyene weiweinaeinde xua caurimonae pia paca jume jejeixae xua dɛɛpa poxonae paitawetame, saya jame pajɛntɛ coyene weiweinare xua Nacom painya nepaca wɛn dubixae pia diborotha itabocotha.

*Meje yabara poxonae Jesús jɛntɛ coyene weiweina exanatsi Nacom pia Pejumope tɛnaxɛ tatsi*  
(Mt 11.25-27; 13.16-17)

<sup>21</sup> Bara caena bapoxonae Jesús jɛntɛ coyene weiweina exanatsi Nacom pia Pejumope tɛnaxɛ tatsi. Jesús namchi, jeye: “Axa peitaboco Necanamataxeinaem, yawa ira Necanamataxeinaem. Wɛnae cajaintatsi tsipei jopa tsita itɛbim pocotsiwa pexainyei coyenewa xan yabara pomonaetha pomonae bichocono penacuidubiwi pomonae be pinyon penatsicotaewi tsipei nanta xeina xua bichocono peyaputaewi daxita. Jame nama tsita itɛtame barapo pexainyei coyenewa xan yabara pomonaetha pomonae jopa bichocono penacuidubiwi pomonae be pexui penatsicotaewi tsipei jopa nanta xeinaeyo xua bichocono peyaputae jiwi daxita. Axa baxua exaname necatsita xanepanaexae baxua”, jei Jesús Paxatha.

<sup>22</sup> Equeicha Jesús pijimonae barai pomonae xua setenta y dos poyobe, jeye: “Taxa daxita necata xua pia peitorobi coyenewa tatsi mataɛtano xua pia peyaputae coyenewan tatsi. Dapon aibi pon xaniwaicha nejɛntɛ cui coyene yaputane. Jame saya meisa Taxa Nacom, nejɛntɛ cui coyene yaputane. Dapon ajibi pon Taxa jɛntɛ cui coyene yaputainchi ichɛn, saya meisa Taxaxae jɛntɛ cui coyene yaputan. Mataɛta barichi Taxa meisa jɛntɛ coyene yaputainchi pon saya bara copatan xua bara Taxa pejɛntɛ cui coyene yaputaewa tsainchi pomonae ichichipan”, jei Jesús.

<sup>23</sup> Nexata Jesús pijimonae napatomeicha necota pomonae xua doce poyobe. Meisa barapomonaebetha barai, jeye: “Jɛntɛ coyene weiweina pomonae xua tane, pocotsiwan xua pataneme.

<sup>24</sup> Poxoru paca tsipaebatsi, xua Nacom pia peitorobi jume pepaebi jiwimonae iru nacuan peewatsiwimonae, pomonae bayatha napenta barapomonae bequein betaena pocotsiwa pataneme ichitha jopa taeyo. Mataɛta barapomonae bequein bejume taena pocotsiwa pajume taneme ichitha jopa jume taeyo”, jei Jesús.

*Meje yabara poxonae Jesús yabara paeba Samaria nacuapin, pon wɛnae exana*

<sup>25</sup> Nexata irɛrɛ pon jiwi pecuidubin Moisés pia peitorobi coyene tatsi, barapon Jesús piraichi jɛntɛ coyene jɛjɛtsiya yainyabatsi xua barapon pejume barabotsinexatsi. Barapon Jesús jeichichi:

—Ja Tanecuidubim, ¿eta xua copiya matha exanocuaein xua ajɛntɛyapususya tapoponaewa tsane xua ataya tsane? jei.

<sup>26</sup> Jesús jume nota, jeye:

—¿Eta xuara xua barapo Moisés pia peitorobi coyene diwesitha tina? ¿Eta xua yabara yorobame barapo diwesitha? jei Jesús.

<sup>27</sup> Pon jiwi pecuidubin Moisés pia peitorobi coyene bapon Jesús jume notatsi, jeye:

—Antobeinde jinya Necanamataxeinaein, bapon Nacom, daxita xua nejantꞫ coyene wetsina, mataꞫtano xua daxita jinya nepoponae coyenewatha, mataꞫtano xua nanta xeiname, daxita xua nenanta xeinaewatha nentasiþatha, mataꞫtano daxita xua nedaunwei coyenewatham, mataꞫtano antobeinde necatsicuarabꞫ ecaein icha ichim xua naantobem jinya coutha, jei pon jiwi pecuidubin Moisés pia peitorobi coyene.

<sup>28</sup> Nexata Jesús jume nota, jeye:

—Bara beta nejume notame. Icha baraxua exanaename peajantꞫyapꞫꞫwa xeinaename po peajantꞫyapꞫꞫwa xua ataya tsiteca, jei Jesús.

<sup>29</sup> Ichitha pon jiwi pecuidubin Moisés pia peitorobi coyene tatsi, barapon awiya nanta xeina nawita, pia jiwi nanta xeinaetsi xua bapon xeina pexeinya peyainyabiwa. Bapon Jesús yainyabatsi, jeye:

—¿Jintam barꞫ pomonae tanetsicuarabꞫ enaewi? jei.

<sup>30</sup> Nexata Jesús jume nota, jeye:

—IrꞫꞫ pebin Jericó tomara bereca pona, Jerusalén tomara namtotha weya pona. Poxonae awiya namtotha ecapona jemeicha waetabatsi pomonae jiwi pecaibiwi. Barapon daxita wecobe notatsi xua pocotsiwa xeina, yawa bꞫtsi. Barapomonae aichurubena, tsica cuiyotha copatabatsi.

<sup>31</sup> Bapoxonae irꞫ sacerdotemonaepin barapo namto ecapona. Poxonae barapon yasusꞫinya taebotatsi sacerdotemonaepin tajꞫ matawacaicha toquetaba.

<sup>32</sup> IrꞫ levimonaepin baxoyo ecapona, bapon irꞫ tajꞫ matawacaicha toquetaba poxonae yasusꞫinya taebota.

<sup>33</sup> Ichitha Samaria nacuapin baxoyo irꞫ ecapona poxonae yasusꞫinya taebota, yabara najantꞫ coyene xeinanareca peyawenaenexa.

<sup>34</sup> Nexata Samaria nacuapin imoxoyo caquita uncuataba pon yasusꞫinya boca. Bapon wan yawꞫbecapona penasiwatha vino merathano. Bapoxonae paparuwatha wan yarabecapona. Bapoxonae burrotha cuaretsica piyꞫntha. BomꞫꞫ beya capona ichaxota jiwi maiteibathopa. Baxota xanepanaeya bota.

<sup>35</sup> Bapoxonae baya poxonae juntucuru Samaria nacuapin ponaenaba, pita ainya paratixi. Bapoxonae cata pontha pon bo pexeinaein. Samaria nacuapin barai pontha pon bo pexeinaein: ‘Barapon beta xanepanaya bore. Icha paratixi seicanaya, equeicha bexa cacatsinchi poxonae caewa denan tsane’, jei Samaria nacuapin, jei Jesús.

<sup>36</sup> Equeicha Jesús namchi, jeye: “Barapo acoibi poyobe jiwana, ¿jintam yabara cananta xeiname xua wꞫnae exana xua peantobexaetsi pon waetabatsi pomonae jiwi pecaibiwi, yawa xua bꞫtsino?” jei Jesús.

<sup>37</sup> Pon jiwi pecuidubin Moisés pia peitorobi coyene tatsi, bapon Jesús jume notatsi, jeye:

—Pon xua yabara najantꞫ coyene xeinanareca xua peyawenaenexa, jei bapon.

Jesús jume nota, jeye:

—Ponare, icha pocotsi coyeneya Samaria nacuapin ichi barichiya exande, xanepanaya exande ichamonaetha, jei Jesús.

### *Meje yabara poxonae Jesús, Marta yawa María siwa poinchibe*

<sup>38</sup> Jesús pijimonae cataunxuae barꞫ ecapona namtotha Jericó tomara beya barꞫ pona. Pijimonae barꞫ patopa tsica tomariyotha ichaxota petsiriwa popona powa pewꞫn Marta. Barapowa Jesús matenta weyataeya wabatsi pia botha.

<sup>39</sup> Marta peyapiyo nantaꞫta powa pewꞫn María. Barapowa María Jesús caquita ecatsi xua Jesús pejume taenexatsi pocotsiwa paeba.

<sup>40</sup> Ichitha Marta enatsi pia penacuichiwa xua Jesús tsiexanatsi pexaewa xuano xua pijimonae tatsi nexano. Barapowa pona Jesús beya, namchi, jeye:

—Tanecanamataxeinaem, ¿jopa taem xua tayapiyo necopata xua compa nacuitan? Awiya bobena penacuichiwan. Itorobare bꞫ neyawena, jei Marta.

<sup>41</sup> Ichitha Jesús jume nota, jeye:

—Marta, caenauya jinya nenacuichiwan xua pocotsiwa xua ichichipame neex-anaewa.

<sup>42</sup> Saya cae coyene ainya cui xua xam nantawenoname pocotsiwa xua María exana xua barompaya itapeta xua wɛnae exana poxonae nejume tayeca. Jiton dapocotsin aibi xua pon María jɛntɛ coyene weaichurubena exainchi xua nejume tayeca, jei Jesús.

## 11

*Meje yabara poxonae Jesús pijimona yabara cuiduba xua Nacomtha petsipaebiwa (Mt 6.9-15; 7.7-11)*

<sup>1</sup> Caentacabi Jesús tsipaebauya Nacom ichawatha. Jesús najume weta, bapoxonae pijimona tatsi jiwana poyobe xua doce poyobe Jesús baraichi, jei:

—Jesús, Patatanecanamataxeinaem, pana necuidubare xua Nacomtha pata tsipaebiwa, icha Juan ichi xua pijimona cuiduba, jei bapon.

<sup>2</sup> Jesús barai barapomona, jeye:

—Poxonae Nacom patsipaebame, pajande:

‘Pata Taxam xam ponxaem peitabocotha athabeicha neecaein.

Barabɛ daxita jiwi cabarɛ cui itura jina nejɛntɛ coyene wɛnaewa nexainaexae.

Barabɛ jopaena matakabi po matakabi xua poxonae xam jiwi itorobiya canamataxeinaename barapo cae pin nacuathe.

<sup>3</sup> Daxita matakabin pexaewa pana catsibeibare po pexaewa daxita matakabi pata canantawenonaewa.

<sup>4</sup> Pana neyabara cui cana jɛntemainare xua abe pata catsita exanaewatsi.

Bapoxonae pana neyabara cui cana exanare xua jopa equeicha pata catsita natsicuentsiwatsi

tsainchi xua abe pata catsita exanaewatsi.

Baraxua painta exande icha paichin ichamonaetha.

Tsipei paxan copiya payabara cui cana exanan xua ichamona jopa pana netsita natsicuentsiyo xua abe pata tanetsita exanaewa.

Jopa pana copatsinde xua abe pata exanaewa

tsane poxonae jiwi pana nejɛntɛ coyene

jajɛta xua abe pata exanaewa tsane’,

pajande poxonae Nacomtha patsipaebame, jei Jesús.

<sup>5-6</sup> Equeicha Jesús barai, jeye:

—Metha beya tsipae xua caein paxam jiwana bapon nantaɛta pon peyaputaeinchi. Bapon pia peyaputaeinchi beya pona papaetha. Pia peyaputaeinchi barai: ‘Tamo, cacowaetatsi acoibi po panbe, yaitama icha taneyaputaein patopa pon anoxuae warapa tabo berena. Jopa xeinaeinyo xua taapatsiwa bapon’, jei pebin.

<sup>7</sup> Metha pon bomɛxɛ tututha boca bapon jume notsipa, jei tsipae: ‘Jopa nejume fayacotsinde bomɛxɛ boupa daunwei, tapexui barɛ maituncuan camatha. Jopa benontaponaeyo xua pan tacacatsiwa tsane’, jei tsipae pon bomɛxɛ tututha boca.

<sup>8</sup> Paca tsipaebatsi bequein bapon bomɛxɛtha jopa benontaponaeyo, bequein bara pia peyaputaeinchi, daichitha cata poxoru jume fayacotatsi pia peyaputaeinchi. Mataɛtano cata daxita xua pia peyaputaeinchi nantawenona.

<sup>9</sup> Daxota paca tsipaebatsi. Matowa pawucare Nacom, bapoxonae paca catsibina pocotsiwa xua pawucame. Baraxua matowa paexande icha paichim poxonae matowa pajeiteibame beya poxonae pataebame, yawa icha paichim poxonae matowa pawawam bomuxutha beya poxonae ichun paca jume nota.

<sup>10</sup> Tsipei pon matowa wuca ichun bara catatsi. Tsipei pon matowa necoba, bara taeba. Tsipei pon bomuxu pecoibototha matowa wawai bara tacoibo sarana xorenatsi yawa jume notatsino.

<sup>11-12</sup> “Paxam pomonae pexui paxeiname paca yainyabatsi. Poxonae painya pexui paca wuca duwei, ¿painya pexui pacatsipame jomo? Jume. Ichacuitha tsipae poxonae painya pexui paca wuca petobu, ¿painya pexui pacatsipame puto? Jume, jopa baxua paraichim tsane.

<sup>13</sup> Bara bequein peajuntucoyenebe jiwi pam, ichitha paxam payaputaneme xua pewunaewan painya pexui pacatsibeibame. Ichitha nama Nacom painya axa jopa juniya paca catsiyo Nacom pia Pejumope tuxaxu tatsi poxonae pawucame. Nacom paca cata beyacaincha poxonae painya pexui pacatsibeibame poxonae paca wuqueiba”, jei Jesús.

*Meje yabara poxonae Jesús baraichi xua pinae xeina Beelzebú pia peayapusu itorobi coyenewa tatsi*

*(Mt 12.22-30; Mr 3.20-27)*

<sup>14</sup> Iruru Jesús taitawetauya cauri xua pebin muxusipana exainchi. Poxonae cauri pebin wepu poinchi, bapoxonae pebin equeicha paeba. Jiwi yabara najuntu coyene cabenaeca poxonae baxua tane.

<sup>15</sup> Ichitha ichamonae namchi: “Bapon caurimonae itawetatsi apara pexeinaexae Beelzebú pia peayapusu itorobi coyenewa tatsi pon caurimonae pia pentacaponaein tatsi”, jei barapomonae.

<sup>16</sup> Ichamonae Jesús wucatsi: “Pana netsita itare peituxanaewa xua peitaboco wetsica jopeicaena”, jei. Barapomonae baxua paeba poxoru ichichipa xua Jesús tsita itatsina, pia yaputaetsi icha barapon pon yatsicaewa Nacom itoroba.

<sup>17</sup> Ichitha Jesús yaputane xua barapomonae nanta xeina. Jesús barai:

“Icha cae nacuariwi nawepu tsatabe xua matauta nababe, bapoxonae jopa xaexaenaecaeyo. Matauta iruru icha cae bo matabuxuyomonaebe nababe yawa nawepu tsatajopabe, bapoxonae jopa xaexaenaecaeyo.

<sup>18</sup> Barichi icha Satanás pijimonae tatsi nawepu tsatajopabe matautano xua nababe bapoxonae jopa xaexaenaecaeyo. Satanás jopa itacupaetsi xua itoroba pijimonae tsipei amsiya exana. Baxua paca tsipaebatsi tsipei naerabiya pana baram: ‘Apara bapon cauri itaweta Beelzebú pia peayapusu itorobi coyenewa tatsi pexeinaexae pon cauri pia pentacaponaein tatsi’, pana neyabara jam.

<sup>19</sup> Icha Beelzebú pia peayapusu itorobi coyeneya tatsi cauri itawetan pon cauri pia pentacaponaein tatsi, ¿nexata eta po peayapusu itorobi coyeneya tatsi painyamonae cauri itaweta? ¿Iuru barapomonae cauri itawetatsi Beelzebú pia peayapusu itorobi coyeneya tatsi? Daxota painyamonae paca yaputane xua apara paxam panaerabame.

<sup>20</sup> Ichitha nama xan cauri itawetan Nacom pia Pejumope tuxaxu tatsi pia peayapusu itorobi coyenewatha tatsi xua barapo pia pejumope tuxaxu tatsi tanecatsixae. Baxua apara paca tsipaebatsi painya neyaputaenexa, xua painya xantha patopan ponxaein Nacom Tananeitapetsin.

<sup>21</sup> “Pebin ba pon bo pexeinaein pon xua maxu daunwei, bapon nayanaba xua xuan peopi sojeiwan. Daxota pocotsiwan xua xeina pia botha bara xaniwaicha tabobeinchi.

<sup>22</sup> Ichitha icha ichun patopa pon beyacaincha maxu daunwei, bapon ba nawita yawa caiba barapo peopi sojeiwan xua xuan bomuxu pexeinaein nanta xeina xua

barapocotsiwantha bara xaniwaicha nayaewata. Poxonae barapo peopi sojeiwan bapon caiba tatsana ichamonae bichocono pematataeuncuaexae.

<sup>23</sup> “Pomonae jopa neyawenaeyo, barapomonae apara inta abe exana. Barapomonae exana xua ichamonae jopa tana nejume cowantsiwa tsane. Barapomonae jopa neyawenaeyo xua ichamonae nenacaetutsina tajiwiwimonaexae tsane”, jei Jesús.

*Meje yabara poxonae Jesús yabara paeba cauri xua caewa nauyata pebintha (Mt 12.43-45)*

<sup>24</sup> Equeicha Jesús namchi, jeye: “Poxonae pebin wepu poinchi cauri, bapoxonae cauri pona wexotha ichaxota ira tsewa pepoponaenexa tsane baxota. Ichitha poxonae jopa caxinaeyo xua ichaxota pepoponaenexa bapoxonae bapon nabarai: ‘Tha caibeya ponaetsi pebin beya ichaxota bayatha wepu ponan’, jei cauri.

<sup>25</sup> Poxonae caibeya pona cauri caxina, pebin caxinatsi xua xanepanaya popona.

<sup>26</sup> Nexata equeicha cauri pona pebin weya. Pirapaeyo bapon barapata siete poyobe cauri pomonae bichocono abe, beyacaincha bapon pon copiya. Daxita barapo caurimonae pebin xeina. Anoxuae bapon nama yatsicaya bichocono abe cana exainchi beyacaincha poxonae copiya abe cana exainchi poxonae saya caein”, jei Jesús.

*Meje yabara poxonae Jesús yabara paeba po coyene pepa pejantsi coyene weiweinaewa*

<sup>27</sup> Poxonae Jesús cataunxuae cueicueijeji tsuncuae barapo diwesi, baxota pin bicheitha petsiriwa jume daunwei wawai Jesustha, jeye:

—jMaisa ena jantsi coyene weiweina powayo xua bayatha caexana yawa xua mito caapatano! jei petsiriwa.

<sup>28</sup> Ichitha Jesús barai petsiriwa, jeye:

—jBequein barichi, jame yatsicaewa jantsi coyene weiweina pomonae jume tane xua Nacom paeba xuano xua exana pocotsiwa Nacom itoroba! jei Jesús.

*Meje yabara poxonae pomonae peajantsi coyenebe jiwi Jesús cui itorobatsi xua peexanaewa tsane pexeinya petsita itantsi coyenewa (Mt 12.38-42; Mr 8.12)*

<sup>29</sup> Jesús imoxoyo matawacaicha umenatsi pin bicheito. Jesús barai barapo pin bicheito, jeye: “Jiwi pomonae anoxuae jinompa barapomonae peajantsi coyenebe jiwi. Barapomonae necui itoroba xua bepa pinae tsita exanaein tatsita itantsi coyenewa xua pexeinya coyenewa. Ichitha jopa exanaein tsane icha tatsita itantsi coyenewa xua pexeinya coyenewa, saya meisa exanaein icha bayatha janta coyene cana ichichi Jonás pon Nacom peitorobi jume pepaebin, pon caena bayatha tupa.

<sup>30</sup> Caena bayatha Ninive tomarapiwi Jonás yaputainchi pon Nacom peitorobi jume pepaebin xua po coyene bapon Jonás Nacom peitorobinchi, tsipei Nacom bichocono Jonás ainya cui exanatsi. Xan ponxaein Nacom Tananeitapetsin Nacom ainya cui neexana. Daxita jiwi pomonae anoxuae jinompa barapomonae neyaputane po coyene xua xan Nacom neitorobica peitaboco wetsica.

<sup>31</sup> Matabi patopeicaena po matabitha Nacom yabara paebina jiwi xua penatsicuentsiwa daxita peperaxa exanaenexa xua abe peexanaexae. Barapo mataqueitha tsane petsiriwa powa caena bayatha tupa, bapowa asiya uncuaena Nacom peitabaratha tatsi. Barapowa pia nacua, nacuapiwayo, po nacua pocotsiwa parowa bereca taju bereca eca. Barapowa pia nacuapiwi tatsi itorobiya pia pepa peewatsiwayo. Barapowa yabara cueicueijeji tsane pomonae xua anoxuae jinompa poxonae uncuaena Nacom peitabaratha tatsi. Jei tsane bapowa: ‘Maisa pomonae xua jinompa poxonae Mesías popona po irathe deque, barapomonae abe bichocono peexanaewi tsipei ajantsi coyenefaetabiya jume tane pocotsiwa Mesías cuiduba bequein Mesías bichocono peyaputaenin’, jei tsane barapowa. Barapowa baxua paebina poxoru bapowa bayatha taju werena pona pesiwa ponaenexatsi Salomón, pon caena bayatha Israel nacuapiwi



itorobiya pia pepa peewatsinchi. Bapowa yaputane xua Salomón bichocono peyaputaen xua Nacom peyabara yaputaewatsi. Daxota bapowa ichichipa xua pecuidubinexatsi xua Salomón pecuidubinexa Nacom yabara. Nama xote uncuanje ponxaein taexanaein pocotsiwa pepa peainya cui coyenewa xua tacuidubin daxita jiwitha xua Nacom yabara. Barapocotsi coyenewa toxeinchiya ainya cui coyenewa beyacaincha po cui coyene Salomón exana poxonaen cuiduba xua barapowa cuidubatsi xua Nacom yabara.

<sup>32</sup> Barichi barapo matabitha Nínive tomarapiwi pomonaen caena bayatha jinompa barapomonaen abeya paca yabara paebina poxonaen umenaena Nacom peitabaratha. Barapomonaen baxua exanaena tsipei barapo Nínive tomarapiwi icha jüntu coyene xeina Nacomtha peauraxae xua abe exana caena bayatha poxonaen Jonás muxuwetsiya tsipaeba barapomonaetha Nacom pia pexeinya jume diwesi tatsi. Ichitha paxam jopa bara paichim, jopa icha jüntu coyene paxeinaem. Nama apara xote uncuanje ponxaein taexanaein pocotsiwa pepa peainya cui coyenewa xua tacaponaewa Nacom Pejume Diwesi daxita jiwitha. Barapocotsi coyenewa toxeinchiya ainya cui coyenewa beyacaincha Jonás po cui coyene exana poxonaen Nacom Pejume Diwesi capona Nínive tomarapiwitha”, jei Jesús.

*Meje yabara poxonaen Jesús yabara cuiduba jiwi po coyene xanepanaya peexanaewa pejüntu coyene wetsina*  
(Mt 5.15; 6.22-23)

<sup>33</sup> Jesús namchi jiwitha jeye: “Jiton dapon aibi pon pecoicha cueicha exana xua quirei pebuxu pana wetsina, yawa xua cueicha matabateta cajatha. Jume, jame, asiya cueicha exanatsi xua pecoicha taenexa pomonaen jojoneibarena.

<sup>34</sup> Pecoicha ba yonoyonei merawi painya nepaca cayawenaenexa xua beta painya netaewa tsane quireitha. Barichi painya itacuereton painya nepaca cayawenaenexa xua beta painya netaewa tsane. Icha painya itacuereton wunaen bara beta pataneme. Ichitha icha painya itacuereton abe jopa beta pataetsipaem. Barichiru painya jüntu coyenewan xua painya nenanta xeinaewan. Icha painya jüntu coyenewan xanepanaetsipa bara beta Nacom payabara najüntu coyene xeinaetsipame. Ichitha icha painya jüntu coyenewan jopa xanepanaetsipae jopa beta Nacom payabara najüntu coyene xeinaetsipaem.

<sup>35</sup> Painya jüntu coyenewan paca cana exanaetsipa xua bichocono abe paexanaetsipame daxota dota pam. Painya xoba merawi paponame icha jopa paxeinaem xua peyonoyoneiwa poxoru cotacaya panapapeichipame. Barichi pam, painya xoba pajinompame icha jopa paxeinaem xua pocotsiwa beta painya neyabara nanta xeinaewa Nacom poxoru cotacaya abe paexanaetsipame.

<sup>36</sup> Icha painya jüntu coyene wunaen, xuano xua jopa paxeinaem peabe coyenewa painya jüntu coyenewa, bara xaniwaicha Nacom payabara yaputaneme icha poxonaen pecoicha paca cana ichi xua beta pataneme”, jei Jesús.

*Meje yabara poxonaen Jesús muxuweta jiwi fariseomonaen iru pomonaen jiwi pecuidubiwi Moisés pia peitorobi coyene tatsi barapomonaen pecuiyainwa tatsi*  
(Mt 23.1-36; Mr 12.38-40; Lc 20.45-47)

<sup>37</sup> Poxonaen Jesús najume weta, fariseomonaen jiwanaepin Jesús wabatsi xua petaxaenexa tsainchi pia botha. Jesús joniya yawa ecoundeca pexaethopaewatha.

<sup>38</sup> Fariseomonaen najüntu coyene cabenaecaeya necotecataba xua Jesús jopa matha tsiwanaya penacobe quiatsiyoxae poxonaen xane icha judiomonaen ichi, xua saya pia cui coyene tatsi xua barapomonaen nanta xeina icha jopa matha nacobe quiatsiyo Nacomtha natsicuentisipa.

<sup>39</sup> Nexata Jesús pon Pecanamataxeinaenxae jiwi, fariseomonaepin baraichi:

—Paxam fariseomonaepiwi pam, paxam jopa ba juniya paexaneibim poxonae meisa panaperu iquicame. Daichitha bupana iya painya juntu coyenetha pecaibi coyene paxeiname, peuwi coyeneno paxeiname. Be barapocotsi jiwi pam, pocotsimona coroton saya matawacaicha iquica yawa paratonno, ichitha atutuxaira bichocono.

<sup>40</sup> Jopa peyaputae jiwi pam. Nacom exana wapepon yawa exana wajuntu coyenewa. ¡Baxua payaputanemeba!

<sup>41</sup> Xua xoxi paxeineibame matha abu copiya pajiwana tsabeibare pomonae peacopeibiwi nexa. Bapoxonae xua xoxi nacopabeiba baxua panata copabeibare. Icha bara paichim tsane, bara xaniwaicha pajuntu coyene xanepaname Nacomtha. Yawa jopa panantawenonaem xua pana nacobe iquiqueibame jiwi peitatha xua be panatsicotaneme pocotsi pebin pejantu coyene wunaein.

<sup>42</sup> Equeicha Jesús namchi, jeye: “¡Paxam fariseomonaepiwi pam tsobenae, xua peperaxa peru jubuwa bexa paxeinaename! Daxita xua painya neubiwa Nacom pacatsibeibame caewaxi poxonae diez xoyobe paxeineibame. Iru xua tsiwaxino pacatsibeibame. Bequein baxua paexaneibame ichitha Nacom jopa paantobem. Matauta ichamonae jopa xapain pata exanaem. Bewa paexanaem xua Nacom pacatsibeibame caewaxi poxonae diez xoyobe paxeiname. Yawano bewa paantobem Nacom. Yawano bewa xainyeya paexanaem jiwitha”, jei Jesús fariseomonaepintha.

<sup>43</sup> Bapoxonae Jesús fariseomona barachi, jeye: “¡Paxam fariseomonaepiwi pam tsobenae! Bexa paxeinaename xua peperaxa peru jubuwa. Paxam paichichipeibame xua painya nenanta caeneibiwa pexeinya peenaewantha judiomonae pia penacae-tutsi botha po peenaewan ichaxota enathopeiba pomonae ainya cui penaexanaewi. Matautano paichichipeibame xua jiwi paca wuna jainteiba poxonae paca jacobanamtota, xua jiwi painya nepaca baru itura jinaenexa”, jei Jesús.

<sup>44</sup> Equeicha Jesús namchi, jeye: “¡Moisés pia peitorobi coyene tatsi, jiwi pecuidubiwi pam tsobenae! ¡Iru fariseomona pam tsobenae! Poxonae jiton ba pona namtotha jopa tsaqueinaeyo xua jiton piwa baxoyo bocareca matha deca, xua peayeiwa poxoru jopa wunaeyo. Paxam bara paichim. Jiwi imoxoyo paca caquita pona jopa tsaqueinaeyo xua pocotsiwa painya juntu coyenetha pananta xeiname xua abe xua jopa pecui wunaewiyo”, jei Jesús.

<sup>45</sup> Nexata pomonae jiwi pecuidubiwi Moisés pia peitorobi coyene tatsi, barapomonae jiwana caein bapon Jesús barachi, jeye:

—Jiwi Necuidubin, poxonae baxua paebame, apara iru pana neyabara jam poxonae catsawiya paebame, jei.

<sup>46</sup> Nexata Jesús jume nota, jeye:

—¡Iru paxam Moisés pia peitorobi coyene tatsi jiwi pecuidubiwi pam tsobenaem! Tsipei paxam ichamonae paitorobame xua capona pocotsiwa arewe pocotsiwa jiwi bapana jopa itacupaetsi xua pecaponaewa, ichitha paxam jopa pata yoichaem, matauta bara cae cobesitiotha jopa pata yoichaem. Jiton ba itoroba ichantha xua pecapon-aenexa pocotsiwa jopa juniya arewiyo, xua pocotsiwa jopa itacupaetsi xua pecapon-aewa pon itoroba. Bara paichim paxam ichamonae pacuidubame xua jopa itacupaetsi xua peexanaenexa baxuan xua pocotsiwa iru xua jopa paca itacupaeyo xua painya neexanaewa baxuan.

<sup>47</sup> “¡Paxam patsobenaem! Paxam petupaewi pomonae Nacom peitorobi jume pepae-biwi payamutha acabame boutixi bequein painya amo susato jiwi juteba barapomonae.

<sup>48</sup> Poxonae baxua paexaname, ichamonae patsita itapeinya xeiname xua paxam bara iru paichichipameru pocotsiwa xua painya amo susato jiwi juteba xua barapomonae pomonae Nacom peitorobi jume pepaebiwi jutebatsi. Daxota barapo petupaewi payamutha acabame boutixi.

<sup>49</sup> “Daxota Nacom peyaputae jumetha namchi: ‘Itorobicaein barapomonaetha taitorobi jume pepaebiwi iru pomonae taitorobiwi. Ichamonae pomonae taitorobi jume pepaebiwi jutebinchi. Ichamonae pomonae taitorobi jume pepaebiwi abe exanaeinchi. Ichamonae, pomonae taitorobiwi jutebinchi. Ichamonae, pomonae taitorobiwi abe exanaeinchi’, jei Nacom peyaputae jumetha”, jei Jesús.

<sup>50</sup> Equeicha Jesús namchi, jeye: “Pomonae anoxuae jinompa Nacom cana exanaena xua barapomonaer peraxa jubebinchi petsitaxaetsi xua barapomonaer penatsicuentisiwa xeina, tsipei jiwi juteba xua Nacom peitorobi jume pepaebiwi jutebatsi caena bayatha xua weya xua poxonae Nacom aena forota barapo cae pin nacue.

<sup>51</sup> Painya amo susato jiwi jujutebapona xua pomonae pejuntu coyene xeicae jiwi jutebatsi. Copiya matha Abel bexotsi beya poxonae iruru Zacarías bexotsiru. Barapon Zacarías pabexubame Nacom pin pia botha ichaxota xua barapo bo tututha naitama taeuncuabe xua be pexaethopaewa xua ichaxota duwei tauteiba Nacom nexa iru ichaxota po tutu yatsicaewa Nacom pia tutu. Daxota paca tsipaebatsi Nacom cana exanaena xua daxita paxam pomonae anoxuae pajinompame paca peraxa jubebina tsipei Nacom patsitame xua paxeiname penatsicuentisiwa xua painya amo susato jiwi pejutebixae barapomonaer”, jei Jesús.

<sup>52</sup> Equeicha Jesús namchi, jeye: “iPaxam jiwi pecuidubiwi pam tsobenaem xua Moisés pia peitorobi coyene tatsi! Paxam ayapube paexaname xua jiwi peyaputaewa Nacom Pejume Diwesi poxoru icha caununaya pacuidubame, xua jopa xapain pocotsiwa Nacom paebiyo. Paxam jopa pajume cowantsim Nacom matauta jopa pacopatsim xua ichamonae iru pejume cowantsiwa Nacom”, jei Jesús.

<sup>53</sup> Poxonae Jesús baxua paeba poxonae cataunxuae jopa natsixatabiyo, fariseomonaer iru pomonae jiwi pecuidubiwi Moisés pia peitorobi coyene, daxita barapomonaer Jesús bichocono casebatsi. Barapomonaer Jesús muxu fayacotatsi xua yainyabatsi nawita, peamuxuconae exanaenexa tsainchi.

<sup>54</sup> Barapomonaer Jesús piraichi matowa yainyabatsi peyaputaenexa icha Jesús ajumbeya jume bara botsina.

## 12

*Meje yabara poxonae Jesús yabara cueicueijej jiwitha xua fariseomonaer itara beta paeba ichitha jopa xapain exanaeyo*

<sup>1</sup> Poxonae cataunxuae Jesús cueicueijej tsuncuae, bapoxonae ayei jiwi nacaetutapona Jesththa. Jiwi nataxu taxunaunaba. Jesús tamropata pitaba xua cueicueijej jiwitha. Copiya matha Jesús pijimonaer tsipaeba, jeye: “Dota pam jopa pajume naitaewatsinde fariseomonaer pia pecuidubi coyenewa tatsi xua painya nejume cowantsiyainwa. Barapomonaer itara beta paeba ichitha jopa xapain exanaeyo.

<sup>2</sup> Daxita diwesi xua po diwesi bequein anoxuae jiwi jopa yaputaeyo, bexa yaputaena. Pocotsiwa jiwi abe nameicha exana daichitha ichamonae bexa yaputaeponaena baxua.

<sup>3</sup> Paxam xua po diwesi merawi nameicha pana natsipaebame, barapo diwesi ichamonae mataqueitha jume taena. Matautano pocotsiwa paxam aisawatha pana namuxu paxapaxeya tsipaebame, barapo diwesi ichamonae panatha paca jume canawabiya wawai tsane”, jei Jesús.

*Meje yabara poxonae Jesús yabara paeba xua pontha bewa ba jiwi cuitaya cunuwina (Mt 10.26-31)*

<sup>4</sup> Equeicha Jesús pijimonaer barai, jeye: “Tamonaer paxam paca tsipaebatsi jopa pacuitaya cunuwinde pomonae xua itacupatsi xua paca necajutebiwa xua meisa painya pepontha. Ichitha barapomonaer jopa itacupaetsi xua equeicha paca jumopein tnanaxu jutebina.

<sup>5</sup> Ichitha yabara paca tsipaebatsi pontha jame bewa pacuitaya cunuwim, bapon apara jame Nacom. Tsipei bapon itacɥpatsi xua painya nepaca bebaiwa pin isototha po pin isototha jopa bapana itacounayiyo xua weraweraca painya nepaca exanaenexa painya pepon. Xaniyan paca tsipaebatsi bewa jame pacunuwim bapon Nacom.

<sup>6</sup> “Jiwi ba caenaeta siri cinco poyobe, saya ainya paratiyobe nantomata. Bequein barapo siri caenaeta jiwi xua jopa matoma nautsiyo, ichitha Nacom jopa yabara jɯntemainaeyo siri, mataɯtano caeyono jopa yabara jɯntemainaeyo.

<sup>7</sup> Iru daxita painya nentanan Nacom daxita matapaeicha paca matana ununa. Jopa pajunuwinde tsipei paxam Nacom bichocono patsita ainya cuim beyacaincha siri”, jei Jesús pijimonaetha.

*Meje yabara poxonae Jesucristo yabara paeba xua pomonae peyabara paebiwichi ichamonaetha peitabaratha tatsi*

(Mt 10.32-33; 12.32; 10.19-20)

<sup>8</sup> Equeicha Jesús namchi pijimonaetha, jeye: “Yabara paca tsipaebatsi pomonae xua nayopita ichamonaetha, pomonae xua najei: ‘Apara paxan Jesús pijimonaetha tatsi pan’, najei. Barichi xan, ponxaein Nacom Tananeitapetsin xuya jan tsane matatsunpiwitha. Barapomonae apara tana nejume cowɯntsiwi, jan tsane xuya barapo Nacom pia matatsunpiwi tatsi peitabaratha tatsi.

<sup>9</sup> Ichitha pomonae xua neyabara jei ichamonaetha: ‘Jopa dapon payaitaeinyo’, jei, xan ponxaein Nacom Tananeitapetsin xuya barapomonae yabara jan tsane Nacom pia matatsunpiwi peitabaratha tatsi: ‘Apara barapomonae jopa yaitaeinyo’, jan tsane.

<sup>10</sup> “Xan ponxaein Nacom Tananeitapetsin pon abe neyabara paeba Nacom itacɥpatsi xua bapon peyabara jɯntemainaewatsi pocotsiwa bapon abe neyabara paeba. Ichitha pon nama Nacom pia Pejumope tɯnaxɯ tatsi bichocono abe yabara paebatsi Nacom jopa bapana yabara jɯntemainaetha bapon.

<sup>11</sup> “Paca caponaena judiomonaetha pia penacaetutsi bontha ichaxota nacaetuteiba pentacaponae wi. Paca caponaena pomonaetha pomonae peyabara paebi jiwi xua penatsicuentsiwa xua abe peexanaexae yawa tomara pia pentacaponae wi peitabaratha tatsi paca caponaena. Poxonae baxua paca exanaena, jopa payabara najɯntɯ coyene exabinde pocotsiwa xua painya nejume notsiwa xuano xua painya netsipaebiwa tsane barapomonaetha.

<sup>12</sup> Poxonae juntucuru pacaunutsiya paebiname, bapoxonae Nacom pia Pejumope tɯnaxɯ tatsi paca tsijume dubina pocotsiwa painya netsipaebiwa tsane”, jei Jesús.

*Meje yabara poxonae Jesús pijimonaetha yabara tsipaeba pon copei pexeinaein*

<sup>13</sup> Caein pin bicheitha, bapon Jesús baraichi, jeye:

—Jiwi Necuidubim, taeweicho inta itorobare bu necata xua tawa xua taxa pecopiniwa xua xuan taxa bayatha pana nejɯntana jeba, jei.

<sup>14</sup> Jesús jume epa pita, jei:

—Maisacai, apara dapon aibi pon necana exana xua xan tapaca yabara paebiwatsi xua painya nenatsicuentsiwa xua abe painya neexanaexae. Mataɯtano apara dapon aibi pon necana exana xua xan be pon tapacata tsabibeiwatsi pocotsiwa painya axa pia pecopiniwan tatsi, xua bayatha paca jɯntana jebeiba painya axa, jei Jesús.

<sup>15</sup> Yawa Jesús namchi, jeye:

—Dota xua asiwiya paantobem xua xoxi paxeiname. Bequein pebin copei nawita xeinaetha, ichitha barapo pebin jopa yawenaetsi xua beta pepoponaewa, jei Jesús.

<sup>16</sup> Nexata Jesús tsipaeba jiwitha pecayabara jɯta pepaebi diwesiyo, xua jeye: “Iru matha pebin popona pon copei pexeinaein. Pia pabi tatsi pexaewa tanawetatsi nawita.

<sup>17</sup> Pon copei pexeinaein nexata pia coutha nabarai: ‘¿Eta bichocuaein tsane? ¿Eta xota jebocuaein pocotsiwan pabitha notan?’ jei.

<sup>18</sup> Pia coutha najume nota: ‘Bara yaputan tha xubichi pexaewa matabon. Tha equeicha acabichi po bon bichocono pin bon. Barapo pin bontha daxita pexaewa etsin yawa etsinno daxita pocotsiwa xeinan.

<sup>19</sup> Nexata najuntũ coyene baran tsane: Bara daxita xeiname ainya wei dapaein nexa. Nafinacaecare, xaibare, apeibareno, jũntũ coyene weiweineibare’, najei xua najuntũ coyene barai pon copei pexeinaein.

<sup>20</sup> Ichitha pon copei pexeinaein Nacom barai bapon, jeye: ‘Pebin pon jopa xapain nenanta xeinaem, methaunxuae anoxuae merawi tũpaename. Daxita baxuan xua yabo notame, ¿jintam metha piawa tsane?’ jei Nacom.

<sup>21</sup> Baxua barichi pon xua saya copei yabara nanta xeina nawita pecaetubinexa. Bapon Nacom copei xeina taetha, Nacom tsitatsi xua bapon apara acopeibi, tsipei bapon pejũntũ coyene tatsi tsocuae xua Nacom jopa pejume cowũntsixaetsi”, jei Jesús.

*Meje yabara poxonae Jesús yabara cuiduba po coyene xua Nacom eena pijimona*  
(Mt 6.25-34)

<sup>22</sup> Bapoxonae Jesús pijimona tsipaeba, jeye: “Paca tsipaebatsi, jopa bichocono payabara najuntũ coyene exabinde pexaewa xua painya neuna jinompaewa tsane. Barichi jopa bichocono payabara najuntũ coyene exabinde papabũrũ xua painya pepon nexa.

<sup>23</sup> Pocotsi asũ pejinompaewa xua Nacom naca cata jame baxua ainya cui, beyacaincha pexaewa xua peuna jinompaewa. Pepon ainya cui irũ, beyacaincha papabũrũ xua pepon nexa.

<sup>24</sup> Uni payabara yaputaema. Bapomona jopa ũbiyo pabitha. Mataũtano jopa jotsiyo pocotsiwa penawetsiwa. Jopa xeinaeyo bomũxũn xua pejebinexa pexaewa. Ichitha Nacom, uni apatatsi pexaewa. Paxam nama bichocono Nacom patsita ainya cuim jame, beyacaincha peyapupunaewi xua Nacom tsita ainya cuichi.

<sup>25</sup> Dapon aibi pon paxam jiwana pon itacũpatsi xua xeinaena icha matababi xua po matababitha pepoponaewa tsane poxona tũpaena. Bequein bapon nayabara nantũ exaba nawita baxua, ichitha jopa itacũpaetsi xua xeinaena caentacabi equeicha.

<sup>26</sup> Icha jopa paca itacũpaeyo xua paexaname xua be conotha xua caentacabi nexa, ¿eta xua metha equeicha yabara panantũ exabame ichawan xua daunwei bichocono?

<sup>27</sup> “Jame pacayabara nanta xeinare pentonon xua xuwa, xua matono itũpana. Pentonon jopa nacuichiyo yawa jopa natsiexanaeyo papabũrũ penamaxatabinexa. Ichitha paca tsipaebatsi xua pentonon matono itũpana bichocono beyacaincha pocotsi paparuwa Salomón nama xatata xua pexeinya paparuwa. Bapon Salomón pon caena bayatha judiomona itorobiya pia pepa peewatsinchi pon bayatha tũpa.

<sup>28</sup> Pentonon, po matonon wexotha anoxuae xuwa, Nacom cana exana xua matono itũpana. Ichitha pebiwi baya matono tautsina ichaxota pocotsiwatha pan seba, tsipei saya pentono. Nacom cana exana xua pentonon bichocono wũnae bara bequein saya pentonon. Barichi Nacom itacũpatsi xua beta paca neca-eenaewa xua beta painya nejinompaenexa. Mataũtano Nacom paca catsina paparuwan. ¡Maisa pebiwi pam tsobena be conotha pajume cowũntame Nacom!

<sup>29</sup> Jopa payabara najuntũ coyene exabinde pexaewa xuano xua painya neapaewan yabara. Jopa panthũthũ deideijeya jinompaeinde xua ichawa pacayabara nanta xeiname.

<sup>30</sup> Tsipei barapo cae pin nacuathe jiwi, saya i baxua pecayabara najuntũ coyene exabi pocotsiwa nantawenona. Ichitha nama paxam painya Axa Nacom panantaũtame pon yaputane daxita pocotsiwa xua xoxi panantawenoname.

<sup>31</sup> Meisa saya bichocono pacayabara nanta xeinare xua painya neexanaewa xua Nacom ichichipa waba jiwi xua jiwi wabatsi xua petanaexanaenexatsi pijimona



pomonae itorobiya pecanamataxeinaexae. Icha baxua paexanaename nexata Nacom paca catsibina xua daxita pocotsiwa panantawenoname”, jei Jesús.

*Meje yabara poxonae Jesús yabara cuiduba xua pocotsiwa Nacom jiwi pejuntana jebiwatsi pia nacuatheicha*

(Mt 6.19-21)

<sup>32</sup> Equeicha Jesús namchi, jeye: “Tamonae pomonae be ovejamonae pam, painya nejunuwi jiwi pamxaem. Jopa pajunuwinde bequein bara tsiquimonaeyo pam. Painya Axa Nacom pia coya peichichipaexae pia coya paca cana exanaena pijimonae tatsi jiwana pam pomonae pejume cowantsiwichi pomonae itorobiya pecanamataxeinaexae.

<sup>33</sup> Pacaenaere xua paxeiname. Barapo paratixi pomonae acopeibiwi pacatsibare. Poxonae baxua paexaname, bapoxonae xuya Nacom athabeicha paca catsibina pocotsiwa xua painya nepaca juntana jebiwa pocotsiwa xua jopa naxubiyo. Athabeicha pecaibin jopa patopaeyo painya nepaca caibinexa pocotsiwa pajebame bara xoteicha. Matautano ofo jopa xaeyo pocotsiwa xua pajebame bara xoteicha.

<sup>34</sup> Ichaxota ba pajebame xua painya neichichipaewan baxota ba payabara nanta xeiname nawita”, jei Jesús.

*Meje yabara poxonae Jesús yabara paeba xua pinae bewa nacui wunaetichi*

<sup>35-36</sup> Equeicha Jesús namchi, jeye: “Pana najuntu coyene cui wunaere xua tapatopaewa tsane. Barapocotsi jata coyeneya paichinde, icha pomonae petanacuichiwi ichi xua nacui wunaeta, xua pon bo pexeinaein imoxoyo pepatopaexae. Bapon pon bo pexeinaein nasiwa pona ichaxota jiwi nacaetuta xua pexaenexa pexaewa poxonae pebin piowa pita. Bapon nawirena bara werena, pomonae pia petanacuichiwichixaetsi nainya tayausaranaxorenatsi pecoiboto poxonae bapon patopa pia botha. Barapocotsi jata coyeneya paichinde. Paxam panacui wunaetsiya jinompare xua tapatopeicaewa tsane.

<sup>37</sup> Poxonae bo pexeinaein patopa icha bapon tane xua pomonae pia petanacuichiwichixaetsi jopa maichiyo bapoxonae barapomonae juntu coyene weiweina. Bara xaniwaicha paca tsipaebatsi bapon pon bo pexeinaeinxae pia petanacuichiwichi cuireba pexaethopaewatha, bapoxonae apatsina pexaewa.

<sup>38</sup> Pon bo pexeinaein, bara bequein papaetha patopaetha tsipae, ichacuitha bara bequein metha patopaetha tsipae mataquei wunaeyo, ichitha barapomonae pomonae petanacuichiwi juntu coyene weiweinaetsipa poxonae bo pexeinaein tane xua jopa maichiyo barapomonae.

<sup>39</sup> Barichi payaputaema, icha bo pexeinaein yaputaetsipa xua poxonae patopaena pon jiwi pecaibin jopa maitecaetsipae. Matauta bapon jopa copatsipae xua pon pecaibin petajondenaewatsi pia botha.

<sup>40</sup> Bara paichinde. Tawanaetha pana nacui wunaere tsipei xan ponxaein Nacom Tananeitapetsin patopeicaein poxonae jopa tsaca payabara jinompaem tsane poxonae jopa payabara nanta xeinaem tsane xua tapatopaewa tsane”, jei Jesús

*Meje yabara poxonae Jesús yabara diwesi paeba ponbe xua bo peyapucaecaeinbe pon xua beta peexanaein, iru xua pon jopa beta peexanaein*

(Mt 24.45-51)

<sup>41</sup> Nexata Pedro Jesús yainyabatsi:

—Jesús, pata Tanecanamataxeinaem, po diwesi xuaunxuae pana tsipaebame, xua pecayabara jata pepaebi diwesiyo, ¿saya meisa paxan nexa? ¿Iru ichamonae nexano? jei Pedro.

<sup>42</sup> Jesús pon Pecanamataxeinaeinxae jiwi, Pedro jume notatsi pecayabara juta pepaebi diwesiyotha pepatopaewa tsane yabara, jeye: “Yabara catsipaebatsi pon mat-acapopona pomonae bo pexeinaein tanacuitatsi. Barapon xanepanaya yaputaeya mat-acapopona. Poxonae bo pexeinaein wepu warapa barapomonae, pon bo pexeinaein itoroba pontha pon bo petayapucaeaeinchi, jeye: ‘Inta beta matacapoponde, yawa inta beta pexaewa apare daxita matabi pomonae xua inta nacuita’, jei bo pexeinaein.

<sup>43</sup> Pon bo petayapucaeaein bara jantũ coyene weiweinaena poxonae patopaena pon bo pexeinaein, petaexaetsi xua bara beta tayapucaeaca bo, xuano bara beta peex-anaexae xua bo pexeinaein itoroba.

<sup>44</sup> Xaniwaicha paca tsipaebatsi. Bo pexeinaein itorobina, xua pon petayapucaeae-xaetsi bo, bapon cana exanaeinchi xua equeicha daxita piawa beta petayapu enawatsi xua xuan xeina pon bo pexeinaein.

<sup>45-46</sup> Ichitha ichacuitha pon yapucaeca bo bapon peantũcuiyapubein tsipae. Bapon pia coutha nanta xeinaetsipa, najei tsipae: ‘Metha bo pexeinaein jopa cuinaya patopae tsane’, najei tsipae. Bapoxonae bapon cueinta pomonae pon bo pexeinaein tanacuitatsi, pebiwi yawa petsiriwaxi. Mataũtano bapon nanabanaetsipa nawita ichamonae yawa cupatsi nanaexanaetsipano. Bapoxonae bo pexeinaein jemeicha patopaena poxonae pon bo petayapucaeaein jopa wũnae tsaqueinaeyo. Poxonae barapo hora tsuxubi jopa yaputaeyo yawa poxonae barapo matabi tsuxubi jopa yaputaeyo. Pon bo pexeinaein itorobina ichamonaetha xua pebenexatsi yawa peperaxa exabinexa tsainchi pon bo petayapucaeaein icha cana ichichi pomonae jopa pejume cowũntsiwi.

<sup>47</sup> “Pon bo yapucaeca, bapon bequein yaputane pocotsiwa pon bo pexeinaein itoroba xua ichichipa, ichitha jopa exanaeyo pocotsiwa itorobatsi, xua bo pexeinaein itoroba. Barapon bichocono peraxa jubinchi xua jopa peexanaexae pocotsiwa itorobatsi.

<sup>48</sup> Ichitha ichan pon bo yapucaeca jopa cono yaputaeyo pocotsiwa bo pexeinaein itoroba yawa itatemaya abe exana. Bequein jopa cono yaputaeyo yawa itatemaya abe exana, ichitha nantawenona xua peperaxa exanaewatsi be conotha, tsipei abe exana be conotha. Pon ba be conotha Nacom yabara yaputaeinchi, Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowũntsiwa tsainchi. Pon ba jopa ichipaeyo xua Nacom peyabara yaputaewatsi Nacom wepichina po coyene bapon yaputane xua beya daxota Nacom jopa pejume cowũntsiwa tsainchi”, jei Jesús.

*Meje yabara poxonae Jesús yabara paeba xua jiwi ainya bicheiton naexanaena xua Jesús pejume cowũntsixaetsi xua ichamonae jopa pejume cowũntsixae  
(Mt 10.34-36)*

<sup>49</sup> Equeicha Jesús namchi, jeye: “Patopan barapo cae pin nacuathe Nacom tana neitorobixae xua jiwi aperaxatane taexanaenexa abe peexanaexae barapo jiwi. Tap-atopaewaxae jiwi atene tsane icha be ichi poxonae barapo jiwi tautatsi isototha. ¡Maisa metha bayatha bena baxua exanocuaein barapo isoto!

<sup>50</sup> Xan barichin tsane daxita matapaeicha aperaxatanein tsane poxonae tũpaein. Awiya bichocono anthũthũrewein xua beya baxua inta exanaena.

<sup>51</sup> ¿Pananta xeiname xua xan apara patopan xua jiwi jantema pejinompaewa tsane? Apra aibi, jopa baxua tsipatopaeinyo. Apra jame patopeican taexanaenexa po coyene jiwi naba exanatsi xua daxota ainya bicheiton penaexanaewa tsane.

<sup>52</sup> Anoxuae, yawa bexa tsane cinco poyobe cae matabũxũyo xua bomũxũtha jinompa barapomonae nawepu tsatajopaenabe. Tres poyobe ita aenae-aenei tsane xua dos poyobe ita aenae-aenei tsainchibe. Nantiya barapo matabũxũyobe naita aenae-aenei tsanebe. Baxua exanaena xua ichamonae tana nejume cowũntsi jiwixae xua irũ ichamonae jopa tana nejume cowũntsixae.

<sup>53</sup> Coxiyan pexanto ita aenae-aenei tsane. Coxiyan xuya pexanto ita aenae-aenei tsainchi. Coxiwa pexantiyo ita aenae-aenei tsane. Coxiwa xuya pexantiyo ita aenae-aenei tsainchi. Irurur pamiyobe naita aenae-aenei tsanebe. Pecopeinyobe naita aenae-aenei tsanebe”, jei Jesús.

*Meje yabara poxonae Jesús diwesi paeba xua jiwi itaboco tane peitaboco yaputaenexa (Mt 16.1-4; Mr 8.11-13)*

<sup>54</sup> Yawa Jesús barai jiwitha, jeye: “Poxonae tsaquinaebowa pataneme xua pocotsiwe wejopeine: ‘Ema dawa jopeina’, pajam. Jopa jume bara duneica.

<sup>55</sup> Poxonae joibo jopa: ‘Wei imoxoyo’, pajam. Jopa jume bara coicha jopa.

<sup>56</sup> Itara mexeya pexeinya juntur coyene paxeiname ichitha peajunturcoyenebe jiwi pam. Itaboco yawa irano panaita caewatame painya yaputaetsi icha ema yawa xua icha pexeinya matabi. Ichitha jopa payabara yaputaem xua bequein peitupanaewan exanan, ichitha cataunxuae came awiya jopa payabara yaputaem po coyene xua baxua Nacom taneitorobiwa”, jei Jesús.

*Meje yabara poxonae Jesús paeba xua ichur jundur cui xanepanaya jundurtema popona cana exana xua pon peitafaetabixaetsi (Mt 5.25-26)*

<sup>57</sup> Equeicha Jesús namchi jiwitha, jeye: “¿Eta xua metha painya coutha beta jopa pana nayabara nanta xeinaem xua icha metha wurnae painya neexanaewa?

<sup>58</sup> Icha ichur bepaca itoroba paca necaponaenexa pontha pon jiwi peyabara paebin xua penatsicuentiwa xua abe peexanaexae nexata bapon patsipaebare poxonae cataunxuae namtotha paca barur ecapona xua painya nenaita coxone exanaenexa. Xain bapoxonae bapon jopa paca caponae tsane pontha pon jiwi peyabara paebin xua penatsicuentiwa xua abe peexanaexae. Tsipei icha bapon bara beya paca caponaetsipa, bapoxonae pon jiwi peyabara paebin xua penatsicuentiwa xua abe peexanaexae equeicha dabeya policiamonae beya paca itorobichipa. Bapoxonae nama policiamonae jiwi pecubi bo beya paca itorobichipa.

<sup>59</sup> Bara xaniyeya paca tsipaebatsi. Paxam jopa paca pu copabi tsane jiwi pecubi bo weya, beya abur poxonae panatsipu matomacaename daxita paratixi cuntha po paratixi xua paxeiname”, jei Jesús.

## 13

*Meje yabara poxonae Jesús yabara paeba xua ainya cui xua icha jundur coyene pexeinaewa Nacomtha*

<sup>1</sup> Barapoxonae ichamonae pata. Jesús tsipaebatsi, jeye:

—Galilea nacuapiwi Jerusalén tomaratha capata duweimonae, Nacom pin pia botha xua barapo duweimonae pejutebinexa petautsinexa xua petuxusi exanaenexa Nacom nexa. Ichitha poxonae cataunxuae baxua exanempa Galilea nacuapiwi pon Galilea nacuapiwi peyanacua ewatsinchi, pon pewur Pilato poxonae bapon baxua jume taeba, xua Galilea nacuapiwi exanempa Nacom pin pia botha, bapoxonae bapon pia soldadomonae itoroba Nacom pin pia bo beya xua pejutebinexatsi Galilea nacuapiwi. Daxita duwei jana, yawa Galilea nacuamonae jiwi jana cae jana naexananaya, jei barapomonae.

<sup>2</sup> Jesús jume nota, jeye: “¿Eta xua metha pananta xeiname? ¿Barapo pebiwi jutebatsi bichocono yatsicaya abe peexanaewixae beyacaincha pomonae abe peexanaewi pomonae jinempa Galilea nacuatha?

<sup>3</sup> Apará aibi. Icha jopa Nacom patsita xeinaem icha jundur coyene, bara paichipaem, paca weraweraca exanaetsipa.

<sup>4</sup> Ichacuitha metha pacui cananta xeiname pomonae dieciocho poyobe, pomonae bayatha bomururtha mata perababatsi xua po botha bichocono taicha po bo pewur Siloé.

¿Barapomonaē mata tsapababatsi bichocono abe peexanaexae beyacaincha pomonaē jinompa Jerusalén tomaratha?

<sup>5</sup> Apara aibi. Icha Nacom jopa patsita xeinaem icha jũntũ coyene, paxam bara paichipaem paca weraweraca exanaetsipa”, jei Jesús.

*Meje yabara poxonaē Jesús yabara paeba higuera nae xua po diwesi pecayabara jũta pepaebi diwesiyo*

<sup>6</sup> Nexata Jesús tsipaeba pecayabara jũta pepaebi diwesiyo. Bapon namchi, jeye: “Matha irũũ pebin higuera nae xeina po nae ũbanota pia pabitha. Barapo pebin pia pabitha pona pia taetsi icha yacuei dubena. Ichitha poxonaē tane jopa yacuei dubenaeyo.

<sup>7</sup> Nexata pon pabi pexeinaein tsipaeba pontha pon pabi petayapu eenaeinchi, namchi, jeye: “Taema acoibi po weibe pabitha poneiban tha bequein taibichi pethei ichitha jopa yacuei dubeneibiyo. Ũncataxore. Jopa ichichipaeinyo xua came barapo nae saya uncua ichaxota ũbanotinchi icha nae, po nae penacoichi nae”, jei pon pabi pexeinaein poxonaē tsipaeba pon pabi petayapu eenaeinchi.

<sup>8</sup> Ichitha pon pabi petayapu eenaein jume nota: “Tanentacaponnaem, abũ barapo nae uncuaena barapo weithe. Tha yaira tabaca nacuenacuena exanaetsi paraparatoha, bapoxonaē duwei petasin jebarecaetsi petabaca deca.

<sup>9</sup> Metha bapoxonaē matono dubenaetsipa icha weitha. Icha jopa matono dubenaē tsane icha weitha nexata moya beũncataxotsi’, jei pon pabi petayapu eenaein”, jei Jesús.

*Meje yabara poxonaē Jesús axaibi exana yabũyo pentaquei seicaē matabitha powayo naepasi xurutsiya pona*

<sup>10</sup> Caentacabitha judiomonaē barompaya pia pentaquei seicaē matabitha tatsi Jesús cuidubauya Nacom Pejume Diwesi judiomonaē pia penacaetutsi botha tatsi.

<sup>11</sup> Barapo botha yabũyo eca, powa caena bayatha atene dieciocho po weiyobe. Barapowa naepasi xurutsiya pona. Barapowa xua juntucuru epasi boipana ajibi.

<sup>12</sup> Poxonaē barapowa Jesús tane, Jesús waba barai, jeye:

—Yabũyo anoxuae jopa neraichiwa, bayatha wũnaem, jei Jesús.

<sup>13</sup> Nexata barapowa Jesús pecobetha jayaba. Bapoxonaē yabũyo epasi naroitaba yawa barapowa wũnae jainta, Nacom wũnae jaintatsi.

<sup>14</sup> Ichitha pon pecanamataxeinaein judiomonaē pia penacaetutsi bo tatsi, bapon Jesús casebatsi xua axaibi peexanaexae pentaquei seicaē matabitha. Bapon barai jiwitha, jeye:

—Bara irũ seis po matabibibe xua be cae semanatha tsopeibi xua barapo matabibintha benacuitatsi. Jame barapo seis matabibintha moya papare xua axaibi painya nepaca exanaewa tsane. Nama jopa papatsinde pentaquei seicaē matabitha, jei bapon pon pecanamataxeinaein judiomonaē pia penacaetutsi bo tatsi.

<sup>15</sup> Bapoxonaē Jesús jume nota, jeye:

—Itara mexeya pexeinya jũntũ coyene painya nexenaewi ichitha peajũntũcoyenebe jiwi pam. Ichitha paxam irũ panacuitame pentaquei seicaē matabitha. Burro ba payama isanaxubame, bueyno ba payama isanaxubame painya apatsinexa mera pepa mene beya barapo pentaquei seicaē matabitha.

<sup>16</sup> Barapowa powayo Abraham pia pemomoxi susatopiwi jiwanawayo tatsi. Barapowa caena bayatha atene exanatsi. Satanás atene exana dieciocho po weyobetha. Daxota irũũ barapowa xan axaibi exanan pentaquei seicaē matabitha, jei Jesús.

<sup>17</sup> Poxonaē Jesús baxua caunuta, bapoxonaē pomonaē Jesús pia peaitafaetabiwichi aura tsumenaē. Ichitha daxita jiwi jũntũ coyene weiweina petaxae xua Jesús pexeinya pewũnaewa exana.

*Meje yabara poxonae Jesús cuiduba pecayabara j̄ta pepaebi diwesiyo po pēbi xutiyo pēw̄n mostaza xutiyo*

*(Mt 13.31-32; Mr 4.30-32)*

<sup>18</sup> Equeicha Jesús namchi, jeye: “Poxonae Nacom waba jiwi petanaexanaenexatsi pijimonaе tatsi, pomonaе itorobiya peewatsixae, ¿eta po coyene nacoyene j̄pabe? ¿Eta xua paca cuidubinchi xua baxua yabara?”

<sup>19</sup> Baraxua apara icha be mostaza xutiyo ichi po mostaza xuto pebin uba pia pabitha. Xuwa beya pin nae tsoponae. Pepinnaexae daxota siri exana coton pemaх̄ranantha. Icha mostaza xutiyo ichi xua beya pin nae tsoponae, bara j̄ta ichi Nacom pejume cow̄ntsiwi. Bequein anoxuae tsica bicheitiyo, bexa tsane beya pin bicheito tsoponae tsane”, jei Jesús.

*Meje yabara poxonae Jesús cuiduba pecayabara j̄ta pepaebi diwesiyo xua levadura yabara xua pan cotowa exana*

*(Mt 13.33)*

<sup>20</sup> Barichi Jesús namchi, jeye: “Poxonae Nacom waba jiwi petanaexanaenexatsi pijimonaе tatsi pomonaе itorobiya peewatsixae barapomonaе pin bicheitomonaе nae-naexanapona. ¿Eta po coyene nacoyene j̄pabe?”

<sup>21</sup> Barapo coyene bara j̄ta ichi icha levadura mataw̄n ichi, pocotsiwa cotowa exana poxonaе pan exana. Petsiriwa tres po tsoropabe trigo xu beno muxuna cauwentaba levadura mataw̄n pocotsiwa xua cotowa exana pan. Baroxonaе pent̄ba naexananaya, cocotowapona tsipei levadura mataw̄n muxunaxuba”, jei Jesús.

*Meje yabara poxonae Jesús yabara cuiduba po boupayo tsica boupayo dena*

*(Mt 7.13-14, 21-23)*

<sup>22</sup> Poxonaе Jesús Jerusalén namto beya pona, cuiduba tsiniya Nacom Pejume Diwesi po bon epatotha bobena yawa tomaranthano.

<sup>23</sup> Pomonaе Jesús cuiduba barapomonaе caein jiwana Jesús yainyabatsi, jeichichi: –Patatanecanamataxeinaem, ¿saya tsiquimonaeyo pomonaе capanenebiyatsi? jeichichi Jesús.

Nexata Jesús namchi jiwitha, jeye:

<sup>24</sup> –Bequein bichocono ayapube xua naexana Nacom pijimonaе pomonaе Nacom itorobiya ewata, ichitha bichocono paj̄j̄re xua panaexaname Nacom pijimonaе tatsi. Baraxua be poxonaе pin bicheitomonaе ichichipa xua pejojondenaewa tsica boupayo dena. Bichocono ayapube. Bequein barapomonaе ichichipaena xua pejojondenaewa tsane ichitha jopa itac̄pae tsainchi.

<sup>25</sup> Barapoxonaе matabi jopaena po matabitha poxonaе pon bo pexeinaein pecoiboto daunwei exanaena. Paxam pomonaе aisowatha paumename pecoiboto pada-cadacatsiname, pajam tsane: ‘Patatanecanamataxeinaem, painta coibo saranaxorena bom̄x̄’, pajam tsane. Ichitha bapon paca jume notsina. Jei tsane: ‘B̄ canta jopa paca yaitaetsi xua jopa paca yaputaetsi xua ichaxota werena painya neponaewi’, jei tsane.

<sup>26</sup> Paxam pajam tsane: ‘Bara cain bayatha paca bar̄ xainchiba yawa paca bar̄ apatsiba, yawa bayatha jiwi cuidubameba namtotha pata tomaratha’, pajam tsane.

<sup>27</sup> Ichitha Nacom pon painya Nepacacanamataxeinaein paca jume notsina: ‘Aunxuae bayatha paca baraichiba: B̄ canta jopa paca yaitaetsi. Jopa paca yaputaetsi xua ichaxota werena painya neponaewi’, jan. ‘Taxainya weya panatsixibar̄c̄pare. Aparapaxam peaj̄nt̄coyenebe jiwi pam, xua abe painya neexanaewi’, paca jei tsane.

<sup>28</sup> Barapoxonaе pataename xua Abraham, ir̄ Isaac, ir̄ Jacob, ir̄ daxita Nacom peitorobi jume pepaebiwi xua ena Nacom pia peitorobi nacuatheicha. Ichitha paxam baxoteicha jopa pana naenaem tsane poxoru paca bebai tsane Nacom pia peitorobi nacua weya. Daxota pawecoyam tsane anaya nantanuweya pana nawano tsaquibasi-naename poxoru paca bebai tsane Nacom pia peitorobi nacua weya.



<sup>29</sup> Poxoru pinmonae patsina, Nacom pia peitorobi nacuatha penabanaenexa tsane. Ichamonae pomonae ichaxota xometo ecoina, barapomonaepiwi patsinano. Ichamonae pomonae ichaxota xometo jopeica, barapomonaepiwi patsinano. Ichamonae pomonae ena pocotsiwa bereca, barapomonaepiwi patsinano. Ichamonae pomonae pocotsiwa beweyabeicha ena, barapomonaepiwi patsinano.

<sup>30</sup> Pomonae xua anoxuae pepawi naexana pomonae jiwi jopa petsita ainya cui jiwichi po cae pin nacuathe barapomona Nacom pia peitorobi nacuatheicha peainya cui jiwi tsane. Pomonae xua anoxuae, pomonae jiwi petsita ainya cui jiwichi po cae pin nacuathe, barapomona bexa Nacom pia peitorobi nacuatheicha jopa peainya cui jiwi tsane, jei Jesús.

*Meje yabara poxonae Jesús Jerusalén tomarapiwi siwa wecoyeichi  
(Mt 23.37-39)*

<sup>31</sup> Barapoxonae fariseo jiwanamonae pata. Jesús tsipaebatsi. Jeichichi:

—Bewa warapaetsipame barapo tomara weya. Dota bepa Herodes cabexubei, jei.

<sup>32</sup> Ichitha Jesús jume nota, jeye:

—Paponare painya netsipaebineca pon jiwi pemuxujainyabin, bapon Herodes. Pana nejume yopire pajande: ‘Taema anoxuae yawa baya tsane itawetsin caurimonae jiwi weya yawa axaibi exanaein peatenewi. Popobaya tsane wetsin’, jei pajande.

<sup>33</sup> Ichitha anoxuae yawa baya tsane nantawenonan xua bara beya Jerusalén tomara beya ponaein namtotha. Barapoxonae popobaya patopiyaein Jerusalén tomaratha. Jopa tana neitacupaexae xua tatupaewa tajua Jerusalén tomara pepuya beya ponxaein Nacom peitorobi jume tapaebin. Bewa tupaein Jerusalén tomaratha, jei Jesús fariseomonaetha.

<sup>34</sup> Bapoxonae Jesús yabara unthuthu wecoyei Jerusalén tomarapiwi. Jesús wecoyeya namchi, jeye: “¡Maisa Jerusalén tomarapiwi pam, pajutebeibame pomonae Nacom pia peitorobi jume pepaebiwi! ¡Matautano paxam pajutebeibame ibotontha pomonae Nacom pacata itoroba! ¡Maisa bepaca caetucaetuteibinchi, tapaca cayawenaewa tsainchi, icha wacara ichi poxonae nacoxi caetucaetuteta pecuarafetha! ¡Maisa bebarichocuaein tsane daichitha jopa paichichaem!

<sup>35</sup> Incane pataema Nacom nacui baraxuba xua jopa painya nepaca caewatsiwa tsane. Daxota Nacom jopa poponaeyo pia pin pia botha tatsi painya tomaratha. Paca tsipaebatsi xua equeicha jopa pana netaem tsane, beya abua poxonae pana neyabara jam tsane: ‘¡Maisa bapon jiwi juntu coyene weiweina cana exanatsi, pon patopa Nacom peitorobixae, po Nacom jiwi Pecanamataxeinaeinchi!’ pana neyabara jam tsane”, jei Jesús fariseomonaetha.

## 14

*Meje yabara poxonae Jesús axaibi exana pon perua putsuna*

<sup>1</sup> Caentacabi pentaquei seicae matabitha Jesús pona fariseomonae pia pentacaponae tatsi jiwanapin pia botha tatsi penanabanaenexa. Baxota fariseomonae ichamonae Jesús amanayabiya tainchi pecui yaputaenexa tsainchi xua exana.

<sup>2</sup> Iru baxota pebin patopa ichaxota Jesús naeca. Barapo pebin pon perua putsuna.

<sup>3</sup> Nexata Jesús yainyaba pomonae jiwi pecuidubiwi Moisés pia peitorobi coyene, yainyabano fariseomonae, jeye:

—¿Bara Moisés pia peitorobi coyene jumewatha yabara copata jampa xua pon atene bara axaibi peexanaewatsi pentaquei seicae matabitha jampa? ¿Ichacuitha metha jopa yabara copatsiyo jampa? jei Jesús.

<sup>4</sup> Ichitha barapomonae moya umena. Bara Jesús jayaba pecobetha pontha pon atene, yawa axaibi exana, tsipaebano xua bara peponaenexa.

<sup>5</sup> Jesús tsipaeba, barapo fariseomonaetha, jeye:

—Paxam panantawenoname xua panacuitame pentaquei seicae mataqueitha xua poxonae pajutsiname painya nexanto xua poxonae butecatsi iruba bueyno bara bequein pentaquei seicae matakabi, jei Jesús.

<sup>6</sup> Barapomonaе jopa itacupaetsi xua Jesús pejume notsiwatsi.

*Meje yabara poxonaе Jesús yabara paeba pomonaе pexaewa petsiwabiwichi penabanaenexa poxonaе pebin piowa pita*

<sup>7</sup> Nexata Jesús tsipaeba barapomonaе pecayabara juta pepaebi diwesiyo pomonaetha pomonaе xua pata penabanaenexa. Baxua tsipaeba poxonaе tane xua barapomonaе nanta caeniya, copiya penabanaenexa. Jesús namchi barapomonaetha, jeye:

<sup>8</sup> —Poxonaе ichun cawaba jinya nenabanaenexa tsane, jopa nantacaecaeinde ichaxota enothopeiba pomonaе peainya cui jiwi. Poxoru metha iruru patopaetsipa pon bichocono jiwi tsita ainya cuichi pon beyacaincha xam.

<sup>9</sup> Pon xua cawaba, iru xua wabatsi pon jiwi tsita ainya cui naexanatsi, bapon cabarai tsipae: ‘Incane nontaponde icha muxunenetha ecare. Cotacaya xaema. Ichaxota ecame, baxota ecaena pon jiwi tsita ainya cui naexanatsi’, jei tsipae pon xua paca mata canabane. Nexata icha muxunenetha uranaya ecoundecaetsipame.

<sup>10</sup> Daxota poxonaе cawaba nenabanaenexa, cotacaya ecareinca necajeinexa poxonaе patopa pon paca mata canabane: ‘Tajiton, icha muxunenetha ecare ichaxota xaiba pomonaе jiwi tsita ainya cui naexanatsi’, jei. Bapoxonaе pomonaе pata xua penabanaenexa barapomonaе cayaitaena xua xam pon jiwi tsita ainya cui naexaname.

<sup>11</sup> Pon pia coutha peainya cui jiton naexana pejuntu coyenetha, Nacom exanaena xua bapon pecui pawi jiton naexanaena. Ichitha pon xua pepawi naexana pejuntu coyenetha Nacom exanaena xua bapon peainya cui jiton naexanaena, jei Jesús.

<sup>12</sup> Yawano Jesús barai pontha pon pexaewa petsiwabixaetsi, jeye:

—Poxonaе pexaewa tsiexaname yawano ichacuitha xua poxonaе pin penabanaewa tsiexaname, jopa wabinde jinya jiwimonaе penabanaenexa. Iru jopa wabinde eweichomonaе iru jinyamonaе iru pomonaе copei pexeinaewi. Poxoru barapomonaе pentoma exanaetsipa xua xuya catsi wabichipa penabanaewa.

<sup>13</sup> Jame maisa poxonaе jiwi pexaewa tsiexaname yawano ichacuitha pin penabanaewa tsiexaname, wabare pomonaе peacopeibi jiwi. Yawa wabare pomonaе jopa peainya cui jiwi, iru pejayujayu jei jiwino, iru pomonaе peitata nacatsi jiwino.

<sup>14</sup> Bapoxonaе juntu coyene weiweinaename. Barapomonaе jopa itacupaetsi xua xuya necatsi wabiwa penabanaewa xua pentoma nexa. Ichitha Nacom cata exanaena pentoma poxonaе jiwi asu exanaeinchi pomonaе pejuntu coyene wanae jiwi, xuano xua exana pocotsiwa Nacom itoroba, jei Jesús.

*Meje yabara poxonaе Jesús cuiduba pecayabara juta pepaebi diwesiyo xua pin penabanaewa peexanaewa tsane*

*(Mt 22.1-10)*

<sup>15</sup> Poxonaе baxua jume tane, pomonaе xua xayena, barapomonaе caein jiwana Jesús baraichichi, jeichichi:

—jPon xua nanabane Nacom pia peitorobi nacuatheicha tatsi, bapon bichocono juntu coyene weiweina! jeichichi Jesús bapon.

<sup>16</sup> Nexata Jesús jume nota, jeye:

—Pebin pin penabanaewa tsiexana jiwi. Barapo pebin itoroba ichun, xua pewabinexa ayei bicheito.

<sup>17</sup> Poxonaе barapo hora tsuxubi poxonaе pexaewa nacui wanaeta, bapon itoroba pia petanacuichinchi xua pewabinexatsi pomonaе bayatha wabatsi. Barapon namchi: ‘Pajande jiwi: Antha pajojondena jei. Pexaewa weta jei, pajande’, jei pon mata canabane.

<sup>18</sup> Ichitha daxita barapomonaē paeba xua pinae enatsi xua peexanaewa. Ichun namchi: ‘Bayatha pabi comotan, tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei.

<sup>19</sup> Ichun namchi: ‘Canta diez poyobe comotan buey. Tha canta matha taetsi. Nexata nejume yopire pinae jopa casebinde yaitama pinae jopa patopae tsane, jande’, jei.

<sup>20</sup> Ichun namchi: ‘Canta anoxuaetha taseuri pitān. Nexata nejume yopire pinae jopa itacupaetsi xua pepatopaewa tsane, jande’, jei.

<sup>21</sup> Poxonae caibe nawiya pon penajume caitorobinchi bapon daxita baxua tsipaeba pia pecanamataxeinaeinchitha. Nexata pon pecanamataxeinaein caseba pomonaetha pomonaē bequein pewabixae, xua jopa pepatsixae. Bapon barai pia petanacuichinchi, jeye: ‘Nainya ponde tomara namtontha, yawa tsiqui namtoxitha tomara cuariya. Berene peacopeibiwi caponde, penabenaewi caponde, pejayujayujeimonaē caponde, pomonaē peitata nacatsi jiwi berene caponde’, jei pon pecanamataxeinaein.

<sup>22</sup> Pon petanacuichin pia pecanamataxeinaeinxaetsi, bapon pia pecanamataxeinaeinxaetsi barai: ‘Tanecanamataxeinaem, xua neitorobame bayatha exanan, ichitha bomuxu jopa tutu canapaxubiyo, jiwi yayatha’, jei.

<sup>23</sup> Nexata bapon jume notatsi pia pecanamataxeinaeinchi: ‘Equeicha nainya ponde tomara cuariya beya po namton pin namtontha, yawa tsiqui namtoxithano tomara cuariya. Baxota jume daunweya itorobare pomonaē xua taneme xua pepatsinexa tabohta petutu canapaxubinexa tsane.

<sup>24</sup> Catsipaebatsi, pomonaē bequein waban ichitha jopa patsiyo, barapomonaē jopa nabanaē tsane tabohta’, jei pon pecanamataxeinaein, jei Jesús.

*Meje yabara poxonae Jesús paeba xua pinae bewa matha nacui barapentsi pia peexanaewan poxonae Jesús pepuna jinompaewa tsainchi*

*(Mt 10.37-38)*

<sup>25</sup> Pin bicheitomonaē Jesús puna poinchi. Jesús napatomeicha necota, namchi barapomonaetha, jeye:

<sup>26</sup> “Icha pebin ichichipa xua tajiwiwimonaē jiwānapin penaexanaewa tsane, bapon bewa yabara naitematsi pia peexanaewa. Bapon jame bewa neantobe tsane beyacaincha xua paxatha, beyacaincha xua penatha, beyacaincha xua piowatha, beyacaincha xua pia pexuitha, beyacaincha xua peweichowitha, beyacaincha xua pamchoxitha, yawano xua beyacaincha naantobe pia coutha, nexata bapon bara tajiwiwimonaēpin. Ichitha icha jopa baxua exanaeyo xua bichocono nama tana neantobewa, bapon jopa tajiwiwimonaeyo.

<sup>27</sup> Matautano pon jopa awiya exana ducuaēbiyaeyo pocotsiwa itoroban, tsipei jopa beperaxa exanaetsi icha be xua poxonae neichi nexata bapon jopa tajiwiwimonaēpinyo.

<sup>28</sup> Poxonae pebin imoxoyo bo exana, po bo, pin bo, copiya matha nanta xeina xua bo yabara, copiya coichaxu ununa, icha jupa xua pecabaponaenexa pomonaē nacuita bo.

<sup>29</sup> Ichacuitharu saya naewa wetanota, poxoru coichaxu axu weraweraca. Daxota jopa yaputaeyo xua pewetsiwa. Ichamonaē pata, barapomonaē bo taenota. Poxonae tane barapomonaē cui capona, bapon cui caponatsi.

<sup>30</sup> Barapomonaē namchi tsane, jei tsane: ‘Barapon tamropata pitaba bo xua acaba, ichitha jopa itacupaetsi xua pewetsiwa’, jei tsane”, jei Jesús.

<sup>31</sup> Equeicha Jesús namchi: “Iru ru pon jiwi itorobiya pia pepa peewatsinchi ichichipa xua jiwi naba exana ichun beya pontha pon iru jiwi itorobiya pepa peewatsin. Poxonae bapon baxua exana, copiya nanta xeina, najei tsane: ‘Jamaisa, saya beisa diez mil po soldadomonaē bicheitobe neyaewatacua, bapon netsi veinte mil po soldadomonaē bicheitobe yaewatatsi. Metha tamonaē jopa inta itacupaetsi xua peamanayabiwa barapo veinte mil bicheitha xua taxainya berena ponaena’, najei tsane.

<sup>32</sup> Icha barapon jopa itacupaetsi xua peamanayabiwa, bapon najume caitorobina ichantha, poxona cataunxuae tajua eca, ichan pon icha nacuapiwi itorobiya pia pepa peewatsinchi xua petapaebinexa tsainchi xua jopa penabiwa tsane yabara, xua equeicha jantema pejinompaenexa.

<sup>33</sup> Icha bapon ichi pon jiwi itorobiya pia pepa peewatsinchi xua baraxuba xua nanta xeina, xua penabiwa tsane, barichi icha paxam jopa pabarapentsim daxita pocotsiwa paxename, jopa paca itacupaeyo xua tajiwiwimona painya nenaexanaewam”, jei Jesús.

*Meje yabara poxonae Jesús diwesi yabara paeba xua bequein sare xoya pexaewatha ichitha awiya axaibi*

*(Mt 5.13; Mr 9.50)*

<sup>34</sup> Equeicha Jesús jeye: “Sare beno, bara beno wuna. Ichitha icha barapo sare beno jopa abenataeyo, bapoxona jopa peitacupaewatsi xua equeicha peabenataewa.

<sup>35</sup> Barapo sare jopa ira nexiyo tsipei naein jopa beta xuwa exanaetsi. Daxota barapo sare jiwi bewa xubi. Icha pamuxu dubename moya pana nejume naitaeware pocotsiwa tapaca tsipaebiwatsi”, jei Jesús.

## 15

*Meje yabara poxonae Jesús paeba pecayabara jata pepaebi diwesiyo xua oveja peenaen yabara xua poxonae pia oveja taeba*

*(Mt 18.10-14)*

<sup>1</sup> Pomona paratixi pentoma noteibiwi, po paratixi jiwi bewa catsibina pon romanomona itorobiya pia pepa peewatsinchi nexa, iru pomona abe peexanae cuiru coyene peexaneibiwi daxita barapomona Jesús imoxoyo caquita umenarucupatsi xua Jesús pejume taenexatsi.

<sup>2</sup> Daxota fariseomona iruru pomona jiwi pecuidubiwi Moisés pia peitorobi coyene tatsi daxita barapomona Jesús abe yabara paebatsi. Barapomona namchi, jeye:

—Barapo pebin napona pomonaetha pomona abe peexanae cuiru coyene peexanaewi, yawa barapomonaetha nanabane, jei.

<sup>3</sup> Tsipei Jesús yabara paebatsi barapomona, daxota nexata Jesús tsipaeba pecayabara jata pepaebi diwesiyo jeye:

<sup>4</sup> “Jiton ba xeina oveja cien poyobe, caein tanapuxanatsi. Jiton wexotha cuenta pona noventa y nueve poyobe oveja pewenaweneinexa oveja pon beya matapainya taeba.

<sup>5</sup> Poxona jiton oveja taeba pon aichurucuae, jantu coyene weiweinaya bota peutucuratha.

<sup>6</sup> Poxona jiton oveja capatopa botha bapoxona piamona waba pomona petaenaewichi pia botha, pia jiwi wabano, wabano pomona petsicuarabu enaewichi. Jiton daxita barapomonaetha barai, jeye: ‘Panebaru jantu coyene weiweinare tsipei oveja bayatha taeban pon bayatha inta aichurucuae’, jei bapon piamonaetha.

<sup>7</sup> Xaniyan paca tsipaebatsi. Icha jiton ichi poxona jantu coyene weiweina petabixae oveja, barichi pomona peitaboco beicha ena. Bapomona bichocono jantu coyene weiweina poxona ichan Nacom tsita xeinatsi icha jantu coyene pon copiya penacui matacaetsin xua abe peexanae cuiru coyene exana. Barapomona bapon yabara toxeinchiya jantu coyene weiweinatsi beyacaincha poxona yabara jantu coyene weiweinatsi pomona xua noventa y nueve poyobe jiwi pomona xanepanaya peexanaewi, pomona jopa Nacom pentichi”, jei Jesús.

*Meje yabara poxonae Jesús paeba pecayabara jata pepaebi diwesiyo xua yabuyo yabara xua poxonae taeba paratiyo*

<sup>8</sup> Equeicha Jesús paeba pecayabara jata pepaebi diwesiyo, jeye: “Petsiriwa diez po paratiyobe xeina xua pecacomocae paratixi. Cae paratiyo taaichurucuaetsi, daxota pecoicha coicha exana. Bo tutu camona bewayo, beya matapainya taeba.

<sup>9</sup> Poxonae barapowa paratiyo taeba bapoxonae pia jitowaxi waba, wabano powaxi petsicuarabꝰ enaewaxichi. Barapowa namchi barapowaxitha: ‘Pana nebarꝰ jꝰntꝰ coyene weiweinare poxoru bayatha taeban paratiyo, po paratiyo bayatha inta aichurucuae’, jei.

<sup>10</sup> Paca tsipaebatsi barichi peitabocotha Nacom pia matatsunpiwimonae tatsi bichocono jꝰntꝰ coyene weiweina poxonae ichꝰn Nacom tsita xeinatsi icha jꝰntꝰ coyene pon copiya penacui matacaetsin xua abe peexanae cuiru coyene peexanaein”, jei Jesús.

*Meje yabara poxonae Jesús paeba pecayabara jꝰntꝰ pepaebi diwesiyo xua pebin yabara pon pexanto cayabara cui jꝰntꝰemaina xua abe exana*

<sup>11</sup> Barichi equeicha Jesús paeba icha pecayabara jꝰntꝰ pepaebi diwesiyo, jeye: “Jiton xeina pexantobe.

<sup>12</sup> Pon xuyapin paxa barai: ‘Axa, necare xua necopiniwa tsane pocotsiwa xua pana nejꝰntꝰana jebame bequein cataunxuae poponame’, jei xuyapin. Nexata barapo jumetha coxiyan pexantobe tsata catabe.

<sup>13</sup> Pirapaeyo xuyapin piawa caenaeta xua paxa catatsi. Barapo paratixi cuntha tajꝰ beya pona icha nacua beya. Icha nacuatha abe exana. Barapo paratixi cobe caewitatsi xua nasi cui matacaeta yabꝰxitha.

<sup>14</sup> Poxonae bapon daxita paratixi wetaxuba, irꝰrꝰ mayayo tsuxubirꝰ barapo nacuatha, barapon muxu piyain petꝰpae.

<sup>15</sup> Nexata bapon jeita penacuichiwa ichꝰntha xua barapo nacuatha. Bara barapon itorobatsi xua petayapu eenaenexa marranomona.

<sup>16</sup> Bapon piyain ichichipa xane marranomona pexunenowa xua petsebocoton, tsipei bapon jopa catichi pexaewa.

<sup>17</sup> Nexata bapon pia coutha nanta xeinanaya najei: ‘jꝰMaisa taxa pia petanacuichiwichi tatsi pexaewa ajainbe, tonsana nawita! Nama xota ecanje tain muxu tatꝰpae.

<sup>18</sup> Tha tacoyo beya nawiyaetsi ichaxota taxa popona. Metha jan tsane: Axa, Nacom tsita abe exanan, yawa catsita abe exanatsino.

<sup>19</sup> Daxota equeicha jopa be taxanto, nejam. Nenatsicotaema be jinya necata nacuichiwi jiwanan, jan tsane’, najei barapo xuyapin.

<sup>20</sup> Nexata bapon paxa beya caibe nawiya.

“Poxonae cataunxuae tajꝰ jiniya, paxa taebiyatsi, coxiyan pexanto yabara nantanuweya cui nanta xeina. Coxian pexanto matenta cuinaepoinya. Nexata pexanto cobe jayaba. Jꝰntꝰ coyene weiweinaya pexanto naisa cateita waetaba peantobexae.

<sup>21</sup> Nexata barapo xuyapinxae paxa barai: ‘Axa, Nacom abe tsita exanan, yawa abe catsita exanatsino. Daxota equeicha jopa be taxanto nejam. Nenatsicotaema be jinya necata nacuichiwi jiwanan’, jei barapo xuyapin.

<sup>22</sup> Ichitha coxiyan barapo jumetha barai pia petanacuichiwichi: ‘Nainya papire pexeinya paparuwa pamaxatare taxanto. Yawa anillo pacobesi xatare. Yawa pataxu xatare xua penataxu xatatsiwa.

<sup>23</sup> Vacayo pebtiyo poyo nasiteca pacarenande. Pabexore. jꝰBꝰ xainchi!

<sup>24</sup> Poxoru barapo taxanto mexeya nacata tꝰpawejan, ichitha anoxuae asꝰ. Bayatha nacata aichawiya, anoxuae matapainya netsita patopa’, jei coxiyan. Nexata bapoxonae tamropata notarꝰcꝰpa xua weiweina poxonae xane”, jei Jesús.

<sup>25</sup> Equeicha Jesús namchi, jeye: “Irꝰrꝰ pin penabanaewa exanempa, irꝰrꝰ matapin pabitha popona. Poxonae bo benawirena busi taeba xua busi tanbaba yawa jume tane xua juinya nawiraba.

<sup>26</sup> Nexata barapon pon matapinxae waba caein pomona penacuichiwi. Yainyaba, jeye: ‘¿Eta xua juinya busi exanempa?’ jei.



<sup>27</sup> Nexata barapon pon penacuichiwi jiwana jume nota. Jeye: ‘Apara poxoru neyapin patopa. Axa pana itoroba bepa pinae pabexubin vaca pebtiyo poyo nasiteca, poxoru pinae neyapin xanepanaya asuya pepatopaexae’, jei.

<sup>28</sup> Ichitha barapon pon matapinxae barapo jumetha anaepana. Jopa bejoniyaeyo botha. Coxiyen pesato bejoniya, pexanto jume daunweya waba: ‘Owae, antha, antha jonarena’, jei coxiyen.

<sup>29</sup> Nexata barapo coxiyen pexanto jume notatsi: ‘Bara xam caena bayatha yauptaneme xua ainya wei cata nacuitatsi yawa jopa cajumefebichi. Ichitha bapana jopa necatsim peweinyo cabritiyo, tajiwimonae tabarun nabanaenexa.

<sup>30</sup> Ichitha barapo nexanto anoxuae cata patopa, xua jinya paratixi caewitaxuba xua penasi cui matacaetsiwa yabunxitha. Xam penacuichiwi itorobame xua vacayo pebtiyo bexubina poyo nasiteca tayapin nexa’, jei barapon pon matapinxae.

<sup>31</sup> “Nexata coxiyen jume nota pexanto: ‘Owae, apara xam cabarun poponeibatsi. Daxita pocotsiwan xeinan, apara bara jinyawa.

<sup>32</sup> Ichitha anoxuae wunae nawita xua pin penabanaewa, yawa juntu coyene weiweinaeinchi poxoru barapo neyapin, pon xua mexeya nacata tupawejan, anoxuae asu popona. Caena bayatha nacata aichurucuae, yawa anoxuae matapainya naca tsita patopa’, jei coxiyen poxonae pexanto tsipaeba”, jei Jesús.

## 16

*Meje yabara poxonae Jesús paeba pecayabara jata pepaebi diwesiyo xua pebin yabara pon jopa xanepanaya peyapucaeaein bo*

<sup>1</sup> Equeicha Jesús tsipaeba pijimonae pecayabara jata pepaebi diwesiyo. Jesús jeye: “Matha irun pebin popona pon copei pexeinaein. Bapon xeina pon bo petayapucaeaeinchi. Bapon pon copei pexeinaein tsipaebatsi ichamonae xua pinae pon bo petayapucaeaeinxatsi jopa pinae xapain exanaeyo, saya pinae abe exana, jei ichamonae.

<sup>2</sup> Nexata bo pexeinaein pon copei pexeinainxae, bapon waba pia petayapucaeaeinchi bo. Bapon barai pontha pon bo petayapucaeaeinchi, jeye: ‘¿Jame ichamonae jume tan xua pinae inta abe exaname xua tawan? Incane tha taetsi xua po paperantha tinadubame pocotsiwa inta caenaetame, xuano xua inta comocame. Tsipei jopa becaexanaetsi equeicha xua inta yapucaecame daxita tawan’, jei.

<sup>3</sup> Nexata pon bo peyapucaeaeinxae nacui yabara nanta xeina pia coutha, nabarai: ‘¿Eta pocotsiwa exanocuaein anoxuae tsipei nama pon tanecanamataxeinaein imoxoyo necopata xua bapoxonae jopa taxeinaewa tsane pocotsiwa taexanaewa? Jopa nebusi coxonaeyo xua naein tauncatsiwa pabitha. Auran tsipae xua saya amanaya i tawunqueibiwa paratixi.

<sup>4</sup> Jaina, bara yaputan xua po coyeneya exanaein poxonae tanecanamataxeinaein necopatsina, xua poxonae jopa xeinaein tsane tanacuichiwa xua ichamonae tanententa wabeibinexa pia botha’, jei.

<sup>5</sup> Nexata bapon pon bo petayapucaeaein daxita tamropatsiya wawabapona pomonae pia pecanamataxeinaeinchi petantoma amanayabixaetsi. Bapon matha yainyaba pontha pon copiya patopa jeye: ‘¿Eta xoyobe matoma amanayabame xua jopa cataunxuae catsim pontha pon tanecanamataxeinaein?’ jei.

<sup>6</sup> Bapon jume nota, pon bo peyapucaeaein, jume notatsi, jeye: ‘Cien po penasi mera bosibabe xua pin bosibun tha baxua catichi, ichitha cataunxuae jopa baxota matomatsinyo barapo penasi mera bosibun’, jei. Pon bo petayapucaeaein xuya jume nota: ‘Taema xote xeinanje jinya papera xua tinadutame, cien po nasi bosibun, jam, xua bexa matomatsiname. Xote nainya ecoundeinqe barapo netinadutsiwa, iquinaxore. Icha itaneto dure xua saya cincuenta po penasi mera bosibabe, jande’, jei pon bo petayapucaeaein.

<sup>7</sup> Bapoxonae equeicha ichuntha yainyaba: ‘Incane iru xamdu, zeta xoyobe tanecanamataxeinaein taacoibichi xua catsiname bapon?’ jei. Bapon jume nota, pon bo petayapucaecaein jume notatsi, jeye: ‘Tha catichi cien po sacube aro sacun’, jei bapon. Nexata pon bo petayapucaecaein xuya jume nota: ‘Taema xote xeinanje jinya papera xua bayatha tinadutame xua cien po sacube, jam, xua bexa matomatsiname pontha pon tanecanamataxeinaeintha. Xote nainya ecoundeinue barapo itaneto tsitsinaxore, icha pena netinadutsiwa tinadure xua saya ochenta po sacube, jande’, jei pon bo petayapucaecaein.

<sup>8</sup> Ichitha bo pexeinaein yabara paeba pon bo petayapucaecaeinchi xua pinae bequein bara bapon abe taexana ichitha yaputane xua pocotsiwa pia coutha nayawena xua poxonae pia jiwimonae peexanaewa. Daxota paca tsipaebatsi pomonae anoxuae jinompa barapo cae pin nacuathe, pomonae jopa penejume cowantsiwi nama barichi. Barapomonae yabara najuntu coyene wanaeta xua po coyene cae jiwimonae penaexanaewa xua daxota cae jiwimonae nantiya penayaweneibinexa. Baxua barapomonae exana beyacaincha pomonae Nacom pejume cowantsiwi.

<sup>9</sup> “Paca tsipaebatsi ichamonae pacatsibeibare paratixi xua painya jiwi painya nexaneibinexa po paratixi xeina pomonae barapo cae pin nacuathepiwi pomonae abe peexanaewi. Bapoxonae poxonae jopa paxeinaem tsane paratixi pomonae bayatha payawenname barapomonae paca matenta weiweinaya wabina po bontha xua ataya tsitecaeya pajinompaenname.

<sup>10</sup> “Pon xua xanepanaya yapucaeca xua poxonae peya penacuichiwiyo, barichi beta yapucaeca xua poxonae pin penacuichiwa. Pon naerabiya exana poxonae peya penacuichiwiyo, barichi naerabiya exanaena xua poxonae pin penacuichiwa.

<sup>11</sup> Icha paxam jopa xanepanaya patayapuenam xua paratixi xua barapo cae pin nacuathe nexa, Nacom jopa paca itorobiyo xua patayapuenaname xua bapon pia pexeinya pexeinaewa tatsi.

<sup>12</sup> Icha jopa xanepanaya payapucaecaem ichun piawa, metha nexata jopa paca catsipae xua painyawa nexa tsane painya neyapucaenaewamxae.

<sup>13</sup> “Jiton dapon aibi pon xeina ainya pia pecanamataxeinaeinchibe tatsi xua pon beta tanacuita barapo pia ainya pecanamataxeinaeinchibe tatsi. Tsipei barapo petanacuichin meisa antobeya taexana caeintha pon pia pecanamataxeinaeinchi poxonae itorobatsi. Icha pia pecanamataxeinaeinchi jopa taraichiyo. Cae pia pecanamataxeinaeinchi xanepanaya taexana. Icha pia pecanamataxeinaeinchi abeya taexana. Barichi jiton pon bichocono antobe Nacom, jopa itacupaetsi xua bichocono peantobewa paratixi poxonae yawa bichocono antobetsi Nacom”, jei Jesús.

<sup>14</sup> Ichitha fariseomonae pomonae xua bichocono antobe nawita paratixi, barapomonae baraxua Jesús jume tayenatsi, yawa Jesús cui caponatsi.

<sup>15</sup> Nexata Jesús fariseomonae baraichi, jeye: “Paxam barapomonae pam, xua ichamonae paca yabara nanta xeina xua pejuntu coyene xanepanae jiwi pam. Ichitha Nacom paca juntu coyene yaputane xua peajuntucoyenebe jiwi pam. Xua pocotsiwan jiwi bichocono tsita ainya cuichi, baxuan Nacom bichocono tsita abetsi”, jei Jesús.

*Meje yabara poxonae Jesús diwesi yabara paeba Moisés pia peitorobi coyene tatsi, yawa po coyene Nacom waba jiwi petanaexanaenexatsi pijimonae pomonae itorobiya pecanamataxeinaexae*

<sup>16</sup> Equeicha Jesús namchi, jeye: “Caena bayatha jiwi xeina Moisés pia peitorobi coyenewa tatsi, yawano xua pomonae Nacom peitorobi jume pepaebiwi pia pecuidubiwa tatsi, beya Juan patopa. Barapoxonae caena poxonae Juan popona pon jiwi Pebautisabin, jiwi paebinouta po coyene Nacom xua waba jiwi petanaexanaenexatsi pijimonae tatsi pomonae itorobiya peewatsixae. Jiwi bewa yabara najuntu coyene sibi awiya xua pepatsinexa Nacom pia peitorobi nacua beicha tatsi.

<sup>17</sup> “Yapu xanepana xua itaboco yawa ira peweraweracaewa. Nama Nacom peitorobi jume ajumeyapusu bapana jopa peweraweracaewa bequein bara cae peitorobi coyene”, jei Jesús.

*Meje yabara poxonae Jesús cuiduba xua jiwi piseurixi pepuna penteibiyainwa (Mt 19.1-12; Mr 10.1-12)*

<sup>18</sup> Equeicha Jesús namchi, jeye: “Pon punaxuba piowa yawa ichowa pichapa, bapon abe exana piseuritha yawa Nacom peitatha tatsi, tsipei Nacom tsitatsi xua powa copiya baru popona apara bara piowa tatsi. Barichi pon pita petsiriwa powa pepunaxubixae piseuri, bapon barichi pia coutha abe natsiexana, tsipei Nacom ichowa yabara nanta xeina xua bapowa cataunxuae pia pebin xeina bequein bara punaxuba”, jei Jesús.

*Meje yabara poxonae Jesús diwesi yabara paeba xua pon copei pexeinaein iru ichun pon Lázaro*

<sup>19</sup> Equeicha Jesús tsipaeba icha diwesi, jeye: “Matha iruru barichi pebin pon copei pexeinaein. Pexeinya paparuwan xua pena paparuwa nama xatabapona. Matauta daxita matabi peitapanae nabanaewa exaneiba.

<sup>20</sup> Iruru ichun pebin popona, pon pewun Lázaro pon peacopeibin. Bapon Lázaro wan nawita xeina reparatotha. Bapon iratha eca pon copei pexeinaein pia bo boupatha weya tatsi.

<sup>21</sup> Xua pon copei pexeinaein pia pexaethopaewatha taothopeicatsi pexaewa perurwan, baraxua Lázaro ichichipa xaiba. Yawa aurimonae pata xua Lázaro pewan daebinexatsi.

<sup>22</sup> Icha matabitha Lázaro tupa. Matatsunpiwi Lázaro jumope pitatsi. Jumope capoinchi ichaxota Abraham popona athabeicha. Iruru pon copei pexeinaein tupa, yawa muthatha xotsi.

<sup>23</sup> “Pon copei pexeinaein patopa ichaxota pateiba pomonae pewerapeibiwi barapo petupae cuiru coyene nacuatha. Bapon bichocono atene. Bapon athabeicha necoicha. Bapoxonae Abraham taju taebiyatsi asiyeicha, yawa xua Lázaro baru equiyatsi.

<sup>24</sup> Pon copei pexeinaein wawai: ‘Tamo susato jiwanam, Abraham, necui yabara nanta xeinare. Inta Lázaro itorobinca taneebato memeyatsinexa meratha poxoru bichocono netaxua po isotothe uncuan’, jei.

<sup>25</sup> Ichitha Abraham jume nota: ‘Tamonae susato jiwanam, nanta xeinatabare xua caena bayatha poxonae cataunxuae asu poponame, xeiname xua acabem xua pocotsiwan ichichipame xua nexainaewa. Xanepanaya poponame. Ichitha nama Lázaro jopa daichiyo poxonae cataunxuae asu popona. Jopa xanepanaya poponaeyo. Xote bapon wanae yabara nantanuweya cananta xeinatsi xua peyawenaenexatsi. Ichitha nama xam jopa caraichiyo. Bichocono caperu weyawa.

<sup>26</sup> Yawa pin pitapatororo naca yacaincha ducua. Daxota pomonae ichichipa bara bedunareca taxainya wereca jopa itacupaetsi xua bara beparecaena nexainya bereca. Iru pomonae nexainya weruneina jopa itacupaetsi xua taxainya betsina pepatsinaenexa’, jei.

<sup>27</sup> “Nexata pon copei pexeinaein jume nota: ‘Nexata tamo susatopim cawucatsi inta Lázaro itorobare taxa pia bo beya.

<sup>28</sup> Baxota xeinan cinco poyobe tayapin jiwi. Abraham Lázarotha najume carure xua bu tayapin jiwi jopa pepatsinexaru tsane ichaxota uncuan xua bichocono atenein’, jei.

<sup>29</sup> Ichitha Abraham jume nota: ‘Apara neyapin jiwi xeina Moisés pia peitorobi coyene tatsi, yawa Nacom peitorobi jume pepaebiwi pia penacuidubiwan tatsi. Bu barapomonae exana pocotsiwa baraxua pejume coya’, jei Abraham.

<sup>30</sup> Pon copei pexeinaein jume nota: ‘Aa, tamo susato jitom, Abraham, ichitha icha petupaewi jiwana caein siwa ponaena barapomonae beya, barapomonae jume cowantsina yawa icha jantu coyene pexeinaenexa tsane Nacomtha’, jei.

<sup>31</sup> Ichitha Abraham jume nota: ‘Icha barapomonaе jopa exanaeyo xua peexanaewa pocotsiwa Moisés pia peitorobi coyene tatsi itoroba, xuano xua Nacom peitorobi jume pepaеbiwi pia pecuidubiwan tatsi, barapomonaе jopa jume cowantsipae bara bequein Nacom taitorobichipa xua jiwana caein pomonaе petupaewi’, jei Abraham”, jei Jesús.

## 17

*Meje yabara poxonaе Jesús paeba xua jiton jopa bewa cana exanae ichantha xua iru abe peexanaewa tsane*

*(Mt 18.6-7, 21-22; Mr 9.42)*

<sup>1</sup> Jesús namchi pijimonaetha, jeye: “Barapo nacuathepiwi ataya xeineiba po jiwu pecana exanaexaetsi xua ichamonaе cana exana xua barapo jiwu abe peexanae cuiru coyene peexaneibinexa xua daxota jopa nejume cowanteibiyo. Ichitha pebin tsocuae xua bapon cana exana, xua ichan cana exanatsi, xua ichan abe peexanaewa tsane.

<sup>2</sup> Metha jame wunaе tsipae xua barapo pebin pin iboto wisi cutsipatsi pin mar mentha barapo iboto cayawa cabutabachipatsino. Tsipei jopa wunaе tsipae xua bapon cana exana xua ichamonaе abe peexanae xuiru coyene exana pomonaе cataunxuae aena nejume cowanta.

<sup>3</sup> ¡Dota pam, xua jopa bara paichim tsane!

“Icha ichan pon iru pejume cowantsindu, icha bapon pacata abe exana, bapon baxua yabara patsipaebare. Icha icha juntu coyene paca tsita xeinaena peuraxae xua pacata exana, bapoxonaе pacui yabara jantemainare pocotsiwa bapon pacata exana.

<sup>4</sup> Bequein bara bapon abe pacata exana, siete po cuiyobe xua cae matacabitha, yawa paca tsipaeba siete po jumeyobe, bapon jeye: ‘Maisa auran tsocuae xua abe pacata exanatsi, equeicha jopa pacata abe exanae tsainchi’, jei pon abe exana. Daxota paca jeichi xua nantawenona peyabara jantemainaewa baxua xua po coyene bapon pacata abe exana”, jei Jesús.

*Meje yabara poxonaе Jesús yabara paeba xua pin pejume cowantsi coyenewa*

<sup>5</sup> Jesús pon Pecanamataxeinaein jiwu, equeicha pia peitorobiwi baraichi, jeye:

—Pana cana exande xua bichocono pata jume cowantsiwa beyacaincha xua anoxuae, jei barapomonaе.

<sup>6</sup> Nexata Jesús pia peitorobiwi jume nota, jeye:

—Icha paxeinaetsipame xua be peya pejume cowantsi coyenewiyo xua bequein icha mostaza xutiyo juta ichi xua tsica xutiyo ichitha bara paca itacupa xua naewatha painya nejeiwa: ‘Ee, naewa jinya coutha natabu jonde yawa pin mar mene beya equeicha uncuare’, painya nejeiwa. Bapoxonaе barapo nae jopa bayatha tsipae poxonaе pajam tsipae baxua, jei Jesús.

*Meje yabara poxonaе Jesús paeba xua pocotsiwa jiwu bewa exanae pocotsiwa pentacaponaein itoroba*

<sup>7</sup> Equeicha Jesús namchi, jeye: “Metha ba paxam jiwana caein xeina pia petanacuichinchi pon penacuichin bapon ira cacobauya, matauta vaca yapu capopona. Bapoxonaе bapon pon penacuichin wexua wenawirena, bo benawirena. Pon paxam jiwana caein metha bapon jopa jei tsipae: ‘Anetha, jondena matha xaema’, jopa jei tsipae bapon.

<sup>8</sup> Jame bapon jei tsipae: ‘Pexaewa netsiupain exanare. Inta carena tsaibinde pexaewa pexaethopaewatha poxonaе xunaecan. Bapoxonaе cotacaya bexa nabanare’, jei tsipae pon paxam jiwana.

<sup>9</sup> Pon penacuichin jopa jei tsipaetsi: ‘Jaco xua taneyawenaewam’, jopa jei tsipae pon paxam jiwana. Tsipei saya taexanatsi xua bapon peitorobixae.

<sup>10</sup> Icha pon petanacuichin ichi xua taexana peitorobixaetsi pia pentacaponaein, paxam bara juta paichinde. Poxonaе pawetame pocotsiwa Nacom paca itoroba,

pajande: ‘Paxan pata nebusi cui tataewimonae pan xuano pata pecui pawi pan, tsipei saya paexanan xua pocotsiwa bewa paexanaein’, pajande”, jei Jesús.

*Meje yabara poxonae Jesús axaibi exana diez poyobe pebiwi, pomonae peperu sawichimonae*

<sup>11</sup> Poxonae Jesús cataunxuae ecapona Jerusalén tomara beya nexa, Samaria nacua iya pona yawa Galilea nacua iya pona.

<sup>12</sup> Poxonae Jesús tsica tomariyotha patopa, diez poyobe pebiwi pata Jesús pia xantha tatsi. Barapo diez poyobe peperu sawichimonae, ichitha barapomonae Jesús taju wetaeumendenatsi.

<sup>13</sup> Barapomonae wawai, jeye:

—Jesús, pon Patatanecuidubim, pana neyabara najuntu coyene xeinare jinya pata tana neyawenaenexam, jei barapo peperu sawichimonae.

<sup>14</sup> Poxonae Jesús tane barapomonae, Jesús barai, jeye:

—Paponare sacerdotemonaetha painya nepaca cataenexa, jei Jesús.

Poxonae cataunxuae namtotha enapona, bapoxonae barapomonae peru jume tsuruçupae xua peperu sawiwatsi barapomonae.

<sup>15</sup> Barapo diez poyobe jiwana caein, poxonae bapon taeba xua axaibi tsuruçupae, bapoxonae Jesús beya pona, xua caibeya pona, yawa jume daunweya Nacom wuna jaintatsi.

<sup>16</sup> Barapon pentabocototha uncuca Jesús peitabaratha tatsi. Yawa irabe taeuncuareca xua Jesús pejacobinexatsi. Barapo pebin apara pon seicaya Samaria nacuapin.

<sup>17</sup> Nexata Jesús namchi, jeye:

—¿Diez poyobe itara axaibi exanan? ¿Incane dapu nueve poyobe jane?

<sup>18</sup> Bapon apara penanapaincha jinompaewi jiwana pin. Yawa cou compa caiberena pia wuna jainchichi Nacom, jei Jesús.

<sup>19</sup> Nexata Jesús equeicha pebin baraichi, jeye:

—Nontaponde pondeno, bayatha axaibim tana neyabara jume cowantsixaemxae xua bara tana neitacupaewa xua axaibi tacaexanaewatsi, jei Jesús.

*Meje yabara poxonae Jesús yabara paeba po coyene xua poxonae Nacom itorobiya ewatsina jiwi*

*(Mt 24.23-28, 36-41)*

<sup>20</sup> Fariseomonae Jesús yainyabatsi namchi, jeye:

—¿Eta poxonae Nacom itorobina pon peitapetsinxae pata tanecapanenebiwa exanaenexa, xuano xua itorobiya pata taneewatsiwa? jeichichi barapomonae Jesús.

Jesús jume nota, jeye:

—Poxonae Nacom itorobiya ewatsina jiwi, barapo coyene jiwi jopa itacupaetsi xua petaewa baxua.

<sup>21</sup> Daxota jiwi jopa jei tsane: ‘Baraxote bayatha patope’, jopa jei tsane. Matautano jopa jei tsane ‘Xoteiche bayatha patope’, jopa jei tsane. Tsipei apara po coyene xua Nacom itorobiya ewatsina jiwi barapo coyene patopa jiwitha. Daxota Nacom juntu coyene itorobiya ewatsina jiwi pomonae pejume cowantsiwixaetsi Nacom, jei Jesús.

<sup>22</sup> Nexata Jesús barai pijimonae, jeye:

—Matacabin othopaena po matacabintha poxonae paichichipame xua painya tana netaewam xua ponxaein Nacom Tananeitapetsin xuano xua muxuna bepataebenaename caentacabi xua barapo matacabin jiwana. Dapo jumetha jopa painya nepaca itacupaewa tsane xua painya tana netaewam tsane xuano xua caentacabi xua barapo matacabin jiwana.

<sup>23</sup> Ichamonae paca jei tsane: ‘Baraxote bayatha patopa bapon’, paca jei tsane. Ichacuitha paca jei tsane: ‘Baraxoteicha bayatha patopa bapon’, paca jei tsane, ichitha jopa paponaeinde bara beya yawa jopa pajume cowantsinde.



<sup>24</sup> Icha yamuxu ichi xua jemeicha yacoicha uncueica, xua coicha nayotaxuba itabocototha, barichi tsane po matabitha poxona patopeicaein ponxaein Nacom Tananeitapetsin.

<sup>25</sup> Ichitha copiya nantawenona xua neperaxa jubina ichamonae. Yawa neitawetsinano pomonae xua anoxuae jinompa.

<sup>26</sup> Icha matha ichi poxona Noé caena bayatha popona jiwi jopa tsaqueinaeyo xua Nacom pin awubo exanaena methaunxuae. Saya barompaya icha juntu cuitha jinompa daxota jiwi werapa. Barichi juta ichi tsane poxona patopeicaein barapo cae pin nacuathe xua ponxaein Nacom Tananeitapetsin. Poxona patopeicaein jiwi jopa tsaqueinae tsane xua Nacom werapa exanaena barapo jiwi pomonae jopa pejume cowantsiyoxaetsi.

<sup>27</sup> Pomonae jinompa poxona Noé popona, barapomonae juntea nabaneiba, yawa apeiba, yawa apeiba yawa jiwitha jijinapona yawa pexantixi jitha dodoubapona, beya yantacabi othopa poxona po matabitha Noé pin jera naetha joniya. Barapoxona pin ema mu jopa. Daxita Noé wepu bunothopatsi pomonae jinompa poxona Noé popona.

<sup>28</sup> Barichiru jiwi pocotsiwa ichamonae exana poxona ichun pebin popona pon pewun Lot. Barapomonae nabaneiba, yawa apeiba, yawa comaqueiba, yawa caenaeteiba, yawa pexaewa ubeiba, yawa bomuxun acabeiba.

<sup>29</sup> Poxonae bapon Lot Sodoma tomara wenaetabiya, barapoxonae iso itere mu, mu othopeica tomaratha, yawa pocotsiwa be ibo puru baxua itaboco weothopeicano xua bichocono atou. Daxita Sodoma tomarapiwi werapa.

<sup>30</sup> Icha Sodoma tomaratha ichi xua jemeicha iso itere mu, mu othopeica yawa xua jemeicha ibo puru itaboco weothopeica, bara juta ichin tsane jemeicha patopeicaein ponxaein Nacom Tananeitapetsin poxonae jiwi tsita naitutsin.

<sup>31</sup> “Barapo matabitha icha ichun bo matatupatha uncua, barapon jopa bewa botha jonyae tsane xua penotsiwa tsane pocotsiwa tabobeinchi bomuxu tututha. Iru pon pabitha popona jopa bewa caibeya pona tsane botha, saya jame nainya benaetsiricuaena.

<sup>32</sup> Pacui yabara nanta xeinare Lot piseuri tatsi xua tupa poxonae jopa nainya naetsiricuaeyo piawan caibe pesiwa necoyaexae.

<sup>33</sup> Pon naantobeya nata exana pocotsiwa bapon ichichipa, bapon jopa xeinaeyo peajuntuyarusawa po peajuntuyarusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan bapon xeinaena peajuntuyarusawa, po peajuntuyarusawa ataya tsiteca xua Nacom pia nacua beicha.

<sup>34</sup> “Paca tsipaebatsi po mataqueitha patopaein, ainya pebinbe ponbe xua nanta jupaya maitecabe, caein matatsunpin pichina, pon pejume cowantsixae Nacom. Ichun saya cuenta ponaeinchi jopa pejume cowantsiyoxae Nacom.

<sup>35</sup> Iru ainya yabyobe nacuara yacatoyorobauyaenabe, ichowa matatsunpin pichina pejume cowantsixae Nacom. Ichowa saya cuenta ponaeinchi jopa pejume cowantsixae Nacom.

<sup>36</sup> Iru ainya pebinbe nacuara nacuitauyaenabe pabitha, ichun matatsunpin pichina, ichun saya cuenta ponaeinchi”, jei Jesús.

<sup>37</sup> Poxonae baxua Jesús pijimonae jume tainchi, Jesús yainyabatsi jeichichi, jeye:

—Pata Tanecanamataxeinaem, ¿exota metha baxua exanaena? jeichichi pijimonae.

Jesús pijimonae jume nota pecayabara juta pepaebi diwesiyotha, jeye:

—Quequeremonae ba nacaetuta ichaxota baurin boca. Bara juta paichim tsane paxam pomonae tana nejume cowantsi jiwi pam pana newunae ewatsiname po mataqueitha patopeicaein, barapo mataqueitha panacaetutsiname, jei Jesús.

## 18

*Meje yabara poxonae Jesús paeba pecayabara j̄ta pepaebi diwesiyo xua yab̄yo yabara powa pecuenta t̄paewayotsi piseuri xua ir̄n̄ pon jiwi peyabara paebin xua penatsicuentisiwa xua abe peexanaexae*

<sup>1</sup> Jesús pijimonae tsipaeba pecayabara j̄ta pepaebi diwesiyo xua pecuidubinexa, jeye: “Paxam daxita matakabi bewa paw̄queibim Nacom. Painya xoba paaj̄nt̄coyenefaetabim tsaibim poxonae paw̄queibame”, jei Jesús.

<sup>2</sup> Equeicha Jesús pijimonae barai, jeye: “Matha ir̄n̄ tomaratha popona pon jiwi peyabara paebin xua penatsicuentisiwa xua abe peexanaexae. Bapon jopa Nacom cunuwichi. Yawa bapon jopa beta yabara nanta xeinaeyo jiwitha xua peyawenaenexa.

<sup>3</sup> Barapo tomaratha ir̄n̄ popona petsiriwa, powa pecuenta t̄paewayotsi piseuri. Barapowa siwa poneiba pontha pon jiwi peyabara paebin xua penatsicuentisiwa xua abe peexanaexae. Barapowa jei tsaibi bapontha: ‘Neyawende, ich̄n̄ inta abe exana’, jei tsaibi.

<sup>4</sup> Pon jiwi peyabara paebin xua penatsicuentisiwa xua abe peexanaexae bapon ainya matakabin juntucuru jopa beexaneibiyo pocotsiwa barapowa w̄queiba. Ichitha bapon matapainya nanta xeina. Najei: ‘Xan apara jopa Nacom cunuwinyo. Matāta jopa beta tayabara nanta xeineibin jiwi xua tayawenaenexa.

<sup>5</sup> Ichitha barapo pecuenta t̄paewayotsi piseuri matowa nefayacota daxota neamux-ufaetabi exana. Metha moya barapowa yawenaein, xua equeicha barapowa jopa penesiwa ponaenexa, tsipei bichocono amuxufaetabin’, najei pon jiwi peyabara paebin xua penatsicuentisiwa xua abe peexanaexae”, jei Jesús.

<sup>6</sup> Jesús pon Pecanamataxeinaein jiwi equeicha namchi, jeye: “Baxua apara pocotsiwa paeba pon jiwi peyabara paebin xua penatsicuentisiwa xua abe peexanaexae xuano pon jopa beta yabara nanta xeinaeyo jiwitha xua peyawenaenexa. Pajume naitaware pocotsiwa bapon paeba.

<sup>7</sup> ¿Eta xua metha pananta xeiname? ¿Metha bara Nacom came bayatha tsaibi poxonae jiwi yaweneibatsi pomonaе xua pew̄queibixaetsi? ¡Jume, apara! Nacom nainya jiwi yaweneiba poxonae barapo jiwi abe exaneibatsi ichamonaе, beyacaincha xua barapowa yawenatsi. Jame yatsicaewa Nacom yaweneiba pomonaetha pomonaе peitapetsixae pew̄queibixaetsi merawitha yawa mataqueithano.

<sup>8</sup> Paca tsipaebatsi xua Nacom jopa bayatha tsaibiyo xua peyaweneibinexa pomonaе nejume cow̄nta. Xan ponxaein Nacom Tananeitapetsin poxonaе patopeicaein, ¿metha bara pin bicheito taeyopeicaein jampa, pomonaе xua xanepanaya beta tana nejume cow̄ntsiya jinompaewi pomonaе Nacom pew̄queibiwichi?” jei Jesús pijimonaetha.

*Meje yabara poxonae Jesús paeba pecayabara j̄ta pepaebi diwesiyo yabara xua fariseomonaе ir̄n̄ pon paratixi matoma penoteibin*

<sup>9</sup> Jesús icha pecayabara j̄ta pepaebi diwesiyo tsipaeba pomonaetha pomonaе jiwi peaebiwi pomonaе xua nayabara nanta xeina xua pinae beta jume cow̄nta xua pinae ichamonaе jopa daichiyo.

<sup>10</sup> Jesús namchi, jeye: “Ir̄n̄ ainya pebinbe Nacom pin pia bo beya ponabe, xua baxotiya pew̄caenexabe Nacom. Ich̄n̄ fariseomonaepin, ich̄n̄ bapon jiwana pomonaе paratixi pentoma noteibiwi po paratixi jiwi bewa catsibina pon romanomonaе itorobiya pia pepa peewatsinchi nexa.

<sup>11</sup> Fariseomonaepin nantacotuncua yawa penth̄totha w̄ca Nacomtha. Poxonaе tsipaeba Nacom, jeye: ‘Nacom meisa xam nej̄nt̄coyene xanepanaein. J̄nt̄coyene weiweinan xua tana neyawenaewam tsipei xan jopa be ichamonaеinyo pomonaе xua jiwi pecaibiwi, yawa xua peabewi, xuano xua penasi cui matakaetsiwi yab̄xitha. Matātano xan jopa dapomonaе jiwananayo pomonaе xua paratixi pentoma noteibiwi

po paratixi jiwi bewa catsibina pon romanomonaē itorobiya pia pepa peewatsinchi nexa.

<sup>12</sup> Xan cayabara nainbotatsi ainya cuiyobe xua cae semanatha, beta tacaw<sub>u</sub>queibinexatsi. Matautano cae paratixi jiwana wetsabeiban xam nexa poxonaē diez po paratiximonaēbe xeineiban. Yawano daxita xua xeinan baxuano jiwana tsaban xam nexa', jei fariseomonaēpin.

<sup>13</sup> Ichitha pon paratixi pentoma noteibin auranaya taj<sub>u</sub> beuncuiya. Saya irabe necoreca yawa jopa athabe necoichaeyo. Saya <sub>u</sub> penantanuweya penanth<sub>u</sub>th<sub>u</sub> jayabi abe peexanaēinxae. Bapon Nacom w<sub>u</sub>ca, jeye: 'Jaibo, Nacom neyabara naj<sub>u</sub>nt<sub>u</sub> coyene cui xeinare xua tana neyawenaewam tsane bequein bara taaj<sub>u</sub>nt<sub>u</sub>coyeneypubein', jei pon paratixi matoma penoteibin.

<sup>14</sup> Barapon pon paratixi penoteibin poxonaē najume weta xua w<sub>u</sub>ca Nacom, nawiya pia bo beya. Paca tsipaebatsi xua barapon Nacom tsitatsi xua jopa xeinaeyo xua penatsicuentsiwa xua abe peexanaēxae. Ichitha fariseomonaēpin jopa daichichi tsipei bapon awiya peaj<sub>u</sub>nt<sub>u</sub>coyenebein. Pon xua pia coutha peainya cui jiton naexana pej<sub>u</sub>nt<sub>u</sub> coyenetha, Nacom exanaena xua bapon pecui paw<sub>i</sub> jiton naexanaena. Ichitha pon xua pepawi naexana pej<sub>u</sub>nt<sub>u</sub> coyenetha, Nacom exanaena xua bapon peainya cui jiton naexanaena", jei Jesús.

*Meje yabara poxonaē Jesús jeye pexuitha: "Barab<sub>u</sub> Nacom beta paca yawenaena", jei (Mt 19.13-15; Mr 10.13-16)*

<sup>15</sup> Nexata jiwi Jesús tacaponatsi pexui, xua Jesús pejayabinexa pecobetha yawa xua Nacomtha petaw<sub>u</sub>caenexa barapo pexui xua pejeinexa: "Barab<sub>u</sub> Nacom beta paca yawenaena", pejeinexa. Ichitha Jesús pijimonaē tatsi poxonaē baxua tane, tamropata notar<sub>u</sub>ca<sub>u</sub> xua barapomonaē cui matawentatsi pomonaē pexui carendena tsaibi.

<sup>16</sup> Ichitha Jesús waba pexui. Jesús pijimonaē barai:

—Bara pacopabare pexui xua tana itata patsinexa. Jopa pexui paitawetsinde, tsipei Nacom pia peitorobi nacua tatsi saya meisa barapomonaē nexa pomonaē pej<sub>u</sub>nt<sub>u</sub> coyene xanepanaewi icha pexui ichi. Pexui pia cui xua tayapu xanepanatsi xua pia j<sub>u</sub>nt<sub>u</sub> coyeneintha jume cow<sub>u</sub>nta Nacom.

<sup>17</sup> Xaniyan paca tsipaebatsi. Pon jopa yabara jume cow<sub>u</sub>ntsiyo xua icha be jopa pexui ichiyo xua ba pexui tayapu xanepanatsi xua jume cow<sub>u</sub>nta, bapon bapana jopa naexanaē tsane Nacom pijimonaē tatsi pomonaē Nacom itorobiya ewata, jei Jesús.

*Meje yabara poxonaē pewowin pon copei pexeinaēin Jesús tsipaebatsi (Mt 19.16-30; Mr 10.17-31)*

<sup>18</sup> Caein pon pentacaponaeawi jiwanaēpin bapon Jesús yainyabatsi, jeichichi:

—Ja Tanecuidubim, maisa nej<sub>u</sub>nt<sub>u</sub> coyene w<sub>u</sub>naem. ¿Eta xua copiya matha exanocuaēin xua aj<sub>u</sub>nt<sub>u</sub>yap<sub>u</sub>s<sub>u</sub>ya tapoponaewa tsane xua ataya tsane? jei.

<sup>19</sup> Jesús jume epa pita, jeye:

—¿Eta xua nebaram: 'Nej<sub>u</sub>nt<sub>u</sub> coyene xanepanaem', jam? Apra ich<sub>u</sub>n dapon aibi pon pej<sub>u</sub>nt<sub>u</sub> coyene xanepanaēin. Jame meisa apra bapon Nacom compra pej<sub>u</sub>nt<sub>u</sub> coyene xanepanaēin.

<sup>20</sup> Xam yaputaneme po coyene Moisés pia peitorobi coyenewatha itoroba xua jeye: 'Jopa ichowa pichinde ich<sub>u</sub>n piowa tatsi, jopa ich<sub>u</sub>n bexubinde, jopa caibinde ich<sub>u</sub>n piawan tatsi, jopa naerabiya cayabara paebinde pocotsiwa ichamonaē exana. Axatha jume bar<sub>u</sub> cui itura jinare. Matautano enatha jume bar<sub>u</sub> cui itura jinare', jei Moisés, jei Jesús.

<sup>21</sup> Pon pentacaponaein jume epa pita, jeye:

—Daxita caena bayatha barapo coyenein exaneiban, poxonaē pexuyothan tamropata pitaban, beya anoxuae yacuiya pinyon, jei.

<sup>22</sup> Poxonaē Jesús baxua jume tane, Jesús barai, jeye:

—Cataunxuae icha cui coyene cata seica xua pocotsiwa neexanaewam tsane. Icha ichichipame xua jopa necata acoibiyonexa tsane xua pocotsiwa xanepanaeya neexanaewa, matha daxita caenaere pocotsiwa xeiname, yawa catsibare pomonaetha pomonae peacopeibi jiwi. Bapoxonae jame moya anetha, nepuna ponde. Bequein bara bapoxonae acopeibim tsane, daichitha Nacom cacatsina peitaboco beicha, pocotsiwa Nacom necajuntana botsiwa pocotsiwa bichocono wuna, jei Jesús.

<sup>23</sup> Poxonae barapo pebin jume taeba, bichocono juntꝰ wecoyei, tsipei bichocono copei pexeinaein.

<sup>24</sup> Poxonae Jesús tane xua barapon juntꝰ coyene wecoyei, Jesús barai, jeye:

—¡Maisa bichocono ayapubecai xua copei pexeinaewi naexana Nacom pijimonae tatsi jiwana pomonae itorobiya canamataxeina! Tsipei barapomonae bichocono antasiwayatane barapo pia copei, beyacaincha xua Nacom antobetsi.

<sup>25</sup> Nama bichocono acuiruyapube xua duwein pon pewꝰ camello xua bapon pejoniyaewa acuicheto peetabꝰ wan iya. Ichitha nama yatsicaewa pon bichocono copei pexeinaein taacuiruyapubetsi xua naexana Nacom pijimonae tatsi jiwana pomonae itorobiya canamataxeina beyacaincha xua poxonae acuiruyapube xua poxonae camello acuicheto peetabꝰ wan iya pejoniyaewa, jei Jesús.

<sup>26</sup> Pomonae xua baxua jume taerꝰpa, barapomonae Jesús yainyabatsi, jeye:

—Bapoxonae ¿jintam metha nexata itacꝰpatsi xua penacapanepaewa pia coutha? jei barapomonae.

<sup>27</sup> Jesús jume nota, jeye:

—Pebiwi ba jopa itacꝰpaetsi xua baxua exana, saya jame meisa Nacom compa itacꝰpatsi xua jiwi napaeba cana exanatsi. Tsipei daxua ajibi pocotsiwa Nacom taacuiruyapubetsi, jei Jesús.

<sup>28</sup> Pedro barai, Jesús baraichi:

—Tapata Tanecanamataxeinaem, paxan daxita pacuenta ponan pocotsiwa paxeinan pata paca puna ponaewa tsainchi, jei Pedro.

<sup>29</sup> Jesús jume nota, jeye:

—Bara xainyeya paca tsipaebatsi. Nacom beta cana exanaena daxita pomonae peyabara cueicueijeixae po diwesi xua Nacom waba jiwi petanaexanaenexatsi pijimonae tatsi pomonae itorobiya peewatsixae. Nacom beta cana exanaena barapomonae pia bon pecuenta ponaexae, yawa piseuri pecuenta ponaexae. Mataꝰtano beta cana exanaena pomonae peweichowi pecuenta ponaexae. Mataꝰtano beta cana exanaena pomonae pamchowi pecuenta ponaexae. Mataꝰtano beta cana exanaena pomonae paxei jiwi pecuenta ponaexae, mataꝰtano peniwi pecuenta ponaexae. Mataꝰtano beta cana exanaena pomonae pia pexui pecuenta ponaexae.

<sup>30</sup> Barapomonae barapo coyenein exana taneantobe jiwixae, daxota daxita barapomonaetha Nacom jopa juniya catsi tsane barapo cae pin nacuathe. Mataꝰtano barapomonaetha Nacom catsina pia peitorobi nacuatheicha peajꝰntꝰcoyenyapꝰsꝰwa po peajꝰntꝰcoyenyapꝰsꝰwa ataya tsiteca, jei Jesús.

*Meje yabara poxonae Jesús nayabara paeba acoibi po coyenebetha xua poxonae tꝰpaena*

*(Mt 20.17-19; Mr 10.32-34)*

<sup>31</sup> Bapoxonae Jesús pijimonae compa waba aisowa beya xua pomonae doce poyobe tatsi. Jesús barai barapomonae, jeye: “Anoxuae ponaeinchi Jerusalén tomara beya. Baraxotiya tana nayabara jume cui wetsinexa bara nama, po coyene Nacom pia peitorobi jume pepaebiwi newꝰnae tsiwanaya yabara tina xua xan ponxaein Nacom Tananeitapsin.

<sup>32</sup> Yawa necaenaetsina pomonaetha pomonae penanapaincha jinompaewi, xua icha nacua werena peponaewi xua barapomonae tanecui caponaenexa. Matautano abe neyabara paebina. Yawa neyabara naone subabina.

<sup>33</sup> Yawa necuainchina, barapomonae nebexubina. Daichitha poxonae acoibi po matabibe yapu caewina equeicha asu neexanaena petupae cuiru coyene weya”, jei Jesús.

<sup>34</sup> Ichitha Jesús pijimonae tatsi jopa yaputaeyo baxua xua pocotsiwa Jesús pijimonae tsipaeba. Barapomonae jopa jume ita cui cupaetsi poxoru Jesús barompaya nabaru jume yabara canamchi, baxua barapomonae taayapubetsi bichocono.

*Meje yabara poxonae Jesús Jericó tomaratha axaibi exana pon peitata nacutsin (Mt 20.29-34; Mr 10.46-52)*

<sup>35</sup> Poxonae Jesús itiya pona Jericó tomara, pon peitata nacutsin namtotha eca, yawa jiwi waqueibeca paratixi.

<sup>36</sup> Poxonae bapon ponxae peitata nacutsin jume tane xua juinya pin bicheito pona, bapoxonae bapon yainyaba, ichamonae yainyabatsi, jeye: “¿Eta xua metha juinya pin bicheito pona?” jei pon peitata nacutsin.

<sup>37</sup> Bapon ponxae peitata nacutsin jume notatsi, jeye: “Apara Jesús, Nazaret tomarapin xote imoxoyo patope”, jei.

<sup>38</sup> Nexata bapon pon peitata nacutsin jume daunweya wawai, jeye:

—Jesús, David pia pemomoxi susato jiwanapim, ponxaem Nacom necaitapetsim neyabara najuntá coyene xeinare jinya tana neyawenaenexam, jei pon peita nacutsin.

<sup>39</sup> Pomonae xua pin bicheito matacaenapoinchi, barapomonae pon peitata nacutsin jume matawentatsi xua moya peecaenexa. Ichitha bapon equeicha jume daunweya wawai, jeye:

—Jesús, David pia pemomoxi susato jiwanapim ponxaem Nacom Necaitapetsim neyabara najuntá coyene xeinare jinya tana neyawenaenexam, jei pon peitata nacutsin.

<sup>40</sup> Nexata Jesús naruntaba. Jesús namchi, jeye:

—Painta maxu xawena, jei.

Poxonae pon peitata nacutsin imoxoyo patopa Jesthatha, Jesús yainyaba, barai, jeye:

<sup>41</sup> —¿Eta xua jinya tacata exanaetsi? jei.

Pon peitata nacutsin jume nota, jeye:

—Jesús Tananecanamataxeinaem, benecotsin cuinaya, jei.

<sup>42</sup> Jesús jume nota, barai, jeye:

—Moya necore antha. Axaibi caexanatsi tana neyabara jume cowantsixaemxae xua bara tana neitacupaewa xua tacayawenaewatsi, jei.

<sup>43</sup> Caena nainya bapon necotaxuba. Yawa Jesús puna poinchi. Matautano Nacom wanae jaintatsi. Poxonae pin bicheito baxua cui tane, iruru daxita barapo bicheito Nacom wanae jaintatsi.

## 19

*Meje yabara poxonae pebin pon pewun Zaqueo Jesús jume cowantatsi*

<sup>1</sup> Jesús Jericó tomaratha patopa. Bapoxonae bapon barapo tomara xenta iya.

<sup>2</sup> Baxota Jericó tomaratha pebin popona, pon copei bichocono pexeinaein. Bapon pewun Zaqueo. Bapon pon pecanamataxeinaein pomonae paratixi pentoma noteibiwi po paratixi jiwi bewa catsibina pon romanomonae itorobiya pia pepa peewatsinchi nexa.

<sup>3</sup> Barapon Zaqueo bequein ichichipa xua Jesús peyaitaewatsi, ichitha Jesús jopa taetsi tsipei pin bicheito, matautano poxoru Zaqueo xataxatequeca.



<sup>4</sup> Nexata Zaqueo nanta cacuinaepoinya, peitiya ecoinyaenexa tsane naetha, po nae imoxoyo namtotha uncua ichaxota Jesús ponaena, xua Jesús barapo naetheicha xaniwaicha peyaitaenexatsi.

<sup>5</sup> Jesús barapo nae cacuita ecapona, bara asiya necoicha. Poxonae Zaqueo naetha tayeichatsi, Jesús namchi, jeye:

—Zaqueo, nainya ecoinca tha jinya botha ecaetsi anoxuae, jei Jesús.

<sup>6</sup> Bapoxonae Zaqueo nainya dunatabica. Matautano Jesús matenta weiweinaya wabatsi pia botha.

<sup>7</sup> Poxonae pin bicheito baxua tane, Jesús abe yabara paebatsi, jeye:

—Maisa Jesús bewa jopa ponae barapo botha, tsipei bapon abe peexanae cuiru coyene peexanaein, jei barapo bicheito.

<sup>8</sup> Nexata Zaqueo nantacotuncua pia botha, yawa jeye Jesustha:

—Taema Jesús Tanecanamataxeinaem, tha daxita jiwana wetsabichi pocotsiwa xeinan, tacatsibinexa tsane pomonaetha pomonae peacopeibiwi. Matautano pomonae xua naerabiya wacan cae paratixi equeicha caewa tha catsibichi cuatro po paratixibe, jei Zaqueo.

<sup>9</sup> Jesús jume nota, jeye:

—Anoxuae Nacom cana exana xua barapomonae pecapanenebiyae jiwichi, pomonae barapo botha peenaewi. Zaqueo, xam Abraham pia pemomoxi susatopiwi jiwanam.

<sup>10</sup> Daxota xan ponxaein Nacom Tananeitapetsin patopan tawenaweneinexa tsane pomonae abe peexanae cuiru coyene peexanaewi pomonae icha xam ichim, xua tacapanenebiyaenexa tsane barapomonae, jei Jesús.

*Meje yabara poxonae Jesús paeba pecayabara juta pepaebi diwesiyo xua diez po paratixibe yabara*

*(Mt 25.14-30)*

<sup>11</sup> Barapomonae jume tayena xua Jesús paeba barapo jiwitha poxonae Zaqueo yabara paebatsi. Daxota Jesús cuiduba barapo jiwi pecayabara juta pepaebi diwesiyotha, tsipei barapomonae nanta xeina xua Jesús pona Jerusalén tomara beya xua itara mexeya barapomonae itorobiya pia pepa peewatsinchi tatsi naexanaenawejei.

<sup>12</sup> Bapoxonae Jesús jeye: “Matha iruru pebin popona. Barapo pebin jiwana pin pomonae peainya cui jiwi pomonae barompaya piamonae matabaxumona. Barapo pebin taju pona icha nacuatha xua barapon icha nacuatha peexanaenexa tsainchi pocotsin be jiwi itorobiya pia pepa peewatsinchi, xua itorobiya peewatsinexa piamonae. Barapoxonae caibe nawiyaena pia nacuatha.

<sup>13</sup> Poxonae cataunxuae jopa taju ponaeyo matha waba diez poyobe pebiwi, xua petanacuichinexatsi. Daxita barapomonaetha barompaya catsina be cae paratixi xua pocotsiwa ainya matoma. Barapo pebin namchi pomonaetha pomonae pia petanacuichiwichi, jeye: ‘Barapo paratixitha pacomocare, equeicha pacaenaere xuya, painya xuya nawita nexeinaponaenexa paratixi. Payacobe cui othopare poxonae beya patopaein’, jei barapo pebin.

<sup>14</sup> Ichitha bapon casebatsi piamonae, pomonae jinompa pia nacuatha tatsi. Pomonae bapon casebatsi, barapomonae itoroba ichamonae xua pecoyo wepetayiyaenexatsi poxonae bapon penta caponaein naexanopiya ichaxota pon jiwi itorobiya pia pepa peewatsinchi. Xua barapo penacajume caitorobiwichi pejeinexa: ‘Ponxaein jiwi itorobiya pia pepa neewatsin, taema, apara bapon piamonae aichaxaibichi xua peexanaewatsi pon jiwi itorobiya pia pepa peewatsinchi’, jei penacajume caitorobiwichi, xua saya tapaeba.

<sup>15</sup> “Daichitha barapon cana exanatsi, pon jiwi itorobiya pia pepa peewatsinchi, xua ichan cana exana pon iru jiwi itorobiya pia pepa peewatsinchi, bapoxonae equeicha bapon caibe nawiya pia nacua beya. Poxonae bapon pia nacuatha patopa bapon waba

pia petanacuichiwichi pomonaetha pomonae catsiba paratixi. Waba peyaputaenexa icha barapomonae metha comoca yawa caenaeta icha be pocotsi coyeneya bayatha bapon itoroba.

<sup>16</sup> Pon copiya patopa bapon namchi: ‘Tanecanamataxeinaem, po paratixi necatame, barapo paratixitha comocan, xuya equeicha caenaetan, equeicha diez po paratixibe matoma xeineiban’, jei pon copiya patopa.

<sup>17</sup> Pon pecanamataxeinaein jume nota, jeye: ‘Maisa xam beta exaname pon inta nenacuichim. Yaitama beta eexanaponame xua peyauyo caitorobatsi daxota pentacaponaein caexanatsi xua necanamataxeinaewa tsane diez po tomariyobepiwi’, jei.

<sup>18</sup> Ir<sub>u</sub> icha petanacuichinchi patopa. Bapon jeye: ‘Tanecanamataxeinaem, po paratixi necatame, barapo paratixitha comocan, equeicha caenaetan, equeicha matoma xeineiban cinco po paratixibe’, jei.

<sup>19</sup> Pon pecanamataxeinaein jume nota. Bapontha jeye: ‘Xam pentacaponaein caexanaeinchi xua necanamataxeinaenexa cinco po tomariyobepiwi’, jei.

<sup>20</sup> “Ir<sub>u</sub> icha pia petanacuichinchi patopa, bapon jeye: ‘Tanecanamataxeinaem, taema xote xeinanje jinya paratiyo, cata mata quiyontabatsi painyaweratha.

<sup>21</sup> Yaitama cacui cunuwatsi, tsipei be barapocotsim pon jopa jiwi juniya itorobeibim. Matautano jiwi cobe itorobeibame xua noteibina pocotsiwa jopa jinyawiyo. Matautano pexaewa xua naweta noteibame ichaxota jopa ubim’, jei.

<sup>22</sup> Nexata pon jiwi itorobiya pia pepa peewatsinchi namchi: ‘Bepa maisa dapon abem. Apra xam jinya coutha nanatsicuenti exaname abe nepaebixae. Xam yaputaneme xua xan pon jopa jiwi juniya taitorobeibin, xuano xua pexaewa naweta tanoteibiwa xua ichaxota jopa tacoya ubeibinyo, matautano xua ichamonae cobe itorobeiban xua noteiba pocotsiwa jopa tawiyo.

<sup>23</sup> Tsipei catsawiya neyabara nanta xeiname xua bichocono daunweya itoroban daxota bayatha inta bewa barapo paratiyo banco botha botsipame xua equeicha poxonae patopan, icha paratiyo equeicha matoma xeinaetsipan xua equeicha inta pemataroepichabotsixae tsipae poxonae ichamonae nacowaeta barapo paratiyo’, jei.

<sup>24</sup> Pon jiwi itorobiya pia pepa peewatsinchi barai, pomonae xua ena baxota baraichi: ‘Barapon pacobe wepire barapo paratiyo, nexata barapo paratiyo pacare pon xua equeicha diez po paratixibe matoma exanaeya xeina’, jei pon jiwi itorobiya pia pepa peewatsinchi.

<sup>25</sup> Pomonae ena, barapomonae jume epa nota, jeye: ‘Pon jiwi itorobiya pepa neewatsin, equeicha icha paratiyo jopa catsinde bapontha. Bayatha apra diez po paratixibe xeina’, jei barapomonae.

<sup>26</sup> Pon jiwi itorobiya pia pepa peewatsinchi barapomonae jume notatsi, jeye: ‘Paca tsipaebatsi, pon ba be conotha Nacom yabara yaputainchi Nacom bapontha cana exanaena xua ichawa peyabara yaputaewa tsane beya poxonae bapon equeicha bichocono Nacom pejume cowantsiwa tsainchi. Pon ba jopa ichipaeyo xua Nacom peyabara yaputaewatsi, Nacom wepichina po coyene bapon yaputane xua beya daxota Nacom jopa pejume cowantsiwa tsainchi.

<sup>27</sup> Yabara paca tsipaebatsi pomonae taneaitafaetabi jiwi. Barapomonae neaichaxaibi xua jiwi itorobiya pepa taewatsin tanecana exanaewa. Barapomonae pacarenenande ichaxota ecan. Barapomonae pajutebare ichaxota ecan’, jei pon jiwi itorobiya pia pepa peewatsinchi”, jei Jesús.

*Meje yabara poxonae Jesús Jerusalén tomaratha patopa  
(Mt 21.1-11; Mr 11.1-11; Jn 12.12-19)*

<sup>28</sup> Poxonae Jesús baxua najume weta, bapoxonae pona Jerusalén tomara beya.

<sup>29</sup> Jesús itiya patopa Betfagé tomara, Betania tomarano xua saya patopa demxuwatha po demxuwa pewun Olivowa tsipei baxota umena olivo naein. Bapoxonae nacueyatabe poyobe itoroba poyobe xua pijimonaexae tatsi jiwanaabe pomonae xua doce poyobe.

<sup>30</sup> Jesús barai baponbe, jeye:

—Paponarebe po tomara painya itabaraya equiya. Poxonae papatopaenamebe barapo tomaratha, pacaxinaenamebe burro pon penun pon pequetanotsin, pon jopa ichamonae tsijuma enaeyo. Payama isanaxorebe bepayama carenandebe.

<sup>31</sup> Icha ichun paca barai: ‘¿Eta pocotsiwa payama isanaxubamebe burro?’ icha paca jei bapon, nexata pajandebe: ‘Pon Wanacanamataxeinaein bepa pata yama cayiyaeinjei, tsipei pinae nantawenona’, pajandebe, jei Jesús.

<sup>32</sup> Poxonae baponbe tomaratha patopabe, tanebe be pocotsi coyeneya bayatha Jesús namchi.

<sup>33</sup> Poxonae baponbe burro yama isacauyabe, baponbe yainyabatsibe pomonae barapo burro pexeinaexae. Baponbe baraichibe:

—¿Eta pocotsiwa burro payama isacauyamebe? jeichichibe baponbe.

<sup>34</sup> Baraponbe jume notabe barapomonaetha, jeye:

—Pon Pecanamataxeinaein jiwi bepa pinae patayama cayiyaein, tsipei pinae nantawenona, jeibe baponbe.

<sup>35</sup> Baraponbe burro tayama cayabe, Jesús tayama cayatsi. Baraponbe burro paparuwa tsijuma jebicabe po paparuwan aitiya xua baponbe pia paparuwan tatsi, bapoxonae Jesús cuaretsicatsi.

<sup>36</sup> Jesús burrotha ecapona. Jiwi paparuwan namtotha yerababa jejebabapoinya. Barapo paparuwan Jesús matatsun ecapona burrotha. Barapomonae baxua exana tsipei Jesús matenta weyatainchi xua patopa.

<sup>37</sup> Poxonae Jesús muxu perunadecae demxuwa wereca, po demxuwa pewun Olivowa, tsipei baxota umena olivo naein barapoxonae pomonae Jesús pejume cowantsiwichi, barapomonae juntu coyene weiweinaya jume daunweya wawai. Yawano Nacom wunae jaintatsi xua bayatha pexeinya petsita itutsi coyenewan petaexae xua Nacom exana.

<sup>38</sup> Barapomonae jeye:

—¡Pai jayana! ¡Maisa Jesús pon jiwi itorobiya pia pepa peewatsinchi, maisa wunae, bapon patopa Nacom peitorobixae! ¡Pomonae xua peitabocotha jinompa juntu coyene weiweina bichocono! ¡Maisa Nacom bichocono wunae jaintatsi pon athabeicha eca! jei Jesús pijimonae tatsi.

<sup>39</sup> Nexata fariseo jiwana monae, pomonae naenapona pin bicheitha, barapomonae Jesús baraichi:

—Pon jiwi Necuidubim, jinya jiwimonae baxua jume matawende: ¡Moya pande! jande, jei fariseo jiwana monae.

<sup>40</sup> Ichitha Jesús jume epa pita, jeye:

—Paca tsipaebatsi, icha barapomonae metha moya tsipae bara nexata iboton jume daunweya wawai tsipae, jei Jesús.

<sup>41</sup> Poxonae Jesús imoxoyo Jerusalén tomaratha patopa, poxonae tomara tane, Jesús juntu coyene wecoyei tsanareca, poxoru Jerusalén tomaramonae yabara wecoyeichi.

<sup>42</sup> Jesús namchi, jeye: “¡Pai maisa bepayaputaename xua pocotsi juntu coyene junte ma jinompa paca cana exana! Nama anoxuae baxua nantsiyata. Jopa paca itacupaeyo xua painya nexainaewa painya juntu coyenetha.

<sup>43</sup> Meisa matabi pacata jopaena po matabi abe. Barapo matabitha painya nepaca caaitafaetabi jiwi paca yatomara yatoxoroto exanaxubina. Tsorobo paca yacaincha acabina. Yawa paca yacaincha umenaena daxita muxuneneintha.

<sup>44</sup> Paxam Jerusalén tomarapiwi pam, yawano painya pexuino, ichamonae paca jutebina. Painya bon iratha paca yawa bebai tsane. Jopa cae iboto asiya uncuiyae

tsane, omeicha othopeicaena. Tsipei paxam jopa Nacom payaitaem xua poxonae paca necasiwa ponaewa”, jei Jesús Jerusalén tomarapiwimonae yabara.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

*(Mt 21.12-17; Mr 11.15-19; Jn 2.13-22)*

<sup>45</sup> Jesús Nacom pin pia botha joniya. Baxota Jesús aisowa benapuna torobabiya pomonae caenaeta baxota.

<sup>46</sup> Jesús barai barapomonae, jeye:

—Nacom Pejume Diwesitha jeye: ‘Tabo apara po botha xua jiwi tanetsipaebinexa tsaibi tsane barapo botha’, jei Nacom Pejume Diwesitha. Ichitha paxam barapo bo be pecaibiwi pia m̃th̃a tutu pacana exaname, ichaxota pijunuwi nantsiyabeibathopa, tsipei baxota panacaetutamé saya ɸ xua painya necaibinexam tsane paratixi pomon-aetha pomonae xua pateiba xua Nacom petsipaebeibinexatsi, jei Jesús.

<sup>47</sup> Nacom pin pia botha daxita matacabi Jesús cuidubeiba. Ichitha sacerdotemonae pia pentacaponae wi, ir̃a pomonae jiwi pecuidubiwi Moisés pia peitorobi coyene tatsi, ir̃a tomara pia pentacaponae wi daxita barapomonae Jesús yabara nanta xeinatsi nawita xua pebexubinexa tsainchi.

<sup>48</sup> Ichitha jopa itac̃paetsi barapomonae xua Jesús pebexubiwa tsainchi tsipei pin bicheito beta xanepanya Jesús jume tayenatsi.

## 20

*Meje yabara xua Jesús pia peitorobi coyenewa xeina*

*(Mt 21.23-27; Mr 11.27-33)*

<sup>1</sup> Caentacabi Jesús Nacom pin pia botha joniya. Barapo botha Jesús cuiduba jiwi. Yawa Nacom pia pecapanenebiyae diwesi yabara cueicuei jei. Bapoxonae ir̃a sacerdotemonae pia pentacaponae wi tatsi pata. Ir̃a pata pomonae jiwi pecuidubiwi xua Moisés pia peitorobi coyenewa tatsi. Ir̃a pata pomonae penapatae jiwi.

<sup>2</sup> Daxita barapomonae Jesús baraichi, jeye:

—Incane pana tsipaebare, ¿eta po peitorobi coyenewatha cuidubame baxuan? ¿jintam cacata barapo peitorobi coyene? jei.

<sup>3</sup> Nexata Jesús jume nota, jeye:

—Xan ir̃a tha barichichi paca yainyabinchi pana nejume nore.

<sup>4</sup> ¿jintam Juan cui itorobatsi jane xua jiwi pebautisabinexa tsainchi? ¿Metha bara Nacom cui itoroba jampa? ¿Metha bara jiwi cui itoroba jampa? jei Jesús.

<sup>5</sup> Barapomonae caemonae yabara natsipaeba pocotsiwa Jesús pepaebiwa. Barapomonae jeye: “¿Eta xua metha jei tsainchi? Icha jei tsipaetsi xua Juan cui itorobatsi Nacom xua pebautisabiwa jiwi, metha naca jei tsipae: ‘¿Eta xua metha nexata jopa pajume cowantsim Juan?’ metha naca jei tsipae Jesús.

<sup>6</sup> Icha jei tsipaetsi Juan cui itorobatsi jiwi, metha apara jiwi naca jutebina ibotoxitha, tsipei daxita barapo jiwi nanta xeina xua Juan pon Nacom peitorobi jume pepaebin”, najei barapomonae.

<sup>7</sup> Barapomonae Jesús jume notatsi, jeye:

—Canta jopa payaputaeinyo xua pon Juan cui itorobatsi xua jiwi pebautisabiwatsi, jei barapomonae.

<sup>8</sup> Nexata Jesús barai barapomonae, jeye:

—Nexata barichin tsane. Jopa yabara paca tsipaebi tsainchi, po peitorobi coyeneyatha exanan xua daxita taexanaewan, jei Jesús.

*Meje yabara poxonae Jesús paeba pecayabara j̄ta pepaebi diwesiyo pomonae xua abe exana, pomonae petayapucaenaewi uva pabi*

*(Mt 21.33-44; Mr 12.1-11)*

<sup>9</sup> Nexata Jesús diwesi tsipaeba jiwitha po diwesi pecayabara j̄ta pepaebi diwesiyo. Jesús jeye: “Matha ir̄a pebin pin uva pabi xeina. Bapon ̄ba po ̄nbo pew̄n uva cuei ̄nbo. Bapoxonae bapon itoroba pomonae pia uva pabi petayapucaenaewichi tsainchi, xua bapoxonae barapomonae pejiwanaxaenexa pocotsiwa penawetsiwa. Bapoxonae bapon icha nacua beya pona ainya wei nexa.

<sup>10</sup> Matacabi tsuxubi xua uva cuei naweta. Bapoxonae barapo mataqueitha pomonae pabi petayapucaenaewi jiwana itapeta nota xua penawetsiwa. Bapoxonae pon uva pabi pexeinaein, caein jiwana itoroba pomonae pia petanacuichiwichi jiwana, xua petaw̄caenexa tsainchi uva cuei pomonae beya pomonae pabi petayapucaenaewichi. Ichitha barapon pon najume caitorobatsi, bapon b̄tsi. Bapon caibe cobesa iya.

<sup>11</sup> Pon uva pabi pexeinaein bapon equeicha caein jiwana itoroba pomonae pia petanacuichiwichi jiwana. Bapon barichi bichocono b̄tsi, caibe cobesa nawiya yawa jopa catichi.

<sup>12</sup> Pon uva pabi pexeinaein equeicha caein jiwana itoroba pomonae pia petanacuichiwichi jiwana. Barichi pomonae pabi petayapucaenaewi barapon b̄tsi yawa wan exanatsi yawa pabi weya xotsi.

<sup>13</sup> “Pon uva pabi pexeinaein matapainya nanta xeina najei: ‘¿Eta xua metha exanaein? Metha taxanto itorobin pon bichocono antobein. Metha poxonae taxanto taeinchi, metha inta yabara bar̄a cui itura jinaeinchi’, najei.

<sup>14</sup> Dapo jumetha pomonae uva pabi petayapucaenaewi poxonae bapon taeinchi, barapo petayapucaenaewi uva pabi najei tsane: ‘Apara bapon paxa copiniwa pichina. Daxota bapon b̄a bexotsi xua xainya xeinatsi barapo uva pabi’, najei barapomonae.

<sup>15</sup> Barapo pexanto tatsi uva pabi juma bemax̄a cayiyatsi. Baxotiya bexotsi”, jei Jesús.

Nexata Jesús barai barapomonae, pomonae jume tayenatsi Jesús, jeye: “Pon uva pabi pexeinaein, ¿eta be cana ichi tsane pomonaetha pomonae barapo uva pabi pia petayapucaenaewichi?

<sup>16</sup> Pon uva pabi pexeinaein patopaena pia uva pabitha, pomonae uva pabi peyapucaenaewi daxita barapomonae jutebinchi. Barapoxonae barapo uva pabi ichamonae xuya catinchi xua petayapucaenaenexa tsainchi barapo uva pabi”, jei Jesús.

Pomonae Jesús jume tayenatsi poxonae baxua jume tane xua Jesús paeba, barapomonae Jesús jume itawetatsi, jeye:

—jBara, jopa bepajume taeinyo baxua, tsipei xua paebame Nacom jopa copatsiyo pata xantha xua pata tanejutebinexa ichamonae! jei barapomonae.

<sup>17</sup> Ichitha Jesús tane, barapomonae tainchi. Jesús jeye:

—Incane pajume taema pocotsiwa Nacom Pejume Diwesitha neyabara caunuta poxonae iboto yabara paeba, jeye:

‘Pebiwi pomonae ibo bon peacabiwi,

barapo pebiwi xuba po iboto tab̄a

caboca, po iboto peainya cui iboto.

Ichitha Nacom itapeta barapo iboto xua

petab̄a cabocaenexa peainya cui ibotoxae’,

jei Nacom Pejume Diwesitha.

<sup>18</sup> Incane iboto yabara paca tsipaebinchi. Barapo ibototha poxonae ichauyo jopeica pep̄r̄wixi tsanaya. Matautano poxonae barapo iboto ichauyo matatsun jopeicatsi pebena tsanaya. Icha barapo iboto ichi poxonae cana exana ichauxitha peainya cui ibotoxae, xan barapocotsi j̄ta coyeneya barichin pomonaetha pomonae jopa tana



nejume cowantsiwi. Pia jopa tana neyaputaexae barapomonae daxota peraxa exanaeinchi, jei Jesús.

<sup>19</sup> Sacerdotemonae pia pentacaponae tatsi, iru pomonae jiwi pecuidubiwi xua Moisés pia peitorobi coyenewa tatsi, daxita barapomonae juntucuru Jesús teicatsi poxoru barapomonae yaputane xua yabara paebatsi xua Jesús paeba. Nexata Jesús jopa teicaetsi poxoru jiwi cunuwatsi.

*Meje yabara poxonae Jesús yabara cuiduba paratixi matoma po paratixi jiwi bewa catsibina pontha pon romanomonae itorobiya pia pepa peewatsinchi*

*(Mt 22.15-22; Mr 12.13-17)*

<sup>20</sup> Barapomonae itoroba, ichamonae itorobatsi xua petataenexa tsainchi. Pomonae xua itorobatsi, barapomonae naexana itara mexeya pentu cui xanepanaewi. Barapomonae pona Jesús beya, xua Jesús naerabiya pecui jume yopichinexa tsainchi xua exana yawa xua paeba. Pia bapoxonae Jesús waetabichi yawa pia caponaetsi pontha pon Judea nacupapiwi peyanacua ewatsinchi. Bapon peajumeyapusu itorobiwa xeina, xua po peajumeyapusu itorobiwa cata pon romanomonae itorobiya pia pepa peewatsinchi.

<sup>21</sup> Daxota barapomonae Jesús yainyabatsi jeye:

—Pon jiwi Necuidubim. Bara payaputan xua bara jume xainyeya tsipaebame jiwi, matautano xua jiwi bara beta cuidubame xua pocotsiwa jiwi bewa exanaena pexinaenexa tsane Nacomtha po juntu coyene pexanepanae juntu coyene. Matautano jopa jiwi cunuwim poxonae cuidubame poxonae bequein jiwi jopa ichichipaeyo baxua, tsipei xam daxita jiwi catsita najupa.

<sup>22</sup> Incane yabara pana netsipaebare xuaje: ¿Metha bara Nacom pia peitorobi coyene naca itoroba xua waxainchi paratixi catsibinchi pon romanomonae itorobiya pia pepa peewatsinchi xua wanaca itorobixae bapon bequein bara pon penanapainchi poponaein? Icha jopa tsipae, ¿metha daxua abe tsipae? jeichichi Jesús barapomonae pomonae fariseomonae itoroba.

<sup>23</sup> Ichitha Jesús yaputane xua piraichi baxua yainyabatsi.

<sup>24</sup> Daxota jeye:

—Incane moya painta xawena paratiyo, tha taetsi. ¿Jintam pejumopere? ¿Yawano jintam wun ducua? jei Jesús.

Barapomonae jume nota, jeye:

—Apara romanomonae itorobiya pia pepa peewatsinchi, jei barapomonae.

<sup>25</sup> Nexata Jesús barai barapomonae, jeye:

—Bara nexata romanomonae itorobiya pia pepa peewatsinchi pacare pocotsiwa xua bapon piawaxae. Matautano Nacom pacare xua baxua iru piawaxae tatsi, jei Jesús.

<sup>26</sup> Barapomonae jopa itacupaetsi xua Jesús pewaetabiwatsi daxita jiwi peitatha, tsipei Jesús beta jume nota barapomonae. Barapomonae yabara najuntu cui coyene cabenaeca pocotsiwa xua Jesús xanepanaya beta jume nota, daxota barapomonae saya moya umeña.

*Meje yabara poxonae Jesús yabara yainyabatsi po coyene xua equeicha asu pomonae pewerapeibiwi*

*(Mt 22.23-33; Mr 12.18-27)*

<sup>27</sup> Bapoxonae saduceomonae jiwana pata Jesús pia xantha tatsi xua Jesús piraichi petsipaebinxatsi. Saduceomonae barompaya pia pecuidubi coyenewa xeina xua pinae pomonae pewerapeibiwi equeicha jopa asu tsaibiyo. Barapo pecuidubiwa jopa jupaeyo po pecuidubiwa Jesús pia pecuidubiwa tatsi xua pinae jiwi equeicha asu jinompaena poxonae werapa. Daxota saduceomonae Jesús siwa poinchi. Saduceomonae Jesús baraichi:

<sup>28</sup> —Pon jiwi Necuidubim. Moisés nacata tina, namchi: ‘Icha pebin piowa cuenta tupa, yawa jopa xeinaeyo pexui, xuyapin bewa pentapin pecoutha coseuri pichina xua bapoxonae pentapin pecoutha pexeinaenexa tsane pexui’, jei Moisés.

<sup>29</sup> Barichi, matha iru cae peweicho jiwi xua caepiwi naba ru jinompa siete poyobe. Matapin jitha eca. Bapon piowa cuenta naxuba. Pexui jopa xeinaeyo.

<sup>30</sup> Pon cotacaya naexana xuya pentapin coseuri pita xua bapoxonae pentapin pecoutha pexeinaenexa pexui. Bapon iru cuenta tupa, iru jopa xeinaeyo pexui.

<sup>31</sup> Bapoxonae ichun xuyapin xuya barapowa pita xua pentapin coseuri pita. Bapon barichi iru cuenta tupa, iru pexui jopa xeinaeyo. Daxita barapo siete poyobe cuenta nanapentapona barapowa poxonae bequein xuya pecoutha nonotaponeiba. Barapo siete poyobe, caein jiwana jopa pecoutha tapoponaetsi pexuyo.

<sup>32</sup> Bapoxonae matapainya iru barapowa tupa.

<sup>33</sup> Xam, Jesús, ba paebame, ba jam: ‘Matacabi jopaena po matacabitha Nacom asu exanaena xua jiwi asu exanaeinchi muthu wetsina’, ba jam. Poxonae barapo matacabi jopaena xua daxita jiwi asu jujuinaena, barapo matacabitha, ¿jintam metha barapowa xuya pichinchi, xua ichun pichina, xua barapo siete poyobe caein jiwana? Tsipei caena bayatha barapo siete poyobe caepiwi cuenta nanapentapona barapowa, jei saduceomonae.

<sup>34</sup> Nexata saduceomonae, Jesús jume nota. Jesús jeye:

—Barapo nacuathe pebiwi yawa yabuxi, barapomonae jitha eenapona.

<sup>35</sup> Pomonae xua Nacom itapeta waba, poxonae barapomonae patsina Nacom pia nacuathe, barapomonae jopa equeicha jitha eenapona tsane, yawa jopa pexantixi jitha cuarebapona tsane.

<sup>36</sup> Tsipei barapo nacuatheicha, barapomonae bexa jopa werapae tsane icha matat-sunpiwi ichi xua jopa werapae. Matauta barapomonae Nacom pia pexui, tsipei barapomonae equeicha asu barapo petupaeyo coyene weya.

<sup>37</sup> Caena bayatha Moisés yabara naca cuiduba xua pomonae pewerapebiwi xua equeicha asu tsaibi tsane, po diwesitha naewa yabara tina po naewa taxuncua. Barapo diwesitha Nacom pon Pecanamataxeinaein jiwi, namchi: ‘Xan Abraham pia Nacomun tatsin, iru Isaac pia Nacomun tatsin, iru Jacob pia Nacomun tatsin’, jei Nacom.

<sup>38</sup> Baxua Nacom paeba tsipei Abraham iru Isaac, iru Jacob pomonae bayatha pewerapaewi anoxuae equeicha caewa asu jinompa Nacom pia nacuatheicha tatsi. Pomonae pewerapaewi pomonae jopa caewa equeicha asu pejinompaewi, barapomonae jopa pia Nacom tatsi, pon itabocotha eca. Saya jame meisa pomonae bayatha pewerapaewi caewa equeicha asu pejinompaewi pomonae pejume cowantsiwixaetsi Nacom, barapomonae jame pia Nacom tatsi, pon itabocotha eca, jei Jesús.

<sup>39</sup> Nexata pomonae jiwi pecuidubiwi Moisés pia peitorobi coyene tatsi, barapomonae jiwamonae Jesús baraichi, jeye:

—Pon jiwi Necuidubim, maisa bara beta xanepanaya paebame, jei barapomonae.

<sup>40</sup> Saduceomonae equeicha jopa Jesús yainyabichi xua equeicha beta pejume notsi-watsiyainwa.

*Meje yabara poxonae Jesús nayabara jei: “Mesías, ¿jintam pia pemomoxi susato jiwonapin tatsira?” jei*

*(Mt 22.41-46; Mr 12.35-37)*

<sup>41</sup> Equeicha Jesús nayabara paeba pomonaetha pomonae jiwi pecuidubiwi Moisés pia peitorobi coyene tatsi. Jesús jeye:

—¿Eta pocotsiwa metha jiwi paeba xua pinae Mesías bapon David pia pemomoxi susato jiwonapin tatsi?

<sup>42-43</sup> Tsipei David jei salmos penaxunae weixi diwesintha: ‘Nacom pon Pecanamataxeinaein jiwi

Tanecanamataxeinaein baraichi pon  
Mesías jeichichi:

Tacoxa werena ecare, beya abũ tsane poxonae  
necaaitafaetabi jiwi pia Pecanamataxeinaeinchi  
tatsi caexanaeinchi, jei Nacom',  
jei David salmos penaxũnae weixi diwesintha.

<sup>44</sup>Icha David yabara jei xua Mesías yabara jeichi: Bapon Mesías Tanecanamataxeinaein,  
jei, ¿eta xua metha tsipae xua Mesías apara David pia pemomoxi susato jiwanapin tatsi?  
jei Jesús.

*Meje yabara poxonae Jesús muxuweta jiwi xua pomonae jiwi pecuidubiwi Moisés pia  
peitorobi coyene tatsi barapomonae pecuiyainwa tatsi  
(Mt 23.1-36; Mr 12.38-40; Lc 11.37-54)*

<sup>45</sup>Pomonae xua umena daxita barapomonae Jesús jume taeumeinchi poxonae Jesús  
pijimonae tsipaeba. Jesús namchi, jeye:

<sup>46</sup>“Dota pam, dota pomonae jiwi pecuidubiwi Moisés pia peitorobi coyene tatsi.  
Barapomonae pia pecuidubi coyenewan tatsi pecuiyainwa pande. Jopa paexanaeinde  
icha barapomonae ichi xua barapomonae bichocono ichichipa xua penama xatabiwa  
po paparuan apipiya deca xua be pomonae peainya cui jiwi penaexanaewi naexana.  
Barapomonae bichocono ichichipa xua jiwi namtotha jacobebina xua barapomonae  
pejacobinexatsi xua jiwi pebarũ cui itura jineibinexa barapomonae xua barapomonae  
pebarũ cui itura jineibinexatsi. Barapomonae bichocono ichichipa xua nanta caeneiba  
judiomonae pia penacaetutsi bontha tatsi ichaxota ba enathopeiba pomonae peainya  
cui jiwi penaexanaewi. Mataũta barapomonae bichocono ichichipa xua eneiba ichax-  
ota ba eneiba pomonae peainya cui jiwimonae poxonae pexaewan tsinacaetuteiba xua  
poxonae penabaneibinexa tsane.

<sup>47</sup>Mataũtano barapomonae powaxi pecuenta werapaewaxichi piseurixi, barapowaxi  
cueranta enatsi pia bon. Barapomonae naemata jopa cuinaya najume copababeibiyo  
poxonae tsipaebeiba Nacom. Barapomonae bichocono peraxa jubebinchi poxonae po  
mataqueitha Nacom yabara paebina jiwi xua pia penatsicuentisiwa xua abe petsita ex-  
anaexaetsi. Barapomonae bichocono atene tsane xua poxonae beyacaincha ichamona  
atene exanaeinchi xua jopa pejume cowantsixaetsi Nacom”, jei Jesús.

## 21

*Meje yabara poxonae Jesús yabara paeba xua petsiriwa paratiyobe cata Nacomtha,  
powa pecuenta tũpaewatsi piseuri  
(Mr 12.41-44)*

<sup>1</sup>Nacom pin pia botha Jesús tane xua baxota pomonae copei xeinaewi paratixi jeya  
Nacom nexa ichaxota jiwi jebeiba paratixi.

<sup>2</sup>Barichi Jesús tane xua irũ ainya tsica paratiyobe jeca baxota powa pecuenta  
tũpaewatsi piseuri, yawa bapowa peacopeibiwayo.

<sup>3</sup>Jesús jeye:

—Bara xaniyeya paca tsipaebatsi. Barapo yabũyo powa pecuenta tũpaewatsi piseuri,  
barapowa peacopeibiwayo. Daichitha barapowa jeca ainya paratiyobe Nacom nexa.  
Bapowa cata beyacaincha ichamona daxita pomonae nawita jeya xua Nacom nexa.

<sup>4</sup>Daxita barapomonae jeya pocotsiwa tanacopabeibatsi. Ichitha nama bapowa  
bichocono peantobexae Nacom daxota omeicha jeca po paratiyobe bequein  
canantawenona xua pexaewa tsane, bequein bichocono peacopeibiwayo, jei Jesús  
pijimonaetha.

*Meje yabara poxonae Jesús yabara paeba xua ichamonaе abe exanaena Nacom pin pia bo tatsi*

*(Mt 24.1-2; Mr 13.1-2)*

<sup>5</sup> Ichamonaе yabara natsipaeba nawita Nacom pin pia bo tatsi. Barapomonaе najei: “¡Maisa Nacom pin pia bo tatsi bepa wɔnae! ¡Maisa bepa wɔnae xua jiwi tutu pepena peitɔpanaewan barapo Nacom pin pia botha xua Nacom nexa!” jei barapomonaе. Nexata Jesús jeye:

<sup>6</sup> –Matacabi jopaena po mataqueitha tsane ichamonaе pomonaе penanapaincha jinompaewi pomonaе xua icha nacia werena peponaewi abe exanaena Nacom pin pia bo tatsi, xuaunxuae pataneme po bo. Jopa cae ibotiyo nacopatuncuae tsane icha iboto peɔmatha, daxita abe tsane, jei Jesús.

*Meje yabara poxonae Jesús yabara paeba xua copiya matha pewɔnaeya exanaena petsita itɔtsi coyenewa poxonaе daxita weraweracaenaba*

*(Mt 24.3-28; Mr 13.3-23)*

<sup>7</sup> Nexata jiwi Jesús yainyabatsi, jeye:

–Pon jiwi pata Pecuidubim, ¿eta poxonaе metha ichamonaе baxua exanaena poxonaе abe cana exanaena Nacom pin pia bo tatsi? ¿Eta pocotsiwa tsane xua pewɔnaeya tsita itapeinya xeinaena po coyene xua poxonaе imoxoyo daxita weraweracaenaba? jei Jesús pijimonaе tatsi.

<sup>8</sup> Jesús jume barai: “Dota pam bu ichamonaе naerabiya paca muxu tsipaeba xua daxota abe paexanaetsipame. Tsipei tsane patsina ayei bicheito jiwi pomonaе natsicotaena icha be xan ichin. Barapomonaе jei tsane: ‘Apara xan, Mesías’, jei tsane. Ichɔn jei tsane: ‘Anoxuae Mesías patopaena’, jei tsane. Ichitha paxam jopa payabara jume cowɔntsinde pocotsiwa xua barapomonaе paeba.

<sup>9</sup> Pajume taename xua jiwi juinya nabenoutsina xote, yawa xua juinya irɔru nabenoutsina icha ira beya. Daichitha jopa pajunuwinde, tsipei baxua pewɔnaeya matha copiya tsane. Daichitha cataunxuae dapo matacabi aichica tsane xua poxonaе daxita weraweracaenaba yatsicaewa”, jei Jesús.

<sup>10</sup> Equeicha Jesús namchi: “Cae nacuapiwi irɔ icha nacuapiwino barapo ainya nacuapiwibe nabenoutsina. Mataɔtano irɔ pon nacia peewatsin irɔ ichɔndɔ pon icha nacia peewatsin baponbe irɔ nantiya nabenabe.

<sup>11</sup> Mataɔtano ainya nacuantha ira jijiyatsina. Mataɔtano ainya nacuantha jainbo nacia tsane, tsipei pin mayayo tsane. Mataɔtano domae tsurucuae tsane ainya nacuantha. Mataɔtano Nacom peitabocotha peitɔpanaewan itɔtsina, xua jiwi bichocono cunuwa.

<sup>12</sup> “Poxonaе baxua pewɔnaeya tsane jiwi paca teiquebina, paca atene exanaena. Judiomonaе pia penacaetutsi botha paca caponaena painya paca yabara paebinexa painya nenatsicuentsiwa xua abe painya neexanaexae. Yawa paca caponaena jiwi pecɔbi botha. Paca caponaenano nacia peewatsiwi peitabaratha tatsi, painya tana nejume cowɔntsixaemxae. Yawano paca caponaena pentacaponae wi peitabaratha tatsi, pomonaе irɔ itoroba jiwitha xua pon nacia peewatsin nexa painya tana nejume cowɔntsixaemxae.

<sup>13</sup> Barapoxonaе paca cui itacɔpaena xua barapomonaetha tapana neyabara paebiwam pocotsiwa bayatha paca tsita exanatsi.

<sup>14</sup> Pananta xeinare painya jɔntɔ coyenetha, pana najande: ‘Jopa tsiwanaya yabara nacui wɔnaetsi tsainchi xua ichamonaе watsipaebiwatsi xua abe wanaca yabara paebiwa’, pana najande.

<sup>15</sup> Tsipei xan paca tsimuxu dutinchi po jume xua pacaunutsiname, xua po jumetha beta paca yaputane exanaena. Barapo jume pacata exanatsi xua painya paca necaaitafaetabi jiwi jopa paca jume matanonopentsi tsane, xuano xua jopa peitacɔpaenexa tsainchi xua abe painya nepaca yabara paebiwa.

<sup>16</sup> Paca caenaetsina ichamonaetha pomonaetha pomonaetha jiwipecanamataxeinaewi. Irꞥ painya axeiwiyawa painya ena jiwipeca caenaetsina ichamonaetha. Irꞥ painya eweicho jiwipeca caenaetsina ichamonaetha. Irꞥ painya amoyo jiwipeca caenaetsina ichamonaetha. Irꞥ painya jiwimonae paca caenaetsina ichamonaetha. Barichi ichamonaetha pomonaetha paxam jiwana pam jutebinchi.

<sup>17</sup> Daxita nacuanpiwi paca casebina, painya tana nejume cowꞥntsixaemxae.

<sup>18</sup> Ichitha Nacom paca capanenebiyaena painya nejꞥntꞥ coyenein panenebiyaenexa.

<sup>19</sup> Awiya paantꞥyapꞥꞥya nejume cowꞥntsiya jinompare poxonaetha bequein ichamonaetha abe pacata exana xua beya payacuiya werapaeya othopaename xua painya xeinaewa tsane peajꞥntꞥyapꞥꞥwa po peajꞥntꞥyapꞥꞥwa ataya tsiteca.

<sup>20</sup> “Poxonaetha pataename xua soldadomonaetha xua icha nacuapiwi yacaincha matawacaicha yatoxoroto naexanaxubina Jerusalén tomara bapoxonaetha payaputaename xua barapo tomara bara imoxoyo abe exanaeinchi.

<sup>21</sup> Barapo mataqueitha, daxita pomonaetha Judea nacuatha jinompa barapomonaetha bewa demxuwan berꞥꞥꞥpiyaena. Irꞥ pomonaetha Jerusalén tomarapiwi, barapomonaetha bewa bara berꞥꞥꞥpiyaena. Irꞥ pomonaetha pabitha jinompa, barapomonaetha jopa bewa dꞥꞥꞥpaetsipae tomara beya.

<sup>22</sup> Tsipei barapo matakabintha Nacom cui itorobina, ichamonaetha cui itorobinchi, xua jiwiperaxa exanaeinchi, icha be po coyeneya Nacom Pejume Diwesitha yabara paeba baxua.

<sup>23</sup> ¡Pai yabꞥꞥxi tsobenae powaxi pexui bꞥꞥpana taenatsi barapo matakabitha! ¡Pai powaxi irꞥ pexui isaina, barapowaxi tsobenaerꞥ! Tsipei acabe tsobenae tsane pexui. Mataꞥtano Nacom cui itorobina barapo nacuathe, ichamonaetha cui itorobinchi xua barapo nacuathepiwi pin peperaxa jubiwatsi tsainchi.

<sup>24</sup> Ichamonaetha cusitha jutebinchi. Ichamonaetha yamaxꞥ ꞥꞥbiya caponaeinchi icha nacuan beya. Barapo Jerusalén tomaratha pomonaetha penanapaincha jinompaewi xua icha nacua werena peponaewi dubenanaebiyaena beya barapo matakabi yacobe cui othopaena, po matakabitha xua Nacom cobe matawentsina xua equeicha jopa enae tsane barapo tomaratha barapomonaetha”, jei Jesús.

*Meje yabara poxonaetha Jesús nayabara paeba xua poxonaetha equeicha patopaetsica ponxae Nacom pia Peitapetsin*

*(Mt 24.29-35, 42-44; Mr 13.24-37)*

<sup>25</sup> Equeicha Jesús jeye: “Bapoxonaetha xometotha naitꞥtsina peitꞥpanaewa, yawa jomocoichathotha, yawa opiteitontha. Barapo irathe daxita nacuanpiwi yabara najꞥntꞥ coyene cabenaenoutsina. Mataꞥtano busi taena pin maratsacan busi xua busi jopa xainya mene ducuaeyo. Bichocono jiwijnajuinyacaena.

<sup>26</sup> Jiwipiunuwi muxu pewerapae tsane poxonaetha nanta xeinaena po coyene Nacom exanaena barapo cae pin nacuathe. Mataꞥta junuwina xua exanaena itabocotha poxonaetha Nacom napuna torobabiyaena xua xuan itabocotha dubena. Bapoxonaetha jopa xapain dubenanaeyo tsane.

<sup>27</sup> Bapoxonaetha jiwine taena ponxaein Nacom Tananeitapetsin xua tsaquinaebowatha patopeicaein. Nacom pia peayapꞥꞥwa itorobi coyenewatha, mataꞥtano bichocono pexeinya itꞥpanae coichatha yawa patopeicaein.

<sup>28</sup> Poxonaetha baxuan juntucuru exanaenaba, panantꞥꞥꞥbarꞥꞥꞥpare, athabe panecotumeinyama, tsipei bara imoxoyo paca necapanenebiwa tsane”, jei Jesús.

<sup>29-30</sup> Nexata Jesús pijimonaetha tsipaeba pecayabara jꞥta pepaebi diwesiyo xua higuera nae, jeye: “Pataema nae po nae pewꞥn higuera nae, xuano ichacuitha icha naeinno xua pataneme xua pena noxu xuxuwa pona. Nexata bapoxonaetha payaputaema xua imoxoyo wei tsurucuae tsoponaetha.



<sup>31</sup> Nexata barapocotsi j̄ta coyeneya icha tsane xuaunxuae paca tsipaebatsi xua poxonaē jiwi muxu pijunuwi pewerapae tsane. Bapoxonaē payaputaename xua bara imoxoyo tsane poxonaē xua tapatopae w̄naē tsane poxonaē jiwi itorobiya ewatsin.

<sup>32</sup> “Bara xaniyeya paca tsipaebatsi daxita judiomonaē naitapataya naexanaponaena beya yacui othopaena poxonaē Nacom exanaena daxita baxuan pocotsiwa xuaunxuae paca tsipaebatsi. Bapoxonaē barapo judiomonaē weraweracaena.

<sup>33</sup> Peitaboco aichurucuae tsane, matāta ira aichurucuae tsane. Meisa nama tajumein ataya tsitecaena xua daxota daxita nayabara jume wetsina be pocotsi coyeneya bayatha paeban.

<sup>34</sup> “Dota pam, pana neyabara cananta xeinaeya jinompare. Painya xoba pana naj̄nt̄u coyene ararana exaname xua pana nasi cui matacaetame yab̄xitha xuano xua pana nac̄pa exaname peatsaxae meratha, yawano xua saya i pananta xeiname xua panantawenoname xua saya paxam nexa. Bapoxonaē barapo matacabi xain jopa paca benaecaē tsane poxonaē jopaena.

<sup>35</sup> Tsipei barapo matacabi jemeicha jopaena, icha be pocotsi j̄ta coyeneya ichi poxonaē duwein jemeicha ātabatsi mayatha. Barapo matacabi jopaena daxita barapo cae pin nacuathe yajiwi canāpaxuinch̄i.

<sup>36</sup> Tsaca pajinompeibare xua tapatopae w̄naē tsane. Matowa patsipaeba dubenanaebiyama Nacom. Patsipaebeibare xua Nacom paca capanenebiya exanaena baxua weya xua poxonaē Nacom cana exanaena ichamonaetha xuaunxuae paca tsipaebatsi. Barichi patsipaebeibareno xua painya nepaca itac̄paewa tsane xua painya neume-naewa taitabaratha ponxaein Nacom Tananeitapetsin”, jei Jesús pijimonaetha.

<sup>37</sup> Daxita matacabi Jesús cuidubeiba jiwi Nacom pin pia botha Jerusalén tomaratha. Merawitha tsaibi demxuwa beya poneiba xua baxotiya peecaenexa tsaibi tsane, po demxuwa pew̄n Olivos.

<sup>38</sup> Daxita matacabi jiwi caem̄ambotha tsaibi pateiba Nacom pin pia botha xua Jesús pejume taenexa tsaibi tsainchi.

## 22

*Meje yabara poxonaē fariseomonaē ir̄u sacerdotemonaē pia pentacaponae wi tatsi daxita barapomonaē Jesús yabara nanta xeinatsi po coyeneya xua Jesús pewaetabiwa tsainchi*

*(Mt 26.1-5, 14-16; Mr 14.1-2, 10-11; Jn 11.45-53)*

<sup>1</sup> Bara nama imoxoyo matacabi jopa po matacabitha xua jiwi nacaetuta pexaenexa pan xua jopa cotowiyo. Barapo matacabi pew̄n Pascua matacabi w̄n. Barapo Pascua matacabi w̄ntha jiwi yabara nanta xeina po matacabi poxonaē caena bayatha matha judiomonaē Egipto nacua weya panenebiya.

<sup>2</sup> Sacerdotemonaē pia pentacaponae wi tatsi, ir̄u pomonaē jiwi pecuidubiwi Moisés pia peitorobi coyene tatsi, daxita barapomonaē nabar̄u muxu jei xua bepa pinae eta bichi tsane poxonaē Jesús waetabinchi pebexubinexatsi. Cataunxuae jopa exanaeyo, canta jiwi cunuwatsi.

<sup>3</sup> Bapon Judas caein jiwana pomonaē doce poyobe pomonaē Jesús pijimonaexae tatsi. Judas icha w̄n xeina, po w̄n “Iscariote”, baraichi. Nexata bapoxonaē Satanás caurimonaē pia pentacaponae in tatsi, Judas imoxoyo peinya caquita uncuatabatsi peitorobinexatsi xua abe peexanaewa tsane.

<sup>4</sup> Judas siwa pona sacerdotemonaē pia pentacaponae wi tatsi, ir̄u policiamonaē xua pebar̄u cueicueijeinexa tsane. Barapomonaē policiamonaē pentacaponae wi, xua pomonaē peyabara umenaewi Nacom pin pia bo tatsi. Daxita barapomonaetha Judas tsipaeba xua pocotsi coyeneya poxonaē Jesús caenaetinchi barapomonaetha.

<sup>5</sup> Barapomonae bichocono ichichiparucupa baxua. Yawa barapomonae Judas muxu tsipaebatsi xua paratixi catsibapaebatsi.

<sup>6</sup> Judas bara yabara jejei xua barapomonae paeba. Bapoxonae Judas tamropata pitaba xua jeita xua po coyenetha Jesús pecaenaetaxubiwa tsainchi barapomonaetha poxonae peyapu xanepanaewatha poxonae jiwaibi tsurucupae.

*Meje yabara poxonae Jesús pijimonae baru nabane Pascua wun matabitha (Mt 26.17-29; Mr 14.12-25; Jn 13.21-30; 1 Co 11.23-26)*

<sup>7</sup> Nama matabi jopaba po matabitha poxonae jiwi tsinacaetutsina xua penabanaenexa pan po pan jopa muxuna pentsiyo levadura matawun pocotsiwa xua cotowa exana pan. Barapo penantacarucuae matabitha ba corderoxi pebtoxi xua oveja coxi jutebatsi xua jiwi pexaenexa.

<sup>8</sup> Pedro iru Juan itorobatsibe, Jesús itoroba. Jesús barai, jeye:

—Paponarebe panacui wunaerebe pexaewa Pascua wun matabi nexa waxaenexa tsainchi, jei Jesús.

<sup>9</sup> Baponbe, Pedro iru Juan, Jesús yainyabatsibe. Jeibe:

—¿Exota ichichipame xua xota pexaewa paca tsiwunaetsinchi wanabanaenexa tsane xua Pascua wun matabi nexa? jei barapomonae.

<sup>10</sup> Jesús jume nota. Jeye:

—Poxonae tomaratha papatopaenamebe, pataenamebe pebin. Barapo pebin juruwatoha yantana ponaena mera. Bapon papuna ponarebe bo beya ichaxota bapon joniyaena.

<sup>11</sup> Pon bo pexeinaein pabarande: ‘Pon jiwi Pecuidubin cabarai: ¿Incane tutura, po tututha tajiwimonae baru xaein Pascua wun matabi nexa? jeye Pecuidubin’, pajandebe, jei Jesús.

<sup>12</sup> Equeicha Jesús jeye:

—Bapoxonae pon bo pexeinaein paca tsita ita cayopichinabe po tutu pin tutu. Barapo tutu, po tutu xua asiyeicha, barapo tutu bayatha xaneba. Barapo tututha pexaewa panacui wunaetajebare xua wanabanaenexa pexaewa barapo Pascua wun matabi nexa, jei Jesús.

<sup>13</sup> Barapoyobe ponabe, penamchixae daxita tanebe be pocotsi coyeneya Jesús bayatha paeba. Bapoxonae pexaewa nacui wunaetajebabe Pascua wun matabi nexa xua penabanaenexa.

<sup>14</sup> Poxonae barapo hora tsuxubi poxonae quirei tsanaicha, Jesús baru ecoundeca pexaethopaewatha pijimonae pomonae doce poyobe pomonae pia peitorobiwixae tatsi Jesús.

<sup>15</sup> Nexata Jesús barai, jeye:

—Maisa bichocono juntu coyene weiweinan xua tapaca cabaru nacaetutsiwatsi, yawa tapaca cabaru nabanaewatsi barapo Pascua wun nabanae matabithe, xua baxua matha pewunaeye tsane xua poxonae tatupaewa tsane.

<sup>16</sup> Daxota paca tsipaebatsi xua equeicha jopa tapaca baru nacaetutsiwatsi tsainchi xua wanabanaewa tsane Pascua wun matabitha. Equeicha exanaeinchi barapo penabanaewa po mataqueitha poxonae Nacom neexanaena xua jiwi itorobiya ewatsin, jei Jesús.

<sup>17</sup> Nexata Jesús pecobetha pita corotiyo, Nacomtha tsipaeba, jeye:

—Axa, maisa juntu coyene weiweinan xua corotiyotha ecareca pepa uva mera xua pata tanecatsiwam, jei.

Yawa barai pijimonae, jeye:

—Barapo corotiye pana nacobe wenonotaponde tamropata tsiwixi pa-aapaponde.

<sup>18</sup> Daxota paca tsipaebatsi barapo uva mera jopa equeicha paca baru apae tsainchi anoxuae. Meisa abu bexa tsane pena coyenewatha paca baru apaeinchi barapo uva mera poxonae Nacom neexanaena xua jiwi itorobiya ewatsin, jei Jesús.

<sup>19</sup> Jesús pecobetha pita pan, Nacomtha tsipaeba, jeye:

—Axa, maisa juntu coyene weiweinan xua pan pata tanecatsiwam, jei.

Bapoxonae Jesús pecobetha epa janaca pan, yawa catsiba pijimonae. Pijimonae barai, jeye:

—Paxaema po pan epa janacan. Barapo pan apara neyabara caunuta tapepon xua poxonae tapaca tsitupaewatsi tsainchi. Baxua paexaneibare bapocotsiwa xuaunxuae pan paca baru xainchi. Barapo coyene paexaneibare painya tana neyabara jantanaineibinexa tsaibi tsane, jei Jesús.

<sup>20</sup> Poxonae Jesusbaru najain weta, barapoxonae Jesús yabara paeba corotiyó, icha ichi xua yabara paeba pan. Jesús jeye:

—Nacom exana pena pecapanenebiyae coyene jiwi nexa. Barapo pecaapaewiyótha uva mera paapame, xuaunxuae paapame, apara natsicotane be tajana xua tatupaein jana jopeicaein. Barapo pejanatha paca juntu coyene cui capanepaeinchi abe painya neexanae cuiru coyenein weya.

<sup>21</sup> Pebin taxantha necacuita namaxu yutabota pexaethopaewatha, barapo pebin necaenaetsina ichamonaetha xua tanebexubinexa tsane ichamonae.

<sup>22</sup> Xan ponxaein Nacom Tananeitapetsin bewa tupaein, tsipei Nacom Pejume Diwesitha baxua neyabara paeba caena bayatha. Ichitha pebin tsocuae pon necaenaetaxubina ichamonaetha, jei Jesús.

<sup>23</sup> Nexata barapomonae caemonae nantiya nayainyaba, jeye: “¿Jintam metha caenaetsi Jesús?” najei barapomonae.

*Meje yabara poxonae Jesús pijimonae tatsi, yabara najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana*

<sup>24</sup> Pirapaeyo Jesús pijimonae tatsi najume matsontsonoba xua barapoyobe caein ainya cui jiwana exanaeinchi pon xua barapo doce poyobe jiwana.

<sup>25</sup> Nexata Jesús jume barai: “Pomonae jopa judiomona naexanaeyo, barapomonae ba nantauta piamonae pomonae nacua peewatsiwi. Barapomonae pomonae jiwi itorobiya pia pepa peewatsiwichi barompaya piamonaexae jopa juniya itorobeibiyo. Barapomonae pomonae jiwi itorobiya pia pepa peewatsiwichi baxua exana, xua daxita jiwi pia jeichi: ‘Maisa barapomonae pomonae jiwi itorobiya pia pepa peewatsiwichi wanae nacata exana xua naca itoroba’, pia jeichi jiwi.

<sup>26</sup> Ichitha paxam jopa bewa paraichim tsane xua aebiya painya neitorobiwa tsane. Jame, icha cui bewa paxeinare. Pon ainya cui peexanaeinchi paxamtha xua beyacaincha ichamonae bapon bewa naexanaena be pon pecui pawí. Pon xua jiwi itorobeiba, bapon bewa naexanaena be pon amanaya tanacuita ichun nexa.

<sup>27</sup> Iru ainya pebinbe. Ichun pexaethopaewatha ecoundeca. Ichun pexaewa apata. Pon ecoundeca apatatsi. ¿Jintamda pon ainya cui peexanaeinchira xua beyacaincha ichun? Pon xua jiwi apata pexaewa bapon jopa ainya cui peexanaeinchi. Jame pon pententa apatinchi bapon jame pon peainya cui peexanaeinchi, xua beyacaincha ichun. Nama painya xantha ecan, xua tacoya nacana exanan be pon xua pexaewa jiwi taapatsin, pocotsin jopa ainya cuiyiyo.

<sup>28</sup> “Paxam barapomonae pam, pomonae meisa pana nebaru jinompeibame poxonae bequein ichamonae inta abe exana.

<sup>29</sup> Daxota paca catatsi taitorobi coyenewan icha Taxa Nacom neichi xua necata barapo peitorobi coyenewan.

<sup>30</sup> Barapo peitorobi coyenewan paca catatsi, painya nenabaru nabanaenexa taitorobeibi nacuatheica. Paenaename pexeinya peitupanae enaewantha, painya

neyabara paebinea tsane pomona doce po bicheito cuntiyobe, pomona Israel pia pemomoxi susato jiwimona tati xua penatsicuentiwa abe pia peexanaexae”, jei Jesús.

*Meje yabara poxona Jesús namchi xua pinae Pedro Jesús yabara jei tsainchi: “Jopa dapon yaitaeinyo”, pinae yabara jei tsainchi Jesús (Mt 26.31-35; Mr 14.27-31; Jn 13.36-38)*

<sup>31</sup> Equeicha Jesús jeye:

—Simón jan, caurimona pia pentacaponaein tati, bapon Satanás newuca: ‘Jinyamonaepin necare’, nejei. Bapon ichichipa xua abe cata exanaena xua taneitawetsinexam tsane. Icha jiwí ichi xua pebeno daunweya yasisita pexubinexa pesiberapewa. Barichi caurimona pia pentacaponaein tati ichichipa cajanta coyene itorobina xua taneitawetsinexam tsane.

<sup>32</sup> Ichitha xan Taxa beicha cata tsipaebatsi xua jopa tana neyabara jantemainaenexam tsane xua tana nejume cowantsiwam. Ichitha Satanás cacana exanaena xua tana nejumefebiwam saya bara caeto tsane. Bapoxona equeicha caewa nejume cowantsiname. Poxona equeicha caewa nejume cowantsiname, nexata ichamona pomona tana nejume cowantsiwi barapomona yawenaename xua ajantayapunya tana nejume cowantsiwa tsane, jei Jesús.

<sup>33</sup> Simón Jesús jume notatsi, jeye:

—Tanecanamataxeinaem, maisa be cabaru poponaeinchi. Bara bequein ichamona cacaponaena jiwí pecabi botha ichitha awiya capuna tpaeinchi. Matauta bequein tpaename ichitha awiya capuna tpaeinchi, jei Simón Pedro.

<sup>34</sup> Jesús jume nota, jeye:

—Pedro, catsipaebatsi bexa ncaunutsiname acoibi po jume cuiyobe neyabara jam tsane: ‘Dapon jopa yaitaeinyo’, neyabara jam tsane. Barapoxonae iru tsane wacara pebto fibina, jei Jesús.

*Meje yabara poxona bara nama barapo matacabi tsane po matacabitha Jesús waetabatsi*

<sup>35</sup> Nexata Jesús pijimona yainyaba, jeye:

—Poxona bayatha paca itorobatsi paca jeichi: ‘Jopa paratixi doru pacaponaende, jopa cote pacaponaende, jopa panataxu xatabinde xua penataxu xatabiwa’, jan. ¿Eta xoyo pacata seica xua xoyo pacobena poname? jei Jesús.

Barapomona Jesús jume notatsi, jeye:

—Ajibi, bara paxeinan pocotsiwa panantawenonan, jei.

<sup>36</sup> Nexata Jesús jume nota. Barapomona jume notatsi. Namchi:

—Anoxuae paca tsipaebatsi xua icha cui coyeneya. Pon cote xeina, moya bewa capona. Pon xeina paratixi doru, moya bewa capona. Pon peaitiyu camisa xeina, bapon bewa caenaetsina barapo camisa, barapo paratixitha bewa comotsina cusi.

<sup>37</sup> Poxoru paca tsipaebatsi caena bayatha Nacom Pejume Diwesitha neyabara paeba, jeye: ‘Bapon cayabara cananta xeinaeinchi jei tsane bapon jiwana caein pomona peabewi’, jei Nacom Pejume Diwesitha xua pinae jiwí jei tsane. Jiwí nantawenona xua baxua neyabara caunutsina xua Nacom peneyabara jumichixae baxuan pejume diwesitha, jei Jesús.

<sup>38</sup> Barapomona Jesús jume notatsi. Jeye:

—Patatanecanamataxeinaem, xote bayatha paxeinan ainya watobe cusi, jei.

Jesús jume nota, jeye:

—Bara, bare, jei Jesús.

*Meje yabara poxonae Jesús Paxa tsipaeba ichaxota tsica iriyo po iriyo pewun Getsemani*

*(Mt 26.36-46; Mr 14.32-42)*

<sup>39</sup> Nexata Jesús tomara weya pona. Bapon pona demxuwa beya po demxuwa pewun demxu Olivowa, olivo naein peumenaexae baxota poxoru pia cui xua poneiba baxota petsipaebeibinexa Paxa. Jesús pijimonaе puna poinchi.

<sup>40</sup> Poxonae barapo demxuwatha patopa, Jesús pijimonaе barai:

—Nacom patsipaebare xua jopa abe painya neexanaewa tsane xua caurimonaе paca itoroba.

<sup>41</sup> Nexata Jesús pijimonaе tsiwiyo wepu natsixitaba. Saya jopa tajuyo. Be poxonae pebin ibotiyo xoya xua be pocotsiwatha naruntabiya jopeica. Jesús pentabocototha ecoundeca. Paxa tsipaeba.

<sup>42</sup> Jesús namchi: “Axa, icha ichichipame xua tana neyawenaewam, inta pire xua ajuntucoyenerewe neexana. Ichitha jopa neexanaeinde be pocotsi coyeneya ichichipan. Saya jame necana exande be pocotsi coyeneya ichichipame”, jei Jesús.

<sup>43</sup> Bapoxonae Jesús tsita naitutatsi matatsunpin pon itaboco wetsica pona. Barapo matatsunpin Jesús antusaya cana exanatsi poxonae yawenatsi.

<sup>44</sup> Bichocono Jesús ajuntutane tsipei Paxa copatatsi xua jiwi petsitupaewa tsainchi. Paxa beya bichocono matowa jume daunweya tsipaeba. Yawano bichocono najaneta. Barapo penajanetsiwa poxonae iratha othopeica be pejana othothepeica.

<sup>45</sup> Poxonae najume wetaba xuano xua asiya uncuano bapoxonae pijimonaе beya pona. Jesús tane pijimonaе xua tamaitumeinchi. Barapomonaе maita tsipei jantucuerona xua wecoyei, xua Jesús yaitama petupapaebixae.

<sup>46</sup> Nexata Jesús pijimonaе barai, jeye:

—¿Eta xua metha pamaitame? Panonobaponde Nacom patsipaebare xua jopa abe painya neexanaenexa tsane pocotsiwa caurimonaе paca itoroba, jei Jesús.

*Meje yabara poxonae Jesús waetabatsi*

*(Mt 26.47-56; Mr 14.43-50; Jn 18.2-11)*

<sup>47</sup> Cataunxuae abun Jesús pijimonaе tsipaebuncua poxonaerun jiwi pin bicheito pata. Caein Jesús pijimonaе tatsi jiwana, pon pewun Judas, pomonaе xua doce poyobexae, bapon pin bicheito matacapona. Judas Jesús imoxoyo caquita uncuatabatsi xua Jesús petsutsubinexa tsainchi.

<sup>48</sup> Nexata Judas baraichi, Jesús barai, jeye:

—Xan ponxaein Nacom Tananeitapetsin, ¡Judas, jamaisa netsutsubame, apara metha jinya necaenaetichi ichamonaetha! jei Jesús.

<sup>49</sup> Pomonaе Jesús pijimonaе tatsi caquita umeinchi, poxonae barapomonaе baxua tane xua Judas Jesús tsutsubatsi xua pecaenaetsinexatsi ichamonaetha, bapoxonae barapomonaе Jesús baraichi:

—Pata Tanecanamataxeinaem, ¿barapomonaе cusitha paucuboban? jei Jesús pijimonaе tatsi.

<sup>50</sup> Jesús pijimonaе tatsi jiwana caein, bapon muxuyoro catsoniba, pon sacerdotemonaе pia pepa pentacaponaein tatsi tanacuitatsi bapon muxuyoro catsonibatsi po muxuyoroto pecoxa werucuiya.

<sup>51</sup> Ichitha Jesús barai bapon jeye:

—Bara, bara, jei Jesús.

Pon muxuyoro catsonibatsi Jesús muxuyoro jayaba pecobetha. Bapoxonae bapon equeicha muxuyoro ducuanaya.

<sup>52</sup> Jesús tsipaeba, sacerdotemonaе pia pentacaponaewi tatsi tsipaebatsi. Yawano tsipaebano pomonaetha pomonaе penapataewi. Barichi tsipaebano pomonaetha



pomonaē Nacom pin pia bo peyapu enaewi. Daxita barapomonaetha Jesús cueicueije, pomonaē ichichipa xua Jesús pewaetabiwatsi. Jesús jeye:

—¡Pacapatame cusin yawa iwabi, icha paichim poxonaē pacana exaname pontha pon jiwī pecaibin!

<sup>53</sup> Poxonaē daxita matacabi Nacom pin pia botha paca barꝰ poponeibatsi, jopa pana newaetabim. Ichitha anoxuae barapo matacabi tsuxubi nama po matacabitha Nacom paca yabara cui copata xua painya neexanaewa tsane pocotsiwa paca necaitorobixae cauri, bapon Satanás pon peyaitaquireya jinaein.

*Meje yabara poxonaē Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús*

*(Mt 26.57-58, 69-75; Mr 14.53-54, 66-72; Jn 18.12-18, 25-27)*

<sup>54</sup> Nexata daxita barapomonaē Jesús teicatsi. Yawano capoinchino sacerdotemonaē pia pepa pentacaponaein tatsi pia bo beya tatsi. Pedro, Jesús tsiwiyo tajꝰ pu taetae tsiniyatsi.

<sup>55</sup> Baraxotiya sacerdotemonaē pia pentacaponaein tatsi pia botha tatsi bara po botha aisowa beya panatha tututha isoto itutaeta. Soldadomonaē barapomonaē nayatoxoroto exanaxubiya ena isototha. Baraxota irꝰ Pedro naeca.

<sup>56</sup> Yabꝰyo powa sacerdotemonaē pia pepa pentacaponaein tatsi tanacuitatsi, poxonaē Pedro tainchi barapowa, xua irꝰ naeca baxota isototha barapowa Pedro caununaya baraichichi, jeichichi:

—Bapon irꝰ apara bayatha Jesús puna poponeibatsi, jei.

<sup>57</sup> Ichitha Pedro jume matawenta, jei:

—¡Petsiriwa, barapo pebin jopa yaitaeinyo! jei Pedro.

<sup>58</sup> Bapoxonaē pirapaeyo irꝰ ichꝰndꝰ pebin patopa. Bapon Pedro irꝰ tainchi xua irꝰ naeca baxota. Pedro baraichi bapon, jeye:

—Xam apara irꝰ Jesús pijimonaē tatsi jiwanam, jei.

Ichitha Pedro jume barai, jeye:

—¡Pebin, jopa dapomonaē jiwanyo apara! jei Pedro.

<sup>59</sup> Poxonaē cae hora yapucaewa, irꝰꝰ ichꝰn Pedro matowa baraichichi:

—Bapon apara napuna poneiba Jesús, tsipei bapon Galilea nacuapindꝰ, jei.

<sup>60</sup> Ichitha Pedro jume barai, jeye:

—¡Pebin, daꝰmetha jopa taeinyo xua paebame! jei Pedro.

Poxonaē Pedro cataunxuae baxua cueicueije, bapoxonaē caena nainya wacara pebto caein fiba.

<sup>61</sup> Nexata Jesús napatomeicha necota, Pedro necoyatsi. Nexata Pedro nanta xeinataba xua bayatha Jesús Pedro tsipaebatsi, poxonaē jeye: “Xam barapo merawithe, pewꝰnaeya poxonaē wacara pebto fibina xam copiya acoibi po jume cuiyobetha neyabara jam tsane: ‘Jopa dapon yaitaeinyo’, neyabara jam tsane. Barapoxonaē irꝰ nainya wacara pebto fibina”, jeichi Pedro xua Jesús paeba.

<sup>62</sup> Nexata Pedro pesato bejoniya. Bichocono wecoyei, peajꝰntꝰtanexae xua Jesús yabara paebatsi.

*Meje yabara poxonaē Jesús cui caponatsi*

*(Mt 26.67-68; Mr 14.65)*

<sup>63</sup> Pomonaē Jesús yapucaumeinchi, daxita barapomonaē Jesús cui caponatsi, yawa butꝰsino.

<sup>64</sup> Jesús itacuere cutatsi, paparuwatha yawa itabara cuaintatsino. Barapomonaē Jesús baraichi:

—Incane pana netsipaebare, ¿jintam caitabara tsaquibobara xua bequein paca itabara cutatsi? jei.

<sup>65</sup> Daxita barapomonaē Jesús tsꝰmꝰ jume barꝰ paebatsi ainya jumeintha.

*Meje yabara poxonae Jesús capoinchi judiomonae pia pecanamata caitorobi jiwi bicheito tatsi pia peitabaratha tatsi*

(Mt 26.59-66; Mr 14.55-64; Jn 18.19-24)

<sup>66</sup> Poxonae pentha tsina nabaru nacaetuta penapataewi judiomonae, iru sacerdote-monae pia pentacaponae tatsi, iruru pomonae jiwi pecuidubiwi Moisés pia peitorobi coyene tatsi. Daxita barapomonae Jesús capoinchi pecanamata caitorobi bicheito itabaratha tatsi xua peyainyabinexatsi, jeichi:

<sup>67</sup> —Incane pana netsipaebare, ¿Xam Mesías, pon Nacom necaitorobin? jei.

Jesús jume epa pita jeye:

—Icha: ‘Aa’, paca jei tsipaetsi, apara jopa pana nejume cowantsitsipaem.

<sup>68</sup> Icha paca yainyabichipatsi tayainyabiwan apara jopa pana nejume notsipaem.

<sup>69</sup> Ichitha ponxaein Nacom Tananeitapetsin ecaein Nacom pia pecoxa weya tatsi, po Nacom peayapusu itorobi coyenewa pexeinaein, jei Jesús.

<sup>70</sup> Bapoxonae daxita barapomonae Jesús baraichi:

—¿Nexata metha xam Nacom Pexanto tatsim? jei.

Jesús jume epa pita jeye:

—Aa, barichi xuaunxuae papaebame painya coutha, jei.

<sup>71</sup> Nexata barapomonae caemonae natsipaeba najei:

—Anoxuae jopa nantawenonaetsi xua ichamonae Jesús peyabara paebiwatsi. Tsipei anoxuae nama yatsicaewa jume tainchi, xua bapon pia coutha nayabara paeba, jei barapomonae.

## 23

*Meje yabara poxonae Jesús uncu Pilato peitabaratha tatsi*

(Mt 27.1-2, 11-14; Mr 15.1-5; Jn 18.28-38)

<sup>1</sup> Nexata daxita penayatoroto exanaxubiya enae jiwi barapomonae asiya ume-narucu, Jesús teicatsi yawa capoinchi Pilato peitabaratha tatsi. Pilato bapon pon Judea nacuapiwi peyanacua ewatsinchi.

<sup>2</sup> Baxota daxita barapomonae Jesús cui yopitatsi xua abe exana, jeye:

—Barapo pebin patan xua wajiwimonae jume cui tsacabatsi xua anaepana cana exanatsi. Yawano pajume tanno pocotsiwa jopa bewa pinae paratixi matoma catsi pontha pon romanomonae itorobiya pia pepa peewatsinchi. Matauta bapon nayabara paeba: ‘Xan apara Mesías pon jiwi itorobiya pepa Taewatsin’, jei, jei barapomonae.

<sup>3</sup> Nexata Pilato Jesús yainyabatsi, jeye:

—¿Xam judiomonae itorobiya pia pepa Neewatsin? jei.

Jesús jume nota namchi, jeye:

—Xuaunxuae paebame bara baxua apara, jei Jesús.

<sup>4</sup> Nexata Pilato barai sacerdotemonae pia pentacaponae tatsi yawa baraino jiwi, jeye:

—Jopa jume itaraerowinyo bapon xua po jumetha penayaita anae exanaewa, xua pebexubinexatsi barapo pebin, jei.

<sup>5</sup> Ichitha barapomonae jume daunweya cueicueije, jeye:

—Jiwi jopa juniya jume cui tsacabichi xua anaepana exanatsi pia pecuidubiwantha, daxita Judea nacuatha. Baxua Galilea nacuatha tamropata pitaba, equeicha aunxuae waxainya becu joparene, jei.

*Meje yabara poxonae Jesús uncu Herodes peitabaratha tatsi*

<sup>6</sup> Poxonae Pilato baxua jume taeba barapo bicheito baraichi, jeye:

—¿Jesús bara Galilea nacuapin? jei Pilato barapo bicheitotha.

<sup>7</sup> Barapo bicheito namchi, jeye:

—Aa, bapon Galilea nacuapin, jei barapomonae.

Bapoxonae Pilato itoroba, Jesús itorobatsi, Herodes peitabaratha beya. Bapon Herodes pon Galilea nacuapiwi peyanacua ewatsinchi. Herodes siwa poneiba Jerusalén tomara.

<sup>8</sup> Poxonae Jesús taebatsi Herodes, bapon bichocono jantũ coyene weiweinanareca, tsipei bayatha Herodes cuinaya betaena. Herodes saya jume taiba xua Jesús yopiteibatsi. Herodes ichichipa tane xua Jesús petsita itãtsi coyenewa exanaena.

<sup>9</sup> Herodes Jesús matowa yainyabatsi. Ichitha Jesús jopa jume notsiyo.

<sup>10</sup> Baraxota irũ ena sacerdotemonae pia pentacaponaeawi tatsi. Irũrũ baxota ena pomonae jiwi pecuidubiwi Moisés pia peitorobi coyenewa tatsi. Daxita barapomonae Jesús bichocono abe yabara paebatsi Herodes pia xantha tatsi.

<sup>11</sup> Nexata Herodes yawano pia soldadomonae tatsino daxita barapomonae Jesús tsũmũ jume barũ paebatsi. Jesús cui caponatsi, pexeinya paparuwa juma xatatatsi pocotsi paparuwan nama xataba pomonae peyanacua ewatsi jiwi. Equeicha Jesús itorobatsi Pilato peitabaratha beya, Herodes bara beitorobiya.

<sup>12</sup> Barapo matabitha Herodes irũno Pilato naitacoxonabe. Baponbe caena bayatha saya penaita aenae-aenei jitonbe.

*Meje yabara poxonae Pilato jume barũ jejei xua Jesús bara pebexubiwa tsainchi ichamonae*

*(Mt 27.15-26; Mr 15.6-15; Jn 18.39-19.16)*

<sup>13</sup> Sacerdotemonae pia pentacaponaeawi tatsi irũrũ judiomonae pia pentacaponaeawi, irũrũ daxita jiwi, daxita barapo bicheito Pilato waba xua barapo bicheito penacae-tutsinexa.

<sup>14</sup> Pilato barai barapo bicheito, jeye:

—Paxam barapo pebin pacaponame taxantha. Pajam: ‘Barapo pebin daxita jiwi jume cui tsacabatsi xua anaepana exanatsi’, pajam. Bayatha bequein baxua barapo pebin yabara yainyaban painya itabaratha pocotsiwa bayatha payabara paebame taxantha, ichitha jopa jume itaraerowinyo bapon, xua po jumetha penayaita anae exanaewa xua yabara pana netsipaebame.

<sup>15</sup> Icha ichin xua jopa jume itaraerowinyo Herodes barichi. Daxota equeicha Jesús caibe itorobarenatsi waxainya berena. Yaitama Jesús jopa abe exanaeyo, daxota jopa bewa bexubi.

<sup>16</sup> Tha cueintichi bapon. Tha bapoxonae pu copatichi, jei Pilato.

<sup>17</sup> Poxonae Pascua matabintha ichũn ba bewa isanaxubichi. Pilato barapo Pascua matabintha nantawenona xua isanaxubina caein pon jiwi pecũbi botha peecaein, pon xua jiwi ichichipa, xua bapon peisanaxubinexa tsainchi.

<sup>18</sup> Bapoxonae daxita jiwi jume daunweya wawai, jeye:

—¡Soldadomonae itorobare xua bapon pebexubinexatsi! ¡Barrabás painta pu sotabare! jei.

<sup>19</sup> Barrabás jiwi pecũbi botha etatsi, tsipei caena bayatha matabintha ichamonae xua barapo tomarapiwi najume tsacaba cana exanatsi xuano xua jiwi jutebatsi.

<sup>20</sup> Pilato ichichipa xua Jesús pu copatatsi. Daxota equeicha barapo bicheito tsipaebatsi xua Jesús yabara paebatsi.

<sup>21</sup> Ichitha equeicha barapo bicheito jume daunweya wawai Pilatotha, jeye:

—¡Bewa maisa naetotha tũparucua exanaem! ¡Bewa maisa naetotha tũparucua exanaem! jei.

<sup>22</sup> Equeicha Pilato tsipaeba barapo bicheito, jeye:

—¿Eta pocotsiwa xua metha jane xua abe exana? Xan jopa jume itaraerowinyo bapon xua po jumetha penayaita anae exanaewa xua pebexubinexatsi bapon. Tha cueintichi, tha bapoxonae pu copatabichi, jei.

<sup>23</sup> Barapo bicheito jopa juniya wawayo xua naetotha t̄parucua peexanaenexatsi Jesús. Ir̄r̄r̄ sacerdotemonae pia pentacaponae wi tatsi jume daunweya wawair̄r̄, beya capanepa po coyene ichichipa pecana exanaewa.

<sup>24</sup> Daxota Pilato namchi: “Moya paexande be pocotsi coyeneya paichichipame”, jei Pilato.

<sup>25</sup> Nexata Pilato nama pu sotaba pon jiwi pec̄abi botha peecaein, pon jiwi ichichipa xua bapon peisanaxubiwa tsainchi. Bapon pew̄n Barrabás, pon waetabatsi poxonae jiwi najume tsacaba xuano poxonae jiwi jutebatsi. Bapoxonae Jesús copatatsi, Pilato copata, xua Jesús bara pebexubinexatsi judiomonae pejumeyainwa tatsi.

*Meje yabara poxonae Jesús t̄parucua exanatsi naetotha  
(Mt 27.32-44; Mr 15.21-32; Jn 19.17-27)*

<sup>26</sup> Poxonae Jesús cataunxuae caenapoinchi t̄pa peexanadutsinexatsi naetotha, pebin waetabatsi, soldadomonae waetaba. Bapon pew̄n Simón, Cirene tomarapin. Bapon wexua werena pona. Bapon peutucuratha tabotsicatsi naeto, xua pecaponaenexa Jesús peputha tatsi.

<sup>27</sup> Jesús peputha tapoinchi pin bicheito, ir̄r̄ ainya yab̄uxino Jesús peputha tapoinchi. Daxita barapowaxi nantanuweya siwa namtsebiya wecoyeichi Jesús.

<sup>28</sup> Ichitha Jesús necotabiya barai barapowaxi, jeye:

—Yab̄uxi Jerusalén tomarapiwaxi pam, jopa pana nesiwa namtsebiya wecoyande. Jame maisa painya coutha pana nasiwa wecoyande, painya pexuino pasiwa wecoyande.

<sup>29</sup> Tsipei maticabin othopaena po maticabintha jiwi atene tsane. Barapo mataque-intha, jiwi jei tsane: ‘J̄nt̄r̄ coyene weiweina po yab̄uxi jopa pexui xeinaeyo. J̄nt̄r̄ coyene weiweina po yab̄uxi jopa bapana b̄t̄ixitha taenaetsi pexui. J̄nt̄r̄ coyene weiweina po yab̄uxi bapana pexui jopa isainae’, jei tsane jiwi barapo maticabintha.

<sup>30</sup> Yawano jiwi namchi tsane: ‘Maisa xanepana xua wawerapaewa xua wanaca c̄n̄b̄abiwa demxuan, yawano tsorobon naca matatsun wetoxebabina xua jopa wanaca it̄tsiwa tsane’, jei tsane jiwi barapo maticabintha.

<sup>31</sup> Xan w̄nae exanan dacotsiwa jiwi jopa juniya neperaxa exanaeyo. Ichitha pomonae abe peexanaewi nama jopa juniya bichocono peraxa exanaetsi beyacaincha xua neperaxa exana, jei Jesús.

<sup>32</sup> Cataunxuae Jesús ecapona. Ir̄r̄r̄ ponbe abe matowa peexanaeinbe, baponbe Jesús peputha tacapoinchibe, xua baponbe ir̄r̄r̄ pebexubinexa tsainchibe poxonae Jesús bextotsi.

<sup>33</sup> Daxita jiwi Jesús bar̄r̄ patatsi ichaxota po uruto be jiton matasipa piwa. Po uruto w̄n caunteiba xua jei tsaibi: “La Calavera”, jei. Barapo uruto matasoitha Jesús t̄parucua exanatsi naetotha. Ir̄r̄r̄ ponbe jiwi pecaibinbe t̄parucua exanatsibe naetotha ichaxota imoxoyo Jesús ducua. Ich̄n Jesús petsocona wetauncuiyatsi, ir̄r̄r̄ ich̄n pecoxa wetauncuarenatsi.

<sup>34</sup> Poxonae Jesús naetotha ducua, Jesús jeye:

—Axa yabara cui j̄nt̄remainare po coyene barapomonae necana exana, tsipei barapomonae jopa yaputaeyo xua necana exana, jei Jesús.

Soldadomonae nata tsaba Jesús pia paparuwan tatsi. Bapomonae ibotixi bebeya penacueranta notsinexa Jesús pia paparuwan tatsi. Pon beta xoya ibotiyo bapon copiya pita Jesús pia paparuwan tatsi.

<sup>35</sup> Baraxota Jesús taeumeinchi jiwi. Ichitha nama pentacaponae wi Jesús cui caponatsi, barapomonae jeye:

—Bapon cain capanepibabei ichamonae, came jopa nacapanepaeyo. Icha bara bapon Mesías, pon Nacom pia peitapetsin, b̄r̄ bara bapon pia coutha nacapanepa naeto wetsica, jei barapomonae.

<sup>36</sup> Soldadomonae iru Jesús cui capoinchi, imoxoyo caquita umenapoinchino. Barapo soldadomonae Jesús apatatsi po mera pewan vino, po mera mene atsu.

<sup>37</sup> Barapo soldadomonae Jesús baraichi, jeye:

—¡Icha xaniwaicha judiomonae itorobiya pia pepa Neewatsim, moya jinya coutha nacapanepare! ¡Naeto wetsica ecoinca! jei soldadomonae.

<sup>38</sup> Jesús pentutu wetsica tadutatsi napaewa xua barapo napaewatha tina. Barapo petinadutsiwa jeye: “Baponje apara judiomonae itorobiya pia pepa peewatsinchi”, jei barapo petinadutsiwa.

<sup>39</sup> Ponbe Jesús pecuariya tacobe matatabarutatsibe, ponbe matowa abe peexanaeinbe, baponbe caein ichun, bapon Jesús biatainchi petupaeyainwa naetha. Bapon namchi:

—¡Icha xaniwaicha xam Mesías, ponxaem Nacom caitapeta, moya jinya coutha nacapanepare! ¡Yawano pana necapaneparebe! jei bapon.

<sup>40</sup> Pon icha naetha ducua, bapon jume matawenta, pon Jesús casebatsi, bapon jume matawentatsi. Pon icha naetha ducua namchi, jeye:

—¿Xam jopa cuitaya junuwim Nacom? AparauNXuae tupaechibe ichaunxuae Jesús ichi tsane.

<sup>41</sup> Waxainchibe jopa juniya naca peraxa jubiyobe abe waexanaexaebe, apara bara xainwaicha xua nacata exana tsipei bayatha apara abe exanatsibe. Ichitha nama ponje jopa apara abe exanaeyo, jei.

<sup>42</sup> Nexata pon baxua penamchixae, bapon Jesús baraichi, jei:

—Jesús, neyabara cananta xeinare xua tana neyawenaenexam po matabitha poXona patopeicaename xua jiwi neitorobinexam tsane, jei bapon.

<sup>43</sup> Jesús jume nota, jeye:

—Xaniwaicha bara catsipaebatsi, anoxuae tsane cabaru ecaeinchi ichaxota jiwi juntu coyene weiweinathopeiba, peitupanae nacuatheicha, jei Jesús.

*Meje yabara poXonae Jesús tupa  
(Mt 27.45-56; Mr 15.33-41; Jn 19.28-30)*

<sup>44</sup> Poxonae Jesús cataunxuae ducua naetha, bapoxonae daxita nacuantha bichocono aitaquiri xua poXonae mateinyaxae weya, beya yatabopiya. Tres po horabe quirei tsuncuae.

<sup>45</sup> Poxonae cataunxuae xometo jopa penthiyo, bapoxonae paparuwa, po paparuwa Nacom pin pia botha ducua, barapo paparuwa nainya bopiya matonta tsitsiqueica.

<sup>46</sup> Nexata Jesús jume daunweya wawai, jeye:

—Axa, nejumope pire, po jumope tana necatsixaemxae, jei Jesús.

Poxonae Jesús baxua caunuta, bapoxonae Jesús tupaicha.

<sup>47</sup> Soldadomonae pia pentacaponaein tatsi Roma nacupin, poXonae bapon baxua taeba, bapoxonae Nacom wanae jaintatsi, jeye:

—Jaina, apara baraponje jopa abe exanaeyo, itara ichamonae yopita xua abe exana, jei bapon.

<sup>48</sup> Daxita pomonae xua baxua taeumena baxota, barapomonae pia bo benawibiya. Poxonae namtotha enapona, daxita barapomonae nantacari cuainbobenapona poXoru bichocono ajuntucoyenetane xua Jesús pewisiwatsi.

<sup>49</sup> Ichitha pomonae Jesús peyitae jiwi, iru yabuxino, powaxi Jesús puna dendenatsi Galilea nacua werena, daxita barapomonae Jesús tajru wetaeumeinyatsi poXonae ichamonae Jesús bexotsi.

*Meje yabara poXonae Jesús petupaechin ibo mathutha yauxatatabobotatsi  
(Mt 27.57-61; Mr 15.42-47; Jn 19.38-42)*



<sup>50</sup> Irurū pebin popona, bapon pewun José, Arimatea tomarapin. Arimatea tomara eca Judea nacuatha. Bapon pentacui xanepanaein. Yawano beta pepoponaein Nacom peitatha tatsi. José, bapon jiwana caein pomonae judiomonae pia pecanamata caitorobi bicheito tatsi.

<sup>51</sup> Barapon José yabara jume cowantsiya wūnae ewateiba po coyenewa xua poxonae Mesías patopaetsica pon jiwi itorobiya peewatsinexatsi. Poxonae pomonae pecanamata caitorobi bicheito exana poxonae Jesús bexotsi, baxua José jopa peburūya nacayabara nanta xeinaeyo.

<sup>52</sup> José Pilato siwa poinchi. Pilato wūcatsi Jesús petūpaein, José wūca.

<sup>53</sup> José naeto wepichica Jesús petūpaein. Bapoxonae José mata quiyontabareca barapo pexeinya paparuwatha. Bapoxonae José ibo mūthū iya boya, po mūthū jiwi mūthū tofobobapona. Barapo mūthūtha cataunxuae petūpaein ichūn jopa boyaetsi.

<sup>54</sup> José baxua exana po mataqueitha pewun penacui xaxainchi matakabi poxonae judiomonae ba weta daxita xua penacuitsiwa pewūnaeya poxonae jopaena pentaquei seicae matakabi. Barapo pentaquei seicae matakabi imoxoyo jopaena.

<sup>55</sup> Powaxi Jesús puna dendenatsi Galilea nacua werena, barapowaxi pona mūthūtha, petaenexa xua Jesús mūthūtha xotsi.

<sup>56</sup> Poxonae barapowaxi bo benawibiya, bapoxonae nacui wūnaetajeba petuxueiwan yawa penasiwanno, xua Jesús petūpaein tsixaxaintajebatsi.

## 24

*Meje yabara poxonae Jesús equeicha asū juina exanatsi petūpae cuiru coyene weya (Mt 28.1-10; Mr 16.1-8; Jn 20.1-10)*

<sup>1</sup> Barapowaxi botha cuicuina peseicae matakabitha, Moisés pia peitorobi coyeneya pepaebixae, barapo matakabi yabara.

Poxonae judiomonae pia pentaquei seicae matakabi tatsi yapu caewaba bapoxonae patopa matakabi po matakabi xua copiya ducua cae semanatha. Barapo matakabitha poxonae aena pentha tsina, yabūxi pona mūthū beya ichaxota Jesús boca. Barapowaxi capona petuxueiwan yawa penasiwanno xua bayatha xaxaintajeba. Barapowaxi cueyabatsi icha yabūxi.

<sup>2</sup> Poxonae barapowaxi barapo mūthū beya pata, barapowaxi taerūcupa xua po ibo panawatha yauxatatababota xua pin ibo panawa barapo ibo mūthū bayatha cou yaupataxubabota.

<sup>3</sup> Barapowaxi joniya mūthiya ichitha barapowaxi jopa taeyo xua Jesús pon Pecana-mataxeinaein petūpaein pebocuaewa.

<sup>4</sup> Barapowaxi yabara najūntū coyene cabenaeca. Jopa yaputaeyo xua exana tsipei jopa taeyo xua Jesús petūpaein boca. Barapowaxi tsita naitūtsi nacueyatabe pebinbe ponbe xua asiya uncuabe, xuano xua yawa paparuwa nama xatatabe, po paparuwa bichocono daedaena.

<sup>5</sup> Barapowaxi bichocono junuwa, pijunuwi irabe necobareca. Barapo pebinbe barapowaxi baraichi, jeibe:

—¿Eta xua metha petūpae cuiru coyenewatha panecobompame pon equeicha asū barapo petūpae cuiru coyene weya?

<sup>6</sup> Xote jopa bocaeyo bapon. Bayatha bapon asū petūpae cuiru coyene weya. Payabara jume nanta xeinare xua bayatha bapon paca tsipaeba poxonae cataunxuae Galilea nacuatha popona.

<sup>7</sup> Paca jeye: ‘Xan ponxaein Nacom Tananeitapetsin, bewa necaenaetsina pomon-aetha pomonae abe peexanaewi. Barapo abe peexanaewi naetha tūparucua neex-anadutsina. Ichitha equeicha po matakabi acoibibetha asūn juina neexanaena petūpae cuiru coyene weya’, paca jei Jesús, jei barapo pebinbe xua barapowaxi tsipaebatsi.

<sup>8</sup> Nexata barapowaxi baxua jume cui yabara nanta xeinarucupa xua bayatha barapowaxi tsipaebatsi, xua Jesús tsipaeba.

<sup>9</sup> Poxonae barapowaxi muthu wenawibiya tomara beya, barapowaxi daxita paeba pocotsiwa tane. Jesús pia peitorobiwi tatsi pomonae xua once poyobe barapomonae tsipaebatsi, ichamonaeno tsipaebatsino, pomonae Jesús jume cowantatsi.

<sup>10</sup> Powaxi yopita, xua powaxi Jesús pia peitorobiwi tsipaebatsi, ichowayo pewan María Magdalena powa Magdala tomarapiwayo, iru ichowayo Juana, ichowayo María, Santiago pena tatsi, yawanoru ichowaxino powaxi saya napona.

<sup>11</sup> Ichitha Jesús pia peitorobiwi tatsi nanta xeina xua barapowaxi jopa xainyeyo, yawano jopa jume cowantsichi barapowaxi.

<sup>12</sup> Bapoxonae Pedro muthu becuinaepoinya. Muthu tututha tane xua meisa paparuwa boca. Bapon pia bo benawiya. Bapon baxua yabara nanta xeina nawita.

*Meje yabara poxonae Jesús pebinbe tsita naitata namtotha poxonae Emaús tomara beya ponabe*

*(Mr 16.12-13)*

<sup>13</sup> Barapo matabitha Jesús pijimonae tatsi jiwanae namtotha ecaponabe, siwa ponabe tomara, po tomara pewan Emaús. Barapo tomara eca once po kilomètrebe xua Jerusalén tomara weya.

<sup>14</sup> Baraponbe yabara natsipaebecaponabe namtotha xua mexuaetha exana.

<sup>15</sup> Poxonae cataunxuae yabara natsipaebecaponabe yawa yabara najume matsontsonobecaponabe, bapoxonae Jesús imoxoyo caquita uncuatababe yawa naponano.

<sup>16</sup> Bequein baraponbe Jesús tainchi, ichitha baponbe jopa ita cui canaupetsibe xua Jesús peyaitawatsi.

<sup>17</sup> Nexata Jesús yainyaba, baponbe baraichibe, jeye:

—¿Eta xua namtotha yabara pana natsipaebecaponamebe? jei Jesús.

Baponbe juntu wecoyeya naruntababe peyabara natsipaebecaponaexaebe xua mexuaetha exana.

<sup>18</sup> Ponbe penacueyatsixaebe caein pewan Cleofas. Bapon Cleofas Jesús jume notatsi, jeye:

—Daxita pomonae jinompa Jerusalén tomaratha, daxita barapomonae yaputane xua exana barapo matabintha. ¿Meisa xam compam jopa yaputaem xua mexuaetha exana? jei.

<sup>19</sup> Nexata Jesús baraipe baponbe, jei:

—¿Eta xua exanara barapo tomaratha? jei.

Baraponbe jume notabe, jeibe:

—Apara pana natsipaebecaponanbe xua jiwi exana, pajan: ‘Xua po coyeneya Jesús Nazaret tomarapin cana exanatsi’, pajan. ‘Pon Nacom peitorobi jume papaebin, pon peitapanae petsita itutsi coyenein exana Nacom pia peayapusu itorobi coyeneya tatsi’, pajan. ‘Pon xanepanaya pecueicueijein Nacom peitatha tatsi, xuano xua jiwi peitatha tatsi’, pajan.

<sup>20</sup> Sacerdotemonae pata tanecanamataxeinaewi iru pata pecanamata caitorobiwi piraichi Jesús cobe waetabatsi pia Pilato peitorobinexa soldadomonae xua Jesús teparucua peexanaenexa tsainchi naetotha.

<sup>21</sup> Bequein pawnae ewatan xua Jesús patopa xua peyawenaenexa tsane Israel nacuapiwi xua barapo Israel nacuapiwi panenebiya peexanaenexatsi, ichitha bapon jopa capanenebiyaeyo barapomonae. Yawano acoibi po matabibibe pu caewa poxonae Jesús bexotsi.

<sup>22</sup> Yabuxi, powaxi xua paxan jiwana pan, barapowaxi pona muthu beya poxonae aena pentha tsina. Pona ichaxota Jesús boca. Barapowaxi pana tsipaeba xua tane. Daxua pana nenabenaeca exana bichocono.

<sup>23</sup> Barapowaxi pinae jopa taeyo Jesús petupaein. Bapoxonae pana netsipaeba xua pinae barapowaxi tsita naitutatsi matatsunpiwi. Pinae matatsunpiwi namchi: ‘Bayatha Jesús asu’, jei pinae.

<sup>24</sup> Bapoxonae pata jiwimonae, barapomonae jiwana matha beya pona. Barapomonae bara tane baxua, xua yabaxi yopita. Ichitha Jesús petupaein jopa taetsi, jeibe xua Jesús tsipaebatsi.

<sup>25</sup> Nexata Jesús jume nota baraponbe, jeye:

—Paxam pomonae jopa peyaputae jiwi pam, xuano xua bewayo pajume cowantaponame pocotsiwa bayatha Nacom peitorobi jume pepaebiwi paeba.

<sup>26</sup> Paxam payaputaneme xua Mesías pon Nacom itapeta, copiya bewa peraxa exanaeinchi. Nacom cana exanaena xua bapon patopaena Nacom pia peitorobi nacua beicha xua pexeinaenexa tsane Nacom pia peayapusu itorobi coyenewa tatsi, jei Jesús.

<sup>27</sup> Nexata Jesús tsipaeba baraponbe xua daxita i dapo diborontha Jesús yabara paebatsi Nacom Pejume Diwesitha. Copiya matha Jesús yaputane exana po diwesin xua Moisés tina xua Jesús yabara paebatsi. Bapoxonae equeicha Jesús yaputane exana xua po diwesi Nacom peitorobi jume pepaebiwi tina, xua Jesús yabara paebatsi.

<sup>28</sup> Jesús, iru barapo pebinbe imoxoyo pata tomaratha, po tomara siwa ponaena. Barapo pebinbe naruntababe, ichitha Jesús mexeya maisa pona namto tomara weya.

<sup>29</sup> Ichitha baponbe Jesús jume daunweya baraichi, jeye:

—Pana nebaru ecare, apara bayatha tabopiya tsanaicha, quirei tsanaicha apara, jeibe. Daxota Jesús puna joniya ichaxota baraponbe patopabe xua barponbe pebaru ecaenexa tsainchibe.

<sup>30</sup> Nexata poxonae Jesús baru eca pexaethopaewatha baponbe, bapoxonae Jesús wecobe pita pan. Paxa barai: “Axa, maisa juntu coyene weiweinan xua pata tana necatsiwam barapo pan”, jei. Bapoxonae Jesús epa janaxuba pan. Baponbe catatsibe.

<sup>31</sup> Poxonae Jesús baxua exana, caena bapoxonae baponbe Jesús yaitainchi. Baponbe yaitaebabe. Bapoxonae Jesús yacuinaya jemeicha aichurucuae tsanaya.

<sup>32</sup> Baponbe natsipaebabe, najeibe:

—Maisa juntu coyene weiweinsibe poxonae namtotha naca tsipaebecaponabe. Bapon naca yaputane exanabe xua bapon peyabara paebiwatsi Nacom Pejume Diwesitha, jei baponbe.

<sup>33</sup> Bapoxonae caena yacuinaya caibe iyabe Jerusalén tomara beya. Baraxotiya Jerusalén tomaratha baponbe caxinabe penacaetutsi jiwi pomonae once poyobe pomonae Jesús pia peitorobiwi tatsi. Iru nanacaetuta pomonae cueyaba xua pomonae once poyobe pia pecueyabiwichi.

<sup>34</sup> Barapo penacaetutsi jiwi namchi baponbetha, jeye:

—Apara xainyei. Bara Jesús pon Pecanamataxeinaein, asu. Apara bapon Jesús Simón tsita naitutatsi, jei barapo penacaetutsimonae.

<sup>35</sup> Nexata baponbe daxita yabara paebabe barapo penacaetutsi jiwitha xua baponbe namtotha cuidubecapoinchibe. Matauta paebabeno xua baponbe matapainya yaitaebabe xua Jesús yaitaebatsi poxonae Jesús pan epa janaxuba, xuano xua poxonae catatsibeno pan.

*Meje yabara poxonae Jesús tsita naituta pijimonae Jerusalén tomaratha  
(Mt 28.16-20; Mr 16.14-18; Jn 20.19-23)*

<sup>36</sup> Poxonae cataunxuae tsipaebabe barapo diwesi, bapoxonae Jesús jemeicha tsita naituta barapomonae peitabaratha. Jesús jacobae barapomonae, jeye:

—Barabu Nacom junte ma jinompa paca cana exana, jei Jesús barapo penacaetutsimonae.

<sup>37</sup> Barapomonae bichocono nabenaeca, yawa bichocono cuitaya junuwa. Barapomonae nanta xeina xua metha Jesús perowatsi tainchi.

<sup>38</sup> Ichitha Jesús barai barapo penacaetutsimonaē, jeye:

—¿Eta xua metha junuwiya pana nabenaecame? ¿Eta xua metha ainya unthuton pam?

<sup>39</sup> Pana necobe taema, yawa pana netaxu taema. Apra bara xan tsocuaein. Pana nejayabare, yawa pana neyaputaema xua xan pepa jiton. Dowatsi bapana jopa wi ducuae, yawa bapana jopa piwa ducuae. Ichitha aunxuae nama yatsicaewa xaniwaicha pana netaneme xua xan pepa jiton icha paxam paichim, jei Jesús.

<sup>40</sup> Poxonae baxua Jesús najume weta, nacobe wan itaba, yawa nataxu wan itaba.

<sup>41</sup> Ichitha came awiya barapomonaē jopa jume cowuntsiyo poxorū barapo diwesi barapomonaē tsita jume xEICATSi yawa barapo diwesi yabara najuntū coyene cabenaeca exanatsi. Jesús jeye:

—¿Paxam xote penabanaewiyo paxeiname? jei Jesús.

<sup>42</sup> Nexata barapomonaē Jesús catatsi duweiyo, poyo seba.

<sup>43</sup> Jesús wecobe pita, yawa xane barapomonaē peitatha tatsi.

<sup>44</sup> Bapoxonae Jesús namchi barapomonaetha:

—Caena bayatha paca tsipaebatsi poxonae cataunxuae paca barū ecatsi. Paca je-ichiche: ‘Daxita po coyenein neyabara tina, daxita baxuan peneyabara jeixae, bewa necana exanaena. Daxita xua Moisés po diwesintha neyabara tina, bewa necana exanaena. Daxita pocotsiwa Nacom peitorobi jume pepaebiwi neyabara tina, bewa necana exanaena. Daxita xua salmos penaxūnaē weixi diwesintha neyabara tina, bewa necana exanaena’, paca jeichiche, jei Jesús.

<sup>45</sup> Jesús barapomonaē yaputane exana xua Nacom Pejume Diwesi paeba.

<sup>46</sup> Jesús barai barapomonaē, jeye:

—Nacom Pejume Diwesitha neyabara jei: ‘Mesías bewa tupaena, yawa equeicha asū tsane po matabi acoibibe petupae coyene cuiru weya.

<sup>47</sup> Yawano bewa barapomonaē Mesías pia pejume cowunchiwichi bewa tsipaebina daxita nacuantha Nacom Pejume Diwesi tatsi Mesías pia peayapusū itorobi coyeneyatha tatsi. Copiya petamropata notsinexa Jerusalén tomara weya. Barapomonaē jei tsane jiwitha: Bewa icha juntū coyene Nacom patsita xeinaem xua bapoxonae Nacom painya nepaca cayabara junteinaewa tsane abe painya neexanaē cuiru coyenewa, jei tsane barapomonaē’, jei Nacom Pejume Diwesitha, jei Jesús.

<sup>48</sup> Equeicha Jesús barai pijimonaē, jeye:

—Paxam daxita jiwi patsipaebiname daxita xua pataneme.

<sup>49</sup> Matauta pataemano xua pacata itorobicaeinchi Nacom pia Pejumope tūnaxū tatsi xua bayatha Taxa yabara paca tsiwūnaē muxu duta. Barapo Nacom pia Pejumope tūnaxū tatsi yawa patopaena peayapusū itorobi coyenewa. Paenare xote Jerusalén tomaratha, beya poxonae barapon yawa pacata patopaena pia peayapusū itorobi coyenewa Nacom pia nacua tatsi wetsica, jei Jesús.

*Meje yabara poxonae Jesús athabe juinya Nacom pia peitorobi nacua beicha tatsi*

*(Mr 16.19-20)*

<sup>50</sup> Nexata Jesús pijimonaē barū pona Jerusalén tomara weya, Betania tomara bebarū iya. Jesús namaxū yoicha itaboco beicha yawa tsipaeba Nacomtha xua pijimonaē tatsi nexa, xua pijimonaē petayawenaenexatsi.

<sup>51</sup> Poxonae cataunxuae Jesús tsipaebuncua Nacom xua pijimonaē tatsi nexa, bapoxonae Jesús athabe juinya exanatsi peitaboco beicha, Nacom exana.

<sup>52</sup> Poxonae Jesús pijimonaē tatsi baxua tane, bapoxonae barapomonaē Jesús pecoutha tatsi namchi: “Maisa Wanacanamateinaein wūnaē”, jei. Barapomonaē Jerusalén tomara beya juntū coyene weiweinaya caibe nawibiya.

<sup>53</sup> Barapomonaē Jesús pia peitorobi jiwi tatsi Nacom pin pia botha, baxota Nacom jopa juniya wūnaē jainteibichi.

Baja Lucas.

## Jesucristo Pia Pexeinya Diwesi Jume Tatsi Juan Petinae Diwesi

*Meje yabara poxonae Mesías jiwi forotatsi, pon pewun “Pejume”, baraichi*

<sup>1</sup> Poxonae cataunxuae daxita nacuan jopa forotsiyo, bapoxonae iruru caena bayatha Mesías popona, pon Nacom Pexanto tatsi, pon pewun “Pejume”, baraichi. Bapon Nacom caena bayatha baru poponeiba. Bapon apara bara Nacom.

<sup>2</sup> Poxonae aena copiya, bapoxonae bapon caena bayatha Nacom baru popona.

<sup>3</sup> Nacom cana exana xua Mesías daxita nacuan foforota. Dapocotsiwa aibi xua yaseicanaya xua pocotsiwa bapon jopa exanaeyo.

<sup>4</sup> Bapon Mesías, pon “Pejume” baraichi bapon asu cana exana daxita jiwi tsipei bapon ataya xeina peasu coyenewa. Matautano bapon pena juntu coyeneno cana catsiya taexanano jiwi xua jiwi yaputaena po coyene pexainyei coyenewa.

<sup>5</sup> Icha pecoicha ichi xua jiwi yaweinchi xua beta pejinompaenexa poxonae quirei, bara jata ichi Mesías. Bapon jiwi yaweinchi xua beta xanepanaya pejjinaponaenexa poxonae bapon Mesías cuiduba jiwi. Caurimonaе pia pentacaponaein tatsi bequein ichichipa xua Mesías peamanayabiwatsi, ichitha caurimonaе pia pentacaponaein tatsi jopa itacupaetsi xua Mesías peamanayabiwatsi tsipei bichocono Mesías peayapusuwa xeina.

<sup>6</sup> Bapoxonae iru Nacom itoroba pebin, pon pewun Juan.

<sup>7</sup> Bapon patopa xua Mesías peyabara paebinxatsi, po wun xua jei “Pon Nacom itorobica”, jei. Bapon Juan daxita jiwi juntu coyene cui tsacaraba xua jiwi Mesías pewunaeya tatsi, penajuntu cui wunaetsinexa xua daxita jiwi Mesías pejume cowuntsinexa tsainchi.

<sup>8</sup> Juan apara Mesías aibi. Apara saya pia Mesías wunaе yabara paebichi xua Juan peitorobixaetsi baxua.

<sup>9</sup> Bapon Mesías patopeica po cae pin nacuathe tsique peyawenaenexa daxita carepaya jiwitha pia pecuidubi coyenewantha.

<sup>10</sup> Bapon popona barapo cae pin nacuathe tsique. Bara bequein bapon exana pia coya barapo nacie, po cae pin nacuathe tsica pona, daichitha barapo cae pin nacuathepiwi jopa Mesías yaitaetsi po coyene xua bapon po cae pin nacuathe tsique forota daxita.

<sup>11</sup> Bequein bapon bara pia nacuathe patopeica, daichitha barapo cae pin nacuapiwi bapon jopa weiweinaya matenta wabichi. Matautano jopa yaputaetsi xua po coyene bapon Mesías apara pon Nacom itoroba.

<sup>12</sup> Ichitha ichamonaе pomonaе bapon matenta weiweinaya wabatsi xuano xua bapon jume cowuntatsi, barapomonaе Mesías cana exana xua po coyeneya barapomonaе Nacom piamonaе tatsi penaexanaewa tsane.

<sup>13</sup> Tsipei barapomonaе jopa naexanaeyo Nacom pia pexui xua poxoru be jiton coyeneya penaexanumenaponaexae. Matautano barapomonaе jopa naexanaeyo Nacom pia pexui xua poxoru pebin peichichipaexae xua pepichiwa piowa. Matautano barapomonaе jopa naexanaeyo Nacom pia pexui xua poxoru coxiyun peichipaexae xua pexeinaewa pia pexui. Saya jame barapomonaе Nacom pia pexui tatsi naexana, tsipei Nacom cana exana baxua.

<sup>14</sup> Barapon Mesías pon pewun “Pejume”, baraichichi, bapon poxonaе naexana po cae pin nacuathe tsique bara bapon yatsicaya pepa jiton. Matautano naca baru popona bapon. Bapon wun ununatatsi “Jesús” baraichichi. Matautano bapon pejuntu coyene wetsina bichocono jiwi antobetsi. Matautano bapon xainyeya pepaebin. Matautano



paxan pacui tan xua Jesús exaneiba pia pexeinya peayapuswatha po pexeinya peayapuswaw Jesús Paxa catatsi. Bapon Nacom Pexanto tatsi, bara yatsicaya compa tatsi pepa Pexanto.

<sup>15</sup> Juan yabara paeba, Jesús yabara paebatsi. Juan jeye: “Bara barapon apara pon bayatha yabara paeban xua poxonae janje: ‘Pon cotacaya patopa xua xan tsiwana patopan, bapon jame bichocono peainya cuin, beyacaincha xan. Tsipei bapon caena bayatha popona poxonae xan aibin xua poxonae abũ cataunxuae jopa naexanaeinyo’, janje”, jei Juan.

<sup>16</sup> Bapon Jesús naca cata daxita pia peyaputae coyenewan. Jopa juniya amanaya naca catsiyo baxuan, xua pocotsiwa nantawenonatsi jantema watsita jinompaenexa tsane bapon.

<sup>17</sup> Moisés naca cata Nacom pia peitorobi coyenewan tatsi. Baxuan bichocono jopa juniya ayapubeyo. Ichitha Jesucristo, pon “Mesías” baraichi xua pocotsiwa naca cuiduba xua pinae Nacom jopa juniya antobeyo jiwi, xuano xua pocotsiwa naca cuiduba bara baxua yatsicaya pexainyei jume.

<sup>18</sup> Dapon aibi pon Nacom petaewatsi. Nacom Pexanto tatsi, pon yatsicaewa compa tatsi bapon naca cana exana xua Nacom wayaputaewatsi, paxa imoxoyo pebaru popon-aexaetsi.

*Meje yabara poxonae Juan pon jiwi Pebautisabin Jesucristo yabara cueicueijeichi (Mt 3.11-12; Mr 1.7-8; Lc 3.15-17)*

<sup>19</sup> Judiomonae pomonae ena Jerusalén tomaratha barapomonae sacerdotemonae itorobatsi iruru levitamona itorobatsi Juan beya, xua Juan peyainyabinexatsi xua pejeinexatsi: “¿Xam jintamũmda?” pejeinexatsi.

<sup>20</sup> Juan beta nayabara paeba, jeye:

—Xan Mesías apara aibin, pon Nacom itorobicaena, pon wanaca capanenebiwa tsane, jei Juan.

<sup>21</sup> Nexata equeicha Juan yainyabatsi, jeichichi:

—¿Metha nexata xam jintamũmda? ¿Bara xam bapom pon Nacom peitorobi jume pepaebim pon pewun Elías, pon bayatha tupa? jei barapomonae.

Juan jume nota, jeye:

—Xan bapon apara aibin, jei.

Equeicha Juan yainyabatsi, jeichichi:

—¿Nexata jintam metham? ¿Xam bapom pon Nacom peitorobi jume nepaebim pon bewa patopeicaena juinya pata tanecuidubinexa tsane Nacom Pejume Diwesi? jei barapomonae.

Equeicha Juan jume nota, jeye:

—Jume, xan apara aibin dapon, jei Juan.

<sup>22</sup> Nexata daxita barapomonae Juan baraichi, jeye:

—¿Eta pom metham? Tsipei xua pata tanejume notsiwam pata tha xuya tsipaebichi pomonae pana nejume caitoroba. ¿Etabe pana nejumichim tsane xua jinya coutha nenayabara paebiwam? jei barapomonae.

<sup>23</sup> Nexata Juan jume nota, jeye:

—Xan bapon aparán pon wawan ichaxota ira xuepana susato tsurucuae nacua beya, xua jan: ‘Patsi najuntu cui coyene wanaere, pon jiwi pia pepa Pecanamataxeinaeinchi nexa pia pepatopae wanaeya tsane’, xua jan ponxaein xua wawan ira xuepana susato tsurucuae nacua beya. Bayatha Isaías pejume diwesitha taneyabara jume cui wanae tsiwanaya paebixae pon Nacom peitorobi jume pepaebin, jei Juan.

<sup>24</sup> Daxita pomonae Juan baru cueicueijeichi, barapomonae fariseomonae itoroba.

<sup>25</sup> Daxita barapomonae Juan yainyabatsi, jeichichi:

—Icha xam bapon Mesías aibim xuano xua icha Elías aibim, yawa icha xam bapon aibim pon Nacom peitorobi jume nepaebin, ¿nexata jintam cacui itoroba xua nebautisabiwa jiwi? jei barapomonae.

<sup>26</sup> Juan jume nota, jeye:

—Xan meratha bautisaban, ichitha ichun beta exanaena beyacaincha xan. Bapon bara bequein painyamona pia xantha tatsi popona ichitha bapon jopa payaitaem.

<sup>27</sup> Bequein bapon nepuna patopaena, ichitha pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua tataxu ma isanaxubiwa tsane pia penataxu xatatsiwa tatsi, jei Juan.

<sup>28</sup> Daxita baxuan Juan yainyabatsi ichaxota po tomara pewun Betania. Barapo tomara eca icha pocotsiwa xometo weecoina xua icha muxunenetha eca Jordán mentha. Barapo muxunenetha Juan bautisaba jiwi.

*Meje yabara xua poxonae Jesús pon “Cordero”, baraichichi*

<sup>29</sup> Icha mataqueitha Juan tane, Jesús tainchi xua Juan pexainya tarenatsi. Bapoxona Juan jiwitha jeye: “Incane pataema pon pejuntaxu coyene xeicaein pon Nacom itorobica, pon ‘Cordero’, baraichichi xua oveja pebto penun. Apra bapon pon jiwi petsitupaewa tsainchi xua abe pia peexanae cuiru coyenein tatsi icha poxonae ovejiyo ichi poxonae tsitupa jiwi abe pia peexanae cuiru coyenein tatsi.

<sup>30</sup> Bara bapon apra pon bayatha yabara paeban poxonae janje: ‘Pon cotacaya patopa xua xan tsiwuna patopan, bapon jame bichocono peainya cuin, beyacaincha xan. Tsipei bapon caena bayatha popona poxonae xan aibin xua poxonae abaxu cataunxuae jopa naexanaeinyo’, janje.

<sup>31</sup> Xan copiyatha jopa yaputaeynyo xua Jesús bapon barapara Mesías, pon icha wun Cristo, pon Nacom itorobica. Ichitha xan patopan tabautisabinexa meratha Israel piamona susato saineiwi xua barapomonae bapon peyaputaewa tsainchi”, jei Juan.

<sup>32</sup> Juan yawa namchi, jeye: “Poxona bapon bautisaban bapoxona tan Nacom pia Pejumope tuxaxu tatsi xua peitaboco weruneica xua be topiboto yaruneica. Barapo Nacom pia Pejumope tuxaxu tatsi, bapon pexantha tapatopatsi.

<sup>33</sup> Xan cataunxuae bapoxona xaniwaicha jopa yaitaeynyo bapon. Ichitha pon xua necui itoroba xua jiwi bautisaban meratha, nejei bapon: ‘Taename tajumope tuxaxu xua be topiboto tsecae xua peitaboco weruneica, po tajumope tuxaxu bapon pia xantha tapatopatsi. Poxona baxua taename bapoxona yaputaename xua barapo pebin apra pon jiwi pebautisabiwa tsainchi tajumope tuxaxutha. Bapon barompaya pia pebautisabi coyenewa exanaena xua poxonae barapo tajumope tuxaxu catsibina pomonaetha pomonae piamonaethaxae. Barapoxonae barapo tajumope tuxaxu barapomona yanaba jinompaeinchi’, jei Nacom.

<sup>34</sup> Bapoxona bapon yaitan xua deta cou apra Mesías, yaitama tan xua poxonae bayatha Nacom netsipaeba. Daxota paca tsipaebatsi xua bapon barapara Nacom Pexanto tatsi”, jei Juan jiwitha.

*Meje yabara xua poxonae Jesús itapeta pomona copiya pomona Jesús pijimona tatsi*

<sup>35</sup> Icha mataqueitha equeicha Juan pon jiwi Pebautisabin pecoutha patopa xuano xua pebinbe nacueyatabe puna poinchi ponbe xua pia pepuna ponaewichi jiwanabe tatsi.

<sup>36</sup> Poxona Juan tane xua Jesús dawerena ichaxoyo Juan dena, bapoxona Juan jeye xua Jesús yabara jeichi:

—¡Pataema apra bapon pon ‘Cordero’ baraichi xua oveja pebto penun pon Nacom itorobica xua petsitupaenexa jiwi abe pia peexanae cuiru coyenein tatsi! jei Juan.

<sup>37</sup> Barapo pebinbe ponbe Juan pia pepuna ponaewichi jiwanabe tatsi, baraponbe Juan jume tainchibe xua Juan baxua paeba. Bapoxonae barapo pebinbe Jesús puna poinchibe.

<sup>38</sup> Nexata Jesús napatomeicha necota caibeya yawa tanebe xua barapo pebinbe Jesús puna poinchibe. Bapoxonae baponbe Jesús yainyaba, jeye:

—¿Painya eta xuatsi?

Jesús jume notatsibe baponbe, jeibe:

—Pon jiwi Necuidubim, ¿exota poponame? jeibe.

<sup>39</sup> Jesús jume nota baponbe, jeye:

—Anetha, matha pataema, jei Jesús.

Nexata napuna ponabe yawa natanebe ichaxota Jesús popona. Barapo mataqueitha naecabe ichaxota Jesús popona. Jopa nawiyaebe tsipei xometo tabopiya tsanaichaba.

<sup>40</sup> Ponbe Juan pejume taexaetsibe xuano pepuna ponaexaetsibe Jesús, caein pewan Andrés, Simón Pedro peweicho tatsi.

<sup>41</sup> Andrés copiya matha peweicho wenawenei pon pewan Simón. Andrés barai peweicho, jeye:

—Paxan pacaxinan pon pewan Mesías, jei Andrés. (Barapo wan yabara caunuta xua jei “Cristo”, jei.)

<sup>42</sup> Bapoxonae Andrés peweicho capona, Simón capoinchi ichaxota Jesús uncua. Poxonae Jesús tane xua poxonae Simón tainchi, jeye:

—Xam Simón Juan pexanto tatsim. Ichitha xam anoxuae newan Cefas tsane, barapo wan Cefas wan jei: ‘Iboto’, jei, jei Jesús. Seicaya griego jume wan ‘Pedro’, jei barapo wan iru jei: ‘Iboto’, jei.

*Meje yabara poxonae Jesús Felipe wabatsi, iru Natanael wabatsi*

<sup>43</sup> Bapoxonae icha mataqueitha Jesús ichichipa xua peponaewa Galilea nacua beya. Bapoxonae Jesús, Felipe caxinatsi, yawa jeichichi:

—Nepuna ponde, jei Jesús.

<sup>44</sup> Barapon Felipe Betsaida tomarapin, po tomaratha iru Andrés popona iru Pedro.

<sup>45</sup> Nexata Felipe Natanael wenaweneichi, yawa Felipe barai bapon, jeye:

—Pebin pacaxinan, pon bayatha Moisés yabara tsiwunae cui tina pia peitorobi diwesi jume coyenewatha. Matautano pon bayatha iruru Nacom peitorobi jume pepaebiwi yabara tsiwunae cui tina. Bapon apara Jesús, José pexanto tatsi. Bapon Jesús pon Nazaret tomarapin, jei Felipe.

<sup>46</sup> Natanael jeye:

—Dapon pebin pon pejuntu coyene xanepanaein Nazaret tomara weya bapana jopa pona. Tsipei daxita barapo tomarapiwi apara peajuntu cuiruyapubewi, jei Natanael.

Felipe jume barai, jeye:

—Anetha incane matha taema, jei Felipe.

<sup>47</sup> Poxonae Jesús tane xua Natanael imoxoyo caquita pona, Jesús jeye:

—Patopa pebin pepa israelmonaepin, pon jopa jiwi pemuxuitorobin, pon xaniwaicha pejume cowantsin Nacom, jei Jesús.

<sup>48</sup> Nexata Natanael Jesús yainyabatsi. Natanael jeye:

—¿Eta ichim xua taneyaitaewam? jei.

Jesús jume nota, jeye:

—Bayatha catainchi poxonae higuera nae tabacatha uncuame poxonae cataunxuae Felipe jopa cawabiyo, jei Jesús.

<sup>49</sup> Bapoxonae Natanael jume nota, jeye:

—Pon jiwi Necuidubim. ¡Apara xam bara Nacom Pexantom! ¡Apara bara xam Israel nacuamonae itorobiya pia pepa Neewatsim! jei Natanael.

<sup>50</sup> Jesús jume nota, jeye:

—Xam nejume cowantame poxonae xua saya catsipaebatsi xua cacataewatsi higuera naetha. Ichitha bexa necotsiname xua exanaein pocotsiwa pexeinya peitupanae tsita itatsiwan, beyacaincha xua saya aunxuae catsipaebatsi, jei Jesús.

<sup>51</sup> Equeicha Jesús jeye:

—Xaniyan paca tsipaebatsi paxam pataename xua Nacom peitaboco saranaxuicaena. Matautano pataename matatsunpiwi xua jujuneibicaena xote tsique taxantha pia taneyawenaetsi. Matautano pataename xua equeicha caibe jujuneibiyaena taxainya weicha, ponxaein Nacom Tananeitapetsin, jei Jesús.

## 2

*Meje yabara poxonaе jiwi tsinacaetuta pexaewa Caná tomaratha xua penabanaenexa xua poxonaе pebin pita pecotsiwa*

<sup>1</sup> Poxonaе acoibi po matabibibe yapucaewa, bapoxonaе iruru pexaewa tsinacaetuta Caná tomaratha xua Galilea nacuatha xua pebin pecotsiwa pepichixae. Jesús pena tatsi iru baxota natane pewabixaetsi.

<sup>2</sup> Iru Jesús wabatsi, iru pijimonaе tatsi wabatsi xua penaponaewa tsane barapo pexaewa petsinacaetutsiwatha xua poxonaе pebin pecotsiwa pita.

<sup>3</sup> Vino mera omeicha mene weranapenta tsipei daxita jiwi apa. Daxota Jesús pena baraichi, jeye:

—Nama equeicha ameneibi vino mera omeicha mene weranapenta, jei Jesús pena tatsi.

<sup>4</sup> Jesús jume nota, jeye:

—Ena, abu bexabu abu jopa yabara neyainyabinde baxua. Canta daxua aichica xua petsita itubiwa taexanaewa, jei Jesús.

<sup>5</sup> Bapoxonaе barapowa barai pomonaetha pomonaе pexaewa carena tsaibi, jeye:

—Moya paexande xua pocotsiwa bapon paca itoroba, jei barapowa.

<sup>6</sup> Baxota iratha ena seis po juruwatobe sayawan. Barapo pin juruwaton barompaya cae juruwatontha tsiniya cincuenta po mera bosibu matabuxuyobe tutu canaupra. Icha juruwatontha tsiniya setenta po mera bosibu matabuxuyobe tutu canaupra. Barapo juruwatontha ba judiomonaе mene yaebeiba xua barapo merantha penacobe quiateibinexa xua daxota jopa Nacom petsita najuntu coyene taxobeibinexatsi.

<sup>7</sup> Pomonaе pexaewa carena tsaibi barapomonaе Jesús barai, jeye:

—Barapo saya juruwatontha pawunbare mera, jei.

Bapoxonaе barapomonaе barapo juruwaton wunba.

<sup>8</sup> Bapoxonaе Jesús barai, jeye:

—Anoxuae barapo juruwaton tsiwixi pajiwana mene wenore xua po mera equeicha vino mera exanan. Pacaponare pontha pexaewa mata canabane, jei Jesús.

Daxota barapomonaе bara baxua exana xua Jesús peitorobixae.

<sup>9</sup> Pon mata canabane pexaewa, bapon mene pana barapo vino mera, po vino mera copiya saya mera. Ichitha bapon jopa yabara yaputaeyo xua barapo vino mera xua eta werena metha mene capona. Saya meisa pomonaе mene eepacapona barapo juruwatontha barapomonaе yaputane xua barapo juruwatontha jiwana mene nota xua po mera vino mera naexana. Bapoxonaе pon mata canabane pexaewa waba, pon pecotsiwa pita bapon wabatsi.

<sup>10</sup> Bapon barai, pon pecotsiwa pita baraichi, jeye:

—Daxita jiwi ba poxonaе aena copiya matha apata po vino mera mene xeica. Poxonaе jiwi ba wenaxuba po vino mera xeica, bapoxonaе ba barapo jiwi ba equeicha apatatsi po vino mera be conotha xaexaeca. Ichitha nama xam icha coyene exaname. Po vino mera be conotha mene xaexaeca matha copiya apatame jiwi barapo vino mera. Poxonaе barapo vino mera jiwi wenaxuba po vino mera be conotha mene xaexaeca bapoxonaе apatame po vino mera bichocono xeica, jei bapon.

<sup>11</sup> Baxua xua Jesús exana Caná tomaratha xua Galilea nacuatha. Barapo pexeinya petsita itútsi coyenewa poxonae xua aena copiya matha exana pia peayapuswatha. Poxonae baxua Jesús pijimonae cui tainchi, Jesús jume cowuntatsi pijimonae.

<sup>12</sup> Poxonae baxua pexaewa najain weta bapoxonae Jesús pona Capernaum tomara beya. Bapon pena baru pona yawa peweicho jiwi baru pona, matautano pijimonae baru pona. Baxota Capernaum tomaratha daxita Jesusbaru be caentacabiyobe ena.

*Meje yabara poxonae Jesús aisowa benapuna torobabiya pomonae Nacom pin pia botha pecaenaetsiwi*

*(Mt 21.12-13; Mr 11.15-18; Lc 19.45-46)*

<sup>13</sup> Tsipei poxoru imoxoyo barapo matakabi tsaneba xua Pascua wun matakabin daxota Jesusbaru Jerusalén tomara beya pona. Barapo Pascua wun matakabin, po matakabin poxonae judiomonae yabara nanta xeina xua pinae caena bayatha pia pamo susato jiwi tatsi panenebiya Egipto nacua weya.

<sup>14</sup> Baxota Jesús caxina Nacom pin pia botha pomonae baxota caenaeta buey duweimonae, yawa ovejamaeno yawa topibomonae caenaetano. Matautano Jesús tane xua pomonae ena pexaethopaewantha ichaxota paratixi nantiya nacatsiba jiwi.

<sup>15</sup> Poxonae Jesús tane barapomonae, Jesús bapoxonae exana xua pocotsiwa xota cuainta xua duwein peru muto. Daxita barapomonae Jesús Nacom pin pia bo wenapuna torobabiya. Yawano Jesús muxuna itaweta xua barapomonae piawanxae, bueymonaeno, ovejamaeno. Pomonae xua ena pexaethopaewantha xua ichaxota nantiya nacatsiba paratixi Jesús iratha tabebai paratixi, yawa irabe tayebabareca torobabiya pexaethopaewan.

<sup>16</sup> Pomonae baxota caenaeta topibo, Jesús barai barapomonae, jeye:

—¡Daxita baxuan panore barapo Nacom pin pia bo weya pocotsiwan pacaenaetame! ¡Barapo Nacom pin pia bo jopa pacana exanaeinde xua be pocotsi bo jiwi ichaxota caenaeta pexaewa! jei Jesús.

<sup>17</sup> Bapoxonae Jesús pijimonae tatsi yabara jume cui nanta xeinarucupa xua Nacom Pejume Diwesitha namchi xua Cristo yabara jeichichi xua jeye: “Yabara nejuntu coyene yuca xua yabara nanta xeinan xua pocotsiwa Taxa pia pin pia botha tatsi xeina. Daxota jiwi necaseba”, jei Nacom Pejume Diwesitha xua Cristo yabara paebatsi.

<sup>18</sup> Nexata judiomonae Jesús yainyabatsi, jeye:

—¿Eta po pexeinya petsita itútsi coyenewa pana netsita itútsiname? Bapoxonae xain payaputaen xua bara cou xam deta xeiname Nacom pia peitorobi coyenewa tatsi xua daxota jiwi cui itawetame Nacom pin pia bo tatsi weya, jei.

<sup>19</sup> Jesús jume nota, jeye:

—Icha barapo bo weraweraca paexanaename, equeicha acoibi po matakabibetha beta caewa xanebin, jei Jesús.

<sup>20</sup> Nexata barapo judiomonae Jesús tsipaebatsi, jeye:

—Jiwi barapo Nacom pin pia bo tatsi acaba ainya wei, cuarenta y seis po weibetha nacobe weta. ¿Eta pocotsiwa baxua paebame xua jinya saya acoibi po matakabibetha equeicha wanae exanaetsi? jei judiomonae.

<sup>21</sup> Po bo xua Jesús yabara paeba apara xua nayabara paeba pia pepon.

<sup>22</sup> Daxota poxonae Jesús equeicha asu juina petupae cuariyatha Jesús pijimonae yabara jume cui nanta xeinatsi xua bayatha Jesús paeba. Daxota jume cowanta Nacom Pejume Diwesi. Yawano Jesús jume cowuntatsi pocotsiwa xua paeba.

*Meje yabara xua po coyene Jesús daxita juntu coyene yaputane jiwi*

<sup>23</sup> Poxonae Jesús Jerusalén tomaratha popona xua Pascua wun matakabintha bapoxonae pin bicheitomonae Jesús jume cowuntatsi. Daxota barapo bicheiton jume cowanta tsipei tane Jesús pia pexeinya petsita itútsi coyenewan tatsi.



<sup>24</sup> Jesús jopa yabara jume cowantsiyo barapomonaē bequein jume cowantatsi taetha. Tsipei Jesús daxita jũntũ coyene yaputane jiwi xua ainya jũntũ coyene pexeinaewa.

<sup>25</sup> Daxota jopa nantawenonaeyo xua ichamonaē Jesús petsipaebiwatsi icha jiwi yabara. Tsipei bapon Jesús daxita jũntũ coyenein yaputane jiwi.

### 3

#### *Meje yabara poxonaē Nicodemo Jesús tsipaebatsi*

<sup>1</sup> Irũũ pebin popona pon fariseomonaepin, pon pewũn Nicodemo. Bapon judiomonaē canamataxeinatsi.

<sup>2</sup> Bapon Nicodemo merawi Jesús siwa poinchi, yawa Jesús jeichichi:

—Pon jiwi Necuidubim, bara paxan payaputan xua Nacom caitoroba xua jinya pata tanecuidubiwam tsane. Tsipei ichũn jopa itacũpaetsi xua pexeinya petsita itũtsi coyenewan peexanaewa Nacom pia peayapusũwatha tatsi icha Nacom jopa yantsiyo bapon icha be xua poxonaē ichim poxonaē xua exaname Nacom necayantsixae, jei Nicodemo.

<sup>3</sup> Nexata Jesús Nicodemo jume notatsi, Jesús jeye:

—Xaniyan catsi paebatsi. Pon equeicha jopa caewa naexanaeyo xua pena jiton penaexanaenexa, bapon jopa itacũpaetsi xua Nacom piamonaē tatsi penaexanaewa pomonaē Nacom itorobiya peewatsixae, jei Jesús.

<sup>4</sup> Nicodemo Jesús jume epa notsiya yainyabatsi. Nicodemo jeye:

—¿Eta bichi xua pebin pon bayatha pinyo xua equeicha caewa pena jiton naexana? ¿Metha bara itacũpatsi xua pena equeicha tsiperũ wepatopa xua equeicha caewa penaexanaenexa pena jiton? jei Nicodemo.

<sup>5</sup> Jesús jume nota, jeye:

—Xaniyan catsipaebatsi. Pon meratha jopa bautisabichi xuano xua icha jopa xeinaeyo Nacom pia Pejumope tũnaxũ tatsi po jumope tũnaxũ bapon icha jũntũ coyene xeina pecana exanaenexatsi, bapon jopa itacũpaetsi xua Nacom piamonaē tatsi penaexanaewa pomonaē Nacom itorobiya peewatsixae.

<sup>6</sup> Pomonaē pena jiwi tsiperũ wenaexana bara jiwi coyeneya yacuiya naexana. Pomonaē naexana Nacom piamonaē tatsi barapomonaē Nacom pia Pejumope tũnaxũ tatsi cana exana xua barapomonaē pexeinaewa icha jũntũ coyene. Barapomonaē yacuiya naexana Nacom piamonaē tatsi tsipei exana pocotsiwa Nacom pia Pejumope tũnaxũ tatsi itoroba.

<sup>7</sup> Jopa najũntũ coyene cabenaecaeinde xua tacatsipaebiwatsi xua tacajeiwatsi: ‘Daxita jiwi bewa pena jiwi naexanaē equeicha’, tacajeichiwatsi xua.

<sup>8</sup> Joibo ba pona ichaxota ichichipa peponaewa. Joibo busi taneme, ichitha jopa yaputaem xua ichaxota weponarena, yawa jopa yaputaem xua xota ponaena. Icha jiwi ichi xua jopa taeyo joibo ichitha tane xua joibo bubujei barichi jiwi jopa taeyo Nacom pia Pejumope tũnaxũ tatsi. Saya jiwi yaputane xua icha jiwi jũntũ coyene xeica cana exainchi barapo Nacom pia Pejumope tũnaxũ tatsi, jei Jesús.

<sup>9</sup> Nexata Nicodemo equeicha Jesús yainyabatsi, jeye:

—¿Eta metha bichi Nacom pia Pejumope tũnaxũ tatsi? jei Nicodemo.

<sup>10</sup> Jesús jume barai, Nicodemo jume baraichi, Jesús jeye:

—Xam pon daxita neyaputaēin israelmonaē pexantha tatsi yawa pon jiwi necuidubim barapomonaē pexantha tatsi. Bequein barapo jitom ichitha jopa baxua yabara yaputaem xua tacatsipaebiwatsi.

<sup>11</sup> Xaniyan catsipaebatsi xua paxanbe, Juan, pon jiwi Pebautisabin, irũ xan Jesús paca tsipaebatsi xua pocotsiwan payaputanbe. Mataũtano paxanbe bara yatsicaewa pata paebinbe xua patanbe bayatha. Ichitha paxam pomonaē judiomonaē pam jopa yabara pana nejume cowantsim pocotsiwa paxanbe paca tsipaebatsi.

<sup>12</sup> Icha jopa pana nejume cowantsim pocotsiwan xua barapo cae pin nacuathe yabare paca tsipaebatsi bara paichim jopa pana nejume cowantsipaem icha yabara paca tsipaebichipatsi pocotsiwan Nacom pia peitorobi nacua beicha tatsi.

<sup>13</sup> “Dapon aibi pon peitaboco beicha pona Nacom beicha xua equeicha caewa patopeica bara wetsica. Daxota jiwi jopa yabara yaputaeyo Nacom pia peitorobi nacua beicha tatsi. Saya meisa jame xan ponxaein Nacom Tananeitapetsin patopeican tanacua wetsica daxota yabara yaputan Nacom pia peitorobi nacua beicha tatsi.

<sup>14-15</sup> Caena bayatha ira xuepana susato tsurucuae nacuatha, pinmonae werapa poxoru jomon sinebatsi. Daxota Moisés penainto asiya duta xua be jomo canaxobiya exana. Pomonae jomon sinebatsi, poxonae barapomonae tane barapo penain jomo, bapoxonae jopa werapaeyo. Icha Moisés ichi bara neichi tsane jiwi. Xan ponxaein Nacom Tananeitapetsin, ichamonae asiya naetotha t̄aparucua neexanaena. Barichi tsane pomonae yabara nejume cowantsina po coyene xua xan naetotha tatsit̄apaewa tsane xua barapomonae abe pia peexanae cuiru coyenein tatsi, barapomonae jopa weraweracae tsane. Barapomonae xeinaena peaj̄unt̄uyapus̄wa, po peaj̄unt̄uyapus̄wa ataya tsiteca”, jei Jesús.

*Meje yabara xua Nacom daxita jiwi bichocono antobetsi barapo cae pin nacuathe*

<sup>16</sup> Equeicha Jesús nayabara paeba poxonae Nicodemo tsipaebatsi. Jesús jeye: “Nacom antobe bichocono daxita carepaya jiwi xua barapo cae pin nacuathe. Daxota Nacom Pexanto itoroba pon yatsicaya compa tatsi. Pon Nacom Pexanto tatsi jume cowantatsi, bapon jopa weraweracae tsane. Bapon peaj̄unt̄uyapus̄wa xeinaena, po peaj̄unt̄uyapus̄wa ataya tsiteca.

<sup>17</sup> Nacom Pexanto jopa itorobicaeyo xua saya barapo cae pin nacuepiwi atene peexanaenexatsi xua penatsicuentsexae xua abe peexanaexae Nacomtha. Saya apara jame Nacom Pexanto itorobica xua jiwi pecapanenebiyaenexatsi penatsicuentsiwa weya.

<sup>18</sup> “Pon Nacom Pexanto tatsi yabara jume cowantatsi, bapon jopa Nacom tsitatsi xua atene peexanaewa tsainchi xua penatsicuentsexae xua abe peexanaexae Nacomtha. Ichitha nama pon Nacom Pexanto tatsi jopa yabara jume cowantsichi bapon Nacom bayatha tsitatsi xua atene peexanaewatsi tsainchi xua penatsicuentsexae jopa peyabara jume cowantsixaetsi Nacom Pexanto tatsi, pon bara compa.

<sup>19</sup> Pomonae jopa Nacom Pexanto tatsi yabara jume cowantichi, barapomonae Nacom bayatha tsitatsi xua atene peexanaewatsi xua penatsicuentsexae xua abe peexanae cuiru coyenein peexanaexae. Tsipei poxonae Nacom Pexanto tatsi patopeica po cae pin nacuathe tsique, barapomonae ichichipa exana abe peexanaewan beyacaincha xua peexanaewa pocotsiwa Nacom itoroba.

<sup>20</sup> Tsipei daxita pomonae abe peexanaewi barapomonae Nacom Pexanto tatsi aichaxaibichi daxota jopa imoxoyo caquita ponaetsi bapon. Barapomonae jopa ichipaeyo xua peyaputaewatsi, xua Nacom Pexanto tatsi peyaputaewa xua pocotsiwa barapomonae abe exana.

<sup>21</sup> Ichitha pomonae pejume cowantsiwi, pomonae yatsicaewa beta xanepanaya exana, barapomonae Nacom Pexanto tatsi imoxoyo caquita poinchi. Tsipei barapomonae ichichipa xua peyaputaewatsi xua Nacom Pexanto tatsi peyaputaewa tsane xua pocotsiwa barapomonae w̄nae peexanaexae, xua pocotsiwa Nacom peitorobixae”, jei Jesús Nicodemotha poxonae nayabara paeba.

*Meje yabara poxonae Juan pon jiwi Pebautisabin equeicha Jesús yabara cueicueijeichi*

<sup>22</sup> Poxonae Jesús najume weta xua poxonae Nicodemo tsipaebatsi, bapoxonae pirapae Jesús pijimonae bar̄u pona Judea nacua beya. Barapo nacuathe Jesús ainya matacabintha pijimonae bar̄u popona. Matautano baxota Jesús pijimonae cui itoroba xua jiwi pebautisabiwa tsainchi.

<sup>23</sup> Iruru Juan bautisaba jiwi Enón tomaratha, po tomara eca ichaxota imoxoyo po tomara pewun Salim. Tsipei baxota menein nawita. Pinmonae Juan itata patatsi, yawa Juan bautisaba barapomona.

<sup>24</sup> Juan baxua pewunaeya exana xua poxona jiwi pecubi botha etatsi.

<sup>25</sup> Bapoxona pomona Juan pia pepuna jinompaewichi tatsi iru judiomonaeno, barapomona yabara baru najume matsontsonobatsi pebautisabi coyenewa.

<sup>26</sup> Barapomona Juan siwa poinchi xua Juan yabara peyainyabinexa tsainchi baxua. Jeye Juantha:

—Pon jiwi Necuidubim, incane matha taema. Pon caniwi cabaru popona Jordán mentha xua icha muxunene beya, pon bayatha yabara pana netsipaebame, bapon nama anoxuae bautisabauya jiwi yawa bapon puna poinchi daxita jiwi, jei Juan pijimona tatsi xua Jesús yabara paebatsi.

<sup>27</sup> Nexata Juan barai barapomona, jeye:

—Jiwi ba jopa xeinaeyo icha Nacom jopa catsiyo.

<sup>28</sup> Paxam bara yatsicaewa pana nejume taneme xua paca jeichi: ‘Xan dapon aibin Mesías’, jan. ‘Apara bapon pia pewunaeya tatsi Nacom neitoroba’, jan.

<sup>29</sup> Poxona ba pebin pecotsiwa pita bapon pona yabayo pia botha tatsi. Pon piowa pepichixae bapon pia jiton tatsi bichocono juntu coyene weiweina xua bapon piowa pepichixae poxona jume taeuncua xua pia jiton tatsi piowa pita. Icha pebin cana ichichi pia jiton, bara juta ichin Jesucristo anoxuae. Bichocono juntu coyene weiweinan tsipei daxita jiwi Mesías puna poinchi.

<sup>30</sup> Bapon bewa mataropeicha ainya cui naexanapona jiwi peitatha tatsi. Xan bewa jopa ainya cui naexanapona tsane jiwi peitatha tatsi, jei Juan.

#### *Meje yabara poxona Juan yabara paeba pon peitaboco wetsica pona*

<sup>31</sup> Equeicha Juan piamona barai, jeye:

—Pon peitaboco wetsica pona, bapon jame bichocono peyaputaen beyacaincha xua ichamona. Pon xua po irathepin bapon apara saya jiton. Bapon saya yabara cueicueije pocotsiwa po irathe yabara. Ichitha pon peitaboco wetsica pona, bapon daxita canamataxeina.

<sup>32</sup> Bapon bequein jiwi yabara tsipaebatsi pocotsiwa xua bayatha tane peitabocotha, xuano xua pocotsiwa bayatha jume tane peitabocotha, ichitha jiwi jopa jume cowantsiyo pocotsiwa bapon paeba.

<sup>33</sup> Icha pebin jume cowanta pocotsiwa paeba pon peitaboco wetsica peponaexae xua Nacom yabara paebatsi, barapon tsita itapeinya xeina ichamonaetha, xua apara Nacom bara xaniwaicha pepaebin.

<sup>34</sup> Pon xua Nacom itoroba bara bapon cueicueije Nacom pejumein tatsi, tsipei Nacom jopa juniya nacana jumope tanaxu catsiyo xua bapon peyawenaewa tsainchi.

<sup>35</sup> Nacom bichocono antobe Pexanto. Pexanto cata peyapusu itorobi coyenewa xua bapon daxitan pecanamataxeinaewa tsane.

<sup>36</sup> Pon Nacom Pexanto tatsi yabara jume cowantinchi, bapon peajuntu yapusawa xeinaena, po peajuntu yapusawa jopa bapana weraweracaeyo. Ichitha pon Nacom Pexanto tatsi jopa yabara jume cowantichi, bapon jopa xeinae tsane barapo peajuntu yapusawa. Nama bapon Nacom cana exanaena xua bapon bichocono atene peexanaewa tsainchi, jei Juan.

## 4

#### *Meje yabara poxona Jesús tsipaeba powayo Samaria nacuapiwayo*

<sup>1</sup> Jesús jume tane xua jiwi tsipaeba fariseomonaetha xua jeye: “Jesús pinmonae xeina, pomona pia pepuna ponaewichi. Jesús toxeinchiya jopa juniya bautisabiyo jiwi beyacaincha xua poxona Juan bautisaba jiwi”, jei jiwi fariseomonaetha.

<sup>2</sup> (Daumetha Jesús apara jopa bautisabiyo. Apra jame Jesús pijimonaе tatsi bautisaba jiwi.)

<sup>3</sup> Poxonaе Jesús jume yaputane xua jiwi paeba fariseomonaetha, bapoxonaе Jesús pijimonaе Judea nacia webaru warapiya. Caibeya warapa Galilea nacia beya.

<sup>4</sup> Poxonaе warapa Galilea nacia beya bewa ponaena ichaxoyo Samaria nacia iya, tsipei namto baxoyo ducuiya.

<sup>5</sup> Bapoxonaе Jesús pijimonaе baru patopa Sicar tomaratha, po tomara eca Samaria nacia. Barapo tomara, Sicar tomara eca ichaxota imoxoyo po iriyo caena bayatha Jacob pexanto cata. Barapo Jacob pexanto tatsi pewun José. Jacob iru pexanto tatsi caena bayatha tupaе.

<sup>6</sup> Barapo iriyotha mene mathu eca, barapo mene mathu pewun, “Jacob pia mathu”, jei. Tsipei Jesús natsepapona namto dena, tsipei tajw werena pona, daxota barapo mene mathu muxuburutha ecpa. Matautano bapoxonaе mateinyaxae tsuxubi iru.

<sup>7-8</sup> Iru bapoxonaе Jesús pijimonaе tatsi tomara be-iyiya pecomocaenexa pexaewa. Barapomonaе pecoutha tatsi yabuyo Samaria naciapiwayo patopa ichaxota Jesús po mene mathu muxuburutha eca. Jesús barai bapowa, jeye:

—Mera necare, jei Jesús.

<sup>9</sup> Bapoxonaе barapo Samaria naciamaepiwayo Jesús jume notatsi. Barapowa jeye:  
—¿Eta pocotsiwa metha mera nebaru ununame? Apra judiomonaepim iru xan apra Samaria naciamaeawayon, jei.

Barapowa baxua paeba tsipei judiomonaе iru Samaria naciamaeae daxita barapomonaе jopa naita coxonaeyo.

<sup>10</sup> Nexata Jesús jume nota, jeye:

—Icha xam yaputaetsipame xua pocotsiwa Nacom cata jiwitha, yawa icha neyaputaetsipame pon aunxuaein mera cawucatsi, bapoxonaе jame newucaetsipame mera, xua icha mera, po mera jiwi peajuntayarusawa xeina cana exainchi, po peajuntayarusawa jopa bapana weraweracaeyo, jei Jesús.

<sup>11</sup> Bapowa Jesús jume notatsi, jeye:

—Pon jiwi Necanamataxeinaem, apra jopa xeinaem xua xota mene capatame. Yawa po mene muthu apra tajw deca. ¿Jinya exota po mene boca inta mene capitichi, po mera jiwi ajuntayarusawa exainchi?

<sup>12</sup> Barapon Jacob pata tamo susatopin pana cata barapo mene mathu. Bapon barapo mene mathu mene capaneiba peapeibinexa, iru pia pexui tatsi mene capaneiba xua peapeibinexa, matautano mene capaneiba peapateibinexa pia duweimonaein. ¿Metha bara Jacob toxecha ainya cuim, beyacaincha bapon? jei bapowa.

<sup>13</sup> Jesús jume nota, jeye:

—Daxita pomonaе xua po mene muthu the mene capaneiba xua peapeibinexa equeicha meratsipouneibina.

<sup>14</sup> Ichitha pon apa xua po mera catan, bapon equeicha jopa caewa meratsipae tsane. Barapo mera icha ira burana mene ichi xua epatoya mene jujuina poxoru bichocono ira burana mene nauca. Barichi po coyene xua cacatinchi barapo coyene cajuntu coyene uca cacana exanaena, bapoxonaе xeinaename peajuntayarusawa, po peajuntayarusawa xua ataya tsiteca, jei Jesús.

<sup>15</sup> Nexata bapowa Jesús jume notatsi, bapowa jeye:

—Pon jiwi Necanamataxeinaem, dapo mera necare xua jopa caewa tameratsipouneibiwa tsane yawa xua equeicha po mene muthu the jopa tapateibiwa tsane xua mera tacapanathopeibinexa, jei barapowa.

<sup>16</sup> Jesús jume nota, jeye:

—Moya matha iyande, matha jinseuri wabare. Nexata bapoxonaе xote papatoparebe, jei Jesús.

<sup>17</sup> Bapowa jume nota, Jesús jume notatsi, jeye:

—Taseuri apara jopa xeinaeinyo, jei.

Nexata Jesús jume barai, jeye:

—Bara xainyeya paebame poxonae jam, ‘Taseuri jopa xeinaeinyo’, jam.

<sup>18</sup> Tsipei caena bayatha cinco poyobe pebiwi punaxubame. Pon xua anoxuae baru poponame, apara jinseuri aibi. Poxonae paebame baxua bara xainyeya paebame, bara jopa naerabim, jei Jesús.

<sup>19</sup> Barapowa poxonae Jesús baxua jume tainchi barapowa jeye:

—Pon jiwi Necanamataxeinaem, bara catainchi xua xam apara pon Nacom peitorobi jume nepaebim.

<sup>20</sup> Pata tamo susato jiwi, Samaria nacuamonaepiwi, barapomonae wɥnae jainteiba Nacom xote po demxuwathe. Ichitha paxam judiomonae pam, papaebame xua pinae bewa jiwi wɥnae jainteibina Nacom bomɥxɥtha po bo uncua Jerusalén tomaratha po bo Nacom pin pia bo tatsi, jei barapowa.

<sup>21</sup> Jesús jume nota, jeye:

—Yabɥyo moya yabara nejume cowɥnde xua tacatsipaebiwatsi. Tsipei barapo matacabi imoxoyo patopaena, po mataqueitha xua wɥnae pajainteibiname Nacom. Nama jopa painya nenantawenonaewam tsane xua painya neponaewa, po demxuwathe yawa Jerusalén tomara beya xua wɥnae painya nejainteibiwa tsane Nacom.

<sup>22</sup> Paxam Samaria nacuamonae pam, jopa payaputaem pon wɥnae pajainteibame. Paxan nama judiomonae pan payaputan pon wɥnae pajainteiban, tsipei pon pecapanenebiyaein jiwi apara bapon judiomonae jiwapanin.

<sup>23</sup> Ichitha anoxuae nama patopa po mataqueitha poxonae pomonae xaniwaicha wɥnae pejainchiwa Nacom, barapomonae icha coyene cuitha Nacom wɥnae jaintinchi, xua barapomonae pia Paxaxae tatsi. Barapomonae xaniwaicha pia pejɥntɥ coyenewatha wɥnae jainchina Nacom. Tsipei Nacom baxua ichichipa xua wɥnae pejainchiwatsi xua jiwi wɥnae pejainchiwa pejɥntɥ coyenewatha.

<sup>24</sup> Nacom pejɥntɥ coyene xanepanaein pon peinya jumopein. Daxota pomonae Nacom wɥnae pejainchiwatsi, barapomonae bewa xaniwaicha pejɥntɥ coyenewatha wɥnae jainchina Nacom, jei Jesús.

<sup>25</sup> Barapowa jume nota, jeye:

—Yaputan xua patopeicaena pon pewɥn Mesías, (xua pon icha wɥn “Cristo” baraichi). Poxonae bapon patopeicaena daxita yabaran pana necuidubina, jei bapowa.

<sup>26</sup> Jesús jume nota, jeye:

—Apara xan bapon, pon aunxuaein catsipaebatsi, jei Jesús.

<sup>27</sup> Bapoxonae equeicha Jesús pijimonae tatsi pata. Daxita barapomonae yabara najɥntɥ cui coyene cabenaeca xua Jesús tsipaeba Samaria nacuamonaewayo. Ichitha dapon aibi xua pon pejeiwa Jesustha, “¿Eta xua metha jinya xuatsi? ¿Eta pocotsiwa metha bapowa tsipaebame?” xua pon pejeiwa.

<sup>28</sup> Nexata bapowa juruwato cuenta iya tomara be-iyá, nainya yacuinaya iya. Bapowa jiwi tsipaeba, jeye:

<sup>29</sup> —Anetha, pataema pebin ichaxota mɥthɥ mene. Bapon yabara netsipaeba daxita pocotsiwa bayatha caena exanan. ¡Apara bapon metha Mesías! jei bapowa.

<sup>30</sup> Bapoxonae jiwi tomara we-iyíya peponaenexa ichaxota Jesús popona.

<sup>31</sup> Irɥrɥ Jesús pijimonae jume daunweya baraichichi, jeye:

—Pon Patatanecuidubim, matha xaema, jeichichi pijimonae.

<sup>32</sup> Jesús jume barai pijimonae, jeye:

—Xan xeinan pexaewa, po pexaewa jopa payaputaem, jei Jesús.

<sup>33</sup> Jesús pijimonaexae tatsi nexata bara caemonae nayainyaba, jeye:

—¿Metha bara ichɥn Jesús apatatsi pexaewa? najei barapomonae.



<sup>34</sup> Ichitha Jesús pijimonae jume barai, jeye:

—Icha pebin ichi xua bewa nabanaena, barichin xan bewa exanaein pocotsiwa Nacom ichichipa pocotsiwa bapon tana necui itorobixae. Matautano bewa nacui wetsin Nacom pia penacuichiwa tatsi xua tana neitorobixae. Daxota xua bapoxonae tanejuntu coyene yucaewa tsane be poxonae pebin xua pexaewa una tonsana.

<sup>35</sup> Paxam ba pajam: ‘Abu cataunxuae cuatro po xometobe yapu seica pabitha xua pexaewa penawetsiwa tsane’, ba pajam. Ichitha nama paca jeichi: ‘Pataema bayatha pexaewa naweta xua pabitha’, paca jeichichi. Barapocotsi juta coyeneya paca jeichi: ‘Jiwi barapo cae pin nacuathe bayatha najuntu cui coyene wunaetaba xua pejume taenexa Nacom Pejume Diwesi xua pejume cowantsinexa’, paca jeichi.

<sup>36</sup> Catsibin pomonae tamonaexae pocotsiwa xua pematomatsiwa xua inta ichamonae peyawenaexaetsi xua iruru be tamonae jiwi penaexanaenexa. Pomonae nejume cowanta barapomonae catsibin peajuntu yapusawa, po peajuntu yapusawa jopa weraweracaeyo. Tsipei pomonae tajume diwesi pecueicueijeijiwi copiya xuano iru pomonae tajume diwesi cotacaya xuya yaputane cana exana xua daxota jiwi nejume cowanta, daxita barapomonae matabuxyobe nabaru juntu coyene weiweina xua ichamonae nejume cowanta pecana exanaexaetsi.

<sup>37</sup> Tsipei po diwesiyo xua tsica diwesiyo, po diwesiyo yabara canauta jatsiya pepaebiwa bara apara xaniwaicha, po diwesiyo xua ba jeye: ‘Ichun uba, iru ichun xuya jota poxonae naweta’, xua jei po diwesiyo.

<sup>38</sup> Paca itorobatsi xua inta payawenname jiwi xua tajiwiwimonae penaexanaenexa xua po coyene jopa pacata ayapubeyo xua poxonae paexaname baxua. Baxua paexanename bequein bara jopa dapomonae pam pocotsimonae copiya tajume diwesi paeba barapo jiwitha. Jame paxam apara barapomonae pam, xua xuya cotacaya yaputane pacana exaname barapo tajiwiwimonae. Baraxua icha be poxonae ichi poxonae ichun xuya jota cotacaya poxonae ichun copiya uba, jei Jesús.

<sup>39</sup> Bapoxonae pin bicheitomonae pomonae barapo tomaratha jinompa xua Samaria nacuatha, Jesús jume cowantatsi, tsipei barapo petsiriwa pejeixae: “Bapon Jesús yabara netsipaeba daxita pocotsiwa bayatha caena exanan”, jei.

<sup>40</sup> Poxonae barapo Samaria nacuapiwi Jestustha pata, bapoxonae Jesús jume daunweya jeichichi: “Pana baru ecare pata tomaratha”, jeichichi. Daxota Jesús ainya matabibe naeca barapo tomaratha.

<sup>41</sup> Bichocono pinmonae Jesús jume cowantaponatsi poxonae jume tane xua Jesús paeba.

<sup>42</sup> Nexata barapomonae bapowa tsipaebatsi, jeichichi:

—Anoxuae nama pajume cowantan jopa meisa saya poxoru pata tanetsipaebiwam. Matautano bara pajume cowantan tsipei yatsicaewa pata muxutontha pajume tan pocotsiwa bapon paeba. Matautano bara payaputan xua bapon pon jiwi Pecapanenebiyaeinchi abe pia peexanae cuiru coyenein tatsi weya xua barapo jiwi jopa peweraweracaenexa, jei barapomonae.

*Meje yabara poxonae Jesús axaibi exana pon pentacaponaein pexanto tatsi*

<sup>43</sup> Poxonae barapo ainya matabibe yapucaewa, bapoxonae Jesús pijimonae Samaria nacua webaru warapiya xua baru pona Galilea nacua beya. Ichitha pijimonae jopa baru patopaeyo pia tomaratha Nazaret tomaratha.

<sup>44</sup> Tsipei Jesús bayatha pijimonae tsipaeba xua nayabara jeye:

—Pon ba Nacom peitorobi jume pepaebin, bapon ba pia nacuapiwi jopa baru cui itura jinaetsi, jei Jesús.

<sup>45</sup> Poxonae Jesús pijimonae baru patopa Galilea nacuatha, barapo Galilea nacuapiwi Jesús matenta weyataya wabatsi. Tsipei caena bayatha barapo Galilea nacuapiwi Jesús tainchi Jerusalén tomaratha, poxonae jiwi nacaetuta xua penabanaenexa pexaewa po

matacabintha pewun Pascua wun matacabin poxonae jiwi yabara canantana xeina xua caena bayatha pia pamo susato jiwi tatsi panenebiya Egipto nacua weya. Matautano tsipei poxoru bayatha barapomonaе tane daxita pocotsiwa Jesús exana baxota.

<sup>46</sup> Bapoxonaе Jesús pecoyo baru pona pijimonaе Caná tomara beya xua po tomara eca barapo Galilea nacuatha. Barapo Caná tomara, po tomaratha ichaxota bayatha Jesús meratha equeicha vino mera cana exana. Poxonaе Jesús Caná tomaratha eca, irun pebin pon pentacaponaein Capernaum tomaratha popona. Bapon pexanto taatenetsi. Barapo pentacaponaein tanacuita, pon jiwi itorobiya pia pepa peewatsinchi tanacuitatsi.

<sup>47</sup> Barapon pon pentacaponaein yaputane xua Jesús pijimonaе baru patopa Galilea nacuatha xua Judea nacua weya pona. Bapoxonaе Jesús siwa poinchi. Bapon Jesús jume daunwei jeichichi:

—Tabo beya ponde. Inta taxanto axaibi exande tsipei imoxoyo petupae, jei bapon.

<sup>48</sup> Nexata Jesús barai bapon xua piamonaе tatsiru, jeye:

—Paxam jopa yabara pana nejume cowuntsim. Saya poxonaе pexeinya petsita itatsi coyenewan paca tsita exaneibatsi bapoxonaе deta pana nejume cowunteibame, jei Jesús.

<sup>49</sup> Ichitha pentacaponaein jume nota, jeye:

—Pon Necanamataxeinaem jiwi, anetha nainya iyande, xua pewanaeya tsane poxonaе taxanto tupaena, jei.

<sup>50</sup> Nexata Jesús jume barai bapon, jeye:

—Moya caibe nawiyama jinya bo beya. Bayatha cata axaibi nexanto, jei Jesús.

Barapo pentacaponaein yabara jume cowanta pocotsiwa Jesús paeba. Bara pontaba pia bo beya.

<sup>51</sup> Poxonaе barapo pentacaponaein cataunxuae ecapona namtotha xua pia bo beya pona, bapoxonaе bapon matenta poinchi pomonaе pia petanacuichiwiwixatsi pia botha. Bapon jeichichi:

—Nexanto bayatha cata axaibi, jei barapomonaе.

<sup>52</sup> Nexata bapon yainyaba pia petanacuichiwichi, jeye:

—¿Eta poxonaе inta taxanto axaibi? ¿Eta xoyo poxonaе ecatabiya xometo? jei bapon.

Barapomonaе jume nota, jeye:

—Mexuae axaibi tsuxubi poxonaе mateinyaxae pepuya weya bapoxonaе yasataxotsi domae, jei barapomonaе.

<sup>53</sup> Nexata pexuyo paxa tatsi yabara nanta xeinataba xua barapo mateinyaxae pepuya weya xua mexuae Jesús namchi jeye: “Moya caibe nawiyama jinya bo beya, bayatha nexanto cata axaibi”, jei Jesús. Bapoxonaе bapon iru pomonaе pia botha petaenaewichi Jesús yabara jume cowantatsi.

<sup>54</sup> Barapo pexeinya petsita itatsi coyenewa xua poxonaе equeicha Jesús cotacaya exana poxonaе caibe warapiya Galilea nacua beya poxonaе Judea nacua wewarapiya.

## 5

*Meje yabara poxonaе Jesús axaibi exana pon pecuenobinchi ichaxota po fetiyo pewun Betzata*

<sup>1</sup> Bapoxonaе pirapae Jesús pona Jerusalén tomara beya. Barapo tomaratha judiomonaе nacaetuta xua penabanaenexa pexaewa.

<sup>2</sup> Barapo tomaratha xua iboton peyacaincha toxoro dutsi acabiwa coiboton cae boupa iya barapo boupa pewun “Oveja pia boupa”, jei. Imoxoyo barapo boupa iya eca tsica mene fetiyo. Barapo fetiyo hebreo jumetha pewun “Betzata”, jei. Barapo fetiyotha cinco po boutiyobe umena.

<sup>3</sup> Barapo boutontha peatenewi iratha bobenapoinya, ichamonae pomonae peitata nacutsi jiwi, iru ichamonaeno pomonae pejayujayujei jiwi, iru ichamonaeno pomonae pecuenobiwichi. Barapomonae ewatabobena xua barapo mene fetiyo mene najirababa.

<sup>4</sup> Tsipei ichacuitha tsaibi matatsunpin patopeiqueiba barapo mene fetiyotha xua peitaboco wetsica pona. Barapo matatsunpin mene najirababa exana barapo mene fetiyo. Pon copiya maxu cayatsi mene beya xua baxota cuaranotatsi, bapoxonae axaibi exainchi.

<sup>5</sup> Baxota pebin iru boca pon caena bayatha atene treinta y ocho po weiyobetha.

<sup>6</sup> Jesús tane xua bapon iratha boca. Matautano Jesús yaputane xua bapon ainya dapaen bayatha ewata boca. Jesús yainyaba bapontha, jeye:

—¿Ichichipame xua neaxaibiwa? jei Jesús.

<sup>7</sup> Pon atene Jesús jume notatsi, jeye:

—Pon Necanamataxeinaem jiwi, dapon inta aibi pon taneyawenaewa xua mene betanemaxu cayaenexa poxonae matatsunpin mene najirababa exana. Poxonae tacoutha taepatotha iya tsaibin ichan copiya netsiwana patopeiba. Bapon axaibi, copiya pecaxinaexae mene, jei pon atene.

<sup>8</sup> Jesús jume barai, jeye:

—Asiya uncuare. Pire jinya nebocaewa. Bara ponde, jei Jesús.

<sup>9</sup> Bapoxonae caena nainya axaibi tsuxubi. Yawa pita pia pebocaewa, bara ponano. Ichitha barapo matababi apara po matababi pentaquei seicae matababi.

<sup>10</sup> Daxota judiomonae barai pontha pon axaibi exainchi. Jeichichi:

—Apara anoxuae po matababi xua pentaquei seicae matababi. Barapo mataqueitha jopa cacopatsiyo xua bara necaponaewa jinya nebocaewa, jei judiomonae.

<sup>11</sup> Bapon jume barai judiomonae, jeye:

—Pon neaxaibi exana bapon nebarai: ‘Pire jinya nebocaewa, bara ponde’, nejei bapon, jei bapon judiomonaetha.

<sup>12</sup> Nexata judiomonae yainyaba bapon, jeye:

—¿Jintam bapon pon baxua cabarai: ‘Pire jinya nebocaewa, bara ponde’, jei? jei barapomonae.

<sup>13</sup> Ichitha bapon jopa wan taeyo pon peaxaibi exanaexaetsi, tsipei Jesús pin bicheitha naita cafetaba.

<sup>14</sup> Pirapae bapon Jesús taeba Nacom pin pia botha tatsi. Jesús barai bapon, jeye:

—Incané nejume taema. Jame caaxaibi exanatsi. Equeicha jinxoba abe exaname, tsipei bapoxonae bichocono atenem tsipae beyacaincha xua poxonae copiya atenem, jei Jesús.

<sup>15</sup> Nexata barapo pebin pona judiomonae beya xua pejeinexa:

—Apara pon neaxaibi exana bapon apara Jesús, jei bapon.

<sup>16</sup> Daxota Jesús abe tsiyabara jeitapoinchi xua pebexubiwa tsainchi yaitama Jesús axaibi exana pon atene po mataqueitha pentaquei seicae mataqueitha.

<sup>17</sup> Ichitha Jesús jeye barapomonaetha:

—Taxa, apara cataunxuae nacuiteiba daxita matababintha. Xan barichin bara bequein pentaquei seicae matababi tan, jei Jesús.

<sup>18</sup> Daxota bichocono nama judiomonae jopa juniya anaepanaeyo, yawa ichichipa xua Jesús pebexubiwa tsainchi. Barapomonae anaepana tsipei yaitama Jesús po mataqueitha pentaquei seicae matababitha nacuita poxonae bequein barapomonae jopa copatsiyo. Matautano anaepana tsipei Jesús naexana xua Nacom pecui jupaewatsi, yawa tsipei jeye: “Nacom, Taxa”, jei.

*Meje yabara poxonae Jesús yabara paeba xua pexeinaewa pia peayapusu itorobi coyenewa*

<sup>19</sup> Nexata equeicha Jesús barai barapo judiomonae, jeye: “Xaniyan paca tsipaebatsi xua xan Nacom Pexanton jopa exanaeinyo pocotsiwa tacoutha ichichipan. Saya jame exanan pocotsiwa Taxa cui tan pocotsiwa exana. Daxota bapocotsiwan baxua exanan.

<sup>20</sup> Taxa bichocono neantobe, yawa netsita itata daxita xua bapon pocotsiwa exana. Taxa equeicha ichawanno netsita itatsina pocotsiwa xua bichocono wunaey beyacaincha xua bayatha exanan. Bapoxonae yabara pana najuntu cui coyene cabenaecaename.

<sup>21</sup> Taxa equeicha asu cana exana pomonae caena bayatha werapa. Xan barichin tsane Nacom Pexantonxaein equeicha asu cana exanaein pomonae pewaterapaewi, pomonae xua ichichipan xua asu tacana exanaewa.

<sup>22</sup> Taxa jopa ba yabara paebiyo jiwi xua penatsicuentisiwa xua abe peexanaexae. Saya meisa xan Pexanto tatsixaein necata barapo peayapusu itorobi coyenewa xua tayabara paebiwa jiwi xua penatsicuentisiwa xua abe peexanaexae Nacomtha.

<sup>23</sup> Baxua Taxa barapo peayapusu itorobi coyenewa necata xua daxita jiwi tana nebaru cui itura jinaenexa xua icha barapo jiwi ichi xua poxonae Taxa baru cui itura jinatsi. Xan ponxaein Nacom Pexantoxaein ponxaein Nacom tana neitorobixae pon jopa nebaru cui itura jinaeyo bapon barichi Taxa jopa baru cui itura jinaetsi.

<sup>24</sup> “Bara xainyeya paca tsipaebatsi xua xan, Nacom Pexantoxaein, pon xanepanaya nejume naitaewata pocotsiwa paeban xuano xua Taxa jume cowantatsi bapon peajuntuyparusuwa xeinaena po peajuntuyparusuwa xua ataya tsiteca. Bapon bapana jopa yabara caunutsin tsane xua bapon Nacom bayatha tsitatsi xua bapon penatsicuentisiwa xua daxota bapon bewa tupaena abe peexanaexae. Tsipei bapon be barapocotsin, bara be pocotsin xua equeicha asu exanan petupae cuiru coyene weya.

<sup>25</sup> Xainyeya paca tsipaebatsi. Apra anoxuae barapo matacabi patope, po mataqueitha pomonae be pewaterapaewi jopa pexeinaexae peajuntuyparusuwa, barapomonae nejume taena. Yawano icha barapomonae nejume cowantsina bapoxonae xeinaena peajuntuyparusuwa.

<sup>26</sup> Taxa xeina xua peajuntuyparusuwa, po pia peajuntuyparusuwa tatsi jopa weraweracaeyo. Daxota bara tayapu xanepanatsi xua ichun pecatsinexatsi barapo peajuntuyparusuwa. Mataatano Taxa necata barapo peajuntuyparusuwa xua daxota xuya jiwi catan.

<sup>27</sup> Taxa pia peayapusu itorobi coyenewa necata xua jiwi tayabara paebinexa xua penatsicuentisiwa xua abe peexanaewixae Nacomtha. Tsipei naexanan pepa Jiton daxota necui jupa xua barapo pia peayapusu itorobi coyenewatha jiwi tayabara paebiwa xua penatsicuentisiwa xua abe peexanaexae.

<sup>28</sup> Jopa baxua payabara najuntu coyene cabenaecaeinde pocotsiwa tapaca tsipaebiwatsi. Tsipei patopaena icha matacabi po mataqueitha pomonae pewaterapaewi nejume taena.

<sup>29</sup> Barapomonae pomonae pewaterapaewi muthu wejujuinaena. Pomonae xua xanepanaya exana xua poxonae caena bayatha jinompa, barapomonae asu exanaeinchi xua pexeinaewa tsane peajuntuyparusuwa. Ichitha nama pomonae abe exana xua poxonae caena bayatha jinompa, barapomonae asu exanaeinchi xua peyabara paebinexatsi xua penatsicuentisiwa xua abe peexanaexae Nacomtha”, jei Jesús.

*Meje yabara poxonae Jesús tsita itapeinya xeina jiwi xua bara xeina peayapusu itorobi coyenewa*

<sup>30</sup> Cataunxuae awiya Jesús cueicueijeji judiomonaetha. Jesús jeye: “Jopa exanaeinyo pocotsiwa tacoutha ichichipan. Jiwi yabara paeban xua penatsicuentisixae xua abe peexanaexae Nacomtha be pocotsi coyeneya Taxa tanecui itorobixae. Baxua xua pocotsiwa poxonae jiwi yabara paeban xua penatsicuentisiwa xua abe peexanaexae apra bara xanepana. Tsipei jopa exanaeinyo pocotsiwa tacoutha ichichipan jame saya exanan pocotsiwa Taxa ichichipa, pon tana neitorobixae.

<sup>31</sup> Icha saya meisa nayabara paebichipan tacoutha, yawa icha ichun jopa neyabara jume yawenaetsipae metha bapoxonae pana neyabara jam tsipaem: ‘Apara pocotsiwa bapon pia coutha nayabara paeba jopa xainyeyo’, pana neyabara jam tsipaem.

<sup>32</sup> Ichitha ichun neyawena xua tana neyabara paebiwa tsipei paeban xua pocotsiwa bapon paeba. Nanta jupaya papaebanbe. Apara bapon Nacom bara Taxa. Bara yaputan po coyene bapon xua tana neyabara paebiwa apara bara xainyei.

<sup>33</sup> Paxam ichamonae paitorobame Juan beya, xua Juan peyainyabiwa tsainchi, pocotsiwa Juan yabara paca jume nota xua xan yabara, bara apara xainyei.

<sup>34</sup> Xan jopa jiton nantawenonaeyo xua tana nebaru jume yawenaewa xua jiwi yabara tana nejume cowantsiwa xua bara xainyeya tapaebin. Saya yabara paca tsipae-batsi pocotsiwa Juan tana neyabara paebiwa. Poxonae baxua pajume cowantsiname pocotsiwa Juan tana neyabara paebiwa bapoxonae paca capanenebiyaena abe painya neexanae cuiru coyenein weya xua jopa painya atene tsaibiwa tsane abe painya neexanaewantha.

<sup>35</sup> Poxonae pecoicha itanata, jiwi ba caeto juntu coyene weiweina poxoru ichichipa barapo coicha xua yonoyonei. Icha pecoicha ichi Juan barichi. Poxonae Juan paca cuiduba copiya pajuntu coyene weiweiname caeto, poxoru paichichipame barapo diwesi pocotsiwa bapon paca tsipaeba.

<sup>36</sup> Ichitha nama xan xeinan xua pocotsiwa ainya cui beyacaincha xua po diwesi Juan tana neyabara paebiwa. Baxuan xua xuan pocotsiwa exanan apara bara xua pocotsiwa Taxa neitoroba. Po pexeinya petsita itubiwana xua exanan poxonae baxuan jiwi necui tane bapoxonae nejume cowanta xua Taxa necata barapo peayapusu itorobi coyenewa.

<sup>37</sup> Matautano Taxa, pon tana neitorobixae, beta xanepanaya neyabara paeba. Ichitha paxam jopa bapana Nacom pajume taem xua pejume. Matautano jopa bapana pataem pia pepon.

<sup>38</sup> Nacom Pejume Diwesi jopa paxeinaem painya juntu coyeneintha tsipei jopa pana nejume cowantsim ponxaein xua Nacom tana neitorobixae.

<sup>39</sup> Paxam matowa pana nacuidubame Nacom Pejume Diwesi, tsipei pananta xeiname xua pia bapoxonae Nacom painya nepaca catsibichi pia peajuntuayapusawa, po peajuntuayapusawa jopa weraweracaeyo. Ichitha Nacom Pejume Diwesi, po diwesi payorobame, apara xua tana neyabara paebiwa.

<sup>40</sup> Ichitha jopa bapana pana nejume cowantsim xua tapaca catsibinexatsi barapo peajuntuayapusawa, po peajuntuayapusawa jopa weraweracaeyo.

<sup>41</sup> “Jopa netsita ainya cuiyiyo xua bara jiwi tana nebaru cui itura jinaewa xua ainya cuin tanaexanaexae.

<sup>42</sup> Matautano paca juntu coyene yaputainchi xua painya juntu coyeneintha jopa Nacom paantobem.

<sup>43</sup> Xan, Nacom Taxa tana neitorobixae, pacata patopatsi, daichitha jopa pana nejume cowantsim. Ichitha icha ichun pacata patopaetsipa pon pia coutha naitoroba, bapon xanepanaya pajume cowantsipame.

<sup>44</sup> Jopa paca itacupaeyo xua pana nejume cowantsiname tsipei saya pananta xeiname xua pia jiwi paca necayabara baru cui itura jineibiwa. Jopa pananta xeinaem xua po coyene Nacom paca necayabara baru cui itura jinaewa tsane.

<sup>45</sup> Jopa pananta xeinaeinde xua Taxatha tapaca yabara paebiwatsi xua po coyene abe painya neexanaewa. Xan dapon apara aibin xua abe tapaca yabara paebiwatsi. Paxam pananta xeiname, pana najam: ‘Caena bayatha Nacom nacana jume diwesi cata Moiseshta xua jiwi pejume cowantsiwa tsane. Jume cowantatsi barapo diwesi, daxota Nacom naca capanenebiya tsane’, pana najam. Daichitha jopa paexanaem pocotsiwa Moisés paca itoroba. Poxoru tsipei jopa Nacom pajume cowantsim daxota Nacomtha abe paexaname.



<sup>46</sup> Icha pajume cowantsipame pocotsiwa Moisés neyabara tinaeya paeba, metha iruru pana nejume cowantsipame, tsipei Moisés neyabara tina.

<sup>47</sup> Icha jopa pajume cowantsim pocotsiwa Moisés neyabara paeba, bara paichipaem jopa pana nejume cowantsipaem”, jei Jesús xua judiomonae tsipaebatsi.

## 6

*Meje yabara poxonae Jesús apata pexaewa cinco mil pebiwi  
(Mt 14.13-21; Mr 6.30-44; Lc 9.10-17)*

<sup>1</sup> Poxonae Jesús najume weta judiomonaetha, bapoxonae Jesús pijimonae baru pona jeratha xua Galilea pucua icha muxunene beya. Barapo pucua icha wan Tiberias pucua.

<sup>2</sup> Pin bicheito Jesús puna poinchi, tsipei Jesús cui tainchi xua exana pia pexeinya petsita itutsi coyenewan, poxonae axaibi exana peatenewi.

<sup>3</sup> Nexata Jesús pijimonae baru ecoinya demxuwa icha. Bapoxonae baxoteicha Jesús pijimonae baru ecopiya.

<sup>4</sup> Imoxoyo bara nama patopaena matabi xua judiomonae pia Pascua wan matabi tatsi.

<sup>5</sup> Jesús tane xua puna poinchi pin bicheito. Bapoxonae Jesús barai, Felipe baraichi jeichichi:

—¿Eta xota metha pexaewa barapomonae upain comocaeinchi? jei Jesús Felipetha.

<sup>6</sup> Baxua Jesús Felipe yainyabatsi, pia xua Felipe jume taetsi, xua po coyeneya Felipe pejume notsiwa tsane. Tsipei Jesús yaputane po coyeneya xua imoxoyo peexanaewa.

<sup>7</sup> Nexata Felipe Jesús jume notatsi, jeye:

—Bequein doscientos po pan matabimonaetha comocaetsipathatsi jopa awiya jupaetsipae xua daxita barompaya pexexeinaponaewa barapo bicheito. Barapo denario paratiyo matawan xua bichocono matoma nawita xua caentaqueitha nexa xua matoma xeineiba pomonae penacuichiwi, jei Felipe.

<sup>8</sup> Bapoxonae Andrés pon iruru Jesús pijimonae tatsi jiwana jiton, pon Simón Pedro peweicho tatsi, bapon Jesús jeichichi:

<sup>9</sup> —Meje pewowin wuto uncue. Bapoyo cinco po panbe xeina, po pan xua cebada beno pan. Matautano bapoyo duweiyobe capana. Ichitha apara jopa yaru jupaeyo xua pin bicheito! jei Andrés.

<sup>10</sup> Nexata Jesús jume nota pijimonae, jeye:

—Daxita jiwi patsipaebare xua peenaewa tsane iratha, jei.

Baxota naepanaewan nawita. Baxota pebiwi iratha ena. Barapo bicheito bara be cou cinco mil pebiwi.

<sup>11</sup> Nexata Jesús pecobetha pita pan, po pan xua pexuyo capatopa. Bapoxonae Jesús Paxatha tsipaeba: “Axa, maisa juntu coyene weiweinan xua pata tana necatsiwaxaem pexaewa”, jei Jesús. Bapoxonae Jesús pijimonae tsicobe jajanacapona pan. Equeicha Jesús pijimonae tatsi cacatsibapona barapo pan barapo cinco mil pebiwitha. Jesús barichiya exana poxonae duweiyobe pita. Matautano pijimonae tsicobe jajanacapona barapo bicheito nexa. Barapo cinco mil pebiwi bara xane xua ichichipa piyainxae.

<sup>12</sup> Poxonae daxita tonsanarucupa, bapoxonae Jesús pijimonae barai:

—Panore xua barapomonae jiwana xane. Pajebare, jopa pabebande, jei Jesús.

<sup>13</sup> Barapomonae Jesús pijimonae tatsi nonotapona pocotsiwa barapo pin bicheito jiwana xaexaepona. Jesús pijimonae tatsi doce po cotebe wanba xua bayatha po cinco panbe jiwana xaexaepona pin bicheito po pan xua cebada beno pan.

<sup>14</sup> Barapo cinco mil jiwi poxonae Jesús cui tainchi xua pexeinya petsita itutsi coyenewa exana, jeye:

—Apara bara bapon pon Nacom peitorobi jume pepaebin, pon xua juinya bewa pinae patopaena po nacuathe xua wanacuatha tsica, jei.

<sup>15</sup> Ichitha Jesús yaputane xua barapomonae ichichipa xua po coyene Jesús penaex-anaewa tsane be pon jiwi itorobiya pia pepa peewatsinchi tsane barapo bicheito pia nacuatha tatsi. Daxota equeicha Jesús ponataba demxuwa beya, xua compa peecaenexa.

*Meje yabara poxonae Jesús mene matatsun jumatha pona  
(Mt 14.22-27; Mr 6.45-52)*

<sup>16</sup> Poxonae quirei tsanaicha Jesús pijimonae tatsi pucua itapa bepareca.

<sup>17</sup> Bapoxonae jeratha nonobabiya. Barapo pucua iya jeratha epatauta iyiya xua pepatsiwa tsane Capernaum tomara beya. Jesús cuenta iyiyatsi poxoru bayatha quirei, yawano poxoru Jesús jopa cataunxuae patopaeyo.

<sup>18</sup> Bapoxonae pin joibo tsuxubi. Yawa maratsaca muxunenababa jera.

<sup>19</sup> Poxonae Jesús pijimonae tuwatha yana panenebiya, bapoxonae Jesús pijimonae tainchi. Jesús mene matatsun juma dena pona jera dena. Bapoxonae barapomonae bichocono junuwa.

<sup>20</sup> Ichitha Jesús pijimonae barai, jeye:

—¡Apara xan! ¡Jopa pajunuwinda! jei Jesús.

<sup>21</sup> Bapoxonae Jesús pijimonae yaitaerucupatsi. Bapoxonae Jesús juntu coyene weiweinaya wabatsi pijimonae xua jeratha penontabinaenexa. Bapoxonae nainya patarucupa Capernaum tomaratha.

*Meje yabara poxonae jiwi Jesús wenaweneichi*

<sup>22</sup> Icha mataqueitha pin bicheito, pomonae umena pucua itapatha xua icha muxunenetha, barapomonae tane xua Jesús pijimonae cuenta ponarucupatsi jeratha, po jera saya bara cae nae xua po nae baxota boca.

<sup>23</sup> Poxonae cataunxuae Jesús yabara nanta xeinatsi baxua, bapoxonae icha jera naein pata xua po naein Tiberias tomara werendena. Barapo jera naein pata ichaxota po iriyo itama tayeca xua ichaxota bayatha Jesús, pon Wanacanamataxeinaein, Paxa tsipaeba xua jeye: “Axa, maisa juntu coyene weiweinan xua pata tanecatsiwam pan”, xua jei, xuano xua baxota Jesús apata pan jiwitha.

<sup>24</sup> Barapomonae yaputane xua Jesús aichurucuae. Matautano yaputane xua Jesús pijimonae tatsi aichurubena. Daxota jeran notarucupa Capernaum tomara be-iyiwa xua Jesús pewenaweneiwa tsainchi.

*Meje yabara xua Jesús apara bapon yabara caunutatsi xua poxonae po pexaewa Nacom jiwi itaboco wetaitorobicatsi*

<sup>25</sup> Poxonae barapomonae pata icha muxunene beya xua pucua iya, bapoxonae Jesús tainchi. Barapomonae Jesús yainyabatsi, jeichichi:

—Pon jiwi Necuidubim, ¿eta poxonae xote patopame? jei barapomonae.

<sup>26</sup> Jesús jume barai barapo jiwi, jeye:

—Xaniyan paca tsipaebatsi. Pana newenawenam, tsipei bayatha pana najain taneme pexaewa xua beya poxonae patonsaname. Apara jopa baxua patsipatsim xua bayatha tapaca tsita exanaexaetsi pexeinya tatsita itatsi coyenewan.

<sup>27</sup> Jopa pananta xeinaeinde xua saya pexaewa pana natsiupain nacuitame, po pexaewa saya nainya weraweraca. Saya meisa jame payabara nanta xeinare xua peajuntuayapusu coyenewa, po peajuntuayapusu coyenewa jiwi ajuntuayapusu exanatsi, po peajuntuayapusuwa jopa weraweracaeyo. Taxa, Nacom, barapo peajuntuayapusuwa necata, po peajuntuayapusuwa xuya paca catsinchi ponxaein Nacom Tananeitapetsin, jei Jesús.

<sup>28</sup> Nexata barapomonae Jesús yainyabatsi, jeye:

—¿Eta xua bewa paexanaein xua xainyeya pata exanaewa tsane pocotsiwa Nacom ichichipa? jei.

<sup>29</sup> Nexata Jesús jume nota barapomonaē, jeye:

—Jame Nacom baxua ichichipa xua pata tanejume cowantsiwam tsane ponxaein xua barapon Nacom, Taxa, neitoroba, jei Jesús.

<sup>30</sup> Nexata barapomonaē Jesús yainyabatsi, jeye:

—¿Eta po jinya pexeinya netsita itatsi coyenewa, pana netsita itatsiname? Icha paca cui taeinchi baxua xua pana netsita itatsiname nexata bapoxonaē xua xain paca jume cowantatsi.

<sup>31</sup> Ichaxota ira xuepana susato tsurucuae nacuatha wamo susato jiwi xane pexaewa, po pexaewa Nacom taitorobica itaboco wetsica. Barapo pexaewa maná matawun. Barapomonaē baxua cana exanatsi be pocotsi coyeneya Nacom Pejume Diwesitha yabara jeichichi: ‘Nacom cata barapomonaetha pexaewa, po pexaewa itaboco wetaitorobica’, jei Nacom Pejume Diwesitha, jei barapomonaē.

<sup>32</sup> Nexata Jesús jume barai barapomonaē, jeye:

—Xaniyan paca tsipaebatsi, Moisés barapo pexaewa apara jopa wamo susato jiwi catsichi, po pexaewa xua itaboco wetaitorobicatsi. Apra jame Nacom, Taxa, barapo pexainyei nabanaē pexaewa taitorobica.

<sup>33</sup> Po pexaewa Nacom itaboco wetaitorobica, apara neyabara wunaē caunuta. Nacom neitorobica xua tacana exanaewa tsane jiwi barapo cae pin nacuathe xua jiwi pexeinaewa tsane peajuntayapusawa, po peajuntayapusawa jopa weraweracaeyo, jei Jesús.

<sup>34</sup> Nexata barapomonaē Jesús baraichichi, jeye:

—Patatanecanamataxeinaem, barapo pexaewa pana catsibeibare daxita matabi tsai, jei.

<sup>35</sup> Jesús jume nota, jeye:

—Xan apra bapon xua po pexaewa Nacom itaboco wetaitorobica jiwi xua po pexaewa tana neyabara wunaē caunutsixae ponxaein jiwi peajuntayapusawa tacatsin. Bequein jiwi xaiba pexaewa daichitha equeicha jainpouneiba, yawa equeicha meratsipouneiba. Jame pon patopa taxantha yawa pon nejume cowanta bara xeina daxita pocotsiwa penantawenonaewa.

<sup>36</sup> Bara bayatha bequein paca tsipaebatsi, daichitha jopa pana nejume cowantsim bequein pana netaneme.

<sup>37</sup> Daxita pomonaē xua Taxa necata, barapomonaē bara tamonaē. Barichi pomonaē nejume cowanta, barapomonaē jopa beban tsane.

<sup>38</sup> Xan apra jopa baxua tsipatopeicaeinyo itaboco wetsica xua taexanaewa tsane pocotsiwa tacoutha ichichipan. Apra saya jame baxua tsipatopan xua taexanaewa tsane pocotsiwa Taxa ichichipa.

<sup>39</sup> Tsipei Taxa ponxae neitoroba, barapon ichichipa xua daxita jiwi beta ta-enaewa tsane pomonaē tana necatsixae. Matautano Taxa jopa ichipaeyo xua barapomonaē jiwana caein tanexubiwa. Matautano Taxa ichichipa xua equeicha asu cana exanaein petupae coyene cuariya weya pomonaē tana necatsixae xua poxonaē po matabi opi ducuaenaba po cae pin nacuathe.

<sup>40</sup> Paxam yabara paca tsipaebatsi xua pocotsiwa Taxa peichichipaewa. Daxita pomonaē neyabara paebina po coyene xua xan apra Nacom Pexanton, xuano xua nejume cowanta, barapomonaē xeinaena peajuntayapusawa xua ataya tsiteca. Barapomonaē asu exanaein petupae coyene cuariya weya poxonaē matabi opi ducuaenaba po cae pin nacuathe, jei Jesús.

<sup>41</sup> Poxonaē Jesús baxua nayabara paeba bapoxonaē judiomonaē Jesús abe yabara paebatsi, tsipei Jesús jeye: “Xan apra bapon po pexaewa Nacom itaboco wetaitorobica jiwi xua po pexaewa tana neyabara wunaē caunutsixae ponxaein jiwi peajuntayapusawa tacatsin”, jei Jesús.

<sup>42</sup> Barapomonae najei caemonae:

—Apara bapon Jesús, José pexanto tatsi. Apara coxiy<sup>un</sup> bayatha yaputainchi, coxiwano yaputainchino. ¿Eta pocotsiwa metha naca tsipaeba xua pinae itaboco wetsica pona? najei barapomonae.

<sup>43</sup> Nexata Jesús jume barai, jeye:

—Jopa caemonae pana natsipaebinde xua abe papaebame.

<sup>44</sup> Dapon aibi pon peitac<sup>u</sup>paewatsi xua pia coutha pepatopaewa xantha xua tana nepuna ponaewa tsane icha Taxa pon tana neitorobixae, pia coutha jopa copatsiyo xua jiwi pepatsinexa xantha. Barapomonae as<sup>u</sup> exanaein pet<sup>u</sup>pa<sup>e</sup> coyene cuariya weya poxonae po mataqueitha daxita weraweracaena po nacuathe.

<sup>45</sup> Nacom peitorobi jume pepaebiwi pia petinae diwesintha jeye: ‘Daxita jiwi Nacom yaputane cana exanaena’, jei barapo Nacom peitorobi jume pepaebiwi pia petinae diwesintha. Daxota daxita pomonae Taxa jume tainchi xuano xua jume cow<sup>un</sup>tatsino barapomonae bara pata taxantha.

<sup>46</sup> “Dapon aibi pon Taxa tainchi. Jame meisa ponxaein itaboco wepatopeican bara Taxa tan.

<sup>47</sup> Xaniyan paca tsipaebatsi, pon nejume cow<sup>un</sup>ta bapon jame xeinaena peaj<sup>un</sup>t<sup>u</sup>yap<sup>u</sup>s<sup>u</sup>wa, po peaj<sup>un</sup>t<sup>u</sup>yap<sup>u</sup>s<sup>u</sup>wa jopa weraweracaeyo.

<sup>48</sup> Xan apara bapon xua po pexaewa Nacom itaboco wetaitorobica jiwi xua po pexaewa tana neyabara w<sup>un</sup>ae caunutsixae ponxaein jiwi peaj<sup>un</sup>t<sup>u</sup>yap<sup>u</sup>s<sup>u</sup>wa tacatsin.

<sup>49</sup> Painya amo susato jiwi pexaewa xane ichaxota ira xuepana susato tsurucuae nacuathe. Barapo pexaewa maná mataw<sup>un</sup>. Bequein bara barapo pexeinya pexaewa nabane daichitha matapainya werapa.

<sup>50</sup> Paxam yabara paca tsipaebatsi po pexaewa Nacom itaboco wetaitorobica jiwi xua po pexaewa tana neyabara w<sup>un</sup>ae caunutsixae. Pon nejume cow<sup>un</sup>tsina jopa weraweracae tsane icha ich<sup>un</sup> ichi xua poxonae xane barapo pexaewa jopa t<sup>u</sup>paeyo.

<sup>51</sup> Xan apara bapon xua po pexaewa Nacom itaboco wetaitorobica jiwi, po pexaewa ayap<sup>u</sup>s<sup>u</sup>, xua po pexaewa tana neyabara w<sup>un</sup>ae caunutsixae. Pon xua nejume cow<sup>un</sup>ta bara ataya poponaena icha ich<sup>un</sup> ichi xua poxonae xane barapo pexaewa bara as<sup>u</sup>. Po pexaewa xua yabara paeban, apara tapepon xua paca catatsi painya nenabanaewa tsane. T<sup>u</sup>paein xua jiwi pexeinaewa tsane peaj<sup>un</sup>t<sup>u</sup>yap<sup>u</sup>s<sup>u</sup>wa”, jei Jesús.

<sup>52</sup> Nexata judiomonae caemonae najume matsontsonoba, najei:

—¿Eta pocotsiwa metha bapon naca tsipaeba xua naca catapaeba pia pepon xua wanabanaewa tsane? jei barapomonae.

<sup>53</sup> Jesús barai barapomonae, jeye:

—Xaniyan paca tsipaebatsi xan ponxaein Nacom Tana neitapetsin. Icha jopa paxaem tsane tapepon, yawa icha jopa paapaem tsane tajana, jopa paxeinaem tsane peaj<sup>un</sup>t<sup>u</sup>yap<sup>u</sup>s<sup>u</sup>wa, po peaj<sup>un</sup>t<sup>u</sup>yap<sup>u</sup>s<sup>u</sup>wa jopa weraweracaeyo.

<sup>54</sup> Pon xua tapepon xane yawa xua apa tajana, bapon xeinaena peaj<sup>un</sup>t<sup>u</sup>yap<sup>u</sup>s<sup>u</sup>wa, po peaj<sup>un</sup>t<sup>u</sup>yap<sup>u</sup>s<sup>u</sup>wa jopa weraweracaeyo. Yawa bapon as<sup>u</sup> exanaein pet<sup>u</sup>pa<sup>e</sup> coyene cuariya weya po mataqueitha poxonae daxita weraweracaena po cae pin nacuathe.

<sup>55</sup> Tsipei tapepon be pexeinya pexaewa poxonae xua jiwi pexaewa tsane. Yawa tajana be pexeinya peapaewa xua jiwi peapaewa tsane.

<sup>56</sup> Pon tapepon xane yawa apa tajana, bapon nebar<sup>u</sup> poponeibina yawa xan bar<sup>u</sup> poponeibin. Tsipei poxoru bapon neyabara jume cow<sup>un</sup>ta xua xan bapon pia pepon tatsi tsit<sup>u</sup>pan, yawano xua tajana othoparenaewa bapon nexa xua abe pia peexanae cuiru coyenein tatsi nexa.

<sup>57</sup> Taxa ponxae neitoroba bapon ataya as<sup>u</sup> poponeiba. Ir<sup>u</sup> xan barichin ataya as<sup>u</sup> poponeiban tsipei Taxa necata pia peaj<sup>un</sup>t<sup>u</sup>yap<sup>u</sup>s<sup>u</sup>wa, po peaj<sup>un</sup>t<sup>u</sup>yap<sup>u</sup>s<sup>u</sup>wa jopa

weraweracaeyo. Barichiru pon xane tapepon, xua poxonae tana nejume cowantsiwa, bapon asu poponeibina tacatsixae peajuntuyapusuwa.

<sup>58</sup> Xan yabara paeban pexaewa, po pexaewa Nacom itaboco wetaitorobica jiwi. Barapo pexaewa jopa jupaeyo, xua icha be maná matawun ichi, po pexaewa painya amo susato jiwi xane. Daichitha barapomona matapainya werapa. Po pexaewa yabara paeban icha ichun xane barapo pexaewa, bapon xeinaena peajuntuyapusuwa, po peajuntuyapusuwa jopa weraweracaeyo, jei Jesús.

<sup>59</sup> Baxuan Jesús cuiduba judiomonae pia penacaetutsi botha tatsi xua Capernaum tomaratha.

*Meje yabara poxonae Jesús yabara paeba peajuntuyapusuwa, po peajuntuyapusuwa jopa weraweracaeyo*

<sup>60</sup> Pinmonae pomonae Jesús puna poinchi, poxonae barapomonae Jesús jume tainchi pia pecuidubiwa, bapoxonae barapomonae najei:

—Pocotsiwa bapon paeba maisa bichocono ayapube xua wayabara jume cowantsiwa. ¿Jintam metha itacupatsi xua peexanaewa tsane pocotsiwa bapon paeba? najei.

<sup>61</sup> Ichitha Jesús yaputane pocotsiwa xua peyabara paebiwatsi barapomonae xua peayapubexae pocotsiwa Jesús pepaebiwa. Nexata Jesús yainyaba barapomonae, jeye:

—Pocotsiwa aunxuae paca tsipaebatsi, ¿baxua pacata ayapube?

<sup>62</sup> ¿Eta xua metha pananta xeinaetsipame icha pana netaetsipame xua athabe taichaewa itaboco beicha ichaxota bayatha poponan ponxaein Nacom Tananeitapetsin?

<sup>63</sup> Jiwi asu jinompa poxoru xeina pejumope tunaxu. Poxonae pejumope tunaxu panepa jiton ba pia pepon tupa. Icha pejumope tunaxu ichi xua jiton asu exainchi pia pepon, barichi xua xan pocotsiwa tapaca tsipaebiwatsi barapo jume paca juntu coyene ayapusu cana exana xua jopa painya neweraweracaewa tsane.

<sup>64</sup> Ichitha cataunxuae pinmonae pomonae paxam jiwana pam, jopa nejume cowantsiyo, jei Jesús.

Caena bayatha Jesús copiya wuna tsiwanaya yaputane pomonae jopa pejume cowantsiwa tsainchi. Matautano caena bayatha Jesús copiya wuna tsiwanaya yaputane pon pecaenaetsiwa tsainchi tsane ichamonaetha xua pebexubiwa tsainchi Jesús.

<sup>65</sup> Equeicha Jesús barai pomonaetha pomonae pia pepuna ponaewichi, jeye:

—Daxota paca jeichi: ‘Dapon aibi pon peitacupaewatsi xua pia coutha pepatopaewa xantha xua tana nepuna ponaewa tsane, icha Taxa pia coutha jopa copatsiyo xua bara jiwi pepatsiwa xantha’, paca jeichi, jei Jesús.

<sup>66</sup> Poxonae Jesús baxua paeba bapoxonae pin bicheito pomonae Jesús pepuna ponaewichi barapomonae Jesús cuenta warapatsi. Barapomonae equeicha nama jopa Jesús puna ponaetsi.

<sup>67</sup> Bapoxonae Jesús pijimonae yainyaba pomonaeyoxae xua doce poyobe, pomonae Jesús pijimonaexae tatsi. Jesús pijimonae barai, jeye:

—¿Paxam painya iru ponaetsiru? jei Jesús.

<sup>68</sup> Nexata Simón Pedro Jesús jume notatsi. Pedro jeye:

—Patatanecanamataxeinaem, dapon aibi tsipae pon papuna ponan icha paca cuenta ponaetsipatsi. Saya meisa payaputan xua meisa xam compam yabara pana netsipae-bame peajuntuyapusuwa, po peajuntuyapusuwa jopa weraweracaeyo.

<sup>69</sup> Paxan paca jume cowantatsi. Matautano payaputan xua xam apara pon Nacom caitoroba, pon pepa Nentacuiruyapuxanepanaem, jei Simón Pedro.

<sup>70</sup> Jesús pijimonae jume nota, jeye:

—Paxam pomonae doce poyobe pam pomonae tapaca caitapetsiwichi pam. Daichitha caein jiwana pam cauri piamonae jiton tatsi, jei Jesús.



<sup>71</sup> Poxonae Jesús baxua paeba, Jesús yabara paeba Judas, Simón Iscariote pexanto tatsi. Bapon Judas Jesús caenaetsinchi bequein bapon caein jiwana pomonae Jesús pijimonaexae tatsi, pomonae doce poyobe tatsi.

## 7

### *Meje yabara poxonae Jesús jopa yabara jume cowantichi peweicho jiwi*

<sup>1</sup> Bapoxonae Jesús popona ducuaeta baxota xua Galilea nacuatha. Jesús aichaxaibi xua pepoponaewa Judea nacuatha, tsipei judiomonae, pomonae baxota jinompa, ichichipa xua Jesús pebexubiwatsi.

<sup>2</sup> Bara nama imoxoyo tsurucuae tsoponaeba po matacabintha judiomonae jinompa tsica bomuxuxitha xua penabanaenexa pexaewa. Barapo matacabin ba judiomonae cayabara nanta xeina xua caena bayatha pinae pia pamo susato jiwi tatsi jinompa tsica bomuxuxitha ira xuepana susato tsurucuae nacuatha.

<sup>3</sup> Jesús baraichi pia peweicho jiwi, jeye:

—Jopa xote poponaende. Judea nacua beya warapiyama xain baxotiya jinyamonae cacui tane pocotsiwa exaname xua jinya netsita itatsiwa.

<sup>4</sup> Pon xua ba ichichipa peyaputaewatsi daxita jiwi, bapon ba daxita jiwi peitatha exana po coyene xua moya peyawun xeinaewa po coyene jiwi copiya jopa yabara yaputaeyo. Bapon ba jopa nameicha exanaeyo. Xam irun barichinde. Daxita jiwi peitatha exande xain cacui tane xua jinya netsita itabiwa neexanaewam, jeichichi Jesús peweicho jiwi.

<sup>5</sup> Baxua Jesús baraichichi peweicho jiwi, tsipei Jesús jopa jume cowantichi peweicho jiwi.

<sup>6</sup> Nexata Jesús jume barai peweicho jiwi, jeye:

—Apara inta cataunxuae dapo matacabi aichica, po mataqueitha tana naitatsiwa judiomonaetha xua Judea nacuatha. Ichitha poxonae paichichipame xua painya neponaewa moya bara paponde Judea nacua beya.

<sup>7</sup> Pomonae jopa Nacom jume cowantichi barapomonae jopa paca casebiyo. Ichitha xan necaseba tayabara paebixae xua po coyene pocotsiwa barapomonae exana pejuntu coyeneintha apara abe.

<sup>8</sup> Paxam bara moya paponde ichaxota judiomonae nacaetuta xua penabanaenexa pexaewa. Xan nama jopa ponaeinyo cataunxuae canta tamatacabi aichica, jei Jesús.

<sup>9</sup> Poxonae Jesús baxua najume weta, bapoxonae abun cataunxuae Galilea nacuatha popona be caentacabiyobe xua pecoyo weya peponaenexa.

### *Meje yabara poxonae Jesús nasiwa pona Jerusalén tomara ichaxota judiomonae nacaetuta xua penabanaewa tsane pexaewa*

<sup>10</sup> Poxonae Jesús peweicho jiwi tatsi bayatha ponaba penanabanaenexa pexaewa irun Jesús bara beya pona. Jesús compa nameicha pipatotha pona. Jopa peburaya naponae jiwitha.

<sup>11</sup> Barapo judiomonae penacaetutsiwatha Jesús wenaweneichi. Barapo judiomonae pia pentacaponae tatsi caemonae nayainyaba, najei:

—¿Incane methara? ¿Exota metha popona bapon? najei barapomonae xua Jesús yabara paebatsi.

<sup>12</sup> Barapo pin bicheitomonaetha ichamonae Jesús yabara paxapaxeya paebatsi. Ichamonae jeye: “Bapon apara pejuntu coyene xanepanaein”, jei. Ichamonae jeye: “Bun, metha jume, apara jiwi muxujainyabeibatsi”, jei barapomonae.

<sup>13</sup> Ichitha dapon aibi pon pentha pejume jinaewa jiwi peitatha xua Jesús peyabara paebiwatsi, tsipei judiomonae pia pentacaponae tatsi cunuwatsi.

<sup>14</sup> Poxonae cuatro po matabinbe yapucaewa xua poxonae judiomonae po matabintha nacaetuba, bapoxonae Jesús joniya Nacom pin pia botha. Matañtano baxota tamropata pitaba xua pecuidubiwa jiwitha.

<sup>15</sup> Bapoxonae judiomonae yabara najantũ cui coyene cabenaeca pocotsiwa Jesús beta caununaya pepaebiwa. Yawano najei:

—¿Eta xua metha bapon bichocono yaputane diwesi bequein jopa nacuidubiyo diwesi xua jopa barichiyo xua waxainchi wepu wanacuidubiwatsi diwesi? jei.

<sup>16</sup> Jesús jume nota barapomonae, jeye:

—Po diwesi jiwi cuiduban apara jopa barompaya tacuidubi coyenewa. Saya apara Taxa pia pecuidubi coyenewan tatsi jiwi cuiduban, pon tanecui itorobixae baxua.

<sup>17</sup> Icha ichũn ichichipa exana pocotsiwa Nacom ichichipa, bapon necayabara yaputaena xua po coyene tacuidubi coyenewa. Bapon yaputaena icha metha bara cuiduban pocotsiwa Taxa neitoroba, xuano xua ichacuitha icha metha apara cuiduban pexeinya peayapusũ itorobi coyenewatha po coyene xua tawa xua saya tacoutha ichichipan.

<sup>18</sup> Pon barompaya pia diwesi pia coutha nayabara paeba, apara bapon pia xua wũnae yabara paebichi xua jiwi wũnaeya peyabara paebiwa tsane. Ichitha ichũn pon ichichipa xua jiwi Nacom wũnae pejainchiwatsi pon Nacom bapon peitorobixaetsi, bapon jame po diwesi pexainyei diwesi paeba. Bapon jame jopa pemuxuitorobin jiwi.

<sup>19</sup> “Moisés paca cata pia peitorobi coyenewa. Daichitha jopa pacayabara jume cui cowantsiya exanaem. Bequein Moisés paca cui itoroba xua bepa pinae jopa jiton pabexubim tsane. Dapo jumetha, ¿eta xua metha paichichipame xua pata tanebexubiwam?” jei Jesús.

<sup>20</sup> Daxita barapomonae Jesús jume notatsi, jeye:

—¡Apara cou cauri xeiname! Dapon apara aibi pon cabexubapaeba, jei judiomonae.

<sup>21</sup> Jesús jume barai barapomonae, jeye:

—Daxita paxam payabara najantũ cui coyene cabenaecame, tsipei pebin axaibi exanan po matabitha pentaquei seicae matabitha.

<sup>22</sup> Ichitha paxam irũ panacuiteibame barapo matabitha. Moisés paca cata pia peitorobi coyenewa xua pexui painya newi thabiwa xua ichaxota pebiwichi xeinatsi xua ichaxota nareixacaena xua ocho po matabibetha poxonae yapu othopeiba. Ichitha Moisés jopa tamropata pitabiyo baxua, saya jame painya amo susato jiwi tamropata notarũcũpa baxua. Poxonae ocho po matabibibe yapu othopeiba pawi thabame pebin wũtixi bequein poxonae pentaquei seicae matabi pataetham.

<sup>23</sup> Paxam paichichipame xua painya yabara jume cui wetsiwa xua pocotsiwa Moisés paca cui itoroba. Daxota pexui pebin wũtixi pawi thabame ichaxota pebiwichi xeinatsi xua ichaxota nareixacaena bequein pentaquei seicae matabi pataetham poxonae. Icha bara paichim pentaquei seicae matabitha, ¿eta pocotsiwa metha pana necasebame xua pebin axaibi taexanaexae pentaquei seicae matabitha?

<sup>24</sup> Painya xoba pebin payabara paebame xua penatsicuentiwa xua abe peexanaexae Nacomtha poxonae cataunxuae jopa payaputaem pocotsiwa pebin abe exana. Jame metha copiya pacui yaputaema xua icha bara metha pebin abe exana tsipei methapara barapo pebin xanapanaya exana.

*Meje yabara xua Jesús yabara paeba xua ichaxota copiya popona*

<sup>25</sup> Pomonae Jerusalén tomaratha jinompa, poxonae barapomonae Jesús baxua jume tainchi, nayainyaba. Barapomonae najei:

—¿Metha apara baponje, pon yabara paebatsi ichamonae xua bepa pinae pon bexubichi?

<sup>26</sup> Bapon apara jiwi peitabaratha paebuncuajeba. Ichitha dapon aibi pon pejume matawentsiwatsi bapon. ¿Metha poxoru pentacaponawewi bapon yabara nanta xeinatsi xua bapon barapara Mesías pon Nacom itoroba daxota jopa pejumeyo barapomonae?

<sup>27</sup> Ichitha waxainchi yaputainchi xua ichaxota werena pona bapon. Jame poxonae Mesías patopaena dapon ajibi tsane pon yaputaena xua ichaxota werena peponaewa Mesías, jei barapomonae, pomonae Jerusalén tomarapiwi.

<sup>28</sup> Jesús cuiduba jiwi Nacom pin pia botha tatsi. Poxonae Jesús baxua jume tane pocotsiwa jiwi paeba, bapoxonae Jesús jume daunweya wawai, jeye:

—Pana neyabara cananta xeinaeya yaitaneme. Yawa pana neyabara nanta xeiname xua payaputaneme xua ichaxota werena taponawewa. Apara jopa tsipatopaeinyo xua taexanaewanexa pocotsiwan ichichipan tacoutha. Mexeya apara daxota tsipatopan ichun tana neitorobixae pon xua yabara jume xainyeichi xua barapon bara eca peitabocotha. Bapon paxam jopa payaputaem.

<sup>29</sup> Bapon bara yaitan tsipei bapon pexainya wetsica ponan. Matautano bapon neitorobica, jei Jesús.

<sup>30</sup> Bapoxonae bequein barapomonae ichichipa xua Jesús pewaetabiwatsi, ichitha Jesús jopa waetabichi tsipei cataunxuae Jesús pia matabi jopa tapatopeicaetsi.

<sup>31</sup> Pin bicheitomonae Jesús yabara jume cowantatsi xua Jesús apara bara Mesías. Barapomonae Jesús yabara jeichichi:

—Barapo pebin pexeinya petsita itatsi coyenewan exana be pocotsi coyene bayatha Nacom peitorobi jume pepaebiwi paeba xua juinya pinae Mesías pocotsiwa exanaena, jei barapomonae.

*Meje yabara poxonae fariseomonae itoroba policiamonae xua Jesús pewaetabiwa tsainchi*

<sup>32</sup> Bapoxonaerū fariseomonae jume tane pocotsiwa jiwi Jesús yabara baraichi: “Bapon apara Cristo”, xua jei jiwi. Nexata bapoxonae fariseomonae irurū sacerdote-monae pia pentacaponawewi tatsi, daxita barapomonae itoroba policiamonae Nacom pin pia bo beya xua Jesús pewaetabiwa tsainchi.

<sup>33</sup> Nexata Jesús jei jiwitha:

—Saya caeto paca barū popoinchi. Bapoxonae pirapaeyo equeicha tacoya beicha Taxa beicha ponaein pon tana neitorobixae.

<sup>34</sup> Paxam pana newenawenam tsane ichitha jopa pana necaxinaem tsane. Tsipei jopa paca itacūpae tsane xua painya neponaewa xua ichaxota taponawewa tsane, jei Jesús.

<sup>35</sup> Nexata judiomonae caemonae nayainyaba, najei:

—¿Exota metha bapon ponaena xua jopa wacaxinaewa tsainchi? ¿Metha icha judiomonaetha ponaena jampa po judiomonae icha nacua werena pona po judiomonae griegomonae barū jinompa jampa? Metha pia bapoxonae bapon cuidubichi barapo judiomonae, griegomonaeno.

<sup>36</sup> ¿Eta xua metha baxua caunuta poxonae naca jei: ‘Paxam pana newenawenam tsane ichitha jopa pana necaxinaem tsane, tsipei jopa paca itacūpae tsane xua painya neponaewa xua ichaxota taponawewa tsane’, poxonae xua naca jei? najei judiomonae.

*Meje yabara poxonae Jesús yabara paeba xua ira būxūpana mene epatoyaya ichawa beya mene pona*

<sup>37</sup> Po matabi opi ducuanayaba xua po mataqueitha judiomonae nacaetuta xua penabanaenexa pexaewa, barapo matabi bichocono peainya cui matabi. Barapo matabitha Jesús uncua jiwi peitabaratha tatsi. Matautano jume daunweya wawaya jeye:

—Icha ichun meratsipa, bū pona xan berena xua peapaenexa mera.

<sup>38</sup> Nacom Pejume Diwesitha paeba: Pinae pon tana nejume cowantsiwa bichocono juntu coyene уууца exanaponaeinchi po coyene xua tana nejume cowantsiwa, icha be pinae mene ichi tsane po mene ira бухурана mene, po mene xua ichawa beya epatoyaya mene pona bichocono pemene науца ponaexae, jei Jesús.

<sup>39</sup> Baxua Jesús paeba, xua pomonae pejume cowantsiwa tsainchi, barapomonae pinae xeinaena Nacom pia Pejumope тнаху tatsi. Ichitha cataunxuae Nacom pia Pejumope тнаху tatsi aichica. Tsipei cataunxuae Jesús jopa тпаеуо naetotha. Matautano tsipei cataunxuae jopa ponaeyo Nacom beicha. Bapoxonae becha tsane barapomonae pomonae Jesús pejume cowantsiwichi xeinaena Nacom pia Pejumope тнаху tatsi.

*Meje yabara poxonae jiwi Mesías yabara najume matsontsonobatsi*

<sup>40</sup> Baxota iruru ena ichamonae pomonae Jesús jume tainchi poxonae yabara paeba mera. Barapoxonae barapomonae najume matsontsonobiya paeba. Ichamonae jeye:

—Apara barapo pebin pon Nacom peitorobi jume pepaebin, pon wanae ewatatsi, pon bewa juinya patopaena, jei.

<sup>41</sup> Ichamonae jeye:

—Apara barapo pebin, bapon apara Mesías pon Nacom itorobeicapaeba peitaboco wetsica, jei.

Ichitha ichamonaeru jeye:

—Jume apara, apara Mesías aibi, tsipei Mesías jopa patopaeyo Galilea nacua werena.

<sup>42</sup> Tsipei Nacom Pejume Diwesitha jeye: ‘Bapon Mesías itorobarecaein. Bapon Mesías David pia pemomoxi susato jiwanapin tatsi, pon caena bayatha Judea nacuamonae itorobiya pia pepa peewatsinchi tatsi naexana. Bapon Mesías Belén tomaratha naexanaena, po tomaratha David ichaxota popona bayatha’, jei Nacom Pejume Diwesitha, jei barapomonae.

<sup>43</sup> Daxota pinmonae najume matsontsonoba, tsipei daxita barapomonae Jesús ichawa beya barompaya yabara nanta xeinatsi.

<sup>44</sup> Barapomonae jiwanamonae bequein ichichipa xua Jesús pewaetabiwatsi, ichitha dapon aibi pon Jesús pewaetabiwatsi.

*Meje yabara poxonae pentacaponaeawi jopa Jesús yabara jume cowantichi*

<sup>45</sup> Bapoxonae policiamonae pomonae Nacom pin pia bo peyapu eenaewi nawibiya fariseomonae beya yawa sacerdotemonae pia pentacaponaeawi tatsi beyano. Daxita barapomonae policiamonae yainyabatsi, jeichichi:

—¿Eta xua metha jopa pacarendenaem Jesús? jei daxita.

<sup>46</sup> Barapo policiamonae jume nota barapomonae, jeye:

—¡Dapon aibi ichan pon beta pepaebiwa, icha bapon ichi xua beta wanaeya paeba! jei.

<sup>47</sup> Daxita nexata barapomonae policiamonae jume notatsi, jeye:

—¿Paxam iruru jiwi pacui jupame, xua iruru pajume cowantame bequein bara bapon paca muxuitoroba?

<sup>48</sup> Tsipei apara jopa payaputaem xua judiomonae pia pentacaponaeawi tatsi jopa yabara jume cowantsiyo bapon. Iru fariseomonae pia pentacaponaeawi tatsiru jopa yabara jume cowantsiyo bapon.

<sup>49</sup> Pomonae Jesús jume cowantatsi apara barapomonae jopa yaputaeyo pocotsiwa Nacom paeba pia peitorobi jumeintha. Barapomonae apara Nacom atene cana exanaena xua petsita natsicuentsexatsi xua abe petsita exanaexatsi, jei daxita fariseomonae.

<sup>50</sup> Barapo fariseomonae jiwanapin baxota eca, pon pewan Nicodemo, pon merawitha bayatha Jesús siwa poinchi. Bapon Nicodemo jeye fariseomonaetha xua ichamonaetha:

<sup>51</sup> —Waitorobi coyenewatha ba jeichichi: ‘Jopa bewa yabara paebichi pebin xua penatsicuentsiwa xua abe peexanaexae poxonae cataunxuae jopa jume taetsi bapon

pocotsiwa exana. Jame copiya matha bewa jume taetsi xua bapon pia coutha nayopita xua pocotsiwa exana', ba jeichichi, jei Nicodemo.

<sup>52</sup> Nexata fariseomonaе Nicodemo jume notatsi, jeye:

—¿Xam iruru barichim Galilea nacuapin naexaname, po Galilea nacuapiwi jopa beta yaputaeyo? Maisa jame matowa yorobare Nacom Pejume Diwesi. Xain yaputaneme xua dapon aibi pon xua Nacom peitorobi jume pepaebin, pon Galilea nacua werena pona, jei fariseomonaе.

*Meje yabara poxonaе yabuyo abe exana poxonaе nasi cui wainmeinta icha pebintha bequein pia pebin xeinaetha*

<sup>53</sup> Nexata daxita barapomonaе barompaya pia bon be-iyiya.

## 8

<sup>1</sup> Nexata Jesús pona demxuwa beya, po demxuwa pewan demxu Olivowa.

<sup>2</sup> Icha matabitha poxonaе pentha tsina, bapoxonaе equeicha Jesús caibeya pona Nacom pin pia bo tatsi beya. Pinmonaе Jesús imoxoyo caquita poinchi. Jesús eca yawa tamropata pitaba xua pecuidubiwa jiwі.

<sup>3</sup> Bapoxonaе judiomonaе, pomonaе jiwі pecuidubiwi Moisés pia peitorobi coyene tatsi, iruru fariseomonaе, daxita barapomonaе carendena petsiriwa Jesús pia xantha tatsi. Barapomonaе cui taepona poxonaе barapo petsiriwa nasi cui wainmeinta icha pebintha bequein pia pebin xeinaetha. Bapoxonaе daxita barapomonaе barapo petsiriwa cuaranotatsi pin bicheito itabarayo deca xuano xua Jesús peitabarayo deca tatsi.

<sup>4</sup> Daxita fariseomonaе iruru judiomonaе, pomonaе jiwі pecuidubiwi Moisés pia peitorobi coyene tatsi daxita barapomonaе Jesús baraichi, jeye:

—Pon jiwі Necuidubim, paxan jemeicha pacui taeponan xua barapo yabuyo abe exana, poxonaе nasi cui wainmeinta icha pebintha bequein pia pebin xeinaetha.

<sup>5</sup> Moisés pia peitorobi coyenewatha naca tsipaeba xua pinae bewa tupa exanaetsi ibowantha powaxi poxonaе barapo coyene exana xua abe exana. ¿Incane iru xamdu? ¿Jinya eta xua pana netsipaebichi xua pata cana exanaewa bapowatha? jei.

<sup>6</sup> Baxua naemata Jesús yainyabatsi, pia poxonaе Jesús abeya jume notsina bapoxonaе pia barapomonaе Jesús abe yabara paebichi. Nexata bapoxonaе Jesús irabe taeuncuareca yawano ira tinano pecobesitha.

<sup>7</sup> Tsipei barapomonaе matowa Jesús yainyabatsi, daxota Jesús equeicha nantacotaxuba. Yawano barai barapomonaе, jeye:

—Caein paxam jiwana pam, pon bapana jopa abe exanae, bu bapon jame copiya matha bapowa cuintabatsi ibototha, jei Jesús.

<sup>8</sup> Equeicha Jesús irabe taeuncuareca. Yawano equeicha Jesús ira tina pecobesitha.

<sup>9</sup> Ichitha poxonaе barapomonaе Jesús jume tainchi, bapoxonaе daxita barapomonaе barompaya nanthuthu cayabara nanta xeina xua iruru abe exanaru barapomonaе. Daxita barapomonaе Jesús pia xainya weya tatsi tsana nanatsixibapona. Copiya penapataewi pona, bapoxonaе cotacaya ichamonaе nawibiya, beya jiwaiibi. Saya meisa barapo yabuyo compa uncua Jesús pia xantha tatsi.

<sup>10</sup> Bapoxonaе Jesús equeicha nantacotaxuba. Yawa Jesús tane barapo yabuyo xua compa uncua pia xantha tatsi. Jesús barai yabuyo, jeye:

—¿Incane dapomonaе? ¿Dapomonaе aibi pomonaе cayabara paeba xua nenat-sicuentsiwa xua abe neexanaexae Nacomtha? jei Jesús.

<sup>11</sup> Barapowa Jesús jume notatsi, jeye:

—Jume, Tanecanamataxeinaein, dapomonaе aibi pomonaе neyabara paeba xua tanatsicuentsiwa xua abe taexanaexae Nacomtha, jei.

Nexata Jesús barai bapowa, jeye:



—Xan irur̃ jopa cayabara paebi tsainchi xua nenatsicuentsiwa xua abe neexanaexae Nacomtha. Nawiyama, equeicha jopa abe peexanae cuiru coyene exanaeinde, jei Jesús.

*Meje yabara poxonae Jesús namchi, jeye: “Icha pecoicha ichi xua jiwi beta tane cana exainchi merawi, barichin xan jiwi cana exanan xua Nacom beta peyaputaewatsi”, jei Jesús*

<sup>12</sup> Equeicha Jesús tsipaeba jiwi Nacom pin pia botha. Jesús jeye:

—Icha pecoicha ichi xua jiwi beta tanecana exainchi merawi, barichin xan jiwi cana exanan xua Nacom beta peyaputaewatsi xua pomonae jinompa po cae pin nacuathe. Pon nejume cowanta, bapon xeinaena peajunt̃yapusuwa, po peajunt̃yapusuwa ataya tsiteca xua bapon jopa abe peexanaenexa, jei Jesús.

<sup>13</sup> Nexata fariseomonae Jesús baraichi, jeye:

—Xam apara jinya coutha nayabara diwesi paebame, daxota jopa be paca jume cowantichi tsipei jopa ainya cuiyo pocotsiwa paebame, jei fariseomonae.

<sup>14</sup> Jesús jume nota barapomonaetha, jeye:

—Xua xan nayabara diwesi paeban, baxua apara xainyan, bequein bara tacoutha nayabara diwesi paeban saya. Tsipei yaputan ichaxota werena taponae xua xuanō xua ichaxota beya taponae tsane. Ichitha paxam jopa payaputaem ichaxota werena taponae xua xuanō xua ichaxota beya taponae tsane.

<sup>15</sup> Paxam jiwi payabara paebame xua penatsicuentsiwa xua abe peexanaexae Nacomtha saya xua poxonae pataneme xua exana icha po cae pin nacuathepiwi ichi. Xan jopa bapana jiwi yabara paebinyo xua penatsicuentsiwa xua abe peexanaexae Nacomtha saya xua poxonae tan xua exana.

<sup>16</sup> Icha jiwi yabara paeban xua penatsicuentsiwa xua abe peexanaexae Nacomtha bara pexainyei coyenyatha exanan. Tsipei jopa bapana companyo poxonae jiwi yabara paeban xua penatsicuentsiwa xua abe peexanaexae Nacomtha tsipei Taxa Nacom nebar̃ exana baxua pon tana neitorobixae.

<sup>17</sup> Painya itorobi coyenewatha jeye: ‘Icha ichunbe nanta jupaeya yabara paebabe pocotsiwa tanebe bewa baponbe pajume cowantsiname tsipei baxua apara ainya cui’, jei.

<sup>18</sup> Xan tacoutha nayabara diwesi paeban. Irur̃ Taxa neyabara diwesi paeba, pon tana neitorobixae. Daxota Taxa pana nacueyatanbe, jei Jesús.

<sup>19</sup> Nexata barapomonae Jesús yainyabatsi, jeye:

—¿Incane Axa, exota poponara? jei.

Jesús jume nota, jeye:

—Paxam jopa pana neyaitaem, matautano Taxa jopa payaitaem. Icha pana neyaitaetsipame bapoxonae metha payaitaetsipame Taxa, jei Jesús xua fariseomonae tsipaebatsi.

<sup>20</sup> Baxuan Jesús caunuta poxonae tsipaeba jiwi Nacom pin pia botha tatsi. Jesús imoxoyo uncuā ichaxota jiwi jeba paratixi Nacom nexa. Dapon aibi pon Jesús pe-waetabiwatsi, tsipei Jesús pia matacabi cataunxuae taaichicatsi.

*Meje yabara poxonae Jesús namchi: “Jopa paca itac̃pae tsane xua painya neponaewa tsane ichaxota taponae tsane”, jei Jesús*

<sup>21</sup> Equeicha Jesús jeye barapo fariseomonaetha:

—Bexa equeicha caibeicha ponaein. Paxam pana neitaxanaename painya tapaca cayawenaenexa tsainchi abe painya neexanae cuiru coyenein weya. Jopa paca capanepae tsainchi abe painya neexanae cuiru coyenein weya xua poxonae pawerapae-name. Jopa paca itac̃pae tsane xua painya neponaewa ichaxota taponae tsane, jei Jesús fariseomonaetha.

<sup>22</sup> Nexata judiomonaē caemonaē najei:

—¿Eta pocotsiwa metha bapon naca tsipaeba xua pinae jopa tae tsainchi xuano xua pinae jopa naca itacɔpae tsane xua waponaewa ichaxota bapon peponaewa tsane? ¿Metha pia coutha pia nabexuichi? jei judiomona.

<sup>23</sup> Nexata Jesús barai judiomona, jeye:

—Paxam saya betsiquepiwi pam. Xan seicaya nama athabeicha tapoponaein. Paxam seicaya nama po cae pin nacuathepiwi pam. Xan nama po cae pin nacuathepin aibi.

<sup>24</sup> Daxota bayatha paca jeichi: ‘Paxam jopa paca capanepae tsainchi abe painya neexanae cuiru coyenein weya poxonae pawerapaename’, jan. Tsipei jopa pana neyabara jume cowantsim po coyene xua bara tana neitacɔpaewa xua tapaca cayawenaewatsi, daxota pamuxuna werapaename abe painya neexanae cuiru coyenein, jei Jesús judiomonaetha.

<sup>25</sup> Nexata barapomona Jesús yainyabatsi, jeye:

—¿Jintam xamda? ¿Etapo jitom? jei.

Jesús jume nota barapomona, jeye:

—Poxonae aena tamropata pitaban xua paca cuidubatsi, bapoxona bayatha nayopichiya paca tsipaebatsi po coyene xua ichaxota werena taponawa.

<sup>26</sup> Acoibi nawita xua yabara tapaca tsipaebiatsi po coyene xua abe peexanae cuiru coyenein painya neexanaewa xua daxota Nacom patsita natsicuentame xua abe painya neexanaexae Nacomtha. Taxa neitoroba xua jiwi tatsipaebiwa pocotsiwa bayatha Taxa jume tan. Taxa bara yatsicaya jume xainyeya paeba, jei Jesús.

<sup>27</sup> Ichitha barapomona jopa yaputaeyo poxona Jesús jeye Nacom yabara: “Taxa”, jei xua apara Paxa caunuta, pon Nacom.

<sup>28</sup> Daxota Jesús barai barapomona, jeye:

—Poxonae paxam naetotha pana necobe matatabarutsiname xan ponxaein Nacom Tananeitapetsinxae, bapoxonae pana neyaputaename xua deta cou apara barapo jiton xan. Matautano pana neyaputaename xua xan jopa tacoutha nayabara paebinyo, saya xua cueicueijan pocotsiwa Taxa necuiduba.

<sup>29</sup> Tsipei pon neitoroba apara nebarɔ popona. Taxa bapana jopa compa popona neexanae tsipei saya exaneiban pocotsiwa Taxa tsita xanepanatsi, jei Jesús.

<sup>30</sup> Poxona Jesús baxua caunuta pinmonae judiomona Jesús jume cowantatsi.

*Meje yabara poxona Jesús yabara paeba Nacom pijimona tatsi irɔ pomona caurimona pia pentacaponaein tatsi piamona tatsi*

<sup>31</sup> Nexata bapoxona Jesús barai judiomona, po judiomona Jesús pejume cowantsixaetsi. Jesús jeye:

—Icha paxam xanepanaya pana nejume cowantsiya exanaponaeya jinompaename pocotsiwa tapaca tsipaebiatsi, bapoxonae bara pepa tajimona pam tsane.

<sup>32</sup> Bapoxona payaputaename po coyene pexainyei coyenewa. Matautano papanenebiyaename pexainya weya pon paca itoroba xua abe painya neexanaewa, jei Jesús.

<sup>33</sup> Barapo judiomona, Jesús jume notatsi, jeye:

—Apara paxan Abraham pia pemomoxi susato jiwi tatsi pan. Dapon aibi pon pana itoroba xua pata taexanaewa poxonae pana itoroba xua poxonae pana busi tatane. ¿Eta pocotsiwa metha pana nejam: ‘Paxam papanenebiyaename pexainya weya pon paca itoroba xua abe painya neexanaewa’, pana nejam? jei pomona Jesús jopa jume cowantichi.

<sup>34</sup> Jesús barai barapomona, jeye:

—Xaniyan paca tsipaebatsi daxita pomona xua abe peexanae cuiru coyenein exana barapomonae bara exana po coyenein pia pepon itorobatsi icha jiton ichi pon amanaya tanacuita ichɔn xua poxonae bewa exanae pocotsiwa peitorobixaetsi poxonae busi cui tainchi.

<sup>35</sup> Pon ba amanaya tanacuita ichun, bapon ba apara piamonae aibi pomonae peitoro-bixaetsi, tsipei bapon pebusi cui taetaeinchi. Ichitha pon ba xua ichun pexantoxae tatsi, bapon ba ataya pexanto tatsi bara piamonae pexeinaexae bapon.

<sup>36</sup> Daxota xan Nacom Pexanton, icha panenebiya paca cana exainchi caurimonae pia pentacaponaein tatsi weya, pon xua paca itorobeiba xua abe painya neexanaewa, barapoxonae bara ataya paca capanenebiya tsoponeibi tsainchi bapon pexainya weya tatsi.

<sup>37</sup> Bayatha yabara paca yaputainchi xua Abraham pia pemomoxi susatopiwi tatsi pam. Daichitha paichichipame xua pana nebexubame, jopa painya neichipaexae xua painya nejume taewa pocotsiwa paca tsipaebatsi.

<sup>38</sup> Xan yabara paeban po coyenein xua Taxa netsita ituta. Paxam paexaname xua po coyenein painya axa paca itoroba, jei Jesús.

<sup>39</sup> Barapomonae Jesús jume notatsi, jeye:

—¡Pata tamo susatopin pon be pata taxa patsicotan, bapon apara Abraham! jei barapomonae.

Ichitha Jesús jume barai, jeye:

—Icha bara Abraham pia pexui tatsi pam tsipaem, metha bara paexanaetsipame pocotsiwa bapon bayatha caena exana.

<sup>40</sup> Bequein bara paca tsipaebatsi po coyene pexainyeiwa xua po coyene Nacom necuiduba, ichitha paichichipame xua pana nebexubame. Apará Abraham jopa bapana baxua daichi.

<sup>41</sup> Paxam bara barapocotsiwa paexaname pocotsiwa painya axa exana, jei Jesús.

Nexata barapomonae Jesús baraichi, jeye:

—Paxan dapomonae pan aibi pomonae piacoibi jiwi pan, tsipei pata taena jopa nasi cui wainmeinchiyo. Paxan xaniwaicha payaputan xua bara compa painta pata taxa, bapon Nacom, jei barapomonae.

<sup>42</sup> Nexata Jesús jume barai, jeye:

—Icha bara Nacom pia pexui pam tsipaem metha pana neantobe tsipaem. Tsipei Nacom bapon pia xainya wetsica ponan, anoxuaeno bara uncuanje. Apará jopa daxua tsipatopaeinyo xua tacoutha tana nayabara paebiwa tsane. Saya patopan poxoru Nacom neitoroba.

<sup>43</sup> Paxam jopa payaputaem xua paca tsipaebatsi poxoru jopa be painya nejume taexae baxua pocotsiwa paca tsipaebatsi.

<sup>44</sup> Caurimonae pia pentacaponaein tatsi, bapon apara painya axa. Barapo caurimonae pia pentacaponaein tatsi bapon piamonae tatsi pam daxota paexaname pocotsiwa bapon paca itoroba. Barapo caurimonae pia pentacaponaein tatsi jiwi jutebapoinchi poxonae Nacom aena nacua forota weya, xua beya anoxuae. Bapon bapana jopa xainyeya pepaebin tsipei po juntu coyene Nacom xainyeya peyabara paebiwatsi jopa xeinaeyo. Poxonae bapon naerabiya paeba, baxua paeba tsipei barapo penaerabi juntu coyene xeina. Bapon jiwi itorobatsi xua jiwi naerabiya pepaebiwiwa tsane.

<sup>45</sup> Paxam bapon piamonae tatsi pamxaem daxota jopa xaniwaicha pana nejume cowantsim pocotsiwa xainyeya tapaebiwa.

<sup>46</sup> Paxam caein jiwana pam dapon aibi pon tana neyabara jeiwa: ‘Maisa bapon abe exana’, pon tana neyabara jeiwa. Bequein bara pexainyei jume paca tsipaebatsi daichitha jopa pana nejume cowantsim.

<sup>47</sup> Pon ba Nacom piamonae tatsi baraba namuxu naewata pocotsiwa Nacom paeba. Paxam apara jopa Nacom piamonae tatsi pam, daxota jopa bepajume cowantsim pocotsiwa Nacom paeba, jei Jesús xua judiomonae tsipaebatsi.

*Meje yabara poxonae Jesús namchi: “Poxonae cataunxuae Abraham jopa poponaeyo, caena bayatha tsiwanaya ataya poponeiban”, jei Jesús*

<sup>48</sup> Nexata equeicha judiomonae Jesús baraichi, jeye:

—Bara xainyeya paca yabara paebatsi poxonae pana najan: ‘Bapon apara Samaria nacuamonaepin, apara cauri xeina’, poxonae paca yabara jeichichi, jei judiomonae.

<sup>49</sup> Jesús jume nota, jeye:

—Xan apara cauri jopa nebaru poponaeyo. Saya xua exanan bara pocotsiwa jiwi cana exanan xua Taxa wuna pejainchiwatsi, ichitha nama paxam pana necasebame, saya abeya pana neyabara paebame.

<sup>50</sup> Jopa netsita ainya cuiyiyo xua jiwi wuna tana nejainchiwa. Bequein Taxa ichichipa xua jiwi wuna tana nejainchiwa. Bapon Taxa yabara paebina jiwi pomonae xua abe peexanaewa xua penatsicuentisiwa xua abe petsita exanaexaetsi.

<sup>51</sup> Xaniyan paca tsipaebatsi pon nejume cowantsiya exanaena pocotsiwa paeban, bapon jopa bapana tupa tsane, jei Jesús.

<sup>52</sup> Bapoxonae judiomonae Jesús jume notatsi, jeye:

—Bara xaniwaicha payaputan xua xam cabaru popona cauri. Abraham iruru pomonae Nacom peitorobi jume pepaebiwi daxita barapomonae caena bayatha werapa. Ichitha xam pana nejam: ‘Pon nejume cowantsiya exanaena pocotsiwa paeban, bapon jopa bapana tupa tsane’, pana nejam.

<sup>53</sup> ¡Xam apara jopa toxeincha ainya cuim Abraham pon pata tamo susatopin! Bapon caena bayatha tupa iruru caena bayatha werapa pomonae Nacom peitorobi jume pepaebiwi. ¿Eta xua metha jinya coutha nanta xeiname xua ichamonae cayabara nanta xeinaena xua xam pon peainya cui jitom? jei judiomonae.

<sup>54</sup> Jesús jume nota, jeye:

—Icha saya compa xan tacoutha wuna najaintan baxua jopa xapain wunaeyo. Jame pon wuna nejainta bapon apara Nacom, pon payabara jam: ‘Apara pata Taxa, bapon Nacom’, pajam.

<sup>55</sup> Bequein baxua papaebame daichitha jopa xapain payabara yaputaem Nacom. Xan Nacom yaputan. Ichitha icha jan tsipaein: ‘Bapon jopa yaputaeyo’, jan tsipaein, metha apara naerabichipan icha paichim xua naerabiya papaebame poxonae. Ichitha xan yatsicaewa yaputan Nacom daxota bara baxuan itapeta exanan xua pocotsiwa tana neitorobixae pon Taxa bapon Nacom.

<sup>56</sup> Abraham painya amo susatopin bayatha yabara wuna yaputane xua tapatopaewa tsane po cae pin nacuathe tsique. Daxota bapon bichocono juntu coyene weiweina. Bara xainyei patopan po cae pin nacuathe tsique daxota bichocono juntu coyene weiweina bapon.

<sup>57</sup> Nexata judiomonae Jesús baraichi, jeye:

—Apara pena jitom cataunxuae, jopa xeinaem apara cincuenta po weibe. ¿Eta pocotsiwa metha jam: ‘Abraham tan’, jam? Bara caena bayatha Abraham tupa, jei judiomonae.

<sup>58</sup> Jesús jume nota, jeye:

—Xaniyan paca tsipaebatsi poxonae cataunxuae Abraham jopa poponaeyo caena bayatha tsiwanaya ataya poponeiban, jei Jesús judiomonaetha.

<sup>59</sup> Nexata bapoxonae barapomonae anaepanaya ibowan notarupa pecuinbabinexatsi Jesús. Ichitha Jesús nantsiyataraba yawa ponataba Nacom pin pia bo weya. Jesús xenta iya, barapomonae pia xainya iya tatsi.

## 9

*Meje yabara poxonae Jesús axaibi exana pon peitata nacutsin, pon xua pexuyotha yawa naexana*

<sup>1</sup> Iruru Jesús Nacom pin pia bo weya baru pona pijimonaе xua poxonaе namtotha baru ecapona. Bapoxonaе Jesús caxina pebin pon peitata nac̄tsin xua pon pexuyotha yawa naexana.

<sup>2</sup> Jesús pijimonaе yainyabiyatsi, jeye:

—Patatanecuidubim, ¿eta pocotsiwa metha bapon itata nac̄tsiya naexana? ¿Metha poxoru paxa tatsi abe exana? ¿Metha poxoru pena tatsi abe exana? ¿Ichacuitha metha tsipae poxoru bapon pia coutha abe exana? jei barapomonaе.

<sup>3</sup> Jesús pijimonaе jume barai, jeye:

—Jume apara, jopa apara itata nac̄tsiyo poxoru abe peexanaexae bapon. Matautano jopa apara baxua xua paxa tatsi abe peexanaexae. Matautano jopa apara baxua xua pena tatsi abe peexanaexae. Jame apara bapon itata nac̄ta xua jiwi peyaputaenexa xua Nacom peayapus̄wa xeina xua axaibi peexanaenexa tsainchi bapon.

<sup>4</sup> Jiton ba nacuita poxonaе cataunxuae pentha tsuncuae. Poxonaе quirei tsuxubi pebin ba jopa itac̄paetsi xua penacuichiwa. Xan barichin. Poxonaе cataunxuae poponan po cae pin nacuathe bewa exanaein tanacuichiwa. Barapo tanacuichiwa apara pia penacuichiwa tatsi pon tana neitorobixae. Poxonaе t̄paein jopa neitac̄pae tsane xua taexanaewa barapo tanacuichiwa xua bayatha Nacom neitoroba.

<sup>5</sup> Poxonaе cataunxuae po cae pin nacuathe poponanje jiwi yawenan xua Nacom beta peyabara yaputaewa tsainchi, icha jiton ichichi pecoicha xua yawenatsi merawi xua beta penecotsiwa, jei Jesús pijimonaetha.

<sup>6</sup> Poxonaе Jesús baxua najume weta, bapoxonaе iratha naone sutaba, yawa peonetha tsoroboyo nacobena ponaxuba. Bapoxonaе Jesús barapo tsoroboyotha itacuere caxueba peitata nac̄tsin.

<sup>7</sup> Nexata Jesús barai bapon, jeye:

—Ponare fetiyo beya, po fetiyo pew̄n Siloé. Barapo Siloé fetiyotha naitacuere waexore, jei Jesús. (Barapo Siloé fetiyo w̄n jei: “Po fetiyo Nacom itoroba”, jei.)

Pon peitata nac̄tsin pona fetiyo beya naitata waexubano. Poxonaе equeicha bapon caibe iya Jesús beya, nama bara itac̄patsi xua petaewa.

<sup>8</sup> Bapon pia petsicuarabu enaewichi tatsi, iruno pomonaе pecui yaputaexaetsi xua poxonaе bapon aitatabeya popona daxita barapomonaе bapon yabara natsipaebatsi. Ichamonaе jeye:

—¿Apara baponda pon iratha jiwi w̄nquequeibara paratixi? jei.

<sup>9</sup> Ichamonaе jeye:

—Aa, apara bapon, pon iratha jiwi w̄nquequeiba paratixi, jei.

Ichamonaе jeye:

—Apara bapon aibi. Saya apara be bapon, jei.

Ichitha pon peitata nac̄tsin pia coutha jeye:

—Apara bara xan tsocuaein, jei.

<sup>10</sup> Nexata daxita barapomonaе peitata nac̄tsin yainyabatsi, jeichichi:

—¿Eta xua metha anoxuae taneme? jei daxita barapomonaе.

<sup>11</sup> Pon peitata nac̄tsin jume nota barapomonaе, jeye:

—Pon pew̄n Jesús, bapon tsoroboyo peonetha nacobena pontaba, bapoxonaе barapo tsoroboyotha naitacuere caxueba. Yawa nejei: ‘Fetiyo beya ponare, po fetiyo pew̄n Siloé. Barapo fetiyotha naitacuere waexore’, nejei. Bara barabeya ponan. Poxonaе baxota naitacuere waexuban, bapoxonaе bara tan, jei bapon.

<sup>12</sup> Bapoxonaе peitata nac̄tsin yainyabatsi barapomonaе, jeichichi:

—¿Incane dapu pebin, pon caaxaibi exana? jeichichi.

Bapon jume barai bapomonaе, jeye:

—Bu, canta jopa taeinyo, jei bapon.



*Meje yabara poxonaē pon equeicha xua itata wɔnaē matowa yainyabatsi xua fariseomonaē matowa yainyaba*

<sup>13</sup> Pon xua equeicha itata wɔnaē, pomonaē pia petsicuarabɔ enaewichi tatsi barapomonaē bapon capoinchi fariseomonaē beya.

<sup>14</sup> Ichitha po mataqueitha Jesús axaibi exana pon peitata nacɔtsin, xua poxonaē tsoroboyo peonetha nacobena pontaba, barapo matabi apara judiomonaē pia pentaquei seicaē matabi tatsi.

<sup>15</sup> Bapoxonaē bapon yainyabatsi fariseomonaē, jeye:

—¿Eta bichim xua anoxuae jamaisa necotame? jei fariseomonaē.

Bapon jume barai, jeye:

—Bapon tsoroboyo peonetha neitacuere caxueba. Bapoxonaē naitacuere waexuban meratha. Bapoxonaē yawa bara necotan, jei fariseomonaētha.

<sup>16</sup> Bapoxonaē fariseo jiwana monaē bapon baraichi, jeye:

—Pon caaxaibi exana apara Nacom jopa bapon itorobicaeyo, tsipei bapon jopa yabara barɔ cui itura jinaeyo barapo pentaquei seicaē matabi, jei fariseo jiwana monaē.

Ichamonaē jeye:

—Icha bapon peajɔntɔcoyenebein, ¿metha nexata eta pocotsiwa pexeinya petsita itatsi coyenewa exana? jei.

Daxita barapo fariseomonaē nantiya najume matsontsonoba.

<sup>17</sup> Equeicha fariseomonaē, pon bayatha itacuere axaibi exainchi, bapon yainyabatsi, jeichichi:

—¿Incane xam, eta xua yabara nanta xeinamerɔ pon caaitacuerexaibi exana? jei fariseomonaē.

Bapon jume epa pita, jeye:

—Yaitama bapon neaxaibi exana metha moya bara bapon, pon Nacom peitorobi jume pepaebin, jei bapon.

<sup>18</sup> Ichitha judiomonaē jopa bejume cowɔntsiyo pocotsiwa pon peitata nacɔtsin bayatha itacuere axaibi exainchi xuano xua anoxuae itacɔpatsi xua petaewa. Daxota bapoxonaē barapo judiomonaē pon itacuere axaibi exainchi paxa tatsi wabatsi, yawa pena tatsi wabatsi.

<sup>19</sup> Barapo judiomonaē jeye coxiyɔnbetha:

—¿Baponje bara yatsicaya painya nexanto? ¿Apara bara bapon pon bayatha yaitata nacɔtsiya naexana? ¿Eta bichi xua anoxuae itacɔpatsi xua penecotsiwa? jei judiomonaē.

<sup>20</sup> Barapo coxiyɔnbe jume notabe, jeibe:

—Bara yatsicaewa payaputan xua bapon barapara pata taxanto. Mataɔtano payaputan xua bayatha bapon itata nacɔtsiya naexana.

<sup>21</sup> Daichitha jopa payaputaeyo xua eta bichi xua bapon anoxuae necota. Mataɔtano jopa payaputaeyo xua pon pata taxanto itacuere axaibi exainchi. Paxam moya bara bapon payainyabare. Bɔ nexata bapon pia coya paca jume notsina tsipei apara bayatha pinyo, jeibe coxiyɔnbe.

<sup>22</sup> Barapo coxiyɔnbe cunuwa judiomonaē cunuwatsi. Tsipei judiomonaē bayatha jei: “Pomonaē Jesús yabara jume cowɔntatsi, pomonaē xua jeye: ‘Jesús apara bapon Mesías pon Nacom itorobica’, pomonaē jeye, barapomonaē paitawetan pata penacɔtutsi bo weya”, jei barapo judiomonaē. Daxota barapo coxiyɔnbe pijunuwi jopa jeibe: “Apara bapon Jesús pon Mesías bapon painta taxanto itacuere axaibi exainchi”, jopa jeibe.

<sup>23</sup> Daxota barapo coxiyɔnbe barapo judiomonaētha jeibe: “Paxam moya bapon payainyabare. Bɔ nexata bapon pia coya paca jume nota tsipei bayatha pinyo”, jeibe coxiyɔnbe.

24 Bapoxonae equeicha judiomonae pon itacuere axaibi exainchi yainyabatsi, jeichichi:

—Yatsicaewa xainyeya pana netsipaebare xua iruru Nacom necajume taenexa. Paxan payaputan xua Jesús bapon apara pon peajuntucoyenebein, jei judiomonae.

25 Bapon jume nota barapo judiomonaetha, jeye:

—Xan jopa yabara yaputaeinyo xua icha metha bapon pon peajuntucoyenebein. Saya meisa yaputan xua copiya taitata nacutsin xuano xua anoxuae neitacupa xua tanecotsiwa, jei bapon.

26 Equeicha barapo judiomonae bapon yainyabatsi, jeichichi:

—¿Eta caitacuere ichi poxonae caaitacuerexaibi exana? jei judiomonae.

27 Bapon jume nota barapo judiomonae, jeye:

—Bara bayatha paca tsipaebatsiba. Came jopa yabara pana nejume cowantsim. ¿Eta xua metha equeicha bepa baxua matowa paca tsipaebichi? ¿Painya iruru naexanaetsi Jesús pijimonae tatsi? jei bapon.

28 Ichitha barapo judiomonae bapon biatainchi, jeichichi:

—Xam moya Jesús piamonae jiton tatsi naexande, nama paxan Moisés pia peitorobi coyenewa pata exanaponae jiwi.

29 Paxan payaputan xua Nacom Moisés itorobatsi. Ichitha nama pon caaitacuerexaibi exana jopa payaputaeinyo xua ichaxota werena peponaewa xua ichun peitorobixae, jei judiomonae.

30 Bapon jume nota, jeye:

—¡Jina! Paxam jopa payaputaem xua bapon Jesús ichaxota werena peponaewa xua bequein painya tana netaewatham xua Jesús tana neaitacuerexaibi exanaewa.

31 Waxainchi yaputainchi bara, xua Nacom jopa jume naitaewatsiyo pomonaetha pomonae abe peexanaewi xua peyawenaewanexa. Nacom saya meisa jume naitaewata pomonaetha pomonae wuna pejainchixaetsi. Matautano Nacom saya jume naitaewata pomonaetha pomonae peitorobixae xua pia petaexanaewa tsainchi pocotsiwa bapon peichichipaexae.

32 Poxonae aena Nacom nacua forota, bapoxonae xua beya anoxuae, dapon aibi pon ichun itacuere axaibi exainchi pon peitata nacutsin.

33 Icha bapon Nacom jopa itorobichipae, metha bapon jopa itacupaetsipaetsi xua ichun itacuere axaibi peexanaewatsi, pon peitata nacutsin, jei bapon.

34 Nexata bapon baraichi, jeichichi:

—Daxota itata nacutsiya naexaname tsipei ajuntucoyenebeya naexaname. ¡Dacotsiwa apara ichichipame pana necuidubamecai! jei judiomonae.

Bapoxonae bapon itawetatsi judiomonae pia penacaetutsi bo tatsi weya.

*Meje yabara poxonae Jesús yabara paeba pomonae jopa Nacom yaputaetsi*

35 Jesús yaputane xua pon bayatha itacuere axaibi exainchi itawetatsi judiomonae pia penacaetutsi bo tatsi weya, xua judiomonae itaweta. Poxonae bapon Jesús caxina, Jesús jeye:

—¿Xam yabara jume cowantame pon Nacom pia Peitapetsin tatsi? jei Jesús.

36 Bapon jume barai Jesús, jeye:

—Pon Necanamataxeinaem jiwi, incane netsipaebare, ¿Incane bapon pon Nacom pia Peitapetsin? Bapoxonae tha jume cowantichi, jei pon peitata nacutsin.

37 Jesús jume nota, jeye:

—Xam apara bapon bayatha taneme pon Nacom pia Peitapetsin tatsi. Pon aunxuaein catsipaebatsi, apara bara xan, jei Jesús xua nabarai.

38 Nexata bapon pentabocototha uncuca Jesús peitabaratha tatsi xua Jesús wuna pejainchinexatsi. Bapon jeye:

—¡Tanecanamataxeinaem, cajume cowantatsi bara! jei bapon.

<sup>39</sup> Bapoxonae Jesús barai, jeye:

—Barapo cae pin nacuathe patopeican xua jivi tayabara paebinea xua penat-sicuentiwa xua abe peexanaexae Nacomtha. Pomonae xua bayatha jopa Nacom cayabara yaputaetsi barapomonae cana exanaein xua barapomonae Nacom cayabara yaputaeinchi. Pomonae xua bayatha bequein nanta xeina xua Nacom cayabara yaputainchi barapomonae cana exanaein xua barapomonae equeicha jopa Nacom cayabara yaputae tsainchi, jei Jesús.

<sup>40</sup> Bapoxonae fariseo jiwanamonae, pomonae Jesús barua uncua, poxonae barapomonae Jesús jume tainchi, Jesús yainyabatsi, jeye:

—¿Apara pana baram xua equeicha jopa payabara yaputaein tsane Nacom? jei fariseo jiwanamonae.

<sup>41</sup> Jesús jume nota, jeye:

—Icha paxam bayatha jopa payabara yaputaemtsipae Nacom, jopa apra painya coutham tsipae xua poxonae abe painya neexanaewa. Ichitha mexeya poxoru pajam: ‘Payaputan Nacom’, pajam daxota apra painya coutham xua bara abe painya neexanaewa, jei Jesús.

## 10

### *Meje yabara poxonae Jesús yabara paeba pon oveja pe-enaein*

<sup>1</sup> Equeicha Jesús namchi: “Xaniyan paca tsipaebatsi diwesi xua pata neyabara yaputaewam tsane. Pebin ba oveja pia curara boupa iya joniya. Ichitha pon peboupa jopa joniyaeyo, saya ecoinya icha muxunene werena, bapon apra pon pecaibin oveja.

<sup>2</sup> Pon jame joniya pepa boupa iya bapon apra pon pe-enaein oveja.

<sup>3</sup> Pon peboupa xatababin, bapon boupa saranaxorena pon oveja pe-enaein taboupa saranaxorenatsi. Poxonae pon oveja pe-enaein junuta oveja, barapo oveja jume copi yaputane baxua. Pon oveja pe-enaein, bapon daxita barapo oveja barompaya pia wuxitha junuta. Bapoxonae bapon curara weya mata coniya ovejamonae.

<sup>4</sup> Poxonae curara weya mata coniya daxita bapon mata caecapona yawa punae- napoinchi pejume copi yaputaexaetsi.

<sup>5</sup> Ichitha barapo ovejamonae jopa puna ponaeyo ichantha, pontha pon jopa yaitaeyo. Saya cuitaya duxupa tsipei ichan jopa jume copi yaputaetsi”, jei Jesús.

<sup>6</sup> Jesús tsipaeba barapomonae barapo pecayabara jata pepaebi diwesiyo poxonae oveja yabara paeba, daichitha came barapomonae jopa yaputaeyo barapo diwesi.

### *Meje yabara xua Jesús pon beta pe-enaein jivi*

<sup>7</sup> Nexata equeicha Jesús tsipaeba barapomonae, jeye: “Icha oveja ichi xua curaratha jojoniya xua peboupa peyawenaexaetsi, barichi jivi xua Nacom pia nacuatheicha tatsi pata poxoru xanxaein xua tayawenaexae.

<sup>8</sup> Daxita pomonae netsiwana pata, pomonae xua jei: ‘Nacom pana itoroba’, jei, barapomonae apra pomonae jivi pemuxujainyabiwi. Ichitha jivi jopa yabara jume cowantsiyo barapomonae, icha oveja ichi xua aichaxaibi pepuna ponaewa ichantha jopa pejume copi yaputaexae.

<sup>9</sup> Xan jivi tayawenaein daxota pon nejume cowanta yawenan xua pepatopaewa Nacom beicha. Icha oveja ichichi xua merawi curaratha yaboupa xatatabatsi xuano xua mataqueitha yausaranaxorenatsi xua pexaenexa naepanaewa, barichi pomonae tana nejume cowantsiwi barapomonae beta yawenan.

<sup>10</sup> “Pon pecaibin patopa xua saya pecaibinea oveja, yawa xua saya abe peexanaenexa yawa pebexubinexa. Ichitha nama xan patopan xua jivi tacatsinexa peajuntuyapusawa, po peajuntuyapusawa jopa weraweracaeyo xua jivi jopa juniya mataropeichiya xexeinaponae tsane barapo peajuntuyapusawa.

11 Pon beta pe-eenaen oveja, bapon tsitupa pia ovejamona, tsipei jopa ichichipaeyo xua petajutebiwatsi pia ovejan tatsi xua poxona pomona pecaibiwi jutebina. Barapocotsi coyene ichi jiwi beta ta-eenaen. Jiwi tsitupaen xua barapomona taca-panepaenexa.

12 Ichitha pon tanacuita ichun xua tayapu eena oveja apara saya piaparaxichi. Poxona bapon neutha tane pijunuwi, oveja cuenta naetsiriwa, tsipei barapo ovejamona pia ovejamona tatsi aibi. Poxona neutha icha ovejan teicatsi, bapoxona icha ovejamona tsanaothopa.

13 Bapon naetsiriwa tsipei saya oveja eena xua piaparaxichi, xuano xua jopa xapain peyabara nanta xeinaexa ovejamona.

14-15 “Xan natsicotan be pon ovejamona beta tayapu eenaen tsipei beta ta-eenaen pomona tana nejume cowantsiwi. Taxa neyaitane, xuya Taxa yaitan. Barichi yaitan pomona tana nejume cowantsiwi, xuya barapomona neyaitane. Xan tana nejume cowantsiwi yaitatsin xua tatsitupaenexa naetha xua jopa peweraweracaewa tsane barapomona.

16 Barichi xeinan icha tana nejume cowantsiwi pomona jopa israelmonaeyo. Barapomona bewa irun nacaetuta exanaen xantha pomona caena bayatha tana nejume cowantsiwi iru pomonaeno xua beja nejume cowantsinano. Cae bicheito exanaen. Barapomona exanaena pocotsiwa itoroban. Matautano xeinaena bara compa xua xan ponxaein beta ta-eenaen, icha pebin ichi pon ovejamona peyapu eenaen xua poxona ovejamona caetucaetuteta cae curaratha.

17 “Taxa bichocono neantobe tsipei tsitupaen pomona tana nejume cowantsiwi. Ichitha equeicha asun tsane.

18 Dapon aibi pon xua pia coutha tana nebexubiwa. Saya jame poxona tacoutha ichichipan. Xan itacoxonan xua bara jiwi tatsitupaewa. Matautano itacoxonan xua equeicha asu tapoponaewa tsane petupaewa weya. Baxua itacoxonan xua taexanaewa, Taxa tana neitorobixae”, jei Jesús.

19 Poxona barapo judiomona Jesús baxua jume tainchi, bapoxona equeicha barapo judiomona yabara najume matsontsonoba.

20 Ichamona judiomona yainyaba xua icha judiomona yainyabatsi, jeichichi:  
—¿Eta xua metha bapon pajume naitaewatame pocotsiwa bapon paeba? ¡Apara matayaibatsi! ¡Cauri xeina apara! jei judiomona.

21 Ichamona jeye:

—Dapon aibi pon xanepanaya pepaebiwa icha cauri xeina. Caurimonaepin jopa bapana itacupaetsi xua pon peitata nacutsin axaibi peexanaewatsi, jei ichamona.

### *Meje yabara poxona judiomona Jesús jume itawetatsi*

22 Poxona awubo daxita jiwi nacaetuta Jerusalén tomaratha xua penabanaenexa pexaewa. Barapo penacaetutsi matabin poxona nabane jiwi yabara nanta xeina xua caena bayatha piamona tatsi equeicha xaneba Nacom pin pia bo tatsi poxona ichamona abe exana. Barapomona baxua yabara nacaetuta peyabara paebinexa xua barapo bo Nacom nexa.

23 Jesús popona Nacom pin pia bo tauchipa boutotha. Barapo Nacom pin pia bo tauchipa bouto pewan Salomón.

24 Baxota judiomona Jesús imoxoyo caquita umenarucupatsi yawa Jesús jeichichi:  
—¿Eta po matabibe metha ainya muxu paxeinaen xua pata cayabara yaputaewa tsainchi? Icha bara yatsicaya Mesías xam, moya pana netsipaebare, jei.

25 Jesús jume nota, jeye:

—Bara bayatha paca tsipaebatsiba ichitha jopa pana nejume yabara cowantsim. Pocotsiwa xua exanan, xua Taxa tana neitorobixae, baxua apara bara paca tsita naitapeinya xeinatsi xua xan apara bara Mesías.

<sup>26</sup> Baxua jopa pana neyabara jume cowantsim tsipei jopa tajimonae pam be pocotsi coyeneya aunxuae bayatha paca tsipaebatsi.

<sup>27</sup> Pomonae tana nejume cowantsiwi nejume copi yaputane yawa nepuna pona, icha ovejamonae ichi xua jume copi yaputane pontha pon pe-eenaexaetsi xuano xua barapo ovejamonae puna pona xua bapon puna poinchi.

<sup>28</sup> Tana nejume cowantsiwi catan peajuntuyapuswa, po peajuntuyapuswa xua bapana jopa peweraweracaewa tsane. Matautano ichamonae jopa itacupaetsi xua tana newecobe notsiwa xua tamonae inta notatsi.

<sup>29</sup> Taxa barapomonae necata. Barapon Taxa bichocono toxecha caein ainya cui, beyacaincha ichun xua ainya cui. Dapon aibi pon Taxa wecobe notatsi xua piamonae tatsi tanotatsi.

<sup>30</sup> Xan, iru Taxa bara caein panbe, jei Jesús.

<sup>31</sup> Nexata judiomonae ibotoxi nota xua Jesús pecuinbabiwa tsainchi.

<sup>32</sup> Jesús barai barapomonae, jeye:

—Paxamtha matowa exaneiban pexeinya tatsita itatsi coyenewan Taxa pia peayapuswatha tatsi. ¿Eta po tatsita itatsi coyenewan taexanaexae ibotoxitha painya necuinbabichi? jei Jesús.

<sup>33</sup> Judiomonae jume nota, jeye:

—Jopa apara daxota paca cuinbabichi poxoru pexeinya petsita itatsi coyenewan neexanaexae. Daxota paca cuinbabatsi tsipei jam: ‘Xan iru Taxa bara caein panbe’, jam. Baxua apara abe paebame tsipei be Nacom naexaname jinya coutha poxonae saya pebim, jei judiomonae.

<sup>34</sup> Jesús barai, jeye:

—Nacom Pejume Diwesitha yabara paebatsi pomonae Nacom pejume cowantsiwichi. Nacom jeye: ‘Paxam iruru nacommonae pam’, yabara jei Nacom, pomonae pejume cowantsiwixaetsi.

<sup>35</sup> Nacom paeba xua pinae pomonae petajume cowantsiwixaetsi pejume diwesi barapomonae pinae bara nacommonae tsenae. Matautano waxainchi yaputainchi barapo diwesitha xua jopa bapana Nacom naerabiyo.

<sup>36</sup> Nacom neitapeta, neitorobano tapatopaenexa barapo cae pin nacuathe. ¿Eta xua metha papaebame xua xan abe paeban poxonae jan: ‘Xan Nacom Pexanton’, jan?

<sup>37</sup> Icha jopa exanaeinyo pocotsiwa Taxa neitoroba painya xoba pana nejume cowantame baxua.

<sup>38</sup> Icha exanan pocotsiwa Taxa neitoroba, bapoxonae pana necui yabara jume cowande pocotsiwa exanan, bequein jopa pana nejume cowantsim xua paca tsipaebatsi. Bapoxonae xain payaputaenae xua xan Taxa nebaru popona, xua barichin xua Taxa baru poponan, jei Jesús.

<sup>39</sup> Equeicha barapomonae ichichipa xua Jesús pewaetabiwatsi ichitha Jesús naetsiriwa barapomonae weya.

<sup>40</sup> Nexata Jesús pijimonae caibe baru nawiya icha muxunene beya xua Jordán mentha. Baraxotiya Jesús pijimonae baru eca, ichaxota Juan bayatha bautisaba jiwi.

<sup>41</sup> Pin bicheitomonae Jesús siwa poinchi pejume taenexatsi. Barapomonae Jesús yabara natsipaebatsi, najei:

—Xaniyei bequein Juan pexeinya petsita itatsi coyenewan jopa exanaeyo daichitha daxita pocotsiwa xua Jesús yabara paebatsi, daxita baxuan bara apara xaniyei, najei barapomonae.

<sup>42</sup> Baraxotiya pin bicheitomonae Jesús yabara jume cowantatsi.

## 11

*Meje yabara poxonae Lázaro tupa*



<sup>1</sup> Irꝰ pebin popona, pon pewꝰn Lázaro. Bapon atene. Bapon Betania tomarapin. Irꝰꝰꝰ bapon Lázaro pamchobe tatsi barichi Betania tomarapiwayobe. Barapo pamchobe tatsi ichowayo pewꝰn María, ichowayo pewꝰn Marta.

<sup>2</sup> Barapowa María, powa Lázaro pamcho tatsi, powa Jesús taxu epatabinchi icha mat-acabitha penasiwatha xua petuxueiwa xuano xua taxu tsewa exanaeinchi pentanatha.

<sup>3</sup> María pamchobe najume caitorobabe ichꝰntha icha tomara beya xua baxotiya Jesús beya petacajume jeichinexatsibe:

—Patatanecanamataxeinaein, jinya jiton atene, petacajume jeichinexatsibe bapon.

<sup>4</sup> Poxonae Jesús baxua jume tane, Jesús jeye:

—Bequein Lázaro atene ichitha barapo peatenewa jopa exanaeyo xua tꝰpa peex-aneibiwa ataya. Saya atene, apara Nacom pia jiwi tsita itꝰtsichi pia peayapusꝰya itorobi coyenewa. Mataꝰtano irꝰ xan Nacom Pexanton jiwitha tatsita itꝰtsinexa taayapusꝰya itorobi coyenewa, jei Jesús.

<sup>5-6</sup> Bequein Jesús antobe Marta irꝰ María irꝰ Lázaro ichitha cataunxuae eca baxotiya ainya matabibibe poxonae jume taetha xua Lázaro bayatha atene nawita.

<sup>7</sup> Pirapae Jesús daxita pijimonae barai, jeye:

—Caibeya poinchi Judea nacua beya, jei Jesús.

<sup>8</sup> Nexata daxita Jesús pijimonae baraichi, jeye:

—Pon Patatanecuidubim, cain judiomonae, Judea nacuatha ichichichipa cacuinbaba ibotoxitha. Dacotsiwa equeicha jinya ponaetsi barapo Judea nacua beya, jeichichi.

<sup>9</sup> Jesús barai, jeye:

—Caentacabi doce po horabe xeina poxonae pentha tsuncuae. Icha pebin mataquei-tha popona jopa xuirapopaeyo pentha petsuncuaexae barapo cae pin nacuathe.

<sup>10</sup> Barichin poxonae cataunxuae poponan barapo cae pin nacuathe bewa exanaein xua Taxa pocotsiwa neitoroba. Tsipei poxonae tꝰpaein jopa neitacꝰpae tsane xua exanaein baxua, barapo cae pin nacuathe.

<sup>11</sup> Pirapae Jesús daxita pijimonae barai, jeye:

—Wajiton, Lázaro, maituncua. Ichitha tha bexa yaꝰbaxuichi, jei Jesús.

<sup>12</sup> Nexata daxita Jesús pijimonae baraichi, jeye:

—Patatanecanamataxeinaem, icha bapon maituncua, ¿metha poxoru anoxuae yasa-tatsi, daxota baxua paebame? jeichichi.

<sup>13</sup> Ichitha Jesús namchi: “Lázaro bayatha tꝰpa”, jei, xua poxonae jei: “Lázaro maitun-cua”, jei. Daichitha Jesús pijimonae tatsi nanta xeina xua metha Lázaro maituncua icha merawi ichi poxonae maiteca.

<sup>14-15</sup> Bapoxonae Jesús pijimonae tsita najume itapeinya xeina, jeye:

—Lázaro bayatha naxuba. Pacata daxua wꝰnae xua jopa baxotiya poponaeinyo poxonae Lázaro tꝰpa. Tsipei baxua painya nejume cowꝰntsineha, daxota jopa nainya ponaeinyo. Antha poinchi bara beya ichaxota Lázaro boca, jei Jesús.

<sup>16</sup> Nexata Tomás, pon icha wꝰn Gemelo peweichobe penama naexanaexaebe, bapon Jesús pijimonae tatsi baraichi, jeye:

—Bꝰ naca barꝰ pona Jesús, xain Jesús naca barꝰ werapa, jei Tomás.

*Meje yabara xua Jesús namchi: “Xan pon jiwi asꝰ taexanaein petꝰpae cuiru coyene weya”, jei*

<sup>17</sup> Poxonae Jesús pijimonae barꝰ patopa Betania tomaratha, jiwi Jesús tsipaebatsi xua pinae bayatha Lázaro cuatro po matabibibe yapucaewa xua mꝰthꝰtha xotsi.

<sup>18</sup> Betania tomara tajꝰyo itamataeca Jerusalén tomara saya tres po kilómetro epatiyobe xeina.

<sup>19</sup> Pinmonae judiomonae Marta irꝰ María siwa poinchibe pia botha tatsi peitanuwe matataenexa tsainchibe petatꝰpaexaetsibe peweicho tatsi.

<sup>20</sup> Poxonae Marta yaputane xua Jesús pijimonae baru patopa, bapowa bo wejonarena xua Jesús pententa weyataeya wabinexatsi. Ichitha nama María botha eca.

<sup>21</sup> Marta Jesús baraichi, jeye:

—Pon Necanamataxeinaem jiwi, icha bayatha xote ecaetsipame, metha bayatha jopa tupaetsipae taeweicho.

<sup>22</sup> Yaputan xua methaunxuae Nacom cacatsina daxita pocotsiwa newucaewam, jei Marta.

<sup>23</sup> Jesús barai, jeye:

—Eweicho equeicha cata asu poponaena, jei Jesús.

<sup>24</sup> Marta Jesús baraichi, jeye:

—Aa, bara yaputan xua equeicha asu poponaena poxonae po mataqueitha daxita jiwi Nacom asu exanaena petupaе cuiru coyene weya poxonae po cae pin nacue daxita weraweracaena, jei Marta.

<sup>25</sup> Nexata Jesús jume barai, jeye:

—Xan apara barapo jiton, pon jiwi asu jinompa taexanaein petupaе cuiru coyene weya. Matautano xan pon jiwi tacatsin peajuntuyarusuwa, po peajuntuyarusuwa jopa weraweracaeyo. Pon nejume cowanta bequein bara tupa ichitha equeicha asu poponaena.

<sup>26</sup> Pon xeinaena peajuntuyarusuwa xuano xua nejume cowantsina, bapon bapana jopa weraweracae tsane. ¿Baxua bara yabara jume cowantame? jei Jesús xua Marta tsipaebatsi.

<sup>27</sup> Bapowa jume nota, jeye:

—Aa, Tanecanamataxeinaem, bara baxua yabara jume cowantan xua xam Mesías pon Nacom Pexantom, pon bewa juinya patopaename po cae pin nacuathe tsique, jei Marta.

*Meje yabara poxonae Jesús itamata wecoyei tsuncuae ichaxota Lázaro yamuthu uncu*

<sup>28</sup> Poxonae Marta najume weta xua Jesús tsipaebatsi, bapoxonae Marta pamcho waba powa pewun María. Marta nameicha pamchotha jeye:

—Pon jiwi Pecuidubin xote patope, cawaba, jei Marta.

<sup>29</sup> Poxonae María baxua jume taeba, bapoxonae caena nainya ponataba Jesús petaenexatsi.

<sup>30</sup> Jesús abu cataunxuae pijimonae jopa baru ponaeyo tomaratha. Jesús caxinatsi ichaxota copiya Marta Jesús caxinatsi.

<sup>31</sup> Judiomonae pomonae María pamchobe itanuwe matateicatsibe xua pomonae pia botha tatsi taenatsibe, poxonae barapo judiomonae tane xua María nainya ponataba, iruru barapomonae napuna pona. Barapo judiomonae nanta xeina xua mexeya itara María pamchobe muthu beya ponabewei xua pewecoyeinexabe ichaxota peweichobe tatsi tayamuthu uncuatsibe.

<sup>32</sup> Poxonae María itamata patopatsi María pentabocototha uncu, yawa Jesús baraichichi, jei:

—Tanecanamataxeinaem, icha bayatha xote ecaetsipame metha bayatha pata taeweicho jopa tupaetsipae, jei María xua Jesús tsipaebatsi.

<sup>33</sup> Jesús tane xua María wecoyei. Taneno xua judiomonae pomonae napona xua iruru wecoyei. Bapoxonae Jesús unthuthu wecoyei yawa anthuthurewe.

<sup>34</sup> Jesús baraino barapomonae, jeye:

—¿Exota Lázaro pamuthuthu xubame? jei Jesús.

Jesús jume notatsi, jeye:

—Pon Necanamataxeinaem jiwi, xotiye incane matha taema, jei barapomonae.

<sup>35</sup> Iruru Jesús wecoyei tsanareca.

<sup>36</sup> Bapoxonae judiomonae Jesús yabara jeichichi, jeye:

—Incane pataema maisa bapon Lázaro bichocono antobetsi, najei judiomonae.

<sup>37</sup> Ichitha ichamonae judiomonae Jesús yabara jeichichi:

—Icha bapon itacɹpatsi xua pon peitata nacɹtsin axaibi exainchi, ¿eta xua metha bapon jopa itacɹpaetsi xua Lázaró yawenatsi xua bayatha jopa tɹpaetsipae? najei judiomonae.

*Meje yabara poxonae Lázaró equeicha asɹ popona*

<sup>38</sup> Equeicha Jesús bichocono anthɹthɹrewe. Yawa imoxoyo pijimonae barɹ pona mɹthɹ beya. Barapo mɹthɹ ibo mɹthɹ, yawa mɹthɹ yauxatatabanota pin ibo panawatha.

<sup>39</sup> Jesús barai barapomonae, jeye:

—Papataxore ibo panawa, jei Jesús.

Lázaró pon tɹpa bapon pamcho tatsi Marta, Jesús jeichi:

—Patatanecanamataxeinaem, apara bayatha pepon bichocono tuxamna, tsipei bayatha cuatro po matabibibe yapucaewa poxonae tɹpa, jei Marta.

<sup>40</sup> Ichitha Jesús Marta jume baraichi, jeye:

—Bara bayatha catsipaebotsiba: Icha yabara jume cowɹntame, necotsiname Nacom pia peayapusɹwa, cajeichiba, jei Jesús.

<sup>41</sup> Nexata ichamonae ibo panawa pataxuba. Bapoxonae Jesús peitaboco beicha athabeicha necoicha. Yawa jeye Paxatha:

—Axa, jɹntɹ coyene weiweinan, yaitama nejume taneme pocotsiwa tacawɹcaexaetsi.

<sup>42</sup> Bara yaputan xua nejume taibame poxonae cawɹqueibatsi. Apara catsipae-batsi baxua xua pomonae xote umene barapomonae nexa xua tana neyabara jume cowɹntsinexa xua xan pon tana neitorobim, jei Jesús.

<sup>43</sup> Poxonae Jesús najume weta baxua, bapoxonae jume daunweya wawai, jeye:

—¡Lázaró, bara wejondena! jei Jesús.

<sup>44</sup> Bapoxonae pon xua tɹpa mɹthɹ wejondena. Xua bayatha paparuwatha maxɹ caecunta cɹbaxotsi yawa pesito decano yawa xua painyaweratha itabara yarabaxotsi, baxuan Lázaró yawa jondena. Jesús barai jiwi, jeye:

—Daxita baxuan paweisacare, bapoxonae bɹ bara pona, jei Jesús.

*Meje yabara poxonae fariseomonae irɹ sacerdotemonae pia pentacaponaei tatsi daxita barapomonae Jesús yabara nanta xeinatsi xua po coyeneya Jesús pewaetabiwa tsainchi*

*(Mt 26.1-5; Mr 14.1-2; Lc 22.1-2)*

<sup>45</sup> Judiomonae pomonae María pamchobe cueyatatsibe, poxonae barapo judiomonae baxua Jesús cui tainchi Jesús yabara jume cowɹntatsi pinmonae.

<sup>46</sup> Ichitha ichamonae judiomonae fariseomonae beya pona xua peyabara paebinexa pocotsiwa bayatha Jesús exana.

<sup>47</sup> Nexata fariseomonae irɹ sacerdotemonae pia pentacaponaei tatsi daxita barapomonae nacaetuta penacanamata caitorobi bicheittha, yawa najei barapomonae:

—¿Eta xua exanaeinchi metha? Barapo pebin exana nawita pexeinya petsita itɹtsi coyewan.

<sup>48</sup> Icha baraxua saya yabara cui copatinchi metha pinmonae bapon yabara jume cowɹntsinchi. Barapoxonae romanomonae pia pentacaponaei patsina waxantha, yawa abe exanaena Nacom pin pia bo tatsi xua watomaratha, yawa wanacuatha naca jutebina, najei barapomonae.

<sup>49</sup> Caein bapomonae jiwana pewɹn Caifás. Bapon Caifás barapo weitha sacerdotemonae pia pepa pentacaponaein tatsi naexana. Bapon Caifás jei pin bicheittha:

—Paxam apara jopa baxua payabara yaputaem.

<sup>50</sup> Mataɹtano jopa payabara yaputaem xua po coyene pacata xanepana xua ichɹn bara caein piamonae yaitatsina pebexubinexatsi xua daxita piamonae tatsi jopa petajutebinexa tsainchi, jei Caifás xua piraichi nanta xeina.

<sup>51</sup> Ichitha Caifás jopa baxua pia coutha nanta xeinaeyo. Tsipei Caifás barapo weitha sacerdotemonae pia pepa pentacaponaein tatsi naexana, daxota tsiwánae yabara paeba xua Nacom cueicueije exana xua Jesús bewa tsitupaena judiomonae.

<sup>52</sup> Meisa barapo judiomonae Jesús jopa tsitupaeyo, apara iruru ichamonae nexano Jesús tsitupa xua Jesús caemonae nacaetuta peexanaenexa pomonae Nacom piamonae tatsi, pomonaeno tajú ena ichaxota icha nacuantha.

<sup>53</sup> Daxota barapomonae judiomonae pia pentacaponaewi tatsi nabaru muxu jei po coyeneya xua poxonae Jesús pebexubiwa tsainchi.

<sup>54</sup> Daxota Jesús jopa naitapeinya xeinaeyo judiomonaetha. Saya Jesús Judea nacua wewarapiya, tomara beya pona po tomara pewun Efraín, po tomara eca ichaxota ira xuepana susato tsurucuae nacua. Barapo tomaratha pijimonae baru eca Jesús.

<sup>55</sup> Bara nama imoxoyo tsurucuae tsoponae po maticabin xua judiomonae pia Pascua wun maticabin tatsi. Pin bicheitomonae tomara weya pona xua Jerusalén tomara beya pona xua baxotiya pia cui coyenewa peexanaenexa Nacom nexa, xua Nacom jopa petsita natsicuentseinexatsi xua abe petsita peexanaexae. Tsipei pia peitorobi coyenewatha tatsi baxua yabara paeba xua barapomonae bewa baxua exanaena Pascua wun maticabin pewunaeya.

<sup>56</sup> Daxita barapomonae Jesús wenaweneichi. Poxonae barapomonae Nacom pin pia botha pata, baxota barapomonae najei:

—¿Etabe payabara nanta xeinaeya ichim? ¿Metha Jesús xote patopaena jampa? ¿Metha jopa patopae tsane jampa? najei barapomonae.

<sup>57</sup> Fariseomonae iruru sacerdotemonae pia pentacaponaewi tatsi daxita barapomonae jiwi baraichi, jeichichi:

—Pon tane Jesús, nexata bu pana netsipaeba, xua bapon pata tha waetabichi, jei barapomonae.

## 12

*Meje yabara poxonae petsiriwa Jesús mata epatabatsi penasiwa, po penasiwa petuxueiwa*

*(Mt 26.6-13; Mr 14.3-9)*

<sup>1</sup> Poxonae cataunxuae seis po maticabibe aibi xua Pascua wun maticabin nexa, Jesús pijimonae baru pona Betania tomara beya. Barapo Betania tomara, po tomara ichaxota Lázaro popona, pon Jesús bayatha asu exana petupae cuiru coyene weya.

<sup>2</sup> Baxota pexaewa Jesús upain exanatsi. Marta apata pexaewa. Jesús pijimonae tatsi iru naena pexaethopaewatha. Iru Lázaro baxota naeca xua iru naxane.

<sup>3</sup> Iru bapoxonae María carena bosibu bichocono wunca petuxuei nasiwa. Barapo tuxusi tuxuei nasiwa bichocono ainya matoma. Barapo tuxusi tuxuei nasiwa pewun nardo. Barapo petuxuei tuxusi nasiwatha María Jesús mata epatabatsi yawa taxu epatabatsino. Bapoxonae María pentanatha Jesús taxu tsewa exainchi. Daxita bomaxu tutu canaupa ducua xua tuxuei tsurucuae.

<sup>4</sup> Iruru naeca Judas Iscariote, pon Simón pexanto tatsi. Bapon Judas Jesús pijimonae tatsi jiwana. Barapo Judas pon bexa Jesús caenaetsinchi. Bapon namchi, jeye:

<sup>5</sup> —¿Eta pocotsiwa metha saya xuba barapo tuxusi tuxuei nasiwa? Barapo petuxuei tuxusi nasiwa becaenaetsipame xua nentoma xeinaenexa beyacaincha xua trescientos po paratiximonaebe xua po paratiximonaebe beyacaincha trescientos po maticabibe nexa, poxonae nacuita, jei Judas Iscariote.

<sup>6</sup> Judas apara jopa baxua paebiyo xua peantobexaetsi pomonae peacopeibiwi. Saya apara baxua paeba poxoru bapon pon pecaibin jiwi. Bapon Judas Jesusbaru paratixi dunucue tacapoinchi. Ichitha bapon cou jiwana wenoteiba paratixi poxonae Jesusbaru jeiba.

<sup>7</sup> Nexata Judas Jesús barai, jeye:

—¡Moyande bara copare! Apará xua barapowa netsibota barapo petuxuei tuxusi nasiwa tapepon nexa xua tatupaein tana neperá waenexa poxonae po mataqueitha muthiya tana neboyaenexa tsane. Baxua netsibota apará xua muthá tana neboyaenexa poxonae tupaen.

<sup>8</sup> Barapo irathe peacopeibi jiwi paca bará jinompeibina painya neyawenaenexa tsaibi tsane barapo jiwi. Ichitha nama paxam jopa ataya paca bará poponae tsainchi xua pata tana neyawenaenexam barapo irathe, jei Jesús.

*Meje yabara poxonae sacerdotemonaē pia pentacaponae wi tatsi peburuya nanta xeina xua Lázaro pebexubiwa tsainchi*

<sup>9</sup> Pinmonae judiomonaē jume tane xua Jesús popona Betania tomaratha. Bapoxonae barapo judiomonaē pona Betania tomara beya xua Jesús petaenexatsi irurá xua Lázaro petaenexatsi pon Jesús bayatha asá exana petupae cuiru coyene weya.

<sup>10</sup> Nexata sacerdotemonaē pia pentacaponae wi tatsi peburuya nanta xeina xua irá Lázaro pebexubiwa tsainchi.

<sup>11</sup> Tsipei pinmonae judiomonaē penta sacerdotemonaē pia pentacaponae wi tatsi pia pecuidubiwan tatsi. Matautano barapo judiomonaē saya Jesús jume cowantatsi tsipei Jesús cui tainchi pocotsiwa Jesús wánae exana poxonae Lázaro asá exainchi petupae cuiru coyene weya.

*Meje yabara poxonae Jesús Jerusalén tomaratha patopa (Mt 21.1-11; Mr 11.1-11; Lc 19.28-40)*

<sup>12</sup> Icha mataqueitha baya xua poxonae po mataqueitha Jesús taxu wainchi petuxuei nasiwatha, bapoxonae Jesús pijimonaē bará pona Jerusalén tomara beya. Bapoxonaerá Jeruslén tomaratha ena pin bicheito pomonaē xua copiya bayatha pata Pascua wán mat-acabin nexa. Daxita barapomonaē yaputane xua anoxuae methaunxuae patopaena Jesús barapo tomaratha.

<sup>13</sup> Barapo pin bicheito peaxu ucuboba po axu icha coichaxu axu ichi. Barapomonaē Jesús matenta iyiyatsi xua Jesús pententa weyataeya wabinexatsi. Yawa jume daunweya wawaya jeye:

—¡Pai jayana! ¡Maisa Jesús pon Pecanamataxeinaein jiwi deta wánae, bapon patopa Nacom peitorobixae! ¡Maisa Nacom bichocono wánae jaintatsi pon peitabocotha eca! ¡Maisa Jesús deta wánae, pon Israel nacuamonaē itorobiya pia pepa Peewatsinchi tatsi! jei barapo pin bicheito.

<sup>14</sup> Bapoxonae Jesús tane burro pon penán. Bapoxonae barapo burrotha equeica yawa ponano namtotha. Jesús exana be pocotsi coyeneya caena bayatha yabara paebatsi Nacom Pejume Diwesitha, xua Mesías pepatopaewa tsane Jerusalén tomaratha, jeye:

<sup>15</sup> “Sión tomarapiwi pam, jopa pajunuwinde.

Pataema pon itorobiya pepa painya Nepacacaewatsin.

Bapon pacata patopaena xua burrotha equeicaena”, jei Nacom Pejume Diwesitha.

<sup>16</sup> Bapoxonae Jesús pijimonaē tatsi jopa yaputaeyo po coyene xua caena bayatha Jesús wánae yabara tsiwánae paebatsi, xuano xua po coyene exanaenano. Ichitha pirapae poxonae Jesús caibe nawicha peitaboco beicha, yawa poxonae Paxa matenta weyataeya wabatsi, bapoxonae barapomonaē yaputane po coyene Jesús yabara tsiwánae paebatsi Nacom Pejume Diwesitha, xuano xua jiwi exana poxonae Jesús wánae jaintatsi.

<sup>17</sup> Pomonaē naponá poxonae Jesús Lázaro wabatsi petupae cuiru coyene weya, barapomonaē tamropata notarucupa xua jiwitha paeba pomonaetha pomonaē Jerusalén tomarapiwi, pomonaē bayatha Jesús pecui taexatsi poxonae Lázaro asá exainchi.



<sup>18</sup> Daxota pinmonae pona Jesús beya xua Jesús pematenta weyataeya wabinexatsi. Tsipei barapo pinmonae jume tane pocotsiwa Jesús exana pexeinya petsita itatsi coyenewa poxonae Lázaro asu exainchi.

<sup>19</sup> Nexata fariseomonae caemonae natsipaeba, najei:

—¡Incane matha pataema! Barapomonae jopa naca jume cowantsiyo, yawa daxita jiwi meisa napuna pona bapontha, najei barapomonae.

*Meje yabara poxonae griegomonae Jesús wenaweneichi*

<sup>20</sup> Barapo pin bicheito, po bicheito copiya bayatha Jerusalén tomaratha ena, xua baxota wanae pejainchinexa Nacom, barapo pin bicheito jiwamonae, griego nacua-monaepiwi jiwana.

<sup>21</sup> Barapo griego nacua-monaepiwi Felipe imoxoyo caquita poinchi. Barapon Felipe Betsaida tomarapin xua Galilea nacua. Barapo griego nacua-monaepiwi Felipe tsipaebatsi, jeichichi:

—Incane matha pana nejume taema. Pata bequein Jesús taetsi, jei.

<sup>22</sup> Bapoxonae Felipe jume yopita Andrés beya, xua equeicha baponbe pejume yopichinexabe Jesús beya.

<sup>23</sup> Bapoxonae Jesús baraponbe baraichi yawa daxita barapo jiwi baraichi, jeye:

—Nama imoxoyo barapo matacabi tsoponae, po mataqueitha xan, ponxaein Nacom tana neitapetsixae nebexubina ichamonae. Barapo mataqueitha Nacom ainya cui neexanaena.

<sup>24</sup> Xaniyan paca tsipaebatsi. Poxonae trigo xuto saya xu boca yawa icha jopa xu bo-caeyo tsorobo tututha, yawa icha jopa xuwiyo, jopa itacupaetsi xua pexaewa naexana. Ichitha icha barapo trigo xuto tsorobo tututha boca yawa icha xuwa, bapoxonae jame bara pexaewa naexana. Icha barapo trigo xuto ichi, xan barapocotsi coyeneya jiwi bara necana ichi tsane.

<sup>25</sup> Pon naantobeya nata exana pocotsiwa bapon ichichipa po cae pin nacua, bapon jopa xeinaeyo peajuntayapusawa, po peajuntayapusawa ataya tsiteca xua Nacom pia nacua beicha. Ichitha pon neantobeya inta exana pocotsiwa ichichipan, bapon xeinaena peajuntayapusawa, po peajuntayapusawa ataya tsiteca xua Nacom pia nacua beicha.

<sup>26</sup> Pon ichichipa exana tawa xua penacuichiwa, bapon bara bewa moya exanaena pocotsiwa itoroban. Pon exana pocotsiwa itoroban, bapon patopaena ichaxota poponan. Icha pebin exana pocotsiwa itoroban, bapon Taxa cana exanaena xua bapon peainya cui jiton tsane Taxa pia nacua beicha tatsi, jei Jesús.

*Meje yabara poxonae Jesús nayabara paeba xua petupaewa tsane*

<sup>27</sup> Equeicha Jesús jeye: “Anoxuae bichocono anthatharewein tsipei tatupaewa tsaneba. ¿Eta jumichicuaein tsane metha Taxatha? ¿Metha jan tsane: ‘Axa, necapanepare baxua weya’, metha jan tsane? Jume, apara jopa baxua tsipatopeicaeinyo. Apara tsipatopeican xua taaperutanewa tsane jiwi nexa.

<sup>28</sup> Jame bejan: ‘Axa, bara bu jiwi cana exaname xua wanae necajainchiwa’, bejan jame”, jei Jesús.

Poxonae Jesús baxua najume weta, bapoxonae Jesús jume tane xua Nacom namchi peitaboco wetsica, jeye: “Bayatha apara baxua jiwi cana exanan xua jiwi wanae tana nejainteibiwanea, tsipei daxita beta exanan. Matautano equeicha ichawa exanaein xua jiwi wanae tana nejainteibiwanea tsane”, jei Nacom.

<sup>29</sup> Pinmonae umena xua Jesús jume taeumeinchi, iru Jesús pijimonae tatsi baxota umenaru. Barapo jiwi baxua nayabara yainyaba xua Nacom cueicueijei. Ichamonae jeye:

—¡Apara xua jurujurei yamuxu! jei.

Ichamonae jeye:

—¡Apara bapon tsipaebatsi matatsunpin! jei.

<sup>30</sup> Nexata Jesús pijimonae barai, jeye:

—Pon pajume taneme apara Nacom. Jopa apara paebiyo xua xan nexa. Apara paeba pia xua painya nejume taenexa daxota baxua Nacom paeba.

<sup>31</sup> Imoxoyo nama matacabi patopaena, po mataqueitha Nacom yabara paebina jiwi xua penatsicuentsiwa xua abe peexanaexae bapontha. Pon jiwi juntɔ coyene itorobatsi xua abe peexanaewa po cae pin nacuathe, nama imoxoyo Nacom amanayabina bapon poxonae xubina barapo cae pin nacue weya.

<sup>32</sup> Poxonae ichamonae nedutsina naetotha tatɔpaenexa tsane, bapoxonae daxita jiwi cana exanaein xua pomonae peichichipaewa tsane xua tana nejume cowantsinexa, jei Jesús.

<sup>33</sup> Poxonae Jesús baxua paeba jiwi yaputane exainchi xua Jesús pebexubiwa tsainchi poxonae tɔpaena.

<sup>34</sup> Bapoxonae barapo jiwi Jesús tsipaebatsi. Jesús jeichichi:

—Paxan pajume tan xua poxonae wamonae yoroba Moisés pia peitorobi coyenewatha pocotsiwa baxota jeye: ‘Bara Mesías ataya asɔ poponeiba’, jei baxota. ¿Eta xua metha pana netsipaebame xua pinae pon Nacom Peitapetsin bewa naetotha tɔpaena? ¿Jintam metha pon Nacom Peitapetsin? jei barapomonae.

<sup>35</sup> Nexata Jesús tsipaeba barapomonae xua nacaunuta, jeye:

—Saya caeto pana netaneme pon paca yaputane exainchi. Beta pajinompame tapaca yawenaexae tsainchi, icha paichim xua beta pajinompame poxonae xometo paca yawena xua beta pajinompame mataqueitha. Pana nejume cowunde poxonae cataunxuae po cae pin nacuathe poponanje. Matautano poxonae cataunxuae paca itacɔpa xua pata tanejume cowantsiwam. Jopa abe paexanaeinde xua poxoru poxonae jopa pata tanejume cowantsixaemxae. Tsipei bara jɔtiya ichi, poxonae jiwi abe exana be poxonae pomonae pona ichaxota quirei. Jopa beta ponaeyo tsipei jopa xeinaeyo pecoicha.

<sup>36</sup> Pana nejume cowunde poxonae cataunxuae po cae pin nacuathe poponanje. Bapoxonae paxam tajimonae pam tsane, jei Jesús.

Poxonae baxua Jesús najume weta, barapo jiwi weya natsixitaba yawa wepu aichurucuae.

*Meje yabara poxonae Jesús yabara paeba xua eta xua metha pinae Jesús jopa jume cowantichi judiomonae*

<sup>37</sup> Bequein Jesús matowa exana pia pexeinya petsita itatsi coyenewan barapomonae peitɔtha tatsi, daichitha pinmonae barapomonae jopa Jesús yabara jume cui cowantichi po coyene xua Jesús bara bapon Mesías pon Nacom itorobica.

<sup>38</sup> Baxua exana xua nayabara jume cui weta po coyene bayatha pon Nacom peitorobi jume pepaebin Isaías wɔnae tsiwanaya yabara jei:

“Pon jiwi Necanamataxeinaein barapomonae jopa jume cowantsiyo xua pacuiduban bequein barapomonae tane matowa poxonae paexanan Nacom pia peayapusɔwatha”, jei Isaías.

<sup>39</sup> Barapomonae jopa jume cowantsiyo, tsipei Isaías equeicha jei:

<sup>40</sup> “Nacom cana exana xua barapomonae jopa beta xapain naita cui coyene yaputaeyo. Matautano Nacom cana exana xua jopa pejume cowantsiwa pejantɔ coyene wetsina. Barapomonae be natsicotane peitata nacɔtsi jiwi, tsipei jopa beyaputaeyo, xua icha jantɔ coyene pexeinaewanexa.

Matautano jopa ichipaeyo xua peyabara jume cowantsiwa po coyene xua Nacom itacupatsi xua pejuntu coyene xanepana peexanaewa”, jei Isaías pejume diwesitha.

<sup>41</sup> Daxita baxuan Isaías paeba xua Jesús yabara paebatsi. Isaías caena bayatha tane poxona eca Mesías pia pexeinya pia peitupanae peecaewatha. Daxota Isaías yabara paeba, Mesías yabara paebatsi xua pocotsiwa bayatha petaexae.

<sup>42</sup> Bequein daxita judiomona Jesús jopa jume cowantichi, daichitha ichamona judiomona Jesús jume cowantatsi. Matautano ichamona judiomona xua pomona judiomona pia pentacaponawewi tatsi Jesús jume cowantatsi. Ichitha daxita barapomona jopa Jesús yabara paebichi jiwi peitutha tatsi tsipei fariseomona cunuwatsi. Tsipei icha barapomona Jesús yabara paebichipatsi, metha barapomona itawetsipatsi judiomona pia penacaetutsi bon tatsi weya, xua fariseomona itawetsipa.

<sup>43</sup> Tsipei barapo Jesús pia pejume cowantsiwichi pijunuwi daxota itapeta jume naitawata xua jiwi jei: “Jopa Jesús payabara paebinde”, jei jiwi. Barapomona pomona Jesús pejume cowantsiwichi baxua itapeta jume naitawata beyacaincha xua poxona bequein Nacom cui itoroba.

*Meje yabara xua po jume Jesús paeba barapo jumetha jiwi yabara paebinchi xua penatsicuentisiwa xua abe peexanaexae*

<sup>44</sup> Equeicha Jesús jume daunweya jeye: “Pon nejume cowanta meisa jopa nejume cowantsi tsane, jame Taxa jume cowantsinchino pon tana neitorobixae.

<sup>45</sup> Pomona xua neyaputane barapomona barichi Taxa yaputainchi.

<sup>46</sup> Xan pon yabara yaputane paca cana exainchi Nacom. Patopeican po cae pin nacuathe xua pomona tana nejume cowantsiwi jopa penantawenonaenexa xua pejinompaewa poxona jopa Nacom yabara yaputaetsi.

<sup>47</sup> Pon bequein jume tane tajume diwesi xuano xua icha bequein jopa exanaeyo tana nejume taewatha pocotsiwa itoroban, bapon jopa yabara paebin tsane xua penatsicuentisiwa xua abe peexanaexae Nacomtha. Tsipei apara jopa baxua tsipatopaeinyo xua tacoya barapocotsi jiwimona tayabara paebinxaxua penatsicuentisiwa xua abe peexanaexae Nacomtha. Jame apara tsipatopan xua jiwi u tacapanenebiyaenexa tsane.

<sup>48</sup> Pon jopa tsita ainya cuichi xua jopa tsita ainya cuinyo, xuano xua icha jopa jume cowantsiyo pocotsiwa paeban po jume aunxuae paeban, bapon barapo jumetha yabara paebinchi xua penatsicuentisiwa xua abe peexanaexae poxona po mataqueitha nacua weraweracaena.

<sup>49</sup> Tsipei xan jopa paebinyo pocotsiwa tacoutha taichichipaewa. Saya apara baxua daxita exanan pocotsiwa Taxa neitoroba pocotsiwa bewa paebin xuano xua pocotsiwa bewa jiwi cuidubin.

<sup>50</sup> Yaputan Taxa pia peitorobi coyenewa, barapo peitorobi coyenewa jiwi cana exainchi xua pexeinaewa peajuntu yapusawa, po peajuntu yapusawa ataya tsiteca. Daxota pocotsiwa paca tsipaebatsi apara xua Taxa bayatha tana neitorobixae”, jei Jesús.

## 13

*Meje yabara poxona Jesús pijimona taxu matawane meratha*

<sup>1</sup> Barapoxonaera bara barapo matakabi tsuxubi, po matakabi tsiwanaya mata carucua xua Pascua wan matakabin. Jesús yaputane xua bara nama imoxoyo bara po matakabi tatsoponaetsiba, po mataqueitha Jesús cuenta ponaena po cae pin nacue xua Paxa beicha peponaewa tsane. Jesús antobe tsaibi pia pejume cowantsiwichi pomona xua tajinompatsi po cae pin nacuathe. Nama imoxoyo Jesús exana xua pocotsiwa jiwi yaputane xua Jesús jopa juniya antobeyo pomona pia pejume cowantsiwichi.

<sup>2-4</sup> Judas, pon Simón Iscariote pexanto tatsi, bapon cui itorobatsi caurimonae pia pentacaponaein tatsi xua Jesús pecaenaetsinexatsi ichamonaetha. Jesús yaputane xua bayatha Paxa wetsica pona. Matautano xua equeicha Paxa beicha patopaena xuano xua Paxa catatsi daxita pia peayapusya itorobi coyenewa. Baxua bequein xeina, daichitha poxonae pijimonae baru eca pexaethopaewatha asiya uncuataba. Yawa paparuwa nama jonta, po paparuwa matha weruya. Yawa icha paparuwatha naepa cata.

<sup>5</sup> Bapoxonae Jesús mera epata corototha. Bapoxonae pijimonae taxu matawaepona meratha. Yawa paparuwatha taxu tsewa exana po paparuwatha naepa cata.

<sup>6</sup> Poxonae Jesús Simón Pedro muxu petaxu matawaetsi, Simón jeye:  
—Tanecanamataxeinaem, ¿eta pocotsiwa metha iru jinya netaxu matawaetsi? jei Simón Pedro.

<sup>7</sup> Jesús jume barai, jeye:  
—Xua baxue cata exanatsi anoxuae jopa yabara yaputaem. Ichitha bexa tsane baxua yabara yaputaename, jei Jesús.

<sup>8</sup> Ichitha equeicha Simón Pedro jume barai, jeye:  
—Bapana jopa netaxu matawaem tsane, jei Simón Pedro.  
Jesús jume barai, jeye:  
—Icha jopa cataxu matawaetsipaetsi meratha nexata jopa tajimonae jitom tsipaem, jei Jesús.

<sup>9</sup> Simón Pedro jume barai, jeye:  
—Tanecanamataxeinaem, meisa jopa netaxu matawaeinde, jame yawa necobe matawaema, yawa nentasipa matawaema, jei Simón Pedro.

<sup>10</sup> Jesús jume barai, jeye:  
—Pon xua anoxuae nowaexuba, bapon equeicha jopa nantawenonaeyo xua pia pepon matawaeinchi, saya jame meisa petaxu. Paxam pejuntu coyene xeicae jiwi pam, saya caein jiwana pam jopa daichiyo, jei Jesús.

<sup>11</sup> Jesús jeye: “Paxam pejuntu coyene xeicae jiwi pam, ichitha caein jiwana pam jopa daichiyo”, jei. Jesús baxua paeba tsipei yaputane xua caein jiwana pomonae Jesús pijimonae tatsi, bapon Jesús caenaetinchi.

<sup>12</sup> Poxonae Jesús nacobe weta xua pijimonae taxu matawane meratha equeicha paparuwa nama xatata po paparuwa copiya nama xuenaxuba. Bapoxonae equeicha econeca pexaethopaewatha. Yawa pijimonae barai, jeye:

—¿Bara payaputaneme xuaunxuae pacata exanatsi?

<sup>13</sup> Pana neyabara jam: ‘Pon Patatanecuidubin’, pana neyabara jam. Yawano pana neyabara jam: ‘Pon Patatanecanamataxeinaein’, pana neyabara jam. Bara xainyeya pana neyabara jam baxua, tsipei apara xan bapon.

<sup>14</sup> Icha xan painya Tapacacuidubinchi xuano xua painya Tapacacanamataxeinaeinchi xua paca taxu matawainchi meratha bewa paxam bara paichim tsane, bewa nantiya pana nataxu matawaem meratha.

<sup>15</sup> Baxua paca tsita exainchi xua painya bara paichinexam tsane ichaunxuae ichin.

<sup>16</sup> Xaniyan paca tsipaebatsi. Pon ba tanacuita bapon jopa ainya cuiyo. Jame bapon pia pentacaponaein tatsi yatsicaya ainya cui beyacaincha pon tanacuita. Pon ba itorobatsi jopa ainya cuiyo. Jame pon peitorobixae bapon ainya cui.

<sup>17</sup> Icha baxua payaputaneme yawa icha baxua paexanaenameno bapoxonae pejuntu coyene weiweinae jiwi pam tsane.

<sup>18</sup> “Apara jopa daxita paca yabara paebichi xua pejuntu coyene weiweinae jiwi pam tsane, tsipei caein jiwana pam jopa daichiyo. Xan paca juntu coyene yaputainchi tsipei tapaca itapetichi jiwichi pam. Ichitha nacui yabara jume wetsina be po coyeneya bayatha Nacom tsiwuna yabara paeba pejume diwesitha. Nacom jeye: ‘Pon baru xan,

pon itara mexeya tajiton, bapon equeicha caewa tana neaitafaetabi jiton naexana', jei Nacom Pejume Diwesitha.

<sup>19</sup> Baxua pewnaeya paca tsipaebatsi xua poxonae necana exanaena pon equeicha caewa tana neaitafaetabi jiton naexana. Bapoxonae painya yabara tana nejume cowantsinexam tsane xua xan bapon aparán xua ponxaein paca tsipaebatsi.

<sup>20</sup> Xaniyan paca tsipaebatsi. Po pebin matenta weyataya waba pontha pon itoroban barapo pebin barapara nententa weyataya waba. Barichi pon nententa weyataya waba barapara Nacom matenta weyataya wabatsi, pon tana neitorobixae", jei Jesús.

*Meje yabara poxonae Jesús jeye: "Judas necaenaetsina ichamonaetha", jei (Mt 26.20-25; Mr 14.17-21; Lc 22.21-23)*

<sup>21</sup> Poxonae baxua Jesús najume weta, bapoxonae bichocono anthathurewe tsanareca. Yawa najume naitapeinya xeinaeya, jeye:

—Xaniyan paca tsipaebatsi. Caein jiwana pam bapon necaenaetsina ichamonaetha, jei Jesús pijimonaetha.

<sup>22</sup> Nexata Jesús pijimonaetha tatsi naitabara taerucupa, nantiya najeye: "¿Jintam metha bepa Jesús caenaetichi?" najei. Ichitha barapomonaetha jopa yaputaeyo xua Jesús yabara jei pon.

<sup>23</sup> Caein Jesús pijimonaetha tatsi jiwana, pon bichocono Jesús antobe, bapon Jesús imoxoyo baru xunaeca, barapo pexaethopaewatha.

<sup>24</sup> Simón Pedro pecobetha moya jume itoroba jeye: "Jesús yainyabare: '¿Jintam yabara paebame?' jande", jei Simón Pedro xua jume itorobatsi pon Jesús imoxoyo caquita ecatsi.

<sup>25</sup> Bapoxonae Jesús imoxoyo caquita ecarenatsi equeicha. Jesús yainyabatsi, jeye:

—Tanecanamataxeinaem, ¿jintam cacaenaetsina? jei.

<sup>26</sup> Jesús jume nota, bapon jume notatsi, jeye:

—Pan paruwiyo tha atatsica exanaetsi. Pon catan barapo pan paruwiyo, bapon aparán pon necaenaetsina ichamonaetha, jei Jesús pontha pon peyainyabixatsi.

Poxonae Jesús pan paruwiyo atatsica exana, bapoxonae Jesús cata, Judas catatsi pon Simón Iscariote pexanto tatsi.

<sup>27</sup> Poxonae Judas barapo pan Jesús wecobe pitatsi, bapoxonae caena nainya Judas juntu coyene itorobatsi Satanás caurimonaetha pia pentacaponaein tatsi xua Jesús pecaenaetsiwa tsainchi. Bapoxonae Jesús jeye, Judas jeichichi:

—Xua pocotsiwa jinya anoxuae exanaetsi, moya exande nainya, jei Jesús.

<sup>28</sup> Daxita barapomonaetha pomonaetha Jesús pijimonaetha tatsi, pomonaetha pebaru xunaecaexae, jopa xapain yaputaeyo pocotsiwa Jesús itoroba, xua Judas itorobatsi.

<sup>29</sup> Tsipei bapon Judas paratixi doro capopona, daxota Jesús pijimonaetha tatsi nanta xeina xua mexeya itara Jesús itorobawejei xua pia tacomotichi pexaewa penabanaetha coyenewa nexa. Yawa nanta xeina xua mexeya itara Jesús itorobawejei xua Judas paratixi pecatsinexa peacopeibi jiwitha.

<sup>30</sup> Poxonae Judas Jesús wecobe pitatsi pan paruwiyo, bapoxonae Judas ponataba. Iruu bapoxonae quirei tsanaicharu.

*Meje yabara poxonae Jesús yabara cuiduba jiwi pena peitorobi coyenewa*

<sup>31</sup> Nexata poxonae Judas ponataba Jesús pijimonaetha barai, jeye:

—Imoxoyo nama paca tsita itatsinchi taayapusya itorobiya coyenewa xua xan aparán ponxaein Nacom Tananeitapetsin. Barichino paca tsita itatsinchi Nacom pia peayapusu itorobi coyenewa tatsi.

<sup>32</sup> Icha xan ponxaein Nacom Tananeitapetsin, icha paca tsita itatsi Nacom pia peayapusu itorobi coyenewa, nexata Nacom xuya nainya paca tsita itatsina taayapusu itorobi coyenewa xua xan aparán ponxaein Nacom Tananeitapetsin.



<sup>33</sup> Pomonae be tapexui tapaca canatsicotaewichi pam, bara nama saya caeto paca bar<sub>u</sub> poponaeinchi. Icha ichin xua caena bayatha xua judiomonae tsipaeban, bara paca jumichichi anoxuae: ‘Jopa paca itac<sub>u</sub>pa<sub>e</sub> tsane xua pana nepuna ponaename ichaxota taponae<sub>u</sub> tsane’, paca jeichi.

<sup>34</sup> Barapo pena itorobi coyenewe paca cuidubatsi, xua janje: ‘Nantiya pana naantobeinde, icha paca ichichi xua paca antobetsi. Bewa bara paichim tsane xua nantiya pana naantobem tsane’, jan.

<sup>35</sup> Icha paxam nantiya pana naantobem tsurubenanaebiyam tsane, daxita jiwi paca cui yaputaena xua paxam bara apara tana nejume cow<sub>u</sub>antsi jiwi pam, jei Jesús.

*Meje yabara poxonae Jesús namchi xua Pedro jei tsane: “Jopa dapon yaitaeinyo”, pinae yabara jei tsainchi Jesús*

*(Mt 26.31-35; Mr 14.27-31; Lc 22.31-34)*

<sup>36</sup> Simón Pedro Jesús yainyabatsi, Pedro jeye:

—Tanecanamataxeinaem, ¿jinya exota ponaetsi? jei Simón Pedro.

Jesús jume nota, jeye:

—Anoxuae jopa caitac<sub>u</sub>paeyo xua tana nepuna ponaewam ichaxota ponaein. Ichitha be<sub>x</sub>a tsane caitac<sub>u</sub>paena xua tana nepuna ponaewam ichaxota ponaein, jei Jesús.

<sup>37</sup> Nexata Simón Pedro jume barai, jeye:

—Tanecanamataxeinaem, ¿eta xua metha baxua paebame xua anoxuae jopa neitac<sub>u</sub>paeyo xua tacapuna ponaewatsi ichaxota poname? ¡Ichitha xan bara copatan xua jiwi tana nebexubinexa tacapuna ponaenexatsi! jei Pedro.

<sup>38</sup> Jesús jume barai, jeye:

—¿Bara xaniwaicha xua xam bara copatame xua jiwi necabexubinexa tana nepuna ponaenexam? Jume, apara xaniyan catsipaebatsi barapo merawithe acoibi po jumeyobebe neyabara jam tsane: ‘Jopa dapon yaitaeinyo’, neyabara jam tsane. Bapoxonae ir<sub>u</sub> wacara pebto fibina, jei Jesús.

## 14

*Meje yabara poxonae Jesús jeye: “Xan apara pon jiwi matacaponan Taxa beicha”, jei Jesús*

<sup>1</sup> Equeicha Jesús pijimonae barai, jeye: “Jopa yabara nant<sub>u</sub> exabinde ichawan. Pana neyabara jume cow<sub>u</sub>anteibare yawano Taxa payabara jume cow<sub>u</sub>anteibareno.

<sup>2</sup> Taxa pia nacua beicha bon nawita ichaxota jiwi pejinompaewa. Icha bon ajibi tsipae, metha bayatha jopa paca tsipaebichipaetsi, daxota apara paeban tsipei xainyan. Daxota paca tsiwanaeya pacata tutu w<sub>u</sub>naetinchi bara po bon.

<sup>3</sup> Poxonae wetan xua Taxa beicha taponae<sub>u</sub> xvano xua icha nacobe wetan xua bon paca tsiwanaeya tutu w<sub>u</sub>naetatsi, bapoxonae equeicha patopeicaein. Paca caponaeinchi ichaxoteicha xua tapoponaewa tsane.

<sup>4</sup> Paxam payaputaneme ichaxota ponaein. Daxota payaputanemeno po coyeneya xua painya nepatsiwa tsane baxota”, jei Jesús.

<sup>5</sup> Tomás jeye Jesustha:

—Patatanecanamataxeinaem, jopa payaputaeyo po nacua beya ichaxota ponaename. Tsipei baxua jopa payaputaeyo, daxota jopa pana neitac<sub>u</sub>paeyo xua pata ponaewa po nacua beya ichaxota xam ponaename, jei Tomás.

<sup>6</sup> Jesús jume nota, jeye:

—Xan apara pon jiwi tamatacaponaein Taxa beicha. Mata<sub>u</sub>tano xan pon xainyeya t<sub>u</sub>paebin. Mata<sub>u</sub>tano xan apara pon jiwi tacatsin peaj<sub>u</sub>nt<sub>u</sub>yap<sub>u</sub>s<sub>u</sub>wa, po peaj<sub>u</sub>nt<sub>u</sub>yap<sub>u</sub>s<sub>u</sub>wa ataya tsiteca. Saya meisa xan ba jiwi yawenan xua pepatsiwa Taxa beicha.

<sup>7</sup> Icha paxam pana neyaputaneme bara paichim Taxa payaputaneme. Daxota anox-uae nama Taxa payaputaneme yawano patanemeno tsipei paxam pana netaneme, jei Jesús.

<sup>8</sup> Nexata Felipe Jesús baraichichi, jeye:

—Patatanecanamataxeinaem, copare xua Axa pata tha taetsi. Bapoxonae juntema pata jinompaewa tsane, jei Felipe.

<sup>9</sup> Jesús Felipe jume notatsi. Jesús jeye:

—Felipe, bara bayatha cabar<sub>u</sub> popoinchiba. ¿Eta xua came jopa neyaputaem? Pon ba netane barichi apara bara Taxa tainchi. Daxota jopa benejam: ‘Copare painta pata tha Axa taetsi’, jopa bepana nejam.

<sup>10</sup> ¿Eta xua metha jopa jume cow<sub>u</sub>ntsim xua bara Taxa neyanta xua bara ir<sub>u</sub> Taxa yantand<sub>u</sub>? Daxita pocotsiwan paca tsipaebatsi apara jopa paebinyo pocotsiwa tacoutha ichichipan. Apara Taxa pon neyantsiya popona baxua apara exana pocotsiwa xua exanan.

<sup>11</sup> Pajume cow<sub>u</sub>nde xua Taxa neyanta popona, xua Taxa ir<sub>u</sub> yanta poponan xua daxota Taxa be caein panbe. Icha jopa paca itac<sub>u</sub>paeyo xua pana nejume cow<sub>u</sub>ntame pocotsiwa yabara paca tsipaebatsi Taxa, moya pana necui yabara jume cow<sub>u</sub>nde xua bayatha exanan pexeinya tatsita it<sub>u</sub>tsi coyenewan. Baxuan jiwi tsita it<sub>u</sub>ban xua bara xainyei xua Taxa neyanta popona xua daxota Taxa be caeinbe panbe.

<sup>12</sup> Xaniyan paca tsipaebatsi, pon nejume cow<sub>u</sub>nta, bapon ir<sub>u</sub> exanaena pocotsiwa exanan. Matautano equeicha ichawan mataropeicha exanaena pew<sub>u</sub>naewan beyacaincha xua pocotsiwa exanan. Tsipei xan ponaein Taxa beicha.

<sup>13</sup> Daxita pocotsiwan pana new<sub>u</sub>n caununaya w<sub>u</sub>came Taxa beicha, bara baxua exanaein, tapaca catsita it<sub>u</sub>tsinexatsi Taxa pia peyap<sub>u</sub>s<sub>u</sub> itorobi coyenewa tatsi.

<sup>14</sup> Bara pacata exanaeinchi poxonae pana new<sub>u</sub>n caununaya w<sub>u</sub>came Taxa beicha, jei Jesús.

*Meje yabara poxonae Jesús tsiw<sub>u</sub>naeya paeba xua bexa Nacom najumope t<sub>u</sub>nax<sub>u</sub> itorobina jiwitha*

<sup>15</sup> Equeicha Jesús barai pijimona, jeye: “Icha pana neantobem, moya paexande taitorobi coyenewan.

<sup>16</sup> Icha baxua paexanaename tha bapoxonae Taxa w<sub>u</sub>caetsi jan tsane: ‘Axa, ich<sub>u</sub>n itorobare xua barapomona peyawenaenexatsi’, jan tsane. Bapoxonae Taxa pacata itorobina pon ataya paca yantsiya poponeibina.

<sup>17</sup> Pon Nacom itorobina, apara bapon bara pia Pejumope t<sub>u</sub>nax<sub>u</sub> tatsi, po Pejumope t<sub>u</sub>nax<sub>u</sub> tatsi paca yaputane exana xua bara xainyei xua pocotsiwa Nacom yabara. Ichitha pomona jopa nejume cow<sub>u</sub>ntsiyo, barapomona jopa yaputaeyo Nacom pia Pejumope t<sub>u</sub>nax<sub>u</sub> tatsi. Daxota barapo Nacom pia Pejumope t<sub>u</sub>nax<sub>u</sub> tatsi jopa itac<sub>u</sub>paetsi xua barapomona peyantsiya jinompaewatsi. Daichitha payaputaename barapo Nacom pia Pejumope t<sub>u</sub>nax<sub>u</sub> tatsi tsipei pacata patopaena yawano ataya paca yantsiya poponaena”, jei Jesús.

<sup>18</sup> Equeicha Jesús barai pijimona, jeye: “Jopa paca punapentsi tsainchi. Equeicha caibe patopeicaein xua tapaca bar<sub>u</sub> poponaewatsi tsainchi.

<sup>19</sup> Bara caeto jiwi jopa netae tsane pomona jopa tana nejume cow<sub>u</sub>ntsiwi. Ichitha paxam pana netaename. Paxam equeicha as<sub>u</sub> pajinompaename tsipei xan equeicha as<sub>u</sub> poponaein.

<sup>20</sup> Barapo mataqueitha poxonae Nacom pia Pejumope t<sub>u</sub>nax<sub>u</sub> tatsi patopeicaena, payaputaename xua xan Taxa be caein pana naexananbe ir<sub>u</sub> xua paxam be caein pana necana exaname ir<sub>u</sub> xua xan be caein paca cana exanatsi.

<sup>21</sup> Pon yaputane taitorobi coyenewan xuano xua exana xua barapo taitorobi coyenewan paeba, bapon tsita itapeinya xeina jiwitha xua xaniwaicha bara neantobe. Taxa

antobe tsane bapon, pon neantobe. Xan barichin antobein tsane bapon. Matautano yaputane exanaein xua bara bapon baru poponan”, jei Jesús.

<sup>22</sup> Iru Judas pon seicaya ichandu, pon Judas Iscariote aibi, barapo Judas Jesús tsipae-batsi, Jesús jeichichi:

—Patatanecanamataxeinaem, ¿eta xua jinya meisa pana neyaputane exanaetsi xua bara pana nebaru jinompame xua jopa daichim pomonaetha pomonae jopa cajume cowantsiyo? jei Judas.

<sup>23</sup> Jesús Judas jume notatsi, jeye:

—Pon neantobe bapon exana pocotsiwa itoroban. Bapoxonae Taxa antobe tsane bapon. Xan iruru Taxa pon caein panxaeinbe papatopaeinbe bapontha pata yantsinexa bapon.

<sup>24</sup> Pon jopa neantobeyo, bapon jopa exanaeyo pocotsiwa itoroban. Po jume diwesi xuaunxuae pana nejume taneme apara jopa nata paebinyo. Apara baxua paeban tsipei Taxa nejume caitoroba pon tana neitorobixae, jei Jesús xua Judas tsipaebatsi.

<sup>25</sup> Equeicha Jesús pijimona barai, jeye: “Daxita baxuan paca tsipaebatsi poxonae cataunxuae paca baru popoinchi anoxuae.

<sup>26</sup> Inta paxam pacata Nacom najumope tñaxu itorobina. Barapo Nacom pia Pejumope tñaxu tatsi paca yawenaena. Matautano paca cuidubina xua pexainyeiwa xua Nacom yabara. Matautano barapo Nacom pia Pejumope tñaxu tatsi paca cana exanaena xua pana neyabara cananta xeinaename xua pocotsiwan bayatha daxita yabara paca tsipaebatsi.

<sup>27</sup> “Poxonae paca cuenta ponaeinchi jñntema jinompa paca cana exanaeinchi. Paca catinchi po coyene jñntema tapoponae coyenewa. Barapo jñntema tapoponae coyenewa jopa bara be jñta ichiyo xua jiwi barompaya jñntema pia pejinompae coyenewa tatsi. Jopa yabara pana najñntu exabinde ichawan. Matauta jopa junuwiya pajinom-paeinde.

<sup>28</sup> Bayatha pana nejume taneme xua ponaein jan xuano xua equeicha patopeicaein paxamtha xua paca baru poponaeinchi jan. Icha xaniwaicha pana neantobem tsipaem metha pajñntu coyene weiweinaetsipame xua taponae Taxa beicha. Tsipei Taxa bichocono ainya cui, beyacaincha xua xan poxonae cataunxuae poponan po cae pin nacuathe.

<sup>29</sup> Baxua paca tsipaebatsi xua tsiwñnae paeban painya tana nejume cowantsinexam tsane poxonae xaniwaicha baxua tsane.

<sup>30</sup> “Nama imoxoyo jopa neitacñpaeyo xua equeicha caeto tapaca tsipaebiwa tsainchi, tsipei nama imoxoyo patopaenaba pon jiwi jñntu coyene itorobeibatsi po jiwitha jopa tana nejume cowantsiwi. Ichitha bapon jopa xeinaeyo peayapusu itorobi coyenewa xua tana neitorobiwa tsane.

<sup>31</sup> Bewa exanaein pocotsiwa xua Taxa neitoroba, xua daxita jiwi peyaputaenexa xua apara bara xan ponxaein Taxa bichocono tana neantobein.

“¡Panonoba ponde! Weye poinchi”, jei Jesús pijimonaetha.

## 15

### *Meje yabara poxonae Jesús yabara paeba uva ñnboto xua pepa ñnboto*

<sup>1</sup> Equeicha Jesús jeye: “Icha pepa ñnboto ichi xua petabu opina wejujuina mene xua uva thei penacoichinexa, xan bara pocotsi jñta coyeneya cana ichin jiwi. Jiwi ajñntucoyeneyapusu cana exanan pomonae tana nejume cowantsi jiwi, icha uva pabi pexeinaein ichi xua yabaca xueta xua xanepanaya petaxuwiwa tsainchi. Taxa bara jñta coyeneya ichi. Taxa yawena pomonae tana nejume cowantsiwi, pomonae xanepanaya inta pejinompaewi.

<sup>2</sup> Uva pabi pexeinaein daxita ucuboba po maxɁranan xua jopa nacoichiyo. Bapoxonae daxita barapo pemaxɁranan po maxɁranan xua dubena xanepanaya nacoita beyacaincha xua copiya poxonae nacoita. Taxa barapocotsi jɁta coyeneya exana. Taxa itaweta pomonae bequein nejume cowɁnta ichitha jopa beta jinompaeyo xan nexa. Barichi pomonae bequein nejume cowɁnta ichitha saya tsiwiyo exana pocotsiwa itoroban, Taxa atene cana exana xua barapomonae atene, xua daxota barapomonae beta exanaena pocotsiwa itoroban.

<sup>3</sup> PajɁntɁ coyene wɁnaem painya tana nejume cowɁntsixaemxae xua bayatha po jume diwesi tapaca tsipaebixaetsi.

<sup>4</sup> Pana necayawa jinompeibare icha ichin xua ataya paca cayawa poponeibinchi. Uva Ɂnboto maxɁranawa ba poxonae iratha maxɁrana boca jopa ba pipatotha matono xuwouncuaeyo xua pethei perubenaenexa. Bara jɁta coyeneya paichim. Icha jopa pana necayawa jinompaem, jopa paxeinaem tsane xua po coyene pexeinya peajɁntɁyapusu coyenewa.

<sup>5</sup> “Icha pepa uva Ɂnboto ichi xua xeina pemaxɁranawan, bara jɁta coyeneya ichin. Xeinan pomonae tana nejume cowɁntsi jiwi pam. Pepa uva Ɂnboto nacoita exana nawita pethei pemaxɁranawantha tsipei poxoru pemaxɁranawan dubena pepa uva Ɂnbototha tsica. Bara jɁtiya ichi icha pana necayawa jinompame bapoxonae bichocono paca jɁntɁ coyene xanepana exanaeinchi. Daxota icha pana nepentsiya jinompame jopa paca itacɁpaetsipae xua paexaname pocotsiwa xua Nacom ichichipa.

<sup>6</sup> Pon jopa necayawa poponaeyo bapon Taxa itawetsina, icha xua uva pabi pexeinaein ichi. Bapon petɁpae maxɁranawan nota xua bayatha ucobobeba yawa bapoxonae isotototha bebeya petautsinexa.

<sup>7</sup> “Icha pana necayawa jinompaename yawa icha jopa pajɁntemainaem tsane pocotsiwa bayatha paca cuidubatsi, bapoxonae pocotsiwa pana newɁcaename bara baxua pacata exanaeinchi.

<sup>8</sup> Jiwi Taxa barɁ cui itura jinatsi poxonae paca tane xua betiya xanepanaya pajinom-pame painya neexanaexae pocotsiwa Taxa paca itoroba. Yawa Taxa barɁ cui itura jinatsi tsipei barapomonae paca cui yaputane xua paxam barapara pepa tamonae jiwi pam.

<sup>9</sup> Paca antobetsi icha Taxa ichi xua neantobe. Ataya payacuiya jinompare xua paxam po coyene xua pomonae tapana nejume cowɁntsi jiwi pam.

<sup>10</sup> Paexanaponde pocotsiwa paca itorobatsi, bapoxonae bichocono tsitecaeya paca antobe tsoponae tsainchi, icha xan ichin xua poxonae exanan pocotsiwa Taxa neitoroba xua daxota ataya tsitecaeya neantobe tsoponae.

<sup>11</sup> “Baxuan paca tsipaebatsi xua paca jɁntɁ coyene xanepana exanaeinchi xua bapoxonae bichocono pajɁntɁ coyene weiweinaename.

<sup>12</sup> Barapo taitorobi coyenewa baxue xua janje: ‘Nantiya paxam pana naantobeinde, icha paca ichichi xua paca antobetsi’, jan.

<sup>13</sup> Yabara paca tsipaebatsi po peantobewa bichocono ainya cui beyacaincha icha peantobewa. Barapocotsi peantobewa xeina pebin poxonae peantobexae pia jiton yaitataba xua pebexubinexatsi xua pia jiton tatsi jopa bepetabexubiwa tsainchi.

<sup>14</sup> Paxam apara tajiwiwimonae pam, icha paexanaponaename pocotsiwa xua tapaca itorobiwatsi.

<sup>15</sup> Anoxuae jopa bepaca caunutichi xua paxam pomonae inta amanaya penacuichiwi pam. Nama po cae pin nacuathe pomonae petanacuichiwi jopa yabara yaputaeyo pocotsiwa exana pomonae pia pecanamataxeinaewichi tsipei jopa baxua yabara pae-biyo. Ichitha paca caunutatsi xua paxam apara tajiwiwimonae pam, tsipei nama xan paca cana exainchi xua payabara yaputaneme daxita pocotsiwan xuan Taxa necui itoroba.

<sup>16</sup> Apari jopa pana neitapetsim. Jame apara paca itapetatsi. Paca cui itorobatsi xua xanepanaya painya neexanaewa pocotsiwa Taxa paca itoroba. Ichichipan xua

jopa peweraweracaewa tsane pocotsiwan painta exanaename. Bapoxonae Taxa bara pacata exanaena poxonae Taxa beicha pawɥcame poxonae pana nebɥxɥna bobenouname.

<sup>17</sup> Daxota equeicha paca jeichi: ‘Paxam nantiya pana naantobeinde’, jan”, jei Jesús pijimonaetha.

*Meje yabara poxonae Jesús jeye: “Jiwi necaseba, irɥ paca caseba”, jei Jesús*

<sup>18</sup> Equeicha Jesús jeye: “Pomonae jopa nejume cowɥntsiyo icha barapomonae paca caseba pananta xeinare xua barapomonae copiya necaseba daxota paca casebarɥ.

<sup>19</sup> Icha paxam pomonae jopa pata tana nejume cowɥntsiwi jiwana pam tsipaem, bapoxonae pomonae necaseba paca antobe tsipae icha ichi xua barompaya antobe pijimonaem. Pomonae xote jinompe, pomonae jopa tana nejume cowɥntsiwi, barapomonae pexantha tatsi paca itapetatsi daxota barapomonae paca caseba. Tsipei anoxuae paxam jopa barapomonae jiwana pam.

<sup>20</sup> Pana nejume cayabara nanta xeinare xua bayatha paca tsipaebatsi xua janje: ‘Pon ba tanacuita ichɥn, bapon jopa ainya cuiyo, jame pia pentacaponaein tatsi ainya cui pon peitorobixaetsi’, paca jeichi. Tsipei jiwi inta abe exana daxota irɥ pacata abe exana. Jiwi jopa jume cowɥntsiyo tacuidubiwa. Barichi jopa jume cowɥntsiyo painya necuidubiwa.

<sup>21</sup> Daxita baxuan jiwi paca cana exanaena xua painya neexanaexae pocotsiwa paca itorobatsi tsipei jopa yaputaetsi pon neitoroba pon Taxaxae.

<sup>22</sup> “Icha jopa patopaeinchipae po cae pin nacuathe, xuano xua icha jopa cuidubinchipae barapomonaetha, barapomonae jopa natsicuentcipae xua abe peexanaexae tsipei jopa yaputaetsipae xua abe exana. Ichitha anoxuae jopa itacɥpaetsi xua pejeiwa: ‘Jopa payaputaeyino xua abe paexanan’, xua pejeiwa, tsipei patopan yawa cuiduban barapomonae.

<sup>23</sup> Pomonae xua necaseba, barapomonae irɥ Taxa casebatsi.

<sup>24</sup> Barapomonae tane xua xan exanan pocotsiwa ichɥn jopa itacɥpaetsi xua peexanaewa. Icha barapomonae jopa bayatha necui taetsipae xua exanan jopa natsicuentcipae xua abe peexanaexae jopa peyaputaexae tsipae xua abe exana. Ichitha barapomonae bara xaniwaicha necui tane xua exanan. Mataɥtano yaputane xua abe exana. Daxota barapomonae necaseba irɥ daxota Taxa casebatsi.

<sup>25</sup> Ichitha baxua bewa neyabara jume cui wetsina tsipei Moisés pia peitorobi coyenewatha neyabara tsiwɥnaeya jeye: ‘Barapomonae necaseba poxoru saya apatsi’, jei barapo Moisés pia peitorobi coyenewatha.

<sup>26</sup> “Itorobin Nacom pia Pejumope tɥnaxɥ tatsi xua po pejumope tɥnaxɥ Taxa werena pona, po pejumope tɥnaxɥ paca yawenaena po pejumope xainyeya pepaebin. Barapo pejumope tɥnaxɥ neyabara paebina poxonae bapon patopeicaena.

<sup>27</sup> Paxam bara paichim tsane ichamonaetha pana neyabara paebiname. Tsipei poxonae aena tamropata pitaban tanacuichiwa barapo cae pin nacuathe, bapoxonae caena bayatha pana nebarɥ jinompame”, jei Jesús pijimonaetha.

## 16

<sup>1</sup> Equeicha Jesús barai pijimonaem, jeye: “Baxua paca tsipaebatsi xua jopa painya nebarapentsiwa tsane xua tapana nejume cowɥntsiwam poxonae jiwi abe pacata exanaena.

<sup>2</sup> Paca itawetsina judiomonaem pia penacaetutsi bon weya. Po mataqueitha poxonae jiwi paca jutebina, barapo jiwi catsawiya nanta xeinaena xua Nacom pecui itorobixae xua daxota painya paca necajutebiwa tsane.

<sup>3</sup> Barapo jiwi baxua pacata exanaena, tsipei jopa neyaputaeyo mataɥta Taxa tsipei jopa yaputaetsi.



<sup>4</sup> Baraxua paca tsipaebatsi xua painya tana necayabara jume cananta xeinaewam tsane poxonae barapo matacabi tsane poxonae po mataqueitha jiwi abe pacata exanaena.

*Meje yabara po coyene xua Nacom pia Pejumope t̃nax̃ tatsi exana*

“Poxonae aena tamropata pitaban tanacuichiwa baraxua jopa paca tsipaebichi tsipei paca bar̃ popoinchi.

<sup>5</sup> Ichitha nama anoxuae baxua paca tsipaebatsi tsipei ponaein, xua Taxa beicha taecaewa tsane pon tana neitorobixae. Dapon aibi paxam jiwana pam pon neyainyaba xua nejei: ‘¿Eta xota ponaename?’ pon nejei, tsipei daxita pam bara pana neyaputaneme xua xota taponaeawa.

<sup>6</sup> Nama anoxuae bichocono panth̃th̃ wecoyam tapaca tsipaebixaetsi baxua.

<sup>7</sup> Ichitha bara yatsicaya xainyeya paca tsipaebatsi. Baxua pacata w̃nae xua taponaeawa tsipei icha jopa ponaeinchipae, jopa neitac̃paetsipae xua taitorobiwa Nacom pia Pejumope t̃nax̃ tatsi xua painya nepaca cayawenaenexa. Icha ponaein barapo jumope pacata itorobinchi.

<sup>8</sup> Poxonae Nacom pia Pejumope t̃nax̃ tatsi patopeicaena, jiwi yabara yaputane cana exanaeinchi pocotsiwa daxita jiwi abe peexanae cuiru coyenein exana. Matautano barapo Nacom pia Pejumope t̃nax̃ tatsi jiwi yaputane cana exanaeinchi xua xan saya xanepanaya Nacom tayabara paebin. Matautano barapo Nacom pia Pejumope t̃nax̃ tatsi jiwi yaputane cana exanaeinchi xua po coyene poxonae Nacom exanaena xua Nacom yabara paebina daxita jiwi xua penatsicuentsiwa xua abe peexanaexae.

<sup>9</sup> Poxonae barapomonaе abe peexanae cuiru coyene exana baxua tsita itapeinya xeina xua barapomonaе jopa tana nejume cow̃ntsiwi.

<sup>10</sup> Matautano jiwi yaputane cana exanaeinchi xua xan saya xanepanaya Nacom tayabara paebin, tsipei Taxa beicha ponaein yawa paxam jopa equeicha pana netaem tsane.

<sup>11</sup> Matauta barapo Nacom pia Pejumope t̃nax̃ tatsi jiwi yaputane cana exanaeinchi xua po coyene poxonae Nacom exanaena xua Nacom yabara paebina daxita jiwi xua penatsicuentsiwa xua abe peexanaexae. Tsipei caena bayatha bapocotsiwa exana caurimonaе pia pentacaponaeintha, pon jiwi j̃nt̃ coyene itorobatsi barapo cae pin nacuathe xua abe peexanaenexa. Matautano Nacom bapontha cana exanaena xua bexa bapon weraweracaena.

<sup>12</sup> “Ichawa bequein xeinan xua tapaca tsipaebiwatsi ichitha anoxuae jopa paca itac̃paeyo xua painya neyaputaewa tsipei jopa paca coyene c̃paeyo.

<sup>13</sup> Poxonae patopeicaena Nacom pia Pejumope t̃nax̃ tatsi, barapo pejumope t̃nax̃ paca tsipaebina daxita xua xuan pocotsiwa pexainyeiwa tsipei apara jopa paebi tsane xua pia coutha peichichipaewa. Saya paebina xua Nacom bayatha jume tainchi. Matautano barapo pejumope t̃nax̃ yabara yaputane paca cana exanaena pocotsiwa bexa tsane exanaena po cae pin nacuathe tsique.

<sup>14</sup> Barapo Pejumope t̃nax̃ jiwi cana exanaeinchi xua jiwi w̃nae tana nejainchiwa tsane. Pocotsiwa xua paca tsipaebatsi, barapo pejumope t̃nax̃ xuya yaputane paca exanaena.

<sup>15</sup> Daxita xua Taxa pocotsiwa xeina ir̃ apara xan tawa. Daxota paca jeiche: ‘Pocotsiwa tacuidubi coyenewa, barapo coyenewa barapo pejumope t̃nax̃ xuya equeicha paca cuidubina’, paca jeichi.

<sup>16</sup> “Caeto tsane jopa pana netaem tsane. Ichitha bexa tsane bapoxonae equeicha pana netaename. Bapoxonaе pirapaeyo Taxa beicha ponaein”, jei Jesús pijimonaetha.

*Meje yabara poxonae Jesús jeye: “Bequein copiya pawecoyam tsane ichitha bexa equeicha paj̃nt̃ coyene weiweinaename”, jei Jesús*

<sup>17</sup> Bapoxonaе ichamonae pomonaе Jesús pijimonaе tatsi caemonae nayainyaba, najei:

—¿Eta xua bapon naca tsipaebara? ¿Eta xua metha naca jei: ‘Caeto tsane jopa pana netaem tsane. Ichitha bexa tsane, bapoxonae equeicha pana netaename. Bapoxonae pirapaeyo Taxa beicha ponaein’, naca jei?

<sup>18</sup> ¿Eta xua metha ‘caeto tsane’, jane? Jopa baxua yaputaetsi, najei.

<sup>19</sup> Jesús pijimonae yaputane xua pijimonae juntucuru yainyabatsi. Daxota pijimonae barai, jeye:

—Xuaunxuae paca jeichi: ‘Caeto tsane jopa pana netaem tsane. Ichitha bexa tsane bapoxonae equeicha pana netaename’, jan ¿baxua apara pana necayabara jume yainyabame?

<sup>20</sup> Xaniyan paca tsipaebatsi. Tacoutha paxam pawecoyam tsane yawano paanthatharewem tsane poxonae iruru juntu coyene weiweinaena pomonae jopa tana nejume cowantsi jiwí. Bequein caeto pawecoyam tsane ichitha equeicha pajuntu coyene weiweinaename.

<sup>21</sup> Poxonae yabuyo bapana taecatsi pexuyo, poxonae imoxoyo naexanaena pexuyo, bapowa bichocono wecoyei. Ichitha poxonae bayatha pexuyo naexana, bapoxonae bapowa nacayabara junteina xua bayatha yaporowa papai xua peatenexae. Daxota bapowa juntu coyene weiweina pexuyo bayatha penaexanaexae.

<sup>22</sup> Bara juta coyeneya paichim tsane. Poxonae tupaen xua taponae tsane, bequein pawecoyam tsane, ichitha panetaename poxonae asun tsane xua ponaein Taxa beicha. Yawa bapoxonae pajuntu coyene weiweinaename. Dapon aibi pon barapo juntu weiweinae coyenewa paca juntu coyene wejunteina cana exanaena.

<sup>23</sup> “Barapo mataqueitha, po mataqueitha Taxa beicha ponaein, equeicha bara nama jopa painya tana neyainyabiwam tsane. Saya meisa poxonae Taxa beicha pana newun caununaya wucaename, bara baxua daxita pacata exanaena. Baxuan pocotsiwa paca tsipaebatsi bara xainyan.

<sup>24</sup> Caena bayatha xua beya anoxuae jopa pana newun caununaya wucaem Taxa beicha. Anoxuae nama pana newun caununaya wucaename Taxa beicha. Bara baxua pacata exanaena xua bichocono yatsicaya painya nejuntu coyene weiweinaewa tsane”, jei Jesús pijimonaetha.

*Mejeyabara poxonae Jesús jeye: “Xan amanayabaxubin pon jiwí juntu coyene itorobatsi po cae pin nacuathe”, jei Jesús*

<sup>25</sup> Equeicha Jesús barai pijimonae, jeye: “Pocotsiwan xua bayatha paca tsipaebatsi, bara paeban pecayabara juta pepaebi diwesixitha. Ichitha barapo matacabi patopaena, po mataqueitha jopa paca tsipaebi tsainchi pecayabara juta pepaebi diwesixitha. Barapo mataqueitha bara Nacom yabara jume penhiya paca tsipaebinchi.

<sup>26</sup> Barapo mataqueitha pana newun caununaya wucaename Taxa beicha. Jopa paca tsipaebichi xua Taxatha tapacata wucaewa tsainchi tsipei apara bara painya coya paca itacupa.

<sup>27</sup> Taxa paca antobe pata tana neantobemxaem yawa pata tana nejume yabara cowantsixaemxae xua xan bara yatsicaya Taxa wetsica ponan.

<sup>28</sup> Taxa pia xainya wetsica ponan xua tapatopaewa tsane po cae pin nacuathe tsique. Ichitha anoxuae barapo cae pin nacue cuenta ponan xua equeicha Taxa beicha taponae tsane”, jei Jesús pijimonaetha.

<sup>29</sup> Nexata Jesús pijimonaexae baraichichi, jeye:

—Anoxuae bara yatsicaya jume penhiya pana netsipaebame. Jopa paebim pecayabara juta pepaebi diwesixitha.

<sup>30</sup> Anoxuae payaputan po coyene xua bara daxita neyaputaewan. Matautano payaputan xua jopa pata nantawenonaewa xua paxan pata paca cayainyabiwatsi. Daxota pajume cowantan xua xam bara yatsicaewa Nacom wetsica neponaein, jeichichi Jesús pijimonae.

<sup>31</sup> Jesús jume barai pijimonaе, jeye:

—¡Anoxuae matapainya pana nejume cowantame! jei Jesús.

<sup>32</sup> Bara nama imoxoyo matabi patopa, po mataqueitha tsana parucupaename poxonaе jiwi paca yotabina. Paxam pana necuentarucupaename. Daichitha xan jopa companyo tsane tsipei Taxa neyanta bayatha.

<sup>33</sup> Daxita baxuan paca tsipaebatsi painya nejantа coyene weiweinaenexam tsane tapana necayawa jinompaexaem tsane. Poxonaе cataunxuae pajinompaename po cae pin nacuathe jiwi paca atene exanaena poxonaе abe paca cana exanaena. Daichitha jantema pajinompare. Tsipei xan amanayabaxubin pon jiwi jantа coyene itorobatsi po cae pin nacuathe, jei Jesús pijimonaetha.

## 17

### *Meje yabara poxonaе Jesús pijimonaе tawuca Paxatha*

<sup>1</sup> Poxonaе Jesús baxua najume weta xua pijimonaе tsipaeba, bapoxonaе Jesús itaboco necoicha. Paxatha tsipaeba jeye: “Axa, aunxuae patopaena xua poxonaе jiwi tsita itatsiname xua xan, apara bara Nexanton, pon taainya cuin. Bapoxonaе jiwi tsita itatsin xua xam jinya neainya cuim.

<sup>2</sup> Xam, Nexantonxaein, daxita jinya neitorobi coyenewa necatame xua taitorobinexa tsane jiwi. Daxita po jiwi necatame, po jiwi tana nejume cowantsiwi, barapo jiwi catsin peajantayapusawa, po peajantayapusawa ataya tsiteca.

<sup>3</sup> Axa, yatsicaya compam xam Nacom, irа xan Jesucriston compan ponxaein neitorobame po cae pin nacuathe tsique. Pomonaе nejume cowanta irа xuano cajume cowantano, barapomonaе xeinaena peajantayapusawa, po peajantayapusawa ataya tsiteca.

<sup>4</sup> “Po cae pin nacuathe exanan xua jiwi wнаe necajainchiwa. Bayatha wetan xua bayatha necui itorobame xua taexanaewa tsane.

<sup>5</sup> Axa, anoxuae equeicha ainya cui neexande neitabaratha, icha matha neichim poxonaе caena bayatha ainya cui neexaname neitabaratha poxonaе nexantha poponan poxonaе cataunxuae po cae pin nacue jopa forotsinyo.

<sup>6</sup> “Pomonaе bayatha itapetame, pomonaе nejume cowanta, barapomonaе yabara cuiduban xua xam cayabara paebatsi. Barapomonaе bara jinyamonaе yawa nepuna pona exaname. Barapomonaе bara xanepanaya exana xua pocotsiwa itorobame.

<sup>7</sup> Pocotsiwan xua xan paeban xuano xua exanan, daxita baxuan exanan tana necatsimxae jinya pexeinya ayapusа itorobi coyenewa. Anoxuae daxita baxuan barapomonaе yaputane.

<sup>8</sup> Pocotsiwan necuidubame xuya barapomonaе cuiduban. Daxita baxuan barapomonaе yabara nejume jejei. Barapomonaе yaputane xua xan bara yatsicaya xam wetsica ponan. Mataantano yaputaneno xua xam tana neitorobiwam.

<sup>9</sup> “Cawucaetsi barapomonaе nexa xua neyawenaewa tsane barapomonaе. Apara jopa yabara cawucaetsi pomonaе jopa nejume cowantsiyo xua neyawenaewa tsane. Saya jame yabara cawucaetsi pomonaе tana necatsixaemxae pomonaе jinyamonaexae.

<sup>10</sup> Daxita pomonaе xua jinyamonaе apara tamonaerа. Daxita irа pomonaе xua tamonaе, apara jinyamonaerа. Ichamonaе wнаeya necayabara nanta xeina xua xan ainya cuin tsipei xanepanaya jinompa, pomonaе tana nejume cowantsi jiwi.

<sup>11</sup> “Xan jopa poponaеin tsane po cae pin nacuathe tsipei ponaein nexainya beicha xua tapoponaenexa nexantheicha. Nama barapomonaе jopa daichiyo, saya po cae pin nacuathe dubenanaebiyaena. Axa, xam ponxaein bichocono nejantа coyene xanepanaein tsaibim. Pomonaе bayatha tana necatsixaemxae barapomonaе bebere jinya neayapusа neitorobi coyenewatha xua barapomonaе jopa pejantа coyene cui itorobinexa tsainchi xua abe peexanaewa tsane xua caurimonaе pia pentacaponaеin

tatsi jũntũ coyene cui itoroba. Bapoxonae barapomonae be caein cana naexanaeinchibe waantobexaebe barapomonae icha ichichibe xua be caein naexainchibe.

<sup>12</sup> Poxonae cataunxuae poponan po cae pin nacuathe, apara xan bebeteiban barapomonae jinya neayapusũ neitorobi coyenewatha pomonae tana necatsixaemxae. Barapo tamonaexae beta bebetan yawa jopa copatsinyo xua ichũn tana newepu aichurucuaewa, saya meisa caein nexubina barapomonae jiwana. Daxota bapon bewa tũpaena tsipei bichocono peajũntũcoyenyapubein. Bapon abe exana tsipei caena bayatha nejume diwesitha bapon yabara paebatsi po coyeneya xua bapon tana necana exanaewa tsane.

<sup>13</sup> “Anoxuae xan ponan nexainya beicha ichaxoteicha ecame. Ichitha daxita baxuan paeban poxonae cataunxuae po cae pin nacuathe poponanje xua barapomonae bichocono pejũntũ coyene weiweinaenexa, po pejũntũ coyene weiweinaewa bayatha xeinan.

<sup>14</sup> Nejume diwesi catan barapo tamona. Ichitha barapo tamona inta casebatsi ichamonae tsipei barapo jiwi po cae pin nacuathepiwi. Barapo tamona nama po cae pin nacuathepiwi aibi, icha ichin xua xan po cae pin nacuathepin aibin.

<sup>15</sup> Apra jopa cawũcaetsi xua barapo tamona nenotsinexa po cae pin nacue weye. Saya apra cawũcatsi xua barapomonae nebebetsinexa caurimonae pia pentacaponaein tatsi pecuiyainwa.

<sup>16</sup> Icha xan ichin xua po cae pin nacuathepin aibin, barichi barapo tamona jopa barapo cae pin nacuathepiwiyo.

<sup>17</sup> Nejume diwesi, apra po diwesi nexainyei diwesi jume. Poxonae barapo tamona jume tane baxua barapomonae catame xua pejũntũ coyene weiweinaewa xua peexanaewa tsane pocotsiwa ichichipame.

<sup>18</sup> Icha neichim xua neitorobame pomonaetha pomona jopa jume cowũntsiyo, barichin pomona tana nejume cowũntsiwi itoroban pomonaetha pomona jopa tana nejume cowũntsiwi.

<sup>19</sup> Najũntũ coyene catan nexainya beya tha xua exanaetsi pocotsiwa ichichipame. Baxua exanan tsipei antobein tamona. Exande xua barapomonae irũ penajũntũ coyene catsinexa nexainya beya xua pia peexanaewa tsane pocotsiwa ichichipame. Baxua peexanaenexa tsane pexeinaexae nejume diwesi, po diwesi nexainyei jume diwesi.

<sup>20</sup> “Jopa meisa cawũcaetsi barapo tamona nexa, apra yawano irũ yabara cawũcatsi pomona bexa nejume cowũntsina poxonae jume taena tajume diwesi xua poxonae pepaebixae tsane barapo tamona.

<sup>21</sup> Cawũcatsi xua barapomonae be caein penaexanaenexa xuano xua cae penanta xeinaeya nacana barũ cayawa nanta xeinaenexa tsainchibe. Baxua exanatsibe barapomonaetha icha neichim xua neyantame xuano xua xam cayantatsirũ. Poxonae barapomonae be caein nacayawa naexana ponaeinchibe, bapoxonae ichamonae yabara jume cowũntsina xua xam bara yatsicaya tana neitorobiwam.

<sup>22</sup> Barapo tamona peainya cui coyenewa catan, po peainya cui coyenewa xam necatame xua barapomonae be caein penaexanaenexa icha ichichibe xua bara caein naexanatsibe.

<sup>23</sup> Xan tamona yantan irũ xam neyantame, tsipei daxitatsi be caein naexainchi daxota barapomonae yatsicaya bara be caein naexana. Bapoxonae daxita jiwi cui yaputaena xua xam bara yatsicaya tana neitorobiwam. Matautano barapo jiwi cui yaputaena xua tamona antobem icha ichim xua neantobem.

<sup>24</sup> “Axa, necatame barapo tana nejume cowũntsiwi. Ichipan xua barapomonae pomona tana nejume cowũntsiwi ponaena ichaxoteicha taponawa tsane xuano xua pia petaenexa tsane taainya cui coyenewa xua necatame. Tsipei caena bayatha neantobem poxonae cataunxuae jopa forotsiyo po cae pin nacue.

<sup>25</sup> Axa, pon bichocono nejant̃a coyene xanepanaem. Pomonae jopa tana ne-jume cowantsiwi jopa pepa jinyamonaeyo tsipei jopa cayaitaeyo. Ichitha xam bara cayaitainchi. Pomonae tamona, pomonae tana nejume cowantsiwi barapomonae neyabara yaputane xua xam tana neitorobiwam.

<sup>26</sup> Barapomonae pomonae tana nejume cowantsiwi yabara yaputane exanan xua xam cayabara paebatsi. Ab̃a cataunxuae awiya baxua exanaein xua jinya necaanto-benexa tsane icha neichim xua neantobem. Matautano barapomonae ataya yaitata poponeibin”, jei Jesús poxonae Paxa tsipaeba.

## 18

### *Meje yabara poxonae Jesús waetabatsi (Mt 26.47-56; Mr 14.43-50; Lc 22.47-53)*

<sup>1</sup> Poxonae Jesús najume weta xua poxonae Paxa tsipaeba, bapoxonae pomonae Jesús pijimonaexae tatsi Jesús bar̃a pona. Jesús bar̃a pona foto iya icha muxunene beya, po foto cataunxuae ira tsewa. Barapo foto pew̃n Cedrón. Barapo icha muxunene beya umena xua ponaein pẽbi naein, baxota Jesús pijimona bar̃a patopa.

<sup>2</sup> Judas, pon Jesús caenaetatsi, bapon yaputane barapo momiyó tsipei baxota matha matowa Jesús pijimona bar̃a nacaetuteiba.

<sup>3</sup> Judas patopa ichaxota Jesús pijimona bar̃a uncua. Judas bar̃a pona soldadomonae ir̃ano policiamonae, po policiamonae pomonae Nacom pin pia bo peyabara umenaewi. Daxita barapomonae, pomonae Judas bar̃a patopa fariseomonae itoroba ir̃a sacerdote-monae pia pentacaponae tatsi itorobar̃a. Daxita barapomonae cusin capona. Ir̃a ichamonae lámpan capata ir̃a ichamonae banaxuton capata.

<sup>4</sup> Bequein Jesús tsiwana yaputane barapomonae xua po coyene pecana exanaewa tsainchi, ichitha Jesús itataya yawa yainyaba, jeye:

—¿Jintam pawenawenam? jei Jesús.

<sup>5</sup> Daxita barapomonae Jesús jume notatsi, jeye:

—Apara Jesús Nazaret tomarapin pawenawenan tsompae, jei.

Jesús jume nota, jeye:

—Apara bara bapon uncuanje, jei Jesús.

Ir̃a Judas, pon Jesús caenaetatsi, baxota nauncuar̃a.

<sup>6</sup> Poxonae Jesús, jeye: “Apara, bara bapon uncuanje”, jei, bapoxonae barapomonae pẽma iyiya caibeya yawa xuirabathopa.

<sup>7</sup> Equeicha Jesús yainyaba, jeye:

—¿Jintam pawenawenam tsompae? jei.

Equeicha barapomonae, jeye:

—Apara, Jesús Nazaret tomarapin pawenawenan tsompae, jei barapomonae.

<sup>8</sup> Nexata Jesús barai, jeye:

—Bayatha paca tsipaebatsiba: ‘Apara bara bapon uncuanje’, jan. Icha pana newenawenam bara tamona inta painta pu copabare, jei Jesús.

<sup>9</sup> Baxua exana tsipei caena bayatha Jesús jeye Paxatha: “Axa, barapo tamonaexae beta bebetan yawa jopa copatsinyo xua ich̃an tana newepu aichurucuaewa”, jei Jesús.

<sup>10</sup> Bapoxonae Simón Pedro namara wejonta pia wato cusi. Simón Pedro muxuyoro catsoniba pon pew̃n Malco, po muxuyoroto pecoxa werucuiya. Bapon Malco pon sacerdotemonae pia pepa pentacaponaein tatsi tanacuitatsi.

<sup>11</sup> Jesús Pedro baraichi, jeye:

—Cusi jeinca pentacuerutha. ¿Eta pocotsiwa daxua daichim? ¿Xam ichipame xua jopa taexanaewa tsane pocotsiwa caena bayatha Taxa neitoroba xua bara bewa jiwi atene tana necana exanaewa? jei Jesús.



*Meje yabara poxonae Jesús uncuá Anás peitabaratha tatsi*

*(Mt 26.57-58; Mr 14.53-54; Lc 22.54)*

<sup>12</sup> Bapoxonae soldadomonae iru soldadomonae pia pentacaponaein tatsi iruru policiamonae, po policiamonae pomonae Nacom pin pia bo peyabara umenaewi, daxita barapomonae Jesús waetabatsi yawa maxu cubatsi.

<sup>13</sup> Bapoxonae Jesús capoinchi Anás pia bo tatsi beya. Bapon Anás Caifás paxuyo tatsi. Bapon Caifás barapo weitharu sacerdotemonae pia pepa pentacaponaein tatsi naexana.

<sup>14</sup> Barapon Caifás, pon caena bayatha jei judiomonaetha: “Metha wuna xua bara caein piamonae yaitatsina pebexubinexatsi xua daxita piamonae tatsi jopa petajutebinexatsi”, jei Caifás xua bayatha paeba.

*Meje yabara poxonae Pedro Jesús yabara paebatsi xua jeye: “Jopa dapon yaitaeinyo”, yabara jeichichi Jesús*

*(Mt 26.69-70; Mr 14.66-68; Lc 22.55-57)*

<sup>15</sup> Simón Pedro iru ichun ponxaeru Jesús pijimonae tatsi jiwana Jesthath napuna ponabe poxonae policiamonae Jesús capoinchi sacerdotemonae pia pepa pentacaponaein tatsi pia botha tatsi. Barapon pon ichun bapon yaitainchi xua sacerdotemonae pia pepa pentacaponaein tatsi yaitane. Daxota bapon sacerdotemonae pia pepa pentacaponaein tatsi pia pin pia bo panatha tatsi Jesús puna jonyatsi.

<sup>16</sup> Nama Pedro aisowatha uncuá peboupa juma werena. Daxota bapon pon ichun pana weya pona peboupa beya xua yabayo petsipaebinexatsi powayo yapu eeneiba peboupa. Bapon jeye: “Inta Pedro pu itorobarena xua bara jondenaena”, jei. Tsipei barapo sacerdotemonae pia pentacaponaein tatsi bapon yaitainchi daxota barapowa Pedro bara copatatsi xua bara jondenaena.

<sup>17</sup> Nexata poxonae Pedro jondena, bapowa Pedro yainyabatsi, jeichichi:

—¿Bara xam, Jesús pijimonae tatsi caein jiwanamda? jeichichi Pedro.

Pedro jume nota, jeye:

—Jume, apara xan dapon aibin, jei Pedro.

<sup>18</sup> Yaitama iru aque tsuncuaeru daxota pomonae sacerdotemonae pia pepa pentacaponaein tatsi tanacuitatsi iru policiamonaeno, daxita barapomonae isoto itutaeta barapo panatha. Daxita barapomonae nonopumena barapo isototha. Pedro iru baxota nanonopuncuaru.

*Meje yabara poxonae sacerdotemonae pia pepa pentacaponaein tatsi Jesús matowa yainyabatsi*

*(Mt 26.59-66; Mr 14.55-64; Lc 22.66-71)*

<sup>19</sup> Iru bapoxonae sacerdotemonae pia pepa pentacaponaein tatsi tamropata pitaba xua Jesús matowa peyainyabiwatsi. Jesús jeichichi: “Jesús, ¿jintam baru jinyamonae? ¿Eta po diwesi cuidubame barapo jinyamonae?” jeichichi Jesús.

<sup>20</sup> Jesús jume nota, jeye:

—Caena bayatha daxita jiwi peitutha cueicueijan tsaibin. Judiomonae pia penacae-tutsi bontha ataya cuidubeiban. Matautano Nacom pin pia botha ichaxota judiomonae nacaetuteiba, baraxotano ataya cuidubeiban. Bapana jopa jiwi wepu nameicha paebin xua pocotsiwa jiwi jopa tana nejume taenexa.

<sup>21</sup> ¿Eta pocotsiwa metha nejume yabara yainyabame? Jame maisa moya yainyabare pomonae bayatha nejume tane. Moya barapomonae catsipaebina pocotsiwa bayatha tsipaeban barapomonae petanejume yaputaexae pocotsiwa bayatha tsipaeban, jei Jesús.

<sup>22</sup> Poxonae Jesús baxua najume weta, bapoxonae caein policiamonae jiwana pin pomonae baxota umena, po policiamonae Nacom pin pia bo peyabara umenaewi bapon Jesús jumata cuaintaxotsi. Yawa bapon Jesús jeichichi:

—¿Eta xua dapo jume paebame poxonae baxua jume notame sacerdotemonae pia pepa pentacaponaein tatsi? jei bapon.

<sup>23</sup> Jesús jume nota, jeye:

—Icha bara pocotsiwa abe paeban, moya netsipaebare xua abe. Ichitha icha xua w<sub>u</sub>nae paeban, ¿eta pocotsiwa metha nexata nejumata cuaintaxubame? jei Jesús.

<sup>24</sup> Bapoxonae Anás Jesús yamax<sub>u</sub> c<sub>u</sub>biya itorobatsi Caifás beya. Bapon Caifás sacerdotemonae pia pepa pentacaponaein tatsi naexana barapo weithar<sub>u</sub>.

*Meje yabara poxonae equeicha Pedro Jesús yabara paebatsi: “Jopa dapon yaitaeinyo”, yabara jeichichi Jesús*

*(Mt 26.71-75; Mr 14.69-72; Lc 22.58-62)*

<sup>25</sup> Poxonae baxuar<sub>u</sub>, ir<sub>u</sub> cataunxuae Pedro nanonopuncua. Barapoxonae barapomonae Pedro yainyabatsi, jeichichi:

—¿Xam apara Jesús pijimonae tatsi caein jiwanamda? jeichichi Pedro.

Ichitha Pedro jume notsiya jeye:

—Jume, apara xan bapon aibin, jei Pedro.

<sup>26</sup> Bapoxonae equeicha ich<sub>u</sub>n Pedro yainyabatsi pon sacerdotemonae pia pepa pentacaponaein tatsi tanacuitatsi. Pon Pedro yainyabatsi, bapon caein jiwana pomonae Pedro jiwana muxuyoro catsoniba. Bapon Pedro yainyabiya jeichichi:

—Xam bayatha caena catainchi poxonae Jesús paca bar<sub>u</sub> pona momiyo beya. ¿Bara methara? jeichichi Pedro.

<sup>27</sup> Pedro equeicha jume notsiya jeye:

—Jume, jopa dapon yaitaeinyo, jei.

Bapoxonaer<sub>u</sub> caena nainya wacara pebto fiba.

*Meje yabara poxonae Jesús uncuca Pilato peitabaratha tatsi*

*(Mt 27.1-2, 11-14; Mr 15.1-5; Lc 23.1-5)*

<sup>28</sup> Caem<sub>u</sub>mb<sub>o</sub>tha Jesús capoinchi Caifás pia bo weya pon jiwi peyanacua ewatsinchi pin pia bo tatsi beya, pon pew<sub>u</sub>n Pilato. Ichitha judiomonae jopa jojoniyaeyo barapo botha pon jiwi peyanacua ewatsinchi pin pia bothaxae tatsi. Judiomonae pia j<sub>u</sub>nt<sub>u</sub> coyene cui xeina xua jei: “Judiomonae jopa bewa nanacaetutsi pomonae jopa be judiomonae naexanaeyo pia bothaxae tatsi po mataqueitha poxonae imoxoyo Pascua w<sub>u</sub>n matabin xua poxonae jiwi penabanaewanexa pexaewa”, jei. Tsipei icha baxua exanaetsipa pia coutha naj<sub>u</sub>nt<sub>u</sub> coyene taxobichipa yawa barapomonae jopa itac<sub>u</sub>paetsipaetsi xua pexaewa xaena, po pexaewa poxonae xane Pascua w<sub>u</sub>n matabintha.

<sup>29</sup> Daxota Pilato aisowa bejoniya pia bo weya xua petsipaebinxatsi pomonae pesatotha umena. Pilato jeye barapomonaetha:

—¿Eta pocotsiwa painya yabara netsipaebichi bapon xua abe peexanaewa? jei.

<sup>30</sup> Barapomonae Pilato jume notatsi, jeye:

—Icha bapon jopa abe exanaetsipae, metha bapon jopa caponaetsipaetsi nexantha, jei barapomonae.

<sup>31</sup> Nexata Pilato barai jiwi, jeye:

—Paxam papire bapon, barompaya painya neitorobi coyenewatha payabara paebare xua penatsicuentsiwa xua abe peexanaexae, jei Pilato.

Barapo judiomonae jume nota, jeye:

—Ichitha paxan judiomonae pan, romanomonae pia peitorobi coyenewa jopa pana copatsiyo xua ich<sub>u</sub>n pacui itoroban xua jiton pebexubiwatsi xua poxonae abe peexanaexae, jei judiomonae.

<sup>32</sup> Baxua exana tsipei bayatha Jesús tsiwanaya nayabara paeba po coyeneya jiwi poxonae Jesús pebexubiwa tsainchi.

<sup>33</sup> Bapoxonae Pilato equeicha pia pin pia bo bejoniya yawa Jesús wabatsi, jeichichi:

—¿Xam judiomonae itorobiya pia pepa Neewatsin? jei Pilato.

<sup>34</sup> Jesús jume nota, jeye:

—¿Apara jincoya necayabara cananta xeinaeya yainyabame? Apara ichun yabara necatsipaebixae baxua, ¿daxota barapo jumetha neyainyabame? jei Jesús.

<sup>35</sup> Pilato jume nota, jeye:

—Jopa taeinyo tsipei apara xan judiomonaepin aibin. Apara jinya nacuamonaepiwi iru sacerdotemonae pia pentacaponae wi tatsi, apara barapomonae cacaenaeta taxantha. ¿Eta pocotsiwa metha exaname? jei Pilato.

<sup>36</sup> Nexata Jesús jume nota, jeye:

—Taitorobi coyenewatha jopa itorobinyo jiwi po cae pin nacuathe. Icha baxua exanaetsipan, bara nexata tamonae neyawenaetsipa xua judiomonae jopa tana newaetabinexa. Ichitha taitorobi coyenewatha jopa itorobinyo jiwi po cae pin nacuathe, jei Jesús.

<sup>37</sup> Nexata Pilato Jesús jeichichi:

—¿Apara xam pon jiwi itorobiya pia pepa Neewatsin? jeichichi Jesús.

Jesús jume nota, jeye:

—Aa, apara bara xan bapon pon jiwi itorobiya pia pepa Taewatsin xuaunxuae bara paebame. Daxota naexanan po cae pin nacuathe yawa patopan tapaebinxua xua pocotsiwa pexainyeiwa yatsicaewa. Daxita pomonae ichichipa xua pejume cowantsiwa xua barapo pexainyei jume, barapomonae bara nejume tane, jei Jesús.

<sup>38</sup> Pilato Jesús baraichi, jeye:

—¿Eta pocotsiwa metha pocotsiwa pexainyeiwa? jei Pilato.

*Meje yabara poxonae Pilato jume baru jejei xua Jesús bara pebexubiwa tsainchi ichamonae*

*(Mt 27.15-31; Mr 15.6-20; Lc 23.13-25)*

Poxonae Pilato baxua yainyaba, bapoxonae Pilato equeicha aisowa bejoniya xua equeicha judiomonae petsipaebinexatsi. Pilato barai judiomonae, jeye:

—Xan jopa jume itaraerowinyo bapon xua po jumetha nayaita anae exanaena xua pebexubinexatsi.

<sup>39</sup> Ichitha paxam painya cui paxeiname xua ba caein tapacata isanaxubiwatsi pomonae jiwi pecubi botha nobatsi poxonae xua po mataqueitha Pascua wun matacabintha. ¿Bara anoxuae pacata saya pu copatinchi pon judiomonae itorobiya pia pepa peewatsinchi? jei Pilato.

<sup>40</sup> Nexata barapo judiomonae jume daunweya wawai, jeye:

—¡Jume, jopa dapon isanaxubinde! ¡Maisa jame Barrabás isanaxore! jei barapo judiomonae.

Barapon Barrabás, pon bichocono jiwi pecaibi.

## 19

<sup>1</sup> Nexata Pilato najume caitoroba xua Jesús bara pecuainchinexatsi xua pocotsiwatha eewa xua bichocono amapiya xua xota ba jiwi cuainteibatsi poxonae abe exaneiba. Soldadomonae baxua exana.

<sup>2</sup> Barapo soldadomonae Jesús mata xatatatsi pee tepa. Matautano bapoxonae Jesús pia paparuwa juma xuenatsi. Icha paparuwa juma xatatatsi po paparuwa tsobia.

<sup>3</sup> Bapoxonae barapo soldadomonae Jesús imoxoyo cacuita umenarucapatsi. Yawa Jesús cui caponaeya jeichichi:

—¡Jaina, maisa wunaem pon judiomonae itorobiya pia pepa Neewatsin! jei barapo soldadomonae xua Jesús cui capoinchi.

Bapoxonae Jesús itabara cuaintatsi.

<sup>4</sup> Equeicha Pilato pesato bejoniya judiomonae beya. Pilato barai judiomonae, jeye:

—Matha pataema. Bapon pacata carenaeinchi, painya neyaputaenexa xua xan jopa jume taeinyo xua po jumetha penayaita anae exanaewa xua pebexubinexatsi barapo pebin, jei Pilato.

<sup>5</sup> Bapoxonae Jesús pee tepa pesato beyawa joniya. Yawa paparuwa yawa joniya po paparuwa tsobia. Nexata Pilato barai jiwi, jeye:

—¡Pataema xote uncue baponje! jei Pilato.

<sup>6</sup> Bapoxonae sacerdotemonae pia pentacaponae tatsi iru policiamonae, poxonae daxita barapomonae Jesús taerucupatsi, jume daunweya wawaya jeye:

—¡Naetotha bara tɔparucua bewa exanaem! ¡Naetotha bara tɔparucua bewa exanaem! jei barapomonae.

Pilato barai jiwi, jeye:

—Moya paxam jame bara papire, moya painya coya naetotha tɔparucua paexande. Yaitama xan apara jopa jume taeinyo po jumetha xua bapon penayaita anae exanaewa xua pebexubinexatsi.

<sup>7</sup> Ichitha judiomonae Pilato jume notatsi, jeye:

—Paxan pata taitorobi coyenewa paxeinan. Bapon pia coutha Nacom Pexanto tatsi natsicotane daxota bapon bewa tɔpaena tsipei pata taitorobi coyenewa baxua peyabara paebixae, jei judiomonae.

<sup>8</sup> Poxonae Pilato baxua jume tane, Pilato nama bichocono equeicha junuwa.

<sup>9</sup> Equeicha Pilato Jesús caibe maxu coniyatsi bo beya. Baxota Pilato Jesús yainyabatsi. Jesús jeichichi:

—¿Eta werenapim xam? jei Pilato.

Ichitha Jesús jopa jume notsiyo.

<sup>10</sup> Nexata Pilato Jesús baraichi, jeichichi:

—¿Eta pocotsiwa jopa nejume notsim? ¿Apara xam jopa neyaputaem xua xeinan taitorobi coyenewa xua tana neitacupaewa xua jiwi taitorobiwa xua tɔparucua necaex-anadutsiwa naetotha? Matautano xeinan taitorobi coyenewa po coyene xua jiwi taitorobiwa xua saya necapu sotabiwa, jei Pilato.

<sup>11</sup> Jesús jume nota, jeye:

—Icha Nacom jopa cacatsipae barapo peitorobi coyenewa metha ichamonae jopa itorobimchipae xua ichamonae abe tana necana exanaewa. Daxota pon necanaeta xamtha bapon jame bichocono abe exana beyacaincha xam xua abe necana exaname, jei Jesús.

<sup>12</sup> Poxonae baxua Pilato jume taeba, bequein bichocono nanta xeina xua Jesús bara saya pepu sotabiwa tsainchi, ichitha junuwa poxoru judiomonae jume daunweya wawai. Barapomonae jeye:

—¡Icha xam bara saya, pu sotabame, apara romanomonae itorobiya pia pepa peewatsinchi bapon jopa pia jiton tsipaem! ¡Pon pia coutha naexana xua be natsicotane pon jiwi itorobiya pia pepa peewatsinchi, bapon apara romanomonae itorobiya pia pepa peewatsinchi bapon pia peaitafaetabinchi jitontsi! jei judiomonae.

<sup>13</sup> Poxonae Pilato baxua jume taeba, bapoxonae ecoundeca ichaxota pia coutha cayabara cananta xeinecaeya cueicueije tsequeibi jiwi. Bapon baxota eca yawa najume caitorobeca xua bara berena Jesús pecarendenaenexatsi ichaxota Pilato eca, po pia peecaethopae tutu ibo pana tatsi hebreo jumetha, “Gabata”, jei. Baraxua jei: “Pefaratsiwa ibowa pana”, jei.

<sup>14</sup> Bapoxonaeru barapo matakabi tsuxubiru, po matakabi copiya tsiwanaya ducua Pascua wun matakabi. Barapo mataqueitha judiomonae pexaewa xaxaintajeba xua Pascua wun matakabi nexa xua baya tsane. Poxonae mateinyaxae tsuxubi, bapoxonae Pilato barai judiomonaetha, jeye:

—¡Incane pataema pon itorobiya pepa painya Nepacacaewatsin! jei.

<sup>15</sup> Ichitha barapo judiomonae jume daunweya wawaya jeye:

—¡Maisa bara t̃paena! ¡Bara naetotha t̃parucua exande! jei.

Pilato jume barai, jeye:

—¿Bara itorobin jampa xua pebexubiwatsi pon itorobiya pepa painya Nepacacae-watsin? jei Pilato.

Ichitha sacerdotemonae pia pentacaponaeawi tatsi Pilato jume notatsi, jeye:

—Apara ich̃an jopa paxeinaeinyo pon jiwi itorobiya pia pepa Peewatsinchi. Jame saya meisa painta bara compa pon itorobiya pepa pata Neewatsin, bapon jame apara pon romanomonae itorobiya pia pepa Peewatsinchi, jei judiomonae.

<sup>16</sup> Barapo jumetha Pilato Jesús canacobena catatsi barapo judiomonaetha. Baxua Pilato exana xua Jesús bara t̃pa peexanaenexatsi naetotha. Bapoxonae barapo judiomonae Jesús pitatsi.

*Meje yabara poxonae Jesús t̃parucua exanatsi naetotha  
(Mt 27.32-44; Mr 15.21-32; Lc 23.26-43)*

<sup>17</sup> Jesús bara pona, yawa pia naeto utucurapona, xua barapo naetotha pecobe matatabarutsinexatsi ichaxota po demxuwatha be jiton matasipa piwa. Barapo demx-uwa caunuteiba xua jei tsaibi: “La Calavera”, jei. (Seicaya hebreo jumetha jei tsaibi: “Gólgota”, jei.)

<sup>18</sup> Barapo demxu matasoitotha Jesús cobe matatabarutatsi naetotha. Iru ainya pebinbe cobe matatabarutatsibe. Jesús tutiyotha yanaeto uncuca, ich̃an Jesús pecoxa weya tayanaeto uncuatsi iru ich̃an Jesús petsocona weya tayanaeto uncuatsi.

<sup>19</sup> Pilato itoroba xua Jesús pentutu wetsica petarutsinexatsi napaeuyo. Barapo napaeuyotha jeye xua tinaduta: “Jesús, Nazaret tomarapin, pon judiomonae itorobiya pia pepa Peewatsinchi”, jei barapo petinae napaeuyotha.

<sup>20</sup> Pinmonae judiomonae yoroba barapo petinadutsiwa tsipei ichaxota Jesús cobe matatabarutatsi imoxoyo itama tayeca tomara, po tomara pew̃an Jerusalén. Barapo petinae napaeuyotha, hebreo jumetha tina, griego jumetha tinano, iru latín jumetha tinano.

<sup>21</sup> Daxota sacerdotemonae pia pentacaponaeawi tatsi, pomonae judiomonaexae, Pilato baraichi, jeye:

—Jopa jande ‘Pon judiomonae itorobiya pia pepa Peewatsinchi tatsi’, jopa jande. Jame maisa jande: ‘Ponje najei: Xan pon judiomonae itorobiya pia pepa Taewatsin, najei’, jande, jei sacerdotemonae pia pentacaponaeawi tatsi.

<sup>22</sup> Ichitha Pilato jume nota, jeye:

—Xuaunxuae tinadutan bara ducuaena, jei Pilato.

<sup>23</sup> Soldadomonae poxonae Jesús canacobena wetatsi xua cobe matabobatsi, bapoxonae nota Jesús pia paparuw̃an tatsi. Tsipei cuatro po soldadopinbe daxota nata tsaba xua cuatro poyobe nexa xua soldadomonae. Matauta dorouto Jesús juma wejontatsi, po dorouto ompareca, xua jopa epa x̃x̃caeyo.

<sup>24</sup> Barapo cuatro poyobe xua soldadomonae caemonae natsipaeba, najei:

—Jopa tsana nata epa tsitsicae tsainchi. Jame metha xanepana xua ibotixi bebeya tsainchi. Bapoxonae yaputaeinchi xua pon ibotiyo beta xoya, moya copiya pichina, jei.

Baxua barapomonae exana peyabara cui w̃nae tsiwanaya jeixae pon Nacom peitorobi jume pepaebin. Bapon jeye Cristo yabara, Nacom Pejume Diwesitha: “Tapaparuw̃an nata tsabina yawa ibotixi bebeya tsane penacueranta notsinexa tsane tapaparuw̃an”, jei pon Nacom peitorobi jume pepaebin. Bara baxua exana barapo soldadomonae.

<sup>25</sup> Jesús pena tatsi imoxoyo uncuca ichaxota Jesús ducua. Barichi Jesús pena tatsi iru pamcho tatsi baxota umena. Barichi icha María, powa Cleofas piowa tatsi baxota



uncua. Barichi icha María, powa María Magdalena, powa Magdala tomarapiwayo, baxota uncua.

<sup>26</sup> Poxonae Jesús taenota pena yawa poxonae taenota pon bichocono Jesús antobe, pon pijimonae jiwana pin bapoxonae Jesús barai pena, jeye:

—Ena, taema bapon nexanto cata uncuareque, jei Jesús.

<sup>27</sup> Bapoxonae Jesús barai bapon, jeye:

—Incane taema barapowa, powayo enaxae, jei Jesús.

Bapoxonae barapowa barapon pena tsicotaeya waba pia botha.

*Meje yabara poxonae Jesús tupa*

*(Mt 27.45-56; Mr 15.33-41; Lc 23.44-49)*

<sup>28</sup> Bapoxonae pirapaeyo Jesús yaputane xua bayatha yabara jume cui wetatsi xua bayatha Nacom Pejume Diwesitha paeba. Matautano xua Jesús penajume cui yabara wetsinexatsi xua bayatha Nacom Pejume Diwesitha yabara tsiwuna nae paebatsi, bapoxonae Jesús jeye:

—Meratsipan, jei.

<sup>29</sup> Baxota juruwato eca xua yawa eca vino mera, po mera atsu. Nexata barapo soldadomonae esponjatha mene yutsiya capita. Bapoxonae Jesús naewatha tadutatsi yawa tayoichatsi pecoiboto deca.

<sup>30</sup> Jesús tsutsubiya apa barapo vino mera. Bapoxonae jeye:

—Bara daxita neyabara jume cui weta, jei Jesús.

Bapoxonae Jesús nawisi jetataba. Tapanai cha.

*Meje yabara poxonae soldadomonaepin Jesús epa catsitsinaxubiya cawuichatsi dejonatha*

<sup>31</sup> Cataunxuae barapo matabi po matabitha poxonae judiomona nae pewunaeya nacui wunaeta pia pentaquei seicae matabi tatsi nexa. Barapomona nae jopa ichipaeyo xua came naetha dubena na po pebiwi naetha werapa poxonae jopana barapo pentaquei seicae matabi, po matabi peainya cui matabixae. Barapo pentaquei seicae matabi, po matabi tamropata pitaba xua Pascua wun matabin. Judiomona nae jopa ichipaeyo xua pejonsiwa pepon naetha barapo pentaquei seicae matabitha. Daxota barapo judiomona nae Pilato jume itorobatsi, jeye: “Soldadomona nae itorobare xua petopa janacaenexa tsainchi pomona nae naetha dubena xua nainya barapo pebiwi tupa peexanaenexatsi. Matauta itorobare xua barapo pebiwi naeton wetsica penotsinexatsi icha xaniwaicha daxita barapo pebiwi bayatha werapa”, jei barapo judiomona nae.

<sup>32</sup> Nexata soldadomona nae bara beya pona. Yawa barapo soldadomona nae copiya topa janaxuba ichan pon Jesús icha muxunene wetarucuiyatsi. Bapoxonae equeicha ichan topa janaxotsi pon Jesús icha muxunene wetarucuiyatsi.

<sup>33</sup> Poxonae soldadomona nae imoxoyo umenarucupa ichaxota Jesús ducua, bapoxonae Jesús tainchi xua bayatha Jesús tupa. Daxota barapo soldadomona nae Jesús jopa topa janaxuichi.

<sup>34</sup> Ichitha caein barapo soldadomona nae jiwana, bapon Jesús epa cawuicha catsitsinaxubiyatsi dejonatha. Bapoxonae caena nainya jana othoparena yawano mera othoparenano.

<sup>35</sup> Xan, Juan, baxuan daxita tan pocotsiwa soldadomona nae Jesús cana exanatsi. Daxota pocotsiwa xua baxua paeban bara xainyan, xua daxota painya tana nejume cowantsinexam.

<sup>36</sup> Barapomona nae baxua exana tsipei bayatha Nacom Pejume Diwesitha Cristo yabara tsiwanaya jeichichi: “Jopa piwa janaxubi tsainchi bapon xua matauta cae piwano”, jei Nacom Pejume Diwesitha.

<sup>37</sup> Matautano icha jume diwesitha xua Nacom Pejume Diwesi, jeye: “Necoichaeinchi pon xua cawuichatsi”, jei Nacom Pejume Diwesitha.

*Meje yabara poxonae Jesús petupaein ibo muthutha yauxatatabotatsi  
(Mt 27.57-61; Mr 15.42-47; Lc 23.50-56)*

<sup>38</sup> Bapoxonaeru pebin, pon pewan José, pon Arimatea tomarapin, bapon Jesús iru jume cowantatsi. Ichitha José baxua jopa nayopichiyo ichamonaetha xua Jesús pejume cowantsiwatsi, tsipei judiomonae jume cunuwatsi. Bapon José copiya Pilato muxu tsipaebiya jeichichi, jeye:

- Nejume baru jejande tha jontichi Jesús petupaein naeto wetsica, jei José.
- Bara moya taema, jei Pilato.

Daxota José bara beya pona. Bapoxonae José jonta naetha Jesús petupaein.

<sup>39</sup> Iruu ichun napona Jesús pia muthutha. Bapon pewan Nicodemo, pon matha Jesús siwa poinchi merawi. Daxota bapon Nicodemo patopa xua José peyawenaenexatsi. Bapon Nicodemo capatopa treinta po kilobe xua pocotsiwa pebeno, po beno xua tuxuei. Barapo benotha muxunaxuba po petuxuei nain pewan mirra, xuano xua icha petuxuei nainwano po petuxuei nainwa pewan áloe.

<sup>40</sup> Bapoxonae José iru Nicodemo pitabe Jesús petupaein. Yawa paparuwatha petuxuei beno muxuna capanaboinca mata quiyontabicabe. Baxua exanabe, tsipei judiomonae pia cui coyene xeina xua poxonae pon petupaein canacui wanae wetatsi poxonae namuthuqueiba.

<sup>41</sup> Imoxoyo ichaxota Jesús po demxuwatha tupa, baxota peubi naein umena. Barapo peubi naein uniyotha ibo itapatororotha muthu boca pena muthu, po muthutha cataunxuae jopa muthutha xubichi petupaein ichun.

<sup>42</sup> Barapo pena muthutha Jesús boyatsi, tsipei barapo pena muthu imoxoyo boca ichaxota Jesús tupa. Matauta tsipei quirei tsanaicha xua poxonae patopa pentaquei seicae matakabi, po mataqueitha judiomonae jopa nacuichiyo.

## 20

*Meje yabara poxonae Jesús equeicha asu juina exanatsi petupae cuiru coyene weya  
(Mt 28.1-10; Mr 16.1-8; Lc 24.1-12)*

<sup>1</sup> Bapoxonaeru domingo matakabi jopa, po matakabi xua copiya ducua cae semanatha. Bapoxonae caemambotha poxonae cataunxuae quiriquirica, bapoxonae María Magdalena, powa Magdala tomarapiwayo, muthutha patopa ichaxota Jesús boca. Barapowa tane xua muthu yapusauncua xua bequein ichamonae yapu xatatabanota pin ibo panawatha.

<sup>2</sup> Bapoxonae barapowa nainya pata taxainya becuinaerena ichaxota Simón Pedro uncua iru xan, Juan, baxota uncuan ponxaein Jesús bichocono neantobe. Yawa pana nejei:

—Cou Jesús petupaein pitatsi, pon Wanacanamataxeinaein. Jopa payaputaeyno ichaxota equeicha botatsi, pana nejei.

<sup>3</sup> Bapoxonae Simón Pedro, iru xan Juan, muthu bepaiyanbe.

<sup>4</sup> Bara beya pana nacara cuinayanbe. Ichitha xan, Juan, bichocono bichoinan beyacaincha Pedro. Daxota muthutha patopan copiya.

<sup>5</sup> Yawa muthu beya nabuxu tsutiya necobiyan. Paparuwa tan xua iratha boca, po paparuwatha Jesús petupaein mata quiyontabatsi, ichitha jopa jonyaeinyo.

<sup>6</sup> Bapoxonae Simón Pedro tacoya werena cotacaya patopa. Bapoxonae muthu joniya. Barichi barapon barapo paparuwa tane xua iratha boca.

<sup>7</sup> Matautano taneno po paparuwatha Jesús matasipa quiyontababotatsi. Barapo paparuwa nanta quiyontabiya tsanaya boca.

<sup>8</sup> Bapoxonae xan, ponxaein copiya patopan, iru joniyan muthu iya. Poxonae daxita baxuan tan, bapoxonae nainya jume cowantan xua Jesús bayatha asu.

<sup>9</sup> Bayatha jopa payaputaeyo Nacom Pejume Diwesi, po diwesitha xua xota bapon yabara paebatsi po coyene xua bapon bewa asu tsane petupae coyene cuiru weya.

<sup>10</sup> Nexata xan, Juan, iru Simón Pedro caibe panawiyambe bo beya.

*Meje yabara poxonae Jesús María tsita naitutatsi, powayo Magdala tomarapiwayo (Mr 16.9-11)*

<sup>11</sup> María Magdalena, Magdala tomarapiwayo, powa pana tsiwun caya, bapowa equeicha caiberena muthutha patopa. Barapowa muthu coiboto juma weya wecoyei tsuncuae. Poxonae wecoyei tsuncuae nantanuweya nabuxu japasota necobiya muthu iya.

<sup>12</sup> Bapoxonae bapowa tane ponbe matatsunpinbe xua ecabe ichaxota bayatha Jesús botatsi petupaein. Barapo matatsunpinbe po paparuwa apiya nama xatatabe pemainya paparuwa. Icha matatsunpin eca Jesús pentasipa coyo deca tatsi. Icha matatsunpin eca Jesús pia pesito coyo deca tatsi.

<sup>13</sup> Barapo matatsunpinbe María yainyabatsi, jeichichi:

—María, zeta xua metha wecoyam tsauya? jei.

María jume nota, jeye:

—Yaitama cou Tanecanamataxeinaein petupaein pitatsi. Jopa taeinyo xua equeicha xota botatsi petupaein, jei María.

<sup>14</sup> Poxonae bapowa najume wetsiya paebaxoya, xuano xua poxonae napatomeicha necotaxoya, bapoxonae pebin taenotatsi ichitha bapowa jopa yaputaeyo xua apara bapon Jesús. Ichitha bapowa Jesús jopa yaitaetsi.

<sup>15</sup> Nexata Jesús María yainyabatsi, jeichichi:

—Ja, zeta pocotsiwa came wecoyam tsauyam? Jintam wenawenam? jei.

Barapowa nanta xeina xua mexeya itara pon peubi naein yapu eenawei. Daxota bapowa, jeye:

—Icha xam bayatha pitame petupaein pon Tanecanamataxeinaein, incane netsipaebare xua equeicha exota botame. Tha bapoxonae petupaein equeicha pitichi, jei María.

<sup>16</sup> Nexata Jesús barai, jeye:

—María, jei.

María equeicha napatomeichaxuba. Yawa hebreo jumetha jeye:

—¡Rabuni! jei (po jumetha xua jei: “Pon jiwí Necuidubin”, jei).

<sup>17</sup> Jesús jume nota, jeye:

—Jopa nejayatabinde tsipei cataunxuae jopa ponaeinyo ichaxota Taxa equiya. Jammaisa ponde, paebareno tajimonaetha xua xan paeban xua jan: ‘Taxa beicha ponaein, po Taxa painya Axa iru’, jan. ‘Barapon Nacom, Tanacom iru paxam painya Nacom’, jan xua, jei Jesús.

<sup>18</sup> Barapoxonae María Magdalena, powa Magdala tomarapiwayo, tsiwun caya Jesús pijimonae tatsi beya. Bapowa tsipaeba xua bayatha tane pon Pecanamataxeinaein jiwí. Yawano tsipaebano daxita pocotsiwa Jesús paeba bapowatha.

*Meje yabara poxonae Jesús pijimonae tsita naituta (Mt 28.16-20; Mr 16.14-18; Lc 24.36-49)*

<sup>19</sup> Barapo mataqueitha poxonae cataunxuae awiya domingo, bapoxonae merawi Jesús pijimonae tatsi nacaetuta. Tsipei judiomona cui cunuwatsi daxota bo bi-chocono boupa daunwei exana. Nexata Jesús barapo tututha patopa. Yawa pijimonae peitabarayo deca tauncua. Pijimonae jacobiya jeye:

—Maisa juntea pajinompare, jei Jesús.

<sup>20</sup> Poxonae Jesús baxua najume weta bapoxonae tsita nacobe wan itata pijimonae yawa naepa wan itata. Poxonae Jesús pijimonae taerucupatsi bichocono juntu coyene weiweina petaexaetsi Jesús pon barapomonae Pecanamataxeinaexaetsi.

<sup>21</sup> Pirapaeyo equeicha Jesús pijimonae barai, jeye:

—Maisa juntea pajinompare. Icha Taxa neichi xua neitoroba bara paca ichichi paca itorobatsi, jei Jesús.

<sup>22</sup> Nexata bapoxonae Jesús pijimonae matatsun ofutaba, jeye:

—Nacom pia Pejumope tñaxu tatsi bara paca yantsina, jei.

<sup>23</sup> Pomonae xua pacui cayabara juntea mainame abe pia peexanae cuiru coyenein tatsi, bara barapomonae Nacom iru cayabara cui juntea mainaena abe pia peexanae cuiru coyenein tatsi. Pomonae jopa pacayabara cui juntea mainaem abe pia peexanae cuiru coyenein tatsi, bara barapomonae Nacom iru jopa cayabara cui juntea mainaeyo abe pia peexanae cuiru coyenein tatsi, jei Jesús.

*Meje yabara poxonae Tomás tane xua Jesús equeicha asu*

<sup>24</sup> Tomás, bapon Jesús pijimonae tatsi jiwana. Bapon icha wun Gemelo, po wun xua jei: “Nama naexanabe pexuyobe”, jei. Barapon Tomás jopa naecaeyo poxonae Jesús pijimonae tsita naitata.

<sup>25</sup> Pirapae poxonae Jesús napitaba ichamonae pomonae Jesús pijimonae tatsi Tomás tsipaebatsi, jeichichi:

—Paxan Jesús, pon Wanacanamataxeinaein, patan, jeichichi Tomás.

Ichitha Tomás jume nota, jeye:

—Jopa jume cowantsinyo baxua. Jopa bejume cowantsinyo icha jopa cobe wan taeinyo xua penain wan, xuano xua icha jopa jayabinyo tacobetha. Matautano jopa bejume cowantsinyo icha jopa yene wan jayabinyo, jei Tomás.

<sup>26</sup> Poxonae ocho po matabibe yapucaewa xua icha domingotha, bapoxonae equeicha bomuxutha nacaetuta Jesús pijimonae tatsi. Bapoxonaeru Tomás jame naeca. Bequein bomuxu boupa bichocono daunwei exana ichitha Jesús jonarena. Pijimonae peitabarayo deca tauncua. Yawa jacobiya jeye:

—Maisa juntea pajinompare, jei Jesús.

<sup>27</sup> Bapoxonae Jesús jeye Tomás beya:

—Moya necobe wan jayabare xua penain wan. Moya taema xua nantiyabe tacobe wanbe. Yawano neyene wan jayabare. Jopa ainya muxu xeinaeinde. Moya maisa nejume cowunde, jei Jesús.

<sup>28</sup> Nexata Tomás jume nota, jeye:

—¡Jaina, deta Tanecanamataxeinaem! ¡Yawa Nacom, Tanacom! jei Tomás.

<sup>29</sup> Jesús jume nota, jeye:

—Tomás anoxuae nejume cowantame tanetaemxaem. Ichitha pomonae bequein jopa netaeyo xua daichitha nejume cowanta, barapomonae bichocono juntu coyene weiweina, jei Jesús.

*Meje yabara xua eta pocotsiwa metha yabara tina barapo diboro*

<sup>30</sup> Jesús ainya coyenein matowa pijimonae peitutha exaneiba pexeinya petsita itatsi coyenewan. Daxita barapo coyenein awiya yabara seica xua jopa yabara tinaeyo barapo diborothe.

<sup>31</sup> Daxita xua xuan pocotsiwa yabara tinan po diborothe apara xua baxuan painya yabara jume cowantsinexam tsane xua Jesús apara bara Mesías. Matautano yabara tinan xua painya yabara jume cowantsinexa xua Jesús apara Nacom Pexanto tatsi. Matautano yabara tinan xua painya nexenaenexa tsane peajuntuyarusawa, po peajuntuyarusawa xua ataya tsiteca xua poxonae pajume cowantsiname Jesús.

## 21

*Meje yabara poxonae Jesús tsita naitata siete poyobe pomonaе pijimonaexae tatsi jiwana*

<sup>1</sup> Bapoxonaе pirapae equeicha Jesús pijimonaе tsita naitata Tiberias pucua itapatha. Poxonaе pijimonaе tsita naitata poxonaе apara iche:

<sup>2</sup> Jesús pijimonaе tatsi nacaetuta. Barapo matabaxuyobe meje: Simón Pedro, iru Tomás pon icha wun Gemelo, iru Natanael Caná tomarapin, po tomara eca Galilea nacuatha, iru xan, Juan, iru taeweicho xua Zebedeo pexantobe tatsi panbe, iru ichunberu. Daxita barapo matabaxuyobe pan panacaetutan Tiberias pucua itapatha.

<sup>3</sup> Simón Pedro pana jei:

—Tha duwei yamonaetsi, jei.

Paxan pajanje:

—Paxan iru paca puna ponaeinchi, pajan.

Bapoxonaе jeratha daxita panonobabiyán. Ichitha barapo merawitha jopa duwei pataeinyo, bequein payamonan.

<sup>4</sup> Poxonaе baya pentha tsina, Jesús pana tsita naitata pitapathiya, tuwutha payana dubendenan. Ichitha paxan jopa payaitaeinyo xua bapon apara Jesús.

<sup>5</sup> Nexata Jesús pana nebarai:

—Incane, ¿jopa pataem duwei? jei Jesús.

—Jume, duwei aibi, pajan.

<sup>6</sup> Nexata Jesús pana barai, jeye:

—Jera coxa beya bara bepaxoyama peyacamonaewa. Bapoxonaе pacapirenaename duwei, jei Jesús.

Baxua paexanan. Pirapae jopa pana itacupaeyo xua patajutaxorenaewa peyacamonaewa, poxoru pin duwei tunto pacapirenan.

<sup>7</sup> Nexata xan, Juan, ponxaein bichocono Jesús neantobe, Simón Pedro baran, janje:

—Apara bapon Jesús, pon Wanacanamataxeinaein, jan.

Poxonaе Simón Pedro nejume taeba, bapoxonaе paparuwa xua nama xuenabota nainya yacuinaaya nama xatataba. Bapoxonaе mene weitata jopiya.

<sup>8</sup> Ichitha paxan pomonaе jopa paraichinyo jeratha pajebounan. Barapo jera be conotha taju tuwutha berucuarena saya cien metrobe xeina. Bewayo pajeboundenan tsipei peyacamonaewa mentha yawa ducuapona pin duwei tunto.

<sup>9</sup> Poxonaе jera wepanonobabiyán, bapoxonaе isoto patan xua barapo isototha duwein yataboaya yawano xua pan boquiya.

<sup>10</sup> Jesús pana barai, jeye:

—Painta xawena duwei xuaunxuae pacaebouname, pana jei.

<sup>11</sup> Simón Pedro jeratha nontabiya. Yawa taetabo itapa bejutabotsina peyamonawa xua bichocono wunca duwei. Ciento cincuenta y tres po duwei matabaxumonaеbe. Bequein duwei bichocono wunca daichitha jopa ucupanayiyo peyacamonaewa.

<sup>12</sup> Nexata Jesús pana barai, jeye:

—Anthá matha paxaema, pana jei.

Paxan jiwana dapon aibi pon peyainyabinexa, pon pejeinexa: “¿Jintam xamda?” pon jei, tsipei daxita paxan payaitan xua bapon apara pon Patatanecanamataxeinaein.

<sup>13</sup> Bapoxonaе Jesús isoto bepoinya pepichinexa pan. Bapoxonaе pana necatsiba yawa duwei pana necatsiba.

<sup>14</sup> Baxua exana poxonaе nama acoibi po cuiyobe xua Jesús pana netsita naitata xua poxonaе equeicha asu popona petupae cuiru coyene weya.

*Meje yabara poxonaе Jesús baru cueicueije Simón Pedro*



<sup>15</sup> Poxonae pana nain wetan xua Jesús pana apata, bapoxonae Simón Pedro, Jesús yainyaba, jeye:

—Simón, pon Juan pexantom, ¿bichocono neantobem, beyacaincha xua po pebiwe neantobe? jei.

—Aa, Tanecanamataxeinaem, bara caena bayatha neyaputaneme xua tacaantobewatsi bichocono, jei Pedro.

Jesús barai, jei:

—Icha neantobem, inta tamonae tana nejume cowantsiwi yawende, icha pon ovejaxi pe-eenaen ichi xua yawena ovejaxi, jei Jesús.

<sup>16</sup> Equeicha Jesús barai Pedrotha, jeye:

—Simón, pon Juan pexantom, ¿bichocono neantobem? jei.

—Aa, Tanecanamataxeinaem, bara caena bayatha neyaputaneme xua bichocono tacaantobewatsi, jei Pedro.

Jesús jume nota, jeye:

—Icha neantobem, inta tamonae tana nejume cowantsiwi yawende, icha pon ovejamona pe-eenaen ichi xua yawena ovejamona, jei Jesús.

<sup>17</sup> Equeicha acoibi po jume cuiyobe Jesús barai Pedrotha, jeye:

—Simón, pon Juan pexantom, ¿bichocono neantobem? jei.

Pedro jantꞫ coyene wecoyei yaitama Jesús yainyaba acoibi po jume cuiyobetha. Pedro jeye Jesustha:

—Tanecanamataxeinaem, bayatha caena daxita yaputaibame. Matautano yaputanemeno xua tacaantobewatsi, jei Pedro.

Jesús jume nota, jeye:

—Icha neantobem, inta tamonae pomonae tana nejume cowantsiwi yawende, icha pon ovejamona pe-eenaen ichi xua yawena ovejamona.

<sup>18</sup> Xaniyan catsipaebatsi poxonae matha cataunxuae pewowim jinya paparuwa bara jincoutha namaxatabeibame. Matautano matha bara poneibame xua ichaxota ba ichichipa neponaewa. Ichitha poxonae perum tsane, ichamona camaxꞫ cubiya yotsina. IchꞫn paparuwa cama xatatsina. Ichamona camaxꞫ caponaena ichaxota jopa ichipaem xua neponaewa, jei Jesús.

<sup>19</sup> Poxonae Jesús baxua paeba Pedro wꞫnae tsiwanaya cui yaputane exainchi xua jiwi eta bichi tsane poxonae Pedro bexubinchi. Matautano Jesús tsiwanaya cui yaputane exana xua jiwi Nacom wꞫnae jainchinchí xua poxonae jiwi taena xua po coyene cuirutha xua poxonae Pedro tꞫpaena peexanaexae pocotsiwa Nacom itoroba. Bapoxonae Jesús jeye Pedrotha:

—¡Bara ataya yacuiya poponare xua tamona jitom! jei Jesús.

*Meje yabara poxonae Jesús neyabara paeba ponxaein xua Jesús bichono neantobe*

<sup>20</sup> Poxonae Pedro napatomeicha necota, bapoxonae netaenota xua punauncuan ponxaein Jesús bichocono neantobe. Xan apara bapon pon bayatha matha imoxoyo Jesús caquita xunaecan, poxonae matha jan: “Tanecanamataxeinaem, ¿jintam pon cacaenaetapaeba?” ponxaein matha jan.

<sup>21</sup> Poxonae Pedro netane, bapoxonae jeye Jesustha:

—Tanecanamataxeinaem, ¿incane ponje tsanerꞫ? jei Pedro.

<sup>22</sup> Jesús Pedro jume notatsi, jeye:

—Icha xan tacoutha ichichipan xua bapon Juan bara ataya asꞫ poponaena beya poxonae xua equeicha caewa patopeicaein po cae pin nacuathe, baxua jopa apara cata ainya cuiyo. Jamaisa xam bara ataya yacuiya poponde po coyene xua tamona jitom, jei Jesús.

<sup>23</sup> Daxota Jesús pijimona tatsi, barapomona neyabara tsiwꞫn capana pijimonaetha xua xan jopa tatꞫpaewa tsane. Ichitha Jesús jopa paebiyo xua jopa tatꞫpaewa tsane.

Saya apara jei: “Icha xan tacoutha ichichipan xua bapon bara ataya asu poponaena beya poxonae xua equeicha caewa patopeicaein po cae pin nacuathe, baxua jopa apara cata ainya cuiyo”, jei Jesús.

<sup>24</sup> Xan, Juan, ponxaein xua Jesús yabara paeban. Daxita pocotsiwa xua xuan paeban, apara pexainyeiwan. Mataata barapo diborothe xan apara tinan, pon Juan tsocuaein. Bara paichim daxita xua xuan tinan payaputanemeru xua baxuan apara bara pexainyeiwan.

<sup>25</sup> Awiya cui yapu seica xua tayabara tinaewa pocotsiwa Jesús daxita exana. Icha daxita diwesin tsana yabara titiniyaetsipan pocotsiwa Jesús exana, metha barapo diboron jopa po cae pin nacue tsijuntutu canaupaetsipaetsi.

Baja Juan.

## Po Coyenein Jesucristo Pia Peitorobiwi Tatsi Pexeinya Coyenein Exana

*Meje yabara xua Lucas yabara tina xua Nacom yabara tsiwɛnae muxu duta xua itorobina jiwitha pia Pejumope tɛnaxɛ tatsi.*

<sup>1</sup> Xam, Teófilom, tajiton cata tinatsi. Bayatha copiya matha cain cata tinatsi icha diwesi. Barapo diwesitha yabara catsipaebatsi daxita po coyenewan xua Jesús exana. Cata tinatsi bayatha daxita xua po mataqueitha Jesús tamropata pitaba po coyene xua peexanaewa, matautano xua pecuidubiwano, xua beya yacui weraweracanaya po mataqueitha poxonae athabe juinya.

<sup>2</sup> Poxonae pewɛnaeya tsane xua Jesús athabe icha, matha pia peitorobiwi itapeta. Jesús cuiduba barapomona xua Nacom pia Pejumope tɛnaxɛ tatsi pia peayapusɛwatha tatsi. Jesús cata barapomona po coyenewan xua Jesús petaexanaenexa tsainchi.

<sup>3</sup> Poxonae Jesús equeicha asɛ, poxonae bequein tɛpa, bapoxonae Jesús tsita naituta barapomonaetha. Cuarenta po matabibetha Jesús tsita naitɛba ducuaenaebiya barapomona. Petsita naitɛba ducuaenaebiyaexae pijimona, barapoxonae pijimona ya-putainchi xua xaniwaicha bara petɛpaein equeicha asɛ. Jesús barapo pia peitorobiwi yabara cuiduba po coyene Nacom waba jiwi petanaexanaenexatsi pijimona pomona itorobiya peewatsixae.

<sup>4</sup> Poxonae cataunxuae awiya Jesús pia peitorobiwi barɛ nacaetuta ducuaenaebiya, Jesús barai, jeye:

—Abɛ jopa paponaeinde Jerusalén tomara weya. Paeware xua Nacom Taxa bayatha yabara paca tsiwɛnae muxu duta. Taxa namchi: ‘Tajumope tɛnaxɛ itorobicaein’, jei. Baraxua bayatha paca tsipaebatsi.

<sup>5</sup> Barapon Juan bautisaba ɛ meratha. Ichitha tsiwiyo bayiyo bexa tsane Nacom pia Pejumope tɛnaxɛ tatsi paca bautisabina. Pacata patsina Nacom pia Pejumope tɛnaxɛ tatsi painya paca barɛ poponaenexa tsane, jei Jesús pijimonaetha.

*Meje yabara poxonae Jesús athabe icha*

<sup>6</sup> Poxonae Jesús pia peitorobiwi barɛ nacaetutatsi Jesús yainyabatsi pia peitorobiwi, jeichichi:

—Jesús, pata Necanamataxeinaem, ¿methaunxuae anoxuae exanaename xua Israel nacuapiwi equeicha xeinaena itorobiya pia pepa peewatsinchi? jeichichi Jesús pijimona.

<sup>7</sup> Jesús jume nota pijimona, jeye:

—Paxam jopa paca itacɛpaeyo xua painya neyaputaewa po dapae poxonae Nacom peexanaewa tsane baxua, matautano xua po mataqueitha poxonae peexanaewa tsane. Saya meisa Taxa xeina peayapusɛ itorobi coyenewa, po peayapusɛ itorobi coyenewatha xua peexanaewa baxua.

<sup>8</sup> Poxonae Nacom pia Pejumope tɛnaxɛ tatsi pacata patsina painya nepaca barɛ poponaenexa xua bapoxonae peayapusɛwawa painya nexainaenexa. Tajume diwesi painta papaebiname Jerusalén tomaratha, Judea nacuathano, Samaria nacuathano, daxita carepaya tajɛ nacuantha, jei Jesús.

<sup>9</sup> Poxonae Jesús baxua najume weta, Jesús athabe caichatsi Nacom. Jesús pia peitorobiwi taeumeinyatsi. Barapomona tsaquinaebowa tane xua Jesús matawacaicha duncatsi. Equeicha Jesús jopa taetsi.

<sup>10</sup> Poxonae awiya came barapomonae necotumeinya itaboco, barapomonae jeme-icha caquita umenarucupatsi pon xua nacueyatabe, ponbe xua pemainya paparuwa penama xatatsinbe.

<sup>11</sup> Baraponbe Jesús pijimonae tatsi baraichi, jeye:

—Ja, pomonae Galilea nacuapiwi pam, zeta xua metha came awiya paitaboco necotumeinyame? Bapon Jesús, pon xuaunxuae athabe icha painya xamtha, bexa tsane equeicha patopaetsica, barapocotsi jata coyeneya ichi tsane ichaunxuae aunxuae icha ichi, poxonae athabe icha.

*Meje yabara poxonae Jesús pia peitorobi jiwi tatsi Matías itapetatsi Judas pecoutha petanacuichiwa tsainchi*

<sup>12</sup> Barapoxonae Jesús pia peitorobi jiwi tatsi demxuwa weiyiwa po demxuwa pewan Olivo demxuwa xua Jerusalén tomara be-iyiwa. Poxoru Jerusalén tomara imoxoyo daxota barapomonae itacupatsi xua peponaewa Jerusalén tomara beya demxuwa weya bequein bara judiomonae pia pentaquei seicae matakabi tatsi saya poxoru Moisés pia peitorobi coyenewatha baxua peyabara copatsixae.

<sup>13</sup> Poxonae Jesús pia peitorobiwi tatsi pareca Jerusalén tomaratha, athabe jujuinya po tututha athawetsica jinompa. Baraxota jinompa Jesús pia peitorobiwi tatsi pewan Pedro, iru Juan, iru Santiago, iru Andrés, iru Felipe, iru Tomás, iru Bartolomé, iru Mateo. Iru popona ichan Santiago pon Alfeo pexanto tatsi. Iru popona ichan pon pewan Simón. Barapon Simón celotemonae jiwana pin. Barapo celotemonae pomonae ba ichichipa xua pexeinaewa barompaya pia pecanamataxeinaeinchi. Iru popona ichan pon pewan Judas pon Santiago pexanto tatsi.

<sup>14</sup> Daxita barapomonae iru Jesús peyapin jiwi tatsi baru nacaetuteibatsi, xua pebaru tsipaebeibinexatsi Nacomtha. Iru Jesús pena tatsi, bapowa María, iru ichowaxi yabaxi baru nacaetuteibatsi xua pebaru tsipaebeibinexatsi Nacomtha.

<sup>15</sup> Nexata caentacabi Pedro nontapona ichaxota ena pomonae xua Jesús pejume cowantsiwi. Barapo bicheito be ciento veinte poyobe. Barapomonae Pedro barai, jeye:

<sup>16</sup> “Tamonae pam, pomonae iru painya nejume cowantsiwixae Jesús. Bewa nayabara jume cui wetsina po coyene bayatha Nacom namchi xua pejume diwesitha yabara tsiwanaya paeba. Bayatha caena David cueicueijejei exanatsi Nacom pia Pejumope tñaxu tatsi xua Judas cui coyene caunutatsi xua pinae Jesús waetabinchi pomonae Judas matakapona.

<sup>17</sup> Bara Judas yatsicaya pata jiton petain pana nabaru nacuitan barapo penacuichiwa.

<sup>18</sup> Poxonae Judas Jesús caenaetatsi, sacerdotemonae pia pentacaponae tatsi Judas catatsi paratixi. Pirapae sacerdotemonae pia pentacaponae tatsi bapo paratixitha Judas petupaein tsicomotatsi ira. Judas iratha jopeica poxonae tupa yawa coto tsitecatsi, unu pichatecatsino abe peexanaexae.

<sup>19</sup> Nexata pomonae Jerusalén tomaratha pejinompaewi, barapomonae jume tane pocotsiwa Judas exana. Daxota barapomonae barapo ira wan duta po wan jei: ‘Acéldama ira’, jei. Barapo jume, barapomonae pijumetha xua jei: ‘Pejana ira’, jei”, jei Pedro.

<sup>20</sup> Equeicha Pedro barai barapomonae pomonae pejume cowantsiwi, jeye: “Salmos penaxanae wei diwesitha Judas petupaexae yabara paeba, jeye:

‘Pia bo tatsi tausaya bo tauncuaeinchi.

Jopa ichan ecae tsane baxota’, jei.

Matautano namchino:

‘Equeicha pecoutha tanacuitinchi ichan’,

jei Salmos penaxanae wei diwesitha,

xua Judas yabara”, jei Pedro.

<sup>21</sup> Nexata Pedro equeicha namchi, jeye: “Xote waxantha jinompa pebiwi pomonae matha cain pana nepuna jinomparu poxonae Jesús pon Wanacanamataxeinaein pana nebaru jinompa daxita pan.

<sup>22</sup> Barapo pebiwi taneno xua Juan Jesús pebautisabiwatsi. Yawa barapo pebiwi taneno xua poxonae Jesús cataunxuae exana ducuaenaebiya pocotsiwa xua pewunaewan. Matautano barapo pebiwi taneno poxonae Jesús yantacabi jopa po mataqueitha poxonae athabe juinya. Bewa wabichipatsi caein barapo pebiwi jiwana, pon pecui yaputaein po coyene Jesús equeicha asu popona. Bapon iru pana puna cueicueijeije tsane xua po coyene Jesús equeicha asu pepoponaewa”, jei Pedro barapo pejume cowantsi jiwitha.

<sup>23</sup> Barapomonae pomonae pejume cowantsi jiwi najiwana itapeta ayunbe. Ichun pewun José Barsabás, pon icha wun Justo. Iru ichun pewun Matías.

<sup>24</sup> Nexata barapomonae Jesús athabeicha tsipaebatsi, jeye: “Nacom, pon jiwi Necanamataxeinaem. Daxita jiwi nejuntu coyene yaputaein. ¿Incane methara ponbe jiwana pon xua ichichipamera, pon xua cuita itapeta ichichipame?

<sup>25</sup> Barapon iru penaexanaenexa jinya neitorobi jiton pon xuya Judas pecoutha petanacuichinexatsi. Judas tupa nacabeta abe peexanaexae. Judas pona ichaxota po nacuatha jopa nacoicha duntsiyo isoto”, jei barapomonae.

<sup>26</sup> Nexata barapomonae wun jiyatabaxuba ibotiyobe. Nexata saya Matías wun naitataraba. Daxota bapon Matías itapeta cuita wabatsi. Matías once pomonaeyobetha napon pomonae Jesús pia peitorobi jiwi tatsi.

## 2

*Meje yabara poxonae Nacom pia Pejumope tñaxu tatsi patopeica pomonaetha pomonae Nacom pejume cowantsiwi*

<sup>1</sup> Pentecostés matabi tsuxubi, po mataqueitha xua poxonae jiwi tsinacaetuteiba penabanaenexa pexaewa peyabara nanta xeinaexae xua pexaewa naweta. Barapo matabitha daxita pomonae Jesús pejume cowantsiwi bara cae botha nacaetuta.

<sup>2</sup> Barapo mataqueitha barapomonae busi tane, pebusi po busi xua be joibo busi po busi xua busi nainya naetaba itaboco wetsica. Barapo busi daxita bo tutu canapura ichaxota barapomonae nacaetuta.

<sup>3</sup> Barapoxonae barapomonae tsita naitapeinya xeinatsi xua be peebato jumope coichan. Barapo peebato jumope coichan daxita carepaya barompaya barapomonae jajayababa tsiniya taenatsi.

<sup>4</sup> Barapoxonae daxita carepaya barapomonae juntu coyene yucatsi Nacom pia Pejumope tñaxu tatsi pia peayapusu itorobi coyenewa tatsi. Matautano daxita barapomonae barompaya tsanaya icha jumeintha cueicueijeije xua be po jumetha Nacom pia Pejumope tñaxu tatsi cueicueijeije cana exana barapomonae po jumein xua jopa yaputaeyo.

<sup>5</sup> Barapo matabintha, iruru pinmonae judiomonae pata Jerusalén tomaratha, po judiomonae i dapocotsi nacuan werena peponaewi xua penataenexa Pentecostés wun matabi poxonae tsinacaetuta pexaewa penabanaenexa. Barapomonae bichocono pejume cowantsiwi Nacom.

<sup>6</sup> Barapo ayei bicheitomonae pomonae judiomonae barapomonae busi tane xua po busi, busi duneica ichaxota nacaetuta pomonae barapon Jesús pia pejume cowantsiwichi tatsi. Barapo judiomonae jume tane xua daxita barapomonae barompaya pia jumexitha cueicueijeije xua judiomonae pia pejume tatsi. Bapoxonae barapomonae nanacaetuta Jesús pejume cowantsiwitha. Barapomonae pomonae judiomonae najuntu coyene cabenaeca. Yawa jopa yaputaeyo xua peyabara nanta



xeinaewa baraxua tsipei daxita barapomonae pomonae Jesús pejume cowantsiwichi barompaya judiomonae pijumexitha tatsi cueicueije.

<sup>7</sup> Daxita barapomonae pomonae judiomonae najuntɥ coyene cabenaeca. Nantiya caemonae natsipaeba, jeye:

—jina, bara barapomonae Galilea nacuapiwiba, pomonae bequein barapomonae jopa icha jumeintha pecueicueijeji jiwi xua wajumeintha pecueicueijejiwa!

<sup>8</sup> ¿Eta pocotsiwa barapomonae metha daxita barompaya tsanaya icha jumeintha cueicueijeji xua wajumeintha?

<sup>9</sup> Xote jinompa Partia nacuapiwi irɥ Media nacuapiwiba, irɥ Elam nacuapiwiba. Barichi xote jinompe Mesopotamia nacuapiwi, irɥ Judea nacuapiwiba, irɥ Capadocia nacuapiwiba, irɥ Ponto nacuapiwiba, irɥ Asia nacuapiwiba.

<sup>10</sup> Matautano barichi xote jinompa Frigia nacuapiwi, irɥ Panflia nacuapiwiba, irɥ Egipto nacuapiwiba, irɥ Libia nacuapiwiba pomonae jinompa imoxoyo Cirene nacua. Matautano ichamonae pata pomonae Roma tomarapiwi.

<sup>11</sup> Barapo Roma tomarapiwi icha judiomonae pepa judiomonae xua yacui naexana. Icha judiomonae jopa pepa judiomonaeyo. Saya judiomonae penaexanaewi, tsipei barapomonae jume cowanta Nacom icha be judiomonae ichi pomonae pepa judiomonae. Irɥ pata ichamonae Creta nacuapiwi, irɥ Arabia nacuapiwiba. Ichitha daxita waxainchi jume tainchi xua Nacom pewnaewan exana peayapusɥwatha, poxoror barapo Jesús pijimonae tatsi wajumeintha paeba, jei barapo judiomonae.

<sup>12</sup> Daxita barapo judiomonae najuntɥ coyene cabenaeca. Daxota barapomonae jopa xaniwaicha yabara nanta xeinaeyo baxua. Barapomonae caemonae nayainyabiya, jeye:

—¿Eta pocotsiwa metha baxua jane? jei.

<sup>13</sup> Ichamonae saya jume cui capana. Barapomonae namchi, jeye:

—jApara barapomonae Jesús pijimonae tatsi cɥpatsi! jei.

### *Meje yabara poxona xua Pedro tsipaeba barapomonae*

<sup>14</sup> Jesús pia peitorobiwi tatsi poyobe xua once poyobe, barapoyobe pia xantha tatsi Pedro nontapona. Matautano nontapona pepa bicheito itabaratha tatsi. Pedro jume daunweya barai barapo bicheitha, jeye: “Paxam, pomonae Judea nacuapiwi pamxaem irɥ daxita pomonae Jerusalén tomarapiwi pamxaem, incane pana nejume taema, yabara paca tsipaebinchi xuaunxuae pajume taneme.

<sup>15</sup> Barapo pebiwe xua Jesús pijimonae tatsi apara jopa cɥpaetsi xuaunxuae pacui yabara nanta xeiname. Apara awiya xometo caewa ecareca. Cataunxuae apara baya daxota jopa cɥpaetsi.

<sup>16</sup> Baraxua xuaunxuae anoxuae pajume taneme, caena bayatha Nacom pia peitorobi jume pepaebin yabara tsiwɥnae muxu duta pon pewɥn Joel. Joel baraxua Nacom Pejume Diwesitha tina xua saya tatina, xua pinae Nacom paeba.

<sup>17</sup> Jeyei Nacom:

‘Poxonae barapo cae pin nacuathe po matakabi

opi weraweracaena, bapoxonae barapo

matakabitha daxita carepaya jiwitha

najumope tɥnaxɥ cayataxubiya catsibin.

Painya nexanto jiwi irɥ painya nexantixi

neyabara cueicueijeji tsane pocotsiwa

xua yaputane exanan.

Pewowi yatsicaya tsita naitateibinchi

be poxonae camaiteibina.

Pitiri jiwi camaiteibina poxonae amachinae tsane.

<sup>18</sup> Pomonae xua amanaya neyabara diwesi

canantsipaebina, barapomonaethano  
 najumope catsibin barapo matacabitha,  
 yabuxithano, pebiwithano. Barapoxonae inta cueicueijejei tsane.

<sup>19</sup> Peitabocotha paca tsita itutsinchi po coyenein  
 bichocono pewnaewan xua jiwi bichocono  
 najuntx coyene cabenaeca exanatsi.

Iratha tsicano paca tsita itutsinchi po coyenein  
 xua jopa juniya be pejana tsurucuae tsane, xuano  
 xua jopa juniya be isoto tsurucuae tsane, xuano  
 xua jopa juniya be nobo tsuxx tsurucuae tsane.

<sup>20</sup> Poxonae patopaetsica pon jiwi Pecanamataxeinaein  
 copiya baraxue panecotsiname xua xometo quiri  
 jei tsane, jopa pentha tsurucuae tsane.

Yawa panecotsiname xua jomocoichato be  
 janowa ducuaena.

Barapo matacabi wxnae tsane poxonae pon jiwi  
 Pecanamataxeinaein patopaetsica.

Barapo matacabi Nacom pepa peitxpanae  
 matacabi exanaena.

<sup>21</sup> Pomonae picoya penata wxcaewa Nacomtha xua  
 Nacom peyawenaenexa tsainchi, barapomonae  
 capanenebiya tsainchi Nacom', jei Joel  
 xua saya Nacom tapaebatsi", jei Pedro.

<sup>22</sup> Equeicha Pedro barai barapomonae jeye: "Pomonae Israel nacuapiwi pamxaem,  
 incane pana nejume taema, xua paca tsipaebinchi. Jesús, pon Nazaret tomarapinxae  
 bapon Nacom itoroba painya xantha. Bapon Jesús pewnaewan exana pexeinya petsita  
 itutsi coyenewanno Nacom pia peayapuswatha tatsi, painya neyaputaenexa tsane xua  
 Nacom yawena xua Jesús peyawenaewatsi. Paxam bayatha payaputaneme xua bapon  
 tsita naituba ducuaenebiya.

<sup>23</sup> Bayatha Nacom paca cui wxnae tsiwanaya tane xua po coyeneya pata exanaename  
 pexantotha tatsi. Nacom bara paca cui copata xua abe paexaname. Jesús pawaetabame  
 painya caenaetsinexa tsane bapon peacuibe jiwitha. Barapomonae Jesús cobe matabo-  
 batsi naetha yawa bexotsi.

<sup>24</sup> Ichitha equeicha Nacom asx exana pexanto petxpaе cuiru nacua weya. Nacom  
 Pexanto capanepa pia peantxayapuswatha barapo petxpaе cuiru nacua weya, tsipei  
 barapo petxpaе cuiru nacua jopa xeinaeyo peayapuswa xua Jesús awiya pebotsiwatsi  
 barapo petxpaе cuiru nacuatha.

<sup>25</sup> Irx David, Israel nacuapiwi itorobiya pia pepa peewatsinchi, caena bayatha tina  
 Nacom Pejume Diwesitha. David tina Jesús jume yabara tatsi. David namchi, jeye:  
 'Yaputan xua Tanecanamataxeinaein nebarx  
 poponeiba daxita matacabi.

Bapon neyaweneiba.

Bapon nebarx poponeiba daxota

jopa junuwin tsane.

<sup>26</sup> Daxota bichocono juntx coyene weiweinan.

Mataxtano daxota Nacom Pejume Diwesi

juntx coyene weiweinaya

cueicueijan ichamonaetha.

Bara bequein txpaein, muthutha bocuaeinno,

ichitha jume cowxntan xua Nacom equeicha asx

neexanaena pia peantayapusawatha.

<sup>27</sup> Xam Nacom jopa punaxubim tsane tajumope petupae cuiru cuariyatha.

Poxoru xan jinya nexanton tajuntui cui xanepanaein daxota jopa benecopatsim xua tatupaein tuxamnuncuaein, yawa xua tsabanuncuaein.

<sup>28</sup> Neita cui tsita itabame beta xaniwaicha tapoponaenexa tsane poxonae equeicha asu neexanaename petupae cuiru nacua weya.

Nejuntui coyene weiweina exaname tsipei neyanta poponeibame', jei David xua saya Jesús tapaebatsi", jei Pedro.

<sup>29</sup> Equeicha Pedro barai barapomona, jeye: "Tamona, daxota beta paca tsipaebatsi xua pinae David wamo susato nacuapin bayatha pinae tupa. Piamona muthutha xotsi. Awiya waxantha boca barapo muthu ichaxota petupaein muthutha xotsi.

<sup>30</sup> Apari, barapon David, pinae Nacom peitorobi jume pepaebin. Bayatha pinae David nacana wanae tsiwanaya muxu tsidutatsi Nacom, xua pinae David pijimona tatsi jiwana pon jiwi Pecanamataxeinaein tatsi naexanaena. Barapon pon Pecanamataxeinaein jiwi Israel nacuapiwi canamataxeinaeinchi icha cain bayatha David ichi poxona canamataxeina barapo Israel nacuamona.

<sup>31</sup> Bayatha pinae David yabara tsiwanae muxu duta xua bexa tsane Nacom Mesías equeicha asu exanaeinchi. Nacom Pexanto tatsi pon David yabara jume jei, apara bapon Mesías. David namchi xua Mesías jeyei xua saya pinae David tapaeba: 'Xam Nacom jopa punaxubim tsane tajumope petupae cuiru cuariyatha. Poxoru xan jinya nexanton tajuntui cui xanepanaein, daxota jopa benecopatsim xua tatupaein tuxamnuncuaein yawa xua tsabanuncuaein', jei David xua Mesías jeyei.

<sup>32</sup> Pon Mesías, pon xuaunxuae yabara paca tsipaebatsi apara bapon Jesús pon Nacom equeicha asu exana. Baraxua paxan yatsicaewa pata cui taewi.

<sup>33</sup> Jesús asiya icha peecaenexa Nacom pecoxatha tatsi. Jesús pon jiwi pepa Pecanamataxeinaein exanatsi Nacom. Matautano Jesús nacana jumope catatsi, Nacom. Barichi baxua xuaunxuae pataneme yawa pana nejume tanemeno xua daxita carepaya barompaya icha jumexitha pacueicueijan, baraxua Nacom pia Pejumope tanaxu tatsi pana cata.

<sup>34</sup> Poxoru David saya tupa, jopa athabe ichiyo, icha be jopa Jesús ichiyo poxonae athabe icha Jesús. Ichitha saya baxua David tapaeba Nacom, xua Nacom Mesías tsipaebatsi, jeye:

'Nacom, Tanecanamataxeinaein baraichi.

Tacoxatha weya ecare.

<sup>35</sup> Abi beya poxona matapainya necaaitafaetabi jiwi pia Pecanamataxeinaein tatsi caexanaeinchi.

Barapomona beexanaetsipa pocotsiwa xua xam nepaebiwam', jeye pinae Nacom xua Mesías tsipaebatsi, jei David Nacom nexa", jei Pedro.

<sup>36</sup> Equeicha Pedro namchi barapomonaetha: "Paxam, pomona Israel nacuapiwi pamxaem. Anoxuae payaputaneme pon xua naetotha tupa parucua paexaname, Nacom exana xua bapon jiwi pia Pecanamataxeinaein tatsi naexana. Yawano Nacom naca itata caewata xua pon Mesías jei, pon Nacom itorobica petsitupaenexa jiwi, apara bapon Jesús", jei Pedro.

<sup>37</sup> Poxonae daxita carepaya barapomonae baxua jume taer<sub>u</sub>cupa bichocono juntu coyene wecoyeyi ts<sub>u</sub>ru<sub>u</sub>cupae. Barapomonae Pedro baraichi ir<sub>u</sub> Jesús pia peitorobi jiwi tatsi baraichi, jeye:

—Patamonae, zeta bewa pabichin tsane metha? jei.

<sup>38</sup> Nexata Pedro barapomonae barai, jeye:

—Icha juntu coyene paxeinare Nacomtha painya neauraxae xua abe paexaname. Matautano daxita carepaya pam ichamonae paca bautisabina Jesucristo pew<sub>u</sub>ntha xua Nacom pia paca necayabara j<sub>u</sub>ntemainaenexa xua abe painya neexanae cuiru coyenein. Barapoxonae Nacom paca nacana jumope catsibina.

<sup>39</sup> Barapo peyabara tsiw<sub>u</sub>nae muxu dutsiwa apara paxam nexa, ir<sub>u</sub> muxuna daxita painya pexui nexano. Matautano pomonae taj<sub>u</sub> beya jinompa ir<sub>u</sub> barapomonae nexa. Barichi Nacom pon Wanacanamataxeinaeinxae, pomonae waba peantobexae barapomonae ir<sub>u</sub> nexa, jei Pedro.

<sup>40</sup> Barapo jumeintha yawa icha jumeintha Pedro tsipaeba barapomonae. Matautano Pedro bichocono muxuweta poxonae jeye:

—Po coyenein xua daxita abe peexanae cuiru coyenein paexaneibame, barapo coyenein pana nacui barapende, po coyenein xua daxita carepaya jiwi exaneiba, jei Pedro.

<sup>41</sup> Po matabitha poxonae Pedro paeba baxua barapo matabitha pomonae jume cow<sub>u</sub>nta xua Pedro paeba barapomonae bautisabatsi. Barapo matabitha tres mil po bicheito jiwimonaebe naexana xua pomonae copiya pomonae Nacom pejume cow<sub>u</sub>ntsiwixaetsi barapomonae mataropeicha pinmonae naexanatsi.

<sup>42</sup> Barapomonae nacuiduba nawita, xua Jesucristo pia peitorobi jiwi tatsi paeba. Barapomonae nacana cui nanta j<sub>u</sub>rpaya jinompa. Nacomtha nabar<sub>u</sub> tsipaebeibano. Nabar<sub>u</sub> nacaetuteibano xua penabar<sub>u</sub> epa janaqueibinexa pan xua penabar<sub>u</sub> xaibinexa. Barapomonae baxua exana dubenanaebiya xua Jesucristo peyabara nanta xeina dubenanaebiyaenexatsi po coyene xua Jesucristo bayatha icha ichi xua poxonae pan epa janaca.

*Meje yabara po coyeneya xua jinompa pomonae copiya Jesús pejume cow<sub>u</sub>ntsiwi*

<sup>43</sup> Jesucristo pia peitorobiwi tatsi, barapomonae pexeinya petsita it<sub>u</sub>tsi coyenewan exana nawita Nacom pia peayapus<sub>u</sub>watha tatsi. Daxota pomonae jopa Jesucristo pejume cow<sub>u</sub>ntsiwichi, daxita barapomonae junuwa, Nacom cunuwatsi poxonae cui tane baxuan.

<sup>44</sup> Daxita barapomonae, pomonae Jesús pejume cow<sub>u</sub>ntsixaetsi, barapomonae xaniwaicha caemonae pebur<sub>u</sub>ya nabar<sub>u</sub> jinompa. Matautano barapomonae caemonae nantiya nacatsiba dubenanaebiya pichiwixi pocotsiwan xua xeina.

<sup>45</sup> Matautano barapomonae daxitan pocotsiwan xua xeina caenaeta dubenanaebiya. Barapoxonae barapo paratixi nata tsaba dubenanaebiya xua jopa pexeinaexae ichamonae xua icha be pocotsi coyeneya pocotsiwan canantawenona ichamonae.

<sup>46</sup> Daxita carepaya barapomonae nabar<sub>u</sub> nacaetuta dubenanaebiya Nacom pin pia botha. Matautano pia boxitha nabar<sub>u</sub> nacaetuta dubenanaebiya pan nabar<sub>u</sub> epa nantaraba janaquiya exana dubenanaebiya. J<sub>u</sub>ntema nabar<sub>u</sub> juntu coyene weiweinaeya xaerubenanaebiya.

<sup>47</sup> Daxita barapomonae carepaya Nacom w<sub>u</sub>nae jainta dubenanaebiya. Matautano barapomonae bar<sub>u</sub> cui itura jinatsi ichamonae beta peexanaexae. Daxita matabi tsaibi pomonae Nacom pejume cow<sub>u</sub>ntsiwixaetsi barapomonae Nacom cana exana xua mataropeicha pinmonae tsoponae tsaibi.

### 3

*Meje yabara poxonae pon pejayujayujei jiton equeicha cui jume exanatsi*

<sup>1</sup> Caentaqueitha quiripitha poxonaes tres po horabe tsuxubi po horatha poxonaes jiwi ba poneiba Nacom pin pia botha xua petsipaebibinexa Nacomtha bapoxonaes Pedro iru Juan Nacom pin pia botha jonyabe.

<sup>2</sup> Barapo bo Nacom pin pia bo tatsi icha coiboto jiwi wun duta, jeye: “Pexeinya coiboto”, jei. Barapo coibototha daxita matabi tsaibi pebin cuareteibatsi pon pejayujayujei jiton xua yawa naexana poxonaes pexuyo. Daxota bapon baxota cuareteibatsi xua pewaquequeibinexa pomonaetha pomonaes jojoneibiya barapo coiboto iya.

<sup>3</sup> Pon pejayujayujei jiton wuca paratixi poxonaes Pedro iru Juan tainchibe xua muxu pejonyaebe barapo coiboto iya.

<sup>4</sup> Nexata Pedro iru Juan tanebe bapon. Pedro barai bapontha, jeye:

—Incane pana taemabe, jei Pedro.

<sup>5</sup> Nexata necota bapon. Nanta xeinataba xua catinchi paratixi.

<sup>6</sup> Ichitha Pedro barai bapontha, jeye:

—Canta jopa xeinaeinyo paratixi. Matautano jopa xeinaeinyo pocotsiwa oro nain matawun. Meisa po coyenewa xua taxainaewa baxua cacatinchi. Jesucristo, Nazaret tomarapin wuntha cabaraichi, asiya uncuatabare yawa pondeno, jei Pedro.

<sup>7</sup> Nexata Pedro pocotsiwa pecoxa weya cobe pita. Yawa asiya cuaranotano. Bapoxonaes nainya beta taxuyawere daunweya ducuanaya. Pesitano wunaes tsanayano.

<sup>8</sup> Nexata bapon pon pejayujayujei jiton jirawuna. Asiya uncuatabano. Ponano. Bapoxonaes Pedro iru Juan puna jonyatsibe bapon, Nacom pin pia botha. Jirajirawiya ponano. Yawano Nacom wunaes jaintatsi.

<sup>9</sup> Nexata daxita pomonaes xua Nacom pin pia bo tututha peenaexae, tainchi pon pejayujayujei jitonxae xua pona, yawano xua Nacom wunaes jaintatsino.

<sup>10</sup> Barapomonaes daxita carepaya najuntu coyene cabenaecaeya tane, tsipei barapomonaes bayatha cui tane xua bapon amanaya jiwi waquequeiba paratixi pecoibototha, po coiboto pewun “Pexeinya coiboto”, jei.

*Meje yabara poxonaes Pedro diwesi paeba Nacom pin pia botha po tututha pewun Salomón bo wun tututha*

<sup>11</sup> Poxonaes pejayujayujei jiton awiya maxu waetabatsibe Pedro Juanno bapoxonaes iruru daxita jiwi najuntu coyene cabenaecaeya cuinaenouta Nacom pin pia botha xua tututha po tututha Salomón bo wun tututha ichaxota Pedro baru jinompa.

<sup>12</sup> Poxonaes Pedro barapomonaes caetaebiya, Pedro barai: “Ja, pomonaes Israel nacua-monaepiwi pamxaem, zeta xua metha daxita paxam pana najuntu coyene cabenaecaeya taneme baxua? zPana neyabara nanta xeinamebe xua pata taayapuswatha paaxaibi exananbe pejayujayujei jiton? zMatautano pana neyabara nanta xeinamebe poxoru Nacom pajume cowantanbe daxota pon pejayujayujei jiton axaibi?”

<sup>13</sup> Ajibi, apara wamo susato jiwi pia Nacom tatsi axaibi exana bapon. Barapo Nacom Jacob pia Nacom tatsi, Abraham bapon pia Nacomno, Isaac bapon pia Nacomno. Apra bapon baxua taexana Nacom. Bapon Nacom Pexanto bichocono ainya cui cana exana poxonaes pexanto asu exana petupae cuiru coyene weya. Bapon apra Jesús pon pacaenaetame pomonaetha pomonaes pentacaponaeawi, pon bepa bequein isanaxubei Pilato poxonaes paxam jopa pacopatsim xua bapon peisanaxubiwa.

<sup>14</sup> Bapon pon bichocono pejuntu coyene xanepanaein xua jopa xeinaeyo penatsicuentisiwa xua abe peexanaexae tsipei saya exaneiba pocotsiwa Nacom ichichipa. Ichitha jopa paichipaem xua Pilato peisanaxubiwa tsane bapon. Saya meisa pawacame xua Pilato peisanaxubiwa ichun pon jiwi pejutebeibin pon Barrabás.

<sup>15</sup> Poxonaes baxua paexaname barapara Jesús pabexubame. Bapon Jesús pon jiwi cana exanatsi xua jiwi ajuntayapusya pejinompaewa. Bapon Jesús Nacom equeicha asu exana petupae cuiru coyene weya. Bara baxua yatsicaya pacui tan daxita.



<sup>16</sup> Po jume w<sub>un</sub> peayapus<sub>u</sub> w<sub>un</sub>, bapo w<sub>un</sub> Jesús pia w<sub>un</sub>. Daxota pejayujayuwei jiton barapo jume w<sub>un</sub>tha axaibi exanatsi. Barapon pataneme xua axaibi, tsipei bapon jume nanta pitabiya jume cow<sub>un</sub>ta barapo peayapus<sub>u</sub> jume w<sub>un</sub>. Daxota barapon painya itabaratha axaibi tsuxubi poxoru jume cow<sub>un</sub>ta Jesús”, jei Pedro.

<sup>17</sup> Equeicha Pedro jeye: “Tamonaē yaputan xua jopa payabara yaputaem xua paexaname poxonaē Jesús pabexubame. Barichi painya pentacaponawino jopa yabara yaputaeyo xua baxua exana.

<sup>18</sup> Nacom peitorobi jume pepaebiwi bayatha Mesías yabara tsiwana paebatsi. Barapomonaē paeba, jeye: ‘Bexa tsane Mesías bexubinchi’, jei. Nacom bara nacui yabara jume weta baxua xua bayatha Nacom peitorobi jume pepaebiwi paeba.

<sup>19</sup> Daxota icha j<sub>unt</sub>u coyene paxeinare Nacomtha painya neauraxae xua abe paexaname. Yawa pajume cow<sub>un</sub>de painya nepaca cayabara j<sub>unt</sub>emainaenexa abe painya neexanae cuiru coyenein. Yawa Nacom paw<sub>u</sub>care xua paca j<sub>unt</sub>u coyene xanepana exanaena. Bapoxonaē Nacom paca j<sub>unt</sub>u coyene ayapus<sub>u</sub>ya exanaena.

<sup>20</sup> Tsipei Nacom equeicha athawetsica Jesús itorobicaeinchi pon bayatha Nacom itapeta pon Mesías xua painya nepaca capanenebiyaenexa tsane abe painya neexanae cuiru coyenein weya.

<sup>21</sup> Cataunxuae ab<sub>u</sub> Jesucristo equiya Nacom pia nacuatheicha tatsi. Equeicha bapon patopaetsica poxonaē Nacom w<sub>un</sub>nae exanaena daxitan, be pocotsi coyeneya bayatha Nacom peitorobi jume pepaebiwi paeba.

<sup>22</sup> Barichi Moisés pata amo susato jiton namchi: ‘Painyamonae jiwana Nacom cana exanaena, pon Nacom pia peitorobi jume pepaebin tsecae tsane icha neichi. Pajume cow<sub>un</sub>tsiya exande daxita pocotsiwa xua bapon paca tsipaebina.

<sup>23</sup> Daxita pomonaē jopa jume cow<sub>un</sub>tsiyo pocotsiwa bapon paeba, barapomonaē Nacom weraweraca cana exanaena xua jopa penaexanaenexa Nacom pijimonaē tatsi’, jeyei Moisés”, jei Pedro.

<sup>24</sup> Equeicha Pedro jeye: “Daxita Nacom peitorobi jume pepaebiwi ir<sub>u</sub> Samuel pon xua yatsicaya tab<sub>u</sub> ducua, baraxua carepaya bapo diwesin yabara paeba barapo matakabin.

<sup>25</sup> Barapo Nacom pia peyabara tsiw<sub>un</sub>nae muxu dutsiwa po peyabara tsiw<sub>un</sub>nae muxu dutsiwa Nacom tsiw<sub>un</sub>naeya muxu duta Nacom pia peitorobi jume pepaebi jiwitha, apara bara ir<sub>u</sub> paxam nexa. Baxua Nacom pena peyabara tsiw<sub>un</sub>nae muxu dutsiwa Abraham yabara tsiw<sub>un</sub>nae muxu dutatsi pon wamo susatopin xua xanepanaya painya nejinompaenexa. Nacom Abraham baraichi, jeye: ‘Caein jinya nemomoxi susato jiwu jiwana pin pepatopaexae tsane daxita i dapocotsi nacuanpiwi yawenaēin’, jei Nacom Abrahamtha.

<sup>26</sup> Poxonaē Nacom Pexanto as<sub>u</sub> exana pet<sub>u</sub>paē cuiru coyene weya, bapoxonaē copiya pacata itoroba painya xantha pia painya nepaca cayawenaenexa xua daxita paxam painya nenacui barapentsinexa abe painya neexanae cuiru coyenein”, jei Pedro.

## 4

*Meje yabara poxonaē Pedro ir<sub>u</sub> Juan cueicueijeije tsuncuaebe pomonaē tomarapiwi pia pentacaponawini tatsi peitabaratha tatsi*

<sup>1</sup> Poxonaē cataunxuae Pedro ir<sub>u</sub> Juan cueicueijeibe barapomonaētha, bapoxonaē sacerdotemonaē pia pentacaponawini tatsi pata. Ir<sub>u</sub> patopa pon soldadomonaē pia pentacaponaein tatsi pon Nacom pin pia botha tatsi pe-eenaēin. Yawa saduceomonaēno ir<sub>u</sub> pata baxota.

<sup>2</sup> Barapomonaē bichocono anaepana, yaitama Pedro Juanno paebabe xua po coyene Jesús pet<sub>u</sub>paēin equeicha as<sub>u</sub>, xua pinae barichi jiwino poxonaē t<sub>u</sub>pa equeicha as<sub>u</sub>.

<sup>3</sup> Bara nexata Pedro Juanno waetabatsibe barapomona. Jiwi pecabi botha capoinchibe. Barapo botha etatsibe tsipei quirei tsanaya xua beya poxona yaitapenacaena.

<sup>4</sup> Pinmonae jume tane po diwesi Juan iru Pedro paebabe, yawa jume cowantano barapo diwesi. Barapomona iruru pomona copiya jume cowanta caena bayatha, daxita barapomona nexata daxita cinco mil bicheito tsuxubi xua saya pebiwi unatsi.

<sup>5</sup> Icha mataqueitha judiomona pia pentacaponae wi tatsi, iruru pitiri jiwi, irano pomona jiwi pecuidubiwi Moisés pia peitorobi coyenewa tatsi, daxita barapomona nacaetuta Jerusalén tomaratha.

<sup>6</sup> Baxota iru nanacaetuta Anás pon sacerdotemona pia pepa pentacaponae in tatsi. Iru nanacaetuta Caifás, Anás perobi. Iru nanacaetuta Juan iru Alejandro, ponbe Anás piamona tatsi. Barichiru nanacaetuta ichamona pomona sacerdotemona pia pentacaponae wi tatsi barapomona piamona tatsi.

<sup>7</sup> Bapoxona ichamona itoroba xua Pedro iru Juan pecuaranotatsinexatsibe barapo penacaetutsiwi itabaratha. Yainyabatsibe, jeichibe:

—¿Jintam pia peayapusu itorobi coyenewatha tatsi matautano jintam pewantha tatsi axaibi paexanamebe? jeichichibe.

<sup>8</sup> Pedro bichocono juntu coyene yucatsi Nacom pia Pejumope tuxu tatsi pia peayapusu itorobi coyenewa tatsi. Pedro barapomona jume nota, jeye:

—Pomona tomarapiwi pia pentacaponae jiwi pamxaem, iruru pomona pitiri jiwi pamxaem, pomona Israel pijimona tatsi pamxaem, daxita barapomona pam paca tsipaebatsi.

<sup>9</sup> Maisa yabara pana yainyabamebe xua po coyene pejayujayuwei jiton axaibi xua painya neyaputaenexa xua eta po coyeneya xua paexananbe poxona bapon axaibi exanatsi po coyene xua bichocono wuna.

<sup>10</sup> Daxota paxanbe paca jume notatsi xua iru israelmonaepiwi peyaputaenexa po coyene xua pon pejayujayuwei jiton axaibi exanatsi poxona pawun paeban Jesús pewun pon Nazaret tomarapin. Bapon Jesús, pon apara naetotha tuxarucua paexaname matautano pon equeicha Nacom petuxaein asu exana petuxae cuiru coyene weya.

<sup>11</sup> Bayatha Nacom Pejume Diwesitha tsiwanaya yabara paeba xua po coyeneya pacana exaname Jesustha. Paxam be barapocotsimona pam, be pocotsimona xua ibo bo peacabiwi. Barapomona xuba iboto po iboto bequein ainya cui naexana beyacaincha icha iboto. Paxam bara paichim Jesucristo paxubame pon peainya cui xua Nacom ainya cui cana exana beyacaincha ichamona.

<sup>12</sup> Barapo cae pin nacuathe dapocotsin aibi pon capanepeiba jiwi. Saya meisa bapon Jesús capanepeiba jiwi. Ichun Nacom jopa nacata itorobiyo.

<sup>13</sup> Daxita tomarapiwi pia pentacaponae wi tatsi yabara najuntu coyene cabenaeca xua Pedro Juanno jopa auriyobe xua atsaquiya paebabe. Tsipei barapomona pomona pentacaitorobi bicheito yaputane xua Pedro Juanno jopa nacuidubiyobe petinae botha matautano xua baponbe saya pecui pawu jitonbe. Barichi barapo pentacaitorobi bicheito yaputaneno xua xaniwaicha apara baponbe ponbe napuna poponeibabe Jesustha.

<sup>14</sup> Barapomona moya ena tsipei pon pejayujayuwei jiton Pedro Juanno axaibiya caquita uncuatsibe. Daxota barapomona Pedro Juanno jopa abe yabara paebichibe.

<sup>15</sup> Pedro Juanno matha pesato beitorobiyatsibe. Barapomona natsipaeba.

<sup>16</sup> Nabarai, jeye:

—¿Eta bichainchi metha baraponbetta Pedro Juanno? Bayatha daxita carepaya Jerusalén tomarapiwi yaputane xua Juan Pedrono exanabe pexeinya petsita itatsi coyenewa Nacom pia peayapusuwatha tatsi. Daxota jopa naca itacuxaeyo xua wapaebiwa

po coyene xua baponbe jopa apara exanaeyobe pexeinya petsita itatsi coyenewa Nacom pia peayapuswatha tatsi.

<sup>17</sup> Maisa aichaxaibichi xua daxita carepaya jiwi jume taetaepona baxua. Metha daxota baponbe jume daunweya itorobinchi xua equeicha jopa paebi tsanebe xua Jesús peyabara paebiwatsi, jei barapomona.

<sup>18</sup> Barapo pentacaitorobi bicheito equeicha Pedro iru Juan wabatsibe. Jume daunweya tsipaebatsibe:

—Equeicha jopa Jesús payabara paebindebe. Equeicha jopa yabara pacuidubindebe barapo cui, jei barapomona.

<sup>19</sup> Bara nexata Pedro Juanno jume notabe barapomona, jeibe:

—Incane payabara nanta xeinare icha metha bara Nacom tsita xanepanatsi xua paxanbe pata paca cajume cowantsiwatsi xua pata exanaewabe pocotsiwa pana itorobame xua daxota jopa pata exanaewa pocotsiwa Nacom pana itoroba.

<sup>20</sup> Bewa paexanaeinbe daxita pocotsiwa Nacom pana neitorobabe. Bewa papaebinde daxita pocotsiwa patanbe xua Jesús exana yawa xua pajume tanbeno xua Jesús paeba, jeibe Pedro Juanno.

<sup>21</sup> Barapomona pomona tomarapiwi pia pentacaponae wi tatsi, Pedro iru Juan jume itawetatsibe. Daichitha saya pu copatatsibe. Barapomona jopa itacupaetsi xua pecuainchiwatsibe Pedro iru Juan jiwi pecunuwixaetsi, tsipei pinmonae jiwi Nacom wanae jaintatsi, petaxae pocotsiwa Pedro iru Juan exanabe.

<sup>22</sup> Pon pejayujayujei jiton pontha pon Nacom pexeinya petsita itatsi coyenewa taexana, bapon axaibi exanatsi poxona cuarenta po weiyobe xeina.

*Meje poxona pomona Jesús pejume cowantsiwichi tatsi wuca Nacom xua jopa pejunuwina tsane poxona Nacom Pejume Diwesi cueicueije tsane jiwitha*

<sup>23</sup> Pedro Juanno nainya pontababe ichaxota Jesús pejume cowantsiwichi tatsi jinnompa. Baxota nanabaru nacaetutatsibe. Barapomonaetha paebabe, xua baraunchichibe sacerdotemona pia pentacaponae wi, pitiri jiwino.

<sup>24</sup> Poxona Pedro iru Juan baxua jume taerucupatsibe, barapomona Nacomtha tsipaeba, jeye: “Nacom, pon pata Necanamataxeinaem, xam daxita peitabocotha exaname, irathano, menthano, daxita icha coyeneinno.

<sup>25</sup> David pon neitorobi jume pepaebin, nejumope tñaxu cueicueije cana exanatsi xua cata paeba, poxona jeye:

‘¿Eta xua metha, pomona jopa judiomona naexanaeyo cayabara anaepana?

Bara bequein ichipa abe cata exana ichitha jopa itacupaetsi.

<sup>26</sup> Daxita carepaya nacuanpiwi pomona jiwi itorobiya pia pepa peewatsiwichi iru ichamona pomona jiwi peyanacua ewatsiwichi barapomona nacaetuta xua abe necayabara paebinexa yawa xua Nexanto pia abe yabara paebichi pon Mesías, pon jinya Neitapetsin’, jeyei David, xua pinae Nacom tapaebatsi”, jei barapomona xua wuca Nacomtha.

<sup>27</sup> Equeicha bapomona jeye: “Bara yatsicaya baxua exana poxona Herodes iru Poncio Pilato, iru icha nacuamonaepiwino, iru Israel nacuamonaepiwino xote nacaetuta Jerusalén tomaratha. Barapomona nacaetuta xua Jesús abe peyabara paebinxatsi nexanto pon pejuntu coyene xanepanaein pon Mesías pon itapetame.

<sup>28</sup> Barapomonaē, pomonaē xote nacaetuta, exana daxita xua caena bayatha cui wanaē tsiwanaya yabara paebame po coyene xua barapomonaē exanaena.

<sup>29</sup> Pata Necanamataxeinaem, matha jume taema xua pana yabara abe jume baraunchi xua abe pana exanapaeba. Pana care xua neajuntayapuswa xua jopa junuwiya pata paebinea tsane jinya jume diwesi, tsipei paxan jinya neitorobi jiwi pan.

<sup>30</sup> Peatenewi axaibi exande neayapuswatha. Matautano barabū copatame xua pexeinya petsita itutsi coyenewan paexanaein poxonaē pacueicueijan tsane jinya jume diwesi, Jesús nexanto pia peayapuswatha tatsi pon pejuntū coyene xanepanaein”, jei barapomonaē poxonaē wuca Nacomtha.

<sup>31</sup> Barapomonaē najume wetarūcupa xua Nacomtha petsipaebiwa. Bapoxonaē ichaxota nacaetuta barapomonaē ira jijiyataxuba. Daxita barapomonaē juntū coyene yuca cana exanatsi Nacom pia Pejumope tūnaxū tatsi pia peayapusū itorobi coyenewa tatsitha. Matautano barapomonaē Nacom Pejume Diwesi jopa junuwiya paebinoutsiyo.

*Meje yabara poxonaē pomonaē Jesús pejume cowantsiwi pocotsiwan xua xeina daxita baxuan bara barapomonaē nexa*

<sup>32</sup> Pomonaē pejume cowantsiwi Jesucristo pinmonaē tsoponaē. Barapomonaē peburaya nanta xeina be caenthato coyeneya. Ichūn jopa jeiyo: “Apara pocotsiwa xeiinan meisa tawa”, jopa jeiyo. Ichitha daxita xua barapomonaē xeina baxua saya daxita bara barapomonaē nexa.

<sup>33</sup> Jesús pia peitorobi jiwi tatsi ajumeyapusya yabara paeba pocotsiwa bayatha tane poxonaē Jesucristo pon jiwi Pecanamataxeinaeinchi xua equeicha petūpaein asū popona exanatsi. Matautano yabara cueicueije po coyene Nacom bichocono wanaē exana daxita barapomonaetha peantobexaetsi.

<sup>34-35</sup> Jopa ichūn acopeibiyo pomonaē Jesús pejume cowantsiwi. Daxita barapomonaē xeina xua pocotsiwa penantawenonaewa poxoru ichamonaē pomonaē nawita pexeinaewi caenaeta dubenanaebiya pabin, bomūxūnno. Barapo paratixi poxonaē xeineiba, catsibeibatsi Jesucristo pia peitorobi jiwi tatsitha. Nexata xuya barapo paratixi Jesucristo pia peitorobi jiwi tatsi catsibeiba pomonaetha pomonaē peacopeibi jiwi xua daxota jopa petaseicaenexatsi pocotsiwa nantawenona.

<sup>36</sup> Barichi exana bapon José pon Leví pia pemomo susato jiwana pin. Jesucristo pia peitorobi jiwi tatsi icha wūn duta bapontha, po wūn Bernabé. (Barapo wūn, xua hebreo jume jei: “Pon jiwi pentateiqueibin”, jei.) Barapon José, Chipre tunaetotha naexana.

<sup>37</sup> Bapon pia pabi caenaeta. Bapoxonaē barapo paratixi Jesucristo pia peitorobi jiwi tatsi catatsi peacopeibiwi nexa.

## 5

*Meje yabara poxonaē Ananías irū piowa Safira abe exanabe*

<sup>1</sup> Bapoxonaē irū ichūn pon pewūn Ananías irū piowa pewūn Safira, pabi xeinabe. Bapon piowabe pia ira caenaetabe.

<sup>2</sup> Bapon piowabe najūpa nanta xeinabe. Baponbe icha paratixi nata botabe. Icha paratixi Jesucristo pia peitorobi jiwi tatsi catabe bequein Ananías paeba xua daxita catabe Jesús pia peitorobi jiwitha tatsi.

<sup>3</sup> Bara nexata Pedro Ananías baraichi, jeye:

—Ananías, ¿eta xua metha Satanás jume jejam xua cajume tsiduta xua Nacom pia Pejumope tūnaxū tatsi muxuitorobame? ¿Eta xua metha paratixi nata botame xua ira matoma cacata?

<sup>4</sup> Po ira caenaetame apara bara jinya ira. Yawa barapo matomano apara bara jinyawa. Barapo paratixi icha canantawenoname bara ba moya tainchi. ¿Eta xua metha baxua najuntū coyene xei name? Jopa apara muxuitorobim pebiwi. Jame yatsicaya apara Nacom pia Pejumope tūnaxū tatsi muxuitorobame, jei Pedro.

<sup>5</sup> Poxonae baraxua Ananías jume taeba, pet̃paein Ananías iratha jopa. Daxita pomonae xua jume tane xua bapon t̃pa, bichocono junuwa.

<sup>6</sup> Pewowi pata. Ananías pet̃paein mata yarabatsi pesato becayatsi, xua pem̃th̃tha xubinexatsi.

<sup>7</sup> Pirapaeyo poxonae tres po horabe weta, Ananías piowa tatsi patopa ichaxota Pedrobar̃ ena. Barapowa jopa yaputaeyo xua pia pebin tatsi tat̃patsi.

<sup>8</sup> Nexata Pedro barai barapowa, jeye:

—¿Bara daxita pana catame xoxi pacaenaetame pentoma pabi? jei Pedro.

Barapowa jume nota, jeye:

—Aja, bara daxita, jei barapowa.

<sup>9</sup> Nexata Pedro barai barapowa, jeye:

—¿Eta xua metha pana muxu wetamebe xua Nacom pia Pejumope t̃nax̃ tatsi pamuxuitorobinamebe? Taema, pewowi pomonae aunxuae jinya pebin m̃th̃tha xotsi, pecoibototha pata, necam̃th̃tha xubinexa tsaner̃.

<sup>10</sup> Barapoxonae caena nainya Safira Pedro petaxutha pet̃paein tanabotabatsi. Poxonae pewowi taeba xua barapowa bayatha t̃pa, bapoxonae bapowa jontaxorenatsi. Pia pebin cacuita m̃th̃tha xorecatsi.

<sup>11</sup> Daxita Jesús pejume cow̃ntsi jiwi, ichamonaeno anth̃th̃ nayotar̃c̃pa pejunuwixae poxonae baraxua jume tane.

*Meje yabara poxonae Jesús pia peitorobi jiwi tatsi ainya pexeinya petsita it̃tsi coyenewan exana, Nacom pia peayapus̃watha tatsi*

<sup>12</sup> Jesús pia peitorobi jiwi tatsi pexeinya petsita it̃tsi coyenein exana jiwitha Nacom pia peayapus̃watha tatsi. Pinmonae Jerusalén tomarapiwi pomonae jume cow̃nta Jesús, Nacom pin pia botha nacaetuta. Po tutu pew̃n Pórtico de Salomón tutu, bapo tututha nacaetuta.

<sup>13</sup> Ichamonae, pomonae xua jopa jume cow̃ntsiyo Jesús, junuwa xua penanacaetut-siwa Jesús pejume cow̃ntsi jiwitha tatsi. Ichitha barapo Jerusalén tomarapiwi tsita cui w̃naetsi Jesús pejume cow̃ntsi jiwi tatsi.

<sup>14</sup> Pin bicheito nayoyotapona, pebiwino, yab̃xino pomonae xua jume cow̃ntapona Jesús ponxae jiwi Pecanamataxeinaeinchi.

<sup>15</sup> Jesús pia peitorobi jiwi tatsi w̃nae peexanaexae, Nacom pia peayapus̃watha tatsi, daxota pomonae atene namtotha capoinchi. Ichamonae camatha bobena namtotha. Ichamonae weintha bobena. Barapomonae ichipa jayababatsi xua Pedro pejumope tatsi, xua barapomonae peaxaibi exanaenexa tsainchi.

<sup>16</sup> Jiwi nacaetuta Jerusalén tomaratha pomonae xua pia tomaran jeba Jerusalén tomara pepuya weya. Barapomonae capata peatenewi ir̃ pomonae xua matajemabatsi exanatsi cauri. Daxita barapomonae peb̃r̃aya axaibi exanatsi. Daxita barapomonae carepaya equeicha axaibi.

*Meje yabara poxonae Jesús pia peitorobi jiwi tatsi peraxa exanatsi*

<sup>17</sup> Nexata sacerdotemonae pia pepa pentacaponaein tatsi, ir̃ pomonae xua napuna pona, pomonae saduceomonae, daxita barapomonae Jesús pia peitorobi jiwi tatsi anaepanaya jume uwatsi.

<sup>18</sup> Daxota pomonae xua anaepana Jesús pia peitorobi jiwi tatsi teicatsi. Jiwi pec̃bi bothano capoinchi.

<sup>19</sup> Ichitha Jesús itoroba matatsunpin. Bapon merawi patopa. Jiwi pec̃bi coiboto yausaranaxuba. Matatsunpin aisowa bemax̃ cayiya Jesús pia peitorobi jiwi tatsi.

<sup>20</sup> Matatsunpin Jesús pia peitorobi jiwi tatsi tsipaebatsi, jeye: “Paponde Nacom pin pia botha. Baxota paumende. Payabara paebare daxita jiwitha barapo pena jant̃ coyene po coyene xua Nacom cata jiwitha xua beta pejinompaenexa”, jei matatsunpin.



<sup>21</sup> Poxonae baya caemumbotha Jesús pia peitorobi jiwi tatsi bara exana xua matatsunpin paeba. Bara Nacom pin pia botha yacuinaya jojoniya pecuidubinexa jiwi.

Barapoxonae sacerdotemonae pia pepa pentacaponaein tatsi, iru saduceomonaeno waba daxita carepaya Israel nacua pia penapatae jiwi xua penacaetutsinexa pentacaitorobi bicheitha. Barapoxonae barapomonae itoroba ichamonae xua Jesús pia peitorobi jiwi tatsi pecuaranobinexatsi pin bicheitha peitabaratha tatsi.

<sup>22</sup> Ichitha poxonae policiamonae jiwi pecubi botha pata, Jesús pia peitorobi jiwi tatsi jopa taetsi. Daxota policiamonae diwesiyo caibeya capona pin bicheito peitabaratha.

<sup>23</sup> Policiamonae namchi, jeye:

—Poxonae papatan jiwi pecubi botha, soldadomonae pomonae peewatsiwi barapo pecubi botha barapo soldadomonae pecoiboto yabara umena, daunwei tsuncuae. Poxonae pasaranaxoyan jopa paitaraerowinyo Jesús pia peitorobi jiwi tatsi. Jiwaibi. Aichurubena, jei.

<sup>24</sup> Poxonae sacerdotemonae pia pepa pentacaponaein tatsi, iru Nacom pin pia bo peyabara umenaewi pia pentacaponaein tatsi, iru sacerdotemonae pia pentacaponaein tatsi jume tane baxua, bapoxonae najuntu coyene benaecaeya nayainyaba, jeye: “¿Exota metha jane Jesús pia peitorobi jiwi tatsi? ¿Exua jane?” jei.

<sup>25</sup> Iru barapoxonae pebin patopa. Barapomonae baraichi, jeye:

—Ja, pomonae jiwi pecubi botha pacaponame, barapomonae Nacom pin pia botha umena. Mataatano cuiduba jiwi, jei bapon.

<sup>26</sup> Nacom pin pia bo peyabara umenaewi barapomonae pia pentacaponaein tatsi bapon baru pona policiamonaeno Nacom pin pia botha. Equeicha caewa baru den-denatsi Jesús pia peitorobi jiwi tatsi ichaxota nacaetuta pentacaitorobi bicheito. Saya jopa abe exanaetsi poxonae teicatsi. Saya baru cui wunaeya carendenatsi poxoru barapo policiamonae jiwi cui cunuwatsi. Daxota policiamonae saya be xainyatha teica barapomonae xua jiwi pecuiyainwaxae tatsi xua policiamonae pecuinbabiwa tsipaetsi ibotixitha.

<sup>27</sup> Nacom pin pia bo peyabara umenaewi pia pentacaponaein tatsino, barapomonae Jesús pia peitorobi jiwi tatsi capoinchi pentacaitorobi bicheito peitabaratha. Sacerdotemonae pia pepa pentacaponaein tatsi bapon, Jesús pia peitorobi jiwi tatsi baraichi, jeye:

<sup>28</sup> —Bayatha jume daunweya paca tsipaebatsiba: ‘Equeicha jopa Jesús payabara paebinde’, pajan. ¿Ichitha eta xua paexaname? Daxita carepaya Jerusalén tomarapiwi yaputane pocotsiwa paxam pacuidubame Jesús yabara. Yawa painya metha paebichi xua paxan panatsiaena cuentan Nacomtha tupa pata exanaexae Jesús, jei barapo pentacaitorobi bicheito.

<sup>29</sup> Nexata Pedro iru ichamonae pomonae Jesús pia peitorobi jiwi tatsi daxita barapo matabuxnyobe jume nota barapomonaetha, jeye:

—Apara jame bewa paexanaein pocotsiwa Nacom pana itoroba. Nacom pia peitorobi coyenewa ainya cui beyacaincha jiwi pia peitorobi coyene tatsi.

<sup>30</sup> Pata amo susato jiwi pia Nacom tatsi, barapo Nacom Jesús equeicha petupaein asu exanatsi pon xua pabexubame, poxonae naetha teparucua paexanadutame.

<sup>31</sup> Nacom Pexanto pia peayapuswatha exana yatsicaya jiwi pia pepa Pecanamataxeinaein tatsi. Yawa exana pexanto pon jiwi Pecapanenebiyaein. Baxua exana poxonae pecoxatha taecatsi pexanto. Nacom baxua exana tsipei ichichipa xua Israel nacuapiwi icha juntu cui coyene xeinaena bapontha, xua bapoxonae barapomonae Nacom pecui yabara jantemainaenexa po coyene xua barapomonae Nacom tsita natsicuentatsi xua abe pe-eexanaexae.

<sup>32</sup> Bara yatsicaya pata cui taewi daxita baxuan, Nacom pia Pejumope tanaxu tatsi iru taneru. Daxota paca tsipaebatsi baxua, pocotsiwa xua Jesús exana. Nacom najumope

cata pomonaetha pomonae xua peichichipaewa xua peexanaewa pocotsiwa Nacom itoroba, jei Jesús pia peitorobi jiwi tatsi.

<sup>33</sup> Pentacaitorobi bicheito jume taerucupa xua pocotsiwa paeba barapomonae pomonae Jesús pia peitorobiwi tatsi. Bapoxonae barapomonae bichocono case-barucupatsi. Barapo pentacaitorobi bicheito ichichipa xua barapo Jesús pia peitorobiwi tatsi pejutebiwatsi.

<sup>34</sup> Barapo pentacaitorobi bicheitha eca fariseomonaepin pewun Gamaliel, pon jiwi pecuidubin Moisés pia peitorobi coyene tatsi. Jiwi bapon baru cui itura jineibatsi. Bapon asiya uncua yawa itoroba xua bara caeto pesato becayiya tsainchi barapomonae pomonae Jesús pia peitorobi jiwi tatsi.

<sup>35</sup> Bapoxonae bapon Gamaliel barai barapomonae pomonae pentacaitorobi bicheitha, jeye:

—Paxam pomonae Israel nacuamonaepiwi pamxaem, dota pam xua pocotsi coyeneya pacana exanaename barapomonae.

<sup>36</sup> Metha bara pajuntemainame poxonae matha bapon Teudas poxonae pia coya pentacaponaein naexana, nayabara paeba xua pinae bichocono peainya cui jiton. Cuatrocientos pebiwimonae matabuxabe puna jinompatsi bapon. Ichitha poxonae Teudas bexotsi ichamonae, bapoxonae pijimonae tatsi ducupa, poxonae daxita yotabatsi. Saya xua Teudas exana baxua pecui pawi.

<sup>37</sup> Barichi Teudas pepuya weya ichun patopa pon pewun Judas. Bapon pentacaponaein najainta poxonae jiwi pewun tinae matababi tsuxubi. Bapon Galilea nacuapin. Piamonae pin bicheito puna jinompatsiru, ichitha barichi bapon Judas bexotsi ichamonae. Barichiru pijimonae tatsi tarucupatsi poxonae yotabatsi.

<sup>38</sup> Daxota paca jeichi: ‘Jesús pia peitorobi jiwi tatsi bara pacui copabare’, jan. Icha barapomonae saya exanaetsipa xua jiwi itoroba, nexata barapomonae jopa amanayabichipae pocotsiwa xua ichichipa peexanaewa.

<sup>39</sup> Ichitha icha barapomonae exanaetsipa pocotsiwa Nacom itoroba, nexata paxam jopa pacui amanayabichipaem barapomonae. Dota pam. Daxota jopa paexanaponaeinde po coyene xua Nacom pia peitafaetabi jiwichi pana naexanaponame, jei Gamaliel.

Barapomonae pomonae pentacaitorobi bicheito bara jopa pecuiyo Gamaliel pepae-bixae.

<sup>40</sup> Barapoxonae barapomonae pomonae pentacaitorobi bicheito equeicha wabatsi Jesús pia peitorobi jiwi tatsi. Bapoxonae matha copiya ichamonae itorobatsi xua Jesús pia peitorobi jiwi tatsi pecuainchinexatsi. Equeicha jume daunweya tsipaebatsi: “Equeicha jopa Jesús payabara papaebim tsane”, jei. Bapoxonae pu copababatsi nama Jesús pia peitorobi jiwi tatsi.

<sup>41</sup> Jesús pia peitorobi jiwi tatsi pentacaitorobi bicheito weya pona. Barapomonae juntu coyene weiweina tsipei peraxa exanatsi ichamonae, Jesús pijimonaexae xua baxua saya Nacom pecopatsixae.

<sup>42</sup> Awiya barapomonae amsiya yabara cuiduba, Nacom pin pia botha Jesús pia pexeinya jume diwesi yawa xua boxithano. Matautano cuidubano xua Jesús apara Mesías pon Nacom itorobica.

## 6

*Meje yabara poxonae Jesús pia peitorobi jiwi tatsi itapeta siete poyobe peyawenaenexa tsane ichamonaetha*

<sup>1</sup> Barapoxonae barapo mataqueitha pinmonae jume cowanta Jesús. Pomonae xua griego jume pecueicueijeijiwi anaya tsipaeba, pomonae xua hebreo jume pecueicueijeijiwi baraichi, jeye: “Patamonae, powaxi pecuenta werapaewaxichi piseurixi powaxi griego jume pecueicueijeiwaxi poxonae judiomonae apata pexaewa, barapowaxi saya

peyauxi apatatsi pexaewa. Ichitha meisa judiomonaewaxi powaxi pecuenta werapae-waxichi barapowaxi jopa juniya nabaneibiyo”, jei.

<sup>2</sup> Jesús pia peitorobi jiwi tatsi, pomonae doce poyobe, barapomonaе baru nacaetuta ichamonae pomonae iru Nacom pejume cowantsiwi. Barapomonaе pomonae Jesús pia peitorobi jiwi tatsi jeye barapomonaetha:

—Painta jopa yapu xanepanaeyo xua pata nacui barapentsiwa xua pata cueicueijeiva Nacom Pejume Diwesi xua saya pexaewa pata apatsinexa jiwi.

<sup>3</sup> Daxota wajiwimonaе paitapere siete poyobe pebinbe paxam jiwana. Paitapere pomonaе xua daxita jiwi ita cui juntu coyene xanepaneibatsi, pomonaе xua juntu coyene yucatsi Nacom pia Pejumope tanaxu tatsi pia peayapusuwatha tatsi, pomonaе xua peyaputaewi. Barapo siete poyobe pacui itorobin xua pexaewa apateibina.

<sup>4</sup> Bapoxonaе paxan Jesús pia peitorobiwi tatsi pan, jopa paapatsin tsane pexaewa. Saya meisa Nacom pata tsipaebeibichi nawita yawa pata cueicueijeji tsaibichi Jesús pejume diwesi, jei barapomonaе.

<sup>5</sup> Jesús pejume cowantsi jiwi tatsi nanta jupaya nanta xeinarucupa. Bapoxonaе Esteban itapetatsi. Bapon Esteban pon bichocono jume cowanta Jesús yawa bichocono juntu yucatsi Nacom pia Pejumope tanaxu tatsi pia peayapusuwa tatsi. Itapetatsi Felipeño, iru Prócoro, iru Nicanor, iru Timón, iru Parmenas, iru Nicolás. Bapon Nicolás Antioquía tomarapin. Bapon copiya jopa naexanaeyo judiomonaepin. Poxonaе jume cowanta Nacom, bapoxonaе judiomonaepin naexana.

<sup>6</sup> Barapoxonaе barapo siete poyobe Jesús pejume cowantsi jiwi tatsi capona Jesús pia peitorobi jiwi tatsitha. Jesús pia peitorobi jiwi tatsi mata jayabiya tawuca Nacomtha xua Nacom yawenaena barapomonaе.

<sup>7</sup> Pinmonaе jume tane Nacom Pejume Diwesi. Pinmonaeno iru jume cowanta Cristo Jesús, pomonaе Jerusalén tomaratha jinompa. Iru judiomonaе pia sacerdotemonaе tatsi, barapocotsimonaе pin bicheito jume cowanta.

### *Meje yabara poxonaе Esteban waetabatsi*

<sup>8</sup> Esteban pexeinya petsita itatsi coyenewan exaneiba jiwitha Nacom pia peayapusu itorobi coyenewatha tatsi. Tsipei Nacom yanta popona bapon daxota Esteban Nacom yaweneibatsi pecatsixaetsi peayapusuwa.

<sup>9</sup> Nexata nacaetuta pinmonaе judiomonaе pia penacaetutsi botha tatsi. Ichamonae wun dutatsi xua jeichichi: “Pomonaе pepu sorobabebiwichi poxonaе busi cui tatayebebatsi”, yabara wun jeichichi. Iru nanacaetutapona Cirene tomarapiwi, iru Alejandría tomarapiwi, iru Cilicia nacuapiwi iru Asia nacuapiwi. Daxita barapomonaе Esteban jume matsontsonobatsi.

<sup>10</sup> Ichitha Esteban xaniwaicha cueicueijeji exanatsi Nacom pia Pejumope tanaxu tatsi. Daxota poxonaе Esteban paeba barapomonaе jopa itacupaetsi xua beta pejume notsiwa.

<sup>11</sup> Nexata barapomonaе po pin bicheito penacaetutsimonaе ichamonae nantsiyatsiya catatsi paratixi petacamuxuitorobinexa tsainchi xua Esteban paeba. Barapomonaе pomonaе pemuxuitorobi jiwi namchi xua Esteban Moisés baraunchichi abe jei, yawa xua Nacom baraunchichi abe jei.

<sup>12</sup> Barapo jumetha pemuxuitorobi jiwi daxita jiwi anaepana exanatsi xua Esteban jume canaerabatsi. Pitiri jiwino anaepana. Iru pomonaе jiwi pecuidubiwi Moisés pia peitorobi coyene tatsi barapomonaeno iru anaepana. Daxota barapo penapatae jiwi iru pomonaе jiwi pecuidubiwi Moisés pia peitorobi coyene tatsi barapomonaе Esteban yorobateicatsi. Pentacaitorobi bicheito peitabaratha capoinchi.

<sup>13</sup> Barapo pentacaitorobi bicheito equeicha waba pomonaе Esteban jume cui canaerabatsi wabatsi. Barapomonaе pomonaе penaerabiwi Esteban yabara jeichichi:

—Bapon Esteban Nacom pin pia bo tatsi baraunchichi abe jei. Barichi bapon Esteban Moisés pia peitorobi coyenewa tatsi baraunchichi abe jei.

<sup>14</sup> Pajume tan, xua Esteban paeba xua pinae Jesús Nazaret tomarapin paeba. Jesús pinae namchi, pinae jeye: ‘Barapo bo Nacom pin pia bo tantanaca exanaein’, pinae jei Jesús. Equeicha Esteban namchi xua pinae Jesús paeba pinae jeye: ‘Tamropata pitaban po peitorobi coyenewa xua bayatha Moisés paca itoroba’, jei pinae bapon Jesús, jei barapomonae pomonae penaerabiwi.

<sup>15</sup> Pomonae baxota ena pomonae pentacaitorobi bicheito, barapomonae Esteban necotenatsi. Barapomonae itabara tayena xua Esteban peitabara be matatsunpin itabara, xua bichocono wanae.

## 7

### *Meja yabara poxonae Esteban pentacaitorobi bicheito itabaratha pia coya paeba*

<sup>1</sup> Nexata sacerdotemonae pia pepa pentacaponaein tatsi bapon Esteban baraichi, jeichi: “¿Bara xainyei xua barapomonae cabarai?” jei sacerdotemonae pia pepa pentacaponaein tatsi.

<sup>2</sup> Esteban jume nota, jeye: “Tamonae pam pana nejume taema. Wanacom wanae nawita. Barapon Abraham tsita naitatatsi poxonae caena bayatha awiya Mesopotamia nacuatha popona. Bapon Abraham wamo susatopin matha copiya tsiwanaeya popona Mesopotamia nacuatha poxonae Harán tomara bewarapiya.

<sup>3</sup> Nacom pinae Abraham baraichi: ‘Barapo ira jinya ira cuenta warapare. Jinyamon-aeno cuenta warapare. Icha ira bewarapiyama ichaxota po ira beya cacaponaeinchi’, jei pinae Nacom.

<sup>4</sup> Nexata pinae Abraham Caldea nacua wewarapiya. Harán tomara pinae bewarapiya. Poxonae pinae Abraham Harán tomaratha popona pinae Abraham paxa tatapatsi pon pewun Taré. Bapoxonae Nacom, Abraham pinae itorobatsi barapo irathe po irathe pajinompame anoxuae.

<sup>5</sup> Barapoxonae pinae Abraham cataunxuae jopa catichi ira. Saya pinae tacayabara wanae tsimuxu dutatsi. Nacom pinae Abraham baraichi: ‘Jinya ira tsane, iru jinya jiwi penaitapataya naexana dubenaponeibiwi tsane pomonae jinya nemomo susato jiwi pia ira nexa tsaneru’, jei pinae Nacom. Ichitha pinae barapoxonae jopa xeinaeyo pexui.

<sup>6</sup> Baraxua Nacom pinae Abraham baraichi: ‘Jinya nemomo susato jiwi icha nacuatha jinompaena. Be pomonae penanapaincha jinompaewi tsicotaeinchi xua be pocotsi jiwimonae icha nacua werena peponaewi. Tanacuitinchi ichamonae xua amanaya tanacuichina. Busi cui tatayebeibinchino. Caitacueintinchino yawa. Cuatrocientos po weiyobe tsane xua jinyamonae naitapataya atene exaneibinchi’, jei Nacom Abrahamtha.

<sup>7</sup> Equeicha Nacom tsipaeba Abraham, jeye: ‘Barapomonae xua abe pacata exanaena poxonae paca busi cui tataibina barapomonae jopa cui junteinaein tsane. Barapomonae itawetsiya peraxa jubin. Bapoxonae jinya nemomoxi susato jiwi warapaena po nacuathe ichaxota uncuame yawa wanae nejainchina xote’, jei pinae Nacom Abrahamtha.

<sup>8</sup> Nacom pinae Abraham itorobatsi xua peexanaenexa po coyene xua pexui pebin wutixi pewi thabiwatsi xua ichaxota nareixacaena. Barapo coyene exana Abraham penanta xeinaenexa iru piamonae tatsi xua po coyene bayatha Nacom pinae yabara tsiwanae muxu duta, xua bepa pinae yaweneibina xua barapomonae pinae bepa yaweneibinchi. Daxota pinae poxonae Abraham pexanto tanaexanatsi pexanto wi thaba, pinae pewun Isaac. Isaac iru pinae barichi pexanto wi thaba, pinae pewun Jacob. Jacob iru pinae barichi wi thaba pexanto jiwi, pomonae bayatha Israel nacua-monaepiwi pia pentacaponaeiwi tanaexanatsi barapo doce poyobe.

9 “Jacob pia pexanto jiwi tatsi, barapo doce poyobe, wamo susatomonae. Barapo doce poyobe jiwana caein pewun José. José pentapin jiwi uwatsi. Daxota José pentapin jiwi caenaetatsi. Pomonae bapon José comotatsi barapomonae José Egipto nacua becayiyatsi. Pon be jiwi pebusi cui tataibinchi be bapocotsin petsicotaenexa tsainchi. Ichitha Nacom José yawenatsi pebaru poponaexaetsi.

10 Poxonae José abe jume baraunchaibichi ichamonae, yawa poxonae muxu atene pe-exaneibichi awiya José capanepeibatsi Nacom. Poxonae faraón peitabaratha taponatsi José, Nacom exana xua José faraón tsita juntü coyene xanepanatsi. Matautano Nacom peyaputaen exanano. Bapon faraón Egipto nacuamonae pia pepa peewatsinchi tatsi. Faraón cana exana xua José Egipto nacuapiwi yanacua ewatatsi faraón nexa. Matautano faraón cana exana xua José canamataxeina daxita xua xuan faraón xeina.

11 “Barapoxonae Egipto nacuatha jainbo nacua tsurucuaeno, Canaán nacuathano irü. Pata amo susato jiwi jopa pexaewa taeyo. Yawa piyain pewerapae nacua tsurucuae poxoru pexaewa ajibi.

12 Poxonae Jacob jume tane xua trigo xu xeina Egipto nacuatha, pia pexui bara beitorobiya. Barapon Jacob pia pexui tatsi, pata amo susato jiwi. Baraxua poxonae xua copiya aena pona Egipto nacuatha.

13 Poxonae equeicha pona José pentapin jiwi tsita naitapeinya xeina xua bapon bara peweicho jiwi tatsi. Bapoxonae faraón yaputane xua barapomonae apara bara José piamonae tatsi.

14 Pirapae José pentapin jiwi itoroba xua petabarü dendenaenexatsi paxa tatsi, pon pewun Jacob, matautano piamonae tatsi petabarü dendenaenexatsi po jiwimonaexae xua setenta y cinco poyobe.

15 Daxota Jacob irü pijimonaeno Egipto nacua beya warapa. Baxota pirapae bapon tupa. Irü pirapae pata amo susato jiwino weraparü baxota.

16 Pirapaeno Jacob piwan capoinchi Siquem tomara beya. Baxota piwan mathatha xotsi, po ira bayatha Abraham comota, po ira Hamor pexantixi tatsi caenaeta.

17 “Ainya wei tsuxubi. Poxonae barapomonae Egipto nacua wewarapiyaenaba, be pocotsi coyeneya bayatha Nacom yabara tsiwünae muxu duta, bapoxonae Israel nacuapiwi pinmonae naexana.

18 Nexata Egipto nacuatha ichun nacua peewatsin naexana, pon José jopa yaputaetsi.

19 Barapo Egipto nacuapiwi itorobiya pia pepa peewatsinchi tatsi pata amo susato jiwi muxuitorobeibatsi. Yawa cuainteibatsino. Yawa cobe itorobeibatsino xua pexui saya pebebainexa tsaibi tsane aisowatha xua pewerapeibinexa.

20 Barapoxonae irü Moisés naexanarü. Moisés paxa pia botha wihatatsi acoibi po xometiyobe. Barapon Moisés pexeinyan nawita Nacom tsita juntü coyene xanepanecatsi barapo pexuyo.

21 Poxonae Moisés pena xotsi yawa paxa xotsi namicha jeriyotha yana botetatsi mentha xua musuripawa cüba, barapoxonae faraón pexantiyo tatsi Moisés pitatsi. Be pexanto tsicotane, pia botha wichata.

22 Bapon Moisés nacuiduba nawita pocotsiwa Egipto nacuamonae yaputane. Daxota peyaputaen tsecaeno, wünae peexanaen tsecaeno.

23 “Pirapae poxonae Moisés yacuarenta po weibe jopa, bapon nanta xeina xua piamonae pesiwa ponaewa pomonae Israel nacuamonaexae.

24 Poxonae Moisés piamonae siwa pona, bapon tane xua piamonae jiwana tatsi tabütsi, Egipto nacupin. Daxota Moisés yawena pon piamonae jiwanaxae tatsi yawa bexuba Egipto nacupin.

25 Moisés nanta xeina, pia coutha nabarai: ‘Tamonae, Israel nacuamonaepiwi neyaputaena xua Nacom neitoroba. Mata cawarapaein barapomonae Egipto nacua



weya, penacapanenebiyaenexa tsane', najei. Ichitha daumetha barapomonae jopa tsaqueinaeyo.

<sup>26</sup> Icha matabitha Moisés tane xua caepinbe iru nababeru Israel nacuamonaepinbe. Moisés barai baponbe: 'Ja, zeta xua metha caepinbe pana nabamebe?' jei.

<sup>27</sup> Pon piamonae ba, Moisés napuna torobapoinchi. Moisés baraichi: 'Jintam caitoroba pata xantha xua pon be jiwi neyabara paebin penatsicuentisiwa xua abe peexanaexae, xuano xua jiwi Necanamataxeinaem naexaname?'

<sup>28</sup> Jinya nebexuichi icha mexuae ichim Egipto nacuapin?' jeichichi Moisés.

<sup>29</sup> Poxonae Moisés jume taebiriwa baxua, Moisés naetsiricua Madián nacua benaetsiricuiya. Baxota Moisés tanaexanatsi pexuyobe, pebin wutobe", jei Esteban.

<sup>30</sup> Equeicha came Esteban barapomonae baru cueicueije. Namchi, jeye: "Caentacabi pirapae poxonae cuarenta po weibe pu caewa, xua poxonae equeicha icha cuarenta po weibe xeina, Moisés popona ichaxota ira xuepana susato tsurucuae nacuatha. Imoxoyo demxuwan, po demxuwan pewun Sinaí baraxota Moisés tsita naitutatsi matatsunpin xua poxonae isototha uncua xua taxuncua tsica naeyo.

<sup>31</sup> Moisés yabara najuntu coyene cabenaeca. Bapon itatapoinya tsipei ichipa yaitane. Bapoxonae baxota Moisés jume tane xua Nacom namchi:

<sup>32</sup> 'Apara jinya amo susato jiwi pia Nacom tatsin. Iru apara, Abraham pia Nacom tatsin. Iru apara Isaac pia Nacom tatsin. Apara iru Jacob pia Nacom tatsin', jei Nacom. Moisés pijunuwi bichocono jiyijiyei daxota aichaxaibi xua tane.

<sup>33</sup> Nacom pinae Moisés baraichi: 'Xua nataxu xatatame nataxu wejonde, poxoru po iratha poname apara tairiyo.

<sup>34</sup> Tamonae, pomonae Egipto nacuatha jinompa bichocono atene exaneibatsi yawa jume tanno xua nanenaba. Daxota barapomonae capanepan. Antha, caitorobatsi equeicha necoyo beya, Egipto nacua beya', jei pinae Nacom", jei Esteban.

<sup>35</sup> Equeicha Esteban namchi, jeye: "Pomonae Egipto nacuatha jinompa, barapomonae Moisés aichaxaibichi. Barapomonae Moisés baraichi: 'Jintam caitoroba pata xantha xua naexaname pon be jiwi neyabara paebin xua penatsicuentisiwa xua abe peexanaexae xuano xua naexaname pon be necanamataxeinaein?' jei barapomonae. Bequein barapomonae baxua paeba ichitha Nacom cana exana xua bapon Moisés naexana be pon jiwi peyabara paebin xua penatsicuentisiwa xua abe peexanaexae. Matautano Moisés cana exanatsi pon pecapanepaein piamonae. Baxua Moisés naexana poxonae matatsunpin itoroba po matatsunpin Moisés tsita naitutatsi poxonae isototha uncua xua taxuncua tsica naeyo.

<sup>36</sup> Bapon Moisés pon wamo susato jiwi capanepatsi Egipto nacua weya. Moisés petsita itutsi coyenewan exana Nacom pia peayapuswatha. Baxua exana Egipto nacuatha, Mar Rojo menthano. Matautano exanano ichaxota ira xuepana susato tsurucuae nacuatha cuarenta po weibetha.

<sup>37</sup> Moisés Israel nacuamonaepinbe jiwitha namchi: 'Nacom paca jiwana cana exanaena pon pia peitorobi jume petapaebinchi icha neichi barichi tsane. Bapon xua pon Nacom itorobina, apara pon painyamonaepinbe jiwana tsane', jei Moisés.

<sup>38</sup> Matautano apara bapon Moisés pon nanacaetuta poxonae Israel nacuamonaepinbe nacaetuta ichaxota ira xuepana susato tsurucuae nacuatha. Matautano bapon Moisés diwesi tsipaeba jiwitha xua petsipaebixaetsi matatsunpin poxonae tsipaebatsi demxuwan po demxuwa pewun Sinaí. Barapo diwesi po diwesi Moisés wamo susato jiwi tsipaebatsi barapo diwesi jiwi cana exanatsi xua peajuntayapuswa pexeinaewa. Barapo diwesi iru waxainchi nexaru.

<sup>39</sup> "Ichitha barapomonae wamo susato jiwi jopa bejume jejeyo xua peexanaewa pocotsiwa Moisés itorobatsi Nacom. Moisés jume matawentatsi. Saya barapomonae ichipa xua equeicha caibeya penawibiwa Egipto nacua beya.

<sup>40</sup> Poxonae cataunxuae Moisés demxuwatha pona, barapoxonae barapomonae Moisés peweicho tatsi pon pew<sub>un</sub> Aarón, bapon baraichi: ‘Painta exande ainya ibo nain nacom<sub>un</sub>. Barapo ibo nain nacom<sub>un</sub> naca tsiwana copiya cajijincaena namtotha. Jopa payaputaeyino xua Moisés aichawiya pon pana matacapona Egipto nacua weya’, jeichichi Aarón.

<sup>41</sup> Barapoxonae barapomonae penain nacom exana be vacayo pebtiyo canaxobeta. Bapoxonae barapomonae tabexuba oveja, penain nacom vacayo nexa. Tsipei barapomonae nanta xeina xua metha penain nacom ichichipa baxua. Barapomonae bichocono j<sub>un</sub>t<sub>u</sub> coyene weiweina penain nacom pia coya peexanaexae, xua pin penabanaewa xua pebar<sub>u</sub> itura jinaenexatsi barapo ibo nacom.

<sup>42</sup> Barapomonae Nacom wepu tsatajopa tsipei barapomonae pia penain nacom exana. Nacom bara copata barapomonae xua bara barapomonae bara exanaena be pocotsi coyeneya xua ichichipa peexanaewa. Daxota barapomonae opitei be nacom cana exana, po opitei barapomonae w<sub>un</sub>ae jainta. Barapomonae pomonae wamo susatomonae, exana pocotsiwa caena bayatha Nacom pia peitorobi jume pepaebin yabara cui tsiw<sub>un</sub>ae muxu dutsiya tina. Bapon diwesi tina xua Nacom jume yabara tinatsi xua Nacom namchi barapo diwesitha, jeye:

‘Israel nacuamonae, paxam oveja pabexubame painya penain nacom<sub>un</sub> nexa, ichitha xan nexa jopa paraichim.

Baraxua paexaname poxonae pajinompame ichaxota ira xuepana susato tsurucuae nacuatha xua cuarenta po weibetha.

<sup>43</sup> Yawa pacaponame penain boutiyo nacom po penein boutiyo nacom pew<sub>un</sub> Moloc. Yawa pacaponame icha penain opitei nacom po opitei penain nacom pew<sub>un</sub> Refán. Barapo penain nacombe paexaname painya w<sub>un</sub>ae jaintichi.

Daxota xan itorobin ich<sub>un</sub> xua paca mata cawarapaena Babilonia nacua beya.

Bequein jopa bepawarapaem ichitha awiya paca itorobinchi’, jei Nacom.

<sup>44</sup> “Wamo susato jiwi exana xua be bo xua anseraboco, xua ichaxota tututha jeba ibo xua po iboton Moisés mata tina xua Nacom pejume caitorobiwan. Barapomonae cuita acaba be pocotsi boyo Moisés tsita it<sub>u</sub>tatsi Nacom.

<sup>45</sup> Wamo susato jiwi poxonae tawerapatsi paxa tatsi, itorein pita barapo boyo xua anseraboco boyo. Pata tamo jiwi Nacom pia boyo capona poxonae Josué napon. Poxonae pata tamo jiwi ainya nacuan nonota tsiniya barapoxonae equeicha barapo anseraboco boyo capona beya yacobe cui matacabi othopa poxonae David popona pon Israel nacuapiwi itorobiya pia pepa peewatsinchi.

<sup>46</sup> Bapon David pon Israel nacuapiwi itorobiya pia pepa peewatsinchi tatsi, Nacom tsita pej<sub>un</sub>t<sub>u</sub> coyene xanepanaeinchi. Bapon David ichichipa xua acaba pin bo Nacom nexa po Nacom Jacob pia Nacom tatsi.

<sup>47</sup> Ichitha Salomón bapon apara pon Nacom pin pia bo exana.

<sup>48</sup> Bequein Nacom pon pepa Nacom jopa poponaeyo botha pocotsi bo jiwi acaba Nacom nexa. Nacom peitorobi jume pepaebin baxua yabara paeba xua Nacom tapaebatsi, jeye:

<sup>49</sup> ‘Peitaboco apara ichaxota taequeibithopeibiwa. Ira apara ichaxota nataxu y<sub>u</sub>t<sub>u</sub>botan.

¿Eta pocotsi bo netsiexanaename?

jei pon Wanacanamataxeinaein.

Matautano jeino: ‘Ichacuitha ¿eta po irara

xua ichaxota nafifinacaecaen?

<sup>50</sup> Apara xan tacoutha exanan daxita ira yawa peitaboco daxota jopa nantawenonaeyino xua ichawa tana netsiexanaewam’, jei Nacom”, jei Esteban.

<sup>51</sup> Equeicha Esteban barai, jeye: “Maisa bichocono pajuntũ coyene daunwam xua jopa bepayaputaem. Matautano pamuxu tutu daunwam, yawano pajuntũ coyene daunwam icha be pocotsimonaen ichi pomonaen jopa peyaputaewi Nacom. Barichi paaichaxaibim Nacom pia Pejumoepo tũnaxũ tatsi. Paxam bara paichim icha painya amo susato jiwi ichi.

<sup>52</sup> Apara painya amo susato jiwi bayatha Nacom pia peitorobi jume pepaebiwi catsa jume barũ paebatsi, yawa cueintatsino. Matautano bayatha jutebatsi barapomonaen pomonaen Nacom pia peitorobi jume pepaebiwi, pomonaen namchi: ‘Bexa patopaena pon pepa rejuntũ xanepanaein pon Mesías baraichi’, jei. Cain paxam, barapon poxonaen patopa, pacaenaetame, pabexubameno.

<sup>53</sup> Nacom pia peitorobi diwesi pajume taneme xua matatsunpiwi paca tsipaeba Nacom nexa. Ichitha jopa paexanaem pocotsiwa Nacom paca itoroba barapo pia peitorobi diwesitha”, jei Esteban pentacaitorobi bicheitoha.

### *Meje yabara poxonaen Esteban tũpa*

<sup>54</sup> Poxonaen pentacaitorobi bicheito jume tane pocotsiwa Esteban paeba, bapoxonaen bichocono Esteban yabara cui anaepanarũcũpatsi.

<sup>55</sup> Ichitha Esteban bichocono jũntũ coyene yũca cana exainchi Nacom pia Pejumoepo tũnaxũ tatsi pia peayapusũwatha. Esteban athabeicha necoicha. Bapon necota Nacom pia peitũpanaen coicha tatsi irũ Jesucristo xua uncuia Nacom pecoxatha tatsi.

<sup>56</sup> Nexata Esteban namchi, jeye:

—Incane pataema. Necotan xua peitaboco naitaboco coibo yausaranaxuba. Tan Jesús xua uncuia Nacom pecoxa weya tatsi ponxae Nacom pia Peitapetsin tatsi, jei Esteban.

<sup>57</sup> Barapomonaen jume itapataya namuxu acaba pocotsiwa Esteban paeba. Yawa anaepanaya wawai. Barapomonaen be cae bicheito naexana pomonaen Esteban betacuinaeyiyatsi.

<sup>58</sup> Barapomonaen Esteban aisowa bexoyatsi tomara weya. Yawa baraxota ibotontha cuinbabatsi. Pomonaen abe peexanaewichi Esteban, barapomonaen Saulo juma camisa jeba xua pocotsiwan nainya werubiya. Bapon Saulo pon pewowin xua bayatha pinyo.

<sup>59</sup> Poxonaen barapomonaen Esteban cuinbabompatsi ibotontha bapoxonaen Esteban tsipaeba Nacomtha, jeye: “Jesús, pon Tanecanamataxeinaem, nejumoepo tũnaxũ pire”, jei Esteban.

<sup>60</sup> Bapoxonaen pentabocototha uncuia. Namtsebiya wawaino, jeye: “¡Jesús, Tanecanamataxeinaem! ¡Necana cui jũntemainare, yawa jopa neyantomatsinde xua barapomonaen inta abe exana!” jei Esteban.

Poxonaen najume wetaba, tũpanaicha Esteban.

## 8

<sup>1</sup> Saulo irũ barũ ita cui wũnaetsi poxonaen ichamonaen Esteban bexotsi.

### *Meje yabara poxonaen Saulo abe exana pomonaetha pomonaen Jesús pejume cowũntsiwi*

Po matabitha Esteban bexotsi, barapo matabitha judiomonaen tamropata notarũcũpa xua Jesús pejume cowũntsi jiwi tatsi bichocono abe exanatsi Jerusalén tomaratha. Daxita Jesús pejume cowũntsi jiwi tatsi yotabatsi. Ichamonaen Judea nacua

berɯcɯpiya, ichamonae Samaria nacua berɯcɯpiya. Meisa Jesús pia peitorobi jiwi tatsi pomonae xua doce poyobe ena Jerusalén tomaratha. Jopa dɯcɯpaeyo.

<sup>2</sup> Ichamonae, pomonae Nacom pejume cowɯntsiwichi, Esteban mɯthɯtha xotsi. Barapomonae Esteban bichocono siwa wecoyeichi.

<sup>3</sup> Saulo jeita ducuaeta Jesucristo pia pejume cowɯntsi jiwi tatsi. Daxita bomɯxɯn jɯpaya Saulo jiwi teteica tsiniya yabɯxino pebiwino. Jiwi pecɯbi bo beya capona.

*Meje yabara poxonae Jesús pejume cowɯntsi jiwi tatsi paeba dubenanaebiya Jesús pia pexeinya jume diwesi tatsi Samaria nacuatha*

<sup>4</sup> Pomonae bewa Jerusalén tomara werɯcɯpiyaena barapomonae Jesucristo pia peca-panepae jume diwesi paeba dubenanaebiya daxita po tomarantha xua pateiba.

<sup>5</sup> Barapomonae jiwana tatsi pon Felipe baraichi bapon pona pepa tomaratha Samaria nacuatha. Barapo tomaratha tamropata pitaba xua pecueicueijeija Cristo yabara.

<sup>6</sup> Jiwi nacaetuta dubenanaebiya. Matautano jume naitomatsiya jume taerubenanaebiya pocotsiwa Felipe cueicueijeija Cristo yabara. Matautano barapomonae taerubenanaebiya pexeinya petsita itatsi coyenewan xua Felipe exana Nacom pia peayapusɯ itorobi coyenewatha.

<sup>7</sup> Pomonae xua cauri pexeinaewi, barapomonae equeicha axaibi exanatsi poxonae Felipe taitaweta cauri. Matautano caurimonae barapomonae wawaya wepu dɯcɯpeibatsi. Ichamonae pomonae pecuenobichi jiwi, pejayujayujeimonaeno, daxita barapomonae axaibi exanatsi.

<sup>8</sup> Felipe baxua peexanaexae daxota barapo tomarapiwi bichocono jɯntɯ coyene weiweinaya jinompa.

<sup>9</sup> Barapo Samaria tomaratha popona pon pentawɯn Simón. Bapon Simón mara pexeinaein. Matautano bapon barapo Samaria tomarapiwi muxujainyabeibatsi poxonae bapon pia coya pentacaponaein naexana.

<sup>10</sup> Daxita tomarapiwi pomonae peacopeibiwi irɯ pomonae nawita pexeinaewino, barapomonae beta jume naitaewata pocotsiwa Simón paeba. Barapomonae namchi, jeye: “Barapon Simón apara pon yabara jeichichi: ‘Pon bichocono Nacom pia peayapusɯwa tatsi xeina’, yabara jeichi”, jei barapomonae.

<sup>11</sup> Daxita barapo tomarapiwi itapeta jume naitaewata pocotsiwa Simón paeba, tsipei saya caena bayatha barapomonae muxujainyabatsi mara peexanaewi pia coyeneyatha tatsi.

<sup>12</sup> Barapomonae jume cowɯnta po pexeinya jume diwesi Felipe cueicueijeija xua Nacom yawa Jesucristo yabara, po diwesi xua Nacom waba jiwi petanaexanaenexatsi pijimonae tatsi jiwana pomonae Nacom itorobiya ewata. Bapoxonae barapomonae bautisabatsi pebiwi yawa yabɯxino.

<sup>13</sup> Bapoxonae bapon Simón irɯ jume cowɯnta. Irɯno bapon bautisabatsi. Matautano bapon tamropata pitaba xua Felipe peyantsiwatsi. Bapon Simón yabara najɯntɯ coyene cabenaeca bichocono poxonae Felipe pexeinya petsita itatsi coyenewan exana Nacom pia peayapusɯwatha.

<sup>14</sup> Jesucristo pia peitorobi jiwi tatsi, pomonae peenaexae Jerusalén tomaratha, jume tane xua Samaria nacuamonae jume cowɯnta Nacom Pejume Diwesi. Daxota barapomonae Pedro itorobatsi irɯ Juan itorobatsi, Samaria nacuamonae beya.

<sup>15</sup> Poxonae Juan Pedrobe patopabe barapomonaetha, bapoxonae Nacomtha tawɯcabe Samaria nacuapiwi nexa, pomonae pejume cowɯntsixae Nacom. Baponbe ichichipabe xua barapomonae peyanaba jinompaenexatsi Nacom pia Pejumope tɯnaxɯ tatsi.

<sup>16</sup> Pedro irɯ Juan tawɯcabe barapomonae Nacomtha. Tsipei barapomonae awiya cataunxuae jopa tapatichi pia jɯntɯ coyeneintha Nacom pia Pejumope tɯnaxɯ tatsi. Saya meisa poxoru bautisabatsi Jesús pon Pecanamataxeinaein jiwi bapon pewɯnthata tatsi.

<sup>17</sup> Pedro iru Juan, pecobetha mata jayababe barapomona. Barapoxona barapomona tapatatsi pia juntu coyeneintha tatsi Nacom pia Pejumope tñaxu tatsi.

<sup>18</sup> Poxona Simón cui tane xua Pedro Juanno pecobetha mata jayababe xua daxota Nacom pia Pejumope tñaxu tatsi tapatatsi barapomona, Simón ichichipa xua pecatsiwa paratixi baponbetha.

<sup>19</sup> Simón namchi, jeye:

—Dapo peayapusuwa necare. Tha iru poxona mata jayabeiban ichamona tapateibinchi Nacom pia Pejumope tñaxu tatsi, jei Simón.

<sup>20</sup> Nexata Pedro Simón baraichi, jeye:

—Barabu xam yawa jinya paratixino cayawa muxuna weraweraca exanaena, tsipei saya nanta xeiname xua necaitacupaewa xua Nacom pia peayapusuwa tatsi necomotsiwa paratixitha, po peayapusuwa bequein Nacom amanaya pecatsiwa jiwitha.

<sup>21</sup> Jopa caitacupaeyo xua nexainaewa Nacom pia peayapusuwa tatsi, tsipei apara Nacom cajuntu coyene yaputane xua neajuntucoyenebewa.

<sup>22</sup> Nacui baraxore jinya abe neexanae cuiru coyenein. Nacom wucare, xain Nacom cayabara jantemaina xua nanta xeiname baxua.

<sup>23</sup> Catainchi xua pejume uwiwa nenthutotha xeiname. Xam neabewa canthuthu yancababa daxota beta jopa xapain poponaem, abe nanta xeiname jincoutha, jei Pedro.

<sup>24</sup> Nexata Simón jume nota. Pedro iru Juan jume notatsibe, jeye:

—Painta yabara wucarebe Nacomtha baxua xuaunxuae pana netsipaebamebe, xain bapoxona xeinaein barapo coyene xua jopa abe tana necana exanaenexa, jei Simón.

<sup>25</sup> Bapoxona Pedro Juanno ichamonaetha nacui yopitabe po coyene xua bayatha jume cowntabe Nacom. Yawa xua penthutotha taecatsibe Nacom pia Pejumope tñaxu tatsi. Baponbe Nacom pia pexeinya jume diwesi tsipaebabe barapomonaetha. Jerusalén tomara bewarapiyabe. Poxona warapabe, Jesús pia pexeinya jume diwesi papaeba tsiniyabe Samaria nacuatha. Ainya tomarantha cueicueijeibe.

*Meje yabara xua poxona Felipe iruru Etiopía nacuapin nantenta ponabe namtotha*

<sup>26</sup> Barapoxona pirapae, Jesucristo pon Pecanamataxeinaein jiwí, bapon pia matatsunpin tatsi, Felipe tsita naitatsiya tsipaebatsi, jeichichi: “Nontaponde, yawa ponde pocotsiwa parowa bereca. Jerusalén namto iyande xua po namto Gaza tomara betaerucuiya”, jei matatsunpin. Barapo namto ducuiya ichaxoyo ira xuepana susato tsurucuae nacua iya.

<sup>27</sup> Felipe nantacotaxuba, bapoxona bara ponataba. Poxona Felipe namtotha ecapona, bapoxona caxina pebin Etiopía nacuapin. Barapon pon pentacaponaein pon peainya cui jiton. Matautano bapon paratixi tayapu eena xua yabuyo nexa powa Etiopía nacua pepa peewatsiwayo. Bapon Etiopía nacuapin bayatha pona Jerusalén tomara beya xua wuanae pejainchinexa Nacom.

<sup>28</sup> Bapon caewa pia nacua siwa ecapona Etiopía nacua. Cawayu pecapona naeyotha ecapona yawa yorobecapona po diwesi bayatha Isaías tina, pon Nacom peitorobi jume pepaebin.

<sup>29</sup> Nacom pia Pejumope tñaxu tatsi Felipe baraichi, jeye: “Imoxoyo ponde cawayu pecapona naeyo beya yawa imoxoyo caquita naecaponde”, jeichichi Felipe.

<sup>30</sup> Felipe cuinaepona cawayu pecapona naeyo beya, ichaxota jume tane xua yoroba Etiopía nacuapin. Bapon yoroba Nacom Pejume Diwesi, xua po diwesi bayatha Isaías tina. Felipe barai bapontha jeye:

—¿Bara yaputaneme xuaunxuae yorobame? jei.

<sup>31</sup> Bapon Felipe jume notatsi, jeye:

—¿Eta bichin xua tayaputaewa icha dapon aibi pon yabara neyaputane exana barapo diwesi? jeichi Felipe.

Felipe wabatsi xua penontabinaenexa xuano xua peecaenexa ichaxota bapon eca.



<sup>32</sup> Po diwesi ichaxota bapon yoroba xua baxue meje:

“Be poxonaе jiwi oveja yam̄ capona  
pebexubinexa tsane, barichi tsane jiwi  
caponaena jiton pebexubinexa tsane.  
Be cordero moya, jopa papayo poxonaе na thabatsi  
barichi tsane jiton moya tsane, jopa papai  
tsane poxonaе caitacueintinchi poxonaе  
yawa aperutane tsaneno.

<sup>33</sup> Jiton ura exanaeinchi.

Jiwi ura exanaena.

Jopa beta yabara exanae tsainchi  
poxonaе jiton atene tsane poxonaе  
jopa bequein abe exanaeyo.

Jiwi jopa yabara paebi tsane xua pia  
pexui tatsi, poxoru jopa nantausti  
tsane pexui, pemomoxino.

Jiwi barapo jiton bexubinchi”, jei Nacom  
Pejume Diwesi, po diwesi Isaías tina xua  
ichaxota yoroba Etiopía nacuapin.

<sup>34</sup> Nexata Felipe yainyabatsi Etiopía nacuapin, jeichichi:

—Incane netsipaebare, ¿jintam Isaías yabara jei? ¿Pia coutha nayabara jei jampa? ¿Bara metha ich̄n̄ yabara jeichi? jeichichi Felipe Etiopía nacuapin.

<sup>35</sup> Felipe yaputane exana Etiopía nacuapin po diwesi xua Isaías tina Jesús jume yabara. Bapoxonaе nama paeba po coyene Jesús pia pexeinya jume diwesi tatsi.

<sup>36</sup> Poxonaе Felipe Etiopía nacuapinno namtotha ecaponabe, bapoxonaе Etiopía nacuapin namchi, jeye:

—Taema meniyo eque jeba. ¿Jopa nebautisabim tsane? jeichichi Felipe.

<sup>37</sup> Felipe barai, jeye:

—Icha daxita carepaya jume cow̄antame nej̄nt̄m̄ coyenetha, methaunxuae bara cabautisabinchi, jei Felipe.

Etiopía nacuapin Felipe jume notatsi, jeye:

—Bara yabara jume cow̄antan xua Jesucristo, bara Nacom pexanto tatsi, jei bapon.

<sup>38</sup> Nexata Etiopía nacuapin cobe itoroba xua duntabina pon xua cawayu pecomae-caein. Nexata duneicabe Felipe Etiopía nacuapinno. Meniyo bejonecabe. Nexata Felipe meniyotha bautisaba Etiopía nacuapin.

<sup>39</sup> Poxonaе meniyo wejuinabe, Nacom pia Pejumope t̄n̄ax̄m̄ tatsi Felipe puxanatsi. Felipe equeicha jopa taetsi Etiopía nacuapin. Saya equeicha Etiopía nacuapin j̄ntema pona pia nacua beya.

<sup>40</sup> Felipe taer̄cupatsi ichamonae Azoto tomaratha. Felipe daxita tomaran tamropate-capona xua pecueicueiweiwa Jesucristo pia pexeinya jume diwesi tatsi, beya yacui jopa Cesarea tomaratha.

## 9

*Meje yabara poxonaе Saulo jume cow̄anta Jesús  
(Hch 22.6-16; 26.12-18)*

<sup>1</sup> Awiya came Saulo ichipa daxita pejutebiwa pomonaе Jesucristo pejume cow̄antsi jiwi tatsi, pon Jesús Pecanamataxeinaein jiwi. Daxota Saulo siwa pona sacerdotemonaе pia pepa pentacaponaein tatsi.

<sup>2</sup> Saulo w̄uca: “Necare cartan judiomonaе pia penacaetutsi bon pia pentacaponaei nexa. Tha tacaponaeitsi Damasco tomara beya. Icha caxinaein pomonaе Jesús pejume

cowantsiwi tha jiwi pecabi botha caponaetsi Jerusalén tomaratha, pebiwino, yabuxino”, jei Saulo.

<sup>3</sup> Saulo Damasco tomara beya pona. Poxonae bara muxu pepatopae, bapoxonae pin coicha yacaincha matawacaicha matatsun uncuatabicatsi. Barapo coicha peitaboco wejopeica.

<sup>4</sup> Nexata iratha jopa Saulo. Yawa jume taneno xua pejume xua baraichichi, jeichichi: “Saulo, Saulo, zeta xua metha tamonae inta abe exaname?” jei pejume.

<sup>5</sup> Saulo jume nota, jeye: “Pon jiwi Pecanamataxeinaem, zjintamnda?” jei Saulo. Saulo u pejume jume notatsi, jeye: “Apara bara xan Jesús, ponxaein inta abe cana exaname tamonae.

<sup>6</sup> Nontaponde, tomara be-iyande. Baraxotiya catsipaebina pocotsiwa bewa exanaename”, jeichichi Saulo.

<sup>7</sup> Pebiwi, pomonae Saulo puna poinchi bichocono pijunuwi moya umena tsipei saya u pejume jume tane ichitha pepon jopa xapain taeyo.

<sup>8</sup> Saulo nantacotaxuba asiya uncu. Poxonae necotaxuba jopa xapain taeyo. Daxota pomonae Saulo puna poinchi cobe capoinchi Damasco tomara beya.

<sup>9</sup> Baraxota Damasco tomaratha Saulo eca acoibi po matabibibe. Jopa xapain necot-siyo. Barapo acoibi po matabibibetha jopa nabanaeyo, jopa apaeyono.

<sup>10</sup> Baxota Damasco tomaratha popona pon pejume cowantsin Jesucristo. Bapon pewun Ananías. Ananías tsita naitapeinya xeinatsi Jesús poxonae camaita. Ananías tsipaebatsi Jesús jeichichi: “¡Ananías!” jeichi. Ananías jume nota, jeye: “Jai, apara xote ecanje, pon jiwi Pecanamataxeinaem”, jei.

<sup>11</sup> Nexata Jesús Ananías baraichi: “Nontaponde. Namto beya ponde, po namto pewun Bopiya perucuiyae namto. Poxonae Judas pia botha patopame, yainyabare barapo botha. ‘¿Incane Saulo, Tarso tomaramonaepin?’ jande. Iraunxuaeru Saulo Nacom tsipaebauya.

<sup>12</sup> Saulo amachinae xua cacamaita, xua Ananiam xua itacuere wanaetsiname Saulo necobetha”, jei Jesús.

<sup>13</sup> Nexata Ananías jume nota, jeye: “Pon jiwi Pecanamataxeinaem, pinmonae netsipaeba xua pinae bapon cata abe exanatsi jinya jiwimonae, pomonae Jerusalén tomaratha jinompa.

<sup>14</sup> Bapon carta capatopa xote, po carta bayatha sacerdotemonae pia pentacaponaeawi caitoroba. Saulo carta capatopa poxoru sacerdotemonae jume jejei xua Saulo pinae bara caponaena jiwi pecabi bo beya pomonae cawun ununeiba poxonae Nacom tsipaebeibatsi”, jei Ananías.

<sup>15</sup> Jesús Ananías baraichi, jeichichi: “Ponde tsipei yaitama bapon bayatha Saulo itapetan. Bapon Saulo tsipaebina tajume diwesi icha nacuantha, po nacuantha jinompa pomonae jopa judiomonae naexanaeyo. Matautano tsipaebina pomonaetha pomonae jiwi itorobiya pia pepa peewatsiwichi. Matautano tsipaebina barapo tajume diwesi israelmonaetha.

<sup>16</sup> Tha hexa Saulo tsita itutichi po coyene xua bewa atene tsane tajume diwesi penatsipei cueicueijeixae tsane”, jei Jesús.

<sup>17</sup> Nexata Ananías pona ichaxota Saulo eca. Poxonae joniya botha, Saulo pecobetha ainya cobethabe mata jayabatsi. Ananías namchi, jeye:

—Saulom, pon be tayapin catsicotainchi, nejume cowantsixae Jesús. Bapon Jesús pon jiwi Pecanamataxeinaein neitoroba, pon namtotha catsita naitata xuano xua catsipaebano. Jesús neitoroba nenecotsinexa tsane yawa Nacom necajuntu coyene yaca exanaenexa pia Pejumope tanaxutha, jei Ananías xua Saulo tsipaebatsi.

<sup>18</sup> Barapoxonae caena nainya peitacueretotha be petsebocoton taothopeinatsi. Bapoxonae equeicha caewa wanaeya daxita carepaya tane. Saulo asiya uncu bapoxonae caena bautisabatsi.

<sup>19</sup> Poxonae nabane bapoxonae cui th̄nei tsanaya. Be caentacabiyobe Saulo eca Damasco tomaratha ichaxota ena pomonae pejume cow̄antsiwi Jesucristo.

*Meje yabara poxonae Saulo Jesús pejume diwesi paeba Damasco tomaratha*

<sup>20</sup> Caena nainya Saulo pona judiomonae pia penacaetutsi bontha tatsi. Tsipaeba barapomonaetha, jeye: “Barapon Jesús, apara Nacom Pexanto tatsi”, jei.

<sup>21</sup> Daxita pomonae jume tayena barapomonaetha yabara naj̄nt̄ coyene cabenaeca, nabarai, najei:

—Bara baraponda, pon cain matha Jerusalén tomaratha patopa xua abe peexanaponaenexatsi pomonae Jesucristo pew̄n ununaewichi poxonae Nacom w̄aqueibatsi. Apara bapon pon bayatha xote patope xua peteicaenexatsi pomonae pejume cow̄antsiwi xuano xua pecaponaenexatsi pomonaetha pomonae sacerdotemonae pia pentacaponaewi xua Jerusalén tomara beya, najei.

<sup>22</sup> Ichitha bapon Saulo awiya jume tsacatsacapiya cueicueijei. Bapon tsita itapeinya xeina xua Jesús apara Mesías. Daxota barapomonaetha judiomonae moya umenar̄cupa tsipei yabara naj̄nt̄ coyene cabenaeca pocotsiwa xua Saulo paeba.

*Meje yabara poxonae Saulo panepa judiomonae pecuiyainwa*

<sup>23</sup> Poxonae ainya maticabin yapucaewa judiomonae caemonae pebur̄ya nanta xeina xua bepa bexubichei Saulo.

<sup>24</sup> Saulo ich̄n muxu baraichi: “Bepa cabexubei ichamonae”, jei. Saulo ewatumeinchi tomara coibotontha po coiboton xua tomara peyacaincha toxoroto dutsiwa coiboton. Barapo coibotontha Saulo ewatumeinchi daxita maticabi, yawa merawino.

<sup>25</sup> Ichitha Saulo merawi panepa poxonae pijimonae pitatsi yawa yacote yorecatsi pepa tomara juma deca xua tomara peyacaincha toxoroto dutsiwa juma deca.

*Meje yabara poxonae Saulo Jerusalén tomaratha popona*

<sup>26</sup> Poxonae Saulo Jerusalén tomaratha patopa bepa bequein bar̄ nacaetutei Jesús pejume cow̄antsiwichi tatsi, ichitha barapomonaetha Saulo cunuwatsi tsipei nanta xeina xua Saulo jopa xapain Jesús pejume cow̄antsiwichi jiwana tatsi.

<sup>27</sup> Ichitha Bernabé Saulo cuaranotatsi Jesús pia peitorobi jiwi tatsi peitabaratha tatsi. Bernabé barapomonaetha namchi, jeye: “Pinae bayatha Saulo namtotha tsita nait̄tatsi Jesús pon jiwi Pecanamataxeinaein. Matātano pinae Saulo muxu tsipaebatsi. Matātano pinae tsipaeba Jesús pejume diwesi Damasco tomaratha xua pinae cui tsacatsacapiya cueicueijei”, jei Bernabé.

<sup>28</sup> Daxota Saulo napopona ducuaeta Jerusalén tomaratha ichaxota Jesús pia peitorobi jiwi tatsi. Saulo Jerusalén tomaratha jume tsacatsacapiya cueicueijei ducuaeta Jesús pejume diwesi tatsi pon jiwi Pecanamataxeinaein.

<sup>29</sup> Saulo yabara bar̄ natsipaeba Jesús pejume diwesi, yawa bar̄ najume matsonobatsi judiomonae, pomonae xua griego jume penatsipaebiwi. Barapomonaetha judiomonae, ichichipa xua Saulo pebexubiwatsi.

<sup>30</sup> Pomonae ir̄ Jesús pejume cow̄antsiwi tatsi jume tane, xua bepa Saulo imoxoyo bexubichei judiomonae. Daxota Saulo Cesarea tomara becayiyatsi. Baxota punaxubathopatsi. Equeicha Saulo dabe pu itorobiyatsi Tarso tomara beya.

<sup>31</sup> Daxita Jesús pejume cow̄antsi jiwi tatsi j̄ntema jinompa Judea nacuatha, Galilea nacuathar̄, Samaria nacuathar̄, tsipei jopa ichamonae abe exanaeyo barapomonaetha. Matātano barapomonaetha mataropeichiya nacuidubapona xua pejume cow̄antaponaewa Nacom. Matātano exanapona pocotsiwa Nacom ichichipa. Nacom pia Pejumope t̄nax̄ tatsi barapomonaetha yaweinchi pej̄nt̄ coyeneintha tatsi. Pinmonae Jesús jume cocow̄antapona.

*Meje yabara poxonae Eneas axaibi exanatsi*

<sup>32</sup> Poxonae Pedro siwa pona ducunaeteiba daxita tomaran Jesús pejume cowantsi jiwi tatsi, bapoxonae yawa siwa ponano pomonae Jesús pejume cowantsi jiwi pomonae ena Lida tomaratha.

<sup>33</sup> Baxota Pedro caxina pon pecuenobinchi xua saya camatha boca. Bayatha caena xeina baxua ocho po weibe. Bapon pewan Eneas.

<sup>34</sup> Pedro, Eneas baraichi:

—Eneas, Jesucristo caaxaibi exana. Asiya uncuatabare. Jinya cama xaxainta xore, jei Pedro.

Barapoxonae caena yacuinaya nantacotaxuba Eneas.

<sup>35</sup> Nexata Lida tomarapiwi, iru Sarón tomarapiwino, barapomonae Eneas tainchi xua equeicha beta pona. Bapoxonae barapomonae nacui barapenta xua copiya jume cowanta pejume cowantsinexa Jesucristo, pon jiwi Pecanamataxeinaein.

### *Meje yabara poxonae Dorcas equeicha caewa asu exanatsi poxonae tupa*

<sup>36</sup> Iruu jame caena bayatha Jope tomaratha popona powa pejume cowantsiwayo Jesús. Bapowa pewan Tabita. Barapo wan seicaya griego jume wan “Dorcas” baraichi. Barapowa pocotsiwa wanae itapeta exaneiba nawita. Matautano barapowa yaweneiba pomonaetha pomonae peacopeibiwi.

<sup>37</sup> Barapowa caena nainya atene tsanaya. Caena nainya tupanaya. Daxita petupaein matapaeta peru iquicatsi. Bapoxonae po tutu athabeicha baxota boichatsi.

<sup>38</sup> Jope tomara Lida tomara imoxoyo nacaquita ecabe. Baxota Pedro popona Lida tomaratha. Baxota Jope tomaratha pomonae Jesús pejume cowantsiwichi tatsi jume tane xua juinya Pedro Lida tomaratha popona. Bapoxonae itoroba pebinbe nacueyatabe xua bepa pinae tawabathopiyaetsi xua Pedro pewabathopiyaenexatsi Lida tomara beya. Baponbe namchibe. Pedro baraichi: “Cawaba pomonae Jesús pejume cowantsiwichi tatsi. Bepa pinae anetha iyaem”, jeibe baponbe.

<sup>39</sup> Bara Pedro puna pona baponbetha. Poxonae Pedro patopa Jope tomaratha, baru jojoniyatsi Pedro, ichaxota po tututha boca petupaewa Dorcas. Daxita pecuenta werapaewaxichi piseurixi caquita wecoyei tsumenaetsi Pedro. Yawa barapowaxi Pedro tsita itubatsi doroburu, camisanno xua bayatha Dorcas taxuxuca poxonae cataunxuae abu popona.

<sup>40</sup> Pedro pesato beitaweya daxita barapomonae. Pedro imoxoyo caquita eca pentabocototha. Nacomtha tsipaeba. Bapoxonae powa tumpuncua Pedro pexainya benecoaya, Pedro barai bapowa, jeye:

—Tabita, asiya uncuatabare, jei Pedro.

Bapoxonae powa tumpuncua necotaxuba. Poxonae Pedro tainchi, bapoxonae nantacotecataba.

<sup>41</sup> Pedro Dorcas cobe pitatsi. Asiya cuaranotatsi. Bapoxonae Pedro waba pomonae Jesús pia pejume cowantsi jiwi tatsi, iruru powaxi pecuenta werapaewaxichi piseurixi. Barapomonae Pedro tsita itata xua equeicha Dorcas asu.

<sup>42</sup> Jope tomarapiwi jume taerucupa xua equeicha Dorcas petupaewa nacosata. Bapowa equeicha asu popona. Daxota pinmonae jume cowanta Jesús pon jiwi Pecanamataxeinaeinchi.

<sup>43</sup> Jope tomaratha Pedro baxota popona ainya maticabin. Pedro popona Simón pia botha tatsi pon xua duwei peboco wanaeteibin.

## 10

### *Meje yabara Pedro iru Cornelio*

<sup>1</sup> Iruu jame Cesarea tomaratha pebin warapaeya popona. Bapon pewan Cornelio. Cornelio, jame yatsicaya pia nacua tatsi Italia nacua. Bapon soldadomonae pia pentacaponaein tatsi. Iruu soldadomonae pia nacua tatsi Italia nacua.

<sup>2</sup> Cornelio piamonae baru jume cowanta Nacomtha. Matautano Nacom wuna jaintatsi. Barapon Cornelio matowa yaweneiba judiomonae, pomonae peacopeibiwi. Bapon paratixi catsibeiba barapomonaetha. Bapon Cornelio tsipaebewa Nacomtha.

<sup>3</sup> Icha mataqueitha, Cornelio mataqueitha quiripitha amachinae.

Cornelio tane Nacom pia matatsunpin tatsi be poxonae camaita. Matatsunpin patopaeya namchi, jeye: “¡Cornelio!” jei.

<sup>4</sup> Cornelio junuwiya camaitiya tane matatsunpin. Cornelio jume epa pita, jeye: “Pon jiwí Pecanamataxeinaem, ¿eta xua jinyatsi?” jei Cornelio. Cornelio jume notatsi matatsunpin jeye: “Bayatha Nacom cajume tane poxonae tsipaebame pexainya beya. Cacui taneno xua yaweneibame peacopeibiwi. Nacom cayabara nanta xeina.

<sup>5</sup> Cornelio, ichamonae Jope tomara beitorobiyama pewabinexa tsainchi pon ainya wunbe pexeinaein. Bapon Simón baraichi yawa Pedro baraichi.

<sup>6</sup> Barapon Simón Pedro eca icha Simón pia botha tatsi pon Simón seicaya pon duwein peboco wunaeteibin. Barapon Simón mar mene itapatha yabo uncua”, jeichichi Cornelio matatsunpin.

<sup>7</sup> Poxonae matatsunpin napitaba, barapoxonae Cornelio ichamonae waba, pomonae xua pia botha petanacuichiwichi. Iru soldadomonaepin waba, pon xua pia botha tanacuitatsi. Barapon soldadomonaepin pejunta coyene xanepanaein Nacomtha.

<sup>8</sup> Barapomonaetha tsipaebatsi pocotsiwa bayatha Cornelio tsipaebatsi matatsunpin. Cotacaya Cornelio itoroba barapomonae Jope tomara beya.

<sup>9</sup> Icha mataqueitha barapomonae warapa Jope tomara beya. Poxonae cataunxuae itiya pona poxonae mateinyaxae, poxonae bara imoxoyo patichaba, bapoxonae iruru Pedro bo matatupa beecoinyar, po bo matatupa pereca. Nacom tsipaebawiya poxonae bayatha mataeinyaxae tsuxubi.

<sup>10</sup> Pedro bichocono jainpeca, bepa bequein xaei. Ichitha poxonae awiya cataunxuae tasetatsi, Pedro tsita naitutatsi be poxonae camaita.

<sup>11</sup> Pedro athabe necoicha xua peitaboco nayausaranaxuba. Yawa taneno xua pin paparuwa pexainya betaruneicatsi, be xua jiton nantiya caruneicabe.

<sup>12</sup> Bapoxonae barapo paparuwatha Pedro tane daxita xua xuan saya pecobetha pona be cawayun. Yawa tane daxita xua xuan saya petaxutha bobenapona be maquibun. Yawa tane daxita xua xuan saya petompacuetontha bobenapona be jomon. Matautano tane daxita xua xuan saya yapupuna be peyapupunaewi.

<sup>13</sup> Nexata Pedro peitabocotha jume tane xua namchi, jeye: “Pedro asiya uncuatabare. Pon xua ichichipame, pire. Moya bexore. Yawa xaema”, jei barapo jume.

<sup>14</sup> Nexata Pedro jume nota, jeye: “Bara, bayatha apara jopa bapana camatsawan xaeinyo, xua tamona jopa copatsiyo xua pexaewa”, jei Pedro.

<sup>15</sup> Equeicha Pedro jume tane pejume xua tsipaebatsi, xua jeichichi: “Xua Nacom catsijainya exana, baraxua jopa camatsawa jaintocuaetsi”, jeichichi.

<sup>16</sup> Pedro matha acoibi po jumeyobe tsipaebatsi baxua. Bapoxonae paparuwa caibe juinya peitaboco beicha.

<sup>17</sup> Xua Pedro baraichi Nacom, baxua Pedro yabara nanta xeina nawita: “¿Eta xua metha Nacom yabara nejumichira?” najei. Pomonae Cornelio itoroba, barapomonae i dapo bon yainyainyaba tsiniya: “¿Incane Simón pia bo?” jei. Bapoxonae bapomona pata Simón pia curara coibototha tatsi. Poxonae barapomona pata, Pedro cataunxuae yabara nanta xeina xua tsipaebatsi xua Nacom tsipaeba.

<sup>18</sup> Poxonae Cornelio pijimona tatsi pata baxota, pin jumetha namchi, jeye: “¿Incane Simón pon icha wun ‘Pedro’ baraichi? ¿Baxota bara ecara?” jei.

<sup>19</sup> Awiya came Pedro baxua yabara nanta xeinequiya xua pocotsiwa bapon tane. Nexata bapoxonae Nacom pia Pejumope tunaxa tatsi Pedro baraichi, jeye: “Pedro, nejume taema. Acoibi poyobe pebiwi cawenawenei tsompae.



<sup>20</sup> Nontaponde nainya ira bedunatabareinca. Barapomonae naponde, beitatema napontabare, yaitama barapomonae itoroban”, jeichichi Pedro.

<sup>21</sup> Bara nexata Pedro ira bedunatabareca. Pedro barai barapomonae, jeye:

—Apara bara xan, po jiton xua pana newenawenei tsompaem. ¿Eta xua metha papatame? jei.

<sup>22</sup> Barapomonae Pedro jume notatsi, jeye:

—Papatan yaitama Cornelio, pon soldadomonae pia pentacaponaein tatsi, bapon pana itoroba. Barapon pejuntũ coyene xanepanaein. Barapon Nacom jume cowuntatsi. Irũ daxita judiomonae barapon barũ cui itura jineibatsi yawa antobetsi. Pinae Nacom pia matatsunpin tatsi Cornelio itorobatsi Simón Pedro wabare nejume taenexa tsane jei pinae, jei barapomonae, xua Pedro tsipaebatsi.

<sup>23</sup> Nexata Pedro waba barapomonae xua petamaitenaewa tsainchi barapo botha. Icha matabitha piawa xaxainta xua caponaena. Bapoxonae Pedro napona barapomonae. Irũ ichamonae naponano, pomonae irũ Jesús pejume cowuntsiwi tatsi, pomonae xua ena Jope tomaratha.

<sup>24</sup> Icha matabitha pata Cesarea tomaratha. Baraxota Simón Pedro ewatatsi. Cornelio pia matabũyomonaewabixae barũ ewateca, yawa pia jiwi tatsino.

<sup>25</sup> Poxonae Pedro Cornelio pia botha tapatopatsi, Cornelio Pedro jacobatsi. Bapoxonae Cornelio Pedro peitabaratha pentabocototha tauncuatsi, pewũnae jainchinexa tsainchi Pedro.

<sup>26</sup> Ichitha Pedro, Cornelio asiya cuaranotsiya baraichichi, jeye:

—Cornelio, nontaponde. Saya apara xan pebin naexanan icha xam ichim barichin apara, jei Pedro.

<sup>27</sup> Poxonae Pedro natsipaebiya jonyabe, baxota Pedro pin bicheito tane xua nacaetuta.

<sup>28</sup> Nexata Pedro barai barapomonae, jeye:

—Bara bayatha payaputaneme xua waxainchi judiomonae jiwichi wacui coyenewa xeinatsi xua jopa nacui yabara copatichi xua wabarũ nacaetuteibiwa pomonae jopa judiomonae naexanaeyo. Mataũtano jopa nacui yabara copatichi xua pia bonthano waponeibiwa. Ichitha Nacom aunxuae necuiduba xua pinae jopa bewa ichamonae catsapiwi jaintin tsane.

<sup>29</sup> Daxota bichoina patopan yaitama pinae pana wabame. ‘Bara’, jopa janyo. Methaunxuae paca yainyabinchi: ¿Eta xua metha pana tsiwabame? jei Pedro.

<sup>30</sup> Nexata Cornelio, Pedro jume notatsi, jeye:

—Petain cuatro po matabibibe tsuxubi, quiripitha xote tabohta poxonae yabara nainbotan xua Nacom tsipaeban barapoxonae matatsunpin jemeicha tabohta patopa. Barapo matatsunpin paparuwa nama xatata po paparuwa bichocono daedaena.

<sup>31</sup> Matatsunpin nebarai: ‘Cornelio, bayatha Nacom cajume tane poxonae tsipaebame pexainya beya. Cacui taneno xua yaweneibame peacopeibiwi daxota Nacom cayabara nanta xeina’, jei.

<sup>32</sup> Nebaraino: ‘Ichamonae Jope tomara be itorobiyama, pewabinexa tsainchi pon ainya wũnbe pexeinaein. Bapon Simón baraichi, yawa Pedro baraichi. Pedro eca ichũn Simón pia botha tatsi, pon Simón pon seicaya duwein peboco wũnaeteibin. Barapon Simón mar mene itapatha yabo uncua’, nejai.

<sup>33</sup> Daxota nainya itoroban ichũnbe acoibi poyobe yaitama apara cawabatsi. Barabũ patopame. Daxita paxan xote Nacom peitabaratha pajinompan. Mataũtano paca ewatatsino tsipei yaitama tha paca jume taetsi xua Nacom, pon Pecanamataxeinaein, cana cajume itoroba, jei Cornelio.

*Meje yabara poxonae Pedro pin diwesi paeba Cornelio pia botha tatsi*

<sup>34</sup> Pedro barapomonaetha namchi, jeye:

—Anoxuae yaputan xua Nacom jopa cana exanaeyo jiwi xua ichan ainya cui xua beyacaincha ichan. Nacom daxita jiwi tsita najupatsi.

<sup>35</sup> Daxita nacuantha pomonae xua Nacom wuna jaintatsi xuano xanepanaya exanano, Nacom antobe barapomonae.

<sup>36</sup> Bayatha payaputaneme xua Nacom Pejume Diwesi nacariwesi itoroba paxantha pomonae Israel pia pemomoxi susato jiwi tatsi panxaein. Barapo pexeinya diwesi jume jantema jinompa pana exana poxonae Jesucristo pajume cowantan. Nacom Jesús Pecanamataxeinaein exanatsi daxita carepaya jiwi nexa.

<sup>37</sup> Paxam bara payaputaneme xua Juan Jesús yabara cueicueijeichi yawa bautisaba jiwi Galilea nacuatha. Bapoxonae irun Jesucristo tamropata pitaba xua cueicueije Galilea nacuatha yawa daxita Judea nacuatha.

<sup>38</sup> Matautano bara payaputanemeno xua Nacom cata pia peayapusu itorobi coyenewa, Jesucristo Nazaret tomarapin catatsi. Yawano Jesucristo nacana jumope tñaxu catatsi. Bapoxonae Jesús daxita carepaya tomarantha popona ducuaeta. Yawa axaibi exana ducuaetano peatene jiwi. Yawa taitaweta ducuaetano pomonae xua cauri pexeinaewi. Daxota bapon baxua beta exana Nacom pebaru poponaexae.

<sup>39</sup> Bayatha pacui tan daxita carepaya xua Jesús exana Judea nacuatha, Jerusalén tomarathano ichaxota jinompa judiomonae. Bapoxonae nama Jesús naetotha cobe matatabarutatsi, xua poxonae tupa exanadutatsi naetotha.

<sup>40</sup> Poxonae acoibi po matababibe tsuxubi Nacom petupaein equeicha asu exana. Matautano bapon pana netsita naitata exana.

<sup>41</sup> Ichitha daxita jiwi jopa tsita naitata exanaetsi. Saya paxan pana netsita naitata exana. Nacom pana itapeta pia patayopichinexa ichamonaetha pocotsiwa Jesús exana xuano xua paebano. Paxan Jesús pabaru nabanana, matautano pabaru apanno poxonae equeicha asu popona.

<sup>42</sup> Jesús pana itoroba daxita nacuantha pata paebinexa tsane Nacom Pejume Diwesi, xuano bapon pejume diwesino. Nacom cana exana, Jesucristo cana exanatsi be pon jiwi peyabara paebin penatsicuentsiwa xua abe peexanaexae. Bexa tsane Jesús daxita jiwi nanantaustiya jiwana torotsiya itawetsina, pomonae cataunxuae jinompa yawa pomonae bayatha werapano.

<sup>43</sup> Bayatha pomonae Nacom pia peitorobi jume pepaebiwi Jesús pejume diwesi paeba. Barapomonae namchi: ‘Daxita pomonae Jesús pejume cowantsiwichi barapomonae Nacom yabara jantemainaena abe pia peexanae cuiru coyenein tatsi Nacom pia peayapusuwathaxae’, jei barapomonae, jei Pedro.

*Meje yabara poxonae pomonae jopa judiomonae naexanaeyo pejuntu coyeneintha tapatatsi Nacom pia Pejumope tñaxu tatsi*

<sup>44</sup> Poxonae cataunxuae Pedro cueicueije, bapoxonae Nacom pia Pejumope tñaxu tatsi tapatatsi pomonae jume tane xua Pedro paeba.

<sup>45</sup> Judiomonae, Jope tomarapiwi, pomonae pejume cowantsixae Jesucristo, barapomonae Pedro puna poinchi. Barapomonae daxita yabara najuntu coyene cabenaeca xua iru barapomonae pomonae jopa judiomonae naexanaeyo iru pejuntu coyeneintha taenatsi Nacom pia Pejumope tñaxu tatsi.

<sup>46</sup> Judiomonae yaputane xua bara xaniwaicha Nacom pia Pejumope tñaxu tatsi tapatatsi pomonae jopa judiomonae naexanaeyo. Yaputane tsipei barapomonae barompaya tsanaya icha jumeintha cueicueije. Ichitha barapomonae jopa xapain najume copi yaputaeyo. Judiomonae jume taneno xua pomonae jopa judiomonae naexanaeyo Nacom wuna jaintatsi.

<sup>47</sup> Pedro namchi, jeye:

—Barapomonae apara Nacom pia Pejumope t̄nax̄ tatsi xeina icha waxainchi ichichi. Jiton dapon aibi pon jeye: ‘Jopa bewa bautisabi, apara pomonae jopa judiomonae naexanaeyo’, xua pon pejeiwa, jei Pedro.

<sup>48</sup> Pedro cui itoroba judiomonae. Pedro namchi, jeye: “Pabautisabare barapomonae pomonae jopa judiomonae naexanaeyo. Jesucristo pew̄n paw̄n taibare poxonae pabautisabame”, jei Pedro. Bapoxonae pirapae barapomonae, pomonae xua aena taenatsi Nacom pia Pejumope t̄nax̄ tatsi, Pedro apusiwatsi xua jopa warapae tsane yawa xua caeto ab̄n ecaenano.

## 11

*Meje yabara poxonae Pedro diwesi tsipaeba pomonaetha pomonae Jesús pejume cow̄ntsi jiwi Jerusalén tomaratha*

<sup>1</sup> Jesús pia peitorobi jiwi tatsi ir̄r̄ pomonae pejume cow̄ntsiwi Jesús, pomonae ena Judea nacuatha, barapomonae daxita jume tane xua ir̄r̄ pinae pomonae jopa judiomonae naexanaeyo bayatha jume cow̄nta Nacom Pejume Diwesi.

<sup>2</sup> Poxonae Pedro Jerusalén tomara bewarapiya, judiomonae pomonae xua jume cow̄nta xua ainya cui Jesús pejume cow̄ntsi jiwi tatsi pewi thabiwa tsainchi, barapomonae Pedro jume daunweya tsipaebatsi.

<sup>3</sup> Pedro baraichi, jeye:

—¿Eta xua metha barapomonae siwa poname pomonae jopa judiomonae naexanaeyo? ¿Eta xua metha naxaneme barapomonaetha? jei judiomonae.

<sup>4</sup> Nexata Pedro diwesi eetapona xua cueicueijejei barapomonaetha. Po diwesiin eetapona, barapo diwesiin xua poxonae siwa pona pomonae jopa judiomonae naexanaeyo. Pedro namchi:

<sup>5</sup>—Poxonae Jope tomaratha Nacom tsipaeban, pin paparuwa tan be poxonae camaitan. Barapo paparuwa peitaboco weruneica be pem̄tontha nantiya yacaincha opi queraba. Taxainya duneica.

<sup>6</sup> Barapo paparuwatha tan xua bobena. Baraxuan tan xua saya pecobetha pona be cawayun. Baraxuanno tan xua saya petaxutha bobenapona be maquib̄n. Baraxuanno tan xua saya petompacuetontha bobenapona be jomon. Baraxuanno tan xua saya yapupuna be peyapupunaewi.

<sup>7</sup> Peitabocotha jume tan xua nebarai: ‘Pedro asiya uncuatabare. Pon xua ichichipame, pire. Moya bexore. Yawa xaema’, nejei.

<sup>8</sup> Jume notan nexata: ‘Bara, bayatha apara jopa bapana camatsawan xaeinyo xua tamonae jopa copatsiyo xua pexaewa’, jan.

<sup>9</sup> Equeicha peitaboco wenebaraichica: ‘Xua Nacom catsijainya exana, baxua jopa camatsawa jaintocuaetsi’, nejei.

<sup>10</sup> Acoibi po jumeyobe nebarai. Saya ̄n barapo jumethabe nebarai. Bapoxonae paparuwa equeicha peitaboco beicha caibe caicha.

<sup>11</sup> Paparuwa caibe juinya, ir̄r̄ pebiwi acoibi poyobe patar̄n. Bapoyobe Cesarea tomarapiwi, taxantha pata. Barapo acoibi poyobe, pomonae Cornelio itoroba.

<sup>12</sup> Nacom pia Pejumope t̄nax̄ tatsi nebarai: ‘Napuna ponde. Beitatema pontabare’, nejei. Ir̄n nebar̄n pona seis poyobe Cesarea tomara beya pomonae pejume cow̄ntsiwi Jesús. Pajojoniyan Cornelio pia botha tatsi.

<sup>13</sup> Cornelio pana netsipaeba xua pinae pia botha tapatopatsi matatsunpin. Matatsunpin namchei: ‘Pebiwi Jope tomara beitorobiyama, pewabinexa tsainchi pon xua ainya w̄nbe xeina, Simón yawa Pedro.

<sup>14</sup> Barapon Simón Pedro paca tsipaebina Jesús pejume diwesi, paca necayawa capanenebiyaenexa tsane Nacom’, jei pinae matatsunpin poxonae pinae Cornelio tsipaebatsi, jei Pedro barapomonaetha.

<sup>15</sup> Pedro equeicha namchi:

—Poxonae Jesucristo pejume diwesi paebaxoyan Corneliobaratha, barapoxonae Nacom pia Pejumope tñaxu tatsi tapatatsi barapomona. Icha cain painta ichi, barichi pomonaetha Nacom nacana jumope catsiba.

<sup>16</sup> Bapoxonae nantana pitaban Jesús pejume, poxonae pana barai: ‘Juan saya u meratha bautisaba. Ichitha Nacom seicaya barompaya pia cuitha paca bautisaba. Ichitha Nacom seicaya barompaya pia cuitha paca bautisabina. Bapoxonae painya juntu coyeneintha pacata patsina Nacom pia Pejumope tñaxu tatsi’, jei Jesús.

<sup>17</sup> Xaniwaicha beta yaputan xua Nacom nacana jumope tñaxu cata barapomonaetha pomona jopa judiomona naexanaeyo, icha cain ichi poxonae Nacom nacana jumope tñaxu cata pata xantha poxonae Jesucristo pajume cowantan. Daxota Nacom jopa cui yancatabinyo poxonae ichichipa exana barapomonaetha, jei Pedro.

<sup>18</sup> Poxonae Jesucristo pejume cowantsi jiwi, pomona ena Jerusalén tomaratha, poxonae baxua jume taerucupa moya umenarucupa. Matautano Nacom wñae jaintatsino. Barapomona namchi, jeye:

—¡Maisa wñae, iru Nacom nacana cui cata pomonaetha pomona jopa judiomona naexanaeyo xua barapomona pejume cowantsiwa tsaneru Jesús, yawa xua juntema pejinompraewa tsaneru! Baraxua Nacom ichichipa xua barapomona najuntu cui coyene barapenta xua abe, petaxeinaenexa tsainchi peajuntuyarusawa, po peajuntuyarusawa xua jopa weraweracaeyo, jei barapomona.

*Meje yabara poxonae Jesús pejume cowantsi jiwi tatsi jinompa Antioquía tomaratha*

<sup>19</sup> Jesucristo pia pejume cowantsi jiwi tatsi ducupa, tsipei peanaepanaewi yotaba, poxonae po matabitha Esteban bexotsi. Barapomona tsanarucupa, ichun Fenicia nacua beya, ichun Chipre nacua tunaeto beya, ichun Antioquía tomara beya. Barapomona saya judiomonaetha cueicueijei Jesucristo pejume diwesi.

<sup>20</sup> Ichamona, pomona pejume cowantsiwi Jesús, Chipre nacua tunaetopiwi, Cirene tomarapiwino, barapomona Antioquía tomaratha pata. Daxita barapomona tsipaeba pomonaetha pomona jopa judiomona naexanaeyo Jesús pejume diwesi tatsi pon jiwi pia Pecanamataxeinaeinchi.

<sup>21</sup> Barapomona yawenatsi nawita Nacom pia peayarusawa tatsi. Daxota pin bicheito pomona jopa judiomona naexanaeyo, barapomona jume cowantatsi Jesús, pon jiwi Pecanamataxeinaeinchi.

<sup>22</sup> Jerusalén tomaratha, Jesucristo pejume cowantsi jiwi tatsi, barapomona, jume tane xua Antioquía tomarapiwi jume cowanta Jesucristo pomona jopa judiomona naexanaeyo. Daxota Bernabé Antioquía tomara beitorobiyatsi.

<sup>23</sup> Poxonae Bernabé Antioquía tomaratha patopa be ita cui wñaetsi xua Nacom yawena barapomonaetha. Bapoxonae Bernabé juntu coyene weiweina. Bernabé barapomona barai, jeye: “Paajuntucoyeneyarusawa jinompare Nacomtha. Matautano Nacom ajuntuyarusawa pajume cowantaponde”, jei Bernabé.

<sup>24</sup> Bernabé pejuntu coyene xanepanaein. Bapon juntu coyene yucatsi Nacom pia Pejumope tñaxu tatsi tsipei daxita i daxuan exana pocotsiwa Nacom itoroba. Matautano bichocono Nacom jume cowantatsi. Daxota pin bicheito jume cowanta Jesús, pon jiwi Pecanamataxeinaeinchi.

<sup>25</sup> Nexata Bernabé Tarso tomara bewarapiya, pewenaweneinexatsi Saulo.

<sup>26</sup> Poxonae Saulo caxinatsi baxota, Antioquía tomara bebaru warapiyatsi Saulo. Baraponbe cae wei naecabe baxota, cuidubabe pin bicheito xua Jesús pejume diwesi. Baraxota jiwi matha Jesús pijimona tatsi wñ dutatsi xua Antioquía tomarapiwi wñ duta xua jeye: “Cristobarumona”, jeichichi barapomona pomona Jesús pijimona tatsi.

<sup>27</sup> Poxonae Bernabé iru Saulo cataunxuae cuidubapoponabe Antioquía tomaratha, Nacom pia peitorobi jume pepaebiwi baxota pata, Jerusalén tomara werendena.

<sup>28</sup> Bara caein jiwana pewun Agabo. Agabo asiya uncua barapomonaetha. Bapon wunae tsiwanaya paeba. Agabo yaputane exanatsi Nacom pia Pejumope tunaxu tatsi. Agabo namchi, jeye: “Bexa tsane daxita carepaya nacuantha jainbo tsane”, jei Agabo. Baraxua xainyei poxonae jumba matha Claudio romanomonaе itorobiya pia pepa peewatsinchi tatsi naexana, bapoxonae pin jainbo tsurucuae.

<sup>29</sup> Daxota Jesús pejume cowantsiwi tatsi, pomonaе ena Antioquía tomaratha, ichipa yawena pomonaе iru pejume cowantsiwixae Jesús pomonaе peenaexae Judea nacuatha. Daxota barapomonaе pomonaе Jesús pejume cowantsiwixae peburaya nanta xeina xua paratixi taitorobina. Daxita barapomonaе carepaya paratixi cata be xua po coyene cobe itacupatsi xua pecatsiwa.

<sup>30</sup> Barapomonaе baxua exana. Barapo paratixi Bernabé iru Saulo caitorobatsibe pitiri jiwi nexa xua Judea nacua beya.

## 12

*Meje yabara poxonae Santiago bexotsi iru xua poxonae Pedro jiwi pecubi botha capoinchi*

<sup>1</sup> Barapoxonae Herodes pon Judea nacuapiwi peyanacua ewatsinchi, bapon tamropata pitaba xua pomonaе Jesús pejume cowantsiwi tatsi peraxa exanatsi.

<sup>2</sup> Herodes itoroba pia jiwi, xua pin cusitha Santiago pebexubiwatsi, pon Juan pewei-cho tatsi.

<sup>3</sup> Herodes jume tane xua judiomonaе tsita xanepanatsi xua Santiago bexotsi. Daxota Herodes cui itoroba piamonaе xua Pedro pewaetabiwatsi xua pecaponaenexatsi jiwi pecubi botha. Baxua exana poxonae Pascua wun matabintha poxonae jiwi pan xane po pan xua jopa xeinaeyo levadura xua pocotsiwa cotowa exana.

<sup>4</sup> Poxonae Pedro jiwi pecubi botha eca, soldadomonaе yapucaumena, Pedro yapucaumeinchi. Soldadomonaе, cuatro po bicheito matabuxuyobe. Cae matabuxuyo xeina be cuatro poyobe. Be cae matabuxuyo tamroropatapona poxonae yacaincha umeneibatsi Pedro. Herodes yabara nanta xeina xua peexanaewa tsane xua Pedro pin bicheito peitabaratha cuaranotinchi pepa tomaratha poxonae Pascua wun matabin yapu caewina.

<sup>5</sup> Awiya came Pedro jiwi pecubi botha eca. Ichitha Jesús pejume cowantsiwichi jume daunweya wuca Nacom, Pedro tawacatsi.

*Meje yabara poxonae Nacom, Pedro capanepatsi jiwi pecubi bo weya*

<sup>6</sup> Herodes merawi nanta xeina xua baya tsane Pedro cuaranotinchi pepa bicheitha peitabaratha. Barapo merawitha, abu cataunxuae Pedro nantiya cobe nain camaituncuatsibe soldadomonaepinbe. Iru soldadomonaepinbe yacaincha uncuabe jiwi pecubi bo boupa.

<sup>7</sup> Caena nainya Jesús pia matatsunpin tatsi Pedro tsita naitatatsi. Jiwi pecubi botha pin coicha pentha tsuxubi bichocono. Matatsunpin Pedro yaubaxotsi. Nexata Pedro nacosataxuba. Matatsunpin namchi, jeye: “Pedro, nanainya nonta ponde”, jei matatsunpin. Bapoxonae Pedro nantiya cobe nain jopeicabe iratha.

<sup>8</sup> Bapoxonae matatsunpin Pedro baraichi, jeye: “Coreinya bocoto bichocono nacoto epa catatabare. Nainya nataxu xatare jinya nenataxu xatatsiwa”, jei. Baraxua Pedro exana. Equeicha matatsunpin namchi, jeye: “Pire jinya camisa po paparuwa xua nainya weruyame. Antha nepuna ponde”, jei matatsunpin.

<sup>9</sup> Nexata matatsunpin Pedro pecoiboto bepuna joniya, pesato beya. Ichitha Pedro xapain jopa naita cui coyene taeyo xua jiwi pecubi bo wepuna joniya matatsunpin. Saya nanta xeina be amachinae.



<sup>10</sup> Pedro iru matatsunpin xenta jonyabe soldadomonaepin pon yacaincha uncua ichaxota Pedro etatsi. Bapoxonae equeicha icha soldadomonaepin xenta jonyabe pon ewatuncua pepa boupa xua pesatotha. Pedro iru matatsunpin peboupa penainwa xua peyacaincha dutsiwa bara wejonyabe tomara beya. Barapo boupa jemeicha nacoibo yausaranaxuba. Pedro matatsunpinno namtotha ponabe. Poxonae icha namtotha patopabe bapoxonae jemeicha matatsunpin Pedro cuenta aichurucuaetsi tomara namtotha.

<sup>11</sup> Barapoxonae Pedro xaniwaicha naita cui coyene tane. Bapon nabarai, jeye: “Bara yatsicaya xainyei Jesús pia matatsunpin inta itoroba tsipei metha bepa necapanepae Herodes pia xainya weya tatsi xuano xua judiomonae pia xainya weya tatsi, pomonae ichichipa abe inta peexanaewa”, najei.

<sup>12</sup> Poxonae baxua nacui cananta xeina, Pedro pona María pia bo tatsi beya. Bapowa Juan pena tatsi. Juan icha wun xeina, Marcos. María pia botha tatsi pin bicheito nacaetuta pewaqueibinexa Nacomtha. Baxota Pedro patopa.

<sup>13</sup> Pedro curara coiboto dadacata. Yabuyo powa pewun Rode muxu naya pia yaputaetsi pon patopa.

<sup>14</sup> Poxonae barapowa Pedro jume copi tainchi xua wawai abu jopa saranaxubiyo peboupa. Bapowa bichocono juntu coyene weiweina daxota caibe cuinaya piamonae tsiwun caya. Namchi:

—Pedro curara coibototha uncua, jei Rode.

<sup>15</sup> Barapomonae namchi, jeye:

—¡Apara camatayaiba! jei.

Equeicha bapowa jume nota, jeye:

—¡Babara xainyan, Pedro bapon yatsicaya! jei.

Equeicha barapomonae jume nota, jeye:

—Metha apara Pedro pia matatsunpin tatsi, pon yantatsi, jei.

<sup>16</sup> Awiya came Pedro peboupa dacadacatuncua. Poxonae barapomonae peboupa saranaxoya, Pedro yabara najuntu coyene benaecaeya tainchi.

<sup>17</sup> Pedro pecobetha moya jume matawenta. Cotacaya Pedro diwesi tsipaeba barapomonae xua bayatha capanepatsi jiwi pecubi bo weya, xua Jesús capanepa pon jiwi Pecanamataxeinaeinxae tatsi. Pedro namchi, jeye:

—Barapo diwesi Santiago patsipaebare iru ichamonae patsipaebare pomonae Jesús pejume cowantsiwi tatsi, jei Pedro.

Barapoxonae Pedro icha namto be-iya.

<sup>18</sup> Poxonae baya pentha tsina soldadomonae nabenaenompa tsipei jopa yabara yaputaeyo po coyene xua Pedro aichurucuae.

<sup>19</sup> Herodes soldadomonae itorobatsi xua jeitatsi Pedro. Ichitha jopa Pedro taebichi. Daxota Herodes cana exana xua barapo soldadomonae natsiaenae cuenta pepanepaexae Pedro. Barapoxonae Herodes icha soldadomonae cui itorobatsi xua barapo soldadomonae jutebinchi. Barapoxonae Herodes Judea nacua wewarapiya, Cesarea tomaratha pepoponaenexa.

### *Meje yabara poxonae Herodes tupa*

<sup>20</sup> Herodes pon Judea nacuapiwi peyanacua ewatsinchi, bapon Tiro tomarapiwi casebatsi iru Sidón tomarapiwino casebatsi. Bequein bayatha copiya Herodes itoroba pexaewa barapo tomarabe nexa ichitha anoxuae jopa daichiyo poxoru Herodes caseba barapo tomarapiwibe. Daxota Sidón tomarapiwi iru Tiro tomarapiwino itoroba pebiwi pesiwa ponaenexa tsainchi Blasto pon peainya cui jiton xua Herodes pon tanacuitatsi. Barapomonae ichichipa xua Herodes xaniwaicha caewa be piamonae exana, daxota

barapomonaе Blasto tsipaebatsi xua barapomonaе peyabara jume yawenaenexatsi xua poxonaе petsipaebinxatsi Herodes.

<sup>21</sup> Daxota Herodes wun duta, barapo matacabi, po matacabitha xua Herodes siwa ponaeinchi barapomonaе. Poxonaе matacabi tsuxubiba barapo matacabitha Herodes pia paparuwa nama xatataba po paparuwa tsobia, pocotsi paparuwan nama xataba pentacaponawewi. Bapoxonaе pia peecaewatha eca. Herodes piamonaetha tsipaeba.

<sup>22</sup> Nexata barapomonaе wawai Herodes baraichi, jeye: “¡Apara xua bapon paeba, jopa be pebinyo, apara bara nacom tsecae!” jei barapomonaе.

<sup>23</sup> Bara caena bapoxonaе Nacom pia matatsunpin tatsi Herodes iratha xotsi. Iratha xotsi yaitama bapon jopa Nacom baru cui itura jinaetsi poxonaе pia coya Nacom naexana. Oro unu caewita poinchi. Jana caewita poinchino. Tsapita poinchino. Herodes tūpanaicha.

<sup>24</sup> Pomonaе xua jume cowunta Jesús, barapomonaе tajū tsipaebapona Nacom Pejume Diwesi daxita nacuantha. Daxota daxita pinmonaе jume cowuntatsi Jesús.

<sup>25</sup> Poxonaе Bernabé Saulono nacui wetabe baxua, Jerusalén tomara wewarapiyabe. Antioquía tomara bewarapiyabe. Juan Marcos baru warapatsi.

## 13

### *Meje yabara poxonaе Bernabé Saulono Nacom Pejume Diwesi caponabe*

<sup>1</sup> Baraxota Antioquía tomaratha jiwana jinompa pomonaе pejume cowuntsiwi Nacom pomonaе Nacom pia peitorobi jume pepaebiwi iru pomonaе jiwi pecuidubiwi Moisés pia peitorobi coyene. Barapomonaе meje: Bernabé iru Simón pon icha wunno, Negro baraichi, iru Lucio Cirene tomarapin ecaru. Iru Saulo ecaru. Iru Manaén ecaru, pon Herodes bayatha caepinbe naexanabe xua nacuara wichaba ponabe. Herodes Galilea nacuapiwi peyanacua ewatsinchi naexana.

<sup>2</sup> Caentacabi, poxonaе barapomonaе Nacom pejume coyene canatsipaeba exana, yawa yabara nainbota, barapoxonaе Nacom pia Pejumope tūnaxu tatsi barapomonaе tsipaebatsi, jeye: “Paitorobare Bernabé, Saulono, petsipaebinxata tsanebe Nacom pia pexeinya jume diwesi tatsi po penacuichiwa baponbe bayatha tsiwabanbe”, jei Nacom pia Pejumope tūnaxu tatsi.

<sup>3</sup> Nexata poxonaе xua Nacom wuca najume weta, xuano poxonaе weta xua yabara nainbota, barapoxonaе Bernabé Saulono pecobetha mataboco jayabatsibe. Bapoxonaе napeyabatsibe.

### *Meje yabara poxonaе Nacom pia peitorobi jiwi tatsi, Nacom pia diwesi tatsi cueicueijei Chipre tunaetotha*

<sup>4</sup> Bapoxonaе Bernabé Saulonuru itorobatsibe Nacom pia Pejumope tūnaxu tatsi. Seleucia tomara bewarapiyabe. Bapoxonaе ponabe jeratha po naetha po nae pin nae, petunaeto beya. Barapo tunaeto pewun Chipre.

<sup>5</sup> Poxonaе patopa Salamina tomaratha, Nacom pia pexeinya diwesi tatsi cueicueijei judiomonaе pia penacaetutsi bontha tatsi. Juan Marcos bichi napona Bernabé Saulono peyawenaenexatsi.

<sup>6</sup> Barapoyobe daxita barapo tunaeto matawacaicha enapona petsipaebinxata Nacom pia pexeinya jume diwesi tatsi. Bapoxonaе Pafos tomaratha pata. Barapo tomaratha bapoyobe caxinabe judiomonaepin pon pewun Barjesús. Bapon Barjesús mara pexeinaein, pon saya naeraba paeba. Bapon Barjesús namchi, jeye: “Xan tacueicueijein Nacom nexa”, jei.

<sup>7</sup> Barapon napuna poneiba pontha pon Chipre tunaetopiwi peyatunaeto ewatsinchi ponxae pewun Sergio Paulo. Bapon Sergio Paulo peyaputaein. Bernabé Saulono wabatsibe pia jume taetsibe xua Nacom Pejume Diwesi tatsi pepaebiwa.

<sup>8</sup> Barapon pon mara pexeinaein icha w<sub>h</sub>n xeina, griego jume, “Elimas”, baraichi. Bapon Bernabé Saulono jume yancatabatsibe, tsipei jopa ichipaeyo xua Sergio Paulo jume cow<sub>h</sub>ntsina Nacom Pejume Diwesi.

<sup>9</sup> Nexata Saulo, pon icha w<sub>h</sub>n<sub>x</sub>ae Pablo, Nacom pia Pejumope t<sub>h</sub>nax<sub>h</sub> tatsi j<sub>h</sub>nt<sub>h</sub> coyene y<sub>h</sub>catsi. Pablo bichocono pexainya beya tane.

<sup>10</sup> Pablo barai, jeye:

—¡Barjesús, xam pon jiwi nemuxitorobeibin, abe neexanaein, cauri pexantom, daxita xua pew<sub>h</sub>naewan neaichaxaibim! ¿Eta xua daichim jiwi cui yancababeibame xua pejume cow<sub>h</sub>nteibiwa Jesús, pon jiwi Pecanamataxeinaeinchi?

<sup>11</sup> Bara anoxuae Nacomtha natsiaenae cuentsiname. Daxota caitacuere piontababa. Jopa caeto pesato taem tsane, beya poxona matapainya Nacom copatsina xua netaewa tsane, jei Pablo.

Bapoxonae Elimas nainya itata quirei. Bapon ichawa beya ich<sub>h</sub>n nacobena jayaba, pecobe caronaenexatsi peitata nac<sub>h</sub>tsinxae.

<sup>12</sup> Poxonae Sergio Paulo baxua tane bapoxonae bapon Nacom jume cow<sub>h</sub>ntatsi tsipei tsita w<sub>h</sub>naetsi pocotsiwa Pablo Bernabeno yabara cuidubabe Nacom pon jiwi Pecanamataxeinaeinchi.

*Meje yabara poxonae Bernabé Pablono Antioquía tomaratha ecabe xua Pisidia nacuatha*

<sup>13</sup> Pablo ir<sub>h</sub> pijimonae tatsino Pafos tomara wewarapiya. Perge tomara be-iyiya jeratha, po nae pin nae. Perge tomaratha pata, Panfilia nacuatha. Barapo nacuatha daxita barapomonae Juan Marcos w<sub>h</sub> pona. Barapoxonae Jerusalén tomara bewarapiya.

<sup>14</sup> Nexata Pablo ir<sub>h</sub> pijimonae tatsi Antioquía tomara be-iyiya. Barapo tomara Pisidia nacua nacacuita ecabe. Barapo matabitha, po matabitha pentaquei seicae matabitha, judiomonae pia penacaetutsi botha tatsi pata, yawa enoundeca.

<sup>15</sup> Baraxota ich<sub>h</sub>n yoroba Moisés pia peitorobi coyene diwesi tatsi. Yawa yoroba xua Nacom peitorobi jume pepaebiwi paeba. Bapoxonae poxonae najume weta pentacaponaw<sub>h</sub>i, pomonae peyabara umenaw<sub>h</sub>i penacaetutsi bo, barapomonae Pablo wabatsi ir<sub>h</sub> piamonae tatsi wabatsi. Barapomonae jeye:

—Pata tajiwimonaem, icha paxeiiname diwesi, po diwesi xua barapomonae pej<sub>h</sub>nt<sub>h</sub> coyene tsacabiwatsi xua j<sub>h</sub>ntema pejinompaewa nexa barapomonae pomonae xote ene, bara moya papaebare barapo diwesi, jei barapomonae.

<sup>16</sup> Nexata Pablo asiya uncua. Pecobetha jume matawenta xua moya peenaenexa. Pablo barai, jeye:

—Incane pajume taema, israelmonae pam, ir<sub>h</sub> paxamno pomonae Nacom abe paca nacaexanaeyainwa pam xua icha abe paexaname, pomonae judiomonae jopa naexanaeyo pam.

<sup>17</sup> Wamo susato jiwi, pomonae Israel piamonae, barapomonae Nacom cana exana xua barapomonae nayoyotapona beya xua pin bicheito naexanapona, poxonae cataunxuae Egipto nacuatha jinompa. Nacom itapeta waba barapomonae, xua petanaexanaenexatsi pijimonae jiwana tatsi. Daxota Nacom pia peayapus<sub>h</sub>watha wamo jiwi capanepatsi Egipto nacua weya.

<sup>18</sup> Wamo jiwi ira xuepana susato tsurucuae nacua beya warapa cuarenta po weibe. Nacom yaweneiba barapomonae bequein barapomonae abe exaneiba cuarenta po weibe.

<sup>19</sup> Wamo susato jiwi tsimax<sub>h</sub> dubatsi Nacom poxonae jutebatsi Canaán nacuamonae. Nacom caewitaxuba Canaán nacuamonae siete po bicheito matab<sub>h</sub>x<sub>h</sub>yobe. Wamo susato jiwi barapo ira xuya catatsi, Nacom cata.

<sup>20</sup> Daxita baraxua Nacom exana barapomonaetha cuatrocientos cincuenta po weibetha.

“Bapoxonae Nacom jiwana cana exana pomonae jiwi peyabara paebiwichi xua penatsicuentsiwa xua abe peexanaexae pentacainompaenexa tsane barapomonae. Nacom baxua exana beya poxonae pon pewan Samuel popona pon Nacom pia peitorobi jume pepaebin.

<sup>21</sup> Nexata israelmonae Nacomtha wuca pon be yatsicaya barapomonaetha barompaya itorobiya pia pepa peewatsinchi tatsi tsane. Daxota Nacom taexana barapomonaetha pon pewan Saúl, Cis pexanto tatsi, pon Benjamín pia pemomoxi susato jiwana tatsi. Bapon Saúl, pon jiwi itorobiya pia pepa peewatsin naexana cuarenta po weiyobe.

<sup>22</sup> Bapoxonae Saúl cui matawentatsi Nacom abe peexanaexae. Equeicha exana ichan pon jiwi itorobiya pia pepa peewatsinchi, pon pewan David. Nacom yabara jume jei David: ‘David tan, pon Isaí pexanto. David netsita juntu coyene xanepana yawa wanae exanano. David itapeta exanaena daxita pocotsiwa ichichipan’, jei Nacom.

<sup>23</sup> David pia pemomo susato jiwana tatsi, bapon pewan Jesús. Jopa cain bayatha Nacom Pejume Diwesi paebi penamchixae Jesús capanepa Israel nacuamonae. Baraxua caena bayatha Nacom yabara tsiwanae muxu duta.

<sup>24</sup> Pewanaeya poxonae Jesús tamropata pitabina xua pecuidubiwa Nacom nexa copiya matha Juan daxita Israel nacuapiwi tsipaeba xua pinae bewa nacui barapentsina abe peexanae cuiru coyenein xua Nacom petsita xeinaenexatsi icha juntu coyenein, xuano xua bewa pinae nabautisabina.

<sup>25</sup> Poxonae Juan bara imoxoyo tupa, jeye: ‘jJopa daponyo xan, pon xua payabara nanta xeiname, pon Mesías baraichi. Cotacaya ichan patopaena xua pon nepuna patopaena. Pocotsiwa bapon exana bichocono ainya cui beyacaincha pocotsiwa exanan. Bichocono pin ura tsita xeinan xua daxota bewa jopa tataxu mu isanaxubiwa tsane pia penataxu xatatsiwa tatsi’, jei Juan”, jei Pablo.

<sup>26</sup> Equeicha Pablo jeye: “Tamonae pam, Abraham pia pemomoxi susato jiwi tatsi pamxaem, iru pomonae Nacom abe paca necaexanaeyainwa pam xua icha abe paexaname. Nacom pacata itoroba barapo pecapanenebiyae diwesi jume po diwesi Juan yabara paeba.

<sup>27</sup> Barapomonaetha pomonae Jerusalén tomaratha jinompa iru pia pentacaponae tatsi jopa Jesús yaitaetsi po coyene xua bapon apara Mesías. Matautano barapomonaetha jopa yaputaeyo xua bayatha Nacom peitorobi jume pepaebiwi yabara wanae tsiwanaya paeba xua bexa Jesús cana exanaeinchi. Pentaquei seicae matabitha poxonae ichamonae yoroba po diwesi xua Nacom pia peitorobi jume pepaebiwi tina, judiomonae pia penacaetutsi botha tatsi barapomonaetha jopa yabara yaputaeyo barapo diwesi. Poxonae Jesús naetotha teparucua exanatsi, barapomonaetha nanta japiya exana Jesthatha icha be pocotsi coyeneya bayatha Nacom pia peitorobi jume pepaebiwi paeba.

<sup>28</sup> Barapo judiomonae jopa xeinaeyo po coyeneya xua Jesús pebexubiwa tsainchi. Bequein Jesús jopa abe exanaeyo ichitha barapomonaetha Pilato wacatsi xua Pilato itorobina soldadomonae xua Jesús pebexubiwa tsainchi.

<sup>29</sup> Barapomonaetha exana daxita po coyene bayatha xua Jesús yabara wanae tsiwanaya paebatsi Nacom Pejume Diwesitha. Barapoxonae Jesús pijimonae petupaein naeto wepichicatsi. Pijimonae mathatha xotsi petupaein pitapatororo mathatha.

<sup>30</sup> Ichitha Nacom, Jesús equeicha caewa asu exanatsi petupae cuiru coyene weya.

<sup>31</sup> Matha cain Jesús puna jinompeibatsi ichamonae poxonae Galilea nacuatha popona, Jerusalén tomarathano. Barapomonaetha equeicha Jesús tsita naitata ducuanabiya ainya matabi dapaein. Pomonae Jesús bayatha tsita naitata, barapomonaetha apara pomonae xua anoxuae daxita tomaran tsipaeba dubenanaebiwa Jesús yabara.

<sup>32</sup> “Daxota paca tsipaebatsi Jesucristo pia pexeinya diwesi jume xua bayatha Nacom yabara tsiw<sub>nae</sub> muxu duta wamo susato jiwitha.

<sup>33</sup> Baxua Nacom exana poxonae Jesús equeicha as<sub>u</sub> exanatsi. Nacata exana poxoru waxainchi wamo susatopiwi pijimonaetsi. Icha be pocotsi coyeneya bayatha tina Nacom Pejume Diwesitha xua salmos penax<sub>nae</sub> weixi diwesintha, po wei xua ichaxota ‘dos’, jei xua jeye: ‘Xam, taxantom, itawan caexanatsi bara’, jei.

<sup>34</sup> Nacom, Jesús as<sub>u</sub> exanatsi, xua equeicha jopa pet<sub>u</sub>paenexa tsane, xua equeicha jopa tsabanuncuae tsane. Daxota jei pejume diwesitha: ‘Paca catinchi xua bayatha David tayabara tsiw<sub>nae</sub> muxu dutan’, jei.

<sup>35</sup> Daxota pon xua tina salmos penax<sub>nae</sub> weixi diwesintha, barapo diwesintha Nacom baraichi: ‘Jopa copatsim xua nexanto petsabanuncuaewa tsane pon bichocono pej<sub>ntu</sub> coyene xanepanaein’, jei.

<sup>36</sup> Xainyei, David exana xua Nacom ichipa poxonae bar<sub>u</sub> popona Israel nacuapiwi. David bayatha t<sub>u</sub>pa. M<sub>u</sub>th<sub>u</sub>tha xotsi ichaxota pamo jiwi tatsi yam<sub>u</sub>th<sub>u</sub> umena. Yawa bayatha tsabanuncua.

<sup>37</sup> Ichitha barapo pepon po pepon Nacom as<sub>u</sub> exana, barapo pepon jopa tsabanaeyo.

<sup>38</sup> Tamonae pam, maisa bepayabara yaputaename Jesús po coyene xua bapon Jesús pacata cayawa t<sub>u</sub>pa abe painya neexanae cuiru coyenein xua daxota Nacom j<sub>ntem</sub>ainna barapo abe painya neexanae cuiru coyenein.

<sup>39</sup> Tsipei Jesús t<sub>u</sub>pa daxota daxita pomonae jume cow<sub>nta</sub> bapontha, Nacom j<sub>ntu</sub> coyene w<sub>nae</sub>tsina. Bequein jiwi exana daxita pocotsiwa Moisés pia peitorobi coyenewatha itoroba, ichitha barapo coyenewa bapana jopa jiwi j<sub>ntu</sub> coyene xanepana exanaetsi abe pia peexanae cuiru coyenein tatsi weya.

<sup>40</sup> Dota, icha metha jopa Nacom pajume cow<sub>ntsipaem</sub>, bara paichim tsipae icha be pocotsi coyeneya bayatha pomonae Nacom peitorobi jume pepaebiwi yabara tina. Namchiya tina, jeye:

<sup>41</sup> ‘Ja, jiwi pecui caponaemonae pam, bara pana nabenaecare, pawerapare. Xan, Nacom, anoxuae exanaein bichocono pepa pew<sub>naewa</sub> poxonae cataunxuae pajinompame. Baxua xua exanan, jopa pajume cow<sub>nts</sub>im, bara bequein ichamonae paca tsipaeba’, jei Nacom”, jei Pablo.

<sup>42</sup> Pablo, ir<sub>u</sub> pia pepuna ponaewichi daxita barapoyobe judiomonae pia penacaetutsi bo tatsi wejojoniya. Pomonae baxota umena pomonae jopa yacuiya naexanaeyo xua judiomonae penaexanaewa, barapomonae Pablo w<sub>ucatsi</sub> xua bepa pinae Pablo equeicha cuidubina po diwesi anoxuae paeba xua equeicha icha diwesi mataropeichiya cuidubina xua icha mataqueitha tsane xua pentaquei seicae matabitha.

<sup>43</sup> Poxonae najume weta Pablo ir<sub>u</sub> Bernabé, puna poinchibe judiomonae ir<sub>u</sub> pomonae jopa judiomonae naexanaeyo. Barapomonae Nacom jume cow<sub>nta</sub> nawita icha judiomonae ichi. Pablo Bernabeno tsipaebabe barapomonae: “Nacom pajume cow<sub>nta</sub> dubenanaebiyama xua Nacom w<sub>nae</sub> pia pacata exanaenexa painya j<sub>ntu</sub> coyeneintha pia paca necaantobexae”, jeibe.

<sup>44</sup> Icha matabi, po matabitha pentaquei seicae matabitha, pin bicheito pomonae tomaratha ena, nacaetuta xua pejume taenexa Nacom pia pexeinya jume diwesi tatsi, pon Pecanamataxeinaeinchi jiwi.

<sup>45</sup> Ichitha poxonae judiomonae pinmonae necota, jume uwa tsipei pinmonae nacaetuta pejume taenexatsi Pablo. Pablo jume matawentatsi xua paeba yawa t<sub>u</sub>m<sub>u</sub> jume bar<sub>u</sub> paebatsino.

<sup>46</sup> Nexata Pablo Bernabeno tsipaebabe barapomonae. Jopa auriya paebiyobe. Jeibe:



—Bara xanepana xua copiya Nacom Pejume Diwesi paca tsipaebatsi pomonae judiomonae pamxaem. Daichitha, jopa bepajume taem barapo diwesi tsipei jopa paichichipaem xua painya nexeinaewa peajuntuyarusawa po peajuntuyarusawa ataya tsiteca. Daxota anoxuae ichamonaetha pata tha ponaetsi pomonaetha pomonae jopa judiomonae naexanaeyo.

<sup>47</sup> Pata Tanecanamataxeinaein Nacom pana itoroba. Pana baraino, jeye: ‘Paca exanatsi xua painya neyawenaewa daxita pomonae jopa judiomonae naexanaeyo xua xanepanaeya pejinompaenexa tsane. Matautano paca exanatsi xua beta painya netsipaebinexa Nacom Pejume Diwesi daxita nacuantha, xua jiwi pecapanenebiyaenexa tsainchi Nacom abe pia peexanae cuiru coyenein weya tatsi’, jei Nacom, jei Pablo.

<sup>48</sup> Poxonae baxua jume taerucupa, pomonae jopa judiomonae naexanaeyo, barapomonae bichocono juntuy coyene weiweinarucupa, juntema jinompano. Pablo tsipaebatsi: “Nacom Pejume Diwesi jume xeica. Bichocono jume wanae”, jei. Daxita barapomonae jume cowanta pomonae Nacom cuita itapeta petaxeinaenexa tsainchi peajuntuyarusawa, po peajuntuyarusawa ataya tsiteca.

<sup>49</sup> Barapomonae pomonae Jesús pejume cowantsiwichi daxita nacuantha tsipaeba Jesús pia pexeinya jume diwesi tatsi, pon jiwi Pecanamataxeinaein.

<sup>50</sup> Ichitha judiomonae anaepana exana yabuxi powaxi Nacom cananta xeinatsi bichocono. Yawa pebiwi pomonae peainya cui jiwi, barapo pebiwi anaepana exanatsiru. Iru judiomonae Pablo Bernabeno abe yabara cueicueijeichibe, daxota daxita jiwi Pablo iru Bernabé casebatsibe. Barapo jiwi Pablo Bernabeno itawetaxotsibe pia nacua beya.

<sup>51</sup> Nexata Pablo Bernabeno nataxu nunatababe tsorobo. Baxua exanabe petsita itapeinya xeinaenexa po coyene barapomonae abe exana poxonae jume itaweta Nacom Pejume Diwesi. Barapoxonae warapabe Iconio tomara beya.

<sup>52</sup> Ichitha pomonae Jesús jume cowanta, barapomonae bichocono juntuy coyene weiweina. Matautano barapomonae juntuy coyene yucatsi Nacom pia Pejumope tunaxu tatsi.

## 14

### *Meje yabara poxonae Pablo Bernabeno Iconio tomaratha poponabe*

<sup>1</sup> Iconio tomaratha Pablo Bernabeno judiomonae pia penacaetutsi botha tatsi jonyabe. Beta paebabe daxota pinmonae Jesús jume cowanta. Judiomonae jume cowanta, iruru pomonae jopa judiomonae naexanaeyo jume cowanta Jesús.

<sup>2</sup> Ichitha po judiomonae jopa Jesús pejume cowantsiwichi barapomonae cui tsacaba pomonae jopa judiomonae naexanaeyo cui tsacabatsi. Daxota barapomonae pomonae jopa judiomonae naexanaeyo abe yabara nanta xeina xua pomonae Jesús pejume cowantsiwi tatsi abe yabara nanta xeinatsi.

<sup>3</sup> Pablo Bernabeno barapo tomaratha ecabe. Ainya matababi dapaein baraponbe ecabe baraxota. Nacom Pejume Diwesi jume daunweya cueicueijeibe Pecanamataxeinaein nexa. Baponbe Nacom cata pia peayarusawa peexanaenexabe pexeinya petsita itatsi coyenewan. Poxonae jiwi cui tane xua baponbe exanabe, barapo jiwi yaputane xua Nacom yawena baponbe, peantobexaetsibe.

<sup>4</sup> Daxita jiwi tomaratha be ainya jiwibe natsababe. Ichamonaetha judiomonae ichichipa. Ichamonaetha Jesús pia peitorobi jiwi tatsi ichichipa. Daxota ainya bicheitobe nacana exanabe.

<sup>5</sup> Nexata bapoxonae judiomonae iru pomonae jopa judiomonae naexanaeyo peburuaya yabara jume baru nanta xeinarucupa xua pentacaponae wi paeba po coyene xua Pablo yawa Bernabé abe peexanaewa tsainchibe xuano xua ibotontha pecuinbabinexatsibe.

<sup>6</sup> Poxonae Bernabé Pablo be jume taebabe nainya naetsirucuabe Litra tomara beya, Derbe tomara beyano. Barapo tomarabe Licaonia nacuatha ecabe. Matautano icha tomaran beya ponabe Pablo Bernabeno xua po tomaran ena barapo Licaonia nacuatha.

<sup>7</sup> Barapo tomarantha cuiduba ducuaenaebiyabe Jesús pia pexeinya jume diwesi tatsi.

*Meje yabara poxonae Pablo Litra tomaratha ibotontha cuinbabatsi*

<sup>8</sup> Litra tomaratha pebin popona pon pemubinchi, pon xua jopa peponaein. Bapon pexuyotha caena yawa naexaneca, xuano bapana jopa ponae.

<sup>9</sup> Bapon pon pemubinchi Pablo jume tainchi xua pocotsiwa cueicueijei. Pablo pemubinchi tane. Pablo nanta xeina, xua pon pemubinchi bara Nacom jume cowantatsi. Pablo nanta xeinataba xua axaibi peexanaewa tsainchi pon pemubinchi. Daxota bichocono Pablo naita cui duya bapontha beya.

<sup>10</sup> Nexata Pablo jume daunweya barai, jeye:

—Asiya uncuare, jei.

Pon pemubinchi asiya uncuatabiya jirawuna yawa nainya ponano.

<sup>11</sup> Poxonae Pablo cui tainchi barapomonae, jume daunweya wawai pin jumetha, Licaonia pijumetha tatsi:

—¡Nacombe be pebin juta tsecae waxainya berena patopabe! jei.

<sup>12</sup> Barapomonae namchi: “Maisa Bernabé bara mexeya nacom tsecae, po nacom pewun Zeus. Iru Pablo bara mexeya icha nacom tsecae, po nacom pewun Hermes”, jei. Barapomonae bapo wun duta poxoru tsipei Pablo penantacapaebin tsecae.

<sup>13</sup> Iru barapo nacom Zeus pia sacerdotemonaepin xeinaru, pon Zeus wuna jain-teibatsi pia penacaetutsi bo tatsitha. Barapo penacaetutsi bo uncu tomara coiboto juma weya. Barapo sacerdotepin vaca pebton wiyaba pentonon pecaponaenexa Zeus pia penacaetutsi botha tatsi. Barapo tomarapiwi iru Zeus pia sacerdotepin ichichipa juteba vaca pebton petautsinexa xua petuxusi exanaenexa Pablo iru Bernabé nexabe pia Pablo iru Bernabé yabara nanta xeinaebe barapomonae xua barapomonae bara pejuntu coyene xanepanaewi.

<sup>14</sup> Bernabé Pablo be jume tanebe xua taexanaeinchibe baxua barapomonae. Bapoxonae anaya nama paparuwa tsitsinaxubabe. Cuinaeponaya wawai be poxoru aichaxaibibe xua baxua barapomonae exanaena. Jeibe:

<sup>15</sup> —¿Eta xua daxua pana canautame? Apra saya jiwi panbe. Be paxam paichim bara paichinbe. Papatopanbe tsipei apra pata paca catsipaebinexa tsainchi xua painya nenacui barapentsiwa tsane barapo coyenexi xua jopa pecui xanepanaewiyo. Maisa Nacomtha panantana pende. Barapo Nacom pon peantucuiyapusun, exana peitaboco, iranno, pin meneinno. Daxita xua xuanno yawa muxuna dubena tsiniya Nacom bayatha exana.

<sup>16</sup> Wawunaeya Nacom cui copata daxita nacuapiwi xua bara pejinompaenexa icha be pocotsi coyeneya ichichipa xua pejinompaewa. Daxita jiwi pia cui nata exana saya.

<sup>17</sup> Nacom xua pewunaewan nacopiniwa tsita ituba daxota jiwi naita cui coyene tane xua Nacom exana. Barapon Nacom apra pon ema pacata itorobica, pexuwiwanno paca tsijain exaneica catsicano. Pexaewa paca cata. Paca juntu coyene weiweina exana, jei.

<sup>18</sup> Bequein Bernabé Pablo be jume daunweya yabara paebabe baraxua, awiya barapomonae ichichipa jutebina vaca pebton xuano xua wuna pejainchinexatsibe Pablo iru Bernabé. Barapomonae muxu pejutebi vaca daichitha jopa jutebiyo.

<sup>19</sup> Bapoxonae judiomonae pomonae jopa pejume cowantsiwi, Antioquía tomara weparena, iru Iconio tomara weparena. Daxita barapo judiomonae Listra tomara-piwi baru cueicueijeichi pebaru anaepanaenexatsibe Pablo iru Bernabeno. Nexata barapomonae Listra tomarapiwi ibotontha cuinbabatsi Pablo. Barapomonae najuntu coyene xeina xua bayatha tupa Pablo. Pablo tomara coiboto juma bejojontapoinyatsi.

<sup>20</sup> Jesús pejume cowantsiwichi Pablo cacuita mata wacaicha umenarucupatsi. Bapoxonae Pablo asiya uncuataba. Equeicha tomara bepoinya. Icha mataqueitha Bernabé Pablobe Derbe tomara beya ponabe.

<sup>21</sup> Barapoxonae Bernabé Pablobe muxu tsipaebabe Jesús pia pexeinya jume diwesi tatsi. Pinmonae jume cowanta Jesús. Equeicha bapoxonae Listra tomara beya, caibeya ponabe. Iconio tomarano, Antioquía tomara beyano bara bewarapiyabe.

<sup>22</sup> Bernabé iru Pablo barapo tomarantha juntu coyene tsacababe pomonaetha pomonae pejume cowantsiwi xua xanepanaya pejinompaewa tsane. Matautano cui itorobabe barapomonaetha xua bewa barapomonae beta xanepanaya jume cowanta dubenanaebiyaena. Barichino matautano tsipaebabe xua pinae poxonae ichamonae pepatsiwa tsane Nacom pia peitorobi nacua beicha bewa matha ajuntucoyenetane exaneibinchi xua ichamonae taexanaena.

<sup>23</sup> Bernabé Pablobe tamroropata itapeta tsiniyabe pitiri jiwi daxita Jesús pejume cowantsiwi pia penacaetutsi bontha. Barapo pitiri jiwi itapetatsi peyawenaenexa xua peyawenaenexatsi pomonae Jesús pejume cowantsiwi. Poxonae daxita najume weta xua Nacomtha petsipaebiwa, xuano xua yabara nainbota pitiri jiwi nexa, barapoxonae Pablo iru Bernabé, Nacom pon Pecanamataxeinaein jiwi, jeichichi: “Nacom, barapo pitiri jiwi beta eenare jinya necajume cowantsixae”, jeibe.

*Meje yabara poxonae Bernabé iru Pablo Antioquía tomaratha equeicha caibe patopiyabe xua po tomara peecaexae Siria nacuatha*

<sup>24</sup> Copiya matha Pisidia nacua bewarapiyabe. Bapoxonae Panflia nacuatha patopabe.

<sup>25</sup> Jesús pia pexeinya jume diwesi tsipaebabe Perge tomaratha. Barapoxonae equeicha Atalia tomara bewarapiyabe.

<sup>26</sup> Baraxotiya Atalia tomaratha Antioquía bewarapiyabe jeratha, po naetha po nae pin nae. Antioquía tomara barapo tomara ichaxota bayatha matha barapomonae Bernabé iru Pablo tawucatsibe Nacomtha poxonae juntucuru warapabe. Bayatha cain barapo Antioquía tomarapiwi tawuca Nacomtha, xua Nacom beta eenaena peantobexae xua Pablo iru Bernabeno beta eenaechibe poxonae nacuitabe Nacom pia penacuichiwa. Baxota equeicha Pablo Bernabeno pecoutha patopabe tsipei barapo pia penacuichi-wabe bayatha wetabe.

<sup>27</sup> Bernabé iru Pablo poxonae patopabe Antioquía tomaratha caetutabe pomonae pejume cowantsiwi Jesús. Baponbe barapomonaetha tsipaebabe po coyene bayatha Nacom Pablo iru Bernabé taexanatsibe. Matautano tsipaebabe xua Nacom pon Pecanamataxeinaein jiwi, pomonae jopa judiomonae naexanaeyo tacopatatsi xua iru barapomonae peitacupaewatsi xua pejume cowantsinexatsi Jesús.

<sup>28</sup> Bernabé iru Pablo baraxotiya ainya dapaein naecabe barapomonae pia xantha tatsi pomonae Jesús pejume cowantsi jiwichi.

## 15

*Meje yabara poxonae nacaetuta Jerusalén tomaratha Jesús pia peitorobi jiwi tatsi iru penapatae jiwi*

<sup>1</sup> Barapoxonae iru pebiwi, pomonae Judea nacuatha jinompa, pata Antioquía tomaratha. Barapomonae tamropata notarucupa xua pecuidubiwa pomonaetha pomonae iru pejume cowantsiwixae Jesús. Jeye: “Icha paichichipame xua painya

nepaca capanenebiwa matha pana nawi thabare pebiwi pam ichaxota pana nareixa-caename icha be ichi pocotsi coyeneya bayatha Moisés paca itoroba”, jei.

<sup>2</sup> Pablo iru Bernabeno jume daunweya tsipaebabe xua baxua jopa xainyeyo. Ichitha jume matsontsonobatsibe barapomona. Daxota Pablo iru Bernabé wun dutatsibe, iru ichamonae wun dubatsi xua daxita barapomona peponaenexa Jerusalén tomara beya. Matautano barapomona itorobatsi xua barapo penawi thabi coyene yabara petsipaebinexatsi Jesús pia peitorobi jiwi tatsi, iruru pitiri jiwi petsipaebinexatsi pomona penacaetutsi jiwi jiwana xua Jerusalén tomaratha.

<sup>3</sup> Barapo Antioquia tomarapiwi pomona Jesús pejume cowantsiwi pu taeumena. Pablo iru Bernabé iru icha pebiwi pu taeumeinchi. Barapoxona Pablo Bernabeno iru icha pebiwino warapa. Barapomona siwa pona Fenicia nacua beya, Samaria nacua beyano. Barapomona Pablo Bernabeno tsipaebabe, jeibe: “Pomona xua jopa judiomona naexanaeyo, barapomona pia cui coyenein nacui barapenta po coyenein xua jume cowanta bayatha pia jume cowantichi Nacomtha”, jeibe Pablo, Bernabeno. Daxita pomona iru pejume cowantsiwixae Jesús bichocono juntu coyene weiweina poxona jume tane baxua.

<sup>4</sup> Bernabé iru Pablo poxona patopabe Jerusalén tomaratha, pomona pejume cowantsi jiwi baponbe matenta weiweinaya wabatsibe. Iruru Jesús pia peitorobi jiwi tatsi matenta weiweinaya waba. Barichiru pitiri jiwi matenta weiweinaya waba. Bernabé iru Pablo tsipaebabe barapomonaetha po coyene bayatha Nacom taexana baponbetha.

<sup>5</sup> Ichitha ichamonae fariseomona, pomona bayatha jume cowanta Jesús, asiya umena. Barapomona namchi, jeye:

—Pomona jopa judiomona naexanaeyo pomona pejume cowantsiwi Jesús bewa exanaetsi xua penawi thabiwa tsane xua ichaxota nareixacaena xua ichaxota pebiwixae xeina. Matautano bewa cui itorobichi xua bewa exanaponaena pocotsiwa bayatha Moisés itoroba pia peitorobi coyenewatha, jei.

<sup>6</sup> Bapoxona Jesús pia peitorobi jiwi tatsi iru pitiri jiwimonaeno nacaetuta peyabara paebinexa barapo penawi thabi coyene.

<sup>7</sup> Caena bayatha bapomona najume matsontsonobompa. Bapoxona Pedro asiya uncuataba. Barai barapomonaetha, jeye:

—Tamonae pam, pomona iru painya nejume cowantsiwixae Jesús, paxam payaputaneme, xua caena bayatha Nacom neitapeta painya xantha. Newaba tacueicuei-jeinexa tsane Jesús pia pexeinya pecapanenebiyae diwesi jume pomonaetha pomona jopa judiomona naexanaeyo, xua iruru barapomona pejume cowantsinexa barapo diwesi.

<sup>8</sup> Nacom rejuntu coyene yaputaein jiwi daxota naca yaputane exana xua bapon tsitatsi xua barapomona rejuntu coyene xanepanaewi bequein jopa judiomona naexanaeyo. Nacom bara nanajumope tuxaxu cata barapomonaetha icha matha naca cana ichi.

<sup>9</sup> Nacom bichocono antobe barapomona icha ichi xua bichocono naca antobe. Nacom juntu coyene puxana exana barapomona xua abe pia peexanae cuiru coyenein tatsi pejume cowantsixaetsi icha naca ichi.

<sup>10</sup> Maisa anoxuae jopa bepayabara yaputaem pocotsiwa Nacom exana. Matautano barapo pejume cowantsiwi pomona jopa judiomona naexanaeyo pacui itorobame xua penawi thabiwa xua ichaxota nareixacaena xua ichaxota pebiwichi xeinatsi. Matautano be paca ita cui jicha xua barapomona bewa exanaena pocotsiwa Moisés itoroba. Apra baraxua jopa naca itacupaeyo xua waexanaewa. Iruru wamo susato jiwi jopa itacupaetsi xua peexanaewa baxua.

<sup>11</sup> Nama apara waxainchi wanaca capanenebiyae jiwichi xua saya amanaya xua Jesús pon jiwi Pecanamataxeinaein peichichipaexae baxua. Barapo pejume cowantsiwi iru bara cana ichichi, jei Pedro barapomonaetha.

<sup>12</sup> Bapoxonae barapomonaе moya umena. Barapomonaе Bernabé iru Pablo jume taeumenatsibe. Tsipaebabe: “Paponeibanbe pomonaetha pomonaе jopa judiomonaе naexanaeyo. Paexaneibanbe barapomonaetha pexeinya petsita itutsi coyenewan Nacom pia peayapusuwiyatha tatsi”, jeibe.

<sup>13</sup> Poxonae Bernabé iru Pablo najume wetabe xua paebabe, bapoxonae Santiago namchi, jeye:

—Tamonae pam, pomonaе iru painya nejume cowantsiwixae Jesús, pana nejume taema:

<sup>14</sup> Simón Pedro aunxuae naca tsipaeba. Pedro namchi: ‘Poxonae Nacom copiya tamropata pitaba xua yawena pomonaе jopa judiomonaе naexanaeyo, Nacom jiwana itapeta pomonaе xua peantobenexa tsainchi bapon’, jei Pedro.

<sup>15</sup> Xuaunxuae Pedro paeba caena bayatha Nacom pia peitorobi jume pepaebiwi yabara tsiwunaе muxu dutsiya tina Nacom Pejume Diwesitha xua Nacom nexa, jeye:

<sup>16</sup> ‘Poxonae daxita baraxua wetsina, xan Nacom equeicha patoparecaein.

Exanaein xua caein, pon David pia pemomo jiwi tatsi jiwana matacapoponaena piamonaе, icha matha David ichi poxonae piamonaе matacapopona.

<sup>17</sup> Poxonae baraxua exanaein, barapoxonae ichamonae pomonaе jopa judiomonaе naexanaeyo newenawenei tsane pia tanejume cowantsinexa tsane. Barapomonaе pia Pecanamataxeinaein tatsi naexanaein taitapetsixae barapomonaе.

<sup>18</sup> Nacom pon jiwi yaputaeya exanatsi barapo coyenein caena bayatha pepaebixae baxua daxota xaniwaicha Nacom exanaena’, jei Nacom pia peitorobi jume pepaebiwi, Nacom Pejume Diwesitha xua Nacom nexa, jei Santiago.

<sup>19</sup> Santiago cataunxuae awiya cueicueijei, jeye: “Daxota nanta xeinan, equeicha waxainchi jopa bewa itorobi tsainchi pomonaе jopa judiomonaе naexanaeyo xua peexanaewa po coyenein xua taayapubetsi. Barapomonaе nacui barapenta pia cui coyenein po coyenein xua jume cowanta bayatha pia jume cowantichi Nacomtha.

<sup>20</sup> Betatinaetsipatsi carta pomonaе jopa judiomonaе naexanaeyo. Barapo cartatha jeichipaetsi: ‘Jopa equeicha pewi paxaeinde po wi jiwi tajeba ibo nacom nexa. Painya xoba yabuxi panotame po yabuxi jopa painya seurixi. Painya xoba duwei pawu xaneme pon saya pipato tupa xuanu pon saya bunopa. Matautano jopa paxaeinde pejanan’, bejei tsipaetsi.

<sup>21</sup> Baraxua bewa exanaetsi poxoru caena cain bayatha pomonaе Nacom Pejume Diwesi pecanatsipaebi jiwi yorobeiba barapo diwesi judiomonaе pia penacaetutsi bontha tatsi. Daxita tomarantha xua po matacabintha pentaquei seicaе matacabintha barapomonaе yorobeiba Nacom Pejume Diwesi, po diwesi xua Moisés tina bayatha pocotsiwa yabara tsiwunaе muxu duta Nacom”, jei Santiago.

*Meje yabara poxonae barapo bicheito carta tatina pomonaetha pomonaе jopa judiomonaе naexanaeyo*



<sup>22</sup> Jesús pia peitorobi jiwi tatsi iruru pitiri jiwi, iru daxita pomonae pejume cowantsiwi juntucuru najiwana itapeta. Bapoxonae xua Antioquia tomara beya penajiwana itorobinexa Pablo iru Bernabé. Judas wan dutatsi pon icha wan Barsabás. Iru Silas wan dutatsi, baponbe ponbe bichocono peainya cui jitonbe xua pomonae iru pejume cowantsiwi pia xantha tatsi.

<sup>23</sup> Jesús pia peitorobi jiwi tatsi iruru pitiri jiwi, iru pomonae Jesús pejume cowantsiwi, barapomonae carta tina xua pecaitorobinexa xua Pablo iru Bernabé iru Judas iru Silas barapoyobe pecaitorobinexatsi. Barapo carta namchi, jeye:

“Paxan Nacom pia peitorobi jiwi tatsi pan, iru pitiri jiwi panno xua nacaemonae jiwichi xua wajume cowantsiwichi Jesús. Paxan pajacoban patamonae pomonae jopa judiomonae naexanaeyo pomonae iru Jesús pejume cowantsiwichi, pomonae pejinompaexae Antioquia tomaratha, xuano xua pejinompaexae Siria nacuatha, Cilicia nacuathano.

<sup>24</sup> Payaputan ichamonae xua patamonae pata tomara weya pipato paca siwa pona painya tomara beya. Paca cajume acaura. Barapomonae namchi: ‘Pana nawi thabare. Matautano paexande pocotsiwa Moisés pia coyenewatha itoroba’, jei. Jopa paitorobinyo barapo jume.

<sup>25</sup> Daxota be juntucuru pawnaein xua cuita pananta juraya nanta xeinan. Paitoroban ichamonae pata xainya weya pia paca necataenexa tsane. Napuna ponabe Bernabé Pablono ponbe bichocono paantobein.

<sup>26</sup> Baponbe Pablo iru Bernabé muxu pebocaebe xua pebexubiwatsibe pecueicueijei tsurucuaenaebiyaexaebe Jesucristo nexa, pon Wanacanamataxeinaein.

<sup>27</sup> Paitorobanbe Judas Silasno. Baraponbe saya pia coutha paca tsipaebinabe daxita xua barapo cartatha papaeban painya neyaputaenexa.

<sup>28</sup> Paxan iru Nacom pia Pejumope tuxaxu tatsi pananta juraya nanta xeinan xua jopa bepaca itorobichi icha cui coyene po cui coyene bichocono pacata ayapube xua painya neexanaewa tsane. Meisa saya u baxua xua pacata tinatsi po cartathe baxua panantawenoname xua painya neexanaewa tsane.

<sup>29</sup> Painya xoba paxaneme pewi po wi jiwi tajeba ibo nacom nexa poxonae tauta barapo duwei xua tuxusi exana barapo ibo nacom nexa. Barichi painya xoba duwei pawí xaneme pejanano po duwei pipato tuxumena. Matautano ichamonae painyamonae jiwana pia xoba nota yabaxi powaxi jopa piseurixi tatsi. Icha baraxua panacui barapentsiname xanepanaya pajinompaenname. Baja”, jei barapo cartatha.

<sup>30</sup> Bernabé iru Pablo, iru Judas Silasno barapomonaeyobe peitorobixaetsi bara Antioquia tomara be-iyiya. Barapo tomarathiya barapomonaeyobe caetuteta pomonae pejume cowantsiwi. Matautano barapomonaeyobe barapo carta cata barapomonaetha.

<sup>31</sup> Pomonae iru pejume cowantsiwixae Jesús bara yoroba barapo carta. Barapomonae bichocono juntu coyene weiweina tsipei barapo cartatha cui matateicaeya yabara paebatsi.

<sup>32</sup> Judas iru Silas peitacupaexaetsibe xua beta petsipaebiwabe Nacom Pejume Diwesi xua Nacom yaputane exana, daxota juntu coyene tsacababe barapomonaetha pomonae iru Jesús pejume cowantsiwi tatsi xua beta pejinompaewa tsane. Matautano baponbe cui matateicabe.

<sup>33</sup> Barapoyobe barapo pejume cowantsiwitha naecabe caena bayiyo. Barapoxonae barapomonae pomonae pejume cowantsiwixae Jesús barapoyobe juntu coyene xanepanaya pu napeyabatsi xua penawibiyaexae caibeya ichaxota werena bayatha pomonae peitorobirenaexaetsi.

<sup>34</sup> Ichitha Silas juntucuru narunta.

<sup>35</sup> Pablo iru Bernabé Antioquia tomaratha ecabe. Baponbe iru ichamonaeno pomonae

pinmonae, daxita barapomonae cuiduba dubenanaebiya yawa tsipaeba dubenanaebiya Jesús pon Pecanamataxeinaein jiwi pia pexeinya jume diwesi tatsi.

*Meje yabara poxonae Pablo equeicha warapa nacueyatabe po cuiyobetha xua Jesús pia pexeinya jume diwesi tatsi pecueicueijejwa nexa*

<sup>36</sup> Pirapaeyo icha mataqueitha, Pablo barai, Bernabé baraichi, jeye:

—Antha equeicha Jesús pejume cowantsiwi siwa ponaeinchi daxita jupaya tomarantha ichaxota matha cain Jesús pon jiwi Pecanamataxeinaein pia jume diwesi tatsi tsipaebatsibe. Wayaputaenexabe icha metha bara beta jinompa bapomonae, jei Pablo.

<sup>37</sup> Bernabé ichichipa xua puna poinchibe pon Juan, pon icha wannno Marcos.

<sup>38</sup> Ichitha Pablo jopa ichipaeyo xua pebaru ponaewatsi Juan Marcos tsipei bayatha Panfilia tomaratha Bernabé iru Pablo cuenta ponatsibe. Bayatha Juan Marcos juntucuru jopa benapuna nanacuichiyo Jesús pia pexeinya jume diwesi tatsi.

<sup>39</sup> Najume matsontabe. Bernabé iru Pablo nawu tsatajopabe. Bernabé tsana baru jopa Marcos. Weratha ponabe Chipre tunaeto beya.

<sup>40</sup> Barapoxonae Pablo cuita waba Silas. Antioquía tomaratha pomonae pejume cowantsiwixae Jesús, Pablo Silasno tatsipaebatsibe Nacomtha xua Nacom peenaenexa peantobexae xua Pablo iru Silas peenaenexatsibe poxonae cueicueijeibe Nacom Pejume Diwesi.

<sup>41</sup> Pablo iru Silas warapabe Siria nacua beya, Cilicia nacua beyano. Baponbe juntu coyene tsacababe pomonaetha pomonae pejume cowantsiwi Jesús xua beta pejinompaewa nexa.

## 16

*Meje yabara poxonae Timoteo cueyata, Pablo iru Silas cueyatatsibe*

<sup>1</sup> Pablo iru Silas Derbe tomaratha patopabe. Equeicha bapoxonae Listra tomaratha patopabe. Baraxota Listra tomaratha caxinabe pebin pon pejume cowantsin Jesús. Bapon pewun Timoteo. Pena tatsi saya judiomonaewayo. Barapowa iru pejume cowantsiwayo Jesús. Timoteo paxa tatsi griegomonaepin.

<sup>2</sup> Jesús pejume cowantsiwi, pomonae jinompa Listra tomaratha, iru pomonae Iconio tomaratha jinompano, barapomonae Timoteo beta yabara paebatsi xua pinae pejuntu coyene xanepanaein.

<sup>3</sup> Pablo ichichipa xua bepuna ponaechatsi Timoteo xua peyawenaenexatsi. Ichitha matha copiya cui itorobatsi Timoteo xua pewi thabinexatsi xua ichaxota nareixacaeca xua ichaxota pebinxae xeina. Pablo baxua exana tsipei jopa ichipaeyo xua judiomonae anaepana peexanaewa tsainchi xua jopa pewi thabixae tsipaetsi Timoteo. Tsipei Pablo yaputane xua judiomonae nawita ichaxota poneibinabe. Barapomonae judiomonae nawi thabeiba tsipei pia cui. Matautano barapomonae judiomonae yaputane xua Timoteo paxa tatsi griegomonaepin. Daxota Timoteo jopa caena bayatha wi thabichi tsipei canta griegomonae jopa daxua exaneibiyo.

<sup>4</sup> Daxita jupaya tomarantha pateiba, Pablono, Silasno, Timoteono. Barapomonaeyobe tsipaebabe pomonaetha pomonae Jesús pejume cowantsiwi pocotsiwa bayatha Jesús pia peitorobi jiwi tatsi iru pitiri jiwi tina cartatha poxonae nacaetuta Jerusalén tomaratha pomonae pejume cowantsiwi Jesús.

<sup>5</sup> Daxota pomonae penacaetutsi jiwi bara xanepanaya beta jume cowanta. Daxotano pinmonae jume cowanta. Daxita matabi mataropeicha pinmonae tsoponae xua jume cowantapona Jesús.

*Meje yabara poxonae Pablo camaita Macedonia nacuapin*

<sup>6</sup> Nacom pia Pejumope t̄nax̄u tatsi Pablo jopa copatichi xua pecueicueijeija tsane Nacom pejume diwesi Asia nacuatha. Daxota Pablobar̄u Frigia nacua iya pona xuano xua Galacia nacua iya pona.

<sup>7</sup> Misia nacua iyiya. Baraxotiya bequein ichichipa pata Bitinia nacuatha, ichitha Jesús pia Pejumope t̄nax̄u tatsi apusiwa.

<sup>8</sup> Daxota Misia nacua iyiya. Troas tomaratha mene itapatha pata.

<sup>9</sup> Baraxota merawi Pablo camaita pebin pon Macedonia nacuapin. Bapon Macedonia nacuapin nantacotuncua. Pablo jume daunweya wabatsi: “¡Anetha denande! Macedonia nacua berena. ¡Pana yawende!” jeichichi Pablo.

<sup>10</sup> Pablo camaita bapon, daxota paxainxainyan xua pata warapaenexa Macedonia nacua beya. Ir̄u xan, Lucas tsocuaein, naponan. Paxan tsipei payaputan xua bara Nacom pana itoroba barapo nacuatha xua pata cueicueijeija tsane Jesús pia pexeinya jume diwesi tatsi.

*Meje yabara poxonae Pablo ir̄u Silas Filipos tomaratha ecabe*

<sup>11</sup> Jeratha pawarapan, po naetha po nae pin nae. Paponar̄u c̄pan Troas tomara mene itapa weya. Weratha bopiya payiyan petunaeto cacuitiya Samotracia tunaeto. Icha matabitha papatan Neápolis tomaratha.

<sup>12</sup> Equeicha baxotiya Filipos tomara bepaiyan, po tomaratha xua romanomonaer̄u cueranta ena. Barapo Filipos tomara yatsicaya pepa tomara, pepa Macedonia nacua. Baraxota ainya matabin paenan.

<sup>13</sup> Caentacabi, po matabi pentaquei seicae matabitha, tomara pepuya beya paponan mene itapa beya, ichaxota judiomonaer̄u Nacom w̄uqueiba. Paenan baraxotiya. Jesús pejume diwesino pacueicueijan yab̄ux̄itha powaxi xua cou bayatha nacaetuta.

<sup>14</sup> Barapowaxi caewayo jiwana pana jume tane. Barapowa pew̄un Lidia, Tiatira tomarapiwayo. Bapowa caenaeteiba papab̄ur̄u, po papab̄ur̄u m̄u tsofia po papab̄ur̄u ainya matoman. Barapowa w̄unaer̄u jainteiba Nacom. Barapowa beta jume tane pocotsiwa Pablo paeba. Nacom pon jiwi Pecanamataxeinaer̄u, barapowa icha j̄unt̄u coyene cana exanatsi xua peexanaenexa pocotsiwa Pablo paeba.

<sup>15</sup> Barapowa bautisabatsi, yawa piamonaer̄u matab̄u x̄u tatsi bautisabatsi. Bapoxonaer̄u bapowa pana barai, jeye:

—Icha bara metha xaniwaicha pananta xeiname xua Jesús tajume cow̄antsiwayo, pon jiwi Pecanamataxeinaer̄u, nexata antha tabohta pamaire, pana nejei Lidia.

Pecono jumeyohta pana barai, bepa pinaer̄u xua pia botha pamaichin.

<sup>16</sup> Icha mataqueitha poxonaer̄u namtohta paenaponan xua poxonaer̄u paponan ichaxota jiwi w̄uqueiba Nacomtha, baxota yab̄uyo pacaxinan namtohta. Barapowayo cauri xeina. Barapowayo pebusi cui taetaewayotsi xua amanaya petanacuichiwa pia pentacaponaein nexa. Matautano barapowayo paratixi caetuba pia pentacaponaein tatsi nexa xua bapowa pecueicueijeija tsaibixae pocotsiwa cauri yaputane exana.

<sup>17</sup> Barapowa, Pablo, ir̄u paxan pana pu wabapona. Bapowa wawaya namchi, jeye:

—¡Barapomonaer̄u tanacuita Nacom nexa, po Nacom itabocohta eca! ¡Paca muxu tsipaeba Nacom pia pecapanenebiyae diwesi! jei barapowayo.

<sup>18</sup> Bapowa baxua exaneiba ainya matabin. Pablo amuxufaetabi. Pablo barapowa taitaweta cauri. Pablo cauritha namchi, jeye:

—Jesucristo w̄untha caitawetatsi. Naetsiriware. Xubariware bapowayo, jei Pablo.

Bara caena barapowayo copatabatsi cauri.

<sup>19</sup> Barapoxonaer̄u yab̄uyo cui tainchi pia pentacaponaeiwichi tatsi xua equeicha jopa amanaya tacaetubi tsane paratixi barapomonaer̄u nexa. Daxota Pablo Silasno waetabat-sibe. Pematacaitorobi bicheito jiwi peitabaratha capoinchibe tomara panatha.

<sup>20</sup> Barapomonaer̄u Pablo ir̄u Silas cuaranotatsibe peitabaratha tatsi pomonaer̄u jiwi peyabara paebiwa xua penatsicuentsiwa xua abe peexanaexae. Barapomonaer̄u jeye:

—Baponbe judiomonae jitonbe, watomaratha baponbe wamonae cui tsacabatsi xua najume matsontsonoba.

<sup>21</sup> Baraponbe pia cui coyeneya naca cuiduba. Barapo coyene jopa becopatichi xua wajume taenexa xuano xua waexanaenexa, tsipei romanomonaetsi, jei barapomonae.

<sup>22</sup> Bara nexata Pablo iru Silas baru anaepanaru cupatsibe jiwi. Matautano pomonae jiwi peyabara paebiwi xua penatsicuentisiwa xua abe peexanaexae, barapomonae ichamonae cui itorobatsi xua Pablo iru Silas pema xuenaxubinexatsibe paparuwa, bapoxonae xua pecuainchinexatsibe iwatontha.

<sup>23</sup> Matha bichocono cuaintatsibe. Bapoxonae caponatsibe jiwi pecubi bo beya. Pon peyabara equeibin pomonae cubebatsi jiwi pecubi botha bapon cui itorobatsi jeichichi: “Beta yapu eenare, xua jopa penaetsiriwanexabe”, jeichichi barapon.

<sup>24</sup> Poxonae bapon jume tane pocotsiwa pentacaponaeui cui itoroba, bapoxonae po tutu taju beya baxota Pablo iru Silas cuaranoyatsibe. Bichocono naepaewatha taxu cateitabetatsibe jiwi petaxu cateibabi naewatha.

<sup>25</sup> Papaetha Pablo iru Silas Nacomtha tsipaebabe yawa Nacom pijume weino naxnabe. Ichamonae baraxota cubebatsi jiwi pecubi botha. Barapomonae Pablo iru Silas jume tayenatsibe.

<sup>26</sup> Barapoxonae jemeicha bichocono jijiyataxuba. Ibowano jijiyataxubano xua bomuxu peyutanotsiwa. Bapoxonae jemeicha nainya saya dubenanaya peboupan. Matautano pomonae jiwi pecubi botha jebatsi daxita taxu nain sarababatsi.

<sup>27</sup> Pon peyabara equeibin pomonae cubebatsi, bapon nacosataxuba. Bapon tane xua barapo jiwi pecubi bo saya peboupa umenarucupa. Bapoxonae pia cusi namara jonta. Muxu penabexubi, tsipei bapon nanta xeina xua bara daxita panenebiya, Pablo, Silasno iru ichamonaeno.

<sup>28</sup> Ichitha Pablo waba bapon pon peyabara equeibin pomonae cubebatsi jiwi pecubi botha, jeye:

—Jopa jinya coutha nabexubinde, tsipei apara cataunxuae xote pajinompan! jei Pablo.

<sup>29</sup> Nexata pon peyabara equeibin pomonae cubebatsi jiwi pecubi botha, wawaya namchi, jeye: “Painta itanatabare”, jei. Jijiyeya cuinaepondena. Pablo iru Silas imoxoyo petaxutha pentabocototha caquita tauncuatabatsibe.

<sup>30</sup> Bapoxonae bapon pon peyabara equeibin pomonae cubebatsi jiwi pecubi botha, bapon Pablo iru Silas pesato becayatsibe. Pablo iru Silas baraichichibe, jeye:

—Ja, zeta bichocuaein tsane xua tana necapanepaewa tsane Nacom beicha? jei bapon.

<sup>31</sup> Pablo iru Silas jume notabe, jeye:

—Jume cowunde Jesús pon jiwi Pecanamataxeinaein, bapoxonae necapanepae jitom tsane iru jinyamonae matabuxuyo pecapanenebiyae jiwi tsainchi, jeibe.

<sup>32</sup> Tsipaebabe bapontha, Jesús pon jiwi Pecanamataxeinaein, pia pexeinya jume diwesi tatsi. Matautano tsipaebabe piamonae matabuxuyo jiwitha tatsi, pomonae pia botha petaenaexaetsi.

<sup>33</sup> Caena barapoxonae, pon peyabara equeibin pomonae cubebatsi jiwi pecubi botha, Pablo, iru Silas wan quiatatsibe. Bapoxonae bapon bautisabatsi iru piamonae matabuxuyo tatsi bautisabatsi. Pablo, iru Silas bautisababe.

<sup>34</sup> Bapoxonae Pablo iru Silas bo beya caponatsibe. Pexaewa catatsibe. Bapon piamonae matabuxuyo tatsino bichocono juntu coyene weiweina pejume cowuntsixae Nacom.

<sup>35</sup> Pomonae jiwi peyabara paebiwi penatsicuentisiwa xua abe peexanaexae, barapomonae caemumbotha itoroba, policiamonae itorobatsi ichaxota pon peyabara equeibin pomonae cubebatsi jiwi pecubi botha. Bapon copatatsi xua bara Pablo iru Silas pepu copatsinexatsibe.

<sup>36</sup> Nexata pon jiwi peyabara equeibin pomonae cabebatsi jiwi pecabi botha, bapon Pablo baraichi, jeye:

—Pomonae jiwi peyabara paebiwi penatsicuentsiwa xua abe peexanaexae, barapomonae necui itoroba xua tapaca isanaxubiwa tsainchibe. Bara paca itacupabe xua bara papu seicaenamebe, jei bapon.

<sup>37</sup> Ichitha Pablo barai policiamonaetha, jeye:

—Apara barapomonae pana cuainta pepa bicheito peitabaratha. Dacotsiwa barapomonae abe painta exana. Seicaya apara romanomonae pan. Copiya matha jopa pana caponaeyobe ichaxota pon jiwi peyabara paebin xua penatsicuentsiwa xua abe peexanaexae. Saya barapomonae pia coutha paeba xua abe paexananbe. Daxota jiwi pecabi botha pana caponabe. Deta aena poxonae juntucuru pana isanaxubapaebabe moya namicha pana itorobabe. Pentacaponae patsipaebare, pomonae pana cuainta, bu jame barapomonae pia coutha pana nepu sotababe, jei Pablo.

<sup>38</sup> Baxua policiamonae bayatha jume yopita pomonaetha pomonae jiwi peyabara paebiwi xua penatsicuentsiwa xua abe peexanaexae. Barapomonae bichocono junuwa poxonae jume tane xua Pablo iru Silas apara romanomonaepinbe.

<sup>39</sup> Barapomonae ponarucupa jiwi pecabi botha, Pablo, iru Silas siwa poinchibe peauraxae xua bayatha Pablo, iru Silas cuaintatsibe. Barapomonae Pablo iru Silas tsipaebatsibe, jeichichibe: “Maisa paauran tsipei abe paca exanatsibe. Moya paponarebe. Jopa po tomarathe paecaeindebe. Jopa pana neyopichinde”, jei.

<sup>40</sup> Poxonae Pablo iru Silas jiwi pecabi bo wenaetabiyabe, Lidia pia bo tatsi be-iyabe. Siwa ponabe pomonae pejume cowantsiwixae Jesús. Barapomonaetha baponbe juntu coyene tsacababe xua xanepanaya pejinompaewa tsane. Bapoxonae bara wewarapiyabe.

## 17

*Meje yabara poxonae Tesalónica tomarapiwi namtsebiya anaepanaeya wawai xua Pablo, iru Silas pecasebixatsibe*

<sup>1</sup> Pablo iru Silas Anfípolis tomara iyabe. Apolonia tomara iyabeno. Barapoxonae Tesalónica tomaratha patopabe po tomara ichaxota judiomonae pia penacaetutsi bo tatsi uncua.

<sup>2</sup> Pablo pia cui xeina xua judiomonae pia penacaetutsi bontha tatsi pateiba. Daxota baxota eca acoibi po semanabe. Matautano daxita pentaquei seicae maticabintha barapo judiomonae pia penacaetutsi botha Pablo iru Silas cuidubabe.

<sup>3</sup> Pocotsiwa Nacom Pejume Diwesi paeba, baxua Pablo tsipaeba po coyene xua pinae pon Mesías bewa bexubinchi ichamonae, xuano xua pinae bapoxonae equeicha asu tsane. Pablo jeye barapomonaetha:

—Pon xua Jesús xuaunxuae yabara paca muxu tsipaebatsi, bapon apara bara Mesías, jei Pablo.

<sup>4</sup> Ichamonae, judiomonae jume cowanta. Barapomonae Pablo, iru Silas caemonae naexanatsibe. Barichi pin bicheiton griegomonae jume cowantar, pomonae Nacom wanae jaintatsi. Barapomonae jume cowanta Jesús. Iru ainya yabaxi bicheiton jume cowanta Jesús powaxi baru cui itura jineibatsi xua jiwi baru cui itura jineiba.

<sup>5</sup> Ichitha icha judiomonae pomonae jopa pejume cowantsiwi, baxua yabara uwa. Daxota barapomonae pebiwi baru nacaetuba po pebiwi peajuntucoyeneyapubewi xua po pebiwi saya pejinompaewi namtontha. Daxita barapomonae namtsebiya wawai tomaratha. Jasón pia botha tatsi anaepanaya jojoniya xua Pablo iru Silas pejeichinexatsibe xua pewaetabinexatsibe xuano xua pecaenaetsinexatsibe jiwitha.

<sup>6</sup> Ichitha baxota Pablo iru Silas jopa taebichibe. Daxota catsaya waetabatsi Jasón, iru ichamonae pomonae pejume cowantsiwixae Jesús. Pablo iru Silas waetabatsibe.



Daxita barapomonae pentacaponae jiwitha becayiyatsi. Daxita barapomonae yabara wawaichiya jeichibe:

—¡Barapo pebinbe daxita nacuantha abe paeba ducuanabiyabe yawa waxainya becuí joparenabe!

<sup>7</sup> Jasón barapomonae matenta weiweinaya waba pia botha. Jasón pia botha maitecabe. Daxita Pablobar<sub>u</sub> jopa exanaeyo po peitorobi coyenewan xua pon romanomonae itorobiya pia pepa peewatsinchi itoroba. Matautano barapomonae paeba xua pinae ichan popona pon jiwi itorobiya pia pepa peewatsinchi, bapon pinae Jesús, xua jopa yabara cananta xeinaetsi pon romanomonae itorobiya pia pepa peewatsinchi, jei barapomonae xua namtsebiya wawai.

<sup>8</sup> Poxonae baxua jume tane, pentacaponae<sub>u</sub> ir<sub>u</sub> pomonae xua baxota umena, daxita barapomonae anaepanaeya namtsebiya wawai.

<sup>9</sup> Barapo pentacaponae<sub>u</sub> wecobe nota paratixi xua Jasón ir<sub>u</sub> pomonae pejume cowantsiwi wecobe notatsi. Barapo pentacaponae<sub>u</sub> namchi xua pinae equeicha caewa catsinchi Jasón barapo paratixi poxonae Pablobar<sub>u</sub> tomara weya ponaena. Bapoxonae pentacaponae<sub>u</sub> Pablo bar<sub>u</sub> pu sorobabatsi pewarapaenexa tsane tomara weya.

*Meje yabara poxonae Pablo ir<sub>u</sub> Silas Berea tomaratha poponabe*

<sup>10</sup> Barapo merawitha pomonae ir<sub>u</sub> pejume cowantsiwixae Jesús, barapomonae Pablo, ir<sub>u</sub> Silas itorobatsibe xua nainya pewarapaenexabe Berea tomara beya. Poxonae barapo tomaratha patopiyabe judiomonae pia penacaetutsi botha tatsi jonyabe.

<sup>11</sup> Judiomonae, pomonae Berea tomarapiwi, barapomonae pejunt<sub>u</sub> coyene xanepanaewi icha be jopa Tesalónica tomaratha ichiyo. Jame barapo Berea tomarapiwi bara xanepanaya jume tane Jesús pejume diwesi. Daxita matabi barapomonae Nacom Pejume Diwesitha yorobeiba pia yaputaetsi barapo diwesi, po diwesi xua Pablo ir<sub>u</sub> Silas paebabe icha metha baraxua bara xainyeibe.

<sup>12</sup> Daxota pinmonae jume cowanta Jesús. Judiomonae jume cowanta Jesús. Ir<sub>u</sub> griegomonae jume cowantano, yabaxi, ir<sub>u</sub> pebiwi. Powaxi jume cowanta Jesús, barapowaxitha jiwi bar<sub>u</sub> cui itura jineiba.

<sup>13</sup> Judiomonae, Tesalónica tomaramonae, jume tane xua Pablo cuiduba Nacom Pejume Diwesi Berea tomaratha. Daxota bapomonae Berea tomara be-iyiya. Baxotiya barapomonae namtsebiya wawai xua Pablo ir<sub>u</sub> Silas pecasebixatsibe.

<sup>14</sup> Ichitha pomonae pejume cowantsiwixae Jesús, Pablo itorobatsi xua nainya peponaenexa imoxoyo mar mene beya poxonae cataunxuae Silas ir<sub>u</sub> Timoteo ecabe Berea tomaratha.

<sup>15</sup> Pomonae Pablo cueyabatsi barapomonae Pablo punaxubathopatsi Atenas tomaratha. Barapomonae equeicha caibe nawibiya Berea tomara beya. Barapomonae Silas ir<sub>u</sub> Timoteo tsipaebatsibe xua Pablo najume caruta xua bepa pinae Silas ir<sub>u</sub> Timoteo nainya patopaenabe Atenas tomaratha.

*Meje yabara poxonae Pablo Atenas tomaratha popona*

<sup>16</sup> Pablo ewata, Silas ir<sub>u</sub> Timoteo ewatatsibe Atenas tomaratha. Barapoxonae barapo tomaratha Pablo tane xua barapomonae ainya ibo nacoman xaina. Daxota bichocono yabara najunt<sub>u</sub> coyene exaba.

<sup>17</sup> Daxota Pablo tsipaeba Nacom Pejume Diwesi judiomonaetha judiomonae pia penacaetutsi botha tatsi. Matautano baxotano tsipaeba pomonae bequein jopa judiomonae naexanaeyo, barapomonae Nacom w<sub>u</sub>nae jaintatsi. Barichi daxita matabi pomonae Pablo caxibeiba pomonae nacaetuteiba tomara pin panatha barapomonaethano Pablo cuidubeiba Nacom Pejume Diwesi.

<sup>18</sup> Barichi griegomonae ichichipa xua pejume taewa pocotsiwa Pablo paeba. Ichamonae griegomonae itapeta jume cowanta pocotsiwa epicureomonae cuiduba. Ir<sub>u</sub>

ichamonae griegomonae itapeta jume cowunta pocotsiwa estoicomonae cuiduba. Barapomonaebe Pablo tsipaeba. Bapoxonae ichamonae Pablo yabara jeichichi, jeye:

—¿Eta xua bapon naca barai tsipae, pon xua jopa juniya cueicueije tsaibiyo? jei.

Ichamonae jeye:

—Mexeya maisa bapon cueicueije pia nacomun nexa, jei.

Barapomonaebaxua paeba, tsipei Pablo Jesús pia pexeinya jume diwesi paeba ducuaenaebiya, matautano poxoru paeba xua Jesús equeicha pinae asu.

<sup>19</sup> Nexata ichamonae Pablo teicatsi pecaponaenexatsi atororotha ichaxota ba pentacaponae nacaetuteiba, poxonae ichauxi muxu peexaneibi. Barapo pentacaponae matabuxuyo pewun Areópago, Pablo yainyabatsi, jeichichi:

—Pana netsipaebare bepayabara yaputaein po diwesi xua cuidubiya paeba ducuaenaebiyame.

<sup>20</sup> Xuaunxuae pana tsipaebame, barapo diwesi jopa payaputaeyo bayatha. Pata bequein yabara yaputaetsi xua po diwesi baxua yabara caunuta, jei barapomonaebaxua.

<sup>21</sup> Atenas tomaramonae iru pomonae penanapaincha jinompaewi xua icha nacua werena peponae, pomonae anoxuae jinompa xote, daxita barapomonaebaxua saya pepaebeibi. Yawa saya u cou paebeiba poxonae pena jume jume taiba, saya baxua paebeiba.

<sup>22</sup> Nexata Pablo Areópago wun matabuxuyo peitabaratha tatsi asiya uncuataba. Pablo namchi, jeye:

“Paxam Atenas tomaramonae pam. Bara paca cui yaputainchi xua painya nacomun wunaebaxua pajaintame.

<sup>23</sup> Poxonae ponan ichaxota painya nacomun wunaebaxua pajaintathopeibame tan ainya ibo nacom matabon. Matautano tan baxota, ichaxota nacom wunaebaxua pajaintame, xua cou ichaxota pocotsiwatha xua be pexaethopaewa xua ichaxota duwei patautathopame baxua cou panta tinadutame. Baxua panamchim couje: ‘Barapo nacom xua pon jiwi jopa yaputaeyo’, pajam. Xuaunxuae cou asiya pawun dutame pon, bapon, apara pepa Nacom. Xuaunxuae po diwesi yabara paca tsipaebatsi, barapon pejume diwesi apara.

<sup>24</sup> “Barapon pon pepa Nacom, daxita barapo ira exana. Daxita carepaya jupaya exana. Barapon pon pia coya peewatsin barapo susato nacuano, yawa barapo itabocono. Po bon patsiacabeibame Nacom xua po botha jiwi wunaebaxua pejaintithopeibinexa Nacom, apara ba Nacom jopa poponaeyo barapocotsi botha.

<sup>25</sup> Xua pocotsiwan jiwi taexana Nacom nexa, baraxua Nacom jopa nantawenoneibiyo. Barapo Nacom saya pia coutha daxita nacata exana. Peayapusuwano, naca cata. Daxita barapo petusato tutu joibo naca cata. Baxuan daxita amanaya saya nacata exana. Daxita ichauxino muxuna exanano.

<sup>26</sup> “Copiya meisa bapon Nacom compa exana pebin, bara caein. Barapo cae janatha daxita yanacua exana jiwi. Daxita wunaebaxua tsiwanaeya yaputaneno poxonae naexanaena daxita jiwi. Matautano yaputane xua eta po weiyobetha jinompaena. Matautano yaputane xua pia iranthe bexa naexanumenaponaena.

<sup>27</sup> Icha pebin cuita cananta xeinaetsipa Nacom, bara Nacom cana exanaetsipa xua bapon bara Nacom pejume cowuntsiwa tsainchi. Nacom jopa tajue ecaeyo ichitha bara waxantha imoxoyo popona.

<sup>28</sup> Nacom pepoponaexae daxota asu jinompatsi. Nacom naca exana, daxota beta nacuiyenabatsi, yawa daxota wacobexitha u waexanae. Ichaunxuae ichin xua paca tsipaebatsi barichi painyamonaebaxua paeba pomonae diwesi petinaewi poxonae jei, ‘Nacom apara pia jiwichi waxainchi’, jei.

<sup>29</sup> Waxainchi Nacom pia jiwichixatsi, daxota jopa bewa nanta xeinaetsi xua Nacom po Nacom pepa Nacom, apara jupa po nacomun jiwi exana pecobetha. Barapo nacomun

po nacomun xua jiwi cana exana xua oro nainton yawa xua plata nainton yawa xua ibowan, saya jiwi pia coyene cuirutha nanta xeina xua peexanaewa barapo nacomun.

<sup>30</sup> Matha copiya bayatha Nacom saya beitatemaya tane jiwi abe pia peexanaewan tatsi, tsipei barapomonaе jopa yabara yaputaeyo pocotsiwa Nacom ichichipa. Ichitha matapainya anoxuae daxita jiwi Nacom cui itoroba xua petsita xeinaenexatsi icha juntu coyene, xua jopa equeicha peexanaenexa abe peexanae coyene. Saya u penanta xeinaenexa tsane pocotsiwa Nacom ichichipa.

<sup>31</sup> Nacom matabi wun duta xua po mataqueitha tsane Jesús caetucaetutetsina daxita jiwi pia peitabaratha. Barapo matabitha tsane Jesús xaniwaicha yabara paebina daxita jiwi xua penatsicuentiwa xua abe peexanaexae. Pomonaе xua abe exana itawetsinchi, pomonaе xua wunaе exana jopa itawetsi tsainchi. Nacom itapeta, xua Jesús tsiitapetatsi barapo penacuichiwa tsipei Jesús saya xaniwaicha pepaebin. Poxonaе Nacom Jesús asu exanatsi petupaewitha, Nacom naca tsita itapeinya xeina xua apara Jesús tsiitapetatsi barapo penacuichiwa”, jei Pablo.

<sup>32</sup> Poxonaе barapomonaе Pablo jume tainchi po coyene xua equeicha petupaewi pinae asu tsaibi tsane, ichamonaе Pablo jume cui caponatsi nawita. Ichamonaе namchi, jeye:

—Bexa paca jume tainchi equeicha xuaunxuae paebame, jeichichi Pablo.

<sup>33</sup> Nexata Pablo cuenta ponataba barapomonaе.

<sup>34</sup> Ichitha ichamonaе Pablo puna poinchi yawa bapomonaе Jesús jume cowuntatsi. Ichun barapomonaе jiwana pewun Dionisio. Bapon Dionisio Areópago wun matabuxayo jiwana pin. Petsiriwa powa iru napona powa iru pejume cowuntsixae Jesús, bapowa pewun Dámaris. Ichamonaе iru napona pomonaе iruru Jesús pejume cowuntsiwichi.

## 18

### *Meje yabara poxonaе Pablo Corinto tomaratha popona*

<sup>1</sup> Pirapae equeicha Pablo Atenas tomara wewarapiya. Corinto tomara bewarapiya.

<sup>2</sup> Baraxota Pablo caxina judiomonaepin, pon pewun Aquila. Bapon Ponto nacuapin. Piowa tatsi pewun Priscila. Piseuribe mexuaetha Italia nacua wewaraparenabe, tsipei pon romanomonaе itorobiya pia pepa peewatsinchi pon pewun Claudio, bapon judiomonaе daxita itorobatsi xua pewarapaewa tsane barapo Roma tomara weya. Daxota Corinto tomaratha patopabe. Pablo siwa pona, Aquila petsiriwano siwa poinchibe.

<sup>3</sup> Pablo naeca Aquila pia botha tsipei bapon pia penacuichiwiyo iru xeina icha Aquila piawabe ichi. Pia penacuichiwiyo xeina xua chivo boco bouton exana. Aquila piowabe nacuitabe, iru Pablo piawa nacuita.

<sup>4</sup> Daxita matabi, po matabintha pentaquei seicaе matabintha Pablo poneiba judiomonaе pia penacaetutsi botha tatsi. Baxota Pablo jume daunweya cueicuei-jei pomonaetha pepa judiomonaetha iru pomonaetha jopa judiomonaе naexanaeyo. Pablo cueicuei-jei barapomonaetha tsipei ichichipa xua barapomonaе Jesús pejume cowuntsiwa tsainchi.

<sup>5</sup> Poxonaе Silas iru Timoteo Macedonia nacua wepatoparenabe, barapoxonaе daxita matabintha Pablo cuidubeiba judiomonaetha. Pablo paeba xua pinae pon Jesús jeichichi xua apara pinae bapon apara bara Mesías, pon xua pinae barapomonaе pewunaе ewatsixae.

<sup>6</sup> Barapomonaе tamropata pitaba xua Pablo abe yabara paebatsi yawa tsumu jume baru paebatsi. Nexata Pablo pepatomeicha nama paparuwa nunataba. Baxua exana poru barapomonaе anthaetabiya jume tane. Pablo barai barapomonaе, jeye:

—Bara apara painya coutha icha pana natsicuentame xua daxota poxonaе pawneracaename. Jopa tacouthinyo xua jopa paxeinaem tsane peajuntucuiyapusuwa, tsipei bayatha yabara paca tsipaebatsi barapo peajumeyapusu diwesi. Tha anoxuae

Nacom Pejume Diwesi caponaetsi pomonaetha pomonae jopa judiomonae naexanaeyo, jei Pablo.

<sup>7</sup> Barapoxonae Pablo judiomonae pia penacaetutsi bo tatsi wewarapiya. Pablo pona Justo pia bo beya tatsi. Bapon Justo, icha wun xeina, Ticio baraichi. Bapon wunae pejainteibin Nacom. Bapon yabo uncua ichaxota imoxoyo judiomonae pia penacaetutsi bo tatsi peuma werena.

<sup>8</sup> Iru Crispo, pon judiomonae pia penacaetutsi bo peyapucauncuaein, bapon piamonae matabuxuyo baru jume cowanta Jesús pon jiwi Pecanamataxeinaein. Barichi pinmonae pomonae Corinto tomaratha jinompa poxonae jume tane Nacom Pejume Diwesi, bapomonae iru jume cowanta Jesús. Pomonae pejume cowantsiwi barapomonae daxita bautisabatsi.

<sup>9</sup> Bapoxonae Pablo merawi camaituncua Nacom pon Pecanamataxeinaein jiwi. Pablo baraichichi, jeye: “Jopa junuwinde. Nacom Pejume Diwesi paeba ducuaenaebiyama. Jinxoba moyam.

<sup>10</sup> Tsipei apara, xan cabaru popoinchi, daxota ichamonae jopa itacupaetsi xua abe necaexanaewa. Barapo tomarathe tamonae, pinmonae apara inta jinompa”, jei Jesús.

<sup>11</sup> Pablo baxota popona dieciocho po xometiyobe Corinto tomaratha. Baxota Pablo cuiduba ducuaenaebiya Nacom Pejume Diwesi.

<sup>12</sup> Iruu pebin popona pon pewan Galión. Bapon Galión Acaya nacuapiwi pia peyanacua ewatsinchi exanatsi. Barapoxonae judiomonae pomonae Acaya tomara-piwi nacaetuta Pablo yabara nacaetutatsi pecasebixaetsi xua pecaponaenexatsi Galión peitabaratha tatsi.

<sup>13</sup> Judiomonae namchi, Galión baraichi, jeye:

—Poxonae bapon Pablo paeba ducuaenaebeiba pinmonae baraxua jume jejei tsaibi. Pablo cuidubeiba jiwi, xua pinae jame bewa jiwi wunae jainteibi Nacom po coyene jopa jupaeyo Moisés pia peitorobi coyenewa tatsi, jei barapomonae.

<sup>14</sup> Pablo bara muxu pepaebi, iru Galión paebaxoyaru. Nexata barapon namchi judiomonae baraichi, jeye:

—U judiomonae pam. Painya xoba pana tsipaebame. Jame icha bapon caiba, icha jiton bexotsi, icha ichawiyo exana xua abe, metha jame bapoxonae paca jume jejei tsipaetsi. Ichitha bapon jopa abe exanaeyo.

<sup>15</sup> Saya u payabara cueicueijam tsaibi barompaya painya cui xua painya amo jiwi pia cui coyeneya tatsi. Moya baxua paxam paexande pocotsiwa Pablo payabara paebame. Tsipei jopa bepacata naexanaetsi be pon jiwi peyabara paebin xua penatsicuentsiwa xua abe peexanaexae. Moya painya coutha pacui itawere, jei Galión.

<sup>16</sup> Bapoxonae Galión pesato benapuna torobabiya barapo judiomonae.

<sup>17</sup> Bara nexata daxita judiomonae Sóstenes waetabatsi pon judiomonae pia penacaetutsi bo tatsi peewatsin. Barapomonae Sóstenes butsi Galión peitabaratha tatsi. Dai-chitha baxua Galión saya cui tane, jopa tsita ainya cuichi.

*Meje yabara poxonae Pablo equeicha Antioquía tomara beya caibeya warapa. Baxotiya tamropata pitaba xua warapa acoibi po cuiyobetha xua pecueicueijeinexa Jesús pia pexeinya jume diwesi tatsi*

<sup>18</sup> Pablo awiya came baxota popona ainya matababin Corinto tomaratha. Bapoxonae nama copiya napeyaba pomonae pejume cowantsiwixae Jesús. Siria nacua bewarapiya weratha, po naetha po nae pin nae. Aquilano piowabe naponabe. Barapoxonae juntu-curu bara ponatabichiba copiya matha nanta catepateya sibaxuba Cencrea tomaratha xua penayabara tsita itapeinya xeinaenexa xua nayabara jume cui wetsina xua exanaena xua bayatha Nacomtha nayabara tsiwunae muxu duta.

<sup>19</sup> Bara Efeso tomaratha patarucupa. Baxota Pablo Aquila piseuribe xubetatsibe pia ponaetsi ichaxota judiomonae nacaetuta barompaya pia penacaetutsi botha. Baraxota Pablo baru cueicueijeji barapo judiomonae.

<sup>20</sup> Efeso tomarapiwi bequein Pablo apusiwatsi xua abu peecaewa tsane. Ichitha Pablo juntucuru jopa beecaeyo baxota ainya maticabin.

<sup>21</sup> Nexata Pablo napeyaba barapomonae. Pablo namchi, jeye: “Tha nama Jerusalén tomara beequiyaetsi. Tha naewatequiyaetsi xua jiwi petsinacaetutsinexa pexaewa xua penabanaewa. Metha equeicha paca taeyoparenaeinchi icha Nacom metha newuanae ichipaena”, jei Pablo.

—Bara warapataba Pablo. Efeso tomara wewarapiya jeratha po naetha po nae pin nae.

<sup>22</sup> Poxonae Cesarea tomaratha patopa Jerusalén tomara be-iya, pia jacobichi pomonae Jesús pejume cowantsiwichi. Bapoxonae equeicha Antioquia tomara bewarapiya.

<sup>23</sup> Poxonae bara juntucuru yaainya merawin jopa baxotiya equeicha icha nacuabe bewarapiya. Galacia nacua bewarapiyano. Frigia nacua bewarapiyano. Baxota Jesús pejume diwesi cuiduba Pablo pomonaetha pomonae Jesús pejume cowantsiwi. Pablo juntu coyene tsacaba xua barapomonae ajuntuyapusaeya pejume cowantaponaewa tsane Jesús.

### *Meje yabara poxonae Apolos Nacom Pejume Diwesi cueicueijeji Efeso tomaratha*

<sup>24</sup> Caein judiomonae jivanapin Efeso tomaratha patopa. Bapon pewan Apolos. Bapon seicaya iru Alejandria tomarapin. Bapon Nacom Pejume Diwesi peyaputaein yawa beta cacueicueijeji barapo diwesi.

<sup>25</sup> Apolos beta yabara cuidubatsi ichamonae xua Jesús, pon Pecanamataxeinaein jiwi, pia cui. Juntu coyene weiweinaya paeba. Xaniwaicha piamonae cuiduba Jesús yabara bequein saya yaputane xua po coyene pinae Juan pebautisabiwa jiwi xua icha juntu coyene pexeinaenexa Nacomtha.

<sup>26</sup> Apolos judiomonae pia penacaetutsi botha tatsi bichocono juntu coyene wunaeya cueicueijeji Nacom Pejume Diwesi. Priscila, Aquila piowabe jume tanebe bapon. Wababe bapon, pia bo becayabe. Aquila, Priscila pia pebinbe yabara muxu tsidutabe icha diwesi xua Nacom pia pepa diwesi po diwesi xua jopa yaputaeyo.

<sup>27</sup> Apolos ichichipa xua peponaewa Acaya nacua beya. Bapoxonae pomonae pejume cowantsiwixae Jesús, Apolos canatsiwana tinaxotsi carta xua tatinatsi pomonae pejume cowantsiwixae Jesús. Daxota barapomonae tatina xua Apolos pententa weiweinaya wabinexatsi. Poxonae Apolos patopa Acaya nacua, bapon yawena pomonaetha pomonae bayatha Nacom jume cowantatsi pomonae Nacom peantobexae.

<sup>28</sup> Apolos daxita jiwi peitabaratha jume amanayaba poxonae Jesús beta yabara paebatsi. Daxota barapomonae judiomonae jopa itacupaetsi xua pejume notsiwatsi bapon po coyene xua poxonae bapon abe pepaebiwa. Poxonae Apolos yoroba Nacom Pejume Diwesi bapon tsita itapeinya xeina xua Jesús apara Mesías pon Nacom itorobica.

## 19

### *Meje yabara poxonae Pablo Efeso tomaratha popona*

<sup>1</sup> Poxonae Apolos Corinto tomaratha eca, bapoxonae iru Pablo seicaya ducuaabiya daxita tomanan juraya, po tomanantha ichaxota atororon. Efeso tomaratha patopa, baxota Pablo caxina ichamonae pomonae Cristo pejume cowantsiwichi.

<sup>2</sup> Pablo yainyaba barapomonae, jeye:

—¿Bayatha Nacom pia Pejumo pe tuxaxu tatsi painya juntu coyenetha pacata pata poxonae pajume cowantame Jesús? jei.

Barapomonae Pablo jume notatsi, jeye:



—Jume, jopa payaputaeyinyo. ¿Eta pocotsiwara xua Nacom pia Pejumope t̄nax̄a tatsi? Bayatha jopa payabara jume taeinyo baxua, jei.

<sup>3</sup> Pablo yainyaba, jeye:

—¿Eta pabichim poxonaē pajume cow̄ntame poxonaē paca bautisaba? jei.

Pablo jume notatsi, jeye:

—Apara saya payabara jume cow̄ntan xua Juan cuiduba, po coyene xua Juan itorobatsi xua jiwi pebautisabiwatsi, jei.

<sup>4</sup> Pablo jume nota, jeye:

—Aja, Juan bautisaba pomonaētha pomonaē abe pia peexanaē cuiru coyenein nacui barapenta xua pomonaē pejume cow̄ntsiwichi Nacom. Daxota metha Juan piamonaētha barai: ‘Pajume cow̄nde pon xua tsiwana patopan’, jei Juan piamonaētha. Xua Juan namchi: ‘Pon xua tsiwana patopan’, jei, bapon apara Jesús, pon ‘Mesías’ baraichi, jei Pablo.

<sup>5</sup> Poxonaē baraxua Pablo jume taer̄cs̄patsi, caena barapomonaē bautisabatsi Jesús pia pew̄ntha tatsi pon Pecanamataxeinaēin jiwi.

<sup>6</sup> Poxonaē Pablo barapomonaē pecobetha mata jayaba, barapoxonaē barapon Nacom pia Pejumope t̄nax̄a tatsi barapomonaē tapatatsi pēj̄nt̄a coyeneintha, yawa cueicuei-jei exanebatsi icha jumeintha xua ichamonaē pia jume tatsi. Matautano barapoxonaē barapomonaē cueicuei-jei Nacom Pejume Diwesi pocotsiwa Nacom yaputane exana.

<sup>7</sup> Daxita bapomonaē pomonaē baxota ena doce pomonaē matab̄x̄ayobe pomonaē xua Jesús pejume cow̄ntsixaetsi.

<sup>8</sup> Baxota Efeso tomaratha, Pablo judiomonaē pia penacaetutsi botha tatsi poneiba acoibi po xometiyobetha Nacom Pejume Diwesi pecueicuei-jeiwanexa. Bapon jopa junuwiyo poxonaē cueicuei-jei. Matautano yabara tsipaeba po coyene Nacom waba jiwi petanaexanaenexatsi piamonaē tatsi pomonaē itorobiya peewatsixae.

<sup>9</sup> Ichitha ichamonaē aichaxaibi jume tane. Jopa juntucuru bejume cow̄ntsiyo. Saya barapomonaē jiwi peit̄tha tatsi abe yabara paeba Jesús pia pena pecuidubiwa tatsi. Nexata barapomonaē pia xainya weya tatsi Pablo napitaba. Saya meisa bar̄a pona pomonaē Jesús pejume cow̄ntsiwichi po bo penacuidubi bo beya. Pebin pon pew̄n Tirano barapo bo, bapon pia bo tatsi. Barapo botha Pablo daxita matabi Nacom Pejume Diwesi cuidubeiba.

<sup>10</sup> Baraxota Pablo ainya weibe paeba ducuaenaēbiya Nacom Pejume Diwesi. Daxita pomonaē Asia nacuariwi judiomonaē ir̄a pomonaē jopa judiomonaē naexanaeyo barapomonaē jume cow̄nta Jesús pia pexeinya jume diwesi tatsi, pon Pecanamataxeinaēin jiwi.

<sup>11</sup> Nacom Pablo yawenatsi xua pexeinya petsita it̄tsi coyenewan exana Nacom pia peayapus̄watha tatsi.

<sup>12</sup> Ichamonaē paparuwan yawa painyaweran capona Pablo beya xua barapo paparuwantha Pablo peper̄a jayababinexatsi. Barapo paparuwan nata capona peatene jiwitha. Barapoxonaē barapo paparuwantha nainya axaibi tsouneibi. Ir̄a pomonaē cauri xeina barapo paparuwantha nacapanenebiya tsaibi. Barapomonaē cauri wepu poneibatsi.

<sup>13</sup> Ichamonaē judiomonaē, pomonaē saya pejinompaewi, barapomonaē pia cui xeina xua jiwi taitaweteibatsi cauri. Barapomonaē ichichipa Jesús w̄n w̄n taibatsi poxonaē itaweta cauri. Barapomonaē caurimonaē baraichi, jeye: “¡Bara Jesús pew̄ntha paca itawetatsi, pon Pecanamataxeinaēin jiwi, xua pon Pablo w̄n yopita ducuaenaēbiya!” jei barapomonaē.

<sup>14</sup> Ir̄a barapoxonaer̄a judiomonaēpin pon pew̄n Esceva, xeina siete poyobe tatsi pebiwi. Barichi barapo siete poyobe w̄n w̄n taibatsi Jesús, poxonaē itaweta cauri. Esceva sacerdotemonaē pia pentacaponawewi jiwana tatsi.

<sup>15</sup> Poxonae barapomonae paeba barapo wantha, Jesús pewantha tatsi, barapomonae jume notatsi cauri, jeye: “Bara tayaputaen Jesús, Pablono bara yaputanno. ¿Incane paxamda? ¿Jintam pamda?” jei bapon cauri.

<sup>16</sup> Bapoxonae barapo siete poyobe pexainya betanaxorenatsi pon cauri xeina. Barapomonae butsi. Matautano barapomonae jopa nacuiyenabiyo. Barapo siete poyobe daxita tamasa jebompatsi yawa wan dubatsi. Bo bejumasa ducupa.

<sup>17</sup> Pomonae Efeso tomaratha peenaewi, judiomonae, iru pomonae jopa judiomonae naexanaeyo, daxita bapomonae jume tane xua siete poyobe jumasa ducupa. Barapomonae junuwa bichocono. Daxota barapomonae Jesús pon Pecanamataxeinaein jiwi wanae jaintatsi.

<sup>18</sup> Pomonae Jesús jume cowantatsi pinmonae barapomonae jiwana baxota pata. Barapomonae jiwi peitatha tatsi paeba xua bepa pinae bayatha abe exana poxonae mara coyeneya exana nawita.

<sup>19</sup> Pomonae Jesús pejume diwesi coyene nacuiduba, barapomonae carendena diboron po diboron xua mara yabara penacuidubiwan. Barapo diboron tauteba. Poxonae barapo diboron tauteba daxita nataeumena. Barapomonae yabara matoma ununa xua pinae barapo diboron matoma nawita, cincuenta mil po paratiximonaebe pinae nantomata.

<sup>20</sup> Barapoxonae pin bicheito jume cowanta Jesús, pon Pecanamataxeinaein jiwi. Yawa barapomonae tsita itapeinya xeina dubenanaebiya xua bara Nacom apra xeina peayapusu itorobi coyenewa.

<sup>21</sup> Poxonae baxua weta Pablo najuntu coyene weta xua pesiwa ponaewa tsane tomaran xua Macedonia nacuatha, yawa xua Acaya nacuathano xua bapoxonae Jerusalén tomara bepewarapiyaenexa. Nanta xeinano xua peponaewa tsane Roma tomara beya.

<sup>22</sup> Ponbe Pablo yawenatsi, Timoteono Erastono, baponbe Pablo Macedonia nacua beitorobiyabe. Cataunxuae abe bapon Pablo Asia nacuatha eca.

*Meje yabara poxonae jiwi namtsebiya wawai Efeso tomaratha Pablo pecasebixaetsi*

<sup>23</sup> Barapoxonae Efeso tomarapiwi anaya anaepanaeya najume cayayataxuba poxoru aichaxaibi xua pejume taewa xua Pablo yabara cueicueije Jesús pia pena pecuidubiwa tatsi.

<sup>24</sup> Pon xua abe penajume cayayataxubin xua poxonae namtsebiya wawai bapon pewan Demetrio. Bapon pinmonae xeina pomonae petanacuichiwichi xua petaexanaewichi penainwixi. Barapomonae Demetrio taexanatsi tsiqui penain boxi xua Artemisa pia bo canaxobeba. Artemisa Efeso tomarapiwi pia nacomwa tatsi. Barapowa jopa be pepa nacomio.

<sup>25</sup> Bapon Demetrio pia petanacuichiwichi waba. Pomonae iru Artemisa pia penain boxi peexanaewi wabatsino. Demetrio namchi daxita barapomonaetha, jeye: “Bara metha payaputaneme xua paratixi xeinatsi poxoru Artemisa pia penain boxi exanatsi wacaenaetsinexatsi, daxota xeinatsi paratixi.

<sup>26</sup> Pon pataneme yawa pajume tanemeno, barapon Pablo. Bapon paeba ducua-naebiya xua pinae pomonae icha nacom canautsiya exana apra pinae xapain jopa daxua pepa nacomio. Pomonae Pablo cuidubeiba jume jejei tsaibichi ayei jiwi Efeso tomarathano, Asia nacuathanoru jume jejei pinmonae.

<sup>27</sup> Baxua bichocono nacata abe, tsipei icha jiwi jopa comocaetsipae barapo penain boxi xua waxainchi exaneibatsi bapoxonae jopa xeinaetsipaetsi paratixi. Jiwi namchi tsane: ‘Artemisa pia pin bo tatsi abe. Xapain jopa pepa Nacom pin pia boyo’, jei tsane. Cataunxuae anoxuae barapo jiwi Asia nacuapiwi iru daxita nacuanpiwi Artemisa wanae jainteibatsi. Ichitha icha jume cowantsinchi Pablo, metha equeicha jopa bewanae jainteibichipaetsi Artemisa”, jei Demetrio.

<sup>28</sup> Poxonae baxua Demetrio jume taerucupatsi, anaepanarucupa barapomonae. Yawa barapomonae namtsebiya wawai, jeye: “¡Maisa Artemisa powa pata tanecanamataxeinaewa, barapowa bichocono pejuntucoyene xanepanaewa! ¡Maisa Efesiomonae pan Artemisa wunae pajaintan!” jei barapomonae.

<sup>29</sup> Barapoxonae daxita tomarapiwi jupaya anaepana. Gayo iruc Aristarco, ponbe Macedonia nacuapinbe, ponbe Pablo pepuna ponaexaetsibe, baraponbe waetabatsibe. Po botha ichaxota jiwi nacaetuteiba pecueicueijeinexa tsaibi tsane bara bemaxucayatsibe.

<sup>30</sup> Bepa bequein Pablo najoniyaei barapo botha, petsipaebinxexa tsane barapomonae, ichitha Jesús pejume cowantsiwichi Pablo jopa pu copatichi.

<sup>31</sup> Barichi pomonae pentacaponae wi jiwana Asia nacuatha, barapomonae Pablo pia jiwi tatsi cou tana cajume caitorobatsi xua bepa pinae Pablo jopa najoniyae tsane baxota.

<sup>32</sup> Barapoxonae barapo penacaetutswatha, ichamonae icha caununaya wawai iruc ichamonae icha caununaya wawai. Daxita barapomonae najume cayayataxubiya wawai. Ichamonae jopa yaputaeyo po coyene xua barapomonae yabara nacaetuta.

<sup>33</sup> Barapo penacaetutswimonae anaepana. Pablo yabara anaepanatsi iruc pijimonae tatsi tayabara anaepanatsi. Daxota judiomonae caemonae najiwana napuna totabiya pebin xua bapon peitabaratha peuncuaenexa barapo penacaetutswatha. Bapon pewun Alejandro. Bapon pecobetha jume matawenta tsipei ichichipa bequein yabara jume yawena judiomonae barompaya piamonae.

<sup>34</sup> Poxonae barapomonae Alejandro yaitaerucupatsi xua Alejandro judiomonaepin, barapoxonae equeicha daxita namtsebiya wawai tsompae ainya horabe. Barapomonae namchi, jeye: “¡Maisa pata tanecanamataxeinaewa Artemisa! ¡Maisa barapowa pejuntucoyene xanepanaewa! ¡Maisa efesiomonae pan Artemisa wunae pajaintan!” jei barapomonae.

<sup>35</sup> Nexata, pon xua tomara peewatsin, bapon uncuu barapo penacaetutswi itabaratha. Bapon jume matawenta xua equeicha jopa penamtsebiya wawainexa tsane barapomonae. Bapoxonae bapon namchi, jeye: “Pomonae Efeso tomaramonae pam. Bara daxita nacuamonaepiwi naca yaputane xua waxainchi notatsi Artemisa pin pia bo tatsi. Matautano yaputane xua waxainchi botatsi po iboto xua athawe jopeica. Barapo iboto apara bara Artemisa tsipei be Artemisa pia pawu.

<sup>36</sup> Jiton dapocotsin aibi pon xua nejume barai xua naeraban, daxota saya iruc moya pande. Painya xoba ichawa pananta xeiname poxonae jopa beta pananta xeinaem.

<sup>37</sup> Ponbe, Gayo iruc Aristarco, ponbe pacarendename, baponbe jopa abe paebiyobe. Baponbe jopa caebiyobe xua xoyo boca Artemisa pin pia botha tatsi. Matautano Artemisa nacomwa jopa cui aebiyobe.

<sup>38</sup> Icha Demetrio iruc petanacuichiwichi nanta xeina xua ichamonae Demetriobaruc abe taexainchi moya jame barapomonae bewa ponaena po bo ichaxota ena pomonae jiwi peyabara paebiwi xua penatsicuentswi xua abe peexanaexae. Bapoxonae barapomonae itacupatsi xua petsipaebiwa pomonaetha pomonae tomara pentacaponae wi po coyene xua ichamonae abe exana barapomonaetha.

<sup>39</sup> Icha ichawa painya paebichi abuc anoxuae jopa papaebinde. Po mataqueitha poxonae pentacaponae wi ba nacaetuta pejume taenexa xua jiwi paeba bapoxonae jame papaebare.

<sup>40</sup> Wanamtsebiya wawaijeixae anoxuae daxota romanomonae naca yabara anaepanaena tsipei nanta xeinaena xua waxainchi aichaxaibichi xua barapomonae naca itoroba. Jopa xeinaetsi po diwese xua yabara tsipaebinchi barapomonaetha pocotsiwa xua yabara namtsebiya wawaichi”, jei tomara peewatsin.

<sup>41</sup> Poxonae najume wetaba baxua, barapomonae pesato beitorobiyatsi.

## 20

### *Meje yabara poxonae Pablo siwa pona Macedonia nacua, Grecia nacuano*

<sup>1</sup> Bara najume wetarucupa daxita poxonae namtsebiya wawai tsompae. Bapoxonae Pablo waba pomonae Jesús pejume cowantsiwichi pebaru nacaetutsinexa. Barapomonaetha Pablo yabara tsipaeba Jesús pejume diwesi xua barapomona peajuntuyapusya xanepanaya pejinompaenexa tsane Nacomtha. Bapoxonae Pablo barapomona napeyaba. Macedonia nacua bewarapiya.

<sup>2</sup> Daxita barapo tomaran, Pablo siwa pona barapo Macedonia nacuatha, cuidubano pomonaetha pomonae Jesús pejume cowantsiwichi, xua peajuntuyapusya xanepanaya tajinompaenexa tsainchi Nacomtha. Poxonae nacui wetaba equeicha Grecia nacua bepatopiya.

<sup>3</sup> Baraxota Pablo acoibi po xometiyobe yapucaewa. Bara juntucuru Siria nacua beya warapa jeratha po nae pin naetha. Bapoxonae jume tane xua pinae judiomona anaepana xua Pablo bexubapaebatsi. Daxota Pablo najuntu cui weta xua caibeya peponaewa tsane petaxutha Macedonia nacua beya.

<sup>4</sup> Pablo yanabatsi ichamona. Iru ichun napona bapon pewun Sópater, pon Berea tomarapin, pon Pirro pexanto tatsi. Iru ichunbe naponabe baponbe pewunbe Aristarco iru Segundo, baponbe Tesalónica tomarapinbe. Iru ichun napona, bapon pewun Gayo, Derbe tomarapin. Iru ichun napona, bapon pewun Timoteo. Iru ichunbe naponabe, ponbe pewunbe Tíquico iru Trófimo, baraponbe Asia nacuarinbe.

<sup>5</sup> Barapomonae daxita pana netsiwana nantacapona, Troas tomaratha cou baxota pana ewata.

<sup>6</sup> Ichitha Filipos tomara weya pawarapan jeratha, po naetha po nae pin nae poxonae weta Pascua wun matabin. Barapo Pascua matabintha jiwi xane pan xua pocotsiwa jopa cotowiyo. Poxonae cinco po matabibe caewa papatan Troas tomaratha, baxota barapomona pacaxiban. Baraxota paenan siete po matabibe.

### *Meje yabara poxonae Pablo Troas tomara siwa pona*

<sup>7</sup> Pentaquei seicae matabitha, domingotha, pana nacaetutan, pata epanantarubi janacaenexa tsane pan. Pablo cuiduba pomonae Jesús pejume cowantsiwichi, tsipei baya warapaena Pablo. Daxota poxonae cueicueije beya yapapae.

<sup>8</sup> Po tutu athabeicha barapo tututheicha pana nacaetutan. Barapo tututha ainya coichan dubena.

<sup>9</sup> Pewowindu pewun Eutico, barapoyo bomuxu tututha ventanatha pemuxuburutha eca. Pablo bayiyo tsuxubi xua Nacom Pejume Diwesi cueicueije. Barapoxonae Eutico nantacotiya maitecataba. Tajw wejopeica. Po tututha Pablo cueicueije tsuncuae xua ichaxota acoibi tututheicha barapo tutu wejopeica. Eutico petapaeyo pitatsi.

<sup>10</sup> Bara nexata Pablo dunatabica. Pablo Eutico caquita ecatsi pentabocototha. Pablo naisa cateita waetaba. Piamona barai Pablo, jeye:

—Jopa pajunuwinde, bara apara asu, jei.

<sup>11</sup> Nexata Pablo equeicha caibe juinya. Pan epa janaxuba, yawa xane. Barapoxonae equeicha Pablo matowa cueicueije Nacom Pejume Diwesi, beya yajume pentha tsina. Bapoxonae weta. Bara cou nama matabi wuna tsuxubiba Pablo warapa.

<sup>12</sup> Barapo pewowin Eutico equeicha bara asu. Eutico piamona bo becayiyatsi. Daxita saya juntu coyene tsacabatsi xua junte ma jinompa xua equeicha Eutico peasaxae.

### *Meje yabara poxonae Pablo jeratha Troas tomara wewarapiya po naetha po nae pin nae xua Mileto tomara bewarapiya*

<sup>13</sup> Paxan copiya jeratha paponan weratha Aso tomara beya tsipei yaitama Pablo pana itoroba xua bepa pinae weratha paponaein. Bapon yaitama bepa petaxutha ponaei. Bara xotiya, Aso tomaratha paichichipan payapitan Pablo.

<sup>14</sup> Poxonae Pablo Aso tomaratha pacaxibarucupan, bapon equeicha pana yantaba. Mitilene tomara beya pawarapan.

<sup>15</sup> Mitilene tomara wewarapiyan. Bapoxonae icha matabitha imoxoyo Quío tunaetha papatan icha muxunenetha. Baraxota caentacabitha paenan. Equeicha icha matabitha Samos tunaetha papatan. Barapoxonae equeicha icha matabitha Mileto tomaratha papatan.

<sup>16</sup> Baxua Pablo exana tsipei bapon nanta xeina xua jopa beecaeyo ainya matabin Asia nacuatha. Bapon aichaxaibi pona Efeso tomaratha. Ichichipa Jerusalén tomara beya bichoina peponaewa tsane, tsipei imoxoyo bara Pentecostés matabi tsane, icha bara pecui jupaenexatsi.

*Meje yabara poxonae Pablo tsipaeba penapatae jiwí Efeso tomaratha*

<sup>17</sup> Pablo Mileto tomaratha eca. Pablo najume caitoroba ichamonae xua Efeso tomaramonae pitiri jiwí pewabinexatsi pomonae Jesús pejume cowantsiwichi, xua Mileto tomaratha pepatsinexa.

<sup>18</sup> Poxonae Efeso tomarapiwi, penapatae jiwí pata baxota, Pablo barai, jeye: “Bara paxam payaputaneme xua wanae poponan poxonae copiya patopan Asia nacuatha painya xantha. Awiya cataunxuae barichin wanae poponan.

<sup>19</sup> Daxita matabi Jesús pejume diwesi cueicueijan tsaibi. Jopa bichocono atsaca tsaibinyo. Jume wanaeya natsipaeban saya. Poxonae Nacom pon jiwí Pecanamataxeinaein pejume diwesi cueicueijan, bichocono yaitawanaeya cueicueijan yawa nejume yancababeiba judiomonae yawa bepa nejutebeibe.

<sup>20</sup> Paxam payaputaneme xua jopa nacui baraxubinyo xua tapaca tsipaebiwatsi Jesús pejume diwesi xua po coyene painya nepaca yawenaewa tsane. Paca cuidubatsi jiwí peitabaratha tatsi. Matautano painya boxithano paca cuidubatsi.

<sup>21</sup> Judiomonae jume daunweya cuiduban. Iruru pomonae jopa judiomonae naexanaeyo jume daunweya cuiduban xua barapomonae bewa icha juntu coyene pexeinaenexa Nacomtha xuano pejume cowantsinexatsi Jesús pon Wanacanamataxeinaein.

<sup>22</sup> Nacom pia Pejumope tuxaxu tatsi neitoroba xua bewa ponaetsipanjei Jerusalén tomara beya. Ichitha jopa nayaputaeyo pocotsiwa xua baxotiya tsane ichamonae inta exanaena.

<sup>23</sup> Jame anoxuae saya meisa yaputan xua Nacom pia Pejumope tuxaxu tatsi yabara netsipaeba xua daxita toman ichaxota pateibin. Nebarai, jeye: ‘Jiwí pecabi bontha cajebeibina, yawa caperaxa exaneibinano’, nejei Nacom pia Pejumope tuxaxu tatsi.

<sup>24</sup> Juntucuru xua icha tupan, baraxua jopa netsita ainya cuiyo. Bara jemba tsane icha saya poponaein. Icha tupan, bara jemba tsane. Daxota neitacupa xua juntu coyene weiweinyaya exanaein pocotsiwa Jesús neitoroba beya yacuiya tujopaein. Matautano daxota neitacupa xua wetsin pocotsiwa Jesús neitoroba, pon Pecanamataxeinaeinchi jiwí, xua tapaca tsipaebiwatsi barapo pexeinya jume diwesi po coyene xua bichocono jiwí peantobewatsi Nacom.

<sup>25</sup> “Bayatha paca tsipaebatsi Nacom Pejume Diwesi po diwesi yabara xua Nacom waba jiwí, petanaexanaenexa tsainchi pijimonae jiwana tatsi pomonae itorobiya peewatsixae. Anoxuae bara xaniwaicha yaputan paxam pomonae pamxaem xua paca tsipaebatsi barapo diwesi, equeicha jopa pana netaem tsane.

<sup>26</sup> Daxota anoxuae paca tsipaebatsi icha jopa pajume cowantsim, baraxua apara jopa tacoyiyo. Bara apara painya coyam tsipei bayatha bequein matowa paca tsipaebeibatsi pexeinya jume diwesi.

<sup>27</sup> Daxita xua Nacom neitoroba barapo diwesi omeicha paca tsipaebatsi. Jopa icha diwesiyo copatsinyo.



<sup>28</sup> Painya coutha xanepanaya pana najuntũ coyene yabara nanta xeinare. Matautano xaniwaicha payapu eenare pomonae Jesús pejume cowantsiwichi. Paxam pitiri jiwi pam, baxua paexande tsipei Nacom pia Pejumope tũnaxũ tatsi paca itoroba painya neyapu cainompaenexa tsane Jesús pejume cowantsiwi tatsi. Matautano baxua paexande tsipei barapomonae Nacom piamonae tatsi, tsipei pexanto tatsi tsitũpa xua barapomonae jopa peweraweracaewa tsane.

<sup>29</sup> Yaputan poxonae warapaein tacoutha patsina ichamonae. Barapomonae Jesús pejume cowantsiwichi abe exanaeinchi. Barapomonae Jesús pejume cowantsiwichi dũcũpa exanetinchi icha neuthũ ichi.

<sup>30</sup> Barichi painya jiwi jiwanamonae ajumebeya cuidubina xua jopa xainyeyo. Barapomonae cuidubina penaerabi diwesi, xua pomonae Jesús pejume cowantsiwichi pejume cowantsinexa barapo penaerabi diwesi.

<sup>31</sup> Dota pam, xua peabe jume, painya nejume cowantsiwa. Pana necui yabara nanta xeinare xua paca cuidubatsi acoibi po weiyobe. Paca cuidubatsi merawithano, mataqueithano. Matautano paca siwa wecoyeichi ichacuitha.

<sup>32</sup> “Tamonae pam, Nacomtha pacata tsipaebatsi xua paca necayawenaewa tsane, xuanõ xua Nacom Pejume Diwesi painya necayawenaenexa po diwesi xua paca cuiduba xua pinae Nacom paca antobe. Barapo Nacom Pejume Diwesi peayapusũwa xeina xua ajũntũyapusũya paca cana exanapona. Matautano paca catsina daxita pocotsiwa bayatha pepa piamonaetha yabara tsiwũnae muxu duta xua catsiba paeba.

<sup>33</sup> Jopa taichichi tsaibinyo xua ichũn pia paratixi tatsi matautano xua ichũn pia paparuwan tatsi.

<sup>34</sup> Jame bara payaputaneme xua tacoutha natsiyabara nacuitan. Bara tawa comotan. Matautano xua pexaewa comotan, paparuwano. Matautano yawenan pomonae xua necueyaba.

<sup>35</sup> Bayatha payaputaneme xua daunweya nacuitan. Baxua exanan tsipei ichichipan xua painya neyaputaewa tsane, xua painya neyawenaenexa pomonae peacopeibi jiwi. Jopa pajũntẽmainaeinde xua Jesús pon Pecanamataxeinaein jiwi namchi, xua jeye: ‘Ba jũntũ coyene weiweina bichocono pon cata beyacaincha xua pon pecatsixaetsi’, jei Jesús”, jei Pablo.

<sup>36</sup> Poxonae Pablo najume wetsiya paeba, poxonae xua pitiri jiwi tsipaebatsi, bapoxonae pentabocototha uncuca. Pablo daxita barũ tsipaeba Nacomtha.

<sup>37</sup> Barapoxonae daxita matowa wecoyei. Yawano matowa naisa teicatsino Pablo poxonae tsutsubatsi, peantobexaetsi.

<sup>38</sup> Barapomonae bichocono wecoyei tsipei Pablo bayatha namchi, jeye: “Equeicha jopa pana netaem tsane”, jei. Barapoxonae barapomonae Pablo jera bepuna tayathopiyatsi po naetha po nae pin nae.

## 21

*Meje yabara poxonae Pablo weratha Jerusalén tomara bewarapiya po naetha po nae pin nae*

<sup>1</sup> Poxonae Jesús pejume cowantsiwichi pacuenta ponan, barapoxonae Cos tomara bepawarapiyan weratha. Barapoxonae icha matabitha Rodas tomara bepawarapiyan weratha. Barapoxonae equeicha icha matabitha Pátara tomara bepawarapiyan weratha.

<sup>2</sup> Pátara tomaratha baxota equeicha icha nae panotarũcũpan. Fenicia tomara bepawarapiyan.

<sup>3</sup> Poxonae Chipre tunaeto patan pamatawacaicha toqueban. Barapo tunaeto pata tatsocõna iya paxenta iyian. Siria nacua bepawarapiyan. Barapo nae Tiro tomaratha

botouna, pejotsinexa tsane xua capona. Tiro tomaratha paxubarucspan barapo nae. Baxota painompanno.

<sup>4</sup> Baraxota Tiro tomaratha pacaxibarucspan pomonae Jesús pejume cowantsiwichi. Barapomonae pia xantha tatsi pajinompan siete po merawiyobe. Barapomonae Pablo tsipaebatsi, jeichichi: “Jopa Jerusalén tomara beya ponaende”, jeichichi. Nacom pia Pejumope tñaxu tatsi barapomonae yabara tsiwanaya tsipaebatsi po coyene xua ichamonae Pablo cana exanaeinchi barapo tomaratha.

<sup>5</sup> Poxonae barapo siete merawiyobe payapucaewan paponarucspan. Daxita pomonae Jesús pejume cowantsiwichi, tomara weya pana nepu taeumenathopiya yabuxino pexuino. Taetabo mene itapa bepaiyan. Baraxota pentabocototha paumenan. Nacom patsipaeban.

<sup>6</sup> Pana napeyaban barapomonae, pana naisa teica pata taneantobexae. Bapoxonae equeicha jera panotarucspan, barapomonae equeicha pia boxi benawibiya.

<sup>7</sup> Bara papanenebiyan tsurucpae xua Tiro tomara weya paponan. Tolemaida tomara beya papanenebiyan. Baxota equeicha pajacoban pomonae Jesús pejume cowantsiwichi. Caentacabitha baxota pajinompan.

<sup>8</sup> Icha matabitha, Pablono yawa xua pomonae pata tacueyabixae pan Cesarea tomaratha papatan. Barapo tomaratha Felipe pia bo tatsi bepaiyan. Bapon Nacom Pejume Diwesi pecueicueije ducuanabiyae jiton. Bapon jiwana pomonae siete poyobe pomonae peyawenae jiwi. Barapo siete poyobe, matha cain itapetatsi Jerusalén tomaratha xua Jesús pia peitorobi jiwi tatsi peyawenaenexatsi. Barapon pia xantha tatsi paenan.

<sup>9</sup> Felipe cuatro po pexantiyobe tatsi xeina. Barapowaxi cataunxuae jopa jitha enaeyo. Barapowaxi tsipaeba jiwi Nacom Pejume Diwesi xua Nacom yaputane exana.

<sup>10</sup> Baxota caentacabiyobe paenan Cesarea tomaratha. Barapoxonae Judea nacupin patopa, pon Nacom pia peitorobi pepaebin, pon pewun Agabo.

<sup>11</sup> Agabo pana nesiwa pona. Pablo coreinya bocoto mara wejontatsi. Barapo coreinya bocototha petaxuno, pemañno Agabo pia coutha nacaecunta cubaxuba. Bapoxonae Agabo namchi, jeye:

—Bayatha Nacom pia Pejumope tñaxu tatsi netsipaeba po coyene xua judiomonae exanaena Jerusalén tomaratha. Bepa pinae barapomonae caiche tsane pon xua pia bocoto pexeinaein pocotsi bocote, ichaunxuae naichin, bara jeta caichi tsane pinae. Matautano bepa pinae barapomonae cacaponae pomonaetha pomonae penanapaincha jinompaewi xua icha nacua werena peponaewi, jei Agabo.

<sup>12</sup> Poxonae baxua pajume tan, paxan iru pomonae Cesarea tomarapiwi Pablo pabaran, pajanje:

—Bara, jinxoba poname Jerusalén tomara beya, pajan.

<sup>13</sup> Ichitha Pablo pana jume nota, jeye:

—¿Eta xua metha pana siwa wecoyam? ¿Eta xua metha pana itanuwe forotame? Bara bayatha nacui yabara jume wetan tanecubinexa tsane, matautano tatupaenexa tsane Jerusalén tomaratha tajume cowantsixae Jesús, pon jiwi Pecanamataxeinaein, jei Pablo.

<sup>14</sup> Bequein Pablo jume daunweya pabaran xua jopa pona tsane ichitha Pablo dapo jumetha bepa ponaei. Matapainya saya jopa equeicha pata jumeyo. Matautano pajan:

—Basaya moya baxua exanaena be pocotsi coyeneya xua Nacom ichichipa, pajan.

<sup>15</sup> Bapoxonae poxonae pana jume wetan baxua, bara nama paxainxainyan. Bapoxonae Jerusalén tomara bepawarapiyan.

<sup>16</sup> Ichamonae Cesarea tomarapiwi, pomonae Jesús pejume cowantsiwichi pana nepuna pona. Pana capona bo beya pata tajinompaenexa tsane, pebin pon pewun Mnasón, bapon pia bo beya tatsi. Bapon Mnasón Chipre tunaetopin. Bapon pinae caena bayatha jume cowanta Jesús.

*Meje yabara poxonae Pablo, Santiago siwa poinchi*

<sup>17</sup> Poxonae Jerusalén tomaratha papatan, baxota pomonae Jesús pejume cowantsiwichi weiweinaya pana matenta waba bichocono.

<sup>18</sup> Icha matabitha Pablo pana nebaru pona. Pasiwa ponan Santiago. Baraxota iru daxita pitiri jiwi jinomparu.

<sup>19</sup> Barapomonae Pablo jacobae. Bapoxonae tsiwiyo bexa Pablo tsipaeba daxita po coyene xua Nacom exana pomonaetha pomonae jopa judiomona naexanaeyo. Yawano paeba po coyene Pablo itorobatsi Nacom, xua petacaponae nexa Nacom Pejume Diwesi tatsi.

<sup>20</sup> Poxonae jume tane baxua xua Pablo paeba, barapoxonae barapomona Nacom wanae jaintatsi. Nexata Santiago Pablo baraichi, jeye:

–Taema, incane jume taema. Judiomona pin bicheiton tsoponae, pomona bayatha Jesús jume cowantsi. Daxita barapomona namuxutainyaba xua pinae daxita jiwi nantawenona xua Moisés pia peitorobi coyene exanapona.

<sup>21</sup> Cayopita ichamona xua pinae cuidubame judiomona pomona icha nacuantha pejinompaewi. Pinae cuidubame xua equeicha pinae barapomona bewa jopa yabara jume cui exanae pocotsiwa bayatha Moisés itoroba. Matautano pinae cuidubame barapomona xua pinae jopa bewa penawi thabi coyene exanae tsane xua pewi thabiwa pia pexui ichaxota nareixacaena xua ichaxota pebiwixae xeina. Matautano pinae cuidubame xua barapomona bewa jopa exanae barapo peitorobi coyenewan xua pinae pocotsiwa wamo jiwi bayatha exaneiba.

<sup>22</sup> ¿Eta xua waxainchi exanaeinchi? Tsipei judiomona, pomona pejume cowantsiwi Jesús, nacaetutsina xote barapo Jerusalén tomarathe, poxonae jume taena xua patopame.

<sup>23</sup> Paxan xua paca itorobatsi baxua exande. Taema xote pata xantha cuatro poyobe poponabe pebiwi. Barapoyobe yabara nacui wanae tsijume dutabe Nacomtha pocotsiwa xua exanapaeba. Anoxuae baxua barapomona bewa exanae pocotsiwa bayatha exanapaeba.

<sup>24</sup> Barapomona matabayande paratixi nanacui baru nantomare sacerdotemon-aepintha, xam nexano iru barapomona nexano xua jopa painya nenajuntu coyene taxobinexa. Nanacui baru nantomare, barapoyobe penanta catepateya sibapentsinexa tsane. Icha baxua exanaename, daxita jiwi cacui yaputaena xua bayatha jopa exanaem xua ichamona abe cayabara paeba. Yawa daxita jiwi cacui yaputaena xua xam xaniwaichiya exaname pocotsiwa Moisés itoroba.

<sup>25</sup> Paxan pata tinan carta pomona Jesús pejume cowantsiwichi, pomona jopa judiomona naexanaeyo. Pata yabara tinan baxua xua pananta xeinan xua barapomona beexanaetsipa. Pajan barapo cartatha: ‘Painya xoba duwei pawu xaneme po duwein jiwi tsiseba ibo nacom. Matautano painya xoba paxaneme po duwein pon saya pipato tɔpuncua, xuano painya xoba pajana xaneme. Painya xoba pasiwa xeiname yabuxi xua jopa painya seurixi’, pajan, jei Santiago.

*Meje yabara poxonae soldadomona Pablo maxu waetabatsi judiomona pin pia botha tatsi, bapoxonae jiwi pecubi bo beya caponatsi*

<sup>26</sup> Nexata Pablo baru poinya barapo cuatro poyobe. Icha matabi Pablo iru barapo cuatro poyobe exana po coyene xua jopa penajuntu coyene taxobiwa Nacomtha. Bapoxonae Pablo iru barapo cuatro poyobe Nacom pin pia botha tatsi jojoniya. Pablo namchi, jeye: “Equeicha papatsinan siete po matabibe poxona pawetsin po coyene xua daxota jopa pata najuntu coyene taxobiwa Nacomtha. Pacaponaein duwein sacerdotemonaepin pebexubinexa tsane xua pata catsinexa Nacom”, jei Pablo.

<sup>27</sup> Poxonae barapo siete matabiyobe imoxoyo yapucaewinaba, bapoxonae Pablo judiomona Nacom pin pia botha tainchi. Pomona Pablo tainchi, barapomona

judiomonae pomonae Asia nacua weya pona. Pomonae Pablo tainchi, barapomonae exana xua pin bicheito namtsebiya wawai xua Pablo pecasebixaetsi. Bapoxonae Pablo waetabatsi.

<sup>28</sup> Jume daunweya wawai, jeye: “¡Pajume taema, paxam pomonae Israel nacuapiwi pamxaem! ¡Pana yawende! Barapon cuiduba ducuaanaebiya daxita jiwi. Abeya naca yabara cui cueicueijei. Matautano abeya yabara cueicueijei Moisés pia peitorobi coyenewan tatsi. Matautano barapo Nacom pin pia bo abeya yabara cueicueijei barapon. Matautano bapon griegomonae matabapoinchi barapo Nacom pin pia bo berena. Poxonae Pablo matabapona griegomonae, Nacom pin pia botha tatsi atutube exana”, jei barapomonae.

<sup>29</sup> Baxua paeba, tsipei poxoru bayatha barapomonae Pablo tainchi Jerusalén tomaratha. Baxota Pablo baru pona Efeso tomarapin, pon pewun Trófimo. Daxota barapomonae catsawa nanta xeina xua metha bayatha Pablo Nacom pin pia botha baru pona Trófimo. Daumetha Trófimo baxota jopa naponaeoyo.

<sup>30</sup> Daxita tomarapiwi jupaya equeicha jume daunweya wawai. Daxita cuinaeren-dena, barapomonae Pablo yoroba teicatsi. Nacom pin pia bo wemaxu capoinyatsi. Barapoxonae barapomonae bichocono yaboupa cateitabanota Nacom pin pia bo.

<sup>31</sup> Barapomonae, pomonae peanaepanaewi muxu Pablo pebexubichi. Bara nexata romanomonae soldadomonae pia pepa pentacaponaein tatsi jume tane xua daxita Jerusalén tomaramonae najume cayayataxuba.

<sup>32</sup> Nexata soldadomonae pia pepa pentacaponaein tatsi, bapon pia soldadomonae copiya piamonae caeacuteteta. Bapoxonae barapo soldadomonae pin bicheito be-cuinaeyiya ichaxota Pablo muxu pebexubichi. Poxonae barapo soldadomonae taerucupatsi barapo bicheito xainya umenarucupa. Barapoxonae barapomonae eque-icha jopa Pablo butsi.

<sup>33</sup> Nexata soldadomonae pia pepa pentacaponaein tatsi Pablo imoxoyo caquita un-cuatabatsi. Bapoxonae Pablo maxu waetabatsi. Bapon soldadomonae pia pepa pentacaponaein tatsi piamonae itoroba xua ainya naintothabe pemaxu cubaxubinexatsi Pablo. Bapoxonae bapon soldadomonae pia pepa pentacaponaein tatsi yainyaba pin bicheitha, jeye: “¿Jintam baraponda? ¿Eta xua metha bapon exana?” jei.

<sup>34</sup> Ichitha barapomonae ichawan caununaya wawai. Ichamonae ichawa wawai. Dax-ota bapon soldadomonae pia pentacaponaein tatsi jopa xapain jume taeyo. Bapoxonae bapon soldadomonae pia pentacaponaein tatsi Pablo itorobatsi soldadomonae pia bo beya tatsi.

<sup>35</sup> Poxonae patopa soldadomonae pia bo beya, penonobabeiyaewatha xua non-ababeiya soldadomonae Pablo yoichiya capoinchi bara beya. Pin bicheito bichocono anaepana daxota Pablo yoichiya capoinchi.

<sup>36</sup> Barapo pin bicheito soldadomonae cayabara wawaya punaenapoinchi, jeye: “¡Maisa pabexore bapon!” jei barapomonae.

*Meje yabara poxonae Pablo paeba barapomonae peitabaratha*

<sup>37</sup> Poxonae juntucuru Pablo soldadomonae pia bo beya capoinchi, Pablo barai soldadomonae pia pentacaponaeintha tatsi, jeye:

—¿Metha ichauyo catsipaebichipatsi? jei Pablo.

Poxonae baxua jume taeba, soldadomonae pia pentacaponaein tatsi yainyaba, jeye:

—¿Xam necueicueijeinda griego jumera?

<sup>38</sup> ¿Xam barapo jitomda egipcio nacuapimda, pon nacaetuteiba exaneiba pijimonae xua ichamonae pejutebeibinexa tsainchi? ¿Xam barapomonae pia pentacaponaein tatsi, pon xua matabaponaen name cuatro mil jiwi ichaxota ira xuepana susato tsuru-cuae nacuatha? jei soldadomonae pia pepa pentacaponaein tatsi.

<sup>39</sup> Nexata Pablo jume nota, jeye:

—Apara pepa judiomonaepiyon. Tarso tomaratha naexanan. Tatomara ainya cui tsipei pepa tomara. Tarso tomara Cilicia nacuatha eca. Nejume cui yabara copare xua barapomonaе tatsipaebiwa tsane, jei Pablo.

<sup>40</sup> Soldadomonaе pia pepa pentacaponaein tatsi bara Pablo yabara jume copatatsi xua Pablo bara pepaebiwa tsane. Pablo ichaxota nonababeibiya baxota asiya uncua. Yawa pecobetha jume matawenta barapomonaе xua moya peenaenexa. Poxonaе moya enarꝥꝥpa barapomonaе, Pablo hebreo jumetha cueicueije. Namchi, jeye:

## 22

<sup>1</sup> “Tamonaе pam, irꝥ pomonaе pitiri jiwi pam, pana nejume taema xua tapaca tsipaebiwa tsainchi xua tana nabaꝥꝥ jume yawenaewan”, jei Pablo.

<sup>2</sup> Poxonaе barapomonaе jume taerꝥꝥpa, xua Pablo hebreo jumetha cueicueije, barapomonaе moya enarꝥꝥpa. Pablo barapomonaе barai, jeye:

<sup>3</sup> “Xan apara judiomonaepin. Bayatha naexanan Tarso tomaratha, Cilicia nacuatha. Saya apara Jerusalén tomaratha wichaban. Baxota nacuiduban po coyenein wamo susato jiwi itorobeiba. Daxita barapo coyenein pebin pewꝥꝥ Gamaliel, necuiduba. Necui eeneiba xua Nacom tanacuiteiban xua daxita tajꝥꝥꝥ coyenewatha icha anoxuae daxita paCHIPONAEM.

<sup>4</sup> Bayatha jeiteiban pomonaе pejume cowꝥꝥtsiwi Jesús pia pena pecuidubiwa tatsi. Teiqueibanno, jiwi pecꝥꝥi bo beya caponeiban, pebiwino yawa yabꝥꝥxino. Tsipei ichichipan xua ichamonaе jutebeiba xua barapomonaе pejutebeibinexatsi.

<sup>5</sup> Sacerdotemonaе pia pentacaponaein tatsi irꝥ pitiri jiwi paca tsipaebina xua bayatha barapomonaе necata cartan xua barompaya wajudiomonaе nexa xua Damasco tomaratha. Barapo cartanxae neitacꝥꝥpa xua tateicaewa tsane pomonaе Jesús pejume cowꝥꝥtsiwichi. Baxota Damasco tomaratha ponan tajeichinexa pomonaе Jesús pejume cowꝥꝥtsiwichi, tsipei tha Jerusalén tomara becayaetsi barapomonaе, mataꝥꝥtano tsipei tha yamaxꝥꝥ cꝥꝥbiya caponaetsi taperaxa exanaenexa tsane barapomonaе”, jei Pablo.

*Meje yabara poxonaе Pablo diwesi paeba xua poxonaе po coyene pejume cowꝥꝥtsiwa Jesustha*

<sup>6</sup> Equeicha Pablo jeye: “Damasco tomara namtotha ecaponan, bara nama mateinyaxae tsuxubi. Poxonaе bara muxu tapatopaeba barapo tomaratha, bapoxonaе pin coicha neyancataba. Taxainya benematawacaicha jopeica. Peitaboco wejopeica.

<sup>7</sup> Iratha jopan. Bapoxonaе peitaboco wenebaraichica. Jume taeuncuan, nebarai, jeye: ‘Saulo, Saulo, ¿eta xua metha tamonaе inta abe exaname?’ jei.

<sup>8</sup> Nexata yainyaban: ‘Pon jiwi Necanamataxeinaem, ¿jintamꝥꝥmda?’ jan. Nejume epa pita, jeye: ‘Apara xan Jesús, Nazaret tomarapin ponxaein tamonaе inta abe exaname’, nejei.

<sup>9</sup> Pomonaе nepuna pona irꝥ coicha taneno. Bichocono bapomonaе junuwa. Saya meisa coicha tane, saya jopa jume taeyo po jume xua nebaraichica.

<sup>10</sup> Nexata yainyaban: ‘Pon jiwi Necanamataxeinaem, ¿eta pocotsiwa metha exanocuaein?’ jan. Bapon nebarai, jeye: ‘Nontaponde Damasco tomara be-iyande barapo tomaratha, ichꝥꝥ yabara catsipaebina pocotsiwa xua bewa exaname’, nejei.

<sup>11</sup> Barapo coicha bichocono neitata naquitaba exana. Pomonaе nepuna pona Damasco tomara benemaxꝥꝥ cayiya.

<sup>12</sup> “Barapo tomaratha, Damasco tomaratha, cou pebin popona, bapon pewꝥꝥ Ananías. Bapon daxita yabara jume cuiya exaneiba Moisés pia peitorobi coyene tatsi. Barapo judiomonaе, Damasco tomaratha, barapomonaе Ananías xanepanaya yabara paebeibatsi.



<sup>13</sup> Ananías nesiwa pona. Bapon nebarai: ‘Saulo, tamonaē jitom, equeicha caewa nepu necotsinde’, jei. Bara caena barapoxonaē equeicha caewa necotaxuban. Bapon bapoxonaē taenotan.

<sup>14</sup> Ananías nebarai, jeye: ‘Pata amo jiwi pia Nacom tatsi bayatha itapeta cawaba xua neyaputaenexa tsane xua Nacom caitoroba. Caitapeta xua netaenexa pon yatsicaewa pejuntū coyene xanepanaein, matautano nejume taenexa pocotsiwa catsipaeba.

<sup>15</sup> Aunxuae Jesús yabara cueicueijam tsane daxita nacuan jupayantha. Yabara paebiname daxita xua taneme xuano xua jume tanemeno.

<sup>16</sup> Anoxuae, ¿eta xua metha came ecame? Nontaponde. Barabū ichūn cabautisabina Jesucristo pewantha, pon jiwi Pecanamataxeinaein, necayabara jūntemainaenexa abe jinya neexanaē cuiru coyenein’, nejei Ananías”, jei Pablo.

*Meje yabara poxonaē Pablo nayabara paeba xua peitorobiwatsi ichaxota pomonaetha pomonaē jopa judiomonaē naexanaeyo*

<sup>17</sup> Pablo cataunxuae cueicueijei, jeye: “Poxonaē caibe nawiyān Jerusalén tomara beya, Nacom pin pia botha tatsi ponan. Barapo botha Nacom tsipaeban. Bapoxonaē camaitan xua netsita naitaūta.

<sup>18</sup> Jesús necotan, pon jiwi Pecanamataxeinaein. Bapon nebarai: ‘Anthā yacuinaya pontabare Jerusalén tomara weya, tsipei barapomonaē jopa xapain cajume cowantsi tsane xua tana neyabara paebiwam’, jei Jesús.

<sup>19</sup> Nexata jume epa pitan: ‘Pon jiwi Necanamataxeinaem, barapomonaē bayatha necui yaputane xua poneiban daxitan judiomonaē pia penacaetutsi bontha tatsi. Bayatha jiwi pecūbi botha caponeiban, pomonaē necajume cowantsiwi. Matautano bichocono beibanno.

<sup>20</sup> Poxonaē Esteban bichocono jana othopeica xan saya cui necotuncuan. Bapon Esteban pon cajume cowanta bayatha. Bapon jinya diwesi pecanantsipaebin. Poxonaē Esteban bexotsi, saya cui matū taeuncuan. Yabara jume barū cui jejan poxonaē barapomonaē Esteban bexubapaebatsi. Barapomonaē pipaparuwan tajeban’, jan Jesthā.

<sup>21</sup> Ichitha bapon pon jiwi Pecanamataxeinaein nebarai: ‘Anthā ponde. Aunxuae tajū caitorobinchi barapomonaē beya, pomonaetha pomonaē jopa judiomonaē naexanaeyo beya’, nejei”, jei Pablo.

*Meje yabara poxonaē soldadomonaē pia pentacaponaein tatsi Pablo waetabatsi*

<sup>22</sup> Pablo cataunxuae paebuncua barapo penonobabeibiyathopaewatha soldadomonaē pia botha. Poxonaē Pablo jume taerūcupatsi xua bepa pinaē ponaena pomonaetha pomonaē jopa judiomonaē naexanaeyo beya, bapoxonaē barapo bicheito namtsebiya wawai, jeye: “¡Maisa bapon pabexore bara! ¡Dapocotsin jopa bewa poponaē!” jei.

<sup>23</sup> Awiya came barapomonaē wawai tsompae. Yawa pia paparuwan anaya nūnūbaba. Yawa taetowan anaya athabe bebeicha.

<sup>24</sup> Romanomonaē soldadomonaē pia pepa pentacaponaein tatsi, bapon pia soldadomonaē itoroba xua Pablo pecaponaenexatsi soldadomonaē pia bo beya tatsi xua jiwi pecūbi bo. Baxota Pablo capoinchi pecuainchinexa tsainchi xua daxota Pablo peyabara paebiwa tsane baxua xua Pablo peyabara namtsebiya wawaichiwatsi judiomonaē.

<sup>25</sup> Poxonaē bara juntucuru Pablo maxū catanotatsi xuano juntucuru muxu pebetsino, Pablo barai soldadomonaē pia pentacaponaein tatsi, jeye:

—Jopa be pana necuainchipaem tsipei apara xan romanomonaepin. Matautano baxua jopa pana necanaichipaem icha jopa neyabara paebiyo pon jiwi peyabara paebin penatsicuentsiwa xua abe peexanaexae, jei Pablo.

<sup>26</sup> Poxonaē baxua jume tane, soldadomonaē pia pentacaponaein tatsi, bapon pona pia pepa pentacaponaein tatsi beya. Bapon namchi pia pepa pentacaponaeintha, jeye:

—Dota xua xam cana exanaename bapontha. Apra cou deta Pablo iru romanomon-aepin, jei.

<sup>27</sup> Nexata soldadomonaē pia pepa pentacaponaein tatsi, bapon Pablo imoxoyo caquita uncuatabatsi. Bapon Pablo yainyabatsi, jeichichi:

—¿Bara yatsicaya xainyei bara xam romanomonaepim? jeichichi Pablo.

Pablo jume nota, jeye:

—Aa, bara xan tsocuaein, jei Pablo.

<sup>28</sup> Soldadomonaē pia pepa pentacaponaein tatsi Pablo jume notatsi, jeichichi:

—Xan iru barichin romanomonaepin. Nacui yabara matomatan bichocono pin paratixi matoma xua romanomonaepin tana naexanaewa tsane, jei.

Pablo namchi, jeye:

—Apra seicaya nama xan caena bayatha pexuyothan yacuiya naexanan romanomonaepin, jei.

<sup>29</sup> Poxonae Pablo baxua paeba, bapoxonae pomonaē Pablo muxu pecuainchichi Pablo pexeinya wetanatsixibarucupiyatsi. Iruu bara wenatsixitabiya soldadomonaē pia pepa pentacaponaein tatsi tsipei bapon yaputane xua Pablo apra romanomon-aepin. Daxota junuwa xua Pablo pemaxu cubixaetsi.

*Meje yabara poxonae Pablo pentacaitorobi bicheitomonaē peitabaratha uncuapomonaē judiomonaē*

<sup>30</sup> Icha matabitha soldadomonaē pia pepa pentacaponaein tatsi bepa yaputaei, bepa jeyei: “¿Eta xua metha Pablo yabara anaepanatsi judiomonaē?” bepa jeyei. Daxota bapon, Pablo taxuenaxotsi xua maxu cutatsi. Nexata bapon itoroba xua sacerdotemonaē pia pentacaponaei tatsi iru pentacaitorobi bicheito nacaetutsina. Pablo bara bebaru iyatsi. Baraxota cuaranotatsi barapomonaē peitabaratha tatsi.

## 23

<sup>1</sup> Pablo pentacaitorobi bicheito beya bichocono naita cui dutsiya necoya. Pablo barapomonaē beya namchi, jeye:

—Tamonaē, caena bayatha beya anoxuae juntu coyene xanepanaya poponan Nacom peitatha tatsi, jei Pablo.

<sup>2</sup> Nexata sacerdotemonaē pia pepa pentacaponaein tatsi, Ananías, bapon itoroba xua Pablo pecoibo cuainchinexatsi pomonaē Pablo imoxoyo caquita peumenaexaetsi.

<sup>3</sup> Ichitha Pablo jume nota, Ananías jume notatsi, jeye:

—Xam ponxaem itara mexeya xanepanaya nepaebin ichitha jiwi nemuxuitorobin, Nacom cacuainchina. Xam ecame xote jinya tana neyabara paebinexam tana natsicuentsiwa xua abe taexanaexae icha be pocotsi coyeneya Moisés pia peitorobi coyenetha baxua yabara paeba. Ichitha xam jopa xapain exanaem poxonae ichamonaē itorobame xua tana necoibo cuainchinexa poxonae Moisés pia peitorobi coyenewatha jopa baxua itorobiyo, jei Pablo.

<sup>4</sup> Pomonaē Pablo imoxoyo caquita umeinchi, jeichichi:

—Apra sacerdote pia pepa pentacaponaein tatsi abe tsipaebame pon Nacom tanacui-tatsi, jei barapomonaē.

<sup>5</sup> Pablo jume nota, jeye:

—Tamonaē, jopa yaputaeinyo xua pon tsipaeban apra sacerdotemonaē pia pepa pentacaponaein tatsi. Icha yaputaetsipan, jopa paebinchipae. Nacom Pejume Diwesitha namchi, jeye: ‘Jopa bewa painya pentacaponaei jiwana abe pajainchim pomonaē xua painya tomaratha’, jei Nacom Pejume Diwesitha, jei Pablo.

<sup>6</sup> Nexata Pablo cui yabara nanta xeina barapomonaetha tsipei ainya bicheitobe, ichamonaē saduceomonaeru, ichamonaē fariseomonaeru. Daxota bapon Pablo jume daunweya wawai barapomonaetha, jeye:

—Tamonaē, bara xan apara fariseomonaēpin, yawa fariseomonaēpin pexanton. Tsipei jume cowantān xua jiwi petupaewi equeicha asu tsaibi tsane daxota pana necaponame painya tana neyabara paebinexam xua tana natsicuentsiwa xua abe taexanaexae, jei Pablo.

<sup>7</sup> Poxonaē Pablo baxua paeba saduceomonaē iru fariseomonaē najume matsontsonobabe. Barapo bicheito ainya bicheitobe naexanabe, tsipei barapo bicheitobe seicaya barompaya nabaru nanta xeina.

<sup>8</sup> Saduceomonaē paeba xua pinae petupaewi jopa equeicha asu tsaibi tsane. Matautano barapomonaē paeba xua pinae matatsunpiwi jopa jinompaeyo, matautano pinae dowatsi dapomonaē pinae ajibi. Ichitha meisa fariseomonaē jume cowanta daxita barapo diwesin, xua pinae pewerapeibiwi equeicha asu tsaibi tsane, matautano xua pinae dowatsi jinompa, xuano xua pinae matatsunpiwi bara jinompa. Daxita barapo diwesin fariseomonaē jume cowanta. Ichitha nama saduceomonaē jopa daichiyo.

<sup>9</sup> Daxita barapo bicheitobe namtsebiya wawai. Fariseomonaē jiwana ichamonaē nonobapona. Barapomonaē yaputane nawita Moisés pia peitorobi coyene tatsi. Barapomonaē namchi, jeye:

—Bapon Pablo jopa abe exanaeyoba, metha dowatsi bapon tsipaebatsi, ichacuitha metha matatsunpin bapon tsipaebatsi, jei barapomonaē.

<sup>10</sup> Barapomonaē daxita najume matsontsonobiya biatane. Bapon romanomonaē soldadomonaē pia pepa pentacaponaein tatsi, bapon bichocono junuwa tsipei Pablo tsana peru xunaeinchi. Daxota bapon romanomonaē soldadomonaē pia pepa pentacaponaein tatsi itoroba pia soldadomonaē xua Pablo equeicha caponaeinchi soldadomonaē pia bo beya tatsi.

<sup>11</sup> Icha mataqueitha merawi pon Pecanamataxeinaein jiwi, Pablo imoxoyo caquita uncuatsi xua tsita naitautatsi. Bapon namchi, Pablo baraichi, jeye: “Pablo, najuntu coyene tsacatabare. Icha ichim xua Jerusalén tomaratha neyabara paebame barichinde equeicha Roma tomaratha neyabara paebare”, jei Jesús.

*Meje yabara poxonaē judiomonaē nanta xeina xua Pablo pebexubiwa tsainchi*

<sup>12</sup> Icha mataqueitha, ichamonaē judiomonaē peburaya nanta juraya nanta xeina xua Pablo pebexubiwa tsainchi. Barapomonaē nayabara tsiwunaē muxu duta Nacomtha xua bepa pinae jopa nabanaē tsane, xuano jopa apae tsaneno xua beya pinae yajainbonaya othopaena poxonaē Pablo bexubinchi.

<sup>13</sup> Barapomonaē pomonaē Pablo bexubapaebatsi xuano xua yabara nainbotapaebatsi bichocono pinmonaē beyacaincha xua pocotsi cuarenta po pebiwimonaeyobe.

<sup>14</sup> Barapomonaē pona sacerdote pia pentacaponaei tatsi beya, yawa judiomonaē pia pitiri jiwi tatsi beya. Barapo pebiwimonaeyobe barai barapomonaētha, jeye:

—Bayatha pana nayabara tsiwunaē muxu duban Nacomtha xua jopa pata nabanaewa tsane beya tsane poxonaē cataunxuae jopa pabexubinyo tsane Pablo.

<sup>15</sup> Paxam iru pomonaē pentacaitorobi bicheito, romanomonaē soldadomonaē pia pepa pentacaponaein tatsi patsipaebare xua bapon pia soldadomonaē peitorobinexa xua Pablo pecuaranotsinexa tsainchi painya itabaratha baya tsane. Romanomonaē soldadomonaē pia pepa pentacaponaein tatsi pamuxuitorobare. Naemata bapon pabarande: ‘Awiya peyainyabiwa paxeinan pata tha yainyabichi Pablo’, pajande. Paxan pata tha nama namtotha ewatumenatsi. Pata tha bexuichi, poxonaē barapomonaē Pablo caponaeinchi, jei barapomonaē.

<sup>16</sup> Pablo perobi tatsi jume tane xua barapo cuarenta po pebiwimonaeyobe namtotha nantsiyatsiya bobenapaeba pewaetabinexa tsainchi Pablo. Daxota Pablo perobi tatsi pona soldadomonaē pia bo tatsi beya. Baxota Pablo perobi tsipaebatsi xua barapomonaē Pablo bepa bexubichei.

<sup>17</sup> Nexata Pablo waba pon xua romanomonaē soldadomonaē pin pia pentacaponae wi jiwana. Pablo namchi, jeye:

—Poye pewowin wato caponde romanomonaē soldadomonaē pia pepa pentacaponae in tatsi beya, tsipei bapoyo diwesiyo xeina xua petsipaebiwa tsane, jei Pablo.

<sup>18</sup> Romanomonaē soldadomonaē pia pentacaponae in tatsi Pablo perobi tatsi capoinchi xua romanomonaē soldadomonaē pia pepa pentacaponae in tatsi beya. Bapon namchi, jeye:

—Pablo soldadomonaē pia botha peecaein, bapon neitoroba xua pinae bepa caponaē in jei poye. Tsipei pinae xeina diwesiyo xua necatsipaebinxā, jei bapon soldadomonaē pia pentacaponae in tatsi.

<sup>19</sup> Pablo perobi tatsi cobe pitatsi romanomonaē soldadomonaē pia pepa pentacaponae in tatsi. Barū natsixitabatsi aisowa beya. Bapoyo baraichichi, jeichichi:

—¿Jinya eta xua netsipaebichi? jeichichi.

<sup>20</sup> Nexata pewowin wato jume nota romanomonaē soldadomonaē pia pepa pentacaponae in tha, jeye:

—Judiomonaē pebūya nanta xeina xua bepa sawcaei xua Pablo baya necaponaenexa pentacaitorobi bicheitha. Bepa camuxitorobei. Bepa jeyei: ‘Panantawenonan pata tha Pablo yainyabichi ichawiyō’, bepa jeyei barapomonaē.

<sup>21</sup> Ichitha jopa jume cowantsinde, barapomonaē namtotha nantsiyatsiya bobena-paeba pewaetabinexa tsainchi taxuyo. Barapo cuarenta po pebiwimonaeyobe natsiwūnae yabara muxu duba Nacomtha xua bepa pinae jopa nabanae tsane yawa jopa apae tsane beya pinae poxonaē tsane poxonaē Pablo bexubinchi. Anoxuae barapomonaē cajume cui ewata xua jam tsane: ‘Baya tsane Pablo pentacaitorobi bicheitha itorobinan’, jam tsane, jei Pablo perobi tatsi.

<sup>22</sup> Nexata romanomonaē soldadomonaē pia pepa pentacaponae in tatsi barapoyo napeyabatsi. Pewowin wato ponataba. Pewowin wato baraichi, jeye:

—Ichantha jopa tsipaebinde xuaunxuae po diwesiyo netsipaebame, jei soldadomonaē pia pepa pentacaponae in tatsi.

*Meje yabara poxonaē soldadomonaē pia pepa pentacaponae in tatsi Pablo itorobatsi Félix beya pon Judea nacuamonaē pia peyanacua ewatsinchi*

<sup>23</sup> Romanomonaē soldadomonaē pia pepa pentacaponae in tatsi waba ainya pentacaponae in be. Bapon baraponbetha itoroba. Barai: “Soldadomonaē pacui wūnaerebe doscientos po soldado matabūxūbe pomonaē xua petaxutha ponaena, irū setenta po soldado matabūxūbe pomonaē xua cawayutha ponaena, irū doscientos po soldado matabūxūbe pomonaē dejonan cajjincaena. Barapo bicheito daxita peponaenexa Cesarea tomara beya merawitha poxonaē a las nueve tsuxubi.

<sup>24</sup> Matautano pacui wūnaerebe cawayu ayunbe xua Pablo peequeicaenexa tsane. Matautano paitorobarebe xua Pablo beta pecaponaenexatsi, xua asūno Félix beya”, jei.

<sup>25</sup> Bapon pia soldadomonaē caitoroba carta. Barapo cartatha namchi, jeye:

<sup>26</sup> “Xan Claudio Lisias. Félix, ponxaem tacabarū cui itura jinaeinchi, cajacobatsi.

<sup>27</sup> Pon anoxuae cata itorobatsi nexainya beya barapo pebin waetabatsi, judiomonaē waetaba. Muxu pebexuichi. Poxonaē jume tan xua bapon romanomonaē pin najainta daxota nainya soldadomonaē barū ponan bapoxonaē bapon capanepan.

<sup>28</sup> Tsipei tha yaputaetsi xua barapomonaē Pablo yabara paebatsi, daxota Pablo cuaranotan judiomonaē pia pentacaitorobi bicheitha tatsi.

<sup>29</sup> Jume tan xua barapomonaē Pablo yabara paebatsi xua pinae bapon jopa exanaeyo icha be pocotsiwa barapomonaē pia peitorobi coyenewan tatsi paeba. Ichitha barapomonaē jopa xeinaeyo po coyene xua daxota Pablo pebexubinexatsi, xuano xua daxota jiwi pecūbi botha peetsinexatsi.

<sup>30</sup> Ichitha bapoxonae jume tan xua judiomonae namuxuweta pebexubinexa tsainchi Pablo. Daxota Pablo nexainya beya itoroban. Tsipaeban judiomonae pia pentacaitorobi bicheito tatsi. Janje: ‘Icha awiya Pablo pacui itawetsiname xua abe bapon exana –cabaraichi– bapon pia xainya beya paponare. Papaebare Félixtha baxua, pocotsiwa Pablo exana’, jan. Baja, Claudio”, jei barapo cartatha.

<sup>31</sup> Barapo soldadomonae exana pocotsiwa xua bayatha itoroba pon romanomonae soldadomonae pia pepa pentacaponaein tatsi itoroba pon pewɛn Claudio. Barapo soldadomonae barapo merawitha Pablo capoinchi Antípatris tomara beya.

<sup>32</sup> Icha mataqueitha barapomonae soldadomonae pomonae petaxutha pona, caibe nawibiya ichaxota tauncuatsi soldadomonae pia bo beya. Pomonae cawayutha pona awiya Pablo barɔ poinchi.

<sup>33</sup> Soldadomonae Pablo capoinchi Cesarea tomara beya. Barapomonae soldadomonae Félix catatsi barapo carta. Pablono baxota punaxubothopatsi.

<sup>34</sup> Félix matha yoroba carta. Bapoxonae Pablo yainyabatsi, jeichichi:

–Pablo, ¿eta po nacua jitomda? jei.

Pablo jume nota, jeye:

–Bara Cilicia nacua piyon, jei.

<sup>35</sup> Félix namchi, jeye:

–Poxonae judiomonae patsina, pomonae xua abe cayabara paeba, bapoxonae ca-jume taeinchi xua tana netsipaebiwam tsane, jei Félix.

Bapoxonae Félix itoroba soldadomonae xua Pablo yapucaenaeinchi ichaxota po botha peitɔpanae bo, po bo Herodes cuenta naxuba.

## 24

### *Meje yabara poxonae Pablo Félix peitabaratha tatsi nayabara jume paeba*

<sup>1</sup> Icha matabitha poxonae cinco po matabibe tsuxubi, pebiwi pata Cesarea tomaratha. Ichɛn pewɛn Ananías. Bapon Ananías sacerdotemonae pia pepa pentacaponaein tatsi. Irɔ pitiri jiwimonaeno pata. Irɔ pon xua petapaebeibin jiwi, pon pewɛn Tértulo bapon napatopa. Barapomonae nacuara pata Cesarea tomaratha. Barapomonae Félix peitabaratha taumeinchi, xua Pablo abeya peyabara paebinxatsi.

<sup>2</sup> Poxonae Pablo carendenatsi, Tértulo Pablo abe yabara paebatsi. Félix baraichi, jeye: –Félix, xam pon pana yanacua ewatame. Daxota jɛntema xanepanaya pajinompan. Maisa bara beta itorobiya canamataxeiname jiwi jinya neyaputae coyenewatha. Daxota xam beta exaname barapo nacuathe.

<sup>3</sup> Félix, xam pon pata paca barɔ itura jinaeinchim, xua exaname yatsicaya wɛnae nawita barapo nacue nexa.

<sup>4</sup> Jopa ichichipaeinyo xua tacayatacutsiwatsi. Daxota catsipaebatsi xua saya caeto pana nejume taema xua pata paca catsipaebiwa tsainchi.

<sup>5</sup> Anoxuae payaputan xua Pablo bichocono pana cui fayacota xua abe exana. Mataɔtano bapon judiomonae cui tsacabatsi xua nacaseba exanatsi daxita nacuantha. Mataɔtano bapon, apara pomonae nazarenomonae barapomonae pia pentacaponaein tatsi, pomonae pecuidubi jiwi icha coyeneya pocotsiwa jopa xainyeyo.

<sup>6</sup> Yawa Nacom pin pia bono tatsi juntucuru abe taexanatsino, poxonae juntucuru barɔ jonyatsi pon jopa judiomonae naexanaeyo Nacom pin pia botha. Daxota pawaetaban. Paxan paichichipan Pablo paperaxa exanan barompaya pata peitorobi coyenewa cuitha.

<sup>7</sup> Ichitha soldadomonae pia pepa pentacaponaein tatsi, Lisias, daunweya pana we-cobe maxɔ pitatsi Pablo.

<sup>8</sup> Soldadomonae pia pepa pentacaponaein tatsi, Lisias, pana barai: ‘Pomonae Pablo abe jaintatsi moya Félix peitabaratha papaebare’, pana jei Lisias, jei Tértulo.



Tértulo equeicha namchi, jeye:

—Félix icha yainyabatsipame Pablotha metha bara yaputaetsipame xuaunxuae cabaraichichi. Xuaunxuae Pablo yabara paeban baxua xaniyan yatsicaya, jei Tértulo.

<sup>9</sup> Judiomonae, pomonae Tértulo puna poinchi namchi: “Tértulo bara xaniyei paeba”, jei.

<sup>10</sup> Nexata Félix Pablo moya pecobetha jume itorobatsi. Bapoxonae Pablo Félix baraichi, jeye:

—Yaputan xua caena bayatha ainya wei xam naexaname pon jiwi neyabara paebin xua penatsicuentsiwa xua abe peexanaexae xua barapo tomarathe nexa. Daxota juntu coyene weiweinan xua tana nayabara paebiwa neitabaratha.

<sup>11</sup> Icha yainyabame barapomonae, Jerusalén tomarapiwi, catsipaebichipa xua bayatha Jerusalén tomara beya ponan. Baxota ponan tsipei Nacom pin pia botha wuna tajainchinexa Nacom. Anoxuae petain doce matabibe yapucaewan poxonae xua bayatha ponan bara beya.

<sup>12</sup> Jopa jume matsontsonobeibinyo jiwi. Yawa jiwi jopa jume cui tsacabeibinyo xua anaepanaya penajume cayayatsinexa. Baxuan jopa exanaeinyo Nacom pin pia botha. Matautano judiomonae pia penacaetutsi bontha tatsi, baxuan jopa exanaeinyo. Matautano tomaran pecuariyathan jopa baxuan exanaeinyo.

<sup>13</sup> Pomonae paeba xua pinae abe exanan, barapomonae jopa jume cupaetsi xua tana necui yopichiwa xua abe exanan.

<sup>14</sup> Xaniwaicha catsipaebatsi xua xan Nacom tanacuitan pon tamo susato jiwi pia Nacom tatsi. Baraxua exanan xua jiwi cuiduban be pocotsi coyeneya xua paeba Jesús pia pena pecuidubiwa tatsi po pecuidubiwa judiomonae yabara nanta xeina xua pinae barapo pecuidubiwa jopa xainyeyo. Xan jume cowantan daxita Moisés pia peitorobi coyenewan. Matautano po diwesin Nacom pia peitorobi jume pepaebiwi tina, barapo diwesinno jume cowantan.

<sup>15</sup> Xan barichinda, Nacom yabara bara jume cowantsiya ewatan icha barapomonae ichi xua po coyene pomonae pewerapaewi equeicha asa tsane, pomonae peajuntucoyenebe jiwi iru xua asa tsane pomonae pejanta coyene xanepanae jiwino.

<sup>16</sup> Daxota jopa najunta coyene acaurinyo tsipei nayaputan xua Nacom beta taexanan. Jiwithano jopa najunta coyene acaurinyo.

<sup>17</sup> “Ainya wei dapaein saya icha nacuantha poponan. Bapoxonae equeicha tatomara beya poponan, Jerusalén tomara beya. Patopan baxota Nacom pin pia botha poxoru yaitama paratixi caponan xua tamonae nexa po paratixi ichamonae taitoroba. Matautano bara beyan xua baxotiya Nacom tatsita exanaenexa xua pocotsiwa be tacatsiwa Nacomtha, xua duwein tatautsiwa tsane.

<sup>18</sup> Barapo coyenein awiya exanawiyen, bequein bayatha nenacui yabara jume weta exana po coyene xua daxota Nacom jopa tsitanyo xua taajuntucoyenebewan be pocotsi coyeneya xua judiomonae itoroba. Bapoxonae judiomonae pomonae Asia nacua weparena netaeba Nacom pin pia botha. Barapomonae baxota necaxiba bequein poxonae jopa jiwi namtsebiya wawaya exanaeinyo.

<sup>19</sup> Pomonae netane Nacom pin pia botha pomonae Asia nacua werena pepatsiwi bewa dapomonae xote patsi xua necatsipaebinexa tsane xua tana neyabara paebinexa tsane xua abe taexanaewa.

<sup>20</sup> Icha barapomonae jopa patsiyo pomonae xote ena bu paeba. Barapomonae netane poxonae cain matha judiomonae pia pentacaitorobi bicheito peitabaratha uncuan. Barapomonae bu catsipaeba, icha metha bara abe exanan poxonae barapo pentacaitorobi bicheito peitabaratha tatsi uncuan.

<sup>21</sup> Saya u baxua exanan poxonae peitabaratha uncuan, bapoxonae bichocono wawan. Janje: ‘Anoxuae poxonae paxam pana neyabara paebame xua tanatsicuentsiwa xua

abe taexanaewa paxam pananta xeiname xua abe exanan yaitama jume cowantan xua pewerapaewi equeicha asu tsaibi tsane', jan jei", Pablo.

<sup>22</sup> Félix caena bayatha yabara yaputane Jesús pia pena pecuidubiwa tatsi. Daxota Félix cataunxuae abu jopa baxua yabara paebiyo pocotsiwa barapomonaе paeba. Daxota Félix namchi, bapomonaetha, jeye:

—Abu bexa pacatsipaebinchi, poxonaе soldadomonaе pia pepa pentacaponaein tatsi patopaena pon Lisias, bapoxonaе yabara paebin pocotsiwa Pablo exana, jei Félix.

<sup>23</sup> Nexata Félix itoroba soldadomonaе pia pentacaponaein tatsi xua soldadomonaе Pablo cataunxuae yapu eeniya pebaru jinompaenexatsi Herodes pia botha tatsi, bequein bara copata xua Pablo bara exanaena be pocotsiwa xua bapon ichichipa exana barapo botha. Matautano copatano xua Pablo bara pesiwa ponaenexatsi piamonaе xua piamonaе peyawenaenexatsi xua pocotsiwa nantawenona bapon.

<sup>24</sup> Icha matabitha pirapaeyo Félix piowabe patopabe. Petsiriwa pewan Drusila. Barapowa judiomonaewayo. Félix najume caitoroba ichantha xua Pablo pewabinexatsi Félix berena, matautano xua Pablo Félix yabara petsipaebinxatsi xua po coyene jiji jume cowanta Jesucristo.

<sup>25</sup> Pablo Félix tsipaebatsi xua pinae ainya cui xua jiji beta yanthuthiya jinompa icha be Nacom ichi xua beta yanthuthiya popona. Matautano paebano xua pinae jiji pia xoba abe exaneiba. Matautano namchino xua pinae caentacabitha tsane Nacom wabina daxita jiji xua peyabara paebinxua xua penatsicuentsiwa xua abe peexanaexae barapo cae pin nacuathe. Félix najuntu coyene cabenaeca poxonaе jume tane baxua. Pablo tsipaebatsi, jeichichi:

—Jinya tutu beya bara ponde. Bexa equeicha cawabinchi icha ichawiyo jopa neenaeyo, jei Félix.

<sup>26</sup> Félix nanta xeina xua paratixi pecatsiwa tsainchi xua Pablo pecatsiwa tsane xua daxota Pablo pepu copatsinexatsi. Daxota memecabiya wabatsi Pablo.

<sup>27</sup> Baraxua exana beya yaainya weibe jopa. Barapoxonaе Félix weta xua pon peyanacua ewatsin jiji naexana barapo Judea nacuathe, xua icha nacua beya pewarapaexae. Ichu Félix pecoutha tatsi tapatopatsi pon pewan Porcio Festo pon xuya pon peyanacua ewatsin jiji naexana Judea nacuathe. Félix ichichipa xua peweyataewatsi xua judiomonaе peweyataewa daxota Pablo jopa copatichi xua bara yatsicaewa pepu copatsiwatsi xua pepanepaewa tsane.

## 25

### *Meje yabara poxonaе Pablo Festo peitabaratha tatsi tauncuatsi*

<sup>1</sup> Festo bara patopa xua penaexanaenexa pon peyanacua ewatsin jiji. Poxonaе acoibi po matabibibe weta Cesarea tomara weya pona, Jerusalén tomara beya pona.

<sup>2</sup> Barapo tomaratha Jerusalén tomaratha sacerdotemonaе pia pentacaponaein tatsi iru judiomonaeno pomonaе pentacaponaeino, barapomonaе Pablo abeya cui yabara canantsipaebatsi.

<sup>3</sup> Barapomonaе Festo baraichi: “Bu painta ichamonaе Pablo Jerusalén tomara beya capoinchi”, jei. Barapomonaе baxua Festo jeichichi, tsipei Pablo namtotha ewatabobenaebatsi pebexubinxatsi.

<sup>4</sup> Festo jume nota, jeye:

—Canta Pablo Cesarea tomaratha eca xua soldadomonaе baru jinompatsi. Tha nama imoxoyo bara beya equeicha caibeya ponaetsi.

<sup>5</sup> Painyamonae jiwana pomonaе pentacaponaein moya bu barapomonaе nepuna pona Cesarea tomara beya. Icha Pablo abe exana, metha moya baraxota Pablo jame be cui yabara paebichipatsi barapomonaе, jei Festo.

<sup>6</sup> Festo cataunxuae Jerusalén tomaratha ocho po merawiyobe yapucaewa xua eque-icha ainya dapaeyobe. Barapoxonae Cesarea tomara bewarapiya caibeya. Icha mat-acabitha Festo eca peequeibithopeibiwatha po tututha ichaxota yabara paebequeiba jiji xua penatsicuentisiwa xua abe peexanaexae. Festo barai soldadomona: “Painta caponde Pablo taxainya berena”, jei.

<sup>7</sup> Poxonae Pablo patopa, judiomona imoxoyo umenarucupa pomona Jerusalén tomara weparena. Barapomona judiomona Pablo yacaincha matawaqueicha ume-natsi. Barapomona Pablo cui yabara paebatsi xua abe exana nawita. Ichitha xua barapomona paeba jopa tsita itapeinya xeinaeyo xua apara bara xainyei pocotsiwa barapomona paeba.

<sup>8</sup> Nexata Pablo pia coya nayabara paeba, jeye:

—Xan jopa abe exanaeinyo. Jopa abe yabara paebinyo Moisés pia peitorobi coyene tatsi. Matautano Nacom pin pia bo jopa abe yabara paebinyo. Matautano jopa abe yabara paebinyo romanomona itorobiya pia pepa peewatsinchi tatsi, jei Pablo.

<sup>9</sup> Festo bepara antobetsei judiomona. Daxota Festo Pablo yainyabatsi, jeichichi:

—¿Jinya ponaetsi Jerusalén tomara beya xua baxotiya cayabara paebinchi nenatsicuentisiwa xua abe neexanaexae? jei Festo.

<sup>10</sup> Pablo jume nota, Festo jume notatsi, jeye:

—Xan uncuan peitabaratha tatsi pomona pentacaponae, pomona romanomona itorobiya pia pepa peewatsinchi tatsi itoroba. Barapomona pentacaponae bara itacupatsi xua barapo tomarathe tana neyabara paebinexa xua tana natsicuentisiwa xua abe taexanaexae. Jopa nantawenonaeinyo xua taponae xua tsane Jerusalén tomaratha. Xam bayatha beta yaputaneme xua jopa abe exanaeinyo judiomonaetha.

<sup>11</sup> Icha xaniwaicha abe exanan barapomonaetha, metha moya benebexubina. Jopa junuwinyo xua tatupaewa tsane. Ichitha icha jopa xainyeyo xua barapomona neyabara paeba, metha nexata barapomona jopa nebexubichipae. Tha nama warapaetsi romanomona itorobiya pia pepa peewatsinchi beya, tacoya nayabara paebichi, jei Pablo.

<sup>12</sup> Copiya matha Festo tsipaeba pejume yaweneibiwichi. Barapoxonae Festo, Pablo baraichi, jeye:

—Yaitama aunxuae siwa ponapaebame romanomona itorobiya pia pepa peewatsinchi tatsi, xua necayabara paebinexa xua nenatsicuentisiwa xua abe neexanaexae daxota moya ponaename bapon beya, jei Festo.

*Meje yabara poxonae Pablo uncua Agripa peitabaratha tatsi pon peyanacua ewatsin jiji*

<sup>13</sup> Icha matabitha Agripa, pon peyanacua ewatsin jiji, bapon pona Cesarea tomara beya. Petsiriwa puna poinchi, bapowa pewun Berenice. Festo siwa poinchi Cesarea tomaratha iya.

<sup>14</sup> Baraxotiya Agripa petsiriwano ainya matabin ecabe. Festo namchi Agripa, jeye:

—Xote eque pon cain Félix xubeta Cesarea tomaratha xua bapon pebaruc jinompaenexatsi soldadomona.

<sup>15</sup> Poxonae Jerusalén tomaratha ecan, sacerdotemona pia pentacaponae jiji tatsi, pitiri jiwino, barapomona netsipaeba xua bepa pinae Pablo itorobin xua petupaewa tsane.

<sup>16</sup> Barapomona baran: ‘Barapocotsi coyene romanomona pan pata cui coyene. Paxan jopa pacopatsinyo xua ichun amanaya bexotsi. Jame copiya pomona xua abe yabara paeba ichantha, barapomona bewa paebina bapon peitabaratha tatsi icha bara metha bapon xaniwaicha abe exana. Bapoxonae bapon pia coutha beya nayabara paebichipa xua barapomona paeba’, jan.

<sup>17</sup> Daxota poxonae barapomonaе pata xote, jopa be bayathinyo yaitama. Daxota baya caena nainya ecoundecan, po tututha yabara paebequeiban jiwi xua penatsicuentsiwa xua abe peexanaexae. Itoroban soldadomonaе xua Pablo pecaponaenexatsi taxainya berena.

<sup>18</sup> Xan nanta xeinan xua Pablo bichocono abe exana. Ichitha poxonae barapomonaе asiya umena peyabara cueicueijeinexa tsainchi, Pablo jopa paebiyo po diwesi xua daxota tananta xeinaenexa xua Pablo bara abe exana cou.

<sup>19</sup> Pocotsiwa xua Pablo yabara cueicueijeichi, saya xua apara pia pejume cowantsiwa tatsi yabara, matautano xua Pablo peyabara cueicueijeixae pebin pon Jesús baraichi, xua pinae equeicha asu poxonae tupa. Seicaya nama barapomonaе paeba xua pinae bapon apara tupa, xua equeicha jopa asuyo.

<sup>20</sup> Jopa yaputaeinyo xua baxua exanan xua Pablo abe yabara paebatsi. Daxota copiya matha Pablo yainyaban, janje: ‘¿Xam, jinya ponaetsi Jerusalén tomara beya xua baraxotiya cayabara paebinchi xua nenatsicuentsiwa xua abe neexanaexae?’ jan.

<sup>21</sup> Ichitha Pablo dapo jumetha netsipaeba xua bepa ponaеi Augusto beya, romanomonaе itorobiya pia pepa peewatsinchi beya, pon xua bepa pinae yabara paebinchi xua penatsicuentsiwa xua abe peexanaexae. Daxota itoroban soldadomonaе xua Pablo abu pebaru jinompaenexatsi soldadomonaе, beya abu poxonaе necui jupa xua itorobin pontha pon romanomonaе itorobiya pia pepa peewatsinchi, jei Festo xua Agripa tsipaebatsi.

<sup>22</sup> Nexata Agripa Festo baraichi, jeye:

—Tha bequein iru jume taetsiru Pablo, jei Agripa.

Agripa jume notatsi, Festo jume nota, jeye:

—Metha moya baya tsane jume taename, jei Festo.

<sup>23</sup> Bara icha matabitha Agripa iru Berenice patopabe. Paparuwa peitupanaewa nama xatatabe. Agripa pinmonaе baru pata, soldadomonaе pia pepa pentacaponaewi tatsino, iru Cesarea tomara pia pentacaponaewino. Barapo bicheito Agripa baru pona. Festo itoroba soldadomonaе xua Pablo pecarendenaenexa tsainchi.

<sup>24</sup> Festo barai, jeye:

—Agripa, xam pon neyanacua ewatsin jiwi, iru pomonaе pecanamataxeinae jiwi pamdu. Bapon xote uncue Pablo. Daxita judiomonaе iru Jerusalén tomarapiwi, iru Cesarea tomarapiwi, daxita barapomonaе Pablo jume yabara paebatsi xua pinae abe exana. Matautano barapomonaе neitoroba nawita xua bepa pinae Pablo itorobin xua petupaewa tsane.

<sup>25</sup> Ichitha xan saya tacoya nanta xeinan be jopa neichichi abe exanaeyo, poxonaе nejume nota, poxonaе tsipaeban. Daxota jopa becaenaetaxubinyo xua pebexubiwa tsainchi. Ichitha Pablo netsipaeba xua bepa ponaеi romanomonaе itorobiya pia pepa peewatsinchi tatsi beya, pon pewun Augusto, tsipei bepa pinae yabara paebichi xua penatsicuentsiwa xua abe peexanaexae. Daxota yabara najantu coyene wetan xua bapon Pablo taitorobiwa tsane bara beya.

<sup>26</sup> Yaitama bapon jopa abe exanaeyo, jopa yaputaeinyo xua eta be tajumichiwa tsane barapo cartatha poxonaе Pablo itorobin xuano xua cartano cayabara cui pu catsin bara beya. Daxota anoxuae Pablo painya itabaratha cuaranotan. Xam Agripa, pon neyanacua ewatsin jiwi, moya matha copiya yainyabare Pablo, tsipei tha beta cui yabara tatinaetsi bara beya pontha pon romanomonaе itorobiya pia pepa peewatsinchi.

<sup>27</sup> Tsipei inta jopa xanepanaetsipae icha itorobichipan Pablo pon pewaetabinchi icha jopa yabara paebinchipae xua pocotsiwa bapon peexanaexae, jei Festo xua Agripa tsipaebatsi.

## 26

*Meje yabara poxonae Pablo pia coutha cuita paeba, Agripa peitabaratha tatsi, pon peyanacua ewatsin jiwi*

<sup>1</sup> Bara nexata Agripa Pablo baraichi, jeye:

—Icha jinya paebichi, moya taema, jei.

Barapoxonae Pablo namax<sub>u</sub> yoicha xua Agripa jacobatsi. Barapoxonae namchi, jeye:

<sup>2</sup> “Agripa, pon neyanacua ewatsin jiwi, maisa bichocono j<sub>unt</sub><sub>u</sub> coyene weiweinan, xua anoxuae neitabaratha tana nayabara jume paebixae tsane pocotsiwa bayatha neyabara paeba judiomonae po coyene xua pinae abe exaneiban.

<sup>3</sup> Poxoru yaitama, xam Agripa, bayatha yaputaneme pata j<sub>unt</sub><sub>u</sub> coyenein pomonae judiomonae panxaein. Yaputanemeno baxuan xua pana najume matsontsonoban. Daxota cabaraichi xua saya beta nejume taema xua jopa aitaconaeinde”, jei Pablo.

*Meje yabara poxonae Pablo nayabara paeba, poxonae pinae cataunxuae jopa jume cow<sub>unt</sub>siyo Jesús*

<sup>4</sup> Equeicha Pablo namchi, jeye: “Daxita judiomonae barapomonae neyaputane xua poxonae pexuyon, poxonae caena bayatha pia xantha tatsi poponan xua tanacuaxae. Barichino neyaputane poxonae Jerusalén tomaratha poponan.

<sup>5</sup> Icha yainyabatsipame barapomonae, yabara catsipaebichipa pocotsiwa exaneiban xua fariseomonae pocotsi j<sub>unt</sub><sub>u</sub> coyene cuidubeiba, pocotsiwa judiomonae cuidubeibatsi, tsipei xan fariseomonaepin. Daxita barapomonae yaputane xua caena bayatha jume cow<sub>unt</sub>tan daxita pocotsiwa xua barapomonae itoroba. Fariseomonae itapeta cuita exaneiba pocotsiwa Nacom itoroba beyacaincha ichamonae xua exaneiba.

<sup>6</sup> Judiomonae necapona xote tsipei saya poxoru yabara w<sub>un</sub>ae ewatan xua hexa Nacom as<sub>u</sub> exanaena pomonae xua werapa. Baxua pinae Nacom wamo susato jiwi yabara tsiw<sub>un</sub>ae muxu dutatsi.

<sup>7</sup> Patamonae pomonae Israel nacuamonaepiwi pomonae xua doce pomonae bicheitobe, baxua yabara jume cui w<sub>un</sub>ae ewata poxonae pet<sub>u</sub>paewi equeicha as<sub>u</sub> exanaeinchi, xua poxonae Nacom exanaena. Daxota barapomonae Nacom w<sub>un</sub>ae jainteibatsi. Matautano itapeta exana pocotsiwa Nacom itoroba, merawithano, matabithano. Xam Agripa pon neyanacua ewatsin jiwi catsipaebatsi baxua tayabara jume cow<sub>unt</sub>sixaer<sub>u</sub>, daxota judiomonae neyabara paeba xua pinae abe exanan.

<sup>8</sup> Painya xoba pananta xeiname xua Nacom jopa itac<sub>u</sub>paetsi xua equeicha jiwi as<sub>u</sub> peexanaewatsi pomonae xua werapa”, jei Pablo.

*Meje yabara poxonae Pablo nayabara paeba xua pinae copiya abe exana nawita pomonaetha pomonae pejume cow<sub>unt</sub>siwichi Jesús*

<sup>9</sup> Equeicha Pablo jeye: “Xan copiya tacoutha nanta xeinan xua bewa bichocono abe exanaein pomonaetha pomonae Jesús pejume cow<sub>unt</sub>siwichi pon Nazaret tomarapin.

<sup>10</sup> Jerusalén tomaratha baxua exanan. Sacerdotemonae pia pentacaponae<sub>u</sub> pia peitorobi coyenewa necata xua daxota tana necui j<sub>u</sub>paewa xua jiwi tacaponae<sub>u</sub> jiwi pec<sub>u</sub>bi botha. Pinmonae<sub>u</sub> cai caponan, pomonae Jesucristo pejume cow<sub>unt</sub>siwi. Xan yabara jume jejan xua barapomonae pejutewi<sub>u</sub>tsi.

<sup>11</sup> Anaya caenaetan, peraxa exananno poxoru ichipan xua barapomonae pentsina xua Jesús pejume cow<sub>unt</sub>siwatsi. U baxua exanan. Daxita judiomonae pia penacaetutsi bontha tatsi exananno. Bichocono anaepanan. Daxota icha nacuantha ponan taje-ichinexa pomonae pejume cow<sub>unt</sub>siwichi Jesús xua barapomonae abe taexanaenexa”, jei Pablo.

*Meje yabara poxonae equeicha Pablo nayabara paeba poxonae pinae jume cow<sub>unt</sub>ta Jesús*



<sup>12</sup> Equeicha Pablo namchi, jeye: “Barichi sacerdotemonaē pia pentacaponae wi tatsi pia peitorobi coyenewa necata xua daxota tana necui jupaewa xua taponae wa Damasco tomara beya, xua pomonaē jume cowanta Jesucristo tacaponae nexa tsane Jerusalén tomara berena.

<sup>13</sup> Xam pon neyanacua ewatsin jiwi bara xaniwaicha catsipaebatsi poxonaē namtotha paenaponan poxonaē mateinyaxae tsuxubi pecoicha tan xua peitaboco wejopeica, pin coicha po coicha beyacaincha xua xometo. Barapo coicha pomonaē nepuna pona nebarū matawacaicha matatsun uncueica.

<sup>14</sup> Nexata daxita iratha paothopan. Jume tan xua pon hebreo jumetha nebarai, jeye: ‘Saulo, Saulo, ¿eta xua tamonaē inta abe exaname? Poxonaē tamonaē peraxa exaname, apara jinya coutha atene nacana exaname icha be buey ichi poxonaē ba pia coutha xua xota sojei nataxu matababa’, nejei.

<sup>15</sup> Nexata jume notan janje: ‘Pon jiwi Necanamataxeinaem, ¿jintam xamda?’ jan. Ne-jume nota jeye: ‘Apara bara xan, Jesús ponxaein inta abe exaname tamonaē pomonaē tana nejume cowantsiwi.

<sup>16</sup> Nontaponde. Xua anoxuae necotame catsita naitatatsi. Apara tha tana nejume yopichim. Matautano bexano equeicha ichawa necotsiname tana neyabara paebinexam tsane baxuanno.

<sup>17</sup> Cacui itorobatsi xua Nacom Pejume Diwesi necueicueijamnexam. Nexata cacapanepaeinchi poxonaē juntucuru caperaxa exana judiomonaē irū pomonaē jopa judiomonaē naexanaeyo.

<sup>18</sup> Caitorobatsi judiomonaetha irū pomonaetha pomonaē jopa judiomonaē naexanaeyo xua jopa equeicha pejinompaenexa poxonaē jopa jume cowantsiyo. Matautano caitorobatsi xua barapomonaē jopa peexanaponaenexa pocotsiwa caurimonaē pia pentacaponaein tatsi itoroba, pon Satanás, jame meisa peexanaenexa pocotsiwa Nacom itoroba. Matautano caitorobatsi xua barapomonaē tana nejume cowantsinexa. Bapoxonaē yabara jantemainaein barapomonaē abe pia peexanaē cuiru coyenein tatsi, matautano xua pexeinaenexa pocotsiwa Nacom yabara tsiwūnaē muxu duba’, nejei Jesús”, jei Pablo.

*Meje yabara poxonaē Pablo exana pocotsiwa Nacom itoroba poxonaē tsita naitatatsi namtotha*

<sup>19</sup> Equeicha Pablo namchi, jeye: “Agripa, xam pon neyanacua ewatsin jiwi, xan jopa jumefebinyo xua Jesús neitoroba poxonaē itaboco wenetsita naitatsica xua namtotha netsita naitata poxonaē pecoichatha jume tan xua Jesús netsipaeba.

<sup>20</sup> Copiya matha Damasco tomarapiwi tsipaeban Nacom Pejume Diwesi. Bapoxonaē equeicha barapo diwesi tsipaeban Jerusalén tomarapiwi. Bapoxonaē equeicha daxita Judea nacuamonaepiwi barapo diwesi tsipaebanno. Irū pomonaetha pomonaē jopa judiomonaē naexanaeyo tsipaebanno. Barapo diwesi tsipaeban xua barapomonaē icha jantū coyenein pexeinaenexa, yawa Nacom pejume cowantsinexatsi, matautano xua barapomonaē petsita itapeinya xeinaenexa jiwitha xua bara Nacom jume cowantatsi xua beta peexanaexae.

<sup>21</sup> Daxota judiomonaē newaetaba poxonaē Nacom pin pia botha patopan yawa bepa nebexubei.

<sup>22</sup> Ichitha Nacom neyawena. Daxota awiya Nacom Pejume Diwesi paeban bi-chocono daxita i dapomonaeintha pomonaetha pomonaē pepawi jiwi irū poponaethano pomonaē peainya cui jiwi. Baraxua saya meisa paeban be pocotsi coyeneya matha juinya Moisés yabara wūnaē tsiwanaya paeba irū be pocotsi coyeneya matha juinya Nacom peitorobi jume pepaebiwi yabara wūnaē tsiwanaya paeba.

<sup>23</sup> Barapomonaē tsipaeban po diwesi yabara xua pinae bexa Mesías peraxa exanaeinchi ichamonaē. Matautano bapon pinae pon xua copiya pomonaē pewerapaewi

as<sub>u</sub> nanta caexanaeinchi. Matautano xua pinae judiomonae ir<sub>u</sub> pomonae jopa judiomonae naexanaeyo yabara yaputane exanaeinchi pecapanenebiyae diwesi jume”, jei Pablo xua Agripa tsipaebatsi.

*Meje yabara poxonae Pablo paeba Jesús pejume diwesi Agripatha xua Agripa pejume cowantsinexa*

<sup>24</sup> Poxonae baraxua Pablo najume weta xua nayabara jume paeba, Festo jume daunweya wawai, jeye:

—jPablo, maisa cantsiyaibeca poxoru saya <sub>u</sub> necuidubi daxota cantsiyaiba! jei Festo.

<sup>25</sup> Pablo jume nota, jeye:

—Festo ponxaem tacabar<sub>u</sub> cui itura jinaeinchi, jopa nentsiyaibiyo apara. Xuaunxuae paeban, apara seicayar<sub>u</sub> xua xaniwaicha paeban xua bara apara pexainyeiwa.

<sup>26</sup> Ee taema, Agripa, pon pepa peyanacua ewatsin jiwi pon xote eque. Bapon yaputane xua xaniwaicha paeban. Bapontha jopa junuwinyo xua tsipaeban. Xuaunxuae catsipaebatsi bapon baxua daxita yaputane poxoru jopa namicha exanaeinyo.

<sup>27</sup> Agripa, xam pon neyanacua ewatsim jiwi. ¿Jume cowantame pocotsiwa Nacom pia peitorobi jume pepaebiwi paeba? Bara yaputan xua bara jume cowantame, jei Pablo.

<sup>28</sup> Agripa jume nota, Pablo jume notatsi, jeye:

—Saya caeto netsipaebame. Saya barapo jumetha nanta xeiname xua xan nainya jume cowantsinan Jesús, jei Agripa.

<sup>29</sup> Nexata Pablo namchi, jeye:

—Xua caeto paca tsipaebatsi yawa icha matowa paca tsipaebatsi bara ba Nacomtha pacata w<sub>u</sub>catsi xam nexa, ir<sub>u</sub> pomonae nexa, pomonae nejume tane painya nejume cowantsinexam tsane Jesús. Ichichipan xua painya neexanaewa icha ichin xua tajume cowantsiwa, bara bequein jopa ichipaeinyo xua painya nemax<sub>u</sub>tha painya nexeinaewa jiwi pec<sub>u</sub>bi nainto be pocotsi nainto xuaunxuae tamax<sub>u</sub>tha ducua, jei Pablo.

<sup>30</sup> Poxonae Pablo najume weta baxua, Agripa pon peyanacua ewatsin jiwi ir<sub>u</sub> Berenice asiya uncuatababe. Ir<sub>u</sub> Festo pon peyanacua ewatsin jiwi asiya uncuataba. Pomonae ir<sub>u</sub> ena asiya umenar<sub>u</sub>c<sub>u</sub>pa.

<sup>31</sup> Aisowa be-iyiya barapomonae natsipaeba, najei:

—Barapon Pablo jopa apara abe exanaeyo po coyeneyatha xua daxota bapon pebexubinexatsi, matautano po coyeneyatha xua daxota bapon jiwi pec<sub>u</sub>bi botha peetsinexatsi, najei barapomonae.

<sup>32</sup> Agripa tsipaeba, Festo baraichi, jeye:

—Icha metha jopa naca w<sub>u</sub>caetsipae Pablo xua peponaewa tsane pontha pon romanomonae itorobiya pia pepa peewatsinchi xua baxotiya peyabara paebinxatsi penatsicuentsiwa xua abe peexanaexae metha pu copatsipatsi xua bara pepanepaewa tsane yatsicaewa, jei Agripa.

## 27

*Meje yabara poxonae Pablo Roma tomara beitorobiyatsi*

<sup>1</sup> Barapomonae naj<sub>u</sub>nt<sub>u</sub> coyene weta xua pata taneitorobiwa Italia nacua beya. Pablo ir<sub>u</sub> ichamonaer<sub>u</sub> pomonae peteiquebiwichi daxita barapomonae itorobatsi Roma tomara beya. Pon barapomonae matab<sub>u</sub>x<sub>u</sub>yo soldadomonae bicheito w<sub>u</sub>n dutatsi “Augusto soldado bicheito”, jei, poxoru barapo soldadomonae Augusto tanacuitatsi, pon romanomonae itorobiya pia pepa peewatsinchi. Barapo soldadomonae Pablo ir<sub>u</sub> ichamonaer<sub>u</sub> caponatsi Augusto beya.

<sup>2</sup> Pepa weranaetha pawarapan, po nae Adramitio tomara werena pona. Barapo nae equeicha Asia nacua beya ponaena. Po tomaraxi pitapatha ena barapo tomaraxi bepa

siwa ponaei. Ichun pana cueyata. Bapon pewun Aristarco Tesalónica tomarapin. Barapo tomara Tesalónica tomara eca Macedonia nacuatha.

<sup>3</sup> Icha matabitha Sidón tomaratha papatan. Baraxota barapon Julio, Pablo baru jume wunaetsi. Matautano bapon Julio, Pablo copatatsi xua bara Pablo piamonae pesiwa ponaewa tsainchi, xuano xua bara Pablo peyawenaenexatsi xua xoxi nantawenona.

<sup>4</sup> Bara Sidón tomara wepawarapiyan weratha. Bara weratha paenaponan joibo cuiyainwa Chipre tunaeto pantawaqueban, yaitama bichocono pin joibo dena ichaxoyo copiya payiyan.

<sup>5</sup> Bara mar mene iya paenaponan, Cilicia nacua, Panfilia nacuano imoxoyo pacaquita enaponan. Bapoxonae Mira tomaratha papatan, po tomara Licia nacuatha eca.

<sup>6</sup> Baraxota pon soldadomonae pia pentacaponaein tatsi bapon icha nae taeba baraxota. Barapo nae Alejandría tomara werena pona. Barapo nae iru seicaya Italia nacua beya ponaena. Barapo naetha equeicha Julio pana baru iya Italia nacua beya.

<sup>7</sup> Ainya matabin saya bewayo paenaponeiban, poxoru yaitama joibo jera caewa carena tsaibi. Gnido tomara paxenta enaponan. Salmón tomarano paxenta enaponan. Creta tunaetono pantawaqueban.

<sup>8</sup> Bewayo weratha paenaponan, pitapa pacaquita enaponan. Tomaratha papatan ichaxota pexutoroto. Baxota pajebounan, po tomara pewun Buenos Puertos. Barapo tomara imoxoyo eca ichaxota Lasea tomara.

<sup>9</sup> Baraxota came awiya ainya matabin paenan. Bayatha yapu caewa barapo matabin poxonae barapomonae warapapaeba barapo matabitha xua pin mene mara mene iya. Tsipei imoxoyo awabo tsurucuae tsoponae, daxota Pablo nanta xeina xua icha metha paponaeitsipan, panacabetsipan. Daxota barapomonae Pablo muxuweta.

<sup>10</sup> Pablo namchi, jeye:

—Pebiw pam, pana nejume taema. Ichaunxuae warapaeinchi methaunxuae nacabetinchi. Matautano methaunxuae weranae abe exanaena. Matautano xoxino xua capoinchi methaunxuae napentsina. Matautano jiw methaunxuae napentsina, jei Pablo.

<sup>11</sup> Ichitha soldadomonae pia pentacaponaein tatsi, bapon Julio, jopa jume naitomat-siyo xua Pablo tsipaeba. Ichitha dapu jumetha saya meisa pon jera pecanamataxeinaein iru pon jera pexeinaein, baponbe itapeta jume naitomatatsibe.

<sup>12</sup> Barapomonae nanta xeina, xua baraxota jopa beenaeyo poxoru barapo tomara jopa cui wunaeyo xua jera pebocewa poxonae awabo pin joiboxae. Pinmonae barapomonae jiwana tsita xanepanatsi xua Buenos Puertos weya pewarapaenexa jeratha Fenice tomara beya, po tomara eca Creta tunaetotha. “Methaunxuae tsiwanaya payaeinchi penacabetsi awabo, joibono”, jei. Barapo tomara cui wuna xua ichaxota jera jebouneiba. Baxota joibo yayapa poxoru tomara naita cafeteca, poxoru joibo jopa patopaeyo pocotsiwa wetsica yawa pocotsiwa wetsina. Baraxota bepa enaei poxonae awabo tsuxubi.

### *Meje yabara poxonae maratsaca daunwei pepa mar mentha*

<sup>13</sup> Nexata bewayo joibo tsuncuae, be pocotsiwa parowa wejopeina. Daxota barapomonae namchi: “Bu poinchi cataunxuae saya tsiqui joibiyo”, jei. Bapoxonae totabiya jera. Barapo Creta tunaeto imoxoyo pitapa pacaquita enaponan weratha.

<sup>14</sup> Poxonae saya caeto paenaponan bapoxonae pin joibo pana epa taepona, Creta nacua tunaeto wejoparena. Jera epa yutaba.

<sup>15</sup> Nexata joibo jera muxunenababa. Canta joibo nawita, daxota jopa paponaeinyo joibo beya. Daxota saya pacopatan xua saya bara joibo pana yanacaputabiyaenaba.

<sup>16</sup> Cauda tunaetiyo bepana yanacaputabiya. Baraxota ichaxota joibo yayapa, tsica naeyo jeriyo po naeyo paquetoutan, pajontaxuinan pepa naetha.

17 Panacuitontan xua pajonta xuinan. Barapo naeyo pepa jeratha pacutabotan. Nexata jera penacuichiwi pepa bɯmacantha pɛɯma wemɯxɯbɯɣɯ capabina, mɯxɯbɯɣɯ babataruba xua pewacatabiyainwa joibo. Nexata barapomonaē bichocono junuwa poxoru nanta xeina xua mexeya itara jera naxatatabawei taetabotha, po taetabo pewɯn Sirte. Daxota wera jontabota jeratha. Saya jera caputabiya joibotha.

18 Icha matabitha came awiya maratsacan bichocono daunwei. Daxota ichawan mentha bebai xua xuan capona.

19 Icha matabitha daxota pabeban xua jeratha jeba tsipei ichichipa xua tafafanatsi.

20 Ainya matabin came awiya jopa panecotsinyo xometo. Opiteino jopa panecotsinyono. Pajunuwan. Pananta xeinan: “Metha aparaunxuae jopa nacapanenebiya tsainchi. Bunothropaeinchi aunxuae”, pajan.

21 Ainya matabin pana yapu xenaca xua jopa panabanaeinyo. Pablo nontapona. Barapomonaē baraichi, jeye:

—Bara bayatha paca tsipaebatsiba: ‘Creta tunaeto beya, jopa pawarapaeinde’, paca baraichiba. Daumetha equeicha pawarapame. Daxota aunxuae jera abe exana. Matautano pananta puxanameno xuaunxuae pabebam xoxi pacaponame.

22 Ichitha saya jopa pajunuwinde. Jopa pajiwana tɯpaem tsane, bequein meisa jera naxubina.

23 Merawi matatsunpin netsita naitata. Barapo matatsunpin Nacom itoroba pon Tanacom xuano xua taexanaexae pocotsiwa bapon neitoroba.

24 Barapo matatsunpin nebarai: ‘Pablo jopa junuwinde poxoru bexa tsane romanomonaē itorobiya pia pepa peewatsinchi pon Augusto, peitabaratha tatsi uncuaename. Daxota pomonaē xua napona cata capanepatsi Nacom’, nejei matatsunpin.

25 Daxota, paxam pana najɯntɯ coyene tsacabare, poxoru xan nanta xeinan xua pocotsiwa matatsunpin netsipaeba bara baxua exanaena.

26 Ichitha petunaetotha naca monapentsina, jei Pablo.

27 Poxonaē catorce po matabibe tsuxubi, barapoxonaē mar mene pacaxiban. Barapo pepa mar mene pewɯn Adriático mene. Barapo mentha joibo pana yana muxunenababa. Merawi papaetha, pomonaē petanacuichiwi barapo naetha, barapomonaē nanta xeina xua imoxoyo ira itiya pona.

28 Barapomonaē mene epa tutu canaɯbareca. Treinta y seis po mɯ epatiyobe xeina xua iratha deca. Caeto equeicha mene epa tutu canaɯba, baxota veinte y siete po mɯ epatiyobe xeina xua iratha deca.

29 Barapomonaē pejunuwixae xua jera tofotabina poxonaē yɯtabina ibowantha, daxota barapomonaē po nainto arewe, xua jera duntaba exanaduta petafe xoreca. Cuatro po naintobe xoreca peruntaba exanadutsinexa. Matautano barapomonaē Nacomtha wɯca xua xometo penta tsane, penecotsinexa tsane.

30 Pomonaē petanacuichiwi barapo naetha barapomonaē nanta xeina xua pɛɯcapaewa. Daxota barapomonaē naemata po nainto arewe dureca pɛɯxɯreca. Ichitha tsiqui naeyo mentha durecano, poxoru pia namicha dɯcapaetsi barapo naeyotha.

31 Pablo barai Julio, pon soldadomonaē pia pentacaponaein tatsi, xuano baraino soldadomonaetha, jeye:

—Icha pomonaē petanacuichiwi barapo naetha icha jopa enae tsane barapo pin naethe, jopa Nacom capanenebiyae tsane, jei Pablo.

32 Daxota soldadomonaē jeriyo mɯ ucuiba. Jeriyo mentha jopeica.

33 Poxonaē caemɯmbo, Pablo pijiwimonaē jain itoroba. Pablo pijiwimonaē barai, jeye:

—Bayatha dos po semanabe painya junuwi jopa bichocono panabanaem poxoru pajunuwame xua pabunothopame.

<sup>34</sup> Daxota pin jumetha paca jeichichi. Moya matha paxaema tsipei baxua ainya cui xua painya nenacapanenebiyaenexam. Bara caein jopa napuxanae tsane. Matautano jopa caentanatiyo aichurucuae tsane.

<sup>35</sup> Poxonae Pablo najume weta, pecobetha pan pita, Nacomtha tsipaeba barapomonae peitabaratha tatsi. Barapoxonae pan epa janaxuba. Bapoxonae xane.

<sup>36</sup> Bapoxonae barapomonae najuntɩ coyene tsacabarɩcɩpa. Matautano barapomonae daxita jɩntema nabanerɩcɩpa.

<sup>37</sup> Jerapiwi doscientos setenta y seis po matabɩxɩmonaebe pan xua daxita pan.

<sup>38</sup> Poxonae barapomonae najain wetarɩcɩpa, daxita barapomonae trigo xu bebai pepa mentha poxoru bepa jera tafafanaetsei.

### *Meje yabara poxonae jera bunareca*

<sup>39</sup> Poxonae xometo baya pentha tsina, pomonae petanacuichiwi barapomonae jopa yaitaeyo ira, po iratha muxu pepatsi. Poxonae barapomonae pexutoroto tane, barapomonae nanta xeina xua juntucuru jebounaena taetabo itapatha.

<sup>40</sup> Daxota barapomonae nayana mɩ ucuiba, xua po nainton arewe mene bɩpana bobendeca. Po catenano pecabobotsi catena, barapo catenano isanaxoreca. Nexata paparuwa duta wera naetotha. Barapo wera pebɩxɩtha duta. Jera nainya cacuita caputabiya ira.

<sup>41</sup> Ichitha barapoxonae barapo nae ichaxota tsewa tuwɩtha naxatatabarena. Bɩxɩ naxatatabuncua bichocono. Petafe fotaba maratsacatha.

<sup>42</sup> Soldadomonae bepara jutebei pomonae peteiquebi jiwichi, tsipei poxonae mentha othopaena mexeya itara dɩcɩpaenawei.

<sup>43</sup> Ichitha soldadomonae pia pentacaponaein tatsi, bapon Julio, ichipa xua Pablo asɩ popona. Daxota Julio jopa yabara jume copatsiyo xua jutebinchi pomonae peteiquebi jiwichi. Bapoxonae Julio itoroba pomonae yaputane xueiba, copiya pepatsinexa tsane pepa iratha.

<sup>44</sup> Pomonae xua jopa xueibiyo napaewan cobena xueibiya. Matautano barapo jera pepan cobena xueibiya. Daxota daxita panenebiya pepa iratha.

## 28

### *Meje yabara poxonae Pablo Malta tunaetotha patopa*

<sup>1</sup> Poxonae po tunaetotha papanenebiyan ichamonae pana tsipaeba: “Apara Malta tunaeto”, jei.

<sup>2</sup> Malta tunaetopiwi beta pana matenta weiweinaya waba. Bichocono ema duna. Ema pana atsana. Aqueno. Daxota barapomonae pin isoto itutaeta. Bapoxonae barapomonae pana waba: “Antha panonopenare”, jei.

<sup>3</sup> Pablo isoton nota po isoton tsewa. Poxonae barapo isoton pepa isototha bebebeya, barapo isotontha jomo athabe jopeina poxoru bichocono atou. Pablo cobe sinaducuatsi barapo jomo.

<sup>4</sup> Malta tunaetomonaepiwi, Pablo cui tainchi xua jomo cobe sinaducuatsi. Barapomonae nantiya natsipaeba, najei: “Barapo pebin apara pon jiwi pejutebin. Bequein panepa pepa mar mentha ichitha barapo nacom, po nacom pewɩn Justicia, bapon itoroba jomo pesinarucuaenexa tsainchi, xua bapon jopa pepoponaenexa tsane”, jei barapomonae.

<sup>5</sup> Ichitha Pablo nacobe nɩnɩtaba jomo isototha. Saya axaibi tsuncuae Pablo.

<sup>6</sup> Daxita barapomonae Pablo cui necotumeinchi xua cobe putsunanaya yawa icha iratha jopiyaena petɩpaein. Bayatha cui wenaewatumena. Poxonae baxua jopa daichiyo, daxota equeicha ichawa nanta xeinarɩcɩpa: “Metha moya bara Pablo nacom tsecae”, jei bapomonae.



<sup>7</sup> Ichaxota isoto, baxota ainya iran bobena Malta tunaeto peewatsin, bapon pia iran tatsi. Bapon, acoibi po matabibe beta pexaewa pana apata. Baxota yawa pamaitenan. Bapon pewan Publio pon iran pata tan.

<sup>8</sup> Publio paxa tatsi camatha boca. Domaebatsi. Suibatsino. Pablo barapo tutu bejoniya ichaxota bapon boca. Bapoxonae Pablo cobe jayabiya tsipaeba Nacomtha. Bara bapon axaibi tsanaya.

<sup>9</sup> Poxonae baraxua exana Pablo, daxita Malta tunaetomona, pomona peatenewi, baxota pata. Iru Pablo axaibi exanaru daxita barapomona.

<sup>10</sup> Malta tunaetomona pana baru cui itura jina nawita. Bapoxonae poxonae equeicha pawaraparucupan jeratha, pana nepu catsiba xua xoxi pata nantawenonaenexa poxonae weratha pawarapan.

### *Meje yabara poxonae Pablo Roma tomaratha patopa*

<sup>11</sup> Poxonae acoibi po xometiyobe payapucaewan barapo Malta tunaetha, barapoxonae pawarapan. Pawarapan weratha po naetha po nae barapo Malta tunaetha ayawabo tsuncuae. Barapo nae Alejandría tomara werena peponae nae. Barapomona barapo naetha petafetha cuareta naewiyo be jityoyobe. Saya canaxoba pia nacombe. Icha nacom pewan Cástor. Icha nacom pewan Pólux.

<sup>12</sup> Siracusa tomaratha pajebounan. Barapo tomaratha acoibi po matabibetha paenan.

<sup>13</sup> Barapo tomara wewarapiyan, Siracusa tomara weya. Bapoxonae Regio tomaratha papatan. Icha matabitha joibo wexubiye Puteoli tomara bepana yanacaicha ainya merawibe. Baxota papatan Puteoli tomaratha.

<sup>14</sup> Baraxota pacaxiban pomona iru pejume cowantsiwichi Jesús. Barapomona pana waba: “Cae semanatha pana baru enare”, jei. Bapoxonae equeicha Roma tomara bewarapiyan. Peca payiyan.

<sup>15</sup> Pomona iru pejume cowantsiwichi Jesús, Roma tomaramonaepiwi, cou pana yabara jume tane xua imoxoyo papatan. Daxota cou ichamona pana siwa dena dena pecaerena. Foro de Apio tomara beparena. Ichamona Tres Tabernas tomara beparena pia pana taetsi. Poxonae Pablo barapomona tane, Nacomtha tsipaeba. Pablo juntu coyene sadujei xua jantema pepoponaewa poxonae tane pomona pejume cowantsiwichi Jesús.

<sup>16</sup> Poxonae Roma tomaratha papatan, soldadomona pia pentacaponaein tatsi, copata xua Pablo bara saya pepoponaenexa icha botha, xuano xua saya caein Pablo peyapu eenaenexatsi soldadomonaepin.

### *Meje yabara poxonae Pablo Nacom pexeinya jume diwesi paeba Roma tomaratha*

<sup>17</sup> Poxonae acoibi po matabibe yapucaewa, Pablo najume caruta ichamonaetha petawabinexa tsainchi Roma tomarapiwi, pomona judiomona pia pentacaponaei tatsi. Poxonae barapomona pata, Pablo barai barapomona, jeye:

—Tamona, jopa abe exanaeinyo wamonaetha pomona judiomonaexae. Matautano bequein jopa abe exanaeinyo wamo susato jiwi piamona pia coyene cuitha tatsi, ichitha barapomona newaetaba. Matautano jiwi pecabi botha necapona Jerusalén tomaratha xua romanomona pia pentacaponaei tatsi pia xantha tatsi.

<sup>18</sup> Barapomona, romanomona, neyabara yainyaba nawita xua icha abe exanan. Ichitha barapomona neyaputane xua jopa abe exanaeinyo. Daxota barapomona ichipa xua saya tana necopatabiwa tsane. Romanomona aichaxaibi xua jemeicha saya nenacui cayantomata xua tana nebexubiwa tsane tsipei pinae jopa abe exanaeinyo.

<sup>19</sup> Ichitha judiomona neapusiwa xua jopa taponaeewa tsane. Daxota bewa wucaein xua taponaeewa tsane romanomona itorobiya pia pepa peewatsinchi beya, xua tana

neyabara paebinexa tsane icha metha abe exanan. Baxota ponan bequein jopa xeinaeinyo xua po coyene tayabara paebiwa tamonae xua abe exana.

<sup>20</sup> Daxota paca wabatsi tha paca cataetsi xuano xua tha panejume taecham. Waxainchi israelmonaexaetsi wunaewatatsi pon Nacom itorobicapaeba. Tajume cowantsixae baxua daxota anoxuae penainto tamaxutha ducua, jei Pablo barapo pentacaponawitha.

<sup>21</sup> Barapoxonae romanomonae Pablo baraichi, jeichichi:

—Jopa panta patopaeyo carta Judea nacua werena xua xam necayabara tinaewa. Po judiomonae, Judea nacua werena pata pomonae patamonae, barapomonae jopa abe cayabara paebiyo.

<sup>22</sup> Paichichipan paca jume tainchi xua jinya coutha nanta xeiname. Poxoru daxita nacuan pajume tan, xua Jesús pia pena pecuidubi coyenewan tatsi abe yabara paeba, jei barapo judiomonae pia pentacaponawitha tatsi xua Pablo tsipaebatsi.

<sup>23</sup> Pablo muxu tsipaebatsi po mataqueitha xua patsina. Barapo mataqueitha Pablo pia botha tapatatsi pin bicheito. Pablo baya tamropata pitaba xua tsipaeba barapomonaetha, beya yapentha. Pablo jume daunweya yabara cueicueije barapomonaetha po diwesi po coyene xua Nacom waba jiwi petanaexanaenexatsi piamonae tatsi poxonae Jesús jume cowantatsi. Matautano tsipaeba barapomonaetha Jesús yabara xua Jesús apara pon Moisés yabara paeba pia peitorobi coyenewatha. Matautano Jesús apara pon Nacom pia peitorobi jume pepaebiwi yabara tina pia petinae diwesintha.

<sup>24</sup> Xua Pablo po jume diwesi paeba, ichamonae jume cowanta poxonae cataunxuaeru ichamonae jopa jume cowantsiyo.

<sup>25</sup> Barapomonae be ainya bicheitobe natsicotane. Daxota bapomonaebe tamropata notarucupa xua peponaewa. Pablo namchi, jeye:

—Po diwesi Nacom pia Pejumope tunaxu tatsi cata xua Isaías catatsi xua bapon petsipaebinexa xua wamo susato jiwi petsipaebinxatsi, barapo diwesi po diwesi pexeinya diwesi, xua jeye:

<sup>26</sup> Ponde, barapomonaethano jande:

Pajume taneme ichitha jopa xapain payabara

jume yaputaem pocotsiwa pajume taneme.

Pataneme painya itacueretontha ichitha

jopa xapain payaputaem pocotsiwa panecotame.

<sup>27</sup> Barapomonae najuntu coyene ararana exana,

jopa peichichipaexae xua pejume taewa.

Matautano antaetabiya jume tane.

Barapomonae baraxuan exana,

poxoru jopa betaeyo peitacueretontha,

poxoru jopa bejume taeyono pemuxutontha,

yawa poxoru pejuntu coyeneintha jopa beyaputaeyo.

Barapomonae jopa ichipaeyo xua tana netsita

xeinaewa icha juntu coyene xua daxota jopa

neitacupaeyo xua tayabara jumentainaewa

abe pia peexanae cuiru coyenein tatsi,

jeyei Nacom pia Pejumope tunaxu tatsi xua

Isaías cueicueije exanatsi pinae, jei Pablo.

<sup>28</sup> Pablo cataunxuae cueicueije, jeye:

—Anoxuae xuano bexa tsaneno payaputaename xua pomonae jopa judiomonae naexanaeyo jume taena Nacom pia pecapanenebiyae diwesi. Bara barapomonae beta jume naitawatsina.

<sup>29</sup> Poxonae Pablo najume weta natsixibarucupa judiomonae. Poxonae pona barapomonae yabara najume matsontsonoba xua Pablo paeba.

<sup>30</sup> Pablo Roma tomaratha popona ainya weibe. Pia botha eca xua saya tanacowaeicha eca. Barapo botha daxita matenta weiweinaya wabeiba pomonae pesiwa poneibixaetsi Pablo.

<sup>31</sup> Pablo tayapu xanepanatsi xua pepoponaewa. Barapoxonae Pablo barapomon-aetha yabara tsipaeba po diwesi po coyene Nacom waba jiwi petanaexanaenexatsi pijimonae tatsi pomonae itorobiya peewatsixae. Matautano yabara cuidubano xua Jesucristo yabara, pon Pecanamataxeinaein jiwi. Romanomonae pia pentacaponaein tatsi Pablo jopa cui matawentichi.

Baja Lucas.

## Meje Po Carte Pablo Tatina, Roma Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Roma tomarapiwi*

<sup>1</sup> Xan, Pablon, apara pon tanacuichin amanaya Jesucristo nexa. Nacom newaba yawa tsana nenota xua necana exana Jesucristo pia peitorobi jiwi jiwana tatsin xua tacueicueijeinexa Nacom pia pecapanenebiyae diwesi jume.

<sup>2</sup> Barapo pecapanenebiyae diwesi jume caena bayatha Nacom yabara tsiwuna muxu duta Nacom pia peitorobi jume pepaebi jiwitha poxonae barapomona tina Nacom Pejume Diwesi xua Nacom yaputane exana, po diwesi xua Nacom pia pexeinya jume diwesi tatsi.

<sup>3</sup> Barapo diwesi yabara tinatsi Jesucristo, pon Wanacanamateaxeinaein, pon Nacom Pexanto tatsi. Poxonae bapon Jesucristo be jiton coyeneya naexana, xaniwaicha bapon David pia pemomoxi susato jiwanapin tatsi. Barapo David pon caena bayatha Israel nacuapiwi itorobiya pia pepa peewatsinchi.

<sup>4</sup> Poxonae Nacom pia peayapusu itorobi coyewatha Jesucristo pon Wanacanamateaxeinaein asu exanatsi petupa cuiru coyene weya, bapoxonae Nacom tsita itapeinya xeina jiwitha xua bapon Jesucristo bara Nacom Pexanto tatsi po pexantoxae tatsi pia jumope tuxaxu tatsi juntu coyene xanepana Nacomtha.

<sup>5</sup> Jesucristo pata tana neantobexae, Nacom pana cata pocotsi coyene xua pana netsita coyene xanepana xua pata tana necana exanaewa tsane Jesucristo pia peitorobi jiwi tatsi. Nacom pana itoroba pata cueicueijeinexa daxita nacua jiwitha xua barapomona pejume cowantsinexa yawa xua peexanaenexa pocotsiwa xua Jesucristo itoroba.

<sup>6</sup> Daxita barapomona pomona jume cowanta, paxam barapomona jiwana pam. Nacom iru paca waba xua paxam Jesucristo piamona tatsi jiwana pam painya nenaexanaenexa.

<sup>7</sup> Daxita pam pacata tinatsi pomona pajinompame Roma tomaratha, pomona pam xua Nacom paantobem. Yawano Nacom paca waba xua bapon painya tsita nenajuntu coyenein xanepana exanaenexam tsane. Barabu Nacom, pon Waxa, iru Jesucristo pon jiwi Pecanamamateaxeinaein baponbe paca yawenaenabe pia paca necaantobexae. Matautano baponbe barabu juntuema jinompa paca cana exanaena.

*Meje yabara poxonae Pablo ichichipa xua pesiwa ponaewa Roma tomara*

<sup>8</sup> Matha copiya Jesucristo wun caununaya tsipaeban Nacomtha, janje tsaibin: “Nacom, yabara juntu coyene weiweinan Roma tomarapiwi, tsipei daxita nacuan jiwi yabara paeba xua pinae barapo Roma tomarapiwi xaniwaicha beta cajume cowanta”, jan tsaibin Nacomtha.

<sup>9</sup> Ajuntuayapusuya Nacom tanacuitan. Nacom tacueicueijan pia jume diwesi xua pocotsi jume Pexanto tatsi tayabara paeban. Barapon Nacom bara yatsicaewa neyaputane xua matowa paca yabara nanta xeinaeya tsipaebaponatsi barapo Nacomtha.

<sup>10</sup> Nacomtha yainyabeiban xua icha bapon ichichipa xua bara metha neitacupaetsipa xua matapainya tapaca siwa ponaewatsi tsainchi.

<sup>11</sup> Paca siwa ponaeinchi tsipei bichocono ichichipan xua tapaca taewatsi. Ichichipanno xua tapaca cuidubiwatsi tsainchi xua Nacom pia Pejumope tuxaxu tatsi painya nepaca cayawenaenexa tsane painya juntu coyewatha. Bapoxonae paca juntu coyene ayapusu exanaena.

<sup>12</sup> Pocotsiwa xuaunxuae yabara paeban apara xua waxainchi caemonae nantiya wanajuntũ coyene tsacabinexa xua jũntema wajinompaenexa. Baxua nacana exanaeinchi poxonae wanatsipaebibinexa Nacom Pejume Diwesi, po jume diwesi pajume cowantame xua irũrũ jume cowantandũ.

<sup>13</sup> Tamonae pam, pomonae irũ painya nejume cowantsiwixae Jesucristo. Ichichipan xua payaputaneme xua matowa ichichipeiban xua tapaca siwa poneibiwa tsaibi tsainchi. Ichitha beya anoxuae jopa neitacũpaeyo xua tapaca siwa ponaewatsi. Ichichipan xua tapaca cuidubiwatsi Nacom Pejume Diwesi xua pejume cowantsinexa pomonae jopa copiya jume cowantsiyo, xua irũrũ pejũntũ coyene tsacabinexatsi pomonae copiya jume cowanta. Baxua barichin tsane icha bayatha ichin ichamon-aetha xua poxonae yawenan pomonae jopa judiomonae naexanaeyo xua pejume cowantsinexa.

<sup>14</sup> Nacom neitoroba daxita jiwitha. Daxota bewa cueicueijan tsane Nacom Pejume Diwesi daxita jiwitha, bequein metha bara tomarapiwi tsipae, ichacuitha metha bara bequein unupiwi tsipae, bequein metha peyaputaewi tsipae, ichacuitha metha bequein jopa peyaputaewi tsipae.

<sup>15</sup> Daxota bichocono ichichipan xua paxam irũ tapaca cuidubiwatsi tsainchi Nacom Pejume Diwesi pomonae pamxaem xua painya nejinompaewi pam Roma tomaratha.

*Meje yabara xua Nacom Pejume Diwesi xeina peyapusũ itorobi coyenewa xua jiwi pecapanenebiwatsi*

<sup>16</sup> Jopa ajumeurinyo xua tacueicueijejiwa Nacom pia pexeinya jume diwesi. Poxonae jiwi jume cowanta barapo diwesi, Nacom capanenebiya exana barapomonae abe pia peexanae cuiru coyenein weya tatsi pia peyapusũ itorobi coyenewatha. Nacom capanenebiya pomonae pia pejume cowantsiwichi, matha copiya judiomonae, bapoxonae irũ pomonae jopa judiomonae naexanaeyo.

<sup>17</sup> Barapo diwesi naca yaputane exana xua Nacom naca cana jũntũ coyene xanepana exana bapontha, xua jopa watsita natsicuentisixae xua abe waexanaexae bapontha. Nacom baxua naca cana jũntũ coyene exana saya poxoru ¼ meisa wayabara jume cowantsixae pocotsiwa exanapaeba, bapon. Nacom Pejume Diwesitha jeye baxua yabara: “Pontha, pon Nacom jũntũ coyene xanepana exana pia peyabara jume cowantsinxatsi pocotsiwa exanapaeba bapon ataya tsitecaeya poponaena”, jei Nacom Pejume Diwesitha.

*Meje yabara xua jiwi penatsicuentisiwa Nacomtha abe peexanaexae*

<sup>18</sup> Waxainchi yaputainchi xua Nacom anaepana pomonaetha pomonae abe peexanaewi. Daxota itorobica athawetsica po coyenetha xua barapo jiwi atene peexanaewatsi. Nacom anaepana, jiwi abe peexanaexae bapontha yawano abe peexanaexae ichamonaetha. Mataũtano barapomonae abe peexanaexae, jopa copatsiyo xua bara pia jũntũ coyeneintha peyaputaewa pexainyei jumein.

<sup>19</sup> Barapomonae bewa xaniwaicha bayatha yaputaena po coyene xua Nacom pejũntũ coyene tatsi. Tsipei bayatha Nacom tsita najũntũ coyene itũta barapomonaetha.

<sup>20</sup> Jiwi jopa itacũpaetsi xua paeba xua pinae jopa Nacom yabara yaputaetsi. Beya poxonae Nacom aena forota barapo cae pin nacue, jiwi yaputane xua Nacom xaniwaicha popona yawa pia peyapusũ itorobi coyenewa bapana jopa weraweracae tsane. Jiwi yaputane baxua poxonae tane pocotsiwa Nacom forota bequein Nacom jopa taetsi. Daxota jiwi natsiaenae cuenta exana Nacomtha pia coutha poxonae abeya paeba xua pinae jopa yaputaetsi Nacom.

<sup>21</sup> Bequein barapomonae yabara yaputane xua bara Nacom popona, daichitha barapomonae jopa barũ cui itura jinaeyo Nacom ponxae xua yatsicaewa pia pepa Nacom tatsi. Yawano barapomonae jopa jei tsaibiyo Nacomtha: “Nacom, pajũntũ coyene weiweinan xua pocotsiwa painta neexanaewamxae”, jopa jei tsaibiyo. Saya meisa



barapomonaе yabara nanta xeina dubenanaebiya pocotsiwa xua pepawi. Saya abeya nanta xeina dubenanaebiya xua daxota jopa yaputaeyo pexainyei jume.

<sup>22</sup> Bequein barapomonaе paeба xua pinae peyaputaewi daichitha be pomonaе xua jopa xapain peyaputae jiwi naexanaeyo.

<sup>23</sup> Barapomonaе jopa wɥnae jainchiyo Nacom, pon ataya tsitecaeya popona. Saya ɥ wɥnae pejainchi ibo nacomɥn, po ibo nacomɥn be tsita jiwichi xua saya peweraweracae coyene. Yawano icha ibo nacomɥn exana xua xuan be peyapupunaewi, yawano po ibo nacomɥn be jomon xua petompacuetontha pona, yawano po ibo nacomɥn be duwein xua pecobe xeina yawa pesito xeina.

<sup>24</sup> Daxota Nacom copata xua barapomonaе bara moya peexanaenexa abe peexanaewa be pocotsi coyeneya xua ichichipa. Baroxonaе barapomonaе nantiya nata exana pocotsiwa xua aura exanatsi pia pepontha.

<sup>25</sup> Baxuan Nacom copata xua peexanaewa barapomonaе, tsipei barapomonaе jopa jume cowɥntsiyo Nacom pia pexainyei diwesi jume. Saya barapomonaе itapeta ɥ jume cowɥnta xua xuan penaerabi diwesi jumein. Pocotsiwan Nacom forota baxuan barapomonaе be pia nacomɥn cana exana pejume cowɥntsinexa, mataɥtano xua barapomonaе pebarɥ cui itura jinaenexa xua wɥnae pejainchiwa nexa. Barapomonaе jopa wɥnae jainchiyo pepa Nacom, pon daxita peforotsin. Barapon waxainchi bewa wɥnae jainteibinchi xua ataya tsaibi tsane pia peexaneibixae waxainchi nexa. Je, bara ichi tsane.

<sup>26</sup> Daxota Nacom copata xua barapomonaе bara moya peexanaenexa pocotsiwan xua aura exanatsi pia pepontha pocotsiwan abe coyenewa peichichipaewan. Mataɥtano barapomonaе pia yabɥxi tatsi jopa equeicha exanaeyo po coyene yabɥxi ba exana poxonaе peichichipaewa pia pebin. Baroxonaе barapo yabɥxi exana xua cae yabɥxi naichichipa.

<sup>27</sup> Barichi pebiwi aichaxaibi po coyene pebiwi ba exana poxonaе peichichipaewa pia petsiriwa. Saya meisa bichocono pentɥtontha ichichipa exana xua cae pebiwi naichichipa. Barapo pebiwi nantiya nata exana pocotsiwa xua pin ura xeina exanatsi. Barapomonaе abe peexanaexae Nacomtha natsicuenta. Daxota Nacom copata xua barapomonaе pia pepon atene nata exana.

<sup>28</sup> Poxoru barapomonaе jopa ichipaeyo xua jopa pejume cowɥntsiwa Nacom, daxota Nacom copata xua barapomonaе moya bara abeya penanta xeinaenexa. Mataɥtano Nacom copata xua barapomonaе bara moya exanaena pocotsiwan jopa bewa exanae pocotsiwa xua abe.

<sup>29</sup> Barapomonaе jopa juniya jɥntɥ coyene yɥcaetsi xua peabe coyenewan. Barapomonaе nasi cui weiweina exanaduta, yawano abe exana ichamonaetha. Yawano exana xua ichichipa pocotsiwa ichamonaе xeina. Yawano ichichipa xua ichamonaе atene exanatsi. Barapomonaе uwa, ichamonaе uwatsi. Yawano barapomonaе juteba, ichamonaе jutebatsi. Yawano penabi coyene exana. Yawano barapomonaе jiwi muxujainyaba nawita. Yawano barapomonaе bichocono piamonaе caseba nawita. Yawano caemonaе nabarɥ paxapaxei xua ichamonaе abe yabara paebatsi.

<sup>30</sup> Yawano barapomonaе jume atsaquiya abeya yabara paeба xua ichamonaе pocotsiwa exana. Barichi barapomonaе Nacom casebatsi. Yawano barapomonaе biatane ichamonaе. Yawano pia coutha penayabara paebiwi xua pinae peainya cui jiwi. Yawano barapomonaе peabiwi xua ichamonaе aebatsi. Yawano jeita nawita pocotsiwan xua peabe coyenewa. Yawano jopa exanaeyo pocotsiwan xua paxeivi itorobeibatsi.

<sup>31</sup> Barapomonaе jopa ichichipaeyo xua Nacom peyabara yaputaewatsi. Yawano barapomonaе jopa jume xainyeya exanaeyo pocotsiwan xua exanapaebeiba. Yawano

barapomonae jopa xapain antobeyo ichamonae. Yawano barapomonae jopa ichamonae yabara jantemainaetsi xua abe exana. Yawano barapomonae jopa ichamonae xapain yabara nanta xeinaetsi xua peyawenaenexatsi.

<sup>32</sup> Barapomonae yaputane pocotsiwa xua Nacom itoroba. Yawano barapomonae yaputane xua pomonae barapo peabe coyenewan exana bewa werapaena. Bequein barapomonae yaputane baxuan ichitha awiya abe eexanapona. Yawano barapomonae juntu coyene weiweina, poxonae ichamonae iru barapo peabe coyenewan exana.

## 2

*Meje yabara xua Nacom yabara paebina penatsicuentisiwa jiwu, xua yatsicaewa pexainyei coyenewatha*

<sup>1</sup> Paca tsipaebatsi paxam judiomonae jiwana pam pomonae xua ichamonae pecayabara nanta xeinaewichi xua icha abe exana xuano xua icha jopa abe exanaeyo. Paxam jopa bewa pajam tsane ichuntha: “Xam abe exaname, natsicuenta exaname Nacomtha”, jopa bewa pajam tsane. Tsipei poxonae ichun payabara paebame xua penatsicuentisiwa xua abe peexanaewaxae, apara painya coutha panatsicuentame Nacomtha xua abe painya neexanaexae. Poxoru bichocono abe painya neexanaewi icha ichi pomonae payabara paebame xua penatsicuentisiwa xua abe pia peexanaewaxae.

<sup>2</sup> Waxainchi yaputainchi xua Nacom yabara paebina daxita jiwu xua penatsicuentisiwa xua abe peexanaexae xua yatsicaewa pexainyei coyenewatha xua abe peexanaexae bapontha. Poxonae Nacom yabara paebina xua penatsicuentisiwa jiwu, bapon paebina xua pomonae barapo peabe coyenewan exana bewa peraxa jubebinchi xua atene tsane.

<sup>3</sup> Paxam ichun payabara paebame penatsicuentisiwa xua abe pia peexanaewaxae. Apara painya coutha panatsicuentame Nacomtha xua iru paxam painya nebarichiwatham xua abe painya neexanaexae. Paxam jopa paca itacupaeyo xua painya nepanenebiwa poxonae Nacom atene exanaena xua poxonae yabara paebina jiwu xua penatsicuentisiwa xua pomonae abe peexanaewi.

<sup>4</sup> Paxam paaichaxaibim poxonae Nacom bichocono peichichipaexae xua painya nepaca yawenaewa xua painya nepaca antobexae. Yawa paxam paaichaxaibim poxonae Nacom abu saya jantema ewata xua beta pacata exanaena xua pomonae pamxaem xua pajume cowantsiname yawa atene paca exanaena pomonae pamxaem jopa painya nejume cowantsiwi. Nacom baxua exana pia xua paxam painya auratsi abe painya neexanaexae. Yawano pia painya bapoxonae Nacom wucaetsi xua painya nepaca cayabara jantemainaenexa painya abe exanae coyenewan.

<sup>5</sup> Paxam ainya unthuton paxeiname. Yawano jopa paichipaem xua icha juntu coyene painya tsita xeinaewa Nacom. Daxota paxam mataropeicha paexanaponame xua pocotsiwan abe. Daxota bexa Nacom paca yabara anaepanaena xuano atene paca exanaena painya tsita natsicuentisixae po mataqueitha Nacom paebina xua bewa atene exanaeinchi pomonae barapo peabe coyenewan exana. Nacom yabara paebina jiwu xua penatsicuentisiwa xua abe peexanaexae xua yatsicaewa pexainyei coyenewatha abe peexanaexae bapontha.

<sup>6</sup> Nacom catsibina pentoman daxita carepaya jiwitha xua pocotsiwan pia petanacuichiwiwaxaetsi. Pomonae abeya tanacuita xuya abeya matoma catsibebinchi. Pomonae wunaeya tanacuita xuya wunaeya matoma catsibebinchi.

<sup>7</sup> Ichamonae Nacom peajuntu yapusu coyenewa catsibina pomonaetha pomonae jopa aitaconaeya exana dubenanaebiyayo pocotsiwa Nacom ichichipa. Barapomonae ichichipa nawita xua po coyene Nacom petsita xanepanaewa tsainchi. Matautano barapomonae ichichipa nawita pia pebaru cui itura jinaewa Nacomtha. Matautano

barapomonaē ichichipa nawita xua pia xeinaetsi peajuntayapusu coyenewa po peajuntayapusu coyenewa ataya tsiteca.

<sup>8</sup> Ichamonaetha, Nacom anaya exanaena xua atene exanatsi barapomonaē pomonaē saya u piawa nata exana. Yawa Nacom atene exanaena pomonaē jopa jume cowuntsiyo Nacom pia pexainyei jume diwesi. Barapomonaē Nacom bichocono caseba itapeta peichichipaewaxae xua abe coyenewa peexanaewa.

<sup>9</sup> Atene exanebinchi yawa ajuntarewe exanebinchi daxita pomonaē abe coyenewan peexanaewi, matha copiya pomonaē judiomonaē, bapoxonaē iru catsibinchi pomonaē jopa judiomonaē naexanaeyo.

<sup>10</sup> Ichitha nama Nacom seicaya catsibina pomonaetha pomonaē xanepanaya betiya peexanaewi po coyenewa xua Nacom petsita xanepanaewa tsainchi. Yawano catsibina po coyenewa xua pebaru cui itura jinae coyenewa. Yawano catsibina po coyenewa xua jantema pejinompae coyenewan. Matha copiya catsibinchi judiomonaē, bapoxonaē iru catsibinchi pomonaē jopa judiomonaē naexanaeyo.

<sup>11</sup> Barapomonaethabe Nacom catsina barapo coyenein tsipei Nacom tsita najupatsi daxita jiwī.

<sup>12</sup> Pomonaē jopa judiomonaē naexanaeyo daxita barapomonaē yaputane poxonaē abe exana pia peitorobi coyenewan pexeinaexae. Icha barapomonaē awiya eexanapona pocotsiwa xua abe, Nacom tsita natsicuentatsi. Barapomonaē werapaena abe peexanaexae bequein jopa yaputaeyo Moisés pia peitorobi coyenewa tatsi. Pomonaē judiomonaē barapomonaē yaputane Moisés pia peitorobi coyenewa tatsi. Daxota yaputane poxonaē abe exana. Poxonaē barapomonaē abe eexanapona Nacom tsita natsicuenta exanatsi abe peexanaexae, poxoru yaputane Moisés pia peitorobi coyene tatsi.

<sup>13</sup> Pomonaē jume tane Moisés pia peitorobi coyenewa tatsi xuano exana pocotsiwa itoroba, barapomonaē Nacom tsita juntu coyene xanepanatsi. Pomonaē saya jume tane Moisés pia peitorobi coyene tatsi daichitha jopa exanaeyo pocotsiwa itoroba, barapomonaē Nacom jopa tsita juntu coyene xanepanaetsi.

<sup>14</sup> Pomonaē jopa judiomonaē naexanaeyo barapomonaē jopa xeinaeyo Moisés pia peitorobi coyenewa tatsi. Ichitha ichacuitha barapomonaē exana xua be pocotsi coyene Moisés pia peitorobi coyenewatha itoroba. Baxua barapomonaē exana, tsipei pejuntu coyenewantha yaputane pocotsiwa xua abe xuano pocotsiwa xua xanepana bequein bara jopa xeinaeyo Moisés pia peitorobi coyenewa tatsi. Poxonaē baxuan exana be barompaya pia peitorobi coyenewan xeina pia juntu coyenewantha.

<sup>15</sup> Poxonaē barapomonaē beta exana, baxua itapeinya xeina xua barapomonaē pia juntu coyenewantha xeina Nacom pia peitorobi coyenewa tatsi. Barapomonaē yacuiya naexana. Barapomonaē pia juntu coyenein yaputane cana exanatsi xua poxonaē wunaē exana xuano xua poxonaē ichacuitha abe exana.

<sup>16</sup> Jemeicha jopaena matacabi po mataqueitha poxonaē Nacom itorobina xua Jesucristo yabara paebina daxita jiwī xua pia penatsicuentasiwa xua abe peexanaexae Nacomtha. Barapo mataqueitha Jesucristo yabara paebina jiwī xua penatsicuentasiwa xua abe peexanaexae xua pocotsiwan namicha abeya peexanaexae matautano pocotsiwan namicha abeya penanta xeinaexae. Baraxua Jesucristo bara exanaena icha be pocotsi coyeneya paeban poxonaē cueicueijan Nacom pia pexeinya pecapanenebiyae diwesi jume.

*Meje yabara xua judiomonaē yawa Moisés pia peitorobi coyenewa tatsi*

<sup>17</sup> Paxam papaebame, pajam: “Paxan seicaya judiomonaēpiwi pan”, pajam. Pananta xeiname xua Moisés pia peitorobi coyenewa tatsi paca capanepaena. Atsaquiya papaebame xua barompaya painya nacom, yatsicaya pepa Nacom.

<sup>18</sup> Barichi paxam papaebame xua pinae payaputaneme pocotsiwa xua Nacom pia pe-ichichipae coyenewa. Matautano papaebame xua pinae Moisés pia peitorobi coyenewa paca cuiduba xua painya neitapetsiwa po coyene xua pexainyei coyenewa.

<sup>19</sup> Matautano atsaquiya papaebame, pajam: “Paxan pacuiduban pomonae jopa peyaputae jiwi Nacom. Yawa jume cowanta pacana exanan pomonae jopa jume cowantsiyo Nacom”, pajam.

<sup>20</sup> Paxam pananta xeiname xua paca itacupa xua pacuidubame pomonae Nacom jopa peyaputae jiwi. Barichi pananta xeiname xua paca itacupa xua yaputane pacana exaname pomonae pena pejume cowantsiwi. Paca itacupa barapo ainya coyenewabe painya neyaputaexae Moisés pia peitorobi coyenewa xua xeina pexainyei yaputae coyenewan.

<sup>21</sup> Poxonae ichamonae po coyenein yabara pacuidubame paxam jopa apara matha pajume yabara cowantsiya exanaem barapo coyenein. Paxam pacuidubame pocotsi coyenewa xua jopa bewa caibi ichamonaetha xua iru painya barichiwathamdu.

<sup>22</sup> Paxam pacuidubame xua jopa bewa ichun piowa tatsi tapichichi xua iru painya barichiwathamdu. Paxam papaebame xua pinae paaichaxaibim ibo nacomun, ichitha paxam pacaibame pocotsiwan xua jeba ibo nacomun pia botha tatsi.

<sup>23</sup> Atsaquiya papaebame xua paxeiname Moisés pia peitorobi coyenewa. Ichitha iru apara paxam jopa paexanaem xua painya nebaru cui itura jinaewa Nacom, poxonae jopa payabara jume cui coyeneya exanaem barapo Moisés pia peitorobi coyenewa. Daxota ichamonae jopa Nacom baru cui itura jinaetsi.

<sup>24</sup> Daxota Nacom Pejume Diwesitha jeye: “Apara paxam painya coutha pam poxonae pomonae jopa judiomonae naexanaeyo Nacom abe yabara paebatsi tsipei copiya paxam abe paexaname”, jei Nacom Pejume Diwesitha.

<sup>25</sup> Paxam judiomonae pam, xua pebiwi pam paca wi thaba poxonae cataunxuae pexui pam. Paca jumapa peru muxunene caxica xua ichaxota pebiwichi xeinatsi ichaxota pana nareixacaename. Baxua paca cana exana poxoru Moisés pia peitorobi coyene paca itoroba xua painya tsita itapeinya xeinaenexa xua bara apara Nacom piamonae tatsi pam. Barapo coyenewa xua Moisés pia peitorobi coyene tatsi paca yawena xua Nacom pajume cowanta dubenanaebiyame icha paexaname daxita pocotsiwa Moisés paca itoroba. Ichitha icha jopa paexanaem pocotsiwa xua Moisés paca itoroba jopa paca yawenaeyo xua Nacom pajume cowanta dubenanaebiyame bequein paca wi thabitha tsipae.

<sup>26</sup> Pon jopa wi thabichi poxonae bapon exana pocotsiwa Moisés pia peitorobi coyenewatha itoroba, Nacom tsitatsi be xua bapon bayatha apara wi thabatsi. Nacom tsitatsi xua bapon bara pijimonae jiton tatsi bequein bara jopa wi thabichi.

<sup>27</sup> Ichacuitha pebiwi bequein jopa wi thabichi, daichitha exana pocotsiwa Moisés pia peitorobi coyenewatha itoroba. Barapomonae paca juntu cui coyene yabara nanta xeinaena xua icha abe paexaname Nacomtha xuano xua icha wuna paexaname Nacomtha. Bequein payaputaetham Moisés pia peitorobi coyenewa xua petinae diwesi, ichitha jopa payabara jume cuiya exanaem pocotsiwa barapo Moisés pia peitorobi coyenewatha paeba.

<sup>28</sup> Pon jiwi tsitatsi xua pepa judiomonaepin saya poxoru pewi thabixaetsi xua pepontha, bapon Nacom jopa tsitatsi xua pia jiton tatsi.

<sup>29</sup> Jame xua pepa judiomonaepin penaexanaenexa tsane, saya jame poxonae Nacom juntu coyene xanepana exana barapo jiton xua Nacom jopa bapon tsita natsicuentichi abe peexanaexae pia juntu coyenewatha. Poxonae jiton xaniwaicha wi thabatsi, apara baxua, xua poxonae jiton xaniwaicha jume cowanta pejuntu coyenewatha Nacom. Pocotsiwa xua Moisés pia petinae coyenewa, jopa exanaeyo xua jiton icha juntu coyene pexeinaewa Nacomtha xua pexanepanaewa. Saya apara meisa Nacom pia Pejumope

tunaxu tatsi baxua exana. Jiwi wunaeya yabara paeba pomonae xua pewi thabiwichi. Ichitha nama Nacom wunaeya yabara paeba pontha pon icha juntu coyene xeina bapontha xua pexanepanaewa.

### 3

<sup>1</sup> Metha beya ichan yainyabichipa jei tsipae: “¿Eta po coyene, po coyene Nacom tsita xanepanatsi, po coyene beta wepu toxeinchiya exana pomonae judiomonae xua wepu beta toxeincha exanatsi pomonae jopa judiomonae naexanaeyo? ¿Eta po coyene, po coyene Nacom tsita xanepanatsi, po coyene beta wepu toxeinchiya exana pon pewi thabinchi xua wepu beta toxeincha exanatsi pon jopa pewi thabinchi?” jei tsipae.

<sup>2</sup> Metha jume notsipan bapon, jan tsipae: “Apara bara bichocono jopa juniya xanepanaeyo xua penaexanaewa judiomonae xuano xua wi thabatsi, poxoru copiya Nacom Pejume Diwesi nacana jume diwesi cata judiomonaetha”, jan tsipae.

<sup>3</sup> Ichacuitha metha beya equeicha bapon yainyabichipa jei tsipae; “Daichitha ¿eta bichi tsipae icha barapomonae jiwana nacui barapentsipa xua jopa peyabara jume cowantsiwa xua Nacom bexa exanaena pocotsiwa Nacom yabara tsiwuna muxu duta? ¿Daxota metha Nacom xuya nacui baraxubichipa xua jopa equeicha peexanaewa pia peyabara tsiwuna muxu dutsiwa?” jei tsipae.

<sup>4</sup> Metha jan tsipae: “¡Jume, apara Nacom bapana jopa baxua exanae! Apara jame Nacom daxitan pexainyewantha exaneiba. Nacom bewa exaneibina baxuan bara bequein jiwi pemuxutorobi jiwi. David baxua yabara paeba Nacom Pejume Diwesitha xua Nacom tapaebatsi, jeye:

‘Nacom, poxonae cueicueijam jiwi yaputaena

xua xam xainyeya bara nepaebin.

Bapoxonae jiwi jume amanayabame poxonae baxua

exaname poxonae bequein jiwi cayabara paeba xua

abe exaname’, jei David Nacom Pejume

Diwesitha”, jan tsipae.

<sup>5</sup> Ichitha metha ichamonae jume coxonaya najume matsontsonobichipa jei tsipae: “Poxonae waxainchi abe exanatsi bapoxonae Nacom naca atene exana. Abe waexanae coyenewantha jiwi tsita itapeinya xeinatsi xua bara Nacom aichaxaibi abe peexanae coyenewa xua bara Nacom xanepanaya peexanaein. Daxota abe waexanae coyenewatha Nacom yawenatsi. ¿Eta xua metha yabara paebinchi baxua? ¿Metha Nacom jopa xaniwaicha exanaeyo icha naca atene exana abe peexanae cuiru coyene waexanaexae?” jei tsipae barapomonae, xua saya paeba icha jiwi ichi pomonae jopa peyaputae jiwi.

<sup>6</sup> Metha barapomonae jume notsipan, jan tsipae: “¡Jume apara, baxua jopa xainyeyo! Icha Nacom jopa xaniwaichiya exanaetsipae poxonae naca yabara paeba xua penatsicuentisiwa bapoxonae jopa itacupaetsipaetsi xua daxita yabara paebatsi jiwi xua penatsicuentisiwa xua abe peexanae cuiru coyene peexanaexae. Ichitha Nacom apara xaniwaichiya exana daxota itacupatsi xua daxita jiwi yabara paebatsi penatsicuentisiwa”, jan tsipae.

<sup>7</sup> Metha ichamonae jei tsipae: “Nacom jopa bewa naca yabara paebi penatsicuentisiwa tsane wanaca yabara paebinexa xua abe waexanaewan poxonae naerabiya cueicueijeichi. Poxoru poxonae naerabiya cueicueijeichi ichamonae tsita itapeinya xeinatsi xua Nacom seicaya exana xua Nacom bichocono xainyeya pepaebin xuano xua Nacom bara peainya cuin”, jei tsipae barapomonae.

<sup>8</sup> Ichamonae iru jei tsipae: “Daxota waxainchi bewa abe exanaeinchi, xua watsita itapeinya xeinaenexa xua Nacom bara xainyeya pepaebin”, jei tsipae barapomonae. Barapomonae naerabiya paeba xua pinae xan barapo coyene cuiduban ichamonae.



Barapo naerabiya pepaebiwi xua neyabara jume caenaeraba, barapomonaе Nacom tsita natsicuentinchi abe taneyabara paebixae.

*Meje yabara xua daxitatsi pomonaetsi pomonaе Nacom watsita natsicuentiswichi abe waexanaexae bapontha*

<sup>9</sup> ¿Waxainchi pomonaе judiomonaetsi Nacom tsitatsi xua jopa wanatsicuentiswichi xua beyacaincha pomonaе jopa judiomonaе naexanaeyo xua naca toxeinchiya bichocono abe peexanaewi? Jume. Tsipei bayathaunxuae paeban: “Waxainchi judiomonaetsi iru pomonaе jopa judiomonaе naexanaeyo daxitatsi abe waexanae jiwichi”, jan.

<sup>10</sup> Nacom Pejume Diwesitha baxua yabara jeye:

“¡Dapomonaе ajibi pomonaе xua xanepanaya peexanaewi, xua matautano bara caeinno!

<sup>11</sup> Matautano dapon ajibi pon ichichipa xua peyabara yaputaewa pexainyei coyenewa.

Matautano dapon ajibi pon xua ichichipa penaponaewa Nacomtha.

<sup>12</sup> Daxita jiwi Nacom pentatsi yawano abe peexanae jiwi bichocono.

¡Dapon ajibi pon xua xanepanaya beta exana, xua matautano bara caeinno!

<sup>13</sup> Barapomonaе caunuta nawita pocotsiwa peabe jumein, icha muthu tsina ichi xua cawenabeina xua tuxamna baxoyareca pebocarecaexae pon tupa.

Barapomonaе pepaebiwantha ichamonaе muxujainyabeibatsi.

Barapo pepaebiwantha ichamonaе ajuntacoyenetane exanatsi, icha jomo ichi xua ichun sinatsi poxonaе bichocono atene exanatsi pewano tsapa pexeinaexae.

<sup>14</sup> Barapomonaе saya u cueicueijej xua xuan peabe jumein, po jumein xua atsaca pepaebiwa.

<sup>15</sup> Barapomonaе bichocono ichichipa nawita xua ichamonaе bichocono atene peexanaewatsi xuano xua pejutebiwatsi.

<sup>16</sup> Daxita ichaxota poneiba barapomonaе, ichamonaе abe exaneibatsi.

Matautano exaneiba pocotsiwa ichamonaе ajuntacoyenetane cana exanatsi.

<sup>17</sup> Barapomonaе jopa yaputaeyo xua po coyene caemonaе nantiya juntema jinompa penaexanae coyenewa.

<sup>18</sup> Matautano barapomonaе jopa cunuwiyo Nacom xua abe peexanaeyainwatsi”, jei Nacom Pejume Diwesitha.

<sup>19</sup> Waxainchi yaputainchi xua daxita Nacom paeba Moisés pia peitorobi coyenewatha baraxua judiomonaе nexa. Barapomonaе bewa exanae Moisés pia peitorobi coyenewa tatsi. Ichitha judiomonaе jopa itacupaetsi xua peexanaewa barapo coyenewa. Barichi pomonaе jopa judiomonaе naexanaeyo jopa itacupaetsi xua peexanaewa baxua. Barapo coyeneya Nacom yaputane exana xua daxita jiwi jopa pepaebinexa xua pinae jopa abe peexanaewa barapo jiwi. Matautano Nacom tsita itapeinya xeina jiwitha

xua Nacom yabara paebina xua penatsicuentsiwa daxita jiwi xua abe peexanaexae bapontha.

<sup>20</sup> Dapon ajibi pon itacɔpatsi xua pejeiwa: “Xan bichocono tajɔntɔ coyene xanepanaein xua Nacom jopa tatsita natsicuentsixae abe taexanaexae bapontha. Tsipei daxita yabara jume cuiya exanan pocotsiwa Moisés pia peitorobi coyenewatha itoroba”, xua pejeiwa. Tsipei jame apara barapo Moisés pia peitorobi coyenewa tatsi naca yaputane exana xua waxainchi apara abe waexanae jiwichi.

*Meje yabara xua jiwi capanenebiyatsi pejume cowɔntsixae Nacom*

<sup>21</sup> Ichitha anoxuae Nacom jiwi yaputane exanatsi po coyeneya bapon exana xua poxonae jiwi jɔntɔ coyene xanepana exanatsi bapontha. Nacom jopa tsita natsicuentichi barapomona xua abe peexanaexae. Nacom baxua exana jopa poxoruyo xua peexanaexae pocotsiwa Moisés pia peitorobi coyenewatha itoroba. Moisés pia peitorobi coyenewa tatsi, irɔ Nacom pia peitorobi jume pepaebiwi paeba xua bewa jiwi Nacom tsita jɔntɔ coyene xanepanaetsi.

<sup>22</sup> Nacom jɔntɔ coyene xanepana cana exana jiwi poxonae barapo jiwi jume cowɔnta Jesucristo. Nacom bara daxita najɔntɔ coyene jɔpiya exana pomonaetha pomona pejume cowɔntsiwi Jesucristo, poxoru Nacom tsita najɔpatsi barapo pejume cowɔntsiwichi.

<sup>23</sup> Tsita najɔpatsi yaitama daxita jiwi peabe coyenewan exana. Yawano barapo jiwi taseicatsi po coyene xua Nacom tsita xanepanatsi barapomona.

<sup>24</sup> Ichitha Nacom peantobexae jopa tsita penatsicuentsiwatsi barapo jiwi. Baxua Nacom amanaya taexana. Nacom pentoma exana xua jiwi pejɔntɔ coyene xanepanaenexa poxonae Cristo Jesús naetotha tsitɔpa, xua jiwi tsitɔpatsi.

<sup>25</sup> Nacom Pexanto itorobica, pon Cristo. Bapon jana pichapabarena poxonae tsitɔpa jiwi pia peabe coyenewan tatsi. Nacom jɔntemaina jiwi pia peabe coyenewan poxonae barapomona jume cowɔnta Cristo. Barapo coyenewatha Nacom yaputane exana xua bara jɔntɔ coyene xanepana cana exana jiwi xua jopa Nacom petsita natsicuentsiwatsi xua abe peexanaexae. Bayatha bapon beitatemaya cui taetaepona jiwi abe pia peexanae cuiru coyenewan tatsi pomona xua caena bayatha jinompa poxonae cataunxuae Jesús jopa tɔpaeyo.

<sup>26</sup> Ichitha anoxuae Nacom yaputane exana jiwitha xua beta xanepanaya peexanaewa. Anoxuae Nacom jopa beitatemaya cui taeyo jiwi abe pia peexanae cuiru coyenewan tatsi. Apara jame Nacom jɔntɔ coyene xanepana cana exana jiwi poxonae Nacom yabara jɔntemaina jiwi xua pia penatsicuentsiwa xua abe peexanaexae. Baxua exana daxita pomonaetha pomona pejume cowɔntsiwi Jesús.

<sup>27</sup> Daxota waxainchi jopa naca itacɔpaeyo xua atsaquiya nayabara paebatsi xua beta waexanaewa. Waxainchi jopa najɔntɔ coyene xanepana exanaetsi bequein ichichipatsi xua waexanaewa pocotsiwa Moisés pia peitorobi coyenewatha itoroba, daichitha jopa exanaetsi. Nama apara wajume cowɔntsixae Jesús, daxota bapon naca jɔntɔ coyene xanepana cana exana Nacomtha.

<sup>28</sup> Nama anoxuae waxainchi yaputainchi xua Nacom jɔntɔ coyene xanepana cana exana pontha pon jume cowɔnta Jesús. Nacom jopa jɔntɔ coyene xanepana exanaeyo poxonae bequein ichɔn ichichipa xua peexanaewa pocotsiwa Moisés pia peitorobi coyenewatha itoroba xua daichitha poxonae jopa exanaeyo.

<sup>29</sup> Nacom jopa meisa apara judiomona pia Nacom tatsi. Apara irɔ pomona jopa judiomona naexanaeyo barapomona irɔ pia Nacom tatsi.

<sup>30</sup> Icha Nacom ajibi, saya meisa bapon Nacom nacata bara compa. Barapo Nacom jɔntɔ coyene xanepana cana exana jiwi, pomonaetha pomona jume cowɔnta Jesucristo, bequein pomona wi thabatsi xuano bequein pomona jopa wi thabichi.

<sup>31</sup> Waxainchi jopa nacui barapentichi Moisés pia peitorobi coyenewa tatsi yaitama jume cowantatsi Jesús. Jame poxonae xaniwaicha jume cowantatsi Jesús bapoxonae bara xaniwaicha exanatsi pocotsiwa Moisés pia peitorobi coyenewatha itoroba.

## 4

### *Meje xua Abraham yabara*

<sup>1</sup> Anoxuae paca tsipaebatsi xua pocotsiwa Nacom exana Abrahamtha. Bapon wamo susatopin, irurax daxita judiomona pia pamo susatopin tatsi pon caena bayatha tupa.

<sup>2</sup> Abraham jopa pia coya najuntax coyene xanepana exanaeyo xua jopa Nacom petsita natsicuentiswatsi xua abe peexanaexae. Daxota jopa itacupaetsi xua atsaquiya nayabara paeba xua xanepanaya peexanaewa. Bapon jopa itacupaetsi xua atsaquiya paeba Nacom peitutha tatsi.

<sup>3</sup> Nacom Pejume Diwesitha Abraham yabara paebatsi, jeye: “Abraham jume cowanta Nacom. Peyabara jume cowantsixae pocotsiwa xua Nacom exanapaeba, Nacom juntax coyene xanepana cana exana bapon”, jei Nacom Pejume Diwesitha.

<sup>4</sup> Poxonae jiton ba tanacuita ichan, jopa jiton pentoma becatsichi xua saya amanaya nexa poxoru ichan peyabara nanta xeinaexae bapon. Jame jiton ba bewa pentoma catsichi xua poxoru penacuichixae.

<sup>5</sup> Ichitha nama Nacom seicayiya exana. Pon yabara jume cowanta pocotsiwa Nacom exanapaeba xua Nacom peyabara jantemainaexa xua bapon pia penatsicuentiswatsi tatsi, bara Nacom yawena bapon. Barapo jiton Nacom tsita juntax coyene xanepanatsi, bequein bapon jopa exanaeyo pocotsiwa bewa bapon exanae xua daxota Nacom peyawenaenexa tsane.

<sup>6</sup> David pon wamo susatopin, pon caena bayatha tupa, bapon caena bayatha Israel nacuapiwi itorobiya pia pepa peewatsinchi. Bapon David yabara paeba po jiton bichocono juntax coyene weiweina. Jeye: “Pon peyabara jume cowantsixae pocotsiwa Nacom exanapaeba, Nacom juntax coyene xanepana cana exana. Jopa apara Nacom juntax coyene xanepana exanaeyo xua poxoru bapon wunaeya xanepanaya peexanaexae. Apara poxoru Nacom peichichipaexae, daxota baxua exana”, jei David.

<sup>7</sup> Equeicha David jei:

“Juntax coyene weiweina pomona Nacom yabara jantemaina xua puxana exana abe pia peexanae cuiru coyenewan tatsi.

<sup>8</sup> Juntax coyene weiweina pon Nacom jopa tsita natsicuentisichi xua abe peexanaexae”, jei David.

<sup>9</sup> Po pejuntax coyene weiweinaewa xua David yabara paeba, meisa saya x pomona pewi thabiwichi jopa nexiyo. Apara barapo pejuntax coyene weiweinaewa irux pomona jopa pewi thabiwichi nexano apara. Bayathaunxuae paca tsipaebatsi xua Abraham yabara jume cowanta pocotsiwa Nacom exanapaeba, daxota Nacom juntax coyene xanepana cana exana bapon xua jopa Nacom tsitatsi xua Abraham penatsicuentiswatsi xua abe peexanaexae.

<sup>10</sup> Abraham jopa juntax coyene xanepana exanaetsi poxonae nacana cui wetatsi xua pewi thabiwatsi. Apara Nacom Abraham juntax coyene xanepana exanatsi poxonae cataunxuae jopa wi thabichi.

<sup>11</sup> Abraham peyabara jume cowantsixae pocotsiwa Nacom exanapaeba, Nacom juntax coyene xanepana exana. Cotacaya bapoxonae Abraham wi thabatsi. Barapo pewi thabi coyene tsita itapeinya xeina xua bara Nacom juntax coyene xanepana exana Abraham, peyabara jume cowantsixae pocotsiwa Nacom exanapaeba. Abraham petsi-wana exanaexae xua pewi thabiwatsi, daxota Nacom tsitatsi xua Abraham be coxiyan

poxonae cana exanatsi xua canamataxeinaena xua daxita nacuanpiwi pomonae jopa pewi thabiwichi. Barapomonae be Abraham pia pexui. Baxua Nacom cana exana po jiwitha, po jiwi peyabara jume cowantsiwixaetsi pocotsiwa exanapaeba bara bequein daxita barapo jiwi jopa pewi thabiwichi copiya. Daxota Nacom iru yabara nanta xeina xua bara iru barapomonae juntu coyene xanepana bapontha.

<sup>12</sup> Barichi Abraham be coxiyuan cana exanatsi, xua pomonae bayatha pewi thabiwichi barapomonae be pia pecanamataxeinaeinchi. Jopa Abraham be coxiyuan cana exanaetsi xua poxoru barapomonae pewi thabixaetsi. Jame apara be coxiyuan cana exanatsi poxoru iru peyabara jume cowantsiya jinompaexae pocotsiwa Nacom exanapaeba icha Abraham ichi, pon wamo susatopin xua beya poxonae wi thabatsi.

*Meje yabara xua poxonae Nacom cata pia peyabara tsiwuna mu xu dutsiwa, Abraham catatsi*

<sup>13</sup> Nacom yabara tsiwuna mu xu duta Abrahamtha iru pia pemomoxi susato jiwitha tatsi. Nacom yabara tsiwuna mu xu duta xua catsina daxita barapo cae pin nacue Abrahamtha, iru pia pemomoxi susato jiwitha tatsi. Daxita barapomonaetha Nacom jopa apara catsiyo barapo yabara petsiwnae mu xu dutsiwa xua poxoru Abraham peexanaexae pocotsiwa Moisés pia peitorobi coyenewatha itoroba tsipei Moisés jopa cataunxuae naexanaeyo poxonae bayatha Abraham tupa. Apara Nacom cata barapo yabara petsiwnae mu xu dutsiwa poxoru Abraham peyabara jume cowantsixae pocotsiwa Nacom exanapaeba. Daxota Nacom yabara tsitatsi xua bara Abraham pejuntu coyene xanepanaein bapontha.

<sup>14</sup> Icha pomonae xeinaetsipa pocotsiwa Nacom yabara tsiwuna mu xu duta, icha barapomonae apara barapomonae tsipae pomonae exana daxita pocotsiwa Moisés pia peitorobi coyenewatha itoroba bapoxonae barapomonae jopa nantawenonaetsipae xua yabara jume cowanta pocotsiwa Nacom exanapaeba. Matautano pocotsiwa xua Nacom yabara tsiwuna mu xu duta barapomonae jopa tsita xainyei tsipaetsi.

<sup>15</sup> Ichitha baraxua jopa xainyeyo, tsipei Moisés pia peitorobi coyenewa saya exana xua jiwi atene peexanaewatsi. Atene exanatsi poxoru jiwi beta jopa daxita yabara jume cuiya exanaeyo barapo Moisés pia peitorobi coyenewa tatsi. Ichitha pomonae jopa xeinaeyo Moisés pia peitorobi coyenewa, barapomonae Nacom jopa tsita penatsicuentisiwatsi xua abe peexanaexae xua poxonae jopa exanaeyo barapo peitorobi coyenewa.

<sup>16</sup> Daxota Nacom yabara tsiwuna mu xu duta Abrahamtha peyabara jume cowantsixaetsi pocotsiwa Nacom exanapaeba. Nacom pia yabara petsiwnae mu xu dutsiwa, Nacom bara xaniwaicha amanaya catsina Abraham pia pemomoxi susato jiwitha tatsi. Nacom jopa meisa catsiyo pomonaetha pomonae peexanaewi xua Moisés itoroba. Apara Nacom iru cata pomonaetha pomonae pejume cowantsiwichi icha Abraham ichi poxonae jume cowanta Nacom. Bapon Abraham be coxiyuan cana exainchi xua daxita waxainchi be xua wanacanamataxeinaein, copiya pejume cowantsixae.

<sup>17</sup> Nacom jeye Abrahamtha pejume diwesitha: “Xam cacana exanatsi xua ainya nacuanpiwi necayabara nanta xeinaenexa xua xam compam daxita nacuanpiwi canamata caexanatsi be coxiyuan”, jei Nacom Pejume Diwesitha. Daxota barapo yabara petsiwnae mu xu dutsiwa Nacom tsita coyene xanepanatsi. Barapon Nacom Abraham yabara jume cowanta pocotsiwa Nacom exanapaeba. Matautano barapo Nacom equeicha asu exana pomonae bayatha werapa. Matautano barapon Nacom itoroba xua forota pocotsiwan jiwi bapana jopa tae copiya, poxoru Nacom cataunxuae abu jopa forotsiyo bapocotsiwan.

<sup>18</sup> Abraham poxonae nawei wetaba xua jopa itac̄paetsi xua pexeinaewa pexui, awiya cataunxuae yabara jume cow̄ntsiya w̄nae ewata pocotsiwa Nacom exanapaeba. Bapon jume cow̄ntsiya popona xua Nacom exanaena xua bayatha paeba xua Abraham pinae bapon pexanto xeinaena. Abraham yabara jume cow̄nta pocotsiwa Nacom exanapaeba pocotsiwa yabara tsiw̄nae muxu duta. Bapon Abraham cana exanatsi xua daxita carepaya nacuan jiwi peyabara nanta xeinaenexa xua Abraham compa daxita nacuanpiwi canamata exanatsi be coxiȳn. Caena bayatha Nacom tsipaeba Abraham. Nacom jeye: “Abraham, exanaein ayei jiwi jinya nemomoxi susato jiwi”, jei Nacom.

<sup>19</sup> Abraham jopa j̄nt̄ coyene natsepaeyo xua peyabara jume cow̄ntsiwa pocotsiwa Nacom exanapaeba, bequein bara bapon cien po weibe xeina. Bapon Abraham yaputane, xua bapon ir̄ piowa tatsi Sara bara imoxoyo methaunxuae t̄paenabe. Abraham piseuribe bichocono perunbe. Matautano yaputaneno xua Sara jopa itac̄paetsi xua pexui pexeinaewa.

<sup>20</sup> Bapon Abraham jopa ainya muxu xeinaeyo. Matautano jopa nacui baraxubiyo xua peyabara jume cow̄ntsiwa pocotsiwa Nacom exanapaeba xua pocotsiwa Nacom yabara tsiw̄nae muxu duta xua pinae Abraham pexanto xeinaena. Jame bapon Abraham beta xaniwaicha jume cocow̄ntapona. Abraham w̄nae jaintapona Nacom.

<sup>21</sup> Baxua Abraham exanapona poxoru bara yatsicaewa yaputane xua Nacom itac̄patsi xua peexanaewa pocotsiwa xua bapon yabara tsiw̄nae muxu duta.

<sup>22</sup> Abraham peyabara jume cow̄ntsixae pocotsiwa Nacom exanapaeba, daxota bapon Nacom tsitatsi xua bapon bara peyabara j̄nt̄ coyene tsita xanepanaeinchi xua jopa petsita natsicuentisixae abe peexanaexae bapontha.

<sup>23</sup> Po jumein xua bayatha Abraham yabara paebatsi xua jeye: “Nacom tsitatsi xua bapon bara pej̄nt̄ coyene xanepanaein xua jopa petsita natsicuentisixae abe peexanaexae bapontha”, jei, barapo jumein jopa meisa tinaeyo xua bapon nexa.

<sup>24</sup> Barapo jumein xua po jumein tina apara ir̄ bara waxainchi nexa xua naca yabara paebar̄. Wajume cow̄ntsixae Nacom, daxota Nacom tsitatsi xua bara waxainchi ir̄ waj̄nt̄ coyene xanepanae jiwichi xua jopa watsita natsicuentisiwatsi xua abe waexanaexae bapontha. Waxainchi yabara jume cow̄ntatsi pocotsiwa Nacom exanapaeba, pon Jesús as̄ exanatsi pet̄pae cuiru coyene weya, pon Wanacanamataxeinaein.

<sup>25</sup> Nacom itoroba xua bapon Jesús naca tsit̄pa abe waexana cuiru coyenewan. Matautano Nacom as̄ exanano, xua Jesús as̄ pet̄pae cuiru coyene weya xua wanaca cana exanaenexa xua jopa Nacom watsita natsicuentiswiwa tsane xua abe waexanaexae bapontha.

## 5

*Meje yabara xua Nacom wanaca cana exanaewa xua jopa wanatsicuentiswiwa tsane bapontha, xua abe waexanaexae*

<sup>1</sup> Nacom naca cana exana xua bapon jopa watsita natsicuentiswiwa tsane abe waexanaexae bapontha. Baxua Nacom naca cana exana wayabara jume cow̄ntsixae pocotsiwa Nacom exanapaeba. Daxota waxainchi j̄nt̄ema dubenanaebiyatsi Nacom peit̄tha tatsi Jesucristo wanaca tsit̄paexae, pon Wanacanamataxeinaeinxae.

<sup>2</sup> Cristo wajume cow̄ntsixae, daxota naca cana exana xua Nacom bara wanaca yawenaewa tsane wanaca antobexae. Nacom wanaca yawenaexae aj̄nt̄coyenes̄ya jinompatsi. Yawa waxainchi j̄nt̄ coyene weiweinatsi waw̄nae ewatsixae xua bexa ir̄ xeinaeinchi pebar̄ cui itura jinaewa po pebar̄ cui itura jinaewa jiwi Nacom tsita xeinatsi peainya cuinxae icha bapon ichi.

<sup>3</sup> Jopa meisa baxua nexiyo, jame yawa j̄nt̄ coyene weiweineibatsi poxonae ichamonae naca atene exaneiba. Tsipei waxainchi yaputainchi xua wanaca j̄nt̄ coyene



ayapusu exanaewa xua daxota jopa waaitaconaewa poxona bequein ichamonae naca atene exana.

<sup>4</sup> Poxona ajuntucoyenyapusuya jinompatsi xua daxota jopa waaitaconaewa poxona bequein ichamonae naca atene exana, bapoxona Nacom naca weyatane xua bara beta waexanaewa. Poxona Nacom naca weyatane, baxua naca cana exana xua wawuna ewatsiya ewatsiwatsi xua Nacom nacata exanaena pocotsiwa yabara naca tsiwuna muxu duta.

<sup>5</sup> Barapo wawuna ewatsiwa jopa naca juntu coyene cana exanaeyo xua wajuntu coyene wecoyeiwa xua jopa wataexae pocotsiwa wawuna ewatsiwa. Nacom bichococono naca juntu coyene yuca cana exana pia peantobe coyenewa pia Pejumope tuxathu. Barapo pia Pejumope tuxa tatsi naca nacana jumope cata wajuntu coyenewatha.

<sup>6</sup> Poxona waxainchi jopa naca itacupaeyo xua wacoutha wanacapanenebiwa, bapoxona Cristo naca tsitupa abe waexanae cuiru coyenewan nexa. Bapon Cristo tupa poxona po mataqueitha Nacom copata xua bapon petupaewa tsaneba.

<sup>7</sup> Barapo cae pin nacuathe nacata ayapube xua nanta xeinatsi xua jiton wayabara nanta xeinaewa xua ichun peita araranaewatsi xua peyapu cabocaewa xua daxota petupaewa bequein barapo ichun daxita yabara jume cuiya exana pocotsiwa Moisés pia peitorobi coyenewatha paeba. Tsipei jiwi ba anatsiantabe, jopa ichipaeyo xua petupaewa. Ichitha ichacuitha tsipae metha jiton yaita araranaetsipa xua peyapu cabocaewa xua daxota petupaewa pon xanepanaya petaexanaein ichamonae.

<sup>8</sup> Jame Nacom xaniwaicha naca tsita itapeinya xeina pia wanaca antobexae. Baxua Nacom naca cana exana poxonae Cristo naca yapu caboca xua wanaca tsitupaewa bara bequein cataunxuae abe waexanae jiwichi.

<sup>9</sup> Nacom naca exana xua waxainchi pejuntu coyene xanepanae jiwichi xua poxona jopa natsicuentisichi bapontha abe waexanaexae, xua poxonae Cristo naca tsitupa. Bapoxonae yawa jana pichapabarena. Barichi icha coyenewano exanaenano. Cristo naca yaputane exana xua wanaca capanenebiwa tsane Nacom pia pewanaca casebiwa weya. Po mataqueitha Nacom yabara paebina daxita jiwi xua penatsicuentisiwa xua abe peexanaexae, barapo mataqueitha Nacomtha jopa natsicuentisi tsainchi xua abe waexanaexae.

<sup>10</sup> Copiyatha waxainchi Nacom pia peaitafaetabi jiwichi. Ichitha bapon Nacom naca cana exana xua waita coxonaewa xua daxota Nacom pia jiwi tatsi wanaexanaenexa, Pexanto tatsi pewanaca tsitupaexae. Ichitha anoxuae Nacom pia jiwi tatsixaetsi, Jesucristo naca capanenebiya pia peasu poponae coyenewatha.

<sup>11</sup> Jopa meisa baxuiyo, jame juntu coyene weiweinatsino Nacomtha xua xuan Jesucristo peexanaexae waxainchi nexa, pon Wanacanamataxeinaein. Bapon Cristo naca cana exana xua waxainchi Nacom wanaca ita coxonaewa xua daxota Nacom pia jiwi tatsi wanaca cana exanaewa.

### *Meje xua Adán yabara iru Cristo yabara*

<sup>12</sup> Caein pon xua copiya abe exana barapo cae pin nacuathe, bapon Adán. Bapon caena bayatha tupa copiya abe peexanaexae. Bapoxonae daxita jiwi abe eexanapona barapo cae pin nacuathe. Jiwi abe peexanaponaexae daxota werapaena, tsipei daxita jiwi abe exana.

<sup>13</sup> Barapo cae pin nacuathe jiwi abe eexanapona beya poxonae Moisés pia peitorobi coyene tatsi xeina barapo cae pin nacuathepiwi. Poxonae jiwi cataunxuae jopa yaputaeyo Moisés pia peitorobi coyenewa tatsi, jopa Nacom tsitatsi xua barapomona pexeinaewa penatsicuentisi coyenewa bapontha bequein barapomona abe exanaetha.

<sup>14</sup> Ichitha po dapaetha poxonae Adán popona weya xua beya poxonae iru Moisés popona, jiwi abe eexanapona. Daxota jiwi xeinapona po coyenewatha xua daxota werapaena barapo jiwi. Barapomona werapa bequein pia peabe coyenewan tatsi

jopa barichiyo icha Adán ichi. Adán abe exana poxonae bequein Nacom itoroba xua jopa bewa pinae xae tsane petheito. Bapon Adán bara be bapon pon bexa patopeica-paeba, bapon Cristo. Adán pia coutha xua jiwi abe peexanaewa xua jiwi pecanamata caexanaexaetsi. Seicaya nama Cristo pia coutha xua jiwi beta peexanaewa xua jiwi pecanamata caexanaexaetsi.

<sup>15</sup> Pocotsi coyene xua Adán naca tsiexana jopa be ichiyo xua pocotsi coyene naca tsiexana Jesucristo. Jiwi nawita werapa poxoru caein abe pecanamata exanaexae bapon Adán. Ichitha Nacom amanaya naca tsiexana pecapanenebiyae coyenewa poxoru caein, pon Jesucristo, naca tsitupa abe waexanaexae. Barapo coyene xua po coyene Nacom naca tsiexana bichocono peainya cui coyene, beyacaincha po cui coyene Adán naca tsiexana. Barapo coyene Nacom naca tsiexana xua peantobexae daxita jiwi peyawenaenexa ayei jiwitha.

<sup>16</sup> Po peabe coyenewa caein canamata exana bapon Adán jopa coyene jupaetsi xua nacui coyene jupa exanabe po cui coyene xua Nacom amanaya naca tsiexana. Copiya Adán canamata exana abe peexanae cuiru coyene. Bapoxonae daxita jiwi jupa exana. Nacom yabara paeba Adán xua penatsicuentisiwa abe peexanaexae. Daxota Nacom Adán yabara jeichichi xua Adán bewa pinae tupaena abe peexanaexae. Barichi Nacom tane xua daxita jiwi bewa werapaena bichocono abe peexanaexae. Daxota Nacom ichichipa xua jiwi peyawenaewatsi. Nacom amanaya juntu coyene xanepana exana jiwi xua barapo jiwi jopa natsicuentisiyo bapontha, abe peexanaexae. Baxua exana Cristo petsitupaexae jiwi.

<sup>17</sup> Bara xaniwaicha caein abe pecanamata exanaexae, daxita jiwi bewa werapaena abe peexanaexae. Ichitha nama anoxuae pocotsiwa caein peexanaexae pon Jesucristo, barapocotsiwa bichocono ayapus beyacaincha xua Adán exana. Jesucristo petsitupaexae jiwi daxota Nacom bichocono jopa juniya yawenaeyo jiwi peantobexae. Barapo jiwi Nacom amanaya juntu coyene xanepana exana. Daxota Nacom weyatane xua barapomonaе jopa xeinaeyo penatsicuentisi coyenewa bapontha bequein barapomonaе abe exana taetha. Barapomonaе Jesucristo ayapusya nanabar yawa ppona penanabar yawa itorobinexa tsane ichamonaetha.

<sup>18</sup> Barapon Adán pia peabe coyenewaxae, daxita jiwi natsicuenta Nacomtha xuya abe peexanaexae icha Adán ichi. Po pexanepanae coyenexae xua Jesucristo exana, barapo coyene jiwi cana exanatsi xua capanenebiyatsi penatsicuentisi coyenewa weya xua abe peexanaexae. Daxota daxita jiwi pomonaе pejume cowantsixae Jesucristo itacupatsi xua ataya asu jinompaena.

<sup>19</sup> Baxua caunutan xua caein jopa pejume jejeixae xua peexanaewa pocotsiwa xua Nacom itoroba, daxota jiwi ayei jiwi abe eexanapona. Barichi xua caein pejejeixae xua peexanaewa pocotsiwa Nacom itoroba, daxota ayei jiwi najuntu coyene xanepana exanapona Nacomtha. Matauta barapomonaе Nacom capanenebiya exana xua pia penatsicuentisi coyenewa weya, xua abe peexanaexae.

<sup>20</sup> Nacom itoroba, xua Moisés tina pia peitorobi coyenewa xua jiwi peyaputaewa tsane xua bara jiwi daxita abe peexanaponaе jiwi poxonaе jopa yabara jume cuiya exanaeyo pocotsiwa Moisés itoroba. Poxonaе jiwi equeicha mataropeicha yaputane Moisés pia peitorobi coyenewa, bapoxonaе equeicha bichocono mataropeicha yaputane abe peexanae coyenewan. Daichitha Nacom bichocono mataropeicha aantobe tsoponaе xua peyawenaenexatsi barapomonaе.

<sup>21</sup> Copiya daxita jiwi werapa abe peexanaexae. Ichitha anoxuae Nacom peantobexae jiwi daxota cana exana xua jopa xeinaeyo penatsicuentisi coyenewa xua abe peexanaexae. Nacom jiwi catatsi peajuntayapus coyenewa po peajuntayapuswa ataya tsiteca Jesucristo pon Wanacanamataxeinaein wanaca tsitupaexae.

## 6

*Meje yabara xua waxainchi asu jinompatsi caemonae wanaexanaexae Cristotha*

<sup>1</sup> Waxainchi jopa bewa abe eexanaponaeinchi xua Nacom wanaca yayawenapon-aenexa xua daxota wayaputaenexa xua bara Nacom naca antobe.

<sup>2</sup> Jopa bewa baxua exanaetsi. Waxainchi bayatha wetatsi xua abe waexanaewa. Equeicha jopa bewa abe exanaetsi, icha be pon petupaein ichi, xua jopa itacupaetsi xua equeicha abe peexanaewa, tsipei bayatha tupa.

<sup>3</sup> Paxam payaputaneme baxue: Poxonae waxainchi ichamonae naca bautisaba, bapoxonae caemonae nanaexainchi Cristo Jesustha. Waxainchi caemonae wananaexanaexae Cristotha poxonae naca bautisaba, bapoxonae be cae cui coyeneya nanaexanatsi xua wawerapaewa, icha bapon ichi poxonae tupa. Baxua be icha waxainchi xua bayatha werapatsi xua daxota equeicha jopa naca itacupaeyo xua abe waexanaewa.

<sup>4</sup> Wanaca bautisabi coyenewa baxua be poxonae Cristo naca cayawa muthuthu xotsi. Yawano be Cristo naca cayawa tupa poxonae bapon tupa. Icha Cristo ichichi xua equeicha asu exanatsi petupae cuiru coyene weya, Nacom bara naca ichi tsane. Nacom Cristo paxa asu cana exanatsi pia peitupanae coicha ayapusu itorobi coyenewatha. Barichi Nacom bara naca ichi tsane wayawa jinompaenexa pena juntu coyenewa. Bapoxonae xeinatsi pena juntu coyenewa, xua po juntu coyenewatha jinompatsi icha Cristo ichi. Nacom, baxua Cristo paxa cana exanatsi Nacom pia peitupanae coicha ayapusu itorobi coyenewatha.

<sup>5</sup> Tsipei waxainchi be caemonae nanaexanaeinchi po petupae coyenewatha poxonae bapon tupa. Barichi tsane poxonae equeicha asu naca exanaena petupae cuiru coyene weya icha matha Cristo ichichi poxonae asu exainchi petupae cuiru coyene weya. Bapoxonae caemonae nanaexanaeinchi Cristotha. Daxota icha Cristo ichichi xua poxonae asu exainchi equeicha petupae cuiru coyene weya, naca barichi tsane. Nacom equeicha asu naca exanaena petupae cuiru coyene weya caemonae wananaexanaexaetsi Cristotha poxonae be naca yawa tupa Cristo.

<sup>6</sup> Waxainchi yaputainchi, xua pocotsiwan exanatsi xua xuan waperu juntu coyenein po coyenein naca cana exana xua abe waexanaewa, barapo coyenein be weraweraca poxonae Cristo tupa exanadutatsi naetotha. Baxua nacata exana xua jopa equeicha bichocono waichichipaewa tsane xua waexanaewa abe coyenewa poxonae bequein wajuntu coyene naca itoroba xua abe waexanaewa tsane.

<sup>7</sup> Daxota ba pon xua bayatha tupa jopa itacupaetsi xua equeicha abe peexanaewa. Waxainchi barichichi jopa naca itacupaeyo xua equeicha abe waexanaewa tsane.

<sup>8</sup> Waxainchi Cristo naca cayawa tupa, daxota jume cowuntatsi xua bexa bapon Cristo baru jinompaeinchi.

<sup>9</sup> Waxainchi yaputainchi, xua poxonae Cristo equeicha asu exanatsi petupae cuiru coyene weya, bapoxonae bapana equeicha jopa tupa exanae tsainchi.

<sup>10</sup> Poxonae Cristo tupa bapon saya bara cae coyenewatha tupa xua daxita jiwi nexa abe peexanaexae xua ataya tsiteca. Ichitha xua Cristo anoxuae asu popona, barapo pepoponae coyenewa xua beta peexanaenexa pocotsiwa Nacom peichichipaewa xua bara ataya tsane.

<sup>11</sup> Barichi anoxuae paxam bewa pananta xeinaename be pomonae xua werapa xua equeicha jopa itacupaetsi xua abe peexanaewa. Bara paichinde paexande xua jopa paexanaeinde icha barapomonae ichi. Paexande pocotsiwa Nacom tsita xanepanatsi xua pocotsiwa Nacom ichichipa xua caemonae painya nanaexanaexae Cristo Jesustha.

<sup>12</sup> Daxota jopa pacopatsinde xua painya juntu coyenein paca itoroba xua abe painya neexanaewa. Painya pepon werapaena daxota jopa paexanaem tsane xua pocotsiwa painya pepon paca itoroba xua pocotsiwa ichichipa paexaname xua peabe coyenewan.

<sup>13</sup> Painya xoba pacopatame xua bara painya jũntũ coyenein paca itorobina xua painya neexanaewa tsane peabe coyenewan. Jame maisa bara pacopare xua bara Nacom paca jũntũ coyene itorobeibina painya neexanaenexa pocotsiwa Nacom paca itoroba. Bara paichinde icha be ichi xua pomonae bayatha werapa xua equeicha asũ exanatsi xua jopa equeicha abe exanaeyo.

<sup>14</sup> Anoxuae barapo abe peexanae coyenewa po coyene xua copiya paexanaponame jopa itacũpaetsi xua paca cana exana xua equeicha abe painya neexanaponaeewa tsane. Barichi anoxuae equeicha jopa panantawenonaem xua paexanaename pocotsiwa Moisés paca itoroba pia peitorobi coyenewatha Nacom painya paca capanenebiyaenexa. Jame paexana dubenanaebiyama pocotsiwa xua Nacom ichichipa pia paca necayawenae coyenewatha, pia paca necaantobexae.

*Meje yabara xua waxainchi bewa exanaetsi pocotsiwa pexainyei coyenewa*

<sup>15</sup> ¡Waxainchi jopa bewa abe eexanaponaeinchi! Anoxuae jopa Moisés naca itorobiyo pia peitorobi coyenewatha xua waexanaewa. Apra Nacom naca itoroba wanaca yawenaenexa xua wanaca antobexae.

<sup>16</sup> Paxam payaputaneme icha pebin nacaenaeta xua ichichipa exana pocotsiwa xua ichũn itoroba, bapoxonae bapon naexana be pon xua amanaya petanacuichin pon pia pentacaponaeinchi nexa. Daxota poxonae paxam paichichipame xua itapeta painya neexanaewa peabe coyenewan, bapoxonae barapo peabe coyenewa be paca cana mataxeina. Bapoxonae be pana nacana exaname be pocotsin amanaya petanacuichin pia pentacaponaein nexa. Daxota pawerapaename, painya neexanaexae barapo abe peexanae coyenewa. Ichacuitha icha paichichipame xua itapeta painya neexanaewa pocotsiwa xua Nacom itoroba, bapoxonae xaniwaichiya painompame. Nacom tsitatsi xua painya jũntũ coyenein xanepana xua jopa painya nenatsicuentisiwa abe painya exanaexae bapontha.

<sup>17</sup> Ichitha baxua yabara Nacom tsipaeban, janje: “Nacom maisa jũntũ coyene weiweinan, barapo Roma tomarapiwi pia peexanaexae. Tsipei copiya Ʃ saya xua abe coyenewan peexanaewi. Ichitha anoxuae barapomonae cajume cowũnta. Barapomonae bichocono jume cowũnta pia jũntũ coyenewatha pocotsiwa pexainyei jume xua barapomonae nacuiduba”, janje Nacomtha.

<sup>18</sup> Daxota anoxuae Nacom paca capanenebiya exana barapo abe painya neexanae coyenewan weya. Yawano paxam amanaya painya netanacuichi jiwi pam Nacom nexa xua beta painya neexanaewam.

<sup>19</sup> Xan cueicueijan pocotsi jumeintha xua jiwi itacũpatsi peyaputaenexa, tsipei yaputan xua pacata ayapube xua painya neyaputaewa. Caena bayatha paxam saya payabara copatame xua bara painya neexanaewa peabe coyenewan xua paichichipame. Jamaisa anoxuae payabara copare xua painya pepon peexanaponaeenexa pocotsiwa xua pexanepanae coyenewan Nacom nexa. Bapoxonae Nacom patsita jũntũ coyene xanepanaya jinompame.

<sup>20</sup> Poxonae cataunxuae saya Ʃ painya neexanaewi abe peexanae coyenewan, bapoxonae jopa Ʃ painya neexanae jiwi pocotsiwa pexanepanae coyenewan.

<sup>21</sup> Poxonae bayatha peabe coyenewan paexaname baraxua apra jopa paca yawenaeyo. Apra saya paca aura exana anoxuae. Ichitha barapo abe peexanae coyenewan saya paca cana exana xua painya newerapaewa tsane.

<sup>22</sup> Ichitha anoxuae panenebiya painya nepaca exanaexae barapo abe painya neexanae coyenewan weya, daxota anoxuae paexaname pocotsiwa xua Nacom paca itoroba. Daxota pocotsiwa Nacom painya nepaca matomatsiwa, baxua apra poxonae Nacom paca jũntũ coyene xanepana cana exana bapontha. Mataũtano Nacom paca catsibina pocotsiwa peajũntũcoyenesũwa po peajũntũcoyenesũwa ataya tsiteca.

<sup>23</sup> Barapo peabe coyenewaxae saya jiwi werapaena cana exanaeinchi. Ichitha pocotsiwa xua Nacom amanaya wanaca catsiwa, baxua apara po coyene xua peajuntuyarusu coyene po peajuntuyarusu coyene ataya tsiteca. Barapo peajuntuyarusu coyenewa naca cana exana xua caemonae naexainchi Cristo Jesustha, pon Wanacanamataxeinaein.

## 7

### *Meje yabara xua po peitorobi coyenewa poxonae jitha peecaewa yabayo*

<sup>1</sup> Tamonae pam, pomonae pam pomonae iru painya nejume cowantsi jiwixae Jesucristo. Paxam barapomonae pam xua payaputaneme Moisés pia peitorobi coyenewa tatsi. Yawano payaputaneme xua jiwi saya bewa exanaena pocotsiwa Moisés itoroba barapo peitorobi coyenewatha poxonae cataunxuae jinompa barapo cae pin nacuathe. Ichitha poxonae jiwi werapa barapomonae jopa equeicha bewa exanae pocotsiwa barapo peitorobi coyenewa itoroba.

<sup>2</sup> Paca tsipaebatsi peyabara juta paebiwa: Petsiriwa powa xeina piseuri bewa piseuritha cuicuinae pepaebixae barapo peitorobi coyenewa, xua poxonae pia pebin tatsi awiya asu popona. Ichitha icha barapowa pia pebin tatsi tatupatsi barapowa jopa nantawenonaeyo xua peexanaewa pocotsiwa Moisés itoroba barapo peitorobi coyenewatha xua po coyene pebin yabara paebatsi.

<sup>3</sup> Daxota icha barapowa isa maiteca icha pebin xua nasi cui exana icha pebintha poxonae cataunxuae baru popona pia pebin, bapowa bapoxonae Nacom tsita natsicuentatsi xua abe peexanaexae. Ichitha icha bapowa pia pebin tatsi tatupatsi barapowa itacupatsi xua pepichiwa icha pebin. Barapowa jopa Nacom tsita natsicuentatsi xua abe peexanaexae. Poxonae baxua exana, tsipei barapo peitorobi coyenewa jopa yabara paebiyu baxua.

<sup>4</sup> Tamonae pam, paxam pomonae iru painya nejume cowantsiwixae Jesucristo. Barichi bara juta ichi poxonae Cristo tupa, paxam iru be pawerapame. Daxota jopa panantawenonaem xua paexanaename pocotsiwa Moisés itoroba pia peitorobi coyenewatha. Anoxuae paxeiname ichun pon paca itoroba. Baraxua barichi icha yabayo ichi xua pita icha pebin pon bapowa itorobatsi poxonae piseuri tatsi tatupatsi. Anoxuae paxam Cristo piamonae tatsi pam, pon equeicha asu exanatsi petupae cuiru coyene weya. Barapo coyenewatha Nacom naca cana exana xua wanaca itacupaewa xua waexanaewa tsane pocotsiwa xanepana Nacom nexa.

<sup>5</sup> Poxonae waxainchi copiya jume cowuntatsi, Moisés yabara naca itoroba pia peitorobi coyenewatha po coyenewa jopa bewa exanaetsi. Ichitha wajuntu coyenewatha ichichipatsi nawita xua waexanaewa barapo abe peexanae coyenewan poxonae jume tainchi xua jopa bewa exanaetsi barapo coyene. Barapo coyene naca cana exana xua saya wawerapaewa tsane.

<sup>6</sup> Ichitha anoxuae jopa wanantawenonaewa xua waexanaewa pocotsiwa Moisés itoroba pia peitorobi coyenewatha. Waxainchi bayatha be werapatsi xua daxota barapo Moisés pia peitorobi coyene tatsi jopa itacupaetsi xua wanaca itorobiwa. Daxota anoxuae naca itacupa xua watanacuichiwa Nacom. Waxainchi xeinatsi pena juntuu coyene po pena juntuu coyene Nacom pia Pejumope tunaxu tatsi naca cata. Nama jopa equeicha exanaetsi pocotsiwa Moisés itoroba barapo pia peru itorobi coyenewatha xua bayatha tina.

### *Meje yabara xua Pablo jeye: “Meje xua po peabe exanae coyene xeinan”, jei.*

<sup>7</sup> Waxainchi jopa bewa paebichi xua Moisés pia peitorobi coyenewa tatsi abe. Tsipei barapo Moisés pia peitorobi coyenewa tatsi necuiduba xua bara abe exanan. Copiya jopa yaputaeinyo xua peabe coyenewa poxonae yabara uwiya ichichipan pocotsiwan ichamonae xeina. Ichitha barapo peitorobi coyenewa naca tsipaeba, naca jeye: “Jopa



yabara uwiya paichichipaeinde pocotsiwa xua ichamonae xeina”, jei barapo peitorobi coyenewa.

<sup>8</sup> Poxonae copiya jume cowantān, Moisés yabara neitoroba pia peitorobi coyenewatha po coyenewan xua jopa bewa uwiya ichichipaein tsane ichamonae piawan. Ichitha jame ichichipan nawita tajantū coyenewatha xua taxeinaewa tsane xua ichamonae piawan poxonae jume tan xua jopa bewa ichichipaein tsane xua taxeinaewa tsane ichamonae piawan. Poxonae awiya jopa yaputaeinyo Moisés pia peitorobi coyenewa jopa ichipaeinyo xua taxeinaewa pocotsiwa ichamonae piawan.

<sup>9</sup> Caena bayatha poxonae jopa yaputaeinyo Moisés pia peitorobi coyenewa xan saya jantema poponan, tsipei jopa yabara yaputaeinyo xua abe taexanaewa. Ichitha pirapae bequein yabara yaputan barapo peitorobi coyenewa, xua ichamonae piawan peuwiwa yabara, awiya bichocono abe exanaponan. Bapoxonae bara be tatūpae coyenewaba tsipei jopa jantema tapoponaewa abe taexanaexae.

<sup>10</sup> Barapo Moisés pia peitorobi coyenewa tatsi Nacom cata xua jiwi pejantū coyene weiweinaenexa xua poxonae pejantū coyene xanepanaewa tsane. Poxonae jiwi jume cowantsiya exana daxita xua barapo coyenewatha itoroba, barapo jiwi bexa tsane xeinaena peajantūyapūsūwa xua bara ataya tsane xeinaena. Daichitha barapo coyenewa wecoyei necana exana tsipei bewa tatūpae coyenewa tsane poxoru jopa neitacūpaeayo xua exanan daxita xua barapo coyenewa itoroba.

<sup>11</sup> Barapo Moisés peitorobi coyenewa be netsita penaerabi coyenewa. Mexeya itara xeinacuaein jantocuae peajantūyapūsūwa poxonae exanaein pocotsiwa Moisés itoroba pia peitorobi coyenewatha. Daichitha poxonae abe exanan Moisés pia peitorobi coyenewa netsita itata xua bewa tūpaein tanatsicuentiswaxae abe taexanaexae Nacomtha.

<sup>12</sup> Daxita po peitorobi coyenewan Nacom cata Moiséstha daxita bara wūnae, yawa bara pexainyei coyenewan.

<sup>13</sup> Barapo Moisés pia peitorobi coyenewa jopa necana exanaeyo xua bewa tūpaein tanatsicuentiswaxae abe taexanaexae Nacomtha. Apra jame barapo abe taexanae coyene necana exana xua be tūpaein tanatsicuentiswaxae abe taexanaexae Nacomtha. Bequein barapo Moisés pia peitorobi coyene tatsi wūnae, daichitha barapo peitorobi coyene neyaputane exana xua abe taexanaein. Barapo peitorobi coyenewatha xua Nacom naca yaputane exana xua poxonae abe exanatsi barapo abe peexanae coyenewa bara xainyei, bara abe bichocono. Jopa bichocono juniya abeyo.

<sup>14</sup> Yaputainchi xua Moisés pia peitorobi coyenewa tatsi apra xanepana, Nacom weya pejume pichipaexae. Ichitha poxoru saya jiton jantū coyeneya taxeinaeinxae tajantū coyene necana exana xua abe taexanaewa.

<sup>15</sup> Tsipei jopa xapain yaputaeinyo pocotsiwa xua exanan, poxoru jopa exanaeinoyo pocotsiwa xua xanepana xua pocotsiwa ichichipan xua taexanaewa nexa. Ichitha pocotsiwa aichaxaibin xua jopa pexanepanaexae, daichitha apra baxua exaneiban.

<sup>16</sup> Ichitha icha abe exanan xua bequein aichaxaibin abe taexanaewa, bapoxonae yaputan xua Moisés pia peitorobi coyenewa tatsi xanepana. Tsipei barapo peitorobi coyenewa necuiduba xua jopa bewa exanae abe peexanae coyenewan.

<sup>17</sup> Tacoutha jopa ichipaeinyo xua abe taexanaewa bequein baxua exanan. Ichitha barapo abe peexanae coyenewa xua tajantū coyenewatha xeinan, barapo coyene necana exana xua apra abe taexanaewa.

<sup>18</sup> Tsipei xan yaputan xua xeinan jiton pia coyene. Daxota jopa xeinaeinoyo pexanepanae coyenewa. Bequein ichichipan xua xanepanaya taexanaewa, ichitha jopa neitacūpaeayo xua baxua exanan tacoutha.

<sup>19</sup> Jopa exanaeinoyo po pexanepanae coyenewa bequein ichichipaethan xua taexanaewa. Ichitha ū exanaponan po abe peexanae coyenewan bequein aichaxaibithan xua taexanaewa.

<sup>20</sup> Daxota icha abe exanan pocotsiwa bequein aichaxaibithan xua abe taexanaewa, bapoxonae jopa neitacupaeyo xua tacoutha nayawenan xua jopa abe taexanaewa. Barapo abe peexanae coyenewa xua tajuntũ coyenewatha xeinan, barapo coyene necana exana xua equeicha mataropeicha abe taexanaewa.

<sup>21</sup> Daxota nayaputan pocotsiwa exaneiban tajuntũ coyenewatha, xua poxonae bequein ichichipan beta taexanaewa tsane bapoxonae abe exaneiban.

<sup>22</sup> Bichocono ichichipeiban tajuntũ coyenetha Nacom Pejume Diwesi tatsi.

<sup>23</sup> Ichitha yaputan xua po peabe coyenewa tajuntũ coyenewatha xeinan neitoroba xua abe taexanaewa tsaibi, bequein nanta xeinan xua beta taexanaewa, icha Nacom ichichipa. Ichitha barapo peabe coyenewa neitoroba xua equeicha mataropeichiya abe taexanaewa, po peabe coyenewa xua tajuntũ coyenewatha xeinan. Xan be pon tanebusi cui taetaein ichamonae tsipei barapo abe taexanaewa neitorobeiba xua abe taexanaewa.

<sup>24</sup> ¡Ooo, jopa taxanepanae tsocuaeinyo! ¡Jopa tajuntũ coyene wũnae tsocuaeinyo! ¿Jintam metha necapanepaena barapo tapepon weya po pepon xua bewa tũpaena?

<sup>25</sup> Daxota Nacomtha janje: “Nacom juntũ coyene weiweinan xua Jesucristo, pon Tanecanamataxeinaein, itacũpatsi xua tanecapanepaewa tsane barapo tapepon weya”, jan Nacomtha. Daxota yaputan xua nanta xeinan xua bara beta taexanaewa pocotsiwa Nacom neitoroba, ichitha tajuntũ coyenewatha exanan pocotsiwa xua abe taexanaewa.

## 8

*Meje yabara xua peajuntũ yapusũya pejinompaewa po peajuntũ yapusũwa Nacom pia Pejumope tũnaxũ tatsi naca cata*

<sup>1</sup> Dapon ajibi pon itacũpatsi peyabara paebiwa xua pomonae caemonae penaexanaewi Cristo Jesustha natsicuenta abe peexanaexae Nacomtha.

<sup>2</sup> Nacom pia Pejumope tũnaxũ tatsi naca cata peajuntũ yapusũwa xua wajinompae coyenewanexa xua caemonae xua wanaexanaexaetsi Cristo Jesustha. Barapo Nacom pia Pejumope tũnaxũ tatsi neyawena pia peayapusũ itorobi coyenewatha. Necapanepa exana po peitorobi coyene weya xua neitoroba xua abe taexanaewa. Mataũtano necapanepa exana xua po peitorobi coyene weya tũpa necana exana.

<sup>3</sup> Moisés pia peitorobi coyenewa tatsi jopa itacũpaetsi xua jiwi capanenebiya exainchi abe pia peexanae cuiru coyenein weya. Jiwi jopa itacũpaetsi xua daxita yabara jume cuiya exana barapo Moisés pia peitorobi coyenewa tatsi. Ichitha Nacom Pexanto itorobica pon yatsicaya pepa Pexanto tatsi. Barapo Pexanto tatsi naexana be bara jiton pia pepon tatsi, bara naca perũ coyene jũpa, po pepontsi xua abe waexanae jiwichi. Poxonae Cristo tsitũpa waabe exanae cuiru coyenewan, bapon amanayaba barapo waabe exanae cuiru coyenewantha. Barapo peabe coyenewan jopa peitacũpaenexa tsainchi xua wanaca cana exanaewa tsane xua equeicha abe waexanaewa tsane.

<sup>4</sup> Nacom baxua exana xua waxainchi wanaca itacũpaenexa xua waexanaewanexa tsane pocotsiwa Moisés itoroba pia peitorobi coyenewatha. Waxainchi naca itacũpa xua waexanaewa pocotsiwa Moisés pia peitorobi coyenewatha itoroba, poxoru jopa apara exanaetsi xua wapepon peichichipaexae. Apara jame exainchi xua pocotsiwa Nacom pia Pejumope tũnaxũ tatsi wanaca itorobixae.

<sup>5</sup> Pomonae exana dubenanaebiya pocotsiwa pia pepon ichichipa exana, saya barapomonae yabara nanta xeina xua abe peexanae coyenewa. Pomonae exana dubenanaebiya icha pocotsiwa Nacom pia Pejumope tũnaxũ tatsi ichichipa, barapomonae saya yabara nanta xeina xua xanepanaya peexanae coyenewa pocotsiwa Nacom nexa.

<sup>6</sup> Jiwi ba yabara nanta xeina abe peexanae cuiru coyenewan pocotsiwa pia pepon tatsi ichichipa. Bapoxonae barapo jiwi werapaena peexanaexae barapo abe peexanae coyene. Irũ icha jiwi ba yabara nanta xeina xanepanaya peexanae coyenewan

xua pocotsiwan Nacom pia Pejumope t̃nax̃ tatsi ichichipa, barapomonaе xeinaena peaj̃nt̃ỹarup̃s̃wa po peaj̃nt̃ỹarup̃s̃wa xua bara ataya tsane. Matãnt̃ano xeinaena j̃nt̃ema pejinompae coyenewa.

<sup>7</sup> Pomonaе saya peyabara nanta xeinaewi xua abe peexanae coyenewa xua pocotsiwa pia pepon tatsi ichichipa exana, barapomonaе apara Nacom pia peaitafaetabi jiwichi. Barapomonaе jopa ichipaeyo xua peexanaewa pocotsiwa Nacom itoroba pia peitorobi coyewatha xuano xua jopa itac̃paetsi xua peexanaewa barapo coyene.

<sup>8</sup> Pomonaе naitomatsiya exana pocotsiwa xua pia pepon tatsi itoroba xua abe peexanae coyenewa peexanaewa, barapomonaе Nacom jopa tsita xanepanaetsi.

<sup>9</sup> Ichitha nama paxam jopa paexanaem baxua po abe peexanae cuiru coyenewan painya pepon paca cana exana xua abe painya neexanaewa. Ichitha nama paxam pajinompame icha be pocotsi coyeneya Nacom pia Pejumope t̃nax̃ tatsi ichichipa, icha barapo jumope yatsicaewa paca bar̃ jinompa. Pon jopa Nacom pia Pejumope t̃nax̃ tatsi bar̃ poponaetsi, bapon jopa Cristo pijimonaе tatsi.

<sup>10</sup> Ichitha icha Cristo paca bar̃ popona, Nacom pia Pejumope t̃nax̃ tatsi paca cana exana xua jopa painya nenatsicuent̃siwam xua abe painya neexanaexae Nacomtha. Baxua paca cana exana bara bequein painya pepon werapa exanatsi abe peexanae coyenewan. Baxua paca cana exana painya nẽj̃nt̃ coyene xanepanaexae Nacomtha.

<sup>11</sup> Nacom pia Pejumope t̃nax̃ tatsi Jesús as̃ exanatsi pet̃p̃ae cuiru coyene weya. Icha Nacom pia Pejumope t̃nax̃ tatsi paca bar̃ popona, bapoxonaе Nacom as̃ exanaena painya pepon, po pepon xua werapaena. Baxua Nacom pacata exanaena, icha Nacom pia Pejumope t̃nax̃ tatsi ichi poxonaе Cristo as̃ exanatsi pet̃p̃ae cuiru coyene weya. Baxua Nacom exanaena painya nepaca bar̃ jinompaexae Nacom pia Pejumope t̃nax̃ tatsi.

<sup>12</sup> Tamonaе pam, paxam pomonaе ir̃ painya nẽj̃me cow̃nt̃siwixae Jesucristo. Waxainchi jopa bewa exanaetsi pocotsiwan xua wapepon naca cana exana xua abe waexanaewa tsane.

<sup>13</sup> Tsipei icha paxam paexana dubenanaebiyame xua pocotsiwa painya pepon ichichipa xua abe painya neexanaewa tsane, bapoxonaе pawerapaename. Ichitha jame paexana dubenanaebiyama pocotsiwa Nacom pia Pejumope t̃nax̃ tatsi paca cui itoroba xua painya neexanaewa tsane. Bapoxonaе jopa paexanaem pocotsiwan xua painya pepon paca cana exana xua abe painya neexanaewa tsane. Bapoxonaе bexa tsane aj̃nt̃s̃ya pajinompaname Nacom pia nacuatheicha.

<sup>14</sup> Daxita pomonaе Nacom pia Pejumope t̃nax̃ tatsi itorobiya ewata, barapomonaе bara Nacom pia pexui tatsi.

<sup>15</sup> Nacom paca nacana jumope cata. Barapo pejumope jopa paca cana exanaeyo pomonaе be painya nepaca busi cui tatayebeibi jiw̃ pam xua ichamonaе amanaya painya netanacuichi jiw̃ pam, xua daxota equeicha pajunuwame. Jame barapo Nacom pia Pejumope t̃nax̃ tatsi paca cana exana xua Nacom pia pexui tatsi pam. Barapo Nacom pia Pejumope t̃nax̃ tatsi naca exana xua barompaya wajeiwa: “Axa”, wajeiwa Nacomtha.

<sup>16</sup> Nacom pia Pejumope t̃nax̃ tatsi ir̃ waj̃nt̃ coyenewa natsipaebabe xua pinaе bara Nacom pia pexui tatsi wanaexanaewichiba.

<sup>17</sup> Waxainchi Nacom pia pexui tatsi wanaexanaexae, daxota xeinatsi pocotsiwa Nacom wanaca j̃nt̃ana jebiwa xua bexa tsane naca catsibina. Barapocotsiwa bayatha yabara naca tsiw̃naе muxu duba. Poxonaе Nacom baxua naca catsibina, Cristo matha catsinchi xua waxainchi wajiwana xeinaenexa. Icha waxainchi ichamonaе naca atene exana, icha poxonaе Cristo ichichi xua matha atene exanatsi ichamonaе, bapoxonaе waxainchi Cristo bar̃ xeinaeinchi pocotsiwa Nacom wanaca j̃nt̃ana jebiwa. Nacom naca catsibebina po pexeinya peit̃panae coicha xua bayatha Cristo catatsi.

*Meje yabara xua Nacom piamaetha catsicaena pia pexeinya peitupanae coicha*

<sup>18</sup> Xan yaputan xua bequein ichamonae naca atene exana barapo cae pin nacuathe, baxua jopa ainya cuiyo. Matautano yaputan xua Nacom cata pia pexeinya peitupanae coicha Jesustha. Barichi naca catsibina barapo pexeinya peitupanae coicha po pexeinya peitupanae coicha xua jopa juniya wunaeyo.

<sup>19</sup> Daxita po jiwi Nacom forota barapo cae pin nacuathe, barapo jiwi wunaey wey-ataeya ewata po mataqueitha poxona Nacom tsita itutsina piamae. Nacom tsita itutsina piamae xua daxita jiwi peyaputaenexa tsane xua xaniwaicha barapomonae apara Nacom pia pexui.

<sup>20</sup> Daxita baxuan xua xuan Nacom exana po cae pin nacuathe barapo coyenein abe naexanaena. Jopa apara barapo coyenein pia couthiyo xua peweraweracaewa tsane peabexae, saya apara poxoru Nacom baxua pecopatsixae poxoru Nacom namchi xua daxita bewa weraweracaena Adán abe peexanaexae. Ichitha Nacom yabara cana juntu coyene weta exana xua pejopaewa tsane matabi po mataqueitha xua barapo cae pin nacue pena naca naexanaena.

<sup>21</sup> Barapo cae pin nacuathe xua pena naca, jiwi jopa bapana equeicha werapae tsane. Matautano daxita coyenein xua Nacom forota jopa bapana equeicha weraweracaewa tsane. Barapo mataqueitha daxita xua xuan Nacom forota Nacom wunaey cana exanaena, icha pijimonaetha cana ichi tsane xua pijimonaetha tatsi bichocono wunaey xanepana naexanaena.

<sup>22</sup> Waxainchi yaputainchi daxita baxuan xua pejinompaewan xua Nacom peforotsiwan caena bayatha atene xua beya anoxuae. Atene icha yabayo ichi xua bichocono atene poxona imoxoyo pexuyo tanaexanatsi.

<sup>23</sup> Daxita baxuan meisa jopa ateneyo. Bara iru waxainchi daxitatsi atenetsi bequein Nacom pia Pejumope tanaetha tatsi naca yawa jinompa. Barapo pejumope, apara pocotsiwa xua copiya matha Nacom naca cata xua pocotsiwa jiwana Nacom bexa naca catsibina. Bichocono ajuntucoyenerewetsi xua janthuthu wecoyeichi, poxona waxainchi ewatatsi po mataqueitha poxona Nacom yatsicaewa naca cana exanaena pia pexuichi, xua barichino naca catsibinano pena pepon.

<sup>24</sup> Poxona Nacom naca capanenebiya, Nacom naca tsipaeba pinae naca catsibina pena pepon. Barapo pepon cataunxuae abu wunaey ewatatsi. Icha waxainchi xeinaeinchi pocotsiwa xua wunaey ewatatsi bapoxona jopa nantawenonaetsi xua came wunaey ewatatsi, tsipei bayatha xeinaeinchiba. Poxoru jiton ba jopa came wunaey ewatsiyo pocotsiwa xua bayatha xeinaba.

<sup>25</sup> Ichitha icha wunaey ewatatsi pocotsiwa xua came jopa xeinaetsi bapoxona bewa wunaey ewatatsi xua jopa bepijawa aitaconaetsi.

<sup>26</sup> Barichi Nacom pia Pejumope tanaetha tatsi naca yawena tsipei waxainchi wajuntu coyene faefaenaewi. Waxainchi jopa yaputaetsi xua betiya cuitiya wucatsi Nacom. Ichitha poxona juntu coyene bojeichi, poxoru jopa wanaca itacupaewa xua po jumetha wacaunutsiwa, bapoxona Nacom pia Pejumope tanaetha tatsi nacata wuca Nacomtha.

<sup>27</sup> Nacom, bapon yaputane pocotsiwa xua jiwi pia juntu coyenewatha nanta xeina. Matautano barapon yaputane pocotsiwa Nacom pia Pejumope tanaetha tatsi ichichipa paeba jiwi nexa. Nacom pia Pejumope tanaetha tatsi Nacom wucatsi icha be pocotsi coyeneya Nacom ichichipa pomona xua Nacom piamae tatsi nexa.

*Meje yabara xua waxainchi amanayabatsi po coyenein xua bequein naca atene exana*

<sup>28</sup> Waxainchi yaputainchi xua daxita po coyenein xua nacata exana bequein wunaey, ichacuitha bequein abe, daichitha Nacom equeicha daxita baxuan nacata xanepana exana. Baxua Nacom taexana pomonaetha pomonaetha pia peantobexaetsi. Barapomonaetha Nacom waba petaexanaewa tsainchi pocotsiwa bapon ichichipa.

<sup>29</sup> Caena bayatha poxonae aena nacua forota, Nacom tsiwana yaputane barapomonae pomonae pejume cowantsiwichi tsainchi. Matautano Nacom itapeta xua pecana exanaenexa icha be pexanto tatsi ichi. Baxua Nacom exana xua Pexanto tatsi bapon Jesús, be matapin naexana xua daxita jiwí pentapin tatsi.

<sup>30</sup> Pomona xua Nacom itapeta xua caena bayatha xua copiya poxonae aena nacua forota, bara yawano Nacom waba xua peexanaenexa pia pexui tatsi. Pomona xua Nacom pewabixae bara yawano exana xua barapomona xua jopa penatsicuentsiwa xua abe peexanaexae pecatsixae pejuñtu coyene xanepanaewa bapontha. Pomona xua Nacom pejuñtu coyene xanepana exanaexae, bara yawano yabara tsiwuna muxu duta xua barapomona naexanaena icha be Nacom Pexanto tatsi ichi.

<sup>31</sup> Anoxuae waxainchi yaputainchi xua Nacom naca yawena daxota dapon ajibi pon naca juñtu coyene amanayaba xua abe wanaca exanaenexa.

<sup>32</sup> Poxoru Nacom Pexanto jopa asiwiyo daxota Nacom copata xua wanaca tsitupaenexa. Daxita waxainchi yaputainchi xua daxota daxitan coyenein Nacom amanaya naca catsiba po coyenein canamatawenonatsi.

<sup>33</sup> Dapon ajibi xua itacupatsi yabara paeba xua pinae Nacom tsita natsicuentatsi pomona pia peitapetsiwixae tatsi xua abe petsita exanaexaetsi. Nacom yabara paeba xua pinae apara jopa barapomona tatsi natsicuenttsichi xua abe petsita exanaexaetsi bequein abe exana taetha.

<sup>34</sup> Matautano dapon ajibi xua itacupatsi yabara paeba xua barapomona bewa werapaena penatsicuenttsixae xua abe peexanaexae Nacomtha. Barapomona xua jopa bewa werapae tsane, tsipei Cristo Jesús tsitupa barapomona, abe peexanaexae Nacomtha. Bapon Cristo Jesús equeicha asu exanatsi. Anoxuae eca Nacom pia coxa weya tatsi. Bapon Cristo Jesús Paxatha wuca xua nacata wuca.

<sup>35</sup> Cristo naca antobe, daxota dapon ajibi pon itacupatsi xua tsanayiya naca cana exana Cristo weya. Ichacuitha ichamona atene wanaca exanaewichitha awiya Cristo naca antobe. Ichacuitha ichamona daunwei wanacata exanaewichitha awiya naca antobe. Ichacuitha ichamona abe wanacata exanaewichiwathatsi wayabara cueicueijeixae Jesús awiya bapon naca antobe. Ichacuitha wajainpaewichiwathatsi awiya naca antobe. Ichacuitha wanacata acoibichiwathatsi paparuwa awiya naca antobe. Ichacuitha wanapeipeichiwathatsi poxona ichamona abe nacata exana awiya naca antobe. Ichacuitha ichamona wanaca jutebichiwathatsi awiya naca antobe. Daxita barapo coyenein jopa canaupatsi xua tsanayiya wanaca exanaewa Cristo weya.

<sup>36</sup> Icha naca ichi daxita barapo coyenein, barichiru Nacom Pejume Diwesitha bayatha baxua yabara naca tsiwuna muxu duta, jeye:

“Nacom poxoru tapaca cajume cowantsi  
jiwixaetsi daxita maticabin tsaibi  
ichamona ichichipa pana jutebeiba.  
Barapomona pana necana exaneiba icha jiwí  
ichi xua poxona daxita maticabin ovejan  
capaneiba pon oveja pejutebeibin beya”,  
jei Nacom Pejume Diwesitha, xua  
yabara naca tsiwuna muxu duta.

<sup>37</sup> Ichitha bequein waxainchi daxita barapo coyenein naca atene exana, daichitha amanayabatsi barapo coyenein Cristo pia peayapusu itorobi coyenewatha pon wanaca antobein.

<sup>38-39</sup> Daxota bara yatsicaewa yaputan, xua dapocotsi coyene ajibi po coyenetha xua tsanayiya naca exana Nacom pia peantobe coyene weya tatsi. Jopa tsanayiya naca exanaeyo bara bequein poxona tupaethatsi, yawa bara bequein poxona jinompaethatsi. Iru matatsunpiwi jopa canaupatsi xua tsanayiya wanaca cana exanaewa,



bequein iru caurimonaeru, bequein iru pocotsiwan xua anoxuae exanaponaru, bequein iru xua pocotsiwan bexa tsaneru, bequein iru xua pocotsiwan wetsica patopaenano, bequein iru xua pocotsiwan ira wetsinano, bequein iru ichawano xua pocotsiwa Nacom forota. Bara bequein daxita barapo coyenein, ichitha jopa canaupaetsi xua tsanayiya pewanaca exanaewa Nacom pia wanaca antobe coyene weya tatsi. Nacom naca cata barapo peantobewa xua Cristo Jesús xeina, pon Wanacanamataxeinaein.

## 9

### *Meje yabara xua Nacom itapeta judi monae*

<sup>1</sup> Pocotsiwan paca tsipaebatsi barapocotsiwan pexainyei jumein. Tajume cowantsixae Cristo, bara jopa naerabinyo. Tajuntu coyenetha Nacom pia Pejumope tuxaxu tatsi neitoroba. Barapon jume daunweya netsipaeba xua pinae bara yatsicaewa xainyeya cueicueijan.

<sup>2</sup> Xainyan, wecoyan. Bichocono tamonaе siwa anthuthutanein tsaibi jopa pejume cowantsixae Cristo.

<sup>3</sup> Bichocono antobein barapomonaе pomonaе tanacuapiwi. Daxota nayabara pae-ban, janje: Bena bequein siwa tupaеuеin tamonaе xua bequein tsana tanaexanaewa Cristo weya, xua be poxonaе Nacom tsita tanatsicuentaеsiwa xua barapomonaе abe pia peexanaе coyenewan nexa. Bapoxonaе xua Nacom tamonaе pia pecapanenebiyaenexatsi, daxota Nacom copata xua ichamonaе nebexubina, najanje.

<sup>4</sup> Pon Israel, pon caena bayatha tupa, bapon nawun cata tamonaetha. Daxota tamonaе “israelmonae”, baraichi. Bapon pia pemomoxi susato jiwi tatsi pomonaе tamonaеxae Nacom barapomonaе pia pexui exana. Barapomonaе bayatha Nacom yanta popona xua daxota barapomonaе tane Nacom pia pexeinya peitupanae coicha poxonaе xua beta exana barapomonaе nexa, Nacom tsipaeba barapomonaе pocotsiwa xua bapon peichichipaewa. Matautano Nacom yabara tsiwunaе muxu duta pomonaetha pomonaе xua ataya yaweneibina barapomonaе peexanaenexa xua bapon ichichipa. Barapomonaetha Nacom cata Moisés pia peitorobi coyenewa tatsi. Matautano Nacom cata barapomonaе po coyene xua barapomonaе xaniwaicha wunaе pejainchinexa bapontha. Matautano Nacom yabara tsiwunaе muxu duta barapomonaе xua Cristo peatopeicaewa tsane.

<sup>5</sup> Barapomonaе wamo susato jiwi pia pemomoxi susato jiwi tatsi. Cristo be jiton coyeneya naexana barapomonaе jiwana pomonaе pia pemomoxi susatopiwi jiwana tatsi. Bapon Cristo apara bara Nacom. Barabu Nacom bara ataya wunaе jainteibinchi pon xua daxita coyeneintha canamataxeina.

<sup>6</sup> Ichitha barapomonaе bequein Nacom cata daxita barapo coyenein, daichitha anoxuae barapomonaе jopa Nacom xanepanaya beta tsita jinompaetsi jopa Cristo peyabara jume cowantsixaetsi. Bequein ichamonaе nanta xeinaetsipa xua pinae Nacom Pejume Diwesi jopa ainya cuiyo xua barapomonaе jopa peexanaexae pocotsiwa Nacom itoroba, ichitha baraxua jopa xainyeyo pocotsiwa barapomonaе nanta xeina. Baraxua jame tsita itapeinya xeina xua apara jopa daxitiyo pomonaе Israel pia pemomoxi susato jiwi tatsi xua Nacom piamonaе tatsi.

<sup>7</sup> Matautano Abraham pia pemomoxi susato jiwi tatsi apara jopa daxitiyo barapomonaе xua Nacom piamonaе tatsi. Nacom caena bayatha tsipaeba Abrahamtha, jeye: “Xam xeinaename pomonaе pepa jinya nemomoxi susato jiwi xua Isaac pon nexanto xua pia pexui jiwana tatsi”, jei Nacom.

<sup>8</sup> Baxua naca yaputane exana xua Nacom jopa exanaeyo daxita xua Abraham pia pemomoxi susato jiwi tatsi be Nacom pia pexui tatsi. Nacom meisa be pia pexui cana exana pomonaetha pomonaе pejume cowantsixae xua Nacom pia peyabara tsiwunaе

muxu dutsiwa. Barapomonae jume cowanta Nacom pia peyabara tsiwuna nae muxu dutsiwa xua Cristo capanenebiyaena barapomonae.

<sup>9</sup> Tsipei Nacom tsipaeba Abrahamtha poxona nae yabara tsiwuna nae muxu duta. Nacom jeye: “Barapo xometotha xua icha weitha taitorobi coyenewatha bapoxona nae Sara pexanto pabetsina pebin wato xua nexanto tsane”, jei Nacom.

<sup>10</sup> Jopa meisa baxuiyo, ichawano Nacom exana. Sara pexanto tatsi naexana pewan Isaac. Poxona nae Isaac pinyo, bapon nacueyoba piowa, pewan Rebeca. Rebeca tanama ecatsibe pebin watobe. Barapo pexuyobe cae axa nanta utabe bapon Isaac, pon wamo susatopin.

<sup>11-13</sup> Caena bayatha pewanaeya poxona nae barapoyobe jopa naexanaebe, xua nae pewanaeya xua poxona nae barapoyobe jopa abe exanaeyobe matautano pewanaeya xua poxona nae jopa wuna nae exanaebe, bapoxona nae Nacom tsipaeba Rebeca tsipaebatsi. Nacom jeye: “Pon xua copiya naexanaena bapon peyapin canamataxeinaeinchi”, jei Nacom. Barapo jume bara nayaraba jume japabe xua icha diwesitha Nacom Pejume Diwesitha xua Rebeca pexantobe tatsi yabara paebatsi xua ichaxota, jeye: “Cuita itapetan Jacob xuyapin, ichitha nama Esaú naitematatan matapin”, jei Nacom Pejume Diwesitha. Baxua naca yaputane exana xua Nacom pia coya itapeta pomonaetha pomona nae xua peichichipaewa, xua pewabiwa barapomonae. Nacom jopa yabara itapetsiyo barapomonae peexanaexae pocotsiwa Nacom peichichipaewa.

<sup>14</sup> Ichamonae paeba, xua pinae Nacom jopa xapain exanaeyo poxona nae caein jiwana itapeta, xua poxona nae ichan naitematatsi. Apra jopa xapain wunaeyo xua barapomonae Nacom yabara paebatsi.

<sup>15</sup> Tsipei Nacom paeba Moisestha, jeye: “Pomona nae wunaeya yabara nanta xeinaein xua tayawenaenexa, barapomonae beta yawenaein”, jei Nacom.

<sup>16</sup> Baxua naca cuiduba xua jopa jiton itapetichi poxoru wuna nae peexanaexae. Matautano jopa itapetichi xua poxoru peichichipaexae xua peitapetsiwatsi. Saya jame pebiwi itapetatsi poxona nae Nacom wunaeya yabara nanta xeina xua peyawenaenexa tsane barapomonae.

<sup>17</sup> Nacom cueicueije pejume diwesitha naca peewatsintha pon Egipto nacuapiwi itorobiya pia pepa peewatsinchi. Nacom jeye bapontha: “Apra xan ponxaein tacoya cacana exanatsi pon Egipto nacuapiwi itorobiya pia pepa peewatsinchi. Painya xantha tapexeinya tsita itatsi coyenewa exanaein xua tsita itapeinya xeinaein xua xan xeinan bichocono peayapus itorobi coyenewa. Matautano exanaein xua daxitan nacuan jiwi taneyabara jume taenexa”, jei Nacom.

<sup>18</sup> Daxota yaputainchi xua Nacom itacupatsi xua wunaeya yabara nanta xeina xua peyawenaenexa pontha pon ichichipa xua peyawenaewa. Matautano Nacom saya yabara copata xua ichan pejunt coyenetha pexeinaewa po coyene pejumefebi coyenewa. Baxuan Nacom cana exana pomonaetha pomona nae Nacom ichichipa xua xeinaena barapo coyenein.

<sup>19</sup> Metha paxam pana nebaram xua barapomonae yabara xua pajam: “Poxona nae Nacom atene exana pomonaetha pomona nae petsita natsicuentsixaetsi xua abe peexanaexae ¿baxua Nacom jopa xaniwaicha exanaeyo jampa? Nacom copata xua barapomonae xeina pejunt coyeneintha pejumefebi coyenewan. ¿Barapomonae Nacom tsita natsicuentatsi jampa, poxona nae Nacom bequein copata baxua jampa?” pajam.

<sup>20</sup> Ichitha paca jume notatsi, janje: “¡Paxam pebiwi tsobena nae pam! ¿Eta po jiwi pam xua painya nejume matsontsonobiwi Nacom? Juruwato jopa itacupaetsi xua pejeiwa pontha pon peexanaexaetsi: ‘¿Eta xua metha bara necanauta jatsiya exaname?’ xua pejeiwa juruwato. Bapana juruwato jopa itacupaetsi xua pepaebiwa baxua”, paca jeichi.

<sup>21</sup> Pon xua juruwato peexanaein bapon itacɥpatsi xua cae tsorobotha jiwana exana ainya juruwaton xua seicayan be pocotsi coyeneya xua ichichipa. Bapon itacɥpatsi xua pexeinya juruwato exana xua bichocono ainya matoma. Matautano bapon itacɥpatsi xua bara cana exana xua jopa wɥnaeyo xua saya pecasetsinexa.

<sup>22</sup> Nacom barichi itacɥpatsi xua jiwi pecana exanaewatsi be pocotsi coyeneya xua ichichipa. Bequein Nacom ichichipa tsita itɥta pia peanaepanaewa pomonaetha pomonae abe peexanaewi, ichitha jopa cataunxuae baxua exanaeyo. Matautano bequein ichichipa tsita itɥta pia peayapusɥ itorobi coyenewa po coyene xua barapomonae tɥpa peexanaewatsi, ichitha Nacom jopa cataunxuae baxua cana exanaeyo barapomonaetha. Ichitha Nacom caena bayatha beitatemaya taetaepona xua barapomonae abe pia peexanae coyenewan, po abe coyenewan xua Nacom anaepana exanatsi. Barapomonae muxu peweraweracae exanaetsi abe peexanaexae.

<sup>23</sup> Nacom beitatemaya naca taetaepona wanaca tsita itɥtsinexa daxita waxainchi xua bichocono bara ichichipa xua wanaca yawenaewa tsane bayatha itapeta wanaca antobewaxae. Caena bayatha Nacom yabara naca tsiwɥnaeta xua irɥ waxeinaenexa Nacom pia pexeinya jɥntɥ coyenewa xua bichocono peantobewa.

<sup>24</sup> Nacom naca waba pomonaexaetsi pomonae judiomonae jiwanaetsi. Matautano Nacom naca waba pomonaexaetsi pomonae jopa judiomonae naexanaeyo jiwanaetsi.

<sup>25</sup> Baxua Nacom yabara paeba pejume diwesitha pomonae yabara, pomonae jopa judiomonae naexanaeyo po diwesitha ichaxota Oseas tina. Nacom jeye:

“Pomonae copiya jopa tamonaeyo, barapomonae yabara jan tsane, ‘Apara tamonae’, jan tsane.

Matautano pomonae copiya jopa antobeinyo barapomonae yabara jan tsane:

‘Apara taantobe jiwi’, jan tsane.

<sup>26</sup> Matautano ichaxota ba jiwi yabara jan: ‘Paxam jopa tamonae pam’, jan, baraxota barapomonae yabara jan tsane: ‘Apara paxam tapexui pam, po Nacomxaein ataya tsitecaeya jiwi asɥ jinompa taexanaein’, jan tsane”, jei Nacom, ichaxota po diwesitha Oseas tina pon caena bayatha tɥpa.

<sup>27</sup> Barichi irɥ Isaías yabara jeye judiomonae: “Bequein judiomonae bichocono jiwi ayaxa icha taetowan ichi xua bobena mar mene itapatha, daichitha saya be conotha barapo judiomonae jiwana pomonae xua Nacom capanenebiya.

<sup>28</sup> Saya conotha capanenebiya tsipei Nacom methaunxuae yabara paebina daxita jiwi barapo cae pin nacuathepiwi pia petsita natsicuentsexiaetsi xua abe petsita exanaexaetsi. Yawano jiwi ayei weraweraca exanaeinchi xua Nacom exanaena”, jei Isaías.

<sup>29</sup> Isaías copiya yabara tsiwɥnae muxu duta, jeye:

“Nacom apara bapon pon xua itoroba daxita coyeneintha.

Bapon wɥnaeya naca yabara nanta xeina xua wanaca yawenaewa tsane xua awiya be conotha pejinompaenexa pomonae wamomoxi susato jiwi jiwana, xua daxita jopa peweraweracaewa tsane.

Icha Nacom jopa baxua exanaetsipae, bapoxonae waxainchi bara naca jɥta ichipae icha bayatha Sodoma tomarapiwi cana ichichi, matautano icha matha Gomorra tomarapiwi cana ichichi xua daxita weraweraca”, jei Isaías

Nacom Pejume Diwesitha.

*Meje yabara xua judiomonae jopa jume cowantsiyo Nacom pia pexeinya jume diwesi tatsi*

<sup>30</sup> Barapo peyabara jatiya paebiwana naca yaputane exana xua apara pomonae jopa judiomonae naexanaeyo Nacom jopa tsitatsi xua barapomonae penatsicuentisiwa xua abe peexanaexae. Baxua Nacom cana exana barapomonaetha bequein barapomonae jopa tsaqueinaeyo xua pexeinaewa pejantũ coyene xanepanaewa Nacomtha. Barapomonae xeina pejantũ coyene xanepanaewa Nacomtha Cristo pejume cowantsixaetsi.

<sup>31</sup> Ichitha nama barapo judiomonae paeba, jeye: “Nacom naca jantũ coyene xanepana exanaena xua jopa Nacom watsita natsicuentisinxatsi xua abe waexanaexaetsi bapontha. Bapon baxua naca cana exanaena icha exanaeinchi pocotsiwa Moisés pia peitorobi coyenewatha itoroba”, jei barapomonae. Daichitha barapomonae judiomonae jopa itacũpaetsi xua daxita peyabara jume cuiya exanaewa pocotsiwa Moisés itoroba pia peitorobi coyenewatha.

<sup>32</sup> ¿Eta xua metha jane xua barapomonae jopa itacũpaetsi xua exana pocotsiwa Moisés pia peitorobi coyenewatha itoroba? Metha poxoru barapomonae nanta xeina xua poxonae beta exana bapoxonae jopa pexeinaewa tsane penatsicuentisiwa Nacomtha. Barapomonae jopa jume cowantsiyo xua Nacom itorobica Cristo, daxota barapomonae Nacom tsita natsicuentatsi xua abe petsita exanaexaetsi. Barapomonae nacabeta exana, poxonae jopa jume cowantsiyo Nacom, atene peexanaexaetsi tsane icha jiton ichi poxonae xuirapopa ibototha xua pia coutha nacabeta exana xua atene naexana.

<sup>33</sup> Nacom Cristo yabara paebatsi pejume diwesitha. Icha jiwi ichi poxonae nacabeta poxonae xuirabathopa ibototha, barichi jiwi nacabeta poxonae Cristo jopa jume cowantichi. Nacom jeye:

“Jerusalén tomaratha po tomara atororo  
xua po tomara pewũn Sión  
barapo tomaratha notsin pon  
jiwi pecapanenebiyaenexa tsainchi.  
Jiwi nacabeta exana poxoru barapo jiwi  
jopa jume cowantsiyo bapontha,  
icha jiwi ichi xua nacabeta exana  
poxonae xuirabathopa ibototha.  
Pon jume cowantsina bapontha, jopa bapana  
jantũ natsepanayae tsane”, jei Nacom.

## 10

<sup>1</sup> Tamonae pam, paxam pomonae irũ painya nejume cowantsiwixae Jesucristo. Maisa bichocono tajantũ coyenewatha ichichipan daxota bichocono Nacomtha tsipaeban judiomonae nexa, xua barapomonae pecapanenebiyaenexa tsainchi abe pia peexanae cuiru coyenein weya.

<sup>2</sup> Barapomonae yabara paeban xua barapomonae judiomonae bequein ichichipa nawita xua Nacom petanacuichiwatsi, daichitha jopa yaputaeyo xua pocotsiwa Nacom xaniwaicha ichichipa xua barapomonae peexanaewa.

<sup>3</sup> Barapomonae jopa yabara yaputaeyo xua pocotsiwa poxonae Nacom jantũ coyene xanepana exana jiwitha xua jopa xeinaeyo penatsicuentisiwa Nacomtha xua abe peexanaexae. Barapomonae jũjũta xua icha barompaya pia cui coyeneyatha exanaena xua bapoxonae pexeinaenexa tsane pejantũ coyene xanepanaewa Nacomtha xua jopa penatsicuentisiwa xua abe peexanaexae. Barapomonae jopa exanaeyo be pocotsi coyene Nacom itoroba jiwitha xua Cristo pejume cowantsixaetsi xua bapoxonae jiwi pexeinaenexa pejantũ coyene xanepanaewa Nacomtha.

<sup>4</sup> Barapomonaē jopā yabara yaputaeyo xua po coyene Cristo jopā ainya cui cana exanaeyo Moisés piā peitorobi coyenewa tatsi. Daxota anoxuae jiwi jopā cana matawenonaeyo barapo Moisés piā peitorobi coyenewa tatsi xua po peitorobi coyenewa bequein jiwi yabara nanta xeina xua pinae poxonaē yabara jume cuiya exanaena pinae xeinaena pejuntū coyene xanepanaewa.

<sup>5</sup> Caena bayatha Moisés yabara paeba xua pinae piā peitorobi coyene tatsi itacūpatsi xua jiwi juntū coyene xanepana exanatsi Nacomtha xua jopā petsita natsicuentisiwa xua abe peexanaexae. Moisés jeye: “Pon daxita yabara jume cuiya eexanaponaena barapo taitorobi coyenewa xua tinan, bapoxonaē bapon bara ataya tsitecaeya poponaena peajuntūyapusū coyenewatha”, jei Moisés.

<sup>6</sup> Nacom Pejume Diwesitha yabara paeba pomonaē jopā xeinaeyo penatsicuentisiwa Nacomtha pejume cowantsixae Cristotha. Nacom jeye: “Jopā pananthūthū yainyabinde, jopā pajande: ‘¿Jintam metha itaboco beicha ponaena xua Cristo pecatsicaenexa tsainchi barapo cae pin nacuathe tsique xua wanaca yawenaenexa?’ jopā pajande.

<sup>7</sup> Matautano jopā pajande: ‘¿Jintam metha ira bereca ponaena xua Cristo pecatsinaenexa tsainchi barapo cae pin nacuathe xua petūpae cuiru coyene weya?’ jopā pajande”, jei Nacom.

<sup>8</sup> Nacom equeicha pejume diwesitha pejuntū coyene xanepanaewa yabara jeye: “Tajume diwesi bara imoxoyo dubena xua paca itacūpa painya necueicueijeinexa barapo diwesi. Matautano paca itacūpa xua painya neyabara nanta xeinaewa barapo diwesi”, jei Nacom xua pejume diwesitha. Barapo diwesi bara najūpabe po diwesi xua yabara paca cuidubatsi xua painya nejume cowantsiwa.

<sup>9</sup> Icha paichichipame xua Nacom painya nepaca capanenebiwa bewa paexanaename barapo coyenewabe: Bewa ichamonaetha payabara paebim xua Jesús painya Nepacacanamataxeinaein. Matautano bewa pajume cowantsim painya pejuntū coyeneintha xua Nacom Jesús equeicha asū exanatsi petūpae cuiru coyene weya. Bapoxonaē Nacom paca capanenebiyaena abe painya neexanaē coyenewan weya.

<sup>10</sup> Poxonaē jiton jume cowanta piā juntū coyenewatha Jesustha bapoxonaē jopā Nacom tsita natsicuentisichi xua abe petsita exanaexaetsi. Poxonaē jiton yabara cueicueijeiji xua Jesucristo apara piā Pecanamataxeinaeinchi, bapoxonaē Nacom capanepa bapon abe piā peexanaē cuiru coyenewan weya.

<sup>11</sup> Nacom Pejume Diwesitha jeye: “Pon jume cowanta Cristotha, Cristo yawenaena xua daxota jopā bapana juntū coyene natsepanayae tsane”, jei Nacom, xua pejume diwesitha.

<sup>12</sup> Nacom jopā tsita seicayatsi daxita jiwi, bara saya tsita najūpatsi, bequein bara metha judiomonaē tsipae irano metha bequein jopā dapomonaē tsipae pomonaē jopā judiomonaē naexanaeyo. Bapon Cristo Pecanamataxeinaein exanatsi daxita jiwi nexa. Yawano bapon Cristo Wanacanamataxeinaein jopā juniya catsiyo daxita piawan pomonaetha pomonaē pewūcaē jiwixaetsi.

<sup>13</sup> Tsipei Nacom Pejume Diwesitha jeye: “Daxita pomonaē wūca pontha pon jiwi Pecanamataxeinaein, pon Cristo, xua pecapanenebiyaenexa tsainchi, barapomonaē bara capanenebiya tsainchi”, jei Nacom.

<sup>14</sup> Jiwi jopā itacūpaetsi xua petsipaebiwa pontha pon jiwi Pecanamataxeinaein icha jopā jume cowantsiyo bapontha. Matautano jopā itacūpaetsi xua pejume cowantsiwa pontha pon jiwi Pecanamataxeinaein icha jopā bapana yabara jume yaputae bapontha. Matautano jiwi jopā itacūpaetsi xua peyabara jume yaputaewa bapon icha ichamonaē jopā capanaeyo barapo diwesi xua pecueicueijeinexa barapo jiwitha, xua peyabara paebiwatsi pon jiwi Pecanamataxeinaein.

<sup>15</sup> Matautano jiwi jopā itacūpaetsi xua pecueicueijeijiwa xua po diwesi pon jiwi



Pecanamataxeinaein peyabara paebiwatsi icha dapomonae ajibi pomonae itoroba barapomonaetha xua barapomonae pecueicueijeinexa. Nacom Pejume Diwesitha yabara jei baxua: “Maisa bichocono daxua wɔnae xua poxonae jiwi pata xua pecueicueijeinexa Nacom pia pexeinya jume diwesi xua Cristo peyabara paebiwatsi”, jei Nacom Pejume Diwesitha.

<sup>16</sup> Daichitha jopa daxita jiwiyo xua ichichipa pejume taewa barapo pexeinya jume diwesi. Baxua Isaías yabara jei Nacom Pejume Diwesitha: “Tanecanamataxeinaem ¿jintam jume cowanta pocotsiwa papaeban? Saya be conotha jiwi, pomonae jume cowanta xua pata tacayabara paebiwatsi”, jei Isaías.

<sup>17</sup> Daxota jiwi jume cowanta poxonae jume tane barapo pexeinya jume diwesi. Po pexeinya jume diwesi jiwi jume cowanta apara po diwesi xua Cristo yabara.

<sup>18</sup> Tacoya nayainyaban. Nabaran, janje: ¿Metha bara barapomonae judiomonae barapo pexeinya jume diwesi jopa jume taeyo jampa? ¡Jume apara, apara bara jume tane barapo pexeinya jume diwesi! najan. Nacom Pejume Diwesitha baxua yabara jeye: “Nacom piamonae tatsi capona Nacom Pejume Diwesi taja beya.

Po diwesin xua barapomonae paeba taja beya jume pichapona daxita barapo cae pin nacuathe”, jei Nacom Pejume Diwesitha.

<sup>19</sup> Equeicha nayainyaban, janje: ¿Metha bara barapomonae judiomonae jopa yaputaeyo xua barapo diwesi ichamonae jume cowantsina? najan. ¡Jume! ¡Apara bara yaputane! najan. Barapomonae yaputane tsipei Moisés baxua caena bayatha copiya yabara tsiwɔnae muxu duta. Moisés tatina Nacom, xua Nacom jeye:

“Ichamonae capanenebiyan pomonae jopa judiomonae naexanaeyo.

Paxam paca exanatsi xua barapomonae pauwame.

Ichamonae capanenebiyan pomonae jopa bichocono peyaputae jiwi.

Paxam paca exanatsi xua baxua paca anaepana exana, jei Nacom”, xua Moisés tatina.

<sup>20</sup> Bapoxonae irɔ pirapae Isaías atsaquiya yabara tsiwɔnae muxu duta Nacom nexa xua Nacom jeye:

“Pomonae jopa nejeichiyo bara necaxiba.

Pomonae jopa neyabara yainyabiyo bara barapomonae cana exanan xua barapomonae neyaputane”, jei Nacom, xua Isaías tatina.

<sup>21</sup> Equeicha Isaías yabara tsiwɔnae muxu duta judiomonae Nacom nexa, xua Nacom jeye: “Daxita matacabi wabeiban barapomonae. Ichitha barapomonae jopa exaneibiyo pocotsiwa itorobeiban tsipei barapomonae tanejume torobabeibi jiwi xua jopa, tanejume cowantsiwa”, jei Nacom, xua Isaías tatina.

## 11

*Meje yabara xua Nacom itapeta judiomonaepiwi pomonae Israel pon caena bayatha tɔpa bapon piamonae tatsi*

<sup>1</sup> Equeicha nayainyaban najan: ¿Metha bara Nacom torota daxita piamonae israelmonae jampa? najan. Jume apara, tsipei apara xan barapo israelmonae jiwanapin, daxota jopa netorotsiyo, Abraham pia saineiwimonae jiwana tatsin apara, matautano Benjamín pia pemomoxi susato jiwi jiwana tatsin apara.

<sup>2</sup> Nacom jopa torotsiyo piamonae pomonae xua caena bayatha peitapetsixae xua cana exana be piamonae tatsi. Paxam payaputaneme xua Nacom Pejume Diwesitha paeba,

po diwesitha ichaxota Elías tsipaeba Nacomtha. Elías pon Nacom pia peitorobi jume pepaebin pon caena bayatha tupa. Elías anaya yabara paeba israelmonae, jeye:

<sup>3</sup> “Nacom ponxaem Tanecanamataxeinaem, barapo israelmonae juteba, jutebatsi pomonae jinya neitorobi jume pepaebiwi. Matautano barapo israelmonae cayatsiya abe exana pocotsiwan iboton xua xuan xota duwei yubeibiya jutebathopeiba xua poxonae catsita tuxusi exana. Xan compan napaeban xua pomonae beta necajume cowantsiwi barapomonae jiwanan. Iruru barapomonae ichichipa nebexubaru”, jei Elías poxonae tsipaeba Nacomtha.

<sup>4</sup> Ichitha Nacom Elías jume notatsi. Nacom jeye: “Awiya cataunxuae xeinan siete mil pebiwi xua tamonae, pomonae tanejume cowantsi jiwi. Barapomonae jopa pentabocototha umenaeyo xua poxonae wanae pejainchinexa ibo nacom, po ibo nacom pewan Baal”, jei Nacom.

<sup>5</sup> Nama anoxuae awiya barichi israelmonae be conotha pomonae jume cowanta Nacomtha pomonae Nacom peitapetsiwi, pia peantobexae barapomonae.

<sup>6</sup> Nacom itapeta barapomonae, pomonaetha pomonae peichichipaexae xua peyawenaewa barapomonaetha pia peantobexae. Baxua Nacom amanaya exana barapomonaetha. Nacom jopa itapetsiyo barapomonae, xua peyabara cui matomatsinexa xua peexanaexae pocotsiwa xanepana. Tsipei icha Nacom saya itapeta jiwi, xua peyabara cui matomatsinexa xua barapo jiwi peexanaexae barapoxonae Nacom be jopa bapana amanaya exanaeyo jiwi nexa.

<sup>7</sup> Daxota yaputainchi xua pinmonae xua barapo israelmonae jiwana jopa catsibichi pejantu coyene xanepanaewa xua bequein baxua tsiexana nawita po coyenein Moisés itoroba. Jame Nacom cata barapo coyene pomonaetha pomonae peitapetsiwixae, xua pomonae israelmonae jiwana. Barapomonae, pomonae israelmonae jiwana barapomonae Nacom jopa catsibiyo barapo pejantu coyene xanepanaewa. Nacom copata xua barapomonae pejantu coyenewatha xeina pejume torobabi coyenewa.

<sup>8</sup> Nacom Pejume Diwesitha Moisés yabara paeba barapomonae. Moisés jeye: “Nacom copata xua barapomonae xeinaena po juntu coyene jopa itacupaetsi xua peyaputaewa. Bequein barapomonae yoroba xua pejume xainyei coyenewa daichitha jopa yaputaeyo. Matauta bequein barapomonae jume tane pexainyei jume daichitha jopa jume cowantsiyo. Barapo coyenein anoxuae cataunxuae baxuan eexanapona”, jei Moisés xua Nacom Pejume Diwesitha.

<sup>9</sup> Iruru David yabara paeba israelmonae poxonae Nacom tapaebatsi. David jeye:

“Barapomonae beitemaya juntu coyene  
weiweinapona pin penabanaewantha.  
Barapomonae nanta xeina xua jopa catsita  
natsicuentiyo xua abe peexanaexae.  
Poxonae barapomonae cataunxuae eexanapona  
baxua barabu xam Nacom jemeicha  
atene cana exanaename barapomonae,  
jopa pia necajume cowantsixae.

<sup>10</sup> Daxota barabu copatsiname xua barapomonae  
israelmonae jopa yaputaeyo po coyene  
xua barapomonae catsita natsicuenta  
abe necatsita exanaexae.  
Matautano barabu copatsiname xua barapomonae  
xeinaena po peatene coyenewa anthuthurewe  
cana exanatsi xua ataya, abe peexanaexae”,  
jei David, israelmonae yabara,  
Nacom Pejume Diwesitha.

*Meje yabara xua pomonae jopa judiomonae naexanaeyo Nacom jume cowantsatsi*

<sup>11</sup> Equeicha tacoya nayainyaban, najan: Poxonae judiomonae, pomonae israelmonaexae, Nacom nawepu tsabatsi, jopa pejume cowantsixaetsi ¿metha bara Nacom itawetsina barapomonae xua ataya tsane jampa? ¡Jume apara! ¡Barapara Nacom jopa itawetsi tsane xua bara ataya tsane! Nacom capanenebiyaena icha judiomonae bexa tsane. Bequein anoxuae Nacom jopa capanenebiyaeyo barapomonae judiomonae, apara bara capanenebiya abe pia peexanae cuiru coyenein weya tatsi pomonae jopa judiomonae naexanaeyo. Nacom baxua exana xua judiomonae peuwinexa, xua uwatsi pomonae jopa judiomonae naexanaeyo xua barapomonae Nacom pecapanepaexae.

<sup>12</sup> Poxoru judiomonae Nacom nawepu tsabatsi daxota Nacom xanepana exana icha monaetha, xua daxita carepaya barapo cae pin nacuathe. Judiomonae jopa Nacom pejume cowantsixaetsi daxota Nacom xanepana exana, pomonaetha pomonae jopa judiomonae naexanaeyo xua Cristo pejume cowantsiwaxaetsi. Bexa tsane Nacom xanepana exanaena judiomonaetha pocotsiwa bichocono daxita nacuanpiwi tsita xanepanatsi, xua beyacaincha poxonae xanepana exana pomonaetha pomonae jopa judiomonae naexanaeyo. Baxua Nacom cana exanaena poxonae judiomonae iru Cristo jume cowantsinchi.

<sup>13</sup> Anoxuae paca tsipaebatsi pomonae pam pomonae jopa judiomonae naexanaeyo pam. Yaitama Nacom taneitorobixae pomonaetha pomonae jopa judiomonae naexanaeyo, pomonae icha paichim, daxota tsitsipaebaponan Nacom Pejume Diwesi. Barapo tatanacuichiwa Nacom bichocono netsita ainya cui.

<sup>14</sup> Beexanaein xua tamonae judiomonae paca uwa, xua bapoxonae barapomonae pejume cowantsinexa icha paichim. Yawano barapoxonae barapo tamonae jiwana Nacom capanenebiya tsane taexanaexae Nacom nexa.

<sup>15</sup> Tsipei poxonae Nacom itaweta barapomonae judiomonae bapoxonae Nacom itapeta ichamonae pomonae barapo cae pin nacuapiwi jiwana xua pecanaexanaenexa pia jiwimonae tatsi. Poxonae judiomonae iru cana exanaeinchi Nacom pia jiwimonae tatsi Cristo pejume cowantsixaetsi baxua bichocono wanae tsane be poxonae jiwi equeicha asu exanatsi petupae cuiru coyene weya.

<sup>16</sup> Ainya pecayabara juta pepaebi diwesiyo paca tsipaebatsi. Poxonae jiwi ba pentabu tsequeta xua cae pan exana pecatsinexa Nacomtha barapo pan matabuyo bara Nacom piawa tatsi. Barichi pepa matabu barapara Nacom piawa tatsi. Barichi poxonae jiwi ba paeba xua pinae nae petabu opina catsina Nacomtha bara Nacom piawa tatsi. Barichi pepa maxuranan barapara Nacom piawa tatsi. Icha barapocotsi naxobe coyenewabe cana ichiya exana jiwi, barapocotsi juta coyeneya Nacom cana exana jiwitha. Poxoru Abraham iru pomonae Nacom peitorobi jume pepaebiwi barapomonae Nacom piamonae tatsi daxota iru pia pexui tatsi iru Nacom piamonae tatsi.

<sup>17</sup> Equeicha pecayabara juta pepaebi diwesiyo paca tsipaebatsi. Jiwi itacupatsi xua olivo nae jiwana maxuranan weucuboba po nae ubanota pabitha xua bebai. Icha olivo nae maxuranan jiwana weucuboba, po nae untha uncua. Barapo maxuranan wantha japateita cuntsiya duba po naetha po nae uncua pabitha, po nae copiya jiwana maxuranan bebai. Barapo nae tabu opinan aisa cana exana xua barapo maxuranan beta nacoita tsipei mene nota barapo nae tabu opina tsina. Bara juta coyeneya ichi, icha olivo naetha cana ichichi, Nacom jiwi barapocotsi coyeneya cana ichi. Nacom jiwana torota po judiomonae jopa pejume cowantsixaetsi xua bapoxonae Nacom paca cana exana piamonae tatsi pam. Nacom paca cana exana xua peajuntuyapusuwa painya nexainaewa painya nejume cowantsixae Jesucristo. Barapo coyene icha be poxonae pemaxuranan cana ichichi poxonae aisa cana exainchi pemene notsixae petabu opinan tsina, xua beta xu xuwa exana pena maxuranatha.

<sup>18</sup> Daxota jopa paatsaquiya aebiya nanta xeinaeinde xua ainya cui jiwi pam xua Nacom painya nepaca wabixae beyacaincha icha judiomonae pomonae Nacom torota. Payabara nanta xeinare barapo olivo nae xua pecayabara jata paebiwa. Barapo maxaranan jopa apara nacoita exanaeyo barapo nae tabu opina deca. Jame apara barapo nae tabu opina nacoita exaneina barapo maxaranantha.

<sup>19</sup> Metha papaebichipame, pajam tsipae: “Nacom torota judiomonae xua wanaca exanaenexa piamonae tatsichi, xua icha jiwi cana ichi olivo naetha”, pajam tsipae.

<sup>20</sup> Metha moya bara xainyei tsipae. Bara Nacom torota barapomonae judiomonae jopa pejume cowantsiwixaetsi Jesucristo. Paxam Nacom piamonae tatsi paca cana exana, tsipei saya apara pajume cowantame Jesucristo, saya meisa baxuaxae. Jopa pana najuntu coyene yabara atsacande xua painya nexainaexae pocotsiwa Nacom paca cata. Jame saya dota pam xua jopa xanepanaeya pajume cowantsim Jesucristo xua daxota Nacom painya nepaca torotsiwa tsane. Jiwi pemaxaranan ucubobiya bebai po nae pabitha uncua.

<sup>21</sup> Bara jata coyene ichi, Nacom torota judiomonae pomonae copiya piamonaexae tatsi jopa pejume cowantsixae Jesucristo. Nacom bara paca ichipae paca torotsipa icha jopa pajume cowantsipaem.

<sup>22</sup> Anoxuae waxainchi yaputainchi xua Nacom yawena jiwi, peantobexae. Yawano yaputainchi xua Nacom ayapube taexana ichamonae pomonaetha pomonae abe peexanae jiwixae. Nacom daunweya yabara paeba penatsicuentisiwa pomonae xua jopa pejume cowantsiwichi. Ichitha Nacom beta xanepanaya paca cana exana. Nacom baxua paca cana exanaena icha awiya pajume cowanta dubenanaebiyaename. Ichitha icha awiya jopa pajume cocowantaponaem tsane Nacom paca torotsina.

<sup>23</sup> Matautano Nacom itacupatsi xua equeicha caewa cana exana piamonae judiomonae, pomonae Nacom bayatha copiya bequein petorotsixae. Nacom baxua cana exanaena icha jame barapomonae Cristo jume cowantsinchi. Nacom baxua cana exanaena icha jiton ichi xua equeicha caewa pecoutha japateita cutanota wantha pemaxarana, po maxarana bequein ucuibiya xuba.

<sup>24</sup> Paxam pomonae jopa judiomonae naexanaeyo pam, Nacom paca cana exana piamonae tatsi pam, bequein copiya jopa piamonae tatsi pam. Nacom bara paca cana ichi, icha be pocotsi coyeneya pebin ichi xua unupi olivo nae maxarana ucuiba. Equeicha barapo maxarana icha olivo nae maxarana wantha japateita cutsiya duta po olivo nae pabitha ubanota. Vapoxonae barapo unupi olivo nae maxaranatha pexeinya thei xuwa. Ichitha icha pebin equeicha pita po maxarana xua ucuiba pepa olivo nae weya yawa equeicha caewa pecoutha japateita cutanota wantha, barapo maxarana beta xuwa beyacaincha xua xuwa unupi olivo nae maxarana poxonae japateita cutanota wantha. Icha pebin ichi, Nacom bara itacupatsi cana exana judiomonaetha. Nacom tayapu xanepanatsi xua equeicha exana piamonae tatsi pomonae copiya torota pomonae judiomonae.

### *Meje yabara xua Nacom bexa tsane israelmonae capanenebiya tsainchi*

<sup>25</sup> Tamonae pam, paxam pomonae iru painya nejume cowantsiwixae Jesucristotha. Maisa ichichipan xua paxam yabara painya neyaputaewa tsane xua moya peyawun xeinaewa po coyene xua Nacom yabara po coyene ichamonae jopa yaputaeyo. Tsipei jopa ichipaeinyo xua painya coutha painya nenayabara nanta xeinaewam xua peyaputae jiwi pam. Meje baxue xua moya peyawun xeinaewan: Anoxuae israelmonae xeina pejuntu coyenewatha po coyene xua Nacom pejume torobabi coyenewatsi xua daxota Nacom jopa pejume cowantsiwatsi. Ichitha jame bexa poxonae abu daxita carepaya jume cowantsina Nacom pomonae jopa judiomonae naexanaeyo pomonae Nacom itapeta, bapoxonae equeicha judiomonae jume cowantsina.

<sup>26</sup> Bapoxonae daxita israelmonaexae pomonae judiomonaexae pomonae Nacom itapeta, capanenebiya tsainchi abe pia peexanae cuiru coyenewan weya tatsi. Nacom baxua yabara jeye pejume diwesitha:

“Pon jiwi Pecapanenebiyaein patopaena israelmonae jiwanaatha pomonae Sión tomara wɔnmonae.

Bapon jɔntɔ coyene wɛpichina Jacob pia pemomoxi susato jiwi tatsi abe pia peexanae cuiru coyenewan tatsi, pomonae israelmonaexae.

<sup>27</sup> Jɔntɔ coyene wɛpichin barapo judiomonae abe pia peexanae cuiru coyenewan tatsi.

Barapoxonae cayabara jume weta exanaein pocotsiwa caena bayatha yabara tsiwɔnae muxu dutan barapomonae pia pamo susato jitontha tatsi pon pewɔn Jacob, pon Israelxae”,  
jei Nacom Pejume Diwesitha.

<sup>28</sup> Ichamonae xua israelmonae jiwana anoxuae barapomonae Nacom pia peaitafaetabi jiwichi tsipei barapomonae jopa jume cowɔntsiyo Nacom pia pexeinya jume diwesi tatsi po diwesi Cristo pepatopaewa yabara. Tsipei barapomonae baxua exana, daxota paxam pomonae jopa judiomonae naexanaeyo pam, bara paca itacɔpa xua painya nejume cowɔntsiwa Cristo. Ichitha barapo israelmonae Nacom caena bayatha copiya itapeta. Barapo israelmonae awiya Nacom antobe, pia pamo susato jiwi tatsi copiya peitapetsixaetsi.

<sup>29</sup> Tsipei Nacom jopa ichawa beya paebiyo. Pocotsiwa Nacom cata equeicha jopa caewa pichiyo. Pomonae Nacom itapeta equeicha jopa itawetsiyo.

<sup>30</sup> Paxam pomonae jopa judiomonae painya nenaexanaewi pam, copiya paxam jopa painya neexanae jiwi pam pocotsiwa Nacom paca itoroba. Daichitha anoxuae judiomonae jopa peexanaexae pocotsiwa Nacom itoroba, daxota Nacom wɔnaeya paca yabara nanta xeina pia nepaca cayawenaewa tsane.

<sup>31</sup> Ichitha anoxuae bequein barapomonae judiomonae jopa exanaeyo pocotsiwa xua Nacom ichichipa, bexa tsane barapomonae judiomonae jume cowɔntsina. Poxonae baxua exanaena Nacom, xua wɔnaeya paca yabara nanta xeina pia nepaca cayawenaewa tsane irɔ wɔnaeya yabara nanta xeinaena peyawenaenexa tsane xua barapomonae peyawenaenexatsi pia peantobewixae. Nacom baxua exanaena barapomonaetha icha bayatha pacata ichi xua poxonae Nacom pacata exana.

<sup>32</sup> Nacom bara copata xua daxita jiwi bara najɔpa xua penatsicuentisiwa xua jopa pejume cowɔntsixaetsi. Nacom bara copata, xua penanta jɔpiya yawenaenexa daxita jiwi, peantobexae.

<sup>33</sup> ¡Maisa jopa juniya Nacom yawenaeyo jiwitha! ¡Maisa Nacom jopa juniya xeinaeyo peyabara yaputae coyenewan po coyene xua xaniwaicha pecayabara exanaewa! ¡Maisa Nacom jopa juniya yabara tsiwɔnae yaputaeyo peyaputae coyenein xua bexa exanaena! ¡Dapon ajibi pon itacɔpatsi xua pecayabara yaputaeya paebiwa pocotsiwa Nacom cuita yabara exana! ¡Barichi dapon ajibi pon itacɔpatsi xua peyaputaewa Nacom pia cui coyenewan tatsi!

<sup>34</sup> Nacom Pejume Diwesitha tatsi yabara jeye baxua: “Dapon ajibi, pon yaputane pocotsiwa Nacom nanta xeina pon jiwi Pecanamataxeinaeinxae. Mataɔtano dapon ajibi, pon xua Nacom pecuidubiwatsi.

<sup>35</sup> Mataɔtano dapon ajibi pon cata Nacomtha xua daxota xuya bewa Nacom matomatsina”, jei Nacom Pejume Diwesitha tatsi.



<sup>36</sup> Apara daxita coyenein Nacom forota. Nacom canamataxeina pia peayapusu itorobi coyenewatha daxitan pocotsiwan xua xuan exana. Daxitan bara piawa tatsi. ¡Barabu Nacom wanae jainteibatsi xua ataya tsaibi tsane! ¡Je, bara ichi tsane!

## 12

### *Meje yabara xua wajinompawa wataexanaenexa Nacom*

<sup>1</sup> Tamonae pam, paxam pomonae iru painya nejume cowantsiwixae Jesús. Paxam payaputaneme xua Nacom bichocono naca yawena pia wanaca antobexae. Daxota paca itorobatsi daxita pam. Pana najuntu coyene doure Nacomtha painya nenacuichinexa pocotsiwa Nacom paca itoroba. Baxua bara be poxonae jiton ovejiyo asu cata xua pebexubinexa Nacom nexa. Poxonae pana najuntu coyene doutame Nacomtha barapo coyene Nacom tsita xanepanatsi. Barapocotsi coyenewatha bewa wanae pajaintsiname Nacom painya juntu coyeneintha.

<sup>2</sup> Jopa bara paichiponaeinde xua abe paexanaponame po coyenewan icha ichi xua exana dubenanaebiya pomonae barapo cae pin nacuathe jinompa. Jame maisa bara pacopare xua Nacom paca necanaexanaenexa xua icha juntu coyene paxeiname xua beta painya nenanta xeinaponaeenexam tsane. Bapoxonae payaputaename xua bara painya neexanaewa pocotsiwa Nacom ichichipa. Pocotsiwa Nacom peichichipaewa xua apara painya neexanaponaewa tsane xua meje: pocotsiwa bara wanae, matautano pocotsiwa Nacom pejuntu coyene weiweina exanaewatsi, matautano pocotsiwa daxita bichocono matapaecha xanepana.

<sup>3</sup> Nacom taneantobexae necata barapo peayapusu itorobi coyenewa xua tapaca itorobiwatsi pocotsiwa yabara bewa paexanaename. Daxota baxua paca tsipaebatsi xua paxam jopa bewa pana nayabara nanta xeinaem xua peainya cui jiwi pam beyacaincha poxonae Nacom pia coutha ainya cui paca cana exana. Nacom paca catsiba pejume cowantsiwa daxita carepaya paxamtha. Daxota bewa daxita paxam xainyeya pana nayabara nanta xeinaem pocotsiwa painya neexanaexae xua icha be pocotsi coyeneya Nacom painya nepaca itorobixae pocotsiwa bewa paexanaename.

<sup>4</sup> Wapepontha nawita xeinatsi xua wanaca cueyatsiwan, bara bequein cae pepontsi. Daxita barapo wanaca cueyatsiwan wapepontha jopa nanta jupae coyeneya exanaeyo.

<sup>5</sup> Waxainchi bara ichichi bara bequein pinmonaetsi ichitha waxainchi be cae pepontsi Cristotha. Ichitha apara daxitatsi bara caemonae naexainchi wajume cowantsixae Cristo. Caemonae wanaexanaexae Cristotha, daxota nantiya nayawenatsi.

<sup>6</sup> Nacom daxita carepaya barompaya naca catsiba wajuntu coyeneya waexanae coyenewan, peichichipaexae xua naca yawenaena wanaca antobexae. Barapo juntu coyeneyatha waxainchi barompaya bewa beta taexanaetsi Nacom wanaca catsixae barapo coyene. Ichamonaetha Nacom naca jiwana catatsi po coyene xua peyabara yaputaeya cueicueijeji coyenewa Nacom Pejume Diwesi. Bapoxonae barapomonae bewa cueicueijeji barapo diwesi jiwitha. Bapomonae bewa exanae baxua daxita po pejume cowantsiwatha Nacom bapomonaetha cata.

<sup>7</sup> Ichamonaetha Nacom naca jiwana catatsi, po coyene xua ichamonae peyawenaewatsi. Barapomonae bewa moya ichamonae bara beta yawenaetsi. Ichamonae Nacom naca jiwana catatsi po coyene xua ichamonae pecuidubiwatsi. Pomonae yaputane xua pecuidubiwa ichamonaetha, bewa moya bara beta cuidubina ichamonaetha.

<sup>8</sup> Ichamonaetha Nacom naca jiwana catatsi peyaputae coyenewa po coyenewa xua pejuntu cui coyene tsacabinexa pejume cowantsiwi xua juntema pejinompaenexa. Pomonaetha Nacom cata barapo peyaputae coyenewa bapomonae bewa moya bara beta juntu cui coyene tsacabina ichamonae. Ichamonaetha Nacom naca jiwana catatsi peyaputae coyenewa po coyenewa xua piawan peroutsiwa ichamonaetha. Bapomonae

bewa jopa asiwiyo, moya bara bewa amanaya doutsina ichamonaetha. Ichamonaetha Nacom naca jiwana catatsi peyaputae coyenewa po coyenewa xua piamonae canamataxeinaeya itoroba. Bapomonae bewa moya bara saya daunweya beta canamataxeinaeya itorobaponae. Ichamonaetha Nacom naca jiwana catatsi peyaputae coyenewa po coyenewa xua yawena peacopeibi jiwi. Bapomonae bewa moya juntu coyene weiweinaeya yawenae.

*Meje yabara xua pocotsiwa bewa exanae pomonae pejume cowantsiwi Cristo*

<sup>9</sup> Poxonae pana naantobem xaniwaicha nantiya caemonae pana naantobeinde. Panaitemare abe peexanae coyenewan. Saya naitomatsiya paexanaponde pocotsiwa peξανepanae coyenewan.

<sup>10</sup> Bewa caemonae nantiya pana naantobem, icha caepi jiwi ichi xua yatsicaewa naantobe xua cae peweicho jiwi. Bewa ichamonae pabarui cui itura jinaem xua barapomonae painya cui jiwi beyacaincha paxam.

<sup>11</sup> Juntu coyene daunweya patanacuire pon jiwi Pecanamataxeinaein. Jopa paa-coyenefaetabinde poxonae pata nacuitame. Antucoyenyapusaya bapon patanacuire, bichocono painya neichichipaexae.

<sup>12</sup> Painya newunae ewatsixae pocotsiwa xua Nacom paca catsibapaeba bexa daxota pajuntu coyene weiweinaeya jinompare. Poxonae ichamonae jopa xapain pacata exanaeyo, xua paca cana exana xua paajuntucoyenetanem, bara saya juntema pajinompare. Jopa paaitaconaeinde. Jopa pana cui barapentsinde xua painya tsipaebiwiwa Nacom.

<sup>13</sup> Nacom piamonae xua irui pomonae Nacom pejume cowantsiwixaetsi payawende pocotsiwa xua barapomonae nantawenona. Pantenta weyataeya wabeibare painya bontha pomonae painya nepaca casiwa poneibiwi, pomonae pejume cowantsiwi Nacom pomonae jopa painya yaitaibi jiwi.

<sup>14</sup> Pomonae paca atene exana painya nejume cowantsixae Jesucristo barapomonae patawucare Nacomtha xua Nacom peyawenaewa tsane barapomonae. Nacom jopa patsipaebinde xua abe pecana exanaewa tsane barapomonaetha.

<sup>15</sup> Irui pajuntu coyene weiweineibare poxonae ichamonae juntu coyene weiweineiba. Ichacuitha pajuntu coyene wecoyei tsaibindeno poxonae ichamonae juntu coyene wecoyei tsaibi.

<sup>16</sup> Pebuiyaya nanta cui jupaeya pajinompare xua juntema nantiya pana nabaru dubenanaebiyame. Jopa ichamonae paaebinde. Pacana exande painya jiwi xua be pomonae pecui pawi jiwi. Jopa pana nayabara nanta xeinaeinde xua painya neyaputae jiwi pam.

<sup>17</sup> Poxonae ichamonae abe pacata exana jopa xuya abe pata exanaeinde barapomonaetha. Jame maisa pananta xeinare xua daxita jiwi xaniwaicha painya netaexanaewa tsane pocotsiwa barapomonae tsita cui xanepanatsi.

<sup>18</sup> Paexanaponde daxita pocotsiwan paca itacupa, xain bapoxonae juntema pana nabaru jinompame daxita jiwi.

<sup>19</sup> Tamonae pam paxam pomonae tapaca caantobe jiwichi pam irui painya nejume cowantsi jiwixae Jesucristo. Paxam jopa bewa xuya panayantomateibim tsane poxonae ichamonae abe pacata exaneiba. Jame bara saya pacopare xua bara Nacom peyantomatsiwa exanaena pomonaetha pomonae abe pacata exana. Tsipei Nacom Pejume Diwesitha tatsi baxua yabara jeye: “Jame xan saya ba tacoyan xua jiwi atene exanan abe peexanaexae ichamonaetha. Xan peyantomatsiwa xuya exanaein pomonaetha pomonae paca abe exana jei pon Pecanamataxeinaein jiwi”, jei Nacom Pejume Diwesitha.

<sup>20</sup> Jopa xuya payantomateibim tsane. Jame paexande xua Nacom Pejume Diwesitha tatsi jeye: “Icha painya nepaca caaitafaetabi jiton jainpa, paapare pexaewa. Yawano

icha meratsipano, paapare pocotsiwa xua peapaewa. Poxonae baxua pataexanae-name, bapoxonae barapon pin ura paca tsita xeinaena xua bayatha abe pia pacata exanaexae”, jei Nacom Pejume Diwesitha.

<sup>21</sup> Jopa pacopatsinde xua ichamonae abe pia paca exanae coyenein tatsi paca juntu coyene amanayaba xua daxota abe paexaname barapomonaetha pomonae painya nepaca caaitafaetabi jiwi. Jame maisa beta exanaeya pata exande poxonae bequein ichamonae abe pacata exana. Bapoxonae pacoyene amanayabame po coyenein abe peexanae coyenewan.

## 13

<sup>1</sup> Daxita jiwi bewa exanae pocotsiwa itorobatsi pomonae itorobiya pecanamataxeinae jiwi pomonae peayapusu itorobi coyenewa xeina. Jiwi jopa itacupaetsi xua pecanamataxeinaewa ichamonae xua peitorobinexa icha Nacom jopa yabara copatsiyo baxua. Tsipei jiwi pomonae peayapusu itorobi coyenewa xeina xua pacanamataxeinaewatsi ichamonae saya meisa Nacom bara yabara cui copaba xua barapo jiwi bara pecanamataxeinaewa tsane ichamonae.

<sup>2</sup> Daxota icha ichun jume naitemata xua pocotsiwa itorobatsi xua itoroba pon piamonae itorobiya pecanamataxeinaein barapara bapon barichi jume naitemata po coyene xua Nacom exana xua poxonae cana exana xua barapomonae pecanamataxeinaewa ichamonae. Pocotsimonae xua baxua exana xua pejume naitematsiwa, barapocotsimonae apara bara Nacom tsita natsicuentatsi xua barapo abe coyenewa peexanaexae.

<sup>3</sup> Pomonae beta peexanae jiwi jopa bewa cuitaya junuwi tsane xua pecuitaya junuwiwatsi pomonae itorobiya pecanamataxeinaewi. Jame saya meisa pomonae abe peexanae jiwi bewa cuitaya junuwina xua pecuitaya junuwiwatsi pomonae itorobiya pecanamataxeinae jiwi. Icha jopa paichichipaem xua junuwa painya nepaca exanaewa pon itorobiya pecanamataxeinaein, moya jame beta patsita exande. Bapoxonae bapon bara patsita xanepanaename.

<sup>4</sup> Tsipei apara pon itorobiya pecanamataxeinaein jiwi tanacuita Nacom xua painya nepaca cayawenaewa tsane. Ichitha icha paxam abe paexaname moya bara bewa pajunuware, tsipei bapon pon itorobiya pecanamataxeinaein jiwi, xeina po peayapusu itorobi coyenewatha peitacupaewatsi xua atene paca exana. Bapon tanacuita Nacom. Daxota bapon Nacom taexainchi xua pomonae abe peexanaewi atene tsane xua penatsicuentisixae xua abe peexanaexae Nacomtha.

<sup>5</sup> Daxota bewa paexanaename pocotsiwa paca itoroba pon itorobiya painya nepaca canamataxeinaein. Jopa apara bewa paexanaem tsane baxua xua poxoru Nacom atene painya nepaca exanaeyainwa, jame apara poxoru xua painya juntu coyenetha payabara yaputaneme xua bewa beta painya neexanaewa tsane.

<sup>6</sup> Daxota xain barapomonae pacatsibame pematomatsi paratixi pocotsi paratixi jiwi bewa catsibina pomonaetha pomonae itorobiya pecanamataxeinae jiwi. Tsipei barapomonae nantawenona paratixi xua beta pe-eexanaponaewa tsane poxonae Nacom tanacuitapoinchi.

<sup>7</sup> Daxita barapomonae barompa paratixi pacatsibare po paratixi bewa pacatsibim barapomonae. Pomonae painya nepaca canamataxeinaewi pacatsibare daxita po coyenein peyabara matomatsiwan xua xuan paca wuca. Daxita pomonae pecanamataxeinae jiwi pabarui cui itura jinare, xua daxota betiya painya nebarui cueicueijeijiwa tsane.

<sup>8</sup> Painya xoba ichamonae pantoma amanayabeibame. Jame saya cae coyene bewa paxeinaem po coyene xua nantiya painya nenaantobewam. Tsipei pon antobe ichamonae bapon jume cowantsiya exana daxita pocotsiwa xua Moisés itoroba pia peitorobi coyenewatha.

<sup>9</sup> Moisés pia peitorobi coyenewatha jeye: “Jopa pichinde ichun piseuri tatsi. Jopa bexubinde ichamonae. Jopa caibinde xua ichamonae piawan. Jopa yabara uwinde pocotsiwa ichun xeina”, jei barapo itorobi coyenewatha. Barapo coyenein xuaunxuae paeban, iruno daxita icha peitorobi coyenewano be cae peitorobi coyenewa jume naexanabe ichaxota xua po jumetha jeye: “Ichamonae antobeinde icha ichim xua jinya coutha naantobem”, jei barapo peitorobi coyenewatha.

<sup>10</sup> Pon ba beta antobe tsaibi ichamonae bapana jopa abe taexanaeyo barapomonae. Daxota icha antobetsi ichamonae bapoxonae barapara jume cowantsiya exainchi daxita pocotsiwa Nacom itoroba Moisés pia peitorobi coyenewatha.

<sup>11</sup> Daxita baxuan bewa paexanaename tsipei payaputaneme xua anoxuae po dapaetha pajinompame bichocono peayapube dapa. Barapo dapaetha tsaca pajinompape, tsipei imoxoyo naca itiya pona po mataqueitha Nacom naca capanenebiyaena. Barapo matabi imoxoyo beyacaincha xua poxonae aena jume cowantsi Jesucristo.

<sup>12</sup> Pequireiwa ba bewayo caewanaya poxoru matabi dawetsina. Bara juta coyeneya ichi poxonae pomonae ba abe peexanaewi bara apara pequireitha abe exana. Barapomonae barapenta xua abe exana poxonae matabi tsuxubi. Barichi waxainchi bewa barapentichi xua abe waexanae coyenewa icha barapomonae ichi xua saya merawi abe exana ichitha mataqueitha jopa exanaeyo. Waxainchi bewa beta exanaetsi icha pomonae ba ichi pomonae jinompa mataqueitha xua beta exana. Baxua exanatsi poxonae najuntu coyene wnaetatsi xua najuntu coyene ayapusu exanatsi abe waexanaeyainwa. Baxua icha be poxonae ba soldadopin ichi poxonae matabitha nacui wnaeta penabinexa. Bapon penaintontha nayaitata xua daxita pepontha xua pebexotsiyainwatsi.

<sup>13</sup> Baraba beta xanepanaya dubenanaebiyatsi, icha jiwi ichi xua beta dubenanaebiya mataqueithaxae. Jopa bewa naca exanae dubenanaebiyae tsainchi xua peamenetsaxawa. Matautano jopa bewa ponaeinchi po penabanaewan xua ichaxota pinmonae penacaetutsiwa yawa abe exana. Jopa bewa nasi cui exanae tsainchi. Matautano jopa bewa tanotsichi ichamonae piseuri jiwi tatsi. Yawano jopa bewa nantiya jume daunweya najume matsontsonobi tsainchi. Matautano jopa bewa nauwi tsainchi.

<sup>14</sup> Jame ichawa bewa paexanaename. Bewa Jesucristo patsipaebiname xua painya nepaca yaitatsinexa pon jiwi Pecanamataxeinaein, xua abe painya exanaeyainwa tsane. Bapoxonae jopa paexanaeinde po coyene xua abe painya exanaewam pocotsiwa painya juntu coyenein ichichipa xua peexanaewa.

## 14

*Meje yabara xua jopa bewa abeya yabara paebichi po coyene xua pejinompaewa pomonae iru pejume cowantsiwi*

<sup>1</sup> Icha ichun juntu coyene faefaena pejume cowantsiwa Cristotha, bapon pacana exande be painyamonae jiwi jiwana pomonae painya nejume cowantsi jiwixae pam. Jopa bapon yabara pajume matsontsonobinde xua pia pecayabara nanta xeinaewatsi xua po coyeneya bapon bewa exanae xuano xua ichacuitha po coyeneya xua bapon jopa bewa exanae.

<sup>2</sup> Ichamonae ba nanta xeina xua itacupatsi penabanaewa xua daxita coyenein pexawan. Ichamonae ba pomonae juntu coyene faefaena xua pejume cowantsiwa Cristotha barapomonae ira pipexaewa xane jopa pewi xaeyo.

<sup>3</sup> Pon penabanaein daxita coyeneya pexawan, bapon jopa bewa paebi tsane ichantha pontha pon xua jopa penabanaeinxae pewi. Jopa bewa paebi tsane “Abe exaname jopa nenabanaexae pewi”, jopa bewa jei tsane. Barichi pon pewi jopa penabanaein, bapon jopa bewa paebi tsane pontha pon pewi penabanaeinxae: “Abe exaname nenabanaexae pewi”, jopa bewa jei tsane. Tsipei pon daxita coyeneya

penabanaein pexaewa Nacom yabara nanta xeina xua bara iru pexanto tatsi, icha ichi pon jopa penabanaein pewi.

<sup>4</sup> Xam jopa bewa daxua paebim tsane xua pon ichun tanacuitatsi xua bapon natsicuenta pontha pon pecanamataxeinaeinchi abe peexanaexae. Po pebin xua Nacom tanacuitatsi bapon nantauta pon jiwi Pecanamataxeinaein. Bapon jopa nantawenon- aeyo xua iru xam canamataxeiname bapon. Saya meisa Nacom itacupatsi xua yabara paeba poxona po coyene icha bapon wuna exana xuano xua icha jopa xapain exanaeyo. Ichitha bapon xanepanaya exanaena tsipei Nacom itacupatsi xua cana exana, xua pia petanacuichi jiwi tatsi xanepanaya peexanaewa.

<sup>5</sup> Ichamonae nanta xeina xua caentaqueitha bichocono peainya cui matabi bey- acaincha xua icha matabi tsipei barapo matabitha xua Nacom wuna pejainchi- watsi. Ichamonae nanta xeina xua daxita matabin bara najura xua peainya cui matabin xua Nacom wuna pejainchiwanexatsi barapo matabintha. Daxita barapomona bewa barompaya pia juntu coyenewatha yabara nanta xeinae xua barapara pexainyeiwa po coyenewa xua peyabara nanta xeinaexae. Jopa bewa nanta xeinae po coyenewa ichun yabara nanta xeina.

<sup>6</sup> Pon jopa nacuichiyo po mataqueitha xua peainya cui matabi, bapon baxua exana xua Nacom wuna pejainchinexatsi pon jiwi Pecanamataxeinaein. Barichi pon xua penabanaein daxita coyeneya pewi, apara xua Nacom wuna pejainchinexatsi, pon jiwi Pecanamataxeinaein, tsipei bapon jeye: “Nacom maisa juntu coyene weiweinan xua tanecatsiwam daxita coyeneya pexaewan”, jei. Irano pon jopa pewi xaeyo, bapon barapara xua Nacom wuna pejainchinexatsi pon jiwi Pecanamataxeinaein, tsipei bapon jeye: “Nacom maisa juntu coyene weiweinan xua tanecatsiwam ira pipexaewa”, jei bapon.

<sup>7</sup> Tsipei dapon ajibi pon waxainchi jiwantsi pomonaexatsi pomona wajume cowantsiwichi, xua pon pepoponaewa penacanaexanaewa xua be pocotsi coyeneya bapon ichichipa. Jame apara popona icha be pocotsi coyeneya bara Cristo pon jiwi Pecanamataxeinaein ichichipa xua pepoponaewa tsane. Barichi icha bapon tupaetsipa apara saya poxoru Jesucristo pon jiwi Pecanamataxeinaein bara copata xua bapon petupaewa tsane.

<sup>8</sup> Icha Nacom pon jiwi Pecanamataxeinaein copata xua awiya wajinompawatsi bewa beta jinompaetsi xua daxota jiwi Nacom wuna pejainchinexatsi. Icha Nacom pon jiwi Pecanamataxeinaein copata xua bara watupaewa tsane barapo coyene bewa cana exanaetsi xua jiwi wuna pejainchiwa Nacom. Daxota bequein icha waxainchi jinompaetsipatsi, yawano poxona bequein icha tupaetsipatsi bara barapara barapo coyeneinya waxainchi bewa cana exanaetsi xua jiwi Nacom wuna pejainchinexatsi pon jiwi Pecanamataxeinaein poxoru waxainchi piamona tatsichi.

<sup>9</sup> Daxota Cristo tupa, yawano equeicha asu popona xua penaexanaenexa tsane pon jiwi Pecanamataxeinaeinchi xua daxita jiwi nexa pomona werapa irano pomona cataunxae jinompano.

<sup>10</sup> Daxota dapon ajibi pon paxam jiwana pam pon bewa yabara paebina pomonaetha pomona iru pejume cowantsiwi Cristo, xua pejeiwa: “Barapomona Nacom tsita natsicuentatsi abe peexanaexae bapontha”, xua pejeiwa. Matautano ichamonae paxam jiwana jopa bewa yabara paebi tsane pomonaetha pomona iru pejume cowantsiwi, xua jei: “Maisa barapomona jopa peyaputaewi xua jopa peainya cui jiwi”, jopa bewa jei. Tsipei poxoru daxita waxainchi bexa tsane umenaeinchi Cristo peitabaratha. Cristo daxita naca yabara paebina xua wanatsicuentasiwa xua abe waexanaexae Nacomtha.

<sup>11</sup> Tsipei Nacom Pejume Diwesitha jeye:

“Xan bara xaniwaicha yabara paca tsiwuna muxu dutatsi xua daxita jiwi patsina xua



pentabocototha peumenaenexa taitabaratha  
tanewanae jainchinexa.

Daxita jiwi neyabara paebina jei tsane:

‘Apara barapon yatsicaewa pepa Nacom’, jei  
tsane”, jei Nacom pon jiwi

Pecanamataxeinaein xua Pejume Diwesitha.

<sup>12</sup> Bapoxonae barapo mataqueitha yabara cueicueijei tsainchi Nacomtha pocotsiwa xua  
caena bayatha exanatsi xua barapo cae pin nacuathe icha bara metha wanae exainchi  
yawano icha bara metha abe exainchi.

*Meje yabara xua jopa bewa exanaetsi pocotsi coyeneya pomonae pejume cowantsiwi  
abe peexanaewa tsane*

<sup>13</sup> Daxota waxainchi jopa bewa yabara nantiya namuxutainyabichi pocotsiwa waex-  
anaexae. Jame bewa paexanaem xua meje: Painya xoba pacana exaname painya-  
monae pomonae iru pejume cowantsiwi xua pocotsi coyeneya barapomonae peex-  
anaewa tsane xua daxota jopa pejume cowantsiwa tsane Nacom.

<sup>14</sup> Tsipei xan tajume cowantsixae Jesús pon jiwi Pecanamataxeinaein daxota bara  
yatsicaya yaputan, xua dapocotsiwa ajibi po pexaewa tanejuntu coyene taxobiwa  
xua icha taxaewa tsane. Ichitha icha ichun yabara nanta xeina xua po pexaewa  
betaxobichipatsi icha xaetsipa bapoxonae bara tsita xainyeichi, betaxobichipatsi icha  
xaetsipa.

<sup>15</sup> Ichitha icha paxaetsipame pocotsiwa xua painya jiton jopa ichichipaeyo xua pex-  
aewa, pon iru pejume cowantsin bapoxonae peantobe coyenewa jopa patsita xeinaem  
bapon. Painya xoba paexaname pocotsi coyenetha xua ichun baraxuba Nacom xua  
poxoru pocotsiwa painya nexaexae. Tsipei apara Cristo bayatha tsitupa bapon.

<sup>16</sup> Paxam pananta xeiname xua bara wanae paexaname po coyenein ichamonae  
tsita abetsi pejuntu coyenein taxobixaetsi. Bequein baxua payabara nanta xeinaetham  
tsipae ichitha jopa paexanaemtsipae barapo coyenein. Tsipei icha paexanaetsipame  
barapo coyenein, ichamonae yabara jei tsipae barapo coyenein: “Maisa po coyenein  
barapomonae exana bichocono abe”, jei tsipae.

<sup>17</sup> Nacom ichichipa xua waxainchi peburuya juntea wajinompawea. Daxota pox-  
onae Nacom naca itoroba po coyene yabara po coyeneya bewa naba ru jinompaeinchi,  
jopa yabara paebi tsainchi xua po peitorobi coyenein xua waxaewa yawa waapaewa  
yabara. Jame po coyenein yabara naca itoroba xua apara jame pinae bewa Nacom tsita  
xeinaeinchi pejuntu coyene xanepanaewa. Matautano bewa pinae juntea naba ru ji-  
nompaeinchi Nacom nexa. Matautano bewa juntu coyene weiweinaeya jinompaeinchi.  
Daxita barapo coyenein xeinatsi wanaca catsibixae Nacom pia Pejumo pe tana x tatsi.

<sup>18</sup> Poxonae barapo coyeneya Cristo taexainchi bapoxonae Nacom tsita xanepanatsi  
pocotsiwa xua exainchi. Matauta jiwi naca yabara paeba xua pinae bara beta exainchi.

<sup>19</sup> Daxota bewa waxainchi exaneibinchi pocotsi coyenein xua juntea naba ru ji-  
nompatsi exanatsi. Yawano bewa exaneibinchi pocotsi coyeneintha xua nantiya jume  
cocowantaponatsi naexainchi.

<sup>20</sup> Jopa bewa paxaem ichun peitabaratha pon painyamonae jiwana pocotsiwa xua  
bapon yabara nanta xeina xua jopa bewa xae. Icha paxaetsipame bapon peitabaratha,  
bapon iru metha xaetsipa barapo pexaewa. Bapoxonae bapon nanta xeinaetsipa xua  
bapon pomonae jiwana pomonae penatsicuentsiwa Nacomtha xua abe peexanaexae.  
Painya xaexae bapon pacana exaname xua jopa beta pejume cowantsiwa Nacom.

<sup>21</sup> Jame pocotsiwa xua xanepanaya painya neexanaewa tsane meje baxue: Jopa bewa  
paxaem pewi. Matautano jopa bewa paapaem peamenetsaxawa. Matautano jopa bewa  
paexanaem pocotsi coyenewatha painya jiton exanaena pon iru pejume cowantsin  
Cristo xua abe peexanaewa tsane.

<sup>22</sup> Icha paxam pajume cowantame xua bara Nacom paca copata xua bara painya nen-abanaewan daxita coyeneya pexaewan, po pexaewan jopa paca juntu coyene taxobiyo saya jame meisa Nacomtha yabara patsipaebare baxua. Painya xoba ichamonae yabara patsipaebame pexaewa po pexaewa barapomona jopa bapana xae. ¡Maisa juntu coyene weiweina pon daxita coyeneya pexaewa penabanaein pon pia juntu coyenewa jopa tsipaebichi xua pinae penatsicuentisiwa xua abe peexanaewaxae Nacomtha poxona barapo pexaewa xane!

<sup>23</sup> Pon yabara ainya unthuton xeina xua pocotsiwa penabanaewan, bapon barapara pia coya natsicuenta Nacomtha xua abe exana xua poxona daichitha xane barapo pexaewa. Daxota daxita pocotsiwan waxainchi exanatsi icha jopa beta yabara jume cowantichi xua waexanaewa pocotsiwa Nacom ichichipa bapoxona barapara abe exanatsi, poxona baxuan exanatsi.

## 15

### *Meje yabara xua pocotsiwa bewa exanaetsi xua ichamonae tsita xanepanatsi*

<sup>1</sup> Waxainchi pomonaetsi pomona ajuntucoyenesatsi xua wajume cowantsiwa Cristotha. Daxota bewa yawenaetsi pomona xua juntu coyene faefaena xua pejume cowantsiwa Cristotha xua barapomona awiya jume cowantsina. Jopa meisa bewa exanaetsi pocotsiwa xua waxainchi wacoya ichichipatsi.

<sup>2</sup> Daxita waxainchi bewa exanaetsi pocotsi coyenewa tsita coyene xanepanatsi pomona ichamonae pomona iru pejume cowantsiwi pocotsi coyenetha xua barapomona yawenatsi xua pejume cocowantaponaenexa.

<sup>3</sup> Tsipei Cristo jopa exanaeyo xua pia coya ichichipa pocotsiwa tsita coyene xanepanatsi. Jame saya bapon yabara jume cui copatatsi xua jiwi bapon atene peexanaewatsi poxona abe yabara paebatsi. Jiwi Cristo bara barapo coyeneya cana exanatsi icha be pocotsi coyeneya caena bayatha Cristo yabara paebatsi Nacom Pejume Diwesitha xua Cristo jeye Nacomtha: “Poxona jinya necaaitafaetabi jiwi abeya cayabara paeba, barichi barapara xan berena abeya neyabara paeba”, jei Cristo Nacomtha.

<sup>4</sup> Daxita xua pocotsiwan caena bayatha tina Nacom Pejume Diwesitha, baxuan yabara tina xua wanaca cuidubinexa Nacom yabara. Baxuan naca cuiduba xua Cristo wawuna ewatsinexa. Xeinatsi baxua poxoru Nacom Pejume Diwesi naca cana exana xua jopa dapo coyene xeinaetsi xua bepijawa aitaconaetsi xua bequein ichamonae abe nacata exana. Yawano barapo diwese naca cana exana xua najuntu coyene tsacabatsi xua wajume cowanta dubenanaebiyawa.

<sup>5</sup> Nacom bapon naca cana exana xua jopa bepijawa aitaconaetsi yawano xua naca juntu coyene tsacaba exana. Barabu barapon Nacom paca yawena xua peburaya nanta jupiya pananta xeiname xua painya nabaru exanaewa tsane, icha be pocotsi coyeneya Cristo Jesús exana.

<sup>6</sup> Barabu be caemona pana nabaru wuna jaintame Nacom, pon Jesucristo Paxa tatsi, pon Jesucristo Wanacanamateinaein.

### *Meje yabara xua po coyene pomona jopa judiomona naexanaeyo tsipaebatsi Nacom pia pecapanenebiyae diwesi jume*

<sup>7</sup> Daxota icha Cristo naca ichi xua naca matenta weyataeya waba, paxam bara paichinde. Nantiya pana nantenta weyataeya wabeibare xua bapoxona jiwi wuna pejainteibinexa Nacom painya neexanaewamxae baxua.

<sup>8</sup> Xan paca tsipaebatsi xua Cristo patopa xua judiomona peyawenaenexatsi. Cristo baxua exana xua tsita itapeinya xeina xua Nacom bara exana pocotsiwa bapon exanapaeba. Matautano Cristo baxua exana pia nayabara jume cui wetsinexa pocotsiwa bayatha Nacom yabara tsiwuna muxu duta wamo susato jiwitha.

<sup>9</sup> Yawano Cristo daxota patopa xua pomonae jopa judiomonae naexanaeyo wɥnae pejainchinexa Nacom xua Nacom wɥnaeya peyabara nanta xeinaexae xua peyawenaenexa barapomonae. Nacom Pejume Diwesitha baxua yabara jeye xua Cristo paeba paxatha:

“Wɥnae cajaintatsi daxita nacuan jiwitha pomonae jopa judiomonae naexanaeyo pia xantha tatsi. Wɥnae cajaintatsi xua poxonae cata naxɥnatsi”, jei Nacom Pejume Diwesitha xua Cristo Paxatha paeba.

<sup>10</sup> Equeicha Nacom Pejume Diwesitha jeye: “Barabɥ daxita nacuan jiwi caemonae nabaru jɥntɥ coyene weiweinaena pomonae Nacom itapeta xua pecana exanaenexa piamonae tatsi”, jei Nacom Pejume Diwesitha.

<sup>11</sup> Equeicha Nacom Pejume Diwesitha jeye: “Barabɥ daxita pam pomonae jopa judiomonae naexanaeyo pam wɥnae pajainchiname pontha pon jiwi Pecanamataxeinaein. Mataɥtano barabɥ daxita nacuanpiwi wɥnae jainchina bapontha”, jei Nacom Pejume Diwesitha.

<sup>12</sup> Equeicha Nacom Pejume Diwesitha xua Isaías tatina, jeye: “Pebin patopaena pon Isaí pia pemomoxi susato jiwi jiwana tatsi, pon David paxa tatsi. Bapon Nacom cana exana xua bapon itorobiya pecanamataxeinaenexa tsane pomonae jopa judiomonae naexanaeyo. Barapomonae jume cowɥntsiya wɥnae ewatsina xua barapon barapomonae pecapanenebiwa tsainchi abe pia peexanaexae cuiru coyenein weya tatsi”, jei Isaías Nacom Pejume Diwesitha.

<sup>13</sup> Barabɥ Nacom pon naca cana exana xua wawɥnae ewatsiwa Cristo bichocono paca jɥntɥ coyene weiweina exanaena. Mataɥtano barabɥ Nacom jɥntema jinompa paca cana exanaena. Nacom baxua pacata exana painya nejume cowɥntsixae bapon. Vapoxonae barabɥ Nacom paca cana exana xua jopa juniya painya newɥnae eewataponaeewa tsane Cristo. Nacom pia Pejumope tɥnaxɥ tatsi baxua paca cana exana pia peayapusɥ itorobi coyenewatha.

<sup>14</sup> Tamonae pam, paxam pomonae irɥ painya nejume cowɥntsixae Jesucristo. Bara xaniwaicha beta yaputan, xua paxam beta painya neexanaewam po peantobewa xuaunxuae yabara paca tsitinatsi. Mataɥtano paxam payaputaneme daxita xua pocotsiwa bewa paexanaename. Mataɥtano payaputaneme xua po coyene bewa nantiya pana namuxuwetsim.

<sup>15</sup> Barapo cartathe pecono jumeyotha atsaquiya pacata tinatsi. Baxuan xua pocotsiwan pacata tinatsi jopa ichipaeinyo xua painya nejɥntemainaeewa. Daxota atsaquiya pacata tinatsi baxuan Nacom tanebarɥ cui itura jinaexae poxonae necata barapo tanacuichiwa.

<sup>16</sup> Nacom neitoroba xua Jesucristo tatanacuichinexa tayawenaenexa pomonae jopa judiomonae naexanaeyo. Tanacuitan Nacom poxonae cueicueijan Nacom pia pecapanenebiyae diwesi jume pomonaetha pomonae jopa judiomonae naexanaeyo. Barapomonae pejume cowantsixae Cristo, Nacom pia Pejumope t̄nax̄u tatsi cana exana xua barapomonae pejunt̄u coyene xanepanaewa Nacomtha. Po coyene exanan baxua be po coyene icha sacerdotemonaepin ichi. Poxonae bapon duwei jiwi tsitautatsi abe pia peexanae coyenein nexa tatsi bapoxonae barapo jiwi Nacom petsita junt̄u coyene xanepanaewichi.

<sup>17</sup> Tajume cowantsixae Cristo Jesús daxota bichocono netsita xanepana xua tataexanaexae barapo penacuichiwa xua Nacom nexa.

<sup>18</sup> Jopa yabara paebinyo xua Cristo exana ichamonae nexa. Saya meisa bichocono netsita xanepana pocotsiwa xua Cristo exana xan nexa. Cristo neyawena xua pomonae jopa judiomonae naexanaeyo pejume cowantsinexa Nacom. Barapomonae Nacom jume jejeichi poxonae jume tane pocotsiwa cueicueijan xuano xua tane pocotsiwan xua exananno.

<sup>19</sup> Nacom neexana xua pia Pejumope t̄nax̄u tatsi pia peayapus̄u itorobi coyenewatha exanan pexeinya petsita it̄abi coyenewan po coyene jiwi junt̄u coyene nabenaeca cana exainchi. Daxota poxonae Jerusalén tomara wewarapiyan daxita jiwitha cueicueijan tsoponae Nacom pia pecapanenebiyae diwesi jume xua Cristo yabara. Baxua exanan beya Iliria nacuatha yacui jopan.

<sup>20</sup> Daxota ichichipeiban xua tacueicueijiwa Nacom pia pecapanenebiyae diwesi jume xua Cristo yabara ichaxota cataunxuae jiwi jopa yabara jume taeyo Cristo. Jopa becueicueijanyo Nacom Pejume Diwesi ichaxota ichamonae copiya bayatha cueicueijeji barapo diwesi.

<sup>21</sup> Poxonae xan baxua exanan, exanan be pocotsiwa bayatha Nacom Pejume Diwesitha pepaebixae, xua Cristo yabara jeichichi:

“Pomonae cataunxuae jopa tsipaebichi po diwesi xua bapon peyabara paebiwatsi, barapomonae jume taena, xua bapon yabara jume taeinchi. Bapoxonae barapomonae yaputaena po diwesi xua bapon peyabara paebiwatsi xua daxota bapon jume cowantsinchi”, jei Nacom Pejume Diwesitha tatsi.

*Meje xua poxonae Pablo paeba xua pinae beponaena Roma tomara beya*

<sup>22</sup> Ichamonae tatsipaebaponaexae barapo diwesi jopa neitac̄paeyo xua tapaca casiwa ponaewatsi. Bequein bayatha ichichipeiban xua tapaca casiwa poneibiwa tsainchi ichitha jopa neitac̄peibiyo.

<sup>23</sup> Ichitha anoxuae wetan barapo penacuichiwa daxita barapo nacuanthe. Caena bayatha ainya wei ichichipeiban xua tapaca casiwa ponebiwatsi.

<sup>24</sup> Anoxuae ichichipan xua tapaca casiwa ponaewa tsainchi poxonae warapaein España nacua beya. Poxonae paxam panejunt̄u coyene weiweina cana exanaenameba xua tapaca casiwa ponaexaetsi equeicha warapaein España nacua beya. Ichichipan xua tapan neyawenaewam tsane pocotsiwa nantawenonan tawarapaewanexa poxonae painya tomara weya ponaein.

<sup>25</sup> Ichitha anoxuaetha copiya ponaein Jerusalén tomara beya. Capanaein pocotsiwa xua barapo Jerusalén tomarathapiwi peyawenaewatsi, pomonae ir̄ūū pejume cowantsiwi Cristo.

<sup>26</sup> Macedonia nacuapiwi ir̄ū Acaya nacuapiwi pomonae pejume cowantsiwixae Cristo daxita barapomonae pia coya juntucuru exana po coyene tsita coyene xanepanatsi.

Barapomonae taitoroba paratixi Jerusalén tomarapiwi nexa, pomonae peacopeibiwi pomonae iru jume cowanta Jesús icha paxam paichim.

<sup>27</sup> Barapo pejume cowantsiwi pomonae Macedonia nacuapiwi iru Acaya nacuapiwi barapomonae juntucuru nanta xeina pia coya xua peexanaewa baxua. Barapomonae jopa itorobichi ichun. Ichitha barapomonae bewa yawenaena pomonaetha pomonae acopeibiwi. Barapomonae pomonae jopa judiomonae naexanaeyo jume tane Nacom pia pecapanenebiyae diwesi jume poxoru bayatha judiomonae yawena pecueicueijeixae barapo diwesi barapomonaetha. Daxota anoxuae pomonae jopa judiomonae naexanaeyo bewa xuya yawenae barapomonaetha judiomonaetha pocotsiwantha xua barapomonae pexeinaexae Nacom weya.

<sup>28</sup> Daxota poxonae wetsin barapo penacuichiwa xua catsin daxita barapo paratixi Jerusalén tomarapiwitha, bapoxonae ponaein España nacua beya. Paca siwa ponaeinchi copiya, bapoxonae bara beya warapaein España nacua beya.

<sup>29</sup> Bara xaniwaicha yaputan xua poxonae paca siwa ponaeinchi, Cristo necatsina po diwesi paxam nexa po diwesi bichocono paca tsita juntu coyene xanepana xua daxota painya nejuntu coyene weiweinaewa tsane.

<sup>30</sup> Tamonae pam, paxam pomonae iru painya nejume cowantsiwixae Jesucristo. Paca wacatsi xua be caemonae panaexande xua ajumesuya daunweya painya pana nebaru tsipaebinexa Nacomtha xua bapon tana neyawenaewa tsane xua tatanacuichiwa bapon. Baxua paca wacatsi iru painya jume cowantsixae Jesucristo pon Wanacanamataxeinaeinxae. Barichi paca wacatsi iru painya xeinaexae po peantobe coyenewa Nacom pia Pejumope tuxa tatsi naca cata.

<sup>31</sup> Nacomtha painta tsipaebare xua jopa abe tana neexanaenexa pomonae Judea nacuaitha pejinompaewi, pomonae jopa pejume cowantsiwi. Matautano Nacomtha painta tsipaebare xua barapo Jerusalén tomarapiwi pomonae pejume cowantsi jiwitane tantenta cobe wenotsinexa barapo paratixi.

<sup>32</sup> Bapoxonae icha Nacom ichichipaena juntu coyene weiweinaya paca siwa patopaeinchi. Matautano nafifina caewatsin xua tapaca casiwa ponaewatsixae tsainchi.

<sup>33</sup> Bararu Nacom pon jantema jinompa naca cana exana paca baru poponaena daxita. Je, bara ichi tsane.

## 16

### *Meje yabara poxonae Pablo jacobae Roma tomarapiwi*

<sup>1</sup> Anoxuae yabara paca tsipaebatsi powa pewun Febe, powa beta peexanaewayo. Bapowa paca siwa ponaena. Bapowa be wamcho watsicotaewa iru pejume cowantsixae Jesús. Barapowa Nacom tanacuitatsi xua yawenatsi pomonae pejume cowantsi jiwitane Cencia tomaratha.

<sup>2</sup> Barapowa wanaeya pantenta weyataeya wabare Jesucristo piamonae jiwanaxae pon Wanacanamataxeinaein. Baxua bewa paexanaem icha pomonae pejume cowantsiwi ichi xua bewa nantiya tantenta weyataeya wabeibina. Barapowa payawende xua pocotsiwa barapowa nantawenona, tsipei barapowa bayatha yawena nawita pin bicheitomonae. Yawano barapowa bayatha iru neyawena.

<sup>3</sup> Painta jacobare powa pewun Prisca. Iru painta jacobare, pia pebin tatsi, Aquila, tsipei baru nacuitanbe barapo tanacuichiwa po coyenein exanan Cristo Jesús nexa.

<sup>4</sup> Baraponbe bara muxu petupaebe tana necapanepaenexabe poxonae ichamonae juntucuru muxu tana nebexubi. Daxota xan baranbe: “Maisa juntu coyene weiweinan xua tapaneyawenaemxaebe”, jan. Barichiru daxita pomonae Nacom pejume



cowantsiwichi pomonae jopa judiomonae naexanaeyo pomonae Nacom petsita nacaetuteibiwichi xua wɔnae pejainteibinexatsi, jeye: “Maisa pajuntɔ coyene weiweinan xua paxambe pana neyawename xua Pablo jopa petɔpaewa”, jei.

<sup>5</sup> Irɔno painta jacobare pomonae nacaetuta Prisca pia pebinbe pia botha tatsibe. Matautano painta jacobare Epeneto pon tajiton, pon bichocono antobein. Bapon pon copiya jume cowanta Cristo Asia nacuatha.

<sup>6</sup> Matautano painta jacobare María. Barapowa powa bichocono pacata nacuita.

<sup>7</sup> Matautano painta jacobarebe Andrónico irɔ Junias ponbe irɔ judiomonaepinbe icha xan ichin. Baponbe neyawa barɔ muxuna etabe jiwi pecɔbi botha. Matautano baponbe Jesucristo pia peitorobi jiwi tatsi jiwanabe. Jiwi beta yaputaena xua baponbe bara Jesucristo pia peitorobi jiwi jiwanabe tatsi. Baponbe caena bayatha netsiwana jume cowantabe Cristo.

<sup>8</sup> Painta jacobare Ampliato pon tajiton, pon bichocono antobein, pon irɔ pejume cowantsixae pontha pon jiwi Pecanamataxeinaein.

<sup>9</sup> Painta jacobare Urbano, pon xua naca barɔ muxuna tanacuita Cristo. Matautano painta jacobare Estaquis, pon tajiton, pon bichocono antobein.

<sup>10</sup> Painta jacobare Apeles, pon tsita itapeinya xeineiba xua bapon bara xaniwaicha Cristo pejume cowantsiwatsi poxonae bequein abe taexaneibatsi ichamonae. Matautano painta jacobare Aristóbulo piamonae tatsi.

<sup>11</sup> Matautano painta jacobare Herodión pon irɔ judiomonaepinbe icha xan ichin. Irɔ painta jacobare Narciso piamonae tatsi pomonae pejume cowantsixaerɔ pontha pon jiwi Pecanamataxeinaein.

<sup>12</sup> Irɔ painta jacobare powa Trifena irɔno powa Trifosa. Barapowayobe, powayobe irɔ tanacuitabe xua pon jiwi Pecanamataxeinaein tanacuitatsibe. Irɔ painta jacobare Pérsida powayo tajitowayo, powayo antobein irɔrɔ pejume cowantsixaerɔ. Barapowa irɔrɔ nawita daunweya tanacuitarɔ xua pon jiwi Pecanamataxeinaein daunweya tanacuitatsi.

<sup>13</sup> Irɔno painta jacobare pon Rufo. Bapon pon jiwi Pecanamataxeinaein itapeta, Rufo itapetatsi xua xanepanaya petanacuitsinexatsi. Irɔno painta jacobareno bapon Rufo pena tatsi, powa irɔ be taena tsicotan.

<sup>14</sup> Irɔ painta jacobare pon Asíncrito, irɔno pon Flegonte, irɔno pon Hermes irɔno pon Patrobas, irɔno pon Hermas. Irɔno painta jacobare daxita pomonae irɔ pejume cowantsiwixae Cristo pomonae xua barɔ jinompatsi barapomonae.

<sup>15</sup> Matautano painta jacobare pon Filólogo. Irɔno painta jacobare powa Julia. Irɔno painta jacobare pon Nereo, irɔno Nereo pamcho tatsi. Irɔno painta jacobare pon Olimpas. Matautano painta jacobare daxita pomonae irɔ pejume cowantsiwixae Cristo, pomonae barɔ jinompatsi barapomonae.

<sup>16</sup> Betiya painta nantiya pana nacobe najacobare painya neantobewaxae Cristo. Daxita barapomonae pomonae Cristo pejume cowantsiwichi pomonae xote jinompe, daxita barapomonae paca jacobae.

<sup>17</sup> Tamonae pam, paxam pomonae irɔ painya nejume cowantsiwixae Jesucristo. Paxam paca muxuwetatsi xua dota pam painya necui naitaewatsinexa pomonae xua tsana paca necaexanae jiwi xua ainya bicheitobe paca cana exana. Barapomonae pacata ayapube exana xua painya nejume cowantsiwa Cristo. Barapomonae catsawa yabara jume toxeinchiya exana xua Jesucristo pia pecuidubi coyenewa tatsi xua bayatha pocotsiwa pana nacuidubame. Maisa barapomonae tajɔ pajume cuitaya ponde.

<sup>18</sup> Barapomonae jopa tanacuichiyo xua Jesucristo jopa tanacuichichi pon Wanacanamataxeinaein. Barapomonae saya nacuita xua saya pia coutha peexanaenexa xua pocotsiwa barapomonae ichichipa xua peexanaewa. Barapomonae muxujainyaba nawita pomonaetha pomonae be conotha peyaputae jiwi xua abe peexanae coyene

yabara. Baxua exana po jumeintha xua pexeinya jumein yawa po jumeintha itara mexeya bara jume xanepana, ichitha jopa pexainyei jume.

<sup>19</sup> Daxita jiwi paca yaputane xua paxam paexaname pocotsiwa Nacom paca itoroba pejume diwesitha. Daxota bichocono jũntũ coyene weiweinan. Ichichipan xua painya nexainaewa tsane painya neyaputae coyenewan po coyenewan xua pexanepanae coyenein painya neexanaenexa. Mataũtano ichichipan xua jopa painya neexanaewa tsane icha be ichi xua poxonae exana pomonae jopa peyaputaewi, xua jopa abe painya neexanaewa tsane.

<sup>20</sup> Nacom bapon apara pon jũntema jinompa naca exana. Barapon aunxuae paca yawenaena xua painya neamanayabiwa tsane pon bichocono abe peexanaein, bapon Satanás. Barabũ Jesús, pon Wanacanamataxeinaein, paca yawenaena pia paca necaantobexae.

<sup>21</sup> Irũno Timoteo paca jacoba pon nebarũ nacuita Jesucristo nexa. Mataũtano pon Lucio, irũno pon Jasón, irũno pon Sosípater, barapoyobe paca jacoba. Barapoyobe irũ judiomonaepinbe, icha xan ichin.

<sup>22</sup> Xan Tercio, barapo carte saya tatinan Pablo. Xan bapon irũrũ paca jacobatsi irũrũ taantobexae pon jiwi Pecanamataxeinaein.

<sup>23</sup> Irũrũ pon Gayo bapon paca jacoba. Xan Pablon bapon Gayo pia botha tatsi anoxuae poponan. Baxota pia botha tatsi tanacaetutatsi pomonae pejume cowantsi jiwi, Nacom wũnae pejainchinexatsi. Irũno Erasto paca jacobarũ pon paratixi peenaein Corinto tomaratha xua Corinto tomarapiwi pia paratixi tatsi. Irũno Cuarto bapon paca jacoba, pon irũ pejume cowantsin Cristo.

<sup>24</sup> Barabũ Jesucristo, pon Wanacanamataxeinaein, daxita paxam paca yawenaena pia paca necaantobexae. Je, bara ichi tsane.

*Meje xua Pablo Nacom wũnae jaintatsi poxonae najume opi duta exana barapo carte*

<sup>25</sup> Barabũ wũnae jaintatsi Nacom. Nacom itacũpatsi xua paca ajũntũyapũsũya cana exana xua beta painya nejume cowantsinexa barapo pexeinya pecapanenebiyae diwesi jume coyenewathaxae. Barapo diwesi Jesucristo yabara cueicueijan. Caena bayatha poxonae Nacom aena nacua forota, barapo pexeinya pecapanenebiyae diwesi jume Nacom cataunxuae jopa tsita jume itapeinya xeinaeyo, tsipei abũ be namicha jume yawũn xeina xua jiwi jopa yaputaeyo. Ichitha anoxuae Nacom tsita jume itapeinya xeina barapo diwesi.

<sup>26</sup> Barapo pexeinya pecapanenebiyae diwesi jume, anoxuae jiwi barapo diwesi yaputane, Nacom pia peitorobi jume pepaebiwi peyabara tinaexae barapo pexainyei jume diwesi. Mataũtano jiwi yaputane poxoru Nacom peitorobixae, pon xua ataya tsitecaeya popona. Barapo diwesi Nacom jume tane exana daxita nacuanpiwitha, xua barapo jiwi pejume cowantsinexa Cristo. Mataũtano jume tane exana xua barapo jiwi peexanaewa tsane pocotsiwa Nacom itoroba.

<sup>27</sup> Barabũ Nacom wũnae jaintatsi, pon meisa compa yatsicaewa daxita peyaputaein. Jesucristo naca cana exana xua Nacom wũnae wajainchiwa xua ataya nexa. Je, bara ichi tsane.

Baja Pablo.

## Meje Po Carte Copiya Tatina Pablo Corinto Tomarapiwi Tatinatsi

### *Meje poxonae Pablo tatina Corinto tomarapiwi*

<sup>1</sup> Xan, Pablon, pacata tinatsi Nacom peichichipaexae xua tana newabiwa xua tana neexanaewa Jesucristo pia peitorobi jiwi jiwana tatsin. Irano Sóstenes pon iru pejume cowantsin Jesucristo, baponbe panbe pacata tinatsi.

<sup>2</sup> Paxam pomonae painya nejume cowantsi jiwi pam Corinto tomaratha. Barapomonae pam pacata tinatsi pomonae Nacom piamonae tatsi pam painya neyawa jinompaexae Cristo Jesús. Nacom paca waba painya nenajuntu coyene wanae exanaenexa Nacomtha. Pacata tinatsi daxita nacuariwi pam, pomonae iru painya nejume cowantsiwixae pam Jesucristo, xua pomonae painya newan ununeibiwi Jesús pewan poxonae pawuqueibame Nacomtha. Bapon Jesucristo Wanacanamataxeinaein iruru daxita nacuanthapiwi pomonae pejume cowantsiwi barapomonae pia Pecanamataxeinaeinchi tatsi.

<sup>3</sup> Barabu Nacom Waxa, iru Jesucristo pon jiwi Pecanamataxeinaein juntea jinompa paca exanaena. Matautano barabu baponbe paca yawenaena pia paca ncaantobewaxae.

### *Meje poxonae Pablo tawuca Nacomtha Corinto tomarapiwi*

<sup>4</sup> Daxita matabi tsaibi Nacomtha pacata tsipaebetsi, jan tsaibin: “Nacom maisa juntu coyene weiweinan xua barapomonae tana neyawenaewa xua Cristo Jesús peantobexae barapomonaetha”, jan tsaibin.

<sup>5</sup> Painya neyawa muxuna jinompaexae Cristo, daxota Nacom peayapusuwa jopa juniya paca catsiyo xua xaniwaicha painya nepaebiwa pejume diwesi. Barapon Nacom paca cata po coyene beta yabara painya neyaputaewa bapon.

<sup>6</sup> Po diwesi paca tsipaebetsi Cristo yabara xua bapon paca cana exana painya nejinompaewa bapon nexa baxua anoxuae xaniwaicha paexanapona.

<sup>7</sup> Paxam paxeiame pocotsiwa Nacom pia Pejumope tuxu tatsi paca cata, daxita xua pocotsiwan panantawenona xua betiya painya nejinompaewa tsane Nacom nexa. Daxita baxuan paxeiame dubenanaebiyaenae poxonae cataunxuae pawu nae ewatsiname xua poxonae Jesucristo po mataqueitha equeicha patopeicaena pon Wanacanamataxeinaein.

<sup>8</sup> Nacom paca yaweneibina xua paajuntuuya jinompaenae beya poxonae Jesucristo equeicha patopaetsica. Dapon xain aibi tsane pon paca yabara paeba xua painya nenatsicuentiwa xua abe painya neexanaexae Nacomtha xua poxonae equeicha patopaetsica pon Wanacanamataxeinaein Jesucristo.

<sup>9</sup> Nacom bara ataya exaneiba pocotsiwa pia petsiwanae muxu dutsiwan. Barapon Nacom paca waba painya neyawa muxuna jinompaenexa tsane Jesucristo pon Wanacanamataxeinaein, Nacom Pexanto tatsi.

### *Meje poxonae Pablo yabara paeba po coyene pomonae pejume cowantsiwi Cristo xua natsaba nacana exana*

<sup>10</sup> Tamonae pam, paxam pomonae iru painya nejume cowantsiwixae Jesucristo. Jume daunweya paca tsipaebetsi tajuntu coyenetha tsipei daxita paxam Jesucristo piamonae tatsi pam pon Wanacanamataxeinaein. Caemonae peburuya cuita pacueicueijan tsurubenanaebiyama. Jopa pana najume matsontsonobinde xua daxota painya nenatsabiwam tsipae. Jame maisa peburuya pananta xeinare xua be bara caemonae pam.

<sup>11</sup> Tamonae pam, pomonae iru painya nejume cowantsiwixae Jesucristo. Daxota baxua paca tsipaebatsi, yaitama yabayo powa pewun Cloé piamonae tatsi netsipaeba pinae paxam nantiya pana najume matsontsonoba dubenanaebiyame.

<sup>12</sup> Jume tan xua paxam jiwana xua barompaya tsanaya paeba, jeye: “Pablo yabara jume cowantan pocotsiwa cuiduba”, jei. Ichamonae jeye: “Apolos yabara jume cowantan pocotsiwa cuiduba”, jei. Ichamonae jeye: “Pedro yabara jume cowantan pocotsiwa cuiduba”, jei. Ichamonae jeye: “Cristo yabara jume cowantan pocotsiwa cuiduba”, jei.

<sup>13</sup> Daxita paxam jopa bewa barapo coyene paexanaem xua ainyamonaein pana naexaname. Cristo jopa pia coutha nanantarubiya exanaeyo tsipei Cristo apara bara caein. Xan, Pablon, jopa apara paca tsitupaetsi naetotha. Jopa apara paca bautisabichi tawuntha xua daxota tamonae painya nenaexanaenexam.

<sup>14</sup> ¡Pai jaibo! ¿Incane metha barichipaein? ¿Incane metha bautisabichipan? Daxota Nacom tsipaeban janje: “Nacom maisa juntu coyene weiweinan xua barapomonae jopa tabautisabiwa”, jan. Saya meisa bautisaban Crispo iruru Gayo.

<sup>15</sup> Daxota dapon aibi pon itacupatsi xua pejeiwa: “Xan nebautisaba Pablo pewuntha”, xua pejeiwa.

<sup>16</sup> Jaina iruru Estéfanos piamonae tatsi bautisaban. Ichitha ichamonae jopa yabara nanta xeinaeyo xua tabautisabiwa bayatha.

<sup>17</sup> Cristo jopa neitorobiyo xua tabautisabinexa jiwi. Jame saya Cristo neitoroba xua yabara tacueicueijeinexa pecapanenebiyae diwesi. Ichitha jopa cueicueijanyo icha be ichi pon bichocono cueicueijeinei poxoru bichocono peyaputaexae. Ichi baxua exanaetsipan jiwi jopa yabara yaputaetsipae Jesucristo pia pecapanenebiyae diwesi xua poxonae Cristo naetotha tsitupa jiwi.

*Meje poxonae Pablo yabara paeba xua Cristo xeina Nacom pia peyapusuwa tatsi xuano Nacom pia peyaputae coyenewano tatsi*

<sup>18</sup> Ichamonae jopa beta yabara nanta xeinaeyo po diwesi xua Cristo petsitupaewa naetotha jiwi. Barapomonae yawa muxuna weraweracaena abe peexanaewan. Barapomonae jopa pejume cowantsixae Jesucristo daxota nanta xeina xua barapo diwesi be tsita penamitacueinchi diwesi jumetsi. Ichitha ichamonae beta yabara nanta xeina barapo diwesi. Barapomonae Nacom capanenebiyaena abe pia peexanae cuiru coyenein tatsi weya. Barapomonae yaputane xua barapo diwesi bichocono peyapusu diwesi xua Nacom weya.

<sup>19</sup> Nacom Pejume Diwesitha baxua yabara paeba. Nacom jeye: “Weraweraca exanaein peyaputae coyenewan, po peyaputae coyenewan xeina pomonae peyaputaewi. Pecuidubi coyenewan beban tsane, po pecuidubi coyenewan xeina pomonae peyaputaewi”, jei Nacom.

<sup>20</sup> Pon xua peyaputaein iru pon xua pecuidubin, iru pon jume daunweya yabara cueicueijeinei po nacuathe, barapomonae Nacom jopa tsita ainya cuichi. Nacom cui capona peyaputae coyenewan, po peyaputae coyenewan xeina pomonae peyaputae jiwi barapo cae pin nacuathe.

<sup>21</sup> Nacom xainyeya xeina peyaputae coyenewa. Nacom jopa copatsiyo jiwi xua peyaputaewatsi bapon, peyaputae coyenewatha po peyaputae coyenewa xeina pomonae jinompa barapo cae pin nacuathe. Jame Nacom ichichipa xua capanepa jiwi abe pia peexanae cuiru coyenein weya pejume cowantsixaetsi poxonae pacueicueijan Nacom Pejume Diwesi. Barapo diwesi ichamonae tsita penamitacueinchi diwesichi.

<sup>22</sup> Judiomonae ichichipa tane nawita Nacom pia pexeinya petsita itutsi coyenewan xua pejume cowantsinexa tsane Nacom Pejume Diwesi. Seicaya nama griegomonae

yabara jeita nawita barapo irathe pia peyaputae coyenewan xua pejume cowantsinexa tsane Nacom Pejume Diwesi.

<sup>23</sup> Ichitha paxan payabara cueicueijan Mesías pon naetotha tsitupa xua jiwi abe pia peexanae cuiru coyenein tatsi. Barapo diwesi judiomonae jopa be jume jejeyo poxoru tsita ajumebetsi. Seicaya nama pomonae jopa judiomonae naexanaeyo tsita penamitacueinchi diwesichi barapo diwesi.

<sup>24</sup> Ichitha pomonae Nacom waba pomonae bara metha bequein judiomonae tsipae iruru pomonae metha bequein jopa judiomonae naexanaeyo tsipae barapomonae jame Jesucristo jume cowantatsi. Barapomonae nanta xeina xua Mesías xeina Nacom pia peayapusu coyenewa tatsi matautano xua Nacom pia peyaputae coyenewa tatsi xua jiwi pecapanenebiyaenexa tsainchi.

<sup>25</sup> Pocotsiwa jiwi tsita penamitacueinchi diwesichi xua Nacom exana baxua apara bara jame Nacom bichocono tsita peyaputae coyenewatsi, beyacaincha po peyaputae coyenewa jiwi xeina barapo cae pin nacuathe. Matautano pocotsiwa jiwi jopa tsita peayapusutsi xua Nacom xeina baxua apara bara jame Nacom tsita peayapusu coyenewatsi bichocono, beyacaincha po peayapusu coyenewa jiwi xeina barapo cae pin nacuathe.

<sup>26</sup> Tamonae pam, paxam pomonae iru painya nejume cowantsiwixae Jesucristo. Paxam bewa pana nacayabara nanta xeinaem xua eta po jiwi pam xua poxona Nacom aena paca waba. Bapoxonae pananta xeiname xua saya paxam caeyobe pam pomonae peyaputae jiwi pam. Barichi paxam saya caeyobe pam pomonae peayapusaya itorobi jiwi pam. Matautano paxam saya caeyobe pam pomonae peainya cui jiwi pam.

<sup>27</sup> Nacom itapeta pomonae xua ichamonae yabara jeichi: “Barapomonae apara pomonae jopa peyaputae jiwi”, jei. Ichitha barapomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi, pomonae bichocono peyaputaewi. Barapomonae pomonae pia coutha peyaputaewi penaexanaewixae aura tsane, tsipei yaputaena xua pomonae Nacom pia peitapetsiwixae tatsi xaniwaicha barapomonae peyaputaewi. Matautano Nacom itapeta pomonae xua ichamonae yabara jeichi: “Apara barapomonae pomonae pejuntu coyene faefaenaewi pejume cowantsiwatha”, jei. Ichitha barapomonae pomonae Nacom pia peitapetsiwixae barapomonae aura exana pomonaetha pomonae abe peyabara paebixaetsi pomonae pia coutha penayabara nanta xeinaewa xua bichocono pexeinaewa peajuntucoyenesuwa.

<sup>28</sup> Nacom itapeta pomonae barapo cae pin nacuathepiwi jiwana, pomonae pecui pawu jiwi xua piamonae peexanaenexa. Barapomonae pomonae ichamonae abe peyabara paebiwichi, matautano xuano pomonae ichamonae jopa petsita ainya cui jiwichi. Nacom itapeta pomonae jopa peainya cui jiwi xua penajume tsita itapeinya xeinaenexa xua Nacom jopa peitapetsiwa pomonae pia coutha penacayabara nanta xeinaewa xua peainya cui jiwi.

<sup>29</sup> Daxota dapon aibi pon peitacupaewatsi xua Nacom peitabaratha atsaquiya penayabara paebiwa xua peainya cui jitonxae.

<sup>30</sup> Nacom paca exana xua painya neyawa jinompaewa Cristo Jesús pia peajuntuayapusuwa tatsi. Matautano Nacom naca exana xua xeinatsi Cristo Jesús pia peyaputae coyenewa tatsi wayaputaenexa Nacom. Matautano Cristo naca cana exana xua wajuntu coyene xanepanaewa xua jopa wanatsicuentisiwa xua abe waexanaexae Nacomtha. Matautano Cristo naca exana xua watanacuichinexa Nacom, bapon piamonaexae tatsichi. Nacom naca yantomata xua Jesucristo naca tsitupa naetotha wanaca capanenebiyaenexa abe waexanae cuiru coyenein weya.

<sup>31</sup> Daxota Nacom Pejume Diwesitha paeba jeye: “Jiwi jopa bewa pia coutha atsaquiya nayabara paebi xua peainya cui jiwixae. Bu jame moya barapo jiwi bewa saya



atsaquiya yabara paebina po coyene Nacom pia peainya cui coyenewa tatsi pon jiwi Pecanamataxeinaeinchi”, jei Nacom Pejume Diwesitha.

## 2

### *Meje xua Cristo petapaewa diwesi yabara*

<sup>1</sup> Tamonae pam, paxam pomonae iru painya nejume cowantsiwixae Jesucristo. Patopan painya xantha tapaca catsipaebinxatsi Nacom pia pexainyei diwesi jume. Bapoxonae jopa paca tsipaebichi po diwesi ayapube xua tacueicueijejwa xua poxonae icha ichi xua paeba pon peyaputaein bichocono.

<sup>2</sup> Poxonae poponan painya xantha, saya meisa Jesucristo yabara nanta xeinan xua tapaca catsipaebinxatsi. Matautano yabara tapaca catsipaebinxatsi po coyene poxonae bapon naetotha tupa.

<sup>3</sup> Poxonae paxantha naitatan nayabara nanta xeinan xua neita coxana xua beta tacueicueijejwa. Matautano tajunuwi unthutha deideijan.

<sup>4</sup> Poxonae paca tsipaebatsi Nacom Pejume Diwesi jopa paca tsipaebichi po jumein ayapube xua icha ichi poxonae cueicueijej pon bichocono peyaputaein. Ichitha seicaya nama paca tsipaebatsi tana neitorobixae Nacom pia Pejumope tana xua tatsi yawano Nacom pia peyapusu itorobi coyenewathano.

<sup>5</sup> Daxota poxonae pajume cowantame Jesucristo apara poxoru jopa painya nejume cowantsixae jiwi pia peyaputae coyenewa. Apra jame poxoru Nacom painya nepaca yawenaexae pia peyapusu itorobi coyenewatha daxota pajume cowantame.

### *Meje yabara xua Nacom naca yaputane exana pia Pejumope tana xua tatsi*

<sup>6</sup> Paxan pacueicueijan pomonaetha pomonae bichocono pejume cowantsiwi Nacomtha xua Nacom pia peyaputae coyenewa tatsi. Nacom pia peyaputae coyenewa tatsi jopa apra barapo cae pin nacuathe weya ponaeyo. Matautano jopa apra barapo coyene xua po coyene jopa ponaeyo pomonae piamonae itorobiya pecanamataxeinaewi weya. Pomonae anoxuae piamonae itorobiya pecanamataxeinaewi werapaena, yawano weraweracaena pia peyaputae coyenewan tatsi.

<sup>7</sup> Po coyene xua paca tsipaebatsi apra Nacom pia peyaputae coyenewa tatsi. Barapo coyene caena bayatha Nacom namicha yawun xeina xua jiwi jopa yabara yaputaeyo beya anoxuae Nacom najume tsita itapeinya xeina. Caena bayatha pewunaeya poxonae Nacom naca forotsina bapon nanta xeina xua naca capanepaena. Baxua apra Nacom pia peyaputae coyenewa tatsi xua matapainya naitata.

<sup>8</sup> Barapomonae pomonae piamonae itorobiya pecanamataxeinaewi jopa yabara yaputaeyo Nacom pia peyaputae coyenewa tatsi. Icha metha barapomonae yaputaetsipa metha jopa Jesucristo naetotha tupa exanaetsipaetsi, pon jiwi Pecanamataxeinaein, pon pexeinya peitapanae coicha pexeinaein.

<sup>9</sup> Nacom Pejume Diwesitha baxua yabara jeye:

“Nacom bayatha jiwi tsiwanaeta po jiwi peantobewixaetsi pocotsiwan xua bichocono pewunaewan xua exana barapo jiwi nexa. Barapocotsiwan jiwi jopa yabara yaputaeyo, matautano jopa yabara jume taeyo. Matautano Nacom tsiwanaeta pocotsiwa xua jiwi jopa bapana yabara nanta xeinae jopa juniya pewunaexae”, jei Nacom Pejume Diwesitha.

<sup>10</sup> Nacom yabara naca yaputane exana baxuan pia Pejumope tana xua tatsi. Nacom pia Pejumope tana xua tatsi daxita yaputaeya necota pocotsiwa naca yaputane exana, beya yawa muxunano naca yaputane exana pocotsiwa Nacom namicha yawun xeina.

<sup>11</sup> Jiton dapon aibi pon itacupatsi xua yaputane ichun pia pejuntu coyene tatsi. Saya jame meisa ichun itacupatsi xua pia coutha najuntu coyene yaputane. Bara juta ichi meisa Nacom pia Pejumope tñaxu tatsi yaputane xua Nacom pia pejuntu coyenewa tatsi.

<sup>12</sup> Nacom jopa naca copatsiyo xua bara wacoutha wayaputaewa tsane xua be pocotsi coyene Nacom pia penanta xeinaewa tsane. Apra jame seicaya naca cata pia Pejumope tñaxu tatsi, wanaca yaputane exanaenexa xua pocotsiwan yabara Nacom wanaca catsiwa wanaca antobexae.

<sup>13</sup> Waxainchi diwesi cueicueijeichi pomonaetha pomonae Nacom pejume cowuntsiwi po coyenetha Nacom pia Pejumope tñaxu tatsi naca yaputane exana. Jopa apra barapo diwesi cueicueijeichi xua saya barapo cae pin nacuathepiwi pia coyenetha tatsi xua saya ba wacoutha wananta xeinaewa. Daxota yabara paebatsi pocotsiwan xua Nacom pia Pejumope tñaxu tatsi ichichipa paeba pomonaetha pomonae Jesús pejume cowuntsiwichixaetsi. Barapomonae yaputane barapocotsiwan.

<sup>14</sup> Nama pon jopa pejume cowuntsin Jesús jopa yaputaeyo pocotsiwan wacueicueijeija, pocotsiwan Nacom pia Pejumope tñaxu tatsi naca yaputane exana. Tsipei bapon tsita penamitacueinchi jumetsi. Bapon jopa yaputaeyo barapo diwesi tsipei jopa xeinaeyo Nacom pia Pejumope tñaxu tatsi xua peyawenaenexatsi xua peyaputaewanexa.

<sup>15</sup> Jame pon pejume cowuntsin Nacom, bapon yawenatsi Nacom pia Pejumope tñaxu tatsi xua yabara peyaputaewa daxitan. Ichamonae jopa itacupaetsi xua bapon peyabara paebiwatsi xua penatsicuentisiwa xua abe peexanaexae.

<sup>16</sup> Nacom Pejume Diwesitha barapo coyene yabara jeye: “¿Jintam yaputane Nacom pia penanta xeinaewa tatsi xua pecuidubinexa tsane Nacomtha pon jiwi Pecanamataxeinaein? Jume apra, apra dapon aibi”, jei Nacom Pejume Diwesitha. Waxainchi nanta xeinatsi icha be pocotsi coyeneya Cristo ichi xua penanta xeinaewa.

### 3

#### *Meje xua Pablo yabara paeba pomonae penabarñ nacuichiwi Nacom nexa*

<sup>1</sup> Tamonae pam, paxam pomonae irñ painya nejume cowuntsiwixae Jesucristo. Jopa neitacupaeyo xua tapaca catsipaebiwa tsainchi icha bichocono pajume cowuntame Nacomtha icha be pocotsi jiwimonae ichi pomonae bichocono jume cowunta Nacom. Ichitha daxota paca tsipaebatsi tsipei paxam be barapocotsi jiwimonae pam pomonae jopa bichocono Nacom yabara yaputaetsi. Paxam paca tsipaebatsi be pexui pam xua aena pajume cowuntame Cristo.

<sup>2</sup> Pocotsi coyene xua ayapube jopa paca cuidubichi, icha be coxiwa ichi xua poxonae apata mito pexuyo poxonae cataunxuae jopa yaputaeyo xua xane pexaewa. Cataunxuae jopa neitacupaeyo xua tapaca cuidubinexatsi po diwesi bichocono daunwei poxoru awiya jopa payaputaem. Paxam be barapocotsi pexui pam xua po pexui cataunxuae jopa itacupaetsi xua pewito pexaewa.

<sup>3</sup> Paxam cataunxuae painompame icha be ichi poxonae jinompa pomonae jopa pejume cowuntsiwi Nacom. Poxonae paxam nantiya pana nauwa dubenanaebiyame, yawa nantiya pana naba dubenanaebiyame, painompame icha be ichi xua jinompa xvano abe exana dubenanaebiya pomonae jopa pejume cowuntsiwi Nacom.

<sup>4</sup> Ichamonae pomonae paxam jiwana pam, jeye: “Pablo yabara jume cowuntan pocotsiwa cuiduba”, jei. Ichun jeye: “Apolos yabara jume cowuntan pocotsiwa cuiduba”, jei. Poxonae papaebame baxua bapoxonae bara pajinompame icha jiwi ichi poxonae jinompa pomonae jopa pejume cowuntsiwi Nacom.

<sup>5</sup> Daxota paca tsipaebatsi: Xan Pablo jopa taainya cui jiton, barichirñ Apolos. Apra paxanbe saya ponbe amanaya pata tanacuichinbe Nacom. Nacom Apolos pana

neitorobabe xua pata cueicueijeinexabe Nacom Pejume Diwesi. Apolos baxua pata exanaexaebe daxota pajume cowantame Jesucristo pon jiwi Pecanamataxeinaein.

<sup>6</sup> Xan Pablon paca cuidubatsi Nacom Pejume Diwesi. Apolos xuya equeicha ichawa paca cuiduba Nacom yabara. Ichitha nama Nacom apara bapon, pon paca yawena xua painya nejume cocowantaponaenexa. Barapo coyene icha be nae ichi xua peubi nae. Ichun ubanota. Ichun mera mata epababapona. Ichitha nama Nacom, apara bapon, pon exana xua xaniwaicha xuwa.

<sup>7</sup> Ichun copiya uba iru ichun xuya mata epababa meratha. Pon peubixae jopa ainya cui jitonyo. Iru pon xuya pemata epababaponaexae meratha, bapon jopa ainya cui jitonyo. Jame saya meisa Nacom ainya cui, tsipei Nacom daxita xuwa exana naewan. Daxota Nacom bichocono ainya cui beyacaincha xua barapo pebinbe. Barichi Apolos iru xan Pablon jopa ainya cui jitonyo panbe. Jame Nacom bichocono ainya cui beyacaincha paxanbe.

<sup>8</sup> Pomona xua uba iru pomona xuya meratha mata epababapona barapomona Nacom tsita najupatsi. Nacom pentoma cata barapomonaetha be pocotsi coyeneya xua barapomona petanacuichiwa. Pon xua abeya petanacuichixae, be conotha matoma catsinchi. Pon xua wunaeya petanacuichixae, wunaeya matoma catsinchi.

<sup>9</sup> Paxan pana nabaru yawa tanacuitan Nacom xua pata cueicueijeiiwa Nacom Pejume Diwesi poxona paca cuidubatsi xua painya nejume cowantsiwa tsane Nacom. Barapocotsi juta coyeneya paexanan poxona Nacom Pejume Diwesi paca cuidubatsi icha pebin ichi poxona uba pabitha xua petanaforotsinexatsi pexaewa. Nacom paca exana xua beta painya nejume cocowantaponaewa bapon xua beya bichocono painya nejuntu coyene xanepanaewa tsane. Baxua Nacom paca cana exana, icha be pocotsi juta coyeneya ichi poxona pebin bomuxu acabapona xua beya poxona bichocono pexeinya bo.

<sup>10</sup> Nacom necopata xua ponxaein copiya matha tapaca cayawenaewatsi xua painya nejume cowantsinexa bapon. Nama baroxona xuya ichamona paca cuidubapona Nacom Pejume Diwesi xua painya nejume cocowantaponaenexa. Barapocotsi juta coyeneya exanan poxona tapaca cayawenaewatsi, icha pebin ichi pon peyaputaein xua bo peacabiwa poxona bo acaba po bo ibo bo. Bapon copiya matha tsicobe nobabareca po iboton beta petabu caumenaewa xua ichamona tsicobe nobabarecatsi. Athawetsica xuya ichamona exanapona. Daxita pomona acaba barapo ibo bo bewa beta xanepanaya exanaena icha jiwi ichi xua poxona bewa beta taexanaena xua pocotsiwa taexana Nacom nexa.

<sup>11</sup> Poxonae jiton ibo bo acaba bapon copiya beta noba po iboton xua copiya nanta caumena. Baroxona ichun bewa icha iboton beta cuaranobi barapo iboton pecoyoreca xua bo pexeinya bo petsuncuaenexa. Barapocotsi juta coyeneya ichi, poxona paca cuidubatsi Jesucristo pejume diwesi. Ichun bewa beta yabara paca cuidubina icha coyene xua baxua painya nejume cowantsinexa.

<sup>12</sup> Po pebin ibo bo acaba barapo pebin itacupatsi xua jebabapona ichawa barapo ibotontha, po ibotontha copiya nanta caumena. Pocotsiwan bapon itacupatsi xua jebabapona bichocono ayapusu be pocotsiwa pewun oro nain, yawano pocotsiwa xua pewun plata nain yawa pocotsiwa be iboton po iboton xua bichocono ainya matoma. Ichacuitha barapo pebin itacupatsi xua barapo ibotontha jebabapona pocotsiwan xua pepawi be naepawa, yawa be naepanaewan yawa be musuriboton. Bara juta ichi, pebin itacupatsi xua yawenaena ichamonaetha. Ichacuitha beta cuidubina pomona xua jume cowanta Jesucristo po pocotsiwa xua bichocono ayapusu. Ichacuitha cuidubina pocotsiwa xua pepawi pomona xua jume cowanta Jesucristo xua jopa ayapusuyo.

<sup>13</sup> Jopaena matabi po mataqueitha Nacom yabara paebina jiwi xua penatsicuentiwa xua abe peexanaexae. Barapo mataqueitha Nacom taena po coyene xua

jiwi taexana Nacom. Nacom bichocono tsita xanepanatsi pocotsiwa xua bichocono ayapusu po coyenein jiwi taexana bapon nexa. Ichitha nama Nacom naitemata po coyene jopa tsita xanepanaetsi xua pocotsiwa bequein jiwi taexana bapon nexa.

<sup>14</sup> Icha pebin exana pocotsiwa xua bichocono ayapusu xua Nacom nexa, Nacom matoma catsina bapontha.

<sup>15</sup> Ichitha icha ichun taexana Nacom pocotsiwa Nacom jopa tsita xanepanaetsi, daxita barapo coyenein Nacom naitemata po coyene bequein bapon Nacom taexanatsi. Ichitha bapon capanepatsi poxonae Nacom naitemata po coyene bapon exana, icha pebin ichichi xua capanepatsi isoto weya bequein daxita tataxotsi xua pocotsiwa xeina.

<sup>16</sup> Barapara paxam payaputaneme xua painya juntu coyene Nacom tsitatsi xua bara be Nacom pin pia bo tatsi tsipei Nacom pia Pejumope tunaxu tatsi popona painya juntu coyenetha.

<sup>17</sup> Icha ichun saraboba Nacom pin pia bo, Nacom xuya weraweraca exanaena barapo jitontha. Nacom pin pia bo tatsi, bara po bo Nacom tsita xanepanatsi poxoru pia Pejumope tunaxu tatsi pepoponaexae barapo botha. Icha Nacom ichi xua weraweraca cana exana pontha pon petasarabobixaetsi pin pia bo tatsi, barichi xuya Nacom weraweraca cana exanaena pontha pon paca juntu coyene itoroba xua abe painya neexanaewa tsane. Nacom baxua exana tsipei Nacom pia Pejumope tunaxu tatsi popona painya juntu coyenetha.

<sup>18</sup> Jopa pacopatsinde xua painya coutha pana namuxuitorobame. Icha ichun pia coutha nacayabara nanta xeina xua bichocono peyaputaen icha barapo cae pin nacuathepiwi ichi, bewa bapon pia coutha equeicha caewa naexanae be pocotsin jopa peyaputaen. Bapoxonae bapon bara Nacom tsita be pon pepa peyaputaenchi.

<sup>19</sup> Nacom tsita penamitacueinchi jumetsi po peyaputae coyenewan yaputane jiwi pomonae barapo cae pin nacuathe jinompa. Nacom Pejume Diwesitha barapo jiwi yabara jeichi: “Nacom tsitatsi xua apara xeina penatsicuentisiwa xua abe peexanaexae pocotsi jiton peyaputaen, peexanaexae barompaya pia peyaputae coyenewatha”, jei Nacom Pejume Diwesitha.

<sup>20</sup> Matautano Nacom Pejume Diwesitha baxua yabara jeino: “Nacom yaputane po coyenein nanta xeina pomonae peyaputaewi. Barapocotsi coyenein Nacom tsita penamitacueinchi jumetsi”, jei Nacom Pejume Diwesitha.

<sup>21</sup> Pomonae pejume cowantsiwi Jesucristo jopa bewa atsaquiya pana neyabara paebi tsane xua pejeiwa: “Pon jume cowantan pocotsiwa cuiduba bapon bichocono peyaputaen beyacaincha ichun pon peyaputaen”, xua pata taneyabara jeiwa pomonae pejume cowantsiwi. Tsipei paxan pomonae pecuidubiwi pan saya pebiwi pan xua jopa bichocono peyaputaewi pan. Dapocotsiwa aibi xua pocotsiwa payaweraweracame xua jopa paxeinaem. Daxita pomonae painya nepaca cuidubiwi, irano daxita coyenein pocotsiwa Nacom forota, bara Nacom exana paxam nexa painya nepaca cayawenaewa tsane.

<sup>22</sup> Xan Pablon Nacom neitoroba, iru Apolos itorobatsi, iru Pedro itorobatsi xua pata paca cayawenaenexatsi. Nacom paca cata daxita xua barapo ira piawan, xua painya nepaca yawenaenexa. Matautano yabara paca yaputane exana xua peajuntuyapusuwa, po coyenewano petupae coyenewa, matautano po coyene anoxuae piawa yabara, po coyenewano bexa piawa yabara xua painya nepaca yawenaenexa.

<sup>23</sup> Baraxuan daxita paxeiname Cristo piamonae jiwi tatsi pamxaem. Barichi Cristo barapara Nacom Pexanto tatsi.

## 4

*Meje xua Jesucristo pia peitorobi jiwi tatsi taexana, Nacom taexanatsi*

<sup>1</sup> Paxam bewa pana neyabara nanta xeinaename xua paxan meisa saya barapomonae pan xua pomonae Cristo amanaya pata tanacuichi jiwi pan. Paxan yabara pacuiduban Nacom moya pia peyawun xeinaewa tatsi po coyene copiya bequein bayatha moya yawun xeina xua jiwi jopa yabara yapuraeyo. Barapo coyene xua moya peyawun xeinaewa, anoxuae Nacom najume yabara copata xua jiwi bara peyaputaenexa.

<sup>2</sup> Pon tanacuita pia pecanamataxeinaeinchi, barapon bewa bara xaniwaicha exanaena pocotsiwa pia pecanamataxeinaeinchi tsipaeba xua bepa exanaena pinae xua daxota pejume cowantsinexatsi pia pecanamataxeinaeinchi xua bara xaniwaicha exana.

<sup>3</sup> Jopa netsita ainya cuiyo xua paxam tapaneyabara paebiwam xua tacuidubiwa yabara xua icha metha bara exanan pocotsiwa Nacom neitoroba. Matautano jopa netsita ainya cuiyo xua jiwi taneyabara paebiwa xua barapo coyene xua icha metha bara exanan. Barichi tacoutha jopa nayabara nanta xeinaeinoyo xua icha metha barapo coyene jopa exanaeinoyo, xua daxota tanatsicuentisixae abe taexanaexae Nacomtha.

<sup>4</sup> Tajuntu coyene netsipaeba xua bara pinae xanepanaya taexanaewa. Bequein tajuntu coyene baxua netsipaeba ichitha jopa nayapuraeinoyo xua metha apara abe taexanaewa xua daxota Nacom tsita natsicuentan. Nacom pon jiwi Pecanamataxeinaein bapon apara pon taneyabara paebin xua tanatsicuentisiwa xua abe taexanaexae. Bapon meisa nejuntu coyene yaputane icha bara metha tsita xeinan xua tanatsicuentisiwa xua abe taexanaexae.

<sup>5</sup> Jopa bepijawa payabara paebinde ichamonae xua abe pia peexanaewa. Abu tsane beya poxonae patopaetsica pon jiwi Pecanamataxeinaein bapoxonae payabara paebiname abe pia peexanaewa. Barapon Nacom tsita itutsina po coyene xua jiwi pia pejuntu coyenewatha namicha xeina po coyene xua ichamonae jopa taeyo. Bapon Nacom pon jiwi Pecanamataxeinaein itutsina po coyenein jiwi namicha xeina pejuntu coyeneintha xua penatsicuentisiwan po coyenein xua Nacom petsita exanaewatsi. Daxita barompaya jiwitha Nacom yabara paebina po coyene pia petaexanaewichi. Pontha pon xanepanaya petanacuitsinchi Nacom wuna jainchina bapontha. Nacom jopa wuna jainti tsane pon jopa xanepanaya petanacuitinchi.

<sup>6</sup> Tamonae pam, paxam pomonae iru painya nejume cowantsiwixae Jesucristo. Yabara paca tsipaebatsi barapo coyenein po coyenein paexanan, xanepanaya painya nejinompaenexa. Barichi paca tsipaebatsi Apolos yabara iru xua xan yabara painya nenacuidubinexam pocotsiwa paexanan. Bapoxonae painya neexanaewa tsane icha paichin poxonae xua paexanan. Pajinompa dubenanaebiyama icha be pocotsi coyeneya Nacom Pejume Diwesitha paeba. Jopa painya neexana dubenanaebiyaenexa pocotsiwa jopa paebiyo Nacom Pejume Diwesitha. Painya xoba atsaquiya pacayabara nanta xeiname ponbe Nacom petanacuichinchibe, xua ichun bichocono painya cui jiton beyacaincha ichun.

<sup>7</sup> Nacom jopa paca exanaeyo xua peainya cui jiwi pam beyacaincha xua ichamonae pomonae iru pejume cowantsiwi Nacom. Pocotsiwa paxeiname jopa apara pana nacat-sim painya coutha barapocotsiwa. Apra jame daxita baxuan paxeiname pocotsiwa Nacom paca catsiba. Daxota jopa bewa atsaquiya pana nayabara paebim painya coutha. Poxonae baxua papaebame apara pajantemainame pocotsiwa xua Nacom painya nepaca catsibiwa daxita.

<sup>8</sup> Itara mexeya daxita painya nexeine jiwi pam po coyenein xua paichichipame painya neyapuraewa Nacom yabara daichitha jopa barapomonae pam. Pananta xeiname icha pomonae copei pexeinaewi ichi iru icha ichi pomonae jiwi itorobiya pia pepa peewatsiwichi xua xeina daxita xua ichichipa yawa daxita xua xuan pocotsiwa pecanantawenonaewa. Paxan jopa nama bara paichinyo. Maisa anoxuae bequein pana ita cui jicha xua yatsicaewa paxam pomonae painya neyaputae jiwi pam daxita



xua Nacom Pejume Diwesi yabara xua bapoxonae pata tana nebarũ yaputaewam tsane daxita Nacom Pejume Diwesi.

<sup>9</sup> Paxan Jesucristo pia peitorobi jiwi tatsi pan. Xan nanta xeinan xua Nacom bara be copata pata tana cana exanaewa xua jiwi pata tana necui caponaewa xua poxoru imoxoyo pata werapaewa tsane. Paxan be pocotsi jiwimonae pecui pawu jiwimonae pan xua daxota daxita nacuanpiwi irũ matatsunpiwi pana ichichi xeica.

<sup>10</sup> Jiwi pana neyabara nanta xeina xua paxan pata nemuxuxenae jiwi pan, yaitama paxan Cristo payabara cueicueijan. Jaina maisa paxam jiwi paca yabara nanta xeina xua paxam beta yabara painya neyaputae jiwi pam Cristo. Paxan nama jopa pana daichibenaeyo. Paxan jiwi pana yabara nanta xeina xua pajũntũ coyene faefaenabenan. Jaina nama pana nayabara nanta xeiname xua pajũntũ coyene daunwam Nacomtha. Jaina maisa jiwi paca barũ cui itura jina, jopa pana daichibenaeyo. Nama atsaquiya abeya pana yabara paeba.

<sup>11</sup> Caena bayatha beya anoxuae, paxan bichocono pajainpan. Mataũtano pamerat-sipanno bichocono. Mataũtano painta paparuan bichocono jonopa. Jiwi pana neba bichocono. Yawano jopa bo paxeinaeyo.

<sup>12</sup> Pana nacobe fifinatontan, patain pata nacuichixae bichocono. Bequein jiwi tsũmũ jumetha pana casebeiba daichitha barapomonae Nacomtha patawũqueiban xua barapomonae peyawenaenexa tsaibi tsainchi. Poxonae jiwi pana atene exaneiba bara saya pacui copatan.

<sup>13</sup> Bara bequein jiwi abeya pana neyabara paebeiba ichamonaetha, daichitha baxua jopa pajume naitaewatsinyo. Saya jame xanepanaya patsipaeban barapomonaetha. Jiwi pana neyabara nanta xeina xua pinae peabe jiwi pan. Barapo jiwi pana itaweta icha be poxonae jiton ichi poxonae piawa basuratha xuba. Baxua jiwi painta exanapona beya anoxuae.

<sup>14</sup> Jopa baxua pacata tinaetsi xua paca aura exanatsi. Jame pacata tinatsi xua pata cayawenaenexatsi xua painya neexanaenexa pocotsiwa bewa paexanaename. Paxam be tapexui pam, tsipei bichocono paca antobetsi.

<sup>15</sup> Bequein icha bara metha paxeinaetsipame diez mil poyobe pomonae painya cacuidubi jiwi po coyene xua Cristo yabara, ichitha saya pacata compa pon be painya axa natsicotane. Saya meisa xan compan copiyan pon be painya axa tapacata natsicotaeinchi, tsipei paxam copiya Cristo Jesús pajume cowũntame poxonae paca cuidubatsi Nacom Pejume Diwesi.

<sup>16</sup> Daxota bichocono paca muxu jeichi, paexanaponde icha xan ichin xua exanaponan.

<sup>17</sup> Daxota pacata itorobatsi Timoteo pon bichocono antobein. Bapon bara be taxanto, tsipei yawenan xua pejume cowũntsiwa Jesucristo pon jiwi Pecanamataxeinaein. Bapon exaneiba pocotsiwa itorobeiban. Bapon Timoteo paca tsipaebina xua tana neyabara paebiwa tsane po coyene xua xanepanaya tapoponaewa tajume cowũntsixae Cristo Jesús. Barapo coyenein cuidubeiban ichaxota poneiban daxita i dapocotsi penacætutsi bon jiwitha pomonae Nacom pejume cowũntsiwichi.

<sup>18</sup> Ichamonaey pomonae paxam jiwana pam, bichocono jũntũ coyene yũcatsi xua ichamonaey peabiwatsi. Baxua exana tsipei barapomonae nanta xeina xua xan jopa tapaca siwa ponaewa tsainchi.

<sup>19</sup> Icha Nacom pon jiwi Pecanamataxeinaein copatsina xua bara taponae tsane aunxuae paca siwa ponaeinchi. Bapoxonae taein pomonae xua ichamonaey peabiwichi icha metha barapomonae xeina Nacom pia peayapusũ itorobi coyenewa tatsi. Ichacuitha metha tsipae apara metha saya paeba.

<sup>20</sup> Jiwi jopa patsi tsane Nacom pia peitorobi nacua beicha xua poxoru wũnaey pepaebixae tsane pia coutha. Apra jame jiwi patsina bara beicha pexeinaexae Nacom pia peayapusũ itorobi coyenewa tatsi.

<sup>21</sup> ¿Eta xua painyatsi? ¿Paca tsicapatinchi naewan xua xota paca beinchi? Jume apara. Ichacuiha metha tsipae ¿paichichipame xua tapaca casiwa ponaewatsi tapaca caantobexaetsi? ¿Matautano beta pacata exanaeinchi xua jopa taanaepanaexae? Aa jame baxua.

## 5

### *Meje xua poxonae Pablo itaweta pon penowa tsiperu nacoyoba*

<sup>1</sup> Ichun netsipaeba xua pinae caein pon paxam jiwana pam pinae bichocono abe exana. Pinae bapon penowa tsiperu nacoyoba powa paxa tatsi bayatha baru popona. Barapo peexanae coyenewa bichocono abe. Pomona bequein jopa peyabara yapuraewa Nacom barapo coyene jopa copatsiyo xua jiwi peexanaewa tsane baxua.

<sup>2</sup> Paxam pomona painya nenanta xeinae jiwi pam xua painya cui jiwi pam xua daxota jopa panantawenonaem xua painya neitawetsiwa bapon. Jame bewa baxua payabara juntu coyene wecoyam. Pon painya xantha pita penowa powa paxa tatsi xeina bewa patorotsim painya xainya weya.

<sup>3</sup> Bequein jopa yatsicaewa paca baru ecaetsi ichitha paca yabara nanta xeineibatsi be poxonae paca baru ecatsi yatsicaewa. Bara bapon yabara paeban xua penatsicuentiwa xua abe peexanaexae tsipei yabara paeban Jesucristo pia peayapusu itorobi coyenewatha tatsi, pon Wanacanamataxeinaein. Baxua exanan icha be poxonae yatsicaewa tapaca baru ecaewatsi.

<sup>4</sup> Poxonae panacaetutame daxita pam, pomona painya nejume cowantsi jiwi Jesús, paca yabara nanta xeineibinchi icha be poxonae tapaca baru ecaewatsi yatsicaewa. Matautano Jesús pon jiwi Pecanamataxeinaein pia peitorobiwa tatsi xua peayapusuwa tatsi paxeina dubenanaebiyama.

<sup>5</sup> Pon xua awiya abe exanapona barapo jiton bara pacopare Satanastha pon caurimona pia pentacaponaeintha tatsi. Bapoxonae barapo caurimona pia pentacaponaein tatsi atene cana exanaena bapontha xua saya pia pepontha tatsi poxoru barapo jiton ichichipa xua abe peexanaewa. Bapoxonae barapo pebin equeicha jume cowantsina Nacom po pebin copiya abe peexanaexae. Pia pejumope tunaxu tatsi Nacom capanepaena po mataqueitha poxonae Jesús patopeicaena, pon jiwi Pecanamataxeinaein.

<sup>6</sup> Paxam jopa bewa atsaquiya pajinompaem xua poxoru pocotsiwa painya neexana dubenanaebiyaexae. Icha caein payabara cui copatame xua bara abe exanapona painya xantha pon abe peexanaein bequein xua saya conotha exana, bapoxona pinmonae painyamonae abe exanapona. Bara paxam payaputaneme pocotsi diwesiyo ba jiwi yabara canaeta jutsiya paeba baxua yabara xua pejeiwa: “Levadura matawan xoyo bequein peyauyo baxoyo daxita pantha cotowa exana”, xua pejeiwa.

<sup>7</sup> Painya xainya weya patorore pon abe peexanaein abe peexanaeyainwa daxita painyamonae xua icha bapon ichi xua abe exana. Barapo coyene icha be ichi poxonae jiwi levadura bebai, po levadura peru levadura abe peexanaeyainwa pan matabutha. Poxonae bapo pebin patorotame bapoxonae painyamonae pomona pejume cowantsiwi xanepanaya jinompaena. Caena bayatha judiomonae juteba oveja xua poxonae pewanaeya tsane poxonae Egipto nacua weya pona. Bapoxonae Nacom yabara junteina judiomonae abe pia peexanae cuiru coyenein tatsi poxonae cordero bexotsi xua oveja pebto penun. Nacom tsitatsi xua Cristo bara be cordero poxonae tupa naetotha. Cristo naca tsitupa xua abe waexanae cuiru coyenein icha cordero ichi xua tsitupa xua judiomonae abe pia peexanae cuiru coyenein tatsi.

<sup>8</sup> Waxainchi jopa bewa peabe coyenewa exanaetsi. Jame bewa xaniwaicha juntu coyene xanepanaya jinompa dubenanaebiyaetsi Jesucristo pia pejume cowantsiwichixaetsi.

<sup>9</sup> Icha cartatha paca tsipaebatsi xua jopa bewa painyamonaе jiwi pacana exanaem pomonaе pesi cui weiweinae jiwi xua bequein jopa piseuri jiwi.

<sup>10</sup> Barapomonaе pomonaе pesi cui weiweinae jiwi pomonaе jopa pejume cowantsiwi Jesús apara jopa paca tsipaebichi barapomonaе yabara. Pomonaе jimun jiwi xua ichichipa copei xeinaewi naexana xua beyacaincha ichamonaе pomonaе jopa pejume cowantsiwi Jesús apara jopa paca tsipaebichi barapomonaе yabara. Pomonaе jopa pejume cowantsiwi Jesucristo pomonaе pecaibi jiwi apara jopa paca tsipaebichi barapomonaе yabara. Pomonaе ibo nacomun wunaе pejainchiwi apara jopa paca tsipaebichi barapomonaе yabara. Barapomonaе pexainya weya painya newarapaenexa maisa jame bewa pawarapaem barapo cae pin nacua weya, xua ichaxota po nacua jiwaibi beya xua bara beya painya newarapaenexa.

<sup>11</sup> Pocotsiwa aunxuae paca tsipaebatsi baraxua icha cartatha bayatha pacata tinatsi. Jan: “Jopa bewa payawa muxuna jinompaem pomonaе abe peexanae jiwi bequein paeba xua pinae jume cowanta Jesucristo. Barapomonaе jopa bewa payawa muxuna jinompaem pomonaе pesi cui weiweinae jiwi, iruno pomonaе jimun jiwi xua ichichipa copei xeinaewi naexana beyacaincha xua ichamonaе iruno pomonaе ibo nacomun wunaе pejainchiwi, iruno pomonaе nacyra penaexanaewi, iruno pomonaе jiwi pebiataewi, iruno pomonaе pecaibi jiwi daxita barapomonaе jopa bewa pabarun xaem bequein paca wabitha tsipaeno xua painya nenanabanaewa tsane”, jan.

<sup>12</sup> Xan jopa neitacypaeyo xua jiwi tayabara paebiwa xua penatsicuentysiwa Nacomtha xua abe peexanaexae pomonaе jopa jume cowantsiyo.

<sup>13</sup> Jame apara meisa Nacom yabara paeba xua penatsicuentysiwa xua abe peexanaexae pomonaе jopa Nacom pejume cowantsiwichi. Ichitha bewa payabara paebim xua penatsicuentysiwa pomonaе penacaetutsi jiwi pomonaе pejume cowantsiwixae xua abe peexaneibixae poxonaе. Daxota bewa paxam patorotsim pon abe exana painya xantha pon penowa tsiperun wenacoyoba xua awiya barun jijinapona.

## 6

*Meje yabara pomonaе pejume cowantsiwi Jesucristo xua peponaewa pontha pon jiwi yabara paeba xua penatsicuentysiwa xua abe peexanaexae*

<sup>1</sup> Poxonaе ichamonaе pomonaе pejume cowantsiwi jiwana pacata abe exana painya xoba paponame ichaxota eca pon jiwi yabara paeba xua penatsicuentysiwa xua abe peexanaexae. Jamaisa baxua paexaname xua pawuncame pon jopa pejume cowantsin pon jiwi yabara paeba xua penatsicuentysiwa xua bapon peitawetsinexa pomonaе abe peexanaewi. Bapoxonaе painya pia bapon paca tsipaebichi xua barapomonaе paca tsita natsicuenta xua abe peexanaexae. Jame bewa paponaname ichaxota nacaetuta pomonaе pejume cowantsiwi Jesucristo. Bapoxonaе barapomonaе yabara paebina pomonaе xua penatsicuentysiwi xua abe peexanaexae paxamtha.

<sup>2</sup> Paxam payaputaneme xua pomonaе pejume cowantsiwi Jesucristo, barapomonaе yabara paebina pomonaе xua penatsicuentysiwi xua abe peexanaexae pomonaetha pomonaе barapo nacuathepiwi. Barichi bexa tsane poxonaе Cristo patopeicaena payabara paebiname pomonaе barapo nacuathepiwi xua penatsicuentysiwa xua abe peexanaexae. Daxota anoxuae bewa paexanaem xua payabara paebiname xua penatsicuentysiwa xua bequein bara conotha abe peexanaexae pomonaetha pomonaе pejume cowantsiwi Jesucristo po coyenein bara bequein bichocono jopa abeyo.

<sup>3</sup> Waxainchi yaputainchi xua bexa tsane wayabara paebiwa matatsunpiwi penatsicuentysiwa xua abe peexanaexae Nacomtha. Baxua exanaeinchi poxonaе Cristo patopeicaena. Daxota anoxuae paca itacyra xua painya neyabara paebiwa xua penatsicuentysiwa xua abe painya nepaca tsita exanaexae pomonaetha pomonaе pejume cowantsiwi xua wajinompaewa yabara barapo cae pin nacuathe.

<sup>4</sup> Icha paxeiname po coyenein xua abe pacata exana pomonae iruru pejume cowantsiwi, jopa bewa paponam ichaxota pon jiwi peyabara paebin jiwi xua penatsicuentisiwa xua abe peexanaexae pon jopa pejume cowantsin.

<sup>5</sup> Baxua paca tsipaebatsi xua painya neauramnexa tsane. Pon ba peyaputaein bapon ba itacupatsi xua jiwi peyabara paebiwa pomonaetha pomonae xua penatsicuentisiwa xua abe peexanaexae, xua ichamonaetha abe peexanaexae pomonaetha pomonae iru pejume cowantsiwixae Jesucristo. Ichitha poxonae paponame ichantha pontha pon jiwi peyabara paebin xua penatsicuentisiwa xua abe peexanaexae, pon jopa pejume cowantsin, apara jopa xapain paexanaem. ¿Metha bara painyamonae jiwana pin dapocotsin yatsicaewa aibi jampa pon jiwi peyabara paebin xua penatsicuentisiwa xua abe peexanaexae jampa?

<sup>6</sup> Ponbe paxam jiwana pam, ponbe pejume cowantsinbe Jesucristo, baponbe nababe. Ichun xua baponbe jiwana pona ichaxota pon jiwi peyabara paebin pon jopa pejume cowantsin, xua peyabara paebinexatsi pon abe peexanaexae ichantha.

<sup>7</sup> Poxonae paxeineibame po coyenein xua pana nabeibame xua daxota paponeibame pontha pon jiwi peyabara paebin baxua abe paexaname. Poxonae ichamona abe pacata exana saya bara pacui yabara copabare. Jame baxua pacata xanepana. Baroxonae jopa painya nenantawenonaewa xua painya neponaewa pontha pon jiwi peyabara paebin xua penatsicuentisiwa xua abe peexanaexae. Barichino poxonae ichamona paca caiba saya bara pacopare xua jopa abe painya neexanaenexa tsane bapomonaetha.

<sup>8</sup> Payopitame xua pinae painyamonae pacata abe exana, yawa xua pinae paca caiba. Ichitha apara paxam bara paichim abe paexaname, xua poxonae paponame pomonaetha pomonae jopa pejume cowantsiwi xua peyabara paebinexatsi pomonae abe pacata exana.

<sup>9-10</sup> Paxam payaputaneme xua pomonae abe peexanaewi jopa patsi tsane Nacom pia peitorobi nacua beicha. Painya xoba pana nayabara cui copatame xua painya coutha painya nenamuxutorobiwa barapo coyene yabara xua daxota pananta xeiname xua barapomonae apara patsina Nacom pia nacua beicha. Pomonae jopa patsi tsane Nacom pia peitorobi nacua beya xua peexanaexae po coyenein xuaje: Pomonae pesi cui weiweinae jiwi, pomonae wanae pejainchiwi ibo nacomun, iru pomonae penotsiwi yabuxi powaxi bara bequein pia pebiwi xeina, iru po pebiwi cae pebiwi penaissa maichiwi, iru pomonae pecaibi jiwi, iru pomonae jimun jiwi xua ichichipa copei xeinaewi naexana beyacaincha xua ichamona, iruru pomonae nacupa penaexanaewi, peatsaxa meran, iruno pomonae jiwi pebiataewi, iruno pomonae peyabara muxutorobi jiwi pecaibinexa.

<sup>11</sup> Copiyatha paxam be barapocotsi jiwimonae pam xua poxonae matha aena pajume cowantame xua abe painya neexanae jiwi pam. Daichitha Nacom paca yabara jantemaina abe painya neexanae cuiru coyenein. Matautano Nacom paca yabara caunuta jeye: “Tapexuimonae jiwi”, paca yabara jei. Matautano Nacom jopa painya tsita natsicuentisiwa xua abe painya neexanaexae. Nacom pia Pejumope tunaxu tatsi iru Jesucristo pacata exana baxua xua poxonae pajume cowantame Jesucristo pon jiwi Pecanamataxeinaein.

*Meje xua Pablo jei: “Wapepon Nacom piawa”, jei*

<sup>12</sup> Jiwi ba jeye: “Xan necopata xua bara taexanaewanexa pocotsiwa xua ichichipan”, jei. Bara bequein xainyei jiwi xua pepaebiwa, ichitha ichacuitha barapo jiwi jopa xapain pia coutha nata exanaetsipae. Bequein barichin bequein necopata xua bara daxita taexanaewa, daichitha ichacuitha jopa xapain nata exanaeinchipae xua poxonae icha nanta xeinaetsipan xua jopa neitacupaeyo xua bara tana necui copatsiwa.

<sup>13</sup> Bara jiwi ba xainyeya paeba poxonae jeye: “Pexaewa wɔnae xua pecotsoro nexa, irɔ pecotsoro wɔnae xua pexaewa nexa”, jei. Ichitha bexa tsane Nacom weraweraca cana exanaena barapo naxobe jumebe. Nacom apara jopa nacata exanaeyo wapepon xua wapepon abe wanata exanaewa xua wanasi cui taetaewa. Wapepon Nacom exana xua pia coutha natsiexana, xua watanacuichinexa bapon, pon jiwi Pecanamataxeinaein. Nacom yawena xua wapepon yawenatsi xua pia wanaca capanepaenexa.

<sup>14</sup> Icha Nacom ichi xua asɔ exana petɔpae cuiru coyene weya pon jiwi Pecanamataxeinaein Jesucristo, Nacom bara naca ichi tsane, asɔ naca exanaena petɔpae cuiru coyene weya pia peayapusɔ itorobi coyeneyatha.

<sup>15</sup> Paxam Corinto tomarapiwi pam. Payaputaneme xua daxita carepaya paxam Cristo piamonae jiwana tatsi pam, pomonae pejɔntɔ coyene xanepanae jiwi. Xan irɔ barapo pejɔntɔ coyene xanepanae jiwi piamonae jiwanan tatsin. Daxota jopa benatsiperɔ jayababinyo powaxitha powaxi pesi cui weiweinaewaxi, tsipei tapepon apara Cristo tatanacuichinexa bapon.

<sup>16</sup> Paxam payaputaneme icha pebin natsiperɔ jayababa powatha powa penasi cui matacaetsiwa baraponbe bara be caeinbe naexanabe. Nacom Pejume Diwesitha jeye: “Poxonae pebin piowa pita bara be caein naexanabe”, jei Nacom Pejume Diwesitha.

<sup>17</sup> Poxonae ichɔn cae jɔntɔ coyene naexana Cristotha pon jiwi Pecanamataxeinaein, bapon bara apara caein naexana Cristotha pia pejɔntɔ coyenewatha.

<sup>18</sup> Painya xoba paexanaename icha pocotsi coyeneya ichi xua peexanaewa pomonae pesi cui weiweinaewi. Daxita po coyenein pebiwi exana xua abe peexanaewa apara jopa pia coutha abe nacana exanaeyo. Apara jame ichɔnthɔ abe exana. Saya jame poxonae pebiwi pesi cui weiweinaewi bapoxonae barapo pebiwi pia coutha abe nacana exana.

<sup>19</sup> Paxam payaputaneme xua Nacom pia Pejumope tɔnaxɔ tatsi paca barɔ jinompa pia paca nacana jumope tɔnaxɔ catsixae paxamtha. Icha barapo Nacom pia Pejumope tɔnaxɔ tatsi ichi xua paca barɔ jinompa, barichi barapo Nacom pia Pejumope tɔnaxɔ tatsi popona Nacom pin pia botha tatsi. Tsipei anoxuae Nacom piamonaexae tatsi pam, apara paxam jopa painya coutha painya nenacanamataxeinaewi jiwi pam.

<sup>20</sup> Nacom bayatha pacata pematomatsiwa exana xua poxonae Jesús naetotha painya nepaca tsitɔpaewa xua abe painya neexana cuiru coyenein. Daxota beta pajume cowantsiya jinompare ichamonae petitatha tatsi. Bapoxonae barapomonae Nacom barɔ cui itura jinatsi xua pon xanepanaya peexanaein poxonae paca cui tane xua xanepanaya pajinompame.

## 7

### *Meje xua Pablo yabara muxuweta xua jitha peenaewa yabara*

<sup>1</sup> Anoxuae paca jume notatsi po peyainyabiwa pana yainyabame cartatha. Icha pebin jopa jitha beecaeyo bɔ bara moya jopa jitha ecae tsane, bequein bara baxua taxanepanatsi bapon.

<sup>2</sup> Ichacuitha poxonae pebin jopa jitha ecaeyo besi cui weiweinaena powatha xua bequein pia pebin xeina. Daxota pecuiyainwa barapo coyene bapon bewa jitha ecaena, xua barompaya piowa tatsi. Barichi daxita yabɔxi bewa barompaya seicaya notsina pia pebiwi.

<sup>3</sup> Pebin bewa bara exanaena piowatha xua poxonae peisa maitecae coyenewa. Barichirɔ yabɔyo bewa bara exanaena pia pebintha xua poxonae petsicuara maitecae coyenewa.

<sup>4</sup> Petsiriwa powa jitha eca, jopa bewa nayabara nanta xeinae xua penaperɔ xeinaewa xua saya pia coutha nexa. Jame bewa nanta xeinae xua apara bara pia pebin tatsi pia perɔto tatsirɔ. Barichi pebin jopa bewa nayabara nanta xeinae xua penaperɔ xeinaewa



xua saya pia coutha nexa. Jame bewa nanta xeinae xua apara bara piowa tatsi pia peruto tatsiru.

<sup>5</sup> Petsiriwa jopa bewa aichaxaibi tsane xua isa maiteca pia pebin. Pebin iru jopa bewa aichaxaibi tsane xua piowa peisa maitecaewatsi. Poxonae pebin piowabe eenatsibe caentacabiyobetha xua Nacomtha wucauyabe bapoxonae baponbe itacupatsi xua itompa exanaenabe xua peexanaewa po coyene penaisa maitecae cui coyenewa. Saya caentacabiyobetha baxua bewa itompa exanaena po coyene xua penaisa maitecae cui coyenewa. Jame poxonae po mataqueitha najume wetsina xua Nacomtha pewucaewabe bapoxonae jame bara bewa exanaenabe equeicha penaisa maitecae cui coyenewa. Baxua bewa exanaenabe xua jopa pejuntu coyene jujutsinexa tsainchibe caurimonae pia pentacaponaein tatsi xua abe peexanaenexa tsanebe xua naitompa penaexanaexaebe.

<sup>6</sup> Saya baxua paca muxuwetatsi apara xua jitha painya neenaewa xua daxota jopa abe painya neexanaewa tsane. Jopa apara paca itorobichi daxita pam xua jitha painya neenaewa. Bara moya jitha ecaena pon ichichipa.

<sup>7</sup> Ichichipan xua daxita jiwi jinompa dubenanaebiyaena icha po coyeneya ichin xua poxonae poponan xua jeinya ecan. Daichitha Nacom cata daxita jiwitha xua daxita jiwi barompaya pia cui coyenewan xexeina tsiniya. Po coyenein xua Nacom cata daxita barompaya jiwitha jopa nacui coyene jupaeyo.

<sup>8</sup> Pomonae pemisa dubenaewi pam iru powaxi painya seuriwi painya necacuenta werapaewaxichi pam, daxita barapomonae pam paca tsipaebatsi. Bara wuna tsipae icha jopa jitha paenaemtsipae icha be xan ichin xua jopa jitha taecaewa.

<sup>9</sup> Ichitha icha jopa paca itacupaeyo xua painya nejeinya enaewa moya bara jitha bewa paenaem. Jame baxua pacata xanepana xua jitha paename xua daxota jopa painya nesi cui weiweinaewa.

<sup>10</sup> Ichitha pomonae xua bayatha jitha painya neenaewi pam barapomonae pam paca itorobatsi. Jopa apara taitorobi coyeneya paca tsipaebichi. Jame apara Nacom taneitorobixae xua po coyeneya tapaca catsipaebinexatsi. Paca jeichi: “Yabuyo jopa bewa cuenta warapaena pia pebin xua pexubinexa”, paca jeichi.

<sup>11</sup> Powa punaxuba pia pebin, barapowa bara misa ecaena. Jopa pitsi tsane icha pebin equeicha. Metha jame xanepanaetsipa icha bapowa caewa pichapa pia pebin. Barichi pebin jopa bewa punaxubi tsane piowa.

<sup>12</sup> Anoxuae nama icha coyene paca tsipaebatsi po coyenewa jopa Nacom neitorobiyo saya xua tacoutha tananta xeinaewa. Icha pebin pon pejume cowantsin xeina piseuri powa jopa pejume cowantsiwayo bapon jopa bewa punaxubi tsane bapowa icha bapowa ichichipa xua bapon pebaru poponaewatsi.

<sup>13</sup> Barichi icha yabuyo powa jume cowanta xeina pebin pon jopa pejume cowantsin bapowa jopa bewa punaxubi tsane icha bapon ichichipa xua bapowa pebaru poponaewatsi.

<sup>14</sup> Po pebin bequein jopa jume cowantsiyo, Nacom tsitatsi xua po coyene barapon penacoyobiwa bara xanepana, tsipei bapon piowa xeina powa pejume cowantsiwayo. Barichi powa jopa bequein pejume cowantsiwayo, Nacom tsitatsi xua po coyene barapowa jitha peecaewa bara xanepana, tsipei bapowa xeina pia pebin pon pejume cowantsin. Icha Nacom barapocotsi coyeneya jopa exanaetsipae nexata painya pexui be pomonae jopa Nacom pejume cowantsiwi pia pexui tatsi tsipae. Ichitha poxoru barapo coyene painya netsita xeinaexae Nacom daxota Nacom yawa muxuna tsitatsi xua barapo painya pexui barapoxi juntu coyene xanepanena.

<sup>15</sup> Ichacuitha pebin pon jopa pejume cowantsin ichichipa punaxuba piowa powa pejume cowantsiwayo. Bapoxonae bapowa bara copata xua pepunaxubiwatsi pia pebin. Barichi ichacuitha yabuyo powa jopa pejume cowantsiwayo ichichipa punaxuba

pia pebin pon pejume cowantsin. Bapoxonae bapon b̄ bara copata xua pepunaxubi-watsi pia petsiriwa. Nacom copata barapomonae jopa pejume cowantsiwixaetsi xua piseuriwi pepunapentsiwa tsipei ichichipa xua j̄ntemiya wanabar̄ jinompaewa tsane saya.

<sup>16</sup> Yab̄yom icha ewatsiwatham tsipae xua jinya pebin pejume cowantsinexa, daichitha jopa jume cowantsipae Nacom. Barichi pebin icha ewatsiwatham tsipae xua jinseuri pejume cowantsinexa, daichitha jopa jume cowantsipae Nacom.

<sup>17</sup> Daxita paxam bewa xanepanaya pajinompaename icha pocotsi coyeneya Nacom painya nepaca catsixae tsane. Baxua bewa paexanaename xua po coyene Nacom paca yabara tsiwaba bara bequein painya seurixi paxeiname ichacuitha bara metha bequein jopa paxeinaem tsane painya seurixi. Baxuan cuiduban daxita carepaya penacaetutsi bontha pomonae Nacom pejume cowantsiwichi.

<sup>18</sup> Ichacuitha Nacom waba xua pebin wabatsi pejume cowantsinexa tsane. Icha barapo pebin caena bayatha wi thabatsi b̄ saya barab̄ tsane baxua. Barichi ichacuitha Nacom waba xua pebin wabatsi pejume cowantsinexa tsane. Barichi icha barapocotsi pebin caena bayatha jopa wi thabichi b̄ saya barab̄ tsane baxua xua jopa pewi thabinexatsi.

<sup>19</sup> Bapana Nacom jopa tsita ainya cuichi, metha bequein pebin bayatha wi thabatsi, ichacuitha metha bequein jopa wi thabichi. Po coyene xua peainya cui coyene xua jiwi bewa exanaena, jame maisa bewa jiwi jume cowantsiya exanaena pocotsiwa Nacom itoroba.

<sup>20</sup> Daxita paxam bewa j̄pa paexana dubenanaebiyaename icha copiya paichim xua paexana dubenanaebiyame poxonae copiya aena Nacom paca waba.

<sup>21</sup> Poxonae Nacom waba pon paxam jiwana pam xua poxonaer̄ bapoxonae amanaya tanacuita pia pentacaponaein, bapon jopa bewa yabara nant̄ exabi baxuan xua pia saya poponaetsi. Ichitha icha bapon itac̄patsi xua saya pepoponaewa b̄ moya saya popona xua jopa penantawenonaenexa tsane xua amanaya petanacuichiwa ich̄n.

<sup>22</sup> Barichi ichacuitha pon bayatha exanatsi xua amanaya petanacuichinexa ich̄n bapon jume cowanta Jesús. Bapoxonae bapon naexana pon saya pepoponaein pia pentacaponaein weya, peexanaenexa pocotsiwa Cristo itoroba. Barichi ichacuitha pon saya pepoponaein xua jopa amanaya tanacuichiyo ich̄n bapon jume cowanta Jesucristo. Bapoxonae bapon naexana pon Jesús amanaya pia petanacuitinchi tatsi tsipei exana pocotsiwa Cristo itoroba.

<sup>23</sup> Nacom pin matomatha pacata matomata poxonae Jesús naetotha paca tsit̄pa abe painya neexanae cuiru coyenein nexa. Painya xoba pacopatame xua jiwi equeicha caewa painya nepaca itorobiwa xua abe painya neexanaewa.

<sup>24</sup> Tamonae pam daxota paca itorobatsi xua painya nejume cowanta dubenanaebiyaenexa Nacom, icha paichim xua pajume cowanta dubenanaebiyame poxonae copiya Nacom aena paca waba.

<sup>25</sup> Jopa xeinaeinyo po jumetha xua tacueicueijejiwa po coyenewa xua Nacom pon jiwi Pecanamataxeinaein neyaputane exana xua pomonae piseuriwi penotsiwi nexa. Saya apara paca tsipaebatsi po coyeneya xua saya tacoutha tananta xeinaewa. Ichitha paxam paca itac̄pa xua pata tana nejume cowantsiwam tsipei Nacom necata barapo peyaputae coyenewa tana neantobexae.

<sup>26</sup> Xan tacoya nanta xeinan xuaje: Bara bewa saya jiwi jeinya enaena. Jopa jitha peenaewa tsane, tsipei anoxuae barapo dapaetha xeinatsi nawita po coyenein bichocono nacata ayapube tsounae xua wanapapeichiwatsi.

<sup>27</sup> Icha jitha paename painya xoba pana napunapentame. Barichi icha pajeynya ename painya xoba pasi cui weiweiname.

<sup>28</sup> Icha jitha paename jopa apara bara abe paexanaem. Iru icha yab̄yo jitha eca bapowa apara jopa abe exanaeyo. Daichitha pomonae jitha peenaewi bichocono

taayapubetsi xua pejinompaewa nexa barapo cae pin nacuathe. Xan ichichipan paca yawenatsi daxota baxuan yabara paca tsipaebatsi xua pacata ayapubeyainwa xua jitha painya neenaewaxae tsipae.

<sup>29</sup> Tamonae pam, paxam pomonae iru painya nejume cowantsiwixae Jesucristo. Po coyenewa xua ichichipan tapaca tsipaebiatsi tsainchi xua meje xua janje: “Waxainchi pin dapae jopa xeinae tsainchi po mataqueitha poxonae Jesús patopeicaena”, jan. Daxota pomonae jitha ena bewa jinompa dubenanaebiyae icha be poxonae ichi poxonae xua jinompa dubenanaebiya pomonae jeinya peenaewi xua xaniwaicha Nacom daunweya petanacuichiwatsi.

<sup>30</sup> Daxita jiwi bewa eenaetsi xua Nacom petanacuita dubenanaebiyaewatsi. Daxota pomonae anthutane xua pewecoyeixae bu barapomonae jinompa icha ichi xua jinompa pomonae jopa anthutaneyo xua jopa pewecoyeixae xua daunweya penacuichixae Nacom nexa. Barichi pomonae xua bichocono juntu coyene weiweina bu barapomonae jinompa icha ichi xua jinompa pomonae jopa juntu coyene weiweinaeyo xua daunweya penacuichixae Nacom nexa. Barichi pomonae xua pecomoca dubenanaebiyaewi bu barapomonae jinompa icha ichi xua jinompa pomonae jopa pecomoca dubenanaebiyaewi xua daunweya penacuichixae Nacom nexa.

<sup>31</sup> Poxonae cataunxuae pajinompame barapo cae pin nacuathe jopa paichichipa dubenanaebiyaeinde pocotsiwan xua barapo cae pin nacuathe xeina. Tsipei pocotsiwa barapo cae pin nacuathe xeina daxita weraweracaena.

<sup>32</sup> Ichichipan xua bichocono jopa painya neyabara nanta xeinaewa pocotsiwa barapo cae pin nacuathe xeina xua paca juntu deideijejei exana. Po pebin jeinya eca itacupatsi xua penajuntu coyene eena exanaewa xua petaexanaewatsi Nacom pon jiwi Pecanamataxeinaein. Barapo coyene Nacom juntu coyene weiweina exanatsi.

<sup>33</sup> Po pebin jitha eca bapon bichocono yabara eenatsi nawita xua yabara nanta xeina nawita xua po coyeneya piseuri peewatsiwa xua daxota bapowa piseuri peyabara baru juntu coyene weiweinaenexa.

<sup>34</sup> Barapon barapo naxobe coyenewabe muxuna yawa nanta xeina. Barichi yabuxi powaxi jeinya ena iruru powaxi jitha ena barompaya tsanaya piawan yabara nanta xeina. Powa xua bapana jopa jitha ecae bapowa itacupatsi xua penajuntu coyene eena exanaewa xua petaexanaewa po coyene Nacom ichichipa pon jiwi Pecanamataxeinaein. Barapowa ichichipa exana xua Nacom pejuntu coyene weiweina exanaewatsi tsainchi pocotsiwa xua bapowa peexanaewaxae xuano bapowa pocotsiwa penanta xeinaewaxae. Ichitha nama powa jitha eca bapowa bichocono yabara eenatsi nawita xua yabara nanta xeina nawita xua po coyeneya pia piseuri peewatsinexa xua daxota bapon piseuri peyabara bara juntu coyene weiweinaenexa.

<sup>35</sup> Baxua paca tsipaebatsi tsipei ichichipan xua tapaca cayawenaewatsi. Aparae jopa paca itorobichi xua jopa painya nenotsiwa tsane painya seuriwi. Ichichipan xua beta painya nejinompaewa xua painya netanacuita dubenanaebiyaenexa Nacom daxita painya juntu coyeneintha.

<sup>36</sup> Pebin iru yabuyo nanta xeinaebe xua penapichinexa tsanebe. Ichitha cataunxuae ewatabe xua penapichiwa tsanebe. Bapon ichichipa nawita xua pepichiwa bapowa, iru petsiriwa bayatha wei weta. Daxota moya bara bewa napichinabe. Baxua jopa abeyo po coyene baponbe exanabe.

<sup>37</sup> Ichitha icha pebin itacupatsi xua jopa nantawenonaeyo xua pepichinexa pecotsiwa, xuano juntucuru jopa pichi tsane pecotsiwa, bara jemba tsane icha bapon pecotsiwa jopa pichi tsane. Bara saya jeinya ecaena. Bapoxonae bapon bara saya beta exana.

<sup>38</sup> Pon pecotsiwa pita beta exana bequein. Ichitha nama pon jopa jitha ecaeyo bapon jame bichocono beta exana beyacaincha pon pecotsiwa pita.

<sup>39</sup> Petsiriwa powa jitha eca powa pejume cowantsiwa bewa piseuri cuicuinaena poxona e cataunxuae jopa tatapatsi piseuri. Icha pia pebin tatapatsi barapowa itacupatsi xua pichina icha pebin pon saya pejume cowantsin.

<sup>40</sup> Jame metha bapowa bichocono yatsicaewa juntu coyene weiweinaetsipa icha jopa equeicha pichipae icha pebin. Baroxona e bapowa bichocono juntu coyene weiweinaetsipa beyacaincha poxona e pita icha pebin. Baxua nanta xeinan xua saya tananta xeinaewa. Matautano iruru barichin jume cowantan xua Nacom pia Pejumope tuxaxu tatsi tana nebaru poponaewa. Daxota neitacupa xua yabara tapaebiwa barapo coyenein.

## 8

### *Meje xua Pablo peyabara paebiwa pexaewa po pexaewa jiwi tajeba ibo nacomun*

<sup>1</sup> Anoxuae ichichipan xua pexaewa yabara tapacata tinaewatsi po pexaewa jiwi tajeba ibo nacomun poxona e jiwi wuna e jainteiba ibo nacomun. Bequein xainyei xua baxuan yabara yaputainchi, daichitha barapo peyaputae coyenewan naca atsaca exana. Ichitha jame po peantobe coyenewa xeinatsi apara naca yawena xua beta wanabaru jinompaewatsi.

<sup>2</sup> Pon xua nanta xeina xua pinae yaputane bichocono bapon apara taacoibichi pocotsiwa xua bapon bewa yaputaena.

<sup>3</sup> Icha ichun Nacom antobetsi bara Nacom juntu coyene yaputane bapontha.

<sup>4</sup> Daxota equeicha pexaewa yabara paca tsipaebatsi, po pexaewa jiwi tajeba ibo nacomun. Barapo pexaewa xuya ichamonae xane cotacaya. Waxainchi yaputainchi xua ibo nacomun jopa xaniwaicha xeinaeyo peayaruswa xua apara saya jiwi pecobetha forota. Jame nama yaputainchi pepa Nacom, pon compa.

<sup>5</sup> Jiwi jume cowanta xua pinae pinmonae jinompa, pomonae nacomun, itabocotha, barapo cae pin nacuatheno. Barichino xua pinae pentacaponae wi jinompa itabocotha barapo cae pin nacuatheno.

<sup>6</sup> Nama waxainchi yaputainchi xua compa popona Nacom, pon Waxa. Daxita coyenein Nacom pia xainya werena tapichipapoinchi, bara bequein daxita baxuan Cristo forota Waxa nexa. Matautano Nacom naca cana exana pia watanacuichinexa bapon. Barichi meisa compa popona pon pepa jiwi Pecanamataxeinaein, bapon Jesucristo. Bapon Jesucristo daxita forota Nacom nexa. Waxainchi xeinatsi peajuntucoyeneswa, po peajuntucoyeneswa xua bapon naca cata.

<sup>7</sup> Ichamonae pomonae pejume cowantsiwi Nacom, jopa yabara yaputaeyo xua ibo nacomun. Barapomonae awiya nanta xeina xua ibo nacom peayaruswa xeina bequein anoxuae barapomonae jume cowanta Nacom. Barapomonae bayatha pia cui xeina xua pexaewa tajebeiba ibo nacomun poxona e wuna e jainteiba barapo ibo nacomun. Barapomonae abetha nanta xeina jeye: “Icha xaetsipan pewi po pewi ichamonae tajeba ibo nacomun metha neajuntucoyenebe cana exanaetsipa poxoru barapo pewi ibo nacomun piawa”, jei xua abetha nanta xeina. Bequein barapomonae jume cowanta Nacom ichitha jopa yaputaeyo xua ibo nacomun pia pexaewa jopa itacupatsi xua ajuntucoyenebe cana exanatsi barapomonae icha jiwana xaetsipa barapo ibo nacomun pia pexaewa.

<sup>8</sup> Pexaewa jopa naca yawenaeyo xua wanajuntu coyene xanepana exanaewatsi xua daxota Nacom wanaca weyataewa tsane. Icha waxainchi nabunatsi pexaewa jopa naca yawenaeyo xua Nacom tsita juntu coyene xanepanatsi beyacaincha xua poxona e jopa nabanaetsi. Barichi icha najainbotatsi baxua jopa naca yawenaeyo xua Nacom tsita juntu coyene xanepanatsi beyacaincha xua poxona e nabunatsi.

<sup>9</sup> Paca itacupa xua paxaneme xua pocotsiwa painya neichichipaewa. Icha pajiwana xaneme po pexaewa jiwi tajeba ibo nacomun, baxua jopa paca tsita abeyo.

Ichitha poxonae paexaname baxua pomonae ainya anthuton pexeinaewi, aena pejume cowantsiwixae, barapomona tsita ayapubetsi. Icha barapomona xaena barapo pexaewa painya neexanaewaxae bequein barapomona tsitatsi xua abe peexanaewi poxonae xane barapo ibo nacomun pia pexaewa tatsi. Daxota painya xoba paexaname po coyene painya neichichipaewa.

<sup>10</sup> Metha beya paca taetsipa pon pejume cowantsin poxonae panabaname pexaewa po pexaewa jiwi tajebeiba ibo nacomun poxonae wuna jainteiba barapo ibo nacomun. Iruru metha beya tsipae bapon naxaetsipa barapo pexaewa poxonae bapon paca jain tane. Paxam pomona painya neyabara yaputaewi pam barapo pexaewa. Payaputaneme xua barapo pexaewa apara jopa itacupaetsi xua jiwi ajuntucoyenebe cana exanatsi. Ichitha pomona ainya anthuton pexeinaewi aena pejume cowantsiwixae jopa yaputaeyo baxua yabara icha paxam paichim. Barapomona awiya nanta xeina jeye: “Icha barapo pexaewa xaein neajuntucoyenebe exanaena”, jei.

<sup>11</sup> Ichacuitha paxaneme barapo pexaewa bequein payabara yaputaetham xua jopa abe paca cana exanaeyo. Painya neexanaexae baxua xua paxaneme barapo pexaewa daxota bichocono abe paexaname pontha pon ainya anthuton xeina, pon abetha nanta xeina, jeye: “Icha barapo pexaewa xaein neajuntu coyenebe exanaena”, jei. Daxota bapon payabara nanta xeinare xua apara iru Cristo tsitupa bapon icha ichi xua paca tsitupa.

<sup>12</sup> Pacata jopa abeyo xua poxonae paxaneme barapo pexaewa. Jame apara abe paexaname poxonae iruru xane barapo pexaewa pomona ainya anthuton xeina. Poxonae abe paexaname barapomonaetha apara bara iru abe paexaname Cristotha, tsipei apara barapomona pomonae iru pejume cowantsiwixae Cristo.

<sup>13</sup> Metha beya xaetsipan pewito pocotsi wito xua ichun, pon iru pejume cowantsin yabara nanta xeineiba xua jopa bapana xae po pewi xua jiwi tajebeiba ibo nacomun. Poxonae bapon nejain tane, bapon iru xane, najuntu coyene taxoba. Vapoxonae abe exana cana exanan. Daxota metha xanepanaetsipa icha bapana jopa xaetsipaein equeicha barapocotsi wito xua jopa taexanaewanexa xua bapon abe peexanaewa tsane.

## 9

*Meje po coyenein yabara pomona Jesus pia peitorobi jiwi tatsi itacupaetsi xua peexanaewa*

<sup>1</sup> Tajuntu coyene jopa netsipaebiyo xua abe taexanaewa icha xaein barapo pexaewa xua jiwi tajebeiba ibo nacomun. Ichun jopa itacupaetsi xua yabara tana neitorobiwa barapo pexaewa tsipei xan Jesus pia peitorobi jiwi jiwana tatsin. Xan bara yatsicaewa tan Jesus, pon Wanacanamataxeinaein. Paxam pajume cowantame Jesus daunweya tatanacuichixae pon jiwi Pecanamataxeinaein.

<sup>2</sup> Ichamona jopa neyabara tsaqueinaeyo xua xan Jesus pia peitorobi jiwi jiwana tatsin. Jame paxam pana neyabara yaputaneme xua xan Jesus pia peitorobi jiwi jiwana tatsin. Painya nejume cowantsixae pon jiwi Pecanamataxeinaein ichamonae patsita itapeinya xeiname xua xan bara ponxaein Jesus tana neitorobin.

<sup>3</sup> Baraxua jume notan pomonaetha pomona yabara neyainyaba xua pinae icha bara metha yatsicaewa pon Jesus tana neitorobin.

<sup>4</sup> Barapomonaetha janje: Bernabe iru xan bara pana neitacupabe xua pata wecobe notebiwabe pocotsiwa xua jiwi pata necatsibiwabe pexaewa. Matautano pana neitacupabe xua pata wecobe notebiwabe pocotsiwa paapan xua poxonae patanacuita ducuaaebiyambe Jesus.

<sup>5</sup> Matautano icha jitha ecaetsipan bara neitacupaetsipa xua tabaru ponaewa taseuri icha Jesus pia peitorobi jiwi tatsi ichi xua itacupaetsi xua peexanaewa baraxua xua



piseuriwi bar<sub>u</sub> warapa. Ir<sub>u</sub> barichi Jesucristo pon jiwi Pecanamataxeinaein pia peweicho jiwi tatsi baxua exana. Ir<sub>u</sub> Pedro exana baxua xua piseuri bar<sub>u</sub> pona.

<sup>6</sup> Poxonae ichamonae paca tsipaeba Nacom Pejume Diwesi, payawename barapomonae pocotsiwa penantawenonaewa. Paxanbe Bernabé ir<sub>u</sub> xan panacuitanbe paxam nexa poxonae Nacom Pejume Diwesi paca tsipaebatsi. Ichitha jopa pana neyawenaem pocotsiwa panantawenonanbe. Paxanbe bewa panacuichinbe icha penacuitsiwa yawa pata comocaenexa pocotsiwa panantawenonanbe. Meisa paxanbe baxua paexananbe, ichamonae jopa daichiyo.

<sup>7</sup> Soldadomonaepin poxonae ba naba pia pentacaponaein nexa jopa ba natamatomatsiyo pia pexaewa. Pon ba jame itoroba apata pexaewa pia soldadomona. Barichi pon ba uva pabi nacuita itac<sub>u</sub>patsi xua yawa uva cuei xaexaepona. Barichir<sub>u</sub> pon ba vaca yapu eena bapon ba itac<sub>u</sub>patsi mipi yuyucapona vaca xua peapaponaenexa.

<sup>8</sup> Saya jopa meisa jiwi yabara nanta xeinaeyo baxua xua pon tanacuita itac<sub>u</sub>patsi yawa xane. Apara ir<sub>u</sub> Moisés pia peitorobi coyenewatha baxua yabara paebar<sub>u</sub>.

<sup>9</sup> Moisés tina po diwesi pia peitorobi coyenewathaxae, xua jeye: “Poxonae po duwein pon pew<sub>u</sub>n buey nanacuitapona xua pexu xu taxunaunabapona, bapoxonae pebin jopa copatsiyo xua pecoibo acatsiwa xua jopa pexaenexa. Saya bara copatsina xua yawa xaexaeponaena poxonae nacuitapona”, jei. Nacom jopa yabara paebiyoy baxua xua saya meisa poxoru peyabara nanta xeinaexae buey. Jame saya apara poxoru peyabara nanta xeinaexae jiwi.

<sup>10</sup> Nacom pana necayabara j<sub>u</sub>ta paeba poxonae buey yabara paeba. Baxua painta exana xua pata taneyawenaenexa. Pon ba nacobe weta xua <sub>u</sub>ba pabitha, ir<sub>u</sub> pon xuya nota poxonae naweta, baponbe xeinaenabe pexaewa xua penawetsiwa.

<sup>11</sup> Paxan paca cuidubatsi Nacom Pejume Diwesi. Tsipei paca yawenatsi daxota bewa xuya pana necatsibim pocotsiwa xua panantawenonan xua pata jinompaewanexa.

<sup>12</sup> Paxam pacatsibame pocotsiwa xua nantawenona ichamonae pomonae Nacom Pejume Diwesi paca cuiduba, ichitha paxan paca yawenatsi beyacaincha xua barapomonae paca yawena. Daxota bewa pana necatsibeibim icha paca w<sub>u</sub>queibichipatsi beyacaincha xua pacatsibeibame ichamonae.

Ichitha baxua jopa paexanaein<sub>u</sub>yo xua pata caw<sub>u</sub>caewatsi. Paxan bichocono paatanein xua jopa pata xeinaexae pocotsiwa xua pata nantawenonaewa pata jinompeibiwanexa bequein jopa paca w<sub>u</sub>queibichi. Jopa paca w<sub>u</sub>caetsi tsipei jopa paichipaeinyo xua jopa painya nejume cow<sub>u</sub>ntsiwa Cristo pia pexeinya jume diwesi. Jopa paca w<sub>u</sub>caetsi poxoru metha pananta xeinaetsipame xua paxan apara pata paratixichi paca tsipaebatsi Nacom Pejume Diwesi.

<sup>13</sup> Paxam payaputaneme xua pomonae ba nacuita Nacom pin pia botha barapomonae ba apat<sub>u</sub>tsi pexaewa Nacom pin pia botha. Barichir<sub>u</sub> pomonae ba nacuita ichaxota iboto uncu<sub>u</sub> po ibototha duwein bexuba xua tauta xua petuxusi exanaenexa Nacom nexa barapomonae ba itac<sub>u</sub>patsi xua xuya penabanaewa barapo duwein xua saya jiwana xane.

<sup>14</sup> Barichi Nacom pon jiwi Pecanamataxeinaein jeye: “Pomonae inta nacuita xua paeba dubenanaebiy<sub>u</sub> tacapanenebiy<sub>u</sub>ae diwesi jume, barapomonae apat<sub>u</sub>tsi pexaewa xua poxonae ichamonae apateiba be pematomaqueibiwatsi tsipei barapomonae cueicueijei tsurubenanaebiy<sub>u</sub> tajume diwesi”, jei Nacom.

<sup>15</sup> Ichitha jopa bapana w<sub>u</sub>caein<sub>u</sub>yo jiwi xua tana apatsinexa pexaewa xua be tanamatomatsiwa. Pacata tinatsi xua jopa tapaca w<sub>u</sub>caewatsi. Ichichipan xua tat<sub>u</sub>paewa tsane pew<sub>u</sub>naeya xua poxonae tapaca w<sub>u</sub>caewatsi tsainchi. Bichocono j<sub>u</sub>nt<sub>u</sub> coyene weiwein<sub>u</sub> poxonae tapaca tsipaebiwatsi Nacom Pejume Diwesi. Yaitama jopa pana necatsibeibim xua be pata tanematomaqueibiwam, daxota atsaquiya paca tsipaebatsi.

<sup>16</sup> Jopa neitac<sub>u</sub>paeyo xua atsacan xua tacueicueijeixae Nacom pia pecapanenebiy<sub>u</sub>ae diwesi jume. Nacom neitoroba xua bewa tacueicueije<sub>u</sub>wa tsane barapo diwesi. Ichitha

xan tsocuaein tsipae icha jopa cueicueijan tsipae barapo diwesi!

<sup>17</sup> Bequein icha Nacom jopa neitorobichipae xua saya xan tacoutha tsipaebaponaet-sipan Jesucristo pia pexeinya diwesi nexata ewatsipan xua jiwi tanematomatsinexa tacueicueijeixae barapo diwesi. Ichitha jame tsipaebaponan pexeinya jume diwesi Nacom tana neitorobixae. Jume cowantaponan be pocotsi coyeneya Nacom neitorobapona.

<sup>18</sup> Daxota xua be tanematomatsiwa apara xua poxonae juntu coyene weiweinan tapaca tsipaebixaetsi barapo Nacom Pejume Diwesi bequein metha jopa pana catsibeibichipaem xua patanematomatsiwam, matautano metha poxonae bara tapanecatsibeibichipaem pocotsiwa tapanematomatsiwam. Paxam jopa pana necatsim pocotsiwa be pata nematomatsiwam. Jopa paca wucaetsi bequein bara neitacupa xua tapaca wucaewatsi pocotsi matoma bewa panecatsibeibim. Bara pocotsi matoma jiwi bewa catsina pomonaetha pomonae Nacom Pejume Diwesi tsipaebatsi xua pejinompeibiwa tsane.

<sup>19</sup> Bequein jopa bewa amanaya tanacuichin tsane ichun, ichitha tacoutha nacana exanan be pon amanaya tanacuichin daxita jiwi nexa. Barapo coyene exanan xua pinmonae pejume cowantsinexa Cristo.

<sup>20</sup> Poxonae poponan judiomonae pia xantha tatsi, exana ducuaenaebiyen icha be barapo judiomonae ichi xua exana dubenanaebiya pocotsiwa Moisés itoroba pia peitorobi coyenewatha. Bara pocotsi coyenein exanan xua Moisés itoroba, bara bequein jopa bewa exanaein tsane. Saya exanan tsipei ichichipan xua tayawenaewa xua barapomonae pejume cowantsinexa Cristo Jesús.

<sup>21</sup> Poxonae poponan pexantha tatsi pomonae jopa exanaeyo pocotsiwa Moisés pia peitorobi coyenewatha itoroba, bapoxonae popona ducuaenaebiyen icha barapomonae ichi xua jinompa dubenanaebiya. Bapoxonae jopa exanaeinyo pocotsiwa Moisés pia peitorobi coyenewatha itoroba, xua barapomonae tayawenaenexa, xua pejume cowantsiwanexa Jesús. Jopa paca tsipaebichi xua tajume naitematsiwa Nacom xua tana neitorobiwa. Jame bara exanan pocotsiwa Cristo neitoroba.

<sup>22</sup> Poxonae poponan pexantha tatsi pomonae juntu coyene faefaena Nacomtha xua pejume cowantsiwa xua aena pejume cowantsixae bapoxonae exana ducuaenaebiyen icha barapomonae ichi xua exana dubenanaebiya tayawenaenexa xua equeicha bichocono mataropeicha pejume cowantsiwanexa Jesucristo. Daxita carepaya jiwitha peitatha poponeiban, poxonae be pocotsi coyeneya jinompeiba barapo jiwi tayawenaenexa xua equeicha bichocono mataropeicha pejume cowanteibinexa Jesucristo.

<sup>23</sup> Daxita baxuan exana ducuaenaebiban tacueicueijeit tsaibinexa Nacom pia pecapanenebiyae diwesi jume, matautano tsipei ichichipan xua tajuntu coyene weiweinaewa tsane poxonae barapomonae jume cowantsina Jesucristo.

<sup>24</sup> Paxam payaputaneme poxonae jiwi ba namtotha cuinaepona saya caein meisa copiya patopa. Bapon ba catatsi pocotsiwa pematomatsiwatsi copiya pepatopaexae xua beta cuinaepona. Bara pocotsi juta coyeneya ichi, beta pata exanaponde Jesucristo pia petanacuichiwa tatsi xua painya nepaca catsibinexa xua painya nepaca matomacaewan.

<sup>25</sup> Pomonae ba xua nacui wunaeta xua penaxenacaenexa ichawa jopa exanaeyo pocotsiwa taayapubetsi poxonae pecuinaeponaenexa. Barapomonae ba baxua exana pia xeinaetsi pocotsiwa pecui yabara matomacaewatsi. Barapo pentoma noxu tepa pocotsiwa xua saya caena naxuba xua weraweraca. Nama waxainchi beta exanapoinchi Nacom pia petanacuichiwa tatsi, xua Nacom wanaca catsibiwa tsane pocotsiwa wanaca yabara cui matomacaewa, pocotsiwa xua ataya ayapusu xua jopa weraweracaeyo.

<sup>26</sup> Daunweya exanaponeiban Nacom pia petanacuichiwa tatsi be poxonae xua bichoina cuinaeponan xua tatoxeincha patopaewa. Jopa exanaeinyo icha ichi xua pon

naitacueinchiya jiraba.

<sup>27</sup> Ichitha nama seicayiya exanan xua tapepon daunweya tacoya naitoroban xua daxota jopa abe exanaeinyo. Tapepon itoroban xua tana nejume cowantsiwa xua pe-exanaewa pocotsiwa itoroban. Antuyapusya tanacuitan Nacom tajunuwixae xua jopa beta taexanaewa xua bequein bara ichamonae cuidubithan barapo coyenein. Icha jopa beta exanaeinchipae Nacom jopa tsita xanepanaeinchipae xua daxota taneitawetsiwa tsipae.

## 10

### *Meje xua Pablo muxuweta pomonae wuna jainta ibo nacomun*

<sup>1</sup> Tamonae pam, paxam pomonae iru painya nejume cowantsiwixae Jesucristo. Ichichipan xua painya neyaputaewa tsane po coyene xua poxonae wamo susato jiwitha pecana exanaewatsi. Barapomonae Egipto nacua weya pona. Bapoxonae tsaquinaebowa matatsun dubenapoinchi. Barapo tsaquinaebowa barapomonae matacapoinchi xua ichaxota ichichipa peponaewa barapomonae. Daxita barapomonae icha muxunene beera uncababiya po pin pucua pewun Mar Rojo wun pucua. Barapo pin bicheito epatauta iyapona xua poxonae Nacom tsewa taexaniya xua be namto taexaniya.

<sup>2</sup> Barapomonae tsaquinaebowa be caemonae matatsun dubenapoinchi. Matauta barapomonae be caemonae Mar Rojo wun pucua epatauta iya pona. Barapoxonae be caemonae naexana Moiestha xua Moisés pematacapanaenexa barapomonae. Barapomonae barapocotsi juta coyeneya exana icha be poxonae jiton ichi xua poxonae bautisabatsi mentha caemonae penaexanaenexa Cristotha, xua Cristo pecanamataxeinaenexa bapontha.

<sup>3</sup> Daxita barapomonae xane po pexaewa Nacom taitorobica itaboco wetsica.

<sup>4</sup> Yawano barapomonae apa po mera xua Cristo itoroba ira xuepana susato tsurucuae nacuatha. Barapo mera iboton weya mene pichapa. Cristo barapo mera apatapona poxonae yanta xua barapomonae yantatsi.

<sup>5</sup> Daichitha pin bicheitomonae xua barapomonae jiwana jopa exanaeyo pocotsiwa Nacom ichichipa. Daxota Nacom copata xua barapomonae bara pejiwana weraponaewa tsane barapo ira xuepana susato tsurucuae nacuatha.

<sup>6</sup> Baxua exana xua nacata yabara canauta jutsiya exana. Jopa bewa waichichipaewa tsainchi pocotsiwa jopa nacata wunaeyo xua icha barapomonae ichi poxonae pia coutha abe nata exana.

<sup>7</sup> Daxota jopa bewa wuna pajainchim ibo nacomun icha be barapomonae jiwana ichi. Barapomonae wuna jainta ibo nacomun. Nacom Pejume Diwesitha barapomonae yabara jeichi: “Barapomonae ena xua pexaenexa yawa xua peapaenexa. Bapoxonae yatsicaewa barapomonae nawiraba ibo nacom tsita nawirabatsi”, jei Nacom Pejume Diwesitha.

<sup>8</sup> Waxainchi jopa bewa exanaetsi xua nasi cui weiweina exanatsi icha be barapomonae jiwana ichi. Barapomonae jiwana nasi cui exana yabuxitha xua jopa piseurixi. Daxota caentaqueitha veintitrés mil pebiwi werapa abe peexanaexae.

<sup>9</sup> Matautano jopa bewa najuntu coyene jujuta exanaetsi Nacomtha xua wanaca baru anaepanaenexa, icha barapomonae jiwana ichi. Barapomonae najuntu coyene jujuta exana Nacomtha. Daxota Nacom copata xua barapomonae werapa poxonae jomon sinebatsi barapomonae.

<sup>10</sup> Jopa bewa Nacom anaepanaya baru paebichi, icha be barapomonae jiwana ichi. Barapomonae Nacom anaepanaya baru paebatsi, daxota Nacom copata xua barapomonae weraweraca poxonae matatsunpin juteba po matatsunpin jiwi pejutebin.

<sup>11</sup> Nacom exana daxita baxuan barapomonaetha, xua wanaca muxuweta exanaenexa xua jopa waraichiwanexa icha barapomonae ichi. Moisés yabara tina

barapomonaе xua yaputane wanaca exanaewa xua bara nama imoxoyo barapo nacie weraweracaena.

<sup>12</sup> Daxota tsipaeban pon paxam jiwana pam pon xua nayabara nanta xeina xua pinae bichocono pejume cowantsixae peajuntucoyenesuwa xeina Nacomtha. Janje: “Dota jinya xoba abe exaname. Poxoru icha metha nanta xeinaetsipame xua jopa abe exanaem, bapoxonae metha abe exanaetsipame”, jan.

<sup>13</sup> Jopa meisa paxam caurimonaе pia pentacaponaein tatsi paca juntu coyene jujutsiyo. Barapara iru ichamonaе pomonaе pejume cowantsiwi barichichi juntu coyene jujutatsi abe peexanaenexa. Paxam paca itacupa xua pajuntu coyene amanayabame barapo caurimonaе pia pentacaponaein tatsi. Baraxua paexaname icha barapomonaе ichi xua juntu coyene amanayaba barapo caurimonaе pia pentacaponaeintha tatsi. Daichitha paca itacupa xua payabara jume cowantame Nacom xua bara bapon paca yawenaena. Nacom jopa copatsiyo xua caurimonaе pia pentacaponaein tatsi bichocono paca juntu coyene jujutsina xua pocotsiwa bichocono pacata ayapube xua daxota abe painya neexanaewa tsane. Ichitha poxonaе caurimonaе pia pentacaponaein tatsi paca juntu coyene jujuta, Nacom paca yawenaena xua painya nerucupaewa bapon weya xua daxota jopa abe painya neexanaenexa.

<sup>14</sup> Tamonaе pam paxam pomonaе iru painya nejume cowantsiwixae Jesucristo. Paxam pomonaе tapaca caantobe jiwichi pam. Painya xoba wunaе pajaintame ibo nacomun.

<sup>15</sup> Paca tsipaebatsi paxam pomonaе painya neyaputae jiwi pam. Paxam payaputaneme xua painya neyabara nanta xeinaewa pocotsiwa paca tsipaebatsi icha metha bara xaniwaicha paeban.

<sup>16</sup> Waxainchi nacaetutatsi wayabara juntanainaenexa xua Cristo wanaca tsitupaewa naetotha. Bapoxonaе апatsi vino mera yawa xainchi pan. Barapo vino mera Cristo pia pejana tatsi yabara caunutatsi. Matautano barapo pan Cristo pia pepon tatsi yabara caunutatsi. Poxonaе апatsi barapo vino mera Nacom tsipaebatsi barapo vino mera nexa po vino mera tsijunta eca corotiyotha. Jeichichi: “Maisa Nacom painta pexeinya coyene exaname”, jeichichi. Bapoxonaе be caemonaе naexainchi Cristotha waapaexae barapo vino mera. Barichi poxonaе pan janacatsi be caemonaе naexainchi Cristotha waxaexae barapo pan.

<sup>17</sup> Bequein waxainchi pinmonaetsi xua cae pan nabaru xainchi, ichitha waxainchi be caemonaetsi bapon Cristotha tsipei bara cae pan nabaru xainchi.

<sup>18</sup> Payabara nanta xeinare xua judiomonaе pomonaе Israel nacuamonaepiwi. Barapomonaе judiomonaе xane po duwein ichamonaе tauta xua petuxusi exanaewa Nacom nexa. Bapoxonaе barapomonaе be caemonaе naexana Nacomtha.

<sup>19</sup> Jopa apara paca tsipaebichi xua ibo nacom xeina peajuntuyarusuwa. Matautano jopa paca tsipaebichi xua po wi jiwi tajeba ibo nacomun ainya cui barapo wi beyacaincha xua icha pewi.

<sup>20</sup> Paca tsipaebatsi xua jiwi tajeba pewi ibo nacomun pomonaе jopa yaputaeyo Nacom. Barapomonaе tajeba barapo pewi caurimonaе. Jopa apara tajebiyo Nacom. Jopa ichichipaeinyo xua caemonaе pana naexaname caurimonaе pijimonaetha. Metha baraxua paexanaetsipame poxonaе panabaru xaneme pomonaе nacaetuta pexaenexa po wi jiwi tajeba ibo nacomun.

<sup>21</sup> Paxam panabaname pon jiwi Pecanamataxeinaein pia penabanaethopaewatha tatsi yawa xua paapameno. Jopa paca itacupaeyo xua panabaname yawa xua paapameno ichaxota exanompa cauri pia cui coyene pomonaе jopa pejume cowantsiwi.

<sup>22</sup> Icha waxainchi wunaе jaintatsi caurimonaе poxonaе xainchi po pewi jiwi tajeba ibo nacom bapoxonaе waxainchi exanatsi xua pon jiwi Pecanamataxeinaein naca caseba pia wanaca asiwixae. Waxainchi jopa xeinaetsi po peayarusuwa xua bichocono daunwei xua beyacaincha Nacom.

*Meje xua Pablo yabara paeba xua bewa jiwi yabara nanta xeinae pewi poxonae xane*

<sup>23</sup> Baraxua bequein xainyei poxonae jiton jeye: “Neitacupa xua taexanaewa pocotsiwa ichichipan”, jei bapon. Daichitha jopa daxita nacata wunaeyo xua pocotsiwa exanatsi. Bequein waxainchi naca itacupa xua waexana dubenanaebiyaewa pocotsiwa xua waichichipaewatsi. Daichitha daxita baxuan jopa naca yawenaeyo xua wajume cowanta dubenanaebiyaewa Jesús.

<sup>24</sup> Jopa bewa payabara nanta xeinaem xua saya painya coutha nexa xua painya nenayawenaenexam. Jame bewa payabara nanta xeinaem xua apara iru ichamonae painya neyawenaenexaru.

<sup>25</sup> Po pewi pacomoqueibame po wi jiwi caenaeta pecaenaetsi bontha, painya xoba matha payabara yainyabeibame barapo pewi. Jopa payainyabinde icha metha xua apara po wi bayatha jiwi tajeba ibo nacom. Jame bara saya itatemaya paxaibare. Xain bapoxonae painya juntu coyene jopa paca tsipaebiyo xua apara abe paexaname.

<sup>26</sup> Nacom Pejume Diwesitha jeye: “Barapo cae pin nacue yawa xua xuan xeina barapo cae pin nacuathe Nacom pon Pecanamataxeinaein bapon piawan”, jei Nacom Pejume Diwesitha.

<sup>27</sup> Poxonae jiton pon jopa pejume cowantsin Jesús, paca tsiwaba pexaewa xua pia paca baru xaetsi, icha paichichipame moya pana napuna xaema. Paxaema pocotsiwa xua pexaethopaewatha bobena. Jopa payabara yainyabinde barapo pexaewa icha metha barapo pewi ibo nacom werena capona. Xain bapoxonae painya juntu coyene jopa paca tsipaebiyo xua apara abe paexaname.

<sup>28</sup> Ichacuitha metha ichun paca tsipaebichipa, xua jeye: “Apara barapo pewi jiwi tajeba ibo nacom poxonae wuna jainta barapo ibo nacomtha”, jei bapon. Bapoxonae painya xoba paxaneme barapo pewito. Tsipei icha barapo pewi pajiwana xaename abe exana pacana exaname pontha pon xua yabara paca tsipaeba barapo pewi. Poxoru ichamonae pomonae pejume cowantsiwi Nacom, yabara nanta xeina xua apara jiwi abe exana icha barapo wi xane. Daxota bapon junuwa xua abe exana icha pexaewa tsane barapo pewito. Icha jopa baxua peitutha paexanaem tsane bapoxonae bapon juntu coyene xanepanaya poponaena Nacomtha.

<sup>29</sup> Yabara paca tsipaebatsi po coyene xua ichun yabara nanta xeina barapo pewi pejuntu coyenewatha. Jopa apara yabara paca tsipaebichi po coyene paxam xua payabara nanta xeiname barapo pewi painya juntu coyenewatha.

Ichitha metha ichun neyainyabichipa, jei tsipae: “¿Eta pocotsiwa metha nantawenonan xua taexanaewa pocotsiwa ichun yabara nanta xeina barapo pewi?” jei tsipae.

<sup>30</sup> Equeicha metha bapon jei tsipae: “Poxonae pexaewa nabanen Nacomtha tsipaeban barapo pexaewa nexa, janje: Nacom, maisa juntu coyene weiweinan xua barapo pexaewa tanecatsiwam, jan. Icha baxua exanan ¿eta pocotsiwa metha nexata ichamonae abe neyabara paeba poxonae xan barapo pexaewe?” jei tsipae.

<sup>31</sup> Yabara paca tsipaebatsi baraxuan daxita xua xuan painya neapaewan yawa daxita xua xuan painya nenabanaewan yawa daxita icha coyeneinno xua xuan painya neexanaewan daxita bara pocotsi coyenein beta paexaneibare xua daxota poxonae jiwi paca cui taibina bapoxonae jiwi wuna jainteibina Nacom.

<sup>32</sup> Jopa paexanaeinde pocotsiwa xua abe paexaname xua pocotsiwa daxota ichamonae jupa exanaena. Baraxua jopa paexanaeinde judiomonaetha, iru pomonaetha pomonae jopa judiomona naexanaeyo, iru pomonaetha pomonae Nacom pejume cowantsiwichi jiwanaemona.

<sup>33</sup> Xan ichichipan beta taexanaewa po coyene xua ichamonae tsita xanepanatsi. Jopa exanaeinyo pocotsiwa xua tacoutha taichichipaewa. Saya meisa beta exanan po coyene



ichamonae tsita xanepanatsi xua po coyenewatha barapomonae peyawenaenexatsi xua pecapanenebiyaenexatsi abe pia peexanae cuiru coyenein weya.

## 11

<sup>1</sup> Paexanaponde icha be pocotsi coyeneya ichin poxonae exanaponan, tsipei exanan pocotsiwa Cristo exanapona.

*Meje xua Pablo yabuxi yabara paeba powaxi poxonae ena penacaetutsi botha xua poxonae wɨnae jainta Nacom*

<sup>2</sup> Tamonae pam paca weyatainchi tsipei paneyabara nanta xeinaponame xua daxita coyeneyatha. Paxam paexana dubenanaebiyame pocotsiwa xua paca cuidubatsi.

<sup>3</sup> Ichitha ichichipan xua painya neyaputaewa xua Cristo canamataxeina daxita pebiwitha. Barichirɨ daxita pebiwi barompaya piseuriwi canamataxeina. Barichi Nacom Cristo canamataxeinatsi.

<sup>4</sup> Icha pebin nantasipa acata poxonae Nacomtha tsipaeba xuano poxonae cueicueijei Nacom Pejume Diwesi, barapon Cristo jopa barɨ cui itura jinaetsi. Saya pia coutha ainya cui nacana exana.

<sup>5</sup> Jame icha yabɨyo jopa nantasipa acatsiyo xua poxonae cueicueijei Nacom Pejume Diwesi, xuano poxonae Nacomtha tsipaeba, bapowa pia pebin jopa barɨ cui itura jinaeyo poxonae jopa nantasipa acatsiyo paparuwatha. Bapowa tsita itapeinya xeina xua jopa exanaeyo pocotsiwa pia pebin itorobatsi. Baraxua jɨpa icha be poxonae ichi xua daxita matana sibatsi abe peexanaexae.

<sup>6</sup> Icha jopa yabɨyo nantasipa acatsiyo bewa barapowa daxita nanta sibina. Ichitha icha barapowa aura xua penanta sibiwa daxota bewa nanta acatsina.

<sup>7</sup> Poxonae Nacom exana pebin barapo pebin Nacom cui jɨpatsi. Daxota barapo pebiwi xeinarɨ barapo pecanamataxeinae coyenewa po coyenewa Nacom xeina. Pebin jopa bewa nantasipa acatsina poxonae Nacomtha tsipaeba, xuano poxonae Nacom Pejume Diwesi cueicueijei xua daxota pebarɨ cui itura jinaenexa xua Nacom pebarɨ cui itura jinaenexatsi. Ichitha yabɨyo bewa barɨ cui itura jinae pia pebin, tsipei pia pebin canamataxeinatsi.

<sup>8</sup> Poxonae Nacom forota jopa Nacom exanaeyo pebin yabɨyo weya. Saya jame Nacom exana yabɨyo pebin pexainya weya tatsi.

<sup>9</sup> Nacom jopa forotsiyo xua pebin yabɨyo tsiexanatsi. Jame Nacom forota xua yabɨyo pebin tsiexanatsi.

<sup>10</sup> Daxota yabɨyo bewa nanta acatsina penacaetutsi botha. Barapoxonae bapowa tsita itapeinya xeina matatsunpiwimonaetha xua bapowa barɨ cui itura jinae pia pebin pecanamataxeinaexaetsi.

<sup>11</sup> Daichitha pomonae Nacom pejume cowɨntsiwixae, pebin nantawenona yabɨyo, irɨ yabɨyo nantawenona pebin.

<sup>12</sup> Bequein Nacom exana yabɨyo pebin peyene weya tatsi, ichitha pebiwi ba nowaeu-menapona yabuxi weya. Barapo naxobe coyenewabe Nacom forota, pebin yawa yabɨyo.

<sup>13</sup> Pananta xeinare xua icha bara xaniwaicha xua yabɨyo jopa nanta acatsiyo poxonae Nacomtha tsipaeba penacaetutsi botha xua poxonae wɨnae pejainchinexa Nacom.

<sup>14</sup> Wacui coyenewa ba naca yaputane exana xua pebiwichi jopa bewa antanapiya naexanaetsi. Baxota ba aura naca exana.

<sup>15</sup> Barichirɨ wacui coyenewa ba naca yaputane exana xua yabuxi wɨnae exana poxonae nantana copaba xua antanapiya. Barapoxonae yabɨyo pia pentanantha nantasipa acata.

<sup>16</sup> Pon ichichipa xua yabara pana nejume matsontsonoba baxuan, pajanje bapontha: “Barapo coyene pacuiduban. Mataɨta daxita penacaetutsi bonmonae jiwi pomonae

Nacom pejume cowantsiwi peburuya pana nabaru jupaya nanta xeinan tsipei icha coyene jopa payarputaeinyo”, pajan.

*Meje xua Pablo yabara paeba xua abe exana pomonae pejume cowantsiwi Nacom poxonae nainya xane po penabanaewa cayabara nanta xeina xua Jesús pia petsitupaewa jiwi*

<sup>17</sup> Pacata tinatsi anoxuae xua po coyenein yabara xua jopa tana neitacupaewa xua tapaca tsipaebiwatsi xua beta painya neexanaewa. Bequein pana nabaru nacaetutame ichitha painya juntu coyene jopa paca cana exanaeyo xua paayapusu tsoponaem. Maisa apara abe paexaname.

<sup>18</sup> Copiya matha paca tsipaebatsi janje: “Ichun netsipaeba xua pinae poxonae pana nabaru nacaetutame, wuna painya nejainchinexa Nacom, pinae ainyamonaein tsanaya pana natsabame. Bapoxonae pinae pana najume matsontsonobame”, jan. Nanta xeinan xua apara xainyei po coyene ichamonae netsipaeba xua paca yabara paeba.

<sup>19</sup> ¡Moya ainya bicheiton pana naexande xain bapoxonae pana najume matsontsonobame! ¡Xain bapoxonae ichamonae tane xua ichamonae petaenexatsi pomonae jopa iru najume matsontsonobiyo pomonae xua beta peexanaewi!

<sup>20</sup> Bequein pana nabaru nacaetuteibame xua painya xaenexa pexaewa poxonae pacayabara nanta xeiname xua pon jiwi Pecanamataxeinaein paca tsitupa, daichitha saya paxaneme. Apara jopa pacayabara nanta xeinaem barapo coyene.

<sup>21</sup> Daxita paxam carepaya barompaya pia pexaewa nainya xane. Jopa pawunaewa teibim ichamonae xua painya nenabaru xaenexa. Daxota ichamonae jainpa pomonae cotacaya pata. Ichamonae bichocono tonsana beya poxonae nacupa exana peatsaxa meran xua apa poxonae muxuna xane pexaewa.

<sup>22</sup> Apara paxeiname painya bon ichaxota paca itacupa xua pana napena jubame. Baraxua be paaichaxaibim pomonae Nacom pejume cowantsiwichi pomonae pe-nacaetutsi bomonae jiwi poxonae baxua paexaname. Aura paexaname pomonaetha pomonae peacopeibiwi pomonae jopa itacupaetsi xua capana pexaewa, pomonae cotacaya pepatsixae. ¿Eta paca yabara jumichicuae tsainchi? Paca yabara jei tsainchi: ¿Bara beta xanepanaya paexaname jan tsane? ¡Jume! Baxua jopa neitacupaeyo xua tapaca yabara paebiwatsi.

*Meje xua Pablo yabara cuiduba pexaewa po pexaewa poxonae jiwi cayabara nanta xeina Jesús*

*(Mt 26.26-29; Mr 14.22-25; Lc 22.14-20)*

<sup>23</sup> Po coyene xua paca cuidubatsi baxua copiya Nacom necuiduba. Paca jeichi: Po merawitha Jesús caenaetatsi pon jiwi Pecanamataxeinaein, barapo merawitha Jesús pan pita pecobetha.

<sup>24</sup> Poxonae najume weta xua paxa tsipaeba xua jei: “Axa maisa juntu coyene wei-weinan xua tanecatsiwam pan”, jei, bapoxonae pan epa janaca. Bapon barai pijimonae jeye: “Panore pan yawa paxaemano. Barapo pan neyabara caunuta xua tapepon. Tapepon inta atene exanaeinchi painya nepaca cayawenaenexa tsane xua painya tanejume cowantsiwaxaem tsane. Poxonae baxua paexaneibame xua paxaibame panecayabara jantanaineibare painya juntu coyenewatha”, jei Jesús xua pijimonae tsipaeba.

<sup>25</sup> Barichiya exana poxonae najain weta. Bapoxonae corotiyo pita pecobetha yawa jeye: “Pena petsiwnae muxu dutsi coyenewa paca tsipaebatsi. Barapo uva mera po mera xua corotiyotha tsijunta eca, barapo uva mera yabara caunuta tajana xua jana othoparenaein poxonae tupaen. Barapo jana tsita itapeinya xeinaena xua jiwi pinmonae yabara junteinaein abe pia peexanae cuiru coyenein tatsi. Daxita coyeneintha poxonae baxua paexaneibame xua paapeibame barapo uva mera,

baroxonae panecayabara j̄antanaineibare painya j̄ant̄u coyenewatha xua tapaca cat̄sit̄ūraewaxaetsi”, jei Jesús, xua pijimonae tsipaeba.

<sup>26</sup> Daxita tsaibi poxonae paxaibame pan yawa paapeibameno barapocotsi uva mera xua tsijunta eca corotiyotha, jiwi patsita itapeinya xeiname xua Cristo pacui yabara j̄antanainame xua painya nepaca tsit̄upaewa. Baxua paexaneibare beya poxonae equeicha Jesús patopaetsica, pon jiwi Pecanamataxeinaein.

*Meje yabara xua poxonae jiwi bewa beta exanae xua poxonae xane po pexaewa poxonae cayabara nanta xeinatsi Jesús*

<sup>27</sup> Pon xane barapo pan xuano apa barapo uva mera xua tsijunta eca corotiyotha xua Jesucristo cayabara nanta xeinatsi icha bapon jopa j̄ant̄u coyene xanepanaeyo Nacomtha, apara abe exana Cristotha. Baroxonae bapon Nacom tsita xeinatsi xua penatsicuentisiwa xua abe peexanaexae Cristo pepontha tatsi xuano xua pia pejanathano tatsi tsipei bapon jopa bar̄u cui itura jinaeyo barapo coyene.

<sup>28</sup> Daxota daxita jiwi bewa barompaya matha pew̄naeya naj̄ant̄u coyene cayabara nanta xeinaena. Barapo jiwi bewa nanta xeinaena icha metha bara xanepanaya exana beya poxonae xaena barapo pan xuano poxonae apa barapo uva mera xua tsijunta eca corotiyotha.

<sup>29</sup> Pon xane barapo pan xuano xua apa barapo uva mera xua tsijunta eca corotiyotha xua Jesucristo peyabara xaenexa ichacuiitha bapon natsicuenta Nacomtha abe peexanaexae. Bapon natsicuenta Nacomtha tsipei matha jopa yabara nanta xeinaeyo barapo pexaewa xua apara bichocono ainya cui coyenewa xeina beyacaincha icha pexaewa.

<sup>30</sup> Daxota pinmonae pajiwana atenem xuano jopa xeinaeyo peaj̄ant̄uyarup̄uwa. Daxota ichamonae bayatha pajiwana werapame.

<sup>31</sup> Poxonae apatsi uva mera xuano poxonae xainchi pan po pexaewa poxonae Cristo cayabara nanta xeinatsi, matha bewa naj̄ant̄u coyene cayabara nanta xeinaetsi, xua icha metha bara w̄nae waexanaewa. Baroxonae xain Nacom jopa naca atene exanaeyo xua wanatsicuentiswaxae xua abe waexanaexae.

<sup>32</sup> Bequein baxua Nacom nacata exana wanaca cuidubinexa xua equeicha xanepanaya waexanaenexa tsane. Nacom baxua nacata exanaena xua jopa wanaca yabara jeinexa: “Paxam abe paexaname icha ichi pomonae jinompa barapo cae pin nacuathe pomonae bichocono abe peexanaewi, pomonae jopa pejume cow̄ntsiwi”, xua jopa pewanaca yabara jeinexa.

<sup>33</sup> Daxota tamonae pam poxonae pana nacaetutame xua painya nabar̄u xaenexa po pexaewa xua poxonae Jesucristo cayabara nanta xeinatsi, matha ab̄u ichamonae paewateibare.

<sup>34</sup> Icha ich̄un jainpa b̄u bapon matha pia botha xane pew̄naeya xua poxonae napatopaena penacaetutsi botha xua poxonae w̄nae jainta Nacom. Baroxonae itac̄upatsi xua bapon penaxaewa po pexaewa poxonae Jesucristo cayabara nanta xeinatsi. Baroxonae Nacom jopa peraxa j̄ubi tsane bapon xua abe peexanaexae poxonae nanacaetuta pomonaetha pomonae Nacom pejume cow̄ntsiwichi. Poxonae paca siwa ponaeinchi xua tapaca taenexa tsainchi, baroxonae paca cuidubinchichi pocotsiwan xua yabara pana neyainyabame.

## 12

*Meje xua pej̄ant̄u cui coyenein yabara po pej̄ant̄u coyenein Nacom pia Pejumope t̄nax̄u tatsi amanaya cata daxita carepaya pomonaetha pomonae Nacom pejume cow̄ntsiwichi*

<sup>1</sup> Tamonae pam, paxam pomonae iru painya nejume cowantsiwixae Jesucristo. Yabara paca tsipaebatsi po coyene ichichipan xua painya neyaputaewa. Nacom pia Pejumope tñaxu tatsi cata pejuñtu cui coyenein daxita barompaya carepaya pomonaetha pomonae Nacom pejume cowantsiwichi.

<sup>2</sup> Paxam payaputaneme xua abe paexaname pewñaeya poxonae pajume cowantame. Pacopatame xua bara ichamonae ichawa beya paca matacapona xua wñaae painya nejainchinexa ibo nacomñn, po ibo nacomñn jopa cueicueijeio.

<sup>3</sup> Daxota ichichipan xua painya neyaputaewa tsane xua poxonae jeye: Dapocotsin aibi, pon itacupatsi xua jeye: “Jesús apara jopa Nacom Pexanto tatsi”, xua poxonae jei, icha bapon xeina Nacom pia Pejumope tñaxu tatsi pia peayapusu itorobi coyenewa tatsi. Barichi dapocotsin aibi pon itacupatsi xua poxonae jeye: “Bapon Jesús apara pon jiwi Pecanamataxeinaein”, xua poxonae jei, icha bapon jopa xeinaeyo Nacom pia Pejumope tñaxu tatsi pia peayapusu itorobi coyenewa tatsi.

<sup>4</sup> Jiwi itacupatsi xua daxita carepaya barompaya pexeinaewa ainya juñtu cui coyenein pomonae pejume cowantsiwixae Nacom. Barapo juñtu cui coyenein jopa nacui coyene juñaeyo. Bequein daxita jiwi xeina barapo coyenein daichitha bara saya compa pon pecatsixae apara bapon Nacom pia Pejumope tñaxu tatsi.

<sup>5</sup> Jiwi pomonae pejume cowantsiwixae Nacom, itacupatsi xua daxita carepaya barompaya pexeinaewa ainya petanacuichi coyenewan Nacom nexa. Ichitha meisa saya bapon Nacom compa pon jiwi Pecanamataxeinaein daxitatsi waxainchi tanacuitatsi bapon.

<sup>6</sup> Jiwi pomonae Nacom pejume cowantsiwixaetsi itacupatsi xua pexeinaewa ainya cui coyenein po coyeneinya xua Nacom petanacuichiwatsi. Ichitha daxita barapo coyenein jopa nacui coyene juñaeyo. Saya compa Nacom pon daxita barapo jiwi cana exanatsi xua peexanaewa daxitan barapo coyeneinyatha.

<sup>7</sup> Nacom pia Pejumope tñaxu tatsi tsita itapeinya xeina Nacom pia peayapusu itorobiwa tatsi. Baxua exana poxonae Nacom barompaya naca cana exana xua beta waexanaewa wayawenaenexa tsane daxita jiwitha.

<sup>8</sup> Ichamonae jiwanaetha, Nacom pia Pejumope tñaxu tatsi cata pejuñtu cui coyenewa xua po coyene barapomonae pejuñtu coyenetha beta yaputane xua peexanaenexa pocotsiwa pecueicueijeio ichamonaetha. Barichi ichamonae jiwanaetha Nacom pia Pejumope tñaxu tatsi cata pejuñtu cui coyenewa po coyene xua beta pecuidubiwa po coyene peyaputaewa xua daunwei yabara yaputane pecana exanaenexa xua ichamonae yabara yaputane pecana exanaenexatsi.

<sup>9</sup> Ichamonae jiwanaetha Nacom pia Pejumope tñaxu tatsi cata peyabara jume cowantsi coyenewa xua daxota bapomonae nanta xeina xua bara itacupatsi xua peexanaewa daxita coyenein xua Nacom itoroba xua bapomonae peyawenaexaetsi Nacom. Barichi ichamonae jiwanaetha Nacom pia Pejumope tñaxu tatsi cata xua po coyenewatha peatenewi axaibi peexanaewatsi.

<sup>10</sup> Ichamonae jiwanaetha, Nacom pia Pejumope tñaxu tatsi cata po coyenewatha pex-einya petsita itatsi coyene peexanaewa. Ichamonae jiwanaetha, Nacom pia Pejumope tñaxu tatsi cata po coyeneya xua pecueicueijeio Nacom Pejume Diwesi. Ichamonae jiwanaetha Nacom pia Pejumope tñaxu tatsi cata po coyeneya beta peyaputaewa xua po coyene poxonae Nacom pia Pejumope tñaxu tatsi jiwi cueicueijeio exanatsi yawa po coyene poxonae jiwi cueicueijeio exanatsi caurimonae. Ichamonae jiwanaetha Nacom pia Pejumope tñaxu tatsi cata po coyeneya xua ichamonae pecueicueijeio icha jumeintha, po jumein bequein jopa nacuidubiyo. Ichamonae jiwanaetha Nacom pia Pejumope tñaxu tatsi cata po coyeneya xua barapomonae xuya jume yaputane exana po jumein xua ichamonae paeba po jumein xua ichamonae bequein jopa nacuidubiyo.

<sup>11</sup> Daxita barapo juñtu coyenein exana ducuañabiya pon Nacom pia Pejumope

t̃nax̃n tatsi. Barapo jumope daxita coyenein meisa compa exana, po jumope Nacom pia Pejumope t̃nax̃n tatsi. Barapo pejumope daxita carepaya jiwitha cata icha be pocotsi coyeneya barapo jumope peichichipaexae xua pecatsiwa.

*Meje yabara xua daxitatsi be caemonaetsi Jesustha*

<sup>12</sup> Pepon bequein caein ichitha nawita xeina xua pia pecueyabiwatsi, petaxube, pesitobeno, pemax̃beno yawa ichawanno. Barapo pepon pecueyabiwatsi bequein ainyawan daichitha daxita bara caewa ompin naexana pepontha. Barapocotsi j̃ta coyeneya ichi, Cristo pinmonae xeina pia pejume cow̃ntsiwichi bequein bara barapon Jesús caein.

<sup>13</sup> Barapocotsi j̃ta coyeneya ichi, waxainchi seicaya jiwichi. Daichitha daxita waxainchi be caemonaes jiwichi wajume cow̃ntsixae Jesús. Ichamonaes waxainchi jiwanaetsi judiomonaetsi. Ichamonaetsi pomonaes jopa judiomonaes naexanaeyo. Ichamonaetsi pomonaes amanaya tanacuitatsi ichamonaes nexa. Ichamonaetsi pomonaes saya wajinompawewi xua saya wawan wanata exanaes jiwí. Daichitha daxita waxainchichi naca bautisaba. Waxainchi be caemonaetsi naexanaetsi Nacom pia Pejumope t̃nax̃n tatsi wanaca bar̃n jinompawexae. Nacom daxita waxainchi barompaya carepayatsi naca cata barapo pejumope t̃nax̃n, pon bara saya meisa caein.

<sup>14</sup> Pepon jopa xeinaeyo bara caewa xua pecueyatsiwatsi. Apra nawita xeina xuan pecueyabiwatsi.

<sup>15</sup> Metha petaxu jei tsipae: “Xan apra jopa pecobeinyo, daxota xan pepon nexa aibi”, jei tsipae. Bequein baxua paebichipa daichitha apra bara pepon cueyatatsi icha itac̃patsi xua paeba.

<sup>16</sup> Metha pemuxuyoroto jei tsipae: “Xan apra jopa peitamaiqueit̃nyo daxota xan pepon nexa aibi”, jei tsipae. Bequein baxua paebichipa daichitha apra bara pepon cueyatatsi icha itac̃patsi xua paeba.

<sup>17</sup> Icha daxita wapepon ̃ peitacuereto tsipae, jopa naca itac̃paeyo xua wajume taewa tsipae. Barichi icha wapepon daxita ̃ pemuxuyoroto tsipae, jopa naca itac̃paeyo xua watuxubiwa tsipae.

<sup>18</sup> Ichitha Nacom pitacuiya duba xua ichaxota ichichipa duba daxita baxuan xua pocotsiwan pepon pecueyabiwatsi.

<sup>19</sup> Icha daxita baxuan saya ̃ naj̃paetsipa, bapoxonaes jopa xapain xeinaetsipaetsi pepon.

<sup>20</sup> Bequein anoxuae nawita xeinatsi xuan wanaca cueyabiwan wapepontha, daichitha awiya bara cae pepontsi.

<sup>21</sup> Peitacuereto jopa itac̃paetsi xua pejeiwa pecobetha: “Xam jopa cacana-matawenonaetsi”, jopa pejeiwa. Barichi pentasipa jopa itac̃paetsi xua pejeiwa petaxubetha: “Paxambe jopa paca canamatawenonaetsibe”, jopa pejeiwa.

<sup>22</sup> Po wanaca cueyatsiwa wapepontha xua jopa naca tsita ainya cuiyo, apra bara baxua ainya cui wacanamatawenonaenexa.

<sup>23</sup> Wapepon xua wanaca cueyatsiwa xua jopa naca tsita ainya cuiyo, paparuwatha nama acatatsi xua wabar̃n itura jinaenexatsi. Pocotsiwa wanaca cueyatsiwa xua wapepontha xua pocotsiwa jiwí jopa benaca taeyo, naacabatsi paparuwantha wapin uraxae.

<sup>24</sup> Po wanaca cueyatsiwa wapepontha pocotsiwa jiwí nacata tane baxuan jopa ainya cuiyo xua waacabinexa paparuwatha xua jopa waauraxaetsi. Nacom nacata exana pepon xua waxainchi beta nayaawatatsi paparuwatha, po wanaca cueyatsiwa wapepontha xua bichocono pecanantawenonaewa baxua.

<sup>25</sup> Nacom baxuan exana xua jopa baxuan penawepu tsabinexa pepon weya. Daxita baxuan xua wanaca cueyabiwan eenatsi xua nantiya penayawenaewa tsane icha pomonaes Nacom pejume cow̃ntsiwichi ichi xua nantiya bewa nayawenaes.



<sup>26</sup> Icha barapo wanaca cueyabiwana caewa jiwana wepu atene, bara barichi pepon daxita ateneru. Matauta icha baxuan caewa jiwana ainya cui cana exanatsi bara daxita nabaru weiweinaya dubena pepontha.

<sup>27</sup> Paxam Jesucristo piamonae tatsi jiwana pamxaem, caemonae pananaexaname, icha Jesucristo ichi xua xeina pia pecueyabiwatsi pia pepontha. Bequein bara caemonae pananaexaname ichitha carepaya barompaya patanacuitame Cristo.

<sup>28</sup> Nacom itapeta xua pomonae pejume cowantsiwichi xua pomonae pia petanacuichinexa tsainchi. Copiya itapetatsi pomonae Jesucristo pia peitorobi jiwitatsi. Bapoxonae iruru itapetatsi pomonae Nacom pia peitorobi jume pepaebiwi. Equeicha bapoxonae iruru itapetatsi pomonae jiwitatsi pecuidubiwi Nacom Pejume Diwesi. Bapoxonae iruru itapetatsi pomonae pexeinya petsita itatsi coyenewan exana. Bapoxonae iru itapetatsi pomonae axaibi peexanaewi peatenewi. Irano bapoxonae itapetatsi pomonae jiwitatsi peyawenaewi. Bapoxonae iruru itapetatsi pomonae peitorobiwi pomonaetha pomonae pejume cowantsiwi. Iruru bapoxonae itapetatsi pomonae cueicueijeji icha jumeintha, po jumein bequein jopa nacuidubiyo.

<sup>29-30</sup> Nacom jopa apara daxita piamonae exanaeyo pomonae Jesús pia peitorobi jiwitatsi. Matautano Nacom jopa apara daxita piamonae exanaeyo pomonae Nacom pia peitorobi jume pepaebiwi. Barichi Nacom jopa apara daxita piamonae exanaeyo pomonae jiwitatsi pecuidubiwi Nacom Pejume Diwesi. Barichi jopa apara daxita jiwitatsi pomonae exana pexeinya petsita itatsi coyenewan. Matautano jopa apara daxita jiwitatsi pomonae axaibi peexanaewi peatenewi. Barichi jopa apara daxita jiwitatsi pomonae cueicueijeji icha jumeintha po jumein bequein jopa nacuidubiyo. Barichi jopa apara daxita jiwitatsi pomonae xuya piamonae yabara yaputane exana po jumein ichamonae cueicueijeji po jumein bequein jopa nacuidubiyo.

<sup>31</sup> Ichitha paxam bewa paichichipaenae po juntu cui coyenein xua bichocono wanae po coyenein xua Nacom amanaya cata piamonaetha.

### *Meje xua Pablo yabara paeba peantobe coyenewa*

Ichitha anoxuae yabara paca cuidubinchi icha juntu cui coyenewa po juntu cui coyenewa bichocono toxechinchiya wanae beyacaincha xua po juntu cui coyenein aunxuae yabara paeban.

## 13

<sup>1</sup> Metha icha bequein neitacupaetsipa xua tacueicueijejiwa ainya jumein po jumein ichamonae cueicueijeji, xuano po jumein matatsunpiwi cueicueijeji. Bequein metha neitacupaetsipa daichitha icha jopa ichamonae tsita xeinaeinyo peantobe coyenewa, bapoxonae saya apara pin busi jumein exanan poxonae saya cueicueijan.

<sup>2</sup> Metha xan Nacom pia peitorobi jume tacueicueijan tsipae, matautano metha yaputaetsipan daxita po coyenein Nacom moya yawun xeina xua bexa Nacom exanaena, matautano metha yaputaetsipan daxita peyaputae coyenewan, matautano metha beta jume cowantsipan xua taneitacupaewa xua tsipaeban demxuwatha xua peponaenexa. Bequein metha xeinaetsipan daxita barapo coyenein ichitha came jopa xeinaeinchipae peantobe coyenewa barapoxonae jopa ainya cui jitonjo.

<sup>3</sup> Icha peacopeibi jiwitha catan daxita pocotsiwa xeinan, yawano icha caenaetan tapepon xua tanetautsinexa tatupaen tajume cowantsixae, ichitha awiya came jopa xeinaeinchipae peantobe coyenewa daxita jiwitatsi nexa, Nacom jopa tsita ainya cuiyanyo.

<sup>4</sup> Jame pon xua peantobe coyenewa xeina daxita jiwitatsi nexa bapon jame juntema popona poxonae bequein ichamonae abe taexanaetha xua bapon bequein abe taexanaethatsi. Barichi pon peantobe coyenewa xeina, bapon jame amanaya yabara nanta xeinaeya yawena ichamonae. Bapon jame jopa peyabara uwun pocotsiwa ichamonae

xeina. Matautano bapon jame jopa pia coutha penayabara nanta xeinaein xua peainya cui jiton. Matautano jame bapon jopa peabin jiwi.

<sup>5</sup> Barichi bapon jame jopa atsaquiya pepaebin. Matautano bapon jame jopa peyabara nanta xeinaein xua saya u piawa nexa. Bapon jame jopa peanaepanaein ichamonaetha. Bapon jame xuya jopa peyantomateibin xua xuya peexanaenexa abe bapontha.

<sup>6</sup> Barichi bapon jame jopa juntu coyene weiweinaeyo poxonae ichamonae abe exana. Saya bapon jame juntu coyene weiweina poxonae ichamonae bara xainyeya exana.

<sup>7</sup> Pon ba jame peantobe coyenewa xeina ichamonae nexa, bapon jame exanapona beta bequein ichamonae daunweya ayapubeya taexanaetha xua bapon daunweya ayapubeya taexanaethatsi. Bapon ba jame yabara jume cowantapona ichamonae xua barapomonae pomonae ichamonaexae itacupatsi xua xanepanaya peexanaewa. Matautano bapon jame yabara jume cowantsiya ewatapona xua ichamonae bexa beta peexanaewa tsane bequein abe peexanaewi. Matautano bapon ba saya junte ma popona bequein bapon abe taexanaethatsi ichamonae.

<sup>8</sup> Po coyene xua jiwi antobe ichamonae barapo coyenewa bapana jopa weraweracae tsane. Jopaena matabi po matabitha jopa nantawenona tsane xua pomona pecueicueijeji jiwi Nacom nexa pocotsiwa Nacom yaputane exana. Barichino jopa cueicueijeji tsane icha jumeintha po jumein barapomona jopa bequein nacuidubiyo. Matautano jopa nantawenona tsainchi po coyene peyaputae coyenewa.

<sup>9</sup> Anoxuae wayaputae coyenewa nacata seica daxota be conotha yaputainchi. Matautano Nacom yabara wacueicueijejiwa nacata seica daxota be conotha yabara cueicueijeichi Nacom.

<sup>10</sup> Ichitha poxonae Cristo patopaetsica pon daxita coyenein peyaputaein bapoxona bapon naca yaputane exanaena po coyene xua nacata seica xua wayabara cueicueijejiwa bapon, xuano xua bapon yabara yaputainchi. Barapo ainya coyenebe weraweracaena bapoxonae.

<sup>11</sup> Poxonae xan awiwa pexuyon cueicueijan xua najume pexuinan. Yawano nanta xeinan icha pexuyo ichi. Matautano yaputan xua pexuyoxaein. Ichitha poxonae pinyonba naci baraxuban pocotsiwa exanaponan poxona pexuyon.

<sup>12</sup> Bara juta coyeneya ichi anoxuae. Saya be conotha Nacom yabara yaputainchi. Baraxua be icha be pocotsi juta coyeneya ichi poxona tsabocototha nayatainchi xua dudu xua daichitha jopa nataetsi. Ichitha bexa tsane yatsicaewa Nacom pentha taeinchi peitabara. Anoxuae be conotha Nacom yabara yaputan. Ichitha bexa tsane xaniwaicha daxita beta yaputaein icha anoxuae Nacom neichi xua tanejuntu coyene yaputaewa.

<sup>13</sup> Acoibi po coyenewabe ataya ayapus tsane. Meje barapo acoibi po jume coyenewabe xuaje: Pejume cowantsi coyenewaru Nacomtha, barichi peyabara jume cowantsiya ewatsi coyenewaru Nacomtha, matautano peantobe coyenewaru. Jame po jume coyenewa bichocono toxeinchiya ainya cui beyacaincha xua icha coyenewa barapo coyenewa jame apara xua peantobe coyenewa, xua ichamona waantobe coyenewatsi. Barapo jume coyenewa bichocono toxeinchiya ainya cui.

## 14

*Meje xua Pablo yabara paeba xua ainya jumein pepaebiwa yabara po jumein bequein jopa nacuidubiyo*

<sup>1</sup> Bewa paichichipaename xua painya nexainaewa peantobe coyenewa. Barapoxona bewano paichichipaename icha juntu coyenein pocotsi juntu cui coyenein Nacom amanaya paca cata. Po juntu cui coyene xua bichocono wuna beyacaincha xua icha juntu cui coyenewa, apara barapo juntu cui coyenetha pacueicueijam Nacom pia peitorobi diwesi. Baxua jame bewa paichichipaename.

<sup>2</sup> Pon ba icha jumetha cueicueijeji po jumeintha xua bapon bequein jopa nacuidubiyo bapon apara tsipaeba Nacomtha. Bapon apara jopa tsipaebiyo jiwitha tsipei jiwi jopa yaputaeyo pocotsiwa paeba bapon. Pocotsiwa bapon paeba apara Nacom pia Pejumope t̃nax̃ tatsi cueicueijeji exana. Bapon apara paeba pocotsiwa Nacom moya yaw̃n xeina, pocotsiwa xua bequein jiwi jopa yaputaeyo.

<sup>3</sup> Ichitha nama seicaya pon jame Nacom Pejume Diwesi cueicueijeji jiwitha, jiwi yaputane exanaeinchi Nacom yabara. Matautano bapon poxonae Nacom Pejume Diwesi cueicueijeji yawena ichamonaetha xua barapomonae j̃nt̃ cui coyene tsacabatsi xua Nacom pejume cow̃ntsiwatsi. Barichi poxonae cueicueijeji Nacom Pejume Diwesi j̃nt̃ cui coyene sad̃jei exana pomonae anth̃th̃rewe xua anth̃th̃utane.

<sup>4</sup> Pon ba cueicueijeji ainya jumeintha po jumeintha bequein bapon jopa nacuidubiyo, bapon ba saya pia coutha nayawena xua peyabara yaputaewa Nacom. Ichitha pon ba cueicueijeji jiwitha Nacom nexa po coyene Nacom yaputane exana, bapon jiwi yaputane exainchi Nacom yabara pomonae xua Nacom pejume cow̃ntsiwichi.

<sup>5</sup> Ichichipan xua daxita paxam painya necueicueijejiwa icha jumeintha, po jumein bequein jopa panacuidubim. Jame yatsicaewa bichocono ichichipan xua painya necueicueijejiwa Nacom Pejume Diwesi ichamonaetha. Pon ba xua Nacom Pejume Diwesi cueicueijeji ichamonaetha, bapon ba jame w̃nae exana beyacaincha pon icha jumeintha cueicueijeji. Ichacuitha bapon pon icha jumeintha paeba itac̃patsi xua yabara jume yaputane exana jiwitha po jumein xua pipato pepaebi jumein. Icha bapon barapo coyene exana bapoxonae bapon yawena pomonae pejume cow̃ntsiwi Nacom xua beta mataropeicha pejume cocow̃ntaponaenexa Cristo.

<sup>6</sup> Tamonaе pam, icha poxonae paca siwa ponaetsipatsi paca tsipaebichipatsi po jumeintha jopa nacuidubinyo tacoutha, bapoxonae apara jopa paca yawenaetsipaetsi. Ichitha icha paca tsipaebichipatsi po diwesi Nacom neyaputane exana, baxua jame paca yawenaetsipa xua beta painya nejume cow̃ntsiwa Nacom. Ichitha icha ichacuitha paca tsipaebichipatsi pocotsiwa xua nacuiduban baxua jame paca yawenaetsipa. Matautano icha ichacuitha paca tsipaebichipatsi pocotsiwa xua Nacom Pejume Diwesi paeba pocotsiwa bexa Nacom exanaena, baxua jame paca yawenaetsipa. Ichacuitha icha paca cuidubichipatsi Nacom Pejume Diwesi baxua paca yawenaetsipa.

<sup>7</sup> Jiwi ba tanbaba po petanbabiwa arpa mataw̃n, xuano ba oba po peobiwa pew̃n flauta. Ichitha icha barapo ainya pecajume exanaewan jopa xapain busi pichapaetsipae bapoxonaе jiwi jopa xapain yaputaetsipae po wei xua icha jiwi wei tanbaba.

<sup>8</sup> Barichi poxonae ba jiwi naba ichamonaetha bapoxonae ba oba xua penajunutsiwa. Ichitha icha barapo busi, busi caewa, jiwi jopa xapain busi taeyo. Bapoxonae jiwi jopa itac̃paetsi xua penacui w̃naetsiwa xua penabinexa.

<sup>9</sup> Barichi paxamtha. Icha icha jumeintha papaebichipame jiwitha, po jumeintha bequein jopa panacuidubim, xuano ir̃ barapo jiwi jopa nacuidubiyo bapoxonae jiwi jopa xapain paca yaputaetsipae. Baraxua apara be saya poxonae sito patsipaebame.

<sup>10</sup> Metha beya tsipae xua barapo nacuathe ainya jumein xeinaetsipa xua jiwi barompaya tsanaya pijumeintha paeba. Daxita barompaya pia matab̃x̃monaein tsiniya xeina po jumein xua yaputane barapomonaе.

<sup>11</sup> Ichitha icha xan jopa yaputaеinyo po jumetha xua ich̃n netsipaeba bapoxonae xan be tsita tana nanapaincha poponaеin xua be icha nacula werena taponaein ir̃ bapond̃ be netsita penanapaincha poponaеin xua be icha nacula werena peponaein.

<sup>12</sup> Paxam paichichipame po j̃nt̃ cui coyenein Nacom pia Pejumope t̃nax̃ tatsi amanaya cata piamonaetha. Yaitama baxuan paichichipame daxota bichocono paw̃care barapo Nacom pia Pejumope t̃nax̃ tatsi xua painya nepaca catsibinexa po j̃nt̃ cui bichocono w̃nae. Baxua paw̃care xua painya neyawenaenexa pomonaе pejume cow̃ntsiwi Nacom, xua beta pejume cocow̃ntaponaenexa Nacom.

<sup>13</sup> Daxota pon icha cueicueijei icha jumetha po jumetha bequein bapon jopa nacuidubiyo, bapon bewa w̄caena Nacomtha xua Nacom bapontha yabara jume yaputane pecana exanaenexa barapo jume. Baroxonae bapon itac̄patsi xua yabara yaputane exana barapo jume xua ichamonae yaputane exanatsi.

<sup>14</sup> Icha icha jumetha tsipaeban Nacomtha po jume bequein jopa yaputaeyo saya apara tajumope t̄nax̄ tsipaeba Nacomtha. Taj̄nt̄ coyene jopa yaputaeyo xua tatsipaebiwa Nacom. Barichi ichamonae jopa yaputaeyo xua tatsipaebiwa Nacom.

<sup>15</sup> ¿Eta xua bewa exanocuaein? Jame, bewa w̄caein Nacom tajumope t̄nax̄tha po jumein jopa yaputaeyo. Matātano bewa w̄caein Nacom taj̄nt̄ coyenewatha po jumein yaputan. Barichi bewa nax̄naein Nacomtha tajumope t̄nax̄tha po jumein jopa yaputaeyo. Matātano bewa nax̄naein taj̄nt̄ coyenewatha po jumein yaputan.

<sup>16</sup> Ichacuitha metha icha jumetha w̄nae jainchipame Nacom xua nejumope t̄nax̄ cueicueijei cacana exana. Pomonae xua cajume taetsipa jopa cajume yaputaetsipae. Daxota jopa itac̄paetsipaetsi xua peb̄r̄ya necajume notsiwa Nacom nexa, xua pejeinexa: “Bara ichi tsane”, xua pejeiwa.

<sup>17</sup> Poxonae bequein Nacomtha w̄caetsipame icha jumetha bara bequein w̄nae pocotsiwa xua paebame, daichitha ich̄n jopa yawenaetsipaetsi xua beta pejume cow̄ntsiwa Nacom.

<sup>18</sup> Nacomtha tsipaeban paxam yabara, janje: “Nacom maisa j̄nt̄ coyene weiweinan, xua icha jumeintha tacatsipaebiwatsi, beyacaincha daxita barapomonae xua icha jumeintha catsipaeba”, jan.

<sup>19</sup> Ichitha poxonae pomonae Nacom pejume cow̄ntsiwichi nacaetuta penacaetutsi botha bara saya w̄nae tsipae xua icha saya cinco po jumebe tacuidubiwa tsipae xua jiwi peyaputaewa tsane. Baxua beyacaincha xua poxonae icha metha cueicueijan tsipae diez mil po jumebe, po jume xua jopa nacuidubinyo. Bequein barapo diez mil po jumebe paebichipan daichitha jiwi jopa yaputaetsipae xua tacueicueijeiwa.

<sup>20</sup> Tamonae pam, paxam pomonae ir̄ painya nejume cow̄ntsiwixae Jesucristo. Painya xoba pananta xeiname icha pexui ichi poxonae nanta xeina. Jame pajinompa dubenanaebiyama icha pexui ichi poxi pencuetixi xua jopa abe exanaeyo. Maisa jame pananta xeina dubenanaebiyama icha pomonae pinyon ichi xua nanta xeina dubenanaebiya.

<sup>21</sup> Nacom jeye pia peitorobi jume diwesitha: “Paebin barapo judiomonaetha poxonae cueicueijei cana exanaein pomonae penanapaincha jinompaewi xua icha nacuapiwi po jumein xua jopa yaputaeyo pomonae xua petsipaebixaetsi. Bequein baxua exanaein ichitha cataunxuae barapo judiomonaetha jopa nejume tae tsane”, jei pon jiwi Pecana-mataxeinaein pia peitorobi jume diwesitha.

<sup>22</sup> Daxota xua pecueicueijeiwa icha jumeintha tsita itapeinya xeina xua pomonaetha pomonae jopa pejume cow̄ntsiwi xua apara Nacom atene exanaena barapomonae jopa pejume cow̄ntsixae. Barapo jumein jopa apara nexiyo pomonae xua bayatha pejume cow̄ntsiwi, poxoru Nacom jopa atene exanae tsane barapomonae. Ichitha xua cueicueijei Nacom Pejume Diwesi, baxua tsita itapeinya xeina pomonaetha pomonae pejume cow̄ntsiwi xua apara Nacom yawenaena barapomonae peantobexae tsipei barapomonae Nacom jume cow̄ntatsi. Barapo Nacom Pejume Diwesi pecueicueijeiwa jopa apara nexiyo pomonae jopa pejume cow̄ntsiwi poxoru Nacom jopa yawenae tsane barapomonae jopa pejume cow̄ntsixae Nacom.

<sup>23</sup> Ichacuitha metha patsipa painya nenacaetutswatha xua poxonae Nacom w̄nae pajaintame pomonae jopa yabara yaputaeyo poxonae ichamonae pecueicueijeiwa icha jumeintha, ir̄r̄ pomonae jopa pejume cow̄ntsiwi Nacom. Icha metha daxita paxam barompaya papaebichipame icha jumeintha barapomonae jopa paca yaputaetsipae.

Baroxonae barapomonae paca yabara nanta xeinaetsipa xua apara painya nepacamatajemabi jiwi pam.

<sup>24</sup> Ichitha metha pebiwi patsipa painya nenacaetutswatha xua poxonae Nacom wɔnae pajaintame pomonae jopa yabara yaputaeyo poxonae ichamonae pecueicuei-jeiwa icha jumeintha, irɔ pomonae jopa pejume cowɔntsiwi Nacom. Poxonae daxita paxam Nacom Pejume Diwesi papaebichipame barapomonae paca yaputaetsipa xua papaebame. Baroxonae barapomonae najɔntɔ coyene cayabara nanta xeinaetsipa xua abe peexanaewa. Mataɔtano barapomonae yaputaetsipa xua Nacom petsita natsicuentswatsi xua abe peexanaexae xua poxonae painya necajume taexae poxonae papaebame Nacom Pejume Diwesi.

<sup>25</sup> Nacom exana xua barapomonae peyaputaewa po coyene xua Nacom daxita beta yabara yaputane po coyene xua barapomonae nanta xeina peɔntɔ coyenewatha. Baroxonae barapomonae yaputaena xua bara Nacom jɔntemaina barapomonae abe pia peexanae cuiɔ coyenein tatsi. Baroxonae pentabocototha umenaena xua Nacom wɔnae pejainchinexa tsainchi. Barapomonae jei tsane paxamtha: “¡Jaina, maisa deta Nacom paca barɔ jinompa!” paca jei tsane barapomonae.

*Meje xua Pablo jeye: “Beta xanepanaya paexanaponde penacaetutsi bontha poxonae wɔnae pajainteibame Nacom”, jei*

<sup>26</sup> Tamonae pam, paxam pomonae irɔ painya nejume cowɔntsiwixae Jesucristo. Paca tsipaebatsi xuaje: Poxonae pana nacaetutame, ichamonae painyamonaе jiwana barabɔ naxɔnaena peweixi xua wɔnae pejainchinexa Nacom. Ichamonae irɔ barabɔ cuidubina ichamonaetha. Ichamonae irɔ barabɔ cuidubina po coyenein Nacom yaputane exana. Ichamonae irɔ barabɔ icha jumeintha cueicuei jei tsane po jumein bequein jopa nacuidubiyo. Ichamonae irɔ barabɔ xuya barapo jumein yabara jume yaputane exanaena daxita jiwitha po jumein ichamonae paeba. Daxita po coyenein xua paexaname bara wɔnae paexande poxonae panacaetutame wɔnae painya jaintsinexa Nacom xua daxota xanepanaya mataropeicha painya nejume cocowɔnta dubenanaebiyaenexa Nacom.

<sup>27</sup> Poxonae icha jumeintha pacueicueijam bewa saya cueicuei jei nacueyatabe poyobe ichacuitha poxonae acoibi poyobe. Ichitha ichamonae ajibi tsane. Barapo acoibi poyobe bewa xuya cotacaya barompaya tsana cueicuei jei tsoponae tsane. Bewa baroxonae xuya ichɔn cotacaya yabara jume yaputane exanae pocotsiwan xua barapo acoibi poyobe barompaya seicaya paeba.

<sup>28</sup> Ichɔn dapocotsin aibi pon itacɔpatsi xua xuya cotacaya peyabara jume yaputane exanaewa, jopa bewa barapo acoibi poyobe icha jumeintha paebi tsane penacaetutsi jiwitha xua poxonae Nacom wɔnae pejainchinexa. Saya bewa moya pia coutha cueicuei jei Nacomtha.

<sup>29</sup> Bara wɔnae tsipae icha saya pacopatsipame nacueyatabe poyobe xua pecueicuei-jeiwa Nacom Pejume Diwesi xua ichacuitha poxonae saya acoibi poyobe. Ichamonae bewa jume taena icha metha bara xaniwaicha paeba barapo acoibi poyobe.

<sup>30</sup> Icha ichɔn eca baxota pon Nacom yaputane exana po jumein bewa cueicuei jei tsane baroxonae pon xua copiya asiya uncuɔ bewa moya ecaena xua daxota barapon pon ichɔn itacɔpatsi xua cueicuei jei po jumein Nacom yaputane exana.

<sup>31</sup> Daxita paxam paca itacɔpa xua painya necueicuei jeiwa Nacom Pejume Diwesi, painya necana exanaenexa xua daxita barapomonae penacuidubinexa. Mataɔtano paca itacɔpa painya necueicuei jeiwa painya nejɔntɔ cui tsacabinexa daxita jiwi pejume cowɔntsinexa Nacom. Ichitha jame paxam barompaya tsanaya xuya patamropatsiya cueicueijam tsoponeibim tsane.



<sup>32</sup> Pomonae Nacom Pejume Diwesi pecueicueijejiwi barapomonae itacupatsi xua penajuntũ coyene itorobiwa. Daxota barapomonae ewata xua ichũn matha pecueicueijeinexa, xua baroxonae bara pecueicueijeinexa tsane ichamonaetha.

<sup>33</sup> Tsipei Nacom jopa ichipaeyo xua jiwi ajumeyaexa poxonae daxita jiwi peburũya cueicueijeji Nacom Pejume Diwesi. Jame Nacom ichichipa xua pomonae pejume cowũntsiwi jũntema penabarũ jinompaewa poxonae nacaetuteiba xua wũnae pe-jainchinexa Nacom.

Daxita pomonae xua nacaetuta pejume cowũntsixae Jesucristotha, exana xuaje:

<sup>34</sup> Yabũxi bewa saya moya poxonae nacaetuta pomonae Nacom pejume cowũntsiwi xua Nacom Pejume Diwesi pecueicueijeinexa. Nacom baxua jopa copatsiyo xua yabũxi pecueicueijejiwa baxota. Barapo yabũxi bewa jume cowũntsiwa pia seuriwi pocotsiwa itorobeibatsi icha be pocotsi coyeneya bayatha Moisés pia peitorobi coyenewatha paeba.

<sup>35</sup> Icha barapo yabũxi ichichipa xua peyaputaewa pocotsiwa ichamonaetha paeba, bewa barapowaxi pia boxitha yainyabi pia seuriwi. Tsipei jopa wũnae tsipae icha yabũyo cueicueijeji penacaetutsimonaetha pomonae Nacom pejume cowũntsiwichi xua poxonae yainyaba pia pebiwi.

<sup>36</sup> Paxam bewa payaputaename xua Nacom Pejume Diwesi jopa copiya matha tamropata pitabiyo painya xantha. Mataũtano jopa paxam compa pam pomonae meisa paxename Nacom Pejume Diwesi.

<sup>37</sup> Ichamonaetha pomonae paxam jiwana pam nanta xeina xua xeina po jũntũ coyenewatha pecueicueijejiwa Nacom Pejume Diwesi. Barapo jũntũ coyene xua Nacom pia Pejumope tũnaxũ tatsi amanaya cata. Mataũtano ichamonaetha pomonae paxam jiwana pam nanta xeina xua xeina icha jũntũ coyenewa po jũntũ coyene Nacom cata. Daxita paxam bewa payaputaename xua po coyenein yabara pacata tinatsi xua apara Nacom wanaca itorobiwa.

<sup>38</sup> Icha pebin jopa bejume cowũntsiyo pocotsiwa paeban, baroxonae painya xoba pajume cowũntame pocotsiwa bapon paeba.

<sup>39</sup> Tamonae pam, paxam pomonae irũ painya nejume cowũntsiwixae Jesucristo. Bewa jame paichichipaename xua painya necueicueijejiwa Nacom Pejume Diwesi. Painya xoba pajume itawetame poxonae ichamonaetha cueicueijeji icha jumein po jumein bequein jopa nacuidubiyo.

<sup>40</sup> Daxita beta xanepanaya paexanaponde poxonae pana nacaetutame penacaetutsi botha xua poxonae wũnae painya nejainchinexa Nacom, xua barompaya tsanaya patamropatsiya exanaponde.

## 15

### *Meje xua Pablo yabara paeba poxonae Cristo equeicha asũ exainchi*

<sup>1</sup> Tamonae pam, paxam pomonae irũ painya nejume cowũntsiwixae Jesucristo. Ichichipan xua pacayabara nanta xeiname po diwesi pecapanenebiyae diwesi jume, po diwesi paca tsipaebatsi. Barapo pecapanenebiyae diwesi pajume cowũntame, xua daxota beta pajume cowũntsiya jinompame Nacomtha.

<sup>2</sup> Painya nejume cowũnta dubenanaebiyaexae barapo pecapanenebiyae diwesi, anoxuae painya nepaca capanenebiyae jiwi pam abe painya neexanae cuiru coyenein weya. Barapo coyene paxaina dubenanaebiyaename icha beta payabara jũntanainame pocotsiwa paca cuidubatsi xuano icha xaniwaicha pajume cowũntame baxuan. Icha copiya jopa pajume cowũntsim tsane painya jũntũ coyenetha barapo pecapanenebiyae diwesi baroxonae Nacom jopa paca capanenebiyae tsane.

<sup>3</sup> Copiya paca cuidubatsi pocotsiwa xua ichan necuiduba xua Cristo yabara. Paca cuidubatsi xua Cristo naca tsitupa abe waexanae cuiru coyenein nexa icha be pocotsi coyeneya bayatha Nacom Pejume Diwesitha yabara paeba baxua.

<sup>4</sup> Poxonae Jesucristo tupa bapoxonae muthatha xotsi. Ichitha poxonae acoibi po matabibe jopa, barapo matabitha equeicha asu exanatsi, icha be pocotsi coyeneya bayatha Nacom Pejume Diwesitha yabara paeba baxua.

<sup>5</sup> Bapoxonae Pedro tsita naitutatsi Jesucristo. Bapoxonae equeicha Jesucristo tsita naituta pia peitorobi jiwi tatsitha pomonae doce poyobe.

<sup>6</sup> Bapoxonae caena equeicha Jesucristo tsita naituta pomonaetha pomonae pia pejume cowantsi jiwixaetsi, pomonae beyacaincha quinientos poyobe jiwi. Awiya pinmonae barapo bicheito jiwamonae jinompa anoxuae pomonae xua Jesús tainchi bequein ichamonae werapa bayatha, pomonae barapomonae jiwana.

<sup>7</sup> Bapoxonae equeicha Santiago tsita naitutatsi Jesucristo. Bapoxonae equeicha Jesús tsita naituta daxita pomonaetha pomonae pia peitorobi jiwi tatsi.

<sup>8</sup> Bapoxonae nama matapainya xan Pablon netsita naituta Jesucristo. Nacom necana exana pon pia peitorobi jiwi jiwana tatsin, xua pon tabu ducuan. Xan be pon xua nainya jemeicha jume cowantan icha be pocotsi coyeneya ichi poxonae pexuyo pena nainya jemeicha tsiperu wenaexana.

<sup>9</sup> Xan wepu be conotha ainya cuin pomonae Jesucristo pia peitorobi jiwi tatsi. Ichamonae pomonae Jesucristo pia peitorobi jiwi tatsi bichocono ainya cui beyacaincha xua xan. Bequein Nacom neyabara caunuta xua xan Jesucristo pia peitorobi jiwi tatsi jiwanan ichitha auran tsipei bichocono abeya exanan pomonaetha pomonae penacetutsimonae jiwitha pomonae pejume cowantsiwi Nacom. Pebaraxuaxae jopa bewa neyabara caunutsi baxua.

<sup>10</sup> Ichitha xan nama anoxuae seicayiya exanan Nacom taneyawenaexae. Bapon tana neantobexae jopa abeya taexanaeinyo. Jame nama seicaya bichocono ayapusaya nacuitan Jesucristo nexa beyacaincha ichamonae pomonaexae Jesucristo pia peitorobi jiwi tatsi. Ichitha xan jopa tacouthinyo xua tanacuichiwa, apara jame Nacom neyawena tana neantobexae.

<sup>11</sup> Jopa ainya cuiyiyo pomonae bayatha paca cuiduba Nacom Pejume Diwesi. Jopa ainya cuiyiyo icha ichamonae pomonae Jesús pia peitorobi jume pepaebi jiwi bayatha paca cuiduba. Matautano jopa ainya cuiyiyo icha xan bayatha paca cuidubatsi. Saya jame ainya cui xua daxita paxan nanta juraya tapaca cuidubiwatsi barapo Nacom pia pecapanenebiyae diwesi jume xuano xua painya nejume cowantsiwa baxua.

*Meje xua Pablo yabara paeba pomonae xua equeicha asu exanatsi petupae cuiru coyene weya*

<sup>12</sup> Paca cuidubatsi xua Cristo equeicha asu exanatsi petupae cuiru coyene weya. Daichitha pomonae paxam jiwana pam paeba xua pinae Nacom jopa equeicha asu exanaeyo jiwi petupae cuiru coyene weya. ¿Eta xua nexata metha baxua paeba painyamona jiwana? Bara bayatha payabara yaputanemeba.

<sup>13</sup> Icha jiwi jopa equeicha asu exanaetsipaetsi petupae cuiru coyene weya, bara nexata Cristo barichipaetsi, jopa equeicha asu exanaetsipaetsi petupae cuiru coyene weya.

<sup>14</sup> Icha Cristo jopa equeicha asu exanaetsipaetsi petupae cuiru coyene weya, bapoxonae jopa ainya cui tsipae pocotsiwan paca cuidubatsi. Bapoxonae baxua be xua pejumexaei tsipae tsipei jopa paca yawenaetsipae. Matautano barichi painya nejume cowantsiwa jopa ainya cui tsipae jopa painya nepaca yawenaexae tsipae.

<sup>15</sup> Icha baxua xaniyei paxan be pomonae pemuxuitorobi jiwi pan tsipaein pocotsiwa Nacom payabara paeban, tsipei paxan apara papaeban xua Cristo equeicha asu exanatsi petupae cuiru coyene weya. Papaeban xua Nacom equeicha Cristo asu exanatsi

petɔpae cuiru coyene weya ichitha baxua jopa xainyeyo icha jiwi jopa equeicha asɔ exanaetsi petɔpae cuiru coyene weya.

<sup>16</sup> Icha petɔpae jiwi jopa equeicha asɔ exanaetsipaetsi petɔpae cuiru coyene weya, barichi Cristo bayatha jopa equeicha asɔ exanaetsipaetsi petɔpae cuiru coyene weya.

<sup>17</sup> Icha Cristo jopa equeicha asɔ exanaetsipaetsi petɔpae cuiru coyene weya bapoxonae jopa paca yawenaetsipae xua painya nejume cowɔntsiwa. Daxota awiya paexana dubenanaebiyaetsipame abe painya neexanae cuiru coyenein.

<sup>18</sup> Icha baxua xainyei tsipae xua Cristo jopa asɔ exanaetsipaetsi petɔpae cuiru coyene weya bapoxonae pomonae xua bayatha werapa bequein jume cowɔntsitha tsipae Jesús, ichitha weraweracaetsipa xua abe peexanaexae.

<sup>19</sup> Waxainchi jume cowɔntsiya wɔnae ewatatsi xua bexa tsane Cristo naca asɔ exanaena poxonae werapaeinchi. Ichitha icha saya jume cowɔnta dubenanaebiyaetsipatsi xua Nacom wanaca yawenaewa tsane barapo cae pin nacuathe, bapoxonae wajume cowɔntsiwa jopa naca yawenaetsipae xua po coyene Nacom bexa asɔ wanaca exanaewa tsane poxonae werapaeinchi. Bapoxonae jiwi pomonae jopa pejume cowɔntsiwi naca yabara jei tsipae: “¡Pai barapomonae tsobenae beyacaincha ichamonae bequein jume cowɔntsitha tsobenae!” xua wanaca yabara jeichiwa tsipae.

<sup>20</sup> Ichitha pocotsiwa xua yatsicaya jame xainyei, apara jame xua Cristo bara yatsicaya asɔ exanatsi petɔpae cuiru coyene weya. Bapon Cristo copiya jiwi asɔ canamata exanatsi xua petɔpae cuiru coyene weya pomonae xua ataya tsitecaeya peasɔnexa xua jopa weraweracaeyo.

<sup>21</sup> Jiwi abe peexanae cuiru coyenein peexanaexae daxota werapa, tsipei jiton copiya abe canamata exana, bapon Adán. Nama jiwi equeicha asɔ exanatsi, tsipei jiton copiya asɔ canamata exanatsi, bapon Jesucristo.

<sup>22</sup> Jiwi werapaena icha Adán ichi abe peexanaexae. Daxita pomonae Cristo piamonae tatsi equeicha asɔ exanaeinchi petɔpae cuiru coyene weya icha Cristo cana ichichi xua asɔ exanatsi xua petsitecaenexa.

<sup>23</sup> Nacom iche tsane xua poxonae exanaena xuaje: Copiya matha Cristo asɔ exanatsi. Bexa tsane pomonae Cristo piamonae tatsi asɔ exanaeinchi petɔpae cuiru coyene weya poxonae Cristo equeicha patopaetsica barapo irathe tsique.

<sup>24</sup> Cristo weraweraca exanaena daxita, xua peitorobi coyenewan. Mataɔtano muxuna weraweraca exanaena xua nacuan peewatsi coyenewan. Mataɔtano muxuna weraweraca exanaena peayapusɔya itorobi coyenewa po peayapusɔ itorobi coyenewa xua jopa Nacom pia coyenewa tatsi. Bapoxonae poxonae wetsina daxita, Cristo pia peayapusɔ itorobi coyenewa Paxa caewa catsina, pon Nacom.

<sup>25</sup> Tsipei Cristo bewa tsiwanaya exanaponaena daxita jiwitha be pon jiwi itorobiya pia pepa peewatsinchi. Baxua bewa exanaena beya poxonae Nacom weraweraca exanaena pomonae Cristo pia peitafaetabi jiwichi.

<sup>26</sup> Po coyene Nacom cotacaya exanaena xua apara piamonae asɔ cana exanaena xua bapana jopa peweraweracaewa tsane.

<sup>27</sup> Tsipei Nacom Pejume Diwesitha paeba xua pinae Nacom itorobina Pexanto pon Jesucristo xua itorobiya pecanamataxeinaenexa daxitantha. Bequein bara Jesucristo daxitantha itorobiya canamataxeinaena saya Paxatha meisa jopa itorobiyo tsane.

<sup>28</sup> Copiya Nacom exanaena xua Cristo itorobiya canamataxeinaena daxitantha. Bapoxonae Cristo Nacom Pexanto tatsi pia coutha nacana exanaena xua Paxa itorobiya pecanamataxeinaenexa tsainchi. Bapoxonae Nacom xaniwaicha itorobiya canamataxeinaena daxitantha.

<sup>29</sup> Ichacuitha ichamonae bautisabatsi pomonae pewerapaewi tsibautisabatsi xua barapomonae equeicha peasɔnexa pepatsinexa Nacom pia nacuathe. Icha pewerapaewi jopa equeicha asɔ exanaetsi petɔpae cuiru coyene weya bapoxonae bara-

pomonaē pomonaē pewerapaewi jopa yawenaetsi bequein petsibautisabithatsi xua ichamonaē bautisabatsi xua peas̄nexa pomonaē werapa.

<sup>30</sup> Daxita matacabi jinompeibatsi xua naca peipeita ichamonaē xua naca abe exana wajume cow̄untsixae. Icha jopa equeicha as̄ naca exanaetsipae jopa ainya cui tsipae xua wacueicueijeji tsurubenanaebiwa Nacom Pejume Diwesi.

<sup>31</sup> Tamonaē pam, paxam pomonaē ir̄ painya nejume cow̄untsiwixae Jesucristo. Daxita matacabi muxu tat̄peibi xua ichamonaē tanepeipeita exaneibixae. Baraxua xaniyei icha ichi xua xaniyei xua j̄nt̄ coyene weiweinan xua Jesucristo pon Wanacanamataxeinaein xanepanaya peexanaexae painya xantha.

<sup>32</sup> Xan bara imoxoyo tat̄pae poxonaē Efeso tomarapiwi inta abe exana. Barapomonaē baraxua necana exana icha neuth̄ ichi poxonaē ich̄n waetabatsi. Bequein barapomonaē baxua necana exana xua muxu tat̄pae ichitha jopa as̄ neexanaetsipae pet̄pae cuiru coyene weya icha jiwi equeicha jopa as̄ exanaetsipaetsi. Icha jopa equeicha caewa as̄ naca exanaetsipae bara saya exana dubenanaebiyaetsipatsi pocotsiwa ichichipatsi. Poxonaē baraxua exanatsi j̄pa exanatsi icha ichamonaē ichi pomonaē jopa peyabara jume cow̄untsiwa xua bara as̄ peexanaewatsi. Barapomonaē jeye: “Anoxuae nabanaeinchi yawa apaeinchi, tsipei baya werapaeinchi jopa naca tsita ainya cuiyo”, jei barapomonaē, pomonaē jopa pejume cow̄untsiwi.

<sup>33</sup> Painya xoba pacopatame xua bara ichamonaē painya nepaca muxuitorobeibiwa. Jiwi ba pia pecayabara j̄ta pepaebi diwesiyo ba jei: “Pomonaē abe peexanaewi cuiduba ichamonaetha pomonaetha pomonaē ichipa beta exana, xua barapomonaē abe peexanaenexa”, ba jei barapo diwesiyo.

<sup>34</sup> Equeicha caewa paexande po j̄nt̄ coyene xua bichocono Nacom tsita xanepanatsi. Painya xoba equeicha abe paexaname. Ichamonaē paxam jiwana pam jopa Nacom yaputaetsi. Baxua paca tsipaebatsi xua painya neauranexa.

*Meje po coyeneya xua Nacom exanaena poxonaē jiwi equeicha as̄ exanaeinchi pet̄pae cuiru coyene weya*

<sup>35</sup> Metha ich̄n yainyabina, jei tsane: “¿Eta po coyeneya Nacom exanaena poxonaē pewerapaewi equeicha as̄ exanaeinchi? ¿Eta pocotsi pepon barapomonaē xeinaena?” jei tsane.

<sup>36</sup> Barapo peyainyabiwa saya pejumexaei. Poxonaē pābame pēbi xuto, barapo xuto b̄pana bocareca iratha xua pexu nantafobabinexa poxonaē xua nae pexuwinexa.

<sup>37</sup> Poxonaē pābame jopa apara pepaboto pābim xua pepa nae pexuwinexa. Jame apara ba pexu pābame, metha beya xua trigo xuto tsipae, ichacuitha metha icha pexuton tsipaeno.

<sup>38</sup> Cotacaya Nacom exana xua barapo pexu xuwa icha be pocotsi coyeneya Nacom ichichipa. Daxita pēbi xuton tsanaya seicaya pia cui barompa poxonaē xuwa.

<sup>39</sup> Barichi jiwi pepon daxita jopa naj̄paeyo. Jiwi pia pepon seicaya tsanaya barompa. Duwei unupiwi pia pepon seicaya tsanaya barompa. Duwei menepiwi seicaya pia pepon tsanaya barompa. Pepupunaewi seicaya pia pepon tsanaya barompa.

<sup>40</sup> Peitabocotha xeina ainya pepon po ainya pepon peitabocotha pejinompaewi nexa. Barichi barapo irathe xeina ainya pepon pomonaē barapo irathe pejinompaewi nexa. Po pepon pexeinya peit̄panae coicha xeina xua peitabocotha jinompa barapo pepon bichocono pexeinya pepon. Barichi wapepon pexeinya pepon po pepon xeinatsi po cae pin nacuathe.

<sup>41</sup> Xometo poto atsato pia pexeinya peit̄panae coicha barompa. Barichi jomocoichato pia peit̄panae coicha barompa. Opiteino pia peit̄panae coicha barompa. Icha opitei pia peit̄panae coicha jopa nacoicha j̄paeyo icha opiteitontha po opiteiton pia peit̄panae coicha xeina.

<sup>42</sup> Barapocotsi j̄ta coyeneya ichi pomonae xua equeicha as̄u exanatsi pet̄pae cuiru coyene weya. Poxonae pomonae pewerapaewi iratha m̄th̄catsi equeicha caewa tsorobo naexana petsabanaexae. Bapoxonae equeicha Nacom as̄u exanaena pena pepon xua petsitecaenexa. Barapo pena pepon bapana jopa t̄pae tsane equeicha, jopa petsabanaexae tsane.

<sup>43</sup> Barapo peru pepon jopa xeinaeyo peit̄panae coicha poxonae m̄th̄tha xotsi. Ichitha jame barapo pena pepon xeina pexeinya peit̄panae coicha. Barapo peru pepon jopa xeinaeyo peas̄wa poxonae m̄th̄tha boca. Ichitha jame barapo pena pepon xeina peas̄wa.

<sup>44</sup> Barapo peru pepon saya barapo cae pin nacuathe nexa. Daxota poxonae t̄pa, tsabana naexana, tsorobo equeicha caewa penaexanaenexa. Ichitha poxonae barapo pepon as̄u exanaeinchi, bapoxonae pena pepon naexanaena pejumope t̄nax̄u nexa xua Nacom pia nacuatha peponaenexa. Icha jiwi xeina peru pepon xua barapo cae pin nacuathe nexa, barichi pena pepon xeinaena xua Nacom pia nacuatheicha nexa.

<sup>45</sup> Nacom Pejume Diwesitha jeye: “Po jiton copiya Nacom forota, bapon Adán. Bapon peas̄wa xeina xua pepoponaenexa barapo cae pin nacuathe”, jei Nacom. Ichitha Cristo Adán bichocono toxeincha ainya cuichi equeicha caewa as̄u peexanaexaetsi. Daxota bapon Cristo itac̄patsi xua ichamonaetha cana exana xua pexeinaewa peaj̄nt̄yap̄us̄wa xua po peaj̄nt̄yap̄us̄wa ataya tsiteca.

<sup>46</sup> Copiya jopa xeinaetsi po pepon Nacom pia nacuatha nexa. Saya copiya xeinatsi po pepon barapo cae pin nacuathe nexa. Ichitha cotacaya bexa tsane xeinaeinchi po pepon pena pepon Nacom pia nacuatha nexa.

<sup>47</sup> Po jiton copiya exanatsi, pon tsorobo weya exanatsi, bara bapon apara saya barapo cae pin nacuathe nexa. Po jiton xua cotacaya patopa bapon apara Cristo pon itaboco wepatopeica.

<sup>48</sup> Po jiwi xua barapo nacuathe jinompe pia pepon exanatsi icha Adán ichichi xua pia pepon tsorobo weya exanatsi. Ichitha pomonae Jesucristo piamonae tatsixae barapomonae xeinaena pepon icha ichi xua pocotsi pepon xeina Cristo, pon xua itaboco wetsica pona.

<sup>49</sup> Anoxuae wapepon werapaena icha Adán pia pepon tatsi ichi xua bayatha t̄pa. Ichitha poxonae Nacom pia nacuatha patinchi wapepon xeinaeinchi pocotsi pepon icha Cristo pia pepon tatsi ichi xua pexeinya peit̄panae coicha xeina.

<sup>50</sup> Tamonae pam paxam pomonae ir̄u painya nejume cow̄ntsiwixae Jesucristo, yabara paca tsipaebatsi po pepon yawa jinompatsi. Barapo pepon jopa naca itac̄paeayo xua wayawa patsiwa Nacom pia peitorobi nacuatheicha xua ataya tsitecaeya wajinompaenexa tsane, tsipei barapo pepon t̄pa.

<sup>51</sup> Paca tsipaebatsi pocotsiwa xua namicha xua jiwi jopa yabara yaputaeyo xua Nacom moya yaw̄n̄ xeina. Daxita pomonae waxainchi jiwantsi jopa weraweracae tsainchi xua ataya tsane. Ichitha daxita waxainchi xeinaeinchi icha pepon.

<sup>52</sup> Poxonae trompeta mataw̄n̄ asiya obina xua poxonae Nacom daxita wetsina, bapoxonae Nacom jemeicha nainya as̄u exanaena pomonae pewerapaewi pomonae pejume cow̄ntsiwixae Cristo. Baxua nainya exanaena icha be pocotsi j̄ta coyeneya ichi poxonae jiton nainya naichaquetabiya necotaba. Pewerapaewi as̄u exanaeinchi xua equeicha bapana jopa peweraweracaenexa tsane. Bapoxonae waxainchi pomonaetsi cataunxuae jinompatsi nainya icha pena pepon xeinaeinchi.

<sup>53</sup> Wapepon po pepon tsorobo weya naexana bewa naexanaena icha pepon xua jopa weraweraca exanaetsi. Wapepon xua itac̄patsi xua pewerapaewa, bewa pepon naexanaena po pepon xua jopa werapaeyo.

<sup>54-55</sup> Wapepon xua weraweracaena Nacom equeicha as̄u exanaena pena pepon po pepon jopa weraweracae tsane. Poxonae baxua exanaena jopa weraweracaeyo. Yawa



barapo pepon itacurpatsi xua werapa ichitha barapo pepon naexanaena po pepon xua jopa werapaeyo. Bapoxonae baxua nayabara jume cui weta xua exana pocotsiwa bayatha Nacom Pejume Diwesitha tsiwunaeyabara muxu duta. Nacom Pejume Diwesitha jeye: “Poxonae Nacom pena pepon cana exanaena piamonae, bapoxonae Nacom amanayabina pontha pon jiwi tupa peexanaein”, jei Nacom Pejume Diwesitha.

<sup>56</sup> Pocotsiwa xua naca amanayaba, apara xua wawerapaewa abeya waexanaexae. Pomonae exanaetha pocotsiwa Moisés pia peitorobi coyenewatha itoroba, barapomonae awiya werapa poxoru barapomonae awiya abe peexanaexae.

<sup>57</sup> Paxan pajan Nacomtha: “Nacom, maisa pajuntay coyene weiweinan xua pata tanecatsiwam jinya neayapusu itorobi coyenewa pata amanayabinexa abe peexanae cuiru coyenein. Barapo coyene pana catame xua poxonae Jesucristo pon pata Necanamataxeinaein naetotha pata tana tsitupaexae”, pajan.

<sup>58</sup> Tamonae pam, paxam pomonae tapaca caantobe jiwichi pam. Painya neamanayabixae abe painya neexanae cuiru coyenein, pana najuntay ayapusu exande Nacomtha. Painya xoba payabara cui copatame xua bara ichamonae paca cana exanaena xua icha coyeneya painya neexanaewa tsane. Ataya beta panacuita dubenanaebiyama Nacom nexa. Tsipei paxam payaputaneme po penacuichiwa Nacom pata tanacuita dubenanaebiyame, bara Nacom tsita xanepanatsi.

## 16

*Meje xua Pablo paratixi yabara paeba po paratixi jiwi catsiba ichamonaetha pomonaetha pomonae pejume cowuntsiwi Nacom*

<sup>1</sup> Yabara paca tsipaebatsi paratixi po paratixi penacaetutsimonae jehebapona ichamonae nexa pomonae pejume cowuntsiwi Nacom. Paexande icha pomonae penacaetutsi jiwimonae ichi xua exana pocotsiwa itoroban pomonae Galacia nacuamonaepiwi.

<sup>2</sup> Daxita domingo wun matacabintha paxam daxita barompaya painya paratixi pajiwana wetsabiya pajehebaponaename pocotsi matoma pana busi matoma xeineibame. Pomonae pin matoman nabusi matoma xeineiba bewa ainya paratixi jehebaponaena. Pomonae tsiqui matomaxi nabusi matoma xeineiba bewa cae paratixi jehebaponaena. Abu paratixi pajebare xua jopa painya neexanaewa tsane baraxua xua poxonae equeicha patopaein.

<sup>3</sup> Poxonae patopaein bapoxonae paitapetsiname pebiwi po pebiwi pecaponaenexa carta. Barapo pebiwi Jerusalén tomara beya caitorobin carta. Barapomonae carta caponaena yawa muxuna caponaena paratixi po paratixi pajehebaponaename Jerusalén tomarapiwi nexa pomonae pejume cowuntsiwi Nacom.

<sup>4</sup> Icha nanta xeinaein xua yapu wunaein paratixi penawichixae metha moya bara ponaetsipan Jerusalén tomara beya. Bapoxonae barapomonae nepuna ponaena.

*Meje xua Pablo yabara nanta xeina, xua pewarapaewa tsane*

<sup>5</sup> Poxonae ponaein, bewa Macedonia nacua iyan tsane. Bapoxonae cotacaya paca siwa ponaeinchi Corinto tomaratha.

<sup>6</sup> Metha beya paca baray ecaetsipatsi be caentacabiyobetha. Ichacuitha metha poxonae awubo paca baray ecaetsipatsi. Bapoxonae poxonae weta xua awubo, paca itacupa xua pata neyawenaewam pocotsiwa nantawenonan poxonae warapaein icha tomara beya.

<sup>7</sup> Jopa ichipaeinyo xua saya bara caetotha tapaca siwa ponaewatsi. Jame ichichipan xua be pecono daepayobe tapaca baray ecaewatsi tsainchi poxonae patopaein. Baxua exanaein icha Nacom baxua inta copatsina.

<sup>8</sup> Ecan xote Efeso tomaratha beya poxonae matacabi jopaena po matacabi pewun Pentecostés. Barapo matacabi po matacabi jiwi yabara juntanaina xua poxonae matha

Nacom pia Pejumope tɔnaxɔ tatsi patopa penacaetutsi jiwitha pomonaetha pomonae pejume cowɔntsiwi.

<sup>9</sup> Anoxuae neitacɔpa xua bichocono tatanacuichiwa Nacom xua jiwi pinmonae pejume cowɔntsinexa barapo tomaratha. Ichitha ayei jiwi ichichipa abe necana exana xua jopa taexanaenexa tsane.

<sup>10</sup> Icha Timoteo patopaena painya xantha, pantenta weyataema xua bapon jɔntema pepoponaenexa painya xantha. Baxua pata exande poxoru bapon exana pocotsiwa Nacom ichichipa, icha xan ichin xua exanan pocotsiwa Nacom ichichipa.

<sup>11</sup> Daxita paxam jopa payabara jande: “Apara bapon Timoteo pewowin, jopa apara peyaputaen”, jopa payabara jande. Jame maisa bapon payawende xua equeicha jɔntema caewa peponaenexa taxainya berena. Baxua paexande tsipei xan irɔ ichamonae pomonae irɔ pejume cowɔntsiwixae Jesucristo, panabarɔ wɔnae ewatan bapon xua Timoteo paewatan.

<sup>12</sup> Apolos pon irɔ pejume cowɔntsin matowa tsipaeban xua painya nepaca cataenexa xua bapon pecueyabinexa tsainchi ichamonae pomonae irɔ pejume cowɔntsiwixae Jesucristo. Ichitha bapon nanta xeina xua anoxuae jopa yaru jɔpaetsi xua peponaewa tsane xua painya nepaca siwa ponaewa. Bapon ponaena ichitha poxonae tayaru jɔpaeinchi.

*Meje poxonae Pablo najume wetsiya paeba*

<sup>13</sup> Dota pam, pomonae xua abe pacata exana. Beta paajɔntɔsɔya pajume cowɔnta dubenanaebiyama. Paexana dubenanaebiyama icha pebiwi ichi xua jopa cunuwiya exana dubenanaebiyaeyo xua beta peexanaewa.

<sup>14</sup> Daxita pocotsiwan xua paexaneibame, peantobe coyeneyatha paexaneibare ichamonae.

<sup>15</sup> Tamonae pam, paxam pomonae irɔ painya nejume cowɔntsiwixae Jesucristo. Paxam payaputaneme xua Estéfanas piamonae tatsi copiya jume cowɔnta Jesucristo Acaya nacuatha. Barapomonae bichocono yawena ichamonae pomonaetha pomonae irɔ pejume cowɔntsi jiwi Nacom.

<sup>16</sup> Paca tsipaebatsi xua paxam xuya paexana dubenanaebiyama pocotsiwan barapomonae paca itoroba. Pabarɔ nacuire barapomonae xuano ichamonae irɔ pabarɔ nacuitame pomonae jɔpaeya exana icha barapomonae ichi.

<sup>17</sup> Maisa bichocono jɔntɔ coyene weiweinan xua Estéfanas irɔ Fortunato irɔ Acaico xote pate. Barapomonae inta exana pocotsiwa jopa paca itacɔpaeyo xua painta exaname xua jopa xote tapaca barɔ ecaexaetsi.

<sup>18</sup> Barapomonae nejɔntɔ cui coyene tsacaba exana xua xaniwaicha tapoponaenexa Nacom nexa. Barichi irɔ baxua pacata exana. Beta paweyataename barapocotsi jiwimonae.

<sup>19</sup> Pomonae penacaetutsimonaepiwi, pomonae pejume cowɔntsiwi Nacom, pomonae Asia nacuatha jinompa, barapomonae paca jacobae. Aquila irɔ piowa tatsi Prisca, irɔ pomonae petanacaetutsi dubenanaebiyae jiwichi pia botha tatsi, barapomonae bichocono paca jacobae peantobe jiwixae xua peantobexaetsi pon jiwi Pecanamataxeinaein.

<sup>20</sup> Daxita pomonae pejume cowɔntsiwixae Cristo pomonae xote jinompe daxita paca jacobae. Betiya painta nantiya pana najacobare painya neantobewaxae Cristo.

<sup>21</sup> Xan Pablon pacata tinatsi po diwesiyo xua cotacaya opi ducua. Yatsicaya tacoutha tacobe couya pacata tinatsi tapaca jacobinexatsi.

<sup>22</sup> Icha ichɔn jopa Jesucristo antobetsi pon jiwi Pecanamataxeinaein barabɔ Nacom itawetsina pexainya weya, xua bapon be pon abe peexanae jiton tsane. ¡Xam ponxaem Pata Necanamataxeinaem nainya antha patopare!

<sup>23</sup> Baraba Jesucristo pon jiwi Pecanamataxeinaein paca yawenaena pia paca nepaca caantobewaxae xua xanepanaya painya nejinompaenexa.

<sup>24</sup> Daxita paxam pacata itorobatsi po coyene xua tapaca caantobe coyenewatsi taantobewaxae Cristo Jesús.

Baja Pablo.

## Meje Po Carte Cotacaya Pablo Tatina, Corinto Tomarapiwi Tatinatsi

*Meje poxonae Pablo tamropata pitaba xua tatina pomonaetha pomona Corinto tomarapiwi*

<sup>1</sup> Xan Pablon pacata tinatsi. Nacom peichichipaexae bapon necana exana xua Jesucristo pia peitorobi jiwi jiwana tatsin. Xan iru Timoteo pon pejume cowuntsin baponbe panbe pacata tinatsi. Paxam pomonae iru painya nejume cowuntsixae Jesucristo pana nacaetutame penacaetutsi botha Corinto tomaratha xua wuna painya nejainchinexa Nacom. Matautano pata tinanbe pomonae iru Nacom piamona tatsi xua Acaya nacuatha jinompa.

<sup>2</sup> Barabu Nacom pon Waxa iru Jesucristo pon jiwi Pecanamataxeinaein baponbe paca yawenaena pia paca nacaantobexae. Matautano barabu baponbe paca cana exanaena xua juntea painya nejinompaewa tsane.

*Meje yabara xua poxonae Pablo atene exanatsi*

<sup>3</sup> Bara Nacom wuna jaintatsi pon Wanacanamataxeinaein Paxa tatsi xua Jesucristo Paxa tatsi. Bapon Nacom Waxa naca yabara nanta xeina xua wanaca yawenaewa tsane. Bapon Nacom naca itanuwe matateica wanaca antobexae.

<sup>4</sup> Daxita xua xuan ichamona pana atene exana, xuan Nacom pana cui matateiqueiba, baxua Nacom painta exana xua xuya iru ichamona pana cui matateicaenexa tsaibi tsane pomona poxonae atene exaneibatsi ichamona. Paxan ichamona pacui matateican icha Nacom pana ichi xua pana cui matateica.

<sup>5</sup> Icha Cristo ichichi poxonae atene exanatsi ichamona, barichi ichamona pana atene exana pata jume cowuntsixae Jesucristo. Nacom, Cristo cui matateicatsi poxonae atene exanatsi ichamona. Bara pana ichi Nacom pana cui matateiqueiba poxonae ichamona pana atene exaneiba.

<sup>6</sup> Ichamona pana anthutane exana. Bequein baxua painta exana, daichitha awiya pana itacupa xua tapaca cayawenaewatsi poxonae paca cui matateicatsi. Matautano pana atene exana pata paca cuidubixaetsi painya nepaca capanenebiyaenexa abe painya neexanae cuiru coyenein weya. Nacom pana cui matateica xua paxan xuya pata paca cui matateicaenexatsi. Baxua paca cana exanatsi poxonae awiya juntea pajinompa dubenanaebiyame bequein poxonae ichamona paca atene exana icha barapomona pana ichi xua pana atene exana.

<sup>7</sup> Paxan ajuntusya paca cui yabara jume cowuntsiya ewatatsi xua paxam bara beta pajinompa dubenanaebiyaename poxonae bequein ichamona paca atene exana. Paxan payaputan xua paxam iruru paajuntucoyenetanem poxonae ichamona pana atene exana. Barichi Nacom paca cui matateica icha pana ichi xua pana necui matateica.

<sup>8</sup> Tamona pam, paxam pomonae iru painya nejume cowuntsiwixae Jesucristo. Paichichipan xua painya neyaputaewa xua ichamona bichocono painta ayapube exana Asia nacuatha. Baxua bichocono ayapusya pana juntea coyene jujuta, beya poxonae awatha muxu jopa juntea pata dubenanaebiyaewa. Ichacuitha pananta xeineiban xua jopa pana itacupaeyo xua pata panenebiwa xua pata asawa tsane.

<sup>9</sup> Ichacuitha pananta xeinan xua bara metha pata werapaewa tsane. Ichitha baxua Nacom saya bara copata xua pata yabara jume cowuntsiwa tsane xua meisa Nacom bara compa pia coutha pata taneyawenaewa tsane xua jopa pata tana nayawenaewa tsane

pata coutha. Nacom apara pon equeicha asu exana pewerapaewi petupaе cuiru coyene weya.

<sup>10-11</sup> Nacom pana necapanenebiya ichamonae weya poxonaе barapomonaе bichocono abe painta exana poxonaе awatha muxu pata werapae. Matautano awiya Nacom baxua painta exanapona. Yatsicaewa Nacom payabara jume cowuntan xua bexa tsane pana necapanenebiyaenano icha awiya painta wucaponame Nacomtha. Nacom pana neyawena poxonaе pinmonae painta tsipaebina Nacomtha. Bexa poxonaе Nacom pana necapanenebiyaena barapoxonaе pin bicheitomonaе jei tsane: “Nacom maisa pajuntu coyene weiweinan xua neyawenaewa Pablobaru xua jopa pewerapaewa neantobexae poxonaе jiwi pin bicheito cawuca barapomonaе nexa”, jei tsane barapo pin bicheitomonaе.

*Meje poxonaе Pablo jopa yapu jupaetsi xua peponaewa Corinto tomara beya*

<sup>12</sup> Pajuntu coyene weiweinan, daxota atsaquiya pata jeiwa pocotsiwe: Daxita pocotsiwa paexanan po cae pin nacuathe, xuano poxonaе pata paca baru jinompaewatsi, pata juntu coyene bara pana tsipaeba xua pinae bara beta paexanan. Pajuntu coyene xanepanan Nacomtha. Matautano bara xainyeya paexanan daxita coyenein. Nacom pana neyawena xua beta pata jinompaewa tsane pata antobexae Nacom. Apara baxua jopa paexanaeinyo barompaya pata tayaputae coyenewatha.

<sup>13</sup> Daxita xua pacata tinatsi jopa icha diwesi pacata yawa muxuna tinaetsi. Pocotsiwa pacata tinatsi saya pocotsiwa painya nepaca itacupaewa xua painya neyorobiwa tsane xuano xua painya nejume copi yaputaewa tsane. Ichichipan xua betiya painya neyaputaewa tsane daxita pocotsiwa xua pacata tinatsi.

<sup>14</sup> Anoxuae daxita pam be conotha pana neyaputaneme. Poxonaе Jesús pon Wanacanamateinaein equeicha patopaetsica, pana neyabara juntu coyene weiweinaename icha paichin tsane xua paca yabara juntu coyene weiweinaeinchi.

<sup>15</sup> Poxoru pana neyabara juntu coyene weiweiname daxota nanta xeinan xua tapaca siwa ponaewatsi tsainchi. Bapoxonaе icha neitacupa equeicha bexa paca siwa ponaeinchi xua daxota ainya cuiyobetha paca siwa ponaeinchi tapaca cayawenaewa tsainchi.

<sup>16</sup> Bayatha paca tsipaebatsi janje xuaje: “Poxonaе ponaein Macedonia nacua beya copiya ichichipan xua matha tsiwanaeya tapaca siwa ponaewatsi tsainchi. Equeicha paca taeinchi poxonaе caewa denan tsane Macedonia nacua werena. Bapoxonaе paca itacupa xua tapanana neyawenaewam poxonaе warapaein Judea nacua beya”, paca jeichi.

<sup>17</sup> Bequein baxua paeban, daichitha baxua jopa neitacupaeyo xua taexanaewa baxua. Poxonaе baraxua paeban pana nejume cayabara cananta xeiname xua xan apara pon ichawa beya tapaebin xua be pocotsi jiton pon saya exana pocotsiwa bapon ichichipa xua ichawa beya ba paeba. Xan baxua jopa exanaeinyo. Jopa ba paca jeichi “Aja”, jopa paca jeichi. Ichacuitha jopa ba paca jeichi “Jume”, jopa paca jeichi xua poxonaе cae coyene yabara paca tsipaebatsi.

<sup>18</sup> Nacom bapon bara xaniwaicha tana neyabara paebin pocotsiwa taexanaewa. Bapon Nacom netane xua jopa ichawa beya tapaebiwa. Saya poxonaе, ba “aja”, pejeinexa, ba “aja”, jan. Matautano saya poxonaе ba “jume” pejeinexa, ba “jume”, jan.

<sup>19</sup> Timoteo iru Silvano iru xan paca cuidubatsi Nacom Pejume Diwesi po coyene xua Cristo Jesús yabara, pon Nacom Pexanto tatsi. Bapon Cristo jopa bapana jei tsabiyo bara caetha: “Jume”, yawa “Aja”, jopa bapana jei tsabiyo. Saya jame ba jei: “Aja”, ba jei tsabi.

<sup>20</sup> Cristo bara daxita exana pocotsiwa Nacom Pexanto yabara tsiwunaе muxu duta. Bara Cristo “Je” jei xua peexanaenexa pocotsiwa Paxa itorobatsi. Daxota waxainchi



barichichi jei tsaibichi: “Je, barichi tsane bara Cristo Jesús exanaena baxua”, jei tsaibichi waxainchi poxonae Nacom wɔnae jainteibatsi.

<sup>21</sup> Bapon Nacom pana ajɔntɔcoyenesɔ exana xua beta pata jume cowɔntsinaexa Cristo. Matautano irɔ bara paca ichi Nacom, paca yawena. Bapon Nacom naca itapeta watanacuichinexa bapon.

<sup>22</sup> Barapon Nacom naca cana exana xua wanaca barɔ jinompaewa pia Pejumope tɔnaxɔ tatsi wanaca yaputaenexa xua piamonae jiwichi. Baraxua Nacom naca tsita itapeinya xeina xua bexa tsane naca catsina ichawan.

<sup>23</sup> Nacom neyabara jɔntɔ coyene yaputane xua xainyeya paeban. Bequein juntucuru nanta xeinan xua paca siwa ponaeinchi ichitha jopa ponaeyo. Jopa paca siwa ponaetsi Corinto tomaratha tsipei jopa daunweya bepaca tsipaebichi xua paca jɔntɔ coyene wecoyeyi exanaetsipatsi.

<sup>24</sup> Jopa bepaca yabara itorobichi xua pocotsiwa bewa painya nejume cowɔntsiwa tsane. Tsipei barapara ayapusɔya pajume cowɔnta dubenanaebiyame. Pocotsiwa jame paichichipan apara xua pata paca barɔ nacuichiwatsi jame, painya nejɔntɔ coyene weiweinaenexa.

## 2

<sup>1</sup> Daxota juntucuru nanta xeinan xua jopa equeicha tapaca siwa ponaewa tsainchi, tsipei jopa bepaca wecoyeyi exanaetsi.

<sup>2</sup> Icha paca jɔntɔ wecoyeyi exanaetsipatsi, dapomonae aibi tsipae pomonae nejɔntɔ coyene weiweina exana. Jame meisa paxam paca itacɔpa xua tapana nejɔntɔ coyene weiweina exanaewam. Ichitha icha paxam saya pajɔntɔ coyene wecoyam tsipae jopa pana nejɔntɔ coyene weiweina exanaemtsipae.

<sup>3</sup> Daxota bayatha pacata tinatsi icha carta tsipei jopa bepaca siwa ponaetsi icha saya paca jɔntɔ coyene wecoyeyi exanatsi poxonae yabara paca muxuwetatsi pocotsiwa paexaname xua abe paexaname. Apari jame paxam pomonae bewa pana nejɔntɔ coyene weiweina exanaem. Xan nanta xeinan icha jɔntɔ coyene weiweinan paxam bara paichim tsane pajɔntɔ coyene weiweinaename.

<sup>4</sup> Poxonae bayatha po carta pacata tinatsi bichocono ɔnthɔthɔ wecoyan, tsipei bichocono paca yabara najɔntɔ coyene eena exanatsi pocotsiwa painya neexanaexae beya poxonae yatsicaewa wecoyan xua yatsicaewa taitacuere mene jujuincaewa. Jopa ichipaeinyo xua tapaca wecoyeyi exanaewatsi. Jame ichichipan xua painya neyaputaewa xua tapaca caantobewichi bichocono.

*Meje poxonae Pablo itoroba xua Corinto tomarapiwi peyabara jɔntemainaewa tsane pocotsiwa exana pon penowa pita*

<sup>5</sup> Caein pon paxam jiwana pam abe exana ichamonaetha. Bapon jɔntɔ coyene wecoyeyi exana ichamonaetha. Bapon jopa meisa apara compa nejɔntɔ coyene wecoyeyi exanaeyo. Barichi bapon bara irɔ paca jɔntɔ coyene wecoyeyi exana daxita paxam bequein saya bapon abe exana pon painyamonae jiwana jiton.

<sup>6</sup> Pon yabara icha cartatha pacata tinatsi pon abe peexanaein, peburɔya nanta jɔpaya paitawetame bapon xua pepatopaeyainwa painya nenacaetutsiwatha poxonae wɔnae pajaintame Nacom. Anoxuae bapon nacui baraxuba xua abe peexanaewa. Baraxua bara wɔnae. Painya xoba equeicha paitawetame bapon.

<sup>7</sup> Anoxuae paxam bewa pacui yabara jɔntemainaem abe pia peexanae cuiru coyene tatsi. Matautano bewa pacui matateicaename xua peaurayainwa. Icha jopa baxua paexanaemtsipae, bapoxonae bapon metha jopa juniya bichocono jɔntɔ coyene wecoyeyi tsipae, xua daxota anaya pia coutha penacabetsiwa xua pebaraxubixae xua pejume cowɔntsiwa.

<sup>8</sup> Daxota paca tsipaebatsi, bapon patsita itapeinya xeinare xua peantobe coyenewa painya netsita xeinaewa bapon.

<sup>9</sup> Bayatha yabara pacata tinatsi xua bewa pamuxuwetsim bapon. Paca jũntũ coyene jũjũtatsi xua tayaputaenexa icha metha bara xaniwaicha pana nejume cowũntame daxita pocotsiwa paca itorobatsi, bara bayatha pamuxuwetame bapon.

<sup>10</sup> Icha paxam ichũn pacui yabara jũntemainame abe pia peexanae cuiru coyenein tatsi, barichin tsane irũ bapon cui yabara jũntemainaein abe pia peexanae cuiru coyenein tatsi. Tsipei icha ichũn cui yabara jũntemainan abe pia peexanae cuiru coyenein apara poxoru copiya painya necui yabara jũntemainaxae abe pia peexanae cuiru coyenein tatsi. Baxua exanan Cristo tana neitorobixae. Baxua Cristo necui tane xua exanan.

<sup>11</sup> Waxainchi ichamonae abe pia peexanae cuiru coyenein tatsi yabara jũntemainatsi xua caurimonae pia pentacaponaein tatsi jopa wanaca cui amanayabinexa. Cui yaputainchi xua bapon bichocono daunweya jiwi jũntũ coyene jũjũtatsi xua abe peexanaenexa.

*Meje poxonae Pablo Tito bichocono yabara najũntũ coyene exabatsi Troas tomaratha*

<sup>12</sup> Poxonae Troas tomaratha patopan xua tacueicueijeinexa Cristo pejume diwesi bara inta yapu wũnae xua tanacuichinexa Nacom nexa, pon jiwi Pecanamataxeinaein poxoru barapo tomarapiwi bara beta nejume tane.

<sup>13</sup> Ichitha bichocono jopa jũntema poponaeinyo poxoru bichocono yabara najũntũ exaban Tito pon irũ pejume cowũntsin Jesucristo, yaitama jopa caxinaeinyo bapon. Daxota Troas tomarapiwi napeyaban. Bapoxonae ponan Macedonia nacua beya.

*Meje yabara po coyeneya xua Cristo naca yawena xua waamanayabinexa caurimonae pia pentacaponaein tatsi*

<sup>14</sup> Nacom patsipaeban, pajan: “Nacom maisa pajũntũ coyene weiweinan xua painta exaname”, pajan. Nacom pana cana exana xua Cristo betiya pana canamataxeina poxonae Nacom Pejume Diwesi pacueicueijan. Mataũtano Nacom pana cana exana xua pata amanayabiwa caurimonae pia pentacaponaein tatsi poxonae jiwi yaputane pacana exanan xua peyabara yaputaewatsi Cristo. Daxita nacuantha ichaxota paponeiban, bapon payabara paebeiban. Barapo pexeinya jume diwesi xua papaebeiban tajũ beya pajume pichipaponan, icha be poxonae petuxuei tuxusi ichi xua tajũ tuxusi pona.

<sup>15</sup> Nacom ichipa nawita poxonae beta patacueicueijan xua Cristo payabara cueicueijan icha be poxonae ichi poxonae bichocono tuxusi ichichipa incienso tuxusi matawũn. Barichi po diwesi xua Cristo payabara cueicueijan, tajũ pajume pichipaponan pomonaetha pomonae Cristo capanenebiya ducuanabiya xuano pomonaetha pomonae weraweracapona jopa pejume cowũntsixae Cristo.

<sup>16</sup> Poxonae jiwi jopa jume cowũntsiyo barapo diwesi po diwesi pacueicueijan be tsita tuxusichi xua po tuxusi tuxusi barapomonae tũpa peexanaewatsi. Ichitha poxonae jiwi jume cowũnta, bapoxonae barapo diwesi tsita muxu wũnaetsi icha xua jiwi ichi poxonae po tuxusi tuxune bichocono ponxo tuxusi wũnaetsi. Barapomonae pejũntũ coyenetha yaputane xua barapo jume diwesixae Nacom cata barapomonaetha peajũntũ yapusũwa po peajũntũ yapusũwa ataya tsiteca. ¿Jintam metha itacũpatsi xua barapo Nacom pia petanacuichiwa tatsi peexanaewa xua pia coutha compa exana? Apra dapon ajibi.

<sup>17</sup> Paxan jopa paexanaeinyo icha be jopa ichamonae ichiyo xua poxonae barapomonae pia paratixichi paeba dubenanaebiya Nacom Pejume Diwesi. Paxan po pebiwi pan xua xaniwaicha pata tsipaebi jiwi pan ichamonaetha, Nacom pata taneitorobixae. Daxota Nacom Pejume Diwesi papaeban caemonae wanaexanaexaetsi Cristotha.

## 3

*Meje poxonae Pablo yabara paeba Nacom pia pena petsiwanae muxu dutsiwa tatsi*

<sup>1</sup> Poxonae baxua pacata tinatsi, metha pana neyabara nanta xeinaetsipame xua paxan pomonae ainya cui jiwi pata naexanae jiwi pan. Nama ichamonae cartan capona po cartantha piamonae beta yabara tina barapomonae, xua painya necopatsiwa tsane xua bara pia paca tsipaebeibichi Nacom Pejume Diwesi poxonae barapomonae pateibina painya tomaratha. Metha paxam pana neyabara nanta xeinaetsipame xua xan iru barichindu icha ichamonae ichi xua poxonae barapo carta capona pia xua painya necopatsiwa tsane xua bara pia paca tsipaebeibichi Nacom Pejume Diwesi. Bequein metha pana neyabara nanta xeinaetsipame xua xuya painta tinaetsipame xua paxan yabara ichitha jopa apara paca wucaetsi baxua.

<sup>2</sup> Poxonae daxita jiwi paca cui tane xua beta painya jinompaewa Nacom nexa, bapoxonae jiwi pana neyabara nanta xeina xua bara beta pata exanaewa xua pata paca yawenaexaetsi xua painya nejume cowantsiwa. Pata juntu coyenewan pana tsipaeba xua bara pinae pajume cowantame Cristo. Poxonae jiwi paca cui tane xua beta painya nejinompaewa Nacom nexa, barapo jiwi pana nejuntanaina xua beta pata paca cayawenaexaetsi. Baxua be poxonae jiwi yoroba pexeinya carta xua paxan yabara xua daxota jopa nantawenonaeyo xua xuya painta petinaenexa carta.

<sup>3</sup> Cristo ichichipa xua jiwi tane xua bapon bichocono wanae exana paxam nexa po jumein weya xua paxan paca tsipaebatsi. Ichitha bapon Cristo jopa tinaeyo carta peanaincuitontha xua jiwi petaenexa pejumein itaneton. Matautano jopa tinaeyo peitaneton xua ibo panawatha ichi Moisés ichi. Jame Nacom pia Pejumope tana xua tatsi icha juntu coyene paca cata xua daxota jiwi tsita itapeinya xeinatsi xua Cristo beta exana paxam nexa.

<sup>4</sup> Paxan pana itacupa xua baxua papaeban Cristo pata neyawenaexae xua pata jume cowantsiwa Nacom.

<sup>5</sup> Ichitha jopa pana neitacupaeyo xua pata coutha pata exanaewa baxua. Daxita pocotsiwan pana itacupa xua pata exanaewa apara Nacom pata taneyawenaexae.

<sup>6</sup> Nacom pana necana exana xua pomonae yatsicaewa pata yabara cueicueijeji jiwi pan Nacom pia pena petsiwanae muxu dutsiwa coyenewa. Nacom pia pena petsiwanae muxu dutsi coyenewa jiwitha jopa xeinaeyo xua tina ainya coyenein xua jiwi peitorobi coyenewatsi xua jiwi bewa exanaena. Barapo Nacom pia pena petsiwanae muxu dutsi coyenewa paeba xua saya meisa xua beta pejinompaenexa. Nacom pia Pejumope tana xua tatsi itacupatsi xua naca cata pena pejuntu coyenein. Nama Moisés pia peitorobi coyenewa seicaya paeba xua bequein jiwi exana xua Moisés itoroba, barapomonae awiya werapaena abe peexanaexae. Nama seicaya Nacom pia Pejumope tana xua tatsi peajuntuyarusawa naca cata.

<sup>7</sup> Moisés pia peitorobi coyenewa ibo panawantha tina. Barapo coyene jiwi cana exanatsi xua pewerapaewa abe peexanaexae. Poxonae barapo coyenewa Moisés cata israelmonaetha barapomonae israelmonae jopa itacupaetsi xua Moisés peitabara taewatsi tsipei Nacom pia pexeinya peitupanae coicha tatsi bichocono pentha Moisés peitabaratha. Ichitha barapo Nacom pia pexeinya peitupanae coicha tatsi Moisés pia xainya weya tatsi bewayo caewanaya.

<sup>8</sup> Po pena juntu coyene Nacom pia Pejumope tana xua tatsi naca cata bichocono wanae tsipei jiwi cana exanatsi xua pexeinaewa peajuntuyarusawa po peajuntuyarusawa ataya tsiteca. Barapo pena juntu coyene bichocono wanae beyacaincha po peitorobi coyene Moisés itoroba.

<sup>9</sup> Bequein Moisés pia peitorobi coyenewa wanae, barapo coyenewaxae Nacom tsitatsi xua jiwi penatsicuentisiwa xeina xua abe peexanaexae. Nama bichocono wanae Nacom pia pena juntu coyenewa po juntu coyenewa jiwi catatsi beyacaincha Moisés pia

peitorobi coyenewa. Barapo Nacom pia jũntũ coyenewaxae, jopa tsitatsi xua piamonae tatsi pexeinaewa xua penatsicuentisiwa xua abe peexanaexae.

<sup>10</sup> Moisés pia peitorobi coyenewa tatsi copiya bichocono wãnae, nama anoxuae jopa peraichiwa, tsipei jopa naca yawenaeyo. Nama Nacom pia pena petsiwãnae muxu dutsi coyenewa tatsi jame barapo coyene jiwi bichocono yawenatsi. Daxota barapo coyene yatsicaewa wãnae beyacaincha Moisés pia peitorobi coyenewa tatsi.

<sup>11</sup> Poxonae Moisés cata pia peitorobi coyenewa israelmonaetha bapoxonae barapomonae tane Moisés peitabaratha tatsi Nacom pia pexeinya peitãpanae coicha tatsi. Barapo pexeinya peitãpanae coicha caewanaya. Nama Nacom pia pena petsiwãnae muxu dutsi coyenewa jopa caewanayiyo. Nama ataya ayapusũya tsiteca barapo coyene.

<sup>12</sup> Tsipei pajume cowãntsiya ewatan xua Nacom exanaena daxita pocotsiwa bayatha yabara pana netsiwãnae muxu duta, daxota jopa paaurinyo xua pata yabara paebiwa daxitan.

<sup>13</sup> Paxan jopa paexanaeinyo icha Moisés ichi. Bapon Moisés naitabara acata paparuwatha xua israelmonae jopa peyaputaenexa xua poxonae barapo pexeinya peitãpanae coicha caewanaya.

<sup>14</sup> Barapo israelmonae jopa yaputaeyo Moisés pia peitorobi coyenewa tatsi. Nacom copata xua barapomonae jopa peyaputaewa pia jũntũ coyeneintha barapo coyenewa. Barichi anoxuae poxonae barapo israelmonae yoroba Moisés pia peitorobi coyenewa tatsi, cataunxuae came jopa yabara yaputaeyo baxua. Baraxua icha poxonae Moisés ichi poxonae naitabara acata paparuwatha poxonae barapomonae jopa yaputaeyo xua barapo coicha caewanaya. Mataũta anoxuae barapomonae jopa yaputaeyo xua icha jiwi jume cowãntsina Cristo saya meisa bapoxonae barapo jiwi itacũpatsi xua peyaputaewa Moisés pia peitorobi coyenewa.

<sup>15</sup> Israelmonae beya nama anoxuae, came jopa yaputaeyo Moisés pia peitorobi coyenewa tatsi poxonae yoroba. Barapomonae jopa peyaputaewa Moisés pia peitorobi coyenewa tsipei najũntũ coyene ararana jopa be peyaputaewaxae.

<sup>16</sup> Ichitha poxonae jiwi jume cowãnta Jesucristo pon jiwi Pecanamataxeinaein, bapoxonae Nacom cana exana xua pejũntũ coyeneintha peyaputaewa Moisés pia peitorobi coyenewa tatsi.

<sup>17</sup> Jesucristo pon jiwi Pecanamataxeinaein irũ Nacom pia Pejumope tũnaxũ tatsi najũntũ coyene jũrabe. Pomonae ba Nacom pia Pejumope tũnaxũ tatsi xeina jopa nantawenonaeyo xua peexanaewa pocotsiwa Moisés pia peitorobi coyenewatha itoroba xua daxota Nacom jopa atene peexanaewa tsane barapomonaetha.

<sup>18</sup> Daxita waxainchi wajume cowãntsixae Jesucristo pon jiwi Pecanamataxeinaein, jiwi tsita itũtatsi xua bara Nacom pia Pejumope tũnaxũ tatsi jopa juniya naca yawenaeyo. Jopa daichichi icha Moisés ichi poxonae paparuwatha naitabara acata xua jopa peichichipaexae xua peitabara taewatsi ichamonae, tsipei bichocono itabara daedaena xua Nacom pia peitãpanae coicha tatsi. Jame waxainchi jinompatsi xua ichamonae naca jũntũ coyene tane, xua jiwi beta peyaputaenexa xua bara Nacom pon bichocono pexeinaein pejũntũ coyene xanepanaewa. Nacom pia Pejumope tũnaxũ tatsi naca yawena ducuaenaebiyaena bexa tsane xua waxeinaponaewa tsane pena jũntũ coyenewan. Icha Jesucristo ichi pia jũntũ coyenewatha, barichi tsainchi xua wajũntũ coyenewantha xua poxonae jinompatsi.

## 4

<sup>1</sup> Nacom pata tanaantobexae pana cata barapo penacuichiwa. Daxota paxan jopa barana paajũntũcoyenefaetabiya cueicueijanyo Nacom Pejume Diwesi.

<sup>2</sup> Jopa paexanaeinyo xua pata yabara cueicueijejiwa po coyene ba jiwi aura exanatsi po coyene jiwi moya yawũn xeina. Mataũtano jopa paexanaeinyo po coyene xua pata muxujainyabiya paebiwa. Barichi jopa payabara jume toxeinchiya exanaeinyo

Nacom Pejume Diwesi xua poxonae ichamonae pata cana exanaenexa xua Jesús pejume cowantsiwatsi. Nama apara seicaya papaeban pexainyei jume diwesi. Daxota poxonae daxita jiwi pana nejume tane pia jantɩ coyenein tsipaebatsi xua bara xainyeya papaeban. Nacom pana jume tane daxita pocotsiwa papaeban.

<sup>3</sup> Poxonae Nacom pia pecapanenebiyae diwesi jume pacueicueijan, icha jiwi jopa yaputaeyo baxua, apara poxoru barapomonaе weraweracaena, jopa pejume cowantsixae.

<sup>4</sup> Jiton ba pon peitata quirein jopa itacɩpaetsi xua petaewa. Bara pocotsi jɩta coyeneya ichi pomonaе weraweracaena jopa itacɩpaetsi xua pejume cowantsiwa Nacom. Caurimonaе pia pentacaponaein tatsi jiwi jantɩ coyene itorobatsi barapo cae pin nacuathe. Bapon barapomonaе cana exanatsi xua jopa peyaputaewa. Daxota jopa Cristo jume cowantsichi. Matautano bapon jopa copatsiyo xua barapomonaе peyabara jume cowantsiwa Nacom pia pecapanenebiyae diwesi tatsi. Barapo diwesi bichocono wanae xua yabara caunuta xua Cristo pexeinya peitɩpanae coicha xeina. Bapon Cristo bara Nacom cui jɩpatsi.

<sup>5</sup> Poxonae pacueicueijan, apara jopa pata coutha pana nayabara cueicueijanyo. Apara Jesucristo payabara cueicueijan xua bapon yatsicaya pepa Wanacanamataxeinaein. Paxan amanaya panacuitan paxam nexa pata taantobexae Jesús.

<sup>6</sup> Nacom pon xua jeye: “Barabɩ pecoicha ba pentha pequireiwatha”, jei. Bapon Nacom exana xua pepatopaewa pata jantɩ coyeneintha pia pexeinya jume diwesi tatsi, po diwesi copiya jopa pata yaputaewa. Pata jantɩ coyeneintha pata xeinaexae barapo diwesi pana itacɩpa xua pata yabara yaputaewa Nacom pia pexeinya peitɩpanae coicha xua paxan patan, xua Jesucristo pata itabara taewa.

*Meje xua Pablo yabara paeba xua pejinompaeya coyenewa xua pejume cowantsi coyeneyatha*

<sup>7</sup> Paxeinan pata jantɩ coyeneintha peyaputae coyenewa po peyaputae coyenewa pana cana exana xua pata yabara yaputaewa Nacom pia pexeinya peitɩpanae coicha. Pata pepon saya bichoina weraweraca icha juruwato ichi xua bichoina weraweraca. Pata xeinaexae Nacom pia peyaputae coyenewa, daxota ichamonae patsita itapeinya xeinan xua peayapusɩ itorobi coyenewa paxeinan xua Nacom pana cata. Daxota apara Nacom piawa, jopa apara patawiyo.

<sup>8</sup> Bequein jiwi ichawa beya pana jantɩ coyene jɩjɩta xua abe pata exanaenexa poxonaе abe painta exana, ichitha awiya pana itacɩpa xua pata panenebiwa bara weya. Bequein bichocono yabara pana najantɩ coyene exaban pocotsiwa jiwi painta exana, ichitha awiya jopa paajantɩcoyenefaetabinyo.

<sup>9</sup> Bequein jiwi pana nepu baraina pia abe pata neexanaetsi ichitha Nacom jopa pana copabiyo xua compa pan xua pata necuenta ponaewa. Bequein barapomonaе iratha pana bebai xua pata tanejutebiwa tsane, ichitha Nacom jopa pana copabiyo xua barapomonaе pata tanejutebiwa.

<sup>10</sup> Daxita nacuantha ichaxota paponeiban jiwi abe pana exaneiba. Barapomonaе pana wan dubeiba pata tanejutebeibiwa tsane icha Jesús ichichi xua bexotsi. Poxonaе jopa pabobenaеinyo xua ichamonae jopa pata tanejutebiwa, baxua patsita itapeinya xeinan jiwi xua apara Jesús asɩ pon pata taneyawenaexae pia peayapusɩ coyenewatha.

<sup>11</sup> Poxonaе cataunxuae pajinompan barapo cae pin nacuathe jiwi ichichipa pata tanejutebeibiwa pata yabara paebi dubenanaebiyaexae Jesús. Daxota baxua jiwitha patsita itapeinya xeinan xua xaniwaicha bara Jesús pana yantsiya popona poxonaе jiwi pana wan tane xua poxonaе bequein muxu pata bobeneibi.

<sup>12</sup> Pata yabara paebixae Jesucristo jiwi muxu pata tanejutebeibi. Ichitha pata yabara paebixae Jesucristo daxota peajantɩyapusɩwa paxeiname po peajantɩyapusɩwa ataya tsiteca.



<sup>13</sup> Nacom Pejume Diwesitha jeye: “Jume cowantan daxota cueicueijan”, jei. Paxan pajume cowantan icha David ichi xua poxonae baxua paeba. Irũũ paxandũ pajume cowantan daxota pacueicueijan.

<sup>14</sup> Payaputan xua Nacom Jesús asũ exanatsi xua petũpae cuiru coyene weya pon jiwi Pecanamataxeinaein. Barichi tsane Nacom asũ naca exanaena petũpae cuiru coyene weya, caemonae waexanaexaetsi Jesustha. Paxan irũ paxamdũ Nacom naca caponaena pia xainya beicha.

<sup>15</sup> Daxita pocotsiwan xua ichamonae pana necana exana xua paatanein baxuan paca yawena xua painya nejume cowantsinexa. Poxonae jiwi equeicha mataropeicha jume cocowantaponaena Cristo, baroxonae ayei jiwi Nacom wũnae jainchinchí, jei tsane: “Nacom maisa pajũntũ coyene weiweinan xua pata taneyawenaewam pata taneantobexaemxae”, jei tsane. Baroxonae jiwi bichocono wũnae jainchina Nacom xua bapon bara beta peexanaexae.

<sup>16</sup> Daxota jopa barana paajũntũcoyenefaetabiya jinompaein. Pata pepon fifinapona. Ichitha pata jũntũ coyene equeicha mataropeichiya asũya ayapusũ tsoponeibi daxita matabin.

<sup>17</sup> Po coyenein xua barapo cae pin nacuathe ichamonae atene pata tana neexanaewa jopa pana netsita ainya cuiyo tsipei saya bara caeto pana atene exana. Barapo atenewa pata tana neexanaewa pana neyabara nacui wũnaeta xua bexa tsane Nacom pata tana necatsibiwa tsane po coyenein xua bichocono wũnae xua po coyene ataya pata xeinaewa tsane po coyene xua pexeinya peitũpanae coichaxae.

<sup>18</sup> Jopa bichocono pacayabara nanta xeineibinyo po coyenein painta daunwei xua jiwi atene pata tana neexaneibixae barapo cae pin nacuathe. Jame maisa bichocono pacayabara nanta xeinan po coyenein xua Nacom pana jũntũ coyene weiweina exanaena. Pocotsiwan xua jiwi pana necana exana barapo cae pin nacuathe weraweracaena. Nama xua pocotsiwan Nacom painta exanaena baxua ataya ayapusũ tsopona.

## 5

<sup>1</sup> Pata pepon xua saya pata yawa jinompaenexa barapo cae pin nacuathe nexa icha bouto ichi xua saya pecuenta werapaenexa barapo cae pin nacuathe. Poxonae pawerapaein pata pepon weraweracaena icha bouto ichi. Baroxonae payaputan xua Nacom icha pepon painta xeina xua pena pepon pia nacuatheicha. Barapo pepon ataya payawa jinompaein. Barapo pena pepon Nacom exana, jiwi jopa exanaeyo.

<sup>2</sup> Anoxuae bichocono pana najũntũ coyene exaban tsipei bichocono bepaxeinaein icha pena pepon po pena pepon Nacom xeina pia nacuatheicha.

<sup>3</sup> Barapo pena pepon Nacom pana cata xua jopa pata jinompaenexa athabeicha poxonae jopa paxeinaein po pepon.

<sup>4</sup> Poxonae cataunxuae barapo pepon payawa jinompan barapo cae pin nacuathe bichocono pana najũntũ coyene exaban tsipei jiwi painta ayapube exana pata pepontha. Ichitha jopa paichichipaeinyo xua pata jinompaewa be poxonae jopa paxeinaein po pepon peru pepon xua pata bebeixae. Jame paichichipan xua pata yawa jinompaewa pena pepon. Po pepon anoxuae payawa jinompan saya werapaena. Paichichipan xua equeicha pata xeinaewa pena pepon po pena pepon xua ataya asũya pata yawa jinompaewa tsane.

<sup>5</sup> Nacom pana necui yabara wũnaeta xua barapo pena pepon pana catsina. Nacom pana cata pia Pejumope tũnaxũ tatsi xua pana netsita itapeinya xeina xua bexa tsane Nacom pena pepon xaniwaicha pana catsina.

<sup>6</sup> Daxita matabin ajũntũsũya pajume cowanteiban Nacom pon jiwi Pecanamataxeinaein. Payaputan xua poxonae cataunxuae barapo cae pin nacuathe payawa jinompan barapo peru pepon. Cataunxuae yatsicaya Jesucristo taju tsana pana cuenta eca, jopa cataunxuae pata xeinaexae barapo pena pepon.

<sup>7</sup> Pajinompan pata jume cowantsiya coyeneyatha Jesús, xua bapon exanaena pocotsiwan bapon paeba, bequein cataunxuae jopa pana nebar<sup>u</sup> jinompaeyo itabocotheicha. Apra jopa pajinompaeyo xua pata tataewaxae ichawa.

<sup>8</sup> Ajuntusuya pajume cowanteiban Nacom. Paichichipan pata bebeiwa barapo peru pepon xua po pepon anoxuae payawa jinompan pata jinompaenexa ichaxota Jesús popona pon jiwi Pecanamataxeinaein.

<sup>9</sup> Bichocono paichichipan xua pata exanaewa pocotsiwa bapon Jesús pon jiwi Pecanamataxeinaein ichichipa bequein barapo pepon payawa jinompan barapo cae pin nacuathe, matautano ichacuitha metha bequein poxonae painompan Nacom pia nacuatha.

<sup>10</sup> Bexa tsane daxita waxainchi bewa umenaeinchi Cristo peitabaratha. Bapoxonae barapo mataqueitha bapon yabara paebina jiwi xua penatsicuentsiwa xua abe peexanaexae Nacomtha. Daxita barompaya matoma xeinaena pocotsiwa pia peexanaexae poxonae cataunxuae jinompa barapo cae pin nacuathe. Pomonae w<sup>u</sup>naeya tanacuita xuya w<sup>u</sup>naeya matoma catsibinchi. Pomonae jopa xapain tanacuichiyo xuya antomabeya catsibinchi.

*Meje xua Pablo yabara paeba xua j<sup>u</sup>ntema pejinompaeyo coyenewa yabara*

<sup>11</sup> Yaitama payaputan xua bewa pacunuwin Nacom pon jiwi Pecanamataxeinaein pata bar<sup>u</sup> cui itura jinaenexa bapon. Daxota pamuxuwetan jiwi xua bewa jume cowantsina Jesús. Nacom pana j<sup>u</sup>nt<sup>u</sup> coyene yaputane xua xainyeya bepataexanaein. Barichi paichichipan xua paxam pana j<sup>u</sup>nt<sup>u</sup> coyene yaputaneme beta.

<sup>12</sup> Paxan jopa paichichipaeinyo xua pata coutha pata nayabara paebiwa xua pata paca catsipaebiwa tsainchi xua pata ainya cui jiwixae xua daxota pata tanebar<sup>u</sup> cui itura jinaewam tsane. Jame nama paca tsipaebatsi po coyene xua pana nayabara paeban xua painya pata taneweyataenexa. Matautano paca tsipaebatsi xua ichamonae painya nejume noteibinexa poxonae ichamonae abeya pana neyabara paebeiba. Barapomonae pia coutha atsaquiya nayabara paeba xua daxita xanepanaya peexanaexae po coyenein xua jiwi cui tane. Ichitha barapomonae jopa naj<sup>u</sup>nt<sup>u</sup> coyene yabara tsaqueinaeyo xua po j<sup>u</sup>nt<sup>u</sup> coyenein xeina pia j<sup>u</sup>nt<sup>u</sup> coyeneintha po j<sup>u</sup>nt<sup>u</sup> coyene jopa w<sup>u</sup>naeyo.

<sup>13</sup> Barapomonae pana neyabara nanta xeina xua paxan pomonae pata tanentsiyabi jiwi pan xua poxonae pata cueicueijeixae Nacom Pejume Diwesi. Icha barapomonae baxua pana neyabara nanta xeina apra poxoru Nacom pata taantobexae. Icha barapomonae jopa pana yabara nanta xeinaeyo xua paxan pomonae pata tanentsiyabi jiwi pan, apra poxoru saya pata paca yawenaexaetsi.

<sup>14</sup> Cristo pata tana neantobexae paichichipan xua pata tatanacuichiwanexa bapon. Bara xaniwaicha payaputan xua Cristo tsit<sup>u</sup>pa daxita jiwi pomonae pia pejume cowantsiwichixaetsi. Daxota Nacom patsitan xua paxan be pomonae pata werapaewi pan abe pata exanaexae.

<sup>15</sup> Cristo tsit<sup>u</sup>pa daxita jiwi, xua daxita jiwi pejinompaenexa Cristo nexa peexanaexae pocotsiwa bapon tsita xanepanatsi. Barapoxonae jopa jinompaeyo tsane po coyeneya poxonae tsita xanepanatsi barapomonae. Jame barapomonae bewa jinompaeyo Cristo nexa pon naetotha t<sup>u</sup>pa xuano xua equeicha as<sup>u</sup> exanatsi.

<sup>16</sup> Anoxuae jopa payabara nanta xeinaeyo xua pata yaputaewa jiwi pia pej<sup>u</sup>nt<sup>u</sup> coyenein tatsi xua saya poxonae pacui tan poxonae po coyenein exana icha pomonae jopa pejume cowantsiwi ichi. Barapomonae nanta xeineiba xua jiwi pej<sup>u</sup>nt<sup>u</sup> coyene yaputaenexatsi xua saya poxonae cui tainchi xua exaneiba. Bequein copiya bayatha Cristo jopa w<sup>u</sup>naeya payabara nanta xeinaeyo, ichitha anoxuae jopa baxua paraichinyo poxoru anoxuae bara xaniwaicha payaputan bapon.

<sup>17</sup> Pon caein naexana Cristotha pejume cowantsixae bapon pena juntu coyene xeina. Po coyenein xua bayatha exana xua peru juntu coyenein weraweracaena. Anoxuae equeicha icha pena juntu coyenein exanaena.

<sup>18</sup> Daxita barapo pena juntu coyenein Nacom werena pona. Nacom naca cana exana xua piamonae jiwi tatsichi pomonaexaetsi bequein copiya Nacom pia peitafaetabi jiwi tatsichi. Baxua Nacom naca cana exana Cristo wanaca tsitapaexae. Matautano Nacom pana itoroba xua paxan xuya ichamonaetha pata cana exanaenexa Nacom piamonae tatsi pomonaexae bequein copiya Nacom pia peitafaetabi jiwichi.

<sup>19</sup> Pocotsiwa xuaunxuae paca tsipaebatsi xua apara meje: Nacom juntema jinompa cana exana barapo cae pin nacuathe pomonae copiya pia peitafaetabi jiwichi poxonae barapomonae yabara jume cowanta xua Cristo tsitapa barapo jiwi. Bapoxonae Nacom jopa tsitatsi xua barapo jiwi penatsicuentisiwa xua abe peexanaexae. Matautano Nacom pana cata penacuichiwa po penacuichiwa xua pata cueicueijeinexa jiwitha. Po diwesi yabara xua Nacom piamonae cana exana jiwi, pomonae bequein copiya pia peitafaetabi jiwichi, barapo diwesi pacueicueijan.

<sup>20</sup> Paxan pomonae Cristo pata taneitorobi jiwi pan pata cueicueijeinexa bapon nexa. Bequein bara paxan paca tsipaebatsi, apara jame yatsicaewa Nacom paca tsipaeba poxonae paca tsipaebatsi. Cristo patacueicueijan poxonae jume daunweya paca jeichi: “Pana nacui barapende abe painya neexanae cuiru coyenein. Pajume cowande Cristo caemonae painya nenaexanaenexa Nacomtha”, paca jeichi.

<sup>21</sup> Cristo bapana jopa abe exanae. Ichitha Nacom tsitatsi xua Cristo penatsicuentisiwa xua poxoru abe waexanaexae. Bapoxonae Nacom naca cana exana xua caemonae wanaexanaewa bapontha xua wajuntu coyenein xanepanaenexa Cristo pia peexanaexae poxonae naca tsitapa. Bapoxonae Nacom tsitatsi xua jopa watsita nat-sicuentisiwa bequein abe waexanaethatsi.

## 6

<sup>1</sup> Nacom pata tana nebaru nacuita dubenanaebiyaxae, jume daunweya paca muxu tsipaebiya jeichi: “Painya xoba panaitematame po diwesi xua Nacom paca cata paca necaantobexae. Barapo diwesi apara xua Nacom juntu coyene xanepana exana jiwi pomonae pejume cowantsixae”, paca jeichi.

<sup>2</sup> Tsipei Nacom, pewunaeya poxonae xua jiwi yabara cui cananta xeinaeinchi peyawenaenexa tsainchi, Nacom Pejume Diwesitha namchi, jeye:

“Po matacabi jiwi yabara cui cananta xeinaein tayawenaenexa tsane, barapo mataqueitha paca jume taeinchi.

Po matacabitha jiwi capanenebiyaein paxam yawa paca yawenaeinchi”,  
jei Nacom Pejume Diwesitha.

Anoxuae apara barapo matacabi jopa, po mataqueitha Nacom naca yabara cui cananta xeina wanaca yawenaenexa.

<sup>3</sup> Poxonae Nacom patanacuita dubenanaebiyen paichichipan xua daxita jiwi xaniwaicha pata tatsita jinompaewa, xua daxota daxita jiwi pejume cowantsiwanexa. Jopa abe paexanaeinyo bequein xua tsiwiyo xua abe pata exanaewa xua jiwi pata nejume aebiyainwa Nacom Pejume Diwesi poxonae patsipaeban.

<sup>4</sup> Jame apara daxita beta paexana dubenanaebiyen jiwi pata tsita itapeinya xeinaewa xua apara jiwi pata taneyaputaenexa xua Nacom patanacuitan. Baxua paexanan poxonae awiya saya juntema pajinompan poxonae bequein ichamonaetha atene pana exana, xuano bequein painta seica pocotsiwa panantawenonan, xuano bequein poxonae bichocono painta yapu daunwei tsaibi poxonae paexaneiban.

<sup>5</sup> Ichacuitha jiwi pana beiba bichocono. Matautano ichacuitha jiwi pana cuara-nobeiba jiwi pecubi bontha. Matautano ichacuitha jiwi ayei jiwi anaepanaya pana net-saquibabeiba poxonae jiwi ayei acucu. Poxonae panacuiteiban, bichocono ayapusya panacuiteiban. Ichacuitha merawitha jopa pamaiteibinyo tsipei saya paexaneiban Nacom pia penacuichiwa tatsi. Ichacuitha tsaibi bichocono pajainpeiban.

<sup>6</sup> Jiwi patsita itapeinya xeinan xua paxan pomonae Nacom pia petanacuichi jiwi tatsi pan xua Nacom pata tsita juntu coyene xanepanaexae, matautano tsipei poxoru paya-putan pocotsiwa pexainyei jume, matautano jopa pata casebixae pomonae bequein painta abe exana, xuano xua xanepanaya pata taexanaexae ichamonae, matautano Nacom pia Pejumope tuxaxu tatsi pata tanebaru jinompaexae, xuano xua ichamonae xaniwaicha pata taantobexae.

<sup>7</sup> Bara xaniwaicha payabara paeban po coyene pexainyeiwa. Paxan paxeinan Nacom pia peayapusu itorobi coyenewa tatsi. Pata Nacom pata tsita juntu coyene xanepanaexae, paxeinan pocotsi coyenewa xua panantawenonan xua pata tacueicuei-jeinexa Nacom. Paxan panacui wetan xua Nacom patanacuitan.

<sup>8</sup> Ichacuitha jiwi pana nebaru cui itura jineiba, ichamonae jopa pana tsita daicheibiyo. Ichacuitha ichamonae wunaeya pana neyabara paebeiba. Ichacuitha ichamonae abeya pana neyabara paebeiba. Ichamonae pana neyabara paebeiba xua paxan pomonae jiwi pata muxutorobi jiwi pan. Ichamonae pana neyabara paebeiba xua paxan pomonae apara xaniwaicha pata paebi jiwi pan.

<sup>9</sup> Ichacuitha ichamonae jopa ichipaeyo xua pata taneyabara yaputaewa xua paxan Jesús pia peitorobi jiwi tatsi pan. Pana yabara nanta xeina xua saya jiwi pan bequein daxita jiwi bara xaniwaicha pana neyaputane xua paxan Jesús pia peitorobi jiwi tatsi pan. Ichacuitha ichamonae pana neyabara nanta xeineiba xua paxan bara imoxoyo muxu pata bobeneibi, ichitha awiya asya pajinompeiban. Jiwi pana neatene exaneiba, ichitha jopa pana nejutebeibiyo.

<sup>10</sup> Bequein ichacuitha bara pajuntu coyene wecoyan pata painta exanaexae ichamonae, daichitha awiya pajuntu coyene weiweinaya jinompeiban. Metha bequein paxan be pomonae peacopeibiwi pan tsipae ichitha paxeinan nawita Nacom weya pocotsiwan xua payawenan ichamonae. Bapoxonae barapo ichamonae be pomonae copei pexeinaewi naexana tsipei jume cowanta Nacom Pejume Diwesi xua papaeban. Bequein bara be pomonae jopa pata xeinae jiwi pan pocotsiwa xeina po cae pin nacuathe, daichitha apara bara paxeinan daxita po coyenein Nacom pana cata po coyenein xua jopa peweraweracaewa.

<sup>11</sup> Tamonae pam, paxam pomonae Corinto tomarapiwi pam. Daxita xua po coyenein tajuntu coyenewatha nanta xeinan baxuan paca tsipaebatsi. ¡Bichocono tajuntu coyenewatha paca antobetsi!

<sup>12</sup> Amanaya bichocono jopa juniya paca antobetsi. Ichitha nama paxam barapomonae pam, pomonae pam jopa paichichipaem xua painyamonaе jiwi tapana nexanaewam.

<sup>13</sup> Xan paca tsipaebatsi xua be poxonae icha coxiyuxn ichi xua tsipaeba pia pexuyotha. Paca jeichi: “Xuya daxita painya nejuntu coyenewatha paneantobeinde icha paca ichichi xua tapaca antobewatsi bichocono”, paca jeichi.

*Meje poxonae Pablo jeye: “Icha Nacom ichi xua popona pia pin botha barichi Nacom pana nebaru jinompa”, jei*

<sup>14</sup> Jopa caemonae pana naexanaeinde pomonaetha pomonae jopa pejume cowantsi jiwi. Tsipei pon pejuntu coyene xanepanaein jopa itacupaetsi xua pecueyatsiwa pontha pon peajuntucoyenebein. Barichi xua pequireiwatha peyonoyoneiwa jopa itacupaetsi xua quirei tsanaya baxota, awiya peyonoyoneixae.

<sup>15</sup> Barichi Cristo pon xanepanaya peexaneibin jopa itacupaetsi xua pecueyatsiwa caurimonae pia pentacaponaeintha tatsi, pon abe peexaneibin. Barichi pon pejume cowantsin jopa itacupaetsi xua pecueyatsiwa pontha pon jopa pejume cowantsin, poxoru jopa jupaeyo xua nanta xeinabe.

<sup>16</sup> Barichi Nacom pin pia botha jiwi jopa bewa wuna jainchina ibo nacomun. Saya meisa bewa wuna jainchina Nacom barapo botha. Nacom patsitan xua paxan bara be Nacom pin pia bo tatsi. Icha Nacom ichi xua popona pia pin pia botha, barichi Nacom naca baru jinompa, pon ataya asuya popona. Nacom caena bayatha baxua yabara jeye: “Barapomonaе baru poponaein yawa cueyata ducuaenaebiyaein.

Matautano barapomonaе pia Nacomun

tatsin tsane.

Barapomonaе tamonaе naexanaena”, jei Nacom.

<sup>17</sup> Daxota Nacom pon Pecanamataxeinaein jiwi, equeicha yabara paeba pomonaе jopa pejume cowantsiwi. Nacom piamonaetha jeye:

“Barapomonaе pia xainya weya paponare.

Jopa caemonaе pana nayawa

exanaeinde barapomonaе.

Jopa paexanaeinde peabe coyene po

coyene barapomonaе exana.

Nexata xan paca matenta weyataeya wabinchi.

<sup>18</sup> Xan naexanan xua xan painya Axan.

Matautano paxam taxanton jiwi pam tsane,

xuano iru taxantixi jiwi pamdu”,

jei Nacom piamonaetha pon daxita peayapusu

itorobi coyenewan pexeinaein.

## 7

<sup>1</sup> Tamonaе pam, paxam pomonaе tapaca caantobe jiwichi pam. Xuaunxuae po diwesi paca tsipaebatsi baraxuan apara Nacom yabara naca tsiwunaе muxu duta xua pocotsiwa wanaca cana exanaewa. Daxota waxainchi bewa daxita abe waexanae cuiru coyenewan pentichi po coyenewan xua wapepon exana, xuano xua wajuntu coyene nanta xeinano. Matautano bewa xua Nacom junuwiya wabarun cui itura jinaewatsi tsainchi. Matautano bewa xanepanaya exanaponaetsi beya poxonaе bichocono Nacom watsita juntu coyene xanepanaewa tsane xua jopa wanatsicuentaе xua abe waexanaeae bapontha.

*Meje xua poxonaе Corinto tomarapiwi icha juntu coyene xeina xua Jesús pejume cowantsixaetsi*

<sup>2</sup> Equeicha caewa pana neantobeinde tsipei paxan jopa abe pacata exanaetsi. Paxan jopa abeya pamatacaponaеinyo ichamonaе xua xuya abe peexanaenexa. Matautano ichamonaе jopa pamuxujainyabeibinyo.

<sup>3</sup> Jopa baraxua paca tsipaebichi xua paca yabara paebatsi xua abe painya neexanaewam. Bayatha copiya paca tsipaebatsi, paca jeichi: “Tajuntu coyenewatha bichocono paca antobetsi, bequein metha poxonaе paca baru werapaetsipatsi, xuano metha bequein poxonaе paca baru jinompaetsipatsino”, paca jeichi.

<sup>4</sup> Bara bichocono paca yabara jume cowuntatsi xua po coyene tapaca catsipaebiwatsi tsainchi pocotsiwa tajuntu coyenewatha nanta xeinan xua pocotsiwa painya neexanaenexa tsane. Matautano paca yabara wuna jaintatsi poxonaе ichamonaе tsipaeban poxoru tapaca cui yabara paebixaetsi. Bequein ichamonaе atene neexana, daichitha poxonaе jume tan pocotsiwa paexaname pana nejuntu coyene tsacaba exaname xua



juntema tapoponaewa. Matautano barichi bichocono panejuntu coyene weiweina exaname.

<sup>5</sup> Poxonae po mataqueitha weya papatan Macedonia nacua weya jopa cuinaya juntema painompaeinyo xua jiwi abe pata tana necana exanaewa daxita coyeneintha. Pomonae jopa pejume cowantsiwi bichocono pana casebeiba pata natsipei cueicuei-jeixae Jesús pejume diwesi. Barichi pomonae pejume cowantsiwi junuwiya payabara najuntu coyene exabeiban nawita xua jopa xanepanaya pejinompaewa tsipae.

<sup>6</sup> Daichitha Nacom pana juntu cui coyene tsacaba xua juntema pata jinompaewa poxonae bequein paatanein tsaibi. Barapon Nacom apara pon jiwi cana exanatsi xua juntema pejinompaewa poxonae bequein juntu coyene wecoyei. Baxua Nacom pana necana exana poxonae Tito patopa pata xantha.

<sup>7</sup> Pajuntu coyene weiweinan xua bapon pepatopaexae. Ichitha jame yatsicaewa pana nejuntu coyene tsacabame xua poxonae bapon pana netsipaeba xua pinae xanepanaya pata exaname bapon. Bapon pana netsipaeba paxam yabara xua pinae pajam: “Maísa Pablobaru bepataebenaen. Bichocono pawecoyan yaitama Pablobaru abe exanatsi ichamonae. Daxota payabara najuntu coyene exaban bapon”, pinae pajam. Poxonae baxua jume tan bichocono juntu coyene weiweinan.

<sup>8</sup> Bequein xan paca juntu coyene wecoyei exanatsi xua po cartatha copiya pacata tinatsi, daichitha anoxuae baxua jopa yabara auranyo bequein copiyatha yabara auran baxua. Barapo carta saya bara caeto paca juntu coyene wecoyei exana.

<sup>9</sup> Ichitha anoxuae juntu coyene weiweinan xua jopa apara poxoru painya nejuntu coyene wecoyeixae poxonae payorobame barapo carta, saya apara jame poxoru Nacom icha juntu coyene painya netsita xeinaexae. Paxam pajuntu coyene wecoyam icha be pocotsi coyeneya Nacom peichichipaewa xua abe painya neexanaexae. Daxota paxan jopa abe pacata exanaetsi.

<sup>10</sup> Poxonae jiwi juntu coyene wecoyei icha be pocotsi coyeneya Nacom ichichipa, barapo peitanuwetha jiwi cana exanatsi xua peurawa abe peexanaexae bapoxonae barapo jiwi Nacom jume cowantatsi. Bapoxonae Nacom jopa tsita natsicuentichi xua abe peexanaexae. Barapomonae icha juntu coyenein xeina poxonae barapomonae capanenebiyatsi abe pia peexanae cuiru coyenein weya tatsi. Bapoxonae barapomonae jopa bewa aura tsane xua copiya juntu coyene wecoyei. Ichamonae pomonae jopa pejume cowantsiwi Nacom, poxonae barapomonae wecoyei xua jopa peuraxae poxonae abe exana, ichitha barapo itanuwetha barapomonae jopa yawenaetsi. Apra saya barapomonae werapaena Nacom petsita abe exanaexaetsi.

<sup>11</sup> Po itanuwe Nacom pacata copata bayatha jame barapo itanuwe paca yawena. Barapo itanuwe paca exana xua paca juntu coyene tsacaba xua beta painya neexanaenexa. Matautano paca exana xua pacui yabara nanta xeiname pon abe peexanaen. Bapoxonae nainya paitawetame bapon, abe peexanaexae. Barichi be patsita itapeinya xeiname Nacom xua paxam jopa panatsicuentisim xua jopa be barapocotsi coyenewiyo pocotsi coyenewa xua bapon exana. Matautano paauram xua painya necopatsiwa bapon xua bara abe peexanaewa. Matautano pajunuwame xua Nacom atene paca exana poxoru bapon abe peexanaexae. Bapoxonae be pabebam painya xainya weya po coyene xua bichocono abe. Daxota paitawetame bapon. Daxita beta paexaname. Painya netsita itapeinya xeinaewa Nacomtha xua apra daxita paxam jopa abe paexanaem. Saya meisa bapon abe peexanaexae.

<sup>12</sup> Bayatha pacata tinatsi po carta xua paca itanuwe exana xua Nacom painya tsita itapeinya xeinaenexa xua xaniwaicha bara pana neantobem painya neexanaexae pocotsiwa paca itorobatsi. Apra jopa pacata tinaetsi xua saya poxoru tayabara nanta xeinaexae pon abe exana, xuano iru pon coseuri pitatsi, xua tayawenaewa tsane.

<sup>13</sup> Pata taneantobemxaem pana nejuntu coyene tsacabame xua tajuntu coyene weiweinaewa.

Barichiru daxita paxam Tito pajuntu coyene cui tsacabame daxita pocotsiwantha xua beta painya paebixaem bapontha. Jame yatsicaewa bapoxonae bichocono pajuntu coyene weiweinan xua poxonae Tito pacana exaname, beyacaincha poxonae pana necana exaname xua poxonae pajuntu coyene weiweinan.

<sup>14</sup> Poxonae Tito taxainya weya bara muxu peponaeba matha beta paca yabara paebatsi bapontha, janje: “Maisa Corinto tomarapiwi pomonae pejume cowantsiwi weyatan xua bichocono pejuntu coyene xanepanaexae Nacomtha”, jan. Paxam jopa panejuntu coyene aura exanaem. Xua ba paca tsipaebibatsi baraxua bara pexainyeiwa tsaibi. Matautano pocotsiwa paca yabara paebatsi Titotha baxua apara bara pexainyeiwano iru.

<sup>15</sup> Bapon Tito bichocono paca antobe anoxuae beyacaincha poxonae cataunxuae jopa paca siwa ponaeyo. Bapon paca yabara jantanaina xua paxam pabarum jume pejam tsaibi pocotsiwa paca itorobeiba. Matautano bapon pantenta weyataeya wabame painya barum itura jinaexae bapon. Matautano pajunuweibame xua abe painya neexanaeyainwa bapon.

<sup>16</sup> Maisa bichocono juntu coyene weiweinan xua tapaca yabara jume cowantsiwatsi xua daxita coyenewan painya neexanaewaxae po coyene xua wanae.

## 8

*Meje xua poxonae Pablo yabara paeba xua Cristo piamonae tatsi paratixi pecacomocae paratixi jebapona pomonae peacopeibiwi nexa*

<sup>1</sup> Tamonae pam, paichichipan xua painya neyabara yaputaewa xua Nacom pia peyawenaewa jiwi, pia peantobexae. Ichichipan xua tapaca tsipaebiwatsi po coyene Nacom tsita itapeinya xeina barapo pia peantobe coyenewa pomonaetha pomonae pejume cowantsiwichi, pomonae penacaetutsi bonmonae jiwi xua pomonae wanae pejainteibiwi Nacom pomonae xua Macedonia nacuatha jinompa.

<sup>2</sup> Bequein barapomonae bichocono daunweya juntu coyene jujatatsi poxonae ichamonae abe taexana barapomonaetha, daichitha awiya cataunxuae barapomonae juntu coyene weiweina. Bequein barapomonae peacopeibi jiwi, daichitha barapomonae catsibeiba nawita paratixi pecacomocae paratixi petaitorobinexa pomonaetha pomonae peacopeibi jiwi Jerusalen tomarapiwi be poxonae yatsicaewa pepa copei pexeinaewi.

<sup>3</sup> Xan tan xua barapomonae cata nawita be po coyeneya xua daxita itacupatsi xua pecatsibiwa. Matautano ichawano catsiba beyacaincha xua poxonae itacupatsi xua pecatsibiwa.

<sup>4</sup> Barapomonae bichocono pana muxu fayacotsiya jeye: “Bara pana copare xua bara Jerusalen tomarapiwi patacatsibinexa paratixi pecacomocae paratixi pomonae iru pejume cowantsiwi, pomonae peacopeibi jiwi”, pana jei.

<sup>5</sup> Barapomonae baxua exana beyacaincha xua pocotsiwa pananta xeinan xua barapomonae itacupatsi xua pocotsi coyeneya pecatsibiwa tsane. Matautano barapomonae juntucuru nanta xeina xua bara petanacuichinexa tsane Nacom nexa daxita pejuntu coyeneinyatha. Bapoxonae juntucuru nanta xeina xua barapomonae bara pata taneyawenaenexa tsane be pocotsi coyeneya Nacom ichichipa.

<sup>6</sup> Daxota Tito paitoroban xua nacui wetsina xua penonotaponaewa tsane paratixi pecacomocae paratixi, tsipei bapon bayatha caena tamropata pitaba xua penonotaponaewa paratixi painya xantha. Poxonae barapo paratixi pacatsibaponame bara pexeinya coyene paexanaponame peacopeibiwitha painya neantobewaxae.

<sup>7</sup> Paxam bichocono jopa juniya paxeinaem po coyenein xua painya neexanaewa. Bichocono pajume cowantame Nacom. Matautano betiya pacueicueijam Nacom Pejume Diwesi, xuano bichocono payabara yaputaneme Nacom Pejume Diwesi. Matautano

bichocono painya juntu coyenewatha paichichipame xua ichamonae painya neyawenaewa. Matautano bichocono pana neantobem. Daxota bichocono jopa juniya tox-einchiya paexanaeinde xua painya neyawenaewa xua poxonae paratixi pacatsibame pomonaetha pomonae iru pejume cowantsiwixae. Baraxua paexande painya neantobexae barapomonae.

<sup>8</sup> Poxonae baxua paca tsipaebatsi jopa paca itorobichi xua painya neexanaewanexa. Saya apara jame paca tsipaebatsi baxua xua tayaputaenexa icha bara metha paxam bichocono paantobem ichamonae icha Macedonia nacuamonaepiwi ichi. Barapomonae bichocono antobe ichamonae daxota yawena nawita.

<sup>9</sup> Paxam payaputaneme xua Jesucristo naca antobe pon Wanacanamataxeinaein. Jesucristo poxonae Paxatha popona copiya daxita xeina be poxonae yatsicaewa copei pexeinaein. Daichitha bapon pia coutha nacana exana be pocotsin jopa copei pexeinaein poxonae paxa cuenta pona. Poxonae jiton pia coyeneya nacana exana bapoxonae acopeibi nacana exana pia paca necaantobewaxae. Daxota xuya nawita painya nexeiaenae jiwi pam tsane xua po coyenewa Jesucristo xeina.

<sup>10</sup> Paca tsipaebatsi baxua painya tapaca cayawenonaexaetsi. Nanta xeinan xua paxam bewa panacui yabara wetsiname pocotsiwa xua bayatha icha weitha patamropata notarucupame xua paratixi painya nejehebaponaewa Jerusalén tomarapiwi nexa. Baxua bayatha paexaname painya juntu coyeneintha bichocono painya neichichipaexae xua painya neexanaewa baxua.

<sup>11</sup> Icha copiya paichim xua paichichipame nawita xua painya neexanaewa baxua, paexanaponde beya poxonae panacui yabara wetsiname. Padodoutaponde xua be pocotsi coyene paca cui jupa xua pocotsi matoma paxeineibame xua pajiwana tsabeibiname paratixi.

<sup>12</sup> Icha pebin ichichipa xua pecatsiwa paratixi Nacomtha bapon bara nata jiwana wetsatsina paratixi xua catsina be pocotsi coyene xua cui jupatsi xua pecatsiwa. Pocotsiwa bapon cata bara Nacom wecobe pita. Saya poxoru Nacom jopa pewucaexae poxonae pebin bequein jopa xeinaeyo taethatsi. Saya jame icha jiwi cui jupatsi xua pecatsiwa poxonae xeina, bapoxonae jame Nacom wecobe pita.

<sup>13</sup> Jopa paca tsipaebichi xua ichamonae bewa payawenaename xua painya necatsibiwa daxita xua paxeiname xua beya poxonae daxota painya neacopeibiwa tsane.

<sup>14</sup> Saya jame paca tsipaebatsi xua paxam copei pexeinaewi pam iru peacopeibiwi Jerusalén tomarapiwi bewa peburaya jupaeya paxeinaename. Metha anoxuae paxeiname nawita, ichitha barapomonae jopa xeinaeyo. Daxota paxam pomonae nawita painya nexeiaenae jiwi pam bewa pacatsibiname pomonaetha pomonae jopa xeinaeyo pocotsiwa barapomonae nantawenona. Metha bexa tsane barapomonae xeinaena nawita ichitha paxam jopa paxeinaem tsane. Bapoxonae bewa barapomonae xuya paca catsibina pocotsiwa panantawenoname. Bapoxonae daxita pam nanta jupaeya paxeinaename.

<sup>15</sup> Nacom Pejume Diwesitha baxua yabara jeye: “Pon nawita pexeinaein copiya, beyacaincha xua pocotsiwa nantawenona, bapon jiwana wecata ichuntha pocotsiwa xua jopa pecanantawenonaexae. Pon xua tsiwiyo xeina copiya xua daxota taseicatsi pocotsiwa nantawenona, pirapae xeina pocotsiwa pecanantawenonaewa poxoru pon nawita xeina piawa jiwana wecata bapontha”, jei Nacom Pejume Diwesitha.

*Meje xua Tito yabara iru pomonae pia peyanabiwatsiru*

<sup>16</sup> Tsipaeban Nacom, janje: “Nacom maisa juntu coyene weiweinan xua Tito pejuntu coyenewatha yabara nanta xeina ducuaenaebiya Corinto tomarapiwi xua peyawenaenexa barapomonae icha xan ichin”, janje.

17 Bapon Tito juntu coyene weiweina poxonae patsipaeban xua pia paca necayawenonaewa tsane. Daxota anoxuae bapon pia coutha paca siwa ponaena peichichipaexae xua pia paca yawenaetsi.

18 Ichundu paitoroban pon pejume cowantsindu xua Tito pepuna ponaenexatsi. Daxita pomonae pejume cowantsiwi pomonae penacaetuteibi jiwi xua wnae pejain-teibiwi Nacom barapomonae bapon beta yabara nanta xeinatsi, tsipei pinae bapon beta xanepanaya cuiduba Nacom pia pecapanenebiyae diwesi jume.

19 Jopa meisa pebaxuaxae. Jame yawa matautano barapomonae pomonae pejume cowantsiwi peitapetsixae barapo pebin xua bapon pata tanebaru ponaenexa poxonae pacapanan paratixi peacopeibiwitha pata antobexae barapomonae. Barapo penacuichiwa pata exanaexae pabarui itura jinan Nacom pata exanaexae pocotsiwa bapon pana itoroba. Matautano poxonae baxua paexanan patsita itapeinya xeinan xua paichichipan xua nantiya pata tanayawenaewa.

20 Paichichipan xua xaniwaicha beta paexanan poxonae pin paratixi cun pacaponan xua jiwi abe pata neyabara paebiyainwa.

21 Paichichipan nawita xua xainyeya pata exanaewa Nacom peitabaratha tatsi xuano xua jiwi peitatha tatsino.

22 Barichino ichanno paitoroban pon pejume cowantsindu xua baponbe Tito pepuna ponaenexa tsainchibe. Bapon pon cotacaya paitoroban, pajuntu coyene jujutan pata yaputaenexa icha bara metha beta nacuita Nacom nexa. Bara bapon beta jume cowanta ducuaenaebiya. Daxota bapon iru paitoroban. Bapon ichichipa nawita xua pia paca yawenaewa tsane pia paca yabara jume cowantsixae xua bara beta paexaname.

23 Icha ichun paca yabara yainyaba Tito pana nejume cayabara jume jande bapontha xua janje: “Bapon taneyantsin. Bapon neyanta xua penacuichiwa po penacuichiwa xua tapaca yawenaewatsi. Ponbe Tito puna poinchibe baponbe itorobatsibe pomonae pejume cowantsiwi. Baponbe tsita itapeinya xeinabe barapomonaetha xua bara xaniwaicha pejume cowantsinbe Cristo, xua daxota barapomonae wnae pejainchinexa Nacom”, pana nejume cayabara jande.

24 Barapo acoibi poyobe xaniwaicha pantenta weyataeya wabare poxonae patsina painya xantha. Bapoxonae poxonae baxua paexaname patsita itapeinya xeinaname pomonae pejume cowantsiwi xua xaniwaicha bara paantobem barapo acoibi poyobe. Bapoxonae barapomonae paca yabara cui yaputaena, xua paxan xaniwaicha papaeban xua poxonae juntu coyene weiweinaya atsaquiya tapaca yabara paebiwatsi xua painya nejume cowantsixae.

## 9

*Meje xua paratixi pejebaponaewa yabara pomonae pejume cowantsi jiwi nexa, pomonae peacopeibi jiwi xua pomonae Jerusalén tomarapiwi*

1 Jopa nantawenonaeyo xua equeicha tayabara tinaewa xua painya neyawenaenexa ichamonae pomonae iru jume cowanta xua painya necatsibinexaru paratixi pomonae Jerusalén tomarapiwi.

2 Bara yaputanba bayatha xua bichocono painya neichichipaewa xua painya necatsibiwa paratixi. Paca yabara paebeibatsi Macedonia nacuamonaepiwitha, janje: “Bayatha icha weitha Acaya nacuapiwi najuntu cui coyene wnaeta xua jehebaponaena paratixi peacopeibiwi nexa”, jan. Barapo Macedonia nacuapiwi, najuntu cui coyene tsacaba xua iru pebarichinexaru pejume taexae xua pinae paxam paichichipame nawita po coyene painya neyawenaewa.

3 Barapo acoibi poyobe itoroban xua ichamonae jopa taneyabara paebinexa tsane xua tanaerabiwa xua bayatha tapaca yabara paebixae. Daxota bewa pana nacui

wanaetsiname xua painya nejehebaponaewa paratixi xua painya necatsibinexa ichamonaetha.

<sup>4</sup> Metha barapo Macedonia nacuamonaepiwi jiwana nebaru ponaena poxonae paca siwa ponaeinchi. Metha barapomona paca taetsipa xua jopa pana nacui yabara wanaetsim xua painya nejehebaponaewa paratixi xua painya necatsibiwa ichamona. Bapoxonae bichocono paauran tsipae tsipei bayatha paca yabara paebatsi xua paxam pacatame nawita. Iruru paxam paauram tsipae.

<sup>5</sup> Nanta xeinan xua bewa copiya itorobin barapo acoibi poyobe xua bara poyobe copiya paca siwa ponaena beya poxonae xua paca siwa ponaeinchi. Barapoxonae barapoyobe painya nepaca yawenaenexa xua penotaponaewa paratixi. Bayatha pana nemuxu tsipaebame xua pinae paichichipame painya necatsibiwa ichamona barapo paratixi. Po paratixi panotaponame panacui yabara wetsiname, baxua patsita itapeinya xeiname xua saya jopa apara poxoru bewa pacatsibim. Saya poxoru painya coutha painya neichichipaexae xua painya necatsibiwa.

<sup>6</sup> Payabara nanta xeinare po diwesi ba xua jeye: Pon ba conotha uba ba conotha jota pocotsiwan xua penawetsiwan. Pon ba jopa juniya ubiyo ba jopa juniya jotsiyo pocotsiwan xua penawetsiwan.

<sup>7</sup> Daxita pomona pejume cowantsiwi bewa catsibeibina be pocotsi coyeneya nanta xeina pejuntu coyenewatha. Jopa bewa asiwiya catsibeibi icha aichaxaibi xua pecatsibiwa. Matautano jopa bewa catsibeibi poxoru ichan pecui itorobixae xua pecatsibeibiwa tsane. Nacom tsita juntu coyene xanepanatsi nawita pon juntu coyene weiweinaya douteiba ichamonaetha.

<sup>8</sup> Nacom bara itacupatsi xua daxita painya nepaca catsibiwa pocotsiwan panantawenoname, matautano ichawano xua bichocono nawita beyacaincha pocotsiwa xua panantawenoname. Bapoxonae paxeinaenname pocotsi coyeneya xua paca cui jupa xua pajuntu coyene weiweinaya catsibiname ichamonaetha.

<sup>9</sup> Nacom Pejume Diwesitha pon nawita pecatsibin jiwu bapon yabara jeichichi, jeye: “Pon catsibeiba poneiba nawita pomonaetha pomona peacopeibi jiwu Nacom jopa juniya xuya catsibeibi tsane bapontha, xanepanaya peexanaexae”, jei Nacom Pejume Diwesitha.

<sup>10</sup> Aparu Nacom pon catsibeiba jiwu po pexu xua jiwu peubinexa. Matautano apara Nacom pon catsibeiba pexaewa xua jiwu pexaenexa. Barichi Nacom paca catsibeibina beyacaincha xua pocotsiwa panantawenoname. Bapoxonae paca cui jupaena xua ichamona painya necatsiba dubenanaebiyawa tsane nawita, pocotsiwa jopa panantawenonaem.

<sup>11</sup> Nacom nawita paca catsibina xua daxota paca itacupaena xua ichamona pacatsiname nawita. Poxonae pacaponaein barapo paratixi xua pata itorobame peacopeibi jiwu nexa, Jerusalén tomaratha, bapoxonae barapomona Nacomtha jeye tsane: “Nacom maisa pajuntu coyene weiweinan xua painta exaname xua daxota barapo Corinto tomarapiwi painta itoroba paratixi”, jei tsane.

<sup>12</sup> Poxonae barapo paratixi pacatame barapo pejume cowantsi jiwitha, bara barapomona pacatame pocotsiwa barapomona penantawenonaewa. Matautano painya neexanaexae baxua barapomona wanae jainteiba Nacom.

<sup>13</sup> Barapomona wanae jainta Nacom painya nejejeixae xua paexaname po coyene Cristo pia pecapanenebiyae diwesitha paca itoroba. Matautano barapomona Nacom wanae jainchinchu, painya neyawenaexae poxonae pacatame paratixi nawita barapomonaetha xuano xua daxita ichamonaetharu.

<sup>14</sup> Barapomona Nacomtha pacata wucaena pia paca nacaantobewaxae poxoru barapomona patsita itapeinya xeiname xua Nacom bichocono paca yawena pia paca nacaantobewaxae.



<sup>15</sup> Nacomtha patsipaeban, pajanje: “Nacom maisa pajuntũ coyene weiweinan xua nexanto painta amanaya itorobicame pata xantha. Baxua pocotsiwa xua painta exaname bichocono jopa juniya xanepanaeyo xua jopa pana itacũpaeyo xua po jumetha pata yabara paebiwa”, pajan.

## 10

### *Meje xua Pablo yabara paeba pia peitorobi coyenewa*

<sup>1</sup> Xan Pablon paca jume fayacotatsi. Paca tsipaebatsi icha be pocotsi coyeneya Cristo ichi poxonae paeba. Bapon tsipaeba jiwitha pebarũ cui itura jinae coyenetha xuano peantobe coyenyatha. Paxam pinae pana neyabara paebame pinae pajam: “Poxonae Pablo popona pata xantha saya jopa jume daunweyo poxonae pana netsipaeba. Ichitha poxonae tajũ wepainta tineibarena jume daunweya painta tineibarena”, pinae pana neyabara jam.

<sup>2</sup> Poxonae paca siwa ponaeinchi jopa paexanaeinde pocotsiwa xua daxota bewa paca tsipaebinchi pocotsi jumeintha xua daxota jume daunweya tapaca catsipaebiwa tsainchi. Ichamonae paxam jiwana pana neyabara paeba xua pinae abe paexanan poxonae paexanan pocotsiwa Nacom pana itoroba icha pocotsi jiwimonae ichi pomonae jopa pejume cowuntsiwi. Bewa jume daunweya tsipaebin barapomonaetha xua baxua yabara xua taneyabara paebiwa.

<sup>3</sup> Bara xaniwaicha xua paxan apara saya jiwi pan. Bequein paxan pajinompan barapo cae pin nacuathe, ichitha poxonae pacuiduban Nacom Pejume Diwesi jopa paexanaeinyo icha barapo cae pin nacuathepiwi ichi poxonaeba yabara naba peexanaenexa pocotsiwa ichichipa.

<sup>4</sup> Jopa paxeinaeinyo xua pesojeiwan xua pata nabinexa xua pocotsiwa barapo cae pin nacuathepiwi xeina. Daichitha paxeinan Nacom pia peayapusũ itorobi coyenewa tatsi xua baraxota pata nayaewatsinexa. Barapon Nacom pia peayapusũ itorobi coyenewa tatsi pana necana exana xua paamanayaban po peayapusũwa barapo cae pin nacuathepiwi xeina xua saya caurimonae pia pentacaponaein tatsi pia peayapusũwa tatsi.

<sup>5</sup> Ichamonae najume matsontsonoba poxonae pacueicueijan Nacom Pejume Diwesi jopa peichichipaexae xua Nacom peyaputaewa tsainchi. Barapomonae pajume amanayaban poxonae najume matsontsonoba. Barichi pomonae atsaquiya penayabara paebiwi pia coutha poxoru jopa ichipaeyo xua Nacom peyaputaewa tsainchi, barapomonae pacui amanayabũndũ. Paxan pacopatan xua bara Cristo pata tanecanamataxeinaewa daxita pata tananta xeinaewatha, xua daxota pata exanaewa pocotsiwa Cristo pana itoroba.

<sup>6</sup> Paxan panacui wũnaetan xua pata muxuwetsiwa pomonae jumefeba Nacom pomonae painyamonae jiwana pamxaem. Baxua paexanaein barapomonaetha poxonae paxam matha tsiwanaya xaniwaicha pajume jejam tsurubenanaebiyam tsane xua paexana dubenanaebiyame pocotsiwa Cristo ichichipa.

<sup>7</sup> Paxam paca tsitatsi xua paxan be pomonae jopa peainya cui jiwi pan poxonae saya pana taneme. Jopa pana nejuntũ cui coyene yaputaem po coyene xua paxeinan pata juntũ coyeneintha. Icha ichũn xaniwaicha pia coutha nayabara nanta xeina xua bapon Cristo piamonae jiwana tatsi, bapon bewa barichi xua bewa pana yabara jũntanainae xua paxan bara Cristo piamonae jiwana tatsi pan icha bapon ichi.

<sup>8</sup> Jopa auranyo xua pata coutha pata nayabara paebiwa baxua bequein pata coutha atsaquiya pana nayabara paeban xua janje baxue: “Apara Nacom pana cata pia peayapusũ itorobi coyenewa xua pata paca cayawenaenexa tsainchi xua painya nejuntũ coyene xanepanaponaenexa. Apara jopa pana catsiyo barapo peayapusũ itorobi coyenewa xua pata paca abe exanaewatsi tsainchi”, xua jan.

<sup>9</sup> Jopa ichipaeinyo xua pata taneyabara nanta xeinaewam xua pana pata tanejume cunuwiwam xua pacata tinatsi cartan.

<sup>10</sup> Ichamonae neyabara paeba, jeye: “Pablo pia cartantha xua tajꞰ wenacata tineibarena bichocono ayapube xua wayabara jume cowantsiya exanaewa yawa bichocono jume daunwei tsaibi. Ichitha poxonae bapon patopa waxantha pia pepon saya pecui pawu xuanu poxonae cueicueijeji jopa naca tsita ainya cuiyiyo”, jei barapomona.

<sup>11</sup> Barapomona apara bara bewa pana neyaputaena xua paexanaein pocotsiwa xua cartantha papaeban poxonae papatsin barapomona pia tomaratha tatsi.

<sup>12</sup> Pata coutha jopa pana nayabara nanta xeinaeinyo xua paxan pacui jꞰpan xua pomona pia coutha penayabara nanta xeinaewi xua peainya cui jiwi naexana. Saya barapomona pia coutha nayabara nanta xeina xua bara betiya exana daxita, beyacaincha ichamonae pomonae piamona tatsi. Barapomona apara jopa peyaputae jiwi, poxoru saya jeita nawita xua po coyene beyacaincha piamona tatsi exana.

<sup>13</sup> Paxan saya tsiwiyo atsaquiya yabara papaeban po coyene xua Nacom pata tanecui copatsiwa xua bara pata tanacuichiwa Nacom. Jopa toxeinchiya atsaquiya papaebinyo xua beyacaincha xua poxonae Nacom pana copata xua pata exanaewa tsane. Saya paexanan po penacuichiwa xua Nacom pana cata. Nacom pana copata xua papatan ichaxota paxam Corinto tomaratha xua pata paca cayawenaenexatsi Nacom Pejume Diwesi.

<sup>14</sup> Jopa patoxeinchiya exanaeinyo po coyene Nacom pana itoroba poxonae paca siwa poinchi. Paxan pomona pan pomona copiya papatan painya xantha xua pata paca catsipaebinxatsi Cristo pia pexeinya jume diwesi.

<sup>15</sup> Ichamonae pomona paxam jiwana pam jume cowanta Cristo pejume diwesi pecuidubixaetsi ichamonae. Barapomona pomona pejume cowantsiwi Cristo pejume diwesi, jopa atsaquiya bepayabara janyo: “Barapomona jume cowanta apara poxoru barapomona pata cuidubixae”, jopa bepajanyo. Jame xua paichichipan xua paxam bewa mataropeichiya pajume cowanta dubenanaebiyaename. Bapoxonae pana itacꞰpa xua mataropeichiya pata nacuichiwa painya xantha. Saya meisa bewa paexanaein pocotsiwa Nacom pana itoroba.

<sup>16</sup> Paichichipan pata cuidubiwa ichamonae Nacom Pejume Diwesi xua tajꞰ beya xua painya tomara weya poxonae pawetan xua pata paca cuidubiwatsi Nacom Pejume Diwesi. Ichitha jopa paichipaeinyo xua pata cuidubiwa Nacom Pejume Diwesi ichaxota irꞰ ichamonae cuidubarꞰ barapo Nacom Pejume Diwesi yawano xua jiwi jume cowanta barapo diwesi. Tsipei barapo pejume cowantsiwi jopa paichichipaeinyo xua pata yabara jeinexa: “Barapomona tajꞰ weya jume cowanta barapo Nacom Pejume Diwesi pata cueicueijeixae barapo diwesi”, jopa bepayabara janyo.

<sup>17</sup> Icha ichꞰn ichichipa atsaquiya penayabara paebiwa xua pinae beta exana, jame bara bewa moya bara atsaquiya yabara paebi po coyene Nacom pia peyaputae coyenewan tatsi yabara xua petsita itapeinya xeinaenexa xua apara Nacom beta peexanaein.

<sup>18</sup> Pocotsiwa xua pebin pia coutha nayabara wꞰnae jainta xua beta peexanaexae baxua Nacom jopa tsita ainya cuichi. Pocotsiwa xua Nacom yabara nanta xeina xua barapo pebin yabara nanta xeinatsi baxua jame Nacom tsita ainya cuichi.

## 11

*Meje xua Pablo yabara paeba pomona xua muxuitorobiya pejeiwa: “Paxan Jesús pia peitorobi jiwi tatsi pan”, pomona pejeiwa*

<sup>1</sup> Ichichipan xua jopa painya neaitaconaewa xua tapana nejume yabara ewatsiwam xua tapaebiwa pocotsi jume xua po diwesiyo xan yabara.

<sup>2</sup> Tsipei yaitama bichocono paca asiwatsi icha Nacom pana ichi xua pana asiwa. Paxan paca doutatsi Nacomtha xua painya nejume cowantsinexa Cristo. Barapocotsi coyeneya paca cana exanatsi icha be pocotsi coyeneya pebin ichi poxona ba pexantiyo douta xua ichan pepichinexa powa bayatha ichan jopa pichiyo. Bapowa antobe pia pebin. Paxam bewa bara paichim, bewa Cristo pantobem.

<sup>3</sup> Caurimonae pia pentacaponaein tatsi pon pia coutha naexana be jomo, bapon Eva muxuitorobatsi peajuntucoyenebewatha. Pajunuwan xua bapon paca muxuitorobina barapo juntucoyenewatha. Bapon paca cana exanaena xua painya nenanta xeinaewa Cristo jopa beta peyabara nanta xeinaewatsi, xua equeicha jopa xanepanaya painya neantobewa tsane Cristo, meisa xua bapontha painya neantobenexa.

<sup>4</sup> Paca yabara junuwatsi poxoru pajume naitaewatame pocotsi diwesi xua daxita jiwi paeba. Paxam itapeta pajume naitaewatame ichantha pontha pon peyabara paebin Jesús xua ichan xua pon pepa Jesús aibi. Paxam payabara jume naitaewatame icha jumope xua po jumope jopa xapain Nacom pia Pejumope tunaxu tatsi. Matautano yabara pajume naitaewatame icha diwesi po diwesi xua jopa xapain Nacom pia pecapanenebiyae diwesi jume xua po diwesi jume copiya pajume taneme.

<sup>5</sup> Pomonae baxuan paca tsipaeba, barapomonae pia coutha nayabara nanta xeina, jeye: “Paxan Jesús pia peitorobi jiwi tatsi pan, xua pata peainya cui jiwi pan”, jei. Ichitha jopa yabara nanta xeinaeinyo xua barapomonae netoxeincha peainya cui jiwi beyacaincha xua xan.

<sup>6</sup> Xan saya taepato cueicueijan Nacom Pejume Diwesi tatsi. Jopa bichocono wnae tacueicueijejwa jopa be bapocotsinyo be pocotsin xua beta pecueicueijejwa. Daichitha bara yaputan xua yabara tacueicueijejwa. Paca tsita itapeinya xeineibatsi xua bara tayaputaewa, xua poxona daxita pocotsiwantha paca tsipaebeibatsi.

<sup>7</sup> ¿Metha bara abe exanan jampa poxona jopa paca wnaetsi pocotsiwa nantawenonan xua tacueicueijeixae Nacom pia pecapanenebiyae diwesi? Jume apara, apara jopa abe exanaeinyo. Tacoutha acopeibi naexanan xua tacui pawi naexanan xua saya meisa ainya cui paca cana exanatsi poxona paca cuidubatsi Nacom Pejume Diwesi.

<sup>8</sup> Ichamonae pomonae pejume cowantsiwi pomonae penacaetuteibi jiwi, xua pomonae wnae pejointeibiwi Nacom barapomonae wecobe pitan paratixi tanecat-sixae. Barapo paratixitha comocan pocotsiwa xua nantawenonan poxona tapaca baru ecaewatsi xua amanaya tapaca cayawenonaenexatsi.

<sup>9</sup> Poxonae cataunxuae paca baru ecatsi bapoxonae inta acoibi pocotsiwa tacanantawenonaewa. Jopa wnaeinyo painyamonae jiton xua pocotsiwa daunweya pacata exainchi xua saya painya tana necatsibiwaxaem. Pomonae Macedonia nacuamonaepiwi pomonae pejume cowantsiwi barapomonae inta carendena pocotsiwa xua tacanantawenonaewa. Bayatha jopa paca wnaetsi xuano xua equeicha bexa jopa paca wnae tsainchi xua daxota jopa pacata daunwei exanae tsainchi xua daxita coyenewantha.

<sup>10</sup> Tajuntucoyenewatha xeinan Cristo pia pexainyei coyenewa tatsi. Dapon aibi xua neexana xua taitompa exanaewa xua yabara tacueicueijejwa baxua xua jopa paratixi paca wnaetsi. Baxua cueicueijan daxita Acaya nacuatha.

<sup>11</sup> ¿Eta xua metha baxua paca tsipaebatsi? ¿Metha poxoru jopa tapaca antobewatsi? Ajibi apara, Nacom yaputane xua bichocono tapaca antobewatsi.

<sup>12</sup> Ichitha awiya exanaponaein pocotsiwa xua anoxuae exanaponan xua jopa tapaca wncaponaewatsi paratixi. Baxua exanan xua tajume cui matawentsinexa, pomonae xua naerabiya atsaquiya paeba, xua jeye: “Paxan jupa paexanan icha Pablobaru ichi xua paratixi nonotapona be pentoma xua pecueicueijeixae Cristo pejume diwesi”, jei.

<sup>13</sup> Barapomonae pemuxuitorobi jiwi xua pinae barapomonae Jesús pia peitorobi jiwi

tatsi. Barapomonae jiwi muxujainyaba pia penacuichiwa coyenewatha. Barapomonae be natsicotane Jesús pia peitorobi jume pepaebi jiwi tatsi.

<sup>14</sup> Pocotsi coyeneya xua barapomonae nacana exana jopa yabara najuntꝯ coyene cabenaecaeinyo. Payaputan xua barapomonae apara Satanás piamonae tatsi tsipei barapomonae pia coutha nacana exana xua itara mexeya beta peexanaewi icha bapon ichi. Satanás pon caurimonae pia pentacaponaein tatsi pia coutha nacana exana xua itara mexeya pon xanepanaya peexanaein icha matatsunpin ichi xua pexeinya peitꝯpanae coicha xeina Nacom weya.

<sup>15</sup> Daxota jopa bewa najuntꝯ coyene cabenaecaetsi xua poxonae Satanás pia petanacuichi jiwimonae tatsi exana icha Satanás ichi poxonae exana. Barapomonae natsicotane be pocotsimonae xua beta peexanaewi. Daxota poxonae Nacom yabara paebina barapomonae xua penatsicuentsiwa xua abe peexanaexae, barapomonae bichocono atene exanebinchi xua be pocotsi coyeneya bichocono abe peexanaexae.

*Meje xua poxonae Pablo pia coya nayabara paeba xua atene exanatsi Jesús pia peitorobi jiwi jiwana tatsixae*

<sup>16</sup> Equeicha paca tsipaebatsi: Jopa paneyabara nanta xeinaeinde xua xan be pon tanentajemabin bequein cueicueijeithan barapo coyeneya. Ichitha icha panecayabara nanta xeiname baxua bara saya beitatemaya amuxuya pana nejume taema pocotsiwa xua cueicueijan icha be pocotsin pon pematajemabinchi ichi. Bapoxonae xan tacoutha atsaquiya conotha nayabara paebin icha ichamonae ichi xua pia coutha atsaquiya nayabara paeba.

<sup>17</sup> Apra jopa paebinyo xua tana itorobixae Jesús pon jiwi Pecanamataxeinaein. Apra saya tacoutha atsaquiya nayabara paeban icha pon matajemabatsi ichi xua pia coutha natsipaeba.

<sup>18</sup> Tsipei ayei jiwi atsaquiya yabara paeba pocotsiwa barapo cae pin nacuathe xeina. Daxota xan barichin tacoutha atsaquiya nayabara paeban.

<sup>19</sup> Pananta xeiname xua daxita pam painya neyaputae jiwi pam. Ichitha jopa peyaputaewi pam. Bara saya pacui yabara copatame xua pajume naitomatame pomonaetha pomonae be pematajemabi jiwi pomonae naerabiya paeba xua poxonae jeye: “Paxan Jesús pia peitorobi jiwi pan”, jei.

<sup>20</sup> Matautano bara saya pacui yabara copatame xua bara amanaya painya natanacuichinexa tsane ichamonae. Matautano saya pacui yabara copatame xua bara ichamonae amanaya paratixi painya nepaca cobe wenoteibiwa xua saya barapomonae nexa. Matautano saya pacui yabara copatame xua bara ichamonae paca yabara muxuitoroba painyawan xua painya nepacata notsiwa. Barichi bara saya pacui yabara copatame xua bara ichamonae painya nepaca aebiwa xua barapomonae ainya cui jiwi beyacaincha paxam. Matautano saya pacui yabara copatame xua bara painya nepaca itabara cuainchiwa.

<sup>21</sup> ¡Bequein auran xua paca tsipaebatsi baxua, ichitha jopa padaunwan tsobenaeinyo icha paichim poxonae ichamonae pacata abe exana!

Icha daxita jiwi ichi xua atsaquiya nayabara paeba, xan barichin irꝯ atsaquiya nayabara papaeban tacoutha icha pon pematajemabinchi ichi xua poxonae nayabara paeba.

<sup>22</sup> Barapomonae atsaquiya nayabara paeba xua barapomonae pinae judi monaepiwi. Xan irꝯ apra barichin judi monaepin. Matautano pinae barapomonae Israel pon bayatha tꝯpa pia pemomoxi susato jiwi tatsi. Xan apra irꝯ barichin barapon Israel pia pemomoxi susato jiwi jiwana tatsin. Matautano barapomonae atsaquiya nayabara paeba xua pinae Abraham pia pemomoxi susato jiwi tatsi. Xan apra irꝯ barichin Abraham pia pemomoxi susato jiwi jiwana tatsin.

<sup>23</sup> Matautano barapomonaе atsaquiya nayabara paeba xua pinae Cristo pia petanacuichi jiwichi tatsi. Nama apara xan irurа barichin Cristo pia petanacuichin tatsin beyacaincha barapomonaе. Poxonaе baxua paeban apara icha pocotsin ichi pon pematajemabinchi xua pia coutha nayabara paeba. Xan bichocono daunweya ayapusуya nacuitan Cristo nexa beyacaincha barapomonaе. Jiwi matowa nejebeiba jiwi pecubi bontha beyacaincha barapomonaе. Ichamonaе bichocono nebeiba beyacaincha barapomonaе. Matowa muxu tatupeibi xua ichamonaе inta exana.

<sup>24</sup> Daxota cinco po coyenewathabe judiomonaе newaetaba pia tanecuainchinexa. Daxita coyenewatha necuainta barapomonaе treinta y nueve po cuiyobetha copabeiba xua nejuma cuainta xua xota cuainta xua duwein perа mаto.

<sup>25</sup> Ichacuitha tsaibi acoibi po cuiyobetha necuainteiba iwatontha. Cae coyenewatha ibotontha necuinbabeiba. Acoibi po coyenewathabe jeratha ponaetha pin naetha payothopan poxonaе pawarapan xua jera bunareca. Cae merawitha yawa cae mataqueithano xoyopan pin mar mentha.

<sup>26</sup> Matowa warapeiban tacaponaenexa Cristo pejume diwesi xua jiwi tatsipaebinxа. Ichacuitha inta daunwei xua icha muxunene beya mene iya tapatebiwa tsane poxoru metha awаbo tsipae. Ichacuitha inta daunwei poxonaе poneiban namtontha xua metha pomonaе pecaibi jiwi tawanaetha jinompeiba xua tanecaibiwa tsane pocotsiwa xeinan. Ichacuithano inta daunwei poxonaе tanacuamonaepiwi metha inta abe exaneibichipa. Ichacuitha inta daunwei poxonaе pomonaе jopa pejume cowantsiwi metha abe tana neexanaewa tsipae. Ichacuitha inta daunwei poxonaе jiwi tomarantha metha abe tana neexanaewa tsipae. Ichacuitha inta daunwei poxonaе ira xuepana susato tsurucuae nacuatha taponeibiwa xua metha abe tana neexanaewa tsipae. Ichacuitha inta daunwei poxonaе pin mene mar mentha metha abe tana neexanaewa tsipae poxonaе jeratha ponan po nae pin naetha. Ichacuitha inta daunwei poxonaе metha abe tana neexanaewa tsipae pomonaе naerabiya pepaebiwi xua pinae pejume cowantsiwi.

<sup>27</sup> Xeinan penacuichiwa po penacuichiwa inta bichocono daunwei xua neatene exana. Matautano ainya merawin tsaibi xua jopa maiteibinyo. Matautano tain atenein tsaibi. Matautano bichocono tameratsi tsaibi. Matautano ainya matakabin inta pexaewa ajibi tsaibi. Matautano bichocono aquein tsaibi poxonaе inta seiqueiba paparuwa.

<sup>28</sup> Matautano irа icha coyeneinno xua seica xua tapaca tsipaebiwatsi. Matautano xeinan icha coyene po coyene xua neajuntаcoyenerewe exana xua poxonaе yabara nanta xeineiban pomonaе Nacom pejume cowantsiwichi pomonaе penacaetutsi bonmonaepiwi poxonaе ne-eena xua tayawenaenexa barapomonaе.

<sup>29</sup> Icha ichаn pon barapo penacaetutsi bonmonaе jiwana pin, icha bapon juntа cui coyene faefaena xua pejume cowantsiwa Nacom, nantanuweya yabara nanta xeinan bapon. Icha ichаn juntа coyene jujutatsi xua abe peexanaenexa auran bapon nexa, yawano caseban pontha pon pejuntа coyene jujutsixae.

<sup>30</sup> Icha bewa atsaquiya nayabara paebin, bapoxonaе atsaquiya yabara paebin pocotsiwa xua jiwi tsita itapeinya xeinan xua xan faefaenan xua jopa neitacраeyo xua tacoutha tana nayawenaewa.

<sup>31</sup> Nacom neyaputane xua xaniwaicha bara yabara paeban po coyenein xua inta daunwei. Nacom Jesucristo Paxa tatsi, pon Wanacanamataxeinaein. Barapon jiwi bewa wаnаe jainteibina ataya.

<sup>32</sup> Caena bayatha Damasco tomaratha poponan. Bapoxonaе pon canamataxeina barapo tomaratha, bapon itoroba soldadomonaе xua tomara peyacaincha toxorotsi dutsiwa coibototha peumenaenexa. Barapo soldadomonaе tomara coibotontha umena xua pia tanewaetabichi poxonaе tomara wewarapiyan xua tanecaponaenexa jiwi pecubi botha. Barapon pon canamataxeina barapo tomaratha bapon tanacuitatsi pon



yatsicaewa nacua peewatsin bapon tanacuitatsi, pon pewan Aretas.

<sup>33</sup> Bequein barapo soldadomonaе bepa newaetabei, ichitha jopa ponaeinyo tomara coiboto iya. Ichamonae neyacote yoreca ventana wereca xua pepa tomara juma deca. Bara panepataban.

## 12

*Meje xua Pablo yabara paeba xua petsita itabiwatsi xua abe poxonaе camaita pocotsiwan Nacom tsita itateiba bapontha*

<sup>1</sup> Bewa tacoutha atsaquiya paca tsita nayabara paebichi, xua painya neyaputaenexa xua bara beta taexanaewa. Daichitha jopa xapain neyawenaeyo baxua. Jame apara awiya paca tsipaebatsi xua pocotsiwan Nacom netsita itata xua be poxonaе camaitan. Matautano paca tsipaebatsi pocotsiwan xua Nacom neyaputane exana xua bapon pia peyabaraxae.

<sup>2-3</sup> Caena bayatha ainya wei xua poxonaе copiya tajume cowantsiwa Cristo. Caena bayatha catorce po weibe yapucaewa xua poxonaе necapona jemeicha peitaboco beicha po itaboco bichocono tajubeicha ichaxota Nacom popona. Jopa taeinyo icha metha pepon daxita necaicha ichacuitha saya metha moya nejumope caicha. Xan jopa baxua yaputaеinyo saya meisa compa Nacom yaputane.

<sup>4</sup> Xan yaputan xua necaicha paraiso matawan nacua beicha. Poxonaе patopan barapo nacuatheicha jume tan baxoteicha po jume xua nameicha moya yawan xeina xua jiwi jopa yabara yaputaeyo. Nacom jopa yabara necopatsiyo xua bara barapo jume tatsipaеbiwa tsane ichamonaetha.

<sup>5</sup> Bequein neitacupa xua atsaquiya tayabara paеbiwa xua pocotsiwan wnae xua xuan tataexae, daichitha jopa barapo coyeneya exanaeinyo. Saya meisa atsaquiya yabara paeban pocotsiwan xua inta ayapube xua po coyene tatsita itapeinya xeinaewa xua apara nefaеfaena exana xua daichitha Nacom neyawena.

<sup>6</sup> Bara neyabara cui copata xua bara atsaquiya tanayabara paеbiwan tsane pocotsiwan xua beta taexanaewan. Poxonaе baxua exanan jopa paebinyo icha be pocotsin pe-matajemabinchi ichi, xua nayabara paeba tsipei paeban pocotsiwan xua pexainyeiwan. Ichitha xan jopa baxua atsaquiya nayabara cui paebinyo, tsipei jopa ichipaeinyo xua ichamonae taneyabara nanta xeinaewa xua xan bichocono taainya cuin, beyacaincha xua pocotsiwa barapomonaе necui tane xua exanan, xuano xua beyacaincha nejumlah tane xua cueicueijan.

<sup>7</sup> Pocotsiwa xua Nacom neyaputane exana bichocono wnae nawita. Nacom copata xua bara saya atenein tsaibi tsane xua atsaquiya tapaеbiyainwa pocotsiwan xua Nacom yabara neyaputane exana. Barapo peatene coyenewa caurimonaе pia pentacaponaein tatsi, pon Satanás, itoroba xantha xua atene tana necana exanaenexa. Barapo peatenewa bichocono atenein tsaibi be poxonaе xua xane eto nexatempa.

<sup>8</sup> Acoibi po jumeyothabe tsaibi Nacom jume fayacotsiya waqueiban xua taneperaxa capanepaenexa barapo peatene coyenewa weya.

<sup>9</sup> Ichitha Nacom netsipaeba, jeye: “Jume, jopa caaxaibi exanaetsi. Jame cata itorobatsi Tajumope tunaxu jinya necayawenaenexa daxita tacaantobetsixaetsi. Saya meisa baxua nantawenoname. Po jiton ba axaibiya popona bara itacupatsi xua daxita pia coutha peexanaewa. Jopa ba canantawenonaeyo taayapusu coyenewa. Ichitha nama pon ba taayapubetsi xua pia coutha beta peexanaewa bapon jame canantawenona taayapusu coyenewa. Bara bapon yawenan”, jei Nacom. Daxota ichichipan poxonaе inta ayapube tsaibi xua jopa tana neitacupaewa xua daxita beta taexanaewa tacoutha. Bapoxonaе jiwi tanetaenexa xua bara Cristo neyawena pia peayapusu coyenewatha.

<sup>10</sup> Daxota juntu coyene weiweinan poxonaе inta ayapube tsaibi xua beta taexanaewa. Matautano juntu coyene weiweinan poxonaе jiwi abe neyabara paеbeiba. Matautano

juntũ coyene weiweinan bequein jopa xeinaeinyo pocotsiwa xua tanantawenonaewa. Barichino juntũ coyene weiweinan poxona bequein jiwi neatene exaneiba tajume cowantsixae Cristo. Matautano juntũ coyene weiweinan poxona bequein jiwi inta ayapube exaneiba. Daxita baxuan nejuntũ coyene weiweina exana, poxona inta ayapube tsaibi xua beta taexanaewa xua ichamona inta daunwei peexanaexae. Bapoxona bara xaniwaicha asũn tsipei Cristo tana neyawenaexae.

*Meje poxona Pablo yabara najuntũ coyene eena exana nawita Corinto tomarapiwi*

<sup>11</sup> Cueicueijan icha ichi poxona cueicueije pon pematajemabinchi xua atsaquiya nayabara paeba. Ichitha paxam pana necana exaname xua atsaquiya tanayabara cueicueijeiba. Jame apara paxam barapomona pam pomona bequein bewa xanepanaya pana neyabara paebim. Bequein xan jopa peainya cuiyinyo, ichitha barapomona jopa peainya cui jiwi beyacaincha xua xan pomona pajume naitaewatame. Barapomona naerabiya paeba xua pinae barapomona bichocono peainya cui jiwi pomona Cristo pia peitorobi jiwi jiwana tatsi. Ichitha barapomona xainwaicha bichocono jopa peainya cui jiwi.

<sup>12</sup> Poxona cataunxuae paca baru popoinchi paca tsita itapeinya xeinatsi xua xan yatsicaya Jesucristo pia peitorobi jiwi jiwana tatsin. Matautano jopa aitaconaeyiya exanaeinyo poxona bequein ichamona inta daunwei exana poxona abe neyabara paeba. Jame saya jantema exana ducunaebiyen petsita itatsi coyenewan painya xantha bequein ichamona abe neyabara paeba. Matautano exana ducunaebiyen pocotsiwan jiwi nabenaeca exainchi. Daxita baxuan exanan Nacom pia peayapusũ itorobi coyenewatha tatsi.

<sup>13</sup> Paca yabara nanta xeinatsi xua paxam metha pananta xeiname xua paxam jopa peainya cui jiwi pam. Matautano metha pananta xeiname xua meisa icha penacaetutsi bonmona jiwi pomona wũnae pejume cowantsiwi Nacom bichocono peainya cui jiwi beyacaincha paxam. Metha pananta xeiname baxua poxoru jopa paca wũcaetsi xua tapana neyawenaenexam tsane pocotsiwatha tanantawenonaewa pocotsiwatha xua ayapube pacata exainchi.

<sup>14</sup> Anoxuae nacui yabara wũnaetan xua tapaca siwa ponaewatsi tsainchi equeicha xua nama acoibi po cuiyobetha tsane. Caena bayatha copiya nacueyatabe po cuiyobetha paca siwa poinchi. Ichitha jopa paca wũcaetsi xua pocotsiwatha tapana neyawenaenexam tsane xua pacata ayapube exainchi. Ichitha jopa paca yabara siwa ponaetsi taichichipaexae pocotsiwa xua paxeiname. Apra saya paxam cuita paca siwa poinchi. Pexui ba jopa nantawenonaeyo xua paxeiwi jũntana jeba paratixi, jame saya ba coxiyeiwi bewa pia pexui jũntana jebi paratixi. Barapocotsi jũta coyeneya ichin bewa paca yawenaeinchi. Jopa panantawenonaem xua tapana neyawenonaewam.

<sup>15</sup> Juntũ coyene weiweinan xua paca catsinchi daxita xua xeinan. Barichi copatan xua bara ichamona atene tana neexanaewa tapaca cayawenaenexatsi. Poxona bequein matowa toxeinchiya paca antobe tsoponaetsi daichitha be conotha xuya pana neantobem.

<sup>16</sup> Ichamona pomona painyamonae jiwana pam naerabiya neyabara jei: “Bara xaniwaicha Pablo jopa painta ayapube exanaeyo xua pana newũca paratixi bapon nexa. Daichitha ichacuitha tsipae metha apra bapon naca muxuitorobiya wecobe notsipa paratixi”, jei.

<sup>17</sup> ¿Metha paratixi paca yabara muxuitorobiya wecobe notsinchi poxona pebiwi itorobin painya xantha? ¡Jume apra! ¡Jopa baxua exanaeinyo!

<sup>18</sup> Tito itoroban xua painya nepaca siwa ponaewa tsane, irũno ichũnno itoroban pon irũ pejume cowantsin xua Tito pecueiyatsiwa tsainchi. ¿Metha Tito bara paca yabara muxuitorobiya wecobe notsina paratixi? ¡Jume apra! Paxam bara payaputaneme

bara Tito betiya xaniwaicha pananta jupaya paexananbe, xuano pana najuntũ coyene jupanbe.

<sup>19</sup> Jopa payabara nanta xeinaeinde barapo jumein xua pata paca catsipaebiwatsi xua saya poxoru pata ichichipaexae xua paxam paca tsita xanepanatsi. Jopa baxua paexanaeinyo. Jame po jume xua Cristo ichichipa xua patapaebiwa, apara barapo jume cui coyeneya papaeban. Daxita baxuan pacueicueijan Nacom peitũtha xua xanepanaya mataropeicha beta Nacom painya nejume cocowantaponaewa tsane. Baxua paexanan tsipei paxam tamonaẽ pam, pomonaẽ pata paca caantobe jiwichi pam.

<sup>20</sup> Junuwan xua poxonaẽ tapaca siwa ponaewa tsainchi xua metha pajinompatsi-pame be pocotsimonaẽ aichaxaibin tataewa poxoru metha aichaxaibin tsipae pocotsiwa xua paexaname. Mataũtano metha paneyabara nanta xeinaetsipame xua xan jopa paca cui jupatsi xua poxonaẽ pocotsiwa exanan. Barichi junuwanno xua poxonaẽ tapaca siwa ponaewa tsainchi xua metha nantiya pana najume matsontsonobame. Mataũtano junuwan xua nantiya pana yabara uwame pocotsiwan paxeiname, xuano xua nantiya pana nacasebame. Mataũtano junuwan xua nantiya pana naasiwam xua ichamonae jopa bepayawenaem. Mataũtano junuwan xua nantiya pana nabitaetsipame xuano xua nantiya tsũmũ jumeya pana nacui yopitsipame pocotsiwan xua paexaname. Junuwanno xua nantiya pana naebichipame painya neyaputaexae pocotsiwan xua paexaname, xuano xua nantiya pana natsaquibabame poxoru painya neanaepanaexae.

<sup>21</sup> Mataũtano junuwan xua poxonaẽ equeicha tapaca siwa ponaewatsi tsainchi, Tanacom neexana xua paca yabara auratsi. Bichocono unthũthũ wecoyan tsane pomonaẽ nexa pomonaẽ xua caena bayatha abe peexanaexae. Barapomonaẽ cataunxuae jopa acuiuriyo pocotsiwan xua abe eexanapona xua poxonaẽ barapomonaẽ yabũxi nata nota xua bequein jopa piseurixi xuano poxonaẽ yabũxi nota pebiwi poxonaẽ jopa piseuriyo. Mataũtano barapomonaẽ atsaquiya abe eexanapona.

## 13

### *Meje poxonaẽ Pablo napeyabiya najume weta*

<sup>1</sup> Anoxuae equeicha paca siwa ponaeinchi xua nama acoibi po cuiyobetha tsane xua taponawa tsane bara beya. Icha ichũn ichichipa cui yopita xua ichũn abe peexanaexae Nacom pia peitorobi coyenewa baxua yabara naca tsipaeba, naca jeye: “Poxonaẽ jiwi cui yopita xua ichũn abe peexanaexae bewa acoibi poyobe yabara paebina bapontha, xua abe peexanaexae bapon. Ichacuitha saya nacueyatabe poyobebe yabara paebichipa bapontha bapoxonaẽ jiwi tsita itapeinya xeinatsi xua bara bapon abe peexanaein”, jei Nacom pia peitorobi coyenewatha tatsi.

<sup>2</sup> Bayatha poxonaẽ paca siwa poinchi yabara paca tsipaebatsi pomonaẽ xua abe peexanaewi pomonaẽ painyamonaẽ jiwana pam xua irũ ichamonae. Anoxuae bequein cataunxuae tajũ paca cuenta poponatsi, equeicha paca tsipaebatsi xua bayatha pocotsiwa paca muxuwetatsi, janje: “Poxonaẽ equeicha paca siwa ponaeinchi ayapube taexanaein pomonaetha pomonaẽ xua awiya abe peexanaponaewi”, jan.

<sup>3</sup> Baxua paca cana exanaeinchi yaitama paichichipame xua paca tsita itapeinya xeinaeinchi xua pocotsiwa Cristo neitoroba tacueicueijeinexa bapon nexa. Paca muxuwetsinchi Cristo nexa tapaebixae bapon nexa. Cristo jopa jume faefaenaeyo poxonaẽ yabara paca muxuwetatsi painya abe exanaẽ cuiru coyenein. Jame apara bapon jume daunweya paca tsipaeba.

<sup>4</sup> Poxonaẽ Jesucristo tũpa naetotha jiwi yabara nanta xeina xua bapon Cristo saya jũntũ coyene faefaena, tsipei jopa pia coutha nayawenaeyo. Ichitha anoxuae Jesucristo asũ popona Nacom pia peayapusũ itorobi coyenewatha tatsi. Bequein pajũntũ coyene faefaenan anoxuae, daichitha poxonaẽ paca itawetinchi bapoxonaẽ jopa pajũntũ

coyene faefaenaein tsane. Jame asu pajinompaein. Bapoxonae Nacom pia peayapusu itorobi coyenewatha ayapusu paca itawetsina.

<sup>5</sup> Incane painya coutha pana najuntu coyenein jujare icha bara xaniwaicha metha beta pajume cowuntsiya jinompame. Icha bara xaniwaicha pana nayaputaneme xua bara yatsicaewa Jesucristo piamonae tatsi pam, barapoxonae pana nayaputaename xua bara apara Jesucristo paca baru jinompa. Icha jopa Jesucristo piamonae tatsi pam, bapoxonae Jesucristo jopa paca baru jinompaeyo.

<sup>6</sup> Ichichipan xua paxam payaputaneme xua paxan Cristo pana baru popona. Paxan jopa pemuxuitorobi jiwi pan xua poxonae pata jeiwa: “Paxan Jesucristo pia peitorobi jiwi tatsi pan”, poxonae pata jeiwa.

<sup>7</sup> Pawucan Nacomtha xua jopa abe painya neexanaewa tsane. Jopa Nacomtha baxua payabara wucacainyo xua paca tsita itapeinya xeinaeinchi xua paxan Jesucristo pia peitorobi jiwi tatsi pan xua daxota beta painya neexanaewa tsane. Ichitha pacata wucatsi Nacom xua awiya u meisa pexeinya coyene painya neexanaponaewa tsane bequein metha pana neyabara nanta xeiname xua paxan jopa pomonae Jesucristo pia peitorobi jiwi tatsi panyo. Bequein paxan jopa paca tsita itapeinya xeinaetsi xua bara Cristo pia peitorobi jiwi tatsi pan.

<sup>8</sup> Paxan jopa paichichipainyo xua pata yabara jume toxeinchiya exanaewa pocotsiwa itoroba barapo Nacom pia pexainyei diwesi jume. Jame apara itapeta paexanan pocotsiwa itoroba barapo pexainyei jume diwesitha.

<sup>9</sup> Daxota pajuntu coyene weiweinan poxonae ichamonae pana neyabara paeba xua pinae jopa daunweya papaebinyo. Saya paichichipan xua beta painya nejume cowuntsiwa tsane. Awiya Nacomtha pacata wucatsi xua paxam xaniwaicha painya nejuntu coyene xanepanaponaewa tsane Nacomtha xua jopa patsita natsicuentisim tsane abe painya neexanaexae bapontha.

<sup>10</sup> Pewunaeya xua poxonae tapaca siwa ponaewa tsainchi, matha barapo carte pacata tinatsi. Daxota tinan xua jopa bewa paca tsipaebi tsainchi pocotsiwa pacata ayapube exanatsi poxonae paca siwa ponaeinchi. Bapoxonae jopa nantawenonaein tsane xua tapaca itorobiwa tsainchi xua taxeinaexae Nacom pia peitorobi coyenewa tatsi po peitorobi coyenewa Nacom necata. Nacom necata barapo peitorobi coyenewa xua painya nejuntu coyene xanepana ponaenexa Nacomtha. Apara jopa baxua necatsiyo xua abe tapaca exanaenexatsi.

<sup>11</sup> Tamonae pam, bara wetan anoxuae barapo carte. Ichichipan xua painya nejuntu coyene weiweinaya jinompaewam tsane. Itapeta pajume jejande pocotsiwa xua paca muxuwetatsi xua daxota beta mataropeicha painya neexanaponaewa tsane. Pana najuntu coyene tsacabare xua daxota peburu caemonae pana nabaru nanta xeinaeya jinompare. Juntema panabaru jinompare. Bapoxonae Nacom pon juntema pepoponaein, xuano xua peantobe tsurucuanaebiyaein, barapon paca baru poponeibina.

<sup>12</sup> Betiya painta nantiya najacobare painya neantobewaxae Cristo.

<sup>13</sup> Daxita pomonae xote jinompe pomonae pejume cowuntsiwi Jesucristo barapomonae paca jacobae.

<sup>14</sup> Barabu Jesucristo pon jiwi Pecanamataxeinaein paca yawenaena pia paca necantobexae. Barabu Nacom pia peantobe coyenewatha tatsi pajinompaename. Matautano barabu Nacom pia Pejumo pe tuxaxu tatsi daxita pam paca baru jinompaena.

Baja Pablo.

## Meje Po Carte Pablo Tatina, Galacia Nacuapiwi Tatinatsi

*Meje yabara poxonae Pablo tamropata pitaba xua tatina pomonaetha pomona Galacia nacuapiwi*

<sup>1</sup> Xan, Pablon, Jesucristo pia peitorobi jiwi jiwana tatsin. Apra ichun jopa neitapetsiyo yawa pebiwi jopa neitorobiyo. Apra jame Jesucristo bapon neitoroba, yawa Nacom, Waxa, neitoroba, pon Pexanto asu exana petupae coyene weya.

<sup>2</sup> Xan, iruru ichamona pomona pejume cowantsiwi daxita barapomona pan paca jacobatsi. Barapo carte pacata tinatsi pomona Nacom piamona tatsi pam, painya nejume cowantsixae Jesucristo pomona Galacia nacuatha painya nejinompaewa.

<sup>3</sup> Barabu Nacom, pon Waxa, iru Jesucristo, pon jiwi Pecanamataxeinaein, baponbe amanaya paca yawenaena pia paca necaantobexae. Yawano barabu Nacom jantema jinompa paca exanaena.

<sup>4</sup> Bapon Jesucristo naca tsitupa xua wanaca capanenebiya exanaenexa barapo abe waexanae coyene weya xua po abe exanae coyene exana pomona jinompa po cae pin nacuathe. Nacom pon Waxa ichichipa naca capanepa daxita barapo coyenein weya.

<sup>5</sup> ¡Barabu Nacom wanae jaintatsi jiwi xua ataya tsane!

*Meje yabara xua ajibi icha pecapanenebiyae coyenewa*

<sup>6</sup> Najuntu coyene benaegan xua nainya papentame Nacom, pon paca waba. Tsipei apra bapon paca yawena po peantobe coyenewatha Cristo iruru xeina waxainchi nexa. Yawa najuntu coyene benaegan xua pajume cowantame icha jume diwesi xua be pecapanenebiyae diwesi jume xua saya jiwi paeba.

<sup>7</sup> Bara xaniwaicha, xua icha pecapanenebiyae diwesi aibi. Pocotsiwa xua ichamona paca cana exana baxua paca juntu coyene tsacaba xua painya nejume cowantsinexa icha diwesi, xua toxeinchiya painya nejume cowantsinexa Cristo pia pecapanenebiyae diwesi jume tatsi.

<sup>8</sup> Icha ichun toxeinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyae diwesi coyene barabu Nacom bapontha cabeta exanaena abe peexanaexae. Metha bara bequein xan tsipaein, ichitha Nacom necabetsipa. Ichacuitha metha bara bequein matatsunpin tsipae pon itaboco wetsica pona, ichitha Nacom cabetsipa bapontha.

<sup>9</sup> Baxua bayatha paca tsipaebatsi ichitha equeicha baxua paca tsipaebatsi. Paca jeichi: Icha ichun toxeinchiya ichawiya yabara paca tsipaeba xua pocotsiwa bayatha paca tsipaebatsi pecapanenebiyae diwesi coyene barabu Nacom bapontha cabeta exanaena abe peexanaexae, paca jeichi.

<sup>10</sup> Poxonae paeban baxua jopa cueicueijanyo pocotsiwa jiwi beta tana neyabara nanta xeinaewa. Apra jame cueicueijan Nacom wanae tana neyabara nanta xeinaexae. Icha saya nanta xeineibichipan xua exanan po coyenyatha xua jiwi beta tana neyabara nanta xeineibiwa tsane bapoxona xan jopa Cristo pia peitorobi jiwi jiwana tatsin tsipae.

*Meje yabara xua poxonae Pablo Jesucristo pia peitorobi jiwi jiwana pin tatsi cana exainchi*

<sup>11</sup> Tamona pam, pomona iru painya nejume cowantsiwixae Jesucristo. Ichichipan xua painya neyaputaewa xua po diwesi pecapanenebiyae diwesi xua po diwesi cueicueijan, barapo diwesi apra jopa jiwi pia diwesiyo tatsi.



<sup>12</sup> Matautano barapo diwesi apara xua jopa jiton netsipaebiyo. Yawa matautano dapon aibi xua pon necuiduba barapo diwesi. Apara saya Jesucristo neyaputane exana poxonae netsita itata pia coutha.

<sup>13</sup> Paxam pajume taneme xua pocotsiwa bayatha exanan, xua poxonae cataunxuae eexanaponan xua po coyene judiomona exana pia pejume cowantsiwa xua abe yabara, yawa pejinompae coyene yabara. Bayatha payaputaneme xua bichocono abe cana exanan pomonaetha pomona Nacom piamona tatsi daxita pomona pejume cowantsiwixaetsi Cristo. Ichichipan xua daxita weraweraca taexanaewa.

<sup>14</sup> Xan bichocono yabara nacuidubaponan po coyene judiomona pia pejume cowantsiwa tatsi. Yawa yabara nacuidubaponan po coyene pia pejinompae coyene tatsi. Bichocono nacuidubaponan beyacaincha xua ichamona nacuidubapona pomona tanacuapiwi pomona tana newei jupaewi. Bichocono ichichipan xua taexanaewa po coyene tamo susato jiwi exana, beyacaincha xua ichamona exana.

<sup>15</sup> Ichitha caena bayatha Nacom neitapeta xua tajume cowantsiwa tsane bapon pewanaeya poxonae beya tanaexanaewa tsane. Daxota Nacom newaba, bichocono petana neantobexae.

<sup>16</sup> Bapon Nacom yabara neyaputane exana Pexanto tatsi, pon Jesucristo. Baxua Nacom inta exana Pexanto tatsi tayabara cueicueijeinexa tsane pomonaetha pomona jopa judiomona naexanaeyo. Poxonae barapo coyeneya necana exana jopa baxua yabara paebinyo ichamonaetha.

<sup>17</sup> Matautano jopa ponaeinyo Jerusalén tomara beya xua baxua tayabara paebinexa Jesucristo pia peitorobi jiwitha tatsi pomona bayatha netsiwana cana exainchi Jesucristo pia peitorobi jiwi tatsi. Seicaya nama xan nainya ponan Arabia nacua beya. Bapoxonae pirapaeyo Damasco tomara beya ponan.

<sup>18</sup> Jopa nainya ponaeinyo Jerusalén tomara beya. Saya bara beya ponan poxonae acoibi po weiyobe yapucaewa. Bapoxonae Pedro tan, yawa baxota naecan quince po matabibe.

<sup>19</sup> Jopa taeinyo daxita pomona Jesucristo pia peitorobi jiwi tatsi. Saya meisa Santiago tan pon Jesús pia peitorobi jiwi jiwana pin tatsi, pon jiwi Pecanamataxeinaein bapon peweicho tatsi.

<sup>20</sup> Bara xaniwaicha tinan. Nacom yaputane xua jopa naerabinyo pocotsiwa pacata tinatsi.

<sup>21</sup> Nexata bapoxonae Siria nacua beya ponan, yawano Cilicia nacua beya ponan.

<sup>22</sup> Nama pomona jinompa Judea nacuatha, pomona Cristo pejume cowantsiwi, cataunxuae barapomona jopa xaniwaicha neyaitaeyo.

<sup>23</sup> Saya barapomona jume tane xua ichamona neyabara jeye: “Apara bapon, pon caena bayatha abe naca cana exana wajume cowantsixae Cristo. Anoxuae bapon yabara cueicueije tsurucuaebiya Jesucristo pia pejume cowantsi diwesi, bequein copiya ichichipa weraweraca cana exana ichamona pomona pejume cowantsiwi Jesucristo”, neyabara jei.

<sup>24</sup> Barapomonae wanae jainteiba Nacom poxoru anoxuae wanae exanan Nacom nexa.

## 2

*Meje yabara poxonae Jesús pia peitorobi jiwi tatsi Pablo caemona nabar naexanatsi*

<sup>1</sup> Jerusalén tomara weya ponan xua jiwi tatsipaebinexa Nacom Pejume Diwesi icha nacuantha. Poxonae catorce po weibe yapucaewa bapoxonae Bernabé equeicha paponanbe Jerusalén tomara beya. Yawa iru Tito baru ponan.

<sup>2</sup> Bara beya ponan tsipei Nacom netsita itata xua bewa ponaein. Baraxota Jerusalén tomaratha pomona pecanamataxeinaewi Nacom piamona tatsi daxita pomona pejume cowantsixaetsi Cristo barapomona compa nebaru nacaetuta. Barapomonaetha

yabara tsipaeban po diwesi pecapanenebiyae diwesi jume, xua po diwesi tsipaeban pomonaetha pomonae jopa judiomonae naexanaeyo. Baraxua exanan tsipei jopa ichipaeinyo xua barapo diwesi pejumexaei tsane po diwesi bayatha tsipaeba ducua-naeteiban yawa xua anoxuae tsipaeban pomonaetha jopa judiomonae naexanaeyo.

<sup>3</sup> Tito baxota nabaru ecan. Bequein bara bapon griego nacuamonaepin ichitha jopa itorobichi xua pewi thabiwatsi xua ichaxota pebiwi nareixacaena. Bequein ichamonae baxua ichichipa xua baxua Tito pecana exanaewatsi, ichitha jopa baxua cana exanaetsi.

<sup>4</sup> Ichamonae pomonae Cristo Jesús jopa xapain jume cowantsichi, barapomonae namicha pata poxonae pana nacaetutan. Barapomonae ichichipa xua Tito pewi thabiwatsi xua ichaxota pebiwi nareixacaena. Barapomonae namicha pata poxoru ichichipa yaputane xua icha paxan jopa paexanaeinyo pocotsiwa Moisés pia peitorobi coyenewatha itoroba xua anoxuae pata jume cowantsixae Cristo Jesús. Barapomonae ichichipa xua equeicha bewa paexanaein pocotsiwa Moisés pia peitorobi coyenewatha yabara itoroba xua penawi thabi coyene.

<sup>5</sup> Matautano bara caetono barapomonae jopa pajume cowantsiya taeinyo. Yawano jopa paexanaeinyo pocotsiwa xua barapomonae pana neitoroba xua jame saya poxoru apara painya neyaputaewa tsane pexainyeiwa xua po coyene Nacom pia pecapanenebiyae diwesi jume xeina.

<sup>6</sup> Jerusalén tomaratha tsipaeban pomonae pecanamataxeinaewi Nacom piamonae tatsi daxita pomonae pejume cowantsixaetsi Cristo. Nayabara paeban barapomonaetha pomonae Nacom piamonae tatsi pecanamataxeinaewichi po coyene Nacom Pejume Diwesi tsipaeban pomonaetha pomonae jopa judiomonae naexanaeyo. Ichitha barapo matabitha barapomonae pomonae Nacom piamonae tatsi pecanamataxeinaewichi jopa neitorobiyo xua tamuxuna cueicueijejiwa xua icha diwesi xua Jesucristo yabara poxonae cueicueijeji ducua-naebiyon po diwesi xua yabara paeban pomonaetha pomonae jopa judiomonae naexanaeyo. Jopa inta ainya cuiyo xua barapomonae bichocono peainya cui jiwi xua pecanamataxeinaewi xua nama xan jopa daichinyo, tsipei Nacom daxita tsitatsi xua xan iru barapomonae penajurape jiwi pan.

<sup>7</sup> Barapomonae jopa necatsiyo pena pecuidubiwa xua tacueicueijeinexa. Barapomonae yaputane xua Nacom neitoroba tacueicueijeinexa pia pecapanenebiyae diwesi pomonaetha pomonae jopa judiomonae naexanaeyo pomonae jopa pewi thabiwichi. Icha Nacom ichi xua Pedro itorobatsi xua pecueicueijejiwa tsane barapo pecapanenebiyae diwesi judiomonaetha, barichi Nacom neitoroba xua tacueicueijejiwa tsane barapo diwesi pomonaetha pomonae jopa judiomonae naexanaeyo.

<sup>8</sup> Nacom Pedro exainchi Jesucristo pia peitorobi jiwi jiwanapin tatsi xua pomonae judiomonae nexa. Barichi Nacom neexana xua Jesucristo pia peitorobi jiwi jiwanapin tatsin xua pomonae jopa judiomonae naexanaeyo nexa.

<sup>9</sup> Santiago, iru Pedro iru Juan barapo acoibi poyobe jiwi yabara nanta xeina xua barapo acoibi poyobe pepa pecanamataxeinaewi xua canamataxeinatsi pomonae Nacom piamonae tatsi daxita pomonae pejume cowantsixaetsi Cristo. Barapo acoibi poyobe yaputane xua Nacom necata barapo penacuichiwa. Bapoxonae barapo acoibi poyobe necobe jayaba xua patsita itapeinya xeinan xua peburaya cuita pata nanta xeinaewa xua xan barapoyobe jiwanan poyobe xua Nacom Pejume Diwesi cueicueijeji jiwitha. Barapo acoibi poyobe iru Bernabé cobe jayabatsi. Barapomonae baxua exana poxoru pata jiwimonae pana naexanan, yawano poxoru barapomonae peburaya nanta xeina, xua paxanbe Bernabé panbe paponaeinbe ichaxota pomonae jopa judiomonae naexanaeyo xua iruru poxonae barapomonae nabaru nacuichina pomonae judiomonaetha.

<sup>10</sup> Barapo acoibi poyobe pana itoroba, pana nejei: “Pananta xeinare xua painya neyawenaewa tsane peacopeibi jiwi Jerusalén tomaratha”, pana jei. Baxua bichocono

ichichipan xua taexanaewa tsane.

*Meje yabara poxonae Pablo muxutainyaba, Pedro muxutainyabatsi Antioquía tomaratha*

<sup>11</sup> Nexata poxonae Pedro Antioquía tomaratha patopa, bapon itabara taeya muxutainyaban tsipei bapon bayatha abe exana.

<sup>12</sup> Pocotsiwa bapon exana baxue: Copiya bapon Pedro naxane pomonaetha pomonae jopa judiomonae naexanaeyo, pomonae xua jopa ba wi thabichi xua ichaxota pebiwi pia penareixacaenaewa bequein bapon judiomonaepin. Ichitha poxonae pata pebiwi, po pebiwi Santiago barꝰ popona, bapoxonae Pedro tsana xane jopa equeicha naxaeyo pomonaetha pomonae jopa judiomonae naexanaeyo. Baxua Pedro exana poxoru Santiagobarꝰ cunuwatsi xua poxoru Santiagobarꝰ paeba xua pinae bewa daxita pebiwi wi thabichi, metha bequein tsipae pomonae pepa judiomonae, mataꝰtano metha bequein tsipae pomonae jopa judiomonae naexanaeyo.

<sup>13</sup> Bapoxonae ichamonae icha judiomonae pomonae pejume cowꝰntsiwi Jesucristo, barichi jꝰpa exana icha Pedro ichi xua tsana xane. Bequein barapo ichamonae yaputane xua jopa bewa itorobi xua pewi thabiwatsi pomonae pejume cowꝰntsiwi, ichitha awiya barapomonae paeba xua bewa pinae wi thabichi pomonae pejume cowꝰntsiwi. Barichi Bernabé bara jꝰtiya ichi irꝰ exana xua tsana wepu xane pomonae jopa judiomonae naexanaeyo.

<sup>14</sup> Ichitha poxonae tan xua barapomonae jopa xapain exanaeyo pocotsiwa xua Nacom pia pecapanenebiyae jume diwesitha paeba bapoxonae Pedro tsipaeban peitabaratha tatsi daxita pomonae Nacom piamonae tatsi pejume cowꝰntsixaetsi Cristo pomonae nacaetuta. Janje: “Xam bequein judiomonaepim ichitha poponame icha ichi poxonae popona pon jopa judiomonae naexanaeyo. Jopa exanaem icha ichi poxonae exana pon judiomonaepin. Xam jopa bewa itorobim pomonae jopa judiomonae naexanaeyo xua bewa exanaena icha judiomonae ichi xua poxonae exana”, jan.

*Meje yabara xua judiomonae xuano pomonae jopa judiomonae naexanaeyo xua irꝰ capanenebiya tsainchi xua Jesucristo pejume cowꝰntsiwixatsi*

<sup>15</sup> Waxainchi judiomonae naexanatsi. Ichitha waxainchi jopa abe waexanae jiwichi xua jopa icha ichamonae ichiyo pomonae jopa judiomonae naexanaeyo, tsipei barapomonae abe peexanaewi.

<sup>16</sup> Waxainchi yaputainchi xua bequein exanatsi pocotsiwa Moisés pia peitorobi coyenewatha itoroba, ichitha jopa jꝰntꝰ coyene xeicaetsi Nacomtha xua jopa Nacom watsita natsicuentsiwa tsane abe waexanaexae bapontha. Jiwi ba jꝰntꝰ coyene xeca poxonae Jesucristo jume cowꝰntatsi. Waxainchi jꝰntꝰ coyene xeicatsi poxoru jume cowꝰntatsi Jesucristo xua poxoru jopa wajume cowꝰntsiya exanaexae pocotsiwa Moisés pia peitorobi coyenewatha itoroba. Dapon aibi pon pejꝰntꝰ coyene xeicaein xua pejume cowꝰntsiya exanaexae pocotsiwa Moisés pia peitorobi coyenewatha itoroba.

<sup>17</sup> Waxainchi ichichipatsi xua wajꝰntꝰ coyene xeicae jiwichi wanaca yawenaexae Cristo. Ichitha icha waxainchi nacuidubaponatsi xua xeinatsi peajꝰntꝰ coyenebewa xua bequein Cristo naca yawena, bapoxonae jopa naca yawenaeyo Cristo. Mataꝰtano bapoxonae bapon abe naca cana exana. ¡Jume, baxua apara Cristo jopa bapana nacata exanae!

<sup>18</sup> Nacom tsitan xua tatsita natsicuentsiwa abe taexanaexae bapontha icha equeicha jiwi caewa itoroban xua bewa exanaena pocotsiwa Moisés naca itoroba pia peitorobi coyenewatha wanaca capanenebiyaenexa abe waexanae coyenewa weya.

<sup>19</sup> Barapo Moisés pia peitorobi coyene jopa neyawenaeyo xua necana exana xua tajꝰntꝰ coyene xanepanaewa Nacomtha. Saya necana exana xua tatꝰpaewa tsane, poxoru awiya tanatsicuentsiwa xeinan. Ichitha anoxuae Cristo tana netsitꝰpaexae neitacꝰpa xua tapoponaewa Nacom nexa. Mataꝰta anoxuae jopa neitorobiyo Moisés pia

peitorobi coyenewa tatsi poxoru jopa xeinaeyo peayapusu itorobi coyenewa xua tana necapanepaewa tsane abe taexanae coyenewa weya.

<sup>20</sup> Poxonae Cristo tupa naetotha inta yawa muxuna tupa abe taexanae coyenewan. Daxota anoxuae xan be ichan, tsipei Cristo neyawa popona. Po peajuntu yapusuwatha poponan, barapo peajuntu yapusuwawa Nacom necata tajume cowantsixae Cristo. Bapon Cristo, pon Nacom Pexanto, bichocono neantobe, daxota inta tsitupa abe taexanae coyenewan.

<sup>21</sup> Jopa benaitematsinyo Nacom pia peantobewa tatsi. Icha nanta xeinan xua jiwi najuntu coyene xeica exana Nacomtha peexanaexae pocotsiwa Moisés pia peitorobi coyenewa itoroba, xua daxota bapoxonae Cristo jopa nantawenonaeyo xua jiwi petitupaewatsi bara be poxonae xuban Nacom pia peantobewa tatsi.

### 3

#### *Meje yabara xua Moisés pia peitorobi coyenewa tatsi*

<sup>1</sup> ¡Eta bichi tsobenae Galacia nacuapiwi! ¿Jintam pon mara pexeinaein paca baru xujaji xua jopa painya nejume cowantsiwa Nacom pia pejume xainyeiwa tatsi? Poxonae paca tsipaebatsi paca yaputane exainchi xua Jesucristo tsitupa jiwi naetotha xua jiwi tsitupatsi.

<sup>2</sup> Baraxua pana nejume nore: ¿Nacom paca cata pia Pejumope tñaxu tatsi painya neexanaexae pocotsiwa Moisés pia peitorobi coyenewatha itoroba? Jume. Nacom paca cata pia Pejumope tñaxu tatsi painya nejume cowantsixae po coyene xua yabara paca tsipaebatsi xua pejume cowantsiwa Jesucristo.

<sup>3</sup> ¡Maisa bichoconocai! ¿Eta pomonae pam tsobenaem? Poxonae copiya pajume cowantame Nacom pia Pejumope tñaxu tatsi paca yawena xua Nacom painya netsita xeinaewa pejuntu coyene xeicaewa. ¿Anoxuae pananta xeiname xua bichocono pejuntu coyene xeicaewa paxeiname beyacaincha xua copiyatha paxeiname, xua Moisés pia peitorobi coyenewa painya exanaexae? Ajibi, jopa bewa baxua pananta xeinaem.

<sup>4</sup> Ichamonae bichocono paca atene exana Jesucristo pexeinya jume diwesi painya nejume cowantsixae. Jopa bewa pana nacui barapentsim xua painya nejume cowantsiwa Jesucristo pejume diwesi, po diwesi yabara xua ichamonae atene paca exaneiba. Tsipei icha pana nacui barapentsipame xua painya nejume cowantsiwa Jesucristo pejume diwesi jopa pexainyei jume tsipae pocotsiwa xua papaebame.

<sup>5</sup> Nacom paca cata pia Pejumope tñaxu tatsi. Matautano Nacom pexeinya petsita itubi coyenewa exana painya xantha. ¿Eta pocotsiwa metha Nacom baxua exana? Baxua Nacom jopa pacata exanaeyo xua poxoru painya neexanaexae pocotsiwa Moisés pia peitorobi coyenewatha itoroba. Apra jame baxua pacata exana poxoru painya nejume cowantsixae po diwesi xua pajume taneme.

<sup>6</sup> Abraham pon caena bayatha popona yabara jume cowanta xua Nacom exanaena pocotsiwa Abraham yabara tsiwñnae muxu dutatsi. Daxota Nacom tsitatsi xua bapon Abraham bara pejuntu coyene xanepanaein xua jopa Nacom tsita xeinaetsi penatsicuentiwa xua abe peexanaexae.

<sup>7</sup> Daxota paxam bewa payaputaename xua pomonae xaniwaicha Jesucristo pejume cowantsiwichi, Nacom tsitatsi xua barapomonae bara be yatsicaewa Abraham pia pemomoxi susato jiwi tatsi bequein bara jopa yatsicaewa Abraham pia pemomoxi susato jiwiyoy tatsi.

<sup>8</sup> Caena bayatha Nacom Pejume Diwesi paeba, xua Nacom capanenebiya tsane pomonae jopa judiomonae naexanaeyo xua jopa peatenenexa tsane xua abe peexanaexae. Baxua Nacom exana, icha ichichi pomonae judiomonae xua capanenebiya tsainchi. Daxita pewñnaeya baxua Nacom paeba pia pexeinya jume diwesitha xua



Abrahamtha jeye Nacom: “Daxita nacuanpiwi juntu coyene weiweina exanaein tana nejume cowantsixaemxae”, jei Nacom.

<sup>9</sup> Daxota daxita pomonae jume cowanta, juntu coyene weiweina, xua Abraham muxuna, xua iru Abraham nejume cowantsixae.

<sup>10</sup> Pomonae bequein jume cowantsiya eexanapona pocotsiwa Moisés pia peitorobi coyenewatha itoroba xua pecapanenebiyaewa tsainchi, barapomonae bexa atene tsane xua Nacom exanaena abe peexanaexae. Tsipei Nacom Pejume Diwesitha jeye: “Pomonae jopa exanaeyo daxita po coyene itoroba Moisés pia peitorobi coyenewatha, daxita barapomonae atene tsane xua Nacom exanaena abe peexanaexae”, jei.

<sup>11</sup> Yaputainchi beta, dapon ajibi pon pexeinaein xua po coyene pejuntu coyene xanepanaewa, xua daxota Nacom tsitatsi xua jopa penatsicuentisiwa abe peexanaexae. Tsipei bequein ichichipa xua peexanaewa xua po coyene Moisés pia peitorobi coyenewatha itoroba, daichitha jopa itacupaetsi xua exana daxita xua Moisés itoroba. Ichitha Nacom Pejume Diwesitha jeye: “Pon xua Nacom juntu coyene xanepana exana pon nejume cowantsixaetsi, barapon bara ataya asu poponaena”, jei.

<sup>12</sup> Jiton jopa nantawenonaeyo xua Jesucristo jume cowantatsi peexanaewa tsane daxita pocotsiwa Moisés pia peitorobi coyenewatha itoroba. Barapo peitorobi coyenetha jeye: “Bewa exanaename daxita pocotsiwa xua barapo peitorobi coyenewatha paeba ayapusaya nepoponaewa tsane”, jei.

<sup>13</sup> Cristo naca capanepa poxonae naetotha naca tsitupa wanaca yantomatsixae xua abe peexanae coyene waexanaexae po peabe exanae coyene Moisés pia peitorobi coyenewatha yabara paeba. Cristo baxua exanatsi xua tupa be pon xua bichocono abe peexanaein xua abe waexanae cuiru coyene peyawa tupaexae. Baxua yabara Nacom Pejume Diwesitha jeye: “Pon petupaein naetotha ducua bapon Nacom tsita abetsi xua bapon abe peexanaexae”, jei.

<sup>14</sup> Cristo Jesús naetotha petupaexae daxota Nacom catsina pomonaetha pomonae jopa judiomonae naexanaeyo po coyene xua bayatha Nacom Abraham tsiwunaeyabara muxu dutatsi. Nacom Abraham tsiwunaeyabara muxu dutatsi xua pecatsinexatsi peantayapusawa. Matautano Nacom Abraham tsiwunaeyabara muxu dutatsi xua Nacom pia Pejumope tunaxu tatsi naca yawa jinompaena poxonae jume cowantatsi Jesucristo.

### *Meje yabara xua Nacom pia petsiwunaeyabara muxu dutsiwa tatsi*

<sup>15</sup> Tamonae pam, pomonae iru painya nejume cowantsiwixae Jesucristo. Paca tsipaebatsi tsica diwesiyo juta coyeneyatha xua pocotsiwa jiwi ba exana. Poxonae ba nacueyatabe pebinbe peburuya nanta xeinabe xua nantiya penata exanaenexabe yawa daxota nawun dutabe paperatha, bara baponbe bewa exanaenabe po coyene baponbe tsiwunaeyabara muxu dutabe. Ichun jopa itacupaetsi xua ichawa equeicha mataropata tina icha bayatha nawun tinabe.

<sup>16</sup> Nacom exana pia petsiwunaeyabara muxu dutsiwa Abrahamtha yawa iru Abraham pia pemomoxi susato jiwi jiwanaepintha tatsi. Nacom Pejume Diwesitha jopa jeyo: “Pia pemomoxi susato jiwitha”, jopa jeyo. Jame meisa caeintha yabara jei: “Pia pemomoxi susato jiwi jiwanaepintha”, jei. Baxua yabara paeba xua Cristo yabara caunutatsi.

<sup>17</sup> Baxua paca tsipaebatsi meje: Poxonae Nacom yabara tsiwunaeyabara muxu duta Abrahamtha, bapoxonae poxonae cuatrocientos po weibe yapucaewa bapoxonae Moisés pia peitorobi coyenewa tatsi patopa. Moisés pia peitorobi coyenewa tatsi jopa ainya cuiyiyo beyacaincha Nacom pia peyabara tsiwunaeyabara muxu dutsiwa tatsi xua daxota jiwi jopa nantawenonaeyo barapo Nacom pia peyabara tsiwunaeyabara muxu dutsiwa tatsi.

<sup>18</sup> Icha jiwi itacupatsi xua panenebiya abe pia peexanae cuiru coyene weya xua peexanaexae pocotsiwa Moisés pia peitorobi coyenewatha itoroba, bapoxonae ainya



cui aibi po peyabara tsiw<sub>u</sub>nae muxu dutsiwa Nacom yabara tsiw<sub>u</sub>nae muxu duta Abrahamtha. Ichitha poxoru jiwi jopa itac<sub>u</sub>paetsi xua pepanenebiwa abe pia peexanae cuiru coyene weya poxonae bequein exanaetha pocotsiwa Moisés pia peitorobi coyenewatha itoroba, daxota bichocono ainya cui po peyabara tsiw<sub>u</sub>nae muxu dutsiwa, Nacom amanayiya yabara tsiw<sub>u</sub>nae muxu duta Abrahamtha.

<sup>19</sup> ¿Eta xua metha canamatawenonatsi Moisés pia peitorobi coyenewa? Nacom naca cata baxua abe waexanaexae beya poxonae Cristo patopa, pon Abraham pia pemomoxi susato jiwi jiwanapin tatsi pon yabara tsiw<sub>u</sub>nae muxu duta Nacom. Nacom cata pia peitorobi coyenewa matatsunpiwitha xua barapomona xuya Moisés catatsi jiwi nexa.

<sup>20</sup> Ichitha poxonae Nacom yabara tsiw<sub>u</sub>nae muxu duta Abrahamtha, bapoxonae dapon aibi pon capona barapo peyabara tsiw<sub>u</sub>nae muxu dutsiwa Abrahamtha Nacom weya. Jame saya meisa Nacom compa yabara tsiw<sub>u</sub>nae muxu duta Abrahamtha.

### *Meje yabara xua daxota Nacom itoroba Moisés pia peitorobi coyenewa tatsi*

<sup>21</sup> Paca yainyabatsi: ¿Moisés pia peitorobi coyenewa abe cana exana Nacom pia peyabara tsiw<sub>u</sub>nae muxu dutsiwa tatsi? Jume, apara tsipei Nacom jopa capanenebiyae tsane jiwi peexanaexae Moisés pia peitorobi coyenewa tatsi. Icha jiwi itac<sub>u</sub>paetsipatsi xua capanenebiyatsi abe pia peexanae coyenein weya peexanaexae po coyene Moisés pia peitorobi coyenewatha itoroba, bapoxonae jiwi j<sub>u</sub>nt<sub>u</sub> coyene xanepanaetsipa Nacomtha peexanaexae po coyene Moisés pia peitorobi coyenewatha itoroba.

<sup>22</sup> Nacom Pejume Diwesitha jeye: “Daxita jiwi bewa atene tsane abe peexanae coyenein peexanaponaexae xua jopa itac<sub>u</sub>paetsi xua penacui barapentsiwa. Daxota daxita pomonae Jesucristo pejume cow<sub>u</sub>ntsiwichi Nacom cana exanaena jiwi po coyene xua bayatha yabara tsiw<sub>u</sub>nae muxu duta xua bepa pinae jiwi capanenebiya tsainchi Jesucristo pejume cow<sub>u</sub>ntsixaetsi”, jei.

<sup>23</sup> Pew<sub>u</sub>naeya xua poxonae Cristo pepatopeicaewa tsane po peitorobi coyenewa Nacom Moisés catatsi naca yaputane exana xua poxonae Cristo patopeicaena bapoxonae waxainchi bara bewa jume cow<sub>u</sub>ntichi Cristo. Barapo peitorobi coyenewa yabara naca yaputane exanano xua po coyenewa waxainchi wacoutha nata exainchi. Jopa naca exanaeyo xua Nacom wanaca capanenebiwa. Daxota po diwesi Nacom Moisés catatsi barapo diwesi naca j<sub>u</sub>nt<sub>u</sub> coyene yawenapona beya poxonae Cristo patopaetsica.

<sup>24</sup> Moisés pia peitorobi coyenewa naca yawena xua wayaputaewa Cristo. Barapo Moisés pia peitorobi coyenewa tatsi naca yawena xua naj<sub>u</sub>nt<sub>u</sub> coyene xanepana exainchi Nacomtha wajume cow<sub>u</sub>ntsixaes Cristo.

<sup>25</sup> Anoxuae jume cow<sub>u</sub>ntatsi Cristo, daxota jopa nantawenonaetsi Moisés pia peitorobi coyenewa tatsi.

<sup>26</sup> Paxam painya nejume cow<sub>u</sub>ntsixaes Cristo Jesús, daxota daxita paxam Nacom pia pexui tatsi pam.

<sup>27</sup> Daxita paxam poxonae bayatha ichamona paca bautisaba caemona pana naexaname Cristo Jesththa, Cristo pijimona tatsi pamxaem. Daxota paxam pacoyene j<sub>u</sub>pame Cristo.

<sup>28</sup> Nacom daxita jiwi tsita naj<sub>u</sub>patsi. Daxota Nacom jopa tsita ainya cuichi metha bequein judiomona pam tsipaem, ir<sub>u</sub> metha bara bequein griegomona pam tsipaem pomona jopa judiomona naexanaeyo. Mata<sub>u</sub>tano jopa tsita ainya cuichi metha bequein pomona amanaya painya nepaca busi cui tatayebeibiwi pam tsipaem, ir<sub>u</sub> bara bequein pomona jopa amanaya painya netanacuichi jiwi pam tsipaem. Mata<sub>u</sub>tano jopa tsita ainya cuichi metha bequein bara pebiwi pam tsipaem, ir<sub>u</sub> metha bequein yab<sub>u</sub>xi pam tsipaem. Nacom tsitatsi xua paxam be caemona jiwi pam xua caemona pana naba<sub>u</sub> exaname Cristo Jesththa.

<sup>29</sup> Icha paxam Cristo pijimonae pam, bara nexata paxam Abraham pia pemomoxi susato jiwi pam. Po coyene Nacom Abraham yabara tsíwɩnae muxu dutatsi bara baxua paxam nexa.

#### 4

<sup>1</sup> Xua ichichipan xua tapaebiwa baxua meje: Icha pexuyo paxa cuenta tɩpatsi poxonae cataunxuae pexuyo tsecae barapoyo jopa bepijawa catichi ichamonae pocotsiwa xua coxiyɩn pecopaniwa tatsi tsipei cataunxuae pexuyo tsecae. Barapo pexuyo bewa exaneibina pocotsiwa peitorobeibixaetsi pomonae wichitiya pebaru jinompaewichi icha ichi xua poxonae exana pomonae amanaya petanacuichiwi ichamonae nexa.

<sup>2</sup> Barapo pexuyo nantaɩta pomonae peyawenaewichi, pomonae bapon wichitiya pebaru jinompaewichi. Mataɩtano pexuyo itorobatsi pocotsiwa barapo pexuyo bewa exanaena. Barapomonae ewata xua barapo pexuyo catsinchi poxonae pinyo tsane be po coyeneya bayatha coxiyɩn paeba.

<sup>3</sup> Waxainchi bara pocotsi jɩta coyeneya ichichi beya poxonae Cristo patopeica. Waxainchi be pexui natsicotainchi tsipei pemayainwa exanatsi pocotsiwa Moisés pia peitorobi coyenewatha naca itoroba.

<sup>4</sup> Poxonae barapo matabi patopa, po mataqueitha xua Nacom ichichipa xua Pexanto itorobica, bapoxonae barapo mataqueitha Nacom Pexanto itorobica xua yabɩyo petsiperɩ wenaexanaenexatsi barapo cae pin nacuathe. Bapon yacuiya naexana judiomonaepin. Mataɩtano bewa exanae pocotsiwa judiomonae ba itoroba xua pocotsiwa pepaebixae Moisés pia peitorobi coyenewa tatsi.

<sup>5</sup> Bapon patopa xua jopa wanantawenonaenexa xua waexanaewa tsane pocotsiwa Moisés pia peitorobi coyenewatha naca itoroba, xua bapoxonae Nacom wanaca cana exanaewa tsane xua Nacom pia pexuichi.

<sup>6</sup> Nacom pia pexui tatsi painya nenaexanaexae, daxota pacata itorobica pia Pejumo pe tɩnaxɩ tatsi pia painya nepaca cayawenaewa tsane poxonae paca jɩntɩ coyene tsipaeba. Barapo Nacom pia Pejumo pe tɩnaxɩ tatsi naca cana exana xua wajeiwa: “Axa”, xua wajeiwa Nacomtha.

<sup>7</sup> Anoxuae paxam jopa barapocotsimonae pam pocotsimonae xua amanaya tanacuita caurimonae pia pentacaponaein tatsi nexa icha be pocotsimonae ichi xua pocotsimonae pebusi cui tatayebeibiwichi. Nacom paca exana pia pexui tatsi. Tsipei paxam Nacom pia pexui tatsi pam, daxota Nacom paca catsibina daxita po coyenein Nacom xeina pia pexui tatsi nexa.

*Meje yabara poxonae Pablo yabara nanta xeineiba pomonae pejume cowɩntsiwi Jesu-cristo*

<sup>8</sup> Pewɩnaeya xua poxonae payaputaename Nacom, copiya paxam be barapocotsimonae pam be pocotsimonae bewa exanae xua pia nacomɩn itorobeibatsi, po nacomɩn xua saya jiwi pia coya cana exana xua jopa pepa nacomɩnyo.

<sup>9</sup> Ichitha anoxuae Nacom payaputaneme, yawa paca tsipaebatsi xua Nacom paca yaputane. Jopa bewa equeicha caewa pana naexanaem xua paexaname pocotsiwa Moisés pia peitorobi coyenewatha paca itoroba xua pocotsiwa caena bayatha copiya paexaname poxonae cataunxuae jopa pajume cowɩntsim Nacom. Barapo Moisés pia peitorobi coyenewa jopa paca yawenaeyo xua painya nepatsiwa Nacom beya. Bewa paexanaename po coyene barapo peitorobi coyene itoroba. Poxonae saya ɩ painya neexaneibi barapo coyene barapoxonae be barapocotsimonae pam be pocotsimonae xua bewa amanaya exaneibina pocotsiwa itorobeibatsi pia pecanamataxeinaeinchi tatsi.

<sup>10</sup> Paxam awiya cataunxuae paxeiname pocotsi coyenewan xua judiomonae itorobatsi Moisés pia peitorobi coyenewatha. Barapo coyenewa itoroba xua matabin yabara yawa xua xometon yabara yawa xua wei yabara, po coyene jiwi bewa exanaena

penajainbotsi yabara, yawa xua pin penabanaewa peexanaewa maticabin yabara. Barapocotsi coyenein paexaname painya nenanta xeinaexae xua painya nenajuntũ coyene xanepana exanaenexa Nacomtha.

<sup>11</sup> Tsipei cataunxuae baxua paexaname, daxota juntũ coyene wecoyan, poxoru pocotsiwa xua paca cuidubatsi jopa paca yawenaeyo, tsipei paexanaponame pocotsiwa xua caena bayatha paexanaponame xua abe paexanaponame.

<sup>12</sup> Tamonae pam, pomonae irũ painya nejume cowantsiwixae Cristo. Paca itorobatsi xua painya coutha pana naexande xua jopa paexanaeinde pocotsiwa Moisés pia peitorobi coyenewatha paca itoroba, icha xan ichin xua tacoutha naexanan xua jopa exanaeinyo pocotsiwa Moisés pia peitorobi coyenewatha itoroba. Bara bequein xan judiomonaepin, ichitha Nacom necapanepa xua jopa tanantawenonaewa tsane xua jopa taexanaewa tsane pocotsiwa Moisés pia peitorobi coyenewatha itoroba, icha paxam paichim xua jopa panantawenonaem xua jopa paexanaem pocotsiwa Moisés pia peitorobi coyenewatha itoroba. Paxam pomonae jopa judiomonae panaexanaem. Bayatha paxam jopa painta abe exanaem, daxota nanta xeinan xua bara pana nejume taneme pocotsiwa paca itorobatsi.

<sup>13</sup> Payaputaneme poxonae copiya paca tsipaebatsi Nacom pia pecapanenebiyae diwesi, tsipei atenein daxota jopa warapaeinyo.

<sup>14</sup> Bequein pacata ayapube xua poxonae pana netaneme xua atenein, ichitha jopa pana necui capanaeya itawetsim. Seicaya paexaname, bara beta pana nententa weyataeya wabame icha be poxonae matatsunpintha paichipaem poxonae patopa po matatsunpin Nacom pia matatsunpin tatsi, pon peainya cuin, yawano xua icha be poxonae pacana ichipaem Jesucristo poxonae patopaetsipa.

<sup>15</sup> Copiya bayatha bichocono pajuntũ coyene weiweiname, anoxuae jopa paraichim. Bequein baxua paexaname daichitha awiya wũnae paca yabara paebatsi ichamonaetha xua paxam bichocono pana neantobem. Mataũtano bichocono jopa juniya pana neantobem pata tana neyawenaexaem tsane xua beya poxonaeno pana naitacuere jucame xua pata tana neantobexaem.

<sup>16</sup> Anoxuae pana neexaname be pata tana neaitafaetabi jiwim, tsipei yabara paca tsipaebatsi pexainyei jume diwesi.

<sup>17</sup> Po judiomonae jiwi pecuidubiwi barapomonae naemata wũnaeya paca tsipaeba, ichitha peajuntũcoyenebe jiwi. Daxota barapomonae baxua pacata exana pia painya tana nepenticham pia bapoxonae xuya painya ichichipaetsi barapomonae.

<sup>18</sup> Baraxua bara bequein wũnae xua ichamonae paca ichichipa, daichitha saya jame poxonae juntũ coyene wũnae. Barapomonae bewa daxita maticabi paca yaweneibina jopa meisa metha poxoru ecaeinchipae. Mataũtano bara bewa paca yawenaena poxonae jopa ecaeinyo.

<sup>19</sup> Tamonae pam, paxam be pomonae tapexui pam. Paxam nexa bichocono ajuntũcoyenerewein xua anthũthũtanein, icha be poxonae yabũyo ichi poxonae bichocono atene poxonae beya pexuyo pabeta. Baraxua cataunxuae exanaponaein beya poxonae pajuntũ coyene wũnaem tsane icha Cristo ichi xua juntũ coyene wũnae.

<sup>20</sup> ¡Maisa ichichipan bichocono xua tapaca barũ ecaeewatsi anoxuae xua tapaca tsipaebinxatsi icha jumetha, xua jume wũnaeya tapaca tsipaebinxatsi! Tajũ taecaexae xan jopa yaputaeyo xua eta bichin xua tapaca yabara nanta xeinaewatsi xua tapaca yawenaenexatsi.

### *Meje yabara xua yabũyobe Agar irũ Sara*

<sup>21</sup> Paxam pomonae pam pomonae painya neichichipaewa xua painya neexanaewa pocotsiwa Moisés pia peitorobi coyenewatha itoroba. Pana nejume nore. ¿Paxam jopa pajume taem xua barapo peitorobi coyenewatha paeba?

<sup>22</sup> Barapo peitorobi coyenewatha paeba jeye: Abraham xeina ainya pexantobe. Abraham icha pexanto exana powatha xua powa Abraham pia botha tanacuitatsi amanaya, powa pebusi cui taetaexae. Icha pexanto exana powatha powa yatsicaya Abraham piowa tatsi powa xua jopa amanaya petanacuichiawatsi.

<sup>23</sup> Powa Abraham tanacuitatsi amanaya, bapowa pexanto tanaexanatsi bara jupa icha be ichi xua poxonae ichamona tanaexanatsi pexui. Powa Abraham pepa piowa tatsi, powa xua jopa pebusi cui taetaewatsi, Nacom cana exana xua bapowa pexanto tanaexanatsi tsipei bayatha Nacom Abraham yabara tsiwuna nae muxu dutatsi.

<sup>24</sup> Baraxua be pacata exanatsi xua peyabara caunutsiwa. Barapo ainya petsiriwabe baraxua yabara caunuta xua Nacom pia ainya petsiwan nae muxu dutsiwabe tatsi. Agar pexanto tatsi bapon pia pemomoxi susato jiwi tatsi bewa exanae xua Moisés itoroba pia peitorobi coyenewatha tatsi. Barapo peitorobi coyenewa Nacom Moisés catatsi ichaxota demxuwa, po demxuwa pewun Sinaí. Barapon, Agar pexanto tatsi yacuiya naexana xua pon pebusi cui taetaeinchi. Barichi barapon pia pemomoxi susato jiwi tatsi barapo coyeneya yacuiya naexanumenapona. Daxota barapomona bewa exanapona po peitorobi coyene Moisés itoroba.

<sup>25</sup> Barapowa Agar caunuta po demxuwa pewun Sinaí xua Arabia nacuatha, po demxuwa Arabia nacuamona pijumetha: “Agar”, jei. Barapowa Agar xaniwaicha yabara caunutatsi anoxuae po tomara Jerusalén tomara, poxoru barapo tomarapiwi nanta xeina xua bewa exanaena Moisés pia peitorobi coyenewa tatsi icha Agar ichi xua bewa exanae pocotsiwa Abraham itoroba xua powa pebusi cui taetaewatsi pecana exanaexaetsi.

<sup>26</sup> Icha Jerusalén tomara, po tomara seicaya Nacom pia nacuatheicha eca xua Nacom pia tomara, barapo tomara yabara caunuta pocotsiwa xua bichocono xanepana. Barapo Jerusalén tomarapiwi jopa bewa exanae tsane Moisés pia peitorobi coyenewa tatsi. Waxainchi apara barapo tomarapiwichi.

<sup>27</sup> Nacom Pejume Diwesitha Sara tsipaebatsi, jeichichi:

“Petsiriwa powa mawecowam, xam powa jopa xeinaem pexui, juntu coyene weiweinare. Juntu coyene weiweinaya najume tsebare, tsipei xam jopa xeinaem pocotsiwa peatenewa. Po petsiriwa jopa pexui xeinaeyo, barapo petsiriwa bichocono ayei jiwi xeinaena pexui beyacaincha po petsiriwa piseuri baru popona”, jei Nacom Pejume Diwesitha.

<sup>28</sup> Tamona pam, paxam pomonae iru painya nejume cowantsiwixae Jesucristo. Waxainchi Nacom naca cana exana icha Isaac ichichi pon Abraham pexanto tatsi, pon bayatha Nacom Abraham yabara tsiwuna nae muxu dutatsi. Waxainchi barapo pexuichi, po pexui Nacom yabara tsiwuna nae muxu duta wajume cowantsixae.

<sup>29</sup> Po pexanto Agar tanaexanatsi xua pon naexana bara jupa icha be ichi xua poxonae ichamona pexui tanaexanatsi be pon pewun Ismael. Bapon Isaac taayapube exainchi, pon naexana poxoru Nacom pia Pejumope tnanaxu tatsi peitorobixae. Bara jutiya ichi anoxuae pomona xua Nacom pia Pejumope tnanaxu tatsi pexeinaewi taayapube exainchi xua ichamona exana, pomona peexanaponaewi po coyene Moisés pia peitorobi coyenewatha itoroba.

<sup>30</sup> Ichitha pajume taema xua Nacom Pejume Diwesitha paeba, jeye: “Powa amanaya jinya necatanacuichiwa powa nebusi cui taetaexae jinya botha itawere yawa muxuna itawere pia pexanto tatsi. Tsipei barapo pexanto tatsi jopa itacupaetsi xua pexeinaewa pocotsiwa coxiyun pecopaniwa tatsi xua saya cuita pepa pexanto tatsi nexa powa jopa pebusi cui taetaewatsi amanaya”, jei Nacom Pejume Diwesitha.

<sup>31</sup> Tamonaē pam, paxam pomonaē iru painya nejumlah cowantsiwixae Jesucristo. Jopa dapomonaetsi icha be ichi po pexui powa pebusi cui taetaewatsi amanaya pia pexui tatsi pomonaē bewa exanaena pocotsiwa Moisés itoroba. Waxainchi jame barapomonaetsi icha be ichi po pexui powa jopa pebusi cui taetaewatsi amanaya pia pexuichi. Daxota waxainchi jopa nanta wenonaetsi xua waexanaewa po coyene Moisés itoroba.

## 5

*Meje xua Pablo yabara paeba xua jopa bewa equeicha exanaē Moisés pia peitorobi coyenewa*

<sup>1</sup> Cristo naca yawena xua equeicha jopa wanantawenonaewa tsane xua waexanaewa pocotsi coyenewan Moisés pia peitorobi coyenewatha itoroba xua Nacom jopa watsita xeinaewa tsane xua watsita natsicuentsiwa xua abe waexanaexae. Beta ajuntayapusya pajume cowantaponde Nacom, xua bapoxonaē jopa painya necopatsiwa tsane xua ichamonaē paca itorobina xua painya neexanaewa pocotsiwa Moisés itoroba.

<sup>2</sup> Xan, Pablon, pana nejumlah taema. Jopa equeicha pacopatsinde xua bara judiomonaē paca wi thabina, pomonaē pebiwi pam, ichaxota panareixacaename. Tsipei icha baxua paexanaetsipame bapoxonaē Cristo jopa paca yawenaetsipae po coyene bapon nepaca juntu coyene xanepana exanaewa tsane Nacomtha.

<sup>3</sup> Equeicha ichichipan xua tapaca tsipaebiwatsi. Po pebin xua wi thabatsi xua judiomonaē exana, barapo pebin bara be judiomonaēpin naexana. Bapoxonaē bapon bewa daxita matapaeicha coyenein exanaena pocotsiwa Moisés pia peitorobi coyenewatha itoroba.

<sup>4</sup> Paxam pomonaē pananta xeiname xua paca juntu coyene xanepana exanaena Nacomtha painya neexanaexae pocotsiwa Moisés pia peitorobi coyenewatha itoroba, apara paxam Cristo papentame. Yawa panaitematame Nacom pia peantobewa tatsi.

<sup>5</sup> Nama jumlah cowantsiya ewatatsi xua Nacom naca juntu coyene xanepana exanaena xua jopa watsita xeinaewa tsane wanatsicuentsiwa xua abe waexanaexae. Nacom pia Pejumope tñaxu tatsi baxua nacata exana wajume cowantsixae Nacom.

<sup>6</sup> Waxainchi caemonaē peburya Cristo Jesús piamonaē wanaexanaexaetsi jopa naca yawenaeyo icha ichamonaē naca wi thaba xua judiomonaē wanaexanaewa tsane. Ichacuitha icha jopa naca wi thabiyo baxua iruru jopa naca yawenaeyo. Jame pocotsiwa xua wanaca yawenaewa bewa jame jumlah cowantichi Cristo Jesús. Barapo pejumlah cowantsiwa naca exana xua antobeya wajinompawa.

<sup>7</sup> Bayatha copiya beta pajinompame painya nejumlah cowantsiwatha. ¿Jintam metha pacata ayapube exana xua daxota jopa painya neexanaewa pocotsiwa Nacom pia pejumlah xainyewatha paeba?

<sup>8</sup> Apara Nacom jopa pacata exanaeyo baxua xua pacata ayapube exana pon paca waba.

<sup>9</sup> Payabara nanta xeinare po diwesiyo xua jeye: “Levadura ba peyauyo xoyo atsaxa tsecae daxita carepaya matapaeicha atsaxa exana pantha”, jei. Barapo coyene icha be ichi poxonaē abe peexanaē coyene po coyene bewayo painya xainya bejojopa tsiniya.

<sup>10</sup> Jumlah cowantan Nacomtha pon jiwi Pecanamataxeinaein xua jopa painya neitapetsiwa tsane icha painya barompaya nenanta xeinaewa xua icha be jopa ichiyo pocotsiwa nanta xeinan. Icha ichan paca juntu coyene tsacaba xua paca itoroba xua abe painya neexanaewa tsane Nacom atene exanaena bapontha. Jopa Nacom tsita ainya cuiyotsi metha bequein pon jopa peainya cuiyo, matautano metha bequein pon peainya cuin jiton, ichitha awiya atene cana exanaena.

<sup>11</sup> Tamonaē pam, paxam pomonaē iru painya nejumlah cowantsiwixae Jesucristo. Icha cueicueijan tsipae xua bewa jiwi wi thabichi metha judiomonaē jopa inta abe



exanaetsipae. Yawa bapoxonae barapo judiomonae jopa aichaxaibi tsipae Nacom Pejume Diwesi, po diwesi xua Cristo yabara paebatsi po coyene xua naetotha tupa.

<sup>12</sup> Pomonae xua paca juntu coyene cui tsacaba xua paca itoroba xua paca wi thaba barapomonae pin jumetha yabara janje: “Jame maisa bu moya bara pia coutha natobu jucaena xua daxota jopa ichamonae peitorobiwa tsainchi xua penawi thabiwa tsane”, jan.

<sup>13</sup> Tamonae pam, paxam pomonae iru painya nejume cowuntsiwixae Jesucristo. Nacom paca itapeta xua jopa painya nenantawenonaenexa tsane xua jopa equeicha painya neexanaewa tsane pocotsiwa Moisés pia peitorobi coyenetha itoroba xua Nacom jopa painya netsita xeinaewa tsane painya tsita natsicuentiwa xua abe painya neexanaexae. Poxoru jopa painya nenantawenonaemxae xua painya exanaewa barapo Moisés pia peitorobi coyenewa tatsi painya nepaca capanenebiyaenexa tsane daxota jopa paexanaeinde pocotsiwa xua abe, pocotsiwa xua jiwi pia coutha ichichipa exana. Jame paexande pocotsi coyene xua ichamonae payawende xua nantiya caemonae painya nenaantobexae.

<sup>14</sup> Paxam paexaname daxita pocotsiwa Moisés pia peitorobi coyenewatha itoroba poxonae paexaname barapo cae coyenewa xua jeye: “Antobeinde jinya necatsicuarabu enaewi, icha ichim xua naantobem jinya coutha”, jei.

<sup>15</sup> Icha paxam bichocono nantiya atene pana naexaname, yawa icha bichocono nantiya daunwei pana nata exaname, dota pam pepu painya nenaaitafaetabi jiwi pam tsipae xua jopa beta painya nejume cowuntsiwa Nacom.

*Meje xua Pablo yabara paeba pomonae yawa jinompa Nacom pia Pejumope tuxaxu tatsi*

<sup>16</sup> Xua pocotsiwa paca tsipaebatsi meje baxue: Nacom pia Pejumope tuxaxu tatsi payawa jinompare. Bapoxonae jopa paexanaem tsane xua abe paexaname pocotsiwa xua saya jiwi ichichipa pia coutha exana.

<sup>17</sup> Po coyene xua wacoutha wajuntu coyenetha najuntu coyene xeinatsi xua abe waexanae coyenewa baraxua Nacom pia Pejumope tuxaxu tatsi jopa ichichipaeyo. Po coyene Nacom pia Pejumope tuxaxu tatsi naca itorobeiba xua pexeinya coyene waexaneibinexa baraxua, barapo abe wananta xeinaewa jopa ichipaeyo barapo coyene, po coyene Nacom pia Pejumope tuxaxu tatsi naca itoroba. Bapoxonae wajuntu coyene iru Nacom pia Pejumope tuxaxu tatsi pia pejuntu coyene tatsi jopa peburaya jupaeya nanta xeinaebe. Daxota bequein paichichipame xua painya neexanaewa xua pexeinya peexanaewan ichitha jopa paexaneibim po coyenein pexeinya coyenein.

<sup>18</sup> Ichitha icha Nacom pia Pejumope tuxaxu tatsi itorobiya paca mata cainompa bapoxonae jopa bewa pananta xeinaem xua Nacom paca capanenebiyaena abe painya neexanae coyenein weya painya neexanaexae po coyene Moisés paca itoroba pia peitorobi coyenewatha tatsi.

<sup>19</sup> Pocotsiwan jiwi ichichipa pia coutha exana xua abe meje baxue: Ichamonae nata siwa xeina xua bequein jopa piseuri jiwi. Ichamonae bichocono nanta xeineiba pocotsiwa bichocono xua abe, yawa xua pecui tsacatsacapae coyenewa xua weiweina.

<sup>20</sup> Ichamonae wuxnae jainta ibo nacomun. Barichi ichamonae maratha cataerubenanaebiya xua icha jiwi maratha cataerubenanaebiyatsi. Ichamonae caemonae nantiya naita aenae-aenei. Ichamonae nantiya naba. Ichamonae nantiya nauwa. Ichamonae nantiya nacaseba. Ichamonae asiwa piawan. Ichamonae natsatabe exana. Ichamonae pia matabuxumonae nacana exana be pomonae seicaya barompaya penanta xeinaewi.

<sup>21</sup> Ichamonae yabara uwa pocotsiwa xua ichamonae xeina. Ichamonae juteba xua icha jiwi pejutebiwatsi. Ichamonae cupatsi. Ichamonae penajainjubi jiwi bichocono. Ichamonae ichawan exana xua peabe coyenewan. Yabara paca tsiwuxnae muxu dutatsi

xua jupa be po coyeneya bayatha paca tsipaebatsi, po jiwi bapocotsiwan exana barapomonaе jopa patsi tsane Nacom pia peitorobi nacua beicha tatsi.

22-23 Ichitha nama pocotsi coyenewan Nacom pia Pejumope tɔnaxɔ tatsi cana exanaena jiwi pejɔntɔ coyenetha tatsi baxuanje: Peantobewa ichamonaetha, yawa pejɔntɔ coyene weiweinaewa pejume cowɔntsixae Nacom, yawa xua jɔntema pejinompaewa, yawa xua jɔntema pejinompaewa xua bepijawa jopa aitaconaeyo poxonaе bequein ichamonaе abe exana, yawa xua beta peexanaewa ichamonaetha, yawano xua peyawenaewa ichamonaе pejɔntɔ coyene xeicaewaxae, yawano xeina xua bichocono pejume cowɔntsiwa Nacom, yawa bichocono pia coutha jopa penayabara nanta xeinaewa, xua saya yabara nanta xeina ichamonaetha, yawa po coyene xua penaitorobiwa pia coutha. Icha peitorobi coyenewa aibi po peitorobi coyenewa xua yabara paeba xua daxita barapo coyenewan pinae abe.

24 Waxainchi pomonaetsi xua Jesucristo piamonaе tatsichi, jeichichi: “Poxonaе Jesucristo naetotha cobe matatabarutatsi, wajɔntɔ coyene, po jɔntɔ coyene jopa wɔnaeyo, nacata yawa muxuna tɔpa. Bapoxonaе nacata aichurubenaе exana po coyene xua abe waexanaewa”, jeichichi waxainchi.

25 Waxainchi jinompatsi wanaca yawenaexae Nacom pia Pejumope tɔnaxɔ tatsi. Daxota bewa bara copatichi xua Nacom pia Pejumope tɔnaxɔ tatsi bara naca matacarucua ducuaenaebiyaena xua ichaxota daxita pocotsiwantha xua exaneibatsi.

26 Jopa bewa waxainchi ichamonaetha aebichi. Matautano jopa bewa nantiya naanaepana exanaetsi. Matautano jopa bewa nantiya nauwichi.

## 6

### *Meje yabara poxonaе Pablo jeye: “Nantiya pana nayawende”, jei*

1 Tamonaе pam, paxam pomonaе irɔ painya nejume cowɔntsiwixae Jesucristo. Icha ichɔn pacui taneme xua abe exana, pon pejume cowɔntsin Jesucristo, bapon payawende xua equeicha beta peponaewa tsane Nacomtha. Payawende bapon paxam jiwana pomonaе pam Nacom pia Pejumope tɔnaxɔ tatsi pajume cowɔntsiya jinompame. Jopa anaya bichocono pamuxuconaeinde xua abe peexanaexae. Ichitha dota pam, xua irɔrɔ paca jɔntɔ coyene cana exana xua abe painya neexanaewa tsane.

2 Nantiya caemonaе pana nayawende xua poxonaе ichamonaе ajɔntɔcoyenerewe tsaibi pocotsiwa xua ajɔntɔcoyenetane exanatsi. Poxonaе nantiya caemonaе pana nayawename bapoxonaе bara paexanaename pocotsiwa Cristo itoroba xua poxonaе jeye: “Nantiya caemonaе pana naantobeinde”, jei.

3 Pon pia coutha nayabara nanta xeina xua jopa abe exanaeyo xua daxota jopa nantawenonaeyo xua peyawenaewatsi tsainchi, bapon pia coutha namuxuitoroba.

4 Jiton bewa pia coutha nacui yabara nanta xeinae xua exana, bapoxonaе barapon jɔntɔ coyene weiweina icha piawa beta exana. Bapon jopa bewa yabara nanta xeinae pocotsiwa xua ichɔn exana xua bichocono wɔnae xua beyacaincha bapon exana. Daxita jiwi carepaya bewa barichi bewa pia coutha nacui yabara nanta xeinae icha metha bara wɔnae xua pocotsiwan exana.

5 Daxita jiwi carepaya barompaya bewa exanaena pia penacuichiwan Nacom nexa be pocotsi coyeneya xua Nacom itoroba.

6 Pon xua nacuiduba Nacom Pejume Diwesi, bapon bewa xuya catsina ichawa pocotsiwa xua penantawenonaewa pontha pon xua pecuidubinchixaetsi xua be pe-matomatsi coyenewa exana.

7 Jopa painya coutha pana namuxuitorobinde. Dapon ajibi pon itacɔpatsi xua Nacom muxuitorobatsi. Pocotsiwa xua pebin exana bara barapocotsi coyenetha cuita yabara cana exanatsi. Icha bapon abeya exana barichi bara abeya cuita yabara cana cui

matomatatsi. Matautano icha bapon xanepanaya exana bara xanepanaya cuita yabara cana cui matomatatsi.

<sup>8</sup> Icha ichun exana pocotsiwa xua pia coutha ichichipa exana pocotsiwa xua jopa xanepanaeyo, bapoxonae bapon xuya cuita xeinaena pocotsiwa xua abe xua jiwi tupa exanatsi. Ichitha icha bapon exana pocotsiwa xua Nacom pia Pejumope tñaxu tatsi ichichipa, bapoxonae barapo Nacom pia Pejumope tñaxu tatsi bapon catinchi peajuntuyapuswa xua ataya tsiteca.

<sup>9</sup> Jopa bewa ajuntucoyenefaetabi tsainchi po coyenewa xua beta waexanaewa Nacom nexa. Icha jopa ajuntucoyenefaetabiya jinompae tsainchi xua beta waexanaewa Nacom nexa, bapoxonae po mataqueitha Nacom daxita wetsina Nacom naca catsina pentoma pocotsiwa wñae xua xanepanaya waexanaexae.

<sup>10</sup> Daxota poxonae daxita coyeneintha naca itacupa xua exanaeinchi pocotsiwa xanepana bara bewa exaneibinchi ichamonaetha pocotsiwan xanepana. Baraxua bewa exaneibinchi daxita jiwitha. Nacom tsitatsi xua bichocono ainya cui xua yawenatsi pomonae Jesucristo pejume cowantsiwichi, beyacaincha poxonae yawenatsi pomonae jopa pejume cowantsiwi.

### *Meje yabara xua Pablo najume wetsiya paeba*

<sup>11</sup> Pataema xua matapainya tacoutha tinan, daxota pin itaneton tsica.

<sup>12</sup> Pomonae judiomonae xua paca itoroba xua painya nepaca wi thabiwa tsane, barapomonae saya baxua exana pia icha judiomonae wñae yabara nanta xeinaetsi barapomonaetha. Yawa barapomonae pomonae xua paca itoroba pomonae judiomonaexae naerabiya nanta xeinaeya jeye: “Poxonae Cristo Pejume Diwesi cueicueijeichi pomonaetha pomonae jopa judiomonae naexanaeyo, bara muxuna itorobatsi xua barapomonae bara bewa pebiwi wi thabinchi ichaxota nareixacaena. Bapo coyenewa icha waxainchi exanatsi baxua wamonae pomonae judiomonae juntu coyene weiweinaena. Bapoxonae barapomonae jopa nacata abe exanae tsane, bequein tsipaebatsi pomonaetha, pomonae jopa judiomonae naexanaeyo xua Cristo naca tsitupa naetotha”, jei xua naerabiya nanta xeina.

<sup>13</sup> Bequein barapomonae paca itoroba xua paca wi thaba ichitha jopa exanaeyo pocotsiwa Moisés pia peitorobi coyenewa itoroba. Barapomonae ichichipa xua paca wi thaba ichamonaetha, pia barapomonae paca yabara paebichi ichamonaetha xua barapomonae paca itoroba. Barapo judiomonae ichichipa xua icha judiomonae yabara nanta xeina xua pomonae paca itoroba bara beta exana pia paca cui itorobixae barapo penawi thabi coyenewa.

<sup>14</sup> Ichitha xan aichaxaibin xua tacoutha atsaquiya nayabara paeban ichamonaetha. Saya meisa bichocono atsaquiya yabara paeban xua Jesucristo petupaewa naetotha pon Wanacacanamateaxeinaein. Cristo naetotha netsitupa daxota pocotsi coyenein xua xeina po irathe jopa netsita ainya cuiyiyo, xua taxeinaenexa yawa xan jopa tsita ainya cuiyinyo barapo cae pin nacuathepiwitha.

<sup>15</sup> Jopa naca yawenaeyo icha naca wi thaba. Barichino jopa naca yawenaeyo icha jopa naca wi thabiyo. Jame pocotsiwa ainya cui xua bewa Jesucristo tsita xeinaetsi pena juntu coyene.

<sup>16</sup> Barabu Nacom paca cata juntema painya nejinompaewa. Matautano barabu Nacom nantanuweya paca yabara nanta xeinaena pia painya nepaca yawenaenexa. Barabu Nacom daxita paxamtha barapo coyenebe paca cana exanaena pomonae pam paexaname po coyenewa barapo peitorobi coyenewa paeba, po peitorobi coyenewa xua yabara paeba pena juntu coyenewa, yawano barabu Nacom paca cana exanaena daxita paxamtha pomonae pam xaniwaicha painya nejume cowantsiwi pam Nacom.

<sup>17</sup> Anoxuae yawano xua bexa tsaneno jopa ichichipaeinyo xua ichun inta ayapube exanaena xua poxonae neyabara paeba xua po coyene pinae Nacom jopa neitorobiyo

xua tacueicueijejiwa tsane bapon nexa. Tsita itapeinya xeinan xua Nacom xaniwaicha bara neitoroba tsipei ichamonae newan duba taperu<sup>u</sup>totha tajume cow<sup>u</sup>ntsixae Jesús.

<sup>18</sup> Tamonae pam, paxam pomonae ir<sup>u</sup> painya nejume cow<sup>u</sup>ntsiwixae Jesucristo. Barab<sup>u</sup> bapon pon Wanacanamataxeinaein, paca j<sup>u</sup>nt<sup>u</sup> coyene weiweina exanaena pia painya nepaca antobexae. Je bara ichi tsane.

Baja Pablo.

## Meje Po Carte Pablo Tatina, Efeso Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonaefeso tomarapiwi*

<sup>1</sup> Xan, Pablon, pacata tinatsi. Nacom necana exana xua Cristo Jesús pia peitorobi jiwu jiwana tatsin xua bapon peichichipaexae. Pacata tinatsi pomonaefeso pam pomonaefeso Nacom piamaefeso pamxaem, pomonaefeso pajinompame Efeso tomaratha. Paxam beta xanepanaya pajume cowanteibame Cristo Jesús xua Nacom caemonaefeso painya nepaca exanaexae Cristo Jesustha.

<sup>2</sup> Barabuu Nacom, pon Waxa iruu Jesucristo, pon jiwu Pecanamataxeinaefeso, baponbe paca yawenaena pia paca necaantobexae. Matautano barabuu baponbe peburaya juntema jinompa paca cana exanaena.

*Meje yabara xua poxonaefeso Nacom wanaca yawenaewa, wanaca antobexae*

<sup>3</sup> Barabuu waxainchi tsipaebatsi Nacomtha, Jesucristo Wanacanamataxeinaefeso, pia Nacom tatsi xuano xua Paxa tatsi. Jeichichi: “Nacom maisa pajuntuu coyene weinweinan jinya pata taneyawenaewaxaem”, jeichichi. Daxita waxainchi Nacom caemonaefeso wanaca cana exanaexae Cristotha, daxota Nacom naca yawena. Nacom bara tsitecaeya naca cata daxita carepaya pejuntuu coyenein po pejuntuu coyenein xeina pia nacuatheicha. Bapo juntuu coyenein naca catsiba xua wanantawenonaewatsi xua wanaca ajuntuucoyenesuu exanaenexa beta xua Nacom watsita jinompaenexatsi.

<sup>4</sup> Caena bayatha pewunaeya xua poxonaefeso nacua forotsina, Nacom naca wun duba xua piamaefeso tatsi wanaca exanaenexa tsane poxoru Cristo caemonaefeso wanaca exanaewa tsane bapontha. Matautano Nacom naca wun duba xua bichocono watsita juntuu coyene xanepanaenexa tsane bapon xua matauta jopa watsita natsicuentisiwatsi tsane xua abe waexanaexae bapontha.

<sup>5</sup> Nacom pia wanaca antobewaxae caena bayatha naca yabara nanta cui yapu weta xua pia pexui tatsi wanaca cana exanaewa tsane. Baxua Nacom naca cana exana xua pocotsiwa Jesucristo pia wanacata exanaexae. Nacom ichichipa exana baxua petsita xanepanaexaetsi.

<sup>6</sup> Daxota barabuu Nacom wunaefeso jainteibatsi pon bichocono pexeinya coyenewa exana poxonaefeso naca yawena wanaca antobexae. Matautano Nacom bichocono wanaca antobexae amanaya daxitatsi caemonaefeso naca cayawa exana Pexantotha, po Pexanto bichocono antobe.

<sup>7</sup> Nacom pia pin wanaca antobexae naca capanenebiya exana abe waexanaefeso cuiru coyenein weya. Nacom tsitatsi xua jopa watsita natsicuentisiwatsi xua abe waexanaexae, yawa naca cayabara cui juntemaina barapo cui. Baxua exana poxoru Nacom Pexanto tatsi jana pichapabarena poxonaefeso bexotsi, poxonaefeso abe waexanaefeso cuiru coyene naca yabara tsitupa naetotha.

<sup>8</sup> Nacom naca tsita itapeinya xeina xua bichocono jopa juniya naca antobeyo. Matautano naca cana exana xua wayabara yaputaewatsi bapon.

<sup>9</sup> Nacom bayatha exana pocotsiwa xua caena bayatha juntucuru exana. Nacom naca yaputane exana xua wayaputaewa pocotsiwa bapon moya yawun xeina xua jiwu jopa yabara yaputaeyo po coyene xua bapon ichichipa peexanaewa. Baxua xua pocotsiwa moya yawun xeina caena bayatha Nacom juntucuru nanta xeina xua Pexanto peitorobiwa tsane po cae pin nacuathe tsique pon pewun Jesucristo.



<sup>10</sup> Caena bayatha Nacom cayabara nanta xeina pocotsiwa xua exanaena. Barapo coyene exanaena po coyene xua daxita caetutsina pocotsiwan Cristo pecanamataxeinaewa tsane picoya xua xuan peitabocotha piawan xuano xua xuan po irathe piawan. Baxuan exanaena poxona jopaena barapo matacabi xua poxona po mataqueitha Nacom ichichipa beexanaena baraxua.

<sup>11</sup> Daxita po coyenein Nacom exana, bapon exana po coyeneya xua ichichipa. Daxota caena bayatha Nacom pana wɔn duba pata tanaexanaewa tsane piamonae tatsi poxoru Cristo caemonae wanaca exanaewa tsane bapontha. Daxita pocotsiwan xua Nacom pana cana exana caena bayatha bapon tsiwanaya juntucuru nanta xeina xua exanaena baxuan tsipei Nacom exana daxita xua pocotsiwan tsita wɔnaetsi.

<sup>12</sup> Paxan, judiomonae pan, pomonae pan xua copiya pawɔnae ewatan xua Cristo pepatopaewa tsane. Barabɔ daxota Nacom bichocono wɔnae pajainchin pexeinya peitɔpanaewa peexanaeinxae.

<sup>13</sup> Pocotsiwa xua pexainyei jume diwesi, barapo diwesi apara Nacom pia pecanenebiyae diwesi tatsi. Poxonae barapo pexainyei jume diwesi pajume taneme Nacom paca cana exana piamonae tatsi painya nejume cowɔntsixaem Cristo painya nepaca capanenebiyaenexa. Bapoxonae Nacom tsita itapeinya xeina xua paxam piamonae tatsi pam poxonae paca cata pia Pejumope tɔnaxɔ tatsi. Bayatha Nacom yabara paca tsiwɔnae muxu duta xua pinae paca catsina barapo pia Pejumope tɔnaxɔ tatsi.

<sup>14</sup> Nacom pia Pejumope tɔnaxɔ tatsi naca cata wanaca barɔ poponaenexa. Baxua naca tsita itapeinya xeina xua daxota xaniwaicha yaputainchi xua bexa ichawan xua Nacom naca catsina pocotsiwan yabara naca tsiwɔnae muxu duta xua naca catsina. Nacom baxua exanaena poxonae daxita cana exanaena piamonae tatsi, pomonae daxita bewa jume cowɔntsina Jesucristo. Bapoxonae jiwi wɔnae jainchina Nacom bichocono pexeinya peitɔpanaewa peexanaeinxae.

*Meje yabara poxonae Pablo Nacomtha tawɔca pomonae pejume cowɔntsi jiwi xua Nacom yaputane pecana exanaewa tsane barapomonae pomonae pejume cowɔntsiwi*

<sup>15</sup> Paca yabara jume tainchi xua paxam pinae beta pajume cowɔntame Jesús, pon jiwi Pecanamataxeinaein. Mataɔtano paca yabara jume tainchi xua pinae beta paantobem pomonae irɔ pejume cowɔntsiwi.

<sup>16</sup> Daxota ataya pacata wɔqueibatsi Nacom, janje: “Nacom maisa jɔntɔ coyene weiweinan xua Efeso tomarapiwi neyawenaewa, pomonae necajume cowɔntsiwi”, jan.

<sup>17</sup> Wɔcan Nacom, Jesucristo Wanacanamataxeinaein, pia Nacom tatsi, pon Waxa pon bichocono pexeinya peitɔpanaewa peexanaein. Wɔcan xua painya nepaca cacatsinexa pia Pejumope tɔnaxɔ tatsi painya neyaputaewa tsane pocotsiwan xua xainyei xua Nacom yabara. Mataɔtano wɔcan xua painya beta neyaputaeponaenexa Nacom.

<sup>18</sup> Nacom wɔcan xua painya neyaputaenexa painya jɔntɔ coyeneintha. Bapoxonae paca itacɔpaena xua payaputaename pocotsiwa Nacom yabara paca tsiwɔn duba xua painya nexainaenexa pocotsiwa yabara paca tsiwɔnae muxu duba. ¡Maisa bichocono jopa juniyiyo xua pocotsiwa Nacom catsina pomonaetha pomonae pia pejume cowɔntsi jiwithaxaetsi pocotsiwa bapon jɔntana jeba barapomonae!

<sup>19</sup> Mataɔtano wɔcan xua painya neyabara yaputaewa tsane Nacom pia peayapusɔ itorobi coyenewa, po peayapusɔ coyenewa bichocono wɔnae xua jopa wetsiyo. Barapo peayapusɔ itorobi coyeneyatha Nacom naca yawena wajume cowɔntsiwixae.

<sup>20</sup> Barapo peayapusɔ itorobi coyenewa jɔpa po peayapusɔ itorobi coyenewatha Cristo asɔ exainchi petɔpae cuiru coyene weya xua Nacom exana. Barapo pia peayapusɔ itorobi coyenewatha Nacom Pexanto cuareta pia pecoxa weya xua peitabocotha xua Pexanto aina cui cana exana.

<sup>21</sup> Nacom Pexanto cana exana xua Jesucristo toxeincha canamataxeina pomonaetha daxita pomonae ichamonaе canamataxeinatsi itabocotha, matautano xua barapo cae pin nacuathe. Matautano bapon canamataxeina daxita pomonaetha pomonae nacuan peewatsiwi, barichino pomonaetha pomonae piamonae pematacaponaewichi. Cristo canamataxeina pia peayapusu itorobi coyenewatha, po peayapusu itorobi coyenewatha bichocono ayapusu beyacaincha ichamonaе pia peitorobi coyenewan tatsi. Po wun xua Jesucristo xeina xua “Cristo”, jeichichi barapo wun yabara matawun dutatsi pia peexanaewa. Barapo wun bichocono peainya cui wun, beyacaincha ichamonaе pewunxi, po wunxi xua yabara matawun dubatsi xua peexanaewa pomonae anoxuae jinompa iru pomonae bexa jinompaenano.

<sup>22</sup> Nacom exana xua daxita coyenewantha Cristo itoroba pia peayapusu itorobi coyenewatha. Matautano Nacom exana xua Cristo daxita pepa pecanamataxeinaein piamonae daxita pomonae pejume cowuntsiwixaetsi.

<sup>23</sup> Pomonae pejume cowuntsiwi Cristo barapomonae be bara Cristo pia pepon tatsi tsipei Cristo cana exana xua barapomonae caemonae naexana bapontha. Dapocotsiwa ajibi pocotsiwa Cristo petaseicaewatsi tsipei nantauta pomonae pejume cowuntsiwichi. Barichi dapocotsiwa ajibi pocotsiwa petaseicaewatsi pomonae Cristo pejume cowuntsiwichi tsipei Cristo ataya tsitecaeya baru popona barapomonae daxita nacuantha.

## 2

### *Meje yabara poxonaе xua Nacom naca capanenebiya, wanaca antobexae*

<sup>1</sup> Copiya bayatha poxonaе jopa pajume cowuntsim Nacom bichocono abe paexana dubenanaebiyame. Matauta pajumefebame Nacom poxoru paxam be pomonae pewerapaewi pam jopa painya yawa jinompaxae Nacom pia Pejumope tanaxu tatsi.

<sup>2</sup> Bayatha jopa xapain painompaem. Painompame icha barapo cae pin nacuathepiwi ichi xua bichocono abe exana dubenanaebiya. Paexaname bayatha xua caurimonae pia pentacaponaein tatsi painya nepaca cui itorobixae. Bapon canamataxeina caurimonae po caurimonae jinompa itabocotha barapo nacie matatsuntha xua beyano Nacom pia nacia beicha tatsino. Barapo caurimonae pia pentacaponaein tatsi, pomonae Nacom jumefebatsi, barapomonae juntu coyene itorobatsi xua abe peexanaewa tsane.

<sup>3</sup> Caena bayatha waxainchi barichichi exana dubenanaebiyatsi barapocotsi coyenein xua abe. Exainchi pocotsiwa xua ichichipatsi xua wajuntu coyenewa naca cui itoroba xuano xua wapepon naca cui itoroba. Tsipei waxainchi jiwichi xua yacuiya naexanatsi xua abe waexanaewa, daxota bayatha Nacom anaya nanta xeina xua naca atene exana icha ichamonaе ichichi xua atene exanatsi abe peexanaexae.

<sup>4</sup> Daichitha Nacom jopa juniya naca matateicaeyo xua wanaca yawenaewa bichocono wanaca antobexae.

<sup>5</sup> Bequein poxonaе cataunxae bichocono abe exana dubenanaebiyatsi waxainchi, xua daxota be petupaewi jinompatsi abe waexanaexae, bapoxonaе Nacom naca yawena. Baraxua be bapon naca baru ajuntucoyenesu xua Cristo wanaca cana exanaexae xua caemonae naexainchi bapontha. Nacom naca capanenebiya saya apara poxoru wanaca antobexae.

<sup>6</sup> Wajume cowuntsixae Jesucristo, waxainchi Nacom tsitatsi xua apara be bara bayatha bapon naca asu exana petupae coyene weya icha Cristo Jesús ichichi xua asu exanatsi petupae coyene weya. Matautano waxainchi tsitatsi xua apara be bara bayatha naca exana xua waenaewa ichaxota Cristo Jesús eca pia nacuatheicha.

<sup>7</sup> Nacom juntucuru baxua exana petsita itapeinya xeinaenexa xua xeina pia pin peantobe coyenewa xua waxainchi nexa xua daxita matacabintha tsoponae tsane.

Nacom naca tsita itapeinya xeina xua bichocono naca antobe poxonae naca exana xua caemonae naexanaeinchi Cristo Jesustha.

<sup>8</sup> Tsipei Nacom paca antobe daxota paca capanenebiya poxonae pajume cowantame bapon. Apra jopa baxua painya coutha paexanaem, apra Nacom jame baxua amanaya paca cana exana.

<sup>9</sup> Nacom apra jopa baxua paca cana exanaeyo xua painya nenacuichixae. Icha paca itacupa xua poxonae payabara nacuichipame xua painya nepaca capanenebiyaenexa bapoxonae be painya neatsacae jiwi pam tsipae xua poxonae ichantha pajam: “Beta paexanan daxota Nacom pana capanenebiya”, pajam.

<sup>10</sup> Nacom naca exana xua pena juntu coyenewatha jinompatsi Cristo Jesús nexa xua beta xanepanaya waexaneibinexano bapon nexa poxonae jinompatsi. Caena bayatha baxuan Nacom yabara nanta xeina xua naca juntu coyene cana cui weta exana xua po coyeneya waxainchi beta wataexanaewa tsane ichamonae.

*Meje yabara po juntu coyenetha Nacom naca cana exana xua juntea wajinompae wa caemonae wanaexanaexae Cristotha*

<sup>11</sup> Poxonae panaexaname jopa panaexanaem judiomona. Paxam pomona jopa judiomona painya nanaexanae jiwixaem pana nacui yabara jantanainare xua eta po jiwi pamda caena bayatha poxonae jopa pajume cowantsim. Judiomona paca yabara jei: “Barapomona jopa pewi thabiwichi xua ichaxota pia penareixacaenaewa xua petsita itapeinya xeinaewa tsane xua barapomona Nacom piamona”, paca yabara jei. Judiomona pia coutha nayabara jei: “Waxainchi pomonaetsi, pomona naca wi thaba xua ichaxota wanareixacaenaewa watsita itapeinya xeinaewa tsane xua Nacom piamonaetsi”, nayabara jei. Barapo pewi thabi coyene xua ichaxota pebiwi penareixacaenaewa saya jiwi pia coya nacanaetsiya exana.

<sup>12</sup> Bayatha barapo dapaetha poxonae cataunxuae jopa pajume cowantsim jopa Cristo payabara yaputaem. Matautano paxam be painya nenanapaincha jinompawewi pam xua icha naca werena painya neponawewi xua jopa Israel nacuapiwi jiwana pam. Po petsiwnae yabara muxu dutsi coyenewan xua Nacom juntucuru nanta xeina xua caemonae naexana piamonaetha, xua judiomonaetha, barapo coyenein apra jopa paxam nexa. Matautano pajinompame barapo cae pin nacuathe ichitha jopa pawnae ewatsim xua pocotsiwa xua wnae xua Nacom exanaena paxam nexa cataunxuae jopa painya nejume cowantsixae. Tsipei jopa painya neyabara yaputae jiwi pam Nacom.

<sup>13</sup> Ichitha anoxuae Cristo Jesús paca exana xua caemonae pana naexaname bapontha. Paxam pomona bayatha jopa Nacom painya nejume cowantsi jiwi pam xua jopa painya yabara yaputaexaem bapon. Ichitha anoxuae pajume cowantame painya neyabara yaputaexae Cristo Jesús, pon naetotha painya abewan paca yabara tsitupa, poxonae jana pichapabarena poxonae bexotsi.

<sup>14</sup> Cristo meisa bapon naca cata po juntu coyenewatha xua ichamonaetha xuya juntea jinompa exanatsi. Cristo exana xua caemonae naexana pomona xua judiomona iru pomona jopa judiomona naexanaeyo. Cristo cui weraweraca exana po juntu coyenein xua judiomona iru pomona jopa judiomona naexanaeyo pe-naaitafaetabi jiwi naexana xua saya be caemonae penaexanaewa tsane. Baxua exana poxonae naetotha tsitupa jiwi.

<sup>15</sup> Poxonae Cristo naetotha tupa bapoxonae bapon cana exana xua Moisés pia peitorobi coyenewa tatsi jopa equeicha xeinaeyo peayapusu itorobi coyenewa xua jiwi peitorobiwatsi pocotsi coyenein jiwi bewa exanae. Bapon Cristo cana exana xua barapomonae Cristo caemonae pebaru naexanaewa tsainchi pomona xua copiya pia peaitafaetabi jiwixaetsi. Poxonae Cristo baxuan cana exana bapoxonae barapo bicheitomonaebe juntea nabaru jinompa cana exana.

<sup>16</sup> Pet̃paexae naetotha Cristo exana xua equeicha barapomonaebe jopa nabiyo. Matautano bapoxonae Cristo naita coxone exana xua barapomonaebe j̃ntema pejinompaewa Nacomtha xua icha be jopa ichiyo xua poxonae copiya jinompa xua Nacom pia peaitafaetabi jiwichi. Cristo exana xua barapomonaebe Nacom caemonaexainchi.

<sup>17</sup> Cristo patopa po cae pin nacuathe tsique. Bapon daxita paxam paca tsipaeba Nacom pia pexeinya jume diwesi tatsi. Barapo j̃nt̃ coyewewatha jiwi equeicha caewa Nacom ita coxonatsi xua Nacom j̃ntema petsita jinompaewa tsainchi. Daxita paxamtha paca tsipaeba barapo diwesi pomonaetha ir̃ pam pomonaecopiya jopa Nacom payabara yaputaem, xua pomonaecopiya judiomonaepam. Ir̃ tsipaebatsi pomonaeyatsicaya judiomonaepomonaecopiya Nacom yaputainchi pejume cow̃ntsixae.

<sup>18</sup> Cristo jiwi petsit̃paexaetsi abe pia peexanaecoyewewan tatsi daxota Nacom pia Pejumopect̃nax̃ tatsi yawena xua pomonaecopiya judiomonaecopiya ir̃ pomonaecopiya jopajudiomonaecopiya naexanaeyo be caemonaenaexanabe xua cae axa xeina, bapon Nacom.

<sup>19</sup> Daxota anoxuae jopa be painya nenanapaincha jinompaewi pam xua be icha nacua werena painya neponaewi. Paxam ir̃ ichamonaepomonaecopiya Nacom pejume cow̃ntsiwir̃ be pomonaecopiya cae nacuapiwi pam. Paxam Nacom piamonaecopiya jiwana tatsi pam.

<sup>20</sup> Poxonae ba jiwi Nacom pin pia bo acaba copiya matha beta noba po iboton xua iratha tab̃ caumena. Nexata beta nota po iboto xua ainya cui xua po iboto bo daunweya babatanota po iboto xua epatauta botabiya. Bapoxonae nanta cajejebabapona icha iboton, xua pepa bo exana. Icha pebiwi ichi poxonae bo acaba, Nacom piamonaecopiya baracana j̃tsiya cana ichi. Pomonaecopiya Cristo pia peitorobi jiwi tatsi ir̃ pomonaecopiya Nacom pia peitorobi jume pepaebiwi barapomonaecopiya be bara pocotsi iboton xua tab̃ caumena tsipei barapomonaecopiya paca cuiduba Nacom Pejume Diwesi tatsi. Ir̃ Jesucristo be barapocotsi ainya cui iboto po iboto daunweya babatanota po iboto epatauta botabiya, tsipei Cristo paca yawena xua painya nejume cow̃ntsiwa bapon. Ir̃ paxam be po iboton xua jiwi nanta cajejebabapona, pomonaecopiya penanta carubenaecopiya jiwi pam, tsipei cotacaya painya nejume cow̃ntsixae.

<sup>21</sup> Cristo piamonaecopiya baracana j̃tsiya ichiya cana exana, icha po iboto ichi xua ainya cui xua bo daunweya babatanota exana. Cristo pon jiwi Pecanamataxeinaein, exana xua piamonaecopiya tatsi pinmonaetsoponaecopiya xuanepanaya caemonaecopiya nabar̃ j̃jinapona, pomonaecopiya Nacom tsita j̃nt̃ coyene xanepanatsi.

<sup>22</sup> Poxonae jiwi weta barapo pin bo, bapoxonae cana exana xua barapo bo apara Nacom pia bo tatsi ichaxota Nacom popona. Nacom paca cana exana xua paxam ir̃ daxita ichamonaepomonaecopiya ir̃ pejume cow̃ntsiwi Nacom, caemonaecopiya pana naexaname xua Nacom pia Pejumopect̃nax̃ tatsi pia paca bar̃ jinompaenexa icha Nacom ichi xua pia pin botha popona.

### 3

*Meje yabara poxonae Nacom Pablo itorobatsi xua pecueicueijejiwa Nacom Pejume Diwesi pomonaetha pomonaecopiya jopajudiomonaecopiya naexanaeyo*

<sup>1</sup> Xan, Pablon, jiwi pec̃bi botha ecan yabara tanatsipei cueicueijeixae Cristo Jesús poxonae bapon yabara tapaca cuidubiwatsi pomonaecopiya pam jopajudiomonaecopiya panaexanaem.

<sup>2</sup> ¡Bara pajume taneme xua Nacom necata barapo tatanacuichiwa xua inta bichocono w̃nae! ¡Nacom neitoroba tana neantobexae xua tapaca cuidubinexatsi tapaca yawenaenexatsi!

<sup>3</sup> Nacom it̃ta xua po coyene xua moya yaw̃n xeina po coyene xua Nacom capanenebiyaena jiwi xua jiwi copiya jopa yabara yaputaeyo. Nacom neyaputane exana barapo coyene xua moya peyabara cui yaw̃n xeinaewa po coyene bexa exanaena xua

jiwi jopa yabara yaputaeyo. Baxua bayatha yabara pacata tinatsi xua imoxoyo diwesi tsecae.

<sup>4</sup> Poxonae barapo carte payorobiname payaputaename xua bara xan yaputan po coyene xua Cristo moya yabara cui yawun xeinatsi po coyene xua bexa Nacom exanaena xua jiwi jopa yabara yaputaeyo.

<sup>5</sup> Bayatha jiwi jopa yaputaeyo po coyene xua Nacom Cristo moya yabara cui yawun xeinatsi po coyene xua Nacom exanaena. Ichitha anoxuae Nacom pia Pejumope tñaxu tatsi baxuan yaputane cana exana pomonaetha pomonae pia coya Nacomtha nacana exana xua Nacom petanacuichiwa tsainchi pomonae Cristo Jesús pia peitorobi jiwixae tatsi, matautano Nacom pia peitorobi jume pepaebi jiwitha tatsi.

<sup>6</sup> Meje baxue xua pocotsiwa moya peyawun xeinaewa: Pomonae jopa judiomonae naexanaeyo barapomonae iru xeinaena po coyene xua Nacom cata judiomonaetha po coyene bichocono wñae xua bayatha Nacom jñtana jeba. Barapomonae pomonae jopa judiomonae naexanaeyo Jesucristo pejume cowantsixaetsi caemonae nanaexana pepa judiomonaetha pomonae iruru Cristo Jesús pejume cowantsiwixaetsi. Barapomonae iru xeinaena po coyene Nacom yabara tsiwñae muxu duta judiomonaetha xua Cristo Jesús yabara. Barapomonae pomonae jopa judiomonae naexanaeyo daxita baxuan iru xeinaena poxoru jume cowantar u Nacom pia pecapanenebiyae diwesi jume.

<sup>7</sup> Nacom neitoroba xua tacueicueijejiwa barapo pexeinya jume diwesi amanaya tatanacuichixae Cristo. Nacom necata barapo tatanacuichiwa pia tana neantobexae xua tayawenaewa tsane ichamonae. Matautano Nacom necata pia peayapusu itorobi coyenewa xua tacueicueijejiwa tsane barapo pexeinya jume diwesi.

<sup>8</sup> Pomonae xua be conotha ainya cui xua Cristo piamonae tatsi barapomonae ainya cui beyacaincha xua xan. Daichitha Nacom necata barapo tatanacuichiwa xua inta bichocono wñae. Nacom neitoroba xua tacueicueijejiwa tsane pia pexeinya jume diwesi pomonaetha pomonae jopa judiomonae naexanaeyo. Cueicueijan po pexeinya jume diwesi xua Cristo bichocono peantobexae jopa juniya yawenaeyo barapomonae pomonae jopa judiomonae naexanaeyo.

<sup>9</sup> Matautano Nacom neitoroba xua daxita jiwitha yabara yaputane taexanaewa tsane po coyene xua Nacom exanaena bexa tsane, po coyene Nacom moya yawun xeina. Barapo coyene Nacom pon daxita peforotsin, caena bayatha moya nayawun xeina xua jiwi jopa peyaputaewa tsane xua pocotsiwa bapon exanaena.

<sup>10</sup> Anoxuae Nacom yaputane exana matatsunpiwi, pomonae itoroba itabocotha, matautano pomonae pecanamataxeinaewa itabocotha. Barapomonae Nacom yaputane exana pocotsiwa bapon moya yawun xeina caena bayatha xua jiwi jopa yabara yaputaeyo. Barapo itabocopiwi nacuiduba xua bara Nacom bichocono yaputane daxita carepaya coyenewan. Baraxua yaputane poxonae tane xua pomonae judiomonae matautano pomonae jopa judiomonae naexanaeyo daxita barapomonae caemonae naexana pejume cowantsiwichixaetsi Cristo Jesús.

<sup>11</sup> Nacom exana baxua icha be pocotsi coyeneya caena bayatha yabara nanta xeineibapona. Bapon baxua exana Jesucristo pon Wanacanamataxeinaein petupaexae naetha.

<sup>12</sup> Naca itacupa xua watsipaebiwatsi Nacom wajume cowantsixae Cristo. Waxainchi yaputainchi xua bapon bara naca jume tane caemonae wanaexanaexae Cristotha, daxota cui tsacatsacapiya watsipaebiwa Nacom.

<sup>13</sup> Daxota jopa ichichipaeinyo xua paajñtucoyenerewiya jinompame xua ichamonae atene tana neexanaexae paxam nexa. Ichitha jame bewa baxua paichichipaem tsipei baxua jame paca yawena.

*Meje yabara xua Cristo jiwi peantobewatsi*



<sup>14</sup> Poxonae yabara nanta xeinan xua po coyenewa xua Nacom exana bapoxonae tantabocototha uncuan xua tatsita itapeinya xeinaewa tsane xua bar<sub>u</sub> cui itura jinan Waxa pon itabocototha pepoponaein.

<sup>15</sup> Daxita Nacom piamonae pomonae pejume cow<sub>u</sub>ntsiwichi, pomonae itabocopiwi ir<sub>u</sub> pomonae po irathepiwi, daxita barapomonae Nacom tsitatsi xua barapomonae be caemonae naexana. Bapon daxita barapomonae paxa tatsi.

<sup>16</sup> Nacomtha pacata w<sub>u</sub>catsi. Tsipei Nacom pexeinaexae peitaboco beicha pocotsiwa jopa juniyiyo xua bichocono w<sub>u</sub>nae daxota jan: “Nacom care Efeso tomarapiwi xua bichocono jinya neayapus<sub>u</sub> itorobi coyenewa. Barapomonae nejumopetha j<sub>u</sub>nt<sub>u</sub> coyene daunweya jinompa exande.

<sup>17</sup> Barab<sub>u</sub> Cristo bar<sub>u</sub> poponeibina barapomonae pejume cow<sub>u</sub>ntsixaetsi. Barab<sub>u</sub> barapomonae bichocono antobe jiwi bichocono pej<sub>u</sub>nt<sub>u</sub> coyene y<sub>u</sub>caewaxaetsi peantobe coyenewa.

<sup>18</sup> Barab<sub>u</sub> barapomonae beta yabara yaputaena Cristo pia peantobe coyenewa tatsi xua ir<sub>u</sub> daxita ichamonaer<sub>u</sub> yaputaena pomonae pejume cow<sub>u</sub>ntsiwi. Barapon Cristo pia peantobe coyenewa tatsi bichocono ayei xainto j<sub>u</sub>nt<sub>u</sub> coyenewa.

<sup>19</sup> Caw<sub>u</sub>catsi Nacom xua barapomonae barab<sub>u</sub> yaputaena barapo coyene po coyene Cristo pia peantobe coyenewa tatsi, xua po peantobe coyenewa ayei xainto j<sub>u</sub>nt<sub>u</sub> coyenewa xua jiwi jopa itac<sub>u</sub>paetsi xua peyabara yaputaewa. Caw<sub>u</sub>catsi xua barapomonae nej<sub>u</sub>nt<sub>u</sub> coyene y<sub>u</sub>ca exanaenexa daxita jinya nej<sub>u</sub>nt<sub>u</sub> coyenewatha.

<sup>20</sup> “W<sub>u</sub>nae cajaintatsi poxoru caitac<sub>u</sub>pa xua bichocono pata tana neyawenaewam beyacaincha xua pata tacaw<sub>u</sub>caewatsi, xuano beyacaincha pata nanta xeinaewa. Baxua painta exaname poxonae jinya neayapus<sub>u</sub> itorobi coyenewa nacuita pata j<sub>u</sub>nt<sub>u</sub> coyenewatha.

<sup>21</sup> Barab<sub>u</sub> daxita pomonae pejume cow<sub>u</sub>ntsiwi pomonae caemonae naexana Cristo Jesustha w<sub>u</sub>nae cajainchina xua ataya petsitecaerponaewa tsane. Je bara ichi tsane”, jan xua pacata w<sub>u</sub>catsi Nacomtha.

## 4

### *Meje yabara xua Nacom pia Pejumope t<sub>u</sub>nax<sub>u</sub> tatsi cana exana xua caemonae naexana Nacom piamonae tatsi*

<sup>1</sup> Tatanacuichixae Jesucristo pon jiwi Pecanamataxeinaein daxota jiwi neeta jiwi pec<sub>u</sub>bi botha. Pecono jumetha paca muxuwetatsi xua beta xanepanaya painya nejinompaewa xua Nacom itapeta painya nepaca w<sub>u</sub>n dubixae painya nejume cow<sub>u</sub>ntsixaet bapon icha be pocotsi coyeneya xua Nacom tsita xanepanatsi.

<sup>2</sup> Ita ururanaya pajinompeibare xua jopa painya neatsacaewa tsane. Matautano jume xanepanaya nantiya pana natsipaebeibare xua jopa paant<sub>u</sub>saxande. Matautano saya jopa paaitaconaeinde xua daxota j<sub>u</sub>ntema painompaename poxonae bequein ichamonaabe pacata exana. Matautano patsita itapeinya xeinare xua nantiya pana nacui yabara antobem pocotsiwa bequein jopa pana nacui coyene j<sub>u</sub>paem.

<sup>3</sup> Nacom pia Pejumope t<sub>u</sub>nax<sub>u</sub> tatsi paca cana exana xua caemonae painya ne-naexanaewa tsane. Daxota peaj<sub>u</sub>nt<sub>u</sub>coyenes<sub>u</sub>watha paexande daxita coyeneya xua caemonae j<sub>u</sub>ntema painya nenabar<sub>u</sub> jinompaewam tsane.

<sup>4</sup> Paxam pomonae painya nejume cow<sub>u</sub>ntsi jiwixae Cristo Jesús daxota caemonae paca exana. Bequein daxita carepaya paxam barompaya paxename Nacom pia Pejumope t<sub>u</sub>nax<sub>u</sub> tatsi, ichitha barapo pejumope saya bara caein. Nacom yabara paca w<sub>u</sub>n duba xua daxita paxam painya nexei<sub>u</sub>naewa tsane cae coyenewa xua po coyene peb<sub>u</sub>r<sub>u</sub>ya pana nabar<sub>u</sub> w<sub>u</sub>nae ewatame pocotsiwa xua bexa Nacom exanaena.

<sup>5</sup> Matautano bara caein pon jiwi Pecanamataxeinaein. Matautano cae coyenewa xeinatsi po coyenewa xua wajume cowantsiwa Cristo. Matautano saya cae wantha nabautisabatsi xua Cristo pewantha tatsi.

<sup>6</sup> Matautano bara caein Nacom pon Waxa xua daxitatsi waxainchi. Bapon daxita jiwi canamataxeinatsi, matautano daxita carepaya nacuantha popona. Matautano daxita waxainchi carepaya naca baru popona.

<sup>7</sup> Daxita waxainchitha seicaya cabarompaya naca cana juntu cui coyene duba exana pocotsi coyeneintha xua watsita exanaewa tsane bapon. Barapo coyenein Cristo naca catsiba po coyenein jiwana xua bapon nawita xeina icha bapon ichichipa.

<sup>8</sup> Daxota Nacom Pejume Diwesitha jeye Cristo yabara:

“Bapon athabe juinya tajū beicha.  
Poxonae athabe juinya baru juinya pomonae  
pia peitafaetabi jiwichi petsita  
itapeinya xeinaenexa xua amanayaba  
barapo peitafaetabi jiwichi.  
Matautano bapon pia pejume cowantsiwichi  
catsiba po juntu cui coyenewantha xua  
barapomonae Nacom petsita exanaenexatsi”,  
jei Nacom Pejume Diwesitha.

<sup>9</sup> ¿Eta xua metha baxua caunuta poxonae paeba xua “athabe juinya tajū beicha”? jei. Baxua caunuta xua copiya matha Cristo po irathe patopeica xua bapoxonae equeicha caibe juinya athabeicha itaboco beicha.

<sup>10</sup> Pon xua po irathe patopeica, barichi bapon athabe juinya tajū beicha xua bapon pepoponaewa tsane daxita nacuantha xuano daxita itabocotha.

<sup>11</sup> Cristo catsiba jiwitha xua seicaya barompaya pejuntu cui coyenein. Ichamonaetha cana exana pomonae pia peitorobi jiwixae tatsi. Ichamonaetha cana exana pomonae pecueicueijeji jiwi pia peitorobi jume diwesi tatsi. Ichamonaetha cana exana pomonae xua pecueicueijeji dubenanoutsiwi Nacom pia pexeinya jume diwesi tatsi xua pecapanenebiyae diwesi jume. Ichamonaetha cana exana pomonae eena jiwi pomonaetha pomonae pejume cowantsi jiwi. Ichamonaetha cana exana pomonae xua pecuidubi jiwi pomonaetha pomonae pejume cowantsiwi.

<sup>12</sup> Poxonae barapo coyene Cristo exana, piamonae cana juntu coyene wetsiya cana exana xua beta petaexanaewa tsainchi pia petanacuichiwa tatsi. Bapoxonae daxita piamonae tatsi mataropeichiya ajuntuyarusya jume cocowantapona pomonae piamonaexae tatsi pomonae bara be Cristo pia pepon tatsi.

<sup>13</sup> Baxua Cristo exana xua beya waxainchi caemonae wanaexanaewa tsainchi xua caemonae wanabarū jume cowantsixaetsi Cristotha. Bapoxonae naexanatsi xua peburūya caemonae wanabarū yabara yaputaewa tsainchi Nacom Pexanto tatsi. Matautano bapoxonae yatsicaya beta jume cowantatsi, bapoxonae jinompatsi be pomonae bayatha pinyontsi xua pocotsimonae itacupatsi xua Nacom beta petsita jinompaewatsi. Bapoxonae wajuntu coyene naca cayabara cui wetsiya exana xua wajuntu coyene xanepanaewa icha Cristo ichi xua bichocono pejuntu coyene xanepanaewa.

<sup>14</sup> Bapoxonae jopa be pexui natsicotae tsainchi equeicha. Pexui ba ainya muxu xeina ichawa beya ba jume cowanta xua pocotsi coyenein xua poxonae nacuidubeiba xua poxonae cuiduba pomonae jiwi pemuxuitorobiwi. Barapo pemuxuitorobi jiwi yaputane nawita po juntu coyeneintha xua jiwi pemuxujainyabiwatsi.

<sup>15</sup> Jame bewa pexainyei jume tsipaebichi ichamonaetha po coyeneya xua barapomonae yaputane xua waxainchi antobetsi barapomonae. Bapoxonae beta xanepanaya exanaeinchi wanajuntu coyene xanepana exanaponaenexatsi daxita

coyewantha xua icha be Cristo ichi. Bapon canamataxeina pomonae pia pejume cowantsiwichi. Bapon bara be pentasipa pomonae pejume cowantsiwichi be bapon pepon tatsi.

<sup>16</sup> Cristo canamataxeina pia pejume cowantsiwichi. Matautano cana exana xua barapomonae barompaya xeina pia petanacuichiwantsi. Bequein barapomonae piawan barompaya xeina ichitha Cristo cana exana xua caemonae nantiya nayawena be caemonae naexana. Poxonae barapomonae barompaya piawa beta exanapona pia penacuichiwan, bapoxonae be caemonae beta naajuntucoyenesu xanepana eexanapona, nantiya penaantobexae.

*Meje yabara po pena juntu coyewatha wajinompaewa wajume cowantsixae Cristo*

<sup>17</sup> Anoxuae paca tsipaebatsi xua painya tapaca muxuwetsinexatsi, Cristo pon jiwi Pecanamataxeinaein taneitorobixae: Jopa bewa pajinompaem icha barapo cae pin nacuathepiwi ichi xua poxonae jinompa poxonae jopa Nacom yaputaetsi. Pocotsiwa xua barapomonae pia penanta xeinae coyewan tatsi, jopa ainya cuiyo. Jopa rejuntu coyene yawenaexaetsi barapo penanta xeinae coyewantha.

<sup>18</sup> Barapomonae pia peyaputae coyewan tatsi jopa xapain pepa peyaputae coyewiyo. Barapomonae jopa xeinaeyo peajuntucoyenesuwa pocotsi peajuntucoyenesuwa Nacom cata piamonae. Barapo coyene barapomonae jopa xeinaeyo poxoru aichaxaibi xua Nacom peyabara peyaputaewatsi, xuano poxoru barapomonae najuntu coyene ararana xua jopa peichichipaexae xua Nacom peyabara jume taewatsi.

<sup>19</sup> Barapomonae jopa ajuntucoyeneuriyo poxonae abe exana. Matautano barapomonae atsaquiya abe eexanapona, xua pecupaewatsi atsaxa mera yawa weiweina ichamonae piseurixitha tatsi. Barapomonae cui xeica xua daxita coyewan abe peexanaponaewa.

<sup>20</sup> Ichitha poxonae ichamonae yabara paca cuiduba Cristo, jopa apara paca cuidubiyo barapo coyene xua abe painya neexanaewa tsane.

<sup>21</sup> Xaniwaicha yabara pajume taneme Cristo, xuano piamonae tatsi painya nenaexanaewa poxonae ichamonae paca cuiduba po pexainyei jumein xua pexeinya jume diwesi xua Jesucristo yabara.

<sup>22</sup> Pana nacui barapende po juntu coyene xua bayatha paexaname poxonae jopa cataunxuae pajume cowantsim. Barapo juntu cui coyene bichocono abe, tsipei paca cana exana xua paexaname pocotsiwan xua painya coya paichichipame poxonae paca muxuitoroba exana xua daxota abe painya neexanaewam.

<sup>23</sup> Pacopare xua bara Nacom paca juntu coyene xanepana exanaponaena, xua daxota pena coyene painya nenanta xeinaponaewa tsane.

<sup>24</sup> Painompare pena juntu coyenetha, po juntu coyene Nacom exana xua painya paca catsibinexa. Bapoxonae paxeinaename be pocotsi juntu coyene Nacom xeina. Poxonae paxeiname barapo juntu coyene po juntu coyene xua pexainyeiwa, bapoxonae beta nantiya pana nabaru jinompame yawa xua bichocono paca tsita xanepana Nacomtha.

<sup>25</sup> Daxota anoxuae jopa nantiya bewa pana namuxuitorobim. Bewa daxita pam xanepanaya patsipaebim pomonaetha pomonae iru pejume cowantsiwi, tsipei waxainchi daxitatsi caemonae naexanatsi Cristotha.

<sup>26</sup> Icha paanaepaname jopa pacopatsinde xua painya juntu coyene paca itoroba xua anaya anaepanaya abe painya neexanaewa ichantha. Icha paanaepaname jopa abe paexanaeinde. Came jopa paanaepana dubenanaebiyaeinde xua beya quirei tsanaicha, saya jame bara caetha pande.

<sup>27</sup> Jopa pacopatsinde xua bara caurimonae pia pentacaponaein tatsi paca juntu coyene jujuta abe painya neexanaewa tsane.

<sup>28</sup> Pon xua pecaibin, bu jopa equeicha caibeibiyo. Bewa jame bapon tsinacuichina pocotsiwa xua xainyeya yabara nacuita xua jopa naerabiyo. Bapoxonae bapon itacupatsi xua ichamonaetha xuya catsina pomonaetha xua acopeibiwi pomonae jopa xeinaeyo xua pocotsiwa nantawenona.

<sup>29</sup> Jopa ajumebeya pacueicueijam tsurubenanaebiyaeinde. Jame maisa jume xanepanaya pacueicueijam tsurubenanaebiyama. Papaebare pocotsi jumeintha xua ichamona jume cocowuntapona exanatsi po jumeintha xua jiwi muxu xeica exanatsi xuano xua yawenatsi po jumein xua paca jume tane.

<sup>30</sup> Nacom pia Pejumo pe tunaxu tatsi jopa pajuntu coyene wecoyei exanaeinde xua painya nepaca cui taexae xua paexaname. Tsipei paca baru popona Nacom pia Pejumo pe tunaxu tatsi, baraxua tsita itapeinya xeina xua bara xaniwaicha Nacom piamonae tatsi pam. Nacom pia Pejumo pe tunaxu tatsi naca juntu coyene ararana wanaca yawenaenexa beya poxonae po mataqueitha Jesucristo naca capanenebiya exanaena.

<sup>31</sup> Jopa paxeinaeinde painya juntu coyenein weya po coyenein xua ichamona payabara juntu ajom xua came bichocono painya neyabara nanta xeinaexae xua ichamona abe pia pacata exanaexae. Matautano jopa paxeinaeinde po coyene xua jemeicha anaya paexaname. Matautano jopa paxeinaeinde po coyene xua saya bichocono panthuthu anaepaneibame. Matautano jopa paxeinaeinde po coyene xua tsumu jume pabarua paebame ichamona. Barichi jopa paxeinaeinde po coyene xua ichamona pabiataneme. Matautano daxita jopa paxeinaeinde po coyenein xua bichocono paaitafaetabim ichamona.

<sup>32</sup> Jame seicaya maisa nantiya caemona xanepanaya pana nata exande. Matautano nantiya pana naweyataema xua nantiya painya nenayawenaewam tsane. Matautano nantiya pana naci yabara junte mainare xua abe nantiya pana nata exaname, icha Nacom paca yabara ichi xua paca cayabara junte maina abe painya neexanae cuiru coyenein Cristo painya nepaca tsitupaexae poxonae naetotha tupa exanadutatsi poxonae bexotsi.

## 5

### *Meje yabara xua po juntu coyenyatha bewa jinompaena Nacom pia pexui tatsi*

<sup>1</sup> Tsipei paxam Nacom pia pexui tatsi pam xua bapon bichocono painya nepaca caantobe jiwi pam, daxota bewa pacui jontsiya jinompaename icha bapon ichi poxonae popona.

<sup>2</sup> Nantiya pana naantobeya jinompare icha Cristo ichi xua naca antobe. Bapon Cristo pia pepon nacaenaeta xua naca tsitupa xua abe waexanae cuiru coyenein poxonae bexotsi. Baxua be poxonae icha duwei ichichi xua poxonae jiwi tsibexotsi xua daxota barapo jiwi jopa penatsicuentisiwa xua abe peexanaexae Nacomtha. Bapoxonae Nacom tsita xanepanatsi barapo jiwi. Barichi xua Cristo exana Nacom tsita xanepanatsi icha be pocotsi duwei tuxusi xeicaewa ichi xua poxonae jiwi duwei tauta xua Nacom pecatsinexatsi.

<sup>3</sup> Tsipei paxam Nacom pia pexui tatsi pam, daxota jopa bewa paexanaem po coyenein xua daxota ichamona pomonae painyamonae paca yabara paeba xua abe paexaname. Matautano jopa bewa pana nasi cui matacaetsim xua paweiweiname xua jopa bequein painya seuri jiwi. Jopa bewa payabara paebim po jume xua jiwi aura exanatsi. Matautano jopa bewa bichocono painya ita copeichi xua payabara uwame xua ichamona xeina.

<sup>4</sup> Jopa nantiya pana nayabara yuyjande. Matautano jopa nantiya pana najume cui caponaeinde po jumein xua jopa wunaeyo. Matautano jopa nantiya tsumu jume pana nayabara paebinde. Daxita barapo coyenein bichocono abe. Jame maisa bewa itapeta Nacom wanae pajainchim painya nepaca capanenebiyaexae barapo coyenein weya.

<sup>5</sup> Tsipei paxam bayatha payaputaneme xua Nacom cana exanaena pomonaetha pomonae meje: Pomonae xua penasi cui matacaetsiwa xua jopa poxonae piseuri jiwi, yawano pomonae xua yabara paeba po jume xua jiwi aura exanatsi, yawano pomonae bichocono pitacopeichi xua yabara uwa xua ichamonae xeina. Nacom tsita abetsi barapo coyenein icha tsita ichichi xua poxonae jiton bichocono beita cui jichatsi xua wɥnae jainta ibo nacom. Pomonae barapo coyenein exana bapomonae bapana jopa itacɥpaetsi xua jiwi itorobiya peewatsiwatsi xua ichaxota Cristo itorobiya pecanamataxeinaewa jiwi xua irɥ ichaxota barichi Nacom.

<sup>6</sup> Jopa pacopatsinde xua ichamonae paca necamuxuitorobiwa peyabara paebixae barapo coyenein, po jumeintha xua jopa xainyeyo. Poxoru jiwi peexanaexae barapo abe peexanae coyenein daxota Nacom anaya peraxa exanaena barapomonaetha. Nacom anaya peraxa exanaena barapomonaetha tsipei jopa jume jejeyo pocotsiwa xua Nacom itoroba.

<sup>7</sup> Barapomonaetha jopa imoxoyo pacuicuinaeinde, pomonae Nacom jopa jume jeje-ichi.

<sup>8</sup> Paxam copitha abe paexaname jopa painya yabara yaputaexaem Nacom. Baxua be poxonae pomonae pona pequireiwatha jopa beta ponaeyo jopa beta penecotsixae. Ichitha anoxuae beta paexaname painya yabara yaputaexaem Nacom pon jiwi Pecanamataxeinaein. Baxua be poxonae pomonae pona, poxonae pentha, beta pona beta pia petaexae. Pajinompare beta painya nejinompaenexa Nacom nexa icha pomonae ichi poxonae pona poxonae pentha.

<sup>9</sup> Pomonae yawa jinompa Nacom barapomonae beta jinompa icha pomonae ichi xua poxonae beta jinompa poxonae pentha. Barapomonae peyawa jinompaexae Nacom exaneiba pocotsiwa xua wɥnaeya peexanaewa yawa xua pocotsiwa tsita xanepanatsi Nacom, yawa xua pocotsiwa pexainyeiwa.

<sup>10</sup> Incane pana nacuidubare pocotsiwa xua Nacom pon jiwi Pecanamataxeinaein ichichipa pocotsiwa Nacom tsita xanepanatsi.

<sup>11</sup> Jopa paexanaeinde pocotsiwa jopa ainya cuiyo pocotsiwa ichamonae exana pomonae xua be poxonae pequireiwatha jinompa poxoru Nacom jopa peyabara yaputaexaetsi. Jame maisa barapomonae patsita itapeinya xeinare pocotsiwan xua barapomonae abe peexanaewanxae.

<sup>12</sup> Icha payabara paebichipan po coyenein barapomonae abe peexanaewa, bichocono aura pana exanaetsipa pocotsiwa namicha peexanaewa barapomonae tsipei bichocono abe.

<sup>13</sup> Poxonae pecoicha pentha exana poxonae quirei bapoxonae daxita pichiwan beta pataneme pentha perubenaexae. Barichi poxonae barapomonae jume tane po jumein xua yaputane exainchi, bapoxonae tsita itapeinya xeinaeinchi xua pocotsiwa namicha exana, apara deta cou abe. Bapoxonae barapomonae itacɥpatsi xua naexanaena Nacom piamonae tatsi.

<sup>14</sup> Daxota Nacom piamonae tatsi ichɥn yabara jeichi:

“Nacui cayabara cananta xeinatabare,  
tsipei xam be pon abe neexanaein.  
Natsixire pia xainya weya tatsi pomonae  
be petɥpaewi pejinompaewi jopa  
tana nejume cowɥntsi jiwixae.  
Cristo cacana exanaena xua yabara  
neyaputaewa bapon pocotsiwa xua  
pia pexainyei coyenewa tatsi”,  
jei xua ichɥn yabara paebatsi.

<sup>15</sup> Dota pam, xua abe painya neexanaewa. Jame maisa xanepanaya pajinompare. Jopa pajinompaeinde icha be ichi poxonae jinompa pomonae Nacom jopa jume



cowantsiya yaputaetsi. Barapomonaе jopa peyaputaewi. Jame maisa pajinompae icha be ichi poxonae jinompa pomonaе jume cowantsiya peyaputaewi Nacom. Barapomonaе peyaputaewi.

<sup>16</sup> Beta pa-eexanaponde daxita coyeneya xua paca itacupa poxonae cataunxuae anoxuae pajinompame, tsipei barapo maticabintha jiwi abe bichocono peexanaewi.

<sup>17</sup> Jopa pajinompaeinde icha be ichi poxonae jinompa pomonaе amameibatsi jopa Nacom peyabara yaputaexaetsi. Jame maisa payaputaeya exanaponde pocotsiwa xua Cristo ichichipa, pon jiwi Pecanamataxeinaein.

<sup>18</sup> Jopa pana nacupa exanaeinde peatsaxa meran xua jiton acoyenebeya exanaeya exainchi. Jame maisa Nacom pia Pejumope tuxaxu tatsi pacopabeibare xua daxita bara paca juntu coyene itorobeiba xua beta painya neexaneibiwa tsane.

<sup>19</sup> Nantiya pana natsipaebare pocotsiwa xua Nacom paca juntu coyene weiweina exana. Nantiya pana nabaru naxunare David pia weixi, po weixi pewun salmos. Matautano panaxunare po wei pomonaе pejume cowantsiwi pia weixi tatsi xua pewunaе jainchi weixi Jesucristo, pon jiwi Pecanamataxeinaein. Panaxunare painya juntu coyene weya po weixi xua Nacom wunaе pejainchiwatsi.

<sup>20</sup> Nacom pon Waxa bapontha pajacobeibare, pajan tsaibinde: “Nacom maisa pajuntu coyene weiweinan xua pocotsiwa daxita pata tana necatsixaemxae. Paca wucatsi Jesucristo pata Tanecanamataxeinaein pabuxuna bobenounan”, pajan tsaibinde.

*Meje yabara po coyene xua pebin piseuribe bewa nabaru poponaenabe ponbe pejume cowantsinbe*

<sup>21</sup> Daxita pam bewa bara pacopatsim xua nantiya pana nacanamataxeiname xua painya neexaneibinexa pocotsiwa xua nantiya pana nacui itorobeibame. Barapomonaе xua painya itapeinya xeinaenexa xua painya nebaru itura cui jinaewa pocotsiwa Cristo paca cui itoroba.

<sup>22</sup> Yabuxi pam, bewa bara pacopatsim xua painya seuriwi paca canamataxeina xua painya neexaneibiwa pocotsiwa painya seuriwi paca cui itorobeiba. Baraxua paexande icha paichim poxonae Cristo pon jiwi Pecanamataxeinaein paca cui itoroba.

<sup>23</sup> Tsipei pebin canamataxeina piowa, icha Cristo ichi xua canamataxeina piamonaе pomonaе pia pejume cowantsiwichixaetsi. Bapon Cristo barapomonaе pia Pecapanenebiyaeinchi tatsi. Barapomonaе pomonaе pejume cowantsiwi bara be Cristo pia pepon tatsi. Cristo bara be pentasipa pecanamataxeinaexae barapomonaе.

<sup>24</sup> Icha barapomonaе ichi pomonaе Cristo pejume cowantsiwichi xua pichichi xua peexanaewa pocotsiwa Cristo itoroba, yabuxi bewa barichi. Bewa exanaе daxita pocotsiwa piseuriwi itorobatsi.

<sup>25</sup> Pebiwi pam paantobeinde painya seuri jiwi, icha Cristo ichi xua antobe daxita xua i dapomonaе pomonaе pejume cowantsiwichixaetsi. Cristo pia peantobexae barapomonaе tsitupa poxonae naetha tupa exanadutatsi poxonae bexotsi.

<sup>26</sup> Cristo tsitupa barapomonaе xua daxita i dapomonaе pomonaе peyabara jume cowantsiwixaetsi po coyene xua Cristo juntu coyene xanepana pecana exanaenexa Nacom nexa. Baxua exana xua barapomonaе jopa pexeinaewa tsane xua penatsicuentiwa xua abe peexanaexae. Baxua Cristo cana exana poxonae barapomonaе tabautisabatsi meratha, xuano xua poxonae paeba xua pinaе jume cowanta Nacom Pejume Diwesi.

<sup>27</sup> Cristo baxua exana daxita pomonaetha pomonaе pia pejume cowantsiwichi xua pecuaranobinexa tsane pia itabaratha, xua yawa pemuxuna cuaranobinexa pia pexainya peitupanae coicha. Poxonae barapomonaе umenaena Cristo peitabaratha jopa yawa umenaе tsane peabe coyenewan. Matautano jopa yawa umenaе tsane pocotsiwa xua barapomonaе abe exanatsi. Barapomonaе pejuntu coyene xanepanaewi tsane Nacomtha xua jopa xeinaeyo xua penatsicuentiwa xua abe peexanaexae.

<sup>28</sup> Pebiwi bewa antobe pia seuriwi, pecui antabexae icha barapo pebiwi ichi xua pia pepon natsiantabe. Pon pia coutha natsiantabe bapon piowa antobe xua be caein penaexanaewa tsanebe.

<sup>29</sup> Dapon ba ajibi pon pia coutha naaitafaetabi. Saya jame naapatsina pexaewa yawano naewatsina beta. Cristo bara juta ichiya cana ichi pomonae Nacom piamonae tatsi daxita xua i dapomonae pomonae Cristo pejume cowantsiwichixaetsi.

<sup>30</sup> Cristo beta eena barapomonae tsipei barapomonae be pia pepon tatsi. Waxainchi yaputainchi baxua tsipei barapomonae jiwantsi. Waxainchi pomonaetsi xua caemonae wanaexanae jiwichi Cristotha.

<sup>31</sup> Xua pebin yawa piseuri caein naexanabe Nacom Pejume Diwesitha baxua yabara jeye: “Daxota pebin paxa wepu natsata, yawa pena wepu natsata xua piseuribe penaperu cuicuinaenexabe. Bapoxonae baponbe piseuribe be caein naexanabe”, jei Nacom Pejume Diwesitha.

<sup>32</sup> Barapo Nacom Pejume Diwesi xua pebin piseuribe yabara baraxua bara be Nacom moya yawan xeina xua po coyene bichocono ainya cui xua jiwi jopa yabara yaputaeyo. Barapo diwesi yabara caunuta xua Cristo iru Nacom piamonae tatsi pomonae pejume cowantsiwichi, daxita be caemonae naexana icha pebin piseuribe ichi xua be caeinbe naexanabe.

<sup>33</sup> Barichi barapo diwesi paca yabara caunuta. Daxita pebiwi pam bewa paantobem painya seuriwi, icha paichim xua painya coutha pana natsiantabem. Barichi daxita yabaxi pam painya seuriwi bewa paca yabara baru cui itura jinaena.

## 6

<sup>1</sup> Pexui pam, paxam pomonae painya nejume cowantsi jiwi pam Cristo. Painya neantobemxae pon jiwi Pecanamataxeinaein daxota paxam bewa pajume baru jejam pocotsiwa painya axeiwi paca itoroba, tsipei baxua pexeinya cui coyene.

<sup>2-3</sup> Moisés pia peitorobi coyenewa ainya coyenewan xeina. Po peitorobi coyenewa copiya po peitorobi coyene xua ichaxota muxuna xeina xua peyabara tsiwanae muxu dutsiwa, barapo coyenewatha baxua jeye: “Axa cui baru itura jinare, yawa ena cui baru itura jinare, xua painya juntu coyene xanepanaya jinompaenexa, matautano xua painya nejinompaenexa ainya wei dapaein barapo cae pin nacuathe”, jei Moisés pia peitorobi coyenewatha.

<sup>4</sup> Paxam pomonae coxiyei jiwi pam, jopa anaepanaya paitorobeibinde xua daxota painya pexui paca caseba. Jame maisa bewa antobeya pawichitim pocotsi coyeneya Jesucristo, pon jiwi Pecanamataxeinaein, tsita xanepanatsi. Pacuidubare painya pexui xua beta pejinompaenexa. Matautano pamuxuwere xua peexanaenexa pocotsiwa bewa exanae.

<sup>5</sup> Pomonae amanaya painya nepaca cabusi tatayebeibi jiwi pam xua poxonae ichamonae pata nacuitame pajume baru jejande pocotsiwa xua painya nepaca canamataxeinaewi paca itoroba barapo cae pin nacuathe. Barapomonae pabarui cui itura jinare, yawano pacui cunuware barapo painya nepaca canamataxeinaewi xua abe painya nepaca exanaeyainwa. Matautano yatsicaya jume xainyeya pata exande. Barapomonae beta patanacuire icha poxonae paichim poxonae Cristo patanacuitame.

<sup>6</sup> Daunweya patanacuire bequein painya nepaca canamataxeinaewi jopa paca taeyo. Jopa saya daunweya patanacuichinde xua barapomonae painya nepaca taexae. Poxonae baxua paexaname para saya poxoru painya pia nepaca canamataxeinaewi xanepanaya paca yabara nanta xeinaetsi. Jame maisa patanacuire icha paichim poxonae painya ichichi xua amanaya painya netanacuichiwa painya nepaca canamataxeinaein nexa Cristo. Bichocono daunweya panacuire pocotsiwa xua Nacom tsita xanepanatsi pocotsiwa xua bapon ichichipa.

<sup>7</sup> Poxonae pata nacuitame pomonae painya nepaca canamataxeinaewi weiweinaya panacuire icha be poxonae paichim xua poxonae pata nacuitame pon jiwi Pecanamataxeinaein, pon Cristo Jesús. Jopa bara paichinde xua poxonae jopa xapain patanacuichim pomonae xua poxorū saya jiwixae.

<sup>8</sup> Paxam payaputaneme pocotsiwa xua daxita beta paexaname bara Nacom paca busi cui matomata. Baraxua Nacom pon jiwi Pecanamataxeinaein japa barapocotsi matoma paca cata, poxonae bequein amanaya painya nepaca busi cui tatayebeibi jiwi pam xua poxonae ichun pata nacuitame, xuano xua saya poxonae bequein paratixi patsinacuitame.

<sup>9</sup> Paxam pomonae pecanamataxeinae jiwi pam, bewa beta pata exanaem xuya barapo amanaya painya nebusi cui tatayebeibi jiwi. Jopa yabara pamuxuwetsinde xua painya necuainchiwa tsane icha jopa xapain exanaeyo barapomonae. Pananta xeinare xua barapomonae bewa exanae pocotsiwa itoroba pon jiwi Pecanamataxeinaein icha paichim xua iru bewa paexanaename pocotsiwa bapon paca itoroba, pon eca itabocotha. Bapon daxita tsita najupatsi jiwi poxonae yabara paeba peyaputaenexa icha barapomonae natsicuenta xua abe peexanaexae.

*Meje yabara xua pomonae pejume cowantsiwi Cristo po coyeneintha bewa amanayabi caurimonaetha*

<sup>10</sup> Tamonae pam, anoxuae wetan pocotsiwa xua tapaca tsipaebiwatsi. Ajuntusuya pajinompare pon Pecanamataxeinaein jiwi pia peayapusu itorobi coyenewatha tatsi caemonae painya nenaexanaexae bapontha.

<sup>11</sup> Painya juntu coyene pana naewatsiya yawenare daxita po coyenewantha xua Nacom paca cata xua xota pana nayaewatame painya juntu coyenewa. Baroxonae paca itacupa xua caurimonae pia pentacaponaein tatsi paamanayabame poxonae paca juntu coyene jujuta xua abe painya neexanaenexa.

<sup>12</sup> Tsipei anoxuae jopa nabetsi xua pepa jiwitha. Jame apara anoxuae penabi coyene exanatsi pomonaetha pomonae peinya pejinompaewi xua caurimonaetha. Barapo caurimonae xeina pia peayapusuwa yawa peitorobi coyene xua jiwi canamataxeinatsi barapo cae pin nacuathe tsique, pomonae abe peexanae jiwi. Matautano jinompa barapo cae pin nacia matatsunthe.

<sup>13</sup> Daxota paxeinare daxita pocotsi juntu coyenein xua Nacom paca cata pocotsi coyeneintha xua pana nayaewatame. Anoxuae pana najuntu coyene wunaere xua painya juntu coyene amanayabi dubenanaebiyaenexa tsane barapo peinya pejinompaewi. Baxua paexande xain awiya bichocono rajuntu coyene daunwam poxonae po mataqueitha paca juntu coyene jujutsina xua abe painya neexanaewa tsane. Bequein paca jujutsina, awiya ajuntucoyenesuya pajinompaename.

<sup>14</sup> Pana nacui wunare icha soldadomonae ichi xua yabara nacui wunaeta penabinexa ichamonaetha. Painya juntu coyenewatha paxeinare Nacom pia pexainyei coyenewa painya tsita itapeinya xeinaenexa baraxua xua bara xainyeya pata exaname Nacom. Barapocotsi juta coyeneya paichinde icha be soldadomonae ichi xua poxonae yabara nacui wunaeta penabinexa ichamonaetha baroxonae naepa cataruba paparuwan xua tsita itapeinya xeina xua barapomonae nacui wunaeta xua bara xainyeya penabinexa xua pon pentacaponaein peitorobixae. Matautano pejuntu coyene xanepanaewa Nacom patsita xeinare painya juntu coyenetha, painya nenayaewatsinexa icha be poxonae soldadomonae ichi xua xeina po penaintotha xua nantacari acaba poxonae nacui wunaeta xua penabinexa.

<sup>15</sup> Pana najuntu coyene wunaere xua painya necueicueijej tsurubenanaebiyaenexa Nacom pia pexeinya jume diwesi xua po diwesi yabara xua jiwi juntema pejinompaewa. Barapocotsi juta coyeneya bara paichinde icha be poxonae soldadomonae ichi, xua poxonae nataxu wunaetaduba sapaton xua penacui wunaetsinexa xua naba.

<sup>16</sup> Matautano pamuxuna xeinare xua bichocono painya nejume cowantsiwa Nacom, xua pana najuntu coyene yawename poxona caurimona pia pentacaponaein tatsi paca juntu coyene jujuta. Barapocotsi juta coyeneya bara paichinde icha be soldadomona ichi xua pemaantha duba peperaca nain xua naita arababa. Poxona pia peaitafaetabi jiwi cawababatsi pocotsiwantha xua peopi sojeiwantha xua iso itere xeina, bapoxona barapo peperaca naintontha naita arababa barapomona, yawano baxota itaxubaba iso itere.

<sup>17</sup> Pacopare xua bara Nacom paca capanenebiyaena painya paca juntu coyene araranaenexa caurimona pecuiyainwa. Barapocotsi juta coyeneya bara paichinde icha be soldadomona ichi xua penain yoreitha nanta acaba. Nacom Pejume Diwesi painya juntu coyenetha paxeinare xua po jume Nacom pia Pejumope tñaxu tatsi paca cata xua po jumetha painya nenayaewatsinexa painya nepaca caaitafaetabi jiwi pecuiyainwa. Barapocotsi juta coyeneya bara paichinde icha be soldadomona ichi xua capona cusi penayaewatsinexa pia peaitafaetabi jiwichi pecuiyainwa.

<sup>18</sup> Nacomtha matowa patsipaebeibare daxita matabintha be pocotsi coyeneya paca yawena Nacom pia Pejumope tñaxu tatsi. Nacomtha pawñqueibare daxita painya newñca coyenewatha tsaibi pocotsiwan xua panantawenoname. Xain daxita matabintha tsaibi tsaca painompeibame, matauta barana jora paajuntucoyenefaetabinde xua pawñcame Nacom. Bichocono matowa patawñcare daxita pomona Nacom piamona tatsi.

<sup>19</sup> Barichi painta wñcare Nacomtha xua bapon tanecatsinexa po jume diwesitha xua tacueicueijeinexa. Matautano painta wñcare xua tana neitacñpaewa xua cui tsacatsacapiya tacueicueijeinexa, xua jiwi yabara yaputane taexanaenexa pocotsiwa xua Nacom moya yawñn xeina po coyene yabara xua Nacom capanepa exana pomona jora judiomona naexanaeyo.

<sup>20</sup> Nacom neitoroba icha nacuantha xua tacueicueijeinexa Nacom Pejume Diwesi bapon nexa. Daxota anoxuae ichamona neeta jiwi pecñbi botha tacueicueijeixae Nacom nexa. Painta Nacomtha wñcare xua cui tsacatsacapiya tacueicueijeinexa tsane poxona icha bewa cueicueijan tsane.

*Meje yabara poxona Pablo najume wetsiya paeba barapo cartathe*

<sup>21</sup> Tíquico pon paxan paantobein, pon irñ pejume cowantsin Jesucristo bapon pacata itorobatsi. Bapon Tíquico bara xainyeya exana poxona pana neyawena Nacom pia petanacuichiwa tatsi pon jiwi Pecanamataxeinaein. Bapon daxita paca tsipaebina xua neyabara paebina, yawano pocotsiwa xua exanan baxua yabara paca tsipaebina.

<sup>22</sup> Bapon Tíquico pacata itorobatsi yaitama ichichipan xua bapon yabara paca tsipaebina xua pata jinompaewa. Bapoxona bapon paca juntu coyene tsacabina, juntu coyene weiweinaya sadñjei painya nejinompaewa tsane xua bara beta tapoponaexae.

<sup>23</sup> Barabñ Nacom, pon Waxa, irññ Jesucristo, pon jiwi Pecanamataxeinaein, baponbe jñntema jinompa cana exanaenabe pomonaetha daxita pomona pia pejume cowantsiwixaetsi. Matautano barabñ exanaenabe xua barapomona nantiya naantobe tsane. Matautano barabñ exanaenabe xua barapomona ajñntucoyenesñya jume cowanta dubenanebiyaena.

<sup>24</sup> Matautano barabñ Nacom peantobexae yawenaena daxita pomonaetha pomona peantobewi Jesucristo pon Wanacanamataxeinaein. Bapoxona barapomona pexinaenexa tsane po coyene antobe ichamonaetha po coyenewa xua ataya tsiteca.

Baja Pablo.

## Meje Po Carte Pablo Tatina, Filipos Tomarapiwi Tatinatsi

*Meje poxonae Pablo tamropata pitaba xua tatina, Filipos tomarapiwi tatinatsi*

<sup>1</sup> Xan, Pablon, iru Timoteo, paxanbe ponbe amanaya pata tanacuichinbe Jesús pata taichichipaexaebe. Barapo carte patatinanbe pomona jinompa Filipos tomaratha. Patatinanbe daxita pomona Cristo Jesús pejume cowantsiwichi, pomona yatsicaewa Nacom piamona tatsi. Matautano iru patatinanbe pomona pecanamataxeinaewi pejume cowantsi jiwí. Matautano iru patatinanbe pomona peyawenaewi pejume cowantsi jiwí, poxona yawena peatenewitha, xuano xua poxona apata pexaewa peacopeibiwí. Barapomona Nacom piamona tatsi, yawa barapomona caemona naexana Cristo Jestuſtha.

<sup>2</sup> Barabu Nacom, pon Waxa, amanaya paca yawenaena painya pia paca necaantobexae, yawa xua junteſma jinompa paca exanaena. Iru barabu Jesucristo pon jiwí Pecanamataxeinaein baxua pacata exanaena.

*Meje yabara poxonae Pablo tawuca Nacomtha pomona Nacom pejume cowantsiwi*

<sup>3</sup> Poxona paca yabara nanta xeineibatsi Tanacom tsipaebiban paxam yabara. Jan tsaibinje: “Nacom juntu coyene weiweinan xua barapomona betiya necatsita dubenanaebiyaexae”, jan tsaibin.

<sup>4</sup> Poxona Nacom pacata waqueibatsi bichocono juntu coyene weiweinaeya pacata waqueibatsi xua daxita paxam.

<sup>5</sup> Nacomtha yabara tsipaeban xua paxam tapana nebaru nacuichiſwam Nacom Pejume Diwesi xua poxona aena pajume cowantame xua beya anoxuae.

<sup>6</sup> Bara xaniwaicha yaputan xua Nacom tamropata pitaba xua xanepanaya beta paca cana juntu coyene exana. Baxua Nacom paca cana juntu coyene exana ducuanabiyaena beya poxona Nacom xanepanaya paca cana juntu coyene wetsina poxona po mataqueitha Jesucristo patopaetsica.

<sup>7</sup> Baxua jame inta xanepana xua tapaca yabara nanta xeinaewatsi, tsipei bichocono paca antobetsi. Poxona bequein anoxuae jiwí pecabi botha neeta, yawano poxona bequein caena bayatha pecapanenebiyae diwesi jume yabara jume yawenaeya cueicueijan jiwí, yawano xua jiwí tsita itapeinya xeinan xua barapo diwesi bara pexainyei diwesi jume, bapoxona bara pana nebaru atenem. Daxota poxona Nacom amanaya neyawena poxona atene neexana ichamona pia taneantobexae Nacom, iruru Nacom amanaya paca yawena pia paca necaantobexae poxona paca atene exana ichamona.

<sup>8</sup> Nacom yaputane xua bichocono bara paca antobetsi daxita paxam, icha Jesucristo ichi xua daxita paca antobe.

<sup>9</sup> Yawano Nacom paca tsiwucatsi xua equeicha matowa mataropeicha painya nepaca catsinexa peantobewa. Yawa muxuna wucan xua Nacom paca cana exanaena xua painya neyabara yaputaewa daxita coyenewan. Matautano muxuna wucan xua Nacom paca cana exanaena xua painya neitapetsiwa pocotsi coyene xua betiya paca cana exanaena.

<sup>10</sup> Bapoxona payaputaename xua itapetsiya paexanaename pocotsi coyene bichocono xanepana. Bapoxona bichocono pajuntu coyene xanepanaya jinompaename. Yawano poxona Cristo patopaetsica bapon jopa paca yabara paebi tsane xua panat-sicuentame abe painya neexanaewan.

<sup>11</sup> Paca tsiwucatsino xua Jesucristo paca necajuntu coyene yuca exanaenexa, xua po juntu coyene bichocono xanepana, xua daxota painya neexanaenexa pocotsiwa xua



bichocono Nacom tsita xanepanatsi. Poxonae jiwi baxua paca cui taena bapoxonae jiwi Nacom wanae jaintsinchi jei tsane: “Maisa Nacom paca baru cui itura jinatsi, xua jinya neexanaexae barapo jiwi pia juntu coyenetha tatsi”, jei tsane barapo jiwi.

*Meje poxonae Pablo namchi: “Xua tapoponae coyenewa bara apara Cristo nexa”, jei*

<sup>12</sup> Tamonae pam, pomonae iru painya nejume cowantsixae Jesús, ichichipan xua painya neyaputaewa tsane xua po coyene poxonae necana exana ichamonae xua jiwi pecubi botha neeta tayabara cueicueijeixae Jesucristo. Baxua tana necana exanaexae ichamonae jiwi taju jume tane Nacom pia pecapanenebiyae diwesi jume tatsi.

<sup>13</sup> Daxota daxita soldadomonae pomonae xote umene pomonae peyapu eenaewi pepa pentacaponaein pia bo tatsi iruru seicayano ichamonaeru, daxita barapomonae yaputane xua xan jiwi pecubi botha neeta tapaebi ducuaenaebiyaexae Cristo nexa.

<sup>14</sup> Pin bicheito, pomonae pejume cowantsiwi Nacom, barapomonae netane xua jiwi pecubi botha ecan. Daxota barapomonae bichocono ichichipa xua pecueicueijejiwa Nacom Pejume Diwesi. Barapomonae jopa junuwiyo xua cui tsacatsacapiya pecueicueijejiwa Nacom Pejume Diwesi, tsipei bichocono jume cowantatsi pon jiwi Pecanamataxeinaein.

<sup>15</sup> Ichamonae Cristo yabara cueicueijeichi apara poxoru saya tana neuwixae, tsipei ichichipa xua jiwi baru cui itura jinaena barapomonaetha, beyacaincha xua tana nebaru cui itura jinaewa tsane barapo jiwi. Ichitha jame, ichamonae beta xaniwaicha yabara paebatsi Cristo, pejantu coyene xanepanaexae.

<sup>16</sup> Barapomonae baxua exana taneantobexae peyaputaexae xua jiwi pecubi botha ecan tayabara jume yawenaeya cueicueijeixae Cristo pia pexeinya jume diwesi tatsi poxonae ichamonae abe yabara paeba barapo diwesi.

<sup>17</sup> Pomonae Cristo yabara paebatsi tana neuwixae, saya apara poxoru peasiwixae xua ichamonae tana nepuna ponaewa tsane. Baxua exana poxoru ichichipa inta bichocono ayapube exana tsipei anoxuae ecan jiwi pecubi botha.

<sup>18</sup> Bequein jiwi Cristo xainyeya yabara paebatsi poxoru tana neantobexae, ichacuitha metha tsipae poxoru tana neuwixae baxuan bapana jopa netsita ainya cuiyiyo. Saya jame poxonae ba jiwi Cristo yabara paebatsi, baxua ba jame bichocono nejantu coyene weiweina exana.

<sup>19</sup> Yawa equeicha bichocono nejantu coyene weiweina exanaponaena, tsipei yaputan xua painta wucame nawita Nacomtha. Yawa yaputan xua Jesucristo pia Pejumope tuxaxu tatsi neyawena, pebaxuaxaebe bara Nacom necapanepaena pomonae tana neaitafaetabi jiwi weya.

<sup>20</sup> Pocotsiwa xua taichichipaewa yawano pocotsiwa xua tawanae ewatsiwa, xua bapana jopa tacoutha naacauran tsane tajunuwixae xua tayabara cueicueijejiwa Cristo. Jame bewa yabara cui tsacatsacapiya cueicueijan tsane Cristo, anoxuae, yawa xua bexa tsaneno. Ichichipan xua jiwi beta jume cowantsina xua poxonae netane xua beta tapoponaewa Cristo nexa. Bapoxonae jiwi Cristo baru cui itura jinaeinchi poxonae necui taena xua beta xanepanaya poponan Cristo nexa. Baxua jiwi exanaena poxonae bequein asu poponaethan tsane, xua Cristo tatsita poponaewa yawa poxonae bequein tupaethan tsane xua Jesucristo tayabara cueicueijeixae.

<sup>21</sup> Jame pocotsiwa netsita xanepana apara xua jiwi Cristo baru cui itura jinatsi, xua Cristo tatsita poponaewaxae. Ichitha icha tupaein Cristo taein, baxua netsita xanepana bichocono, beyacaincha xua poxonae abu cataunxuae poponan, tsipei Cristo taein.

<sup>22</sup> Awiya cataunxuae poponan daxota neitacupa xua awiya tanacuichiwa pocotsiwa pexanepanae coyenewa pon jiwi Pecanamataxeinaein nexa. Jopa yaputaeyinyo xua barapo naxobe coyenewabe jiwana itapetocuaein.

<sup>23</sup> Inta bichocono ayapube xua barapo naxobe coyenewabe jiwana itapetan. Ichacuitha saya betupaein xua tapoponaenexa tsane ichaxota Cristo popona, tsipei baxua jame inta bichocono xanepana.

<sup>24</sup> Daichitha ichacuitha jame bichocono inta ainya cui xua awiya tapoponaewa tapaca cayawenaenexatsi.

<sup>25</sup> Ichitha yaputan bara, xua awiya poponan xua tapaca yawenaenexatsi xua awiya painya nejume cowanta dubenanaebiyaenexa Cristo. Matautano yaputan xua bichocono equeicha matowa painya nejunta coyene weiweina tsoponaenexa tsane.

<sup>26</sup> Daxota poxonae paca siwa ponaeinchi Cristo Jesús wuna pajainchiname xua equeicha tapaca casiwa ponaexatsi tsainchi.

<sup>27</sup> Saya beta xanepanaya painompare wanaca itorobixae Cristo pejume diwesi tatsitha. Daxota icha bequein paca siwa ponaeinchi, ichacuitha icha tajua ecan, maisa ichichipan xua ichun yabara benetsipaebina xua beta painya nejinompaewa. Bejume taein xua xanepanaya beta ajuntayarusya pajume cowanta dubenanaebiyame Nacom. Matautano bejume taein xua caemonae peburaya jume daunweya pana nabaru cueicueijam painya nejume cowantsiwa Cristo.

<sup>28</sup> Jopa pajunuwinda poxonae imoxoyo abe paca exaneiba painya nepaca caaitaetabi jiwi. Baxuan barapomonae exana be tsita itapeinya xeina xua barapomonae weraweracaena xua poxonae po mataqueitha poxonae Nacom yabara paebina jiwi xua penatsicuentiwa abe peexanaexae xua iru Nacom paca capanenebiyaena barapo mataqueitha.

<sup>29</sup> Nacom pexeinya coyene paca cata painya netanacuichinexa Cristo xua poxonae pajume cowantame bapon, matautano xua poxonae ichamonae paca atene exana poxonae ichamonae abe paca yabara paeba painya nejume cowantsixae bapon.

<sup>30</sup> Waxainchi bara nanta juraya jume cowantsiya daunweya paebatsi Nacom Pejume Diwesi. Baxua exanatsi icha be pocotsi coyeneya ichi poxonae bayatha pana netaneme xua poxonae jume daunweya paeban Nacom Pejume Diwesi, matauta xua poxonae bara pana neyabara jume taneme xua awiya cataunxuae exanaponan barapo coyeneya.

## 2

### *Meje yabara xua Cristo peacopeibin pia coutha naexana, xua jopa peainya cui jitonyo*

<sup>1</sup> Payaputaneme xua Cristo paca juntu coyene tsacaba xua beta painya nejinompaenexa. Matautano payaputaneme xua Cristo paca matateica pia painya nepaca caantobexae poxonae ichamonae abe pacata exana. Matautano payaputaneme xua Nacom pia Pejumope tynaxu tatsi paca baru jinompa. Matautano payaputaneme xua bapon paca antobe. Matautano payaputaneme xua Cristo nantanuweya paca yabara nanta xeina pia paca necayawenaenexa.

<sup>2</sup> Icha daxita barapo pexainyei coyenein payaputaneme, bichocono pana nejuntu coyene weiweina exande. Baxua painta exanaename poxonae caemonae juntema rajinompame, xua caemonae nantiya pana naantobem. Matautano baxua painta exanaename poxonae xua caemonae nanta juraya pana nabaru nanta xeiname yawano poxonae nanta juraya ichipaeya paexaname.

<sup>3</sup> Jopa paexanaeinde xua pocotsiwa be paasiwam xua saya meisa painya coutha nexa. Jopa paxeinaeinde po cui coyene xua jiwi peabi coyene. Jame maisa painya coutha pana nayabara nanta xeinare xua pomonae pecui pawu jiwi pam. Jame maisa sayano ichamonae pacui yabara nanta xeinare xua pepa peainya cuimonae xua beyacaincha paxam.

<sup>4</sup> Jopa bewa panantaʉtsim painyamonaē jiton pon saya ichichipa nawita xua saya meisa penata exanaewa pexanepanaē coyene. Jame bewa muxuna bapon taexanaē ichamonaē pocotsiwa xua ichamonaē tsita pexeinya coyenetsi.

<sup>5</sup> Paxam beta pebʉrʉya pananta jʉpaya nanta xeinare icha Cristo Jesús ichi xua poxonaē beta ba nanta xeina. Bapon bara iche:

<sup>6</sup> Bapon Cristo peyacuiya jinaein Nacom.

Bapon bequein barapara Nacom, daichitha bapon jopa pia coutha ichichipaeya daunweya botsiyo barapo coyenewa xua peyacuiya jʉpae jinaein icha Nacom ichi poxonaē patopeica po cae pin nacuathe tsique.

<sup>7</sup> Daichitha barapo coyene naitematsiya cuenta pona.

Bapon Cristo be jiton yacuiya naexana po cae pin nacuathe tsique xua Nacom amanaya petanacuichinexatsi xua pia coya peichichipaexae.

<sup>8</sup> Poxonaē bapon naexana po cae pin nacuathe tsique bara yatsicaya be jiton coyene.

Bapoxonaē pia coutha nacana exana be pon peacopeibin xua jopa peainya cui jitonyo.

Bapon exana pocotsiwa Nacom itoroba poxonaē jejei xua tʉpa pecana exanaewatsi ichamonaē, bequein barapo petʉpaewa bichocono pin ura exanatsi xua tʉpa naetotha.

<sup>9</sup> Daxota Nacom, Cristo bichocono barʉ cui itura jinatsi poxonaē Nacom athabe juinya exana xua Cristo athabe juinya exanatsi.

Mataʉtano Nacom barʉ cui itura jina,

Cristo barʉ cui itura jinatsi poxonaē

Nacom bapontha wʉn duta, po wʉn xua jei:

“Pepa Pecanamataxeinaein”, jei.

Barapo wʉntha Jesús copatatsi xua bara pecanamataxeinaenexa pia peayapusʉ itorobi coyenewatha daxita carepaya jiwi, matatsunpiwithano.

<sup>10</sup> Nacom barapo wʉn cata xua daxota daxita jiwi poxonaē jume taena barapo wʉn pentabocotontha umenaena, xua Jesús wʉnae pejainchinexa tsainchi, pepa Pecanamataxeinaeinxae itabocopiwi, irʉrʉ po irathepiwi, irʉrʉ pomonaē jinompa ira bʉxʉpana wetsina.

<sup>11</sup> Daxita barapomonaē Nacom wʉnae

jainchinchinchi pon Nacom, Waxa, jei tsane:

“Maisa, Nacom paca barʉ cui itura jinatsi,

tsipei bapon Jesucristo bara yatsicaya

pon pepa Pecanamataxeinaein jiwi”,

jei tsane daxita barapomonaē.

*Meje yabara xua ichamonaē, Nacom pejume cowʉntsiwi beta cui yaputainchi*

<sup>12</sup> Tamonaē pam paxam pomonaē bichocono tapaca caantobewichi pam. Tsipei bayatha pana nejume cowʉnteibame pocotsiwa paca itorobeibatsi poxonaē paca barʉ

ecatsi, daxota anoxuae nama bichocono pana nejume cowunde beyacaincha xua poxonae imoxoyo paca baru ecatsi bequein tajue ecan. Awiya cataunxuae carepaya daxita paxam barompaya paexana dubenanaebiyama pocotsiwa xanepana xua pocotsiwa Nacom ichichipa xua Nacom painya nepaca capanepaexae. Pana najuntu coyene aura exande xua jopa paatsacande. Yawano pana najuntu coyene junuwa exande Nacomtha, abe painya neexanaeyainwa.

<sup>13</sup> Bapon Nacom paca cana juntu coyene yawena xua painya juntu coyene, jume baru jejei pocotsiwa Nacom paca itoroba. Matautano Nacom paca yawena xua painya neexanaewam pocotsiwa Nacom ichichipa.

<sup>14</sup> Daxita coyenewan poxonae paexaneibame jopa paexanaeinde pocotsiwa anaya painya juntu coyenewatha payabara paebame ichamonae. Matautano jopa payabara najume matsontsonobinde baxua poxonae Nacom pata exaneibame.

<sup>15</sup> Bapoxonae poxonae jiwi paca cui taena, barapo jiwi jopa abeya paca cui yabara paebi tsane xua painya nenatsicuentisiwa xua abe painya neexanaexae. Matautano paca cui taena xua jopa ajuntucoyenebeya pajinompae. Jame maisa painompare be Nacom piamonae tatsi coyeneya. Matauta jopa abe paexanaeinde xua icha pomonae anoxuae paca baru jinompa pomonae pemuxuitorobiwi xua pomonae peantucuiruyapubewi xua poxonae abe exana dubenanaebiya. Icha paxam beta pajinompame barapomonae peitatha tatsi, bara paca tane xua bara beta pajinompame bequein abe peexanae jiwi nataetha, icha be pocotsi jata coyeneya ichi xua opitei ba poton pentha tsurubena poxonae quirei tsuncuae, bara ba jiwi tane barapo opiteiton bequein quirei tsuncuae taetha.

<sup>16</sup> Daunweya pajume cowanta dubenanaebiyama po diwesi jiwi ajuntuyapusu exanatsi. Daxota poxonae Cristo patopaetsica bichocono paca weyataeinchi tajuntu coyenewatha beta xaniwaichiya painya nejinompaexae Nacom nexa. Bapoxonae yaputaein xua xaniwaicha bara beta paca yawenatsi xua painya nejume cowantsiwam.

<sup>17</sup> Bequein metha jiwi nebexubina xua tapaca cayawenaexaetsi, xua painya nejume cowantsinexa, daichitha awiya juntu coyene weiweinan, iruru paxam paca cayawa juntu coyene weiweinaeinchi.

<sup>18</sup> Daxota paxam bewa pana nebaru juntu coyene weiweinaename, bequein tupaen xua tapaca cayawenaexaetsi xua painya nejume cowantsinexa.

### *Meje Timoteo yabara iru xua Epafrodito yabara*

<sup>19</sup> Icha Jesús pon jiwi Pecanamataxeinaein ichichipaena, methaunxuae itorobin Timoteo painya nepaca cataenexa tsane. Bapoxonae juntu coyene weiweinaein xua poxonae paca yabara jume taeinchi xua netsipaebina Timoteo.

<sup>20</sup> Tsipei ichun ajibi pon paca siwa yabara nanta xeina icha xan ichin. Saya meisa bapon Timoteo bichocono paca siwa yabara nanta xeina xua beta painya nejinompae coyenewa icha xan ichin xua bichocono paca siwa yabara nanta xeinatsi.

<sup>21</sup> Ichamonae saya itapetsiya yabara nanta xeineiba barompaya pia peexanae coyenewan. Barapomonae jopa nanta xeinaeyo xua pocotsiwa Jesucristo pia petaxanaewatsi coyenewan tatsi.

<sup>22</sup> Paxam pataneme xua Timoteo neyawena xua pecueicueijejiwa Nacom Pejume Diwesi, icha be coxiyun ichichi xua poxonae pexanto yawenatsi.

<sup>23</sup> Xua poxonae yaputaein xua ichamonae necana exanaena, bapoxonae beitorobin Timoteo xua pia paca necataenexa.

<sup>24</sup> Jume cowantan pon jiwi Pecanamataxeinaein xua necopata xua iru methaunxuae paca siwa ponaeinchi.

<sup>25</sup> Matautano nanta xeinan xua bewa pacata itorobinchi Epafrodito, pon be taeweicho tatsicotaein, iru pejume cowantsixae Jesús, pon taneyawenaein xua cueicueijan Nacom Pejume Diwesi. Bapon jume daunweya pacuidubanbe poxonae bequein ichamonae

abe yabara paeba Nacom Pejume Diwesi. Bapon Epafrodito, pon bayatha painta itorobame xua taneyawenaewa tsane pocotsiwa nantawenonan.

<sup>26</sup> Maisa bichocono bapon bepaca taena daxita paxam. Bapon bichocono juntu coyene wecoyei tsipei pinae paxam payabara nanta xeiname, pinae pajam: “Maisa bichocono Epafrodito nacata atene tsocuae”, pinae pajam.

<sup>27</sup> Bara xainyei, bapon bayatha bichocono atene bara muxu petupae. Daichitha Nacom nantanuweya yabara nanta xeina xua Epafrodito axaibi peexanaewa tsainchi. Matautano Nacom iru nantanuweya neyabara nanta xeina xua jopa bichocono tajuntu coyene wecoyeiwa tsane icha bapon petupaexae tsipae, xua beyacaincha juntu coyene wecoyan poxonae xua copiya, xua poxonae saya atene.

<sup>28</sup> Daxota bichocono ichichipan xua bapon nainya pacata itorobinchi. Bapoxonae pajuntu coyene weiweinaename xua equeicha painya netaexae tsane bapon. Matautano bapon itorobin xua jopa tapaca yabara juntu coyene wecoyeinexatsi.

<sup>29</sup> Moya bara bichocono pantenta juntu coyene weiweinaeya jacobare Epafrodito xua pepatopaexae, pon jiwi Pecanamataxeinaein peitorobixae. Epafrodito beta pabarui cui itura jinare. Bara paichinde ichamonaetha, pabarui cui itura jinare pocotsimonae icha bapon ichi.

<sup>30</sup> Bapon bara muxu pebexubichi xua Cristo petanacuichixaetsi. Bapon penapepe-ichiwatha naexana, inta pewetsinexa pocotsiwa xua jopa paca itacupaeyo xua painta exaname.

### 3

#### *Meje yabara xua po coyene pepa pejuntu coyene xanepanaewa*

<sup>1</sup> Tamonae pam, pomonae iru painya nejume cowantsixae Jesús, pajuntu coyene weiweinare pon jiwi Pecanamataxeinaein pia pacata exanaexae. Jopa afaetabinyo xua equeicha jupa matowa tapacata tinaewatsi pocotsiwa bayatha pacata tinatsi. Bara apara baxua paca yawena xua beta painya netsita jinompaenexa Nacom.

<sup>2</sup> Dota pam pomonae peantucoyenebe jiwi yawano xua abe peexanaewi. Matauta dota pam pomonae judiomonae pia cui coyeneyatha tatsi paca itoroba xua painya nenawi thabiwam po coyene xua pawu thabame pebiwi xua ichaxota nareixacaena. Barapomonae nanta xeina xua icha baxua exanaena Nacom capanenebiya exanaena.

<sup>3</sup> Waxainchi xaniwaicha barapomonaetsi pomonae yatsicaewa Nacom watsita juntu coyene xanepanaewichi, tsipei Nacom pia Pejumope tuxu tatsi naca yawena xua jume cowantsi watanacuichinexa Nacom. Matautano wajume cowantsixae Cristo Jesús, daxota bapontha wuna jaintatsi pia wanacata exanaexae. Waxainchi jopa nanta xeinaetsi xua poxonae ichamonaetha naca wi thaba, barapo coyene naca juntu coyene xanepana exana Nacomtha.

<sup>4</sup> Icha pebiwi itacupaetsipatsi xua jume cowanta xua pia coutha nacapanenebiya, barapoxonae iru xan neitacupaetsipa xua jume cowantan xua tacoutha tanacapanepaewa beyacaincha xua barapo pebiwi. Ichitha pebiwi iru xan, jopa pana neitacupaeyo xua pana nacapanenebiyan pata coutha.

<sup>5</sup> Caena bayatha tacoutha nanta xeinan xua tacoutha tana nacapanepaewa pocotsiwe taexanaexae. Poxonae naexanan ocho po matabitha newi thaba. Matautano xan bara israelmonae pia saineiwi jiwanan. Matautano Benjamín piamonae tatsi jiwanan tsipei pia pemomoxi susato jiwi jiwana pin tatsin. Matautano yacuiya naexanan xua hebreo jume tacueicueiweiwa, taxa iru taena hebreo jume pepaebiwxae. Matautano bayatha fariseomonaepin naexanan, xua daxota daxita coyeneya beta xanepanaya exanan be pocotsi coyeneya Moisés pia peitorobi coyenewatha itoroba.

<sup>6</sup> Bichocono jume cowantan pocotsiwan fariseomonaetha pia pecuidubi coyenewan tatsi. Daxota abe exanan pomonaetha pomonae Jesús pejume cowantsiwichi. Tsipei



daxita coyenein exanan pocotsiwa Moisés pia peitorobi coyenewa itoroba, daxota nanta xeinan xua yatsicaewa j̄nt̄ coyene xanepanan Nacomtha xua jopa xeinaeinyo tanatsicuentsiwa xua abe taexanae coyenewa.

<sup>7</sup> Daxita po coyenein xua bayatha inta netsita ainya cui, porucae jopa daichiyo. Anoxuae netsita acoyenebe barapo coyenein, tajume cow̄antsinexa Cristo.

<sup>8</sup> Matautano daxita inta newepu napuxana pocotsiwa xua bayatha nanta xeinan. Xua yaputan Cristo Jesús Tanecanamataxeinaein, baxua jame inta w̄nae bichocono beyacaincha xua daxita pocotsi coyenewan copiya bayatha xeinan. Cristo Pejume Diwesi tacueicueijeixae daxita newepu napuxana pocotsi coyenewan bayatha xeinan. Barapo coyenein yabara nanta xeinan, xua barapo coyenein abe, be pocotsiwa jiwi xuba pocotsiwa abe. Po coyenein xua copitha xeinan barapo coyenein pentan tanantauntsinexa Cristo pon Tanecanamataxeinaein.

<sup>9</sup> Ichichipan xua be caein naexanan Cristotha xua taj̄nt̄ coyene Nacom petsita xanepanaenexatsi bapon pia tana necana exanaexae barapo coyene. Barapo coyene necana exana Nacom, jopa poxoruyo xua tajume cow̄antsixae Moisés pia peitorobi coyenewa xua daxota taj̄nt̄ coyene xanepana Nacomtha. Jame barapo coyene necana exana Nacom xua be caein naexanan Cristotha, poxonae jume cow̄antan, poxoru Nacom tanecatsixae pej̄nt̄ coyene xanepanaewa. Barapocotsi coyenewa ba Nacom cata jiwitha pomonaetha pomonae pejume cow̄antsiwixaetsi.

<sup>10</sup> Pocotsiwa taichichipaewa baraxua xua apara jame tayaputaewa Cristo. Matautano be yaputaein peayapus̄ itorobiwa, po peayapus̄ itorobi coyenewatha Jesús as̄ exainchi barapo pet̄pae cuiru coyene weya. Bequein ichamonae atene neexanaena, icha Cristo ichichi xua poxonae atene exanatsi ichamonae, daichitha awiya cataunxuae ichichipan xua taexanaewa pocotsiwa xua Nacom ichichipa. Poxonae Jesús tsit̄pa jiwi, barapara exana pocotsiwa Nacom ichichipa, jopa exanaeyo xua pocotsiwa bapon pia coutha ichichipa. Xan bara j̄ta ichiya ichichipa exanan xua pocotsiwa Nacom ichichipa.

<sup>11</sup> Yawano ichichipan xua baxuan exanaein beya poxonae Nacom as̄ neexanaena po mataqueitha Nacom as̄ exanaena pet̄pae cuiru coyene weya pomonae ir̄ pejume cow̄antsiwixaetsi.

*Meje yabara xua po pentoma Nacom pia wanaca catsiwa, j̄ntema beta waexanaexae*

<sup>12</sup> Jopa paebinyo xua xeinan barapo coyene, po coyeneyatha xua Nacom as̄ neexana pet̄pae cuiru coyene weya. Matautano jopa paebinyo xua Nacom bayatha xaniwaicha j̄nt̄ coyene xanepana neexana xua jopa daxota abe taexanaewa. Daichitha awiya yabara nacuichiya exana ducunaebiyān xua taxeinaenexa barapo coyenewa tsipei Cristo Jesús copiya neexana be piamonae jiton tatsin.

<sup>13</sup> Tamonae pam, pomonae ir̄ painya nejume cow̄antsixae Jesús, paca tsipaebatsi xua jopa cataunxuae baxua wetsinyo xua taj̄nt̄ coyene bara xaniwaicha bayatha nej̄nt̄ coyene xanepana exana xua jopa xeinaeyo peabe coyenewiyo. Ichitha bara saya cae coyene exanan. J̄ntemainan xua pocotsiwan bayatha exanan, saya meisa bichocono yabara nacuitan pocotsiwa bexa tsane xeinaein.

<sup>14</sup> Bichocono aj̄nt̄yap̄us̄ya exana ducunaebiyān xua pocotsiwa Nacom ichichipa, beya taxeinaenexa po pentoma pocotsiwa Nacom naca catsina poxonae naca wabina pia nacua beicha caemonae wayawa jinompaexae Cristo Jesús.

<sup>15</sup> Daxita waxainchi, pomonaetsi xua bayatha beta yabara yaputaetaepoinchi wajume cow̄antsiwa Nacom, waxainchi bewa yabara nanta xeinaetsi po coyene xua waxainchi cataunxuae ab̄ jopa xeinaetsi po j̄nt̄ coyene xua yatsicaya xanepana xua daxota jopa abe exanaetsi. Daichitha icha paxam, icha coyeneya payabara nanta xeiname pocotsiwa xuaunxuae paca tsipaebatsi, bapoxonae Nacom yabara paca yaputane exanaena baxua.

<sup>16</sup> Daichitha waxainchi bewa awiya jume cowanta dubenanaebiyaetsi pocotsiwa bayatha Nacom naca yaputane exana.

<sup>17</sup> Tamonae pam, pomonae iru painya nejume cowantsixae Cristo Jesús, paexanaponde icha ichin pocotsiwa xua exanaponan. Beta pacui taema poxonae pomonae xua jinompa xua poxonae exanapona, icha pocotsi coyeneya paichin poxonae paca cuidubatsi.

<sup>18</sup> Bayatha matowa paca tsipaebatsi. Anoxuae equeicha paca tsipaebatsi, beya nama wecoyeya paca tsipaebatsi. Paca jeichi: “Pinmonae jinompa pomonae aichaxaibi po diwesi po coyene xua Cristo naetotha tsitupa jiwi”, paca jeichi.

<sup>19</sup> Nacom barapomonae weraweraca exanaena. Barapomonae saya yabara nanta xeineiba penabanaewa xua matautano pocotsiwa Moisés pia peitorobi coyenewatha itoroba xua barapo pexaewa yabara. Barapomonae yabara atsaca pocotsi coyene bequein barapomonae bewa ita aura tsane baxua. Daichitha barapomonae jopa yabara ita auriyo baxua. Saya barapomonae yabara nanta xeina nawita pocotsiwan xua xeina po irathe. Jopa yabara nanta xeinaeyo pocotsiwan xua Nacom nexa.

<sup>20</sup> Ichitha nama waxainchi Nacom pia nacua tatsipiwichi. Anoxuae waxainchi ewatatsi xua patopaetsica itaboco wetsica pon jiwi Pecapanenebiyaen, pon jiwi Pecanamataxeinaen, bapon Jesucristo.

<sup>21</sup> Wapepon, po pepon jopa wnaetsi, po pepon atene yawa xua tupaena bapon equeicha icha pepon naca exanaena, pocotsi pepon icha Cristo ichi xua po pia pepon tatsi bichocono xeina pexeinya peitupanae coicha, xua po pia pepon tatsi jopa ateneyo, yawa xua jopa tupaeyo. Baxuan Cristo nacata exanaena pia peayapusu itorobi coyenewatha, po peayapusu itorobi coyenewatha itacupatsi xua daxita pecanamataxeinaewa.

## 4

*Meje yabara xua Pablo jei: “Ataya pajantu coyene weiweineibare pon jiwi Pecanamataxeinaen”, jei*

<sup>1</sup> Tamonae pam, pomonae iru painya nejume cowantsixae Cristo Jesús, paxam pomonae bichocono tapaca caantobewichi pam. Bichocono ichichipan xua tapaca cataewa tsainchi. Paxam pomonae bichocono pana nejantu coyene weiweina exaname. Matautano paxam pomonae Nacom necata painya nejume cowantsinexa Jesththa xua be tana nematomatsiwa, xua neyaputane exana xua bara exanan pocotsiwa xanepana poxonae tanacuitan bapon. Tamonae pam, paxam pomonae tapaca caantobewichi pam. Awiya beta pajume cowanta dubenanaebiyama pon jiwi Pecanamataxeinaen.

<sup>2</sup> Itoroban powa pewan Evodia, ichawayono xua powa pewan Sintique xua barapowayobe equeicha penaita coxonaenexabe xua be yatsicaewa caemonae jitowayo penaexanaenexabe pon jiwi Pecanamataxeinaen piamonae jitowayobexae tatsi.

<sup>3</sup> Xam ponxaem yatsicaewa tanebaru nacuichim Nacom Pejume Diwesi, caitorobatsi xua barapowayobe neyawenaenexa tsane. Barapowayobe bayatha neyawenabe poxonae cueicueijan Nacom pia pecapanenebiyae diwesi. Barapoxonae barapowayobe, iru Clemente iru ichamonaeno daxita barapomonae daunweya nebaru nacuita. Daxita barapomonae wan dubatsi diborotha po diborotha xua Nacom capanenebiya tsaibi jiwi xua jiwi pecatsibeibinexatsi peajantuayapusuwa poxonae wan dubeiba barapo diborotha, xua Nacom pia diboro tatsi.

<sup>4</sup> Paca jeichi: “Ataya patsita jantu coyene weiweineibare pon jiwi Pecanamataxeinaen”, paca jeichi. Equeicha paca jeichi: “Ataya patsita jantu coyene weiweineibare”, paca jeichi.

<sup>5</sup> Barabu beta pajinompaname xua daxita jiwi painya pia paca yabara yaputaenexa xua bara paxam pomonae pejantu coyene xanepanaewi pam, tsipei imoxoyo patopaetsica pon jiwi Pecanamataxeinaen.

<sup>6</sup> Jopa payabara nanta xeinaeinde nawita pocotsiwa ba paca jũntũ deideijeji exana. Jame maisa Nacom patsipaebeibare daxita coyenein yabara. Nacom yabara pawũqueibare daxita coyenein. Mataũtano payabara jacobeibare Nacom poxona pocotsiwan paca catsibeiba pocotsiwan xua panantawenoname.

<sup>7</sup> Barapoxona Nacom paca jũntũ coyene jũntemiya jinompa exanaena. Barapo jũntemiya jinompae coyenewa jiwi ba jopa yabara yaputaeyo, tsipei bichocono pexainya coyenewa. Barapo jũntemiya jinompae coyenewa paca jũntũ coyene eenaena. Mataũtano paca eenaena xua daxota beta painya nenanta xeinaewa tsane. Baxua paca cana exana paca necayawa jinompaexae Cristo Jesús.

*Meje yabara poxona Pablo jei: “Payabara nanta xeinare daxitan pocotsiwan xua wũnae”, jei*

<sup>8</sup> Tamona pam, pomona irũ painya nejume cowũntsixae Jesús, paca tsipaebatsi nama anoxuae pocotsiwa xua tabũ ducua paca tsipaebatsi pocotsiwa xua nama wetan. Payabara nanta xeinare daxitan meje xuaje po coyenein: po coyenein xua pexainyeyiwan, mataũtano po coyenein xua jiwi yabara nanta xeina xua pexanepanaewan, mataũtano po coyenein xua xaniwaichiya pecana exanaewan, mataũtano po coyenein xua Nacom petsita exanaewatsi pexainya jũntũ coyenein, mataũtano xua po coyenein pexainya peitũpanae coyenewan, mataũtano po coyenein xua jiwi peyabara barũ cui itura jinaewan. Matapainya payabara nanta xeinare daxita coyenein po coyenein Nacom tsita coyene xanepanatsi, mataũtano daxita po coyenein jiwi bewa wũnae jainchina xua barapo coyenein pexanepanaexae.

<sup>9</sup> Paexanaponde po coyene xua paca cuidubatsi xua daxota panejume jejame. Paexanaponde po coyene xua panejume taneme xua cueicueijan. Mataũtano paexanaponde po coyene xua pana necui taneme xua exanan. Bara baxuan paexanaponde barapoxona Nacom pon peyawa jinaein jũntema peropona jũntũ coyenewa, bara bapon paca yawa poponaena.

*Meje yabara paratixi po paratixi jiwi cata Pablo nexa*

<sup>10</sup> Tsita jũntũ coyene weiweinan pon jiwi Pecanamataxeinaein xua matapainya equeicha tapana neyabara nanta xeinaewam. Bayatha bequein pana neyabara nanta xeiname, daichitha jopa paca itacũpaeyo xua tapana neyawenaenam.

<sup>11</sup> Jopa paca tsipaebichi xua ichawa yabara pocotsiwa tanantawenonaewa, tsipei bayatha tacoutha yabara nacuiduban xua jũntema tapoponaewa pocotsiwa xua xeinan bequein inta acoibi ichawa.

<sup>12</sup> Yaputan xua beta poponan poxona bequein be pon taacopeibin. Mataũtano yaputan xua beta poponan poxona nawita taxeinaein. Bayatha nacuiduban xua jũntema tapopona coyenewanexa tsane bequein tonsanan, yawano bequein ichacuitha jainpeiban. Nacuiduban xua jũntema tapopona coyenewanexa tsane bara bequein xeineiban beyacaincha pocotsiwa tanantawenonaewa, yawano ichacuitha bequein inta aibi pocotsiwa xua tanantawenonaewa.

<sup>13</sup> Neitacũpa xua daxita taexanaewa tsipei Cristo necata pia peantũyapusuwa.

<sup>14</sup> Daichitha paxam bichocono wũnae painta exaname poxona pana neyawenename tapana nesiwamxae poxona ichamona jopa xanepanaya necana exanaeyo.

<sup>15</sup> Paxam Filipos tomarapiwi pam, payaputaneme poxona copiya tamropata pitaban xua cueicueijan Nacom Pejume Diwesi, barapoxona meisa paxam paratixi pana necatapona poxona Macedonia nacua weya ponan. Icha tomarapiwi pomona pejume cowũntsiwi jopa necatsiyo paratixi. Barapo paratixi pana necatapona be pentoma painta exaname yabara tapana netsipaebinexam po coyene xua tapaca cayawenawatsi painya nejume cowũntsiwanexa Nacom.

<sup>16</sup> Poxonae cataunxuae Tesalónica tomaratha poponan, paxam painta itorobame paratixi. Bapoxonae equeicha cotacaya painta itorobame icha paratixi xua tacana nantawenonaenexa.

<sup>17</sup> Paca tsipaebatsi baxua jopa poxoruyo xua saya taichichipaexae equeicha xua tapanecatsiwam tsane icha paratixi. Jame apara poxoru ichichipan xua paxam bexa paxeinaename po pentoma xua Nacom paca catsina tapana neyawenaemxaem.

<sup>18</sup> Bayatha matowa pana necatame beyacaincha pocotsiwa xua nantawenonan. Pocotsi paratixi painta itorobame xua inta capona Epafrodito, baxua inta bichocono nawita beyacaincha xua pocotsiwa nantawenonan. Barapocotsiwa pocotsiwa painta itorobame, Nacom bichocono ichichipa. Nacom baxua ichichipa icha ichi poxonae bichocono ichichipa po petuxusi tuxueiwa jiwi tuxusi exana Nacom nexa, yawa xua poxonae po duwei petautsiwa xua tuxusi exana Nacom nexa. Barapo pecana exanae coyenewabe Nacom tsita coyene xanepanatsi, yawa jantꝫ coyene weiweina exanatsi.

<sup>19</sup> Tanacom daxita paca catsina pocotsiwa xua panantawenoname, tsipei bapon bichocono copei pexeinaein pocotsiwa xua bichocono peitꝫpanaewa. Paca catsina baxua painya neyawa jinompaexae Cristo Jesús.

<sup>20</sup> ¡Barabꝫ jiwi, Nacom pon Waxa, ataya wꝫnae jainchinchi! Je, bara ichi tsane.

*Meje yabara xua Pablo najume weta barapo carte*

<sup>21</sup> Painta jacobare pomonae baxotiya jinompa pomonae Jesucristo pejume cowantsiwichi pomonae yatsicaewa Nacom piamonae tatsi. Irꝫ pomonae nebarꝫ jinompa xote pomonae xua irꝫ pejume cowantsiwichi Cristo Jesús, barapomonae paca jacobꝫ.

<sup>22</sup> Irꝫꝫ daxita pomonae Jesús pejume cowantsiwichi pomonae yatsicaewa Nacom piamonae tatsi, pomonae po tomarathepiwi, barapomonae paca jacobarꝫ. Irꝫꝫ paca jacobꝫ pomonae romanomonae itorobiya pia pepa peewatsinchi pia botha tatsi tanacuitatsi. Barapomonae bichocono paca jacobꝫ, beyacaincha ichamonae poxonae paca jacobꝫ.

<sup>23</sup> Barabꝫ Jesucristo, pon Wanacanamataxeinaein, daxita paxam paca jantꝫ coyene yawenaena pia paca necaantobexae.

Baja Pablo.

## Meje Po Carte Pablo Tatina, Colosas Tomarapiwi Tatinatsi

*Meje yabara poxonae Pablo tamropata pitaba xua tatina pomona Colosas tomara-piwi tatinatsi*

<sup>1</sup> Xan, Pablon, iru Timoteono, pon be painya neyapin jiton patsicotaneme xua xanno iru pon be tayapin tsicotan. Baponbe, panbe, paca jacobatsi. Xan, Pablon, Cristo Jesús pia peitorobiwi tatsi jiwanan xua Nacom peichichipaewaxae.

<sup>2</sup> Barapo carte pacata tinatsi pomona painya neenaewi Colosas tomaratha, pomona Cristo pajume cowantame, iru pomonaeno yatsicaewa xanepanaya Cristo peitabaratha painya nejinompaewino. Barabu Nacom pon Waxa, paca yawenaena pia paca necaantobexae, yawano jantema jinompa paca exanaena.

*Meje yabara poxonae Pablo Nacomtha tawuca pomonae Jesús pejume cowantsiwi*

<sup>3</sup> Poxona Timoteo panbe pacata waqueibatsi Nacomtha, pon Jesucristo Paxa tatsi, pon Wanacanamataxeinaein, pajan tsaibinbe: “Nacom maisa pajuntu coyene weiweinanbe xua barapomonaecajume cowantsixae”, pajan tsaibinbe.

<sup>4</sup> Baxua papaebeibanbe tsipei bayatha Timoteo panbe Epafras pana netsipaeba. Epafras namchi: “Colosas tomaramona Cristo Jesús jume cowanta, –jei– yawa antobe ichamonaeno pomona pejume cowantsiwi Jesucristo”, jei Epafras.

<sup>5</sup> Paantobem ichamona, pomona pejume cowantsiwi Jesús, yawa xua pajume cowanta dubenanaebiyame. Baxua paexaname tsipei payaputaneme xua bexa tsane Nacom paca catsina xua pia nacuatheicha xeina, xua peantuyapusawa po peantuyapusawa jopa weraweracaeyo. Caena bayatha yabara paca tsiwunaeya muxu duta poxona Nacom Pejume Diwesi pajume taneme. Baxua anoxuae cataunxuae paewatame.

<sup>6</sup> Po diwesi xua pajume taneme Nacom pia pecapanenebiyae diwesi, barapo diwesi pejume xainyeiwa. Matautano barapo diwesi jiwi foforotapoinchi xua jume cocowantapona, daxita carepaya tomarantha barapo cae pin nacuathe. Icha paxam paichim bayatha, barapo diwesi paca foforotapona xua pajume cocowantaponame poxona aena pajume taneme barapo diwesi. Barichi payaputanemeno xua Nacom paca necaantobewa xua awiya cataunxuae paexanaponame.

<sup>7</sup> Barapo Nacom pia pecapanenebiyae diwesi xaniwaicha caena bayatha Epafras paca tsipaeba. Bapon Epafras paantobein. Bapon Epafras xaniwaicha Cristo yabara cueicueijeichi. Bapon baxua painta exanapona xua pana yawenapona xua Timoteo panbe pata ecaexaebe jiwi pecubi botha.

<sup>8</sup> Epafras xote patopa. Bapon Epafras Timoteobe, pana netsipaebabe xua pinae paxam paantobem daxita pomona Jesús pejume cowantsiwi Nacom pia Pejumope tanax tatsi painya nepaca yawenaexae.

<sup>9</sup> Bara caena poxona aena, poxona pajume tanbe xua pinae Jesucristo pajume cowantame, pomona Colosas tomarapiwi pam, Nacomtha pacata waqueibatsi. Jopa seica paexaneibinyobe xua pacata waqueibatsi Nacomtha, pajan tsaibinbe: “Nacom, yawende Colosas tomarapiwi yabara neyaputae exanaenexa xua peexanaewa tsane pocotsiwa ichichipame. Yawa care barapomona daxita peyaputae coyenewan po coyenewan nejumope tanax cata jiwitha”, pajan tsaibinbe Nacomtha.



<sup>10</sup> Icha paxam payaputaneme po coyene xua pocotsiwa Nacom ichichipa pon jiwi Pecanamataxeinaein xua pocotsiwa painya neexanaewa, bapoxonae beta pajjinapon-aename Nacom pia paca necayawenaenexa. Bara be Nacom pia pexui pana natsicotaneme tsipei baxua Nacom unthuthu jopa xua unthuthu weiweina. Jiwi pafoforotaponame xua Jesucristo jume cocowuntapoinchi. Daxota baxua Nacom unthuthu jopa xua unthuthu weiweina. Paca anthuthuyapusu exana. Matautano yabara paca yaputane exana xua painya neexanaewa tsane pocotsiwa Nacom ichichipa.

<sup>11</sup> Timoteo iru xanno Nacomtha patsipaebibanbe xua Nacom pia paca catsinexa tsane pia peitupanaewa xua peayapusuwa, icha Nacom ichi xua xeina barapo peitupanaewa xua peayapusuwa. Barapo peayapusuwa paca yawena xua pajumefebame xua poxonae ichamonae paca itoroba xua abe painya neexanaewa. Yawa paca yawena xua juntu coyene weiweinaya paexaname xua jopa paaitaconaem, xua poxonae bequein ichamonae abe pacata exana.

<sup>12</sup> Poxonae Nacom patsipaebame, juntu coyene weiweinaya pajacobare tsipei bapon Nacom paca yabara junteina abe painya neexanae cuiru coyenein. Bapoxonae Nacom tsita xanepanatsi painya juntu coyenein barompaya painyawan painya nex-einaenexa pocotsiwa Nacom paca juntana jeba pia nacuatheicha xua painya nejume cowantsixae bapon. Paca catsibina poxonae paxam bara xoteicha papatsiname.

<sup>13</sup> Waxa, Nacom, wanaca capanepaexae Satanás pia peayapusu itorobi coyene weya tatsi, daxota anoxuae cauri pia pentacaponaein tatsi jopa equeicha cana exanaetsi xua wanaca canamataxeinaewa tsane. Aparajame Nacom yatsicaewa naca cana exana xua bapon piamonae tatsi naexainchi pomonaexaetsi xua Pexanto tatsi pon Jesús itorobiya naca ewata, po Pexantoxae bichocono antobe.

<sup>14</sup> Nacom Pexanto tatsi naca capanepa, naetotha wanaca tsitupaexae. Daxota daxita abe waexanae cuiru coyenein Nacom naca cayabara junteina.

*Meje yabara xua waxainchi pomonaetsi junteina jinompatsi Cristo wanaca tsitupaexae naetotha*

<sup>15</sup> Nacom bapon peinya pepoponaein, pon jopa pataeinyo. Ichitha Jesucristo bapon paxa yatsi itapeinya xeina, pon yatsicaewa patan. Caena bayatha poxonae aena bapon Jesucristo popona xua pewunaeya poxonae Nacom daxita forota barapo cae pin nacuathe.

<sup>16</sup> Nacom daxita forota barapo cae pin nacuathe poxonae Jesucristo saya paxa taexana. Yawa daxita forota itabocotha. Matautano forotano xua jopa penatsita itapeinya xeinaewa, xuano xua penatsita itapeinya xeinaewa. Nacom exana daxita peitorobi coyenewan xua pomonae pentacoponaewi nexa. Ichamonae jiwi itoroba nawita, ichamonae be conotha itoroba jiwi, daichitha daxita barapo coyenein Nacom exana xua barapo peitorobi coyenein. Jesucristo penacui yaputaexae xua ichichipa daxota daxita forota yawa bapon nata exana.

<sup>17</sup> Caena bayatha bapon Cristo ataya popona poxonae cataunxuae jopa bapon foforotaponaeyo daxita. Cristo canamataxeina daxita daxota nacula xanepanaya wunaeya ducua.

<sup>18</sup> Daxita pomonae Cristo jume cowanta be caein naexana. Bapon Cristo barapomonae pia Pecanamataxeinaeinchi tatsi. Baxua caunuta xua Cristo canamataxeina barapomonaetha pomonae pia pejume cowantsiwixaetsi. Bapon Cristo antujumopeyapusu exana pomonae pejume cowantsiwichi. Bapon Jesucristo copiya asu nanta canaexanatsi petupaewatha. Daxota bapon canamata exanatsi xua canamataxeina daxita coyenein.

<sup>19</sup> Nacom, Waxa, unthuthu weiweina bichocono poxonae Pexanto cui tane xua cui jupatsi Pexanto tsipei daxita xeina icha bapon ichi xua daxita xeina.

<sup>20</sup> Daxita pomonae jinompa po cae pin nacuathe ita coxanatsi Nacomtha. Iruru pomonae jinompa athabeicha ita coxanatsi Nacomtha. Daxota Nacom Pexanto itoroba xua petsitupaenexa naetotha pomonae po cae pin nacuathepiwi, iruru pomonae athabeicha jinompa nexa, xua bapoxonae Nacom peita coxonaewa tsainchi yawa petsita najuntu coyene xanepana exanaewa tsainchi.

<sup>21</sup> Paxam copiya Nacom jopa paita coxonaem, be pomonae penanapaincha jinompaewi patsita naexaname Nacomtha. Yawa Nacom pia peitafaetabi jiwichi pam, abe painya neexanae dubenanaebiyaexae painya juntu coyenewatha.

<sup>22</sup> Ichitha nama anoxuae payaputaneme xua Cristo bayatha tupa naetotha xua poxonae bara jiton cuiru coyeneya. Daxota anoxuae Cristo paca cana exana xua Nacom paita coxonaem pomonae pam pomonae copiya Nacom pia peitafaetabi jiwichi pam. Poxonae Cristo tupa pia paca exanaenexa pomonae pam pomonae Nacom peitatha tatsi penthathu cui xanepanae jiwi pam. Matauta paca cana exana xua ichamonae painya jopa nepaca yabara paebiwa xua abe painya neexanaewa.

<sup>23</sup> Cristo paca exana xua xanepanaya painya nejinompaewa tsane Nacom peitabaratha. Baxua paca cana exana icha beta pajume cowuntu dubenanaebiyaeneme Nacom pia pexeinya pecapanenebiyae diwesi jume. Yawa jopa papentsinde xua paewatame xua pinae Nacom paca catsibapaeba, xua bayatha pajume taneme. Nacom paca catsina pocotsiwa pia nacua beicha xeina xua peantuyapusuwa xua jopa weraweracaeyo xua caena bayatha yabara paca tsiwunaem muxu duta Nacom. Barapo pexeinya pecapanenebiyae diwesi bayatha Jesucristo pia pejume cowuntsiwi tatsi cueicueijeiji xua daxita nacuan yajupaya. Iru xan, Pablon, paebaponandu barapo diwesi.

*Meje yabara poxonae Pablo Nacom Pejume Diwesi tsipaeba pomonaetha pomonae Jesucristo pejume cowuntsiwichi*

<sup>24</sup> Xan, Pablon, anoxuae juntuema weiweinaya poponan bequein neperaxa exana paxam nexa. Icha Cristo ichi poxonae peraxa exanatsi jiwi nexa, barichin xan neperaxa eexanaponaena paxam nexa pomonae Cristo pijimonae pamxaem. Atenein beya poxonae wetsin pocotsi coyene cuiru Cristo bewa ajuntucoyenetane tsoponaem tsane pomonae pia pejume cowuntsiwichinexa. Bapoxonae Cristo pia coutha paebina xua xan equeicha jopa atenein tsane.

<sup>25</sup> Xan, Pablon, Nacom Pejume Diwesi tacueicueijeiji jiton tana neitorobixae Nacom tapaca cayawenaenexatsi xua iru daxita carepaya jiwi pejume taetaeponaewa tsane barapo Nacom Pejume Diwesi.

<sup>26</sup> Barapo diwesi caena bayatha Nacom moya yawun xeina xua jiwi jopa yabara yaputaeyo. Ichitha anoxuae barapo diwesi matapainya Nacom yabara yaputane exana pomonaetha pomonae pejume cowuntsi jiwixaetsi.

<sup>27</sup> Barapo pexeinya jume diwesi Nacom caena bayatha moya yawun xeina xua jiwi jopa yabara yaputaeyo, ichitha anoxuae ichichipa iru yabara yaputane exana barapo pexeinya jume diwesi pomonaetha pomonae jopa judiomonae naexanaeyo. Barapo Nacom moya peyawun xeinaewa xua apara Cristo paca yanaba. Daxota paewatame xua becha Cristo paca catsina, xua caena bayatha yabara paca tsiwunaem muxu duta Nacom.

<sup>28</sup> Daxota pacueicueijan barapo diwesi po diwesi xua Cristo yabara. Daxita jiwi pamuxu jan. Daxita jiwi pacuiduban Nacom pia peyaputae coyenetha tatsi, tsipei paichichipan xua Nacomtha xaniwaicha jajuntu coyene xanepanaya patsina xua be caemonae penaexanaewa tsane Cristotha.

<sup>29</sup> Daxota daunweya nacuitan Cristo tana necatsixae pia peayapusuwa xua bichocono ayapusu tacueicueijeinexa tsane Nacom Pejume Diwesi poxonae barapomonae tsipaeban. Barapo peayapusuwa jiwi tsita itutan poxonae daunweya nacuitan.

## 2

<sup>1</sup> Baxua paca tsipaebatsi pomonae painya nejume cowuntsiwa Jesucristo tsipei ichichipan xua painya neyaputaewa xua bichocono tapaca antobewatsi. Daxota bichocono pacata wuwucaponeibatsi Nacomtha. Iruno pomonae Jesucristo jume cowanta, pomonae jinompa Laodicea tomaratha, barapomonae iru tawucan. Iruru daxita ichamonae pomonae jopa netaeyo, tawucan.

<sup>2</sup> Antuyarusuya Nacomtha pacata wucatsi, xua painya nepaca cajuntu coyene tsacarabi exanaenexa xua juntea painya nejinompaenexa xua caemonae nantiya painya nenaantobenexa. Matautano pacata wucatsi xua painya neyaputaenexa xua daxita peyaputae coyene xua daxota painya neyaputaewa tsane po coyene xua copiya Nacom moya yawun xeina po coyene xua Cristo yabara.

<sup>3</sup> Cristo pon peyaputaein, pon daxita coyenein yaputane. Icha caein jiwana paxam, icha bapon ichichipa xua pexeinaewa barapo peyaputae coyene, bu jame wuca.

<sup>4</sup> Baxua paca muxu jeichi, tsipei jopa ichipaeinyo xua ichamonae paca cui caranababa xua naerabiya paca muxujainyaba po jumeintha xua naemata beta paeba.

<sup>5</sup> Paca yabara cananta xeineibatsi, be natsicotan xua be paca baru popoinchi bequein tajucan. Juntu coyene weiweinan xanepanaya jume cowuntsiya painya nejinompaexae Cristo, yawa juntu coyene weiweinanno xua painya nenacui xainwaetsiya jinompaexae Cristotha.

### *Meje yabara xua jiwu pena juntu coyene xeina Cristotha*

<sup>6</sup> Mexeya poxoru painya neyabara jume cowuntsixae xua pinae Jesucristo pon painya Nepacacanamataxeinaein, daxota bewa bara paraichim bewa caemonae pana naexanaem Cristotha xua xaniwaicha painya nejinompaenexa bapontha.

<sup>7</sup> Paitacoxonaya yaputaeponde Cristo painya pewucnaein jiton. Matowa yabara pana nacuidudubaponde Cristo pocotsiwa bayatha exana. Matowa paexande xua pocotsiwa bapon paca itoroba. Mataropeicha payaputaeponde xua pexainyeiwa jume, icha matha ichi xua ichun paca cuiduba poxonae pajume cowuntame Jesucristo. Yawa matowa pajande: “Nacom, maisa pajuntu coyene weiweinan xua painta exaname”, pajan tsabinde.

<sup>8</sup> Dota pam tsipei jopa ichipaeinyo xua ichamonae paca cui caranababa xua naerabiya paca muxujainyaba xua painya neexanaewa tsane xua naemata beta paeba. Pomonae xua paca cuiduba pia peitorobi coyenein, baraxua apara jopa Cristo pia peitorobi coyenewa tatsi. Apra saya pon pepawi, bapon pia peitorobi coyenein tatsi, apra saya nacia pia peitorobi coyenein tatsi.

<sup>9</sup> Nacom Pexanto cana nayawa exana xua Cristo xeina daxita i dapo coyenein, po coyenein Nacom xeina. Barapo coyenein bapon Cristo xeina pon pepa pebin naexana Nacom Pexanto tatsi.

<sup>10</sup> Apra Cristo piamonae tatsi pam. Cristo, bapon compa yatsicaya Pecanamataxeinaein cana exanatsi xua daxita canamataxeinatsi pomonae itabocotha peitorobiwi pia peayapusuwatha. Poxonae Cristo panantautame, jopa ichauyo pacata seicaeyo xua paxename xua pocotsiwa Cristo juntea popona paca exana.

<sup>11</sup> Paxam anoxuae icha juntu coyene paxename Cristo painya nejume cowuntsixaemxae, yawano poxoru painya nenantu cui barapentsixaemxae xua abe paexaname. Icha judiomonae ichi xua nawi thaba ichaxota pebiwi nareixacaena barana baxua jopa paca juntu coyene capanepae abe painya neexanae cuiru coyenein weya. Jame xua Jesucristo naetotha tupa, baxua jame paca unthuthu coyene capanepa abe painya neexanae cuiru coyenein weya.

<sup>12</sup> Poxonae ichun paca bautisaba, be paca muthutha penta, icha Cristo ichichi poxonae muthutha xotsi. Bara paca juta ichi. Yawa poxonae xua pamatawucaname be equeicha asu

pajinompame, icha Cristo ichichi poxonae Nacom asu exana Pexanto poxonae equeicha itowan popona. Bara paca jnta ichi painya nejume cowantsixae Nacom.

<sup>13</sup> Caena bayatha paxam jopa paichichipaem xua painya neexanaewa pocotsiwa Nacom paca itoroba poxoru saya abe painya neexanae jiwi pam. Daxota Nacom be pomonae pewerapae jiwi patsita jinompame. Saya u abe peexanae cuiru coyenein painya nenanta xeina dubenanaebiyaexaemxae, poxoru saya abe painya neexanaewi. Baxua paexaname poxoru barapo peabewa paca itata cadopiteiba xua abe painya neexanaewa tsaibi tsane. Jopa Nacom pajeichim poxoru paxam barapocotsimonae pam, pomonae jopa judiomonae naexanaeyo pam po judiomonae nawi thaba ichaxota pebiwi nareixacaena, Nacom paca exana xua anthathucoyenesuya painya nejinompaewa xua Cristo painya neyawa jinompaewa. Bapon Nacom nacata jntemaina xua daxita abe waexanae cuiru coyenein.

<sup>14</sup> Nacom jopa naca yabara paebiyo xua abe exainchi poxonae bara bequein jopa exanaetsi po peitorobi coyenein judiomonae exana xuano xua naca cui itoroba xua po peitorobi coyenein bequein Nacom itoroba. Daxota Nacom jopa naca yabara paebiyo xua abe exainchi tsipei Cristo naetotha cobe matatabarutatsi xua pentoma nacata exana xua wanaca capanenebiya exanaenexa abe waexanae cuiru coyenein weya.

<sup>15</sup> Poxonae Cristo naetotha tupa, Cristo pecui pawu cana exana po pentacaponawewi xua abe peexanaewi xua barapomonae peamanayabixaetsi. Daxota barapomonae jopa xeinaeyo peitorobi coyene xua peayapusu coyene. Pin bicheito itabaratha Cristo aura exana pentacaponawewi. Anoxuae Cristo pentacaponaein exanatsi xua daxita barapo jiwi pecanamataxeinaenexatsi.

*Meje yabara xua jei: “Itapeta payabara nanta xeinare xua pocotsiwa Nacom jntana jeba jiwi, pia nacuatheicha”, jei*

<sup>16</sup> Daxota dapon ajibi pon itacupatsi xua painya nepaca yabara paebiwa xua abe painya neexanaewa xua pocotsiwa painya nexaexae, xuano xua pocotsiwa painya neapaexae. Matautano bapon jopa itacupaetsi xua painya nepaca yabara paebiwa xua abe painya neexanaewa po matababitha poxonae jiwi tsinacaetuta pin pexaewa xua penabanaewa tsane, matautano xua paexaname po mataqueitha poxonae jomocoichato aena equeica, matautano po matababintha poxonae pentaquei seicae matababin poxonae jiwi jopa nacuichiyo.

<sup>17</sup> Caena bayatha barapo peitorobi coyenein judiomonae cuidubatsi Nacom, xua saya u pejume. Barapo jumeintha judiomonae cuidubatsi Nacom, xua yabara yaputane peexanaenexa tsainchi pocotsiwa bexa Cristo exanaena. Aparay bayatha Cristo patopeica. Icha paxam paichichipame xua painya nenaexanaewa tsane Nacom piamonae tatsi bewa paexanaem pocotsiwa Cristo paca itoroba.

<sup>18</sup> Jopa pacopatsinde xua ichamonae paca yabara paeba xua pana natsiaenae cuentame xua jopa painya neexanaexae icha barapomonae ichi. Barapomonae paca aeba poxoru tane petsita itubi coyenewan po coyenewan xua ichamonae jopa taeyo. Barapomonae paca itoroba xua pepawu jiwi painya nenaexanaewa tsane painya coutha icha barapomonae ichi xua bequein jumexaeya paeba xua pinae pecui pawu jiwi. Matautano barapomonae paca itoroba xua matatsunpiwi wnae painya nejainchiwa tsane icha bapomonae ichi.

<sup>19</sup> Barapomonae jopa Cristo peyawa jinompaewichi, pon Wanacanamataxeinaein xuano xua pon asu jinompa naca exana. Matautano bapon caemonae naca cana exana bapontha wajume cowantsixae. Nacom naca cana exana xua beta wajume cocowantaponaewa, icha be pocotsi coyeneya xua pejume diwesitha paeba, icha poxonae jiwi ichi xua poxonae pia pexui wihatapona pexaewa peapatsixae.

<sup>20</sup> Tsipei Cristo bayatha paca cayawa tupa. ¿Eta xua came awiwa payabara nanta xeiname? Poxonae Cristo tupa bapon paca cana exana xua pana nacapanenebiyam

abe painya neexanae cuiru coyenein weya. Matautano paca capanenebiya exana po peitorobi coyene weya xua jiwi exana pia nacapanenebiyaetsi. Poxonae baxua paca cana exana, Nacom tsitatsi xua bara be Cristo payawa werapame. Daichitha awiya paichichipame xua paexaname barapo peitorobi coyene, bequein barapo peitorobi coyenein jopa paca capanepaeyo abe painya neexanae cuiru coyenein weya. Aparasaya jame Cristo paca capanepa, naetotha petupaexae.

<sup>21</sup> Judiomonae ainya peitorobi coyenewan xeina xua pia peitorobi coyenewanxae pocotsiwa be iche: “Jopa jayabinde baxua. Jinya ebato opitha jopa panaeinde baxua. Jopa baxua necobetha pichinde”, jei.

<sup>22</sup> Barapocotsi coyenein po coyenein xua jopa bewa pinae paexanaem tsane barapo coyenein, bapana jopa paca yawenae xua beta painya neexanaewa pocotsiwa Cristo paca itoroba. Barapocotsiwa jopa pajume naitaewatsinde, poxoru barapo pecuidubi coyenein apara pia peitorobi coyenein tatsi pomonae saya jiwi. Aparasaya barapo peitorobi coyenewan saya nainya weraweraca icha pexaewa ichi xua nainya weraweraca poxonae jiwi xane.

<sup>23</sup> Paxam pananta xeiname xua barapo peitorobi coyenewa xeina peantuyapusuwa poxoru be paca exana xua xanepanaya pajinompage, yawa be paca exana xua Nacom wanae pajaintame. Barapomonae judiomonae pia abe exaneibi pia coutha naperaxa exaneiba pia jantemainaetsi xua abe exana. Ichitha awiya yabara nanta xeina pocotsiwa abe exana poxoru barapo peabewa ita cui dopitatsi xua baxua peexanaewa tsane. Barapomonae saya u pepaebeibi, ichitha cataunxae jopa xanepanaya jinompaeyo.

### 3

<sup>1</sup> Tsipei Cristo bayatha paca cayawa asu, daxota panaitomare xua painya neexanaewa xua Cristo pocotsiwa ichichipa. Bapon Cristo eca Nacom pia nacuatheicha tatsi. Paxa pecoxa weya eca bapon.

<sup>2</sup> Saya panaitomtsiya nanta xeinare Jesucristo pia peitorobi coyenewan tatsi. Jopa payabara nanta xeinaeinde xua copei pexeinae coyenein pocotsiwa barapo cae pin nacuathe xeina.

<sup>3</sup> Tsipei bayatha paxam paca cayawa tupa Cristo, daxota jopa paexanaeinde pocotsiwa barapo cae pin nacuathe xeina. Painya neantujumopeyapusuwan jiwi jopa taeyo tsipei Nacom Cristo paca cayawa itacafetsiya xeina pia nacuatheicha. Mexeya poxoru Cristo peyawa poponaexae Nacom, daxota waxainchi poxonae yawa jinompatsi Cristo barapara iruru yawa jinompatsi Nacom. Baxua jiwi jopa paca cui yaputaeyo.

<sup>4</sup> Bapon Cristo naca jumope antujumopeyapusu exana. Poxonae Cristo equeicha patopaetsica paca cayawa baru naitatsina jiwitha pexeinya peitupanae coichatha.

#### *Meje yabara xua peru jantu coyene, xuano xua pena jantu coyene*

<sup>5</sup> Po coyenein xua jiwi exana pia pepontha bara pana cui barapende. Painya xoba pana nasi cui matacaetame xua paweiweiname. Painya xoba paexaname po coyene abe po coyene ba aura exana poxonae paexaname. Painya xoba pacui yabara nanta xeiname xua abe painya neexanaewa tsane. Painya xoba paichicha xeicame xua ichamonae xeina. Bu bichocono pacui yabara nanta xeiname beyacaincha xua poxonae pacui yabara nanta xeiname Nacom. Baxua icha be poxonae paichim poxonae ibo nacom paantobem beyacaincha xua Nacom paantobem.

<sup>6</sup> Pomonae xua barapocotsiwa exana, Nacom casebina barapomonaetha. Bexa tsane Nacom itawetsina xua jopa petapatsiwa tsainchi pia nacuatheicha, poxoru barapomonaesaya jumefeba nawita pocotsiwa Nacom itoroba.

<sup>7</sup> Icha barapomonae ichi, xua abe exana, paxam bara paichim caena bayatha barapocotsiwa paexaname poxonae jopa cataunxae Jesucristo pajume cowantsim.



<sup>8</sup> Ichitha anoxuae daxita pana cui barapende xua daxita peabe coyenein: xua peanaepanae coyenewan, xua juniya pejei coyenewan, xua jopa xanepanaya peexanae coyenein, xua saya abeya peyabara cueicueijejiwa coyenewan, xua peyuyujejiwa coyenewan.

<sup>9</sup> Jopa caemonae nantiya pana namuxuitorobeibinde, anoxuae pena juntu coyenein painya nexainaexae tsipei peru juntu coyenein bayatha papentame. Tsipei barapo peru juntu coyenein jiwi ba ajumebeya cui itorobatsi xua abe exana.

<sup>10</sup> Tsipei anoxuae pena juntu coyenein paxeiame tsipei Nacom exana barapo pena juntu coyenein. Barapo pena juntu coyenein paca ita coxone exanapona Nacomtha.

<sup>11</sup> Poxonae jiwi pena juntu coyenein xeina pejume cowuntsixae, bapoxonae Nacom tsita najupatsi, metha bara bequein griegomonaepin tsipae, iru metha bequein judiomonaepin tsipae, iru metha bequein pon xua pewi thabinchi tsipae xua ichaxota pebiwi nareixacaena, iru metha bequein pon jopa pewi thabinchi tsipae xua ichaxota pebiwi nareixacaena, iru metha bequein pon penanapaincha poponaein tsipae, iru metha bequein pon unupin tsipae, iru metha bequein pon pebusi cui taetaeinchi tsipae, iru metha bequein pon pepu copatinchi tsipae xua bara piawa penata exanaewa tsane. Apara jame meisa bapon Cristo ainya cui peexanaeinchi. Matautano Cristo baru popona pomonae peantobewixaetsi.

<sup>12</sup> Nacom paca itapeta xua piamonae tatsi pia paca necaexanaenexa pia paca necaantobexae. Daxota nantanuweya pacui yabara cananta xeinare ichamonae xua painya neyawenaewa tsane. Yawa betiya payawende ichamonae. Yawa jopa ichamonae patsita atsacande xua icha coyene painya neexanaenexa. Yawa jopa paaebinde ichamonae. Yawa jopa paaitaconae tsabinde poxonae bequein ichamonae abe pacata exaneiba.

<sup>13</sup> Nantiya pana natsita xeinare po juntu coyene xua jopa painya neaitaconaewa xua poxonae bequein ichamonae abe pacata exana. Pacui yabara junteinare poxonae ichamonae pacata abe exana, icha Cristo ichi pon jiwi Pecanamataxeinaein exanatsi xua daxita paca cui yabara junteina xua abe paexaname. Bara paichinde pana nacui yabara junteinare daxita pocotsiwa abe pana nata exaname.

<sup>14</sup> Barapo coyenein paexande, yawa mataropeichiya paexandeno xua bichocono nantiya pana naantobeinde. Poxonae baxua paexanaename xua painya nenaantobewam, bapoxonae xaniwaicha paexaname pocotsiwa bayatha paca itorobatsi xua bewa paexanaem icha paxeiame pexanepanae cui unthun. Ichitha poxoru painya nenaantobexae daxota bapo coyenein paexaname.

<sup>15</sup> Saya pacopare xua bara Cristo painya juntu coyeneintha pacata itorobina junteina pia pepoponaewa tatsi xua daxota junteina painya nejinompaewa tsane. Tsipei Nacom paca necajainchixae: “Caemonae painya nenaexanaewi pam”, paca necajainchixae. Paxeiare po coyene xua pajam tsaibi: “Nacom, maisa pajuntu coyene weiweinan xua painta exaname”, xua po coyene pajam tsaibi.

<sup>16</sup> Po diwesi Cristo paca tsipaeba xua yawa paca itoroba, moya paexaneibare. Icha Cristo ichi xua paca cuiduba pejume diwesitha, barichi xuya ichamonae pacuidudubaponde. Matautano nantiya pana nacui tsacarabare xua xanepanaya painya nejinompaewa tsane xua poxonae pajume taneme Cristo pejume diwesi. Nacom patanaxunare daxita weixi. Juntu coyene weiweinaya patsita naxunare Nacom.

<sup>17</sup> Pocotsiwa paichichipame xua painya nepaebiwa tsane, moya papaebare pocotsi pepaebiwa ichichipa Jesús. Yawano pocotsiwa paichichipame xua painya neexanaewa tsane, moya paexande xua pocotsi peexanaewa ichichipa Jesús pon jiwi Pecanamataxeinaeinxae. Bapontha pajande: “Jesús inta Axatha jande: ‘Maisa juntu coyene weiweinan xua bapon yawename’, inta, jande”, pajande Jesustha.

*Meje yabara xua pocotsiwa bewa exanae pomonae Jesucristo pejume cowuntsiwi*

<sup>18</sup> Yabuxi pamxaem paca tsipaebatsi. Pajume taema. Painya seuriwi pajume jejan tsaibinde xua paca itorobeiba. Baxua paexaneibare tsipei pejume cowantsi jiwi pam Jesús pon jiwi Pecanamataxeinaein.

<sup>19</sup> Pebiwi pamxaem paca tsipaebatsi. Pajume taema. Painya seuriwi paantobe tsaibinde. Baxua paexaneibare. Poxonae paitorobeibame, bichocono jopa pajan tsaibinde.

<sup>20</sup> Pexui pamxaem paca tsipaebatsi. Painya axa jiwi xua iru painya ena jiwi beta pajume naitaewateibiya exaneibare pocotsiwa paca itorobeiba tsipei baxua Jesús pon jiwi Pecanamataxeinaein tsita ita cui xanepanatsi.

<sup>21</sup> Coxiyei jiwi pam, xua saya pebiwi jiwi pam paca tsipaebatsi. Painya xoba painya pexui pamuxutainyabame xua jopa beta exanaeyo. Icha baxua paexaname pexui jopa beta jinompaetsipae.

<sup>22</sup> Pomonae amanaya pebusi cui taetaewichi pam, beta pajume naitaeware painya nepacacanamataxeinaewi, pomonae paca itoroba, pomonae xua po cae pin nacuathe jinompa. Jopa metha bepa meisa beta pajume naitaewatsipaem poxonae paca tane pomonae painya nepacacanamataxeinaewi. Apra jame beta painya nejume naitaewatsinexa poxonae pomonae painya nepacacanamataxeinaewi jopa imoxoyo paca taeyo. Jopa metha bepa meisa painya wuna taexanaetsi pomonae painya nepacacanamataxeinaewi. Apra jame painya wuna taexanaetsi iru Jesús pon jiwi Pecanamataxeinaein, tsipei paxam pomonae Jesucristo painya nejume cowantsi jiwi pam.

<sup>23</sup> Daxita i daxuan xua paexaname xanepanaya paexanare. Saya u pacananta xeinaeya exaneibare xua Cristo nexa, pon jiwi Pecanamataxeinaein. Jopa meisa saya pananta xeinaeya taexaneibinde xua pon painya nepacacanamataxeinaein, pon saya pepawi, xua saya jiton.

<sup>24</sup> Bayatha payaputaneme xua bexa Cristo pon jiwi Pecanamataxeinaein paca catsibina xua paca jantana jeba pia nacuatheicha xua painya newetsixae pocotsiwa bapon paca itoroba. Paxam Cristo pia petanacuichi jiwichi pam pon yatsicaya jiwi pepa Pecanamataxeinaein.

<sup>25</sup> Ichitha pon jopa xanepanaya exanaeyo, bapon xeinaena pentoma xua jopa pexanepanae matoma. Nacom jiwi jopa natoxeincha necotsiyo. Pomonae pebusi cui taetaewichi, barapomonae Nacom nanta jupaya tane, icha pomonae pentacaponawewi ichi xua poxonae Nacom nanta jupaya tane. Daxota pon jopa xanepanaya exanaeyo, bapon xeinaena pentoma xua jopa pexanepanae matoma.

## 4

<sup>1</sup> Pomonae pentacaponawewi pam, xanepanaya pacana exande pomonae painya nebusi cui taetaeibi jiwi, tsipei paxam paxename painya pepa Nepacacanamataxeinaein itabocotha.

<sup>2</sup> Nacomtha cuitiya pana cui babatsiya wuca dubenanaebiyama. Poxonae Nacomtha pawuqueibame, pajan tsaibinde: “Nacom, maisa pajant coyene weiweinan xua pata tanecatsiwaxaem yawa xua painta exaname beta”, pajan tsaibinde.

<sup>3</sup> Yawano painta wucare Nacom xua Jesús pon jiwi Pecanamataxeinaein pata tana neyawenaewa tsane xua pata cueicueijeinexa bapon pejume diwesi tatsi daxita coyeneintha xua ichaxota pata ichipaewa xua pata paebeibiwa tsane. Barapo diwesi caena bayatha jiwi jopa yaputaeyo tsipei Nacom moya yawun xeina xua jiwi jopa yabara yaputaeyo. Ichitha anoxuae Nacom ichichipa xua jiwi yaputaena barapo diwesi. Barapo diwesi xua anoxuae apra xua Cristo naca yanaba. Jiwi pecubi botha neeta tana natsipei cueicueijeixae barapo diwesi.

<sup>4</sup> Painta wucare Nacom, xua xanepanaya tacaununaya cueicueijeinexa tsane Cristo pijume diwesi xua jiwi beta tana nejume taewa tsane pocotsiwa xua bewa cueicueijan tsane, pocotsiwa Nacom ichichipa.

<sup>5</sup> Dota pam, xanepanaya beta jume wanaeya pajinompare, tsipei paca tane pomonae jopa jume cowantsiyo Jesucristo. Barapomonae patsipaebibare xua pocotsiwa Nacom ichichipa xua poxonae po mataqueitha cataunxuae paca itacupa xua painya netsipae-biwa.

<sup>6</sup> Poxonae ichamonae patsipaebame, beta xanepanaya patsipaebare. Yawano bewa xanepanaya pajume notsim daxita jiwi.

*Meje yabara poxonae Pablo najume weta po carte*

<sup>7</sup> Daxita Tíquico neyabara diwesi paebina xua paca tsipaebina. Bapon be wayapin watsicotaein tsipei Jesucristo pejume cowantsin. Bapon paantobein. Iru bapon Tíquico Jesús pon jiwi Pecanamataxeinaein pia petanacuichin tatsi. Bapon Tíquico neyaweneiba xua Jesucristo pijume diwesi cueicueijeji tsaibi.

<sup>8</sup> Daxota Tíquico painya xainya beya itoroban painya neyaputaenexa xua paxan xanepanaya bara jantema pajinompan. Yawa bapon paca necacui tsacarabinexa xua jantema painya nejinompaewa tsane.

<sup>9</sup> Tíquico bara beya pona iru ichun napon, pon pewun Onésimo, pon be pata tayapin patsicotan pejume cowantsixaeru Jesucristo, yawano bapon paantobein. Barapon beta xanepanaya pepoponaein Nacomtha. Tíquico iruno Onésimo, baponbe daxita yabara paca tsipaebina xua pocotsiwa xote exananje.

<sup>10</sup> Iru Aristarco tajiton, pon jiwi pecubi botha paecanbe, bapon paca jacoba. Iru Marcos paca jacoba, pon Bernabé pamoyo tatsi. Tsipei bayatha payaputaneme xua Marcos pepatopaewa tsane. Paca itorobatsi bapon yabara. Icha patopaena bara beya, bapon pantenta weyataeya wabare.

<sup>11</sup> Iruu Jesús paca jacoba, pon icha wunno, Justo. Po acoibi poyobe, poyobe xuaunxuae paca jacoba meisa saya barapoyobe neyawena xote poyobe xua jiwana judiomonae, po judiomonae Jesucristo pejume cowantsiwichi jiwana. Barapo acoibi poyobe neyawenabe xua yabara cueicueijeibe Nacom Pejume Diwesi po diwesi xua Nacom waba jiwi xua petanaexanaenexatsi piamonae tatsi petajume cowantsixaetsi Pexantotha. Barapoyobe nejuntu cui tsacarababe xua jantema tapoponaewa tsane.

<sup>12</sup> Iruu Epafras paca jacoba, pon painyamonae jiwana. Bapon Epafras Cristo Jesús pia petanacuichin tatsi. Bapon jume daunweya pacata wunqueiba Nacomtha, xua Nacom xanepanaya paca nacaantuyapusa daunweya exanaenexa tsane. Xaniwaicha painya neyaputaenexa pocotsiwa painya neexanaenexa, pocotsiwa Nacom ichichipa.

<sup>13</sup> Xan bara yatsicaewa tacui taewa xua Epafras pacata jume daunweya wunqueiba Nacomtha. Po coyene xua bapon baxua exana xaniwaicha, apara paxam nexa, iru Laodicea tomaramonaepiwi nexa, iru Hierápolis tomaramonaepiwi nexa.

<sup>14</sup> Iruu Lucas paca jacoba, pon jiwi peyawubin, pon bichocono antobetsi xua jiwi antobe. Iruu Demas paca jacoba.

<sup>15</sup> Painta jacobare Jesucristo pejume cowantsiwichi, pomonae Laodicea tomaratha ena. Iru painta jacobare powa pewun Ninfa. Iruu painta jacobareno pomonae pejume cowantsiwi, pomonae nacaetuteiba Ninfa pia botha tatsi.

<sup>16</sup> Poxonae barapo carte payorobame equeicha ichun pacare xua pecaponaenexa Laodicea tomara beya, xua xuya peyorobinexa barapo carte pomonaetha pomonae pejume cowantsiwi poxonae nacaetuta. Yawa poxonae Laodicea tomaramonae pia carta tatsi papitame painya xainya berena barapo carta xuya payorobare painya penacaetutsi botha xua Colosas tomaratha.

<sup>17</sup> Paxam Arquipo pabarande: “Taema Arquipo, xaniwaicha baxua exande xua bayatha Jesucristo pon jiwi Pecanamataxeinaein pocotsiwa caitoroba xua wanaeya xanepanaya nacui yabara jume wetsiname xua exaname”, pajande.

18 Xan, Pablon, paca jacobatsi. Baxoyo tacobe couyeje, xoyo tinaxuban. Jopa pajanteminaeinde xua jiwí pecabi botha taecaewa. Nacomtha painta waqueibare. Barabá Nacom jantema jinompa paca exana pia paca necaantobexae.  
Baja Pablo.

## Meje Po Carte Copiya Pablo Tatina, Tesalonica Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Tesalónica tomarapiwi*

<sup>1</sup> Xan, Pablon, iru Silvano, iru Timoteo, barapoyobe pan, barapo carte pacata tinatsi. Pacata tinatsi paxam pomonae Tesalónica tomarapiwi pamxaem pomonae painya nejume cowantsiwixae Jesucristo. Paxam pomonae pam pomonae painya neyawa jinompaewi Nacom, pon Waxa, xua matautano Jesucristo, pon jiwi Pecanamataxeinaein. Barabu Nacom, Waxa, iru Jesucristo, pon jiwi Pecanamataxeinaein, paca yawena xua juntu coyene weiweinaya painya nejinompaewa tsane xuano beta xanepanaya juntema painya nejinompaenexa.

*Meje yabara xua Pablo yabara paeba xua Tesalónica tomarapiwi pinae beta jume cowanta*

<sup>2</sup> Pacata tsipaebeibatsi Nacomtha, pajan tsaibi Nacomtha: “Nacom maisa pajuntu coyene weiweinan xua daxita Tesalónica tomarapiwi beta jinompa, pomonae pecajume cowantsiwi”, pajan tsaibi Nacomtha.

<sup>3</sup> Pajan tsaibi Nacomtha: “Pata Taxam, Nacom, maisa barapo Tesalónica tomarapiwi bichocono cajume cowantsiya cata exana dubenanaebiya. Matautano, bichocono necaantobexae daxota ayarusya cata nacuita dubenanaebiya. Maisa bichocono barapomonae wnae ewateiba xua Jesucristo pia pepatopeicaewanexa tsane, pon Pata Tanecanamataxeinaein”, pajan tsaibi Nacomtha.

<sup>4</sup> Paxam pomonae painya nejume cowantsiwi pam Nacom. Bara payaputan xua Nacom bichocono paca antobe, yawa caena bayatha paca itapeta pia piamonae paca exanaetsi.

<sup>5</sup> Poxonae Nacom pia pecapanenebiyae diwesi jume paca tsipaebatsi jopa saya meisa u pata jume. Jame apara Nacom pia Pejumope tuxaxu tatsi pia peayarusu itorobi coyenewatha tatsi pana yawena, xua pata cueicueiweiwa. Barapo diwesi bara xaniwaicha jume cowantatsi xua barapo diwesi bara pexainyei jume. Bara beta payaputaneme xua bara beta pajinompan painya itutha xua pata paca ajuntucoyenesu exanaenexatsi xua iru juntu coyene xanepanaya painya nejinompaenexa.

<sup>6</sup> Paxam paexanaponame icha paichin xua pocotsiwa paexanaponan. Matautano beta paexanaponame icha ichi poxonae beta exanapona pon jiwi Pecanamataxeinaein. Bequein ichamonae atene paca exana painya nejume cowantsixae Jesucristo, ichitha barapo diwesi awiya juntu coyene weiweinaya pajume cowantame. Barapo rejuntu weiweinae coyene Nacom pia Pejumope tuxaxu tatsi paca cata.

<sup>7</sup> Baxuan painya neexanaexae daxota ichamonae pomonae pejume cowantsiwi Jesucristo, pomonae Macedonia nacuapiwi, barapomonae exana pocotsiwa paexaname. Iruu baxuan exana pomonae Acaya nacuanpiwi.

<sup>8</sup> Jesucristo, pon jiwi Pecanamataxeinaein, pia pecapanenebiyae diwesi jume pacueicueijam ichamonaetha. Barapo diwesi Macedonia nacuapiwi iru Acaya nacuapiwi jume tane. Jopa meisa barapo nacuabepiwi bara apara daxita nacuanpiwi iruu jume taneru. Daxita barapo jiwi paca yabara yaputane xua painya nejume cowantsiwa Nacom. Daxota jopa panantawenonaeyo xua paca yabara paebatsi ichamonaetha.

<sup>9</sup> Nama barapomonae pana neyabara paeba xua paxam panententa weyataeya wabame. Matautano barapomonae paca yabara paeba xua pinae paxam ibo nacomun po ibo nacomun copiya wnae pajainteibame pabebam painya nejume cowantsixae Nacom. Matautano paca yabara paeba xua barapoxonae patamropatarucrame xua pata



taexaname Nacom pia petanacuichiwa tatsi, pon yatsicaewa pepa Nacom, pon ataya tsitecaeya asu pepoponaein.

<sup>10</sup> Matautano barapomonaē pana netsipaeba xua pinae paxam Jesús pawnae ewatame xua pepatopeicaewa peitaboco wetsica. Barapon Jesús Nacom Pexanto tatsi, po Pexantoxae Nacom asu exana petupae coyene cuiru weya. Barapon Jesús naca napaeba exanaena Nacom beya, poxonaē Nacom copatsina xua jiwi bichocono peraxa jubebinchi abe peexanaexae.

## 2

### *Meje yabara po coyeneya Pablo tanacuita Tesalónica tomarapiwi*

<sup>1</sup> Patamonae paxam pomonaē pam pomonaē iru painya nejume cowantsiwi Jesucristo icha paxan paichin. Payaputaneme xua tapaca siwa ponaewatsi baxua wnae pata cayawenaexaetsi.

<sup>2</sup> Poxonaē Filipos tomaratha paponan, barapomonaē abe pana exana. Yawa tsumu jumeya pana tsipaeba. Bequein barapomonaē baxua pana cana exana ichitha payaputaneme xua Nacom pana yawena tapata catsipaebinxatsi barapo Nacom pia pecapanenebiyae diwesi jume. Baxua paexanan xua jopa juntu deideijeya paca tsipaebichi barapo diwesi bequein barapomonaē pana jume matawenta.

<sup>3</sup> Poxonaē paca tsipaebatsi Nacom Pejume Diwesi jopa apara paca tsipaebichi po jume xua jopa xainyeyo xua po jume pejumexaei. Matautano jopa paca tsipaebichi po juntu coyene wajuntu coyene abeya naca tsipaeba. Matautano jopa paca muxujainyabichi xua daxota abe painya neexanaenexa.

<sup>4</sup> Nama Nacom patsita juntu coyene xanepanan xua xainyeya pata tacueicueijeixae. Daxota Nacom pana neitoroba xua pata tapaebinxae pia pecapanenebiyae diwesi jume. Apra jopa baxua paexanaeinyo xua daxota jiwi pata taneweyataenexa. Jame apra baxua paexanan xua Nacom pata taneweyataenexa. Barapon pana nejuntu coyene yaputane xua poxonaē paexaneiban.

<sup>5</sup> Paxam bayatha payaputaneme xua jopa paca tsipaebichi po jume ba jiwi piraichi jume wnaeya paeba xua bepa pia weyataetsi. Matautano payaputaneme xua jopa pacueicueijanyo pata paratixichi. Nacom bara pana tane xua jopa baxua bara paexanaeinyo.

<sup>6</sup> Jopa bapana paichichipaeinyo xua jiwi wnae pata tanejainchiwa, xua poxonaē metha bequein bara barapomonaē pam, ichacuitha xua poxonaē bequein ichamonae iru.

<sup>7</sup> Bequein paxan pana itacupa xua pata caitorobiwatsi, bequein bara Cristo pia peitorobi jiwi tatsi pan, daichitha jopa paexanaeinyo barapo coyene. Nama apra saya bewayo paca yayawenaponatsi, icha be pocotsi coyeneya petsiriwa ichi poxonaē pia pexui bewayo wichitiya yayawenapona.

<sup>8</sup> Bichocono paca antobetsi, daxota paichichipan xua pata paca catsiwatsi Nacom Pejume Diwesi. Jopa meisa xua poxonaē daxota barapo coyenewa, bara yawa daxita muxuna paca yawenatsi daxita pata juntu coyeneintha. ¡Bara jopa juniya pata paca antobewatsi!

<sup>9</sup> Patamonae pam, paxam pomonaē iru painya nejume cowantsixae Jesucristo. Paxam payaputaneme xua bichocono panacuitan pata xeinaenexa pocotsiwa panantawenonan xua pata nabanaewanexa. Jopa juniya panacuiteibinyo matabintha, yawa merawinthano. Daxota jopa panantawenonaem xua pana catame xua pocotsiwa pata nantawenonaewa pata jinompaewanexa. Jopa paichipaeinyo xua paca naci matowa xeina exanatsi poxonaē paca cuidubatsi Nacom Pejume Diwesi.

<sup>10</sup> Paxam pomonaē painya nejume cowantsixaemxae Jesucristo pana yaputaneme iru Nacom pana yaputane xua juntu coyene xanepanaya pata jinompaewa painya

xantha daxita carepaya paxamtha. Matautano Nacom patsita juntu coyene xanepanan, xua penatsicuentsiwa jopa bapon patsita xeinaeinyo. Daxota ichamonae jopa pana neyabara paebiyo xua abe pata pacata exanaewatsi.

<sup>11</sup> Matautano payaputaneme xua paca itorobatsi xua beta pajinompame. Matautano yawa payaputaneme xua paca juntu tsacabatsi xua xanepanaya painya nejinom-paenexa. Matautano bara payaputaneme xua daxita paxam paca cui matateicatsi xua poxonae bichocono paanthuthutanem tsaibi xua abe painya nepacata exanaexae ichamonae. Daxita barapo coyenein bara paexanan icha be pocotsi coyeneya coxian cana ichiya exana pia pexuitha.

<sup>12</sup> Paca itorobatsi xua bewa beta pajinompae, icha pomonae Nacom pejume cowantsiwi ichi xua bewa beta jinompae. Baraxua paexande poxoru Nacom paca wan duba piamonae painya paca exanaenexa xua painya nebaru itorobinexa tsane jiwi Nacom pia peitorobi nacua beicha tatsi. Nacom pia peitorobi coyenewa xua jiwi peitorobi coyenewatsi bichocono peitupanae coyenewa.

<sup>13</sup> Matautano paxan Nacomtha patsipaeban pajanje: “Nacom maisa pajuntu coyene weiweinan xua Tesalónica tomarapiwi cajume cowanta poxonae patsipaeban jinya jume diwesi. Barapomonae nanta xeina xua po diwesi patsipaeban barapara jinya jume diwesi. Jopa nanta xeinaeyo xua barapo diwesi apara saya jiwi pia diwesi”, pajan Nacomtha. Xaniwaicha barapo diwesi apara Nacom Pejume Diwesi painya paca cana exanaexae xua icha juntu coyene painya nexainaewa pomonae painya nejume cowantsixae Jesucristo.

<sup>14</sup> Patamonae pam. Ichamonae atene paca exana pomonae painyamonae. Baxua paca cana exana, icha Judea nacuapiwi ichichi pomonae pejume cowantsiwi Cristo Jesús. Daxita barapomonae ajuntucoyenetane exainchi pomonae piamonae pomonae judiomonae.

<sup>15</sup> Caena bayatha judiomonae pia pamo susato jiwi tatsi juteba, pomonae Nacom pia peitorobi jume pepaebiwi tatsi jutebatsi. Cotacaya icha judiomonae Jesús pon jiwi Pecanamataxeinaein tupa exanadutatsi naetotha. Matapainya anoxuae icha judiomonae pana yotaba pata penacaetutsi bo weya. Pocotsiwan barapomonae exana Nacom baxuan jopa tsita xanepanaetsi. Barapomonae nacana exana pomonae daxita jiwi pia peitafaetabi jiwichi.

<sup>16</sup> Paichichipan xua patsipaeban Nacom Pejume Diwesi pomonaetha pomonae jopa judiomonae naexanaeyo xua iru Nacom pecapanenebiyaenexa tsane bequein judiomonae pata tanejume itawetsiwatha tsane poxonae patsipaeban Nacom Pejume Diwesi. Poxonae judiomonae barapo abe peexanae coyene pana tsiexana bapoxonae opi duta wetsiya exana daxita po peabe coyenewan xua bayatha itacupatsi xua eexanapona. Daxota anoxuae nama matapainya Nacom bichocono anaepana barapomonaetha. Nacom juntucuru peraxa juba exanaena barapomonae, penatsicuentsixae abe peexanaexae bapontha.

*Meje yabara xua equeicha Pablo besiwa ponaena Tesalónica tomarapiwi*

<sup>17</sup> Paxam pomonae patamonae pam, poxonae bequein paxan tajua paca cuenta enatsi, xua saya bara caetotha jopa imoxoyo paca taetsi, ichitha paca yabara nanta xeineibatsi pata paca itaxaneibixaetsi. Bichocono paichichipan xua pata paca cataewatsi.

<sup>18</sup> Paxan matowa paichichipan xua caewa pata paca siwa ponaewatsi. Xan, Pablon, ichacuitha matowa nanta xeineiban xua paca siwa poneibinchi. Ichitha caurimonae pia pentacaponaein tatsi, Satanás, pana necui yancababeiba.

<sup>19</sup> Ichichipan paca siwa ponatsi poxoru paxam pana necana exaname xua pajuntu coyene weiweinan. Barichi paxam pomonae pana necana exaname xua rawnae ewatan. Barichi paxam pomonae pana necana exaname xua matowa payabara pae-ban pocotsiwa xua paexanan poxonae paca cuidubatsi. Poxonae Jesucristo pon jiwi

Pecanamataxeinaein equeicha caewa patopeicaena bapontha paca yabara paebinchi po coyene xua paxam pana necana exaname.

<sup>20</sup> Xaniwaicha paxam pomonae pam pana nejuntũ coyene weiweina cana exaname. Mataũtano paxan pomonae pana necana exaname xua paca yabara wũnae jainchinchĩ Jesucristo peitabaratha poxonae bapon peitabaratha tatsi paca barũ umenaeinchi beta painya neexanaexae.

### 3

<sup>1-2</sup> Jopa pana itacũpaeyo xua awiya equeicha pata ewatsiwa xua pata paca yabara yaputaewa tsainchi. Daxota juntucuru pananta xeinan xua paitoroban Timoteo pon jume cowũnta Nacom painya pia paca necataenexa tsanebe. Mataũtano juntucuru pananta xeinan xua Silvano compa paecaeinbe Atenas tomaratha. Timoteo paitoroban, tsipei bapon beta tanacuita Nacom nexa. Barapon Timoteo pana yawena poxonae pacueicueijan Cristo pia pexeinya jume diwesi tatsi. Bapon Timoteo itacũpatsi xua ajuntũcoyenyapusu paca cana exana. Mataũtano itacũpatsi xua paca juntũ cui tsacaba exana xua awiya mataropeichiya painya nejume cowũntaponaenexam Nacom.

<sup>3</sup> Baroxonae dapon aibi tsane paxam jiwana pon ajuntũcoyenefaetabiya jume cowũnta xua ichamonae abe peexanaexae bapontha. Paxam bayatha payaputaneme xua daxota bewa ichamonae atene naca exanaena wajume cowũntsixae Jesucristo.

<sup>4</sup> Mataũtano poxonae cataunxuae paca barũ enatsi, paca tsipaebatsi xua daxota bewa ichamonae naca atene exanaena poxonae nacata abe exana. Bara baxua bayatha exana barapomonae icha be pocotsi coyeneya bayatha paca tsipaebatsi, xuano payaputane-menõ.

<sup>5</sup> Tsipei xan jopa neitacũpaeyo xua equeicha taewatsiwa xua tapaca yabara yaputaewa tsainchi, daxota Timoteo itoroban. Bapon inta paca yainyabiya jei: “¿Bara awiya pajume cowũnta dubenanaebiyame Jesucristo?” jei. Baxua beyaputaecin tajunuwixae xua caurimonae pia pentacaponaein tatsi pon jiwi pejuntũ coyene jũjũtsin paca cui jũjũtsipa xua abe painya neexanaewa tsane. Baroxonae pocotsiwa xua pata tapacata nacuichiwatsi jopa paca yawenaetsipae xua jopa xapain painya nejume cowũntsixaem tsipae.

<sup>6</sup> Ichitha bayatha bapon Timoteo caewa patopa xua bara werena xua painya tomara werena. Bapon yabara pana tsipaeba, bichocono jume xanepana xua pinae awiya pajume cowũnta dubenanaebiyame Jesucristo. Mataũtano yabara pana tsipaeba xua pinae nantiya pana naantobe tsurubenanaebiyam. Mataũtano yabara pana tsipaeba xua pinae pana neyabara antobeya nanta xeiname mataũta xua pinae bepana netaename, icha paichin xua bena tapaca taewatsi tsainchi.

<sup>7</sup> Patamonae pam, paca tsipaebatsi bequein ichamonae painta ayapube exana yawa pana atene exana, ichitha pajuntũ coyene sadũjan poxonae pajume tan xua pinae beta pajume cowũnta dubenanaebiyame Jesucristo.

<sup>8</sup> Poxonae paxam awiya beta pajume cowũnta dubenanaebiyame Jesucristo, pon jiwi Pecanamataxeinaein, baxua pajuntũ coyene sadũjan pata jinompaewatha Nacom nexa.

<sup>9</sup> Anoxuae pana itacũpa xua pata jeiwa: “Nacom maisa pajuntũ coyene weiweinan Tesalónica tomarapiwi beta necajume cowũntsixae”, pata jeiwa. Paxam pomonae pana nejuntũ coyene weiweina cana exaname poxonae Nacom patsipaeban.

<sup>10</sup> Matakabintha, merawinthano Nacomtha pacata wũqueibatsi. Nacom pawũqueiban xua bara pata necopatsinexa xua pata tapaca casiwa ponaenexa tsainchi. Paichichipan xua pata paca yawenaewatsi xua beta painya nejume cowũntsiwa Jesucristo pocotsiwa yabara pacata seica xua painya yabara neyaputaewa Jesucristo.

<sup>11</sup> Paichichipan xua Nacom pon Waxa irũ Jesús pon jiwi Pecanamataxeinaein pana yawenaena xua pata paca casiwa ponaenexatsi.

<sup>12</sup> Matautano paichichipan xua Jesús, pon jiwi Pecanamataxeinaein, paca cana exanaena xua equeicha bichocono toxeinchiya paxeinaponaename peantobe coyenewa xua nantiya painya nenaantobexaem tsane. Matautano paichichipan xua barapo peantobe coyenewa daxita jiwi painya tsita xeinaenexa icha paca ichichi xua bichocono paca antobetsi.

<sup>13</sup> Matautano paichichipan xua Nacom pon Waxa, painya nepaca cana exanaenexa xua bichocono painya nejuntũ coyene xanepanaewa. Matautano paichichipan xua Nacom pon Waxa bichocono ajuntũyapũyũ paca cana exanaena. Baroxonae paxam bichocono Nacom tsita jũntũ coyene xanepanaeinchi. Baroxonaeno jopa patsita natsicuentim tsane abe painya neexanaexae bapontha. Barapocotsi jũta coyene awiya paexanaponaename beya poxonae Jesús pon Wanacanamataxeinaein, piamonae baru patopeicaena daxita.

## 4

*Mejeyabara po jũntũ coyeneya bewa jiwi tajinompae Nacom po coyene xua Nacom tsita xanepanatsi*

<sup>1</sup> Patamonae pam anoxuae jume daunweya paca jeichi, yawa paca itorobiya jeichi: “Tsipei Jesús pon jiwi Pecanamataxeinaein, pana necayawa popona daxota paca itorobatsi. Pocotsiwa paca cuidubatsi paxam bara paichinde. Bayatha paca cuidubatsi xua bewa equeicha mataropeichiya payajũntũ coyene jinompaem po jũntũ coyene xua Nacom tsita xanepanatsi. Matautano anoxuae equeicha matowa paexanaponde barapo coyenein, po coyenein xua anoxuae paexanaponaename”, paca jeichi.

<sup>2</sup> Paxam payaputaneme po pecuidubiwana paca cuidubatsi apara barapo pecuidubiwana Jesús pana itoroba, pon jiwi Pecanamataxeinaein.

<sup>3</sup> Xua jame Nacom pocotsiwa ichichipa xua paxam bewa bichocono jũntũ coyene xanepanaya pajinompaem Nacom peitabaratha xua daxota ichamonae patsita itapeinya xeiname xua bara Nacom painya neantobe jiwi pam. Jopa panasi cui exana dubenanaebiyaeinde ichamonae pia seurixitha tatsi.

<sup>4</sup> Pebin bewa yaputaena xua beta cuicuinaena piseuritha po coyeneya xua Nacom tsita xanepanatsi xuano xua jiwi tsita xanepanatsi. Matautano bapon bewa baru cui itura jinaena piowa pia peantobexae. Daxita barompaya pebiwi pam bewa irũ bara paichim tsane.

<sup>5</sup> Barichi barapo pebin jopa bewa exanae tsane barapowatha po coyene xua saya pia penaquenta exanaetsi. Tsipei ichamonae pomonae jopa Nacom yaputaeyo, barapomonae abe nanta xeina nawita xua yabũxi yabara xua penaquentsiwa yabara. Barapo coyene painya xoba paexaname.

<sup>6</sup> Jopa paexanaeinde barapo abe peexanae coyenewatha pontha pon irũ pejume cowantsin Nacom. Jopa bewa papichim barapon piowa tatsi. Icha baxua paexanaetsipame pon jiwi Pecanamataxeinaein bichocono atene paca cana exanaetsipa abe painya neexanaexae. Bayatha barapocotsiwa paca muxuwetatsi.

<sup>7</sup> Nacom jopa naca wũn dubiyo piamonae wanaca exanaenexa xua abe waexanaponaewa tsane. Jame apara Nacom naca wũn duba xua jũntũ coyene wũnaeya wajinompaenexa Nacom peitabaratha tatsi xua daxota ichamonae tsita itapeinya xeinatsi xua bara Nacom pijimonae tatsi wanaexanaenexatsi.

<sup>8</sup> Pon jume itaweta po coyene xua ichũn pepichiwa yabara xua ichũn piowa tatsi, apara bara bapon jume itaweta Nacom pia pecuidubi coyenewa tatsi. Jopa apara jume itawetsiyo pebin pia pecuidubi coyenewa tatsi. Barapon Nacom paca cata pia Pejumope tũnaxũ tatsi xua painya yawa jinompaenexa.

<sup>9</sup> Po peantobewa xeina pomonae pejume cowantsiwi Nacom, xua nantiya caemonae penaantobewa, xan jopa nantawenonaeinyo xua yabara tapacata tinaewatsi barapo

coyene. Tsipei Nacom pia coya paca cuiduba po coyene xua nantiya painya nenaantobewam tsane.

<sup>10</sup> Bara baxua paexaneibame xua paantobe tsurubenanaebiyam daxita pomonae jinompa Macedonia nacuatha, pomonae pejume cowantsiwi Nacom. Ichitha paxam patamonae pam painya nejume cowantsiwixae Nacom, paca itorobatsi xua awiya mataropeicha paantobe tsurubenanaebiyama equeicha matowa.

<sup>11</sup> Bichocono paichichipare xua painya neexanaewa xua po coyene meje: Juntema parubenanaebiyama, xua jopa pana najume matsontsonoba dubenanaebiyam. Matautano painya xoba patsipaebeibame ichamonaetha po coyenein barapomonae bewa exanae. Matautano barompaya painya penacuichiwan pana natsiexana dubenanaebiyama icha be pocotsi coyeneya bayatha paca tsipaebatsi.

<sup>12</sup> Icha barapocotsiwa paexanaename ichamonae pomonae jopa Nacom pejume cowantsiwi paca baru cui itura jinaena xua bara beta painya neexanaexaem. Matautano jopa panantawenonaem xua ichamonae pawcame pocotsiwa xua panantawenoname.

*Meje yabara poxonae Jesucristo pon jiwi Pecanamataxeinaein equeicha caewa patopaetsica*

<sup>13</sup> Patamonae pam, paichichipan xua painya neyaputaewa po coyene pexainyei coyene, xua petupaewi yabara. Matautano jopa paichichipaeinyo xua be wecoyeya pajinompame icha be ichamonae ichi pomonae jopa pejume cowantsiwi Nacom. Barapomonae be wecoyeya jinompa jopa xanepanaya pewanae ewatsixae po coyene xua poxonae petupaewi equeicha asu tsane.

<sup>14</sup> Waxainchi jume cowantatsi xua Jesús tupa naetotha xuano equeicha Nacom asu juina exana. Icha Nacom pexanto cana ichi, waxainchi jume cowantatsi xua Nacom bara cana ichi tsane pomonaetha pomonae bayatha werapa. Barapomonae pejume cowantsixae Jesús, poxonae werapa asu jujuina exanaeinchi xua Nacom exanaena. Nacom barapomonae baru jujuinya exanaeinchi Jesús, xua Jesús pemuxuna capon-aenexatsi Nacom pexainya beicha.

<sup>15</sup> Daxota paca tsipaebatsi pocotsiwa xua Jesús pana netsipaeba pon jiwi Pecanamataxeinaein. Yabara paca tsipaebatsi xua pomonae cataunxuae asu jinompa poxonae patopaena pon jiwi Pecanamataxeinaein barapomonae copiya jopa jujuinya exanae tsainchi xua Jesús pecaxibinexa tsainchi athabeicha. Jame copiya matha asu jujuina exanaeinchi pomonae bayatha werapa.

<sup>16</sup> Jesús pon jiwi Pecanamataxeinaein patopaetsica peitaboco wetsica. Barapo mataqueitha jiwi jume taena peajumeyapusu itorobi wawaiwa, xuano xua cueicueije matatsunpiwi pia pentacaponaein tatsi, xuano xua trompeta jume busi xubina Nacom pia trompeta tatsi. Bapoxonae pomonae Cristo jume cowantatsi xua pomonae bayatha yacui werapaeya othopa bapomonae copiya asu jujuina exanaeinchi.

<sup>17</sup> Bapoxonae cotacaya waxainchi pomonae cataunxuae asu jinompatsi, pomonae wajume cowantsiwi Jesús naca cayawa muxuna caetucaetutsiya caponaena pomonae copiya pewerapaewi. Daxita barapomonaetsi Nacom naca caponaena xua naca caponaena tsaquinaebowatha xua Jesús pon jiwi Pecanamataxeinaein wacaxibiyaenexa tsainchi athabeicha. Baxoteicha ataya tsitecaeya daxita waxainchi Jesús pon jiwi Pecanamataxeinaein, naca baru jinompeibina.

<sup>18</sup> Daxota barapo jumetha caemonae nantiya pana najuntu coyene tsacabare xua painya neyaputaewa tsane, po coyene xua pewerapaewi yabara.

## 5

<sup>1</sup> Patamonae pam, jopa nantawenonaeinoyo xua yabara pacata tinatsi matababi, yawa dapae yabara xua poxonae Jesucristo pepatopeicaewa tsane.



<sup>2</sup> Bayatha payaputaneme xua equeicha patopeicaena pon jiwi Pecanamataxeinaein. Matautano payaputaneme xua bapon patopaetsica poxonae xapain jopa nanta xeinae tsainchi, icha pon pecaibin ichi xua jemeicha patopa merawitha.

<sup>3</sup> Poxonae jiwi jei tsane: “Maisa juntema jinompatsi tsipei daxita wuna tsurucuae”, jei tsane, bapoxonae patopaena jemeicha po dapaetha poxonae jiwi bichocono atene exanaeinchi. Jiwi jopa itacupa tsainchi xua panenebiyaena barapo peatenewa weya. Jiwi atene exanaeinchi icha yabuyo ichi xua bichocono bewa atene tsane xua pexuyo poxonae naexanaena.

<sup>4</sup> Patamonae pam, paxam jopa dapocotsimonae pam, pocotsimonae jopa jume cowantsiyo Nacom. Poxonae equeicha patopaetsica, pon jiwi Pecanamataxeinaein jopa pana nabenaecaem tsane, icha jopa be ichiyo poxonae jiwi nabenaeca xua pecaibin jemeicha patopa.

<sup>5</sup> Paxam pomonae Nacom payabara yaputaneme. Daxota beta painompame icha be ichamonae ichi, xua mataqueitha beta taeya jinompa xua pentha petsuncuaexae. Waxainchi jopa dapomonaetsi xua icha be ichi pomonae abeya jinompa jopa pejume cowantsi jiwixae Nacom. Barapocotsimonae be pomonae poxonae jinompa pequirei-watha, jopa beta jinompaeyo pequirei tsuncuaexae.

<sup>6</sup> Pomonae jopa pejume cowantsiwichi Jesucristo barapomonae jopa tsaca jinompaeyo xua pewuna ewatsinexa Jesucristo pia pepatopeicaewa tsica tsane. Barapomonae be pocotsimonae xua maita, xua jopa itacupaetsi xua penacosabiwa. Ichitha jame bewa waxainchi wacoutha barompaya juntu coyene coxonaetsi xua tsaca wajinompawewa poxonae wuna ewatatsi Jesucristo pia pepatopeicaewa tsica tsane.

<sup>7</sup> Pomonae ba xua maita, bara merawi maita. Iruu pomonae ba cupatsi peatsaxa mera, bara merawi cupatsi. Daxita barapomonae jopa xapain Jesucristo wuna ewatichi.

<sup>8</sup> Ichitha waxainchi wajume cowantsixaetsi Jesucristo, daxota bewa juntu coyene coxonaetsi xua tsaca jinompatsi xua wawuna ewatsiwa Jesucristo. Waxainchi xanepanaya bewa beta jume cowantichi Nacom. Matautano bewa beta nantiya naantobetsi. Barapo coyenebe naca juntu coyene yaitata xua jopa abe exanaetsi, icha soldadomonaepin ichi xua nayaitata penaintotha xua nantacari xatata xua pecawatsiyainwatsi dejonatha. Barichi waxainchi bewa jume cowantsiya wuna ewatichi xua Nacom naca capanenebiya tsane. Barapo coyeneya naca yaitata xua abe waexanaeyainwa icha soldadomonaepin ichi xua nantasipa yaitata penain yoreitha xua peantasipabe exanaeyainwatsi.

<sup>9</sup> Nacom jopa naca itapetsiyo xua wanaca atene exanaenexa wanatsicuentiwaxae abe waexanaexae bapontha. Saya apara naca itapeta wanaca capanenebiyaenexa xua Jesucristo wanaca tsitupaexae naetotha pon Wanacanamataxeinaein.

<sup>10</sup> Jesucristo naca tsitupa naetotha wanaca baru jinompaewa tsane pia nacuatheicha, bequein waxainchi bayatha werapatsi, yawano ichacuitha bequein waxainchi awiya asu jinompatsi, poxonae bapon patopaetsica.

<sup>11</sup> Daxota paxam bewa awiya daxita nantiya pana najuntu coyene tsacabim. Matauta bewa nantiya pana naajuntucoyenesu exanaem beta painya nejume cowantsinexa icha paichiponaem xua anoxuae paexanaponame.

### *Meje yabara xua Pablo muxuweta pomonae Jesucristo pejume cowantsiwichi*

<sup>12</sup> Patamonae pam, paca muxuwetatsi xua pabaru cui itura jinare pomonae painya xantha Nacom tanacuitatsi xua pomonae paca matabapona. Barapomonae paca muxuweta xua Jesucristo pon jiwi Pecanamataxeinaein pecui itorobixae abe painya neexanaeyainwa.

<sup>13</sup> Bewa barapomonaē beta pabarū cui itura jinaem peainya cui jiwixae. Matautano bewa bichocono paantobem xua barapomonaē betiya painya nepaca mataxeinaexae. Daxita pam nantiya jūntema jinompa pana naexande.

<sup>14</sup> Patamonaē pam, paca itorobatsi xua jume daunweya pamuxuwere pomonaē afaetabi xua penacuichiwa. Pajūntū coyene cui tsacabare pomonaē jūntū coyene junuwiya jinompa ichamonaē atene peexanaexae barapomonaetha. Matautano payawende pomonaē jopa ajūntūcoyenesūya jinompaeyo Nacomtha. Bewayo payawende barapomonaē xua jopa painya neaitaconaewam.

<sup>15</sup> Painya xoba ichamonaetha abe pata exaname, xua copiya abe pia pacata exanaexae. Seicaya jame incane beta xanepanaya daunweya pajūjūteibare xua nantiya painya nenata exaneibinexa, xuano irū daxita jiwino.

<sup>16</sup> Barabū tsitecaeya pajūntū coyene weiweina dubenanaebiyama.

<sup>17</sup> Daxita matacabi Nacomtha patsipaebeibare matowa.

<sup>18</sup> Daxita pocotsiwa pacata exana bequein jopa pacata wūnaeyo, ichitha awiya barapocotsiwan yabara Nacomtha patsipaebeibare, pajam tsaibinde: “Nacom maīsa pajūntū coyene weiweinan xua pata tana neyawenaewam poxonaē bequein painta daunwei tsaibi”, pajam tsaibinde. Poxonaē baxuan papaebame bichocono Nacom tsita xanepanatsi painya neexanaexae pocotsiwa Nacom ichichipa Cristo Jesús pia paca barū jinompaexae.

<sup>19</sup> Jopa paitawetsinde Nacom pia Pejumope tūnaxū tatsi poxonaē paca itoroba pocotsiwa bewa paexanaem.

<sup>20</sup> Jopa pajume itawetsinde po diwesi xua ichamonaē paeba pomonaē Nacom Pejume Diwesi pepaebiwi.

<sup>21</sup> Incane pajume taema daxita po diwesi xua barapomonaē paeba icha bara metha xaniwaicha po diwesi pona Nacom weya. Saya paitapere po coyene xua pexainyeiwa.

<sup>22</sup> Daxita po coyenein peabe coyenein panaitemare xua jopa painya neexanaewam abe peexanaē coyenein.

<sup>23</sup> Bara Nacom, pon jūntema jinompa naca exana, barabū barapon paca jūntū coyene ayarusū exanaena xua jūpa paca cana exanaena icha bapon ichi xua jūntū coyene xanepana. Matautano barabū Nacom paca jūntū coyene xanepana exanaena painya nejinompaewa tsane bapon nexa xua jopa painya nexainaewam penatsicuentisiwa xua abe painya neexanaexae bapontha. Barabū Nacom beta paca jumope eenaena, yawano xua painya jūntū coyenewa, matautano xua painya pepon xua Jesucristo nexa pon Wanacanamataxeinaein xua beya poxonaē bapon patopaetsica.

<sup>24</sup> Nacom ponxae xua paca wūn duba pia paca exanaenexa piamonaē tatsi, bapon xainyeya pepaebin. Matautano bapon exanaena pocotsiwa xua bayatha yabara paca tsiwūnaē muxu duta.

*Meje yabara xua Pablo najume wetsiya paeba*

<sup>25</sup> Patamonaē pam, painta Nacomtha wūqueibare.

<sup>26</sup> Antobeya painta jacobare daxita pomonaē patamonaē pomonaē Jesucristo pejume cowantsiwichi.

<sup>27</sup> Xan paca itorobatsi tsipei Jesucristo, pon jiwi Pecanamataxeinaein neitoroba. Paca jeichi: “Barapo carte painta yorobare daxita pomonaetha pomonaē Jesucristo pejume cowantsiwichi”, paca jeichi.

<sup>28</sup> Jesucristo, pon Wanacanamataxeinaein, barabū paca yawena pia paca necaantobewaxae.

Baja Pablo, irū Silvano, irū Timoteono ponbe necueyatabe.

## Meje Po Carte Cotacaya Pablo Tatina, Tesalonica Tomarapiwi Tatinatsi

*Meje yabara poxonae Pablo tamropata pitaba xua tatina pomonaetha pomonae Tesalónica tomarapiwi*

<sup>1</sup> Xan Pablon, iru Silvano, iru Timoteo, bara poyobe pan, barapo carte pacata tinatsi. Pacata tinatsi pomonae Tesalónica tomarapiwi pam, pomonae panacaetutame xua wuna painya nejainchinexa Nacom. Paxam iru pomonae pejume cowantsi jiwi pam, pomonae painya neyawa jinompaewi Nacom, pon Waxa. Matauta paxam pomonae xua painya neyawa jinompaewi Jesucristo, pon jiwi Pecanamataxeinaein.

<sup>2</sup> Barabu Nacom, Waxa, iru Jesucristo, pon jiwi Pecanamataxeinaein, paca yawenaena pia paca necaantobewaxae xua juntu coyene weiweinaya painya nejinompaewa tsane. Matautano barabu betiya xanepanaya jantemiya jinompa paca cana exanaena.

*Meje yabara xua poxonae Nacom yabara paebina jiwi xua penatsicuentisiwa xua abe peexanaexae poxonae Cristo equeicha patopaetsica*

<sup>3</sup> Patamonae pam paxam pomonae iru painya nejume cowantsi jiwixae Jesucristo. Bewa pacata wucaponeibinchi Nacom, xua pata jei tsaibiwa: “Nacom maisa pajuntu weiweinan xua Tesalónica tomarapiwi beta xanepanaya cajume cowanta”, xua pata jei tsaibiwa tsane Nacomtha. Baxua painta wuna xua paexanan, tsipei equeicha matowa mataropeichiya pajume cocowantaponame. Matautano equeicha matowa nantiya pana naantobem tsozonaem xua daxita paxam.

<sup>4</sup> Daxota juntu coyene weiweinaya paca yabara paebatsi Nacom piamonaetha xua ichamonae matabuxu. Paca yabara jeichi: “Maisa Tesalónica tomarapiwi jume cowanta beta, yawa saya beta dubenanaebiya poxonae bequein atene exanatsi abeya peyabara paebeibixaetsi ichamonae. Matautano barapomonae beta exana dubenanaebiya xua bequein atene exanatsi xua poxonae ichamonae abe peexaneibixaetsi”, paca yabara jeichi barapomonaetha.

<sup>5</sup> Baxuan tsita itapeinya xeina xua poxonae bequein Nacom yabara paeba jiwi xua penatsicuentisiwa yawa peraxa jubitha barapo jiwi, barapara xanepanaya exana. Tsipei barapo jiwi natsicuenta Nacomtha abe peexanaexae. Daxota Nacom bara paca yabara cui copata xua painya patsinexa pia peitorobi nacua beicha tatsi, tsipei bichocono paatenem painya nejume cowantsixaem bapon.

<sup>6</sup> Pomonae xua paca atene exana, bexa tsane Nacom xuya cana exanaena xua barapomonae peraxa jubinchi. Barapara Nacom baxua beta exana pia abe pacata exanaexae barapomonae.

<sup>7</sup> Nacom paca nafifina capanenebiya exanaena xua paca yabara cui opi ducua exanaena xua ichamonae atene paca exana. Iru paxantha barichi tsane Nacom, xua poxonae Jesús patopaetsica, pon jiwi Pecanamataxeinaein. Bapon Jesús baru patopeicaena pia matatsunpiwi, xua matatsunpiwi peayapuswatha patsicaena. Matautano Jesús muxuna patopeicaena pexeinya peitupanae coicha xua be isoto.

<sup>8</sup> Jesús patopaetsica xua atene peexanaenexa jiwitha abe peexanaexae pomonae jopa yaputaeyo Nacom, penaitematsixaetsi. Matautano atene exanaeinchi pomonae jopa jume cowantsiyo Jesús pia pecapanenebiyae jume diwesi tatsi, pon Wanacanamataxeinaein.

<sup>9</sup> Barapo jiwi ataya tsitecaeya ajuntucoyenetane tsane tsana penobixae tsainchi taju beya xua bapon pon jiwi Pecanamataxeinaein pia xainya weya tatsi. Matautano barapo

jiwi jopa tae tsane pon jiwi Pecanamataxeinaein pia pexeinya peitupanae coicha tatsi, xuano xua pia peayapusu itorobiwa tatsi xua bichocono pexeinya coyene.

<sup>10</sup> Baxuan Nacom exanaena po matabitha abu poxonae patopeicaena pon jiwi Pecanamataxeinaein, xua daxita piamonae pebaru cui itura jinaenexa tsainchi. Matautano bapon daxita piamonae nabenaecaeya wuna jainchinchipomona pejume cowantsiwichixaetsi. Paxam bara paichim tsane barapo matabitha painya nejume cowantsixaemxae po diwesi jume bayatha paca tsipaebatsi.

<sup>11</sup> Daxota ataya paca yabara wuqueibatsi Nacomtha. Pajan: “Nacom yawende barapomona xua jinompaena po coyeneya icha xua xam ichichipame poxonae wun dubame barapomona xua penaexanaenexa jinyamonae. Matautano yawende barapomona peuwetsinexa tsane jinya neayapusu itorobi coyenewatha po coyene xua wuna, po coyene barapomona ichichipa xua peexanaewa. Matautano yawende barapomona peuwetsinexa po penacuichiwa exana necajume cowantsixae”, pajan Nacomtha.

<sup>12</sup> Icha beta pajinompame, jiwi wuna jainchina Jesús, pon Wanacanamataxeinaein, painya nejume cowantsixae tsane bapontha. Matautano Jesús cana exana xua barapo jiwi wuna paca jainchina painya paca cataxae tsane xua Nacom paca yawena, pia paca necaantobewaxae, xuano xua Jesucristo paca yawenaru pia paca necaantobewaxae pon jiwi Pecanamataxeinaein.

## 2

### *Meje yabara xua equeicha patopaetsica pon jiwi Pecanamataxeinaein*

<sup>1</sup> Patamonae pam, anoxuae nama yabara bepaca tsipaebinchin xua Jesucristo, pon Wanacanamataxeinaein, equeicha pepatopaewa tsica. Matautano ichichipan yabara xua tapaca tsipaebiwatsi xua wanaca baru nacaetutsiwa bapon. Daxota jume daunweya paca tsipaebatsi baxua.

<sup>2</sup> Icha ichamonae paca tsipaeba xua pinae anoxuae matabi jopa, po mataqueitha xua Jesucristo, pon jiwi Pecanamataxeinaein bayatha patopa, painya xoba bepijawa payabara najuntu coyene cabenaecaename xua daxota jopa beta pananta xeinaem. Jopa bichoina payabara jume cowantsinde bequein paebitha tsane xua pinae baxua barapomona tsipaebatsi Nacom pia Pejumope tuxu tatsi. Matautano painya xoba payabara jume cowantame bequein paebitha tsane xua pinae baraxua yabara paebandu. Matautano painya xoba payabara jume cowantame bequein paebitha tsane xua pinae barapomonaetha baraxua payabara tinandu.

<sup>3</sup> Jopa pacopatsinde xua ichamonae yabara paca muxuitoroba baxua bequein pinmonae paca tsipaebitha tsane baxua. Tsipei baxua pewunaeya tsane xua poxonae barapo matabi jopaena, bewa matha patopaena xua po coyene jiwi Nacom naitematinchi. Bapoxonae pebin patopaena pon bichocono jopa juniya abe exanaeyo. Bapon apara pon Nacom weraweraca exana isototha po isototha bapana cuinaya jopa ataya tsitecaeya itacounaiyo.

<sup>4</sup> Bapon Nacom abe yabara paebinchin. Bapon jopa tsita ainya cuiyo tsainchi daxita pocotsiwa jiwi wuna jainta. Matautano bapon jopa tsita ainya cuiyo tsainchi bequein po nacomun jiwi exana. Bapon pia coutha penacanamataxeinaein naexana xua peewatsiwa daxita pocotsiwan Nacom piawa, xua pia wuna jaintichin, xua jiwi wuna jainchina. Matauta bapon ecaena Nacom pin pia botha xua pia coya Nacom najainta.

<sup>5</sup> ;Bara baxuan yabara caena bayatha paca tsipaebatsiba poxonae cataunxae paca baru popoinchi! ;Bara pajantemainame jampa?

<sup>6</sup> Anoxuae paxam payabara yaputaneme po coyene xua peayapusu itorobi coyenewa bapon cui matawentatsi xua pepatopaewa. Saya beya jame patopaetsica poxonae barapo matabi tsane xua bapon copatinchin xua pepatopaewa tsica tsane.

<sup>7</sup> Pinmonae anoxuae bichocono abe exanapona. Saya waxainchi yabara yaputaeinchi baxua Nacom pia wanaca yaputane exanaexae wajume cowantsixae. Nama pomonae jopa jume cowantsiyo jopa yabara yaputaeyo baxua. Saya meisa acoibi xua pitinchi pon xeina barapo peayapusu itorobi coyenewa xua pecui matawentsiwatsi pontha pon bichocono abe peexanaein.

<sup>8</sup> Saya bapoxonae naitatsina bapon pon bichocono abe peexanaein. Ichitha poxonae Jesús, pon jiwi Pecanamataxeinaein patopaetsica, bapon bexubina pon bichocono abe peexanaein bexubinchi poxonae ofutarabina, xua ataya weraweraca pecana exanaenexa pexeinya peitapanae coicha peyawa naitatsiya patopeicaexae tsane.

<sup>9</sup> Pewanaeya tsane xua poxonae Jesús bexubina pontha pon bichocono abe peexanaein, Satanás pon caurimonae pia pentacaponaein tatsi, bapontha catsina pia peayapusu itorobi coyenewa xua catinchi pon abe peexanaein. Bapon pon bichocono abe peexanaein bichocono peayapusuwa yawa patopaena. Matautano bapon daxita coyeneintha pexeinya petsita itubiwana exanaena peayapusuwatha xua jopa xainyeyo xua jiwi pemuxujainyabinexatsi.

<sup>10</sup> Bapon exanaena daxita peabe coyenewan xua daxita jiwi pemuxujainyabinexa tsainchi. Nacom exanaena xua barapo jiwi weraweracaena jopa peichichipaexae xua pejume cowantsiwa pexainyei jume diwesi po diwesi xua barapomonae pecapanenebiyaenexa tsainchi.

<sup>11</sup> Daxita barapo coyeneinxae daxota Nacom bara saya yabara cui copata xua barapo jiwi bara muxujainyabinchi xua daxota jume cowantsina barapo penaerabi diwesi jume.

<sup>12</sup> Pomonae jopa bejume cowantsiyo pexainyei diwesi jume barapomonae saya ichichipa nawita xua peabe coyenewan exana. Barapomonae Nacom caununaya itawetsina poxonae yabara paebina xua barapomonae Nacom tsita natsicuentatsi xua abe peexanaexae.

*Meje yabara pomonae Nacom itapeta pecapanenebiyaewa tsane*

<sup>13</sup> Patamonae pam, paxam pomonae pam pomonae paca antobe pon jiwi Pecanamataxeinaein. Paxan bewa daxita matabi pacata wuqueibinchi Nacomtha. Bewa pajan tsaibin tsane: “Nacom maisa pajuntu coyene weiweinana beta necajume cowantsixae Tesalónica tomarapiwi”, bewa pajan tsaibin tsane. Daxota baxua papaeban Nacomtha tsipei bayatha caena paca itapeta painya nepaca capanenebiyaenexa xua tsiwanaya poxonae aena Nacom forota barapo cae pin nacuathe. Nacom baxua exana pia peayapusuwatha po peayapusuwa pia Pejumo pe tuxu tatsi xeina ponxae paca juntu coyene xanepana exana Nacom nexa. Matautano baxua exana poxoru painya nejume cowantsixae pexainyei diwesi jume.

<sup>14</sup> Daxota Nacom bayatha paca waba bapon painya nejume cowantsinexa poxonae paca cuidubatsi Nacom pia pecapanenebiyae diwesi jume. Daxotano paca waba xua Jesucristo pon Wanacanamataxeinaein painya nenabaru xeinaenexa pia pexeinya peitapanae coyenewan.

<sup>15</sup> Patamonae, daxota pajume cowanta dubenanaebiyama equeicha matowa. Painya xoba pajuntemainame po pecuidubiwana xua ichamonae pana cuiduba xua xuya anoxuae yatsicaewa paca cuidubatsi, xua yawa cartano pacata tinatsi.

<sup>16-17</sup> Nacom Waxa, pia wanaca antobexae naca yawena. Bapon ataya tsitecaeya naca matateica pia pexeinya juntu coyenewatha. Matautano Nacom naca cata xua wawu nae ewatsiwa pocotsiwa xua bapon naca catapaeba, pocotsiwa xua wu nae. Paca yabara paebatsi bapontha. Matautano paca yabara paebatsi Jesucristo tha pon Wanacanamataxeinaein. Pajan baponbetta: “Barabu payawenaenamebe Tesalónica tomarapiwi. Barabu pajuntu coyene cui tsacabinamebe barapomonae. Matautano barabu juntu coyene jume cowantsiya ayapusuwa pacana exanaenamebe barapomonaetha, xua pia



pepaebeibinexa pocotsiwa w<sub>u</sub>nae xuano pia peexaneibinexa pocotsiwa xanepana”, pajan baponbetha.

### 3

#### *Meje yabara poxonae Pablo namchi: “Painta Nacomtha w<sub>u</sub>care”, jei*

<sup>1</sup> Patamonae, paxam pomonae pam pomonae ir<sub>u</sub> painya nejume cow<sub>u</sub>ntsixae Nacom. Anoxuae paca tsipaebatsi pocotsiwa xua pawetan xua pata paca tsipaebiwatsi. Paca jeichi xua painta Nacomtha w<sub>u</sub>care xua xain pon jiwi Pecanamataxeinaein pejume diwesi tatsi awiya nainya taj<sub>u</sub> patsipaebaponaein daxita nacuantha. Matautano painta w<sub>u</sub>care xua xain ichaxota patsipaeban barapo diwesi daxita jiwi beta jume bar<sub>u</sub> jejei peainya cui diwesixae, icha paichim poxonae pajume taneme barapo diwesi.

<sup>2</sup> Matautano Nacom painta w<sub>u</sub>care xua xain Nacom jopa copatsiyo xua painta abe exana pomonae bichocono aj<sub>u</sub>nt<sub>u</sub>coyenebe. Tsipei jopa daxita jiwiyo pomonae beta jume cow<sub>u</sub>nta po diwesi patsipaeban.

<sup>3</sup> Ichitha jame bara ita coxoinchi xua wajume cow<sub>u</sub>ntsiwa pon jiwi Pecanamataxeinaein tsipei bara bapon xainyeya naca yawena. Matautano bapon paca j<sub>u</sub>nt<sub>u</sub> aya-pus<sub>u</sub>ya exanaena. Matautano bapon paca ita ararana xua abe paca exanaeyainwa pon bichocono abe peexaneibin. Paca yawenaena xua jopa painya neexanaenexa abe peexanae cuiru coyenewan.

<sup>4</sup> Bara paca yabara jume cow<sub>u</sub>ntatsi xua bara bapon pon jiwi Pecanamataxeinaein paca yawena. Bapon paca yawenaena xua paexaname, xuano xua paexana dubenanae-biyaename pocotsiwan xua paca itorobatsi.

<sup>5</sup> Barab<sub>u</sub> bapon pon jiwi Pecanamataxeinaein, paca yawenaena xua bichocono painya neyabara yaputaenexa Nacom pia paca antobe coyenewa tatsi. Matautano barab<sub>u</sub> paca yawenaena xua awiya ant<sub>u</sub>coyenes<sub>u</sub>ya painya nejume cow<sub>u</sub>nta dubenanaebiyaenexa tsane. Bapoxonae bequein ichamonae abe pacata exanaetha tsane jopa paaitaconaem tsane. Bara paichim tsane icha Cristo ichi xua poxonae jiwi barapocotsi coyene exana jopa aitaconaeyo.

#### *Meje yabara poxonae Pablo yabara paeba xua jiwi bewa nacuichina*

<sup>6</sup> Patamonae pam, paca itorobatsi tsipei Jesucristo Wanacanamataxeinaein pana cata pia peitorobi coyenewa. Painya xoba imoxoyo pabar<sub>u</sub> jinompame peafaetabi jiwi pomonae aichaxaibi nacuita, xua pomonae ir<sub>u</sub> pejume cow<sub>u</sub>ntsiwixae. Barapomonae jopa yabara jume cuiya exanaeyo po pecuidubi coyenein xua Jesucristo weya bayatha, xuano xuya barapomonaetha pacuiduban.

<sup>7</sup> Paxam payaputaneme, xua bewa xanepanaya betiya pajinompam, icha bayatha paichin. Poxonae paca bar<sub>u</sub> jinompatsi jopa paacoyenefaetabinyo, apra panacuitan nawita.

<sup>8</sup> Poxonae paxaiban painya xantha bara pentoma paexaneiban pexaewa nexa. Jopa amanaya panabaneibinyo. Jame apra daunweya panacuiteiban merawintha matacabinthano xua jopa daunweya pata pacata exanaewatsi tsainchi. Jopa panantawenon-aem xua painta comocame pexaewa.

<sup>9</sup> Bequein pana yabara cui copata xua pata paca w<sub>u</sub>caewatsi pata neyawenaenexam tsane, ichitha bara pana netaneme xua pexaewa pana natsi<sub>u</sub>pain nacuitan, xua ir<sub>u</sub> bara painya neichinexar<sub>u</sub>.

<sup>10</sup> Tsipei poxonae paca bar<sub>u</sub> enatsi baxua yabara paca tsipaebatsi xua barapo peitorobiwe paca jeiche: “Pon jopa benacuichiyo b<sub>u</sub> jopa xae tsane”, paca jeiche.

<sup>11</sup> Ichamonae pana tsipaeba xua painyamonae jiwana yabara, xua pinae painyamonae jiwana jopa natsi<sub>u</sub>pain nacuichiyo pexaewa. Saya pinae dubenanaebiya. Barapomonae saya pinae ichamonae yabara y<sub>u</sub>y<sub>u</sub>jeichi. Barapomonae jopa pinae exanaeyo piawa. Saya pinae penabar<sub>u</sub> y<sub>u</sub>y<sub>u</sub>jei poxonae ichamonae eneibatsi poxonae nacuiteiba.

<sup>12</sup> Barapomonae pomonae saya dubenanaebiya, paitoroban pajanje: “Tsipei Jesu-cristo pana cata pia peitorobi coyenewa pon jiwi Pecanamataxeinaein, daxota pecono jumeyotha paca tsipaebatsi. Bara panacuire painya nenacuichiwa xua pexaewa painya natsiupain nacuichinexa. Jopa ichamonae payabara nabaru yuyujande”, pajanje.

<sup>13</sup> Ichitha paxam patamonae pam, pomonae pam iru pajume cowuntame jopa paajuntucoyenefaetabinde xua xanepanaya painya neexanaewam. Awiya xanepanaya paexanaponde.

<sup>14</sup> Icha ichun painyamonaе jiwana jiton jopa exanaeyo pocotsiwa paca tsipaebiya tinatsi barapo cartathe barapo pebin pacui naitaeware painya necui yaputaenexa. Barapo pebin jopa pabaru jinompaeinde, xain bapoxonae aura xua jopa peexanaexae xua barapo cartathe papaeban.

<sup>15</sup> Ichitha jopa bapon pacana exanaeinde be pon painya nepaca caaitafaetabi jiton. Saya jame maisa pamuxuwere xua bapon maisa penacuichinexa. Matauta maisa bapon patsipaebare icha paichim poxonae patsipaebame pontha pon pejume cowuntsin.

*Meje yabara xua Pablo najume wetsiya paeba*

<sup>16</sup> Jesucristo pon jiwi Pecanamataxeinaein xua junteма popona peyacuiya jinaein, bu bara barapo junteма pejinompae coyene paca catsina daxita matacabin tsaibi poxonae bequein ichamonae abe pacata exaneiba. Barabu bapon pon jiwi Pecanamataxeinaeinxae daxita paxam paca baru jinompaena.

<sup>17</sup> Xan Pablon saya meisa barapo couye tacoutha bara tinan, po jumeyo xua paca jacobatsi. Baxua tsita itapeinya xeinan xua barapo carte apara bara tacarta. Daxita tacartantha barapo jume couxi wetsiya tineiban icha barapo carte ichi.

<sup>18</sup> Pon Wanacanamataxeinaein, Jesucristo, barabu daxita paxam bichocono paca yawenaena pia paca antobexae.

Baja Pablo, iru Silvano, iru Timoteono ponbe necueyatabe.

## Meje Po Carte Copiya Pablo Tatina, Timoteo Tatinatsi

### *Meje yabara poxonae Pablo tamropata pitaba xua tatina, Timoteo tatinatsi*

<sup>1</sup> Jaco Timoteo. Xan, Pablon, Jesucristo pia peitorobi jiwi jiwana tatsin. Nacom pon Wanacacapanenebiyaein neitoroba. Matautano Jesucristo, pon Pecanamataxeinaein jiwi, pon wunaewatatsi iruru neitoroba.

<sup>2</sup> Timoteo, xam cata tinatsi barapo carte, xam bara xaniwaicha be taxantom canatsi-cotainchi, tsipei cayawenatsi xua nejume cowantsiwa Nacom. Ichichipan xua Nacom pon Waxa, iru Cristo Jesús, pon Wanacanamataxeinaein, baponbe bara amanaya cayawenaena pia necaantobexaebe. Matautano ichichipan xua baponbe nantanuweya cayabara nanta xeinaenabe pia necayawenaenexabe. Matautano ichichipan xua jantema popona jinya necaexanaenexabe.

### *Meje yabara xua Pablo yabara muxuweta pomona abeya pecuidubiwi pia pecuidubi coyenewa tatsi pecuiyainwa*

<sup>3</sup> Poxona matha cain muxu taponae Macedonia nacua beya, bapoxonae jume daunweya cajeichi, janje: “Ecare Efeso tomaratha jinya necui itorobinexa tsane pomona abeya pecuidubiwi pia pecuidubi coyenewatha. Barapomona seicayiia cuiduba ichi be jopa paxan ichiyo pomona Jesucristo pia peitorobi jiwi tatsi panxaein. Itorobare xua barapomona jopa cuidubi tsane ichamonaetha barapo coyene po coyene xua jopa xainyeyo.

<sup>4</sup> Matautano barapomona jopa bewa juntu coyene enae tsainchi po diwesin xua pia pamo susato jiwi tatsi paeba po diwesin xua pejemai diwesin, matautano po ayei diwesinno, xua pia pamo susato jiwi tatsi yabara”, cajeichi. Barapo diwesin saya jiwi najume matsontsonoba exana. Barapo diwesin jopa naca yawenaeyo xua beta wacanamataxeinaewa Nacom piamonaewajume cowantsixae Nacom.

<sup>5</sup> Xua tapaebixae xua barapo peitorobi coyenewatha paeba apara xua daxita jiwi nantiya caemona penaantobenexa tsane. Barapo peantobe coyenewa jiwi pia juntu coyene wetsina pona poxona pia juntu coyenein xanepana xua jopa xeinaeyo peabe coyenewa yawa poxona barapo jiwi pia coutha najuntu coyene tsipaeba xua jopa peexanaenexa peabe coyenewa Nacomtha. Yawa barapo peantobewa jiwi pia juntu coyene wetsina pona poxona barapo jiwi xaniwaicha jume cowanta Nacomtha.

<sup>6</sup> Ichamona jopa xeinaeyo barapo peantobe coyenewa poxoru jume itaweta, matautano poxoru najuntu coyene eena exana penajume matsontsonobi diwesin.

<sup>7</sup> Barapomona ichichipa becuidubina Nacom pia peitorobi diwesi jume. Bequein barapomona baxua exana, ichitha jopa beta exanaeyo tsipei jopa yabara yaputaeyo Nacom pia peitorobi diwesi jume. Matautano barapomona jopa yabara yaputaeyo po coyeneya xua atsaquiya yabara cuiduba ichamona Moisés pia peitorobi diwesi jume.

<sup>8</sup> Bara yaputainchi xua Moisés pia peitorobi diwesi wunaewatatsi jiwi nexa, icha po jiwi cuiduba barapo diwesi, bara xaniwaicha cuiduba icha be pocotsi coyeneya xua Nacom ichichipa.

<sup>9-10</sup> Waxainchi matautano yaputainchi xua Nacom pia peitorobi diwesi jume jopa barapomona nexiyo pomona bayatha pejuntu coyene xeicaewi tsipei daxita coyenein ba beta peexanaewi. Jame barapo Nacom pia peitorobi jume, barapomona nexa pomona meje: pomona jopa exanaeyo pocotsiwa Nacom pia peitorobi diwesi jumetha itoroba; pomona jopa jume cowantsiyo Nacom; pomona jopa ichipaeyo Nacom; pomona abe peexanaewi; pomona jopa juntu coyene xanepanaeyo Nacomtha; pomona aichaxaibi Nacom pia peitorobi diwesi jume; pomona pia paxeiwi pebewi; pomona pia pena jiwi pebewi; pomona jiwi pejutebiwi; pomona penata

siwa xeinaewi yabuxitha xua jopa piseuri jiwi; pomonae cae pebiwi penaisamaichi jiwi xua be yabuxi penatsicotae jiwi; pomonae paratixi xeineiba xua ichamonae pejiwana noteibixaetsi poxonae equeicha caewa pejiwana canawibeibixaetsi; pomonae jiwi pemuxuitorobiwi; pomonae naerabiya jume daunweya paeba xua ichamonae naerabiya peyabara paebiwatsi. Barapo peitorobi jume iruru barapomonae nexa daxita pomonae seicayiya yabara jume toxeinchiya exana po coyene xua Jesucristo pia pexeinya pecuidubi coyenewa.

<sup>11</sup> Barapo pexeinya pecuidubi coyenewa, bara najume jurabe Nacom pia pexeinya jume diwesi tatsi, po diwesi yabara po coyene xua Nacom bara bichocono pexanepanaein, xuano bichocono pejuntu coyene weiweinaein. Barapo diwesibe Nacom itoroba xua tacueicueijiwa tsane.

*Meje yabara poxonae Pablo juntu coyene weiweina Jesucristo*

<sup>12</sup> “Juntu coyene weiweinan tanecatsixaemxae peantuyapuswa”, jan Jesucristo, pon Wanacanamataxeinaein. Bapon necata peantuyapuswa tacueicueijiwa tsane jiwitha Nacom pia Pexeinya jume diwesi tatsi. Bapon neyabara nanta xeina xua bara beta jume cowantan, daxota necana exana xua xan pia petanacuichin tatsin.

<sup>13</sup> Bapon baxua inta exana bequein bara bayatha bapon abeya yabara paeban. Matautano bapon piamonaetha tatsi abeya tacana exanan. Matautano abeya tayabara paeban barapo pijimonae tatsitha pomonaetha pomonae pia pejume cowantsi jiwixaetsi. Ichitha Nacom nantanuweya neyabara nanta xeina pia tana neyawenaenexa, tsipei bapoxonae jopa jume cowantsinyo Jesucristo poxonae abe exanan. Matautano jopa yaputaeyinyo pocotsiwa xua bayatha exanan.

<sup>14</sup> Daxota Nacom pon Wanacanamataxeinaein bichocono amanaya neyawena taneantobexae. Nacom nejuntu coyene yuca exana po pejume cowantsiwa xuano xua po peantobewa tsita xeinatsi Cristo Jesús.

<sup>15</sup> Cristo Jesús patopeica po cae pin nacuathe tsique pecapanenebiyaenexa tsainchi pomonae abe peexanae jiwi, xua capanenebiyatsi abe pia peexanae cuiru coyenein weya. Pomonae abe peexanae jiwi barapomonae jiwanan xua bichocono abe taexanaein beyacaincha barapomonae poxonae abe exana. Baxuan apara xainyei pocotsiwa xua yabara paeban. Jiwi bewa jume cowantsina baxuan.

<sup>16</sup> Bequein bichocono abe taexanaein, daichitha Nacom nantanuweya neyabara nanta xeina pia tana neyawenaewa tsane. Tsipei xan pon Jesucristo nenaitata exana jiwitha, xua bayatha tana necui yabara ewatsixae xua tajume cowantsiwa tsane Jesucristo xua poxonae jopa aitaconaeyo. Daxota ichamonae poxonae netaena Nacom exanaena xua barapomonae Jesucristo pejume cowantsiwa tsainchi, pexeinaenexa peantuyapuswa po peantuyapuswa xua ataya tsiteca.

<sup>17</sup> Nacom, wanae paca jaintatsi: “¡Xam Nacom pon ataya jiwi itorobiya pepa Nee-watsin! ¡Xam Nacom pon bapana jopa tupaem tsane! ¡Xam pon xua jiwi jopa itacupaetsi xua necataewa! ¡Xam yatsicaewa compam pepa Nacomum! ¡Ataya paca tsita baru cui itura jinatsi! ¡Barabu ataya jiwi wanae cajainchina! Je bara ichi tsane”, paca jeichi Nacom.

<sup>18-19</sup> Xam, Timoteom, bara xaniwaicha be taxantom canatsicotainchi. Caitorobatsi ichi be pocotsi coyeneya bayatha Nacom pia peitorobi jume pepaebiwi caitoroba poxonae cayabara tsiwanae muxu duta xua bexa cuidubiname jiwitha Nacom pia pexeinya jume diwesi. Xan caitorobatsi icha be pocotsi coyeneya bayatha barapomonae caitoroba. Cajechi: Jume daunweya antuyapusya beta exande Nacom pia petanacuichiwa tatsi. Poxonae baxua exaname, beta jume cowantsiya exande, yawa pexeinya juntu coyene xeinare po juntu coyene xua xainyeya natsipaebame, xua jopa abe exanaem Nacomtha, cajeichi. Ichamonae bequein beta natsipaeba pijuntu

coyeneintha, ichitha barapomonaе najuntа coyene barapenta po coyene Jesucristo pejume cowantsiwatsi tsipei jopa jume cowantsiyo pocotsiwa pia juntа coyene tsipaebatsi.

<sup>20</sup> Barapocotsi coyene Himeneo exana iruru Alejandro exanaru. Baponbe caenaetanbe pon caurimonaе pia pentacaponaeintha tatsi pon Satanás beya poxonaе baraponbe nacuidubinabe xua jopa bewa abe yabara paebi tsanebe Nacomtha.

## 2

### *Meje yabara xua Pablo yabara cuiduba po coyene xua Nacomtha petsipaebiwa*

<sup>1</sup> Copiya caitorobatsi baxuanje xua exanaename: Nacomtha tsipaebare daxita jiwi nexa; Nacomtha wucaere xua Nacom peyawenaenexa daxita jiwi; yawa jande Nacomtha: “Nacom, maisa juntа coyene weiweinan xua daxita xanepanaya jinya netaexanaewam jiwi”, jande.

<sup>2</sup> Bewa Nacomtha tawucaename daxita nacia peewatsiwimonaе. Matautano bewa Nacomtha tawucaename daxita pentacaponawimonaе. Baxua bewa exanaename xua jantema beta wajume cowanta dubenanaebiyaenexa Nacomtha, yawa jantema wajinompaeinexa jiwi peitutha. Barapo jantema wajinompaeinexa bara bewa Nacom tsita xeinaeinchi barapo coyene, yawa bara jiwi xaniwaicha naca cui tane xua bara beta xaniwaicha jinompatsi daxita carepaya coyene cuintha.

<sup>3</sup> Barapo coyenein jame Nacom tsita wunaetsi pon Wanacacapanenebiyaеin.

<sup>4</sup> Nacom bichocono ichipa xua daxita jiwi pecapanenebiwa tsainchi abe pia peexanae cuiru coyenein weya. Matautano Nacom ichichipa xua jiwi yaputaena pocotsiwa xua pexainyei coyenewa.

<sup>5</sup> Meisa compa Nacom pon pepa Nacom, bapon meisa popona. Barichi saya meisa caein pon itacupatsi xua jiwi yabara jume yawenatsi Nacomtha, apara barapon Jesucristo.

<sup>6</sup> Jesucristo copata xua bara naetotha tsitupa xua daxita jiwi yantomatatsi xua jiwi pecapanenebiyaenexa tsainchi abe pia peexanae cuiru coyenein weya tatsi. Poxonaе Jesús tupa naetotha, baxua tsita itapeinya xeina xua Nacom Pexanto itoroba po mataqueitha Nacom peichichipaexae xua daxita jiwi pecapanenebiwa tsainchi.

<sup>7</sup> Daxota Nacom newan duta, jeye: “Bapon apara pon tajume diwesi pecaponaein yawa bapon taitorobi jiwi jiwana pin”, jei Nacom. Bara xaniyeya paeban, jopa naerabinyo. Daxota Nacom neitoroba tacuidubinexa pomonaetha pomonaе jopa judiomonaе naexanaeyo xua Nacomtha pejume cowantsiwa yabara yawano xua Nacom pia pexainyeiwa yabarano tatsi.

<sup>8</sup> Daxota ichichipan xua daxita nacuanpiwi Nacom pewucaewa tsainchi. Poxonaе wucaena Nacomtha bewa namaху yoichaena xua yatsicaewa pexeinaexae tsane pejuntа coyene xanepanaewa. Matautano jopa bewa yajuntа coyeneya paebi tsane xua peita aenaе-aeneiwa ichantha. Matautano jopa bewa yajuntа coyeneya paebi tsane xua penajume matsontsonobi coyenewa.

<sup>9</sup> Ichichipan xua yabaxi nama xatabina pocotsi paparuwa be conotha wunaе. Saya uuranaya jinompaeina xua bichocono jopa atsaqui tsane xua pebaru yuyjeiwa pebiwitha. Jopa bichocono wunaeya nantana fabi tsane. Jopa bichocono nantana pepena exanae tsane pocotsiwatha xua bichocono ainya matoman, pocotsiwa pewan oro, matautano pocotsiwa pewan perlan. Matautano jopa namaxatabi tsane pocotsi paparuwa bichocono ainya matoma.

<sup>10</sup> Jame yabaxi bewa exanaena pocotsiwa jiwi tsita coyene xanepanatsi, xua pocotsi coyene jiwi yawenatsi. Baxuan jame bichocono wunaе xua yabaxi exana, po yabaxi xaniwaicha jume cowantsiya jinompa xua Nacom pejume cowantsiwatsi.

<sup>11</sup> Yabaxi bewa saya moya jume naitawatsiya jume taena pocotsiwa xua nacuiduba. Saya bewa moya jume jejei tsane.



<sup>12</sup> Tsipei yabuxi jopa copatsinyo xua cuidubina Nacom Pejume Diwesi pin bicheito itabaratha. Matautano jopa copatsinyo xua yabuxi pentacaponae wi penaexanaewa tsane pebiwi nexa. Jame bewa yabuxi saya moya enaena poxonae pejume cowantsiwi nacaetuta xua Nacom wanae pejainchinexatsi.

<sup>13</sup> Tsipei Nacom copiya exana pebin pon pewan Adán, bapoxonae yabuyo exainchi powa pewan Eva.

<sup>14</sup> Caena bayatha Adán jopa muxujainyabichi pon caurimonaе pia pentacaponae in tatsi xua abe peexanaewa tsane. Apra jame bapowa Eva muxujainyabatsi, daxota bapowa abe exana.

<sup>15</sup> Bequein yabuyo atene poxonaе tanaexanatsi pexuyo, ichitha Nacom capanepaena bapowa icha bapowa jume cowantsiya poponaena Nacomtha, yawa icha antobeya poponaena, yawa icha betiya poponaena xua yatsicaewa Nacom nexa, yawa icha ita uuranaya poponaena Nacomtha.

### 3

#### *Meje yabara xua bewa exanaena pomonaе pecanamataxeinaewi pejume cowantsiwi*

<sup>1</sup> Baraxua bara xainyei xua paca tsipaebatsi. Icha pebin ichichipa naexanaena xua pomonaе Nacom pejume cowantsiwichi pecanamataxeinaewatsi, bara baxua bara xanepana.

<sup>2</sup> Daxota pon pomonaе Nacom pejume cowantsiwi canamataxeinatsi, bapon bewa xanepanaya beta poponaena xua bapon jopa abe peyabara paebinea tsainchi ichamonae. Bapon bewa saya cae piseuri baru jijinaena. Matautano bapon jopa bewa bichocono apae tsane xua vino mera pia beta penanta xeinaenexa. Bapon bewa beta nayaputane exanaena, xua daxota xanepanaya peexanaewa tsane, xua bapoxonaе ichamonae bapon xanepanaya peyabara nanta xeinaewa tsainchi. Bapon bewa matenta weiweinaya wabeibina pomonaе petapateibeibixaetsi pia botha. Bapon ba pia cui xeina xua beta cuidubina ichamonaetha.

<sup>3</sup> Bapon jopa bewa nacupa exanae tsane peatsaxae mera. Yawano jopa bewa bapon naba exanae tsane, saya jame bewa junteма poponaena. Bapon jopa bewa najume matsontsonoba exanae tsane. Yawano bapon jopa bewa pitaparatiwichi xua paratiwi peasiwiwa.

<sup>4</sup> Bapon bewa beta itorobiya canamataxeinaena pia bomonaе matabuxuyo. Matautano bapon bewa pia pexui jume naitaewatichi poxonaе itorobeiba pia pexui. Yawa pia pexui bewa tsita xeinaetsi pebaru itura jinae coyenewa.

<sup>5</sup> Icha barapocotsi jiton ita coxanatsi xua beta itorobiya canamataxeina pia bomonaе matabuxuyo, bapon nexata jopa itacupaetsi xua canamataxeina Nacom nexa pomonaе Nacom pejume cowantsiwixaetsi.

<sup>6</sup> Pebin jopa bewa naexanae tsane xua pomonaе Nacom pejume cowantsiwichi pecanamataxeinaewatsi poxonaе cataunxuae abu pena pejume cowantsin Jesucristo. Icha bapon pena pejume cowantsin tsipae Jesucristo, metha bapon aebichipa nawita jiwitha, bapoxonaе Nacom cana exanaetsipa bapontha, icha be pocotsi coyeneya ichi poxonaе caurimonaе pia pentacaponae in tatsi itawetatsi, xua Nacom itaweta pia nacua weya, xua Nacom peabixaetsi.

<sup>7</sup> Matautano bapon bewa beta poponaena, xua pomonaе jopa pejume cowantsiwi Nacom bapon beta peyabara nanta xeinaenexa tsainchi. Icha bapon jopa beta poponaе tsane, bapoxonaе jiwi abeya yabara paebina, bapon abeya yabara paebinchi. Yawano metha bapon exanaetsipa pocotsiwa caurimonaе pia pentacaponae in tatsi cui jujuta xua po cui coyeneyatha bapon peexanaenexa.

#### *Meje yabara pomonaе jiwi peyawenaewi pomonaetha pomonaе pejume cowantsiwi*

<sup>8</sup> Barichir<sub>u</sub> pomonae jiwi peyawenaewi pomonaetha pomonae pejume cow<sub>u</sub>ntsiwi, xua peyawenaewi peatenewitha, xua muxunano peapatsiwano peacopeibiwatha, barapomonae bewa beta jinompae, xua jiwi pebaru<sub>u</sub> cui itura jinaenexa barapomonaetha. Matautano barapomonae jopa bewa icha caununaya paebi tsane. Jopa barapomonae nac<sub>u</sub>pa exanae tsane peatsaxae meran. Matautano jopa bewa pitaparatixichi tsane xua paratixi peasiwiwa.

<sup>9</sup> Barapomonae bewa beta jume cow<sub>u</sub>ntsi Jesucristo po coyene xua Nacom yabara tsita ituta xua wajume cow<sub>u</sub>ntsiwa, yawano barapomonae bewa muxuna xeinae po j<sub>u</sub>nt<sub>u</sub> coyenetha beta xaniwaicha natsipaebatsi xua jopa abe exanaetsi Nacomtha.

<sup>10</sup> Bara matha bu<sub>u</sub> ichamonae cui j<sub>u</sub>j<sub>u</sub>tsina barapomonaetha icha beta xaniwaicha jinompa yawa icha ichamonae jopa abeya yabara paebiyo barapomonaetha. Bapoxonae barapomonae cana exanaeinchi pomonae jiwi peyawenaewi pomonaetha pomonae pejume cow<sub>u</sub>ntsiwi, xua peyawenaewi peatenewitha, xua muxunano peapatsiwano peacopeibiwatha.

<sup>11</sup> Barichi yabu<sub>u</sub>xi bewa beta jinompaena xua barapowaxi pebaru<sub>u</sub> cui itura jinaewa tsainchi jiwi. Jopa bewa bapowaxi abe yabara paebi tsane ichamonaetha, xua ichamonae abe peexanaexae. Matautano bapowaxi jopa bewa bichocono apae tsane vino meran. Matautano bapowaxi bewa beta jinompae, xua ichamonae peyabara jume cow<sub>u</sub>ntsiya nanta xeinaenexa xua pocotsiwa bapowaxi daxitan exana pocotsiwan bayatha exanapaebeiba.

<sup>12</sup> Barapocotsi jiwi jiwana jiton pomonae peyawenaewi pomonaetha pomonae pejume cow<sub>u</sub>ntsiwi, bapon bewa saya cae piseuri baru<sub>u</sub> jijinaena. Matautano bapon bewa beta itorobiya canamataxeinaena pomonae pia bomonae matab<sub>u</sub>x<sub>u</sub>yo xua daxota bewa beta itorobiya canamataxeinaena pia pexui.

<sup>13</sup> Tsipei barapocotsi jiwi pomonae peyawenaewi pomonaetha pomonae pejume cow<sub>u</sub>ntsiwi poxonae barapomonae beta exana pia petanacuichiwa, bapoxonae ichamonae barapomonae w<sub>u</sub>nae jaintatsi beta pia petanacuichiwaxae. Matautano barapomonae ichamonaetha cui tsacatsacapiya yabara paeba xua pia pejume cow<sub>u</sub>ntsiwa xua Cristo Jesús pejume cow<sub>u</sub>ntsiwatsi.

*Meje yabara po coyene xua nait<sub>u</sub>ta xua po coyene copiya moya peyaw<sub>u</sub>n xeinaewa po coyene xua wajume cow<sub>u</sub>ntsiwa*

<sup>14-15</sup> Bequein ichichipan xua methaunxuae cataeinchi, daichitha daxota cata tinatsi xua icha pirapaeyo tapatopaewa tsane, bapoxonae yaputaename po coyene xua jiwi bewa exanaena. Barapo coyene beta xanepanaya penabar<sub>u</sub> jinompae coyenewa Nacom peitabaratha tatsi, pomonae Nacom piamonae tatsi. Apari yabara paeban pomonae Nacom piamonae tatsi, pomonae Jesucristo pejume cow<sub>u</sub>ntsiwichi, pomonae nacaetuta xua Nacom w<sub>u</sub>nae pejainchiwa tsainchi, po Nacom ataya as<sub>u</sub> pepoponaein. Barapomonae yaj<sub>u</sub>nt<sub>u</sub> coyeneya jinompa Nacom pia pexainyei coyenewa tatsi. Matautano barapomonae yabara jume yawena Nacom pia pexainyei jume diwesi poxonae ichamonae abeya yabara paeba barapo pexainyei jume diwesi.

<sup>16</sup> Waxainchi paebatsi jeichichi: “Pocotsiwa jume cow<sub>u</sub>ntatsi Jesucristo, maisa bichocono xanepana bara be po coyenewa xua moya peyaw<sub>u</sub>n xeinaewa, po coyenewa jiwi jopa yaputaeyo”, jeichichi. Wayabara jume cow<sub>u</sub>ntsiwa baxua meje:

Nacom naexana be jiton pia j<sub>u</sub>nt<sub>u</sub> coyeneya tatsi, xua barapara bapon Cristo.

Nacom pia Pej<sub>u</sub>mope t<sub>u</sub>nax<sub>u</sub> tatsi yabara

paeba, xua bapon yabara paebatsi,

xua bara bapon yatsicaewa bara Nacom.

I<sub>u</sub> matatsunpiwi tane, xua bapon tainchi.

Bapon yabara cueicueijeichi jiwi yabara cueicueije

daxita nacuanpiwitha.  
 Daxita nacuanpiwi jiwanamonaē, bapon  
 yabara jume cow̄ntatsi.  
 Yawano equeicha bapon peitaboco becaichatsi.

## 4

*Meje yabara xua pomonaē naerabiya pecuidubi jiwi pomonaē seicayiya cuiduba xua ichi be jopa paxan ichiyo*

<sup>1</sup> Nacom pia Pejumope t̄nax̄ tatsi beta xaniwaichiya jeye xua poxonaē po dapae tab̄ ducuaena xua poxonaē po dapaetha Nacom daxita wetsina, bapoxonaē pomonaē pejume cow̄ntsi jiwi jiwana Nacom pentinchi xua Nacom pejume cow̄ntsiwatsi. Yawa barapomonaē napuna ponaena caurimonaē po caurimonaē jiwi muxuitorobiya muxu-jainyabatsi. Matātano barapomonaē exanaponaena po pecuidubiwa caurimonaē pia pecuidubiwa tatsi.

<sup>2</sup> Matātano barapomonaē jume naitaewatsiya jume taena pocotsiwa paeba pomonaē jiwi pemuxuitorobi jiwi. Barapo pemuxuitorobi jiwi cui nacopata xua bara abe exana nawita, po pej̄nt̄ coyenetha xanepanaya natsipaeba poxonaē abe exana. Daxota barapomonaē jopa yaputaeyo po j̄nt̄ coyene xanepana.

<sup>3</sup> Barapomonaē pomonaē pemuxuitorobi jiwi, jiwi cui matawentatsi xua jitha peenaewa. Matātano jiwi jain matawentatsi xua jopa xae tsane icha penabanaewan, bequein taetha xua barapo penabanaewan Nacom tsijain exana jiwi. Pomonaē pejume cow̄ntsiwi xuanō pomonaē peyaputaewi Nacom pia pexainyei coyenewa tatsi, poxonaē barapomonaē najume weteiba xua natsijain jacobeiiba Nacomtha, jei tsaibi: “Nacom maisa j̄nt̄ coyene weiweinan xua tana necatsiwaxaem pexaewa”, jei tsaibi, bapoxonaē barapomonaē bara xane barapo penabanaewan.

<sup>4</sup> Daxita xua pocotsiwan Nacom forota baxuan w̄nae. Jopa bewa naitematsi tsainchi pocotsiwa xua Nacom naca cata. Saya jame bewa noteibichi, yawano bewa Nacom natsijain jacobebichi xua jei tsaibichi: “Maisa Nacom j̄nt̄ coyene weiweinan xua tana necatsiwaxaem pexaewa”, xua jei tsaibi tsainchi.

<sup>5</sup> Nacom naca tsijain betsina barapo penabanaewan, matha wayorobixae Nacom Pejume Diwesi, yawa wanatsijain jacobebixae Nacomtha xua jei tsaibichi: “Nacom maisa j̄nt̄ coyene weiweinan xua tana necatsiwaxaem pexaewa”, wajei tsaibixaetsi.

*Meje yabara xua pon Jesucristo beta tanacuitatsi*

<sup>6</sup> Daxita barapo coyenein xuaunxuae catsipaebatsi, icha barapo coyenein tsipaebiya cuidubame ichamonaetha pomonaē ir̄ pejume cow̄ntsi jiwi Cristo, bapoxonaē xam pon beta netanacuichim tsane Jesucristo. Bapoxonaē ichamonaē cacui taena xua xam bara bichocono jinya coutha jume cow̄nta na-eexanaponame, yawano xua neexanaexaeno pocotsiwan cacuidubatsi po pecuidubiwa bichocono pexeinya coyene.

<sup>7</sup> Jume naitemare po diwesi xua saya jiwi cueicueijeji xua jopa Nacom pia diwesiyo tatsi, po diwesi xua pejemai diwesi xua jopa xapain w̄naeyo. Jinya coutha nacuidubare, xua nenaj̄nt̄ coyene cana exanaenexam tsane icha be Nacom pia j̄nt̄ coyene ichi.

<sup>8</sup> Bequein penacui j̄j̄tsiwa xanepana xua pepon daunwei penaexanaenexa, ichitha jame xua penaj̄nt̄ coyene xanepana exanaewa Nacomtha, baxua jame bichocono xanepana beyacaincha xua penacui j̄j̄tsiwa. Tsipei barapo penaj̄nt̄ coyene xanepana exanaewa Nacomtha naca yawena anoxuae poxonaē cataunxuae awiya jinompatsi po cae pin nacuathe, yawa xua bexa tsaneno naca yawenaena Nacom pia nacuatheicha.

<sup>9</sup> Baraxua yatsicaya apara xainyei. Daxota daxita jiwi bewa yabara jume cow̄ntsina po coyene xua penaj̄nt̄ coyene xanepana exanaewa Nacomtha.

<sup>10</sup> Barapocotsi coyene waxainchi ajuntayapusya daunweya exanatsi. Ichamonae naca atene exaneiba xua poxonae abe naca yabara paebeiba, tsipei waxainchi jume cowantsiya wanae ewatatsi Nacom, pon ataya pepoponaein. Barapon Nacom ichichipa xua daxita jiwi pecapanenebiwa tsainchi abe pia peexanae cuiru coyenein weya tatsi. Bapon jiwi Pecapanenebiyaein abe pia peexanae cuiru coyene weya tatsi xua pomonae pia pejume cowantsi jiwixaetsi.

<sup>11</sup> Barapo coyenein bewa ichamonae cui itorobiname, xua necuidubiwam pocotsiwa barapomonae peexanaewa tsane.

<sup>12</sup> Jopa jume naitaewatsinde xua ichamonae cayabara paeba xua poxonae jopa cabaru cui itura jinaeyo xua poxoru nepewowixaem. Jame bewa beta exanaponaem xua necacui taeponaenexa pomonae pejume cowantsiwi Jesucristo. Xua barapomonae tsita exaname, xua iru barapocotsi coyeneya peexanaenexaru. Beta cueicueijande, matautano beta poponde, yawa matautano antobe tsurucuaenaebiyama jiwi xua ichamonae necacui taenexa. Yawa matauta beta poponde xua bichocono jume cowantame Jesucristo xua ichamonae necacui taenexa. Yawa beta poponde xua nejantu coyene bichocono xanepana Nacomtha xua ichamonae necacui taenexa.

<sup>13</sup> Poxonae cataunxuae jopa patopaein tsane, jiwi peitabaratha yorobeibare Nacom pia pexeinya jume diwesi tatsi. Barapo diwesi yabara cueicueijande, matautano cuidubareno pomonae pejume cowantsiwi Jesucristo.

<sup>14</sup> Caena bayatha pitiri jiwi, po pitiri jiwi pejume cowantsiwi jiwanamonaem, canta jayabiya caitoroba xua necueicueijejiwa tsane Nacom pia pexeinya jume diwesi tatsi. Barapo pitiri jiwi canta jayaba Nacom peitorobixae. Barompaya jinya neexanae coyenewatha jopa yabara toxechiya exanaeinde po cui coyenewa Nacom bayatha cacata poxonae barapo pitiri jiwi canta jayaba, po cui coyeneyatha neexanaewa tsane pocotsiwa Nacom ichichipa.

<sup>15</sup> Daxita barapo coyenein naitematsiya eexanaponde xua ichamonae necacui taenexa xua bara xanepanaya jume cocowantaponame.

<sup>16</sup> Dotam xua nejantu coyenewa cananta xeiname. Matautano dotam xua pocotsiwa necuidubiwam. Awiya beta ajuntayapusya jume cowanta ducuaenaebiyama. Icha baxua exanaename jinya coutha nacapanepa exanaename xua Nacom cacapanepaena petupae cuiru coyene weya. Iru barichim tsane capanenebiya exanaename xua Nacom capanenebiyaena pomonae necajume naitaewatsiwi.

## 5

*Meje yabara xua pocotsiwa Timoteo bewa cuidubina pomonae Jesucristo pejume cowantsiwichi*

<sup>1</sup> Jopa jume itawetsinde pon pitirin. Jame saya bewayo muxuwere icha be ichim xua poxonae axa bewayo muxuwetame. Barichinde pewowi saya bewayo muxuwere icha be ichim xua poxonae eweicho jiwi saya bewayo muxuwetame.

<sup>2</sup> Pitiriwaxi saya bewayo cuidubare icha be ichim xua poxonae ena saya bewayo cuidubame. Matautano saya bewayo cuidubare penawaxi icha be ichim xua poxonae amcho jiwi saya bewayo cuidubame xua tsita auram. Jantu coyene xanepanaya yabara nanta xeinare barapowaxi, xua jopa abe neexanaewam.

<sup>3</sup> Nacom piamonae, pomonae pejume cowantsiwi, barapomonae bewa yawenaena powaxi pecuenta werapaewaxichi piseuriwi, saya jame poxonae barapowaxi jopa xeinaeyo piamonae tatsi, pomonae peyawenaewichi.

<sup>4</sup> Icha ichawayo powayo pecuenta tupaewayotsi piseuri, icha bapowa pipexui xeina yawa ichacuitha icha xeina pia pemomo jiwi, barapomonae bewa yawenaena barapowatha. Barapomonae copiya bewa nacuidubina xua Nacom cui itoroba xua bewa ba tsita baru cui itura jinaena bapowatha. Barapo coyene tsita exaneibina xua poxonae

yaweneibina bapowatha. Barapomonaē bewa yawenaena bapowatha xua bapowa piamonaexae tatsi. Bapoxonaē bapowa jopa nantawenonaē tsane xua ichamonaē bapowa peyawenaewatsi. Barapomonaē bewa antobeya apatsina xua bapowa antobeya apatsinchi be pentoma xua caena bayatha copiya pia peantobeya apatsixaetsi poxonaē pexui. Jame barapo coyene Nacom tsita coyene xanepanatsi, matautano barapo coyene Nacom juntu coyene weiweina exanatsi.

<sup>5</sup> Powa bara xaniwaicha pecuenta tupaewayotsi piseuri, powa xaniwaicha compa, powa jopa xeinaeyo piamonaē matabuxu pomonaē peyawenaewichi, bapowa jume cowantsiya wunaē ewata xua Nacom yawenaena xua bapowa yawenaēinchi. Pebaxuanexa tsane bapowa wuqueiba Nacomtha merawintha, yawa matababintha.

<sup>6</sup> Ichitha nama powa pecuenta tupaewayotsi piseuri, powa saya pia coutha nayabara nanta xeina nawita xua penasiwaimeinchiwa pebiwitha, bapowa saya jopa nanta xeinaeyo xua jume cowantsiya wunaē ewatsina Nacomtha, xua peyawenaewa tsainchi. Daxota bapowa pia juntu coyene tatsi be tupa, xua Nacom be tsita tupaetsi bara bequein bapowa popona.

<sup>7</sup> Daxota xua ichamonaē jopa abeya peyabara paebinxexa pomonaetha pomonaē pejume cowantsiwi, cuidubare barapo peyawenaē coyenewa barapomonaetha pomonaē pejume cowantsiwi.

<sup>8</sup> Meje xua pocotsiwe baxue: Icha pon jopa yabara nanta xeinaeyo xua piamonaē peyawenaewa tsane, bapon apara bara exana be poxonaē jopa jume cowantsiyo. Bapon apara bichocono ajuntacoyeneyapubeya exana, beyacaincha pon jopa jume cowantsiyo, pon daichitha piamonaē yawena.

<sup>9-10</sup> Barapo paperatha, po paperatha ichaxota saya wun dubatsi powaxi pecuenta werapaewaxichi piseuriwi, barapo paperatha wun tinadubare. Saya wun tinadubare powaxi xua beyacaincha sesenta po weibe xeina, powaxi xua caena bayatha cae pebintha cuicuina, matautano wun tinare powaxi xua ichamonaē yabara paeba xua pinae bapowaxi xanepanaya exana. Pocotsi coyenein xua poxonaē barapowaxi xua xanepanaya exana baxue meje: Bapowaxi beta wichita pia pexui; yawa bapowaxi beta matenta weiweinaya apateiba pomonaē petapateibiwichi pia bontha; yawa bapowaxi taxu quiateiba pomonaē pejume cowantsiwi Cristo pomonaē petapateibiwichi pia bontha; yawa bapowaxi yaweneiba pomonaē peacopeibi jiwi; yawa bapowaxi daxita carepaya coyeneintha exaneiba po coyenein bichocono jiwi tsita xanepanatsi.

<sup>11</sup> Ichitha jopa wun tinaeinde powaxi cataunxuae taacoibichi xua xeina sesenta po weibe. Tsipei ichacuitha bapowaxi junteinaetsipa pocotsiwa bayatha Cristo yabara tsiwunaē muxu duta xua jopa equeicha penotsiwa icha pebiwi. Bexa barapowaxi equeicha icha pebiwi benotsipa.

<sup>12</sup> Barapowaxi Nacom yabara paeba xua pinae barapowaxi barapara natsicuenta xua abe peexanaexae, poxoru jopa exanaeyo pocotsiwa bayatha yabara tsiwunaē muxu duba Cristotha pocotsiwa xua exanapaebeiba.

<sup>13</sup> Matautano barapowaxi fina, jopa ichichipaeyo xua penacuichiwa daxota saya daxita bontha siwa poneiba, matauta saya cueicueijejei tsurubenanaebiya xua ichamonaē peyabara paebiwatsi pocotsiwa xua jopa xapain pexeinya diwesiyo. Matautano barapowaxi fayacota dubenanaebiya ichamonaetha.

<sup>14</sup> Daxota powaxi piseuriwi pecuenta werapaewaxichi, powaxi xua penawaxi, xan saya nanta xeinan xua barapowaxi barabu moya jitha enaena equeicha. Barabu moya equeicha xexeinaponaena pexui, yawa moya barabu xua pia boxi bara beta ewatsina. Matautano barapowaxi jopa bewa abe exanaē xua daxota ichamonaē pomonaē jiwi peaitafaetabi jiwi abe yabara paebina xua abe yabara paebinchi pomonaē pejume cowantsiwi.



15 Barapowaxi jiwana powaxi penawaxi powaxi pecuenta werapaewaxichi piseuriwi, barapowaxi bayatha bara apara exana dubenanaebiya pocotsiwa xua caurimonae pia pentacaponaein tatsi cui itoroba, pon Satanás.

16 Icha petsiriwa, powa pejume cowantsiwayo Jesucristo, icha bapowa tapopoinchi pia botha pijimonae jiwanaawayo tatsi powayo pecuenta tupaewayotsi piseuri, barapo pejume cowantsiwayo bewa yawenaena bapowatha. Barapo pejume cowantsiwayo jopa bewa copatsi tsane xua pomonae pejume cowantsiwi apatsina pexaewa bapowatha, powa pecuenta tupaewayotsi piseuri. Bapoxonae pejume cowantsiwi itacupatsi xua yawenaena powaxi xua xaniwaicha pecuenta werapaewaxichi piseuriwi xua powaxi jopa pexeinaexae piamonae matabuxu jiwu tatsi pomonae peyawenae jiwichi.

17 Pomonae pejume cowantsiwi bewa bichocono xanepanaya baru cui itura jinaena xua pitiri jiwu baru cui itura jinaeinchi, po pitiri jiwu betiya xanepanaya canamataxeinatsi pomonae pejume cowantsiwi. Po pitiri jiwu cueicueijejei Nacom Pejume Diwesi, matautano xua cuiduba barapo diwesi, barapo pitiri jiwu bewa bichocono xanepanaya baru cui itura jinaetsi yawa bewa pentoma catsibichi beyacaincha icha pitiri jiwu.

18 Nacom Pejume Diwesitha jeye: “Duwein pon pewun buey, pon pexu xu tanacaponae xua poxonae nacuitapona jopa wano atsinde pocotsiwa bapon taayapubetsi poxonae nabusi matoma xaexaepona pentacona”, jei. Equeicha Nacom jeye: “Ponba tanacuita ichun bapon nantawenona xua xeina pia petanacuichiwa matoma”, jei Nacom.

19 Jopa cui yopichinde pitirin xua abe exana pon pomonae pejume cowantsiwi canamataxeinatsi icha jopa xeinaem dos poyobe xua iruru cui taneru xua ichacuitha tres poyobe xua iruru cui taneru pocotsiwa barapo pitirin xua baxua bara exana.

20 Ichitha pitirin pon cataunxuae abe exanapona, bewa cui yopichiya itawetsim bapon xua daxita pomonae pejume cowantsiwi peitabaratha tatsi, xua bapoxonae iru ichamonae pejunuwina xua abe peexanaewa, icha be poxonae xua bapon ichi.

21 Caitorobatsi Nacom peitabaratha tatsi yawa Jesucristo peitabaratha tatsi. Matautano caitorobatsi matatsunpiwi peitabaratha tatsi, po matatsunpiwi Nacom itapeta. Exanaponde barapo tacaitorobi coyenewantsi ichitha jopa xeinaeinde po juntu coyenewatha xua nanta xeiname xua caein pebin bichocono peainya cuin beyacaincha ichun. Icha barapocotsi juntu coyenewatha cayabara nanta xeinaeya exanaetsipame jopa xainyeya exanaetsipaem.

22 Abu bepijawa jopa mata jayabinde pitirin, xua pecanamataxeinaenexatsi pomonae pejume cowantsiwi, tsipei icha bapon abe exanaetsipa apara baxua be iru xam yawename xua bapon abe peexanaewa. Dotam jinya coutha beta xanepanaya najuntu coyene eenare xua abe neexanaeyainwa.

23 Bichocono necotsoroxaewa, yawa bichocono neparaxaewa, jopa saya u meisa apaeinde mera. Jame moya tsiwiyo yawa muxuna apare vino merayo.

24 Ichamonae cui taneme abe pia peexanae cuiru coyenewan tatsi, pewunaeya xua po mataqueitha poxonae Nacom yabara paebina xua jiwu penatsicuentiwa xua abe peexanaexae. Ichitha nama anoxuae jopa ichamonae cui taem abe pia peexanae cuiru coyenewan tatsi, apara jame bexa yaputaename po mataqueitha poxonae Nacom yabara paebina jiwu xua penatsicuentiwa xua abe peexanaexae.

25 Barichi pocotsiwa jiwu xanepanaya exana ichamonae nexa, baxua ba jiwu anoxuae cui tane. Bequein ichacuitha barapocotsi xanepanaya peexanae coyenewan jiwu jopa cui taeyo anoxuae, ichitha bexa tsane jiwu taena barapo coyenewan, tsipei poxoru barapo coyenein jopa bapana ataya tsitecaeya moya peyawun xeinaewa.

## 6

<sup>1</sup> Pomonae ba pebusi cui tatayebeibiwichi, pomonae pejume cowantsiwi Jesucristo, xua pomonae amanaya tanacuita pia pecanamataxeinaewichi, po pecanamataxeinaewichi jopa jume cowantsiyo Jesucristo, barapomonae ba bewa baru cui itura jinae pia pecanamataxeinaewichi. Bewa baxua exanaena xua barapomonae pomonae pecanamataxeinaewi jopa abe peyabara paebinexa Nacom pia cui coyenewa tatsi, matautano xain jopa abe peyabara paebinexa pata pecuidubiwa xua pocotsiwa pacuiduban Jesús yabara.

<sup>2</sup> Ichamonae pomonae pebusi cui tatayebeibiwichi, pomonae pejume cowantsiwi Jesús, barapomonae xeina pia pecanamataxeinaewichi, pomonae iru jume cowanta Jesucristo. Barapo pebusi cui tatayebeibiwichi jopa bewa exanae po coyene xua poxonae jopa xeinaeyo pebaru cui itura jinae coyenewa pia pecanamataxeinaewitha, xua be cae peweicho penatsicotae jiwixae xua pejume cowantsixae Cristo. Jame barapo pebusi cui tatayebeibiwichi bewa baru cui itura jinae pia pecanamataxeinaewichi. Matautano bewa beta tanacuichi barapocotsimonae, beyacaincha ichamonae pomonae jopa jume cowantsiyo Jesucristo pomonae pebusi cui tatayebeibiwichiru pia pecanamataxeinaewichi. Barapo pebusi cui tatayebeibiwichi bewa beta tanacuichina pia pecanamataxeinaewichi, peyawenaenexa barapomonae pomonae iru jume cowantaru Jesucristo. Matautano bewa beta tanacuichina tsipei Nacom antobe barapomonae, xua antobetsi barapomonae pomonae pia pecanamataxeinaewichixaetsi.

*Meje yabara xua waxeinaewa pepa pexainyei coyenewa xua apara wajume cowantsiwa*

Barapo cui coyene cuidubare jiwitha xua jiwi beta peexanaewa tsane:

<sup>3</sup> Ichacuitha ichun cuiduba pocotsi coyenewa xua penaerabiwa. Matautano jopa yabara baru jume jejeyo po pexeinya pecuidubi coyenewa Jesucristo pia pecuidubi coyenewa tatsi, pon Wanacanamataxeinaein. Matautano bapon pon ichun jopa yabara baru jume jejeyo po pecuidubi coyenewa xua Nacom juntu coyene xanepana exana jiwitha.

<sup>4</sup> Pon ba bara pocotsi coyeneya exana bara apara pon jiwi peabin xua peyaputaenxae. Bapon apara ichitha jopa peyaputaen. Bapon naemata yainyaba nawita ichamonaetha pia xua jiwi penajume matsontsonobinexa bapontha. Daxota barapomonae nantiya nauwa. Matautano barapo jiwi nantiya naba. Matautano barapo jiwi nantiya abeya nayabara paeba. Matautano nantiya abeya nayabara nanta xeina.

<sup>5</sup> Po pebiwi jopa xanepanaya nanta xeinaeyo, barapo pebiwi najume matsontsonoba nawita. Barapomonae jopa yaputaeyo pocotsiwa pexainyei coyenewa. Barapomonae najei pia coutha: "Icha jan tsane: 'Jume cowantan Jesucristo', jan tsane bapoxonae xain copei nawita xeinaein", najei barapomonae pia coutha.

<sup>6</sup> Bara xaniyei, poxonae Jesucristo jume cowantatsi baxua bara bichocono naca yawena. Ichitha saya naca yawena icha waxainchi muxuna xeinatsi wajuntu coyeneintha xua beta juntema wajinompawewa bequein xua naacopeibi taethatsi.

<sup>7</sup> Tsipei poxonae naexanatsi jopa cayawa naexanaetsi barapo copei po cae pin nacuathe. Matautano tsipei poxonae werapaeinchi jopa barapo copei cawerapae tsainchi.

<sup>8</sup> Ichitha icha xeinatsi pexaewa, yawa paparuwan bara bapoxonae bewa juntema jinompaeinchi.

<sup>9</sup> Seicaya nama pomonae bichocono ichichipa xua copei pexeinaewa, barapomonae exana pocotsiwa caurimonae pia pentacaponaein tatsi juntu coyene jujuta. Daxota barapomonae exana pocotsiwa xua ichichipa, xua jopa wunaeyo, xua pocotsi coyenewatha abeya pia coutha nacana exana. Baxuan exana pocotsi coyenewatha xua barapomonae peweraweracaewa tsane.

<sup>10</sup> Poxonae jiwi bichocono ichichipa paratixi, bapoxonae tamropata notarucupa xua bichocono abe peexanaponaewa. Barapo peichichipae coyenewa paratixi, jiwi cana exanatsi xua pepentsiwa po coyene xua Jesucristo pejume cowantsiwatsi. Daxota barapomonae be pia coutha najuntū coyene jopojopei exana xua saya peyabara nanta xeinaexae paratixi, xua peichichipaexae paratixi.

*Meje yabara xua bewa Timoteo beta ajuntuyapusuya jume cowanta ducuaenaebiyana*

<sup>11</sup> Tsipei xam Timoteom Nacom piamonae tatsi jiwanam, baxuan cuitaya naetsiriware, pocotsiwa po coyenewatha weraweraca necaexanaewa. Beta poponde Nacom nexa xua nejuntū coyene xanepanaewa tsane Nacomtha. Eexanaponde pocotsiwa Nacom ichichipa. Jume cowanta ducuaenaebiyama Nacom, yawano antobe tsurucuaenaebiyama Nacom, yawa jiwithano. Matautano saya juntea poponaeya exana ducuaenaebiyama pocotsiwa Nacom caitoroba poxonae ichamonae bequein cata abe exana.

<sup>12</sup> Xanepanaya antuyapusuya jume cowantsiya exana ducuaenaebiyama pocotsiwa Nacom ichipa. Peantuyapusuwa po peantuyapusuwa ataya tsiteca, barapo peantuyapusuwa jopa copatsinde xua necajuntū coyene weaichurucuaewa. Barapo peantuyapusuwa Nacom cacata. Xam baxua xanepanaya yabara paebame pin bicheittha.

<sup>13</sup> Catsipaebatsi Nacom peitabaratha, pon pia peantuyapusuwa cata daxitan coyeneintha. Matautano catsipaebatsi Jesucristo peitabaratha, pon beta jume nota, xua pon Poncio Pilato beta jume notatsi.

<sup>14</sup> Caitorobatsi xua neexanaewa tsane pocotsiwa catsipaebatsi. Beta xeinare Nacom pia peitorobi coyenewa xua jopa icha coyeneya yabara cuiya exanaem tsane. Exande barapo peitorobiwa xua jopa Nacom abeya necayabara paebiwa tsane xua abe neexanaewam. Baxua eexanaponde, beya poxonae Jesucristo equeicha patopeicaena pon Wanacanamataxeinaein.

<sup>15</sup> Poxonae po mataqueitha Nacom ichichipaena bapoxonae barapo mataqueitha Jesucristo naitatsina jiwitha. Jiwi yaputaena xua bapon Nacom meisa compa xeina daxita peayapusu itorobi coyenewan. Bapon meisa compa peyawa jinaein pejuntū coyene weiweinae coyenewa. Bapon pon jiwi itorobiya pia pepa Peewatsinchi tatsi pia peayapusu itorobi coyenewa xeina beyacaincha xua ichamonae xeina pomonae jiwi itorobiya pia pepa peewatsiwichi xua iru xeina pia peayapusu itorobi coyenewa. Matautano bapon pon jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonae xeina pomonae jiwi pecanamataxeinaewichi.

<sup>16</sup> Barapon Nacom meisa compa peyacuiya jinaein peantuyapusuwa po peantuyapusuwa xua ataya jopa peweraweracaewa. Barapo Nacom pecoicha yawa popona po pecoicha bichocono daunweya pentha. Baxota jiwi jopa itacupaetsi xua imoxoyo peponaewa xua bichocono pecoicha pexeinaexae. Dapon aibi, pon bayatha tainchi Nacom. Matautano dapon aibi pon itacupatsi xua Nacom petaewatsi tsainchi. Barabu jiwi Nacom baru cui itura jinaeinchi, xua ataya tsane. Matautano barabu Nacom itorobina jiwitha pia peayapusu itorobiwatha xua bara ataya tsane. Je bara ichi tsane.

<sup>17</sup> Pomonae xua bichocono copei pexeinae jiwi itorobare xua jopa ichamonae aebi tsainchi. Matautano itorobare xua jiwi jopa pecayabara nanta xeinaewa tsane paratixi xua barapo paratixitha peyawenaenexa tsainchi xua daxota barapomonae jopa Nacom canantawenonae tsainchi. Tsipei paratixi saya bichoina nacaewita daxota barapomonae bewa jume cowantsina Nacom, pon jopa juniya naca cataponaeyo daxita pocotsiwa xua po coyenein nantawenonatsi xua wanaca juntū coyene weiweina exanaenexa.

<sup>18</sup> Cui itorobare barapomonae pomonae copei pexeinaewi xua xanepanaya peexanaewa tsane. Matautano barapomonae itorobare xua nawita pexeinaewa tsane pocotsiwan xua xanepanaya peexanae coyenewan, icha be juta coyeneya ichi poxonae

copei nawita xeina. Barapomonaē bewa piawa jiwana wecaenaetsina xua ichamonaē pecatsibiwa tsainchi pomonaetha pomonaē xua jopa xeinaeyo xua pocotsiwan nantawenona. Matautano barapomonaē bewa yawenaena piamonaē.

<sup>19</sup> Icha barapomonaē barapo coyenein exana, bapoxonaē barapomonaē pia coutha nayawena xua nacui wanaeta pocotsi coyenewa xua bexa tsane, xua daxota bapoxonaē pexeinaewa tsane peajuntayapusawa, po peantayapusawa xua ataya tsiteca.

*Meje yabara xua Pablo najume wetsiya paeba*

<sup>20</sup> Xam Timoteom, xaniwaicha xeinaeya capoponde po pecuidubiwa Nacom cacata. Jopa jume naitaewatsinde po jumein xua bapana jiw jopa yawenaetsi. Matautano jopa jume matsontsonoba exanaeinde ichamonaetha pomonaē yabara cueicueijeī pocotsiwa xua peyaputae coyenewa, po peyaputae coyenewa jopa xaniwaicha peyaputae coyenewiyo.

<sup>21</sup> Pomonaē jume cowanta pocotsiwa poxonaē yabara cueicueijeī peyaputae coyenewa, barapomonaē jiwana nacui barapenta po coyene xua Jesucristo pejume cowantsiwatsi.

Barab Nacom pon jiwī Pecanamataxeinaein, bichocono cayawenaena pia necaantobexae.

Baja Pablo.

## Meje Po Carte Cotacaya Pablo Tatina, Timoteo Tatinatsi

*Meje yabara poxonae Pablo tamropata pitaba xua tatina, Timoteo tatinatsi*

<sup>1</sup> Jaco Timoteo, xan Pablon, Cristo Jesús pia peitorobi jiwi jiwana tatsin. Nacom neitoroba poxoru bapon baxua peichichipaewa. Xan Cristo Jesús pia peitorobi jiwi jiwana tatsin, tsipei Nacom bayatha peexanaexae pocotsiwa bayatha tsiyabara wanae muxu duta jiwitha. Po peyabara tsiwanae muxu dutsiwa, xua Nacom catsina jiwitha peajuntuyapusawa, po peajuntuyapusawa ataya tsiteca. Barapo peajuntuyapusawa jiwi catsibeibinchi poxonae jiwi jume cowanteibina Cristo Jesús.

<sup>2</sup> Xam, Timoteom, barapo carte cata tinatsi, xam be taxantom catsicotainchi. Xam bichocono caantobetsi. Ichichipan xua Nacom pon Waxa, iru Jesucristo, pon Wanacanamataxeinaein, baraponbe barabu amanayiya cayawenaenabe pia necaantobexaebe. Matautano baponbe nantanuweya cayabara nanta xeinaenabe pia necayawenaenexa tsanebe. Matautano ichichipan xua baponbe jantema popona caexanaena.

*Meje yabara xua Pablo yabara paeba xua Timoteo bewa jume cowanta ducuanae-biyaena*

<sup>3</sup> Poxonae Nacom tsipaebeiban jan tsaibinje: “Nacom, maisa juntu coyene weiweinan xua Timoteo neyawenaewam”, jan tsaibin. Barapon Nacom tanacuitan, tsipei tajuntu coyene netsipaeba xua pinae bara beta exanan. Barichi tamo susato jiwi tanacuita barapon Nacom.

<sup>4</sup> Xam cayabara nanta xeineibatsi xua poxonae matha cain bichocono nesiwa wecoyam poxonae cacuenta warapatsi. Maisa be cataeinchi merawintha, yawa matabaintha xua bichocono tajuntu coyene weiweinaewa tsane.

<sup>5</sup> Xan nanta xeineiban xua xam bara xaniwaicha beta jume cowantsiya poponame Nacom. Po pejume cowantsiwa xam Nacom tsita xeiname, barapo pejume cowantsiwa copiya matha acue Loida, iru ena Eunice Nacomtha tsita xeinabe, beya poxonae xam iru jume cowantame. Bara beta yaputan xua xam iru barapo pejume cowantsi coyenewa Nacom tsita xeiname anoxuae.

<sup>6</sup> Daxota catsipaebatsi, beta najuntu coyene tsacabare, xua yabara nanta xeiname po cui coyenewa Nacom cacata xua po cui coyeneyatha xua xanepanaya neexanae ducuanaebiyaenexa pocotsiwa Nacom caitoroba. Barapo cui coyene bayatha Nacom cacata poxonae canta jayabatsi.

<sup>7</sup> Tsipei Nacom poxonae naca cata pia Pejumope tanaxu tatsi, barapo pejumope tanaxu tatsi jopa jiwi junuwa cana exanaetsi. Jame Nacom naca cata barapo pejumope tanaxu tatsi, xua waxeinaewa tsane peayapusu itorobi coyenewa. Matautano Nacom naca cata barapo pejumope xua waxeinaewa tsane po cui coyene peantobe coyenewa xua watsita xeinaewa tsane Nacom matautano xuano jiwithano. Matautano Nacom naca cata barapo jumope xua waxeinaewa tsane po cui coyene beta penayabara nanta xeinae coyenewa xua beta peexanaewa tsane.

<sup>8</sup> Jopa aurande poxonae yabara cueicueijam Jesucristo, pon Wanacanamataxeinaein, xua poxonae bequein ichamona cacui capona. Matautano jopa neyabara aurande xua jiwi pecubi botha taecaewa. Baxua necana exana tayabara cueicueijeixae Jesucristo, xua jiwi catsawiya taneyabara nanta xeinaexae xua pinae abe exanan. Cui baru jejande xua ichamona bara canthuthu jopojopeya atene exana, icha xan ichin xua yabara cui copatan xua bara ichamona atene tana neexanaewa tsane. Baxua cacana exana neyabara cueicueijeixae Nacom pia pexeinya diwesi jume. Nacom cacata peayapusawa baxua nexa, xua jopa nejunuwiwa tsane poxonae caatene exana.



<sup>9</sup> Nacom naca capanepa abe waexanae cuiru coyenein weya. Matautano Nacom naca waba xua Nacom watsita najuntũ coyene xanepana exanaewa tsainchi. Apara jopa naca wabiyo poxoru xanepanaya waexanaexaetsi. Apara jame naca waba, tsipei caena bayatha yabara nanta xeina baxua, beya poxona forota barapo cae pin nacue xua amanayiya pia wanaca yawenaetsi pia wanaca antobexae. Nacom naca yawena caemonae peburũya wanabarũ jinompaexae Cristo Jesustha.

<sup>10</sup> Nacom naca tsita itũta pia peantobewa poxonae itorobicatsi Jesucristo, pon Wanacacapanenebiyaen. Bapon weraweraca cana exana po peayapusũwa xua xota jiwi tũpa exanatsi. Matautano naca tsita itũta po coyenewatha xeinatsi peantũyapusũwa, po peantũyapusũwa ataya tsiteca wajume cowantsixae Nacom pia pexeinya jume diwesi tatsi, po diwesi xua Jesucristo yabara.

<sup>11</sup> Nacom newaba xua tacueicueijeinexa barapo pia pexeinya diwesi jume tatsi. Matautano neitorobano xua tana necana exanaenexa Jesucristo pia peitorobi jiwi jiwana tatsin xua tacuidubinexa pomonae jopa judiomonae naexanaeyo.

<sup>12</sup> Taexanaexae baxua, daxota atene neexana ichamonae. Daichitha jopa aurinyo xua tayabara cueicueijeiiwa Cristo, poxona bequein ichamonae atene neexana, tsipei yaputan pontha pon tajume cowantsixae xua peitacũpaewatsi xua tana neyawenaewa. Bara beta yaputan xua bapon xeina peayapusũwa xua tana neyawenaewa. Bapon neyawena xua tacueicueijeii tsurucuaenaebiyaenexa tsane pocotsiwa bayatha bapon neitoroba, beya poxona barapo matacabi tsane, po matacabitha poxonae patopeicaena Jesucristo.

<sup>13</sup> Necui coyene jũpaeya exana ducuaenaebiyama, po pecuidubiwa bichocono xanepana xua bayatha catsipaebatsi. Jume cowantsiya poponare, matautano antobeya poponde Nacom, irũ jiwithano, caemonae peburũya wanabarũ jinompaexae Cristo Jesustha.

<sup>14</sup> Cateiteichiya yawa muxuna poponde pexainyei coyenewa, po pexainyei coyenewa Nacom pia Pejumo pe tũnaxũ tatsi cacata, po pejumo pe tũnaxũ tatsi naca barũ jinompa.

<sup>15</sup> Bayatha yaputaneme pomonae Asia nacuatha jinompa daxita barapomonae nepunapenta. Pomonae nepunapenta, barapomonae jiwana ichũn pewũn Figelo, ichũn pewũn Hermógenes.

<sup>16</sup> Barabũ Nacom pon jiwi Pecanamataxeinaein yabara nantanuweya nanta xeinaena pomonae Onesíforo piamonae tatsi, xua Nacom peyawenaewa tsane barapomonae. Bapon Onesíforo nejuntũ tsacaba poxona beta xanepanaya neyaweneiba. Bapon jopa neacauriyo xua jiwi pecũbi botha taecaewa.

<sup>17</sup> Poxona bapon patopa Roma tomaratha bapon matowa newenawenei tsurucuaenaebiya beya poxona matapainya necaxina.

<sup>18</sup> Barabũ Nacom pon jiwi Pecanamataxeinaein, bapontha nantanuweya yabara nanta xeinaena peyawenaenexa tsane, poxona po mataqueitha Nacom yabara pae-bina jiwi xua penatsicuentiwa xua abe peexanaexae. Xam yaputaneme bara, xua bapon neyawena nawita Efeso tomaratha.

## 2

*Meje yabara xua Pablo yabara paeba xua ponba beta tanacuita pia pecanamataxeinaeinchi*

<sup>1</sup> Xam Timoteom, be taxantom catsicotainchi. Najuntũ coyene cui tsacabare xua nenanta xeinaenexa xua Nacom amanayiya jinya necayawenaewa tsane pia necaantobexae. Nacom baxua cata exana caemonae peburũya jinya nenaexanaexae Cristo Jesustha.

<sup>2</sup> Pocotsiwa xua bayatha nejume taneme xua cueicueijan pin bicheito itabaratha, bapocotsiwa xuya cuidubare pebiwitha, po pebiwi xua xuya jume cowantsiya xaniwaicha cuidubina ichamonaetha pocotsiwa xua cueicueijan.

<sup>3-4</sup> Yabara baru cui copare xua bara ichamona atene necaexanaewa tsane, nejume cowantsixae Jesucristo icha xan ichin xua yabara cui copatan xua bara ichamona atene tana neexanaewa tsane. Poxonae baxua exaname, xam bara jata coyene ichim icha be soldadomonaepin ichi. Bapon ba atene exanatsi poxonae naba, xua peexanaexae pocotsiwa itorobatsi pia pentacaponaein. Soldadomonaepin ba dapocotsin aibi pon natsixana piawa poxonae cataunxuae awiya naba exana ichamonaetha, tsipei bapon bewa baxua exanaena xua pon pentacaponaein peitorobixae.

<sup>5</sup> Barapocotsi jata coyeneya ichi, pon ba xua penaxenacaewa. Bapon jopa itacupaetsi xua xeinaena pocotsiwa pematomatsiwatsi xua poxonae bichoina cuinaepona icha jopa beta yabara exanaeyo pocotsi coyene xua peitorobi coyenewa barapo penaxenacaewa.

<sup>6</sup> Pon ba bichocono nacuita pabitha bapon ba copiya bewa xeinaena xua pocotsiwa copiya penawetsiwa.

<sup>7</sup> Beta yabara nanta xeinare xuaunxuae catsipaebatsi. Pon jiwi Pecanamataxeinaein cayawenaena xua yaputaename daxita.

<sup>8</sup> Jesucristo yabara nanta xeinare. Bapon Jesucristo pon naexana xua David pia pemomoxi susato jiwi jiwana tatsi, po David Israel nacuapiwi itorobiya pia pepa peewatsinchi. Bapon Jesucristo equeicha Nacom Pexanto asu exana petupae cuiru coyene weya. Nacom pia pexeinya jume diwesi tatsi, po diwesi xua Cristo yabara, barapo diwesi cueicueijan jiwitha.

<sup>9</sup> Barapo diwesi tacueicueijeixae daxota ichamona atene neexana, beya poxonae penaintotha necaba. Xan be pocotsin xua abe bichocono taexanaein nenatsicotane. Ichitha jopa itacupaetsi xua jume yancataba Nacom Pejume Diwesi xua ajumetsurucuae pecana exanaewa tsane xua poxonae jiwi pecabi botha tana neetsixae. Tsipei awiya cataunxuae jiwi jume tane barapo diwesi.

<sup>10</sup> Daxota jopa junuwinyo xua ichamona atene tana neexanaewa, matautano bara copatan xua bara moya necana exanaena baxua. Daxota baxua bara copatan pomona Nacom pia peitapetsi jiwi tatsi barapomona nexa, xua barapomona iru pecapanenebiyaenexa tsainchi xua Cristo Jesús capanenebiyaena. Poxonae barapomona barapo diwesi xeinaena, po diwesi pecapanenebiyae coyenewa, bapoxonae muxuna xeinaena pexeinya peajuntayarusawa, po peajuntayarusawa ataya tsiteca xua Nacom pia nacuatheicha tatsi.

<sup>11</sup> Baraxue bara xainyei xua jei:

Icha copatatsi xua bara ichamona naca atene exana wajume cowantsixae Cristo beya poxonae naca tupa exana, icha poxonae Cristo cana ichichi, bapoxonae yawa muxuna jinompaeinchi Cristo xua pia nacuatheicha.

<sup>12</sup> Icha waxainchi awiya jume cowanta dubenanaebiyatsi xua poxonae bequein ichamona naca atene exana, icha Cristo cana ichichi, bapoxonae barapo coyenewa yawa muxuna waxainchi Cristo, baru canamataxeinaeinchi jiwitha, waitorobiya ewatsinexa tsane barapo jiwi.

Icha waxainchi itawetsiya yabara jeichichi Cristo: “Bapon jopa yaputaeyo”, jeichichi, bapon xuya itawetsiya naca yabara jei tsane:

“Bapomonaē jopa yaputaeinyo”,  
naca yabara jei tsane Cristo.

<sup>13</sup> Icha jopa beta xaniwaicha jume cowantsiya  
jinompaetsi, daichitha bapon cataunxuae  
exana ducuaenaebiyaena pocotsiwa xua bayatha  
jiwi yabara paebatsi.

Baxua exana, tsipei Nacom jopa itacupaetsi xua  
exana pocotsiwa jopa be pia cuiyiyo tatsi.

*Meje yabara xua pon beta petanacuichin xua ichun beta petanacuichiwatsi*

<sup>14</sup> Xuaunxuae catsipaebatsi baraxua paebare ichamonaetha yawano cui itorobare  
baraxua barapomonaē Nacom peitabaratha tatsi. Jande barapomonaetha: “Jopa  
yabara pana najume matsontsonoba exanaeinde xua po diwesin ichamonaē pepae-  
bixae”, jande. Barapo penajume matsontsonobiwa barapo coyenewatha bapana jopa  
naca yawenaē. Barapo coyenewa saya abe cana exana pomonaetha pomonaē jume  
tane.

<sup>15</sup> Exande daxita pocotsiwan pexanepanaē coyenewa xua Nacom nexa, xua Nacom  
jinya necacui taenexa xua bara beta tanacuitame Nacom. Bapoxonaē xam jopa  
nayabara acauram tsane pocotsiwa xua beta xaniwaicha necaunutsiya paebixaem  
Nacom Pejume Diwesi, po diwesi pejume xainyei jume.

<sup>16</sup> Jopa yabara najume matsontsonoba exanaeinde po jumein xua pejumexaei, po  
jumein xua saya yabara cueicueijei pocotsiwa xeina barapo cae pin nacuathe, po  
jumein xua bapana jiwi jopa yawenaetsi. Tsipei pomonaē bapocotsiwan paeba, eex-  
anapona pocotsiwan abe peexanaē cuiru coyenewan.

<sup>17</sup> Barapomonaē abeya pia pecuidubi coyenewan tatsi tajun nayoyotapona, icha be ichi  
xua tsuweto xua bapana putsuna xua beya tajun putsuna pona. Barapocotsi coyene xua  
tajun nayoyotapona, exanabe pon pewun Himeneo irun pon pewun Fileto.

<sup>18</sup> Baraponbe jume naitematabe pocotsiwa pexainyei coyenewa. Baponbe naer-  
abiya jeibe: “Bayatha Nacom nacui weta xua asun exana, xua jiwi equeicha jopa asun  
peexanaewa tsainchi pomonaē bayatha werapa”, jei baponbe xua naeraba paebabe.  
Baponbe ainya muxu cana exanabe ichamonaetha xua barapomonaē jopa xapain  
pejume cowantsiwa tsane Nacomtha.

<sup>19</sup> Nacom pia pexainyei coyenewa, peayapusunwa, xua icha cui coyeneya jopa naex-  
anaeyo. Barapon Nacom pia pexainyei coyenewa tatsi jeye: “Nacom pon jiwi Pecana-  
mataxeinaein yaputane pomonaē piamonaexae tatsi”, jei. Matautano equeicha jeye:  
“Daxita pomonaē xua nawun duba xua jei: ‘Paxan Cristobarun pan, pon jiwi Pecana-  
mataxeinaein’, jei, bewa barapomonaē naitematsina abe peexanaē cuiru coyenewan”,  
jei Nacom pia pexainyei coyenewatha.

<sup>20</sup> Botha ba ichaxota pin bo, barapo bo xeina penain coroton pocotsiwa pewun oro  
nain, yawano icha penainwan pocotsiwa pewun plata nain. Matautano ba muxuna  
xeina napae coroton. Matautano ba xeina tsorobo coroton pocotsiwan be juruwaton.  
Po coroton xua pexeinya coroton, barapo coroton pecanamatawenaenexa penabarun  
itata weiweinaē matabintha. Po coroton xua saya pexeinya coroton aibi, barapo  
coroton pecanamatawenaenexa daxita matabintha.

<sup>21</sup> Bara jutiya ichi, icha pebin ichichipa exana xua pocotsiwa pexanepanaē coyenewa  
pon jiwi Pecanamataxeinaein nexa, bapon bewa naitematsina abe peexanaē cuiru  
coyenewa xua Nacom pejunta coyene xanepana exanaenexa bapontha. Bapoxonaē  
bapon itacupatsi xua peexanaewa daxita carepaya coyenein pocotsi coyenein Nacom  
tsita xanepanatsi.

<sup>22</sup> Xam naitemare pocotsi coyenewan pewowi exana xua poxonaē abe exana. Ex-  
ana ducuaenaebiyama pocotsiwa pexeinya junta coyenewa. Matautano beta jume

cowanta ducuaenaebiyama. Matautano antobe tsurucuaenaebiyama Nacom, matautano jiwithano. Matautano jantema popona ducuaenaebiyama. Xam itapeta napuna ponde pomonae pejuntũ coyene xanepanaewi poxonae Nacomtha tsipaeba pon jiwi Pecana-mataxeinaein.

<sup>23</sup> Naitemare po peyabara najume matsontsonobiwa jopa xapain wunaeyo xua jopa xapain peyaputae coyenewiyo, tsipei xam yaputaneme xua jiwi barapocotsi jumetha ba yabara naba.

<sup>24</sup> Pon nama Nacom pon jiwi Pecanamataxeinaein, amanaya tanacuitatsi jopa bewa bapon jume matsontsonobi tsane. Jame bewa bapon xanepanaya wunaeya exanaena xua daxita carepaya coyene cuintha daxita jiwitha. Matautano bewa bapon beta cuidubina ichamonae. Matautano bapon bewa saya jantema poponaena poxonae bequein abe taexanatsi ichamonae.

<sup>25</sup> Matautano bapon bewa saya bewayo jantũ coyene wunaeya muxuwetsina pomonaetha pomonae peacuiitafaetabiwichi xua bapon xainyeya pia pecuidubiwa ichamonaetha. Matautano bapon bewa abũ ewatsina xua icha metha Nacom copatsina xua barapomonae icha jantũ coyene pexeinaenexa xua peauraxae xua abe exana. Matautano barapon bewa abũ ewatsina xua barapomonae peyaputaewa tsane pocotsiwa xua Nacom pia pexainyei coyenewa tatsi.

<sup>26</sup> Poxonae baxua yaputaena, bapoxonae barapomonae, pomonae copiya pemuxufebiwi itacũpaeinchi xua beta nanta xeinaena pejuntũ coyenewatha. Barapomonae yaputaena xua deta cou eexanapona pocotsiwa caurimonae pia pentacaponaein tatsi jujuta, xua pocotsiwa abe peexanaewa, pocotsiwa bapon peitorobixae. Bapoxonae barapomonae itacũpaeinchi xua panenebiyaena bapon weya, matautano xua tamropata notarũcũpaena xua exana pocotsiwa Nacom ichichipa.

### 3

#### *Meje yabara xua po coyeneya jiwi exanaena poxonae po matakabitha opi ducuaena*

<sup>1</sup> Ichichipan xua neyaputaewa tsane xua poxonae po matakabintha opi dubenaena barapo matakabin jiwi taayapube tsainchi.

<sup>2</sup> Jiwi barapo matakabintha bichocono pia coutha naantobe tsane. Barapo jiwi bichocono ƚ pitaparaxixichi tsane. Yawano matautano aebina ichamonaetha. Matautano bichocono atsaca tsaneno. Matautano biataenano ichamonaetha, matautano Nacom biataeinchi. Matautano barapomonae jopa jume jejei tsaibi tsane paxeiwi. Matautano barapomonae jopa wecobe jacobiya noteibiyo tsane poxonae ichamonae catsibeiba. Matautano abe yabara nanta xeineibina pocotsiwa Nacom piawa tatsi.

<sup>3</sup> Matautano piamonae jopa tsita xeinae tsane peantobe coyenewa. Matautano ita aenae-aenei tsurubenanaebiyae tsane ichamonaetha. Matautano yopita dubenanaebiyaena xua ichamonae pocotsiwa abe peexanaewa. Matautano jopa itacũpae tsainchi xua najuntũ coyene itorobina xua xanepanaya peexanaewa tsane. Matauta barapomonae bichocono anaepanaena xua ichamonae beinchi. Matautano barapomonae bichocono aichaxaibi tsane pocotsiwan xanepana.

<sup>4</sup> Barapomonae pomonae jiwi pecaenaetsi jiwi tsane. Jopa matha copiya yabara nanta xeineibi tsane pocotsiwan xua exana. Barapomonae pia coya nacayabara nanta xeinaena xua peainya cui jiwi tsane. Saya barapomonae itapetsiya naitomatsina xua pocotsiwa cui xeica penaexanaewa. Barapomonae naitematsina pocotsiwa Nacom pia pexainyei coyene tatsi.

<sup>5</sup> Bequein barapomonae xanepanaya exana dubenanaebiyaena icha be ichi xua poxonae pomonae xaniwaicha pejume cowantsiwi, daichitha barapomonae jopa xaniwaicha jume cowantsiyo xua icha jantũ coyene pexeinaewa tsane.

Jopa bewa bara pocotsimonae imoxoyo napuna ponaem xua barapomonae necuiyainwam.

<sup>6</sup> Barapomonae jiwana pomonae bomuxhntha pateibina muxujainyabeibinchi yabuxi, po yabuxi jinompa barapo bomuxhntha, po yabuxi xua anacaura xua penacui yaputaexae xua abe exana bayatha. Barapowaxi awiya came jopa xanepanaya exanaeyo, poxoru saya exana pocotsiwa pia coutha ichichipa exana.

<sup>7</sup> Barapo yabuxi jume naitaewata nawita, daxita carepaya po coyenein xua jiwi paeba, bara bequein jopa xanepanaya paebiyo. Daxota barapo yabuxi jopa itacupaetsi xua peyaputaewa pocotsiwa xua Nacom pia pexainyei coyenewa tatsi.

<sup>8</sup> Caena bayatha pon pewun Janes, iru ichun pewun Jambres, baponbe mara pex-einaeinbe, baponbe cui matawentabe Moiestha, xua Moisés pia peexanae coyenewatha. Icha baponbe ichi, barichi barapomonae yabara jume matawenta Nacom pia pexainyei coyenewa tatsi. Barapomonae saya yabara nanta xeina nawita pocotsiwa peabe coyenewa. Barapomonae taseicatsi pejume cowantsiwa, po pejume cowantsiwa pexainyei jume.

<sup>9</sup> Barapomonae jopa beta dubenanaebiyae tsane, tsipei daxita nacuanpiwi cui yaputaena xua barapomonae apara pomonae jopa xanepanaya peexanaewi, icha be ichi poxona caena bayatha jiwi cui tane xua Janes iru Jambres jopa beta exanaeyobe.

*Meje yabara po diwesi xua Pablo najume wetsiya paeba poxona Timoteo itorobatsi*

<sup>10</sup> Ichitha xam bara beta exanaponame pocotsiwa tacuidubiwa. Matautano necui taneme xua bara beta poponan. Matautano necui taneme xua tacoutha yaputan pocotsiwa taexanaewa tsane Nacom nexa. Matautano necui taneme xua bara beta jume cowantsiya poponan Nacomtha. Matautano necui taneme xua saya awiya beta jantema poponan poxona bequein ichamonae jopa xapain necana exanaeyo. Matautano necui taneme xua bara antobeya poponan jiwi, matautano Nacomtha. Matautano necui taneme xua bara awiya Nacom tanacuitan.

<sup>11</sup> Xam yaputaneme xua jiwi bichocono abe necana exana tajume cowantsixae Cristo. Matautano neyaputaneme xua jiwi bichocono atene neexana Antioquia tomaratha, Iconio tomarathano, Litra tomarathano. Ichitha pon jiwi Pia Pecanamataxeinaeinchi neyawena xua necapanepa barapomonae pia xainya weya.

<sup>12</sup> Bara xaniwaicha, daxita pomonae ichichipa xua najuntu coyene xanepana exana dubenanaebiya Cristo Jesustha, barapomonae iru atene exanaeinchi ichamonae.

<sup>13</sup> Ichitha pomonae peajuntu coyenebe jiwi, iruru pomonae pemuxujainyabi jiwi, daxita barapomonae bichocono abe eexanaponaena beyacaincha xua copiya. Barapomonae muxujainyabiya canamataxeina ichamonae, xua abe peexanaenexaru, matautano xua barapo ichamonae iru xuya pemuxujainyabiya canamataxeinaenexa ichamonae, xua abe peexanaenexaru.

<sup>14</sup> Ichitha xam awiya beta exana ducuanabiyama pocotsiwa xua nacuidubame, xuano xua bichocono nejume cowantsiwa. Xam bayatha yaputaneme pomonae xua cacuiduba barapo coyenein, pomonae pejuntu coyene xanepanaewi.

<sup>15</sup> Poxona pexuyotham yaputaneme Nacom Pejume Diwesi. Barapo diwesi itacupatsi xua necacuidubiwa xua necapanepaewanexa abe jinya neexanae cuiru coyene weya nejume cowantsixae Cristo Jesús.

<sup>16</sup> Daxita carepaya Nacom Pejume Diwesi tatsi, barapo diwesi Nacom ayapusu diwesi exana. Daxita barapo diwesi xanepana xua jiwi pecuidubiwa tsainchi. Matautano daxita barapo diwesi xanepana xua jiwi yaputane peexanaenexatsi poxona abe exana. Matautano daxita barapo diwesi xanepana xua jiwi pemuxuwetsinexatsi xua xanepanaya peexanaewa tsane. Matautano daxita barapo diwesi xanepana xua jiwi peyawenaenexatsi xua pejuntu coyene xanepana dubenanaebiyaenexa Nacomtha.



<sup>17</sup> Barapo diwesin jiton xanepanaya canacui weta exanatsi xua beta peexanaewa tsane pon Nacom piamonae jiwana jiton tatsi. Barapo diwesintha daxita coyenein xeina xua barapon nantawenona, pocotsi coyeneintha xua bapon Nacom petanacuitsinexatsi, daxita carepaya po penacuichiwan xanepana.

#### 4

<sup>1</sup> Nacom peitabaratha tatsi yawa Cristo Jesús peitabaratha tatsi, baponbe peitabaratha tatsi caitorobatsi. Bapon Cristo Jesús patopaetsica be pon jiwi itorobiya pia pepa Peewatsinchi. Matautano bapon yabara paebina jiwi xua penatsicuentisiwa xua abe peexanaexae, pomonae xua anoxuae cataunxuae asu jinompa, iruno pomonae xua bayatha werapa.

<sup>2</sup> Caitorobatsi xua cueicueijande Nacom Pejume Diwesi. Beta jume daunweya cueicueijam tsainde Nacom Pejume Diwesi poxonae jiwi ichichipa cajume taibina, matautano poxonae bequein jiwi jopa ichichipaeyo xua necajume taewa. Barapomonae juntu coyene yaputane exande xua barapomonae petaseicaewatsi pejuntu coyene xanepanaewa Nacomtha. Matautano barapomonae yabara muxuwere abe pia peexanae cuiru coyenein tatsi. Matautano barapomonae juntu coyene cui tsacabare xua Jesucristo pejume cowantsiwa tsainchi. Matautano bapana barapomonae jopa tsita xeinaeinde peaitaconaewa. Matautano bapana jopa nacui copatsim tsane xua necuidubaponaewa barapomonae, xua bequein barapomonae jopa Jesucristo pejume cowantsiwichi taetham tsane.

<sup>3</sup> Tsipei jopaena matababi poxonae po matababitha jiwi jopa jume cowantsi tsane barapo pexainyei cuidubi jume. Barapomonae saya u jeichina po pecuidubiwi saya cuiduba pocotsiwa xua jiwi ichichipa jume tane.

<sup>4</sup> Barapomonae saya naitemapenta xua aichaxaibi pejume taewa pocotsiwa pexainyei jume. Saya barapomonae u jume naitaewatsina ainya diwesin, po diwesin xua saya pejemai diwesin.

<sup>5</sup> Ichitha xam dotam. Najuntu coyene babare xua neexanaeyainwa pocotsiwa barapomonae exana. Jopa junuwinde xua ichamonae poxonae caatene exanaena nejume cowantsixae Jesucristo. Ichitha xam exana ducuaanere jinya nenacuichiwa xua Nacom pia pexeinya jume diwesi necueicueije ducuaanetsiwa. Daxita wetsiya exanare pocotsiwa jinya netanacuichiwa Nacom.

<sup>6</sup> Bara nama imoxoyo nebexubina tajume cowantsixae Cristo. Matautano bara nama imoxoyo xua po mataqueitha tsane ponaein Nacom pia nacuatheicha.

<sup>7</sup> Ajuntacuiyapusa amanayaban caurimonaetha Jesucristo nexa, icha soldadomonae ichi xua poxonae amanayaba pia peaitafaetabiwichi. Bayatha nacui wetan pocotsiwa xua bayatha Nacom neitoroba, icha jiton ichi xua patopa poxonae penaxenacaewa. Matautano jume cowantsiya poponan Jesús, icha be pocotsi coyeneya ichi poxonae jiton beta yapu eena pocotsiwa itorobatsi pia pecanamataxeinaeinchi.

<sup>8</sup> Anoxuae ewatan po pentoma Nacom necatsina xua tajuntu coyene xanepanaexae bapontha. Pon jiwi Pecanamataxeinaein, pon xua yatsicaewa xainyeya jiwi yabara paebatsi xua penatsicuentisiwa xua abe peexanaexae, bapon pentoma necatsina po mataqueitha poxonae bapon patopeicaena. Saya meisa jopa compa necatsi tsane, iru barichi tsainchi baxua catsibinchi pomonae wnae ewatsiya ichichipa xua pia pepatopaewa tsane bapon.

*Meje yabara xua Pablo waba xua Timoteo wabatsi*

<sup>9</sup> Nainya nesiwa ponde poxonae caitacupa.

<sup>10</sup> Pon Demas, bapon nepunaxuba, tsipei bapon saya copei yabara cananta xeina nawita pocotsiwa po cae pin nacuathe xeina. Bapon Tesalónica tomara beya pona. Pon Crescente, bapon Galacia nacia beya pona. Pon Tito, bapon Dalmacia nacia beya pona.

<sup>11</sup> Meisa pon Lucas, bapon xote barꝰ ecan. Wenawenande Marcos, cabarꝰ dena tsane, tsipei bapon itacꝰpatsi xua tana neyawenaewa tsane.

<sup>12</sup> Pon Tíquico bapon Efeso tomara beitorobian.

<sup>13</sup> Poxonae nesiwa denam, inta carenande po paparuwa aitiyꝰ, po paparuwa cuentan pon Carpo, bapon pia botha tatsi Troas tomaratha. Diboronno inta carenande, yawa paperanno inta carenande xua inta ainya cui pocotsiwa.

<sup>14</sup> Pon Alejandro, pon penain penacuichin, bapon inta abe exana. Pon jiwi Pecanamataxeinaein, bapon Alejandro pentoma catsinchi po pentoma po pecayabara matomatsiwatsi xua abe peexanaexae.

<sup>15</sup> Dotam xua bapon, tsipei bapon aichaxaibi pocotsiwa po diwesin cueicueijeichi.

<sup>16</sup> Poxonae tacoutha nayabara jume yawenaeya cueicueijan pentacaponawewi peitabaratha, dapon aibi pon tana neyabara jume yawenaewa tsane. Daxita nepunapenta. Ichichipan xua Nacom bꝰ jopa cabetsi tsane barapomonaetha xua tana nepunapentsixae.

<sup>17</sup> Daichitha Nacom pon jiwi Pecanamataxeinaein, neyawena poxonae bequein ichamonae nepunapenta. Bapon peantꝰyapusꝰwa necata xua beta tacueicueijeinexa pijume diwesi xua pejume taewa tsane daxita pomonae jopa judiomonae naexanaeyo. Bapoxonae Nacom neyawena xua jiwi jopa necabetsiyo xua tatꝰpaewa.

<sup>18</sup> Bapon pon jiwi Pecanamataxeinaein, bapon necana exana xua tapanepaewa daxita carepaya abe peexanae cuiru coyenein weya, xua daxota patopaein pia peitorobi nacua beicha. Barabꝰ jiwi ataya wꝰnae jainchina Nacomtha. Je bara ichi tsane.

*Meje yabara xua Pablo najume wetsiya paeba*

<sup>19</sup> Inta jacobare powa Prisca, irꝰ pia pebin tatsi, bapon Aquila. Irꝰꝰ inta jacobare pon Onesíforo piamonae matabꝰxꝰyo tatsi.

<sup>20</sup> Pon Erasto bapon eca Corinto tomaratha. Pon Trófimo, bapon cuenta ponan Mileto tomaratha yaitama atene.

<sup>21</sup> Jujꝰre xua patopare xua pewꝰnaeya poxonae beya awꝰbo tsane. Pon Eubulo, irꝰ pon Pudente, irꝰ pon Lino, irꝰ powa Claudia, irꝰꝰ daxita pomonae pejume cowꝰntsiwi, daxita barapomonaе cajacoba.

<sup>22</sup> Barabꝰ Jesucristo, pon jiwi Pecanamataxeinaein cabarꝰ poponaena. Barabꝰ Nacom amanayiya cayawenaena jinya necaantobexae.

Baja Pablo.

## Meje Po Carte Pablo Tatina, Tito Tatinatsi

### *Meje yabara poxonae Pablo tamropata pitaba xua tatina, Tito tatinatsi*

<sup>1</sup> Xan, Pablon, pon Nacom tatanacuichin matautano Jesucristo pia peitorobi jiton tatsin. Jesucristo neitoroba xua tayawenaewa tsane jiwi xua barapomonaе pejume cowantsinexa Nacom. Pewhnaeya copiya Nacom itapeta barapomonaе, xua pejume cowantsiwa tsainchi. Matautano neitoroba xua barapomonaе yaputane taexanaenexa Nacom pia pexainyei jume diwesi xua daxota barapomonaе Nacom peitabaratha xanepanaya pejinompaewa tsane.

<sup>2</sup> Poxonaе barapomonaе jume cowanta Nacom, barapomonaе ewata xua Nacom catsina pia peajuntayarusawa po peajuntayarusawa ataya tsiteca. Bapon Nacom bapana jopa penaerabin. Barapo peajuntayarusawa po peajuntayarusawa ataya tsiteca, caena bayatha Nacom yabara tsiwanae muxu duta jiwi poxonaе cataunxuae jopa nacua forotsiyo.

<sup>3</sup> Ichitha anoxuae nama Nacom peichichipaexae barapo matacabitha daxota jiwi yabara yaputane exainchi xua pia pexeinya jume diwesi tatsi. Nacom necopata xua bara tacueicueijejiwa tsane barapo diwesi daxita jiwitha. Nacom pon xua jiwi Pecapanenebiyaеin neitoroba xua tacueicueijejiwa barapo diwesi poxonaе necata barapo pia penacuichiwa tatsi xua tatanacuichinexa bapon.

<sup>4</sup> Barapo carte cata tinatsi Titom, ponxaem be yatsicaewa taxantom catsicotainchi iru nejume cowantsixae Jesucristo. Barabu Nacom pon Waxa, iru Jesucristo pon Wanacapanenebiyaеin petapae cuiru coyene weya, cayawenaenabe pia necaantobewaxaеbe. Matautano junteма popona caexanaenabe.

### *Meje yabara xua Tito Creta tunaeto nacuatha nacuita*

<sup>5</sup> Caena bayatha Creta nacua tunaetha cacuentapoinchi xua neyawenaenexa Jesucristo pejume cowantsiwi pocotsiwa xua nacata seicabe. Daxota cacuentapoinchi xua neitapetsinexa pitiri jiwi xua barapomonaе pecanamataxeinaenexa pomonaе pejume cowantsi jiwi Nacom. Baxua eexanaponde daxita i dapu tomarantha icha be pocotsi coyeneya bayatha caitorobatsi.

<sup>6</sup> Bayatha catsipaebatsi xua pon barapocotsi pitiri jiwi jiwana pin bewa poxonaе poponaena bewa iche: Bapon bewa xanepanaya poponaе xua ichamonaе jopa petsita natsicuentasinexa tsainchi xua abe peexanaexae bapon. Matautano bapon saya bewa cae petsiriwa xeinae. Matautano pia pexui tatsi bewa jume cowantsi Nacom. Matautano pia pexui tatsi xanepanaya bewa jinompae xua daxota ichamonaе jopa peyabara paеbiwa tsane xua abe exana barapo pexui. Barichi matautano xua ichamonaе jopa peyabara paеbiwa tsane xua barapo pexui jopa jume jejeyo pocotsiwa coxiyan itoroba.

<sup>7</sup> Po pitiri jiwi canamataxeina pomonaе pejume cowantsiwi Nacom, barapomonaе tanacuita Nacom piawa. Daxota ainya cui xua barapomonaе xanepanaya bewa jinompae. Barapomonaе jopa bewa jumefebi pocotsiwa xua Nacom itoroba. Matautano jopa bewa exanae pocotsiwa jiwi nainya bichoina anaepanaya jume nota. Yawano jopa bewa nacupa exanae, yawano jopa bewa nacayatsi. Yawano jopa bewa pitaparatixichi poxonaе jopa xapain exanaeyo penacuichiwa.

<sup>8</sup> Jame bewa barapomonaе matenta weiweinaya wabeibi pomonaе pesiwa poneibiwichi pia bontha. Yawa bewa ichichipae pocotsiwa xua wanae. Yawa bewa xanepanaya cayabara nanta xeinae. Yawa bewa beta exanae ichamonaetha. Yawa bewa exanae pocotsiwa Nacom itoroba. Yawa bewa yaputae xua pia coutha najuntu coyene itoroba xua beta peexanaewa.

<sup>9</sup> Bewa ajuntucoyenesaya jume cowantsina Nacom pia pexainyei jume diwesi tatsi po diwesi barapomonaе cuidubatsi. Bapoxonaе barapomonaе itacupatsi xua xuya ichamonaе juntu coyene tsacaba xua pejume cowantsiwa tsainchi poxonaе cuiduba barapo pexainyei jume diwesi. Matautano barapomonaе itacupatsi xua jume jejei cana exana pomonaetha pomonaе bequein copiya pejume itawetsixaetsi pocotsiwa xua barapomonaе cuiduba.

<sup>10</sup> Tsipei judiomonaе jiwanapiwi bichocono pinmonaе pomonaе pejumefebiwi xua Nacom itoroba. Bichocono pinmonaе pomonaе jiwi peitorobiwi xua pebiwi bewa wi thabinchi ichaxota penareixacaenaewa. Pocotsiwa barapomonaе cuiduba ichamon-aetha saya pejumexaei. Yawano jiwi muxuitorobatsi nawitano.

<sup>11</sup> Barapomonaе bewa pajume matawentsim xua jopa pepaеbiwa tsane barapo jumein, yaitama barapomonaе cana exana xua jopa jume cowantsiyo pomonaе xua daxita matabuxamonaеin tsiniya. Baxua exana poxonaе cuiduba pejemaи diwesi po diwesi jopa bewa cuidubi, jiwi peyamuxujainyabiya wucaenexatsi paratixi.

<sup>12</sup> Caena bayatha popona pon Creta tunaetopiwi jiwanapin, pon piamonaе yabara jeichi: “Wanacom pia peitorobi jume pepaеbin tatsi”, jei. Barapon yabara cueicueijeи Creta tunaetopiwi pomonaе piamonaеxae. Bapon yabara jeye piamonaе: “Maisa Creta tunaetomonaе, barapomonaе jiwi muxuitorobeiba, yawa be unupiwi pomonaе peaitoisa jiwi yawa napenajuba nawita yawa fifina nawita”, jei bapon.

<sup>13</sup> Poxonaе bapon baxua paeba barapara jume xainyeya paeba. Daxota xam Titom barapomonaе bichocono jume matawende xua barapomonaе xaniwaicha junteма pejinompaewa tsane xua Jesucristo pejume cowantsiwatsi.

<sup>14</sup> Matautano cui matawende barapomonaе xua jopa equeicha pejume naitae-watsinexa judiomonaе pia pejemaи diwesi tatsi. Matautano cui matawende xua jopa pejume naitaewatsinexa pomonaetha pomonaе xua jiwi peitorobiwatsi xua jiwi pejume itawetsiwa tsane Nacom pia pexainyei jume diwesi tatsi.

<sup>15</sup> Pomonaе yabara jume cowanta xua Cristo tsitupa barapomonaе, barapomonaе jame pejuntu coyene xanepanaewi. Barapomonaе daxita po coyenein xua tane tsita xanepanatsi. Seicaya nama pomonaе jopa yabara jume cowantsiyo xua Cristo tsitupa xua barapomonaе tsitupatsi, barapomonaе apara peajuntucoyenebewi. Barapomonaе daxita po coyenein xua tane tsita abetsi. Barapomonaе pia penanta xeinaewan jopa xaexaenaecaeyo, yawa pia juntu coyenein tatsi po juntu coyenein itorobeibatsi xua poxonaе peexaneibinexa, bichocono jopa xaexaenaecaeyo.

<sup>16</sup> Barapomonaе jei: “Nacom pajume cowantan”, jei. Daichitha poxonaе exaneiba, icha coyene exaneiba icha ichi pomonaе jopa pejume cowantsiwi Nacom. Bara barapomonaе Nacom tsita abetsi pejumefebixaetsi pocotsiwa itoroba. Matautano jopa itacupaetsi xua exana pocotsiwa xua pexeinya penacuichiwa.

## 2

### *Meje yabara pocotsiwa Nacom pia pexainyei jume diwesi tatsi*

<sup>1</sup> Ichitha xam Titom pocotsiwa cuidubame bewa cayabara cuita cananta xeineibim xua pocotsiwa Nacom pia pexainyei jume diwesi tatsi.

<sup>2</sup> Pitiri jiwi muxuwere xua jopa bewa nacupa naexanae peatsaxa meran. Matautano muxuwere xua xaniwaichiya pejinompaewa tsane xua daxota ichamonaе pebaru cui itura jinaewa tsane, xua barapo pitiri jiwi pebaru cui itura jinaewa tsainchi. Matautano muxuwere xua penajuntu coyene itorobeibinexa xua peexaneibinexa po coyenein xua wanae. Matautano muxuwere xua xaniwaichiya pejume cowanta dubenanaebiyaewa tsane xua Nacom xaniwaicha pejume cowanta dubenanaebiyaewa tsainchi. Yawano muxuwere xua piamonaе peantobe tsurubenanaebiyaenexa. Yawano muxuwere xua ayapusaya jume cowantsina poxonaе bequein ichamonaе abe taexanatsi.

<sup>3-4</sup> Barichi pitiriwaxi muxuwere xua xanepanaya pejinompaewa tsane, icha be ichi poxonae jinompa powaxi jume cowanta Nacom. Matautano barapowaxi jopa bewa cueicueijeï tsane po jumein xua abe xua ichamonae yabara paebatsi. Yawa jopa bewa nacupa naexanae peatsaxa meran. Matautano barapo pitiriwaxi muxuwere xua piseuriwi peantobe nexa tsaibi tsane, xua daxota iru xuya penawaxi pebarichinexa xua peexanaenexa po coyene wanae xua peantobe nexa tsaibi tsane piseuriwi yawa pia pexuithano.

<sup>5</sup> Matautano muxuwere barapo pitiriwaxi xua penajuntu coyene itorobeibinexa xua peexaneibinexa po coyenein xua wanae. Matautano muxuwere xua penajuntu coyene xanepana exanaenexa. Matautano muxuwere xua xanepanaya peewatsinexa pia boxi. Matautano muxuwere xua peyabara cui cananta xeinaenexa xua peyawenaenexa pomonaetha pomonae pia botha petajinompaewichi. Yawa muxuwere barapo pitiriwaxi xua jume jejeï tsaibi tsane poxonae itorobeibatsi piseurixi xua ichamonae jopa abe peyabara paebinexa Nacom Pejume Diwesi.

<sup>6</sup> Matautano barichi pewowi muxuwere xua penajuntu coyene itorobeibinexa xua peexaneibinexa po coyenein xua wanae.

<sup>7</sup> Xam Titom barapo pewowi peitutha tatsi xanepanaya eexanaponde daxita coyenein poxonae exaneibame. Barapoxonae barapo pewowi xua pebarichinexa xanepanaya peexanaenexa po coyenein wanae. Poxonae pewowi cuidubame xainyeya cuidubare nejuntu coyene wetsina. Matautano xanepanaya beta cuidubare.

<sup>8</sup> Xanepanaya betiya cueicueijande xua ichamonae jopa abe necayabara paebiwa tsane. Daxota barapomonae aura tsaibi tsane xua abe necayabara paebebiwa beta neexanaexae. Barapoxonae barapomonae jopa itacupae tsainchi xua abe wanaca yabara paebiwa.

<sup>9</sup> Tsipaebare pomonaetha pomonae pebusi cui tatayebebiwichi xua amanaya tanacuita xua poxonae ichamonae tanacuitatsi, jande: “Paexande daxita xua painya nepaca canamataxeinaewi paca itoroba. Matautano xanepanaya patsita exande painya nepaca canamataxeinaewi. Jopa pin jumetha pajume noteibinde poxonae paca itorobeiba painya nepaca canamataxeinaewi”, jande.

<sup>10</sup> Yawa jande: “Jopa pacaibinde, jame saya beta pata exande painya nepaca canamataxeinaewi, xua daxita jiwi painya nepaca cui yaputaenexa xua bara paexaname pocotsiwa Nacom paca cuiduba pia pexeinya jume diwesi tatsi, pon Wanacacapanenebiyaein abe waexanae cuiru coyene weya”, jande.

<sup>11</sup> Nacom bayatha naca yaputane exana xua bara naca yawena pia wanaca antobexae. Naca yawena poxonae naca capanenebiya. Barapo pecapanenebiyae coyene daxita nacuanpiwi nexa.

<sup>12</sup> Barapo coyene xua Nacom pia peyawena coyene jiwitha pia peantobewaxae, naca cuiduba xua wanacui barapentsiwa tsane abe waexanae cuiru coyenein. Yawano naca cuiduba xua wapentsinexa xua po coyenein cayabara cananta xeinatsi po coyenein exana pomonae jopa pejume cowantsiwi, xua pomonae jinompa po cae pin nacuathe. Matautano naca cuiduba xua najuntu coyene itorobeibinchi xua waexaneibinexa po coyenein xua wanae barapo cae pin nacuathe yawa xanepanaya wajinompa dubenanaebiyaenexa xuano xua xainyeya waexana dubenanaebiyaenexa pocotsiwa Nacom itoroba.

<sup>13</sup> Yawa naca cuiduba xua wawanae ewatsiya jinompaewa xua equeicha caewa patopaetsica pon xua bayatha Nacom yabara naca tsiwanae muxu duta. Waxainchi ewatatsi xua Jesucristo pia pepatopaewa pexeinya peitupanae coichatha. Bapon barapara wapepa Nacom xuano xua Wanacacapanenebiyaein.

<sup>14</sup> Jesucristo nacaenaeta xua naca tsitupa wanaca capanenebiyaenexa daxita coyenein weya xua abe waexanae cuiru coyenein. Matautano nacaenaeta wanaca juntu



coyene xanepana exanaenexa poxonae naca yabara j̄ntemaina abe waexanae cuiru coyenein. Baxua Jesucristo exana xua piamonae tatsi pia wanaca exanaenexa, xua pomonaetsi xua waichichipaewatsi xua waexanaewa pocotsiwa w̄nae.

<sup>15</sup> Xam Titom barapo coyenein bewa cuidubim. J̄nt̄u cui coyene tsacabare xua barapomonae j̄ntema pejinompaewa tsane. Matautano muxuwere daxita barapo Creta tunaetopiwi xua bara xanepanaya peexanaewa tsane daxita peitorobi coyeneyatha po peitorobi coyene xua Nacom cacata. Jinxoba barapomonae peit̄atha exaname po coyenewa xua daxota barapomonae tsita pecui paw̄i nenaexanaewa.

### 3

#### *Meje yabara po coyene bewa exanae pomonae Nacom pejume cow̄ntsiwichi*

<sup>1</sup> Xam Titom barapo Creta tunaeto nacuapiwi equeicha caewa yabara nanta xeina exanare xua bewa barapomonae jume jejei xua peexanaewa tsane pocotsiwa barapomonae itorobeibatsi pomonae barapomonae pia peyanacua ewatsiwichi xuano pocotsiwa barapomonae itorobeibatsi pomonae pia pentacaponawichi. Matautano muxuwere xua bewa barapomonae naj̄nt̄u cui w̄naetsiya exaneibina xua peexanaenexa tsaibi tsane pocotsiwa xua w̄nae.

<sup>2</sup> Matautano muxuwere xua bewa barapomonae jopa abe paebi tsane xua ichamonae abe peyabara paebiwatsi. Matautano muxuwere xua barapomonae jopa bewa jume matsontsonobi ichamonaetha. Matautano muxuwere xua barapomonae bewa j̄nt̄u coyene xanepanaya cueicueijeji ichamonaetha. Matautano muxuwere xua bewa barapomonae bar̄u cui itura jina dubenanaebiyaeina daxita jiwi.

<sup>3</sup> Caena bayatha copiya waxainchi jopa wajume cow̄ntsiwi, jopa Nacom wayaputaexae. Yawa jopa wajume jejei jiwi pocotsiwa Nacom naca itoroba. Yawa waxainchi naca itaxanumena. Waxainchi waj̄nt̄u coyene naca itoroba xua waexanaewa pocotsiwa waichichipaewa pocotsiwa xua abe. Matautano naca itoroba xua bewa exanaetsi po peabe coyene naca weiweina exana icha ichi pomonae jinompa po nacuathepiwi. Matautano abe peexanae cuiru coyenein exana dubenanaebiyatsi, xuano xua peuwi j̄nt̄u coyeneya jinompa dubenanaebiyatsi. Matautano ichamonae naca ita aenae-aenei tsurubenanaebiya, yawano xua waxainchi nantiya naita aenae-aenei tsurubenanaebiyatsi.

<sup>4</sup> Ichitha Nacom pon Wanacacapanenebiyaein yabara naca yaputane exana xua po coyene bapon naca j̄nt̄u coyene xanepana exana, xuano xua wanaca antobewa poxonae naca capanenebiya abe waexanae cuiru coyenein weya.

<sup>5</sup> Naca capanenebiya, apara jopa poxoruyo xua xanepanaya waexanaexae bapon nexa, apara poxoru nantanuweya naca yabara nanth̄u coyene xeina pia wanaca yawenaenexa. Poxonae naca bautisaba meratha baraxua saya yabara caunuta xua Nacom pia Pejumope t̄nax̄u tatsi naca j̄nt̄u coyene xanepana exana. Poxonae baxua naca cana exana baroxonae pena j̄nt̄u coyene xeinatsi, xua poxonae Nacom pia Pejumope t̄nax̄u tatsi naca j̄nt̄u cui coyene yabara caj̄ntemaina abe waexanaewan.

<sup>6</sup> Jesucristo pon Wanacacapanenebiyaein nacata itorobica Nacom pia Pejumope t̄nax̄u tatsi pia jopa juniya wanaca yawenaenexa.

<sup>7</sup> Poxonae Nacom naca j̄nt̄u coyene xanepana exana, baroxonae naca cana exana xua jopa wanatsiaenae cuentsinexatsi bapontha. Bapon naca yawena pia wanaca antobexae. Daxota waxainchi ewatatsi xua Nacom wanaca catsibiwa tsane peaj̄nt̄uyarus̄wa, po peaj̄nt̄uyarus̄wa ataya tsiteca, tsipei bapon pia pexuichi.

<sup>8</sup> Baxua jame xainyeya pepaebiwa. Ichichipan xua xam jume daunweya tsipaebiname barapomonae xua bewa barapomonae barapo coyene exanaena pomonae xua pejume cow̄ntsiwixae Nacom. Baroxonae barapomonae cui enatsi xua peyabara

nanta xeinaewa po penacuichi coyenein xua ichamonae tsita xanepanatsi. Barapo petanacuichi coyenein jame xanepana, yawa barapo coyenein jiwi yawenatsi.

<sup>9</sup> Dotande xua necuiyainwande xua ichamonae yabara necabarũ najume matsontsonobiwa tsane po diwesin xua pejema diwesin. Matautano cuiyainwande xua yabara necabarũ cueicueijejiwa judiomonae pia pamo susatopiwi tatsi pia wũnxi tatsi. Matautano cuiyainwande xua penajume matsontsonobiwa xuano xua anaya peyabara pepaebiwa Moisés pia peitorobi coyene tatsi. Tsipei ba poxonae barapo coyene exana jiwi, jopa yawenaetsi xua xaniwaichiya pejinompaewa xua jiwi jopa pexainyeiwanxae.

<sup>10</sup> Icha ichũn cana exana xua pomonae Nacom pejume cowũntsiwichi, cana exanatsi xua barapomonae pomonae Nacom pejume cowũntsiwi be pomonae jopa penayaitae jiwi penaexanaewa tsane xua penaita aenae-aeneiwa, bara bapon muxuwere. Icha equeicha jopa xapain exanaeyo equeicha muxuwere. Icha equeicha jopa beta exanaeyo bapoxonae bapon itawere painya xainya weya.

<sup>11</sup> Yaputaneme xua barapon pia coutha najũntũ coyene matanonoxuba xua abe peexanae cuiru coyene peexanaewa. Daxota abe peexanaexae pia coutha natsicuenta exana Nacomtha.

*Meje yabara xua Pablo muxu tsipaeba pocotsiwa bewa Tito exanaena*

<sup>12</sup> Poxonae nexainya beya cata itorobatsi Artemas, ichacuiitha tsipae icha cata itorobatsi Tíquico, nexata bapoxonae yacuinaya ponare Nicópolis tomara beya. Nexata barapo tomarathiya netaename, tsipei bayatha nanta xeinan xua baxotiya taecaewa tsane awũbotha.

<sup>13</sup> Zenas pon jiwi yaweneibatsi peyabara yaputaeinxae peitorobi coyenein, irũru pon pewũn Apolos pon xua casiwa ponabe baponbe yawendebe. Bara exande be pocotsi coyeneya xua caitacũpa xua yawename. Baponbe carebe pocotsiwa xua canantawenonabe poxonae pewarapaenexabe xua jopa petaseicaenexa tsainchibe.

<sup>14</sup> Barabũ wajiwimonae xanepanaya exanaponaena xua daxota peyawenaenexa xua peyawenaenexatsi pomonae peacopeibiwi pocotsiwa xua canantawenona. Bapoxonae pia jũntũ coyenein tatsi Nacom tsita xanepanatsi.

*Meje yabara xua Pablo najume wetsiya paeba*

<sup>15</sup> Pomonae taxantha ena barapomonae cajacoba. Painta jacobare pomonae Jesucristo pejume cowũntsiwichi, pomonae bichocono paantobein pejume cowũntsixae. Barabũ Nacom paca yawenaena daxita paxam pia paca necaantobexae.

Baja Pablo.

## Meje Po Carte Pablo Tatina, Filemon Tatinatsi

### *Meje poxonae Pablo tamropata pitaba xua tatina, Filemón tatinatsi*

<sup>1</sup> Xan Pablon, ponxaein jiwi pecabi botha taneetsin xua tanatsipei cueicueijeixae Cristo Jesús yabara. Irú Timoteo, pon irú pejume cowantsin Jesús, baponbe panbe barapo carte pacata tatinatsi. Xam Filemón ponxae bichocono paca antobetsi tsipei pana yantame xua cueicueijam Nacom Pejume Diwesi.

<sup>2</sup> Irú pata tinanbe pomonaetha pomonae pejume cowantsiwi Jesús pomonae jinya botha nacaetuteiba. Irú barapo carte yabayo nexa powa pewan Apia, powa be wamcho watsicotaewa pejume cowantsixaerú Jesús. Irú barapo carte pebin nexa pon pewan Arquipo, pon daunweya pana nebarú nacuita xua poxonae pata cueicueijeíwa Nacom Pejume Diwesi.

<sup>3</sup> Barabú Nacom Waxa irú Jesucristo pon jiwi Pecanamataxeinaein paca yawenaena pia paca necaantobexae, xuano xua jantema jinompa paca exanaena.

### *Meje yabara xua Filemón Cristo antobetsi xuano xua jume cowantano*

<sup>4</sup> Poxonae Nacomtha tsipaebeiban cayabara nanta xeineibatsi jan tsaibin: “Axa, Nacom cawanae jaintatsi tsipei Filemón nejantú coyene weiweina exana”, jan tsaibin.

<sup>5</sup> Daxota baxua caunuteiban, yaitama jume tan xua pinae jume cowantame Jesús pon jiwi Pecanamataxeinaein. Matautano jume tan xua pinae antobem Jesús xua irúno pinae antobem daxita pomonae pejume cowantsiwi.

<sup>6</sup> Nacomtha tawacan xua pomonae Jesús pejume cowantsiwi xua barapomonae taena xua waxainchi be nacaemonaetsi wajume cowantsixae. Matautano Nacomtha tawacan xua barapomonae xanepanaya peyaputaenexa xua Nacom naca cana exana pocotsiwa bichocono nacata xanepana poxoru be nacaemonaetsi wajume cowantsixae Cristo Jesús.

<sup>7</sup> Taneantobemxae nejantú coyene tsacarabame yawa nejantú coyene weiweina exaname xua xaniwaicha jantema tapoponaewa tsane. Xam ponxae be tayapin canatsicotainchi irú nejume cowantsixae Jesús. Beta nepoponaexae daxota beta jinompa daxita pomonae pejume cowantsiwi Cristo Jesús.

### *Meje xua Pablo Filemón wacatsi xua Onésimo tawacatsi, pon Filemón pia pebusi cui taetaeinchi*

<sup>8-9</sup> Bequein bara taitorobi coyene xeinan xua po coyeneya bewa exanaename xua xan Cristo pia peitorobi jiwi jiwana tatsixaein, ichitha ichichipan xua xam neexanaewa tsane xua tacaantobexaetsi. Xan Pablon bara nama bichocono perun tsecaein matautano anoxuae jiwi pecabi botha neeta tanatsipei cueicueijeixae Cristo Jesús yabara.

<sup>10</sup> Cacui itorobatsi xua neyawenaenexa Onésimo. Bapon taxanto be tatsicotaein taneyawenaexae xua cueicueijeí Jesús yabara poxonae cataunxae xote ecanje jiwi pecabi botha. Bapon bayatha nexainya weya nametaba, pon bayatha amanaya necata nacuichin.

<sup>11</sup> Bequein caena bayatha Onésimo amanaya jinya nebusi cui taetaeinchi, daichitha jopa xanepanaya cata nacuichiyo. Ichitha anoxuae bara xanepanaya penacuichin xam nexa yawa xan nexano Jesucristo pejume cowantsixaetsi.

<sup>12</sup> Caewa cata itorobatsi bapon. Poxonae bapon Onésimo patopiya, weyataeya jacobare tsipei bapon bichocono antobein.

<sup>13</sup> Xan ichichipan xua bapon taxantha eca xua barapon tana neyawenaenexa po penacuichiwa inta exaname xua ir<sub>u</sub> poxonae cataunxuae jiwi pec<sub>u</sub>bi botha neeta tanatsipei cueicueijeixae Jesucristo pejume diwesi.

<sup>14</sup> Ichitha jopa ichipaeinyo xua Onésimo tana neyawenaewa tsane icha jopa becopat-sim. Saya ichichipan xua xam exanaename pocotsiwa jinya coutha ichichipame xua jopa neexanaenexa pocotsiwa tacaitorobiwatsi.

<sup>15</sup> Metha bayatha Onésimo nametaba nexainya werena saya be caetotha nexa xua anoxuae bara tsitecaeya nebar<sub>u</sub> poponaenexa tsane.

<sup>16</sup> Anoxuae nama bapon jopa bewa yabara nanta xeinaem xua bapon be pon pebusi cui taetaeinchi jitontsi. Anoxuae nama bewa catsita tsane xua bapon peainya cui jiton, beyacaincha be pon pebusi cui taetaeinchi. Baxua jei pon bichocono peantobe jitontsi pejume cow<sub>u</sub>ntsixae Cristo Jesús. Xan bapon Onésimo bichocono antobein. Ichitha xam nama bapon bewa bichocono antobem jinya necata nacuichixae jame yawano be neyapin tsicotaema ir<sub>u</sub> pejume cow<sub>u</sub>ntsixae Jesucristo, pon jiwi Pecanamataxeinaein.

<sup>17</sup> Jinya eweicho tana necana exanaemxaem ir<sub>u</sub> tajume cow<sub>u</sub>ntsixae Jesús, daxota moya beta weyataeya matenta wabare Onésimo, icha be neichim poxonae nententa weiweinaya wabame.

<sup>18</sup> Icha bapon cata abe exana, icha ichauyo cantoma amanayaba moya new<sub>u</sub>care xua barapo matoma tacacatsinexatsi.

<sup>19</sup> Xan Pablon cata tinatsi xua barompaya tacobetha yawano xua tacobe cou itaneto, xuaje: Bexa tsane pentoma cacatsinchi. Bequein jopa saw<sub>u</sub>caetsi pentoma po matoma xua tanematoma amanayabiwam xua bayatha tacayawenaexaetsi xua nejume cow<sub>u</sub>ntsiwa Jesús.

<sup>20</sup> Bara barichinde, be pon taeweicho tacanatsicotaeinchi nejume cow<sub>u</sub>ntsixaer<sub>u</sub> Cristo. Inta exande xua caitorobatsi Jesús, pon jiwi Pecanamataxeinaein, pia pejume cow<sub>u</sub>ntsiwi pia peju<sub>u</sub>nt<sub>u</sub> cui coyeneya. Neju<sub>u</sub>nt<sub>u</sub> coyene tsacarabare xua ju<sub>u</sub>ntema xani-waicha tapoponaewa tsane.

<sup>21</sup> Daxota cata tinatsi tsipei yaputan xua jume jejam pocotsiwa caitorobatsi xuano xua equeicha nawita exanaename beyacaincha xua tacacui itorobiwatsi.

<sup>22</sup> Bapoxonae inta bo tutu netsiw<sub>u</sub>naere. Tsipei bexa tsane paca taeyopiyaeinchi xua bayatha Nacom painya new<sub>u</sub>caexae xua tapaca taeyopiyawatsi tsainchi.

*Meje yabara xua ichamona Filemón jacobatsi*

<sup>23</sup> Epafra cajacoba pon ir<sub>u</sub> xota eque jiwi pec<sub>u</sub>bi botha penatsipei cueicueijeixae Cristo Jesús yabara.

<sup>24</sup> Matautano ir<sub>u</sub> Marcos, ir<sub>u</sub>no Aristarco, ir<sub>u</sub>no Demas, ir<sub>u</sub>no Lucas, daxita barapomona matab<sub>u</sub>x<sub>u</sub>yo neyawena xua tacueicueijeijiwa Jesucristo yabara.

<sup>25</sup> Barab<sub>u</sub> Jesucristo pon jiwi Pecanamataxeinaein, paca yawenaena daxita paxam pia paca necaantobexae.

Baja Pablo.

## Meje Po Carte Po Carta Nacom Pia Jiton Tatsi Tatina, Hebreomona Tatinatsi

### *Meje yabara xua Nacom Pexanto itoroba jiwitha petacueicueijeinexatsi*

<sup>1</sup> Caena bayatha Nacom itoroba pia peitorobi jume diwesi petacueicueije jiwichi. Barapomona Nacom tacueicueijeichi xua poxona tsipaebatsi wamo susato jiwi. Barapomona matowa tacueicueije tsaibi xua Nacom tacueicueije tsaibichi matautano ainya coyeneintha tsipaeba xua Nacom tatsipaebatsi.

<sup>2</sup> Ichitha nama anoxuae matapainya barapo matabinthe po matabin opi dubena Nacom itorobica Pexanto wanacata cueicueijeinexa, yawa wayabara yaputaenexa Nacom. Barapon Nacom Pexantoxae tatsi caena bayatha barapo nacue forota. Matautano Nacom Pexanto caena barapoxona cana exana xua Pexanto tatsi pecanamataxeinaenexa daxita coyeneintha.

<sup>3</sup> Nacom Pexanto tatsi pexeinya peitupanae juntu coyenein xeina po juntu coyenein Nacom xeina. Bapon Nacom Pexanto cui coyene jontatsi. Matautano bapon Nacom Pexanto tatsi pia pejume ayapusu itorobiwatha babatiya exana daxita carepaya nacuan. Nacom Pexanto tatsi nacui yabara jume weta xua Nacom Pexanto peyabara paebixae pejume diwesitha. Baxua exana poxonae naca tsitupa xua wanaca juntu coyene xanepana exanaenexa. Bapon naca capanepa abe waexanae cuiru coyenein weya. Bapoxonae bapon itaboco beicha pona penacuaretsinexa pexeinya peecaethopeibiwatha Nacom pia coxa weya tatsi xua itaboco beicha xua Nacom pia peecaethopeibiwatha tatsi beicha.

### *Meje yabara xua Nacom Pexanto tatsi peainya cuin beyacaincha matatsunpiwi*

<sup>4</sup> Nacom Pexanto ainya cui cana exana beyacaincha matatsunpiwi. Nacom baxua tsita itapeinya xeina xua poxonae wun duta Pexanto xua po wun jei: “Nacom Pexanto”, jei, po wun bichocono ainya cui beyacaincha matatsunpiwi pewun.

<sup>5</sup> Tsipei Nacom bapana jopa jeiyo matatsunpintha:

“Xam Taxantom, anoxuae jiwi tsita itapeinya xeinan xua xan jinya axan”,

jopa bapana jei Nacom matatsunpintha.

Matautano bapana jopa jei matatsunpin yabara:

“Xan bapon pia paxa tatsin tsane,

bapon bara taxanto tsane”, jopa

bapana jei Nacom xua matatsunpin

peyabara paebiwatsi.

Saya ba meisa Nacom Pexantotha

yabara paeba barapo jume.

<sup>6</sup> Matautano poxonae Pexanto itorobica po cae pin nacuamonaepiwitha tsique, pon yatsicaya compa tatsi, Pexanto yabara jei:

“Barabu daxita tamatatsunpiwimona

Taxanto wuna jaintinchi”, jei Nacom.

<sup>7</sup> Nacom yabara jei matatsunpiwi:

“Tamatatsunpiwi itoroban xua nainya inta

nacuita icha joibo ichi xua nainya pona

poxonae itoroban barapo joibo.

Barichi barapomona itoroban xua inta

daunweya nacuita icha nawa coicha ichi xua



daunweya taxua poxonae itoroban barapo nawa”,  
 jei Nacom.

<sup>8</sup> Ichitha nama Nacom Pexantotha jei:

“Jaina, xam ponxaem Nacom, ataya tsitecaeya  
 itorobiya ewatsiname xua  
 itorobathopequeibame jiwi.

Jinya neitorobiya ewatsi coyenewa  
 bara ataya pexainyei coyenewa.

<sup>9</sup> Xam ichichipame pocotsiwa exana  
 pomonae xanepanaya peexanaewi.

Matautano bichocono aitaetaim  
 pocotsiwa exana pomonae abe peexaneibiwi.

Daxota xan Nacom ponxaein, jinya Nacom  
 bichocono cajuntũ coyene weiweina  
 exanatsi, beyacaincha xua jinya jiwimonae  
 jũntũ coyene weiweina exanan”,

jei Nacom Pexantotha.

<sup>10</sup> Equeicha Nacom Pexantotha jei:

“Xam pon pepa Necanamataxeinaem jiwi,  
 caena bayatha forotame barapo cae  
 pin nacia poxonae aena.

Jinya coya exaname peitaboco.

<sup>11</sup> Daxita baxuan pocotsiwan xua jinya  
 neexanaewam weraweracaena.

Tsipei daxita baxuan saya peruwan tsane,  
 icha be poxonae paparuwa ichi xua  
 peruwa tsane xua tsapatsapaca.

Ichitha xam nama ataya  
 tsitecaeya poponaename.

<sup>12</sup> Barapo cae pin nacia irũ barapo itaboco  
 poxoru peruwa tsane pichiname xua  
 nexubinexa, xua pena ira equeicha  
 neexanaenexa yawa xua itaboco.

Barapocotsi jũta coyeneya exanaename  
 icha be poxonae pebin ichi xua peruwa  
 nama xuena xua xuba, xua  
 penawa penamaxatatsinexa.

Ichitha xam nama ataya tsitecaeya poponame.

Matautano jinya nepoponae coyenewa  
 ataya jopa weraweracae tsane”,

jei Nacom Pexantotha.

<sup>13</sup> Nacom bapana jopa jeiyo matatsunpintha:

“Xam tacoxa weya ecare, beya poxonae abũ  
 caexanaeinchi xua itorobiname jinya  
 necaitaetaibi jiwi”, bapana jopa jeiyo  
 Nacom matatsunpintha.

Saya meisa Pexantotha baxua paeba.

<sup>14</sup> Daxita matatsunpiwi peinya pejinompaewi jiwitha. Barapo matatsunpiwi ex-  
 ana dubenanaebiya pocotsiwa Nacom itoroba. Nacom itoroba barapomonae xua  
 petayawenaenexa tsainchi pomonaetha pomonae bexa Nacom capanenebiyaena  
 pomonae pejume cowantsi jiwixaetsi.

## 2

*Meje yabara xua poxonae naca muxuweta xua jopa bewa pepawi cana exanaetsi Nacom pia pecapanenebiyae coyenewa tatsi*

<sup>1</sup> Nacom Pexanto ainya cui cana exana beyacaincha matatsunpiwi. Daxota bewa matowa itapeta jume naitaewatichi pocotsiwa bapon yabara xua jume tainchi. Bapoxonae jopa wayabara junte mainaponae tsainchi po coyene xua Nacom pia pecapanenebiyae coyenewa tatsi.

<sup>2</sup> Po peitorobi coyenein caena bayatha matatsunpiwi Nacom tacueicueijeichi, barapo coyenein bara xainyei. Pomonae jopa jume cowantsiyo barapo peitorobi coyenein xuano xua abe exanaponano, barapomonae atene exanaeinchi xua canacui matajuriya cana exanatsi.

<sup>3</sup> Cristo naca cana exana xua panenebiyatsi abe waexanae cuiru coyenein weya. Cristo pia pecapanenebiyae coyenewa bichocono ainya cui coyenewa. Icha Cristo pia pecapanenebiyae coyenewa cayabara nanta xeinatsi xua pepawi xua jopa ainya cuiyiyo, waxainchi bapana jopa naca capanenebiyae tsane xua poxonae jiwi atene exanaeinchi abe peexanaexae. Barapon Cristo pon jiwi Pecanamataxeinaein barapo pecapanenebiyae coyenewa yabara tsipaeba copiya. Bapoxonae xuya barapo pecapanenebiyae coyenewa naca tsipaeba pomonae jume tane pocotsiwa xua bapon paeba pon jiwi Pecanamataxeinaein.

<sup>4</sup> Nacom tsita itapeinya xeina xua barapomonae bara xaniwaicha yabara paeba Nacom pia pecapanenebiyae coyenewa. Baxua exana poxonae Nacom cana exana xua barapomonae pexeinya petsita itabi coyenewan muxuna exana poxonae cueicueije. Matautano baxua exana poxonae cana exana xua barapomonae muxuna exana pocotsiwa bichocono wuna xua jiwi nabenaeca cana exanatsi. Matautano baxua exana poxonae cana exana xua barapomonae pexeinya peayapusu itorobi coyenewan muxuna cueicueije. Matautano Nacom tsita itapeinya xeina xua bara barapomonae xaniwaicha cueicueije poxonae Nacom pia Pejumope tñaxu tatsi itoroba barapomonae pia juntu coyeneintha tatsi xua pecatsibinexa po cui coyeneya peexanaenexa daxita barompaya tsiniya. Baxua exana barapo Nacom pia Pejumope tñaxu tatsi icha be pocotsi coyenewa Nacom ichichipa xua barapomonae barapo cui coyeneya exanaena.

*Meje yabara xua Jesucristo be jiton coyeneya naexana*

<sup>5</sup> Nacom jopa copatsi tsane xua matatsunpiwi canamataxeinaena barapo pena nacuatha po nacua yabara xuaunxuae pacata tinatsi.

<sup>6</sup> Jame nama Nacom Pejume Diwesitha ichan yabara jeye xua pomonae barapo pena nacua pecanamataxeinaewa tsane, jeye:

“Nacom xam jiwi toxeincha bichocono pin juntu coyene xeiname.

¿Eta xua metha yabara nanta xeiname

jiwi xua ainya cui exaname xua

pecanamataxeinaenexa tsane ichamonae?

<sup>7</sup> Nacom copiya saya caetha exaname xua

jiwi be conotha ainya cui.

Baxua exaname poxonae matatsunpiwi toxeinchiya

ainya cui exaname beyacaincha jiwi.

Ichitha cotacaya exaname xua jiwi

ainya cui naexana.

Jiwi cana exaname xua pexeinya

peitupanae coicha xeina

yawa catame barapomonae peayapusu

itorobi coyenewa xua icha jiwi

pecanamataxeinaewa tsainchi.

<sup>8</sup> Po jiwi cajume cowanta barapo  
jiwitha catame peayapus itorobi  
coyenewa daxita xua pecanamataxeinaenexa  
xuantha xua forotame”,  
jei xua ichan tsipaeba Nacomtha.

Poxonae Nacom cana exana jiwi xua canamataxeinaena daxita xua xuan forota,  
dapocotsi coyenewa aibi xua jiwi jopa itacupaetsi xua pecanamataxeinaewa. Daichitha  
awiya cataunxuae jopa jiwi cui taetsi xua daxita pecanamataxeinaewa.

<sup>9</sup> Ichitha waxainchi Jesús yaputainchi pontha pon Nacom saya caetha cana exana xua  
jopa ainya cuiyo. Matatsunpiwi conotha ainya cui beyacaincha xua Jesús xua poxonae  
caetha cana exanatsi xua jopa ainya cuiyo xua poxonae popona be jiton. Nacom  
bichocono peantobexae daxita jiwi daxota bapon copata xua Cristo tsitupaena daxita  
jiwi abe pia peexanaexae. Anoxuae equeicha Nacom ainya cui cana exana xua Jesús  
ainya cui cana exanatsi. Matautano Nacom cana exana xua Jesús jopa juniya ainya  
cuiyiyo xua jiwi itorobiya peewatsiwatsi. Matautano Nacom Jesús catatsi pexeinya  
peitupanae coicha. Nacom baxua exana xua Jesús pia petsitupaexae jiwi.

<sup>10</sup> Nacom forota daxita coyenein. Matautano daxita baxuan Nacom nata exana.  
Matautano Nacom ichichipa xua daxita piamonae tatsi pexeinaewa tsane pia pexeinya  
peitupanae coicha tatsi peponaenexa tsane pia nacuatheicha tatsi. Daxota Nacom  
tsita xanepanatsi xua poxonae Jesucristo atene exanatsi beta yatsicaewa pejuntu  
coyene wanaetsinexatsi xua jiwi pecanamataxeinaenexatsi Nacom pia nacuatheicha.  
Baxua Nacom exana poxonae Jesucristo atene exanatsi poxonae tsitupa xua jiwi peca-  
panenebiyaenexatsi abe pia peexanae cuiru coyenein weya tatsi.

<sup>11</sup> Tsipei daxita pomonae juntu coyene xanepana exanatsi Nacomtha, iruru Jesús pon  
cana exana baxua barapomonaetha, daxita barapomonae nantauta caein Paxa pon  
Nacom. Daxota Nacom Pexanto tatsi jopa auriyo poxonae naca yabara jei: “Tayapin  
jiwi pam”, poxonae jei.

<sup>12</sup> Nacom Pexanto tatsi pon Jesucristo, caena bayatha Nacom Pejume Diwesitha xua  
salmos penaxunae weixi diwesintha jeye Nacomtha:  
“Cayabara paebinchi tayapinmonae jiwitha.  
Cata naxunaeinchi pewei xua wanae  
tacajainchinexa poxonae nanabarua  
nanacaetutsin jinya botha pomonae cajume  
cowanta”, jei Jesucristo Nacomtha.

<sup>13</sup> Ichacuitha caena bayatha Jesucristo jeye xua Isaías pia diborotha:

“Xan jume cowantsiya wanae ewatsin  
Nacom xua tana neyawenaewa”, jei.  
Equeicha Jesucristo jeye:

“Xote ecan, baru ecan tapexui pomonae tana  
nejume cowantsiwi pomonae Nacom  
necata”, jei Jesucristo.

<sup>14</sup> Pexui ba bara xeina pejana yawa pewito icha be coxiyeiwi ichi tsipei jiwixae.  
Barichi Jesús xeina jiton pia pepon tatsi pexeinaexae jiwi pia pewito tatsi xuano xua  
jiwi pia pejana tatsi. Jesús baxua xeina xua petsitupaenexa jiwi. Daxota itacupatsi  
xua peamanayabiwa pontha pon xua peayapus itorobi coyenewa xeina xua jiwi  
pejutebiwatsi. Bapon apara pon caurimonae pia pentacaponaen tatsi.

<sup>15</sup> Jesús baxua nacata exana wanaca capanenebiyaenexa wajunuwi coyene weya xua  
poxonae yabara junuwatsi xua wawerapaewa tsane. Jiwi daxita matakabin junuwiya  
jinompeiba xua pewerapaewayainwa.

<sup>16</sup> Bara xaniyei Jesús jopa tsipatopeicaeyo xua peyawenaenexa tsane matatsunpiwi. Apra jame Jesús tsipatopeica peyawenaenexa tsane Abraham pia pemomoxi susato jiwi tatsi xua yatsicaewa jiwi.

<sup>17</sup> Daxota Jesús poxona naexana bewa yawa naexanaena daxita coyeneya icha jiwi pia pepon tatsi ichi. Bapon bewa baxua yawa naexanaena pia penaexanaenexa pepa wasacerdotepin pocotsin nacata paebeiba Nacom beicha. Matautano bapon Jesús pon pepa wasacerdotepin xainyeya taexana po coyene xua ba sacerdotemonae pia petaexanae coyenewa xua Nacom tsita exanatsi. Bapon Jesús naca weyatane xua wanaca yawenaenexa, xua jiwi petsitapaenexatsi xua Nacom jiwi pejuntã coyene yabara jantemainaenexa tsaibi tsainchi abe pia peexanae cuiru coyenein tatsi.

<sup>18</sup> Jesús atene exanatsi poxona caurimonae pia pentacaponaein tatsi jantã coyene jujutatsi petaenexa tsainchi icha abe exana. Daxota anoxuae bapon Jesús itacupatsi xua peyawenaewa pomonaetha pomonae irũã jantã coyene jujutatsi caurimonae xua abe peexanaewa tsane.

### 3

#### *Meje yabara xua Jesús peainya cuin beyacaincha Moisés*

<sup>1</sup> Nacom irũ paca wãn duba poxonae itapeta pomonae pepatsinexa tsane pia nacuatheicha tatsi. Tamonae pam, paxam jiwana pam pomonae pejume cowantsiwi Jesucristo, pomonae pam Nacom paca jantã coyene xanepana exana xua piamonae tatsi painya paca cana exanaenexa. Daxota Cristo Jesús pacayabara nanta xeinare. Bapon Jesús Nacom pia peitorobin tatsi pon naca tsipaeba Nacom nexa. Matautano bapon wapepa sacerdotepin pon wanacata paebeibin Nacom beicha. Bapon payabara cueicueijan ichamonaetha wajume cowantsixae bapon.

<sup>2</sup> Jesús bara xainyeya exana Nacom pia petanacuichiwa tatsi Nacom peyabara tsiwunae muxu dutsixae bapon barapo penacuichiwanexa xua Nacom pia peitorobin tatsi tsane yawa wapepa sacerdotepin tsane. Jesús beta xainyeya taexana, icha matha Moisés ichi xua poxonae daxita coyene beta xainyeya taexana Nacom piamonaetha xua Nacom nexa.

<sup>3</sup> Jesús pecapanepaexae jiwi bewa bichocono toxeincha barũ cui itara jinaetsi bapon beyacaincha xua barũ cui itara jinatsi Moisés. Barapocotsi jũta coyeneya ichi, bewa Jesús cana exanaetsi icha be poxonae jiton ichi xua bewa barũ cui itura jinaeinchi xua ainya cui exanatsi peacabixae bo beyacaincha xua bo xua ainya cui tsuncuae.

<sup>4</sup> Daxita ba bon tsoponae poxoru apra jiton peexanaexae. Ichitha jame pon yatsicaewa nama daxita coyenewan exana apra bapon Nacom.

<sup>5</sup> Bayatha Moisés apra pon petanacuichinchi Nacom. Bapon xainyeya daxita exana Nacom pia botha pocotsiwa Nacom itoroba. Bapon Moisés pia penacuichiwa tatsi saya xua yabara tsiwunae caunuta pocotsiwan xua bexa Nacom exanaena.

<sup>6</sup> Ichitha nama Cristo Nacom Pexantoxae tatsi xainyeya daxita exana Nacom nexa tsipei cana exana xua bapon canamataxeina daxita pomonae Nacom piamonae tatsi. Waxainchi Nacom piamonaetsi icha ajuntã yapusũya jume cowantapoinchi Cristo beya xua poxonae tãpaeinchi. Matautano waxainchi Nacom piamonaetsi icha jantã coyene weiweinaya wãnae ewatatsi pocotsiwa bexa Nacom wanaca tsixanaewa tsane.

#### *Meje yabara xua nafifna caewata Nacom piamonae tatsi*

<sup>7</sup> Cristo ainya cui peexanaexaetsi beyacaincha xua Moisés ainya cui exanatsi daxota Nacom pia Pejumope tãnaxũ tatsi naca itoroba xua bewa jume taetsi Cristo. Baxua paeba Nacom pia Pejumope tãnaxũ tatsi. Nacom Pejume Diwesitha, jeye:

“Anoxuae pana nejume taema pocotsiwa paca tsipaebatsi ponxaein Nacomxaein.

<sup>8</sup> Painya xoba pana nejumefebame painya

jũntũ coyenewatha xua daxota jopa  
 painya tana nejume cowũntsiwam.  
 Jopa bara paichinde icha pomonae ichi  
 xua poxonae bayatha nejume matawenta  
 xua exanan poxonae jinompa ichaxota  
 ira xuepana susato tsurucuae nacuatha.  
 Barapomonae nefayacoteiba poxonae  
 nejũntũ coyene jũjũteiba beya  
 poxonae anaepanan barapomonaetha  
 poxonae jopa xapain exaneibiyo.

<sup>9</sup> Barapomonae pomonae nejũntũ coyene  
 jũjũta, apara painya amo susato jiwi.  
 Barapomonae baxua inta exana poxonae  
 jopa nejume cowũntsiyo.

Baxua exaneiba beya poxonae cuarenta po  
 weibe tsuxubi bequein taiba pocotsiwa  
 xua taexaneiban barapomonae xua beya  
 cuarenta po weibetha.

<sup>10</sup> Daxota barapomonae caseban yawa yabara  
 jan barapomonae: ‘Barapomonae jopa benejume  
 cowũntsiyo pejũntũ coyeneintha yawa  
 jopa beyaputaeyo pocotsiwa ichichipan  
 taexanan barapomonae’, jan.

<sup>11</sup> Barapomonae caseban.  
 Tacoutha jume daunweya najan:  
 ‘Barapomonae bapana jopa patsi tsane  
 tanacuatha ichaxota po nacuatheicha  
 nafifinacaewatsina pomonae tana nejume  
 cowũntsiwi’, najan”, jei Nacom  
 pia Pejumope tũnaxũ tatsi,  
 Nacom Pejume Diwesitha.

<sup>12</sup> Tamonae pam, pomonae irũ painya nejume cowũntsi jiwixae Jesucristo. Painya  
 xoba paxeiname po jũntũ coyene bichocono abe, po jũntũ coyene jopa ichipaeyo xua  
 pejume cowũntsiwa Nacom, pon xua asũ popona.

<sup>13</sup> Jame maisa daxita matabin nantiya pana najũntũ coyene tsacabare xua  
 ajũntũyapũsũya painya nejinompaewa tsane. Daxita pam baxua paexande anoxuae  
 poxonae cataunxuae po dapaetha anoxuae petain paca itacũpa xua paexaname baxua.  
 Mataũtano baxua paexande xua jopa pata tana nejumefebiwam painya jũntũ coye-  
 newatha. Icha pana nejumefebame painya coutha pana namuxujainyabichipame xua  
 daxota abe painya neexanaewa tsane.

<sup>14</sup> Bewa xanepanaya ayapũsũya jume cowũnta dubenanaebiyaeinchi Nacom xua  
 beya poxonae tũpaeinchi. Icha baxua betiya ayapũsũya jume cowũnta dubenanae-  
 biyaeinchi icha ichichi poxonae aena jume cowũntatsi, baroxonae nayawa muxuna  
 xeinaeinchi Nacom pia nacuatheicha pocotsiwa Cristo xeina.

<sup>15</sup> Daxota equeicha paca tsipaebatsi xuaunxuae po diwesi paca tsipaebatsi xua Nacom  
 Pia Pejumope tũnaxũ tatsi cueicueijeji, jeye:  
 “Anoxuae pana nejume taema pocotsiwa paca  
 tsipaebatsi, ponxaein Nacomxaein.  
 Icha pana nejume taneme baroxonae painya xoba  
 pana nejumefebame painya jũntũ coyenewatha



xua daxota jopa pata tana nejume  
 cowantsiwam tsane.  
 Jopa bara paichinde icha pomonae ichi xua  
 poxonae nejume matawenta poxonae jinompa  
 ichaxota ira xuepana susato tsurucuae nacuatha”,  
 jei Nacom pia Pejumope tana tatsi.

<sup>16</sup> Payabara nanta xeinare pomonae jume tane xua Nacom pejume tatsi xua bapoxonae  
 Nacom jume matawentatsi. Daxita bapomonae apara pomonae Moisés mata cawarapa  
 Egipto nacua weya.

<sup>17</sup> Payabara nanta xeinare Nacom xua caseba xua beya cuarenta po weibetha tsuxubi.  
 Bapomonae apara israelmonae pomonae xua abe exana poxonae jinompa ichaxota ira  
 xuepana susato tsurucuae nacua beya, xuano xua baxota werapano.

<sup>18</sup> Payabara nanta xeinare pomonae Nacom daunweya yabara paeba, xua jei: “Bara-  
 pomonae bapana jopa patsi tsane tanacuatha ichaxota po nacuatheicha nafinacae-  
 watsina pomonae tana nejume cowantsiwi”, jei. Bapomonae apara israelmonae  
 pomonae xua jopa exanaeyo pocotsiwa Nacom itoroba.

<sup>19</sup> Bara yaputainchi xua barapomonae jopa itacupaetsi xua pepatsiwa Nacom pia  
 nacuatheicha tsipei jopa Nacom jume cowantsichi.

#### 4

<sup>1</sup> Waxainchi yabara jume cowanta dubenanaebiyatsi xua Nacom naca tsiwanae  
 muxu duta. Nacom naca tsiwanae muxu duta xua bara wanaca itacupaewa tsane  
 xua wapatsiwa pia nacuatheicha po nacua xua Nacom pia penafinacawatsi nacua.  
 Daxota poxonae cataunxuae naca itacupa xua wapatsiwa tsane barapo nacuatha  
 bewa yabara najanta coyene exabichi xua paxam jiwana jopa itacupaetsi xua  
 pepatopaewa Nacom pia nacuatha.

<sup>2</sup> Waxainchi barichichi jume tainchi barapo Nacom pia pecapanenebiyae diwesi,  
 icha bayatha barapomonae ichi xua jume tane barapo diwesi. Ichitha barapo diwesi  
 jopa yawenaetsi barapomonae xua pejume cowantsinexa Nacom, tsipei jopa jume  
 cowantsiyo barapo diwesi.

<sup>3</sup> Waxainchi nama barapomonaetsi xua wajume cowantsiwi barapo peca-  
 panenebiyae diwesi. Daxota naca itacupa xua wapatsiwa Nacom pia nacuatheicha  
 ichaxota bapon naca baru nafinacawatsina baxoteicha. Nacom wamo susato jiji  
 yabara paebatsi xuaunxuae paca tsipaebatsi. Jeye:

“Barapomonae caseban.

Tacoutha jume daunweya najan:

‘Barapomonae bapana jopa patsi tsane  
 tanacuatha ichaxota po nacuatheicha  
 nafinacawatsina pomonae tana nejume  
 cowantsiwi’, najan”,

jei Nacom Pia Pejumope tana tatsi.

Bequein baxua Nacom paeba ichitha caena bayatha weta barapo nacua ichaxota jiji  
 nafinacawatsina poxonae nacobe weta xua daxita forota barapo cae pin nacuathe.

<sup>4</sup> Po matabi pewan “siete matabi”, jei, barapo matabi Nacom Pejume Diwesitha  
 yabara paeba. Bapon jeye:

“Nacom nacuita seis po matabibibe.

Bapoxonae nafinacaeica po mataqueitha

pewan ‘siete matabi’, jei”,

jei Nacom Pejume Diwesitha.

<sup>5</sup> Equeicha Nacom Pejume Diwesitha jeye:

“Barapomonae bapana jopa patsi tsane tanacuatha

ichaxota po nacuatheicha nafifinacaewatsina pomonae tana nejume cowantsiwi”, jei Nacom.

<sup>6</sup> Ichitha cataunxuae acoibi ichamonae pomonae xua bexa tsane Nacom copatsina xua nafifinacaewatsina ichaxota bapon nafifinacaewata. Barapomonae jume cowantsina xua Nacom paeba. Pomonae copiya bequein jume taetha Nacom pia pecapanenebiyae jume barapomonae Nacom caena bayatha jopa copatsiyo xua barapomonae nafifinacaewata tsipei jopa jume cowantsiyo pocotsiwa Nacom paeba.

<sup>7</sup> Daxota Nacom nanta xeina xua equeicha pena matabi exana. Barapo matabi xua wun duta “anoxuae” jei xua pena coyene. Barapo matabi xua piamonae tatsi petaitacupaewatsi tsainchi xua nafifinacaewatsina. Baxua Nacom exana caena bayatha poxonae David popona xua ainya wei pirapae poxonae jinompa pomonae jopa copatsichi xua nafifinacaewata. Anoxuae Nacom bapocotsiwa naca tsipaeba pocotsiwa bayatha tsipaeba piamonae jiwitha, poxonae David popona, pon jeye:

“Icha anoxuae pajume naitaewatame pocotsiwa Nacom paca tsipaeba jopa pajumefebinde painya juntu coyenewatha xua daxota jopa Nacom painya nejume cowantsiwam”, jei David caena bayatha Nacom nexa.

<sup>8</sup> Josué caena bayatha wamo susato jiwi matabi Canaán nacua berena pomonae Israel piamonae tatsi. Apara jopa matabi ichaxota po nacua Nacom yabara paeba xua barapomonae nafifinacaewatsina. Icha Josué bayatha matabi barapomonae barapo nacua bapoxonae Nacom jopa nantawenonaetsipae xua exana icha matabi po matabi poxonae barapomonae itacupatsi xua pepatsiwa tsane barapo nacua, po nacua ichaxota Nacom yabara paeba.

<sup>9</sup> Daxota cataunxuae awiya barapo matabi tsoponae po matabi poxonae Nacom piamonae tatsi nafifinacaewatsina Nacom pia nacuatheicha.

<sup>10</sup> Tsipei pon weta pia penacuichiwa pocotsiwa Nacom itoroba bara itacupatsi xua nafifinacaewata ichaxota Nacom nafifinacaewata. Bapon baxua exana icha Nacom ichi poxonae nafifinacaeca, poxonae nacobe weta pia penacuichiwa xua poxonae forota daxitan.

<sup>11</sup> Daxota bewa ajuntusya jume cowanta dubenanaebiyaeinchi xua wanafifinacaewatsinexa tsane ichaxota Nacom nafifinacaewata. Baxua exanaeinchi xua ichamonae waxainchi jiwantsi jopa peyaseicaewa tsane xua nafifinacaewata. Waxainchi jopa ichipatsi xua icha ichamonae ichi xua jopa nafifinacaewatsiyo jopa pejume cowantsixae pocotsiwa Nacom paeba.

<sup>12</sup> Nacom Pejume Diwesi peajuntuyapus diwesi xuano peayapus itorobi coyene xeina. Barapo Nacom Pejume Diwesi barapocotsi juta coyeneya ichi xua icha ba cusi ichi xua po wato nantiya baru ducuabe. Barapo cusi taju uncuiya pebaruwa xua pepontha. Barapoxonae barapo cusi itapeinya xeina daxita pocotsiwan xeina wan iya xua matha iya dubeinya bupaniya. Ichitha Nacom Pejume Diwesi ayapus beyacaincha cusi tsipei barapo Nacom Pejume Diwesi itacupatsi taju bereca pona wajuntu coyenewatha ichaxota nanta xeinatsi. Barapo diwesi naca yaputane exana po coyenein xua wajuntu coyenewatha xeinatsi. Naca yaputane exanano po coyenein yabara nanta xeinatsi wajuntu coyeneintha.

<sup>13</sup> Dapocotsiwan aibi barapo cae pin nacuathe xua Nacom forota pocotsiwan xua xuan nantiyatarubena Nacom peitabaratha pocotsiwan xua bapon jopa taeyo. Daxitan naitatarubena xuano xua Nacom itacupatsi xua beta petaewa daxita coyenein. Nacomtha bexa yabara tsipaebinchi xua pocotsiwan bayatha exainchi.

*Meje yabara xua Jesús pepa sacerdotepin*

<sup>14</sup> Jesús अपरा Nacom Pexanto tatsi. Bapon wasacerdotepin, pon pepa sacerdotepin, pon bichocono yatsicaya peainya cuin. Bapon bayatha patopa Nacom peitabaratheicha tatsi. Daxota bewa ajuntuyarusuya jume cowanta dubenanaebiyaetsi bapon, pon yabara cueicueijeichi ichamonaetha.

<sup>15</sup> Barapo wasacerdotepin pon pepa sacerdotepin, naca weyatane xua wanaca yawe-naenexa poxonaе juntu coyene faefaenouneibatsi abe waexanaexae. Bapon baxua nacata exana, tsipei bapon barichichi juntu coyene jujutatsi xua abe peexanaenexa. Caurimonaе pia pentacaponaein tatsi juntu coyene jujuta icha naca ichi. Daichitha nama bapon Jesús bapana jopa abe exanae.

<sup>16</sup> Daxota bewa ajuntuyarusuya wucaetsi Nacom pon bichocono naca antobe. Jopa bewa junuwi tsainchi xua wacueicueijejwa Nacomtha. Bapoxonaе Nacom naca weyataena wanaca yabara jumentainaenexa xua abe waexanae cuiru coyenein. Matautano bapon wanaca antobexae naca yawenaena poxonaе po matabathitha canantawenoneibatsi, poxonaе naca juntu coyene jujuta.

## 5

<sup>1</sup> Jiwi ba barompaya pia xantha tatsi jiwana taitapetatsi pomonaе xua daxita cana exanatsi pepa sacerdotepiwi. Barapo sacerdotepiwi itorobatsi xua barapo sacerdotepiwi caunuta jiwi yabara poxonaе cueicueijej Nacom peitabaratha xua jiwi nexa. Matautano barapo sacerdotepiwi yabara tsiwun dubatsi po coyene jiwi petaexaneibiwa tsainchi Nacomtha pocotsiwan xua jiwi amanaya pecatsiwa Nacomtha abe peexanaexae. Matautano barapo sacerdotepiwi yabara tsiwun dubatsi po coyene xua jiwi petaexaneibiwa tsaibi tsainchi xua poxonaе duwei pejutebiwa pocotsi duwein xua jiwi amanaya pecatsiwa Nacomtha abe peexanaexae.

<sup>2</sup> Barapo sacerdotepiwi ichacuitha juntu coyene faefaenouneiba, poxonaе juntu coyene jujuteibatsi caurimonaе pia pentacaponaein tatsi xua abe peexanaenexa. Tsipei barapomonaе nacui yaputane xua poxonaе juntu coyene jujuteibatsi, daxota bara itacupatsi xua peyawenaewa ichamonaetha. Itacupatsi xua peyawenaewa pomonaetha pomonaе abe peexanaewi xua bequein jopa yaputaeyo xua abe exana, irun pomonaе yatsicaewa nacui yaputane xua abe exana.

<sup>3</sup> Barapo sacerdotepiwi irun abe exaneiba xua pejuntu coyene faefaenaexae poxonaе juntu coyene jujuteibatsi caurimonaе pia pentacaponaein tatsi. Daxota bewa irun pia coutha nata exanae po coyene xua duwei penata tautsinexa Nacom nexa icha poxonaе jiwi tacana ichichi poxonaе abe peexanaexae.

<sup>4</sup> Dapon ajibi xua pia coutha naexana pon pepa sacerdotepin. Jame ba Nacom bapocotsin yabara tsiwun duta xua penaexanaenexa pepa sacerdotepin. Matautano bapontha Nacom cata barapo peainya cui yabara matawun dutsiwa icha bayatha Nacom cana ichi pon pewun Aarón pon copiya pepa sacerdotepin naexana.

<sup>5</sup> Cristo bara cana ichichi. Bapon Cristo pia coutha jopa naexanaeyo pon pepa sacerdotepin xua peainya cuin penaexanaenexa. Aparajame Nacom cata barapo peainya cui yabara matawun dutsiwa xua pepa sacerdotepin penaexanaenexa. Bayatha Nacom yabara paeba Pexanto pejume diwesitha, barapo peainya cui yabara matawun dutsiwa xua penaexanaenexa pepa sacerdotepin, xua jeye:

“Xam अपरा taxantom.

Anoxuae xan jinya axaxaein.

Yabara catsiwan dutatsi barapo jinya nenacuichiwanexa”, jei Nacom.

<sup>6</sup> Equeicha Nacom Pejume Diwesitha xua Pexanto yabara paeba, jeye:

“Xam pon sacerdotepim, xua bara ataya tsiteaeya tsane, icha Melquisedec matha ichi pon caena bayatha popona.

Bapon pepa sacerdotepin naexana xua ataya tsitecaeya pepoponaein”, jei Nacom.

<sup>7</sup> Poxonae cataunxuae Cristo popona po cae pin nacuathe bichocono jume daunweya tsipaebeya Nacomtha xuano jume daunweya w<sub>h</sub>queibano beya poxonae bichocono wecoyei. Cristo w<sub>h</sub>queiba Nacomtha, pon bequein itac<sub>u</sub>patsi xua Cristo peyawenaewatsi xua jopa pet<sub>u</sub>paewa. Mexeya poxoru bapon itapetsiya peexanaexae pocotsiwa Nacom ichichipa daxota bara Nacom jume tane pocotsiwa Cristo w<sub>h</sub>ca.

<sup>8</sup> Bequein Cristo Nacom Pexanto tatsi, ichitha nacuiduba xua Paxa jume jejei xua exana pocotsiwa Paxa itorobatsi xua poxonae atene exanatsi xua ichamonae exana.

<sup>9</sup> Bapon pia coutha daxita naj<sub>u</sub>nt<sub>u</sub> cui yabara w<sub>h</sub>naeta poxonae atene xua penaexanaexa pepa sacerdotepin. Daxota bapon Cristo exana xua jiwi capanenebiyatsi abe pia peexanae cuiru coyenein weya xua ataya tsitecaeya tsane daxita pomonae pia pejume cow<sub>h</sub>ntsiwichixaetsi.

<sup>10</sup> Nacom yabara tsiw<sub>h</sub>n duta xua Cristo pepa sacerdotepin naexana, icha matha Melquisedec ichichi xua yabara tsiw<sub>h</sub>n dutatsi xua pepa sacerdotepin naexana, pon caena bayatha popona.

*Meje yabara xua poxonae muxuwetatsi pomonae Nacom pejume cow<sub>h</sub>ntsiwi xua pebarapentsiyainwa po coyene xua pejume cow<sub>h</sub>ntsiwa Nacom*

<sup>11</sup> Waxainchi xeinatsi nawita xua po coyene wayabara natsipaebinxua Cristo xu-aunxuae anoxuae paca tsipaebatsi. Daichitha bichocono ayapube xua paca yaputane exainchi tsipei painya coutha jopa pana nayabara copatsim xua bara painya neyabara yaputaewa tsane baxuan.

<sup>12</sup> Caena bayatha bewa pana naexanaem pomonae jiwi painya necuidubi jiwi pam. Daichitha cataunxuae panantawenoname xua ichamonae equeicha caewa yabara paca cuiduba Nacom Pejume Diwesi pocotsiwan xua jiwi nantawenona copiya nacuiduba poxonae aena jume cow<sub>h</sub>nta. Paxam pomonae equeicha caewa paj<sub>u</sub>nt<sub>u</sub> coyene faefae-name, xua painya nejume cow<sub>h</sub>ntsiwa. Barapo coyene icha be poxonae pexui ichi xua nantawenona mito, jopa peitac<sub>u</sub>paexaetsi xua pexaewa pewito.

<sup>13</sup> Pexui poxi isainatsi ba nantawenona mito poxoru pewito jopa xaeyo. Barapocotsi j<sub>u</sub>ta coyeneya paichim. Paxam jopa paca itac<sub>u</sub>paeyo xua painya neyabara yaputaewa Cristo pia pecuidubiwa xua po coyene xanepanaya painya nejinompaewa.

<sup>14</sup> Nama pewi jopa apara pexui nexiyo poxi isainatsi, jame apara ba pomonae pinyon nexa. Barapocotsi j<sub>u</sub>ta coyeneya ichi pomonae ba xaniwaicha jume cow<sub>h</sub>nta pia j<sub>u</sub>nt<sub>u</sub> coyeneintha barapomonae jopa abe exanaeyo. Barapomonae nacuiduba xua yabara yaputane po coyene abe yawano po coyene w<sub>h</sub>nae.

## 6

<sup>1</sup> Barab<sub>u</sub> nacui barapentatsi xua nayabara cueicueijeichi pocotsi coyenein xua copiya naca cuiduba xua Cristo yabara poxonae aena jume cow<sub>h</sub>ntatsi. Jame barab<sub>u</sub> nanta xeinatsi, po coyene pepa pena coyene icha pomonae pinyon ichi xua pocotsiwan nanta xaina pomonae beta jume cow<sub>h</sub>nta. Po coyenein xua bayatha copiya naca cuiduba xua Cristo yabara, jopa nantawenonaetsi xua equeicha wanacuidubiwatsi po coyenein xua abe waexanaexae bewa aura tsainchi xua daxota nacui barapentatsi po coyenein abe, po coyenein xua ba naca wepu tsana exana Nacom weya. Mata<sub>u</sub>tano jopa nantawenonaetsi xua jume cow<sub>h</sub>ntsinchi Nacom.

<sup>2</sup> Barapocotsiwanje jopa nantawenonaetsi xua equeicha caewa nayabara cueicueije-ichi tsainchi tsipei bayatha payaputaneme. Mata<sub>u</sub>tano jopa equeicha nantawenonaetsi xua caewa nayabara cueicueije tsainchi xua bewa bautisabinchi. Mata<sub>u</sub>tano jopa

nantawenonaetsi xua equeicha caewa nayabara cueicueijeji tsainchi xua poxonae Nacom pejume cowantsiwi pecobetha pemataboco jayabiwatsi xua pexeinaenexa rejuntui cui coyenein po rejuntu coyene Nacom pia Pejumope tñaxu tatsi cata. Matautano jopa nantawenonaetsi xua equeicha caewa nayabara cueicueijeji tsainchi xua equeicha jiwi asu peexanaewatsi petupae cuiru coyene weya. Barichi jopa nantawenonaetsi xua equeicha caewa nayabara cueicueijeji tsainchi xua poxonae Nacom yabara paebina jiwi xua penatsicuentisiwa xua abe peexanaexae Nacomtha. Barapoxonae Nacom itawetsina xua bara ataya tsitecaeya tsane abe peexanaexae.

<sup>3</sup> Jame barabu nayabara cueicueijeji tsoponae tsainchi icha coyenein xua pena coyene icha Nacom bara naca cui yabara copatsina.

<sup>4</sup> Ichamonaе penta xua Cristo pejume cowantsiwatsi. Daxota jopa neyapucupaeyo xua equeicha tacuidubiwa Nacom Pejume Diwesi barapomonaetha. Barapomonaе Nacom pia pejume xainyeiwa nacuiduba, xuano yaputane Cristo pon Nacom itoroba po cae pin nacuathe tsique. Matautano barapomonaе xeina po rejuntu coyenein Nacom pia Pejumope tñaxu tatsi cata.

<sup>5</sup> Matautano barapomonaе yabara jume cui jujuta Nacom Pejume Diwesi xua daxota yaputane xua barapo diwesi bara xanepana. Matautano barapomonaе tane po peayapusu itorobi coyenewa Nacom pia Pejumope tñaxu tatsi cata jiwitha xua barapo jiwi barapo coyenewatha exana pexeinya petsita itubi coyenewan beya poxonaе Cristo equeicha patopaena.

<sup>6</sup> Icha daxita barapo coyenein barapomonaе equeicha nacui barapenta xua jopa Nacom pejume cowantsixaetsi, bapoxonaе nama jopa itacupaetsi xua equeicha caewa pejume cowantsiwa Nacom. Poxonaе Nacom equeicha pentatsi baxua be barapomonaе equeicha Jesús caewa bexotsi naetha. Barapomonaе exana xua jiwi Nacom Pexanto tatsi yabara jume cui caponatsi tsipei jopa Nacom jume cowantsichi. Baxua icha be poxonaе ichamonaе ichi poxonaе matha Jesús naetha bexotsi xua daxota daxita jiwi Jesús cui caponatsi.

<sup>7</sup> Pabi ba po iratha ema mu jojoneca poxonaе ema duneiba barapo iratha, barapo pabitha jiwi pexaewa uba. Nacom exana barapo iratha xua pexaewa xaniwaicha taxainwaetsina xua pomonaе peubimonaе taxainwaetatsi.

<sup>8</sup> Ichitha icha icha pabi saya u pesoiwan xuwa, barapo pabi jopa wunaeyo poxoru jiwi jopa yawenaetsi poxonaе uba barapo pabitha. Daxota Nacom exana xua barapo pabi jiwi tautsina xua pesoiwan daxita tupa peexanaenexa. Icha Nacom cana ichi pabintha bara juta cana ichiya exana jiwitha. Icha jiwi Nacom jume cowanta dubenanaebiya, bara Nacom beta exanaena barapo jiwi. Ichitha icha barapo jiwi Nacom pentatsi, Nacom jopa yawenaе tsane barapo jiwi. Saya jame Nacom itoroba xua barapo jiwi petautsiwa tsainchi po isotha xua bapana jopa itacounayiyo.

*Meje yabara xua wawunaе ewatsiwa xua pocotsiwa Nacom yabara wanaca tsiwunaе muxu dutsiwa*

<sup>9</sup> Tamonaе pam, paxam pomonaе tapaca caantobe jiwichi pam. Bequein baxuan yabara paca tsipaebatsi, xua jiwi petautsiwatsi ichitha paca yabara yaputainchi xua jopa papentsim Nacom. Yaputan xua bara beta paexaname Nacom painya nepaca capanenebiyaexae.

<sup>10</sup> Tsipei Nacom bara xainyeya exana. Nacom jopa paca yabara junteinae tsane pocotsiwan xua bayatha paexaname. Matautano jopa paca yabara junteinae tsane xua ichamonaе painya neyawenaewa pomonaе iru pejume cowantsiwi Nacom. Baxua patsita itapeinya xeiname xua painya neantobexae Nacom. Baxuan caena bayatha paexanaponame, awiya cataunxuae baxuan paexanaponame.



<sup>11</sup> Bequein baxua paexaname daichitha paichichipan xua daxita paxam awiya payawenaponaename ichamona. Ajuntayarusya rawnae ewataponare pocotsiwa Nacom yabara paca tsiwnae muxu duta xua beya payacuiya werapaeya othopaename.

<sup>12</sup> Jopa paichichipaeinyo xua payabara ajuntucoyenefaetabim xua rawnae ewatame baxua tsipei jopa pana nayabara copatsim xua painya neyabara yaputaewa tsane baxua. Jame maisa bara jutiya paichiponaende, icha ichamonae ichi xua poxonae bichocono jume cowanta Nacom. Matautano barapomonae jopa bepijawa aitaconaeyo xua wnae ewata pocotsiwa Nacom yabara tsiwnae muxu duta.

<sup>13</sup> Poxona Nacom yabara tsiwnae muxu duta Abrahamtha, Nacom pia wantha yabara tsiwnae muxu duta Abrahamtha. Baxua Nacom pia wantha paeba tsipei dapon aibi pon bichocono ainya cui xua beyacaincha Nacom. Nacom ataya jume xainyei paeba daxota Nacom jopa icha wantha paebiyo.

<sup>14</sup> Nacom jeye Abrahamtha: “Bara xaniwaicha bichocono cayawenaechi. Jinya nemomoxi jiwi pia pemomoxi susato jiwi tatsi pinmonae exanaein”, jei Nacom.

<sup>15</sup> Abraham abu saya beitemaya wnae ewatapona pocotsiwa Nacom yabara tsiwnae muxu duta, jopa aitaconaeyo. Baroxonae pirapae Abraham catatsi pocotsiwa Nacom bayatha yabara tsiwnae muxu duta bapontha.

<sup>16</sup> Poxonae jiwi ba yabara natsiwnae muxu duta xua pocotsiwa bepa pinae exaneibina, pewantha paeba, po wun xua ichan pewan tatsi pon xua bichocono ainya cui beyacaincha xua barapomona. Barapomona baxua exana xua ichamonae peyaputaenexa xua bara xaniwaicha xainyeya peexaneibinexa pocotsiwa xua penayabara tsiwnae muxu dubeibixae. Baroxonae ichamonae jopa itacupaetsi xua baxua yabara jume matsontsonoba barapomonaetha.

<sup>17</sup> Nacom ichichipa xua tsita itapeinya xeina piamonaetha, pomonaetha pomona pecatsixae tsane pia petsiwnae muxu dutsiwa xua jopa equeicha ichawa nanta xeinae tsane xua pocotsiwa exanaena. Nacom ichichipa xua barapomona peyaputaewa tsane xua bapon xaniwaicha exanaena pocotsiwa bayatha yabara tsiwnae muxu duta Abrahamtha. Daxota Nacom yabara tsiwnae muxu duta pia wantha.

<sup>18</sup> Ainya coyenewabe Nacom exana po coyenewabe xua jopa itacupaetsi xua ichawa yabara jume toxechiya exana. Meje baxue: Icha coyenewa Nacom yabara tsiwnae muxu duta; icha coyenewano xua Nacom pia wantha yabara paeba xua pocotsiwa exanaena. Nacom jopa itacupaetsi xua peyabara naerabiwa barapo naxobe coyenebe. Waxainchi pomonaetsi xua pentatsi po coyenein barapo nacue pia coyenein, po coyenein xua abe exanatsi naca cana exana. Matautano jume cowantsiya wnae ewatatsi xua Nacom wanaca yawenaewa tsane xua naca capanenebiya abe waexanae coyenewa weya. Barapocotsiwa bayatha naca yabara tsiwnae muxu duta.

<sup>19</sup> Waxainchi wnae ewatatsi xua Nacom bexa naca capanenebiya tsane. Wajume cowantsixae baxua daxota naca juntu coyene ayarusu exana. Naca itacupa xua wayabara jume cowantsiwa. Wawnae ewatsixae baxua naca yawena xua beta jinompatsi Nacom nexa. Baraxua icha be poxonae jera ichi xua tuwutha babatabaruta pocotsiwa xua xota bichocono arewe xua jera beta perucuaenexa. Tsipei xaniwaicha wnae ewatatsi pocotsiwa Nacom exanapaeba, baxua naca cana exana xua nacaewabatsi Nacomtha xua caemona nanaexanatsi bapontha. Nacom itaboco beequiya, paparuwa peuma werena pia botha eca xua tututhiya xua pin botha ichaxota wapatsiwa tsane.

<sup>20</sup> Jesús itaboco beicha naca tsiwnae patopiya Nacom pexainya beicha tatsi. Bapon copiya bewa bara bepatopiyaena xua wanaca mataponaenexa xua iru wanaca itacupaewa tsane xua wapatsiwa tsane bara beicha Nacomtha. Daxota poxona baxua exana Jesús naexana pepa sacerdotepin icha matha Melquisedec ichi pon caena bayatha popona.

## 7

*Meje yabara xua Jesús pepa sacerdotepin naexana, icha matha Melquisedec ichi*

<sup>1</sup> Bapon Melquisedec caena bayatha Salem tomarapiwi itorobiya pia pepa peewatsinchi. Matautano bapon sacerdotepin pon petsipaebin Nacomtha jiwi nexa, pon Nacom xua itaboco beequiya. Abraham caibe nawirena xua poxonae nawabchuta xua poxonae yotaba ainya nacuanpiwi pomonae jiwi itorobiya pia pepa peewatsiwichi xuano xua poxonae Abraham juteba barapomona. Bapoxonae Melquisedec matenta iya, Abraham matenta iyatsi. Melquisedec Abraham jeichichi: “Barabꝰ Nacom beta cayawenaena”, jei Melquisedec.

<sup>2</sup> Abraham nota pocotsiwan xeina pomonae jiwi itorobiya pia pepa peewatsiwichi xua peamanayabixae poxonae juteba. Abraham ainyawan capana, xua diez xuanbe. Jiwana wetsatsaba tsiniya xua Melquisedec pecatsinexatsi sacerdotepinxae. Bapon Melquisedec hebreomona pijumetha yabara wꝰn caunuta xua jei: “Bapon jiwi itorobiya pia pepa peewatsinchi pon xua beta peexanaein”, jei. Bapon Melquisedec Salem tomarapiwi itorobiya pia pepa peewatsinchi. Barichi barapo Salem wꝰn hebreomona pijumetha yabara wꝰn caunuta xua jei: “Jꝰntema popona”, jei. Daxota barapo naxobe wꝰnbe yabara wꝰn caunutatsi xua jeye: “Pon jiwi itorobiya pia pepa peewatsinchi xua beta peexanaein xuano xua jꝰntema popona”, jei xua hebreo jumetha.

<sup>3</sup> Nacom Pejume Diwesitha Melquisedec paxa tatsi pewꝰn jopa yabara yopitichi. Matautano pena tatsi jopa yabara yopitichi. Barichi jopa yabara yopitichi pia pamo susato jiwi tatsi. Matautano bapon jopa yabara paebichi ichaxota naexana. Matautano jopa yabara yopitichi ichaxota bapon naxuba. Bapon apara sacerdotepin xua ataya tsitecaeya pon petsipaebin Nacomtha jiwi nexa. Bapon sacerdotepin xua ataya tsitecaeya icha ichi pon Nacom Pexanto tatsi pon pepa sacerdotepin.

<sup>4</sup> Payabara nanta xeinare xua bapon Melquisedec bichocono Abraham tsita ainya cuichi. Abraham pon wamo susatopin bapontha cata xua bayatha diez xuanbetha caewan jiwana wetsatsaba tsiniya. Baxua xua xuan Abraham cata apara xua bayatha yabara amanayaba pomonaetha pomonae jiwi itorobiya pia pepa peewatsiwichi xua poxonae Abraham juteba.

<sup>5</sup> Moisés pia peitorobi coyenewatha jeye: “Sacerdotepiwi pomona Levi pia pemomoxi susato jiwi tatsi, itacꝰpatsi xua bara nota caewan pocotsiwa xua jiwi catsiba xua poxonae jiwi diez xuanbe caewan jiwana wetsaba pocotsiwan xua xuan xeina”, jei Moisés pia peitorobi coyenewatha. Barapo sacerdotepiwi baxuan exana barapo jiwitha yaitama piamona tatsi. Matautano exaneiba yaitama barapo jiwi Abraham pia pemomo susato jiwi tatsi icha barapo sacerdotepiwi ichi.

<sup>6</sup> Ichitha Melquisedec jopa Levi pia pemomoxi susato jiwi tatsi. Bequein bapon jopa dapomonaeyo daichitha Abraham catsiba bapontha poxonae caewan jiwana wetsaba tsitsiniya daxita xua diez xuanbetha jiwanan. Abraham xeina peyabara tsiwꝰnae muxu dutsiwan, po peyabara tsiwꝰnae muxu dutsiwan bayatha Nacom yabara tsiwꝰnae muxu duta. Bequein Abraham xeina po peitorobi coyenewa xua itacꝰpatsi xua jeye ichamonaetha: “Barabꝰ Nacom beta cayawenaena”, xua jei, ichitha Melquisedec baxua Abraham tsipaebatsi.

<sup>7</sup> Jiwi ba yaputane xua ba bichocono ainya cui pon xua jeye: “Barabꝰ Nacom beta cayawenaena”, pon jei. Bapon bichocono ainya cui beyacaincha pon xua pebaraunchixaetsi. Daxota yaputainchi xua Melquisedec bichocono ainya cui beyacaincha xua Abraham tsipei Melquisedec tsipaeba Abraham xua Abraham tsipaebatsi.

<sup>8</sup> Anoxuae po dapaethe sacerdotepiwi pomonae pomonaetha xua jiwi catsibeiba xua poxonae diez jiwana wetsabeiba, barapo sacerdotepiwi saya jiwi xua saya pewera-paewa tsane. Ichitha nama Nacom Pejume Diwesitha Melquisedec yabara paebatsi pon xua ataya tsitecaeya pepoponaein xua jopa petꝰpaewa.

9-10 Metha jame be icha iche: Poxonae Abraham cata Melquisedectha poxonae caewan jiwana wetsaba diez xuanbe jiwana, bapoxonae cataunxuae abũ Leví jopa naexanaeyo. Matautano Leví pia pexui tatsi cataunxuae jopa naexanaeyo. Barichi cataunxuae pia pemomoxi susato jiwi tatsi cataunxuae jopa naexanaeyo. Bapon Leví pon matapainya pepa sacerdotepin canamata canaexana poxonae cotacaya ichamonae irũ sacerdotemonae naexana. Bapoxonae sacerdotepiwi naexanumenapona. Bapon tsipaebeiba Nacomtha jiwi nexa. Poxonae Abraham catsiba Melquisedectha xua poxonae caewan jiwana wetsaba diez xuanbe Nacom be tsitatsi xua apara be Leví irũ cata xua irũ be bara Leví pia pemomoxi susato jiwi tatsi catsiba. Poxonae Abraham cata Melquisedectha xua diez xuanbe caewan jiwana wetsaba, bapoxonae yawa muxuna cata pia pemomoxi susato jiwi tatsi nexa bequein barapomonae jopa cataunxuae naexanaeyo.

11 Sacerdotepiwi po sacerdotepiwi Leví canamata canaexana sacerdotepin, barapo sacerdotepiwi israelmonae catatsi Moisés pia peitorobi coyenewa tatsi. Daxita barapo sacerdotepiwi Aarón pia pemomoxi susato jiwi tatsi. Barapo sacerdotepiwi jopa itacũpaetsi xua jiwi cana exanatsi xua penajũntũ coyene xanepana exanaewa Nacomtha xua penatsicuentisiwa yabara xua abe peexanaexae Nacomtha. Bequein sacerdotepiwi exanapona pocotsiwa itoroba barapo Moisés pia peitorobi coyenewatha ichitha awiya jopa itacũpaetsi xua jiwi yawenatsi. Daxota jiwi equeicha canamatawenona icha sacerdotepin. Barapo sacerdotepin jopa bewa exanae icha Aarón pia pemomoxi susato jiwi tatsi jiwana ichi. Jame barapo sacerdotepin bewa exanaena icha Melquisedec ichi.

12 Poxonae Nacom icha sacerdotepin cana exana be pocotsin icha Melquisedec ichi bapoxonae yawa muxuna bewa exanaena pena peitorobi coyenewa.

13 Barapo pena sacerdotepin pon Wanacanamataxeinaein, bapon baxua yabara pae-batsi Nacom Pejume Diwesitha. Bapon apara Israel pemomoxi susato jiwi jiwana pin pomonae jiwana xua doce po bicheitobe. Ichitha bapon naexana icha bicheito dena xua Judas pia bicheito dena po bicheito dena bayatha bapana jopa jiwana naexanaeyo sacerdotepin.

14 Daxita jiwi yaputane xua barapon pon Wanacanamataxeinaein naexana Judá barompaya pia pemomoxi susato jiwi dena tatsi. Poxonae Moisés yabara paeba sacerdotepiwi Moisés jopa yabara paebiyo xua Judá pia pemomoxi susato jiwi jiwana tatsi naexanaena sacerdotepin.

15 Daxota waxainchi xaniwaicha bara yaputainchi xua barapo pena sacerdotepin naexana icha sacerdotepiwi yaiwi, icha Melquisedec ichi pon pepa sacerdotepin.

16 Bapon Cristo jopa naexanaeyo sacerdotepin xua poxoru Moisés pia peitorobi coyenewatha pepaebixae xua Leví pia pemomoxi susato jiwi jiwana tatsi bewa naexanaena sacerdotepin. Jame apara Cristo sacerdotepin naexana Nacom pia peayapusũ itorobi coyenewatha xua pexeinaexae peajũntũcoyenesũwa po peajũntũcoyenesũwa ataya tsiteca xua jopa itacũpaetsi xua peweraweracaewa.

17 Nacom Pejume Diwesitha Cristo baxua yabara jeichichi:

“Xam sacerdotepim naexaname ataya xua petsitecaenexa, barapo sacerdote yajiwim icha Melquisedec ichi xua sacerdotepin”,  
jei Nacom Pejume Diwesitha,  
xua Cristo yabara paebatsi.

18 Nacom cana exana xua Moisés pia peitorobi coyenewa tatsi jiwi jopa canantawenon-  
aeyo tsipei barapo coyenewa jopa xeinaeyo peayapusũwa xua jiwi cana exanatsi xua  
jopa pexeinaewa penatsicuentisiwa xua abe peexanaexae Nacomtha. Matautano jopa

itacupaetsi xua jiwi pecanaexanaewatsi xua pecapanenebiwatsi abe pia peexanae cuiru coyene weya.

<sup>19</sup> Barapo Moisés pia peitorobi coyenewa tatsi bapana jopa itacupaetsi xua jiwi juntu coyene xanepana exanatsi Nacomtha. Daxota anoxuae pena coyenewa xeinatsi xua ainya cui beyacaincha po coyene xua copiya. Barapo pena coyenewa naca cana exana xua wunaewatatsi pocotsiwa Nacom exanapaeba xua barapo pena coyenewaxae daxota anoxuae Nacom naca yaputane xua piamonaexae tatsichi.

<sup>20</sup> Nacom xainyeya yabara tsiwunaewatatsi muxu duta pia pewantha xua Cristo naexanaena sacerdotepin xua ataya tsitecaeya. Jopa nama Nacom pia pewantha yabara tsiwunaewatatsi muxu dutsiyo xua sacerdotepiwi penaexanaenexa pomonae Leví pia pemomoxi susatopiwi tatsi.

<sup>21</sup> Ichitha poxonaewatatsi Cristo pon jiwi Pecanamataxeinaein sacerdotepin naexana, bapoxonaewatatsi ichan, Cristo yabara paebatsi Nacom Pejume Diwesitha, jeye:

“Nacom pia pewantha yabara tsiwunaewatatsi muxu duta, ichawa jopa toxeincha yabara exanaewatatsi tsane.

Poxonaewatatsi Nacom yabara tsiwunaewatatsi muxu duta, bapon jeye Pexantotha: ‘Xam sacerdotepim xua ataya petsitecaenexa’, jei Nacom”, jei ichan xua Nacom tapaebatsi Nacom Pejume Diwesi.

<sup>22</sup> Poxoru Nacom tsiwunaewatatsi muxu duta xua Jesús naexanapaeba sacerdotepin daxota Nacom tsita itapeinya xeina xua exanaena xua bayatha paeba barapo pena coyenewatha.

<sup>23</sup> Bayatha sacerdotepiwi pinmonae tsoponae. Ichitha barapo sacerdotepiwi naitap-ataya werapouneiba, yawa ichamonaewatatsi naexana sacerdotepiwi. Dapon aibi barapo sacerdotepiwi jiwana pon itacupatsi xua pewetsiwa pia peexanaewatatsi coyenewan tsipei daxita werapouneiba.

<sup>24</sup> Ichitha poxoru Jesús ataya asu pepoponaexae daxota ataya tsitecaeya exanaena pia peexanaewatatsi coyenewa icha pepa sacerdotepin ichi. Jopa nantawenonaeyo xua ichan Jesús pecoutha tanacuitatsi pon xuya sacerdotepin naexana.

<sup>25</sup> Daxota bapon ataya tsitecaeya itacupatsi xua jiwi ataya pecapanenebiwatsi pomonae xua pepatsiwa tsane Nacomtha pomonae xua Nacom peyaputaewi pejume cowantsi jiwixae Jesús. Jesús baxua exana ataya tsitecaeya asu pepoponaexae xua pewucaenexa Nacomtha xua barapo jiwi peyawenaenexatsi.

<sup>26</sup> Nacom tsita xanepanatsi xua Jesús pepa sacerdotepin naexana xaniwaicha, po sacerdotepin wacanamatawenonaexae. Yatsicaewa bapon bichocono pejuntu coyene xanepanaein Nacomtha. Bapon Jesús jopa abe exanaeyo ichamonaetha. Nacom tsitatsi xua Jesús jopa natsicuentiyo poxoru abe jopa exanaeyo Nacomtha. Bapon Jesús seicaya exana ducunaebiya. Jopa exanaeyo icha be ichi pomonae abe peexana dubenanaebiyaewi. Bapon Jesús Paxa capoinchi po itaboco tajua beicha po itaboco beyacaincha xua necoichatsi xua Jesús barapo itaboco beicha Paxa ainya cui exanatsi.

<sup>27</sup> Pepa sacerdotepiwi ba bewa exaneibina po coyene xua duwei jutebeiba iboto matatsuntha xua tuxusi exaneiba Nacom nexa, daxita matacabintha tsaibi. Baxuan nata exaneiba copiya abe pia peexanaewatatsi coyenewan nexa. Bapoxonaewatatsi cotacaya jiwi taexaneibatsi abe pia peexanaewatatsi coyenewan nexa. Nama Jesús jopa barichiyo. Nama seicayiya icha coyeneya exana. Bapon Jesús pia pepon nata caenaeta xua tupa exanatsi saya bara cae cui coyenetha daxita carepaya jiwi nexa xua jiwi abe pia peexanaewatatsi cuiru coyenewan tatsi nexa.

<sup>28</sup> Moisés pia peitorobi coyenewa tatsi canacui coyene exanatsi xua bara saya jiwi naexana pepa sacerdotepiwi. Barapo pepa sacerdotepiwi abe exana xua saya pecui



pawi. Barapomonae jopa pejuñta cui coyene xanepanae jiwi Nacomtha. Ichitha Nacom yabara tsiwñae muxu duta pia wñtha xua Pexanto cana exana pepa sacerdotepin, po sacerdotepin yatsicaewa ataya tsitecaeya bichocono pejuñta coyene xanepanaeinxae Nacomtha. Baxua Nacom exana xua yabara tsiwñae muxu duta xua pepuya weya tatsi poxonae Moisés catatsi peitorobi coyenewa.

## 8

### *Meje yabara xua Jesús pon pejume yawenaein jiwi Nacomtha*

<sup>1</sup> Anoxuae xua pocotsiwa xua bichocono peainya cui coyenewa meje baxue: Waxainchi xeinatsi yatsicaya pepa wasacerdotepin, pon yatsicaewa bichocono pejuñta coyene xanepanaein Nacomtha xuaunxuae yabara paca tsipaebatsi. Bapon eca pia peitapanae ecaethopaewatha Nacom pia pecoxa weya tatsi, peitabocotha.

<sup>2</sup> Anoxuae Jesús nacuita Nacom pia xantheicha tatsi po penacuichi coyeneya sacerdotepiwi exana Nacom pia botha tatsi xua itabocotha. Barapo bo yatsicaewa Nacom pia pexainyei bo tatsi ichaxota popona xua itabocotha. Nacom pon jiwi Pecanamataxeinaein exana barapo bo. Jiwi jopa exanaeyo barapo bo.

<sup>3</sup> Nacom daxita carepaya pepa sacerdotepiwi yabara tsiwñ dubatsi xua jiwi petaexanaenexa tsaibi tsainchi po coyene pocotsiwa xua jiwi amanaya pecatsiwa Nacomtha. Matautano barapo pepa sacerdotepiwi yabara tsiwñ dubatsi xua jiwi petaexanaenexa tsaibi tsainchi po coyene xua duwei pejutebiwa pocotsi duwein xua jiwi amanaya pecatsiwa Nacomtha xua abe peexanaexae. Daxota Jesús irñ bewa bara ichiya exanae xua Nacom taexanatsi ichi sacerdotepiwi ichi poxonae Nacom taexanatsi.

<sup>4</sup> Icha metha barapo dapaetha Jesús poponaetsipa barapo irathe poxonae iruru jinompa barapo sacerdotepiwi po sacerdote Aarón yaiwi jopa itacupaetsipaetsi xua cana exainchi pepa sacerdotepin. Tsipei cataunxuae barapo irathe sacerdotepiwi yaiwi exanapona pocotsiwa Nacom nexa xua Moisés pia peitorobi coyenewatha pecui itorobixae.

<sup>5</sup> Ichitha barapo sacerdotepiwi tanacuita be pocotsiwa xua saya penajupae coyenewa xua jopa pexainyei coyenewa. Pocotsiwa jame xua pexainyei coyenewa, baxua jame Jesús exana peitabocotha. Pocotsiwa xua barapo sacerdotepiwi tanacuita saya be penajupae coyenewa ichitha xaniwaicha jopa najupaeyo xua be pocotsiwa Jesús exana peitabocotha. Baxua yaputainchi poxonae Nacom Moisés tsipaebatsi. Poxonae Moisés muxu pecuaranotsi anseraboco xua ichaxota jiwi wñae jainteibina Nacomtha bapoxonae Nacom Moisés tsipaebatsi. Nacom jeye: “Yabara nanta xeinare xaniwaicha xua daxita beta neexanaenexa anseraboco xua bayatha pocotsiwa yabara catsita itapeinya xeinatsi demxuwatha. Barapocotsi anserabocontha seicaya jiwi newñae jainchina”, jei Nacom.

<sup>6</sup> Nama Cristo, yatsicaya pon wasacerdotepin, bapon exana itaboco beicha pocotsiwa xua yatsicaewa bichocono peainya cui coyenewa. Barapo coyene bichocono ainya cui beyacaincha po coyenewa xua peru coyenewa xua po coyeneya icha sacerdotepiwi exaneiba barapo irathe. Cristo jiwi yabara jume yawenatsi Nacom beicha xua jiwi pepatsinexa Nacomtha. Barapo pena coyenewa Nacom yabara tsiwñae muxu duta xua bichocono wñae beyacaincha barapo peru coyenewa po coyenewa pocotsiwa sacerdotepiwi exaneiba. Barapo pena coyenewa jiwi juñta coyene xanepana exanatsi Nacomtha. Ichitha barapo peru coyenewa jopa daichiyo.

<sup>7</sup> Bayatha peru petsiwñae yabara muxu dutsiwa Nacom Moisés yabara tsiwñae muxu dutatsi. Icha barapo coyenewa xainaetsipa peayapuswa xua daxota jiwi beta juñta coyene xanepana exanatsi Nacomtha, metha jopa nantawenonaetsipae icha pena petsiwñae muxu dutsiwa.



<sup>8</sup> Ichitha Nacom tane xua barapo jiwi jopa pejuntũ coyene xanepanae jiwi bapontha poxonae barapo peru peyabara tsiwũnae muxu dutsiwa xeina. Daxota ichũn Nacom Pejume Diwesitha jeye:

“Nacom jeye: Maticabin othopaena, po maticabintha pena petsiwũnae muxu dutsiwa exanaein Israel nacuapiwi pia pemomoxi susato jiwitha tatsi irũ Judea nacuapiwi pia pemomoxi susato jiwitha tatsirũ.

<sup>9</sup> Jopa bara jũta coyeneya ichin tsane poxonae matha icha ichin painya amo susato jiwitha. Barapo coyene barapomonaetha catan poxonae maticaponan Egipto nacua weya.

Daichitha barapomonae jopa nacui yabara wũnaetsiyo xua peexanaenexa pocotsiwa itoroban poxonae catan barapo peyabara tsiwũnae muxu dutsiwa barapomonaetha. Daxota barapomonae punapentan, xua jopa tayawenaewa tsane, jei Nacom”, jei ichũn.

<sup>10</sup> Equeicha ichũn jeye:

“Nacom jeye: Barapo peyabara tsiwũnae muxu dutsiwa Israel nacuamonaetha, poxonae barapo maticabin wetsina bara baxua exanaein. Janje: Jiwi pejuntũ coyenewatha ichaxota nanta xeina taitorobi coyenewa baxota dubin. Barapoxonae barapomonae neyaputaena yawa nejume cowũntsiya jejei tsane. Tacoutha barapomonae pia Nacom tatsi naexanaein.

Barapomonae tamona naexanaena.

<sup>11</sup> Dapon aibi pon bewa cuidubina ichũntha xua xan yabara, xuano xua cuidubina pia jitontha xua xan yabara, mataũtano xua cuidubina peweicho xua xan yabara petana neyaputaewanexa tsane.

Jopa bewa cuidubi tsane barapomonae tsipei daxita jiwi neyaputaena pomona pecui pawu jiwi, irũno pomona peainya cui jiwi.

<sup>12</sup> Xan barapomona cui yabara jũntemainaein abe pia peexanae cuiru coyenein tatsi, xua jopa pexeinaewa tsane xua tana netsita natsicuentsiwa xua abe peexanaewaxae. Bapana ataya equeicha jopa yabara nanta xeinaein tsane barapo abe peexanae cuiru coyenein, jei Nacom”, jei ichũn Nacom Pejume Diwesitha xua saya Nacom tapaebatsi.

<sup>13</sup> Nacom yabara paeba pena peyabara tsiwũnae muxu dutsiwa tsipei po peyabara tsiwũnae muxu dutsiwa copiya Moisés yabara tsiwũnae muxu dutatsi saya peru jume. Pocotsiwa ba peru coyenewa ba saya weraweraca. Daxota barapo peru peyabara tsiwũnae muxu dutsiwa saya irũ weraweraca.

## 9

*Meje yabara xua Nacom pia bo tatsi po bo xua itabocotheicha uncuu xuano irurur po bo xua po irathe tsique uncuu*

<sup>1</sup> Nacom copiya Moisés yabara tsiwunaee muxu dutatsi. Barapo peyabara tsiwunaee muxu dutsiwa peitorobi coyenein xeina xua pocotsi coyeneya israelmonae bewa exanaena poxonaee nacaetuta xua wunaee pejainchinexatsi Nacom. Matautano barapo peyabara tsiwunaee muxu dutsiwa itoroba xua jiwi xeina po bo xua Nacom pia bo tatsi xua po irathe.

<sup>2</sup> Barapo Nacom pia bo jiwi exana duwein pebocoton xua be anseraboco. Barapo anseraboco ainya tutube xeina. Po tutu copiya dena pewun: “Nacom pia tutu po tutu ainya cui tutu xua jopa pexeinaewa peabe cuiru”, jei. Barapo tututha uncuu penainto po penaintotha itanatanota penasiwa. Matautano barapo tututha uncuu xua pexaethopaewa po pexaethopaewatha xua baxota jeba pan, po pan xua Nacom catatsi.

<sup>3</sup> Paparuwa xua dutsica barapo paparuwa peuma werena icha tutu xeina po tutu pewun: “Yatsicaewa Nacom pia tutu po tutu bichocono pepa peainya cui tutu xua jopa xeinaeyo peabe cuiru”, jei.

<sup>4</sup> Barapo tututha uncuu xua be pecaxaethopaewa xua u penainto xua oro wun nainto. Baraxota yubeibiya tauteibathopa petuxueiwa po petuxueiwa tuxusi tuxuei benata poxonaee tauta. Matautano barapo tututha uncuu xua be caja po caja pewun: “Nacom pia peyabara tsiwunaee muxu dutsi caja”, jei. Barapo caja peuma weya daxita matapaeicha caxueba oro naintontha. Barapo caja juntututha eca coroto xua oro nainto. Barapo corototha tsijuntutu boca po pexaewa pewun maná matawun xua itaboco pia pexaewa. Matautano barapo caja juntututha boca penacobenababi naewa po penacobenababi naewa bayatha Aarón xeina. Barapo naewa bayatha Nacom xuwa exana xua tsiwixi pirururur jei poxonaee pexeinya petsita itutsi coyene exana pia peayapusu itorobi coyeneyatha. Matautano barapo caja juntututha bobena iboton po ibotontha mata tinaduba Moisés pia peitorobi coyenewa.

<sup>5</sup> Barapo caja pemata xatatsiwa jumatha nacueyatabe ecabe ainya querubinbe matawunbe xua jumope canaxobiya exana oro naintotha, ponbe be matatsunpinbe. Barapo ainya querubinbe matawunbe yabara caunuta xua Nacom baxota eca. Barapo ainya querubinbe matawunbe naitama taecabe yawa nacuarafe yeyetecabe xua itata barapo caja pemata xatatsiwa. Matautano irabe tayecarecabe ichaxoya pejana nunababareca po jana duwein jana. Barapo duwein sacerdotepin bexuba jiwi abe pia peexanae cuiru coyenein tatsi nexa. Anoxuae baxua yabara equeicha jopa bepaca tsipaebichi.

<sup>6</sup> Daxita nacui wunaeta pocotsiwa xua barapo tutubetha nexa. Bapoxonaee sacerdotepiwi jojoneibeibiya daxita matabi po tututha xua copiya dena. Barapo sacerdotepiwi barapo tututha exaneiba pia penacuichiwa.

<sup>7</sup> Ichitha nama po tutu dabeya saya meisa joniyeiba pon pepa sacerdotepin xua saya caetho tha tsaibi xua daxita weithan tsaibi. Poxonaee barapo pepa sacerdotepin barapo tutu iya joniya bewa nata cajoniyaena duwein jana. Barapo jana nunababa ichaxota querubinbe matawunbe itabarayo deca xua bapon abe pia peexanae cuiru coyenewan tatsi nexa xuano xua iru jiwi abe pia peexanae cuiru coyenewan tatsi nexa xua poxonaee jiwi jopa nacui yabara yaputaeyo.

<sup>8</sup> Peyabara exanaewa daxita baxuan Nacom pia Pejumope tnanax tatsi naca cuiduba xuaje: Poxonaee cataunxae sacerdotepiwi taexana dubenanaebiya Nacom po tututha xua copiya dena, jiwi jopa copatsichi xua pata po tutu dabeya ichaxota Nacom popona.

<sup>9</sup> Daxita pocotsiwan barapo anserabocototha caena bayatha exana yabara caunuta xua anoxuae wayabara yaputaenexa baxua xua pocotsiwa anoxuae exana. Jiwi Nacom wunaee jainteibatsi poxonaee sacerdotepin exaneiba pocotsiwa xua jiwi pecatsiwa

Nacomtha xuano xua poxonae exaneibano xua duwei pejutebiwa xua tuxusi exana Nacom nexa. Bara bequein jiwi baxua exaneiba ichitha cataunxuae pia juntu coyenein tatsi cana exanatsi xua awiya yabara nanta xeina dubenanaebiya abe pia peexanae cuiru coyenein tatsi. Barapo coyene po coyene jiwi exana jopa beta juntu coyene xanepana exanaetsi xua jopa penatsicuentsiwa tsane Nacomtha xua abe peexanaexae.

<sup>10</sup> Barapo peru peitorobi coyenewa xua Moisés pia peitorobi coyenewa tatsi jiwi jopa yawenaetsi xua penajuntu coyene xanepana exanaewa Nacomtha. Saya apara yabara paeba xua jiwi bewa pocotsiwa xaibina poxonae nabaneiba, matautano xua xuan pocotsiwa bewa apeibina. Matautano jiwi itorobatsi xua po coyenein yabara xua jiwi beta penaperu xainwaetsiya nowaewa yabara pia wuna jainteibichi Nacom. Barapo coyenein xua saya jiwi bewa cana exanae pia pepontha beya xua anoxuae Nacom pena coyenewa equeicha exana.

<sup>11</sup> Nama Cristo patopa pon pepa sacerdotepin. Bichocono yatsicaewa pexeinya coyenewa xua pena coyenewa nacata capatopa po coyenewa xua anoxuae waxainchi xeinatsi. Po tutu ichaxota bapon nacuiteiba icha pepa sacerdotepin ichi xua itabocotheicha bichocono wuna tsipei Nacom daxita matapaeicha wetsiya exana. Barapo tutu bichocono wuna beyacaincha po tutu ichaxota sacerdotepiwi tanacuita Nacom xua barapo cae pin nacuathe. Jiwi jopa acabiyo barapo tutu xua itabocotheicha tsipei barapo tutu jopa apara po cae pin nacuathe tsique nexiyo.

<sup>12</sup> Cristo joniya ichaxota yatsicaewa Nacom pia xantha. Bara xoteicha Cristo jopa caponaeyo duwein jana po duwein pewun chivo, xuano xua vaca jana jopa caponaeyo xua penun jana, xua pebto jana. Saya jame Cristo Nacom tsita itutatsi xua bapon jiwi tsitupatsi xua abe pia peexanae coyenewan tatsi. Bapon Cristo saya bara cae coyenewatha joniya baxoteicha xua daxita carepaya jiwi nexa. Daxota bapon Cristo bara ataya tsitecaeya naca capanepa.

<sup>13</sup> Sacerdotepiwi ba nota vaca pebton pia pejanan, yawa chivo pia pejana xuano ipuna xua poxonae tautatsi vaca pesowatiyo peweinyo. Sacerdotepiwi mata wenunababa jiwi daxita baxuantha pomonaetha pomona xua abe peexanae cuiru coyenein peexanaewixae. Bara bapoxonae barapo coyene jiwi itacupatsi xua cana exanatsi xua jopa penataxobiwa pia pepontha bequein awiya xeina penatsicuentsiwa.

<sup>14</sup> Bequein bara baxuan barapo jiwi tsiwiyo yawenatsi xua jopa petaxobiwatsi pia pepontha ichitha nama Cristo pia pejana tatsi barapomona bichocono yawenatsi. Cristo pejana bichocono peayapus coyenewa xeina beyacaincha xua duwein pejana. Nacom pia Pejumope tanaxu tatsi po jumope ataya tsitecaeya popona barapo pejumope tanaxu tatsi Cristo yawenatsi poxonae saya Cristo nayabara cui copata xua bara pebexubinexatsi poxonae pejana pichapabarena pewan weya petupaewatha. Bapon Cristo jopa bapana exanaeyo peacoyenebewa. Cristo wanaca tsitupaexae Nacom naca juntu coyene xanepana exana. Daxota Nacom jopa tsita natsicuentichi abe waexanaexae. Wajuntu coyene equeicha jopa yabara wanaca tsipaebinexa abe waexanae coyene. Daxota jopa bewa ponae tsainchi ichaxota ataya atene tsaibi pomona jopa pejume cowantsiwi. Anoxuae jame naca itacupa xua ajuntusuya taexana dubenanaebiyatsi Nacom pon xua ataya tsitecaeya asu pepoponaein.

<sup>15</sup> Daxota bapon Cristo naexana pon nacata paeba Nacomtha yawa pon naca tsipaeba Nacom nexa. Bapon Cristo nacata catsica Nacom pia pena peyabara tsiwuna muxu dutsiwa tatsi. Bapon naca cana exana xua daxitatsi caemona naexanatsi Nacomtha. Poxonae naca tsitupa Nacom yabara junteina abe peexanae cuiru coyene po peabe exanae cuiru coyenein xua jiwi caena bayatha exana poxonae cataunxuae exanapona po coyene bayatha Nacom Moisés yabara tsiwuna muxu dutatsi xua peru peyabara tsiwuna muxu dutsiwa. Daxita pomona Nacom pewabixae barapomona catsibinchi peajuntuyaruswa po peajuntuyaruswa xua ataya tsitecaeya tsane xua bayatha Na-

com peyabara tsiw<sub>h</sub>nae muxu dutsixae barapomonaetha.

<sup>16</sup> Poxonae pebin ba ichichipa cata pia pecopiniwa ichamonaetha xua poxonae t<sub>h</sub>paena, copiya matha yabara caununaya w<sub>h</sub>n tinaduba paperatha pomonae xua pecopiniwa xeinaewa tsainchi. Pomonae xua pecopiniwa xeinaewa tsainchi barapomonae bewa tsita itapeinya xeinaena xua barapo pebin xaniwaicha bara t<sub>h</sub>paba xua poxonae beya pew<sub>h</sub>naeya tsane xua pecopiniwa notsinexatsi pon xua t<sub>h</sub>pa. Bapoxonae barapomonae bara itac<sub>h</sub>patsi xua pexeinaewa pocotsiwa xua bapon xeina pon t<sub>h</sub>pa.

<sup>17</sup> Barapo papera, po paperatha bayatha pebin nacopiniwa yabara jume tinaduba cataunxuae jopa ainya cuiyiyo poxonae ab<sub>h</sub> cataunxuae bapon popona tsipei jopa copiniwa notichi barapomonae. Saya jame poxonae bapon yatsicaewa t<sub>h</sub>paba bapoxonae jame ainya cui barapo papera, tsipei barapomonae itac<sub>h</sub>patsi xua pexeinaewa tsane pocotsiwa bapon xeina.

<sup>18</sup> Barichi barapo copiya peyabara tsiw<sub>h</sub>nae muxu dutsiwa. Pew<sub>h</sub>naeya tsane xua poxonae jiwi xeinaena pocotsiwa bayatha Nacom Moisés yabara tsiw<sub>h</sub>nae muxu dutatsi sacerdotepin bewa matha duwein bexubina xua bapoxonae barapo coyene jiwi pexeinaewa tsane.

<sup>19</sup> Moisés daxita pia peitorobi coyenewan yabara paeba daxita jiwitha. Nexata bapon pena xua oveja na xua tsobia naewiyotha opi yarabaxuba, po naewiyotha pew<sub>h</sub>n hisopo naeyo. Bapon mene muxunaxuba vaca jana poyo peweinoyo pebtiyo xuano xua muxunaxuba chivo jana. Bapoxonae baxuan bapon Moisés n<sub>h</sub>n<sub>h</sub>baba Nacom Pejume Diwesitha. Matautano daxita jiwitha mata wen<sub>h</sub>n<sub>h</sub>baba.

<sup>20</sup> Bapoxonae Moisés daxita jiwitha jeye: “Barapo jana po janatha paca mata wen<sub>h</sub>n<sub>h</sub>babatsi apara Nacom itoroba xua tapacata exanaewatsi tsainchi. Baxua paca tsita itapeinya xeina xua Nacom xaniwaicha bara pacata exanaena pocotsiwa pia peyabara tsiw<sub>h</sub>nae muxu dutsiwa”, jei Moisés.

<sup>21</sup> Barichino Moisés exana xua anseraboco mata wen<sub>h</sub>n<sub>h</sub>baba pejanatha. Matautano muxuna mata wen<sub>h</sub>n<sub>h</sub>baba xua xuan barapo anserabocototha tututha umena pocotsiwan sacerdotepiwi canacuiteiba poxonae jiwi nacaetuteiba xua Nacom w<sub>h</sub>nae pejainchinexatsi.

<sup>22</sup> Moisés pia peitorobi coyenewantha tatsi itoroba xua bara imoxoyo daxita coyeneintha bewa pejanantha mata wen<sub>h</sub>n<sub>h</sub>bababi xua daxita baxuan Nacom jopa petsita nataxobinexatsi. Nacom jopa yabara j<sub>h</sub>ntemainaeyo jiwi abe pia peexanae cuiru coyenein tatsi icha jopa pejana epa-epacaeyo xua barapo jiwi nexa.

### *Meje yabara xua Cristo tsit<sub>h</sub>pa jiwi abe pia peexanae cuiru coyenewan tatsi*

<sup>23</sup> Sacerdotepiwi bewa jutebina duwei pemata wen<sub>h</sub>n<sub>h</sub>bababinexa pejanatha anseraboco. Bapoxonae Nacom petsita xanepanaenexatsi xua jopa nataxobiyo barapo anseraboco xuano xua xuan tututha umena. Barapo coyene saya yabara caunuta xua yatsicaewa pepa coyenewa Cristo exana peitabocotha. Ichitha nama barapo yatsicaewa pepa coyenewatha peexanaenexa peitabocotha jame bewa pejana epa-epacae pejana pon pej<sub>h</sub>nt<sub>h</sub> coyene xanepanaein pon peainya cuin pia pejana tatsi xua Nacom tsita jiwi xanepanatsi xua jopa penatsicuentsiwa xua abe peexanaexae Nacomtha. Barapo jana bichocono ainya cui beyacaincha duwein jana po jana xua sacerdotepiwi n<sub>h</sub>n<sub>h</sub>baba po cae pin nacuathe.

<sup>24</sup> Poxonae Cristo joniya Nacom pin pia botha tatsi xua itabocotha jopa joniyaeyo po bo saya jiwi exana po cae pin nacuathe xua Nacom pin pia bo tatsi. Barapo bo xua Nacom pin pia bo saya yabara caunuta xua yatsicaewa peitabocotha xeina pepa Nacom pin pia bo tatsi. Jame Cristo joniya Nacom pin pia botha tatsi, xua Nacom pia nacuatheichatsi xua itabocotha. Baxoteicha anoxuae Cristo naitata Nacomtha xua wanacata tsipaebinxua Nacom peitabaratha.

<sup>25</sup> Pon pepa sacerdotepin bewa joniyaena bara saya caetotha tsaibi xua daxitan weithan tsaibi ichaxota po tutu yatsicaewa Nacom pia tutu xua po tutu bichocono yatsicaewa peainya cui tutu xua barapo anserabocototha. Barapon pejana capaneiba barapo tututha xua duwein jana xua jopa barompaya pia pejana tatsi. Nama Cristo jopa nantawenonaeyo xua nayabara cui copata xua matowa tupa pecana exanaewatsi xua jiwi abe peexanae cuiru coyenein tatsi nexa.

<sup>26</sup> Icha baxua tsipae bapoxonae bapon matowa tupa exaneibichipatsi xua bexubeibatsi xua poxonae Nacom aena barapo cae pin nacue forota xua beya anoxuae. Ichitha nama anoxuae weta xua peru dapae tsipei bapon Cristo patopeica barapo cae pin nacuathe petupaenexa xua saya bara cae coyenewatha ataya petsitecaenexa tsane. Bapon Cristo naetotha tsitupa jiwi xua Nacom jiwi peyabara cui jantemainaenexatsi abe pia peexanae cuiru coyenein tatsi.

<sup>27</sup> Daxita jiwi ba werapouneibina saya caetotha. Bapoxonae pirapae Nacom yabara paebina daxita jiwi xua penatsicuentsiwa xua abe peexanaexae.

<sup>28</sup> Barichira, icha jiwi ichi Cristo saya caetotha tsitupa jiwi pinmonae, xua Nacom jiwi abe pia peexanae cuiru coyenein tatsi pecayabara jantemainaenexa tsainchi. Equeicha bexa tsane patopeicaena po cae pin nacuathe. Jopa tsipatopeicae tsane xua equeicha petsitupaewa tsane jiwi abe pia peexanae cuiru coyenein tatsi. Jame tsipatopeicaena xua pecapanenebiyaenexa pomonaetha pomonae pia pewanae ewatsi jiwixaetsi xua bapon pepatopaewa po cae pin nacuathe tsique.

## 10

<sup>1</sup> Moisés pia peitorobi coyene tatsi, baxua saya yabara caunuta xua yaputane wanaca exanaenexa po coyene xua wanae po coyene xua bexa Nacom exanaena itabocotha. Barapo coyene, jopa pepa coyenewiyo poxoru jopa jupaeyo po coyene xua Nacom yatsicaewa xeina itabocotha. Moisés pia peitorobi coyenewa tatsi jopa itacupaetsi xua jiwi pejunta coyene xanepana exanaewatsi Nacomtha pomonae wanae jainteiba Nacom. Bequein pepa sacerdotepiwi daxita weitha exaneiba xua duwei jutebeiba jiwi abe pia peexanae cuiru coyenein tatsi nexa daichitha cataunxuae jopa itacupaetsi xua jiwi janta coyene xanepana exanatsi xua jopa pexeinaenexa xua penatsicuentsiwa xua abe peexanaexae Nacomtha.

<sup>2</sup> Icha Moisés pia peitorobi coyene tatsi jiwi janta coyene xanepana exanaetsipatsi Nacomtha bapoxonae sacerdotepiwi jopa equeicha nantawenonaetsipae xua equeicha pejutebeibiwa duwei jiwi abe pia peexanae cuiru coyenein tatsi nexa. Icha jiwi caetotha janta coyene xanepanaetsipa Nacomtha, bapoxonae jiwi jopa natsicuentcipae xua abe peexanaexae Nacomtha.

<sup>3</sup> Ichitha poxonae barapo sacerdotepiwi jutebeiba duwei jiwi abe pia peexanae cuiru coyenein tatsi nexa bequein baxua exana cataunxuae jiwi cana exanatsi xua yabara jantanaina barapo abe pia peexanae cuiru coyenein tatsi. Jiwi yabara jantanaineiba baxuan daxita weitha poxonae duwein jutebeibatsi barapo jiwi nexa.

<sup>4</sup> Vaca pebto pia pejana tatsi yawa chivo pia pejana tatsi jopa bapana jiwi janta coyene wenotichi abe pia peexanae cuiru coyenein tatsi xua jopa penatsicuentsiwa nexa Nacomtha xua abe peexanaexae.

<sup>5</sup> Daxota poxonae Cristo patopa po cae pin nacuathe tsique, Cristo jeye Nacomtha: “Xam jopa ichichipaem po coyene xua duwein pebexubiwa jiwi abe pia peexanae cuiru coyenein tatsi nexa.

Matautano jopa ichichipaem xua po coyenein xua jiwi amanaya necacatsiwa.

Jame pebaxuanexa yatsicaewa pepa jiton necana exaname xua naexanan,



tatsitupaenexa jiwi abe pia peexanae  
cuiru coyenein tatsi nexa.

<sup>6</sup> Xam jopa cajuntu coyene weiweina exanaeyo  
poxonae duwein ompin tautatsi xuano xua  
pexaewa tauta petuxusi exanaenexano xua xam  
neyabara jantemainaenexa jiwi abe pia  
peexanae cuiru coyenein tatsi.

<sup>7</sup> Bapoxonae xan Cristo, janje:

‘Xam Tanacom.

Xan xote po nacuathe patopeicanje taexanaenexa  
xua pocotsiwa ichichipame be pocotsi  
coyeneya necui yabara tina jinya diwesitha’,  
jan”, jei Cristo.

<sup>8</sup> Copiya Cristo paeba xua jeye: “Xam jopa ichichipaem yawa jopa cajuntu coyene  
weiweina exanaeyo po coyene xua poxonae jiwi bexuba duwein xuano poxonae  
exaneiba po coyene poxonae jiwi amanaya cacatsibeiba. Matautano jopa ichichipaem  
poxonae duwein ompin tautatsi xua jiwi abe pia peexanae cuiru coyenein tatsi nexa”,  
jei Cristo. Baxua Cristo paeba tsipei Moisés pia peitorobi coyenewatha itoroba xua jiwi  
bewa exanaena barapo coyenein Nacom nexa.

<sup>9</sup> Equeicha bapoxonae Cristo cotacaya jeye: “Xan xote po cae pin nacuathe patopeicanje  
taexanaenexa pocotsiwa ichichipame”, jei. Poxonae Cristo baxua caunutsiya paeba  
copiducua cana exana po coyene peru coyene. Cristo anoxuae equeicha pecoutha pena  
coyene exana poxonae naetotha tsitupa jiwi abe pia peexanae cuiru coyenein tatsi.

<sup>10</sup> Nacom naca juntu coyene xanepana exana wanaca cana exanaenexa piamonae  
tatsi poxoru Jesucristo exana pocotsiwa Nacom peichichipaexae. Jesucristo pia pepon  
nacaenaeta Nacomtha xua naetotha petsitupaenexa daxita jiwi abe pia peexanae cuiru  
coyenein tatsi xua bara cae coyenewatha xua ataya petsitecaenexa tsane.

<sup>11</sup> Daxita sacerdotepiwi pomonae judiomonae daxita matabi exaneiba xua duwein  
pebexubiwa, bequein barapo coyenewa jopa itacupaetsi xua jiwi juntu coyene weno-  
tatsi abe pia peexanae cuiru coyenein tatsi.

<sup>12</sup> Nama Jesucristo bara cae coyenewatha exana poxonae naetotha tsitupa jiwi abe pia  
peexanae cuiru coyenein tatsi, xua bara ataya tsane. Poxonae Cristo baxua nacui weta  
Nacom pia pecoxatheicha tatsi equiya xua itabocotheicha.

<sup>13</sup> Baxoteicha Cristo abu ewata beya poxonae abu tsane poxonae Nacom cana ex-  
anaena xua Cristo cana exanaeinchi xua pecanamataxeinaenexa pia peaitafaetabi  
jiwichi.

<sup>14</sup> Cristo piamonae juntu coyene xanepana exana xua ataya tsane poxonae naetotha  
tsitupa cae coyenewatha. Barapomonae pomonae xua Nacom tsitatsi xua jopa xeinaeyo  
penatsicuentisiwa pomonae piamonaexae tatsi.

<sup>15</sup> Nacom Pia Pejumope tanaaxu tatsi baxua yabara iru naca tsipaeba bayatha Nacom  
Pejume Diwesitha, jeye:

<sup>16</sup> “Matacabin othopaena po matacabintha xan  
tayabara tsiwanae muxu dutsiwa xua pena  
coyenewa exanaein barapomonaetha.  
Jiwi pia juntu coyenewantha xua ichaxota  
nanta xeina taitorobi coyenewa baxota dubin”,  
jei Nacom pia Pejumope tanaaxu tatsi.

<sup>17</sup> Bapoxonae equeicha Nacom pia Pejumope tanaaxu tatsi jeye:  
“Bapana ataya equeicha jopa yabara  
jantanainaein tsane jiwi abe pia

peexanae cuiru coyenein tatsi”, jei  
Nacom pia Pejumope tɯnaxɯ tatsi,  
Nacom Pejume Diwesitha.

<sup>18</sup> Daxota poxonae Nacom yabara jɯntemaina jiwi abe pia peexanae cuiru coyenein tatsi, equeicha jopa nantawenonaeyo xua jiwi duwein pebexubiwa xua tuxusi exana Nacom nexa xuano xua po coyene exaneiba xua po coyene Nacom amanaya pecatsi-beibiwatsi.

*Meje yabara xua waxainchi bewa wajɯntɯ coyeneyatha nanta xeinaetsi xua bara apara imoxoyo itiya jinompatsi Nacom*

<sup>19</sup> Tamonae pam, daxota anoxuae naca itacɯpa xua jopa junuwiya patsi tsainchi itabocotha ichaxota yatsicaewa Nacom pia tutu, po tutu bichocono peainya cui tutu. Daxota baxua naca itacɯpa tsipei Nacom yabara copata xua bara Jesucristo naca tsiwanaya patopa barapo tututha pejana pichapabarenaexae poxonae naetotha naca tsitɯpa.

<sup>20</sup> Anoxuae naca itacɯpa xua wapatsiwa Nacomtheicha pena jɯntɯ coyene waxeinaexae po pena jɯntɯ coyene ataya ayapusɯ xua poxonae Cristo wanaca tsitɯpaexae. Baraxua be poxonae metha Cristo nacata pataxubichipa paparuwa po paparuwa yacaincha ducua Nacom pia tutu po tutu yatsicaewa peainya cui tutu. Daxota joniyaeinchi wajinompae nexa Nacomtha.

<sup>21</sup> Bapon Jesús, yatsicaewa wasacerdotepin, pon canamataxeina Nacom pia bo tatsi xua itabocotha.

<sup>22</sup> Daxota bewa wajɯntɯ coyeneyatha nanta xeinaetsi xua bara apara imoxoyo itiya jinompatsi Nacom, xua yatsicaewa xainyeya wajɯntɯ coyene xanepanaexae bapontha. Matautano bewa wajɯntɯ coyeneyatha nanta xeinaetsi xua bara apara imoxoyo itiya jinompatsi Nacom xanepanaya wajume cowɯntsiya jinompae xae. Matautano bewa wajɯntɯ coyeneyatha nanta xeinaetsi xua bara apara imoxoyo itiya jinompatsi Nacom tsipei jopa jɯntɯ coyene auratsi xua jopa watsita natsicuentisixae xua abe waexanaexae. Matautano bewa wajɯntɯ coyeneyatha nanta xeinaetsi xua bara apara imoxoyo itiya jinompatsi Nacom tsipei poxonae ichamonae naca bautisaba meratha tsita itapeinya xeinatsi xua Nacom bayatha naca jɯntɯ coyene xanepana exana.

<sup>23</sup> Barabɯ naajɯntɯcoyenesɯ exainchi xua jopa junuwiya wayabara paebiwa tsainchi wawɯnae ewatsiwa. Baxua exanaponaeinchi tsipei bara yaputainchi xua Nacom bara exanaena pocotsiwa bayatha yabara naca tsiwɯnae muxu duta xua jopa yabara ainya ɯnthɯtontsi.

<sup>24</sup> Barabɯ yabara nanta xeinaeinchi po coyenewa xua nantiya nacui tsacabinchi xua wanayawenaewatsi. Bapoxonae nantiya naantobe tsainchi, matautano xua xanepanaya beta nantiya nata exanaeinchi.

<sup>25</sup> Jopa bewa bara jɯta coyeneya ichiya exanaetsi be pocotsimonae waxainchi jiwanatsi pomonae jopa pateibiyo poxonae nacaetuteibatsi xua poxonae Nacom wawɯnae jainchinexa. Ichitha jame bewa nantiya najɯntɯ coyene tsacabichi xua jɯntema wajinompae watsi. Barapo coyene bewa exanaponaetsi beyacaincha xua po cui coyene copiya bayatha. Baxua exanatsi tsipei anoxuae yaputainchi xua matabi jopaena, po mataqueitha pon jiwi Pecanamataxeinaein patopaetsica.

<sup>26</sup> Tsipei icha ichamonae waxainchi jiwanatsi icha barapomonae awiya abe exanapona xua pocotsiwa peichichipaexae xua abe exana xua poxonae bequein peyaputaewatha po coyene pexainyei jume, nama icha coyenewa ajibi, xua ichɯn equeicha petsitɯpaenexa barapo peabe coyenewa.

<sup>27</sup> Saya jame meisa tanacopatatsi pomonae awiya abe exanapona xua matabi cunuwa po mataqueitha poxonae Nacom yabara paebina jiwi xua penatsicuentisawa xua abe peexanaexae. Matautano tanacopatatsi xua isoto yabara cunuwa, po isoto

bichocono atou, po isototha Nacom weraweraca cana exanaena daxita pomonae pia peaitafaetabi jiwichi.

<sup>28</sup> Po pebin jumefeba po coyene Moisés itoroba pia peitorobi coyenewatha, xua poxonae nacueyatabe pebinbe ichacuitha poxonae acoibi poyobe baponbe yabara paebabe: “Bapon pajume tan poxonae jumefeba”, jei, bapoxonae bapon bewa tupaena. Tsipei pomonae bapon yabara paebatsi xua penatsicuentisiwa xua abe peexanaexae, barapomonae tsita itapeinya xeinatsi xua bara bapon xainyeya abe exana. Daxota bapon bewa tupaena tsipei barapomonae jopa yabara nanta xeinaeyo xua bapon peyawenaewatsi.

<sup>29</sup> Xuaje payabara nanta xeinare: Nacom bichocono atene exana pomonaetha pomonae Pexanto tatsi itaweta. Matautano atene exana pomonaetha pomonae abe yabara paeba xua pinae Jesús pejana jopa ainya cuiyo bequein Jesús tsitupa jiwi. Jesús petsitupaexae daxota Nacom yabara tsiwuna muxu duta xua jiwi pejuntua coyene xanepana exanaenexatsi Nacom. Matautano barapomonae jopa natsicuentisi tsane xua abe peexanaexae. Matautano Nacom atene exana pomonaetha pomonae Nacom pia Pejumope tuxa tatsi tuxa jumeya barua paebatsi po pejumope jiwi yawenatsi pia peantobexaetsi. Barapomonae nama bichocono atene exanaeinchi beyacaincha xua ichamonae atene exanaeinchi pomonae jopa exanaeyo pocotsiwa Moisés itoroba.

<sup>30</sup> Waxainchi yaputainchi xua Nacom bayatha jeye: “Xan tacoya exanaein pentoma xua jiwi atene tsane abe peexanaexae”, jei Nacom. Equeicha Nacom Pejume Diwesitha jeye: “Nacom yabara paebina piamonae xua penatsicuentisiwa xua abe peexanaexae”, jei.

<sup>31</sup> Po pebin abe exana bichocono junuwa cana exanatsi poxonae Nacom yabara paebina bapon tsipei barapo pebin Nacom tsitatsi xua bapon bara penatsicuentisiwa xua abe peexanaexae. Bapoxonae Nacom, pon ataya asu pepoponaein, bichocono jopa juniya atene cana exanae tsane bapontha.

<sup>32</sup> Bara ataya payabara jantanainare po dapaetha poxonae bequein aena pajume cowantame Nacom, xua ichitha beta paexaname. Bapoxonae awiya ichitha jantema parubenanaebiyame poxonae bequein ichamonae pacata abe exana.

<sup>33</sup> Ichamonae xua paxam jiwana pam barapomonae tuxa jumeya biatainchi xuanano jiwi itutha atene exaneibatsi. Iruru ichamonaeru pomonae paxam jiwana pam barapomonae nacayabara nanta xeina xua barapara iruru atene exaneibatsi poxonae ichamonae atene exaneibatsi.

<sup>34</sup> Paxam painya antobexae pacayabara nanta xeiname pomonae jiwi pecubi botha jebatsi xua painya neyawenaenexa. Bequein bara ichamonae daunweya pacata nota xua xuan daxita paxeiname, daichitha awiya cataunxuae pajuntua coyene weiweiname. Bara payaputaneme xua paxeiname itabocotheicha pocotsiwa bichocono yatsicaewa wuna beyacaincha pocotsiwa po cae pin nacuathe paxeiname. Baxua xua pocotsiwa paxeiname itabocotheicha ataya tsitecaeya paxeinaname baxua.

<sup>35</sup> Jopa pana nacui barapentsinde xua payabara jume cowanta dubenanaebiyame xua painya nepaca catsinexa pocotsiwa bayatha Nacom yabara paca tsiwuna muxu duta. Tsipei wajume cowanta dubenanaebiyaexae tsane Nacom, baxua nexa Nacom pentoma naca catsibina xua bichocono nawita xua pia nacuatheicha.

<sup>36</sup> Paxam panantawenoname xua ajuntuyapuxa parubenanaebiyama awiya xua jopa paaitaconaem bequein ichamonae pacata abe exana xua painya neexanaenexa pocotsiwa Nacom ichichipa. Bapoxonae Nacom paca catsibina pocotsiwa xua bayatha yabara paca tsiwuna muxu duta.

<sup>37</sup> Nacom Pejume Diwesitha jeye: “Methaunxuae patopaetsica, pon bewa patopeicaena.

Jopa bayathiyo tsane.

<sup>38</sup> Pon bara netsita pejuntɔ coyene xanepanaein, bapon bara ataya poponaena tana nejume cowanta ducuaenaebiyaexae. Ichitha icha bapon equeicha caewa jopa nejume cowantsiyo jopa xanepanaya beyabara juntɔ coyene weiweinaeinyo, pocotsiwa bapon peexanaexae”, jei Nacom.

<sup>39</sup> Ichitha nama waxainchi jopa be barapomonaetsi, pocotsimonae equeicha caewa jopa jume cowantsiyo Nacom. Barapomonae Nacom weraweraca exanaena. Nama waxainchi pomonaetsi awiya jume cowanta dubenanaebiyatsi Nacom beya poxonaewajuntɔ coyenewa nacata capanepa exanaeinchi.

## 11

### *Meje yabara xua Nacom pejume cowantsiwatsi*

<sup>1</sup> Pon jume cowanta ducuaenaebiya Nacom, bapon bara xaniwaicha yaputane xua xeinaena pocotsiwa wɔnae ewata. Matautano pejuntɔ coyene tsita najume itapeinya xeinatsi xua barapara xainyei po coyene xua barapon yabara jume cowanta bequein cataunxuae yatsicaewa jopa taeyo.

<sup>2</sup> Wamo susato jiwi xanepanaya beta yabara paebatsi xua Nacom beta yabara paeba ayapusɔya pejume cowantsiwaxaetsi.

<sup>3</sup> Waxainchi wayabara jume cowantsixae xua Nacom naca yawenapaeba daxota yaputainchi xua barapo cae pin nacue irɔ barapo itaboco susato forotatsi, Nacom peitorobixae. Pocotsiwan xua anoxuae tainchi, Nacom forota pocotsiwan weya xua bapana jopa taetsi, pocotsiwan xua peinyaxae.

<sup>4</sup> Abel pon caena bayatha popona yabara jume cowanta xua Nacom yawenapaeba. Daxota bapon duwein bexuba xua tuxusi exana Nacom nexa. Nacom tsita xanepanatsi pocotsiwa Abel exana. Daxota Nacom yabara paeba xua bara bapon pon pejuntɔ coyene wɔnaein. Iruru Caín Abel pentapin tatsi, bapon iruru bequein pexaewa exana po coyene xua Nacom pecatsiwatsi. Daichitha barapo coyene Nacom jopa tsita xanepanaetsi. Nacom bichocono beita cui jichatsi pocotsiwa Abel exana, beyacaincha xua pocotsiwa Caín exana. Nacom baxua beita cui jichatsi tsipei Abel peyabara jume cowantsixae pocotsiwa Nacom exanapaeba. Bequein Abel bayatha tɔpa ichitha naca itacɔpa xua awiya wayabara nacuidubaponaewatsi pocotsiwa Nacom exanapaeba poxonaewabatsi Abel pia pejume cowantsiwa tatsi.

<sup>5</sup> Enoc pon caena bayatha popona yabara jume cowanta xua Nacom yawenapaeba. Daxota bapon Enoc pichicatsi. Nacom pichica xua bapon pecapanaenexatsi itabocothaicha, xua bapon Enoc jopa petɔpaenexa bara po cae pin nacuathe. Enoc piamonae jopa caxinaetsi, poxoru Nacom pichica. Nacom Pejume Diwesitha paeba xua poxonaewapɔnaeya tsane xua pichicaeinchi Enoc, Nacom tsita xanepanatsi pocotsiwa Enoc peexanaexae.

<sup>6</sup> Jopa itacɔpaetsi xua jiwi Nacom tsita xanepanatsi icha barapo jiwi jopa beta jume cowantsiyo Nacom. Pon xua ichichipa imoxoyo itiya popona Nacomtha jame bewa matha yabara jume cowantsina xua Nacom bara xaniwaicha popona. Matautano jame bewa yabara jume cowantsina xua Nacom bara cata pocotsiwa bayatha yabara tsiwɔnae muxu duta pomonaetha pomonae pia pejeichiwichi xua pejume cowantsinexatsi. Barapomonae Nacom yaputainchi.

<sup>7</sup> Noé pon caena bayatha popona yabara jume cowanta xua Nacom yawenapaeba. Daxota Noé piamonae tsixana pin jera nae xua piamonae matabɔxɔyo pebarɔ napanepaenexa. Nacom Noé pɔwɔnaeya yabara muxuwetatsi xua pocotsiwa bexa

exanaena pocotsiwa Noé bapana bayatha jopa taeyo, xua pin awɔbo tsane xua Nacom itorobina. Noé bara jume cowantsiya exana pocotsiwa Nacom itoroba poxonae pin jera nae exana xua piamonae matabɔxɔyo pebarɔ nacapanepaenexa. Noé pejume cowantsixae Nacom, bapon tsita itapeinya xeina xua pomonae barapo cae pin nacuepiwi apara abe exana poxonae jopa yabara jume cowantsiyo xua Nacom itoroba-paeba pin awɔbo. Nacom tsitatsi xua barapo jiwi atene tsane penatsicuentisiwaxae jopa pejume cowantsixaetsi. Jame Noé Nacom jɔntɔ tsita coyene xanepanatsi pejume cowantsixaetsi bapon. Daxota Nacom Noé piamonae matabɔxɔyo barɔ capanepatsi.

<sup>8</sup> Abraham pon caena bayatha popona yabara jume cowanta xua Nacom yawepaeba. Daxota poxonae Nacom pewabixae, bapon bara exana pocotsiwa Nacom itoroba. Bapon Abraham pia nacua weya pona xua peponaenexa icha nacuatha, po nacua bayatha Nacom yabara tsiwɔnae muxu duta, xua bapon catapaebatsi. Bapon Abraham pia ira weya pona xua icha nacua beya pona po nacua bequein jopa yaputaeyo ichaxota pona.

<sup>9</sup> Abraham peyabara jume cowantsixae Nacom, bapon popona po iratha xua bayatha Nacom yabara tsiwɔnae muxu duta. Bapon Abraham be pon penanapaincha poponaein xua icha nacua werena poponaexae xua poxonae icha nacuatha popona. Bapon Abraham poponeiba anserabocon bomɔxɔxitha icha Isaac ichi irɔ icha Jacob ichi poxonae poponeibabe anserabocon bomɔxɔxitha. Abraham, irɔ Isaac, irɔ Jacob barapoyobe Nacom tsiwɔnae yabara muxu duta barapo ira xua Nacom pecatsinexa.

<sup>10</sup> Abraham nacui yabara wɔnae ewata xua patopaena po tomaratha ichaxota xua pepu umenae bon xua Nacom pia nacuatheicha. Apara Nacom bapon pon yabara nanta xeina xua forotsina barapo tomara po tomara xua Nacom pia coya bara exana.

<sup>11</sup> Barichi Sara Abraham piseuri tatsi yabara jume cowanta xua Nacom yawena-paeba. Bequein bapowa acue xua jopa peitacɔpaewatsi xua pexeinaewa pexui awiya jume cowanta Nacom. Sara pejume cowantsixae, Nacom cata barapowa catatsi peajɔntɔyapɔsɔwɔ, xua barapowa pepabetsinexa pexuyo. Baxua barapowa taexanatsi tsipei barapowa jume cowanta pocotsiwa Nacom taexanaena bapowatha xua bayatha Nacom yabara tsiwɔnae muxu duta.

<sup>12</sup> Bara barichi Abraham. Bapon bichocono amo tsecae xua bara imoxoyo petɔpaewaba tsane xua jopa itacɔpaetsi xua peexanaewa pexui. Daichitha Nacom copata xua bapon pexanto xeina xua daxota bapoxonae bapon pia pemomoxi jiwi tatsi bichocono pinmonae naenaexanapona. Barapo bicheito bichocono pinmonae icha opiteimonae ichi xua bichocono nawita. Mataɔntano barapomonae icha taetowa beno ichi xua bichocono beno cɔcɔjei xua mar mene itapatha. Jopa itacɔpaetsi xua barapo jiwi peununaewatsi icha taetowa beno ichi.

<sup>13</sup> Daxita pomonae jume cowanta Nacom barapomonae yajume cowantsiya werapa. Abɔ cataunxuae jopa catsibichi pocotsiwa bayatha Nacom yabara tsiwɔnae muxu duta xua pocotsiwa bapomonae catsibapaebatsi. Daichitha barapomonae yabara jume cowanta xua pocotsiwan bexa xeinaena xua Nacom bexa catsibina. Barapomonae baxuan yabara jume cowantsiya tsita xanepanatsi. Barapomonae nantiya nayabara nanta xeina, jeye: “Waxainchi pomonae be wananapaincha jinompaewichi barapo pena nacuathe xua be icha nacua werena waponawewi, pomonaetsi xua awiya jeita dubenanaebiyatsi po nacua yatsicaewa pepa wanacua”, jei daxita barapomonae.

<sup>14</sup> Tsipei barapomonae baxua paeba, naca yaputane exana xua awiya jeitapona po nacua yatsicaewa pia nacua tatsi.

<sup>15</sup> Barapomonae jopa apara yabara caunutsiyo ichaxota copiya po nacua weya Abraham pona. Icha metha baxua yabara paebichipa metha bara itacɔpaetsipatsi xua caewa pewarapaewa pia nacuatha ichaxota copiya bayatha jinompa.



<sup>16</sup> Ichitha barapomonaē ichichipa po nacua xua bichocono wānaē beyacaincha xua icha nacuan. Baraxua xua po nacua ichichipa, apara Nacom pia nacua tatsi. Daxota Nacom jopa auriyo xua barapomonaē yabara paebatsi xua pinae Nacom barapomonaē pia Nacom tatsi. Daxota Nacom barapomonaē tsiwānaetatsi tomara.

<sup>17</sup> Nacom Abraham jūntu coyene jūjūtsi peyaputaenexa icha bara metha yatsicaya jume cowāntatsi. Daxota Nacom Abraham itorobatsi xua pexanto pebexubiwa tsane icha be pocotsi coyeneya ichi xua poxonaē duwein bexuba Nacom nexa. Abraham pejume cowāntsixaē Nacom daxota pexanto capana atororo beya pon yatsicaewa compa tatsi pon pewān Isaac. Abraham muxu pexanto pebexubi icha be pocotsi coyeneya ichi xua poxonaē duwein bexuba Nacom nexa. Bapon baxua exana bequein Nacom yabara tsiwānaē muxu duta barapo Abraham pexanto tatsi, jeye:

<sup>18</sup> “Barapo nexanto Isaacxae nantaūtsiname nemomoxi susato jiwi”, jei Nacom.

<sup>19</sup> Abraham jume cowānta xua icha Isaac tūpaetsipa Nacom itacūpatsi xua equeicha Isaac caewa asu exanatsi poxonaē bequein pexanto bexubichipa. Poxonaē Abraham muxu pexanto pebexubi, apara bara be xua bayatha tūpa, mataūtano apara be xua Abraham pexanto equeicha caewa asu taexainchi.

<sup>20</sup> Barichi Isaac yabara jume cowānta xua Nacom yawenapaeba. Daxota bapon Isaac pexantobe tsipaeba, jeye: “Barabu Nacom paca yawenaena pia paca necaantobexaēbe”, jei Isaac pexantobetha, Jacob iru Esau.

<sup>21</sup> Barichi Jacob yabara jume cowānta xua Nacom yawenapaeba. Daxota poxonaē bapon juntucuru imoxoyo tūpaenaba barompaya tsipaebabe José pia pexantobetha tatsi xua pia pemomobexaē tatsi. Bapon jeye: “Barabu Nacom paca yawenaenabe pia paca necaantobexaēbe”, jei Jacob José pia pexantobetha tatsi. Bapoxonaē bapon Nacom wānaē jaintatsi poxonaē naewatha nabuxu babatanotsiya yūyūtanota tsipei bichocono amo tsecae.

<sup>22</sup> Iru José yabara jume cowānta xua Nacom yawenapaeba. Daxota poxonaē bara imoxoyo tūpaenaba yabara paeba israelmonaē. José yabara paeba xua bexa tsane Israel pia pemomoxi susato jiwi tatsi warapaena Egipto nacua weya, xua po nacuatha beya po nacua bayatha Nacom yabara tsiwānaē muxu duta xua Nacom catapaeba. Mataūtano José pia pexui cui itoroba, xua José pia pexui piwa capanaeinchi Egipto nacua weya po nacua beya ichaxota israelmonaē warapaena po nacua xua Nacom yabara tsiwānaē muxu duta xua Nacom catapaeba.

<sup>23</sup> Moisés pena tatsi iru paxa tatsi yabara jume cowānta xua Nacom yawenapaeba. Daxota Moisés matsiyatatsi botha acoibi po xometobe poxonaē aena naexana. Moisés pena yabara nanta xeinatsi yawa paxa yabara nanta xeinatsi xua Moisés itūbūn tsecae. Baponbe jopa yabara jume cuitaya junuwiyo be xua po coyene cui itoroba Faraón pon Egipto nacuapiwi itorobiya pia pepa peewatsinchi xua pinae daxita pexui pebin wūtixi bewa jutebinchi.

<sup>24</sup> Iruu Moisés yabara jume cowānta xua Nacom yawenapaeba. Daxota poxonaē bayatha pinyoba Moisés jume aichaxaibiya naitemata, jeye: “Xan barapowa jopa pexanton tatsin powa Faraón pexantiyo tatsi”, jei Moisés.

<sup>25</sup> Saya jame bapon Moisés itapetatsi xua iru yawa muxuna atene exanaeinchi Nacom piamonaē tatsi xua poxonaē barapomonaē atene exanaeinchi xua ichamonae atene exanaena pomonaē Egipto nacuamonaexaē. Moisés ichichipa xua pecana exanaewa tsainchi icha piamonaē tatsi tacana ichichi. Moisés jopa benaexanaeyo xua daxitan pexeinaewa tsane pecoutha pocotsiwan xua Faraón xaina. Icha baxuan xainaetsipa Moisés jūntu coyene weiweina exanaetsipatsi barapo nacuatha xua saya caepatiyo nexa tsipae po coyene xua jiwi weiweina exanatsi xua abe peexanaponaewa. Moisés piamonaē jopa benaitematsiyo daxota jopa benotsiyo Faraón pecopiniwa tatsi.

<sup>26</sup> Ichamonae Moisés tsūmu jumetha biatainchi xua ajūntucoyenetane exanatsi icha Mesías ichichi pon Nacom itoroba. Poxonaē Moisés nayabara jume tane baxua

tsita coyene xanepanatsi, beyacaincha xua poxonae barapo copei pexeinaewa tsane Egipto nacuatha. Baxua Moisés itapeta tsipei ichichipa xua pexeinaewa po pentoma bexa tsane Nacom catsina bapontha peatenexae po pentoma bayatha Nacom yabara tsiwuna nae muxu duta.

<sup>27</sup> Moisés yabara jume cowanta xua Nacom Moisés yawenapaebatsi. Daxota najuntu coyene weta xua pewarapaewa tsane Egipto nacua weya. Moisés jopa junuwiyo bequein yaputane xua Faraón bara casebina. Bapon Moisés bara saya amsiya pona bara be xaniwaicha tane Nacom xua be yatsicaewa baru poinchi pon peinya peponaein xua jiwi jopa itacupaetsi xua petaewa.

<sup>28</sup> Moisés pejume cowantsixae Nacom, piamonae cui itoroba xua peexanaenexa penabanaewa xua Pascua wun matabi nexa. Matautano bapon cui itoroba piamonae xua pejanantha pecapibinexa daxita bomuxu pecoibotontha. Barapo Moisés piamonae tatsi pomonae Israel pia pemomoxi susato jiwixae tatsi baxuan exana xua daxota matatsunpin jopa tupa exanaeyo piamonae. Barapo matatsunpin merawi patopaena xua pejutebiwa tsane matapin jiwi pomonae pia bontha jopa xeinaeinyo po jana xua Moisés cui itoroba xua jiwi bomuxu pecoibotontha pecapibiwa tsane.

<sup>29</sup> Barapo Israel pia pemomoxi susato jiwi tatsi yabara jume cowanta xua Nacom yawenapaeba. Daxota Mar Rojo mene mentha icha muxunene beya panenebiya xua epatauta iya pona be poxonae xua ira tsewa iya peponaewa. Ichitha poxonae Egipto nacuamonae baraxoya iyiyi daxita bunothopa.

<sup>30</sup> Israel pia pemomoxi susatopiwi tatsi yabara jume cowanta xua Nacom yawenapaeba. Daxota matawacaicha tocuecueniya enaponeiba pemuxuburu iya siete po matabibibe xua barapo Jericó tomara peyacaincha toxorotsi dutsiwa xua be iboton. Barapoxonae barapo Jericó tomara peyatoxorotsiya yacaincha dutsiwa baxua iratha jopiya.

<sup>31</sup> Bayatha yabayo powa Jericó tomarapiwayo Rahab yabara jume cowanta Nacom pon Israel pia pemomoxi susato jiwi tatsi pia Nacom tatsi. Daxota bapowa jopa baru tupaeyo piamonae xua pia tomarapiwixae poxonae tomarapiwi werapa jopa pejume cowantsixae Nacom pon Israel pia pemomoxi susato jiwi tatsi pia Nacom tatsi. Bapowa Rahab powa copiya bayatha pesi cui weiweinaewa pebiwitha. Poxonae Israel pia pemomoxi jiwamonae namicha pata xua pecui amanayabiya taenexa Jericó tomaratha, barapoxonae barapowa Rahab matenta weyataeya waba, xua barapo israelmonae jiwamonae wabatsi pia botha tatsi.

<sup>32</sup> Jopa equeicha paebinyo xua equeicha pinmonae tayabara paebiwa pomonae pejume cowantsiwi Nacom. Jopa neyapu jupaeyo xua jopa taxeinaewa matabi xua tacueicueijeinexa Gedeón yabara, irano Barac yabara, irano Sansón yabara, irano Jefe yabara, irano David yabara, irano xua Samuel yabara, irano pomonae Nacom pia peitorobi jume petapaebiwi tatsi yabara.

<sup>33</sup> Daxita barapomonae jume cowanta Nacom. Ichamonae barapomonae jiwana, amanayaba ainya nacuanpiwitha, pejume cowantsixae xua Nacom yawenaena. Ichamonae pejume cowantsixae Nacom daxota jiwitha beta xaniwaicha canamata itoroba. Ichamonae pejume cowantsixae Nacom barapomonae catsibatsi pocotsiwan xua bayatha Nacom yabara tsiwuna nae muxu duta. Ichamonae pejume cowantsixae Nacom, Nacom exana xua coibo acaba neuthun, xua barapomonae jopa atene peexanaenexatsi barapo neuthun.

<sup>34</sup> Matautano ichamonae pejume cowantsixae, daxota Nacom yawena barapomonae poxonae Nacom itaxutaba exana po isoto bichocono pin isoto xua barapomonae po isototha tautatsi. Barichi ichamonae pejume cowantsixae daxota Nacom capanenebiya tsaibi barapomonae poxonae muxu pejutebiwichi peopi sojeiwantha xua be cusi. Matautano pomonae faefaena, equeicha Nacom daunwei exana. Daxota

barapomonaē daunwei poxonaē naba. Ichamonaē Nacom peyawenaexae amanayaba pia peitafaetabi jiwichi xua ainya soldadomonaēin bicheitontha.

<sup>35</sup> Barichi ichamonaē yabuxi pejume cowantsixae equeicha caewa piamonaē xeina, pomonaē equeicha caewa taasutsi petupaewa weya.

Ichamonaē itacupatsi xua panenebiya xua jopa werapae tsane xua icha poxonaē Nacom itawetatsina. Nama barapomonaē jopa bepaebiyo baxua daxota barapomonaē werapa poxonaē bichocono caitacueintatsi ichamonaē. Barapomonaē, pomonaē pewerapaewi yaputane xua pejume cowantsixae Nacom, daxota Nacom equeicha asu exanaena xua barapomonaē pepatsiwa tsane Nacom pia nacuatheicha.

<sup>36</sup> Ichamonaē pejume cowantsixae Nacom, bichocono ajuntucicoyenetane tsipei bichocono cui capanebatsi ichamonaē. Matautano ichamonaerū cuaintebatsi. Ichamonaerū penain matontha cubebatsi. Ichamonaerū jiwi pecubi bontha cuaranobatsi.

<sup>37</sup> Ichamonaē pejume cowantsixae Nacom, ibotontha tupa exanatsi poxonaē cuinbabatsi. Matautano ichamonaē werapa poxonaē epa nantarabobiya thabebatsi seruchotha. Irurū ichamonaē pejume cowantsixae jutebatsi peopi sojeiwantha xua cusin. Ichamonaerū pejume cowantsixae Nacom, taseicatsi pexaewa, yawa taseicatsi bon, xua daxota saya dubenanaebiya, yawa naxataba oveja bocoton xuano xua cabra bocoton. Barapomonaē acopeibiwi tsobenaē, barainebatsino abe taexanebatsino.

<sup>38</sup> Pomonaē barapo cae pin nacuathepiwi Nacom pejume cowantsiwi yabara pae-batsi, yabara jeichiche: “Jopa be cui copatichi xua barapomonaē pejinompaewa tsane watomaratha”, yabara jeichichi. Ichitha barapomonaē Nacom tsita ainya cuichi beyacaincha barapomonaē pomonaē barapo cae pin nacuathepiwixae. Barapo Nacom pejume cowantsiwi dubenanaebiya ichaxota ira xuepana susato tsurucuae nacuatha. Matautano barapomonaē demxuwantha dubenanaebiya, muthanthano jinompa, xuano xua duwei pia mathantha jinompano.

<sup>39</sup> Bequein Nacom yabara paeba barapomonaē xua beta peexanaexae pejume cowantsixaetsi, daichitha cataunxuae abū barapomonaē jopa catsibichi pocotsiwa Nacom bayatha yabara tsiwūnae muxu duta barapomonaē, matautano xua caeinthano.

<sup>40</sup> Barapomonaē cataunxuae abū jopa catsibichi baxua tsipei Nacom naca yabara nanta xeina xua bexa tsane irū naca catsibina pocotsiwa bapon tsita xanepanatsi. Pocotsiwa bapon catsibina xua apara barapomonaē Nacom naca cayawa muxuna juntu coyene xanepana exanaena.

## 12

### *Meje yabara xua waxainchi bewa exanaponaetsi icha Jesús ichi poxonaē exanapona*

<sup>1</sup> Pomonaē xuaunxuae yabara pacata tinatsi barapomonaē bichocono pin bicheitomonaē, pomonaē pejume cowantsiwi po coyene xua Nacom yawenapaeba. Barapomonaē naca tsita itapeinya xeina xua awiya xanepanaya jume cowanta dubenanaebiya bequein atene exanatsi ichamonaē. Baxua naca cuiduba xua irū bewa xanepanaya jume cowanta dubenanaebiyaeinchi bequein naca atene exana ichamonaē. Barabū waxainchi daxita nacui barapentinchi abe waexanae cuiru coyenein pocotsi coyenein xua jopa naca yawenaeyo xua Nacom beta wataexanaewatsi. Barabū waxainchi beitatemaya ajuntusūya awiya exanapoinchi pocotsiwa Nacom naca cui itoroba.

<sup>2</sup> Saya meisa Jesús jantanainaeya jinompatsi wanaca yawenaenexa. Bapon copiya bichocono pejume cowantsixae Nacom daxota bapon wanaca canamataxeinaein xua wajume cowantsinexa. Matautano bapon betiya naca exana xua beta wajume cowantsiwa poxonaē cataunxuae awiya wajinompaewa barapo cae pin nacuathe. Jesús bara saya copata xua atene exanadutatsi naetotha ichamonaē poxonaē tupa exanatsi. Bapon jopa auriyo bequein naetotha tupa exanatsi jiwi peitutha tatsi. Ichamonaē ba bichocono aura xua poxonaē petupae exanaewatsi naetotha. Nama bapon Jesús jopa

auriyo poxoru nayabara yaputane xua pirapae poxonae nacana cui wetinchi xua atene exanatsi, xuano xua poxonae tupa exanatsi naetotha, bapoxonae bichocono juntu coyene weiweinaena. Anoxuae bapon Jesús eca pia pexeinya peecaethopeibiwatha xua Nacom pia pecoxa weya tatsi xua itabocotheicha ichaxota Nacom eca pia pexeinya peecaethopeibiwatha.

<sup>3</sup> Jesús pacayabara jantanainaponde xua bayatha po coyene Jesús abeya exanatsi pomonae abe peexanae jiwi. Jesús awiya beitemaya saya popona poxonae bequein bichocono atene exanatsi barapomonae pomonae abe peexanaewi. Daxota jopa paraichinde xua poxonae jopa pana najuntu coyene tsacabim. Matautano jopa paajuntucoyenefaetabinde xua poxonae daxota jopa beta painya taexanaewa Nacom.

<sup>4</sup> Painya juntu coyenewatha pajume torobabame abe peexanae cuiru coyenein xua painya neexanaeyainwa barapo coyenein. Bapoxonae jopa panaitematsim xua painya nejume cowantsiwa Nacom. Bequein bara baxua daunwei paexaname ichitha awiya cataunxuae jopa pawerapaem xua barapo coyene painya neexanaexae icha bayatha Cristo ichi xua tupa xua bichocono daunweya peexanaexae barapo coyene.

<sup>5</sup> Paxam pajantemainame xua bayatha Nacom paca muxuweta xua paxam bara Nacom pia pexui tatsi pam. Baxua yabara Nacom Pejume Diwesitha paca jeye:

“Tapexui pam, jopa amsiya payabara nanta  
xeinaeinde pocotsiwa yabara paca muxuwetatsi  
tapaca cuidubinxatsi.

Poxonae atene paca exanatsi jopa  
ajuntucoyenefaetabiya pajinompaeinde xua  
yabara tapana nejume cowantsiwam.

<sup>6</sup> Tsipei muxuwetsiya cuiduban pomonaetha  
pomonae antobein.

Matautano atene exananno pomonaetha pomonae  
tapexui tsicotan”, jei Nacom Pejume Diwesitha.

<sup>7</sup> Awiya jantema pajinompare poxonae bequein Nacom paca atene exana xua paca necacuidubixae. Baxua Nacom pacata exana tsipei paca nacana exana pia pexui tatsi pam. Dapo pexuyo ajibi, po pexuyo jopa paxa muxuwetsiya cuidubichi xua poxonae icha bichocono antobetsi paxa.

<sup>8</sup> Nacom pia pexui muxuwetsiya cuiduba. Icha Nacom jopa paca muxuwetsiya cuidubichipae, bapoxonae paxam jopa Nacom pia pexui tatsi pam tsipae. Saya be catsa pexui pam tsipae icha be pocotsi pexui ichi po pexui seicaya icha paxa barompa.

<sup>9</sup> Matautano caena bayatha poxonae cataunxuae pexuichi waxeiwi naca atene exana wanaca muxuwetsiya cuidubixae. Daichitha waxeiwi baru cui itura jinatsi. Waxainchi bewa ichichipaetsi xua waexanaewatsi pocotsiwa naca cui itoroba pon Waxa Nacom, pon itabocotheicha popona. Barapocotsiwa bewa exanaeinchi beyacaincha pocotsiwa exanatsi xua poxonae waxeiwi naca cui itoroba poxonae jinompatsi barapo cae pin nacuathe. Baxua bewa exanaeinchi Waxa Nacom pon itabocotheicha popona wanaca catsinexa peajuntu yapusu coyenewa.

<sup>10</sup> Waxeiwi poxonae pexuichi barapo cae pin nacuathe saya caepatiyo naca muxuwetsiya cuiduba. Baxua nacata exana icha be pocotsi coyeneya xua ichichipa xua tsita xanepanatsi. Ichitha nama Nacom naca muxuwetsiya cuiduba wanaca yawenaewa tsane. Matautano baxua nacata exana xua wanaca cana exanaewa tsane xua bichocono wajuntu coyene xanepanaewichi, icha Nacom ichi xua bichocono pejuntu coyene xanepanaein.

<sup>11</sup> Poxonae naca atene exana bara bapoxonae nanta xeinatsi xua jopa nacata xaexaenaecaeyo, tsipei bara xaniwaicha naca atene exana. Ichamonaeyabara cui copaba



xua bara nacuiduba xua poxonae bequein Nacom atene exana, pemuxuwetsiya cuidubixae. Barapomonae jame jopa natsicuenti tsane xua abe peexanaexae bapontha. Barapomonae xeinaena pejuntũ coyene xanepanaewa Nacomtha xuano jũntema dube-nanaebiyaena.

*Meje yabara xua poxonae Nacom naca muxuweta xua jopa bewa Nacom itawetichi*

<sup>12</sup> Yaitama pajuntũ coyene faefaename, xua painya nejume cowũntsiwa daxota painya coutha pana najuntũ coyene tsacabare xua beta painya nejume cowũntsiwa tsane Nacom. Mataũtano xua payabara ajuntũcoyenerewem tsaibi ichawan. Pana najuntũ coyene itorobare xua awiya ayapusũya painya neexanaponaewa tsane.

<sup>13</sup> Painya xoba icha diwesi pajume cowũntame po diwesi xua jopa Nacom Pejume Diwesi tatsi. Ʊ meisa paexanare pocotsiwa Nacom Pejume Diwesitha yabara paeba xua beta painya nejume cowũntsiwa. Icha baxua paexanaetsipame irũ ichamonae barichipae. Bequein barapomonae copiya jũntũ coyene faefaenaetsipa pejume cowũntsiwatha ichitha bapoxonae beta exanaponaetsipa xua pejume cowũntsiwa pia paca cui taexae.

<sup>14</sup> Nantiya daxita jiwi ajuntũyapusũya betiya pana nabarũ jũntemiya jinompare. Bichocono pana najuntũ coyene xanepana exande Nacomtha xua jopa painya nenatsicuentinexa xua abe painya neexanaexae bapontha, xua painya netaenexa bapon. Tsipei pomonae jopa xeinaeyo barapo coyene jopa itacũpaetsi xua Nacom petaewatsi tsainchi.

<sup>15</sup> Dota pam xua ichamonae pomonae paxam jiwana pam pia xoba jopa ichipaeyo po coyenewa Nacom yawena barapomonaetha pia peantobewaxae. Mataũtano barapo ichamonae pomonae painyamonae jiwanaxae pia xoba abe exana ichamonae peitũtha tatsi xua daxota irũ ichamonae pebarichinexa xua abe peexanaewa.

<sup>16</sup> Ichamonae pomonae paxam jiwana pam, pia xoba nota icha yabũxitha, powaxi jopa xapain barompaya pia seurixi. Mataũtano dota pam xua ichamonae paxam jiwana pam jopa tsita pecui pawi tsainchi po coyenewan xua Nacom piawan tatsi. Barapo coyene Esaũ exana pon caena bayatha tũpa. Bapon Esaũ jopa tsita ainya jume cuiyotsi pocotsiwa bayatha Nacom yabara tsiwũnae muxu duta xua bepa pinae Nacom Esaũ yaweneibichi. Barapon Esaũ piyainxae peyapintha Jacobtha cata po coyene xua pia coya pecanamataxeinae coyenewa po coyene matapin ba xeina. Tsipei Esaũ jopa jume cowũntsiyo Nacom daxota nata caenaeta barapo coyenewa xua nata matomata pexaewa xua saya cae penabanaewiyo.

<sup>17</sup> Paxam payaputaneme xua bapon Esaũ pirapaeyo ichichipa xua equeicha caewa pexeinaewa tsane xua po coyene peainya cui coyene po coyene matapin ba xeinaena xua paxa catatsi. Barapo coyene po coyene xua coxiyũn tawũca pexanto pon matapin xua Nacom peyawenaewa tsane. Ichitha bapon Esaũ peyapin cata barapo coyene xua matomata pũpara. Bequein bara bapon auranaya caunutsiya wecoyeya paeba, ichitha jopa itacũpaetsi xua caewa xeinaena barapo coyene po coyene xua ba matapin xeina.

<sup>18</sup> Caena bayatha pia Nacom caquita ponaetsi Israel pia pemomoxi susato jiwi tatsi demxuwa itabaratha umena poxonae Nacom Moisés catatsi pia peitorobi coyenewa. Barapomonae jume tane pocotsiwa Nacom paeba yawa tane demxuwa. Ichitha nama paxam jopa beparaichim. Jopa panantawenonaem xua paumenaename demxuwa itabaratha xua painya necaquita ponaenexa Nacom. Poxonae Israel pia pemomoxi susato jiwi tatsi umena barapo demxuwa itabaratha, baxoyo pin isoto uncueica barapo demxuwatha. Mataũtano bapoxonae bichocono quirei, yawano nobonno. Mataũtano pin joibo baxoyo uncueica. Ichitha jopa bara paichim, jopa pataem baxuan.

<sup>19</sup> Paxam jopa pajume taem peobiwa jume po peobiwa pewũn trompeta nain matawũn, icha poxonae barapo Israel pia pemomoxi susato jiwi tatsi ichi xua jume tane barapo trompeta jume. Paxam jopa pajume taem Nacom pejume poxonae Nacom



cueicueije barapo Israel pia pemomoxi susato jiwitha tatsi barapo demxuwatha. Pomonae jume tane barapo jume, barapo israelmonaexae Moisés jume itorobatsi xua bepa pinae Nacom equeicha jopa pepaebiwa tsane.

<sup>20</sup> Barapomonae baxua Nacom jume matawentatsi tsipei bichocono pijunuwi xua pocotsiwa Nacom itorobina. Poxonae itoroba Nacom jeye: “Pon nataxuna jayata barapo demxuwa bewa bapon pabexubim ibotontha. Jopa ainya cuiyo bequein icha metha duwein tsipae, xuano icha metha bequein jiton tsipae”, jei Nacom.

<sup>21</sup> Barapomonae bichocono junuwa pocotsiwa xua tane barapo demxuwatha iru Moisés bichocono junuwa. Daxota paeba, jeye: “Bichocono tajunuwi jijiyān”, jei Moisés.

<sup>22</sup> Jame anoxuae painya nejume cowantsixae Nacom, bapon paca yabara cui copata xua painya nepatsiwa tsane bapon pia tomaratha tatsi, po tomara pewan Jerusalén tomara. Barapo tomara eca ichaxota po demxuwa pewan Sión. Barapo tomara Nacom pia tomara tatsi pon ataya tsitecaeya asya pepoponaein. Barapo tomara xua pepa Jerusalén tomara Nacom pia nacuatheicha tatsi eca. Matautano papatsiname baxoteicha ichaxota jinompa ayeimonae matatsunpiwi, xua weiweinaeya nanacaetutsina xua pia nanabarun wanae jainchinexa Nacom.

<sup>23</sup> Matautano pajume cowantame Jesús xua painya nepatsinexa ichaxota Nacom piamonae tatsi nacaetuta pomonae Nacom pia diborotha wun dubena xua itabocotheicha. Barichi papatsiname Nacomtha, pon yabara paebina daxita jiwi xua penatsicuentisiwa xua abe peexanaexae. Matautano papatsiname ichaxota jiwi pia jumopein tanaxu tatsi jinompa pomonae xua beta exana xuano xua Nacom beta cana juntu coyene wetsiya xanepanaya exana.

<sup>24</sup> Matauta papatsiname ichaxota Jesús popona pon jiwi peyabara jume yawenaen Nacomtha xua jiwi pepatsiwa tsane Nacomtheicha. Matautano bapon nacata catsica Nacom pia pena peyabara tsiwanae muxu dutsiwa tatsi. Bapon pia pejana tatsi xua barapo jana pepichapabarenaexae Nacom naca yabara juntu coyene jantemaina abe waexanae cuiru coyenein. Barapon pia pejana tatsi jiwi beta cana exanatsi beyacaincha Abel pia pejana tatsi. Tsipei poxonae bapon bexotsi, jopa nantawenonaeyo xua bapon peyantomatsiwatsi. Ichitha poxonae Abel bexotsi, nantawenona xua peyantomatsiwatsi.

<sup>25</sup> Dota pam. Jopa bewa pajume itawetsim Cristo pon wanaca tsipaebixae Nacom yabara. Pomonae bayatha Nacom jume itawetatsi poxonae bequein Moisés muxuweta jiwi barapo irathe Nacom nexa, barapomonae jopa Nacom capanenebiyaeyo xua atene abe pia peexanaexae. Waxainchi jopa naca itacupaeyo xua panenebiyatsi xua atenetsi abe waexanae coyenewantha icha jopa Nacom jume naitaewatichi xua itaboco wetsica wanaca tsipaebiwa. Waxainchi bichocono nama atenetsi, beyacaincha barapomonae xua atene abe pia peexanae coyenewantha pomonae Moisés baru popona.

<sup>26</sup> Caena bayatha Nacom tsipaeba barapo irathepiwi tsique poxonae Moisés popona, Nacom pia jumetha ira jijiyata exana. Ichitha anoxuae Nacom tsiwanaya jeye: “Abu equeicha bara caeto tsane ira jijitsin yawano itabocotheichano jijitsin”, jei Nacom.

<sup>27</sup> Poxonae Nacom jei: “Abu equeicha bara caeto tsane”, jei, naca yaputane exana xua Nacom aichurucuae exanaena pocotsiwan xua barapo cae pin nacuathe xeina pocotsiwan itacupatsi xua pejijiyatsiwatsi. Saya meisa jopa aichurucuae exanae tsainchi pocotsiwan xua jopa itacupaetsi xua pejijiyatsiwatsi xua pocotsiwan Nacom piamonae peyabara tsiwanae muxu dutsi coyenewa.

<sup>28</sup> Nacom pia nacia, ichaxota Nacom itoroba, yawano xua waxainchi baxota itorobatsi, barapo nacia jopa itacupaetsi xua jijiyatatsi xua aichurucuae peexanaenexatsi. Daxota bewa jeichichi Nacomtha: “Nacom, maisa pajuntu coyene weiweinan pebaxuaxae”, bewa jeichichi. Poxonae Nacom wanae jaintinchi waxainchi bewa yabara nanta xeinaetsi pia pejuntu coyene xanepanae coyenewa tatsi. Matautano bewa bapon cunuwiya wanae jaintichi pia peayapusawa pexeinaexae.

<sup>29</sup> Wanacom weraweraca cana exana jiwí, pomonaetha pomonae jopa pejume cowantsiwichi. Nacom baxua exanaena icha be poxonae nawa ichi xua poxonae daxita topowa poxonae taxua.

## 13

### *Meje yabara xua pocotsiwa bewa exanaetsi xua pocotsiwa Nacom tsita xanepanatsi*

<sup>1</sup> Jopa pana nacuí barapentsinde xua caemonae nantiya painya nenaantobewam pomonae be painya eweicho jiwí painya nenatsicotae jiwí pam painya nejume cowantsixae Jesucristo.

<sup>2</sup> Jopa pajuntemainaeinde xua beta painya netaexaneibiwa tsane pomonae pateiba painya bontha pomonae iru pejume cowantsiwi Nacom tsipei metha beya jemeicha barapomonae tsipae pomonae Nacom itoroba xua beta painya nepacata exanaenexa. Caena bayatha ichamonae pexaewa apata poxonae matha jemeicha pia botha tapatatsi, xua poxonae jopa xapain yaputaeyo xua deta cou apra matatsunpiwi.

<sup>3</sup> Payabara nantu coyene xeinare pomonae jiwí pecubi botha cuaranobebatsi painya neyawenaenexa barapomonae icha be poxonae paichim xua iru jiwí pecubi botha paca cuaranobaru. Payabara nantu coyene xeinare pomonae peraxa jubebatsi xua ichamonae exana painya neyawenaenexa barapomonae. Tsipei paxam iru jiwí pam, paca yabara itacupatsi xua ichamonae paca necaperaxa jubwiwa.

<sup>4</sup> Paxam bewa beta pananta xeinaem poxonae jitha paename xua barapo coyene paca tsita ainya cui. Daxota jopa bewa ichawa beya panasi cui weiweina exanaem poxoru painya seurixi bayatha paxename. Tsipei Nacom yabara paebina jiwí xua penatsicuentisiwa xua abe peexanaexae pomonaetha pomonae jopa xapain exanaeyo xua be poxonae yabuxi jeita xua po coyene jiwí jopa yabara copatsiyo. Matautano barichi Nacom yabara paebina jiwí xua penatsicuentisiwa xua abe peexanaexae pomonaetha pomonae nasi cui weiweina exana poxonae bequein pia seurixi xeina.

<sup>5</sup> Jopa bichocono paichichipaeinde paratixi. Jame maisa pajuntu coyene weiweinare painya nexenaexae pocotsiwa Nacom paca catsiba. Baxua paexande tsipei Nacom jeye: “Bapana jopa compa capopona exanae tsainchi. Bapana jopa cacuenta ponae tsainchi”, jei Nacom.

<sup>6</sup> Daxota naca itacupa xua jume cowantsiya jeichichi:  
“Nacom, pon jiwí Pecanamataxeinaein,  
bapon pon xua tana neyawenaein.  
Jopa junuwinyo poxonae jiton xua  
abe tana exanaewa”, jeichichi.

<sup>7</sup> Payabara cui jantanainare painya nepaca canamataxeinaewi pomonae bayatha paca cuiduba Nacom Pejume Diwesi. Barapomonae pacui taema, tsipei barapomonae beta jume cowantsiya jinompa beya poxonae barapomonae yacuiya werapa. Paxam beta pajume cowantsiya jinompare icha barapomonae ichi xua beta jume cowantsiya jinompa.

<sup>8</sup> Jesucristo saya tsitecaeya pepu jupa exanaponae. Baxua exana caena bayatha, anoxuaeno, xuano xua bara ataya tsitecaenano xua jiwí beta peyawenaewatsi.

<sup>9</sup> Daxota jopa pacopatsinde xua ichamonae painya nepaca cuidubiwa icha pecuidubi diwesi po diwesi pia diwesi barompa, po diwesi jopa Cristo pia diwesi tatsi. Jame ainya cui xua naajuntuyapusu exainchi Nacom pia peantobe coyenewatha. Po coyenein xua itoroba xua penabanaewa yabara barapo coyenein jopa naca ajuntuyapusu exanaeyo Nacomtha. Barapo peitorobi coyenewan bapana jopa yawenaetsi pomonae bequein xua exanapona barapo coyenewan.

<sup>10</sup> Waxainchi xeinatsi barompaya wacoyene po coyene be poxonae xua tuxusi exanatsi Nacom nexa poxonae caein naetotha naca tsitapa xua daxota Nacom jopa tsitatsi

xua penatsicuentsiwa xeinatsi xua abe waexanaexae. Baxua apara xua poxonae Cristo tupa naetotha abe waexanae cuiru coyenein nexa. Po sacerdotepiwi xua nacuita Nacom pia tututha anserabocototha xua caena bayatha barapocotsi coyene jopa itacupaetsi xua pexeinaewa barapo coyene tsipei barapo sacerdotemonae cataunxuae jutebeiba duwei jiwi abe pia peexanae cuiru coyenein tatsi nexa.

<sup>11</sup> Caena bayatha pon pepa sacerdotepin, duwein jana capaneiba ichaxota po tutu yatsicaewa Nacom pia tutu tatsi po tutu bichocono peainya cui tutu. Bapon baxua exana xua Nacom peyabara jantemainaenexa jiwi abe pia peexanae coyenewan tatsi. Bapoxonae barapo duwein ompin tautatsi tomara cuariya beya.

<sup>12</sup> Cristo barichichi. Tomara cuariya beya tupa exanadutatsi naetotha, xua daxita jiwi pejantu coyene xanepana exanaenexa tsainchi Nacom. Cristo pejana pichapabarenaexae poxonae tupa, Nacom jopa tsitatsi xua jiwi penatsicuentsiwa xua abe peexanaexae.

<sup>13</sup> Ichamonae Jesús aura exanatsi poxonae tomara cuariyatha tupa exanadutatsi naetotha. Barabu copatatsi xua ichamonae iru naca aura exana wajume cowantsixae Jesús xua daxota naca atene exana icha Jesús ichichi.

<sup>14</sup> Barapo cae pin nacuathe jopa xeinaetsi tomara, po tomara ataya tsitecaeya ayapusu tsuncuae. Jame wunaeya ewatatsi, po tomara xua bexa patopaetsica Nacom pia nacua wetsica tatsi.

<sup>15</sup> Daxota waxainchi bewa wuna jainteibichi Nacom tsipei Jesucristo naca tsitupa. Poxonae Nacom wuna jaintatsi wajumetha baxua icha be poxonae ichi poxonae duwein tautatsi poxonae tuxusi exanatsi Nacom nexa. Nacom wuna jaintatsi jeichichi: "Nacom maisa bichocono nejantu coyene xanepanaein", jeichichi.

<sup>16</sup> Jopa pajantemainaende po coyene xua beta painya taexanaewa ichamonae. Painyawan panata jiwana wetsabare pocotsiwan xua paxeyame xua painya necat-sibinexa pomonae xua jopa xeinaeyo. Tsipei poxonae baxua paexaname, bichocono xanepana icha be ichi poxonae paexaname poxonae duwein patautame xua patuxusi exaname Nacom nexa pocotsiwa Nacom tsita xanepanatsi.

<sup>17</sup> Paexande pocotsiwa paca cui itoroba pomonae painya nepacacanamataxeinaewi. Matautano saya barapomonaetha pajume naitaeware. Pabaru cui itura jinare barapomona tsipei barapomona paca jantu coyene eeniya ewata. Barapomona yaputane xua bexa tsane Nacom barapomona yabara paebina xua penatsicuentsiwa xua abe peexanaexae icha barapomona jopa beta paca jantu coyene eeniya ewatsiyo. Bara pacopare xua barapomona jantu coyene weiweina exanatsi poxonae paca jantu coyene eeniya ewata xua jopa pejantu coyene wecoyeyinexa xua abe painya neexanaexae. Tsipei icha barapomona jantu coyene wecoyeyi baxua xapain jopa paca yawenaeyo.

<sup>18</sup> Nacomtha painta wucare. Bara payaputan xua pata jantu coyene pana netsipaeba xua pinae bara beta paexanan. Paxan paichichipan xua awiya beta pata exanaewa daxita coyenewan.

<sup>19</sup> Paca wucatsi xua painya inta wucaenexam tsane Nacomtha xua Nacom bara inta pecopatsinexa xua methaunxuae tapaca siwa ponaewa tsainchi equeicha.

### *Meje yabara xua najume wetsiya paeba pon tina*

<sup>20</sup> Nacom, barapon peyajantu coyene jinaein xua jantema pepoponaewa. Barapon Nacom Jesús caewa asu exanatsi petupaewa weya pon Wanacanamataxeinaein. Bapon Jesucristo pon pepa Peewatsin xua daxita carepaya jiwi peewatsinchi icha be pocotsin oveja beta peewatsin ichi. Bapon Jesucristo pejana pichapabarenaexae poxonae tupa, canacui wetsiya exana po coyene xua bayatha Nacom yabara tsiwuna muxu duta po coyene xua ataya tsitecaeya tsane.

<sup>21</sup> Barabu barapon Nacom paca jantu coyene xanepana exanaena xua jopa painya nenatsicuentsinexa xua abe painya neexanaexae. Matautano bu bara paca catsina

xua daxita pocotsiwan panantawenoname xua xuan xanepanaya painya exanaenexa po coyenein Nacom ichichipa. Barichi barab<sub>u</sub> Jesucristo pia peayapus<sub>u</sub>wa naca cana exanaena xua exanaeinchi po coyene Nacom tsita xanepanatsi. ¡Barab<sub>u</sub> jiwí Cristo ataya w<sub>u</sub>nae jaintinchi pexeinaexae peayapus<sub>u</sub> coyenewan! Je, bara ichi tsane.

<sup>22</sup> Tamonae pam, pomonae pam ir<sub>u</sub> painya nejume cow<sub>u</sub>ntsixae paca itorobatsi xua bepijawa jopa payabara jume cui aitaconaeinde po jumein paca muxuwetatsi, barapo tsica cartiyo po cartiyo imoxoyo jume tsecae.

<sup>23</sup> Maisa ichichipan xua painya neyaputaewa tsane xua Timoteo bayatha copatatsi jiwí pec<sub>u</sub>bi bo weya. Barapon be wayapin watsicotaein pejume cow<sub>u</sub>ntsixaer<sub>u</sub> Jesucristo. Ichaunxuae bapon taxantha patopaena bapon methaunxuae nebar<sub>u</sub> iya tsane painya xainya beya xua equeicha tapaca siwa ponaewa tsainchi.

<sup>24</sup> Painta jacobare daxita pomonae painya nepaca canamataxeinaewi. Ir<sub>u</sub>no painta daxita jacobare pomonae pejume cow<sub>u</sub>ntsiwir<sub>u</sub> Jesucristo. Italia nacuamonaepiwi barapomonae paca jacobae, pomonae ir<sub>u</sub> pejume cow<sub>u</sub>ntsiwi.

<sup>25</sup> Barab<sub>u</sub> Nacom daxita pam bichocono paca yawenaena pia painya nepaca caantobewaxae.

## Meje Po Carte Santiago Tatina, Pomonae Jesucristo Pejume Cowantsiwi Tatinatsi

*Meje yabara poxonae Santiago tamropata pitaba xua tatina pomonaetha pomonae  
pejume cowantsiwi pomonae xua tajũ jinompa*

<sup>1</sup> Xan, Santiago ponxaein Nacom amanaya pia petanacuichin tatsin irũ Jesucristo pon jiwi Pecanamataxeinaein amanaya pia petanacuichin tatsinno. Paca jacobatsi pomonae Israel pia saineiwi tatsi pam, pon caena bayatha tũpa. Israel doce po pexantobe xeina, pomonae caena bayatha werapa.

Paxam barapo doce po bicheito matabũxũmonaebe pia sainei jiwi tatsi pam, pomonae pam xua anoxuae tajũ nacayayatsiya pajinompame daxita nacuantha xua painya pepa nacua weya.

*Meje yabara xua po peyaputae coyene Nacom pia peyaputae coyenewa tatsi*

<sup>2</sup> Tamonae pam pomonae irũ painya nejume cowantsi jiwi pam Cristo, bewa jũntũ coyene weiweinaya pajinompaem poxonae bequein pacata ayapube tsaibi tsane ichauxi.

<sup>3</sup> Poxonae pacata ayapube tsouneibi ichauxi ichitha beitatemaya awiya ayapũya pajume cocowũntaponame, bapoxonae payaputaneme xua paantũyapũya amanayabame pocotsiwa xua paca atene exana.

<sup>4</sup> Bara saya beitatemaya payabara cui copare barapo coyene xua ayapũya jume cocowũntapona paca necana exanaenexa beya poxonae painya jũntũ coyene Nacom petsita xanepanaenexatsi. Bapoxonae painya jũntũ coyeneintha jopa paxeinaem tsane pocotsiwa pacata seica.

<sup>5</sup> Icha caein paxam jiwana pam taseicatsi peyaputae coyene xua jopa yaputaeyo pocotsiwa Nacom ichichipa bapon bewa Nacomtha tsipaebina xua pecatsinexatsi peyaputae coyene pocotsiwa bapon ichichipa. Nacom amanaya catsina nawita barapo peyaputae coyene. Mataũtano Nacom jopa aenae-aeneya itawetsiyo poxonae cata.

<sup>6</sup> Daichitha jame bewa jume cowantsiya pawũcaename. Mataũta jopa bũbũjeya pawũcaeinde Nacomtha. Tsipei pon bũbũjeya wũca Nacomtha, bapon ichawa beya tamropata nanta xeinapenteiba icha be pocotsi coyene jũta ichi poxonae ba maratsaca joibo ichawa beya caya tsaibi icha muxunene beya.

<sup>7</sup> Pon barapocotsi coyeneya exana, Nacom ba jopa catsiyo bapocotsi jitontha, tsipei jopa jume cowantsiya wũcaeyo Nacom pon jiwi Pecanamataxeinaein.

<sup>8</sup> Bapon jopa xeinaeyo pocotsiwa Nacom cata tsipei bapon anoxuae caewa yabara nanta xeina. Baya equeicha ichawa yabara nanta xeina. Jopa itacũpaetsi xua xanepanaya pepoponaewa.

<sup>9</sup> Pon xua Jesucristo pejume cowantsin, bapon bequein saya tsiwiyo copei xeina, bapon bewa jũntemiya jũntũ coyene weiweinaeya poponaena tsipei bapon Nacom peitabaratha ainya cui penaexanaein.

<sup>10-11</sup> Mataũtano pon copiya copei pexeinaein pontha pon bequein Nacom cui yabara copata xua bapon peacopeibin naexana, bewa jũntema poponaena pejume cowantsixae Nacom. Poxonae bapon tũpaena, bapana jopa cuenta tũpae po coyene xua bapon pejume cowantsiwa. Ichitha icha bapon jopa jume cowantsiyo copei pexeinaexae, bapon saya caeto nacuita ducuanabiya bapoxonae cuenta tũpa copei poxonae nacuita ducuanabiya. Barapo coyene icha be pocotsi jũta coyeneya ichi xua pentono. Bara caeto matono weiweinaeya umena. Cotacaya xometo ecoina yawano atsa bichocono, naepanaewan tsaquiwa, pentononno othopeica. Weraweraca xua



matono itupana. Pon copei pexeinaein bapon tupaena, saya weraweracaena icha pentono ichi xua weraweraca.

*Meje yabara poxonae jiwí pemuxujainyabiwatsi xua abe peexanaewa tsane*

<sup>12</sup> Nacom jujuta pomonaetha pomonae pejume cowantsiwichi pia yaputaetsi icha barapomonae xaniwaicha antobetsi. Pon xua acuiyapusuya jume cowantsiya popona poxonae bara bequein Nacom juntu coyene jujuta, jame bapon juntu coyene weiweinaeya popona. Poxonae yapucaewa xua bapon juntu coyene jujutatsi bapoxonae Nacom yabara wuna muxu dutsina xua bexa bapon Nacom pia nacia beicha peajuntucoyenyapusuwatha ponaena. Barapo peyabara tsiwuna muxu dutsiwa Nacom cata pomonaetha pomonae peantobewixaetsi.

<sup>13</sup> Poxonae ichun matowa juntu coyene jujutatsi xua abe peexanaenexa, bapon jopa bewa nanta xeinae xua metha baxua Nacom cana exana bapontha. Tsipei Nacom bapana jopa jichipae xua abe peexanaewa tsane. Matauta Nacom ichamonaetha jopa bapana cana exanaeyo xua rejuntu coyene jujutsiwa xua barapomonae abe peexanaewa tsane.

<sup>14</sup> Apra jame nama pon juntu coyene jujutatsi abe peexanaenexa, bapon copiya rejuntu coyenetha nanta xeinaeya popona xua abe peexanaenexa. Bapoxonae poxonae xaniwaicha juntu coyene jujutatsi xua abe peexanaenexa bara bapon exana xua abe exana.

<sup>15</sup> Pon xua abe exana bapon exana po peabe exanae cuiru coyene copiya yabara nanta xeina. Icha bapon awiya abe exana ducunaebiya matapainya tupa abe peexanae cuiru coyene peexanaexae bichocono.

<sup>16</sup> Tamonae pam paxam pomonae tapaca caantobewichi pam. Jopa painya coutha pananta xeinaeinde xua pajam: “Nacom nemuxujainyaba xua abe taexanaewa tsane”, jopa pajande.

<sup>17</sup> Daxita xua wuna, saya meisa baxuan Nacom nacata itorobica peitaboco wetsica. Bapon Nacom exanaduba daxitan xua pocotsiwa yonoyonojei tsurubena peitabocotha. Nacom jopa bapana ichawa beya pepaebiya exanaein. Bapon peyapenthiya jinaein mataqueitha yawa merawithano. Jopa exanaeyo icha barapo pecoichan ichi xua pentha tsaibi yawa quirei tsaibi. Dapon aibi pon itacupatsi xua itorobatsi Nacom xua icha coyeneya peexanaewa xua pocotsiwa bapon pia coya ichichipa exana.

<sup>18</sup> Poxoru saya Nacom pia coutha ichichipa daxota naca cata peantuyapusuwa po peantuyapusuwa ataya tsiteca. Baxua naca cata poxonae jume cowantsiya jume tainchi Nacom pia pexainyei jume diwesi tatsi. Poxonae Nacom baxua naca cana exana bara waxainchi piamonae jiwí tatsichi xua waxainchi ichamonae toxechiya jume cowantatsi. Xua copiya wajume cowantsixae, Nacom naca cana exana xua pomonaetsi pomonae wajuntu coyene xanepanae jiwichi Nacom nexa. Daxota Nacom tsita be painya cui jiwichi beyacaincha ichamonae.

*Meje yabara pomonae xaniyeya pepa pejume cowantsiwi Nacom*

<sup>19</sup> Tamonae pam pomonae bichocono tapaca caantobe jiwichi pam pacayabara nanta xeinare barapo diwesi xua jeye: Daxita paxam bewa pewunaeya pana najuntu coyene wunaeteibim painya nenamnaewateibinexa Nacom Pejume Diwesi. Jopa bewa paxainxainyam xua painya cueicueijeinexa barapo diwese ichamonaetha poxonae cataunxuae jopa paexanaem pocotsiwa barapo diwesi itoroba. Yawa jopa bichocono anaepanaya pacueicueijande.

<sup>20</sup> Tsipei pon anaepana, Nacom jopa taexanaetsi pexeinya coyene po coyene xua Nacom tsita xanepanatsi.

<sup>21</sup> Bara pabarapende po coyene abe peexanae cuiru coyene pocotsiwa pananta xeiname, xuano xua pocotsiwa ichamonaetha pata exaname. Matautano pana cui barapende po peabe exanae cuiru coyene bichocono nawita pocotsiwa ichamonaetha

pata exaname. Matautano painya juntu coyeneintha ita ururaquiya pajume cowande Nacom pia pexainyei jume diwesi tatsi. Tsipei barapo pexainyei jume diwesi xeina peayapuswa xua paca cana exana xua pajuntu coyene panenebiyam abe painya neexanae cuiru coyenein weya.

<sup>22</sup> Itapeta paexande, pocotsiwa Nacom Pejume Diwesitha paeba. Jopa metha bepa saya pajume taemtsipae. Tsipei paxam painya coutha pana namuxuitorobeibichipame icha jopa paexaneibim pocotsiwa xua pajume taibame.

<sup>23</sup> Pon xua saya jume tane Nacom Pejume Diwesi yawa jopa exanaeyo pocotsiwa Nacom paeba, bapon be pocotsi jiton tsabocototha nayaitane.

<sup>24</sup> Bara nayaitane. Poxonae bapon pona caena bapon yacuinaya naitabara itaxananaya.

<sup>25</sup> Nacom Pejume Diwesi bichocono xanepana. Barapo peitorobi diwesi naca juntu coyene capanepa exana abe waexanae cuiru coyene weya. Ichitha pon jopa junteinaeyo xua pocotsiwa Nacom Pejume Diwesitha paeba, xuano xanepanaya exana ducuanabiya pocotsiwa barapo diwesi itoroba, bapon juntu coyene weiweina xua pocotsiwa peexanaexae.

<sup>26</sup> Icha pebin nanta xeina xua daxita jume cowuntsiya exana Nacom nexa, xua daichitha jopa naebato yatacutsiyo poxonae ichamonae catsawiya yabara paebatsi, bapon pia coutha namuxuitoroba. Matautano pocotsiwa jume cowuntsiya exanapona Nacom nexa saya pejumexaei.

<sup>27</sup> Pomonae xainyeya pepa pejume cowuntsiwi Nacom, barapomonae jopa abe exanaeyo Nacom peitabaratha, pon Waxa. Pomonae xanepanaya exana bewa iche: Bewa yawena peaconae peacoibi jiwi, yawa bewa yawenaeno powaxi pecuenta werapae-waxichi piseurixi. Matauta jopa bewa exanae pocotsi coyene exana pomonae jopa pejume cowuntsiwi Nacom.

## 2

### *Meje yabara xua poxonae jiwi bewa daxita tsita najupaetsi*

<sup>1</sup> Tamonae pam, pomonae iru painya nejume cowuntsixae Jesucristo pon Wanacana-mataxeinaein. Bapon Jesucristo pon bichocono pejuntu coyene xanepanaein. Jopa bewa paexanaem painya xantha painya nejume cowuntsixae xua ichun bichocono peainya cuin wuna penaexanaeinxae beyacaincha ichun xua jopa wuna penaexanaeinxae xua daxota bapon catsapin pacana exaname.

<sup>2</sup> Ichacuitha metha be pocotsi coyeneya tsipae, xua meje: Metha poxonae paxam panacaetutsipame, bapoxonae iruru pebinbe patopaetsipabe. Metha baponbe joniyaetsipabe baxota. Ichun nacobesi xataba aniyon pocotsiwan daedaena. Matautano paparuwa nama xatata xua mu daedaena. Nama iru ichun acopeibi, nama dapon saya pia penama xatatsiwa taabetsi.

<sup>3</sup> Metha pon copei pexeinaein pantenta weyataeya wabichipame. Metha pajam tsipaem bapontha: “Xote ecare ichaxota pexeinya peecaewatha”, pajam tsipaem. Ichitha nama pontha acopeibi, jopa pantenta weyataeya wabichipaem. Bapontha pajam tsipae: “Bara beuncuiyama, ichacuitha bara saya iratha ecare”, pajam tsipaem.

<sup>4</sup> Icha metha baxua paexanaetsipame bapoxonae abeya pananta xeinaetsipame xua jiwi jopa najupaeyo. Bapoxonae paxam pana nacana exaname be pomonae jiwi painya neyabara paebi jiwi pam xua penatsicuentsiwa yabara xua abe peexanaexae.

<sup>5</sup> Tamonae pam pomonae iru painya nejume cowuntsixae Jesucristo, bichocono paca antobetsi. Incane pajume taema, xuaje: Nacom itapeta pomonae peacopeibiwi xua barapomonae bichocono pejume cowuntsinexa. Matautano Nacom catsibina barapomonaetha pocotsiwa bayatha juntana jeba pia peitorobi nacuatheicha pia peantobe-wixaetsi.

<sup>6</sup> Ichitha nama jopa paweyataem pon barapo peacopeibin. ¿Eta xua metha baxua paraichim? Pomonae ba copei pexeinaewi pomonae paweyataneme barapomonae ba daunweya paca itoroba nama. Matautano barapomonae ba pentacaponae peitabaratha paca capona xua abeya pia paca necayabara paebinexa.

<sup>7</sup> Barapomonae pomonae copei pexeinaewi apara Jesucristo abe yabara paebatsi, pontha pon waxainchi wajume cowanta dubenanaebiyaexaetsi, naca jei, “Cristo-barapomonae”, naca jei.

<sup>8</sup> Icha ichichipa paexaname Nacom peitorobi jume coyenewa, moya pejume coya paexande xua Nacom Pejume Diwesitha jeye: “Paantobeinde ichamonae, pomonae painya nepaca tsicuaraba enaewi icha paichim xua painya coutha pana naantobem”, jei xua barapo diwesitha. Moya bara beta paexanaename.

<sup>9</sup> Poxonae ichamonae ainya cui pacana exaname xua beyacaincha ichamonae, bapoxonae paxam apara abe paexaname. Matautano apara paxam pomonae abe painya nexanaewi, tsipei jopa paexanaem pocotsiwa Nacom penajume caitorobi coyenewatha paeba.

<sup>10</sup> Icha ichan jume jejei xua peexanaewa tsane pocotsiwa Nacom penajume caitorobi coyenewatha paeba, daichitha bara caewiyo seicanaya xua peexanaewa tsane, bapon Nacom tsita natsicuentatsi xua abe peexanaexae. Bara bequein saya caewiyo seicanaya, barapara Nacom tane xua daxita tsita abetsi.

<sup>11</sup> Nacom namchi: “Jopa panasi cui wainmeinchiinde poxonae jitha painya neenawatha”, jei Nacom. Yawa namchino: “Jopa bexubinde ichan”, jei Nacom. Ichitha icha bequein jopa panasi cui wainmeinchim, daichitha pabexubame ichan baraxua be poxonae daxita abe pacayabara exaname Nacom penajume caitorobi coyenewa.

<sup>12</sup> Paxam bewa beta xanepanaya papaebim. Matautano bewa beta pajinompam. Tsipei bexa tsane Nacom paca yabara paebina painya nenatsicuentasiwa abe painya neexanaexae bapontha. Paxam jopa payabara jume cuiya exanaem pocotsiwa Nacom itoroba penajume caitorobi coyenewatha. Icha barapo coyene exanatsi naca cana exana xua wapanenebiwatsi Nacom beya.

<sup>13</sup> Pomonae jopa yabara nantanuweya nanta xeinaeyo xua ichamonae peyawenaenexa tsainchi xuya Nacom bara jatiya ichane barapomonaetha. Ichitha pomonae xua yabara nantanuweya nanta xeina xua ichamonae peyawenaenexa tsainchi, xuya Nacom bara jatiya ichane po matabitha jiwi yabara paebinchi xua penatsicuentasiwa xua abe peexanaexae.

*Meje yabara xua Nacom pejume cowantsiwichi pia pexeinya peexanae coyenewan tatsi*

<sup>14</sup> Tamonae pam, iru pomonae painya nejume cowantsixae Jesucristo. ¿Eta xua metha tsipae? Metha ichan jei: Xan Nacom Pejume Diwesi jume cowantan, jei, ichitha jopa betiya xanepanaya exanaeyo. ¿Bara metha bapon najanta coyene capanepaetsipa Nacom beya? Apra jume tsipae, jopa najanta coyene capanepaetsipae.

<sup>15-16</sup> Ichacuitha metha tsipae, metha panantaatsipame pomonae pejume cowantsiwi Jesucristo painya xantha. Barapomonae metha taaibichipaetsi paparuwan xua pocotsiwa aque nexa, yawa xua taseicatsi pexaewa penabanaewanexa. Metha ichan pon painyamonae jiwana jiton bapomonaetha jeye: “Bara jantema panawibiyama, paparuwa panama xatabareno, bara beta panabanareno”, jei. Daichitha bapon jopa catsiyo barapomonaetha pocotsiwa barapomonae nantawenona xua pejinompawa nexa. Baxua bapana ba ichamonae jopa yawenaetsi icha saya ba xua paebatsi.

<sup>17</sup> Barichi xua pon pejume cowantsin Nacom Pejume Diwesi. Icha bapon jopa yawenaeyo ichantha pontha pon nantawenona ichawa xua pia peponaewa nexa, bapoxonae bapon pia pejume cowantsiwa Nacomtha be cayabara jantemaina.

<sup>18</sup> Ichacuitha jiton jeye: “Ichamonae bichocono jume cowanta pocotsiwa Nacom itoroba bequein jopa yawenaeyo ichamonae. Seicaya ichamonae bichocono beta

yawena ichamonae bequein jopa beta jume cowantsiyo pocotsiwa Nacom itoroba”, jei. Xan ponxaein Santiago jume notsin bapontha: “Pon beta jume cowanta jopa itac̣paetsi xua netsita exana xua bapon xaniwaicha jume cowanta pocotsiwa Nacom itoroba poxonae bequein jopa beta yawenaeyo ichamonae. Bapoxonae xan tsita exanan bapontha xua xaniwaicha jume cowantan pocotsiwan Nacom itoroba poxonae exanan pocotsiwa Nacom neitoroba xua poxonae yawenan ichamonae”, jan tsane.

<sup>19</sup> Xam jume cowantame xua bara compa pepa Nacom popona, xua ichan bapocotsin aibi. Baraxua bara beta nanta xeiname. Ichitha baxua iṛu caurimonae jume cowanta yawa bichocono pijunuwi jijiyei.

<sup>20</sup> Xam bapocotsim pocotsin ba jopa peyaputaein, incane jume taema. Pon paeba xua pinae jume cowanta pocotsiwa xua Nacom itoroba, xua daichitha jopa beta exanaeyo ichamonae nexa, bapon pia pejume cowantsiwa bara be cayabara j̣ntemaina.

<sup>21</sup> Nacom tsita j̣nṭu coyene xanepanatsi Abraham, pon wamo susatopin, pon caena bayatha ṭpa. Bapon Abraham Nacom jopa tsita natsicuenṭsichi xua abe peexanaexae, ichitha yabara jume cowantsiya peexanaexae pocotsiwa Nacom itoroba. Bapon pexanto isoto beya capona, petauṭsinexa xua petuxusi exanaenexa Nacomtha, po pexanto tatsi peẉn Isaac.

<sup>22</sup> Anoxuae payaputaneme xua Abraham jume cowantsiya exana pocotsiwa Nacom itoroba. Daxota bapon tsita itapeinya xeina xua poxonae exana baxua xua yatsicaewa bara xeina pepa pejume cowantsi coyenewa.

<sup>23</sup> Nacom exana xua caena bayatha Pejume Diwesitha jeye: “Abraham jume cowantsiya exana pocotsiwa Nacom itoroba. Daxota Nacom tsita j̣nṭu coyene xanepanatsi jopa penatsicuenṭsixae xua abe peexanaexae bapontha”, jei Nacom Pejume Diwesi. Barapo Nacom Pejume Diwesi tatsi xainyei, tsipei Nacom exana baxua. Daxota caena bayatha Abraham yabara jeichichi: “Apara Abraham Nacom pia jiton tatsi”, jeichichi.

<sup>24</sup> Anoxuae bara payaputaneme pocotsiwa Nacom tsita j̣nṭu coyene xanepanatsi xua jopa tsita natsicuenṭsichi xua abe peexanaexae pon exana pocotsiwa Nacom itoroba, jopa meisa metha poxoru pejume cowantsixae.

<sup>25</sup> Bara cana ichiṛu Nacom petsiriwatha powa nasi cui matacaeta pebiwitha, pia paratixichi, powa peẉn Rahab, powa caena bayatha popona. Nacom tsita j̣nṭu coyene xanepanatsi barapowatha xua poxonae peyawenaexae icha pebinbetha ponbe peitorobinchibe xua poxonae peyantabinexabe tomara. Barapowa barapo pebinbe ḅpana etatsibe pia botha poxonae baponbe jeitompatsibe ichamonae. Bapoxonae pirapaeyo bapowa baponbe capanepatsibe icha namto iya xua tomara weya.

<sup>26</sup> Daxota anoxuae paca tsipaebatsi, icha pepon ba jopa xeinaeyo pejumope, ba pepon ṭpa. Barichi icha pebin jume cowanta Nacom daichitha jopa exanaeyo pocotsiwa Nacom itoroba bapoxonae pia pejume cowantsiwa bara be cayabara j̣ntemaina.

### 3

#### *Meje yabara pocotsiwa xua peebatotha pepaebiwa*

<sup>1</sup> Tamonae pam pomonae iṛu painya nejume cowantsixae Jesucristo. Paxan pajume tan xua pinmonae painyamonae jiwana ichichipa xua penaexanaewa pomonae jiwi pecuidubiwi Nacom Pejume Diwesi. Daichitha pinmonae jopa bewa naexanae pomonae jiwi pecuidubiwi. Bayatha daxita paxam payaputaneme xua paxan pacueicueijan tsurubenanaebiyān Nacom Pejume Diwesi xua jiwi jopa bewa abe exanaena. Daxota poxonae baxua pacueicueijan xua daichitha abe paexanan bapoxonae Nacom bichocono pana peraxa j̣ubina beyacaincha xua poxonae bapon cana exanaena icha-monaetha.

<sup>2</sup> Daxita waxainchi ichichipatsi nawita xua abe waexanaewa. Anoxuae payaputaema, icha ichun jopa abe exanaeyo xua poxonae paeba bapon jame penthuthu yapu xanepanaein. Matautano bapon itacupatsi xua najuntu coyene itoroba daxita pia pepontha xua xanepanaya peexanaewa abe peexanaeyainwa.

<sup>3</sup> Poxonae waxainchi cawayu wano atatsi penainto xua wanaca cui jejeinexa baraxua apara xua wacafebabinexa daxita pepon ichaxota waponawa.

<sup>4</sup> Barichi payabara nanta xeinare jera po nae pin nae. Bara bequein bichocono pin nae yawano bara bequein po joibo pin joibo capubabiya tsaibi, daichitha pon tafecaeca bapon cafebabecapona ichawa beya xua ichaxota ichichipa peponawa xua xoyotha tsiwiyo tsecae xoyo ira werucueina.

<sup>5</sup> Icha jera ichi po nae pin nae xua dapocotsiwiyotha cafebabecapona, barichi peebato xua dapocotsi ebatiyo tsecae pepon nexa. Daichitha barapo ebatiyotha itacupatsi xua yabara eetaponaeya paeba pia peexanaewa poxonae ichamonae aebatsi. Barichi unu itacupatsi xua petaxuiwa dacotsi iteretiyotha.

<sup>6</sup> Icha nawa iteretiyo cana ichi unu, peebato bara ichiya exana daxita coyeneintha. Bequein waebato peyauyo tsecae xua wapepon jiwana xua pin xaintotsi, ichitha bara itacupatsi xua bichocono abe exanatsi naca cana exana. Waebato naca cana exana xua waexanaewa daxita abe waexanae cuiru coyenein xua poxonae wacueicueijeixae waebatotha xua caurimonae pia pentacaponaein tatsi wanaca cui itorobixae.

<sup>7</sup> Jiton ba itacupatsi xua ita coxone exana daxita duweimonae, pepupunaewi, jomon yawa menepipichiwanno. Daxita baxua i daxua jiton ba ita coxone exana.

<sup>8</sup> Nama peebato jopa be baraichichi. Jopa wanaca yapu xanepanaewa xua waebato cuidubatsi xua jopa abe jume pepaebiwa tsane. Waebato bichocono abe tsecae. Itacupatsi xua jiwi cana exanatsi xua ichamonae pejumetaya anthathatanewa, icha jomo ichi xua jiwi ba atene exanatsi pewanotha xua ichacuitha ba jiwi tupa exanatsi xua pewano tsapa pexeinaexae.

<sup>9</sup> Barapo ebatotha wanae jaintatsi Nacom pon Waxa. Matautano abe yabara paebatsi pebiwi barapo ebatotha. Ichitha barapo pebiwitha Nacom caena bayatha forota daxota barapo jiwi pia juntu coyene tatsi jupa icha Nacom pia juntu coyene tatsi ichi.

<sup>10</sup> Matautano barapo coibototha jume pichapa xua wanae pejainchiwa Nacomtha, xuano xua abeya pepaebiwa. Tamonae pam pomonae iru painya nejume cowantsixae Jesucristo. Jopa bewa barapocotsi coyenewa paexanaem xua poxonae Nacom wanae pajaintame xuano xua jiwi abe payabara paebame.

<sup>11</sup> Po mera natsibotarucua ira buxupana wetsina, poxonae mene jujuina barapoxonae caena yawa jopa muxuna jujuinaeyo po mera xeica yawa po mera atsaxa.

<sup>12</sup> Tamonae pam bara pocotsi jata coyeneya ichi poxonae waxainchi ubatsi. Higuera nae jopa ba nacoichiyo olivo nae thei, po pethei aceituna thei matawan. Yawano uva unbototha jopa ba nacoichiyo higuera nae thei. Barichi barapo mene po mera mene natsibotarucua poxonae mene jujuina barapoxonae caena yawa jopa muxuna jujunaeyo po mera xeica yawa po mera atae. Barichi waebatotha jopa bewa xeinaetsi ainya jume coyenewabe po jume wanae yawa po jume abe.

### *Meje yabara xua pepa pexainyeiwa xua peyaputae coyenewa*

<sup>13</sup> Icha painya xantha popona pon bichocono peyaputaein xua yawa pecoxonaein bapon bara bewa moya xanepanaya beta poponae yawa bara bewa moya ita uru-raquiya poponae. Beta peexanaexae jiwi peitutha, barapoxonae jiwi tane xua bara bapon pon bichocono pepa peyaputaein.

<sup>14</sup> Metha painya juntu coyenetha paxeiname peuwiwa xua paca juntu coyene atsaca exana ichamonaetha. Yawa metha painya coutha pana nata exaname painyawan pia jiwi wanae paca yabara paebichi xua pia ainya cui paca exanaetsi xua beyacaincha



ichamonaē. Icha paxeiname barapo peyaputae coyenebe bapoxonaē painya xoba paaebame ichamonaē painya pepa neyaputae jiwi pamxaem. Poxonaē baxua papaebame apara saya panaerabame xua jopa paxainyam.

<sup>15</sup> Aparā barapo peyaputae coyene xuaunxuae po peyaputae coyene yabara paca tsipaebatsi barapo coyene apara jiwi nanta xeina barapo cae pin nacuathe pomonaē jopa pejume cowantsiwi Nacom. Barichi barapo peyaputae coyene cauri nanta xeina. Aparā barapo peyaputae coyene Nacom werena jopa ponaeyo.

<sup>16</sup> Daxota poxonaē ba jiwi pejume uwiwa xeina ichamonaetha yawa u penata exanaē coyene piawan bapoxonaē ba jiwi jopa xanepanaya penanta xeinaewa yawa exana daxita abe peexanaē cuiru coyenein.

<sup>17</sup> Nama pomonaē xua peyaputae coyene xeina xua po peyaputae coyene Nacom werena pona, barapomonaē copiya juntu coyene xanepanaya jinompa yawano barapomonaē jopa naita aenae-aeneyo saya juntema pejinompaexae. Yawa barapomonaē yabara jume baru cui itura jina pocotsiwa ichamonaē paeba. Yawa jume jejei xua peexanaewa pocotsiwa ichamonaē itoroba. Matautano nantanuweya yabara najuntu coyene xeina peyawenaenexa tsaibi tsane ichamonaē. Matautano barapomonaē wanaeya xanepanaya exaneiba ichamonaē nexa xua jopa ichawa beya nanta xeinaeyo xua saya xaniwaichiya exana.

<sup>18</sup> Pomonaē xua bichocono ichichipa xua juntema pejinompaewa barapomonaē cana exana ichamonaetha, xua ichamonaē juntema jinompa xua daxota barapo ichamonaē bichocono xanepanaya betiya exana dubenanaebiya.

## 4

*Meje yabara pomonaē ichichipa naexana pomonaē jopa pejume cowantsiwi piamonaē tatsi*

<sup>1</sup> ¿Eta werena pona barapo coyene xua pana najume matsontsonobame? ¿Yawano eta werena pona barapo coyene xua pana nabame? Aparā barapo coyenebe naforoba painya juntu coyeneintha ichaxota paichichipame xua abe painya nenanta xeinaewa.

<sup>2</sup> Ichawa paichichipame ichitha jopa paxeinaem daxota ichan anaya pabexubame. Ichawa payabara cui uwame, ichitha jopa paca itacupaeyo xua paxeiname daxota anaya pana nayabara bame. Jopa paxeinaem pocotsiwa paichichipame tsipei Nacomtha jopa pawucaem.

<sup>3</sup> Poxonaē Nacomtha payabara wucame pocotsiwa paichichipame, jopa Nacom paca catsiyo tsipei jopa xanepanaya pawucaem, saya painya nata wucaexae pocotsiwa xua abe painya neexanaewa tsane.

<sup>4</sup> ¡Maisa paxam caurimonaē pia pepuna jinompaewichi pam! Payaputaneme xua pomonaē ichichipa naexana pomonaē jopa pejume cowantsiwi Nacom piamonaē tatsi, barapomonaē apara ba Nacom peaitafaetabiwichi. Daxota poxonaē paichichipame xua panaexaname barapo cae pin nacuamonaepiwi piamonaē tatsi, apara panaexaname Nacom pia peaitafaetabiwichi tatsi pam.

<sup>5</sup> Daxota Nacom Pejume Diwesi jeye: “Nacom asiwiya antobe po jumope tnanaxu naca cayawa exanaeya jinompa exana”, jei.

<sup>6</sup> Ichitha Nacom pia peantuyapusuwatha naca yawena xua jopa abe waexanaewa tsainchi. Nacom Pejume Diwesitha jeye: “Nacom jopa yawenaeyo pomonaetha pomonaē jiwi peabiwi. Ichitha pia peajantuyapusuwatha yawena pomonaetha pomonaē ita ururanaya jinompa xua jopa atsaquiyo”, jei.

<sup>7</sup> Pajume jejande xua Nacom paca itoroba yawa paexande. Jopa pamuxu jejande cauri pia pentacaponaein tatsi xua paca tsipaeba. Bapoxonaē bapon naetsiricuaena painya xainya weya.

<sup>8</sup> Nacomtha patsipaebare, bapoxonae Nacom paca yawenaena. Paxam pomonae abe peexanae jiwi pam, tsipei Nacom paantobem yawa pamuxuna antobem po peabe exanae coyenewa barapo cae pin nacuathepiwi exana. Bara panacui barapende barapo abe painya exanae coyene. Yawano Nacom patsita najuntũ coyene xanepana exande.

<sup>9</sup> Abe painya neexanaexae, pana najuntũ coyene acaurande, pawecoyande, yawa panantũ exabare. Poxonae pajuntũ coyene weiweiname xua painya neexanaexae pocotsiwa barapo cae pin nacuathepiwi exana, bara equeicha caewa pajuntũ coyene wecoyande xua painya neauraxae.

<sup>10</sup> Nacom pon jiwi Pecanamataxeinaein pabarũ cui itura jinare xua jopa ainya cui pana nacana exanaem. Bapoxonae Nacom ainya cui paca cana exanaena.

*Meje yabara xua jopa bewa ichamonae yabara paebichi tsainchi xua penatsicuentsiwa xua abe peexanaexae*

<sup>11</sup> Pomonae painya nejume cowantsi jiwi pam Jesucristo, jopa bewa ichamonae yabara paebichi tsainchi xua penatsicuentsiwa xua abe peexanaexae. Pon abe yabara paeba pontha pon Cristo pejume cowantsindũ, bapon muxuna abe yabara paeba Nacom pia peitorobi diwesi. Bapon jopa jume cowantsiyo pocotsiwa xua barapo diwesi itoroba xua pinae jopa bewa abe yabara paebichi ichũn xua xeina penatsicuentsiwa xua abe peexanaexae. Bapoxonae bapon natsicuenta Nacomtha barapo coyenetha tsipei abe paeba nawita. Poxonae bapon abe yabara paeba Nacom pia peitorobi diwesi bapoxonae bapon be jopa exanaeyo po coyene Nacom pia peitorobi coyenewatha itoroba.

<sup>12</sup> Apará meisa bapon Nacom pon naca cata pia peitorobi coyenewa. Mataũtano bapon compa pon jiwi peyabara paebin xua penatsicuentsiwa xua abe peexanaexae. Meisa saya bapon itacũpatsi xua jiwi capanepatsi pia nacuatheicha, xua ichacuitha ba jiwi itawetatsi pia nacua weya xua abe peexanaexae. Nama paxam apara jopa paca itacũpaeyo xua payabara paebame xua ichamonae pia peexanae coyenewa tatsi. Mataũtano jopa paca itacũpaeyo xua jiwi pacapanepame Nacom pia nacua beicha tatsi, xuano xua jiwi ba ichacuitha paitawetame Nacom pia nacua weya tatsi abe peexanaexae.

*Meje yabara xua cataunxuae jopa nayaputaeyo pocotsiwa xua baya nexa tsane*

<sup>13</sup> Anoxuae pajume taema xuaje, xua paxam ba pajam: “Anoxuae, ichacuitha icha jopa anoxuae tsipae, baya tsane paponaein icha tomaratha. Ichacuitha icha jopa barapo tomaratha tsipae, paponaein icha tomaratha. Baxota pata tha cae wei yapu othopaetsi, pata caenaeta dubenanaebiyaetsi, yawa pata paratixi caetuba dubenanaebiyaetsi”, xua pajam.

<sup>14</sup> Jopa baxua pananta xeinaeinde tsipei jopa payabara yaputaem pocotsiwa baya painya nejinompaewa tsane. Barapocotsi jũta coyeneya pana natsicotaneme, icha nobo ichi, xua ba caeto nobo tsuncuae equeicha caewanaya. Barichi jiwi bara caeto jinompa, equeicha werapa.

<sup>15</sup> Jame bewa pocotsiwa papaebim xua jeye: “Icha Nacom pon jiwi Pecanamataxeinaein ichichipa xua wajinompaewa, moya jinompaeinchi, yawa exanaeinchi pocotsiwa xuaje, ichacuitha xua ichawano”, xua bewa jei.

<sup>16</sup> Ichitha nama paxam, jopa baxua papaebim pocotsiwa icha Nacom ichichipa. Saya paeabame poxoru paichichipame xua painya neexanaewa pocotsiwa painya coutha paichichipame. Icha poxonae paichimje xua poxonae paeabame bapoxonae bara apara abe peexanae cuiru coyene paexaname.

<sup>17</sup> Pon xua yaputane xua beta peexanaewa, xua daichitha jopa baxua exanaeyo, apara bapon bara abe peexanae cuiru coyene exana.

## 5

*Meje yabara xua pemuxuwetsi coyene pomonaetha pomonae copei pexeinaewi*

<sup>1</sup> Pomonae copei pexeinaewi pam, pajume taema xuaje: Payabara siwa wecoyande yawa pana nantanuweya namtsebare xua painya nepaca tsita jopaexae pocotsiwa xua jopa xaexaenaecaeyo, pocotsiwa xua paca atene exana.

<sup>2</sup> Daxita xua xuan paxeiname baxuan daxita tsabana, yawa painya pexeinya pabuburun xua pema itane wunaewan baxuan daxita ofon xane.

<sup>3</sup> Painyawan xua pocotsiwa pewan oro nain yawa xuano pocotsiwa pewan plata nain, daxita baxuan tasibounatsi. Baxua paca tsita naitapeinya xeina xua paxam jopa pacat-sim ichamonae saya asiwiya pantaropeicha xexeinaponame barapo copei. Barapo copei pajebame anoxuae. Ichitha po mataqueitha poxonae Nacom yabara paebina jiwi xua penatsicuentisiwa xua abe peexanaexae bapontha, barapo matacabi imoxoyo tsane. Nacom weraweraca exana barapo copei xua painya copei, icha isoto ichi xua tauta exana xua topowa. Bichocono copei pacaetubame bequein jopa baxua paca yawenaeyo painya nepanenebiyaewa po mataqueitha nexa po mataqueitha Nacom yabara paebina pocotsiwa jiwi pia peexanae coyenewan ichacuitha xua metha wuna, ichacuitha xua metha abe.

<sup>4</sup> Jopa pantomatsim pomonaetha pomonae pacata nacuita poxonae pacata naweta pexaewa. Painya caibixae barapo pentoma barapomonae paca yabara namtsebiya wawai. Yawa Nacom pon jiwi Pecanamataxeinaein, pon daxita pia peitorobi coyene pexeinaein bapon daxita baxua jume tane xua barapomonae namtsebiya wawai.

<sup>5</sup> Barapo irathe bichocono copei paxeina dubenanaebiyame, matautano praexana dubenanaebiyame pocotsiwa xua paca juntu coyene weiweina exana. Bichocono copei paacabem po mataqueitha poxonae Nacom paca jutebina, icha jiwi ichi xua natsixuruwei naxinyaba exana vaca xua bexa pebexubinexa tsane.

<sup>6</sup> Paxam pomonae copei pexeinae jiwi pam abe payabara paebame pomonae pejuntu coyene xeicae jiwi. Yawano pajutebame barapomonae, bequein jopa itacupaetsi xua pia coutha penayawenaewa.

*Meje yabara poxonae Santiago jei: "Jopa paaitaconaeinde poxonae bequein ichamonae abe pacata exana", jei*

<sup>7</sup> Tamonae pam pomonae iru Jesucristo painya nejume cowuntsixae. Beitatemaya pawunaeware pon jiwi Pecanamataxeinaein, pon Cristo. Jopa paaitaconaeinde poxonae pawunaeware watame xua poxonae bequein ichamonae abe pacata exana. Barapo coyene baxua bara paichinde, icha pon pabi pexeinaein ichi poxonae beitatemaya ewata xua naweta xua naxainwaeta. Bapon jopa aitaconaeyo poxonae beitatemaya ewata xua ema taatsanaeinchi pia pabi.

<sup>8</sup> Paxam iru bara paichinde. Jopa paaitaconaeinde poxonae pawunaeware watame pon jiwi Pecanamataxeinaein. Pana najuntu coyene tsacabare xua juntema painya nejinnompraewa tsane, tsipei pon jiwi Pecanamataxeinaein bara nama imoxoyo pewunaeyo tatsoponaetsi xua pepatopaewa.

<sup>9</sup> Tamonae pam pomonae iru Jesús painya nejume cowuntsixae. Jopa caemonae nantiya aitaconaeya pana nayabara paebinde xua abe painya nenata exana dubenanaebiyaexae. Icha baxua paexaname paxam panatsicuentame Nacomtha tsipei Nacom pon jiwi peyabara paebin xua penatsicuentisiwa xua abe peexanaexae. Nama imoxoyo tsopona poxonae Nacom itorobina xua jiwi peraxa jubebinchi pomonae abe peexanaewi.

<sup>10</sup> Tamonae pam matha pataema po diwesi yabare: Pomonae Nacom peitorobi jume pepaebiwi pomonae caena bayatha jinompa, barapomonae bichocono atene exanatsi ichamonae. Bequein bara barapomonae atene, daichitha awiya jopa aitaconaeyo

poxonae abe taexanatsi ichamonae. Awiya barapomonae pomonae Nacom peitorobi jume pepaebi jiwi ba cueicueijeji tsaibi Nacom nexa, pon jiwi Pecanamataxeinaein.

<sup>11</sup> Waxainchi ba yabara nanta xeinatsi barapomonae, xua bichocono jũntũ coyene weiweina poxonae beitatemaya awiya jume cowũntsiya exana dubenanaebiya poxonae bequein abe taexanatsi ichamonae. Bayatha caena pajume taneme xua pinae pon pewũn Job jopa aitaconaeyo Nacomtha poxonae bequein Nacom yaperaxaeya jume cowũnta ducuaanaebiyatsi. Mataũtano payaputaneme xua Job equeicha matapainya beta taexainchi Nacom, pon jiwi Pecanamataxeinaein tsipei Nacom jiwi nantanuweya peyabara nantũ coyene xeinaeinchi xua jiwi peyawenaenexatsi.

<sup>12</sup> Jame xuaje ainya cui: Jopa Nacom pawũn caunutsinde xua bapon painya nepaca taewa tsane xua xaniwaicha painya nepaebiwa poxonae yabara pana natsiwana wũnae paebame ichamonaetha pocotsiwa bexa painya exanaetsi. Poxonae pajam: “Je”, pam, bara bara paichinde. Poxonae pajam: “Bara”, pam, bara moya bara jopa paexanaeinde. Baroxonae jopa Nacomtha panatsicuentsem tsane abe painya neexanaexae. Barichi jopa itaboco pawũn caunutsinde, yawa irano jopa pawũn caunutsinde, mataũtano jopa icha wũnno pawũn caunutsinde.

<sup>13</sup> Icha ichũn pon painyamonaе jiwana jiton ajũntũcoyenetane xua abe petaexanaexaetsi ichamonae, barabũ bewa bapon Nacomtha wũcaena xua peyawenaewa tsainchi. Icha ichũn jũntũ coyene weiweina, barabũ bewa bapon peweixi naxũnae xua Nacom wũnae jainchiya peyabara naxũnaewatsi.

<sup>14</sup> Icha ichũn atene, bewa pawabim penapatae jiwi, pomonae pecanamataxeinaewi xua canamataxeinatsi pomonae Nacom pejume cowũntsiwi. Baroxonae barapomonae bewa tawũcaena xua pon peatenein petawũcaewatsi xua Nacom axaibi peexanaenexa. Baroxonae barapomonae bewa juinya penasiwatha mata caxuebina Cristo pewũnthã pon jiwi Pecanamataxeinaein.

<sup>15</sup> Poxonae barapomonae Nacomtha wũca bewa yabara jume cowũntsiya wũcaena xua bara Nacom pon jiwi Pecanamataxeinaein axaibi exana bapontha. Baroxonae pon atene jume tsane. Mataũtano pon Wanacanamataxeinaein, bapon pon atene axaibi exanaeinchi. Icha pon atene abe peexanae cuiru coyene exana baxua Nacom cayabara jũntemainena.

<sup>16</sup> Daxota paxam, caemonae nantiya pana natsipaebeibare xua poxonae abe nantiya pana nata exaneibame, pajam tsaibinde: “Pin uran, yaitama jopa xapain cata exanaetsi necayabara jũntemainare”, pajam tsaibinde. Pon Nacom peitabaratha tatsi jũntũ coyene xanepanaya popona, poxonae bapon Nacomtha wũca bichocono peayapusũwa xeina xua daxota Nacom beta cana exana bapontha.

<sup>17</sup> Nacom peitorobi jume pepaebin Elías, bapon bara jiton bara wanaca cui jũpaein, pon caena bayatha popona. Poxonae bapon Nacomtha matowa wũca xua jopa perunicaewa tsane, baroxonae jopa duneicaeyo tres po weibe yawa equeicha bara caeto nama. Baroxonae barapo nacuatha pin jainbo nacua tsurucuae.

<sup>18</sup> Baroxonae, poxonae equeicha Nacomtha wũca, baroxonae equeicha duneica yawa pexuwiwan xanepanaya nawetsiya xuwa.

<sup>19</sup> Tamonaе pam metha ichũn pon paxam jiwana abe exanapona bequein yaputane xua bewa exanaena pocotsiwa pexainyeiwan. Icha ichũn yawena bapontha xua equeicha caewa beta peexanaewa tsane bapon, pon yawena, bara beta exana.

<sup>20</sup> Pon yawena bewa yaputaena xuaje: Po jiton xua cana exana ichamonae xua pe-nacui barapentsiwa abe peexanae cuiru coyenein, xua equeicha pejume cowũntsinexa Nacom, barapon jũntũ coyene capanepa exana barapomonae petũpae cuiru coyene weya. Mataũtano bapon jũntũ coyene yawena xua Nacom peyabara jũntemainaewa xua barapomonae abe pia peexanae cuiru coyenein tatsi xua bequein bichocono nawita.

Baja Santiago.

## Meje Po Carte Copiya Pedro Tatina, Pomonae Jesucristo Pejume Cowantsiwi Tatinatsi

*Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi*

<sup>1</sup> Xan, Pedron, Jesucristo pia peitorobi jiwi jiwana tatsin. Daxita barapomonae pam pacata tinatsi pomonae painya nacua nacayayatsiya pawu jinompame xua ichamonae painya nepaca yotabixae. Pomonae painya nejinompaewi pam Ponto nacuatha, iruru pomonae painya nejinompaewi pam Galacia nacuatha, iruru Capadocia nacuatha painya nejinompaemd, iruru Asia nacuatha painya nejinompaewi pamd, iruru Bitinia nacuatha painya nejinompaewi pamd.

<sup>2</sup> Caena bayatha poxonae aena, baroxonae Nacom paca itapeta. Barapon Nacom, pon Waxa, paca yaputane xua pia pexui tatsi pana naexaname. Nacom pia Pejumope tuxu tatsi paca exana xua bichocono pajuntu coyene xanepaname Nacomtha painya neexanaenexa pocotsiwa Nacom paca itoroba. Poxonae Jesucristo paca tsitupa naetha jana pichapabarena painya nejume cowantsinexa Jesucristo pocotsiwa bapon paca itoroba. Baroxonae pajuntu coyene xanepaname Nacomtha. Barabu Nacom bichocono paca yawenaena pia paca necaantobewaxae. Matautano barabu barapon jantema jinompa paca exana.

*Meje yabara xua po coyeneya bewa beta jinompaetsi Jesucristo nexa*

<sup>3</sup> Nacom wuna jaintatsi pon Jesucristo Paxa tatsi. Jesucristo bapon pon Wanacanamataxeinaein. Nacom jeichichi: “Nacom maisa pajuntu coyene weiweinan xua pena juntu coyenein patanecatsibiwam xua poxoru bichocono nantanuweya pana yabara nanta xeiname. Baxua painta exaname poxonae Jesucristo equeicha asu exaname petupae cuiru coyene weya”, jeichichi. Jesucristo naca cana exana xua wunaeya jume cowantsiya ewatatsi xua Nacom naca catsina peajuntu yapuswa.

<sup>4</sup> Bara Nacom paca catsibina pocotsiwa paca jantana jeba pia nacuatheicha pocotsiwa xua jopa itacupaetsi xua peweraweracaewa xua matauta jopa abe caquiyo. Matauta jopa abe tsoponaeyo xua jopa daichiyo icha pentono ichi.

<sup>5</sup> Nacom paca yapu eena pia peayapuswatha painya neyabara jume cowantsixae bapon. Barapon Nacom paca capanera xua jopa painya neatenenexa xua abe painya neexanaexae xua poxonae daxita barapo nacue weraweracaena.

<sup>6</sup> Daxota pajuntu coyene weiweiname, bara bequein saya cae dapaeyobetha paca ajuntu coyenerewe exana xua ichamonae abe painya nepacata exanaexae matowa.

<sup>7</sup> Barapo painya nepaca caajuntu coyenerewe exanaewan piraichi pacata exana baxua xua pia yaputaetsi icha xaniwaicha bara metha pajume cowantame Jesucristo. Po penainto pewun oro nainto, jiwi ba piraichi isototha tauta peyaputaenexa icha bara metha pepa oro nainto. Po pejume cowantsiwa jiwi xeina bichocono daunwei beyacaincha oro nainto bequein ichamonae juntu coyene jujuta xua abe peexanaenexa. Barapo oro nainto weraweraca. Barapoxonae poxonae Jesucristo patopaetsica xua awiya beta painya nejume cowanta dubenanaebiyaexae daxota Nacom wuna paca jainchina. Matautano paca cana exanaena xua peainya cui jiwi pam. Matautano paca cana exanaena xua jiwi paca baru cui itura jinaena painya nejume cowantsiwixae.

<sup>8</sup> Paxam paantobem Jesucristo bara bequein jopa bapon pataem. Matautano anoxuae pajume cowantame bequein jopa bapon anoxuae pataem. Paxam bichocono pajuntu coyene weiweiname. Bara bequein barapo pexeinya pejuntu coyene weiweinae coyenewa bayatha payabara paebame daichitha awiya pacata seica xua po jumetha beta



payabara paebame barapo peajuntꝫcoyenesꝫwa. Daxota bichocono pajuntꝫ coyene weiweiname tsipei pananta xeiname xua painya nexeinaewa tsane pebaruꝫ cui itura jinaewa Nacom pia nacuatheicha.

<sup>9</sup> Painya nejume cowantsixae Jesucristo, Nacom paca juntꝫ coyene capanepaena xua jopa painya neatenenexa xua abe painya neexanaexae.

<sup>10</sup> Caena bayatha pomonae Nacom pia peitorobi jume pepaebiwi yabara je-jeitaponeiba nawita barapo pecapanenebiyae diwesi, xuano yabara yainyabeiba nawita. Barapomonae yabara paeba pecapanenebiyae diwesi, xua Nacom paca catsibina barapo diwesi pia paca necaantobexae.

<sup>11</sup> Nacom pia Pejumope tꝫnaxꝫ tatsi, po jumope Cristo weya pona, barapo jumope cueicueije barapomonae pejuntꝫ coyenewatha tatsi. Nacom pia Pejumope tꝫnaxꝫ tatsi cueicueije barapomonaetha, jeye: “Payabara tinare xua bexa tsane Cristo, pon Nacom itorobina, atene tsane. Matautano bapon Cristo xeinaena pexeinya peitꝫpanae coicha”, jei. Barapomonae nayainyaba, jeye: “¿Eta bichi tsane jiwitha poxonae baxua exanaena? ¿Yawa eta poxonae metha baxua exanaena?” najei barapomonae.

<sup>12</sup> Ichitha Nacom, barapomonae yabara yaputane exainchi xua po diwesi barapomonae xua Jesucristo yabara tsiwꝫnae paebatsi apara jopa barapomonae nexa. Apra jame barapo diwesi paxam nexa. Po diwesi xua caena bayatha barapomonae yabara paeba barapo diwesi jꝫpa po diwesi xua anoxuae ichamonae yabara paca tsipaeba. Barapo diwesi xua pecapanenebiyae diwesi barapomonae paca tsipaeba Nacom pia Pejumope tꝫnaxꝫ tatsi pia peayapusꝫ itorobi coyeneyatha tatsi po jumope itorobatsi itaboco wetsica. Barapomonae yabara paeba barapo pecapanenebiyae diwesi po diwesi matatsunpiwi bequein irꝫ ichichipa yabara yaputane.

*Meje yabara xua Nacom naca itoroba xua bewa xeinaetsi pepa pejuntꝫ coyene xanepanaewa*

<sup>13</sup> Daxota pana najuntꝫ coyene wꝫnaere Nacom nexa xua pana najuntꝫ coyene itorobare xua barompaya painya nenanta xeinaewatha. Ajuntꝫyapusꝫya payabara jume cowantsiya eware pocotsiwa Nacom paca catsibina pia paca necaantobewaxae xua poxonae Jesucristo patopaetsica.

<sup>14</sup> Paexande icha pexui ichi xua ba exana pocotsiwa coxiyꝫn itoroba. Jopa paichichipaeinde xua abe paexaname po coyenewa icha be paichim copiya xua abe paexaname poxonae cataunxuae jopa payabara yaputaem Nacom.

<sup>15</sup> Seicaya pajinompare pepa painya nejuntꝫ coyene xanepanaewatha, tsipei Nacom pon paca waba bichocono pepa pejuntꝫ coyene xanepanaein.

<sup>16</sup> Baxua paexande poxoru Nacom Pejume Diwesitha jeye: “Paxam daxita bichocono pajuntꝫ coyene xanepande, tsipei bichocono tajuntꝫ coyene xanepanaein”, jei.

<sup>17</sup> Nacom Waxa, pon jiwi peyabara paebin xua penatsicuentsiwa xua abe peexanaexae, barapon Nacom jopa nanta xeinaeyo xua ichꝫn bichocono peainya cuin beyacaincha ichꝫn. Icha paxam barapo Nacomtha pajam: “Axa”, pajam, xua pia painya nepaca yawenaenexa bapoxonae pajunuware xua abe painya neexanaeyainwa Nacomtha. Matautano barapon Nacom bichocono paantobeinde daxita maticabin poxonae pajinompame po irathe.

<sup>18</sup> Jesucristo paca capanepa painya abeya nejinompaewa weya. Poxonae Jesucristo paca yantomata xua paca capanenebiya, jopa catsiyo po penainto pewꝫn oro nainto. Matautano jopa catsiyo po penainto pewꝫn plata nainto. Barapo naxobe penaintobe saya weraweraca. Barichino payaputaneme xua Jesucristo jopa paca capanepaeyo tsipei bara paichim xua paexaname icha painya amo susato jiwi ichi xua barapo abeya juntꝫ coyenewatha jinompa. Baxua paca yawena aibi.

<sup>19</sup> Saya meisa Cristo naca yantomata abe waexanae cuiru coyenein weya. Baxua apra xua poxonae Jesucristo naca tsitꝫpa naetotha, icha caena bayatha oveja ichichi

xua poxonae bexotsi xua tupa exanatsi xua Nacom peyabara jantemainaenexa jiwí abe pia peexanae cuiru coyenein tatsi. Barapo oveja pexeinya oveja xua jopa matauta xeinaeyo wanyo, icha Cristo ichi xua jopa xeinaeyo peabe coyenewa tsipei pejuntu coyene xanepanaein.

<sup>20</sup> Nacom itapeta xua Cristo itapetatsi petupaenexa tsane naetotha caena bayatha poxonae cataunxuae jopa forotsiyo po cae pin nacue. Nacom paca tsita itata bapon Cristo barapo petabu ducuae matabitha.

<sup>21</sup> Cristo painya nepaca tsitupaexae naetotha xua abe painya neexanae cuiru coyenein daxota Nacom pajume cowuntame. Nacom equeicha Cristo asu exanatsi petupae cuiru coyene weya. Matautano Nacom pia nacuatheicha cana exana bapontha xua xeina pepa peainya cui coyenewa. Daxota anoxuae pajume cowuntame Nacom. Matautano pajume cowuntsiya ewatame Nacomtha xua bexa Nacom paca catsina pocotsiwa xua bayatha yabara paca tsiwanae muxu duta.

<sup>22</sup> Anoxuae pajume cowuntame Nacom pia pexainyei diwesi jume xua Nacom pia Pejumope tuxaxu tatsi paca tsipaeba. Daxota paca itacupa xua pana najuntu coyene wanae exaname Nacomtha xua xaniwaicha painya neantobenexa ichamona pomonae iru pejume cowuntsiwi Nacom. Daxota bewa bichocono nantiya pana naantobem daxita painya nejuntu coyene daunweyatha.

<sup>23</sup> Paxam icha juntu coyene paxename tsipei be pena jiwí pana naexaname, xua najuntu coyene xanepaname. Jopa panaexanaem xua pocotsiwa peweraweracaewa werena. Anoxuae nama panaexaname pocotsiwa xua jopa peweraweracaewiyo werena. Ichitha pena jiwí pana naexaname painya nejume cowuntsixae Nacom Pejume Diwesi, po jume diwesi jopa weraweracaeyo, xua ataya tsitecapona.

<sup>24</sup> Nacom Pejume Diwesi jeye:

“Naepanaewa ba tsewa tsoponae  
yawa pentono ba othopeica.

Icha naepanaewa ichi jiwí ba barichi,  
ba werapa.

Matautano pocotsiwa jiwí exana xua bequein  
tsita ainya cuichi ichitha weraweracaena.

<sup>25</sup> Ichitha nama Nacom Pejume Diwesi ataya  
ayapusu tsoponae”, jei Nacom Pejume Diwesitha.

Barapo diwesi apara pecapanenebiyae diwesi xua po diwesi paca tsipaebatsi.

## 2

<sup>1</sup> Daxota daxita pana nacui barapende daxita abe peexanae cuiru coyenein, yawano xua pemuxutorobi coyenewan, yawano xua naerabiya peexanae coyenewan xua naemata wanae pepaebiwa, yawano xua peyabara uwi coyenewan xua ichun xeina, yawano xua abe peyabara paebiwa ichamonaetha xua ichun peyabara paebiwatsi.

<sup>2</sup> Pexui ba poxi anoxuaetha naexana ba jeita mito pia apaetsi xua pewichibinexa peapaxae mito. Icha pexui ichi, barapocotsi juta coyeneya paichinde. Saya u meisa Nacom Pejume Diwesi payorobare nawita xua painya nejume cowanta dubenanaebiyaenexa tsane, matautano xua painya nepaca capanenebiyaenexa tsane Nacom.

<sup>3</sup> Icha paita coxoneme Nacom, painya juntu coyenetha bara payaputaneme xua pon jiwí Pecanamataxeinaein bichocono bara pewanaein.

### *Meje yabara iboto, po iboto peainya cui iboto*

<sup>4</sup> Jesucristo pajume cocowantaponde, pon jiwí Pecanamataxeinaeinchi, pon xua ataya tsitecaeya ajuntuayapusuya pepoponaein. Barapon Jesucristo yabara caunutatsi be pocotsi iboto xua copiya boca xua poxonae bomuxu exana. Icha jiwí ichi xua

barapo iboto xuba jiwi barichi Jesucristo pentatsi. Ichitha Nacom itapeta xua Jesucristo itapetatsi, tsipei bapon Jesucristo Nacom tsita ainya cuichi.

<sup>5</sup> Poxonae jiton ibo bo exana xua Nacom pin pia bo nexa, itapeta po iboton wuna. Bara jutiya ichi Nacom itapeta jiwi, xua pomonae piamonae tatsi cana exana pomonae pejume cowantsi jiwichixaetsi. Painya coutha pana najuntu coyene doure Nacomtha beta painya netanacuichinexa icha sacerdotemonae ichi xua najuntu coyene douta Nacomtha poxonae beta tanacuita. Poxonae baxua paexaname bara baxua Nacom tsita xanepanatsi xua Jesucristo painya nejume cowantsixae.

<sup>6</sup> Nacom Pejume Diwesitha jeye:

“Pajume taema, itorobarecan Jesucristo  
Sión tomaratha tana nejume  
cowantsiwi taitorobarecan.  
Bapon itapetan xua bichocono peainya  
cuixae, icha iboto ichi, po iboto  
babatanota bomuxu.  
Pon Jesucristo jume cowantatsi bapon jopa  
aura tsane xua bapon Jesucristo pejume  
cowantsixaetsi”, jei Nacom Pejume Diwesitha.

<sup>7</sup> Painya nejume cowantsixae bapontha, daxota payaputaneme xua bapon bichocono asiwiya paantobem. Ichitha pomonae jopa bapon jume cowantsichi barapomonae canacui yabara jume wetatsi be pocotsi coyeneya bayatha Nacom Pejume Diwesi paeba, xua Jesucristo yabara caunutatsi, jeye:

“Po iboto xua jiwi naitemata xua pomonae  
ibo bon peacabiwi, barapo iboto  
pecanamatawenonae ibotatsi naexana”,  
jei Nacom Pejume Diwesi, xua Jesucristo  
yabara caunutatsi.

<sup>8</sup> Nacom Pejume Diwesitha equeicha jeye:

“Barapo ibotiyotha jiton taxu aatabatsi.  
Matautano barapo iboto, ichacuitha  
jiton xuirapopa exainchi”,  
jei Nacom Pejume Diwesi.

Jiton ba xuirapopa poxoru jopa taeyo barapo iboto. Po iboto Nacom yabara paeba barapo iboto Jesucristo yabara jutiya cana utapaebatsi. Jiwi jopa beta exanaeyo poxoru jopa jume cowantsiyo xua Nacom Pejume diwesitha Jesucristo yabara paebatsi. Caena bayatha Nacom pewunaeya yabara cui yaputane xua barapomonae peexanaewa tsane baxua.

<sup>9</sup> Paxam Nacom painya nepaca itapetsi jiwi pam. Paxam po sacerdotemonae pam xua pata nacuitame Nacom pon jiwi itorobiya pia pepa Peewatsinchi. Matautano paxam pomonae Nacom patsita juntu coyene xanepaname jopa painya tsita natsicuentisixae bapon. Matautano Nacom pia pepa piamonae tatsi pam. Nacom baxuan pacata exana pia painya yabara netacueicueijeinexa xua pia pexeinya petsita itabi coyenewan tatsi. Barapon Nacom paca waba abe painya neexanae cuiru coyenein weya. Paca waba pia painya yabara neyaputaenexa Nacom xua xeina pexeinya peitupanae coicha.

<sup>10</sup> Copiya paxam jopa Nacom piamonae tatsi pam, ichitha anoxuae nama Nacom piamonae tatsi pam. Matautano copiyatha jiwi jopa paca yabara nantanuweya nanta xeinaeyo xua pia paca necayawenaewa tsane. Ichitha anoxuae Nacom paca yabara nantanuweya nanta xeina xua pia paca necayawenaewa tsane.

*Mejeyabara xua jiwi bewa beta jinompae xua Nacom petanacuita dubenanaebiyaenexatsi*

<sup>11</sup> Tamonaē pam, pomonaē tapaca caantobe jiwichi pam. Paxam pomonaē be penana-paincha jinompaewi pam xua icha nacua werena painya neponaewi. Daxota paca itorobatsi xua jopa painya neexanaewa tsane pocotsiwa abe pocotsiwa xua painya juntu coyenewatha ichichipa xua peexanaewa. Barapo abe peexanae cuiru coyenein paca juntu coyene itoroba bichocono xua painya neexanaenexa po coyenein abe peexanae cuiru coyenein.

<sup>12</sup> Beta pajinompare Nacom nexa xua peitatha tatsi pomonaē Nacom jopa jume cowantsichi. Icha barapomonaē abe paca yabara paebichipa be pomonaē abe painya neexanae jiwi pam tsipae bichocono daichitha barapomonaē taena xua beta painya neexanaewa. Bapoxonaē barapomonaē Nacom wunaē jaintinchi wunaē painya neexanaexae xua po mataqueitha Nacom yabara paebina jiwi xua penatsicuentisiwa xua abe peexanaexae.

<sup>13</sup> Painya nejume cowantsixae pon jiwi pepa Pecanamataxeinaeinchi bara paexande pocotsiwa paca itoroba daxita pomonaē pecanamataxeinaewi painya nacua. Matauta paexande pocotsiwa paca itoroba pon romanomonaē itorobiya pepa peewatsinchi. Jame Nacom ichichipa xua waexanaewa baxua.

<sup>14</sup> Paexande pocotsiwa paca itoroba pomonaē nacuan peewatsiwi pomonaē xua tanacuitatsi pon romanomonaē itorobiya pepa peewatsinchi. Nacom itoroba barapomonaetha pomonaē nacua peewatsiwi xua barapomonaē cuainchina pomonaetha pomonaē abe peexanaewi. Matautano Nacom itoroba barapomonaetha xua wunaē jainchina pomonaetha pomonaē beta peexanaewi.

<sup>15</sup> Nacom ichichipa xua beta painya neexanaewa tsane pomonaetha pomonaē xua jopa Nacom yabara yaputaetsi xua barapomonaē pemoyanexa xua jopa abe painya nepaca yabara paebinexa.

<sup>16</sup> Pajinompare, icha be ichi pomonaē jopa nantawenonaeyo xua ichamonaē amanaya petanacuichiwatsi. Ichitha jopa abe paexanaeinde xua poxoru saya painya nejinompaexae. Beta pajinompare, icha be ichi pomonaē Nacom amanaya tanacuita dubenanaebiyatsi.

<sup>17</sup> Beta payabara nanta xeinare daxita jiwi. Matautano paantobeinde ichamonaē pomonaē iru pejume cowantsiwi Jesucristo. Nacom pacunuware xua abe painya nepaca exanaeyainwa, xua abe painya neexanaexae. Pabarū cui itura jinareno pon romanomonaē itorobiya pepa peewatsinchi.

### *Meje yabara po coyene xua Cristo atene peexanaewatsi*

<sup>18</sup> Paxam pomonaē amanaya painya netanacuichi jiwi pam ichamonaē barapomonaē pam paca tsipaebatsi. Bewa pajume barū cui jejam tsaibim tsane pomonaē xua paca itorobeiba pomonaē painya nepaca canamataxeinaewi. Baxua paexande poxonaē bequein ichamonaē wunaē peexaneibiwi, matautano xua poxonaē ichamonaē bequein abe peexaneibiwi poxonaē paca itoroba.

<sup>19</sup> Baxua Nacom tsita wunaetsi xua pabarū cui itura jiname barapomonaē pomonaē painya nepaca canamataxeinaewi xua poxonaē bequein paca cuainta barapomonaē xua xaniwaicha painya neexanaexae painya nejume cowantsixae Nacom.

<sup>20</sup> Icha abe paexaname xua daxota paca cuainta, baxua Nacom jopa tsita coyene xanepanaetsi xua bequein saya beitatemaya moya paumename poxonaē paca cuainta. Ichitha icha jame paca cuainta xua wunaē painya neexanaexae xuano xua icha beitatemaya moya paumename baxuan jame Nacom tsita coyene xanepanatsi.

<sup>21</sup> Xua ichamonaē atene painya nepaca caexanaexae daxota Nacom itapeta paca waba. Ichamonaē Jesucristo atene exainchi waxainchi nexa. Jesucristo cana caunut-siya exanatsi xua waxainchi bewa exanaetsi icha bapon ichi xua pocotsiwa exana.

<sup>22</sup> Bapon Jesucristo bapana jopa abe exanae. Matautano bapana jopa muxuitorobi ichamonaetha.

<sup>23</sup> Poxonae ichamonae Jesucristo biatainchi jopa xuya jume barabotsiyo Jesucristo. Poxonae Jesucristo b̄atsi, jopa Jesucristo jeyo, “Aunxuae xuya paca cuaintinchi”, jopa jeyo. Ichitha Jesucristo jume cow̄anta Nacom xua pocotsiwa poxonae Nacom exanaena barapomonaetha pocotsiwa xua be Jesucristo peyantomatsiwatsi. Tsipei Nacom xaniwaicha beta yabara paeba jiw̄i, xua penatsicuentisiwa xua abe peexanaexae.

<sup>24</sup> Cristo pia pepontha yawa muxuna t̄apa abe waexanae cuiru coyenein poxonae t̄apa naetotha. Poxonae bapon Jesucristo nacata exana barapo coyene, waxainchi abe waexanae cuiru coyenein weya panenebiyatsi xua jopa equeicha waexanaewa tsane abe waexanae cuiru coyenein, yawano xua beta j̄unt̄a coyene xanepanaya jinompaeinchi Nacomtha. Daxota Cristo wan exanatsi xua equeicha jopa abe painya neexanaenexa tsane.

<sup>25</sup> Ichacuitha oveja itaxanuncuatsi, pipato pepoponaexae jopa penantātsixae pon peenaen ovejan. Icha oveja ichi paxam bara pocotsi j̄uta coyeneya paichim. Copiya jopa xanepanaya painompaem, jopa painya nenantātsixae Jesucristo. Ichitha anoxuae xanepanaya pajinompame, tsipei anoxuae Jesucristo panantātame pon paca yawena. Bapon nepaca eenaen, icha be ichi pon oveja peenaen. Yawano bapon Cristo paca j̄unt̄a coyene canamataxeina.

### 3

#### *Meje yabara xua po coyeneya bewa jinompae pomonae jitha peenaewi*

<sup>1</sup> Paxam powaxi jitha painya neenaewaxi pam, paexande pocotsiwa painya seuriwi paca itoroba. Painya pebiwi ichacuitha jopa jume cow̄antsiyo Nacom. Painya neexanaexae pocotsiwa painya seuriwi paca itoroba barapo painya seuriwi jume cow̄antsina Nacom painya nepaca cui taexae bara bequein Jesucristo jopa payabara paebim.

<sup>2</sup> Barapo painya seuriwi paca taena xua Nacom paantobem. Yawano xua paca taena xua j̄unt̄a coyene xanepanaya painompaem.

<sup>3</sup> Jopa metha meisa painya pepon pexeinyowa pana naexanaemtsipaem, xua daxota jiw̄i painya nepaca yabara paebeibiwa, xua pexeinyowaxi pam. Jopa matowa pana mata cachetsinde xua bichocono pexeinyowa pana naexaname. Jopa pana napepe-naeinde po penaintotha pew̄n oro nainto. Matātano jopa pana nama xatabinde po paparuwan bichocono ainya matoman xua bichocono pexeinyowaxi pana naexaname.

<sup>4</sup> Icha pexeinyowaxi ichichipa pana naexaname moya maisa pana naj̄unt̄a coyene w̄anae exande. Barapo pexeinyowa coyenewa b̄apana xeina jiw̄i pej̄unt̄a coyenewatha. Barapo pexeinyowa coyenewa jopa itac̄paetsi xua peweraweracaewa. Painya pexeinyowa coyenewa bewa payabara ita ururanaya pajinompae, yawano j̄unt̄ema pajinompareno. Baxuan jame bichocono tsita coyene xanepanatsi Nacom.

<sup>5</sup> Barapo pexeinyowa coyenewa caena bayatha xeina po yab̄axi xua bichocono pepa pej̄unt̄a coyene xanepanaewaxi. Barapo yab̄axi jume cow̄antsiya ewata Nacomtha, xua Nacom exanaena pocotsiwa yabara tsiw̄anae muxu duta. Matātano barapo yab̄axi exana pocotsiwa piseuriwi itorobatsi.

<sup>6</sup> Petsiriwa powa pew̄n Sara bara j̄atiya ichiya exana. Barapowa exaneiba pocotsiwa piseuri itorobeibatsi pon pew̄n Abraham. Barapowa piseuritha jeye: “Tanecanamataxeinaem”, jei bapowa. Paxam bara paichim tsane icha barapowa Sara ichi icha beta paexanaename, yawano xua jopa pajunuwim, bequein painya seurixi jopa xanepanaya paca itorobeibiyo.

<sup>7</sup> Barichi pam pebiwi pam, po pebiwi painya seuriwi painya nexeinea jiw̄i pam. Beta payabara cui yaputaema painya seuriwi. Yawano painya seuriwi pabar̄a cui itura jinare tsipei yab̄axi jopa acuicoyenes̄yo icha jopa be pebiwi ichiyo. Pananta xeinare xua pebin piseuribe xeinabe po peaj̄unt̄ayapus̄wa jopa bapana weraweracae,



po peajuntayapusuwa Nacom cata piamonaetha pomonae pia peantobewixaetsi. Baxua paexande painya seuriwitha xua wuna painya neexanaewa xua Nacom bara beta painya nepaca jume taenexa poxonae pawucame.

*Meje yabara xua jiwi atene pomonae xua beta peexanaewixae*

<sup>8</sup> Matapainya paca tsipaebatsi nantiya beta jinompa pana naexande. Yawano nantiya beta pana nayabara nanta xeinare xua painya nenayawenaexaem tsane. Nantiya pana naantobeinde painya nejume cowantsixae Nacom, icha be ichi poxonae barompaya painya eweicho jiwi nantiya pana naantobem. Pomonae jiwi peyawenae jiwi pana naexande xua painya neantobexae barapo jiwi. Matautano jopa bichocono painya coutha pana nayabara nanta xeinaeinde. Jame maisa ichamonae itapeta bichocono payabara nanta xeinare.

<sup>9</sup> Poxonae ichamonae abe pacata exana xuya jopa paexanaeinde. Yawano poxonae ichamonae paca biatane jopa xuya pabiataeinde. Seicaya nama paexande. Jame Nacomtha patawucare barapomonae xua Nacom pecana exanaenexa xua barapomonae pejuntu coyene weiweinaenexa. Daxota Nacom paca waba xua xuya pacata exana tsipei barapomonae beta pacana exaname.

<sup>10</sup> Tsipei Nacom Pejume Diwesitha jeye:

“Pon xua antobe xua po coyene cataunxuae pepoponaewa, xuano xua daxita matabi juntu coyene weiweina poneiba, bapon bewa peebatotha jopa paebi tsane peabe jumeyo. Matautano peopiratotha jopa bewa paebi tsane xua ichamonae naerabiya peyabara paebiwatsi.

<sup>11</sup> Bewa tajubeya paponnem xua peabe coyenewan weya.

Yawano saya bewa beta paexanaem.

Itapeta paexande pocotsiwa xua jiwi junte ma jinompa exainchi.

Bara ajuntayapusuya paexanaponde baxua.

<sup>12</sup> Tsipei Nacom, pon jiwi Pecanamataxeinaein, yawena pomonaetha pomonae pejuntu coyene xanepanaewi.

Yawano Nacom jume tane xua pewucaewatsi.

Ichitha Nacom jopa yawenaeyo pomonae abe peexanaewi”, jei Nacom Pejume Diwesitha.

<sup>13</sup> Dapon aibi pon itacupatsi xua abe pacata exana icha saya paexaneibame pocotsiwa xua wuna.

<sup>14</sup> Bequein icha ichamonae pacata abe exanaena juntu coyene xanepanaya painya nejinompaexae, daichitha Nacom paca cana exana xua pajuntu coyene weiweinaya jinompame. Jopa ichamonae pacunuwinda, yawano jopa pacuitaya juntu deideijande.

<sup>15</sup> Jame maisa Cristo bichocono payabara nanta xeinare painya juntu coyenetha xua bapon bichocono ainya cui. Pajande: “Pon jiwi Necanamataxeinaem”, pajande. Pana najuntu coyene wunaeteibare xua painya nejume noteibinexa pomonae paca yainyabiya jeye: “¿Eta pocotsiwa pajume cowantsiya ewatame xua Jesucristo bexa paca capanepaena?” paca jei.

<sup>16</sup> Ichitha saya ita ururaquiya pajume noteibare, jopa paaebeibinde. Yawano pajunuware Nacomtha xua abe painya nepaca exanaeyainwa Nacom, abe painya neexanaexae. Pajinompare xua painya juntu coyenewa paca tsipaeba xua wuna bara paexaname. Baroxonae icha ichamonae abe paca yabara paeba, barapomonae aura tsane xanepanaya painya nejume cowantsiya jinompaexae Cristo.

<sup>17</sup> Icha Nacom ichichipa xua ichamonae atene paca exana, beta painya neexanaexae, baxua jame wɔnae, beyacaincha xua poxonae atene paca exana poxoru abe paexaname.

<sup>18</sup> Tsipei Cristo atene exanatsi poxonae tsitɔpa abe waexanae cuiru coyenein daxita xua poxonae cae coyenetha tɔpa. Cristo bapana jopa abe exanae. Ichitha bapon Cristo naca tsitɔpa pomonae abe waexanae jiwichi. Baxua Cristo nacata exana, xua wanaca exanaenexa xua wapatsiwa tsane Nacom beicha. Bapon Cristo bequein tɔpa pepon ichitha equeicha asɔ exanatsi pia pejumoŋe tɔnaɔɔ tatsi.

<sup>19</sup> Bapoxonae Jesucristo pia pejumoŋe tɔnaɔɔ tatsi pona ichaxota jiwi pia pejumoŋein tatsi be cɔbathopeibatsi pomonae xua caena bayatha werapa. Barapon Jesucristo pia jumope tɔnaɔɔ tatsi yabara cueicueijeŋe barapo jumopeintha xua Nacom pia pecapanenebiyae diwesi tatsi.

<sup>20</sup> Caena bayatha barapomonae jopa jume cowɔntsiyo Nacom poxonae po mataqueitha Noé popona po irathe. Nacom beitatemaya ewateiba barapomonae, ainya dapaein xua pejume cowɔntsinexatsi poxonae xua cataunxuae Noé cobe naemata xua pin jera nae exana. Ichitha saya ocho poyobe jiwi panenebiya poxonae bichocono awɔbo xua butuxuba po cae pin nacue.

<sup>21</sup> Barapo awɔbo caunuta xua be naca bautisaba. Poxonae naca bautisaba apara jopa wanaca perɔ iquicaenexa tsane xua tsoreichi, apara jame daxota naca bautisaba Nacom, wanaca capanepaexae abe waexanae cuiru coyenein weya. Yawano Nacom wɔcatsi xua wanaca jɔntɔ coyene xanepana exanaewa tsane. Bapoxonae wajɔntɔ coyene naca tsipaeba xua bara beta exanatsi. Waxainchi naca itacɔpa xua wanaca bautisabiwa tsipei Jesucristo equeicha asɔ exanatsi petɔpae cuiru coyene weya.

<sup>22</sup> Jesucristo peitaboco beicha pona. Bapon Jesucristo eca Nacomtha, xua Nacom pia pecoxa weya tatsi. Matatsunpiwi, irɔrɔ pomonae itoroba itabocotha barapomonae exana pocotsiwa Jesucristo itoroba.

## 4

*Mejeyabara xua jiwi bewa beta tanacuichi Nacom icha be po coyeneya Nacom cata jiwi barompaya pia peexanae coyenewan tatsi*

<sup>1</sup> Yaitama copiya Cristo atene exanatsi ichamonae, waxainchi daxota bewa nanta xeinaetsi xua irɔ naca atene exanaena ichamonae. Pon atene exanatsi ichamonae bapon abe pia peexanae cuiru coyenein wepu pona xua bichocono pejume cowɔntsixae Jesucristo.

<sup>2</sup> Paxam jopa bewa paexanaem pocotsiwa xua paichichipame xua abe painya neexanaewa poxonae cataunxuae pajinompame. Ichitha cataunxuae paexanaponde pocotsiwa Nacom ichichipa poxonae cataunxuae pajinompame barapo cae pin nacuathe.

<sup>3</sup> Caena bayatha paexaname pocotsiwa xua ichamonae exana pomonae jopa yaputaeyo Nacom. Barapomonae abe exaneiba xua nasi cui exana icha yabɔxitha xua jopa piseuriwi. Yawano exaneiba xua pocotsiwa abe yabara nanta xeina pejɔntɔ coyeneintha. Yawano nacɔpa exaneiba peatsaxae meran. Yawano pin penabanaewan exaneiba po penabanaewantha jiwi weiweinaya abe exana xua napenajɔba yawa bichocono cɔpatsi. Yawano ibo nacomɔn wɔnae jainteibatsi.

<sup>4</sup> Pomonae jopa yaputaeyo Nacom, barapomonae paca cui yabara nanta xeina, jeye: “¿Eta xua metha jopa naca barɔ exanaeyo xua waxainchi abe exanatsi?” najei barapomonae. Barapomonae paca cui capana yawa daxota abe paca yabara paeba.

<sup>5</sup> Payabara nanta xeinare pomonae abe exana. Barapomonae bewa yabara caununaya jume notsina Nacomtha pocotsiwa xua abe exana. Nacom yabara paebina pomonaetha pomonae xua cataunxuae jinompa yawa pomonaetha pomonae bayatha werapa xua penatsicuentsiwa xua abe peexanaexae.

<sup>6</sup> Daxota Nacom Pejume Diwesi bayatha cueicueijeji pomonaetha pomonae bequein bayatha werapa xua barapo pewerapae jiwi pejumope t̃nax̃n pejinompaenexa tsane icha Nacom ichi xua popona. Bayatha Nacom yabara paeba barapomonae xua penatsicuentisiwa xua abe peexanaexae barapo cae pin nacuathe xua daxota pia pepon tatsi werapa icha daxita jiwi ichouneibi.

<sup>7</sup> Bara nama imoxoyo po dapaetha poxonae Nacom daxita weraweraca exanaena barapo cae pin nacue. Daxota painya coutha pana naj̃nt̃u coyene itorobare xua xanepanaya paexaname Nacomtha beta painya w̃caenexa tsane.

<sup>8</sup> Pocotsiwa xua ainya cui xua jame bewa bichocono nantiya pana naantobeinde. Poxonae ich̃n paantobem, paj̃nt̃emainame poxonae bequein xua bapon abe pacata exana.

<sup>9</sup> Paxam nantiya pana nantenta weyataeya wabeibare painya boxitha xua painya nenaapateibinexa tsane, xua jopa pana naita aenae-aenande.

<sup>10</sup> Daxita barompaya paxam Nacom paca cana exana xua painya nexeiñawa barompaya painya neexanae coyenewan. Paxam nantiya pana nayawende barapo cui coyenetha, baroxonae paxam pomonae beta painya neexanae jiwi pam tsane pocotsi coyenewatha xua Nacom paca cana exana.

<sup>11</sup> Icha ich̃n cueicueijeji, b̃u bara cueicueijeji pocotsiwa Nacom cueicueijeji exana bapon. Icha pebin yawena xua ich̃n yawenatsi b̃u bara barapo pebin yawena ich̃ntha po peayapus̃watha xua Nacom cata. Daxita pocotsiwan xua paexaname bara beta paexande xua jiwi w̃nae pejainchinexa Nacom xua beta painya neexanaexae xua Jesucristo peyabaraxae. B̃u bara Jesucristo ataya xeinaena peainya cui coyenewa, yawano xeinaena xua peayapus̃ itorobi coyenewa. Je bara ichi tsane.

*Meje yabara po coyeneya xua bewa exanaetsi wajume cow̃ntsixae Cristo xua poxonae bequein ichamonae atene naca exana*

<sup>12</sup> Tamonae pam painya tapaca caantobetsi jiwichi pam ir̃u painya nejume cow̃ntsixae Jesucristo. Jopa yabara pana nabenaecaeinde poxonae bichocono atene paca cana exana ichamonae painya nejume cow̃ntsixae Jesucristo. Jopa pananta xeinaeinde xua baxua pocotsiwa jopa bewa pacata exanae tsane.

<sup>13</sup> Jame seicaya paj̃nt̃u coyene weiweinare xua painya nepaca itac̃paewa xua ichamonae atene paca exana icha Cristo ichichi xua atene exanatsi. Yawano bexa paj̃nt̃u coyene weiweinaename poxonae Jesucristo yawa patopaetsica pia peainya cui coyenewa.

<sup>14</sup> Icha ichamonae paca muxucona painya nejume cow̃ntsixae Cristo saya paj̃nt̃u coyene weiweinare, tsipei Nacom pia Pejumope t̃nax̃n tatsi, po jumope pexeinya peit̃panae coicha yawa popona, barapo pejumope paca yawa popona.

<sup>15</sup> Jopa bewa paexanaem tsane xua ichamonae pajutebame xua daxota ichamonae paca atene exana. Matãtano jopa bewa paexanaem tsane xua ichamonae piawan tatsi pacaibame xua daxota ichamonae paca atene exana. Matãtano jopa bewa paexanaem tsane xua ichamonae paj̃nt̃u coyene anaepana exaname xua daxota ichamonae paca atene exana. Matãtano jopa bewa paexanaem tsane xua ich̃n paj̃nt̃u coyene itorobame xua abe peexanaewa tsane xua daxota ichamonae atene paca exana.

<sup>16</sup> Icha ich̃n atene exanatsi ichamonae, pejume cow̃ntsixae Jesucristo jopa bewa bapon aura tsane. Ichitha jame bapon bewa w̃nae jainchina Nacom tsipei atene exanatsi pejume cow̃ntsixae Jesucristo.

<sup>17</sup> Po matabitha aena Nacom tamropata pitaba xua Nacom yabara paebina daxita jiwi xua penatsicuentisiwa xua abe peexanaexae, apara barapo matabi bayatha patopa. Barapo matabitha Jesucristo piamonae tatsi umenaena Nacom peitabaratha xua Nacom peyabara paebinexa tsane xua penatsicuentisiwa xua barapomonae abe peexanaexae. Yaitama Nacom baxua nacata exana nama yatsicaya jopa Nacom juniya

exanaeyo pomonaetha pomonae jopa pejume cowantsiwi Nacom pia pecapanenebiyae diwesi tatsi.

<sup>18</sup> Daunwei nawita pon capanepatsi abe pia peexanae cuiru coyenein weya pon wanae peexanaein. Ichitha nama bichocono tadaunweichi xua pon capanepatsi abe pia peexanae cuiru coyene weya pon bichocono abe peexanaein.

<sup>19</sup> Poxonae ichamonae paca atene exana, bara awiya beta paexande icha bara baraxua xua pocotsiwa Nacom cuita jichipa. Bewa pajume baru jejam tsane Nacom xua paexaname bara bequein paayapube taetham. Nacom paca necaforotsixae yawa peexanaexae xua pocotsiwa yabara paca tsiwanae muxu dubeiba xua exana paebeiba, daxota Nacom pia coya canamataxeina painya juntu coyene.

## 5

### *Meje yabara xua Pedro muxuweta pomonaetha pomonae pejume cowantsi jiwi*

<sup>1</sup> Ichichipan xua tamuxu wetsiwa penapatae jiwi pomonae paxam jiwana pam pomonae painya nejume cowantsi jiwi pam. Xan iru bichocono penapataein icha barapomonae ichi. Xan natan poxonae Cristo naetha tparucua exanatsi. Xan iru yawa xeinaein po peainya cui coyenewa Cristo xeina poxonae patopaetsica.

<sup>2</sup> Beta pa-eebare pomonaetha xua Nacom paca cana exana xua pamatacaponame, icha pon oveja peyapu eenaein ichi xua beta yapu eena ovejamonae. Jopa meisa baxua paexanaeinde xua poxoru Nacom pia paca necaitorobixae. Jame maisa baxua paexande xua poxoru painya coutha painya neichichipaexae. Baxua jame Nacom ichichipa. Matautano jopa baxua paexanaeinde xua poxoru paratixi painya neichichipaexae, ichitha poxoru Nacom painya neantobexae bichocono.

<sup>3</sup> Jopa atsaquiya pamatacaponaeinde pomonae xua pamatacaponame. Jame saya maisa beta pamatacaponde xua painya necacui taenexa xua bara juta ichiya peexanaenexa.

<sup>4</sup> Nexata poxonae patopaetsica pon jiwi itorobiya pepa Peewatsin, bapon Jesucristo paca catsina po pematomatsiwa peainya cui coyenewa, po peainya cui coyenewa xua bapana jopa weraweracaeyo.

<sup>5</sup> Barichi pomonae pewowi jiwi pam, bewa paexanaem pocotsiwa xua penapatae jiwi paca itoroba. Daxita paxam bewa nantiya pana naantobem, yawa bewa nantiya pana nayabara ita ururanaya jinompaem. Baxua paexande tsipei Nacom Pejume Diwesitha jeye:

“Nacom aichaxaibi pomonae peaebiwi ichamonaetha.

Ichitha Nacom yawena xua peantobexae pomonae baru ita ururanaya jina ichamonae”, jei.

<sup>6</sup> Daxota papende po coyene xua paaebame ichamonae. Paexande pocotsiwa xua Nacom pecobetha paca ita cowai pia peayapusu itorobiwatha xua Nacom ainya cui paca necaexanaenexa tsane poxonae Jesucristo equeicha patopaetsica.

<sup>7</sup> Bara pacopare xua Nacom bara daxita paca wepichina daxitan po coyenein xua juntu coyene natsepa paca cana exana tsipei Nacom paca yabara nanta xeina nawita xua painya nepaca cayawenaewa tsane.

<sup>8</sup> Painya coutha pana najuntu coyene itorobare xua beta pajinompare. Tsaca pajinompare poxoru caurimonae pia pentacaponaein tatsi ichichipa paca abe exana. Bapon pacata exana icha neuthu ichi xua ba piyain fiba poxonae jeita ducuaeta pon ichichipa bexaena.

<sup>9</sup> Dota pam panaitemare bapon xua beta painya nejume cowantsiwatha. Pananta xeinare xua daxita nacuanpiwi jiwana pomonae pejume cowantsiwi Jesucristo barapomonae atene exanatsi icha paca ichi.

<sup>10</sup> Ichitha bexa tsane xua caeto poxonae paca atene exanaena ichamonae, bapoxonae Nacom paca juntu coyene xanepana exanaena. Yawano Nacom paca exanaena xua beta

painya nejume cowantsiwa tsane. Yawano paca exanaenano xua bichocono painya neajuntucoyenesuwam tsane. Barapon Nacom painya nepaca antobexae paca waba pia paca catichi po peainya cui coyenewa xua ataya tsiteca xua Jesucristo xeina.

<sup>11</sup> B̄ bara Jesucristo ataya xeinaena peainya cui coyenewa, yawano xua peayapusu itorobi coyenewa. Je bara ichi tsane.

*Meje yabara poxonae Pedro najume wetsiya paeba*

<sup>12</sup> Pon pew̄n Silvano, pon be tayapin tatsicotaein ir̄r̄ pejume cowantsixae Jesucristo, bapon cobe itoroban xua inta tina barapo peya cartiyo xua bapoxona tapacata itorobinexatsi xua tapaca muxuwetsinexatsi. Barapo cartatha paca j̄nt̄ coyene tsacaba exanatsi xua Nacom xaniwaicha painya nepaca cayawenaewa tsane painya nepaca caantobexae. Daxota baxua awiya pajume cowantsiya jinompare.

<sup>13</sup> Pomona Babilonia tomaratha jinompa pomona Nacom pejume cowantsiwichi, barapomona paca jacoba. Barapomona pomona Babilonia tomarapiwi Nacom itapeta icha paca ichi xua paca itapeta. Ir̄ Marcos paca jacoba be pon taxanto tatsicotaein tsipei yawenan xua pejume cowantsiwa Jesucristo.

<sup>14</sup> Paxam nantiya pana najacobare painya nenaantobexae.

Paxam pomona Cristo piamona tatsi pam barapomona pam bara Nacom j̄ntema jinompa paca exana. Je bara ichi tsane.

Baja Pedro.



## Meje Po Carte Cotacaya Pedro Tatina, Pomonae Jesucristo Pejume Cowantsiwi Tatinatsi

*Meje yabara poxonae Pedro tamropata pitaba xua tatina pomonaetha pomonae Jesucristo pejume cowantsiwichi*

<sup>1</sup> Xan, Simón Pedro, pon Jesucristo amanaya tanacuitan. Xan ponxaein Jesucristo pia peitorobi jiwi jiwana tatsin. Pacata tinatsi barapo carte painya nexeiaexae xua pejume cowantsiwa Jesucristo xua bichocono wñnae icha paxan paichin. Barapo pejume cowantsi coyenewa Nacom werena pichapa, pon bichocono pejuntũ coyene xanepanaewa pexeinaein. Yawano barapo pejume cowantsi coyenewa Jesucristo werena pichapa pon irũ bichocono pejuntũ coyene xanepanaewa pexeinaein. Bapon jiwi Pecapanenebiyaein abe pia peexanae cuiru coyenein weya.

<sup>2</sup> Barabũ Nacom paca yawenaena pia paca necaantobexae. Yawano barabũ Nacom paca catsina jũntema pejinompae coyenewa. Barabũ barapo naxobe coyenewabe bichocono paxeinaponaename xua poxonae payabara yaputaeponaename Nacom xuano xua payabara yaputaeponaename Jesucristo pon Wanacanamataxeinaein.

*Meje yabara pocotsi coyenewano bewa exanaena Cristo piamonae tatsi*

<sup>3</sup> Nacom naca cata daxita pocotsiwa nantawenonatsi xua jũntema wajinompae wanexa yawa xua xanepanaya wajinompae naxa Nacom nexa. Daxita baxuan Nacom naca cata pia peayapusũ itorobi coyenewatha. Poxonae yabara yaputaeponaeinchi Nacom, nacuidubatsi xua bapon naca waba xua irũ waxeinaenexa peainya cui coyenewa, xuano xua irũ waxeinaenexa Nacom pia pexeinya peexanae coyenewa.

<sup>4</sup> Poxonae Nacom naca cata pia peainya cui coyenewa, yawano pia pexeinya peexanae coyenewa bapoxonae nama naca cata pia peyabara naca tsiwñnae muxu dutsiwan. Nacom pia peyabara naca tsiwñnae muxu dutsiwan bichocono ainya cui xua jiwi jopa itacũpaetsi xua pecomotsiwa. Barapo peyabara naca tsiwñnae muxu dutsiwan painya necacatsixae anoxuae paxeinae xua Nacom pia peajũntũyapusũwa xua jopa weraweracaeyo. Yawano barapo peyabara naca tsiwñnae muxu dutsiwan painya nexeiaexae paca itacũpa xua papanenebiyam abe painya neexanae cuiru coyenewa weya xua barapo cae pin nacuathepiwi po coyene ichichipa abe exana.

<sup>5-7</sup> Bequein pajume cowantame ichitha panantawenoname xua muxuna paexaname xua beta painya nejinompae coyenewan. Poxonae beta pajinompame, bapoxonae panantawenoname xua muxuna paexaname xua Nacom payabara yaputaneme. Poxonae Nacom payabara yaputaneme, bapoxonae panantawenoname xua muxuna paexaname xua painya coutha pana nenajũntũ coyene itorobiwam. Poxonae painya coutha pana najũntũ coyene itorobame, bapoxonae panantawenoname xua muxuna paexaname xua jũntema pajinompame bequein ichamonae abe pacata exana. Poxonae jũntema pajinompame xua bequein ichamonae abe pacata exana, bapoxonae panantawenoname xua muxuna paexaname xua paantobeya jinompame Nacom. Poxonae paantobeya jinompame Nacom bapoxonae panantawenoname xua muxuna paexaname xua paantobem pomonae pejume cowantsiwi Jesucristo. Poxonae paantobem pomonae pejume cowantsiwi Jesucristo, bapoxonae panantawenoname xua muxuna paexaname xua paantobem daxita jiwi.

<sup>8</sup> Icha paxeinae daxita barapo coyenewan yawa xua paexanaponae daxita baxuan bapoxonae beta painya neexanae jiwi pam tsane Nacom nexa. Yawano beta payabara yaputaneme Jesucristo pon Wanacanamataxeinaein.

<sup>9</sup> Ichitha icha pebin jopa yabara exanaeyo barapo coyenein, bapon be pon naita tsaqueta poxoru jopa ichipaeyo xua peyabara yaputaewa barapo coyene. Daxota bapon jantemaina xua bayatha wejantemaina exanatsi abe pia peexanae cuiru coyenewan tatsi xua Nacom wejantemaina exana.

<sup>10</sup> Tamonae pam paxam pomonae be tayapin jiwi tapaca canatsicotae jiwichi pam iruru painya nejume cowantsixae Jesucristo. Daxota paca tsipaebatsi xua xaniwaicha pana naexande xua daxota patsita itatsiname xua paxam pomonae Nacom pia pe-wabiwi tatsi jiwana pam. Yawano paxam pomonae Nacom pia peitapetsiwi tatsi jiwana pam. Poxonae baxuan paexanaponaename jopa equeicha abe paexanaem tsane po coyene xua daxota paitawetame Nacom.

<sup>11</sup> Bapoxonae Nacom bara paca matenta weiweinaya copata xua painya nepatsinexa tsane Nacom pia peitorobi nacua beicha tatsi. Nacom pia peitorobi nacua ataya ayapusu toponae ichaxota Jesucristo jiwi itorobiya ewatatsi, pon Wanacanamataxeinaein, xua pon Pecapanenebiyaein jiwi.

<sup>12</sup> Bequein baxua bayatha payaputaneme, ichitha equeicha paca tsipaebatsi xua jopa painya jantemainaenexa. Anoxuae paxam ajantayapusuya pajume cowantame pexainyei jume Jesucristo yabara.

<sup>13</sup> Poxonae cataunxuae poponan yabara nanta xeinan xua ainya cui xua baxuan yabara tapata catsipaebiwa tsainchi.

<sup>14</sup> Yaputan tsipei Jesucristo, pon Wanacanamataxeinaein, netsipaeba xua bara nama imoxoyo tupaen.

<sup>15</sup> Daxota xaniwaicha pacata tinatsi xua baxuan jopa yabara painya nejantemainaewa tsane poxonae tupaen. Bapoxonae bexa tsane pana necui yabara jantanainaename pocotsiwan yabara paca tsiwinae muxu dutatsi.

### *Meje yabara xua pomonae tane Cristo pia peainya cui coyenewa tatsi*

<sup>16</sup> Poxonae paxan paca tsipaebatsi Jesucristo pia peayapusu itorobi coyenewatha yawano xua pepatopeicaewa yabara pon Wanacanamataxeinaein, apara jopa paca tsipaebichi po diwesi pejema diwesi po diwesi xua saya jiwi paeba. Bara pana natan Jesucristo pia pexeinya peitapanae coicha tatsi pon jiwi Pecanamataxeinaein.

<sup>17</sup> Pana natan poxonae Jesucristo ainya cui exanatsi xua Nacom Pexanto ainya cui exana, pon Jesucristo Paxa tatsi. Yawa pana natan xua Nacom Pexanto cata pexeinya peitapanae coicha. Bapoxonae Nacom pejume pajume tan pexeinya peayapusu jume, jeye: “Bapon apara Taxanto, pon bichocono antobein, pon itapetan. Bapon bichocono nejuntu coyene weiweina exana”, jei Nacom.

<sup>18</sup> Paxan baxua pajume tan xua Nacom cueicueije peitaboco wetsica poxonae Jesucristo pon jiwi Pecanamataxeinaein demxuwatha pana nebaru pona po demxuwa ichaxota Nacom cueicueije itaboco wetsica.

<sup>19</sup> Daxita baxuan naca yawena po diwesi xua Nacom pia peitorobi jume pepaebiwi tina xua barapo diwesi pexainyei jume diwesi. Pajume naitaeware pocotsiwan xua barapomonae paeba, beya poxonae yatsicaewa payaputaename pocotsiwa barapomonae paeba. Barapo pejumein jume xanepana. Bichocono naca yawena icha pecoicha ichi xua pentha exana poxonae quirei xua ba naca yawena. Barapo pecoicha waxainchi jopa nantawenonaetsi poxonae jarawato ecoina xuano poxonae matabi pentha tsina. Barichi poxonae Jesucristo patopaetsica jopa cana matawenonae tsainchi barapo diwesi tsipei bayatha patopeicaena Jesucristo.

<sup>20</sup> Matha copiya bewa payaputaem xua meje: Nacom pia peitorobi jume diwesitha dapu jumein aibi pocotsiwa pia coya ichichipa paeba barapo Nacom pia peitorobi jume pepaebiwi.

<sup>21</sup> Tsipei Nacom pia peitorobi jume pepaebiwi jopa cueicueijeiy pocotsiwa ichichipa pia coutha paeba xua poxona tina Nacom Pejume Diwesi. Ichitha barapomona tatina pocotsiwa Nacom ichichipa, xua Nacom pia Pejumo pe tñaxñ tatsi peitorobixae.

## 2

### *Meje yabara xua pomona naerabiya pecuidubi jiwi*

<sup>1</sup> Caena bayatha israelmonae jiwana jinompa pomona naerabiya peitorobi jume diwesi pepaebiwi. Barichi painya xantha patsina pomona naerabiya pecuidubi jiwi. Barapomona cuidubina po diwesi xua paca weraweraca exanaena. Barapomona nameicha nacuita xua naerabiya paca cuiduba. Pon jiwi pia Pecanamataxeinaeinchi pon Jesucristo, barapomona itawetsinchi xua Jesucristo itawetsina, pon xua bayatha barapomona tsitñpatsi. Nacom nainya weraweraca exanaena barapomona, abe peexanaexae.

<sup>2</sup> Pin bicheitomona exanaena xua abe exana pocotsiwa xua barapomona cuiduba pomona naerabiya pecuidubi jiwi. Barapomona pomona naerabiya pecuidubi jiwi naerabiya pecuidubixae tsane pin bicheito abe yabara paebiya exanaena pocotsiwa Nacom pia pexainyei jume diwesi tatsi.

<sup>3</sup> Barapomona paca muxutorobina nawita, yawano paca itorobina xua painya-mona amanaya paitorobiname pedoutsinexa paratixi barapomonaetha pomona naerabiya pecuidubi jiwi. Ichitha caena bayatha Nacom yabara paeba barapomona, jeye: “Barapomona bichocono abe peexanae jiwi, daxota bewa werapaena tsipei bichocono abe peexanaexae”, jei Nacom.

<sup>4</sup> Nacom bayatha jopa yabara jñntemainaeyo po peabe coyenewan matatsunpiwi exana. Ichitha Nacom bebai ichaxota be pucua xua isoto xua jopa itacounayiyo. Yawano Nacom napenta exana peita quirei nacuatha beya poxona barapo matatsunpiwi umenaena Nacom peitabaratha poxona po mataqueitha Nacom yabara paebina daxita jiwi xua penatsicuentsiwa xua abe peexanaexae.

<sup>5</sup> Barichi Nacom jopa bayatha yabara jñntemainaeyo po peabe coyenewa jiwi exana pomona caena bayatha jinompa. Barapo matabintha Nacom itoroba pin awñbo xua bunothopa peexanaenexa pomona abe peexanae jiwi. Meisa saya Noé irñno piamona tatsi xua siete poyobe tatsi daxita barapoyobe capanenebiyatsi barapo awñbotha. Barapon Noé cuiduba jiwitha xua jiwi bewa jñntñ coyene xanepanaya jinompaena Nacomtha.

<sup>6</sup> Pomona Sodoma tomarapiwi irñno Gomorra tomarapiwino, barapomona abe peexanaewi. Barapo tomarabemona yawa tomarabe Nacom yabara paeba xua pinae abe exana daxota Nacom weraweraca exana isototha beya poxona daxita saya ñ ipunan naexana. Barapo coyenein Nacom tsita itñta xua bapon bexa jñpa exanaena pomonaeintha pomona abe exana dubenanaebiya.

<sup>7</sup> Ichitha meisa saya Nacom capanepa barapo pin isoto weya pon pewñ Lot. Bapon Lot pejñntñ coyene xanepanaein Nacomtha. Lot cuitaya ñnthññ deideijej pocotsiwa jiwi abe exana.

<sup>8</sup> Bapon Lot, pon pejñntñ coyene xanepanaein Nacomtha, barñ popona pomona peajñntñcoyenebe jiwi. Daxita matabi bapon bichocono ñnthññtane xua pejñntñ coyene xanepanaexae Nacomtha xua poxona bapon taiba yawano xua poxona jume taiba xua jiwi abe exaneiba.

<sup>9</sup> Ichitha Nacom pon jiwi Pecanamataxeinaein yaputane xua peyawenaewa pomona peantobewixaetsi poxona barapomona bichocono jñntñ coyene jñjñteibatsi caurimona pia pentacaponaein tatsi. Yawano Nacom yaputane xua atene peexanaewa pomonaetha pomona jopa pejume cowñntsiwichi. Nacom baxua exanaena beya

ab<sub>u</sub> poxonae barapomonaе umenaena Nacom peitabaratha poxonae Nacom yabara paebina daxita jiwi xua penatsicuentiwa xua abe peexanaexae.

<sup>10</sup> Pomonaе xua abe exana pocotsiwa xua saya jiwi ichichipa exana yawano aichaxaibi exana pocotsiwa pon jiwi Pecanamataxeinaein itoroba daxita barapomonaе Nacom atene exanaena. Barapomonaе bichocono atsaca yawa ichamonaе aebatsino. Jopa junuwiyo xua abe peyabara paebiwa xua matatsunpiwi abe peyabara paebiwatsi.

<sup>11</sup> Matatsunpiwi xeina peayapus<sub>u</sub>wa yawano xeina peitorobi coyenewa xua beyacaincha pomonaе naerabiya pecuidubi jiwi. Ichitha barapo matatsunpiwi jopa abe yabara paebiyo xua barapomonaе pomonaе naerabiya pecuidubi jiwi poxonaе barapo matatsunpiwi cueicueijeі tsumenaе Nacom peitabara tatsi, pon jiwi Pecanamataxeinaein.

<sup>12</sup> Barapomonaе pomonaе abe peyabara paebi jiwi, barapomonaе exana xua icha duwei ichi, xua duwei ba jopa beta nanta xeinaeyo, xua ba saya jiwi tsicobe naexanatsi xua jiwi peteicaenexa yawa pebexubinexa pexaenexa. Barapo pebiwi abe yabara paeba pocotsiwa jopa yaputaeyo. Barapomonaе werapaena pia abewantha icha duwei icha xua werapa.

<sup>13</sup> Barapomonaе xuya atene tsane abe peexanaexae ichamonaetha. Barapomonaе jopa auriyo xua abe peexanaewa mataqueitha. Barapomonaе paca muxutoroba abe peexanaexae bequein naxaiba poxonaе pin penabanaewan paexaneibame. Ichamonaе paca abe yabara paeba abe peexanaexae barapomonaе yawa aura paca necaexanaexae.

<sup>14</sup> Barapomonaе ichichipa nawita xua peyacaibiwa yab<sub>u</sub>xi daxita xua powaxi taiba. Jopa juniya abe eexanaponaeyo xua abe exana. Barapomonaе nanta<sub>u</sub>ta pia pepuna ponaewichi pomonaе peju<sub>u</sub>nt<sub>u</sub> coyene faefaenaewi Nacomtha. Barapomonaе ichichi xeica nawita pocotsiwan xua tane daxita. Barapomonaе yacuiya naexana xua abe peexanaewa. Daxota barapomonaе Nacom bichocono atene cana exanaena.

<sup>15</sup> Barapomonaе jopa Nacom yabara yaputaetsi pejume naitematsixae po coyene xua Nacom peju<sub>u</sub>nt<sub>u</sub> coyene xanepana exanaewa barapomonaе. Barapomonaе barapo cana<sub>u</sub>ta ju<sub>u</sub>tsiya eexanapona icha Balaam ichi xua pocotsiwa exana. Bapon caena bayatha popona. Bapon Balaam, Beor pexanto tatsi. Bapon Balaam abe exana pexeinaenexa paratixi.

<sup>16</sup> Balaam pon naerabiya peitorobi jume diwesi pepaebin, poxonaе ichichipa abe peexanaewa, cui matawentatsi xua abe exana. Po duwein pew<sub>u</sub>n burra, bapon cui matawenta, Balaam cui matawentatsi. Burra cueicueijeі icha jiton ichi, xua saya jiton cueicueijeі. Barapo duwein jopa copatsiyo xua Balaam abe peexanaponaewa xua exanapona icha be ichi xua exanapona pon pematajemabinchi. Daxota Balaam cui matawentatsi poxonaе ichichipa abe peexanaponaewa.

<sup>17</sup> Barapo pebiwi po pebiwi naerabiya pecuidubi jiwi, jopa yawenaeyo ichamonaetha, icha be feto mene ichi xua weitha bichocono ameneibi xua ba jiwi jopa yawenaetsi. Yawano barapomonaе icha be tsaquinaebowa ichi xua ba saya dubenapona xua joibo capana, xua ba cuinaya jopa duneicaeyo, yawano xua ba jiwi jopa yawenaetsi xua peruneicaenexa. Nacom itaweta barapomonaе xua barapomonaе itawetatsi ichaxota ataya pejinompaenexa peita quirei nacuatha.

<sup>18</sup> Barapomonaе bichocono atsaca poxonaе cueicueijeі. Yawano barapomonaе pia jume, barapo jume jopa jiwi yawenaetsi. Yawano barapomonaе naemata jume w<sub>u</sub>naeya tsipaeba pomonaetha pomonaе aena pejume cow<sub>u</sub>ntsi jiwi Jesucristo xua barapomonaе ir<sub>u</sub> abe peexanaenexa pocotsiwa bequein barapomonaе aichaxaibi exana xua jiwi pia cui coyenewa tatsi xua pocotsiwa bayatha copiya exana xua abe.

<sup>19</sup> Barapomonaе w<sub>u</sub>nae tsimuxu duta ichamonaetha xua ichamonaе beta pejinompaenexa. Ichitha barapomonaе pia coutha exana be pomonaе xua caurimonaе pia pentacaponaein tatsi amanaya petanacuitsiwatsi. Tsipei daxita jiwi pia cui xeina

xua barompaya amanaya tanacuita pontha xua bara copata xua bara juntu coyene itorobatsi.

<sup>20</sup> Barapo cae pin nacuathe ichamonae jinompa pomonae capanenebiyatsi abe pia peexanae cuiru coyenein weya xua po abe peexanae cuiru coyene po cae pin nacuathepiwi exana. Barapomonae baxua exana poxonae jume cowanta Jesucristo, pon jiwi Pecanamataxeinaein, xuano xua pon jiwi Pecapanenebiyaein. Ichitha icha barapomonae equeicha abe exana xuano xua icha awiya exana dubenanaebiya baxuan, bapoxonae barapomonae bichocono abe beyacaincha xua poxonae copiya exana xua pewnaeya poxonae jume cowanta Jesucristo.

<sup>21</sup> Icha barapomonae jume cowanta yawano icha penta Nacom peitorobi coyenewa, bapoxonae barapomonae bichocono abe exana Nacomtha. Ichitha icha barapomonae copiyatha jopa jume taetsipae barapo peitorobi coyenewa, bapoxonae barapomonae saya be conotha abe exanaetsipa Nacomtha. Ichitha poxoru barapomonae pejume taexae barapo peitorobi jume yawa pejume cowantsixae, daxota barapomonae Nacom bichocono atene cana exana, beyacaincha xua poxonae jopa jume taeyo barapo diwesi.

<sup>22</sup> Barapomonae equeicha caewa yabara jume cuiya exana xua abe exana po coyenein bequein copitha nacui barapenta. Bara barapomonae nacui yabara jume weta xua po tsica diwesiyotha jeye: “Auri ba xua nacabeta iratha equeicha caewa xane. Bequein marrano ba matawainchi pemene itaranae meratha ichitha equeicha caewa nairainyaba xota tsorei”, jei tsica diwesiyo xua Nacom Pejume Diwesitha paeba.

### 3

#### *Meje yabara xua Jesucristo equeicha pia pepatopeicaewa tsica tsane*

<sup>1</sup> Tamonae pam, pomonae tapaca caantobewichi pam, iru painya nejume cowantsixae Jesucristo. Ainya cartabe pacata tinatsi. Barapo carte, po carte cotacaya tinan xua barapo ainya cartabe. Barapo ainya cartabeta ichipan xua beta painya neyabara nanta xeinaewa tsane pocotsiwan xua paca tsipaebatsi.

<sup>2</sup> Pananta xeinare pocotsiwa xua Nacom pia peitorobi jume pepaebiwi paeba poxonae caena bayatha. Yawano jopa pajantemainaeinde po peitorobi coyenewa naca cuiduba Jesucristo pia peitorobi jiwi tatsi. Barapo peitorobi coyenewa Cristo pon jiwi Pecanamataxeinaein xuano xua pon jiwi Pecapanenebiyaein pia peitorobi coyenewa tatsi.

<sup>3</sup> Copiya matha pananta xeinare xua meje: Pewnaeya poxonae po matabitha Nacom ira weraweraca exanaena, barapo matabitha patsina jiwi xua po jiwi cui capanaena pocotsiwa Nacom pia pejume xainyeiwa tatsi. Barapomonae exanaena pocotsiwa saya ichichipa xua abe exana.

<sup>4</sup> Barapomonae yainyabiya jei tsane xua Cristo yabara: “Bapon bayatha paca tsiwinae muxu duta xua equeicha patopaetsica. ¿Eta xua metha awiya bapon pawnae ewatame bara jopa patopeicaeyoba? ¿Incane bapon? Bequein wamo susato jiwi jume cowanta xua pinae bapon patopaetsica ichitha jopa daichiyo beya nama poxonae barapomonae werapa cataunxuae bapon jopa patopaeyo. Bara saya jujurapona wanacuatha xua bapon jopa patopeicaeyo xua poxonae Nacom nacua forota beya anoxuae”, jei tsane barapomonae.

<sup>5</sup> Ichitha barapomonae jopa ichipaeyo xua yabara jume juntanaina xua caena bayatha Nacom pepaebixae daxota itaboco ducua xua caena bayatha yawa xua ira exana poxonae mene baxurana weyotsina. Barapo ira Nacom mentha exana.

<sup>6</sup> Yawano barapomonae jopa ichipaeyo xua juntanaina xua caena bayatha xua poxonae Noé popona Nacom itoroba pin awubo xua equeicha ira mene baxurana boca yawa xua daxita pocotsiwa barapo iratha weraweraca.



<sup>7</sup> Ichitha barapo itaboco xua anoxuae tainchi yawa ira xua ichaxota anoxuae jinompatsi Nacom dubena exana daxita baxuan poxona Nacom cueicueijeji pia peayapusu itorobi coyenewatha. Nacom baxuan duba beya abu poxona weraweraca exanaena daxita baxuan pin isototha barapo pia peayapusu itorobi coyenewatha. Baraxuan Nacom weraweraca exanaena daxita poxona po mataqueitha Nacom yabara paebina daxita jiwi xua penatsicuentsiwa xua abe peexanaexae.

<sup>8</sup> Tamonae pam pomonae tapaca caantobewichi pam, iru painya nejume cowantsi jiwixae Jesucristo. Jopa pajuntemainaeinde po coyene xua daxita bara Nacom tsita najupatsi pon jiwi Pecanamataxeinaein. Caentacabi tsita najupatsi xua mil po weibe. Matautano mil po weibe Nacom tsita najupatsi xua caentacabi. Bequein mil po weibe bichocono ainya wei ichitha Nacom saya be tsita caetotsi.

<sup>9</sup> Nacom jopa apara bewayo exanaeyo pocotsiwa yabara naca tsiwuna nae muxu duta bequein ichamonae nanta xeina xua Nacom jopa nainya exaneibiyo. Ichitha Nacom jopa aitaconaeyo daxota paca ewata painya nejume cowantsinexa. Bapon ichichipa xua dapon aibi tsane pon weraweracaena. Jame Nacom ichichipa xua maisa daxita jiwi peauranexa tsane abe peexanaexae xua icha juntu coyene pexeinaenexa tsane po juntu coyenein xua Nacom tsita xanepanatsi.

<sup>10</sup> Ichitha po mataqueitha pon jiwi Pecanamataxeinaein patopaetsica barapo matacabitha jiwi jopa wuna ewatsi tsane. Bapon pon Wanacanamataxeinaein jemeicha patopeicaena icha be ichi pon pecaibin xua poxona namicha patopa. Peitaboco weraweracaena poxona pin busi tsurucuae tsane. Jomocoichato, xometono, opiteino, daxita baxuan tautinchi isototha. Yawa barapo ira tautinchi, yawano muxuna tautinchi xua barapo iratha xeina.

<sup>11</sup> Tsipei daxita baxuan tautinchi daxota bewa pajinompae be pomonae pejuntu coyene xanepanaewi Nacomtha pomonae jopa Nacom tsita xeinaetsi penatsicuentsiwa xua abe peexanaexae. Beta pajinompare icha Nacom ichi xua beta popona.

<sup>12</sup> Paeware xua po mataqueitha daxita Nacom wetsina. Yawano paexande pocotsiwa xua yawenatsi xua pepatopeicaewa tsane bichoina barapo matacabi. Barapo mataqueitha itaboco tautsina isototha. Jomocoichato, xometono, opiteino, daxita baxuan tautsina pin isototha.

<sup>13</sup> Ichitha waxainchi ewatatsi xua Nacom nacata exanaena pena ira yawa pena itaboco xua bayatha Nacom yabara naca tsiwuna nae muxu duta. Barapo pena ira yawa barapo pena itaboco daxita wuna exanaena pocotsiwa pexainyeiwanexa tsane.

<sup>14</sup> Tamonae pam, pomonae tapaca caantobewichi pam, iru painya nejume cowantsixae Jesucristo. Paca tsipaebatsi baxua xua daxota poxona cataunxuae paewatame baxuan, xua pocotsiwa Nacom exanaena bara beta paexande. Bapoxona Nacom paca caxinaena xua juntea pajinompame, matautano xua jopa paxeinaem peabe coyenewa painya juntu coyenewatha, yawano xua ichamonae jopa paca yabara paebi tsane xua abe painya neexanaewa.

<sup>15</sup> Yawano payaputaneme xua caena bayatha Nacom pon Wanacanamataxeinaein beitemaya naca ewata xua wajume cowantsinexa xua pia wanaca capanenebiyaewa tsane. Yawano iru Pablo baxua yabara pacata tina. Bapon Pablo, pon waantobein, pon iru jume cowuntaru Jesucristo. Pablo yaputane exainchi baxuan yabara xua Nacom yaputane exana.

<sup>16</sup> Bapon Pablo daxita pia cartantha baxuan yabara paca tsipaeba. Ichitha ichawan daunwei xua painya neyaputaewa. Ichitha pomonae jopa beta peyaputae jiwi iru pomonae pejuntu coyene faefaenaewi Nacomtha, barapomonae seicaya toxeinchiya exana pocotsiwan xua Pablo paeba. Barichi yabara jume toxeinchiya exana ichawa pocotsiwa Nacom Pejume Diwesitha paeba. Barapomonae pia coutha nanatsiexana xua abe exana xua peweraweracaewa tsane, xua Nacom exanaena.

<sup>17</sup> Tamonae pam, pomonae tapaca caantobewichi pam, iru painya nejume cowantsixae Jesucristo. Painya neyaputaexae baxuan rewunaeya xua Nacom exanaena baxuan, daxota dota pam pomonae abe pacata necaexanae jiwi xua jopa paca necantacapanawa tsane. Jopa pacopatsinde xua barapomonae baxua pacata exana xua jopa painya nepentsiwa tsane Nacom.

<sup>18</sup> Bichocono pana najuntu wuna exanaponde Wanacanamataxeinaein pia peantobewathaxae. Jesucristo beta payabara yaputaeponde, pon Wanacacapanenebiyaein. ¡Barabu bapon ataya xeinaena peainya cui coyenewa anoxuae yawa xua bexa tsaneno! Je bara ichi tsane.

Baja Pedro

## **Meje Po Carte Juan Copiya Tatina, Pomonae Jesucristo Pejume Cowantsiwi Tatinatsi. Barapo Carte Peopi Carucuae Carta.**

### *Meje yabara po diwesi xua pon naca ajuntuyarusuya exana*

<sup>1</sup> Pacata yabara tinatsi pon pewan “Pejume”, baraichi, pon jiwi ajuntuyarusuya exainchi. Bapon asu caena bayatha poxonae Nacom abu cataunxuae jopa exanaeyo wanacua. Poxonae bapon naexana wanacuatha, baroxonae bexa poxonae bapon cueicueiei diwesi bara baroxonae barapon pajume tan. Barapon bara yatsicaya patan. Yawa bapon bara pacobe jayabeiban.

<sup>2</sup> Barapo peajuntuyarusuwa Nacom exana, po peajuntuyarusuwa xua ataya tsiteca, xua pata yabara yapuraewa baxua. Barapon Nacom Pexanto tatsi xeina barapo peajuntuyarusuwa, matautano patan barapon. Daxota yabara paca tsipaebatsi bapon. Yawano daxota yabara paca tsipaebatsi barapo peajuntuyarusuwa xua bapon xeina, pon Paxatha peecaexae.

<sup>3</sup> Paca tsipaebatsi xua bayatha patan yawa xua pajume tanno, caemonae painya naexanaenexa paxantha, peburuya wajume cowantsixae Jesucristo. Icha paxan paichin xua Nacomtha Waxatha caemonae panaexanan yawa Pexantotha pon Jesucristo, bara paichinderu.

<sup>4</sup> Daxota bara po coyenein pacata tinatsi xua bichocono pata tajuntu coyene weiweinaewa tsane.

### *Meje yabara xua Nacom pexainyei juntu coyene peyacuiya jinaein*

<sup>5</sup> Po diwesi Jesucristo pana cuiduba barapo diwesi xuya paca tsipaebatsi xua Nacom pexainyei juntu coyene peyacuiya jinaein. Bapon jopa xeinaeyo peacuirube coyenewa pejuntu coyenewatha, tsipei bapon bichocono pejuntu coyene xeicaein.

<sup>6</sup> Icha jeichichi: “Waxainchi Nacom yawa jinompatsi, be caemonae peburuya nacayawa jinompatsi Nacomtha”, jeichichi, daichitha caena poxonae saya abe exanatsi, baroxonae saya apara naerabatsi xua pocotsiwa wapaebiwa baxua, yawa naerabatsi xua exanatsi. Matautano jopa yawa muxuna jinompaetsi Nacom pia pexainyei coyenewa tatsi.

<sup>7</sup> Ichitha icha cajinompaetsipatsi Nacom Pejume Diwesi wajuntu coyeneintha yawa xua exanaetsipatsi pocotsiwa xua Nacom ichichipa bara nexata peburuya caemonae naexanatsi. Jesucristo jana pichapabarena poxonae tupa, pon Nacom Pexanto tatsi. Barapon pon Nacom Pexanto tatsi petupaexae naetotha, daxota Nacom naca juntu coyene wejuntemaina exana daxita abe waexanae cuiru coyenein.

<sup>8</sup> Icha jeichichi: “Jopa abe taexanaewa”, jeichichi, apara bara wacoutha namuxujainyabatsi pocotsiwa wapaebixae. Matautano wajuntu coyeneintha jopa xeinaetsi pexainyei coyenewa.

<sup>9</sup> Ichitha icha Nacomtha yabara tsipaebatsi xua abe waexanaewa, xua jeichichi: “Nacom auran yaitama abe exanan”, jeichichi, baroxonae Nacom naca juntu coyene wejuntemaina exana abe waexanae cuiru coyenein xua daxita naca wexuba. Baxua Nacom exana, tsipei bapon yabara baru jume cui cowantatsi xua peexanaewa tsane pocotsiwa pepaebiwa. Matautano tsipei bapon bara xaniwaichiya peexanaein.

<sup>10</sup> Icha jeichichi: “Jopa abe exanaetsi”, jeichichi, apara bara yabara jume cuiya exanatsi xua Nacom pon jiwi pemuxuitorobin, tsipei Nacom naca yabara jei: “Barapomonae abe peexanaewi”, naca yabara jei. Yawano Nacom Pejume Diwesi jopa xeinaetsi wajuntu coyeneintha.

## 2

### *Meje yabara xua Cristo pon wanaca yabara jume yawenaein Nacomtha*

<sup>1</sup> Pomonae be tamonae tapaca canatsicotaewichi pam, iru painya nejume cowantsixae Jesucristo, yabara pacata tinatsi barapo coyene xua abe painya neexanaeyainwa. Daichitha icha waxainchi abe exanatsi barapara waxainchi nantaatatsi Jesucristo pon wanaca yabara jume yawenaein Nacomtha xua Paxathaxae. Bapon matauta juntu coyene xanepanaya peexanaein.

<sup>2</sup> Barapon Jesucristo petupaexae naca yantomata daxota Nacom naca capanepa abe waexanae cuiru coyenein weya. Jopa meisa waxainchi nexa apara bara iru daxita barapo cae pin nacuanthapiwi tatsitupatsi abe pia peexanae cuiru coyenein tatsi.

<sup>3</sup> Icha jume cowantsiya exanatsi pocotsiwa Nacom pia peitorobi jume diwesitha paeba, nexata bara yaputainchi, xua bara xaniwaicha wayaputaewaba Nacom.

<sup>4</sup> Icha ichun jei: “Xan Nacom yaputan”, jei, xua daichitha jopa exanaeyo pocotsiwa Nacom pia peitorobi jume diwesi paeba, apara bapon pon jiwi pemuxuitorobin, yawa pejuntu coyenewatha jopa xeinaeyo pexainyei coyenewa.

<sup>5</sup> Seicaya nama pon exana pocotsiwa xua Nacom itoroba pon waxainchi jiwanatsi, nexata bara yaputainchi xua bapon xanepanaya antobe Nacom. Daxota waxainchi nayaputainchi xua bara peburaya caemonae nacayawa jinompatsi Nacomtha.

<sup>6</sup> Pon xua jei: “Nacom yawa poponan, caemonae peburaya nacayawa poponan Nacom”, jei, bapon bewa yajuntu coyene wunaeya poponae, icha bayatha Jesucristo ichi xua bapon beta xanepanaya yajuntu coyeneya popona.

### *Meje yabara xua Nacom pia pena peitorobi diwesi jume*

<sup>7</sup> Tamonae pam pomonae bichocono tapaca caantobewichi pam, iru painya nejume cowantsixae Jesucristo, anoxuae pacata tinatsi barapo peitorobi diwesi xua jopa pena diwesiyo, tsipei caena bayatha barapo diwesi paxeiname poxonae aena pajume cowantame. Barapo peru itorobi diwesi jume caena bayatha pajume taneme.

<sup>8</sup> Ichitha po diwesi xua anoxuae pacata tinatsi, barapo diwesi be pena diwesi naexana. Barapo peitorobi diwesi Cristo bara tsita pexainyei diwesichi, iruru paxam paca tsita pexainyei diwesi jume. Tsipei jiwi, copitha jopa yaputaeyo barapo Nacom pia pena peitorobi coyenewa tatsi ichaxota xua jei: “Nantiya pana naantobeinde”, jei. Icha be pocotsi coyeneya jata ichi poxonae jiwi jopa beta taeyo poxonae quirei. Ichitha anoxuae jiwi yaputane barapo Nacom pia pena peitorobi coyenewa tatsi daxota bara itacupatsi xua xanepanaya pejinompaewa, icha be pocotsi coyeneya jata ichi poxonae jiwi beta jinompa mataqueitha.

<sup>9</sup> Icha ichun jei: “Xan Nacom yaputan”, jei, xua daichitha ita aenae-aeneya caseba nawita pontha xua iru jume cowantarun Cristo, bapon apara cataunxuae jopa yaputaeyo Nacom.

<sup>10</sup> Pon antobe pontha xua iru jume cowantarun Cristo, bapon apara jame yaputane Nacom. Daxota bapon jopa exanaeyo po coyenein xua abe peexanaewa xua iru ichamonae peexanaewa tsane.

<sup>11</sup> Ichitha pon ita aenae-aenei pontha xua iru jume cowanta Cristo, bapon acuicoyenebeya popona be pocotsin jopa yaputaeyo Nacom. Bapon jopa xanepanaya poponaeyo, icha be pocotsi coyene jata ichi poxonae pon peitata nacutsin catsawa pona poxoru jopa xapain taeyo.

<sup>12</sup> Pomonae pexui pam, pacata tinatsi tsipei Nacom paca juntu wejuntemaina exana abe painya neexanae cuiru coyenewan xua Jesucristo painya nejume cowantsixae.

<sup>13</sup> Pomonae pinyon pam, pacata tinatsi tsipei payaputaneme Nacom, pon Waxa, pon ataya pepoponaein, pon copiya popona poxonae aena daxita forota. Pomonae pewowi jiwi pam, pacata tinatsi, tsipei caurimonae pia pentacaponaein tatsi paamanayabame poxonae paca juntu coyene jujata xua abe painya neexanaewam tsane.

<sup>14</sup> Pomonae pexui pam, pacata tinatsi, tsipei payaputaneme Nacom, pon Waxa. Pomonae pinyon pam, pacata tinatsi tsipei payaputaneme Nacom, pon ataya popona, pon copiya popona poxonae aena daxita forota. Matautano pewowi jiwi pam, pacata tinatsi tsipei bichocono paajuntucoyenesum, yawano xanepanaya pajume cowantame Nacom Pejume Diwesi, matautano tsipei pajuntucoyene amanayabame caurimonae pia pentacaponaein tatsi.

<sup>15</sup> Jopa bichocono paichichipaeinde pocotsiwa xua abe po cae pin nacuathe. Matautano jopa bichocono pacayabara nanta xeinaeya ichichipaeinde xuan pocotsiwan xeina pomonae jopa pejume cowantsiwi pomonae jinompa po cae pin nacuathe. Icha ichun saya ichichipa bichocono xua xuan xeina pomonae jopa pejume cowantsiwi bapon jopa apara antobeyo Nacom, pon Waxa.

<sup>16</sup> Penasi cui tatae coyene Nacom jopa itorobiyo xua barapo cae pin nacuathe tsique nexa. Apara pomonae jopa pejume cowantsiwi pia coutha exana barapo penasi cui tatae coyene. Matautano Nacom jopa itorobiyo xua abeya peichichipae coyene xua peuwiya tae coyene. Matautano Nacom jopa itorobiyo po coyenein xua peaebi coyenein ichamonaetha, xua pexeinaexae copei. Barapocotsi coyenein Waxa Nacom werena jopa pichipaeyo. Saya apara pomonae jopa pejume cowantsiwi pia coyene tatsi.

<sup>17</sup> Barapo cae pin nacue weraweracaena, yawano muxuna weraweracaena xua xuan abe peexanae cuiru coyenein. Ichitha pon exana pocotsiwa Nacom ichichipa bapon jame ataya poponaena Nacomtha.

*Meje xua pexainyeiwa yabara, yawa xua penaerabiwa yabara*

<sup>18</sup> Pomonae pexui pam, bara nama imoxoyo tsane po matacabi Nacom daxita weraweraca exanaena barapo cae pin nacua. Bayatha pajume taneme xua jei: “Imoxoyo patopaena pon Cristo pia peaitafaetabinchi”, jei. Ichitha bayatha pata pinmonae, pomonae Cristo pia peaitafaetabiwichi. Daxota yaputainchi xua bara nama imoxoyo tsane po mataqueitha Nacom weraweraca exanaena barapo cae pin nacue.

<sup>19</sup> Barapomonae pomonae Cristo pia peaitafaetabiwichi copiya naca baruc nacaetuta poxonae nacaetuteibatsi, ichitha anoxuae bara weya naca wepu pona. Icha xaniwaicha barapomonae waxainchi jiwana tsipaetsi metha awiya cataunxuae naca baruc nacaetuta dubenanaebiyaetsipa. Barapomonae waxainya weya pona, xua daxota jiwi taena xua barapomonae bara jopa wamonae jiwiyoy xua jopa pejume cowantsi jiwixae Cristo.

<sup>20</sup> Ichitha paxam Cristo paca cata Nacom pia Pejumope tuxaxu tatsi pia painya nepaca baruc jinompaenexa. Daxota paxam daxita yabara paca yaputane exana pexainyei coyenewa.

<sup>21</sup> Paxam pacata tinatsi tsipei payaputaneme xua pexainyeiwa. Icha jopa payaputaetsipaem baxua, jopa pacata tinaetsipaetsi. Paxam payaputaneme pon ba xua xaniwaicha pepaebin jopa ba naerabiya paebiyo.

<sup>22</sup> ¿Jintam pon pemuxitorobinda? Pon xua jei: “Jesús apara Mesías aibi, pon Nacom itoroba”, jei, bapon apara pon pemuxitorobin. Bapon Cristo pia peaitafaetabi jitonsti tsipei jume matawenta poxonae jiwi paeba xua pinae Cristo Nacom Pexanto tatsi xuano xua Nacom Cristo Paxa tatsi.

<sup>23</sup> Pomonae xua Nacom Pexanto tatsi jume itawetatsi xua pejume cowantsiwa, barapomonae jopa nantaustiyo Nacomtha xua be Paxa tatsi. Ichitha pon Nacom Pexanto tatsi xanepanaya yabara paebatsi, xua jei: “Jesús apara Mesías pon Nacom itoroba”, jei, jame bapon nantauta Nacom be Paxa tatsi.

<sup>24</sup> Daxota painya juntu coyeneintha pajume xeinare Nacom Pejume Diwesi xua bayatha pajume taneme poxonae aena pajume cowantame. Icha painya juntu coyeneintha pajume xeiname xua pajume taneme bayatha, nexata bapoxonae peburaya caemonae pana naexanaename Pexanto tatsitha yawa coxiyantha, xua Nacomtha.



<sup>25</sup> Matautano Jesucristo yabara naca tsiwunaë muxu duta, naca jei: “Peajuntayaruswa paca catinchi po peajuntayaruswa xua ataya tsiteca”, naca jei.

<sup>26</sup> Yabara pacata tinatsi barapo coyenein pomonae xua painya nepaca muxu-jainyabiwa.

<sup>27</sup> Ichitha paxam Nacom pia Pejumope tñaxu tatsi paxeiname, po pejumope tñaxu tatsi paca cata Jesucristo. Bapoxonae jopa nantawenonaeyo xua ichamonae paca cuiduba poxoru barapo Nacom pia Pejumope tñaxu tatsi paca cuiduba daxita coyenein. Po coyenein Nacom pia Pejumope tñaxu tatsi paca cuiduba baraxua pexainyeiwa, matautano jopa pemuxuitorobiwa. Bara paichinde caemonae pebraya pana naexande Cristotha, icha Nacom pia Pejumope tñaxu tatsi ichi xua yabara paca cuiduba xua po coyene painya neexanaewa tsane.

<sup>28</sup> Pomonae pexui pam, antabusya caemonae pebraya pana naexande Cristotha xua jopa wajunuwinexa xua poxonae bapon patopaetsica barapo cae pin nacuathe. Yawa caemonae pana naexande Cristotha xua jopa waaura tsane barapon peitabaratha xua abe waexanaexae poxonae patopaetsica.

<sup>29</sup> Bayatha payaputaneme xua Jesucristo pon juntu coyene xanepanaya peexanaein. Barichi bewa payaputaename pomonae juntu coyene xanepanaya peexanaewi, barapomonae barapara Nacom pia pexui tatsi.

### 3

#### *Meje yabara xua Nacom pia pexuimonaë tatsi*

<sup>1</sup> Maisa Nacom Waxa jopa juniya naca antobeyo. Daxota Nacom copata xua naca yabara jei: “Nacom pia pexui tatsi”, naca yabara jei. Jopa jume, bara barapomonaetsi. Daxota barapo cae pin nacuepiwi jopa naca yaputaeyo xua Nacom pia pexuimonaetsi, tsipei barapomonaë jopa bayatha yaputaeyo Nacom.

<sup>2</sup> Pomonae tapaca caantobewichi pam xua iru painya nejume cowantsixae Nacom, waxainchi bara Nacom pia pexuimonaetsi. Anoxuae cataunxuae jopa nayaputaetsi xua bexa tsane eta po coyeneya naca cana exanaena. Ichitha yaputainchi xua poxonae Jesucristo patopaetsica, waxainchi naexanaeinchi icha barapon juta coyeneya ichi. Tsipei bapon bara yatsicaewa taeinchi.

<sup>3</sup> Pomonae Jesucristo wunaë ewatatsi xua pepatopae wunaë, barapomonae najuntu coyene xanepana exana, xua jopa xeinaeyo peabe coyenewa, icha Jesucristo ichi xua bichocono pejuntu coyene xanepanaein xua jopa xeinaeyo peabe coyenewa.

<sup>4</sup> Daxita pomonae abe peexanaewi, barapomonae Nacom yabara paebina xua pentsicuentisiwa abe peexanaexae bapontha. Tsipei poxonae abe exana taacoibichi xua exana pocotsiwa Nacom pia peitorobi diwesi jume paeba.

<sup>5</sup> Paxam payaputaneme xua Jesucristo patopeica barapo cae pin nacuathe, wanaca juntu coyene junteina exanaenexa abe waexanae cuiru coyenein. Matautano payaputaneme xua bapon jopa abe exanaeyo.

<sup>6</sup> Daxita pomonae pebraya caemonae naexana Cristotha, barapomonae jopa abe exana dubenanaebiyayeyo. Ichitha nama pomonae abe exana dubenanaebiya, barapomonae jopa Jesucristo yaputaetsi, matautano jopa pijimonaë tatsichi.

<sup>7</sup> Pomonae pexui pam, jopa pacopatsinde xua bara ichamonae paca muxujainyabina. Pon ba xanepana exana bapon ba bichocono pejuntu coyene xanepanaein, icha Jesucristo ichi xua bichocono pejuntu coyene xanepanaya exanaein.

<sup>8</sup> Ichitha pon ba xua abe exana ducunaebiya, apara bapon ba caurimonae pia pentacaponaein tatsi pijimonaë jiwanaein tatsi. Tsipei caena bayatha, poxonae aena Nacom daxita forota, caurimonae pia pentacaponaein tatsi bapon abe peexanaein. Nacom Pexanto tatsi patopeica xua cana coyene weraweraca peexanaenexa caurimonae pia pentacaponaein tatsi pia coyenewan tatsi.

<sup>9</sup> Pomonae Nacom pia pexui tatsi barapomonae jiwana dapon ba aibi pon ba abe exana ducuaenaebiya, tsipei bapon yajuntũ cui coyeneya popona Nacom pia cui coyenewa tatsi. Bapon jopa itacũpaetsi xua abe exana ducuaenaebiya tsipei Nacom pia pexui tatsi jiwana pin tatsi.

<sup>10</sup> Daxota yaputainchi pomonae Nacom pia pexui tatsi, matautano yaputainchi pomonae caurimonae pia pentacaponaein tatsi pia pexui tatsi. Yabara yaputainchi pomonae jopa xanepanaya exanaeyo, barapomonae jopa Nacom pia pexui tatsi. Matautano yabara yaputainchi pomonae jopa antobeyo ichamonae pomonaetha pomonae irũ pejume cowantsiwi, barapomonae jopa Nacom pia pexui tatsi.

*Meje yabara xua poxonae jei: “Caemonae pebũrũya bara nantiya naantobe tsainchi”, jei*

<sup>11</sup> Poxonae aena pajume cowantame, xua beya anoxuae, pajume taneme Nacom Pejume Diwesi. Barapo diwesitha jeye: “Caemonae pebũrũya bara nantiya naantobe tsainchi”, jei barapo diwesitha.

<sup>12</sup> Waxainchi jopa bewa naexanaetsi icha ichi pon pewũn Caĩn, pon caena bayatha tũpa. Bapon Caĩn caurimonae pia pentacaponaein tatsi pia jiton tatsi. Bapon peweicho bexuba. ¿Eta xua metha Caĩn peweicho bexuba? Caĩn peweicho uwiya bexuba, tsipei pocotsiwa Caĩn exana Nacom nexa, Nacom tsita abetsi. Ichitha nama pocotsiwa Caĩn peweicho tatsi exana Nacom nexa baxua jame Nacom tsita xanepanatsi.

<sup>13</sup> Tamonae pam, pomonae irũ painya nejume cowantsixae Jesucristo. Painya xoba panantũ exabame icha ichamonae paca ita aenae-aenei pomonae jinompa po cae pin nacuathe, pomonae jopa pejume cowantsiwi.

<sup>14</sup> Waxainchi yaputainchi xua bewa werapaeinchi abe waexanaexae. Ichitha anoxuae peajuntũyapusũwa xeinatsi, po peajuntũyapusũwa ataya tsiteca waantobexae pomonaetha pomonae irũ pejume cowantsixae. Pon xua jopa antobeyo piamonae jiwana pin tatsi, pon irũ pejume cowantsin Nacom, bapon bequein popona ichitha jopa xeinae tsane peajuntũyapusũwa.

<sup>15</sup> Pon ita aenae-aeneya caseba ichamonae pomonaetha pomonae irũ pejume cowantsiwirũ Nacom, bapon Nacom tsitatsi be pon jiwi pejutebin. Payaputaneme xua pon jiwi pejutebin barana jopa xeinae peajuntũyapusũwa pejuntũ coyenewatha, po peajuntũyapusũwa ataya tsiteca.

<sup>16</sup> Waxainchi yabara yaputainchi xua Nacom wanaca antobewa, tsipei Jesucristo naca tsitũpa naetotha wanaca antobexae. Daxota bewa copatinchi xua bara ichamonae naca atene exanaena, xua bequein beya poxonae tũpa naca exanaena ichamonae nexa pomonae irũ pejume cowantsiwirũ.

<sup>17</sup> Pebin ba xeina nawita xuan pocotsiwa ba nantawenona xua jantema popona penaexanaewa tsane. Bapon cui tane pia jiton pon irũ pejume cowantsindũ Nacom xua pon jopa xeinaeyo pocotsiwa nantawenona. Icha bapo pebin jopa pia jiton yabara nantanuweya nanta xeinaeyo xua peyawenaenexa, barapo pebin apara jopa Nacomtha tsita xeinaeyo peantobewa, po peantobewa Nacom xeina jiwi nexa.

<sup>18</sup> Tamonae pam, pomonae irũ painya nejume cowantsixae Jesucristo. Jopa bewa saya ichamonaetha jeichi: “Paca antobetsi”, jopa bewa saya jeichi, poxonae jopa yawenaetsi barapomonae. Jame bewa xaniwaicha yawenaetsi barapomonae, bapoxonae jame yatsicaewa antobe tsainchi barapomonae.

*Meje yabara xua wajume cowantsiya jinompaewa Nacomtha*

<sup>19-20</sup> Poxonae yawenatsi ichamonae bapoxonae yaputainchi xua bara xeinatsi po coyene pexainyei coyenewa. Xaniwaicha yaputainchi xua Nacom ichichipa pocotsiwa waxainchi exanatsi, bara bequein wajuntũ coyene naca jei: “Jamaisa jopa beta exanaem”, bequein naca yabara jei. Waxainchi yaputainchi xua Nacom bichocono ainya

cui, beyacaincha wajuntũ coyene poxonaẽ abe naca yabara paeba, tsipei Nacom daxita yaputane.

<sup>21</sup> Tamonaẽ pam, paxam pomonaẽ tapaca caantobe jiwichi pam, painya nejume cowantsixae Jesucristo. Bequein wajuntũ coyene jopa abeya naca yabara jeiyo: “Jamaisa jopa beta exanaem”, jopa jeiyo, daxota awiya Nacom jume cowantatsi xua waexanaewa pocotsiwa Nacom ichichipa.

<sup>22</sup> Yawa Nacom naca cata pocotsiwa wncatsi wajume cowantsixaetsi pia peitorobi diwesi jumein tatsi, yawano poxoru waexanaexae pocotsiwa Nacom ichichipa.

<sup>23</sup> Yawa Nacom pia peitorobi diwesi jume naca itorobiya jeye: “Taxanto Jesucristo pajume cowande, yawa nantiya pana naantobeinde”, naca jei.

<sup>24</sup> Daxita pomonaẽ ba exana pocotsiwa Nacom pia peitorobi diwesitha paeba, barapomonaẽ Jesucristo yawa jinompa, barichi barapomonaẽ Jesucristo baru jinompati. Waxainchi yaputainchi xua bapon naca yawena ducuaenaebiya, tsipei nanajumope cata waxantha wanaca cuidubinexa barapo coyene.

## 4

*Meje yabara xua Nacom pia Pejumope tñaxũ tatsi, irũ pomonaẽ Jesucristo abe peyabara paebiwichi*

<sup>1</sup> Tamonaẽ pam, pomonaẽ tapaca caantobe jiwichi pam, irũ painya nejume cowantsixae Jesucristo. Jopa pajume cowantsinde xua daxita pomonaẽ paca jei: “Paxan Nacom peitorobi jume pata paebiwĩ pan”, paca jei. Jame maisa pajũjũre saya barapomonaẽ painya neyaputaenexa barapomonaẽ icha metha bara Nacom itoroba barapomonaẽ. Tsipei barapo cae pin nacuathepiwi jiwĩ ayei pomonaẽ penaerabiwi, pomonaẽ jei: “Paxan Nacom peitorobi jume pata paebiwĩ pan”, jei.

<sup>2</sup> Ichitha paca itacũpa xua payaputaneme pomonaẽ xeina Nacom pia Pejumope tñaxũ tatsi. Icha barapomonaẽ paca jei: “Nacom Pexanto tatsi, pon Jesucristo, pepa jiton naexana barapo cae pin nacuathe”, jei, bapoxonaẽ payaputaneme xua barapomonaẽ apara Nacom pia Pejumope tñaxũ tatsi yawa jinompa.

<sup>3</sup> Icha ichamonaẽ paca jei: “Nacom jopa itorobiyo Pexanto barapo cae pin nacuathe xua penaexanaenexa pepa jiton pewan Jesús”, paca jei, bapoxonaẽ paxam payaputaneme xua barapomonaẽ ba jopa yawa jinompaeyo Nacom pia Pejumope tñaxũ tatsi. Barapomonaẽ ba seicaya xeina icha pejumope tñaxũ po jumope tñaxũ Cristo ita aenaẽ-aeneichi. Paxam bayatha pajume taneme xua barapo pejumope tñaxũ bewa patopaetsica po cae pin nacuathe tsique. Bara xainyei bara bayatha barapo jumope tñaxũ patopa po cae pin nacuathe tsique.

<sup>4</sup> Tamonaẽ pam, paxam Nacom pijimonaẽ tatsi pam. Paxam pacui coyene amanayabame barapo penaerabi jiwitha. Tsipei po pejumope tñaxũ paca yawa popona xua Nacom pia Pejumope tñaxũ tatsi, barapo pejumope tñaxũ bichocono peayapusũ itorobiya coyenewa pexeinaein, beyacaincha po pejumope tñaxũ po cae pin nacuathepiwi jũntũ coyene itoroba dubenanaebiyatsi xua abe peexanaenexa.

<sup>5</sup> Barapo jiwĩ apara barapo cae pin nacuathepiwi, daxota barapomonaẽ yabara cueicueijei pocotsiwan barapo cae pin nacuathe xeina. Ichamonaẽ irũ pomonaẽ po cae pin nacuathepiwixae barapo coyene baxuan jume naitaewatsiyo exana.

<sup>6</sup> Ichitha waxainchi Nacom piamonaetsi. Pomonaẽ Nacom yaputainchi, barapomonaẽ bara naca jume naitaewata. Ichitha nama pomonaẽ jopa Nacom yaputaetsi, barapomonaẽ jopa naca jume naitaewatsiyo. Daxota naca itacũpa xua wayaputaewa pomonaẽ cueicueijei pexainyei jume. Mataũtano naca itacũpa xua wayaputaewa pomonaẽ cueicueijei pemuxutorobi jume.

*Meje yabara xua Nacom peyawa cui jinaein xua bichocono peantobe coyenewa*

<sup>7</sup> Tamonae pomonae tapaca caantobewichi pam, iru painya nejume cowantsixae Nacom. Bewa waxainchi nantiya naantobe tsainchi. Tsipei barapo peantobe coyenewatha Nacom naca cana exana xua waxeinaewa waantobe coyenewa. Daxita pomonae xua antobe ichamonae apara barapomonae bara Nacom pia pexui tatsi naexana. Matautano barapomonae bara Nacom yaputainchi.

<sup>8</sup> Nacom ba peyacuiya jinaein peantobe coyenewa. Daxota pon jopa tsita xeinaeyo ichamonae peantobe coyenewa apara poxoru jopa yaputaeyo Nacom, tsipei Nacom peyacuiya jinaein peantobe coyenewa.

<sup>9</sup> Poxonae Nacom Pexanto itoroba Nacom naca tsita ituta pia peantobe coyenewa. Nacom Pexanto itoroba pon yatsicaya compa tatsi, barapo cae pin nacuathe tsique waxeinaenexa tsane peantuyapusawa, po peantuyapusawa ataya tsiteca.

<sup>10</sup> Barapo yatsicaewa pepa peantobe coyenewa meje baxue: Poxonae ba Nacom antobetsi, baraxua ba jopa pepa peantobe coyenewiyo. Jame ba Nacom naca antobe baraxua ba jame yatsicaewa pepa peantobe coyenewa. Poxoru Nacom itorobica Pexanto wanaca wejuntemaina exanaenexa abe waexanae cuiru coyenein. Barapo coyene jame yatsicaewa pepa peantobe coyenewa.

<sup>11</sup> Tamonae, pomonae tapaca caantobe jiwichi pam, iru painya nejume cowantsixae Nacom. Tsipei Nacom bichocono naca antobe, daxota xuya waxainchi bewa nantiya naantobe tsainchi.

<sup>12</sup> Dapon ba aibi pon bayatha Nacom tainchi. Ichitha icha waxainchi nantiya naantobe tsainchi, bapoxonae Nacom naca yawa poponaena. Nacom beta xaniwaichiya cana exana pia peantobe coyene wajuntu coyene berena.

<sup>13</sup> Waxainchi natsita itapeinya xeinatsi, xua bara Nacom yawa jinompatsi, yawa xua Nacom naca yawa popona, tsipei Nacom nanajumope tuxaxu cata waxantha.

<sup>14</sup> Paxon patan Jesucristo poxonae Nacom Pexanto itorobica. Daxota pajan: “Bara xainyei xua Nacom Pexanto itorobica, xua barapon pecapanenebiyaenexa po cae pin nacuathepiwi xua abe pia peexanae cuiru coyenein weya tatsi”, pajan.

<sup>15</sup> Pon ba xua jeye: “Bapon Jesús Nacom Pexanto tatsi”, jei, bapon apara bara yawa popona Nacom, iru Nacom yawa popona bapon.

<sup>16</sup> Daxota waxainchi Nacom yaputainchi, yawa jume cowantatsi xua xaniwaicha bara Nacom naca antobe. Nacom apara pon peyanthathuya jinaein xua pocotsiwa bichocono peantobe coyenewa. Pon xua bichocono antobe ichamonae, bapon apara bara yawa popona Nacom, iru Nacom yawa popona bapon.

<sup>17</sup> Daxota waxainchi yabara nacuiduba dubenanaebiyatsi xua bichocono peantobe coyenewa. Poxonae matabi tsuxubi tsane po mataqueitha Nacom jiwi yabara pae-bina xua penatsicuentiwa Nacomtha, barapo matabitha jopa junuwi tsainchi. Jume cowantinchí xua Nacom jopa wanaca yabara paebiwa tsane xua abe waexanaexae. Icha Jesucristo ichi xua jopa abe exana ducuaenebiyaeyo poxonae popona po cae pin nacuathe, waxainchi barapocotsi coyeneya ichichi poxonae jinompatsi po cae pin nacuathe.

<sup>18</sup> Poxonae antobetsi ichamonae barapo juntu coyenewatha ba jopa cunuwichi barapomonae. Tsipei barapo peantobe coyenewatha torotatsi pocotsiwa xua pejunuwiwa xua wajuntu coyene weya. Tsipei pon junuwa nayaputane xua atene tsaneba, pe-nayaputaexae xua abe exana. Pon ba junuwa jopa xeinaeyo peantobe coyenewa, po peantobe coyenewa Nacom weya.

<sup>19</sup> Waxainchi daxota Nacom antobetsi tsipei bapon copiya pewnaeya naca antobe.

<sup>20</sup> Icha pebin jei: “Xan Nacom antobein”, jei, xua daichitha caena ita aenae-aeneya caseba pia jiton pontha xua iru jume cowantarú Nacom, apara barapo pebin pon jiwi pemuxitorobin. Icha jopa antobeyo pia jiton pon peyaitaexae, barichi bapon jopa antobeyo Nacom pontha xua jopa yaitaeyo.

<sup>21</sup> Nacom nacata itoroba pia peitorobi diwesi jume. Barapo diwesitha naca jeye: “Pon ba xua Nacom antobetsi, bapon ba bewa muxuna antobe tsane pia jiton pontha xua iru jume cowuntaru Nacom”, naca jei barapo diwesitha.

## 5

*Meje yabara poxonae xua waxainchi juntu coyene amanayabatsi pomona jopa pejume cowuntsiwi*

<sup>1</sup> Pon ba bichocono tsita xeina pejume cowuntsiwa Jesús pon xua jei: “Jesús apara bara bapon pon Nacom itorobica, pon Mesías jeichichi”, jei, bapon jame Nacom Pexanto tatsi naexana. Daxita pomonae antobe Nacom xua paxatha, barichi barapomona muxuna antobe Nacom pia pexui tatsi pomonae iruru pejume cowuntsixae.

<sup>2</sup> Poxona waxainchi Nacom antobetsi xuano exainchi pocotsiwa Nacom pia peitorobi coyenewantha itoroba, bapoxona yaputainchi xua bara antobetsiru Nacom pia pexui tatsi.

<sup>3</sup> Poxona Nacom antobetsi, bapoxona jume cowuntsiya exanatsi pocotsiwa paeba Nacom pia peitorobi diwesi jumeintha. Nacom pia peitorobi diwesi jumein jopa ayapubeyo xua yabara jume cui cana exana.

<sup>4</sup> Daxita pomona Nacom piamona tatsi, barapomona juntu coyene amanayaba pontha pon jiwi juntu coyene itorobatsi po cae pin nacuathepiwi xua abe peexanaewa tsane. Wajume cowuntsi coyenewa Nacomtha, barapo coyenewatha naca yawena xua wajuntu coyene amanayabiwa pontha pon jiwi juntu coyene itorobeibatsi po cae pin nacuathepiwi xua abe peexanaewa tsane.

<sup>5</sup> Saya pomona jame jume cowunta, xua pejeiwa: “Jesús apara Nacom Pexanto tatsi”, jei, jame barapomona juntu coyene amanayaba bapontha pontha pon jiwi juntu coyene itorobeibatsi po cae pin nacuathepiwi xua abe peexanaewa tsane.

*Meje yabara xua po diwesi Nacom Pexanto tatsi yabara*

<sup>6</sup> Bapon Jesucristo patopeica po cae pin nacuathe tsique. Poxona bapon bautisabatsi, yawa poxona naetha tupa exanatsi, xua poxona jana pichapabarena, barapo naxobe cui coyenebe naca yaputane exana xua bapon Jesucristo, apara bara Nacom Pexanto tatsi. Saya meisa jopa naca yaputane exanaeyo xua poxona bautisabatsi, bara yawa iru naca yaputane exana xua poxona naetha tupa exanatsi, yawa xua poxona jana pichapabarena. Nacom pia Pejumope tunaxu tatsi yabara paeba daxita baxua. Barapo Nacom pia Pejumope tunaxu tatsi bara xaniyeya pepaebin.

<sup>7</sup> Nacom naca yaputane exana xua Jesucristo bara Nacom Pexanto tatsi poxona cueicueijeicoibi po jumeyobe peitaboco wetsica.

<sup>8</sup> Barapo jume apara poxona Nacom naca tsipaeba wajuntu coyenewatha. Yawano barapo jume po jume xua cueicueijeicoibi poxona Jesús bautisabatsi. Yawano barapo jume po jume xua cueicueijeicoibi poxona bara nama imoxoyo tupaena Jesús. Barapo acoibi jumeyobe peburaya cuita caunuta xua jei: “Bapon Jesús apara Nacom Pexanto tatsi”, jei.

<sup>9</sup> Ba jume cowuntatsi po jumein jiwi paeba. Ichitha po jume nama Nacom Pexanto yabara paeba, barapo jume jame bichocono peainya cui jume, beyacaincha po jumein xua jiwi paeba. Daxota bewa jume cowuntichi po coyene xua Nacom Pexanto yabara paeba.

<sup>10</sup> Pon ba Nacom Pexanto tatsi jume cowuntatsi, bapon ba pia juntu coyenewa tsipaebatsi xua bara bapon ba Jesucristo yatsicaewa Nacom Pexanto tatsi. Pon jopa Nacom jume cowuntichi, bapon nanta xeina xua Nacom naeraba xua pon jiwi pemuxuitorobin, tsipei bapon jopa jume cowuntsiyo po coyene Nacom Pexanto yabara paeba.

<sup>11</sup> Barapo jume, po jume Nacom Pexanto yabara paeba, barapo jume wajuntu coyenewatha jume tainchi, naca jeye: “Nacom peajuntu yapusawa naca cata po



peajuntuyapusuwa ataya tsiteca, po peajuntuyapusuwa Nacom Pexanto tatsi pia xainya werena tapichapatsi”, jei barapo jume.

<sup>12</sup> Pon ba Nacom Pexanto tatsi yawa popoinchi, bapon xeina barapo peajuntuyapusuwa. Ichitha pon Nacom Pexanto tatsi, jopa yawa poponaetsi, bapon jopa xeinaeyo barapo peajuntuyapusuwa, po peajuntuyapusuwa ataya tsiteca.

*Meje yabara poxona Juan muxu tsipaeba, poxona imoxoyo nacobe weta xua tina*

<sup>13</sup> Pacata tinatsi paxam, pomonae pajume cowantame, Nacom Pexanto tatsi. Po coyenein xua pacata tinatsi, apara xua painya neyaputaenexa xua bara paxeiname peantuyapusuwa, po peantuyapusuwa xua ataya tsiteca.

<sup>14</sup> Waxainchi bichocono yabara jume cowantatsi Nacom xua wanaca yawenaewa tsane. Tsipei yaputainchi poxonae wucatsi pocotsiwa Nacom ichichipa, bapoxona Nacom bara naca jume tane pocotsiwa yabara xua wawucaexae.

<sup>15</sup> Tsipei yaputainchi xua Nacom naca jume tane poxonae wucatsi, daxota yaputainchi xua bara xeinatsi pocotsiwa wucatsi Nacom.

<sup>16</sup> Icha taneme xua ichan abe exana pon iru jume cowanta, xua ichitha pocotsiwa bapon exana jopa tupa naexanaeyo, bapoxona Nacomtha tawucare bapon. Bapoxona Nacom cana exana xua bapon xeina peantuyapusuwa. Ichitha icha jiton abe exana pocotsiwa xua tupa naexana jopa catsipaebichi xua Nacomtha tawucame bapon.

<sup>17</sup> Daxita pocotsiwan jiwi abe exana daxita baxuan Nacom tsita abetsi. Daichitha barapo abe peexanae coyene jiwana xua icha abe peexanae coyenewa barapo abe peexanae coyene jopa tupa naca cana exanaeyo.

<sup>18</sup> Yaputainchi pon yawa popona Nacom xua pia Paxaxae, bapon jopa exanae ducua-naebiyayo abe peexanae cuiru coyenein, tsipei Nacom Pexanto tatsi yawena xua bapon yawenatsi. Matautano caurimonae pia pentacaponaein tatsi jopa itacupaetsi xua bapon peitorohiwatsi xua abe peexanaewa tsane.

<sup>19</sup> Yaputainchi xua bara Nacom piamonae tatsichi, yawa yaputainchi xua caurimonae pia pentacaponaein tatsi itoroba daxita po cae pin nacuathepiwi xua abe peexanaewa tsane.

<sup>20</sup> Yaputainchino xua Nacom Pexanto tatsi bayatha patopeica barapo cae pin nacuathe, yawa naca tsipaeba Nacom Pejume Diwesi wayaputaenexa Nacom, pon pexainyein. Matautano yawa jinompatsi Nacom Pexanto tatsi, pon pexainyein, pon Jesu-cristo. Barapo Nacom pexainyein pon naca cata peantuyapusuwa, po peantuyapusuwa xua ataya tsiteca.

<sup>21</sup> Tamonae pam, jopa pajume cowantsinde ibo nacomun.

Baja Juan.

## **Meje Po Carte Juan Epatotha Tatina, Pomonae Jesucristo Pejume Cowantsiwi Tatinatsi. Barapo Carte Epatowa Carta.**

### *Meje xua pexainyei diwesi yabara, yawano peantobe diwesi yabara*

<sup>1</sup> Xan Juan, pon bayatha pitirin naexanan, pacata tinatsi barapo carte pomonae pam pomonae panacaetutame Nacom painya nejume cowantsixaem. Nacom paca itapeta painya paca exanaenexa piamonae. Irũ tatinan pomonae paca barũ nacaetuta pomonae be painya pexui natsicotane. Xaniwaicha betiya paca antobetsi painya neyaputaexae pexainyeiwa. Mataũtano ichamonae paca antobe pomonae yaputane pexainyei jumein.

<sup>2</sup> Xan bichocono paca antobetsi poxoru painya nejume cowantsixae Nacom pia pexainyei diwesi tatsi. Barapo pexainyei diwesi wajũntũ coyenewantha cajinompeibatsi anoxuae, mataũtano xua ataya tsane.

<sup>3</sup> Cajinompatsi Nacom pia pexainyei coyenewa tatsi pia peantobe coyenewa tatsino. Daxota Nacom Waxa irũ Jesucristo Wanacanamataxeinaein pon Nacom Pexanto tatsi baponbe naca yawenabe. Baponbe naca yawenaena, mataũtano amanayiya baponbe naca yabara nantanuweya nanta xeinaena pia wanaca yawenaenexa. Mataũtano baponbe jũntema jinompa naca exanaena.

<sup>4</sup> Jũntũ coyene weiweinan tsipei painyamonaе jiwana cui tan, xua beta pejinompaewa. Barapo painyamonaе exana po coyenewa xua pexainyei coyenewa, icha be pocotsi coyeneya xua Nacom Waxa naca cui itoroba.

<sup>5</sup> Paxam, irũ painya nejume cowantsixae Nacom, paca tsipaebatsi bewa waxainchi nantiya naantobe tsainchi. Po peitorobi coyenewa pacata tinatsi jopa pena peitorobi coyenewiyo. Barapo peitorobi coyenewa copiya xeinatsi poxonaе aena jume cowantatsi.

<sup>6</sup> Icha waxainchi Nacom antobetsi, barapoxonaе bewa jume cowantsiya jinompaeinchi icha be pocotsi coyeneya Nacom naca itoroba pia peitorobi diwesi jumetha. Barapo peitorobi diwesi jume pajume taneme poxonaе aena pajume cowantame. Barapo peitorobi diwesi jume naca jeye: “Nantiya pana naantobeinde”, jei.

### *Meje yabara pomonae jiwi pemuxujainyabi jiwi*

<sup>7</sup> Po cae pin nacuathe jiwi ayei jinompa, pomonae jiwi pemuxujainyabi jiwi. Barapomonae jeye: “Nacom jopa itorobiyo Pexanto barapo cae pin nacuathe, pon pewan Jesucristo xua pepa jiton naexana”, jei barapomonae. Pomonae xua bapocotsiwa paeba, bapomonae apara pomonae jiwi pemuxujainyabi jiwi yawa bapomonae Cristo abe peyabara paebiwichi.

<sup>8</sup> Dota pam bũ caurimonae paca jũntũ coyene jũjũta, abe painya neexanaewa tsane, xua daxota Nacom painya nepaca catsinexa pentoma xua abe painya neexanaexae. Maisa jame beta xanepanaya paexande, xua Nacom painya nepaca catsinexa daxita barapo pentoma xua beta painya neexanaexae.

<sup>9</sup> Pon xua equeicha ichichipa icha coyenewa xua pecuidubiwa beyacaincha xua Cristo pia pecuidubi coyenewa tatsi, bapon jopa nantaũtsiyo Nacom xua be Paxa. Ichitha jame pon exana ducuaenaebiya pocotsiwa xua Jesucristo pia pecuidubi coyenewatha paeba, bapon jame nantaũta Nacom be Paxa, mataũtano nantaũta Jesucristo pon Nacom Pexanto tatsi.

<sup>10</sup> Icha ichan paca siwa pona pia nepaca cuidubinexa icha coyenewa xua pecuidubiwa xua Nacom yabara, po pecuidubi coyenewa xua jopa Jesús pia pecuidubi coyenewa tatsi bapoxonae bapon jopa matenta weiweinaya pajacobinde painya bo berena.

<sup>11</sup> Tsipei pon matenta weiweinaya waba pontha pon pecuidubinexatsi icha pecuidubi coyenewatha, bapon apara irururabe exanarurabe icha be bapon ichi pon ichan pon pia botha petapatopaexaetsi.

*Meje yabara poxonae xua Juan opi wetaba po carte*

<sup>12</sup> Ainya diwesi bequein cataunxuae xeinan xua tapaca camuxu tsipaebiwa tsainchi, ichitha jopa beyabara tinaeinyo paperatha barapo diwesi. Daichitha ewatan xua tapaca cataewa tsainchi bexa, matautano xua tapaca catsipaebiwa tsainchi. Bapoxonae wajanturabe coyene weiweinaenexa tsainchi bichocono.

<sup>13</sup> Pomonae irurabe Nacom pejume cowantsiwi icha paxam paichim, pomonae irurabe Nacom itapeta, barapomonae paca jacobae.

Baja Juan.

## **Meje Po Carte Juan Cotacaya Tatina, Pomonae Jesucristo Pejume Cowantsiwi Tatinatsi. Barapo Carte Petabꞥ Carucuae Carta.**

*Meje yabara poxonae Juan jꞥntꞥ weiweinaya tatina, Gayo tatinatsi*

<sup>1</sup> Jaco Gayo, pon tacaantobetsi jitom. Xan, pon bayatha pitirin naexanan. Barapo carte cata tinatsi, yaitama bichocono xaniwaicha caantobetsi, jinya nejume cowantsixae Nacom pia pexainyei diwesi jume tatsi.

<sup>2</sup> Pon tacaantobetsim, pon be tayapin tacanatsicotaeinchi irꞥ nejume cowantsixae Nacom. Nacomtha cata wꞥcatsi xua jꞥntema nepoponaewa tsane xuano xua ax-aibiya nepoponaewa tsane, icha be ichim xua beta xaniwaicha poponame Nacom peitabaratha tatsi.

<sup>3</sup> Bichocono jꞥntꞥ coyene weiweinan poxonae ichamonae pomonae pejume cowantsiwi jiwana taxantha pata yawa netsipaeba. Barapomonae cayabara paeba xua pinae yajꞥntꞥ coyeneya popona ducuanabiyame Nacom pia pexainyei coyenewa tatsi. Bara xainyei bara barapo coyenewa exaname.

<sup>4</sup> Dapocotsiwa aibi pocotsiwa jume tan pocotsiwa xua nejꞥntꞥ coyene weiweina exana beyacaincha xua poxonae jume tan xua tajiwimonae xaniwaicha beta jinompa Nacom peitabaratha tatsi pejume cowantsixae Jesucristo.

<sup>5</sup> Pon tacaantobetsim, pon be tayapin tacanatsicotaeinchi irꞥ nejume cowantsixae Jesucristo. Bichocono xanepanaya exaname xua Nacom nexa xua poxonae yawename pomonae Jesucristo pejume cowantsiwichi, mataꞥtano poxonae yawename pomonae icha nacuan werena pepatsiwi, pomonae bequein jopa neyaitae jiwi.

<sup>6</sup> Barapomonae pomonae icha nacuan werena pepatsiwi pomonae Jesucristo pejume cowantsiwichi jeichichi: “Maisa bichocono pana antobe Gayo tsipei pana yawena”, jei barapomonae. Cawꞥcatsi xua barapomonae equeicha neyawenaenexa xua pocotsiwa barapomonae nantawenona xua poxonae warapaena jinya neexanaenexa po coyenewa Nacom ichichipa bichocono.

<sup>7</sup> Barapomonae ponarꞥcꞥpa xua Jesucristo petanacuichiwa tsainchi. Barapomonae jopa wꞥcaeyo pomonaetha pomonae jopa pejume cowantsiwi Nacom xua peyawenaenexatsi pocotsiwa penantawenonaewa.

<sup>8</sup> Daxota bewa barapomonae yawenaetsi xua bapoxonae barapara irꞥ barapomonae nanabarꞥ cueicueijeichi pexainyei jume diwesi.

*Meje yabara po diwesi xua Diótréfes abe exana xuano irꞥrꞥ Demetrio beta exana*

<sup>9</sup> Xan caena bayatha icha coyenewiyo tatinan Jesucristo pejume cowantsiwichi. Daichitha Diótréfes jopa jume cowantsiyo taitorobi coyenewa, tsipei barapomonae pomonae Jesucristo pejume cowantsiwichi pia xantha tatsi Diótréfes ichichipa naexana be pon pecanamataxeinaein.

<sup>10</sup> Daxota icha ponaein nexainya beya, yabara catsipaebinchi bapon tsipei bapon catsawa neyabara paeba, peabe jumetha. Barapon jopa beta exanaeyo tsipei jopa wꞥnae weyataeya wabeibiyo pomonaetha pomonae Jesucristo pejume cowantsiwichi. Irꞥrꞥ pomonae jiwi pententa weyataibiya wabeibiwi, baxuan cui matawentatsi, yawa bapon barapomonae itaweta pomonae Jesucristo pejume cowantsiwichi itawetatsi.

<sup>11</sup> Pon tacaantobetsim, pon be tayapin tacanatsicotaeinchi irꞥ nejume cowantsixae Jesucristo jopa acuicoyenebeya poponaeinde icha poxonae ichꞥn ichi xua acuicoyenebeya popona. Saya jame maisa beta exanaponde icha poxonae ichꞥn ichi xua beta exanapona. Pon ba beta exana pocotsiwa Nacom itoroba apara bara Nacom

piamonae jiwi jiwana tatsi. Ichitha pon ba abeya popona, apara jopa poxoru yaputaeyo Nacom.

<sup>12</sup> Daxita jiwi Demetrio xanepanaya yabara paebatsi. Pocotsiwa xua bapon exana, naca yaputane exana xua bara bapon xainyeya peexanaein. Iruru xan xanepanaya yabara paeban Demetrio. Matautano yaputaneme xua pocotsiwa paeban bara xainyei.

*Meje yabara xua Juan opi wetaba po carte*

<sup>13</sup> Xam Gayo ainya diwesi bequein cataunxuae xeinan xua tacamuxu tsipaebiwa tsainchi, daichitha jopa beyabara tinaeinyo paperatha barapo diwesi.

<sup>14</sup> Bara nama methaunxuae catayopiyaeinchi nexata bapoxonae wanatsipaebiwa tsanebe.

<sup>15</sup> Bara Nacom junte ma popona caexanaena. Pomonae xote jinompa pomonae be jinya jiwimonae, barapomonae cajacoba. Inta jacobare daxita wajiwimonae.

Baja Juan.



## Meje Po Carte Judas Tatina Pomonaetha Pomonae Jesus Pia Pejume Cowantsiwichi

*Meje poxonae Judas tamropata pitaba xua tatina pomonaetha pomonae bayatha Nacom waba xua pia pejume cowantsinexatsi*

<sup>1</sup> Xan, Judas, ponxaein tanacuitan amanaya Jesucristo tacoya taichichipaexae. Xan Santiago peweicho tatsin. Barapo carte pacata tinatsi pomonae pam, pomonae bayatha Nacom Waxa itapetsiya paca waba, xua painya nejume cowantsinexa. Nacom bichocono paca antobe. Nacom Pexanto tatsi pon Jesucristo beta paca yapu eena xua beta painya nejume cowantsinexa Nacom.

<sup>2</sup> Barabũ Nacom jopa juniya paca yabara nanta xeinae tsane xua nantanuweya paca yabara nanta xeineibina pia paca cayawenaenexa. Mataũtano barabũ Nacom bichocono jũntema jinompa paca exanaena. Mataũtano barabũ Nacom paca catsibina pia peantobe coyenewa painya neyawa muxuna jinompaenexa.

*Meje yabara xua pomonae pemuxujainyabiya cuidubi jiwi*

<sup>3</sup> Paxam pomonae bichocono tapaca caantobewichi pam. Maisa bichocono ichichipan xua yabara tapacata tinaewatsi pecapanenebiyae coyenewa xua po coyenewatha Nacom paca capanepa abe painya neexanae cuiru coyenein weya. Barapo coyenewatha Nacom necapaneparũ barapo coyene weya. Bequein ichichipan yabara pacata tinatsi baxua, daichitha anoxuae jopa neitacũpaeyo. Jame bewa copiya yabara pacata tinaeinchi xua painya nejume cowantsiwa. Paca itorobatsi xua naitomatsiya jume daunweya yabara painya paebinexa painya nejume cowantsiwa, bequein ichamona paca atene exana painya nejume cowantsixae Jesús. Barapo pejume cowantsiwa Nacom caena bayatha caetha nacui coyene cata pijimonae, xua barapomonae xuya penacui coyene cacataponenexa ichamonaetha.

<sup>4</sup> Bara barapocotsiwa paca tsipaebatsi, tsipei jiwi namichiya jinompa painya xantha pomonae pemuxujainyabiya cuidubi jiwi xua jopa pacui yaputaem pocotsiwa barapomonae exana. Caena bayatha barapomonae Nacom Pejume Diwesitha yabara tinatsi xua barapomonae pinae bewa atene tsane abe peexanaexae. Barapomonae peajũntũcoyenebe jiwi. Mataũtano barapomonae jiwi muxujainyabiya cuidubatsi xua pinae Nacom amanayiya capanepa jiwi pia peantobexae. Nacom peantobexae jiwi, daxota pinae Nacom copata xua jiwi bara abe peexanaenexa. Barapomonae yabara jume itaweta, poxonae po jumetha ba jiwi jeye: “Jesucristo, bapon yatsicaya compa pon Wanacaitorobin xuano Wanacanamataxeinaein”, jei.

<sup>5</sup> Bequein payaputaneme xua bayatha Nacom, pon jiwi Pecanamataxeinaein exana, daichitha ichichipan xua equeicha yabara tapaca tsipaebiwatsi baxuan. Nacom exana xua piamonae tatsi Egipto nacua wepanenebiya xua Israel nacua bepanenebiya. Bequein Nacom baxua cana exana daichitha pirapaeyo Nacom cana exana xua barapo israelmonae jiwamonae jutebatsi pomonae jopa pejume cowantsiwixaetsi.

<sup>6</sup> Mataũtano payaputaneme xua Nacom cana exana matatsunpiwitha. Barapo matatsunpiwi nacui barapenta pia peitorobi coyenewan bequein Nacom cata. Mataũtano barapomonae Nacom pia nacua weya tatsi pona xua nacou tomara cuenta warapa xua itaboco weyaxae. Daxota Nacom itoroba xua barapo matatsunpiwi peyamaxũ cãbiya jebinxatsi pequirei nacua beya, beya abũ poxonae po matabi tsane poxonae atene tsane poxonae Nacom yabara paebina daxita jiwi xua penatsicuentiwa xua abe peexanaexae. Barapo matatsunpiwi penaintontha maxũ cãbebatsi, po penainton jopa weraweracaeyo.

<sup>7</sup> Pacayabara nanta xeinare xua poxonae po tomarabeta Nacom cana exana, po tomara pewun Sodoma yawa xua Gomorra, yawano xua poxonae ichaxota po tomarantha xua cuariyatha ena. Barapo tomanpiwi abe exana xua poxonae cana siwainyameinta exana pebiwita xua jopa be ichiyo xua pocotsi coyenewatha ba pebiwi cana exana yabuxitha. Nacom caunutsiya yabara paeba barapomona xua barapomona ataya tsitecaeya peraxa exainchi abe peexanaexae. Barapomona naca tsita itapeinya xaina xua Nacom bara cana ichi tsane daxita jiwita icha barapo tomarabepiwi cana ichichi.

<sup>8</sup> Ichitha pomona anoxuae yabara paca tsipaebatsi, pomona pemuxujainyabiya cuidubi jiwu, barapomona abeya nanta xaina dubenanaebiya, xua poxonae baxua yabara amachinae tsurubenanaebiya. Daxota barapomona pia pepon abeya taxoba exana dubenanaebiya. Barapomona itaweta Nacom pia peitorobi coyenewa pon jiwu Pecanamataxeinaein. Matautano barapomona abe yabara paeba Nacom pia matatsunpiwi.

<sup>9</sup> Nacom pia matatsunpin, po matatsunpin matacapana icha matatsunpiwi, bapon pewun Miguel. Bapon Miguel najume matsontsonobabe caurimona pia pentacaponaein tatsi. Yabara najume matsontsonobabe xua Moisés pia pepon xua jintam metha pinae xainaena. Miguel jopa nanta xainaeyo xua xuya anaepanaya jume nota xua pejeiwa: “Maisa abe exaname daxota Nacom pon jiwu Pecanamataxeinaein atene cacana exanaena”, jopa jeyo, bara bequein itacupatsi xua pepaebiwa baxua. Saya jame Miguel jei: “Barabu Nacom caitawetsina”, jei Miguel.

<sup>10</sup> Ichitha barapomona pomona pemuxujainyabiya cuidubi jiwu abe yabara paeba pocotsiwa barapomona jopa yaputaeyo. Matautano barapomona exana icha be pocotsi coyeneya ichichipa xua abe peexanaewa. Barapomona baxua exana bequein jopa pexanepanaeyo taetha, icha duweimona ichi xua poxonae exana be pocotsi coyeneya ichichipa. Daxota barapomona pia coutha naajuntucoyenebe cana exana.

<sup>11</sup> ¡Jaibo, barapomona tsobena! Tsipei barapomona Nacom jopa bejume cowantichi icha be ichi pon pewun Caín, pon caena bayatha peweicho bexuba, peweicho peuwixae. Matautano barapomona catsibatsi paratixi xua ichamona catsiba xua barapomona abeya coyeneya pecuidubixae. Tsipei barapomona bichocono pitaparatixichi icha be poxonae ichi pon pewun Balaam poxonae paratixi catsibatsi xua ichamona catsiba xua Balaam abeya coyeneya pecuidubixae. Matautano barapomona jiwu juntu coyene tsacabatsi xua jiwu naba peexanaenexa Nacomtha daxota barapomona werapaena. Baxua exana icha be poxonae pon pewun Coré ichi poxonae jiwu juntu coyene tsacabatsi xua jiwu naba peexanaenexa Moiestha, xua bapoxona Coré tupa xua bexotsi.

<sup>12</sup> Poxonae paxam paexaname xua jiwu nacaetuta painya nenabanaenexa painya ne-naantobexaem, barapomona pomona pemuxujainyabiya cuidubi jiwu paca caxinta pia peexanae coyeneintha. Barapomona atsaquiya nabane, yawa atsaquiya apa. Saya jopa yabara nanta xainaeyo ichamona. Saya meisa barapomona nayabara nanta xaina nawita. Poxonae barapo coyene exana, barapomona abe paca cana exana. Po tsaquinaebowan ba xua jopa jiwu catichi mera, xua equeicha pin joibo tabu torota peira tsewi weya xua jopa peruneicaenexa tsane, barapo tsaquinaebowan ba jiwu jopa catichi mera, jiwu jopa yawenaetsi. Bara juta ichi barapomona pomona pemuxujainyabiya cuidubi jiwu. Bequein barapomona pia coutha beta nayabara paeba, daichitha jiwu jopa yawenaetsi. Po naein ba xua jopa nacoichiyo pia matacabintha xua poxonae nacoiteiba barapo naein jiwu ba yatabaca jona tsipei jopa naein penacoichixae. Bara juta ichi barapomona pomona pemuxujainyabiya cuidubi jiwu, jiwu jopa beta xapain jinompa cana exanaetsi. Daxota jiwu itaweta barapomona.

<sup>13</sup> Ichamona aura exanatsi poxonae barapomona abeya cuiduba xua jopa jiwu

peyawenaexaetsi. Barapomonaē bichocono abe exana icha pin maratsaca doriton ichi xua pitapa beya bebeya xua thamthamei xua bichocono petsoreixae. Bara j̄uta ichi barapomonaē saya jiwi aura exanatsi abe peexanaexae daxota jiwi cuenta pona barapomonaē. Poxonaē opiteiton ba poton pia namton weya itaxanumeinyatsi saya pipato dubenanaebiya ataya ichaxota pequireiwatha. Bara j̄uta ichi barapo pemuxujainyabiya cuidubi jiwi, jopa xapain jinompaeyo po cae pin nacuathe. Daxota Nacom bebai tsane barapomonaē pia xainya weya ichaxota pequireiwatha xua bara ataya tsitecaeya tsane abe peexanaexae.

<sup>14</sup> Barapomonaē pomonaē pemuxujainyabiya cuidubi jiwi yabara paebatsi, xua ich̄un yabara paeba pon pew̄un Enoc. Adán xeina seis poyobe pia pemomo susatopiwi xua napuna naexanapona beya poxonaē bapon naexana pon Enoc. Bapon Enoc pon caena bayatha Nacom pia nacua beicha caichatsi. Bapon Enoc yabara paeba barapomonaē pomonaē pemuxujainyabiya cuidubi jiwi, poxonaē cueicueijeī pocotsiwa Nacom yaputane exana. Bapon Enoc jeye: “Tan pon jiwi Pecanamataxeinaein. Bapon tan xua pia matatsunpiwi bar̄u patopeica, bichocono pin bicheito matatsunpiwi.

<sup>15</sup> Bapon bar̄u patopeica matatsunpiwi xua jiwi atene peexanaewa tsainchi. Bapon yabara paebina daxita jiwi xua penatsicuentsiwa xua abe peexanaexae. Matautano bapon yabara paebina xua pocotsiwa bapomonaē abe exana Nacomtha. Matautano bapon yabara paebina pocotsiwa barapomonaē Nacom abe peyabara paebiwatsi”, jei Enoc.

<sup>16</sup> Barapomonaē pomonaē pemuxujainyabiya cuidubi jiwi ichawa beya daxita coyeneintha abeya yabara paeba. Xua daxita coyenein petsita aitacoyenebexaetsi daxota barapomonaē jopa j̄unt̄u coyene weiweinaya jinompaeyo. Matautano meisa yabara nanta xeina xua piawan meisa penata exanaewan. Barapomonaē peatsacae jiwi bichocono. Bara bequein barapomonaē beta paeba ichamonaetha, saya poxoru xua peyabara muxujainyabinexa xua ichamonaē peyabara muxujainyabinexatsi pocotsiwa xeina.

*Meje yabara xua Judas muxuweta pomonaetha pomonaē pejume cow̄untsiwi xua pejume cow̄untsiyainwa pemuxuitorobi diwesi*

<sup>17</sup> Equeicha paca tsipaebatsi pomonaē bichocono tapaca caantobewichi pam. Paxam bewa payabara j̄untanainaem pocotsiwa bayatha paeba pomonaē Jesucristo pon jiwi Pecanamataxeinaein pia peitorobi jiwi tatsi.

<sup>18</sup> Barapomonaē paca jeye: “Pew̄unaeya tsane poxonaē po dapaetha Nacom yabara paebina jiwi xua penatsicuentsiwa xua abe peexanaexae copiya patsina pomonaē cui caponaena, pocotsiwa Nacom piawa tatsi baxua cui caponaeinchi. Matautano barapomonaē ichichipaeya exana dubenanaebiyaena icha be pocotsi coyeneya ichichipa xua abe peexanaewa”, jei barapomonaē pomonaē Jesús pia peitorobi jiwi tatsi.

<sup>19</sup> Pocotsimonaē baxua exana xua abe exana, bapocotsimonaē tsaba exana piamonaetha xua barapo bicheitobe nacasebabe. Barapomonaē pomonaē abe peexanaewi exana xua pocotsiwan ichichipa peexanaewa. Barapomonaē jopa exanaeyo pocotsiwa Nacom ichichipa, tsipei jopa yawa jinompaeyo Nacom pia Pejumope t̄nax̄u tatsi.

<sup>20</sup> Ichitha nama paxam pomonaē bichocono tapaca caantobewichi pam. Bayatha painya nejume cow̄untsixaem Nacom, daxota awiya pana naj̄unt̄u coyene tsacabare. Awiya mataropeichiya painya nejume cocow̄untaronaenexa po pejume cow̄untsi coyeneya Nacom weya pona. Nacom pia Pejumope t̄nax̄u tatsi pia peayapus̄watha tatsi paw̄ncare Nacom.

<sup>21</sup> Beta payaj̄unt̄u coyeneya jinompare Nacom pia peantobe coyenewa tatsi. Paw̄nae eware po matcabitha poxonaē Jesucristo Wanacanamataxeinaein naca catsina peaj̄unt̄uyapus̄wa, po peaj̄unt̄uyapus̄wa ataya tsiteca. Baxua naca catsina tsipei Nacom nantanuweya naca yabara nanta xeina pia wanaca yawenaenexa tsane.

<sup>22</sup> Ichamonae pomonae yabara ainya muxu pexeinaewi pemuxujainyabi diwesi barapomonae payabara nantanuweya yawende painya neantobexae xua jopa pejume cowantsinexa barapo pemuxujainyabi diwesi.

<sup>23</sup> Ichamonae muxu pejume cowantsi barapo pemuxujainyabi diwesi. Nainya payawende barapomonae painya neantobexae xua Nacom pecapanenebiyaenexa bapo abe peexanae cuiru coyene weya pejume cowantsixae tsane Nacomtha. Panantanuweya yabara nanta xeinde ichamonae, painya neyawenaenexa tsane painya neantobexae xua iru pejume cowantsinexa tsane Nacom. Ichitha dota pam xua abe painya neexanaeyainwa icha poxonae xua barapomonae ichi xua poxonae abe exana.

*Meje yabara xua Judas najume wetsiya winae jainta Nacom*

<sup>24-25</sup> Anoxuae nama yabara paca tsipaebatsi Nacom pon pepa Nacom pon nacata compa. Bapon bichocono peyaputaein. Barapon Nacom Wanacacapanenebiyaein. Barapon pia peayapusu itorobiya coyenewatha paca yapu eenaena xua jopa abe painya neexanaewa tsane. Matauta Nacom paca cana exanaena xua juntu coyene xanepanaeya painya neumenaenexa tsane bapon peitabaratha tatsi. Matautano bapon paca cana exanaena xua bichocono painya nejuntu coyene weiweinaya neumenaenexa tsane bapon pia pexeinya peitupanae coicha itabaratha tatsi. Barapon Nacom waxainchi winae jaintatsi Jesucristo pon Wanacanamataxeinaein petupaexae. Waxainchi jeichichi Nacomtha: “Barabu ataya tsitecaeya xeinaeya poponaename jinya pexeinya itupanae coicha yawa jinya neainya cui coyenewa. Matautano barabu ataya xeinaeya poponaename jinya neayapusu itorobi coyenewa, xuano xua jinya neayapusu exanae coyenewa. Daxita baxuan caena bayatha xeiname poxonae aena, xuano xua anoxuaeno xeiname yawano xua bexa tsane bara ataya xeinaename”, jeichichi Nacomtha. Je, bara ichi tsane.

Baja Judas.

## Meje Po Diboro Juan Tina Xua Yabara Tsiwanaya Tsita Itatatsi Pocotsiwa Exanaena Po Cae Pin Nacuathe

*Meje yabara po diwesi pocotsiwan xua Jesucristo Paxa tsita itatatsi xua pocotsiwan xuya Juan tsita itatatsi*

<sup>1</sup> Barapo diboroje xan Juan tinan. Pocotsiwan yabara tinan xua Nacom Jesucristo tsita itatatsi. Bara pocotsiwan Jesucristo xuya pijimonaetha tsiwanaeya tsita itata pocotsiwan xua imoxoyo bara exanaenaba. Jesucristo pia matatsunpin inta itoroba xua xan Juan xuya tatsita itatsinexa daxita baxuan xua imoxoyo bara exanaenaba.

<sup>2</sup> Daxota xan xuya xainwaichiya yabara tinan daxita xua pocotsiwa tan. Matautano tinanno xua jume tan xua Nacom paeba iruno xua Jesucristo paeba.

<sup>3</sup> Pon xua yorobina jiwitha po diwese pomonaetha pomonae Nacom pejume cowantsiwichi tatsi, bapon juntu coyene weiweina exanaeinchi xua Nacom juntu coyene weiweina exanaena. Iruno pomonae jume tane barapo diwese yawano xua exanano xua pepaebixae barapo diwese, barapomonae juntu coyene weiweina exanaeinchiru. Daxota barapomonae juntu coyene weiweina tsipei baxuan imoxoyo exanaenaba.

*Meje yabara xua Juan tatina pomonae pejume cowantsiwi, pomonae siete po matabuxumonaebe, pomonae nacaetuta xua Nacom wuna pejainchinexatsi*

<sup>4</sup> Xan, Juan, pacata tinatsi pomonae painya nejume cowantsiwi pam pomonae siete po matabuxumonaebe pam xua painya nenacaetutsi jiwi pam, xua wuna painya nejainchinexa Nacom. Paxam pomonae Asia nacuatha pajinompame. Paca tsipaebatsi xua Nacom anoxuae popona yawa caena bayatha popona yawa bexa ataya poponaena. Pacata wucatsi Nacomtha xua painya nepaca juntu coyene weiweina exanaenexa tsane. Yawa pacata wucatsi xua Nacom paca yawenaena pia painya nepaca caantobexae. Yawa pacata wucatsi Nacom pia Pejumope tuxu tatsi beya xua bapon baxuan pacata exanaena tsipei Nacom pia Pejumope tuxu tatsi siete po pexeinya juntu coyenebe pexeinaein. Barapo Pejumope tuxu Nacom peitabaratha tauncuatsi ichaxota Nacom eca pia pexeinya peecaethopaewatha.

<sup>5</sup> Yawano pacata wucatsi Jesucristo xua bapon baxuan pacata exanaena. Barapon Jesucristo ataya xaniwaicha pepaebin. Bapon copiya equeicha asu naexana. Bapon asu canamata canaexana jiwi petupae coyene weya. Yawa bapon itoroba pomonaetha pomonae itorobiya pepa peewatsiwi ichamonae po cae pin nacuathe. Cristo naca antobe daxota naca tsitupa naetotha wanaca juntu coyene jumentainaenexa abe waexanae cuiru coyenewan.

<sup>6</sup> Matautano Jesucristo naca exana xua piamonae tatsichi. Yawano sacerdotemonae naca cana exana watanacuichinexa tsainchi Nacom, pon Jesucristo Paxa tatsi. ¡Barabu Nacom ataya xeinaena xua pexeinya juntu coyene xua peainya cui coyenewa! ¡Yawano barabu Nacom ataya xeinaena xua pia peayapusu itorobi coyenewa! Je, bara ichi tsane.

<sup>7</sup> ¡Matha pataema!

Cristo patopeicaena tsaquinaebowatha.

Daxita jiwi taena bapon

xua bapon taeinchi.

Iruru pomonae bapon cobe matatabarutatsi

naetotha bapon taeinchi.

Daxita nacuanpiwi, pomonae bapon jopa jume

cowantichi, daxita barapomonae juntu coyene



wecoyei tsane poxonae bapon taeinchi.

Je bara ichi tsane.

<sup>8</sup> Nacom jeye: “Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano daxita coyenein wetsin tsipei ataya tsitecaeya bara tapoponaewa tsane”, jei Nacom pon jiwi Pecanamataxeinaein, pon itoroba pia peayapus itorobi coyenewatha daxita nacuanmonae jiwitha. Bapon Nacom anoxuae popona, caena bayatha popona, yawa bexa tsane ataya poponaena.

*Meje yabara poxonae Cristo pia peitapanae tsita itatsi coyenewatha tatsi Juan tsita itatsi*

<sup>9</sup> Xan Juan ponxaein be pon painya eweicho nanatsicotan Jesús pijimonaexaetsi. Icha jiwi paca ichi xua paca anthatharewe exana xua poxonae jopa xapain pacata exanaeyo, anoxuae bara neichi. Jiwi anthatharewe neexana tsipei waxainchi Nacom piamonaetsi jiwanaetsi pomonae Nacom itorobiya ewata. Tsipei Jesucristo paca yawena daxota cataunxuae pajume cowanta dubenanaebiyame Nacom, iru xandu barichin. Jiwi pecubi botha Patmos tunaetotha neeta tapaebixae Nacom Pejume Diwesi yawano Jesús pejume diwesino tapaebixae.

<sup>10</sup> Caentaqueitha, po mataqueitha peseicae mataqueitha bichocono Nacom pia Pejumepe tnanax tatsi nejunt coyene yuca exana. Tauma werena jume tan pejume xua bichocono jume daunweya ajumetsaca be poxonae icha xua oba po peobiwa pewan trompeta.

<sup>11</sup> Nejei xua netsipaeba: “Xam yabara tinare diborotha daxita xua taneme. Barapo diboro bapoxonae caitorobare pomonaetha pomonae tana nejume cowantsiwitha pomonae siete po matabuxumonaebe pomonae nacaetuta xua Nacom wanae pejainchinexatsi. Barapomonae jinompa Asia nacuatha. Barapo siete po matabuxumonaebe nacaetuta barompaya pia tomarantha tsiniya. Barapomonae meje: Efeso tomarapiwi, iru Esmirna tomarapiwi, iru Pérgamo tomarapiwi, iru Tiatira tomarapiwi, iru Sardis tomarapiwi, iru Filadelfia tomarapiwi, iru Laodicea tomarapiwi”, nejei Jesucristo.

<sup>12</sup> Bapoxonae napatomeicha necotaban tayaputaenexa pon xua netsipaeba. Poxonae necoyan bapoxonae tan siete xoyobe penainwan xua po nain pewan oro nain xua pentatutuntha itanacanoba.

<sup>13</sup> Barapo siete xoyobe xua ichaxota pentatutuntha itanacanoba baxoyo pia xainya deca pon be pebin taenotan. Pon uncua apara ponxae itaboco wetsica pona, pon Nacom itapeta. Bapon naxatata paparuwa, po paparuwa apiya deca bichocono yawa taxu jayarecatsi. Yawa naepa cuta paparuwa po paparuwa bichocono pereca yawa juntacari jayatsinatsi yawa bichocono daedaena icha be oro nain ichi.

<sup>14</sup> Pentanan tatsi bichocono inyapana icha be papu ichi, yawa icha be main axuto ichi. Yawano peitamaiqueitobe be isoto itareto.

<sup>15</sup> Petaxu bichocono taxu daedaena icha be bronze nainto ichi xua bichocono nain daedaena poxonae cataunxuae isototha nain boquiya. Pejume bichocono ajumetsa be poxonae xua ainya menein busin.

<sup>16</sup> Pemaxu coxa iya xeina siete po opiteitobe. Yawa pecoiboto tsina pichapeina cusi xua nantiya baru ducuabe. Peitabara bichocono daedaena icha be poxonae xometo ichi poxonae xua pentha xua poxonae atsa.

<sup>17</sup> Poxonae bapon Jesucristo tan, imoxoyo iratha nabotaban bapon peitabaratha. Bara be tatupaeyo nabotaban. Bapoxonae bapon pecobetha nejayaba po cobe pecoxa weya. Yawa Jesucristo nejei: “Jopa junuwinde. Xan ponxaein xua daxita taforotsin xua poxonae aena. Yawano xan ponxaein xua tawetsin tsane daxita xua bexa tsane.

<sup>18</sup> Xan ponxaein xua copiya bayatha tapoponaein. Bequein bayatha tapan ichitha equeicha anoxuae asu poponan xua ataya petsitecaenexa. Nacom necata taitorobi coyenewa xua petupaewi taitorobeibinexa petupae coyene nacua beya.

<sup>19</sup> Daxota yabara tinare xuaunxuae pocotsiwa taneme. Yawano yabara tinare xua aunxuae taeponaename.

<sup>20</sup> Barapo siete opiteitobe xua taneme tacobe coxa weya yabara caunutatsi xua pomonae Nacom Pejume Diwesi pepaebiwi, pomonae Nacom pejume cowantsiwichi pecanamataxeinaewichi. Yawa barapo siete xoyobe xua pentatutuntha itanacanoba xua baxoyo pia xainya deca uncuan baxua yabara caunutatsi pomonae siete po tomarabe matabuxu jiwi, pomonae Nacom pejume cowantsiwichi”, jei Jesucristo pon xua uncua.

## 2

### *Meje yabara xua po diwesi Juan tatina Efeso tomarapiwi*

<sup>1</sup> Jesucristo, pon xua uncua nejei: “Tatinare pon Nacom Pejume Diwesi pepaebin pomonaetha tana nejume cowantsiwi pomonae Efeso tomaramonae xua bapon petayorobinexa xua barapomonae petayorobinexatsi. Jande: ‘Meje xua paeba pon pecobe coxa weya tatsi siete po opiteitobe tauncuatsi xuano xua uncua siete xoyobe pia xainya deca xua ichaxota pentatutuntha itanacanoba.

<sup>2</sup> Bapon jeye: Yaputan xua painta exaname po penacuichiwa xua daunwei xua jopa pabarapentsim. Yawano paca cui yaputainchi xua paaichaxaibim xua exana pomonae peajuntucoyenebewi. Yawano bara yaputan xua jopa paca itata cui xainyei tsaiyiyo poxonae xua ichamonae atsaquiya paca jei: Paxan Jesús pia peitorobiwi tatsi pan, jei. Bara paxam payaputaneme xua barapomonae pemuxuitorobiwi.

<sup>3</sup> Beta pana najuntu wnaetame. Matauta jopa paacoyenefaetabim, bequein ichamonae bichocono abe paca exana painya inta nacuichixaem.

<sup>4</sup> Ichitha paca cui yaputainchi xua cae coyene paexaname xua po coyene aichaxaibin. Anoxuae be conotha pana neantobem. Jopa be ichiyo poxonae copiya matha pana neantobem nawita.

<sup>5</sup> Payabara nanta xeinare xua poxonae copiya pana nejume cowantame xua poxonae bichocono pana neantobem. Icha juntu coyene paxeinare. Painta exanare icha paichim xua poxonae matha copiya beta painta exaname. Icha jopa pana neantobem tsane, nainya patopaein, yawa pichin painyawa xua pocotsiwa ichaxota pentatutuntha paitanacanobame, xua pichin painya tomara weya. Apra xua jan, daxita painya nenacaetutsi jiwi pam pana nenepentaponaename xua pata tana nejume cowantsiwam xua daxota jopa pana nejume cowantsim tsane jan.

<sup>6</sup> Daichitha cae coyenewa ichichipan xua paexaname. Juntu coyene weiweinan tsipei pananta xeiname icha ichin xua pocotsiwa nanta xeinan. Paxam paaichaxaibim pocotsiwa nicolaitamonae xua exana, pomonae bichocono abe peexanaewi. Xan iruru aichaxaibin xua pocotsiwa exana barapomonae.

<sup>7</sup> Paxam pomonae painya nejume cowantsi jiwi pam. Icha pamuxu dubename, pajume naitaeware xua pocotsiwa Nacom pia Pejumope tuxu tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacuiya werapaeya othopaena barapomonae catsin Nacom pia peitorobi nacua beicha peajuntu yapusawa, po peajuntu yapusawa xua jopa weraweracaeyo, jei Nacom pia Pejumope tuxu tatsi, jei Nacom Pexanto’, jande”, nejei Jesucristo pon xua uncua barapo siete xoyobe xua pentatutuntha itanacanoba xua baxoyo pia xainya deca tatsi.

### *Meje yabara po diwesi Juan tatina Esmirna tomarapiwi*

<sup>8</sup> Pon Jesucristo xua uncuca equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Esmirna tomaramonae, xua bapon petayorobinexa xua barapomonae petayorobinexatsi. Jande: ‘Meje xua paeba pon xua daxita forota poxonae aena. Yawano bapon daxita wetsina xua bexa tsane. Bequein bapon bayatha tupa ichitha equeicha asu popona xua ataya tsitecaeya tsane.

<sup>9</sup> Bapon jeye: Yaputan daxita xua pocotsiwan paexaname. Bara paca tainchi xua paanthathatanem poxonae xua ichamonae pacata abe exana. Bequein paca tainchi xua paacopeibim ichitha apara bara paxeinaename pocotsiwa bexa Nacom paca catsibina. Daxota paxam be copei pexeinae jiwi pam. Yaputan pomonae atsaquiya najei: Paxan judiomonae pan, jei. Barapomonae abe paca yabara paeba. Daichitha barapomonae u caurimonae pia pentacaponaein tatsi bapon piamonae tatsi.

<sup>10</sup> Jopa pajunuwinde xua pocotsiwa ichamonae paca anthathutane exanaena xua tsipei pacata abe exanaena. Caurimonae pia pentacaponaein tatsi itorobina ichantha xua piraichi paca jiwana capanaena jiwi pecubi bo beya xua daxota daxita paxam painya nenacui barapentsiwa tsane xua painya nejume cowantsiwa Nacom. Paxam paanthathatanem tsane diez po matabibe. Daichitha pana najantu coyene daunweya wanaere beya poxonae payacuiya werapaeya othopaename. Bapoxonae paxam paca catsibinchi xua be pentoma xua peantuyapusuwa po peantuyapusuwa xua jopa weraweracaeyo.

<sup>11</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tuxaxu tatsi paca tsipaeba. Bapon jeye: Pomonae xua Jesucristo jume cowanta dubenanaebiyaeinchi beya xua yacui werapaeya othopaena, Nacom jopa copatsi tsane xua barapomonae equeicha jopa ateneya werapae tsane, jei Nacom pia Pejumope tuxaxu tatsi, jei Nacom Pexanto’, jande”, nejei Jesucristo pon xua uncuca.

### *Meje yabara xua po diwesi Juan tatina Pérgamo tomarapiwi*

<sup>12</sup> Pon Jesucristo xua uncuca equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Pérgamo tomaramonae xua barapon petayorobinexa xua barapomonae peyorobinexatsi. Jande: ‘Meje xua paeba pon pecoiboto tsina tapichapeinatsi cusi po wato nantiya baru ducuabe.

<sup>13</sup> Bapon jeye: Bara yaputan xua daxita paexaname. Yawano yaputan xua painom-pame ichaxota caurimonae pia pentacaponaein tatsi itorobeiba xua barapo tomarapiwi itorobeibatsi. Daichitha awiya pana nejume cowanta dubenanaebiyame. Jopa pabarapentsinde xua pata tana nejume cowantsiwam. Antipas bichocono nejume cowanta. Bequein bapon bexotsi painya xantha, daichitha awiya pana nejume cowanta dubenanaebiyame. Pomonae barapo tomaratha jinompa pomonae xua caurimonae pia pentacaponaein tatsi itorobeiba barapomonae Antipas bexotsi.

<sup>14</sup> Daichitha paca cui yaputainchi xua icha coyenein paexaname, po coyenein xua jopa ichichipaeinyo. Paxeiname Pérgamo tomaratha pomonae xua painyamonae jiwana, pomonae barichi xua abe exana xua daxota jopa ichichipaeyo xua pepentsiwa xua pecuidubiwa pocotsiwa Balaam pia pecuidubi coyenewa tatsi. Bapon Balaam cuiduba, Balac cuidubatsi xua xuya Balac pecuidubinexa xua israelmonae pecuidubinexatsi xua israelmonae abe peexanaenexa. Po peabe coyene Balac cuiduba xua pinae israelmonae itacupatsi xua xane duwein po duwein poxonae bexuba ibo nacom nexa. Yawano Balac cuiduba xua pinae barapo israelmonae jopa abe exanaeyo poxonae nata siwa xeina dubenanaebiya yabuxi.

<sup>15</sup> Barichi pomonae painyamonae jiwana pomonae abe exana, barapomonae ichichipa po pecuidubiwa pocotsiwa nicolaitamonae pia pecuidubi coyenewa tatsi. Barapo nicolaitamonae pia pecuidubi coyenewa tatsi bichocono aichaxaibin.

<sup>16</sup> Daxota icha jũntũ coyene paxeinare. Icha jopa icha jũntũ coyene paxeinaem, nainya jemeicha baxota patopaein yawa paca beinchĩ cusitha, po watotha xua tacoiboto pichapeina.

<sup>17</sup> Paxam pomonae painya nejume cowũntsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tũnaxũ tatsi paca tsipaeba. Bapon jeye: Pomonae xua Jesucristo jume cowũnta dubenanaebiyaeinchi beya xua yacui werapaeya othopaena, barapomonae catsin po pexaewa pewũn maná, po pexaewa namicha boca xua ichamonae jopa yabara yaputaeyo. Yawa barapomonae catsin iboto, po iboto inyapana, barapo ibototha tinaena pena wũn xua ichamonae jopa wũn taeyo. Saya meisa wũn yaputaena pon xua catsin barapo iboto, jei Nacom pia Pejumope tũnaxũ tatsi, jei Nacom Pexanto', jande", nejei Jesús pon xua uncua.

*Meje yabara po diwesi Juan tatina Tiatira tomarapiwi*

<sup>18</sup> Jesucristo pon uncua equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowũntsiwi pomonae Tiatira tomaramonae xua bapon petayorobinexa xua barapomonae petayorobinexatsi. Jande: 'Meje xua paeba Nacom Pexanto tatsi, pon peitamaiqueitobetha be isoto itareto tarucuatsi. Yawano bapon bichocono taxu daedaena be penainto, pocotsi nainto pewũn bronze.

<sup>19</sup> Bapon jeye: Yaputan daxita xua po coyene paexaname, yawano yaputan xua paxam pana neantobem. Yawano yaputan pocotsiwa painya tana nejume cowũntsiwam. Yawano yaputan xua pocotsiwa payawenname ichamonae. Yawano yaputan xua saya beitatemaya jũntema painompame poxonae bequein ichamonae pacata abe exana. Yawano yaputan xua anoxuae nawita paexanaponame beyacaincha xua poxonae copiya paexaname.

<sup>20</sup> Daichitha paca cui yaputainchi xua pocotsiwa paexaname xua pocotsiwa aichaxaibin, xua jopa paitawetsim powa pewũn Jezabel. Powa jei: Nacom nexa tapaebiwayon, jei. Daichitha tana nejume cowũntsi jiwi muxuitorobatsi. Barapowa Jezabel tamonae cuidubatsi xua bara nata siwa xeineibina yabũxi. Yawa bapowa cuidubano po coyene aichaxaibin xua tamonae jain itorobatsi xua tamonae xaena duwein, po duwein poxonae bexuba ibo nacom nexa. Barapo duwein jiwi cata ibo nacomtha poxonae wũnae jainta pia ibo nacom.

<sup>21</sup> Caena bayatha ewatan xua bapowa icha jũntũ coyene pexeinaenexa, ichitha bapowa baxua jopa beexanaeyo. Bapowa jopa juniya exanaeyo xua abe exanaponeiba.

<sup>22</sup> Xan exanaein xua nainya bapowa atene tsanaya tsane, xua camatha pebocaenexa, abe peexanaexae. Irũrũ pomonae xua bapowa abe nanabarũ exainchi barapomonae atene tsane exanaein xua icha barapomonae jopa nacui barapentsi tsane pocotsiwa bapowa cuiduba.

<sup>23</sup> Yawano bapowa pia pexui tatsi tajutebin. Bapoxonae daxita pomonae Nacom pejume cowũntsiwichi neyaputaena po coyene xua xan deta cou jiwi tanthũthũ yaputaein daxita xua poxonae exaneiba yawa daxita poxonae xua nanta xeineiba. Bapoxonae daxita paxam barompaya paca catsibinchi be xua pentoma. Pomonae xua xanepanaya paexaname, xua wũnae paca catsibinchi. Pomonae xua abe paexaname, xua peatenewa paca catsibinchi.

<sup>24</sup> Paca tsipaebatsi daxita pam pomonae Tiatira tomarapiwi jiwana pam, xua pomonae jopa paexanaem pocotsiwa xua Jezabel paca cuiduba, saya ichamonae paxam jiwana pam, baxua exana. Paca tsipaebatsi pomonae pam pomonae jopa pananabarũ nacuidubim pocotsiwa caurimonae pia pentacaponaein tatsi pia coyenewan tatsi. Tsipei jopa paexanaem barapo coyenewa daxota jopa paca itorobi tsainchi icha coyene xua painya neexanaewa tsane, po coyene bichocono ayapube.

<sup>25</sup> Daichitha awiya pana nejume cowũnta dubenanaebiyama beya poxonae equeicha patopeicaein.

<sup>26</sup> Awiya pajume cowanta dubenanaebiyama Nacom painya amanayabinexa tsane caurimonae. Yawa awiya paexana dubenanaebiyama pocotsiwa xua xan ichichipan xua beya payacui werapaeya othopaename. Pomonae baxua exanaena, barapomonae catsin taayapusu itorobi coyenewa xua peitorobeibinexa tsane po cae pin nacuathepiwi.

<sup>27</sup> Paca catsibinchi taitorobi coyenewa icha Taxa neichi xua necata pia peitorobi coyenewa. Icha pebin ichi xua poxonae barapon daunweya wacataxuba juruwato penaintotha xua peexanaenexa pepuruwixi, bara jata ichi tsane pomonae nejume cowanta. Barapomonae daunweya itorobina barapo cae pin nacuathepiwi beya poxonae daxita weraweracaena abe peexanaexae.

<sup>28</sup> Bapoxonae yawa paca catsibinchi po coyene xua tapaca baru poponaewatsi. Barapo coyene bichocono wnae tsane, icha jarawato ichi xua jiwi bichocono tsita wnaetsi poto mataquei pewnaeya ecoina.

<sup>29</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tñaxu tatsi paca tsipaeba, jei Nacom Pexanto', jande", nejei Jesús, pon xua uncu.

### 3

#### *Meje yabara po diwesi Juan tatina Sardis tomarapiwi*

<sup>1</sup> Jesucristo, pon xua uncu siete xoyobe pia xainya deca xua ichaxota pentatutuntha itanacanoba, equeicha nejei: "Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Sardis tomaramonae xua bapon petayorobinexa xua barapomonae petayorobinexa. Jande: 'Meje xua paeba Jesucristo pon xua xeina siete po pexeinya juntu coyenebe, po coyenebe xua Nacom pia Pejumope tñaxu tatsi Jesucristo catatsi. Yawa bapon xeina siete po opiteitobe pecobe weya, po cobe pecoxa weya. Bapon jeye: Yaputan daxita xua paxam paexaname. Bequein jiwi paca yabara nanta xeina xua paxam painta beta exaname, daichitha apara jopa painta beta exanaem. Daxota paxam netsita be pomonae pewerapae jiwi pam.

<sup>2</sup> Pana najuntu coyene tsacabare. Payawende pomonae tana nejume cowantsiwi xua pejuntu coyene wnae nexa, tsipei barapomonae be pewerapaewi pejuntu coyene natsepaexae. Paca tainchi xua pocotsiwa paexaname. Baxua jopa Nacom tsita wnaetsi.

<sup>3</sup> Daxota pananta xeinare xua pocotsiwa bayatha paca cuiduba. Bapoxonae bapocotsiwa paexande yawano bapoxonae icha juntu coyene paxeinare Nacomtha xua equeicha caewa painya nejume cowantsiwa tsane. Icha jopa baxua paexanaem tsane, bapoxonae nainya jemeicha patopaein paxamtha poxonae jopa payaputaem xua patopaein. Exanaein icha be pocotsin pon pecaibin ichi xua jemeicha patopa.

<sup>4</sup> Daichitha paxeiname barapo tomaratha, Sardis tomaratha, pomonae tana nejume cowantsiwi. Barapomonae penthuthu xeicae jiwi. Jopa xeinaeyo po coyene xua peajuntucoyenebewa tsipei jopa abe exanaeyo. Barapomonae nebaru jinompaena. Yawa nama xatabina paparuwan, po paparuwan inyapana tsipei barapomonae exana dubenanaebiya pocotsiwa xua itoroban.

<sup>5</sup> Pomonae xua nejume cowanta dubenanaebiyaena xua beya yacui werapaeya othopaena barapomonae nama xatabina po paparuwan inyapana. Yawa pomonae wan dubena Nacom pia diborotha xua pomonae ataya pejinompaenexa tsane xua jopa weraweracaeyo, barapomonae jopa wan iquicaein tsane. Yawano wan yaputane exanaein Taxa Nacomtha yawano Nacom pia matatsunpiwi tatsi peitabarathano.

<sup>6</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tñaxu tatsi paca tsipaeba, jei Nacom Pexanto', jande", nejei Jesús, pon xua uncu.

#### *Meje yabara po diwesi Juan tatina Filadelfia tomarapiwi*



<sup>7</sup> Equeicha Jesucristo pon xua uncua nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi pomonae Filadelfia tomarapiwi xua bapon petayorobinexa xua barapomonae petayorobinexatsi. Jande: ‘Nacom Pexanto tatsi, bapon bichocono pejuntũ coyene xanepanaein Nacomtha xua jopa penatsicuentiwa Nacomtha xua abe peexanaexae. Yawa bapon bara xaniwaicha pepaebin. Yawa bapon pon naca yawena xua patinchi Nacom pia peitorobi nacua beicha. Bapon naca yawenaena icha matha pon peboupa peewatsin ichi xua poxonae David yawenatsi. Bapon pon peboupa peewatsin David taewatatsi pia pexeinya peecaethopeibi bo tatsi. Bapon David pon caena bayatha Israel nacuamonae itorobiya pia pepa peewatsinchi. Bapon pon peboupa peewatsin pia peitorobi coyenewa xeina xua poxonae bapon peboupa saranaxuba ichũn jopa itacũpaetsi xua peboupa xatataba. Yawa poxonae bapon peboupa xatataba ichũn jopa itacũpaetsi xua saranaxuba. Icha bapon ichi, barichi Nacom Pexanto tatsi pia peitorobi coyenewa xeina. Bapon copata xua pijimonae tatsi patsina Nacom pia nacua beicha. Yawano jopa copatsiyo xua ichamonae patsina Nacom pia nacua tatsi beicha. Ichũn jopa itacũpaetsi xua ichawa paeba Nacom Pexanto tatsi beya. Anoxuae nama Nacom Pexanto paca tsipaeba, jeye:

<sup>8</sup> Yaputan xua daxita paexaname. Xan copatan xua tajume diwesi pacaponame ichamonaetha. Ichũn jopa itacũpaetsi xua paca jume itaweta xua daxota jopa painya necaponaewa barapo diwesi. Bequein saya tsiwiyo paajuntũcuicoyenesũm, daichitha awiya tajume diwesi pacueicueijam yawa jopa pana nepentsim xua painya tana nejume cowantsiwam.

<sup>9</sup> Ichitha pomonae naerabiya jei: Paxan, judiomonae pan, jei, barapomonae, Satanás, caurimonae pia pentacaponaein tatsi bapon piamonae tatsi tsipei jopa benejume cowantsiyo. Xan exanaein xua barapomonae patsina paxamtha pentabocototha peumenaenexa tsane painya itabaratha wũnae painya nepaca jainchinexa tsane. Bapoxonae barapomonae yaputaena xua xan tapaca caantobewichi pam.

<sup>10</sup> Pajume cowantsiya exana dubenanaebiyama po coyene xua paca itorobatsi xua beitatemaya painompame xua jopa painya neitaconaewa poxonae bequein ichamonae paca yabara abe exana. Daxota barapo matacabi, po mataqueitha poxonae caurimonae pia pentacaponaein tatsi daxita barapo cae pin nacuathe jiwi juntũ coyene jũjũtinchi, poxonae jiwi bichocono atene exanaeinchi bara paca capanenebiya exanaeinchi. Caurimonae pia pentacaponaein tatsi juntũ coyene jũjũtsina pomonaetha pomonae Nacom pejume cowantsiwichi poxonae bichocono atene exanaeinchi xua daxota Nacom jopa pejume cowantsiwa tsainchi.

<sup>11</sup> Imoxoyo patopeicaein. Xaniwaicha beta paxeinare pocotsiwa xua tapana nejume cowantsiwam xua bexa Nacom paca catsina pocotsiwa paca jũntana jeba pia nacuatheicha beta painya tana nejume cowanta dubenanaebiyaexaemxae. Jopa pacopatsinde xua ichũn paca exanaena xua abe painya neexanaewa tsane xua daxota jopa painya nexainaewa tsane pocotsiwa paca jũntana jeba pia nacuatheicha.

<sup>12</sup> Pomonae xua nejume cowanta dubenanaebiyaena barapomonae bichocono juntũ coyene ayapusa daunweya exanaein xua pepatsinexa tsane Nacom pia nacua beicha. Bapoxonae bapana jopa pona tsane Nacom pia nacua weya. Bapoxonae barapomonaetha catsin po wũn Taxa Nacom pewũn, xua jiwi peyaputaenexa xua barapomonae apara Nacom piamonae tatsi. Yawa catsin po wũn pena Jerusalén tomara pewũn, po tomara Nacom pia tomara tatsi ichaxota jinompa pomonae peantobewichi Nacom. Barapo Jerusalén tomara itaboco wetsica pona ichaxoteicha xua Tanacom popona. Yawano catsin barapomonaetha tawũn, po wũn pena wũn.

<sup>13</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumo pe tũnaxũ tatsi paca tsipaeba, jei Nacom Pexanto’, jande”, nejei Jesús pon xua uncua.

*Meje yabara po diwesi Juan tatina Laodicea tomarapiwi*

<sup>14</sup> Jesucristo, pon xua uncuia siete xoyobe pia xainya deca xua ichaxota pentatuntha itanacanoba, equeicha nejei: “Barichinde tatinare pon Nacom Pejume Diwesi pepaebin pomonaetha tana nejume cowantsiwi, pomonae Laodicea tomarapiwi xua bapon petayorobinexa xua barapomonae petayorobinexa. Jande: ‘Meje xua paeba pon xaniwaicha pepaebin pon xua xaniwaicha beta naca yabara caunutsiya paeba Nacomtha. Pon xua caena bayatha daxita forota.

<sup>15-16</sup> Yaputan daxita pocotsiwa paxam paexaname. Paxam paca tsipaebatsi xua be paichimje: Ichamonae ba aichaxaibi xua apa poxonae po mera mene tana xuano xua poxonae aque aibi yawa poxonae atou aibi. Bapoxonae mene sutabina. Paxam be barapocotsi mera pana nacayabara tsicotaneme. Paxam conotha pana nejume cowantame. Jopa panepentsim xua pata tana nejume cowantsiwam. Matautano jopa bichocono paichichipaem xua painya neexanaewa pocotsiwa paca itorobatsi. Daxota anaya paca xubinchi tsipei conotha pana nejume cowantame icha xua pebin ichi xua anaya mene sutabina tsipei mene tana.

<sup>17</sup> Payabara paebame po coyene xua copei painya nexainaewi pam. Yawa payabara paebame po coyene xua painya coutha pana nayaweneibame xua jopa pacata acoibi tsaihiyo xua pocotsiwan panantawenoname. Ichitha jopa payaputaebenaem xua pocotsiwa paca yabara nanta xeinatsi xua pebiwi tsobena, paca yabara jechi. Matautano jopa payaputaem xua paxam be pomonae peacopeibiwi pana natsicotaneme. Yawano be pomonae peitata nacutsi jiwi pana natsicotaneme. Yawano be pomonae tamasaina pana natsicotaneme. Apra xua jan: Paxam be barapomonae pam tsipei jopa beta painya juntu coyenewatha pana nejume cowantsim. Yawa jopa beta painta nacuichim, jan.

<sup>18</sup> Daxota paca tsipaebatsi. Pana necomocare po penainwan pewun oro nain po nain xua daunwei xua poxoru isototha pesetsixae xua pexubinexa pocotsiwa abe. Bapoxonae xaniwaicha bara copei painya nexainaewi pam tsane. Yawano pana necomocare po paparuwan inyapana tha tapaca cajuma xatabinexa tsane, tha tapaca cajuma acabinexatsi xua pajumasainame xua painya neauraxae. Matautano pana necomocare pewuwa tabotsinexa painya itamaiqueitha bapoxonae beta pataename. Apra xua jan: Pana newucare xua poxonae po coyene xua beta paca juntu coyene exanaeinchi xua jopa painya nexainaewam tsane painya juntu coyeneintha, pocotsiwa xua abe, jan.

<sup>19</sup> Pomonae xua antobein cui itawetan xua abe exana. Equeicha cuiduban xua jopa peexanaenexa baxuan. Yawano bichocono pana nejume cowunde yawano icha juntu coyene paxeinare.

<sup>20</sup> Pataema bo coibototha uncuan yawa wawan. Icha pebin nejume tane yawa inta coibo sarana xorena bara joniyan yawa bara pana naba xanbe pia bothaxae.

<sup>21</sup> Taxa jume cowanta ducuanabiyan xua neitoroba beya xua poxonae bayatha tapan. Daxota Taxa necopata xua taecaenexa imoxoyo ichaxota Taxa pia pexeinya peecaethopeibiwa tatsi tauncuatsi. Icha Taxa neichi baxua, barichin tsane pomonaetha pomonae tana nejume cowantsiwi. Pomonae nejume cowanta dubenanaebiyaena xua itoroban, xua beya yacui werapaeya othopaena, barapomonae copatsin xua peenaenexa ichaxota imoxoyo pexeinya taequeibithopeibiwa inta uncuia.

<sup>22</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tana tatsi paca tsipaeba, jei Nacom Pexanto’, jande”, nejei Jesús pon xua uncuia.

## 4

*Meje yabara po diwesi xua xuan Juan tsita naitatsi peitabocotha*

<sup>1</sup> Poxonae baxua weta, tan peitabocotha be bo boupa xua boupa yeyetanota. Yawano jume tan pejume, po jume xua copiya jume tan, po jume xua bichocono jume daunweya ajumetsaca be poxonae xua oba po peobiwa pewan trompeta. Bapon Jesús nejei: “Anetha tsinande taxainya betsina. Catsita itatsinchi xua pocotsiwa bexa tsane exanaena”, nejei Jesús.

<sup>2</sup> Bapoxonae nama bichocono Nacom pia Pejumope tñaxñ tatsi neñntñ yñca exana. Peitabocotha tan xua ducua pocotsiwa pexeinya peenaethopeibiwa, yawano tan pon xua equiya baxota.

<sup>3</sup> Pon xua equiya baxoteicha bichocono itabara daedaena icha iboto ichi pocotsi iboto xua bichocono daedaena pocotsi iboto xua bichocono ainya matoma, po iboto pewan jaspe, yawa be pocotsi iboto pewan cornalina. Yawano matawacaicha matatsun uncueicatsi coinwawa. Barapo coinwawa bichocono sñjeya pentha exana icha iboto ichi pocotsi iboto pewan esmeralda.

<sup>4</sup> Barapo pexeinya peecaethopeibiwa pia matawacaicha tatsi, tan icha peenaethopeibiwan veinticuatro po peenaethopeibiwan xoyobe. Barapo peenaethopeibiwantha ena pitiri jiwi xua matañta veinticuatro poyobe. Yawano barapo pitiri jiwi nama xataba paparuwan, po paparuwan inyapana yawano nanta xataba pocotsiwa be tepa xua penainwan, po penainwan pewan oro nain.

<sup>5</sup> Barapo pexeinya peecaethopeibiwa weya be yamññ busi xua jurujerei. Yawano jerajerei. Yawano barapo peecaethopeibiwa peitabaratha tatsi umena pecoicha be xua pocotsiwa banaxu. Barapo siete banaxutobe coichabe yabara caunuta xua Nacom pia Pejumope tñaxñ tatsi xeina siete po pexeinya ñntñ coyenebe.

<sup>6</sup> Barapo peecaethopeibiwa peitabaratha ducua xua pocotsiwa pentha pocotsiwa icha pin mene mar ichi xua mene itarana yawa icha bosibñ muxupawa ichi xua penthiya.

Barapo peecaethopeibiwa baxota imoxoyo umena cuatro poyobe pocotsiwa xua asñ. Barapo cuatro poyobe nantiyan itamaiquei dubena peitabara weyano yawa peñma werenano.

<sup>7</sup> Barapo cuatro poyobe jiwana xua xuan asñ, pon copiya be neñthñ itabara, irñ ichñ be vaca pebto itabara, irñ ichñ be jiton itabara, irñ ichñ be cotsara itabara, pon pepupunaen.

<sup>8</sup> Barapo cuatro poyobe daxita barompaya xeina seis po cuarafeinbe. Matañtano barompaya ainya itamaiquei xeina daxita matapaeicha pepontha yawano matha iya itamaiquei dubeinya. Mataqueitha, merawithano jopa cuinaya najume copababiyo xua cueicueijeñ Nacomtha pon xua eca barapo pia peecaethopeibiwatha, jeje:

“¡Xam pon bichocono neñntñ coyene xanepanaem,

xua bapana jopa nexainaewa abe peexanaewa!

¡Xam pon jiwi Necanamataxeinaem!

¡Xam Nacom, pon neayapusñ itorobi

coyewewa xeiname!

¡Xam pon caena bayatha poponeibame xuano

xua anoxuae poponeibame xuano xua bexa

ataya tsitecaeya poponaename!”

jeñ barapo cuatro poyobe poxonae

cueicueijeñ Nacomtha.

<sup>9</sup> Pon xua pexeinya pia peecaethopeibiwatha eca, pon xua ataya popona, bapon wñnae jaintatsi, barapo cuatro poyobe wñnae jainta. Baxua exana tsipei bapon pexeinya ñntñ coyene pexeinaen, matañtano tsipei bapon ainya cui coyenewan peexanaen. Matañtano bapon jeichichi: “Maisa pajñntñ coyene weiweinan pocotsiwan pata tana necatsixaemñae”, jeichichi bapon.

<sup>10</sup> Poxonae barapo cuatro poyobe w<sub>nae</sub> jainta, bapoxonaer<sub>u</sub> pitiri jiwi xua veinticuatro poyobe xua barompaya pia peenaethopeibiwatha ena, barapomonae ir<sub>u</sub> pentabocototha umena xua w<sub>nae</sub> pejainchinexatsi pon ataya pepoponeibin. Yawa barapo veinticuatro poyobe nanta tepa wejonapenta. Bapoxonae jeba pon ataya pepoponaein peitabaratha tatsi. Bapoxonae jeye:

<sup>11</sup> “Pata Tanecanamataxeinaem, yawano xam pata Nacom.

Maisa w<sub>nae</sub> xua paexana dubenanaebiyān ichamonaetha pata yabara cueicueijeinexa jinya pexeinya j<sub>ant</sub><sub>u</sub> coyene yawa jinya pexeinya ainya cui coyenewan, yawano jinya neayapus<sub>u</sub> itorobi coyenewa. Baxuan paexanan tsipei xam daxita forotame. Tsipei xam neichichipaexae daxota baxuan forotame”, jei barapo pitiri jiwi.

## 5

### *Meje yabara po diwesi xua poxonae Juan tane Nacom pia diboro*

<sup>1</sup> Bapoxonae tan diboro pecobe weya, po cobe pecoxa weya xua pon xua eca peecaethopeibiwatha. Barapo diboro quiyontsiya mat<sub>u</sub>ba yawano barapo diboro nantiyabe muxunene tina yawa catsababa siete xoyobe xua pocotsiwa pecatsababiwa.

<sup>2</sup> Yawano tan matatsunpin pon peitorobi coyenewa xeina. Yawano jume daunweya yainyaba jeye: “¿Jintam Nacom tsitatsi pon pej<sub>ant</sub><sub>u</sub> coyene xanepanaein pontha pon xua Nacom daxota copatsina xua barapo pecatsatabiwa petsitsinaxubiwa tsane xua pepataxubiwa tsane barapo diboro?” jei bapon.

<sup>3</sup> Ichitha dapocotsin aibi pon itabocotha popona, ir<sub>u</sub> pon xua popona po irathe, ir<sub>u</sub><sub>u</sub> pon popona po ire pe<sub>u</sub>ma bereca. Tsipei dapon aibi pon bichocono pej<sub>ant</sub><sub>u</sub> coyene xanepanaein xua pontha pon Nacom copata xua peitac<sub>u</sub>paewatsi xua pepataxubiwa tsane yawa xua peyorobiwa tsane barapo diboro.

<sup>4</sup> Bapoxonae bichocono wecoyan tsipei dapon aibi pon xua bichocono pej<sub>ant</sub><sub>u</sub> coyene xeicaein xua pon itac<sub>u</sub>patsi pepataxubiwa tsane yawa xua peyorobiwa tsane barapo diboro.

<sup>5</sup> Bapoxonae caein barapo pitiri jiwi, nej<sub>ei</sub>: “Jopa equeicha wecoyande. Tsipei pon uncua pon w<sub>an</sub> dutatsi: ‘León’, jei xua po w<sub>an</sub> jei: ‘neuth<sub>u</sub>’, jei bapontha Nacom copata xua exana baxua tsipei pia peayapus<sub>u</sub> itorobiwa canamataxeina. Aparā bapon Judá piamonae jiwi jiwana tatsi, pon Judá caena bayatha t<sub>u</sub>pa. Barichi bapon aparā David pia pemomoxi susato jiwana tatsi, pon David Judea nacuapiwi itorobiya pia pepa peewatsinchi caena bayatha. Saya meisa bapontha Nacom copata xua itac<sub>u</sub>patsi xua tsitacutsina barapo siete xoyobe xua catsataba barapo diboro peamanayabixae xua poxonae equeicha caewa as<sub>u</sub> poxonae t<sub>u</sub>pa naetotha”, jei pitirin.

<sup>6</sup> Bapoxonae tan Cordero xua oveja pebto pen<sub>an</sub>, pon uncua Nacom pia pexeinya peecaethopeibiwatha peitabaratha tatsi yawa xua barapo cuatro poyobe peitabaratha tatsi xua xuan as<sub>u</sub>, yawano pitiri jiwi pia xainya deca tatsi. Barapo Cordero uncua bequein wan xeina xua poxonae bayatha tsibexotsi jiwi abe pia peexanae cuiru coyenein tatsi. Barapo Cordero siete po itamaiqueitobe xeina mata<sub>u</sub>tano siete pontetobe xeina. Barapo siete itamaiqueitobe yabara caunuta siete po pexeinya j<sub>ant</sub><sub>u</sub> coyenebe xua Nacom pia Pejumope t<sub>u</sub>na<sub>u</sub> tatsi xeina. Nacom najumope itoroba daxita iran<sub>u</sub>tha.

<sup>7</sup> Barapo Cordero wecobe pita barapo diboro pecobe weya, po cobe pecoxa weya tatsi pon xua eca pia pexeinya peecaethopeibiwatha.

<sup>8</sup> Poxonae Cordero pita barapo diboro, bapoxonae barapo veinticuatro pitiri jiwi, iru cuatro poyobe xua xuan asu daxita barapomonae pentabocototha umena barapo Cordero peitabaratha tatsi. Daxita barapo pitiri jiwi barompaya xeina xua pocotsiwan pexeinya petanbabiwan pocotsiwan pewun arpa. Yawano barompaya xeina pocotsiwan pecaapaewan xua pocotsiwan pewun oro nain. Yawa barapo pecaapaewixitha wunba xua pocotsiwan petuxueiwan pocotsiwa tuxusi benata poxonae tauta. Barapo petuxueiwa yabara caunuta xua pocotsiwa poxonae pewucaewa Nacomtha pomonae xua Nacom piamonae, pomonae pia peantobewichi tatsi.

<sup>9</sup> Barapomonae pena wei naxuna, jeye:  
 “Xam maisa pon bichocono nejuntu coyene xanepanaein xua netsitsinaxubiwa barapo siete xoyobe xua catsataba barapo diboro. Tsipei bayatha pana netsitupame poxonae painta pentoma exaname pata naexanaenexa tsane Nacom piamonae tatsi. Yawano jiwana itapetame, pomonae tsicamonaexi xua daxita carepaya tsicamonaexitha xua necajume cowuntsiwa tsane. Matautano jiwana itapetame daxita i dapomonae, pomonae barompaya icha jume penatsipaebiwa. Matautano daxita carepaya tomaranpiwi jiwana itapetame. Matautano daxita carepaya nacuanpiwi jiwana itapetame.

<sup>10</sup> Pana necana exaname be pomonae jiwi itorobiya pia pepa peewatsiwichi tatsi pan. Yawa pana exanamenno be pomonae sacerdotemonaepiwi pan xua Nacom pata tanacuichinexa. Yawano pana exaname pata itorobiya ewatsinexa po cae pin nacuathepiwi”, jei barapomonae poxonae naxuna.

<sup>11</sup> Bapoxonae necotan, yawan jume tan xua bichocono pinmonae juinya pomonae Nacom pia matatsunpiwi, xua juinya barapo pexeinya peecaethopeibiwatha matawacaicha umena, yawa xua juinya barapo pitiri jiwi matawacaicha umeinchi, yawa xua juinya matawacaicha umeinchi barapo cuatro poyobe xua xuan asu. Pomonae jume tan bichocono ayei jiwi cuxujei.

<sup>12</sup> Bapoxonae barapomonae bichocono jume daunweya paeba, jeye:  
 “¡Cordero, po Cordero bayatha jiwi tsibexotsi abe pia peexanae coyenewan tatsi, maisa barapo Cordero Nacom tsita juntu coyene xanepanatsi! Daxota Nacom copata xua bapon xeina pia peayapusu itorobi coyenewa. Matautano Nacom copata xua bapon xeina daxita pocotsiwan xua Nacom xeina. Yawano xeina pia peyaputae coyenewan. Yawano xeina pia peayapusuwa xua daunweya peexanaewa. Matautano jiwi bewa baru cui



itura jinaena barapon pon Cordero.  
 Matautano jiwi bewa wanae jainchina  
 barapon pon Cordero.  
 Matautano jiwi bewa beta exanae juntu  
 coyene weiweina peexanaenexatsi bapon xua  
 petsitupaexae jiwi abe pia peexanae cuiru  
 coyenein tatsi”, jei barapo matatsunpiwi.

<sup>13</sup> Yawano equeicha jume tan daxita pomonae caena bayatha Nacom forota:  
 pomonae peitabocotha forotatsi, irano pomonae po cae pin nacuathe forotatsi, irano  
 pomonae po ire peama wetsina forotatsi. Yawano jume tan xua pocotsiwan pin mene  
 mar mentha jinompa. Daxita baxuan carepaya Nacom forota. Jume tan xua jeye:  
 “Xam Nacom, pon ecame jinya pexeinya  
 neecaethopeibiwatha irano xam Corderom,  
 barabu ataya juntu coyene weiweina  
 paca exanaenabe xua jiwi juntu coyene  
 weiweina paca exanaenabe xua  
 pocotsiwa painya neexanaexaebe.  
 Barabu daxita jiwi paca baru cui  
 itura jineibinabe.  
 Yawano barabu daxita jiwi wanae  
 paca jainteibinabe.  
 Yawano barabu paxeineibinamebe peayapuswa  
 xua daunweya painya neexaneibiwabe.  
 Daxita barapo coyenein ataya tsitecaeya  
 paxeineibinamebe”, jei daxita  
 barapomonae, pomonae Nacom forota.

<sup>14</sup> Barapo cuatro poyobe xua xuan asu, jeye: “¡Bara bara, bara baxua exanaena!” jei.  
 Pitiri jiwi, pomonae veinticuatro poyobe, pentabocotha umena, xua Nacom wanae  
 pejainchinexatsi, pon ataya tsitecaeya popona.

## 6

### *Meje yabara po diwesi xua siete xoyobe xua xuan pecatsababiwan*

<sup>1</sup> Bapoxonae tan poxonae Cordero tsitsinaxuba caewa xua catsataba. Bapoxonae  
 caein jiwana pomonae cuatro poyobe xua xuan asu jume tan xua daunweya paeba xua  
 be yamahu busi, nejei: “¡Anetha, taema!” jei.

<sup>2</sup> Bapoxonae tan cawayu pmainyan. Pon cawayutha equeica, bapon bicheibi  
 caequeica. Bapon pexeinya tepa catatsi penamata xatatsinexa. Bapon cawayutha  
 ponataba xua beta penabinexa. Bapon amanayaba pia peaitafaetabiwichi.

<sup>3</sup> Poxonae Cordero equeicha tsitsinaxuba icha pecatsatabiwa, bapoxonae barapo  
 cuatro poyobe jiwana xua xuan asu jume tan, nejei: “¡Anetha, taema!” jei.

<sup>4</sup> Equeicha patopa ichan cawayu petsobian. Pon tsijuma equeica, bapon catatsi  
 peayapusu itorobi coyenewa xua jiwi pejuntu coyene wepuxana exanaenexatsi po  
 coyene xua juntema pejinompaewa. Yawano peexanaenexa xua pebiwi penajute-  
 binexa. Matautano bapon pin dejona catatsi.

<sup>5</sup> Poxonae Cordero equeicha tsitsinaxuba icha pecatsatabiwa, bapoxonae equeicha  
 barapo cuatro poyobe jiwana xua xuan asu jume tan, nejei: “¡Anetha, taema!” jei.  
 Equeicha cawayu tan petsaebian. Pon tsijuma equeica, bapon comaequeica pocotsiwa  
 pepesabiwa.

<sup>6</sup> Bapoxonae barapo cuatro poyobe pia xantha jume tan xua nejei: “Saya cae kilo trigo  
 xu cae denario nantomatsina, pocotsi paratixi xua nantomata caentaqueitha poxonae

nacuita. Yawano tres po kilobe cebada beno cae denario nantomatsina pocotsi paratixi xua nantomata caentaqueitha poxonae nacuita. Ichitha jopa copatsin tsane xua abe exanaena aceite mera yawano vino mera”, jei pon jume tan.

<sup>7</sup> Barapoxonae barapo cuatro poyobe xua opi ducuanaya jume tan yawa nejai: “¡Anetha, taema!” jei.

<sup>8</sup> Bapoxonae cawayu ichan tan pon na daena. Pon tsijuma equeica wun dutatsi: “Pon Petupaen”, jei. Barapo cawayu peputha tapoinchi ichan cawayu. Pon tsijuma equeica wun dutatsi: “Petupaewa Nacua”, jei. Pon tsijuma equeicabe baponbe catatsibe Cordero pia peayapusu itorobi coyenewa tatsi xua baponbe pejiwana bexubinexabe poxonae cuatro poyobe necotabe pomonae po cae pin nacuathe jinompe, yawano xua pejutebinexabe poxonae jiwi naba, yawano pejutebinexabe poxonae jiwi piyain poxoru pexaewa aibi tsane, yawano pejutebinexabe poxonae jiwi atene, yawano pejutebinexabe unupiwi xua xuan bichocono anaepana.

<sup>9</sup> Poxonae Cordero tsitsinaxuba ichaxota xua cinco po cuiyobe xua pecatsatabiwa, bapoxonae tan xua be pexaethopaewa ichaxota tauteiba duwei xua tuxusi exaneiba Nacom nexa. Baraxua xua be pexaethopaewa juma bereca tan pomonae bayatha jutebatsi ichamonae, pecaponaexae Nacom Pejume Diwesi xua amsiya awiya pecueicueijeixae.

<sup>10</sup> Pomonae xua bayatha jutebatsi ichamonae, barapomonae jume daunweya paeba, jeye: “Nacom ponxaem pepa Necanamataxeinaem daxita jiwi, Nacom ponxaem bichocono nejantú coyene xeicaem. Xam ponxaem pocotsiwan yabara tsiwuna muxu dubame baxuan xaniwaicha exaname. ¿Eta poxonae exanaename xua poxonae jiwi yabara paebiname xua penatsicuentsiwa xua abe peexanaexae, xuano xua pana yantomatsiname xua nejutebinexa pomonae jinompa po cae pin nacuathe copiya pata tana nejutebixae?” jei barapomonae.

<sup>11</sup> Bapoxonae barapomonae juma xatabatsi paparuwan, po paparuwan inyapana. Yawano barapomonae baraichichi: “Abu cataunxuae paeware beya poxonae yacui opi ducuiya weraweracaena xua cataunxuae jujutebaponaeinchi pomonae iru Cristo pejume cowantsiwi. Barapomonae jujutebaponaeinchi pecueicueijeixae Cristo pejume diwesi, icha xua poxonae paichim”, jei Nacom.

<sup>12</sup> Poxonae Cordero tsitsinaxuba pecatsatabiwa xua seis po cuiyobetha, bapoxonae tan xua bichocono ira jijiyata. Xometo bichocono tsaebia tsanaya icha paparuwa ichi, pocotsi paparuwa bichocono tsaebia. Jomocoichato bichocono tsobia tsanaya icha pejana ichi.

<sup>13</sup> Opitei xua peitabocotha dubena othopeica po irathe tsique, icha be joibo ichi xua jubaba higuera nae xua pethei othopeica.

<sup>14</sup> Peitaboco aichurucuae icha be poxonae ichan ichi xua poxonae mata quiyontaba papera. Mataatano demxuwan, petunaetonno equeicha ichawa bepoinya poxonae ira jijiyata.

<sup>15</sup> Bapoxonae daxita pomonae jiwi itorobiya pia pepa peewatsiwichi tatsi xua barapo cae pin nacuathe, barapomonae nantsiyaba. Iru pomonae pentacaponaeawi iru pomonae copei pexeinaewi, iru pomonae soldadomonae pia pentacaponaeawi xua pomonae jiwi peamanayabeibi jiwi daxita barapomonae nantsiyaba. Daxitaru pomonae pebusi cui tatayebebiwichi iru pomonae xua saya penata exanaewi piawan nantsiyabarú. Ichamonae barapomonae jiwana ibo muthantha nantsiyaba. Ichamonae barapomonae jiwana nantsiyaba po ibotontha xua saya bobena xua demxuwan itapatororon tsica.

<sup>16</sup> Barapomonae demxuwan beya yawa iboton beya jeye: “Pana mataperababare xua pata werapaewa tsane xua daxota pon xua eca pia pexeinya peecaethopeibiwatha jopa pata tana netaewa tsane, yawa xua barapo Cordero pecuiyainwa xua pata neperaxa jubiya exanaeyainwa xua abe pata exanaexae.

<sup>17</sup> Tsipei barapo matacabi patopa po mataqueitha daxita jiwi peraxa jubebinchi. Dapon aibi pon panepa barapo mataqueitha”, jei pomonae nantsiyaba.

## 7

*Meje yabara po diwesi xua Nacom itapa tina Israel pia pexui tatsi pia pemomoxi susato jiwanapiwi tatsi xua peyaitaenexa*

<sup>1</sup> Bapoxonae cuatro poyobe tan matatsunpiwi xua iratha umena. Ichun uncuwa ichaxota pocotsiwa xometo weecoina, ichun uncuwa ichaxota pocotsiwa xometo bejopiya, ichunbe epatañtiya uncuabe. Barapo matatsunpiwi jopa copatsiyo xua joibo pejojondenaewa barapo iratha dena, yawa xua pin mar menein dena, yawano naeintha denano.

<sup>2</sup> Barichi ichun tan ichun matatsunpin pon pocotsiwa wetsina pona ichaxota pocotsiwa xometo weecoina. Barapo matatsunpin capona Nacom piawa xua pocotsiwa peyaputaewa piawaxae, pocotsiwa pecatinaewa pon Nacom peayapusu itorobi coyenewa pexeinaein. Barapo matatsunpin jume daunweya wawai icha matatsunpiwi beya xua cuatro poyobe, po cuatro poyobe pia peayapusu itorobi coyenewa xeina xua itacupatsi xua abe exanaena pin mene mar mentha yawa iratha.

<sup>3</sup> Barapo matatsunpin jeye: “Jopa abe paexanaeinde iratha yawa pin mene mar mentha, paeware abu beya poxonae jiwi paitapa tinaein Nacom pia pejume cowantsiwichi, pon pata Nacom”, jei barapo matatsunpin.

<sup>4</sup> Jume tan barapomonae yabara, xua ichun jeye: “Ciento cuarenta y cuatro po jiwimonaebe paitapa tinan xua Israel pia pemomoxi susatomonae jiwana tatsi”, jei.

<sup>5</sup> Barapo Israel pon icha wun Jacob. Bapon xeina doce po pexantobe tatsi pomonae caena bayatha werapa. Israel pia pexanton tatsi pia pemomoxi susato jiwi tatsi xeina. Pon Judá, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Rubén, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Gad, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe.

<sup>6</sup> Pon Aser, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Neftalí, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Manasés, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe.

<sup>7</sup> Pon Simeón, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Leví, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Isacar, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe.

<sup>8</sup> Pon Zabulón, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon José, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe. Pon Benjamín, barapon pia pemomoxi susato jiwanapiwi tatsi Nacom itapa tina saya doce mil pomonae matabuxumonaebe.

*Meje yabara po diwesi xua pomonae juma xatabatsi pemainya paparuwan*

<sup>9</sup> Bapoxonae equeicha tan ichamonae pomonae bichocono jiwi ayei. Daxita nacuanpiwi jiwanamonae, yawano daxita carepaya tsicamonaexi jiwanamonae, yawano daxita carepaya icha jumexitha pepaebiwi jiwanamonae, yawano daxita carepaya tomaran jiwanamonae. Daxita barapomonae umena ichaxota imoxoyo Nacom pia pexeinya peecaethopeibiwa, yawa xua Cordero peitabaratha tatsi. Barapomonae

bichocono pin bicheito xua ichamonae jopa itacupaetsi peununaewa. Daxita barapomonaе juma xatabatsi pemainya paparuwan. Yawano barapomonaе pecobetha cajijinca xua be coichaxu axu.

<sup>10</sup> Daxita barapomonaе jume daunweya jeye:

“¡Wanacom pon xua eca pia pexeinya peecaethopeibiwatha yawano Cordero pon uncua, naca capanepa xua jopa waatenewa tsane xua abe waexanaexae!” jei barapomonaе.

<sup>11</sup> Barapo matatsunpiwi matawacaicha yatoxoroto umena xua pitiri jiwi matawacaicha yatoxoroto umeinchi. Yawa pitiri jiwi matawacaicha yatoxoroto umena xua xuan cuatro poyobe xua xuan asu matawacaicha yatoxoroto umeinchi. Yawano cuatro poyobe xua xuan asu matawacaicha yatoxoroto umena xua Nacom pia pexeinya peecaethopeibiwa matawacaicha yatoxoyoroto umeinchi. Bapoxonaе barapo matatsunpiwi irabe taeumendeca barapo pexeinya peecaethopeibiwa peitabaratha. Yawano Nacom wunaе jaintatsi.

<sup>12</sup> Barapo matatsunpiwi jeye:

“¡Barabu Nacom juntu coyene weiweina exaneibatsi pocotsiwa xua beta waexanaewa!  
¡Bara ichi tsane!

¡Barabu daxita jiwi wunaе jainteibina Nacom!

¡Matautano barabu Nacom xeineibina pia peyaputae coyenewa!

¡Matautano barabu jiwi jei tsaibi:

‘Nacom maisa pajuntu coyene weiweinan xua amanaya pata tana neyawenaemxae’,

jei tsaibi jiwi!

¡Barabu daxita jiwi cayabara baru cui itura jineibina!

¡Matautano barabu xeineibiname jinya neayapusu itorobi coyenewa, xuano xua xeinaename jinya neayapusuwa xua daunweya neexanae coyene!

¡Baxuan barabu ataya xeinaename!

¡Je bara ichi tsane!” jei barapo matatsunpiwi.

<sup>13</sup> Barapo pitiri jiwi jiwana caein neyainyaba, nejei: “¿Jintam barure pomonaе pemainya paparuwa nama xataba? ¿Eta werena pona?” nejei pitirin.

<sup>14</sup> Jume notan, janje: “¡Pon pentacaponae, apara xam yaputaneme jame!” jan. Barapoxonaе nejei: “Barapomonaе apara pomonaе werena pona ichaxota poxonaе po mataqueitha jiwi bichocono atene exaneibatsi. Barapomonaе abe pia peexanae coyenewan tatsi Nacom tajuntemaina, tsipei barapomonaе jume cowuntatsi xua pon tsitupa barapomonaе, pon ‘Cordero’ baraichichi. Barapomonaе juntu coyene wunaе exanatsi Nacom. Yawa pemainya paparuwa jume xatabatsi”, nejei pitirin.

<sup>15</sup> Equeicha nejei pitirin:

“Daxota barapomonaе umena ichaxota imoxoyo Nacom pia pexeinya peecaethopeibiwa.

Barapomonaе tanacuita dubenanaebiya Nacom

mataqueitha, yawa merawithano Nacom pia pin botha tatsi xua pia nacuatheicha tatsi.

Pon xua eca pia pexeinya

peecaethopeibiwatha bapon eenequeibina

barapomonaе, tsipei baru popona.

<sup>16</sup> Bapoxonae barapomonae jopa piyainyo,  
yawa jopa pia meratsino,  
yawa jopa tsaquiwichi xometotha  
xua bichocono jainchi.

<sup>17</sup> Barapo coyene jopa abe exanaeyo  
barapomonaetha, tsipei Cordero Nacom  
Pexanto tatsi, pon uncua ichaxota  
imoxoyo Nacom pia pexeinya  
peecaethopeibiwatha, bapon yawena  
xua barapomonae yawenatsi.  
Barapon Cordero barapomonae beta yapu  
eenaeinchi, icha be poxonae  
pon ovejan peewatsin ichi  
poxonae pia ovejan matacapona beta  
ichaxota penaton mene, po meran  
mene xeica, xua peasawa tsane.  
Bapoxonae barapomonae Nacom itacuere  
mene tsewa exanaena xua pewecoyeixa”,  
nejei pitirin.

## 8

### *Meje yabara po diwesi xua siete po pecatsatabiwa xua tabu ducua*

<sup>1</sup> Poxonae Cordero tsitsinaxuba siete po cuiyobetha xua barapo diboro catsataba,  
bapoxonae peitaboco moya ducua saya be ainya dapaeyobe.

<sup>2</sup> Bapoxonae tan siete poyobe matatsunpiwi, pomonae xua umena Nacom  
peitabaratha tatsi. Barapo matatsunpiwi daxita barompaya catsibatsi siete xoyobe  
xua pocotsiwan pecaobiwan, po pecaobiwan pewan trompeta.

<sup>3</sup> Bapoxonae pirapaeyo patopa ichan matatsunpin. Barapo matatsunpin capatopa  
xua be coroto xua pocotsiwa oro nain coroto. Barapo oro nain corototha boca petuxuei  
tsapato xua petautsinexa Nacom nexa. Barapoxonae barapo matatsunpin yatabotsiya  
tautabota xua ichaxota pocotsiwa be pexaethopaewa, bichocono tuxuei tsurucuae.  
Barapo matatsunpin uncua ichaxota pocotsiwa be pexaethopaewa ichaxota tauteiba  
petuxueiwan, po petuxueiwan xua tuxusi exaneiba Nacom nexa. Bapoxonae barapo  
matatsunpin catatsi nawita xua petuxueiwan. Pomonae Nacom peantobewixaetsi  
poxonae tsipaebeiba Nacom, barapo jumein yawa muxuna jujuinya Nacom beicha  
barapo petuxueiwa xua poxonae tauta. Baraxua xua be pexaethopaewa ichaxota xua  
tauteiba petuxueiwan, baxua Nacom pia pexeinya peecaethopaewa itabaratha tatsi  
uncua.

<sup>4</sup> Barapo petuxuei tuxusi mureiwa matatsunpin pia maxu wetajujuinyatsi Nacom  
peitabara beya yawa athabe muxuna jujuinya pejume, po jume xua jiwi poxonae  
tsipaeba Nacom.

<sup>5</sup> Bapoxonae barapo matatsunpin barapo oro nain coroto pita, yawa barapo corototha  
bichocono wanca exana iso itere, po itereton xua taxua barapo petuxusi exanathopeibi-  
watha. Bapoxonae daxita baxua po irathe xuba, bapoxonae yamuxu busi, yawa  
jerajerei, yawa ira jijiyatano po cae pin nacuatha tsique.

### *Meje yabara po diwesi xua trompeta xua pecaobiwan*

<sup>6</sup> Barapo siete poyobe matatsunpiwi daxita barompaya naci wanaeta pia trompetan  
xua peobinexa.

<sup>7</sup> Pon xua copiya, bapon oba pia trompeta. Bapoxonae othopeica be ibotixi, pocotsiwa  
xua benata ichaxota po eman bichocono aque. Yawano muxuna iso itere othopeica.



Yawa muxuna othopeica pocotsiwa be pejanan. Daxita baxuan matatsunpin iratha bebaichica. Bapoxonae ichaxota acoibi po iranbe tsitsiniya, cae iran jiwana wetataxua tsiniya ainya irabe jopa daichiyo. Matautano taxua ichaxota acoibi po unube tsitsiniya, cae unun jiwana wetataxua tsiniya ainya unube jopa daichiyo. Matautano naepanaewan ichaxota acoibi po wexuabe tsitsiniya, cae wexua jiwana wetataxua tsiniya ainya wexuabe jopa daichiyo.

<sup>8</sup> Bapoxonae equeicha ichan matatsunpin oba pia trompeta. Bapoxonae pocotsiwa be demxuwa taxuapona. Barapo demxuwa xubatsi pin mar mentha, yawano pin mene mar pejana mene tsanaya. Dos po pin mar menebe jopa daichiyo.

<sup>9</sup> Po pin mar mentha pejana tsanaya baxota duwei werapa, po duwei jinompa baxota. Matautano jeran fobaba pocotsi naein bichocono pin naein.

<sup>10</sup> Bapoxonae equeicha icha matatsunpin xua tres poyobetha, bapon pia trompeta oba. Bapoxonae opiteito, poto pinto jopeica itaboco wetsica po irathe tsique, yawa taxuayecapona icha banaxuto ichi. Barapo pin opiteito jopeica mentha xua yawa jopeica ichaxota ira baxupana mene mene natsibotarucua. Saya xua daxita mentha aibi. Saya poxonae tres po menebe bara cae mentha jopeica, yawa jopeica xua cae ira baxupana mentha. Icha ira baxupana menthabe jopa daichiyo.

<sup>11</sup> Barapo pin opiteito wan dutatsi “Amargura”, jei, po jume xua “Atsu”, jei. Daxota poxonae jopeica barapo mentha mene atsu tsanaya. Pinmonae jiwi werapa poxoru apa barapo peatsu mera.

<sup>12</sup> Bapoxonae equeicha icha matatsunpin xua cuatro poyobetha pia trompeta oba. Bapoxonae jiwana muxunene weabe exana xometo. Ainya muxunenepabe jopa daichiyo. Yawa jiwana muxunene weabe exana jomocoichato. Ainya muxunenepabe jopa daichiyo. Yawa jiwana weabe exana opitei. Icha opitei nacopaba. Poxonae acoibi po opiteibe dudubena tsiniya, bapoxonae cae opiteito jiwana weabe eexana tsiniya. Yawa ainya opiteitobe jopa abe eexana tsiniyaeyo. Po opitei abe exanatsi jopa xanepanaya pentha tsurubenaeyo. Yawano jomocoichato muxunenepa, po muxunenepa abe exanatsi, jopa pentha tsurucuaeyo. Yawa xometo muxunenepa, po muxunenepa abe exanatsi, barapo muxunenepa jopa xanepanaya pentha tsurucuaeyo. Daxota mataqueitha tsiwiyo quiriquirica, yawa merawi bichocono nama.

<sup>13</sup> Bapoxonae pirapaeyo tan matatsunpin pon be cuiyausi xua juinya pupuna ducua-naebiya itabocotha. Bapon jume daunweya jeye: “iPai jiwi tsobenae xua barapo jiwi abe exanaeinchi pomonae jinompa po iratha deque xua poxonae jume taena xua poxonae matatsunpiwi obina trompetan, tsipei acoibi poyobe matatsunpiwi cataunxuae jopa obiyobe anoxuae!” jei bapon, pon be cuiyausi.

## 9

<sup>1</sup> Bapoxonae equeicha icha matatsunpin xua cinco poyobetha oba pia trompeta. Bapoxonae tan pon xua be opiteito jopeica iratha bayatha, xua peitaboco wejopeica. Bapon catatsi po coyenetha itacupatsi xua pecoibo saranaxubiwa tsane barapo pin matha deca xua ira bereca.

<sup>2</sup> Bapoxonae bapon coibo saranaxuba. Barapo matha coiboto tsina be pin tsuxu jujuina, po tsuxu icha pabi coicha tsuxu ichi poxonae pin pabi. Barapo tsuxu po irathe naquitaba exana yawa xometo naquitaba exanano.

<sup>3</sup> Barapo tsuxu weya pupuna sure, xua daxita iranthe pupuna. Barapo sure catatsi, pocotsi coyene icha puto ichi xua poxonae naca cawata.

<sup>4</sup> Barapo sure itorobatsi xua jopa abe peexanaewa tsane naepanaewatha xua wexotha xuwa yawa xua tsica naexi. Yawano xua jopa abe peexanaewa tsane naeintha. Saya jame itorobatsi xua abe peexanaewa tsane jiwitha pomonae Nacom jopa itapa tinaeyo.

<sup>5</sup> Ichitha jopa copatsiyo xua jiwi pejutebiwatsi tsainchi. Saya jame copata xua saya jiwi atene exanaeinchi beya poxonae cinco po xometiyobe tsane. Barapo peatenewa bichocono atene icha be poxonae ichi xua poxonae ichun cawatatsi p̄to.

<sup>6</sup> Barapo mataqueitha, po mataqueitha jiwi bichocono atene tsane, cuinaya bewera-pabenaena ichitha jopa cuinaya werapabena tsane.

<sup>7</sup> Sure be cawayumonaein nacui w̄naeta xua penabinexa. Barapo suremonaein mataina pocotsiwan be tepan be pocotsiwan penainton xuan pew̄n oro nain. Matauta peitabaran be jiwi itabaran.

<sup>8</sup> Pentanan bichocono antanapiiya be yab̄xi, pewanon awanoyei be neuth̄ wanon.

<sup>9</sup> Pia pepon tsebocon dubena be penain xuan baxota penayaewatsinexa, po penain pew̄n hierro nain mataw̄n. Pecuarafein busin be cawayu busin poxonae cawayu cacuinaejjinca ainya naein xua cawayu pecaponae naexi xua penabiwa tsane.

<sup>10</sup> Pebosoton be p̄ton bosoton xua e dubena. Pia pebosontha itac̄patsi xua abe peexanaewa jiwitha xua beya poxonae cinco po xometobe.

<sup>11</sup> Barapo suremonaein xeina pia pentacaponaein, po pentacaponaein peewatsin barapo pia pin m̄th̄, po m̄th̄ ira bem̄th̄ taerucuaeca. Barapo matatsunpin pon suremonaein pia pentacaponaein tatsi hebreo jume w̄ntha “Abadón”, jei. Seicaya griego jume w̄ntha “Apolión”, jei. Barapo jume w̄ntha jeye: “Pon Pecaewitaxubin daxita”, jei.

<sup>12</sup> Baxua weta xua copiya abe peexanaewan, ichitha awiya seica ainya peabe coyewabe.

<sup>13</sup> Bapoxonae equeicha icha matatsunpin xua seis poyobetha oba pia trompeta. Bapoxonae jume tan xua cueicueijeji cuatro po pentetobe weya. Barapo cuatro po pentetobe umena pem̄x̄ub̄r̄utha xua be pexaethopaewa xua ichaxota tauteiba petuxueiwa xua tuxusi exaneiba Nacom nexa. Baraxua xua be pexaethopaewa daxita matapaeicha juma catsababa oro nain. Baraxua Nacom pia pexeinya peecaethopeibiwa itabaratha tatsi uncua.

<sup>14</sup> Barapo matatsunpin xua pon seis poyobetha xua pon pia trompeta xeina barapo jumetha tsipaebatsi barapon. Barapo matatsunpin jeichichi: “Barapo cuatro poyobe matatsunpiwi pomonae max̄ c̄bebatsi max̄ isacapende xua pomonae umena ichaxota po mene pin mene, po mene pew̄n Eufrates”, jei.

<sup>15</sup> Bapoxonae barapo cuatro poyobe sorobabatsi, xua jiwi pejutebiwa tsainchi. Icha bicheito jutebatsi. Dos po bicheitobe jopa jutebichi. Barapo cuatro poyobe bayatha cui w̄naetatsi xua po horathe nexa, yawa xua po maticabithe nexa yawa xua po xometothe nexa yawa po weithe nexa xua poxonae pesorobabiwatsi tsainchi.

<sup>16</sup> Jume tan xua pia soldadomona yabara paeba xua pomona bichocono ayei xainto bicheiton, jeye: “Bapon doscientos millones xeina po soldadomona cawayutha pona”, jei.

<sup>17</sup> Xua xuan tan cawayumonaein iche: Pomona cawayutha eneica pentacaritha caji-jinca penain bocoton, petsobiwanno, yawa pes̄jeiwanno, yawa pedaedaenaewanno. Barapo cawayumonaein peitabaran be neuth̄ itabaran. Barapo cawayumonaein pecoiboton tsina iso itereton tajujuinatsi xua ts̄x̄ tsobia, yawano icha ts̄x̄no xua coicha s̄jei. Yawano icha coicha po ts̄x̄ coicha daena.

<sup>18</sup> Pin bicheitomona werapa tsipei barapo cawayumonaein pecoiboton tsina tajujuinatsi iso itere, pets̄x̄no xua s̄jei, yawa icha ts̄x̄ po coicha bichocono coicha daena. Dos po bicheito cuntiyobe jopa daichiyo.

<sup>19</sup> Barapo cawayumonaein pecoiboton tajujuinatsi pia peayapus̄wan tatsi yawano pebosoton tsinano. Barapo cawayumonaein bosoton be jomon matanaein. Barapo jomo matanaeintha jiwi abe exainchi.

<sup>20</sup> Ichitha ichamonae pomonae jopa werapaeyo barapo pewerapaewantha, barapomonae jopa pentsiyo abe pia peexanae coyenewan. Matautano jopa barapentsiyo xua antobeya wanae pejainchiwa caurimonaetha. Matautano jopa barapentsiyo po nacom oro nainto nacom, yawa plata nainto nacom, yawa bronze nainto nacom. Yawano wanae jainta ibo nacom. Yawano wanae jainta nae nacom. Barapo nacomunmonae jopa itacupaetsi xua penecotsiwa. Yawa jopa itacupaetsi xua pejume taewa. Yawa jopa itacupaetsi xua peponaewa.

<sup>21</sup> Matautano jopa barapentsiyo xua ichamonae pejutebiwatsi. Yawano matauta jopa barapentsiyo po coyene xua mara peexanaewa pia coyenewan tatsi. Yawano jopa barapentsiyo xua penata siwa xeinaewa yabuxitha. Matautano jopa barapentsiyo pecaibi coyenewan.

## 10

### *Meje yabara po diwesi xua matatsunpin capona tsica dibiriyo*

<sup>1</sup> Xan ponxaein Juan, bapoxonae equeicha tan icha matatsunpin pon bichocono peayapusun xua peitaboco wetsica pona po irathe tsique. Barapo matatsunpin tsaquinaebowa muxuna dederaquiya duneica. Yawano matatsun uncueicatsi coinwawa. Peitabara bichocono itabara pentha icha xometo ichi poxonae pentha. Yawa pesitobe be isoto coicha xua bichocono coicha tsobia.

<sup>2</sup> Tsica dibiriyo pecobetha capona xua itataduta. Po sito xua pecoxa weya pin mar mentha uncua, yawa po sito petsocona werena iratha uncua.

<sup>3</sup> Bapoxonae bapon jume daunweya wawai be poxonae neutha jume daunweya fiba. Poxonae bapon wawai, bapoxonae jume tan xua be jurujurei yamuxu siete po jumeyobe xua paeba.

<sup>4</sup> Poxonae baxua najume weta xua be jurujurei yamuxu siete po jumeyobe xua paeba, pontaban xua tatinaenexa xua baxua paeba. Ichitha jume tan pon peitaboco wenetsipaebica. Nejei: “Moya yawan xeinare yawa jopa tinaeinde xua barapo siete jumeyobe xua be jurujurei yamuxu”, nejei.

<sup>5</sup> Bapoxonae barapo matatsunpin pon xua po sito pecoxa weya uncua pin mar mentha yawa xua po sito petsocona weya uncua iratha, bapon namaxu yoicha peitaboco beicha po maxu xua pecoxa weya.

<sup>6</sup> Matatsunpin pon namaxu yoicha peitaboco beicha po maxu pecoxa weya, bapon jeye: “Nacom, pon ataya popona, bapon itaboco forota. Bapon irano forota, pin mar meneno forota. Daxita ichawan muxuna forotano, pocotsiwa itabocotha dubena yawa pocotsiwa irathano xeina yawa pocotsiwa pin mar menthano jinompa. Barapon peitabaratha tatsi uncuan. Bara xaniwaicha paeban bapon peitabaratha tatsi. Yabara tsiwuna nae muxu dutan: ‘Equeicha daxua aibi xua peewatsiwa’, jan”, je i matatsunpin.

<sup>7</sup> Equeicha barapo matatsunpin jeye: “Poxonae matacabi patopaena po mataqueitha icha matatsunpin obina pia trompeta xua siete poyobetha, bapoxonae Nacom nacui jutsina xua daxita wetsina. Nacom wetsina xuan pocotsiwan caena bayatha Nacom yabara tsiwuna nae muxu duta piamonae tatsitha, pomonae Nacom peitorobi jume pepaebiwi. Barapocotsiwan xua Nacom yabara tsiwuna nae muxu duta, baxuan jiji jopa yaputaeyo poxoru jopa Nacom yatsicaewa tsita itatsiyo jiwitha”, je i barapo matatsunpin.

<sup>8</sup> Barapo jume pon xua itaboco wenetsipaebica, bapon equeicha netsipaeba, nejei: “Ponare yawa pire barapo dibiriyo xua po dibiriyo naitatarucua. Barapo dibiriyo pire, po dibiriyo barapo matatsunpin comauncua. Barapo matatsunpin pon po sito pecoxa weya uncua pin mar mentha, yawa uncua iratha po sito petsocona weya”, nejei.

<sup>9</sup> Bapoxonae matatsunpin beya ponan yawa wacan barapo dibiriyo, janje: “Necare barapo dibiriyo”, jan. Nejume nota, jeye: “Moya pire, moya yawa xaema barapo

dibiriyo. Poxonae barapo dibiriyo xaename necoibotha catsijain xeicaena be banto tsane. Ichitha necotsorotha atsu tsane”, nejei matatsunpin.

<sup>10</sup> Bapoxonae barapo matatsunpin wecobe pitan barapo dibiriyo yawa xan. Poxonae xan netsicoibo xeica be banto ichitha tacotsorotha bichocono atsu tsanaya.

<sup>11</sup> Bapoxonae netsipaeba, nejei: “Xam bewa equeicha yabara tsiwuna nae muxu dutsiya paebiname po coyene bayatha Nacom yabara paeba jiwi, xua ainya nacuanpiwi, yawa pomonae barompaya pijume pepaebiwi, yawano pomonae jiwi itorobiya pia pepa peewatsiwichi”, jei xua pon netsipaeba.

## 11

*Meje yabara po diwesi xua dos ponbe, ponbe yatsicaewa Nacom pia petapaebinchibe xua petaexaebe pocotsiwa Nacom exana*

<sup>1</sup> Bapoxonae necata naeto pocotsiwa xua peepa canaabiwa. Yawano matatsunpin nejei xua Nacom tapaebatsi: “Asiya uncuare yawano pire barapo naetiyo. Bapoxonae Nacom pin pia bo beya ponare, yawa bara po bo epa canaebare. Yawano epa canaebare xua be pexaethopaewa ichaxota tauteiba xua petuxueiwa xua tuxusi exaneiba Nacom nexa. Yawano ununare pomonae baxota Nacom wuna nae jaintatsi, pomonae yatsicaewa Nacom peantobewichi.

<sup>2</sup> Ichitha jopa pana epa canaebinde, po pana pesato beya boca ichaxota Nacom pia pepa pin pia bo tatsi uncua. Tsipei barapo pana ichamonae catatsi pomonae penanapaincha jinompaewi xua icha nacuan werena peponaewi, pomonae Nacom jopa pejume cowantsiwichi. Barapomonae abe exanaena Nacom pia pexeinya tomara tatsi po tomara xua barapo cae pin nacuathe xua beya cuarenta y dos po xometobe yacui nacui wetsiya jopaena.

<sup>3</sup> Xan itorobin dos poyobe, ponbe xua inta yatsicaewa paebinabe xua petaexaebe xua pocotsiwa exanan. Baponbe inta yabara tsiwuna nae muxu dutsiya paebinabe jiwitha xua beya un mil doscientos sesenta po matabinbethe tsane. Baponbe jume xatatsinbe pocotsi paparuwa xua axun, xua jiwi nama xatabeiba poxoru wecoyei”, nejei matatsunpin xua Nacom tapaebatsi.

<sup>4</sup> Barapo pebinbe ponbe xua inta paebabe, baponbe ichawa yabara caunutatsibe. Caena bayatha Nacom pia peitorobi jume pepaebin, pon pewun Zacarias yabara tina olivo naebe, yawa yabara tina ainyawabe pocotsiwa petabuyabeibiwa pecoichan. Barapocotsiwanbe caunuta xua ponbe inta paebabe. Barapo ainya olivo naebe yawa barapo ainyawabe xua pecoichan petabuyabeibiwa umena pentacaponaein peitabaratha tatsi, pon po cae pin nacuepiwi pia Pecanamataxeinaeinchi tatsi.

<sup>5</sup> Icha ichamonae ichichipa xua baponbe abe peexanaewatsibe baponbe itacupatsibe xua weraweraca peexanaewabe barapomonae pecoiboto tsina icha be pocotsi coyeneya metha ichipabe xua poxonae daxita weraweraca exanabe poxonae be isoto tajuinatsibe. Barapo isototha baponbe omeicha tautabe pia peaitafaetabiwichi jiwitha. Barichi werapaena pomonae ichichipa xua baponbe abe peexanaewatsibe.

<sup>6</sup> Baraponbe xeinabe pia peitorobi coyenewa xua itacupatsibe peitaboco acatsiwa tsanebe xua jopa ema peruneicaewa tsane. Baxua itacupatsibe xua exanabe poxonae baponbe po matabitha cataunxuae Nacom tapaebi ducunaebiyatsibe. Matauta baponbe pia peitorobi coyene xeinabe xua meratha equeicha pejana tsanaya exanabe. Matautano baponbe itacupatsibe xua exanabe poxi xua abe exana iratha. Ainya coyenein baponbe exanabe xua xuan be pocotsi coyeneya ichichipabe xua peexanaewabe.

<sup>7</sup> Poxonae baponbe nacui wetsinabe xua tapaeba ducunaebiyabe xua Nacom tapaeba ducunaebiyatsibe, bapoxonae juinaena po mutha pin mutha tsina pon ayei

pon bichocono abe peexanaein. Baraponbe be xua batsibe natsicotainchi yawa amanayabinchibe xua tupa peexanaenexatsibe.

<sup>8</sup> Petupaeinbe saya pesatotha bocaenabe tomara namtotha, po pepa tomaratha ichaxota matha naetotha tupa exanadutatsi pon jiwi Pecanamataxeinaein xua baponbe pia Pecanamataxeinaeinchibe tatsi. Jiwi barapo pepa tomara yabara jeichiya jeye: “Barapo Jerusalén tomarapiwi apara be ‘Sodoma tomarapiwi’, jei, yawa barichi be ‘Egipto nacuapiwi’, jei”, jei jiwi. Jiwi barapo Jerusalén tomarapiwi yabara caunutsiya paeba tsipei caena bayatha Sodoma tomarapiwi abe peexanaewimonae. Yawa iru Egipto nacuamonaepiwi abe peexanaewimonae, icha barapo pepa tomaramonae ichi xua Jerusalén tomara xua abe exana.

<sup>9</sup> Daxita pomonae tomarapiwi jiwana, irano tsicamonaeyo jiwana, irano pomonae barompaya icha jumexitha pecueicueijeji jiwi jiwana, irano daxita pomonae nacuanpiwi jiwana, daxita barapo jiwimonae taeumenaena barapo petupaeinbe. Baponbe petupaeinbe bocaenabe acoibi po matabibibe yawa xua equeicha bara caetono. Daxita barapomonae pomonae taeumena, jopa copatsi tsane xua ichamonae bara petupaeinbe pemuthuthu xubiwa tsainchibe.

<sup>10</sup> Pomonae xua jinompaena po irathe junte miya jinompaena xua petupaexaebe baponbe. Daxota daxita barapomonae juntu coyene weiweinaena, yawano daxota barapomonae nantiya nacatsibina pocotsiwan amanaya penacatsibiwan. Barapomonae baxua exanaena tsipei ajumeitafaetabi tsane pocotsiwa paebabe Nacom nexa, ponbe Nacom peitorobi jume pepaebinbe.

<sup>11</sup> Ichitha poxonae yapu caewinaba acoibi po matabibibe yawa xua equeicha bara caeto bocaenabe, bapoxonae equeicha Nacom asu exanaenabe. Bapoxonae asiya uncuaenabe. Daxita pomonae xua poxonae baponbe taeinchibe, bichocono junuwina.

<sup>12</sup> Bapoxonae baponbe jume taenabe xua pon itaboco wetsica jume daunweya baraunchi tsainchibe, jei tsainchibe: “¡Bara wepajuinamebe!” jei tsainchibe. Bapoxonae baponbe itaboco beicha juinyaenabe tsaquinaebowatha yawa pu taeumenaeinchibe pia peaitafaetabi jiwichi.

<sup>13</sup> Barapoxonae caena ira jijiyatsina bichocono. Ichaxota diez po bonbe uumena tsiniya cae bon jiwana othopa jujuincaena, nueve po bonbe tsiniya jopa daichi tsane. Siete mil po pebiwi matabuxumonaebe werapaena ira pejijiyatsixae tsane. Pomonae jopa werapae tsane bichocono junuwina daxota Nacom wanae jainchinchichi, po Nacom itaboco beequiya.

<sup>14</sup> Bayatha nacui weta xua dos xoyobe xua daxita jiwi atene tsane bichocono. Ichitha imoxoyo equeicha methaunxuae tsane ichawa pocotsiwa acoibi po cuiyobe nexa pocotsiwa xua jiwi bichocono atene tsane.

*Meje yabara po diwesi poxonae xua matatsunpin xua pon siete poyobetha oba pia trompeta*

<sup>15</sup> Barapo matatsunpin xua pon siete poyobetha pia trompeta oba. Bapoxonae pejume itaboco wetsica jume daunweya jeye:

“Po coyene xua jiwi itorobiya peewatsiwatsi  
barapo cae pin nacuathe, anoxuae barapo peitorobi  
coyenewa Nacom pon Wanacanamataxeinaein  
piawa irano Mesías pon Nacom pia  
peitorobarecaein, bapon piawa tatsi.  
Baponbe daxita jiwi itorobiya ewatsinchi  
barapo cae pin nacuathe xua ataya tsane”,  
jei pomonae xua itabocotha jume  
daunweya wawai.



16 Bapoxonae tan barapo pitiri jiwi, po pitiri jiwi veinticuatro poyobe. Barapo pitiri jiwi ena pia pexeinya peenaethopeibiwatha, Nacom peitabaratha tatsi. Barapo pitiri jiwi pentabocototha irabe taeumendeca xua Nacom wɔnae pejainchinexatsi.

17 Barapo pitiri jiwi jeye Nacomtha:

“Xam pata Nacom, ponxaem jiwi  
Necanamataxeinaem pajantɩ coyene  
weiweinan xua pocotsiwa painta neexanaexae.  
Xam barapo pata Nacom, pon  
neayapusɩ itorobi coyenewantha neexanaein.  
Xam pon anoxuae ataya poponeibiname yawa  
xua caena bayatha ataya poponeibameno,  
yawano xua bexa tsane ataya poponeibinameno.  
Tsipei anoxuae po mataqueithe nama tamropata  
pitabame jinya neayapusɩ itorobi coyenewa  
xua tsita itatame xua poxonae daxita  
carepaya nacuanpiwi itorobiname.

18 Daxita nacuanpiwi cacaseba, ichitha  
anoxuae matabi patopa, po mataqueitha  
bichocono anaya atene exanaename  
barapomonaе abe peexanaexae.  
Yawano barapo mataqueitha daxita jiwi  
yabara paebiname xua  
penatsicuentsiwa pomonaе xua wɔnae  
peexanaewi irɩ pomonaе xua abe peexanaewi.  
Daxita barapomonaе bayatha werapa.  
Barapo mataqueitha irɩ pomonaе xua cata  
nacuita, pomonaе jinya neitorobi jume pepaebiwi,  
irɩ pomonaе xua pejantɩ coyene xanepanaewi,  
barapomonaе matabɩxɩmonaеbe catsibiname  
pocotsiwan xua bayatha jɩntana jebame  
xua nematomatsiwan.  
Barichi catsibiname pomonaetha pomonaе jopa  
judiomonaе naexanaeyo pomonaе bequein bara  
ichamonaе saya pecui pawimonaе, mataɩtano  
bequein bara ichamonaе peainya cui jiwimonaе.  
Ichitha xam saya bara catsita najɩpa.  
Mataɩtano barapo mataqueitha daxita omeicha  
atene exanaename pomonaе abe peexanaewi  
barapo cae pin nacuathe”,  
jei barapo pitiri jiwi.

19 Bapoxonae Nacom pin pia bo tatsi nacoibo saranaxuba xua itabocotheicha. Barapo Nacom pin pia botha jiwi tane pocotsiwa xua ichawa yanta xatababota xua be caja. Barapo cajatha boca Nacom petinae diwesi, pocotsiwa xua Nacom yabara tsiwɔnae muxu duta pomonaetha pomonaе pia petanacuichiwichi pocotsiwa bexa Nacom taexanaena xua barapomonaе taexanaeinchi. Bapoxonae yamɩxɩ busi xua be jurujurei yawa jerajerei. Mataɩtano ira jijiyata, yawano nawita othopeica xua dederawa, pocotsiwan benata poxonae po eman ichaxota bichocono aque.

## 12

*Meje yabara po diwesi xua petsiriwa yawa pon pinyo, pon be jomowabi, bapon pon be Joyoinya*

<sup>1</sup> Bapoxonae itabocotha naitata xua pocotsiwa bexa exanaena po cae pin nacuathe tsique. Tan petsiriwa powa nama xatata po paparuwa bichocono wanae, icha be xometo ichi poxonae pentha. Bapowa nataxu yatuncua jomocoichattha. Barapowa mataina tepa, po tepatha doce xoyobe xeina opitei.

<sup>2</sup> Bapowa yaporowa jina pexuyo. Bapowa wawai tsipei atene, poxoru pexuyo naexana imoxoyo.

<sup>3</sup> Bapoxonae itabocotha equeicha naitata ichawa. Tan pon pinyo, pon be jomowabi, pon be Joyoinya. Bapon pon be Joyoinya bichocono tsobia yawa siete po pentasipabe xeina yawa diez po pentetobe xeina. Daxita carepaya pentasipantha mataina tepan.

<sup>4</sup> Pebosotha ira bereca bebaireca opitei. Ichaxota acoibi po opiteitonbe dudubena tsiniya cae opiteiton jiwanan abe eexana tsiniya. Barapon pon be Joyoinya ewatuncua, yabuyo ewatuncuatsi, powa xua imoxoyo exanaena pexuyo. Bapon pon be Joyoinya ichichipa xane pexuyo poxonae naexanaena.

<sup>5</sup> Barapo petsiriwa tanaexanatsi pexuyo pebin wato. Barapo pexuyo, po pexuyo poxonae wichaba itorobiya ewata pomonae jinompa po cae pin irathe xua daxita carepaya nacuantha. Bapon daunweya beta ewata barapomonae icha pon oveja peewatsin ichi xua poxonae daunweya beta ewata ovejan. Bapon exana baxua naewa xua be naebarapato. Poxonae barapo pexuyo naexana, pitatsi yawa capoinchi Nacom pia pexeinya peecaethopaewatha beicha.

<sup>6</sup> Bapoxonae barapo petsiriwa naetsiriwa ira xuepana susato tsurucuae nacua beya. Baxotiya Nacom tsiwanaeta xua pia ira nexa yawa xua bapowa pexaewa peapatsinexatsi mil doscientos sesenta matakabibetha.

<sup>7</sup> Bapoxonae itabocotha matatsunpiwi naba. Matatsunpin pon pewan Miguel, bapon matakapona pia matatsunpiwi. Iruru pon be Joyoinya, bapon pia matatsunpiwi matakapona. Daxita barapo bicheito nantiya naba.

<sup>8</sup> Ichitha pon be Joyoinya iru pia matatsunpiwi tatsi jopa cui jupaetsi xua Miguel peamanayabaxubiwatsi yawa xua pia matatsunpiwi tatsithano. Daxota pon be Joyoinya yawa pia matatsunpiwi tatsino jopa cui jupaetsi xua peitabocotha pejinompaewa tsipei amanayabapentatsi.

<sup>9</sup> Bapon pon be Joyoinya yawa pia matatsunpiwi tatsino itawetsicatsi po irathe tsique. Bapon pon be Joyoinya pon caena bayatha yabara paebatsi xua jeye: “Bapon apara jomo”, jei. Bapon caurimonae pia pentacaponaein tatsi xua icha wan pewan Satanás. Bapon pon jiwi pemuxujainyabeibin pomonaetha pomonae jinompa daxita po cae pin irathe tsique.

<sup>10</sup> Bapoxonae itabocotha pejume jume tan pon xua jume daunweya wawai, jeye:

“Anoxuae Nacom naca capanepa exana pia peayapusu itorobi coyenewatha xua pon be Joyoinya jopa wanacanamateinaenexa. Yawano anoxuae Wanacom itorobiya ewata daxita carepaya nacuantha pomonae jinompa po cae pin irathe tsique.

Yawano anoxuae Nacom Mesías catatsi pia peayapusu itorobi coyenewa pon Nacom pia peitorobin tatsin.

Daxita barapo coyenein anoxuae pata, tsipei pon be Joyoinya itawetsicatsi po cae pin irathe tsique.

Pon Nacom itawetsica, bapon wajiwimonaetha,  
pomonaе jume cowanta Nacom, abeya  
muxujainyabeibatsi merawitha yawa  
mataqueithano xua Nacom peitatha tatsi.

<sup>11</sup> Wajiwimonaе pomonaе iru xua pejume  
cowantsiwi Nacom, barapomonaе amanayaba  
bapontha pejume cowantsixae xua  
Mesías tsitupa barapomonaе.

Bapon pon Cordero, xua pon oveja pebto penun.  
Yawano amanayaba bapomonaе tsipei Mesías  
yabara paeba dubenanaebiyatsi pocotsiwa  
bapon barapomonaе taexainchi.

Barapomonaе amanayaba, tsipei najei: ‘Bequein  
bapon pon be Joyoinya ichichipa naca juteba  
ichitha jopa junuwichi xua werapaeinchi.  
Awiya jume cowanta dubenanaebiyaeinchi  
Nacom’, najei.

<sup>12</sup> ¡Pajuntu coyene weiweinare pomonaе  
itabocotha painya nejinompaexae!  
¡Daichitha tsobenaе pomonaе jinompa  
po cae pin nacuathe deque, yawano  
xua xuan pin mar mentha jinompa,  
tsipei Satanás bara bereca  
bichocono anaepanaya patopareca!  
Bapon Satanás yaputane xua jopa  
bayatha tsaibi tsane poxonaе abe  
exaneibina po cae pin nacuathe deque”, jei.

<sup>13</sup> Poxonaе barapon pon be Joyoinya, pon Satanás itawetsicatsi po cae pin irathe  
tsique, bapoxonaе yabuyo barainatsi, powa xua bayatha pexuyo exana pebin wato.

<sup>14</sup> Ichitha Nacom, barapowa pecuarafe catatsi, ainya cuarafebe xua cuiyausi piawan.  
Daxota Nacom cata xua bapowa tajū beya pepupunaenexa ichaxota po ira beya xua  
Nacom bayatha tsiwunaeta, xua pepupunaenexa pon be Joyoinya weya. Barapowa  
pupuna barapo ira xuepana susato tsurucuae nacua beya. Nacom apata bapowatha  
pexaewa tres po weibetha yawa xua seis po xometobetha.

<sup>15</sup> Bapon pon be Joyoinya pecoiboto tsina mene sutaba xua peawubonexa xua bapowa  
pemonoxubinexa tsainchi awubotha.

<sup>16</sup> Ichitha ira bapowa yaweinchi. Barapo ira, naira yetaxuba yawa mene apaxoreca,  
po mene bayatha sutaba bapon pon be Joyoinya.

<sup>17</sup> Bapoxonaе bapon pon be Joyoinya bichocono anaepana bapowatha. Daxota  
bapon nainya pona bapowa piamonaе tatsi beya tatsi xua penabinexa. Bapon ba  
xua butsi pomonaе jume cowanta Nacom penajume caitorobi diwesi xuano xua paeba  
dubenanaebiya Jesús pejume diwesi.

<sup>18</sup> Bapoxonaе bapon pon be Joyoinya, pon be jomowabi, pin mar mene itapa  
taetabotha uncua xua pewabinexa ichamonae xua peyawenaenexatsi.

## 13

*Meje yabara po diwesi pon ayei, pon be Corei, iruno xua ichun pon ayei, pon be Metsametsawa*

<sup>1</sup> Bapoxonaе ichun tan pon pin mar mene juina pon ayei, pon be Corei. Bapon xeina  
siete po pentasipabe yawa diez po pentetobe. Daxita carepaya pentetontha mataina

tapan. Daxita carepaya pentasipantha tinaduba pewunxi, po wunxi xua Nacom abe yabara paebatsi.

<sup>2</sup> Barapon pon be Corei be neuthu xua yaquiquibia. Petaxu be tson taxu. Pecoiboto be neuthu coiboto. Pon petsobian, bapon pon be Joyoinya cata pia peayapusu coyenewa, pon be Corei catatsi. Yawano muxuna catatsi pia pexeinya peecaethopaewa. Yawano catatsi pia peayapusu itorobi coyenewa.

<sup>3</sup> Cae matasipatha xua pon be Corei matasipa, wan ducua be poxonae xua pocotsin tupaena. Ichitha barapo matasipa naawanxaebi exana. Daxita barapo irathe nacuanpiwi nabenaeca, tsipei naawanxaebi exana barapo matasipa. Daxota po irathe nacuanthepiwi jume cowanta bapon, pon be Corei jume cowantatsi.

<sup>4</sup> Barapon pon be Joyoinya wunae jaintatsi, jiwi wunae jainta, tsipei barapon cata pia peayapusu itorobi coyenewa pontha pon be Corei. Barichi pon be Corei wunae jaintatsi, jiwi wunae jainta. Jiwi jeye: “Maisa barapon, pon be Corei ainya cui, peayapusu itorobi coyenewa pexeinaein. Dapon aibi pon pecui jupaewatsi xua bapon peamanayabixubiwatsi”, jei jiwi.

<sup>5</sup> Yawano barapon, pon be Corei copatatsi xua Nacom abe peyabara paebinxatsi. Yawano barapon, pon be Corei copatatsi xua jiwitha peitorobinexa cuarenta y dos po xometobetha.

<sup>6</sup> Bapoxonae barapon, pon be Corei bara baxua exana, xua copatatsi. Bapon Nacom abe yabara paebatsi. Matautano Nacom pin pia bo tatsi abe yabara paebatsi. Matautano Nacom piamonae tatsi, pomonae jinompa itabocotha abe yabara paebatsi.

<sup>7</sup> Yawano barapon, pon be Corei copatatsi, xua bena xua beinchi pomonae Nacom pejume cowantsiwichi, beya xua poxonae barapomonae amanayabapentsinchi. Yawano barapon, pon be Corei catatsi peitorobi coyenewa, xua daxita jiwi peitorobiwatsi xua pomonae daxita carepaya tsicamonaexi peitorobiwatsi. Matautano catatsi xua daxita carepaya tomaranpiwi peitorobiwatsi. Matautano catatsi xua daxita carepaya pomonae icha jumeintha pecueicueijeijiwi peitorobiwatsi. Matautano catatsi xua daxita carepaya nacuanpiwi peitorobiwatsi.

<sup>8</sup> Barapon, pon be Corei wunae jaintatsi xua daxita carepaya po cae pin irathe nacuanpiwi wunae jainta. Barapomonae jopa wun dubenaeyo diborotha, po diboro pon Cordero xeina pecobetha, pon Mesías pon naetotha tupa. Barapo diborotha Nacom wun duba pejume cowantsiwichi caena bayatha poxonae Nacom aena forota nacua. Pomonae wun dubena barapo diborotha jopa weweracaeyo.

<sup>9</sup> Paxam pomonae painya nejume cowantsi jiwi pam. Icha pamuxu dubename, moya pajume naitaeware xua pocotsiwa Nacom pia Pejumope tunaxu tatsi paca tsipaeba xua meje:

<sup>10</sup> “Pomonae xua ichun waetabatsi xua atene peexanaenexatsi barapomonae xuya bara teicaeinchi ichamonae atene peexanaenexatsi tsane.

Pon xua cusitha namawainta xua ichun bexubatsi, bapon xuya cusitha bexubinchi”, paca jei Nacom pia Pejumope tunaxu tatsi.

Daxota pomonae pejume cowantsiwi Nacom bewa saya juntu coyene daunweya jinompae xua xuya jopa taexanae tsane ichamonaetha xua bequein abe taexanaeinchi ichamonae. Yawano bewa jume cowanta dubenanaebiyaena Nacomtha.

<sup>11</sup> Bapoxonae tan ichun pon ayei pon be Metsametsawa. Bapon ira wejuina. Yawa mate ducua icha Cordero ichi pon oveja pebto penun. Daichitha poxonae cueicueijeiji, be poxonae cueicueijeiji pon be Joyoinya.

<sup>12</sup> Bapon xeina peayapusu itorobi coyenewa, po peayapusu itorobi coyenewa xeina pon be Corei. Bapon pon be Metsametsawa, daxita jiwi itorobatsi xua wunae pejainchinexatsi pon be Corei, pon pia coutha nantasipa awanxaebi exana.

<sup>13</sup> Yawano pon be Metsametsawa exana nawita xua pexeinya petsita itatsi coyenewa. Yawano bapon exana xua itorobica itaboco wetsica xua pocotsiwa be isoto xua po cae pin iratha tsique xua jiwi petaenexa.

<sup>14</sup> Barapon pon be Metsametsawa petsita itatsi coyenewa exana pon be Corei peitabaratha tatsi. Barapo petsita itatsi coyenewantha bapon muxujainyaba xua muxujainyabatsi pomonae jinompa daxita carepaya nacuantha xua barapo cae pin nacuathe. Bapon pon be Metsametsawa itoroba jiwitha xua peexanaenexa ibo nacom xua canaxobiya exana pon be Corei, pon xua xeina pentasipatha xua dejona wan, pon bequein wan ducua, ichitha jopa tupaeyo.

<sup>15</sup> Barapon pon be Metsametsawa peitorobi coyene catatsi xua asu exana barapo ibo nacom pon be Corei. Poxonae barapo ibo nacom asu tsane, cueicueijejei tsane yawa jutebina daxita pomonae jopa wuna jainchichi.

<sup>16</sup> Yawano bapon itoroba ichantha xua daxita cobe juma tinaeinchi po cobein pecoxa weya, yawa xua ichacuiitha itapa tinaeinchi, xua pomonae jopa ainya cuiyiyo, iru pomonae xua peainya cui jiwi, iru pomonae xua copei pexeinae jiwi, iru pomonae peacopeibi jiwino, yawano pomonae pia coutha penata exanae jiwi, iruno pomonae xua pebusi tatayebebiwichi.

<sup>17</sup> Dapon aibi pon itacupatsi xua piawan comoca yawa xua caenaeta piawan icha jopa xeinaeyo barapo pecobe juma tinaewa. Barapo pecatinaewa pon be Corei pewun tatsi, ichacuiitha barapo pecatinaewa saya número xua pewun tatsi pia número tatsi.

<sup>18</sup> Beta pananta xeinare xua yabara painya neyaputaenexa baxuan. Pon xua yaputane baxua bu bapon yabara nanta xeina xua pon be Corei pia número tatsi. Barapo número jupa xua pebin pewun. Barapon pon be Corei pia número tatsi baxue: seiscientos sesenta y seis.

## 14

### *Meje yabara po diwesi xua pomonae naxuna 144, 000 po bicheitomonae matabuxube*

<sup>1</sup> Baroxonae tan Cordero xua oveja pebto penun xua uncuca demxuwatha, po demxuwa pewun Sión. Barapo Cordero baru uncuca ciento cuarenta y cuatro mil po bicheitomonae matabuxube. Barapo ciento cuarenta y cuatro mil po bicheitomonae matabuxube daxita carepaya itapa tinatsi barapo Cordero pia wun tatsi, yawano xua Paxa tatsi pia wun tatsino.

<sup>2</sup> Baroxonae jume tan pejume itaboco wetsica. Barapo pejume bichocono jume daunwei be poxonae xua ainya pin menein busin xua poxonae tajw wemene othopeica. Yawano be poxonae xua yamuxu nameta, yawa be poxonae ainya busin xua pinmonae tanbaba.

<sup>3</sup> Barapomonae pomonae tanbaba pexeinya wei naxuna Nacom pia pexeinya peecaethopaewa itabaratha tatsi, xuan xua barapo cuatro poyobe peitabaratha tatsi xua xuan asu, yawano xua pitiri jiwi pia peitabaratha tatsi. Ichamonae jopa itacupaetsi barapo wei xua peyaputaewa xua po wei naxuna barapomonae. Saya jame barapomonae, pomonae ciento cuarenta y cuatro mil po bicheitomonae matabuxube yaputane barapo wei xua pomonae po irathepiwi jiwamonae, pomonae bayatha Cordero capanenebiya abe pia peexanaewan weya poxonae tsitupa barapomonae.

<sup>4</sup> Barapomonae jopa nataxobiyo xua penasi cui exanaewa xua yabuxitha pejeinya enaexae. Yawano barapomonae exaneiba daxita xua pocotsiwan Cordero itoroba xua poxonae barapomonae napuna poneiba ichaxota Cordero poneiba. Barapomonae capanenebiyatsi, Nacom capanenebiya xua daxita carepaya jiwi jiwamonae tatsi xua barapomonae pecana exanaenexatsi pomonae bichocono pepa pejuntu coyene xanepanaewi Nacomtha iruno Cordero xua pomonae xua copiya, pomonae xua Nacom pejume cowantsiwichi.



<sup>5</sup> Barapomonae jopa penaerabiwi tsipei barapomonae bichocono pepa peꝓntu coyene xanepanae jiwi, Nacom peitabaratha tatsi. Barapomonae jopa xeinaeyo xua penatsicuentsiwa Nacom peitabaratha tatsi xua abe peexanaexae.

*Meje yabara po diwesi xua cueicueijeji acoibi poyobe matatsunpiwi*

<sup>6</sup> Bapoxonae tan ichun matatsunpin xua pupuna itabocotha. Barapo matatsunpin capana pexeinya jume diwesi po diwesi xua ataya tsiteca, po diwesi xua jiwi peapanenebiwatsi abe pia peexanaewan weya. Barapo diwesi daxita carepayan jiwi nexa: pomonae daxita nacuanmonaepiwi nexa, iruno pomonae tsicamonaexipiwi nexa, iruno pomonae barompaya icha jumein pecueicueijejiwi nexa, iruru daxita tomaranpiwi nexano.

<sup>7</sup> Barapon jume daunweya paeba, jeye: “Pacunuwiya jinompare Nacom xua beta painya nejume cowantsiwa. Yawano Nacom wuna paja inde. Tsipei anoxuae nama barapo matacabi patopa po mataqueitha Nacom yabara paebina jiwi xua penatsicuentsiwa xua abe peexanaexae. Wuna paja inde pon exana itaboco, xuano xua exana pin mar mene, yawa exana ira baxupana mene”, jei barapon pon jume daunweya paeba.

<sup>8</sup> Ichun matatsunpin cotacaya patopa, bapon jeye: “;Bayatha Babilonia tomarapiwi wetaxotsi po tomara pepa tomara, tsipei barapo tomarapiwi bichocono abe exana! ;Barapomonae cuiduba ichamonae xua ichamonae abe peexanae coyene peexanaenexa xua penasi cui exanaewa tsane yabuxitha, xua iru pebiwitha!” jei matatsunpin.

<sup>9</sup> Bapoxonae ichun matatsunpin patopa, bapon jume daunweya jeye: “Icha ichun wuna jainta ibo Corei nacomtha xua saya canaxoba yawa icha itapa tinatsi, yawa ichacuitha xua icha cobe juma tinatsi, bapoxonae Nacom bichocono casebina bapon xua bapon casebinchi.

<sup>10</sup> Bapoxonae Nacom bichocono abe exanaena bapon. Baxua Nacom exanaena xua bayatha bapon peyabara nacui wunaetsixaetsi. Jopa juniya exanae tsane poxoru bichocono Nacom yabara anaepana. Barapon bichocono atene tsane poxonae Nacom tautsina barapon isototha, yawa xua po tsuxu, tsuxu daena, po tsuxu pewun azufre matawun. Nacom baxua exanaena pia matatsunpiwi peitabaratha tatsi yawa Cordero peitabaratha tatsi.

<sup>11</sup> Po isototha Nacom tautsina bapon, barapo iso tsuxu athabe jujuneibiyaena ataya. Barapo petautsiwa jopa itacupae tsainchi xua pewetsiwa mataqueithano, yawa merawithano. Barapo isototha tautinchi pomonae pon be Corei wuna jaintatsi xuano xua barapo ibo Corei nacom wuna jaintatsi, yawano xua barapomonae itapa tinatsi barapo Corei pia wuntha tatsi”, jei matatsunpin.

<sup>12</sup> Pomonae exana dubenanaebiya po coyene Nacom itoroba pia peitorobi coyenewantha, yawano xua Jesús beta jume cowanta dubenanaebiyatsi, barapomonae apara xaniwaicha Nacom piamonae tatsi. Barapomonae tsita itapeinya xeina xua Nacom piamonaetsi tsipei barapomonae bepijawa jopa aitaconaeyo xua peewatsiwa pocotsiwa bexa Nacom exanaena pomonaetha, pomonae abe exana Nacom piamonaetha tatsi.

<sup>13</sup> Bapoxonae jume tan pejume xua peitaboco wenebaraichica. Nejei: “Baxua tinare: ‘Bu bara juntu coyene weiweina pomonae jume cowantsiya werapaena Jestutha, pon jiwi Pecanamataxeinaein’, jei”, nejei.

Nacom pia Pejumope tuxu tatsi jeye: “Aa baxua. Yawa wetsina pia penacuichiwan po penacuichiwan Nacom taexainchi yawa nafifina ewatsina Nacom pia nacuatheicha. Po coyene xua barapomonae juntu coyene xanepana dubenanaebiya, yawa po coyene xua barapomonae beta taexana dubenanaebiya xua ichamonae taexana dubenanaebiyatsi, barapo juntu coyene barapomonae yawa ponaena Nacom pia nacua beicha tatsi”, jei Nacom pia Pejumope tuxu tatsi.

*Meje yabara po diwesi xua matatsunpiwi cusin caucuboba po cae pin irathe tsique*

<sup>14</sup> Bapoxonae equeicha tan tsaquinaebowa xua inyapana. Barapo tsaquinaebo jumatha eca ponxae itaboco wetsica pona, ponxae Nacom peitapetsinxae. Bapon mataina tepa, yawa comaeca pocotsiwa be cusi xua xuiyoi.

<sup>15</sup> Bapoxonae icha matatsunpin Nacom pin pia bo weya pona. Bapon jume daunweya wawai pon tsaquinaebo jumatha eca beya, jeye: “¡Barapo cusi caucubobare yawa jore pocotsiwa xua naweta tsipei barapo matabi patopa, po mataqueitha naweta po cae pin irathe deque!” jei matatsunpin.

<sup>16</sup> Bapoxonae pon tsaquinaebowatha eca yawa xua cusi comaeca, barapo cusi caucuboba po cae pin irathe, daxita canacui wetsiya exana.

<sup>17</sup> Bapoxonae equeicha ichan matatsunpin Nacom pin pia bo weya pona xua itaboco weya. Barapo matatsunpin cusi capona, po wato bichocono xuiyoi.

<sup>18</sup> Bapoxonae equeicha icha matatsunpin pocotsiwa be pexaethopaewa weya pona ichaxota duwei tauteiba xua tuxusi exaneiba Nacom nexa. Barapo matatsunpin canamataxeina xua tauta pecana exanaewa. Barapo matatsunpin iru cusi xeina, po wato xuiyoi. Yawa bapon jume daunweya wawai icha matatsunpin beya pon iru pia wato xeina cusi. Bapon jeye: “¡Barapo cusi caucubobare yawa nore uva peparun xua po cae pin irathe deque dubena tsipei bayatha naweta!” jei barapo matatsunpin.

<sup>19</sup> Nexata barapoxonae barapo matatsunpin cusi caucuboba yawa nota uva peparun. Yawa barapo uva peparun bebaireca pin pecacubi fetotha xua pemene yucaenexa barapo uva cuei. Icha jiton ichi xua bichocono daunweya cuba uva cuei, bara jata ichi Nacom jiwitha, xua poxonae bichocono atene exanaena jiwitha xua abe peexanaexae jiwí.

<sup>20</sup> Barapo uva cuei tomara juma beya cuba. Barapo pecacubi feto wetsina jujuina petsobia mera, be pocotsiwa pejana, beya xua cawayu ponxo jayeichatsi yawa xua iratha iya xua taju beya xua trescientos po kilómetrobe. Icha jiton ichi uva cuei xua tomara juma beya cuba Nacom jiwitha barichi tsane bichocono atene exanaena pomonaetha pomonae abe peexanaewitha, beya poxonae pejanan taju ayei tsoponae tsane.

## 15

*Meje yabara po diwesi xua matatsunpiwi capana siete po coyenewabe xua po coyenewa peabe cui coyenewa*

<sup>1</sup> Bapoxonae equeicha tan peitabocotha icha pin petsita itutsi coyenewa xua nebe-naeca. Tan siete poyobe matatsunpiwi yawa xua cajjinca siete po cui coyenewabe xua po coyenewa peabe coyenewan. Poxonae weta xua exana barapo matatsunpiwi barapo siete po peabe cui coyenewabeta bapoxonae Nacom nacui weta xua poxonae anaya bichocono atene exana jiwí abe peexanaexae.

<sup>2</sup> Bapoxonae tan pocotsiwa be pin mene mar, po pin mene mar copiya tan. Barapo pin mene mar icha be bosibu muxupawa ichi xua penthiya. Yawa tan xua muxunaxuba pocotsiwa be isoto xua itadudubiya. Yawa tan pomonae amanayaba xua pon be Corei amanayabatsi. Barapomonae jopa wuna jainchiyo pon be Corei yawa pon be ibo Corei nacom, yawano jopa itapa tinaetsi pon be Corei pewantha. Barapomonae imoxoyo caquita umena barapo pin mar mene. Yawano barapomonae caumena arpa matawan xua pocotsiwa pecatanbabiwan xua Nacom catsiba.

<sup>3</sup> Barapomonae naxna Moisés pia wei tatsi, pon Nacom pia penacuichiwa tatsi taexainchi. Yawano barapomonae naxna Cordero pia wei tatsi, barapo naxobe weibe jeye:

“Pata Nacom, pon jiwí Necanamataxeinaein,  
daxita xam exaname bichocono peainya cui

coyenewa yawano bichocono wanae.

Xam pon, daxita neayapusu

itorobiya coyenewan xeiname.

Jinya coyenewan bara pexainyeiwan

poxoru beta exaname.

Xam itorobiya neewatsin daxita

carepaya nacuanpiwi.

<sup>4</sup>Xam pon jiwi Necanamataxeinaein.

Daxita jiwi junuwiya cabaru cui itura jinaena.

Yawano daxita jiwi wanae cajainchina tsipei

saya meisa xam nejuntu coyene xeicaem.

Daxita carepaya nacuanpiwi patsina xua wanae

necajainchinexa tsipei barapomonae bayatha tane

pocotsiwa xua betiya xanepanaya exaname”,

jei barapomonae.

<sup>5</sup>Bapoxonae equeicha tan peitabocotha Nacom pin pia bo. Po boyo tututha uncu barapo Nacom pin pia botha tatsi po boyotha ichaxota Nacom popona, barapo tutu nacoibo saranaxuba.

<sup>6</sup>Barapo tutu weya matatsunpiwi pona pomonae xua siete poyobe yawa capona siete po coyenewabe xua peabe cui coyenewan. Yawano nama xataba paparuwan, po paparuwan bichocono inyapana yawano daedaena. Yawa naepa paba pocotsiwan be coreinya bocoton xua beya juntacari jayabeinatsi.

<sup>7</sup>Bapoxonae tan caein, xua jiwana barapo cuatro poyobe xua xuan asu. Bapon barapo siete poyobe matatsunpiwi catsibatsi coroton xua wunba po coyenewan peabe cui coyenewan pocotsiwan Nacom exanaena, pon ataya popona.

<sup>8</sup>Bapoxonae barapo tututha, bichocono petsusu wunca. Barapo tsusu Nacom pia xainya weya tatsi tapichapatsi pon peainya cuin yawa xua peayapusu itorobi coyenewa pexeinaein. Dapon aibi pon pecopatsiwatsi xua pejoniyawa barapo tututha poxonae cataunxuae jopa wetsiyo barapo siete po coyenewabe po coyenewan peabe cui coyenewan xua matatsunpiwi capona.

## 16

*Meje yabara po diwesi xua barapo corototha xeina siete po coyenewabe po coyenewa xua peabe cui coyenewan*

<sup>1</sup>Bapoxonae jume tan xua jume daunweya wawai barapo tutu weya, xua wawai barapo siete poyobe matatsunpiwi beya, jeye: “Paponare po cae pin irathe deque, yawa barapo siete po coyenewabe po coyenewan xua peabe cui coyenewan xua xeina barapo coroton juntututha baxua paepababare bara bereca. Po coyenewan xua corotontha tsijuntutha xeina baraxuan po coyenein xua Nacom bichocono atene exanaena jiwi penatsicuentsexae xua abe peexanaexae Nacomtha”, jei.

<sup>2</sup>Matatsunpin pon xua ichaxota ba “uno”, jei, bapon copiya piawa epataba. Bapoxonae pomonae itapa tinatsi xua pon be Corei pewun tatsi, xuano xua wanae jainta ibo Corei nacom, bapomonae barapoxonae nainya xeina xua peaperubewan xua bichocono aperutane.

<sup>3</sup>Bapoxonae equeicha icha matatsunpin pon ichaxota ba jei “dos”, jei, bapon piawa epataba pin mar mentha. Bapoxonae barapo pin mar mene bichocono mene janowanaya be poxonae xua petupaein boca. Barapo pin mar mentha daxita werapa xua xuan baxota jinompa.

<sup>4</sup> Bapoxonae equeicha ichan matatsunpin pon xua ichaxota ba jei: “tres”, jei, bapon piawa epataba meneintha yawa ira baxapana meneintha, bapoxonae barapo menein be pejanan tsanaya.

<sup>5</sup> Bapoxonae jume tan barapo matatsunpin xua yapucauncua barapo menein. Bapon jeye:

“Nacom maisa xaniwaicha betiya yabara  
 paebame poxonae atene exaname jiwi xua  
 penatsicuentisixae xua barapomonae  
 bichocono abe peexanaewi.  
 Bapana jopa abe exanaem.  
 Xam nejantx coyene xeicaem,  
 yawa xua pon anoxuae nepoponaem,  
 yawa xua pon caena bayatha nepoponaemno.

<sup>6</sup> Tsipei barapomonae jinyamonae jutebatsi,  
 yawano tsipei jutebatsi pomonae  
 neitorobi jume pepaebiwi.  
 Daxota barapomonae xuya werapa exaname,  
 peyantomatsiwa exaname abe peexanaexae copiya”,  
 jei barapo matatsunpin Nacomtha.

<sup>7</sup> Equeicha ichan jume tan pon cueicueijei pon uncuca ichaxota pocotsiwa be pexaethopaewa xua ichaxota tauteiba duwei xua tuxusi exaneiba Nacom nexa, bara weya jeye: “Xam, Nacom pon jiwi Necanamataxeinaem daxita peayapusx itorobi coyenewan nexeiinaem. Tsipei xam yabara paebame xua jiwi penatsicuentisiwa xua abe peexanaexae daxota bewa atene tsane. Pocotsiwa xua exaname bara xaniwaicha betiya exaname, tsipei bapana jopa abe exanaem”, jei pon xua paeba.

<sup>8</sup> Bapoxonae equeicha icha matatsunpin pon ichaxota ba jei “cuatro”, jei, bapon piawa epataraba xometotha. Barapo matatsunpin xometo catatsi po coyene xua xometo exanaena xua jiwi petautsinexatsi xua xota bichocono atsa.

<sup>9</sup> Bichocono daxita carepaya jiwi taxuatsi. Ichitha barapomonae icha jantx coyene jopa xeinaeyo matautano Nacom jopa wanae jainchichi, yawa barapomonae Nacom abe yabara paebatsi yaitama Nacom xeina peayapusawa xua itoroba barapo coyenewan po coyenewan xua peabe cui coyenewa.

<sup>10</sup> Bapoxonae equeicha icha matatsunpin pon ichaxota ba jei: “cinco”, jei, bapon piawa epataraba pon be Corei pia peecaethopaewatha tatsi. Yawano barapon pon be Corei po coyene xua itoroba piamonae jopa xapain piamonae matabaponaeyo be pon xua pona poxonae quireitha. Daxota piamonae tatsi jantx coyene deideijei. Barapomonae peparaxaewa nawano sine.

<sup>11</sup> Jopa juniya exanaponaeyo barapo coyenewan po coyenewan xua peabe cui coyenewan, yawano cataunxuae barapomonae exanapona xua Nacom abe yabara paebatsi po Nacom itabocotha eca. Daxota barapomonae Nacom abe yabara paebatsi yaitama Nacom barapo peatene cui coyenewa itoroba yawano xua itoroba peaperatanewan.

<sup>12</sup> Bapoxonae equeicha icha matatsunpin pon ichaxota ba jei “seis”, jei, bapon piawa epataraba po pin mene mentha pewan Eufrates. Barapo Eufrates mene namto naexaniya xua pepatsinexa pomonae pocotsiwa werenepiwi pomonae jiwi itorobiya pia pepa pewatsiwichi.

<sup>13</sup> Nexata bapoxonae tan xua pon be jomowabi, pon Joyoinya. Iru tan pon ayei, pon be Corei. Iru tan pon xua naerabiya jeye: “Xan Nacom peitorobi jume tapaebin”, pon jei. Daxita barapomonae barompaya pia coiboton tsina tajujuinatsi acoibi poyobe cauri xua xuan be pocotsiwan cuei.

<sup>14</sup> Barapo caurimonae exana pexeinya petsita itutsi coyenewan. Barapo caurimonae ponarucupa xua penacaetuta exanaenexa daxita pomonae jiwi itorobiya pia pepa peewatsiwichi. Baxua exana xua naba peexanaenexa po mataqueitha Nacom nabenabe pon jomowabi pon Joyoinya. Barapon Nacom daxita peayapusu itorobi coyenewan pexeinaein.

<sup>15</sup> Nacom jeye: “Taema, jemeicha patopaein icha be pon pecaibin ichi poxonae jemeicha patopa. Juntu coyene weiweina pon xua yoyoca tsipei nama xatata paparuwa xua jopa petamsa ponaenexa jiwi itutha xua bapon petaewatsi daxita pia pepon”, jei Nacom.

<sup>16</sup> Daxita pomonae jiwi itorobiya pia pepa pecanamataxeinaewichi, barapomonae nacaetuta ichaxota po iratha pewun Armagedón xua hebreo jumetha. Barapo iratha nacaetuta xua naba peexanaenexa xua po mataqueitha Nacom nabenabe pon be jomowabi, pon Joyoinya.

<sup>17</sup> Bapoxonae equeicha ichun matatsunpin pon ichaxota ba jei “siete”, jei, bapon piawa epataba barapo irathe matatsun susatotha. Bapoxonae itabocotha xua tutu wetsica ichaxota Nacom pia pexeinya peecaethopaewatha baxota jume tan pon xua jume daunweya cueicueijeiya jeye: “Bara bayatha nacui xainwaetaba”, jei pon xua paeba.

<sup>18</sup> Bapoxonae bichocono jerajerei itabocotha, yawa pejumein, yawa bichocono jurujurei. Matautano bichocono ira jijiyata beyacaincha xua poxonae ira jijiyateiba poxonae copiya jiwi aena naexana po cae pin nacuathe xua beya anoxuae.

<sup>19</sup> Po tomara, pepa tomara barapo tomara ainya wanbe exanabe poxonae baxua ira jijiyata. Icha iranthe barichi baxota toman abe exana. Nacom yabara nanta xeina Babilonia tomara tsipei barapo tomarapiwi abe peexanaewi. Daxota Nacom barapo pepa tomara abe exana poxoru bichocono anaepana barapomonaetha.

<sup>20</sup> Daxita petunaeton yawano daxita demxuwana aichurubena xua ira pejjijiyatsixae.

<sup>21</sup> Barichino itaboco weothopeica xua jiwi matatsun othopeicatsi pocotsiwan dederaawa xua xuan benata ichaxota po eman bichocono aque. Barapo pedederawiwana bichocono arewe. Bapoxonae barapo jiwi Nacom bichocono abe yabara paebatsi yaitama Nacom itoroba barapo pedederawiwana pocotsiwa bichocono abe barapomonae nexa.

## 17

*Meje yabara po diwesi xua Nacom itaweta powa xua bichocono penasi cui matacaetsiwa xua weiweina pia paratixichi powa xua yabara caunutatsi Babilonia tomara*

<sup>1</sup> Nexata bapoxonae taxantha patopa caein matatsunpin jiwana, po matatsunpiwi siete poyobe yawa xua siete xoyobe matauta capona coroton. Bapon nejei: “Anetha catsita itutinchu xua yabayo powa bichocono penasi cui matacaetsiwa xua weiweina. Barapowa eca ichaxota pin mar mene, powaxae xua yabara caunutatsi Babilonia tomara.

<sup>2</sup> Pomonae jiwi itorobiya pia pepa peewatsinchi barapo cae pin nacuathe barapomonae yawa muxuna abe nanabarua exana bapowa. Matautano daxita carepaya pomonae po cae pin irathe jinompa barapo coyene exana bara jupa, icha barapomonae ichi. Barapowa cana exana xua barapo jiwi abe exana, tsipei barapo jiwi ichichipa po penasi cui matacaetsiwa bapowa exana”, nejei matatsunpin.

<sup>3</sup> Poxonae cataunxuae Nacom pia Pejumope tuxaxu tatsi netsita ituta baxua, bapoxonae matatsunpin necapana ira xuepana susato tsurucuae nacua beya. Baxotiya petsiriwa tan xua eca pon ayei pon be Corei bapon pejumatha, xua pon tsobia. Bapon daxita carepaya pepontha tinaduba po jumein xua Nacom abe yabara paebatsi. Yawano bapon siete po matasipabe xeina yawa diez po pentetobe xeina.

<sup>4</sup> Bapowa nama xatata paparuwa, po paparuwa mu sujei yawa mu tsobia. Bapowa yawa napepena xua pocotsiwan pewun oro nain, yawano be ibotixi xua pocotsiwan



ainya matoman, yawano po warowa xu inyapana xua po warowa xu pewun perla. Barapowa pecobetha xeina coroto penain coroto xua oro nain yawa wunta pocotsiwan xua be mara, yawa barapowa pia penasi cui matacaetsi coyene xua weiweina.

<sup>5</sup> Powa xua yabara caunutatsi Babilonia tomara, barapowa peitapatha tinaduta pewun, po wun jiwi jopa yabara yaputaeyo. Barapo wun jeye: “Powa xua yabara caunutatsi pepa Babilonia tomara, bapowa be coxiwa natsicotane, xua powaxi nasi cui matacaeta xua weiweina barapowaxi pena tatsi. Matauta bapowa daxita pomonae xua bichocono abe peexanaewi barapomonae pena tatsi”, jei xua tinaduta.

<sup>6</sup> Pirapaeyo jume tan xua barapo Babilonia tomarapiwi yabara jeichi: “Icha pebin ichi xua peatsaxae mera bichocono cupatsi, barapo Babilonia tomarapiwi barapocotsi coyeneya juta ichiya exana. Baxua exana, tsipei barapo Babilonia tomarapiwi juteba pinmonae pomonae Nacom pijimonae tatsi, iru pomonae Jesús pejume diwesi pepae-biwi”, yabara jeichi barapo Babilonia tomarapiwi.

Poxonae tan xua barapo tomarapiwi be cupatsi bichocono, yabara nabenaecan bapoxonae.

<sup>7</sup> Bapoxonae matatsunpin nejei: “¿Eta xua metha nabenaecame? Yabara cayaputane exanaeinchi bapowa xua pocotsiwa jopa yaputaem. Yawano yabara cayaputane exanaeinchi barapon pon be Corei, pontha xua bapowa eca peumatha. Bapon siete po pentasipabe xeina xuano xua diez po pentetobe xeina.

<sup>8</sup> Barapon pon be Corei pon taneme caena bayatha popona barapo cae pin nacuathe. Anoxuae jopa poponaeyo. Ichitha bexa tsane juinaena po muthu bichocono pin muthu tsina. Bapoxonae nama yatsicaewa weweracaena. Bapoxonae jinompaena jiwi barapo cae pin irathe. Barapomonae jopa wun dubenaeyo Nacom pia diborotha tatsi, po diborotha xua jei: ‘Pomonae wun dubena barapo diborothe jopa weweracae tsane’, jei. Barapo jiwi caena bayatha jopa wun tinaetsi barapo diborotha. Barapo jiwi poxonae taena barapon xua taeinchi pon be Corei bichocono najuntu coyene cabenaecaena. Daxota najuntu coyene cabenaecaena tsipei caena bayatha popona, xua anoxuae ajibi ichitha equeicha bexa patopaena xua peponaewa tsane barapo cae pin irathe”, nejei matatsunpin.

<sup>9</sup> Equeicha matatsunpin nejei: “Meje tha xua paebichi xua ichamonae itacupatsi peyabara yaputaewa baxua: Barapo siete po pentasipabe xua pon be Corei, barapo siete matasipabe demxuwana yabara caunuta xua po matasipantha ichaxota barapowa peumatha eca, powa xua Babilonia tomara yabara caunutatsi. Barichi barapo siete po pentasipabe xua pon be Corei, yabara caunutatsi pomonae jiwi itorobiya pia pepa peewatsiwichi.

<sup>10</sup> Cinco poyobe barapomonae pomonae jiwi itorobiya pia pepa peewatsiwichi bayatha naitapataya werapoinca. Caein anoxuae barapo siete poyobe jiwana matacapona po cae pin irathepiwi, ichun bexa tsane patopaena xua matacaponaena barapo cae pin irathepiwi. Ichitha poxonae bapon patopaena jopa ainya dapaein matacapoponae tsane po cae pin irathepiwi.

<sup>11</sup> Bapon pon be Corei pon caena bayatha popona xua anoxuae jopa poponaeyo, bapon ichaxota ba jei: ‘ocho’, jei, bapon pon jiwi itorobiya pia pepa peewatsinchi naexanaena po cae pin irathepiwi nexa, bequein bapon caena bayatha tupa xua barapo siete poyobe jiwana. Bapoxonae nama equeicha weweracaena poxonae tupaena”, nejei matatsunpin.

<sup>12</sup> Equeicha matatsunpin nejei: “Barapo diez po pentetobe xua taneme xua po penteton yabara caunutatsi pomonae jiwi itorobiya pia pepa peewatsiwichi, barapomonae cataunxuae jopa patsiyo xua itorobiya peewatsinexatsi po cae pin irathepiwi. Ichitha po peitorobi coyenewa barapomonae catsibinchi xua saya bara caeto itorobiya ewatsinchi po cae pin irathepiwi xua iru barapon pon be Corei itorobiya ewatsina.

<sup>13</sup> Barapo diez poyobe pomonae piamonae itorobiya pepa peewatsiwi peburaya nanta xeinarуcуpa. Matautano barapo diez poyobe pomonae piamonae itorobiya pepa peewatsiwi pia peayapusya exanaewan pon be Corei catatsi, yawano peayapusu itorobi coyenewa catatsi.

<sup>14</sup> Daxita barapomonae pomonae diez poyobe, pomonae piamonae itorobiya pepa peewatsiwi iru pon be Corei, Cordero butsi. Ichitha barapo Cordero amanayabina daxita barapomonaetha. Tsipei barapon pon jiwi pia pepa Pecanamataxeinaeinchi pia peayapusu itorobi coyenewa xeina beyacaincha xua ichamonae xeina pomonae jiwi pecanamataxeinaewichi. Matautano bapon pon Corderoxae jiwi itorobiya pia pepa Peewatsinchi tatsi pia peayapusu itorobi coyenewa xeina beyacaincha xua ichamonae xeina pomonae jiwi itorobiya pia pepa peewatsiwichi xua iru xeina pia peayapusu itorobi coyenewa. Pomonae Cordero nabaru yawenatsi xua poxonae amanayaba barapomonaetha, Nacom waba barapomonae poxoru Nacom pia peitapetsiwichi tatsi, matautano tsipei exana pocotsiwa Nacom itoroba”, nejei matatsunpin.

<sup>15</sup> Equeicha barapo matatsunpin nejei: “Xua xam po menein taneme mar menein xua ichaxota yabuyo eca pon be Corei peumatha, barapo mar menein yabara caunutatsi be tomaramonaepiwi, xua yabara caunutatsi tsicamonaexipiwi, yawano yabara caunutatsi pomonae icha jumeintha pecueicueijejiwi, yawano yabara caunutatsi daxita nacuanpiwi.

<sup>16</sup> Bayatha taneme barapon pon be Corei diez po pentetobe, po penteton yabara caunutatsi diez poyobe pomonae jiwi itorobiya pia pepa peewatsiwichi. Barapomonae pomonae jiwi itorobiya pia pepa peewatsiwichi barapowa bichocono casebinchi powa pesi cui weiweinaewa. Yawano wecobe pitinchi xua bapowa pia peitorobi coyenewa tatsi yawano jumasa xubinchi. Yawano barapomonae wi xaena, xua bapowa wi xaeinchi. Bapoxonae bapowa pia pepon tautinchi isototha.

<sup>17</sup> Nacom itoroba xua barapomonae pia pejuntu coyenetha peexanaewa tsane xua pocotsiwan Nacom ichichipa. Daxota barapomonae pomonae jiwi itorobiya pia pepa peewatsiwichi pomonae diez poyobe, peburaya nanta xeinarуcуpa xua barapomonae pia peayapusu itorobi coyenewanxae tatsi pon be Corei catsinchi. Baxuan catsina beya abu poxonae wetsina pocotsiwa Nacom bayatha paeba.

<sup>18</sup> Petsiriwa powa taneme xua powa nasi cui matakaeta xua weiweina, bapowa cayabara caunutatsi: ‘Po tomara pepa tomara’, jei. Pon itorobiya pepa peewatsin xua barapo pepa tomaratha, bapon itoroba daxita ichamonae pomonae jiwi itorobiya pia pepa peewatsiwichi pomonae barapo cae pin nacuathepiwi itorobiya ewatatsi”, nejei matatsunpin.

## 18

*Meje yabara po diwesi xua daxita omeicha cayabara wetapentatsi Babilonia tomara-piwi xua muxuna tomarano*

<sup>1</sup> Bapoxonae equeicha tan ichan matatsunpin xua pon peitaboco wetsica pona po cae pin irathe tsique. Barapo matatsunpin xeina ainya peayapusu itorobi coyenewan. Bapoxonae bapon exana xua ira bichocono pentha tsurucuae xua pia pepon weya cueicha pona.

<sup>2</sup> Yawano bapon jume daunweya wawai, jeye:

“;Bayatha Babilonia tomarapiwi

wetapentatsi yawa tomara abe

exanatsi, po tomara pepa tomara!

;Yawano anoxuae caurimonae baxota jinompa!

<sup>3</sup> Tsipei daxita carepaya nacuanthapiwi

bichocono abe exana, po abe peexanae

coyenewa pocotsiwa xua barapo  
Babilonia tomarapiwi exana.

Yawano pomonae jiwi itorobiya pia pepa  
peewatsiwichi barapomonae cuiduba piamonae  
xua abe peexanaewa tsane icha barapo  
Babilonia tomarapiwi ichi xua abe exana.

Yawano pomonae pecaenaetsiwi piawan, bapomonae  
xuya copei pexeinaewi naexana, tsipei barapo  
tomarapiwi copei ayei ichichipa xua beta  
pejinompaewa tsane”, jei matatsunpin.

<sup>4</sup> Bapoxonae equeicha ichawa jume tan xua wawai itabocotha, jeye:

“Pomonae tamonaepiwi pam, barapo tomara weya  
paponarucupare, xua jopa abe painya  
neexanaenexaruc icha barapo tomarapiwi  
ichi xua bichocono abe peexanaewi.

Bapoxonae Nacom jopa paca atene exanae tsane  
icha bayatha ichichi xua atene exainchi  
barapo Babilonia tomarapiwi.

<sup>5</sup> Tsipei barapo abe peexanae coyenewan  
xua barapo tomarapiwi exana bichocono  
aye xua daxota Nacom pon itabocotha  
pecaein tane baxuan.

Daxota Nacom yabara nanta xeina  
xua atene exana barapomonaetha.

<sup>6</sup> Barabuc ichamonae jupa exanaena  
barapomonaetha, icha be pocotsi coyeneya  
xua bapomonae abe taexana ichamonaetha.  
Barabuc barapomonae pentoma catsibinchi  
xua po pentoma equeicha mataropataba  
xua peatenewa.

Barabuc barapomonae bichocono atene tsane,  
icha be pocotsi coyeneya xua poxonae  
barapomonae atene taexana ichamonaetha.

<sup>7</sup> Pocotsiwa xua bapomonae exana xua atsaca  
naexana xua penasi cui matacaetsi jiwi naexana,  
barabuc barapomonae bichocono atene tsane,  
yawa wecoyei tsane.

Tsipei bapomonae pia coutha natsipaeba, jeye:

‘Waxainchi xote enatsi.

Waxainchi jopa dapomonaetsi pomonaetsi pomonae  
waseuri jiwi wanaca cuenta werapaewi.

Matautano waxainchi pomonae jiwi  
itorobiya pia pepa peewatsi jiwichi, jopa  
bichocono atene tsainchi’, jei bapomonae.

<sup>8</sup> Daxota saya caentaqueitha tsane jopaena po  
coyene xua abe peexanaewa tsainchi bapomonae,  
xua bichocono peperaxa jubuwa tsainchi,  
matautano xua pejainpaewa tsane bichocono,  
yawano xua petautsiwa tsainchi xua werapaena.  
Tsipei Nacom pon pepa Pecanamataxeinaein jiwi  
peayapusuc itorobi coyenewa xeina, yawano

bapon pia coutha yabara paebina po coyene xua tsitatsi xua bapomonaе natsiaenaе cuenta abe peexanaexae”, jei matatsunpin.

<sup>9</sup> Pomonaе jiwi itorobiya pia pepa peewatsiwichi xua po cae pin irathe, pomonaе xua bayatha iruru abe exana poxonaе barapo Babilonia tomarapiwi abe exana, barapomonaе bichocono wecoyei tsane poxonaе xua taena iso tsuxu xua poxonaе barapo Babilonia tomarapiwi tautsinchi.

<sup>10</sup> Barapomonaе taju wetaeumeinyaena poxoru cunuwa xua pocotsiwa Nacom cana exanaena barapo Babilonia tomarapiwi. Barapomonaе pomonaе jiwi itorobiya pia pepa peewatsiwichi najei tsane:

“¡Pai jaibo Babilonia tomarapiwi pam tsobenaе!

¡Babilonia tomara tsocuaem!

Bequein pepa tomara tsocuaem, ichitha saya

bara cae horatha barapo tomaram omeicha

Nacom cawetaxubina”, najei tsane barapomonaе.

<sup>11</sup> Daxita pomonaе caenaeta piawan barapomonaе bichocono wecoyei tsane xua barapo Babilonia tomara siwa wecoyeichi tsainchi tsipei barapomonaе jopa xeinae tsane xua comocaeinchi xua pia pecaenaetsiwan.

<sup>12-13</sup> Barapomonaе xua pocotsiwan caenaeta dubenanaebiya baxue: xua pocotsiwan pewan oro nain matawan, yawano xua pocotsiwan penainwan xua plata nain matawan, yawano xua ira burupana iboton xua bichocono ainya matoman, yawano xua pocotsiwan be warowaxu pocotsiwan perla matawan, yawano papaburu pocotsiwan bichocono ainya matoman pocotsiwan seda matawan, yawano po paparuwan ma sujei, yawa xua xuan ma tsobia; yawano napaewan, po naein xua bichocono tuxuei; yawano xua ichawan weya forobano xua pocotsiwan marfil matawan, yawano xua ichawan weya forobano xua naewan xua po naewan bichocono ainya matoman, yawano xua ichawan weya forobano xua pocotsiwa bronze nain matawan, yawano xua ichawan weya foroba xua penainton, po penainton hierro nain matawan, yawano xua ichawan weya foroba xua iboton, po iboton mármol ibo matawan; yawano capana po petuxueiwan canela tseboco matawan, yawano ichawanno capana xua ichawan xua petuxueiwan; yawano capana icha petuxueiwan xua incienso xua po tuxusi tuxueiwa benata poxonaе taxua exana, yawano icha petuxueiwa pocotsiwan be mauto xua jiwi tauta petuxusi tuxuei exanaenexa, yawano icha petuxueiwanno; yawano vino meran, yawano penasiwan, yawano pebenon xua trigo xu benon, yawano pepa xu xua trigo xu; yawano jota duweimonaein, ovejamonaеin, cawayumonaеin, yawa caronaemonaein, xua cawayu pecaponaе naexi, yawano jiwino capoinchi pecaenaetsinexatsi xua pomonaе jiwi pebusi cui tatayebeibiwichi peexanaenexa tsainchi.

<sup>14</sup> Barapomonaе jei tsane xua barapo Babilonia tomarapiwi yabara jei tsainchi:

“¡Anoxuae jopa paxeinaem pethei, po pethei

ainya matoman po pethei paichichipame bichocono!

¡Anoxuae nama pacata aichurubenaе xua

copei xeina painya nenaexanaewam xua

bara ataya tsane!” jei tsane.

<sup>15</sup> Pomonaе xua caenaeta dubenanaebiya pocotsiwan xua ainya matoman yawa xua cobe caewita paratixi xua barapo tomarapiwi cobe caewitatsi, barapomonaе taju wewewatumendena xua abe peexanaeyainwatsi xua Nacom exanaena. Barapomonaе bichocono wecoyei tsane.

<sup>16</sup> Barapomonaе jei tsane:

“¡Pai jaibo pepa Babilonia tomara tsobenaе!

Xam Babilonia tomaram bichocono pexeinya

tomaram, icha yabꞑyo ichi xua pexeinyawayo  
poxonae paparuwa nama xatata po paparuwa  
bichocono sꞑjei yawa bichocono tsobia.

Yawano barowa narepena xua pocotsiwa pewꞑn  
oro nain yawa xua be ibotixi xua pocotsiwan  
ainya matoman yawano po warowa xu xua  
inyapana xua pewꞑn perla.

<sup>17</sup> ꞑSaya bara cae horatha daxita aichurubena  
xua xuan barapo tomara xeina!”  
jei tsane barapomona.

Pomona jera pecanamataxeinaewi, yawano pomona xua napon xua warapa icha  
tomaratha nexa, irꞑ pomona petanacuichiwi barapo jera naeintha, irꞑno pomona  
nacuita jeratha, daxita barapomona tajꞑ wenecotumendena.

<sup>18</sup> Poxonae barapomona tane xua iso tsꞑxꞑ xua barapo Babilonia tomara tautatsi,  
barapomona jume daunweya wawai, jeye: “Icha pepa tomara aibi po tomara wꞑnae  
pocotsi tomara icha Babilonia tomara ichi”, jei.

<sup>19</sup> Barapomona pia cui xeina xua tsorobotha nantatsaeba poxoru bichocono we-  
coyei. Wawaya jeye:

“ꞑPai pepa Babilonia tomara tsocuae!  
ꞑAnoxuae jopa peraichiwa xua pocotsiwan bayatha  
jera wꞑnbatsi xua copei xeina naexainchi  
xua poxonae naca comoca barapo tomarapiwi!  
ꞑDaxita baxuan caayawachurucuae  
exainchi tomara!” jei barapomona.

<sup>20</sup> Ichitha paxam pomona itabocotha  
painya nejinompaewi pam irꞑ pomona  
tamona pam, irꞑ pomona Jesús pia  
peitorobiwi tatsi pam, irꞑ pomona Nacom  
peitorobi jume pepaebiwi pam.

Daxita barapomona pam, pajꞑntꞑ coyene  
weiweinare xua pacata peichurucuaexae  
barapo Babilonia tomara.

Nacom xuya abe exana barapo Babilonia  
tomara tsipei bayatha barapo tomarapiwi  
pacata abe exana.

<sup>21</sup> Bapoxonae matatsunpin pon bichocono pia peayapusꞑ itorobiwa xeina, bapon  
pita iboto, po iboto bichocono pin iboto xua be pocotsi ibototha jiwi cuba trigo xu.  
Bapoxonae barapo matatsunpin xuba barapo iboto pin mar mentha. Bapon jeye:

“Icha barapo iboto ichin xua xuban barapo  
pin mar mentha, Nacom barichi wetaxuba  
barapo Babilonia tomara xua equeicha  
jiwi jopa petaewa tsane.

<sup>22</sup> Yawano bapana equeicha jiwi jopa jume  
tae tsane xua petanbabiwan busin xuan  
pewꞑn arpa matawꞑn, yawano xuan po  
peobiwa jumein pewꞑn flauta matawꞑn,  
yawano icha peobiwan jumein xuan  
pewꞑn trompeta matawꞑn.

Mataꞑtano jopa tae tsane pomona xua  
barompaya piawan penata exanae jiwi.  
Mataꞑtano jopa busi tae tsane barapo



pin tomaratha xua busi  
 xu yacatoyeraba trigo xu xua pin ibototha.  
<sup>23</sup> Matautano jopa yonoyonei tsane pecoichan.  
 Matautano jopa jume tae tsane xua pin  
 penabanaewa exana xua poxonae  
 pebin pecotsiwa pita.  
 Pomonae pecaenaetsiwi barapo pin tomaratha  
 bichocono copei pexeinaewi xua daxota  
 daxita nacuanpiwi yabara cui yaputane  
 xua barapomonae peainya cui jiwi.  
 Barapomonae pomonae Babilonia tomarapiwi  
 itacupatsi xua daxita nacuanpiwi  
 muxuitorobatsi mara peexanaewi pia  
 coyeneyatha xua daxota iru abe  
 peexanaenexa tsane, icha barapo Babilonia  
 tomarapiwi ichi xua abe exana”,  
 jei matatsunpin.

<sup>24</sup> Nacom weraweraca exanaena barapo tomara. Barapo tomarapiwi Nacom tsitatsi xua barapomonae penatsicuentisiwa xeina xua ichamonae pejutebixaetsi, pomonae Nacom pia peitorobi jume pepaebiwi, iru pomonae Nacom pejume cowantsiwichi tatsi yawano daxita pomonae bayatha jutebatsi po cae pin nacuanthepiwi xua ichamonae juteba icha tomarantha.

## 19

<sup>1</sup> Bapoxonae peitabocotha jume tan xua juinya pinmonae jeye:

“iBarabu Nacom wunaenae jainatsi, Nacom naca  
 capanepa abe waexanae coyenewan weya!  
 iMaisa Nacom pexeinya juntu coyene pexeinaein!  
 iMaisa Nacom bepa juniya xeinae  
 peayapusu itorobi coyenewa!

<sup>2</sup> Nacom wunaenae jaintatsi tsipei bapon Wanacom.  
 Poxonae yabara paeba jiwi xua  
 penatsicuentisiwa xua abe peexanaexae,  
 bara beta xaniwaicha exana.  
 Yawano bapon bichocono atene exana  
 barapowa powa xua penatsicuentisiwa  
 xeina xua abe peexanaexae.  
 Bapowa penasi cui matacaetsiwa xua  
 weiweina pebiwitha pia paratixichi.  
 Barapowa yabara caunutatsi Babilonia tomara  
 po tomaramonaenae xua penatsicuentisiwa xeina xua  
 abe peexanaexae icha bapowa ichi.  
 Bapowa bayatha cuiduba barapo cae pin  
 nacuapiwi xua iru abe exana icha  
 xua barapowa ichi.  
 Tsipei bapowa Nacom pijimonaenae tatsi  
 jutebatsi daxota xuya Nacom pijimonaenae  
 yantomata xua poxonaenae bapowa bexotsi powa  
 peyabara caunutsixaetsi Babilonia  
 tomarapiwi”, jei xua juinya pinmonae.  
<sup>3</sup> Barapo pin ayei jiwi jeye:

“¡Barabꝰ Nacom wꝰnae jaintatsi!  
 ¡Iso tsꝰxꝰ xua bapomonaе tautatsi barabꝰ  
 barana jopa athabe jujuinae tsane xua pepu  
 ataya tsane!” jei barapomonaе xua juinya pinmonaе.

<sup>4</sup> Baroxonaе veinticuatro poyobe pomonaе pitiri jiwi, irꝰꝰꝰ cuatro poyobe xua xuan asꝰ daxita barapomonaе irabe taeumenareca xua Nacom wꝰnae pejainchinexa tsainchi, jeye: “¡Je bara ichi tsane! ¡Barabꝰ Nacom wꝰnae jaintatsi!” jei daxita barapo matabꝰxꝰmonaеbe.

<sup>5</sup> Baroxonaе Nacom pia pexeinya peecaethopeibiwatha, jume tan pejume, xua jeye: “¡Daxita pam, pomonaе Nacom pata exaname, Nacom pon pata Nacom, wꝰnae pajainde! ¡Irꝰꝰꝰ pomonaе paexaname pocotsiwa Nacom paca itoroba, Nacom wꝰnae pajainde! ¡Irꝰꝰꝰ pomonaе peacopeibi jiwi irꝰꝰꝰ pomonaе copei pexeinae jiwi, daxita paxam Nacom wꝰnae pajainde!” jei pejume xua paeba.

*Meje yabara po diwesi xua poxonaе jiwi tsinacaetuta pexaewa penabanaenexa poxonaе Cristo, pon Cordero, pecotsiwa nacueyaba*

<sup>6</sup> Yawano jume tan peitabocotha xua pejumein be pin bicheitomonaе be poxonaе xua ainya pin mar menein busin, yawano be xua xuan yamꝰxꝰ jurujurei. Barapo jumein jeye:

“¡Barabꝰ Nacom wꝰnae jaintatsi  
 pon jiwi Pecanamataxeinaein!  
 Bapon nama anoxuae tamropata pitaba  
 xua daxita carepaya nacuanthapiwi  
 itorobiya ewatsinchi.  
 Bapon xeina daxita coyenewan xua pia  
 peayapusꝰ itorobi coyenewan.

<sup>7</sup> ¡Jꝰntꝰ coyene weiweinatsi yawano jacobatsi, jeichichi: ‘Maisa pexeinya jꝰntꝰ coyene pexeinaein’, jeichichi!  
 Baxua bewa exanaetsi tsipei patopa matababi poxonaе po matababitha jiwi tsinacaetuta pexaewa penabanaenexa poxonaе pon Cordero, piowa nacueyaba.  
 Barapon pon Cordero, pecotsiwa tatsi nacui xainwaeta, poxonaе po matababitha jiwi pin penabanaewa tsinacaetuta xua penabanaewa tsane.

<sup>8</sup> Barapowa copatatsi xua penama xatatsinexa paparuwa, po paparuwa bichocono pexeinya paparuwa.  
 Barapo paparuwa bichocono inyapana yawa xua bichocono mꝰ daedaena.  
 Barapo pexeinya paparuwa caunuta xua po coyenein Nacom pia peantobewichi tatsi exana xua po coyenein Nacom tsita xanepanatsi.  
 Barapo yabꝰyo yabara caunutatsi Nacom pijimonaе tatsi, pomonaе Nacom pejume

cowantsixaetsi”, jei barapo pin bicheitomonaē.

<sup>9</sup> Bapoxonaē matatsunpin nejei: “Tinare xuaje: ‘Bichocono jantū coyene weiweina pomonaē Nacom waba poxonaē pin penabanaewa tsinacaetuta xua penabanaewa tsane poxonaē pon Cordero, nacueyaba pecotsiwa’, jande poxonaē xua tiname”, nejei barapo matatsunpin. Equeicha nejei: “Daxita po jumein xua catsipaebatsi barapo jumein xaniwaicha Nacom paeba”, nejei barapo matatsunpin.

<sup>10</sup> Bapoxonaē barapo matatsunpin petaxutha irabe taeuncuarecan xua wūnaē tajainchinexa. Ichitha bapon nejei: “¡Bara! Jopa baxua neexanaeinde. Apara xan irū ponxaein Nacom piawa taexanaein, icha xam ichim xuano xua icha jinya jiwimonaē ichi pomonaē Nacom pejume cowantsiwichi, xuano xua jume cowanta dubenanaebiya pocotsiwan xuan Jesús paeba. Jame Nacom bapon wūnaē jainde”, nejei matatsunpin.

Baxuan xuan pocotsiwan Jesús paeba xua xuan pexainyeiwan, baxuantha yawenatsi nawita pomonaē Nacom peitorobi jume pepaebiwi.

*Meje yabara po diwesi xua pebin equeica cawayutha, pon pemainyan*

<sup>11</sup> Bapoxonaē peitabocotha tan xua naitaboco yausaranaxuba. Baxota naituta cawayu, pon pemainyan. Pon xua cawayutha equeica, wūn dutatsi, jeichichi: “Pon xua pejume cowanta ducuaenaebiyaein, yawano xua xaniwaicha pepaebin”, jeichichi. Bapon xainyeya betiya yabara paeba jiwi xua penatsicuentsiwa xua abe peexanaexae. Matautano bapon xainyeya betiya exana poxonaē naba ichamonaetha.

<sup>12</sup> Bapon peitamaiqueito be isoto itareto xua yonoyonei. Yawano bapon nantatsun etounya pentasipatha ainya tepan. Yawano bapon tinaduta pewūn po wūn xua saya meisa bapon wūn yaputane.

<sup>13</sup> Yawano nama xatata paparuwa, po paparuwa pejanan dubena be poxonaē xua jautuxuba pejanatha. Bapontha Nacom wūn duta: “Nacom Pejume”, jei.

<sup>14</sup> Bapon puna poinchi soldadomonaē itabocopi soldadomonaē, pomonaē Nacom pia soldadomonaē tatsi. Barapo soldadomonaē pexeinya paparuwan nama xataba xua xuan mū inyapana, yawa xua axuiruibi. Yawano barapomonaē eneica cawayumonaeintha xua xuantha pemainyawantha.

<sup>15</sup> Barapon pon mata capana pia soldadomonaē pecoiboto tsina tapichapeinatsi cusi, po wato bichocono xuiyoi. Bapon barapo watotha ucuboba xua jiwi ucubobatsi, pomonaē po irathe jinompe. Yawano bapon ajumeyapusūya itorobi ewatsina jiwi. Yawano bapon daunweya yabara paebina jiwi xua penatsicuentsiwa xua abe peexanaexae, icha jiton ichi xua daunweya nataxu tsapabatouba uva cuei xua vino mera pia exanaetsi. Bapon bichocono atene cana exanaena pomonaetha pomonaē jopa pejume cowantsiwichi, tsipei bichocono Nacom caseba barapomonaē. Barapon Nacom pia peayapusū itorobi coyenewan xeina xua jiwi peperaxa exanaewatsi.

<sup>16</sup> Bapon nawūn tinaduta pia pejumainaewatha, yawa nawūn duta pethutotha xua po wūn jeye: “Pon Corderoxae jiwi itorobiya pia pepa Peewatsinchi tatsi, pia peayapusū itorobi coyenewa xeina beyacaincha xua ichamonaē xeina pomonaē jiwi itorobiya pia pepa peewatsiwichi xua irū xeina pia peayapusū itorobi coyenewa. Matautano bapon pon jiwi pia pepa Pecanamataxeinaeinchi pia peayapusū itorobi coyenewa xeina beyacaincha xua ichamonaē xeina pomonaē jiwi pia pepa pecanamataxeinaewichi”, jei barapo wūn.

<sup>17</sup> Bapoxonaē matatsunpin tan xua xometo coichatha uncuā, bapon jume daunweya wawai peyapupunaewi beya xuan jinompa itabocotha, jeye: “Anetha xua painya nexaewa tsane Nacom pin pia penabanaewa.

<sup>18</sup> Barapo penabanaewan paxaema, xua pomonaē jiwi itorobiya pia pepa peewatsiwichi pewi, yawano soldadomonaē pia pentacaponawewi tatsi barapomonaē pewi, yawa pomonaē peamanayabeibi jiwi barapomonaē pewi, yawa cawayu pewi, yawa pomonaē xua eneica pewi. Daxita xua irū ichamonaeno barapomonaē pewi. Irū pomonaē

penata exanaewi pia coutha barapomonaewi, ichacuitha xua iru pomonaewi amanaya petanacuichi jiwu barapomonaewi. Irano pomonaewi jiwu pebusi cui tatayebeibiwichi barapomonaewi, irano pomonaewi copei pexeinaewi barapomonaewi”, jei matatsunpin.

<sup>19</sup> Bapoxonaewi tan pon ayei pon be Corei, yawano tan pomonaewi jiwu itorobiya pia pepa peewatsiwichi xua baru pona pia soldadomonaewi. Daxita barapomonaewi nacaetuta xua nantiya penabinexa tsane pontha pon pia soldadomonaewi matacapona xuano yawa pia soldadomonaewi tatsu petanabinexa tsainchi.

<sup>20</sup> Barapon pon ayei, pon be Corei, bapon maxu cubiya waetabatsi iru maxu cubiya waetabatsi pon naerabiya jeye: “Xan Nacom peitorobi jume tapaebin”, jei, pon xua petsita itatsi coyenewan exana xua pon be Corei taexanatsi xua pon be Joyoinya pia peayapusu itorobi coyenewatha tatsu. Barapo petsita itabiwantha bapon jiwu muxu-itorobatsi xua barapo jiwu peitapa tinaewa tsainchi barapon pon be Corei pewantha tatsu. Yawano jiwu itorobatsi xua wunaewi pejainchiwa tsane ibo Corei nacom. Barapon pon be Corei iruru pon xua naerabiya jeye: “Xan pon Nacom peitorobi jume tapaebin”, jei bapon be Nacom cana exana xua itowa pexubiwa tsainchibe ichaxota isoto pucuatha. Barapo pucua ataya tsitecaeya taxuncua bichocono aitareyapusu tsuncuae po peitare pewan azufre matawan.

<sup>21</sup> Iruru daxita ichamonaeru jutebatsi cusitha, po watotha xua pecoibototha tapichapeinatsi pon xua matacapona pia soldadomonaewi. Daxita pepupunaewi bichocono tonsana pewi xaexaetsi pomonaewi xua jutebatsi.

## 20

### *Meje yabara po diwesi xua Cristo itorobiya ewatsina jiwu mil po weibetha*

<sup>1</sup> Bapoxonaewi tan matatsunpin xua peitaboco wetsica pona, bapon catatsi po coyenetha xua itacupatsi xua pecoibo saranaxubiwa tsane barapo pin mathu deca xua ira bereca. Yawa bapon capona pecobetha penainto, po penainto xua pewan cadena xua bichocono pin nainto.

<sup>2</sup> Barapo matatsunpin waetaba, pon be Joyoinya waetabatsi, pon po jomo xua poxonaewi copiya jiwu muxu jainyabatsi. Bapon apara caurimonaewi pia pentacaponaein tatsu. Bapon icha wan Satanás. Barapon Satanás maxu cubiya waetabatsi cadenatha xua mil po weibetha nexa.

<sup>3</sup> Yawano barapon Satanás xorecatsi barapo pin mathu deca. Bichocono yaux-atababotatsi mathu. Yaucateitababotatsino bichocono, xua jopa equeicha pemuxujainyabeibiwa tsane xua jopa equeicha pemuxujainyabeibiwa tsainchi po irathepiwi xua beya poxonaewi abu yapu caewina mil po weibetha. Bapoxonaewi isanaxubinchi xua saya bara caeto tsane.

<sup>4</sup> Bapoxonaewi tan xua pexeinya peenaethopeibiwan. Baxota ena pomonaewi xua bayatha catsibatsi peitorobi coyenewan xua jiwu peyabara paebiwa tsainchi daxita xua penatsicuentiwa xua abe peexanaexae. Bapomonaewi pomonaewi xua bayatha wisi ucubobebatsi xua ichamonaewi namawainta, apara xua barapomonaewi peyabara cueicueijeixae Nacom Pejume Diwesi, xua peyabara cueicueijeixaeno po coyene xua Jesús pejume cowantsiwatsi. Barapomonaewi bayatha jopa wunaewi jainchiyo pon be Corei. Matautano jopa wunaewi jainchiyo barapo ibo Corei nacom. Matautano barapomonaewi jopa copatsiyo xua peitapa tinaewatsi tsainchi pon be Corei pia wantha tatsu ichacuitha xua pecobe juma tinaewatsi. Barapomonaewi tan xua equeicha asu exainchi. Barapomonaewi iru Cristo, nabaru caemonaewi xua barapomonaewi be barapo cae pin nacuepiwi itorobiya ewatatsi xua cien po weibetha tsane.

<sup>5</sup> Ichitha nama ichamonaewi pomonaewi xua caena bayatha werapa cataunxuae jopa asu exanaetsi. Barapomonaewi asu exanaeinchi beya abu poxonaewi yapu caewina mil po

weibe. Barapo peasu coyenewa xua apara copiya nanta carucua xua copiya matha Nacom exana xua jiwi asu exaneibatsi petupaewa weya.

<sup>6</sup> ¡Maisa bichocono juntu coyene weiweina pomonae equeicha Nacom asu exana petupae coyene weya po peasu coyenewa xua copiya! Barapomonae Nacom piamonae tatsi. Barapomonae jopa werapae tsane poxonae equeicha jiwi caewa werapaena po jiwi jopa pejume cowuntsiwi. Saya barapomonae exanaeinchi Nacom pia sacerdotemonaepiwi tatsi xua iru Cristo pia sacerdotepiwi tatsi. Matautano barapomonae nabaru caemonae xua barapomonae barapo cae pin nacuepiwi itorobiya ewatatsi mil po weibetha tsane.

*Meje yabara poxonae caurimonae pia pentacaponaein tatsi xotsi*

<sup>7</sup> Poxonae yapu caewina mil po weibe bapoxonae barapo Satanás isanaxubinchi xua peponaewa tsane mathu weya.

<sup>8</sup> Poxonae bara weya pona jiwi muxujainyabinchi nawita daxita nacuantha. Yawano muxujainyabinchi nawita Gog nacuamonaepiwi, irano muxujainyabinchi nawita Magog nacuapiwi. Barapo Satanás cana exana xua barapo naxobe nacuapiwi penacae-tutsiwa tsane pia soldadomonaе tatsi xua penabinexa pomonaetha pomonae Nacom piamonae tatsi. Barapo naxobe nacuapiwi pomonae soldadomonaexae barapomonae bichocono pin bicheitonmonaein icha taetowa puran ichi xuan taetabotha bobena xuan acucu xua mar mentha bobena.

<sup>9</sup> Barapo pin bicheiton pomonae soldadomonaexae, pana beiyiya daxita yaira jupa beya poxonae yacaincha matawacaicha umeinchi ichaxota Nacom piamonae tatsi jinompa, yawano xua po tomarapiwi Nacom jume cowuntatsi. Ichitha bapoxonae Nacom pin isoto itoroba deca peitaboco wereca, daxita barapo soldadomonaein taxuatsi omeicha.

<sup>10</sup> Barapon Satanás, pon be Joyoinya, pon caurimonae pia pentacaponaein tatsi, pon xua barapo soldadomonaein muxujainyabatsi, bapon Nacom xuba isoto pucuatha, po pucuatha ichaxota ataya tsitecaeya taxuncua xua bichocono aitareyapusu tsuncuae po peitare pewan azufre matawan. Barapo pucuatha caena bayatha xotsi pon be Corei iru pon xua naerabiya jeye: “Xan Nacom peitorobi jume tapaebin”, jei. Barapomonae baxota bichocono atene tsaibi tsane, mataqueitha yawa merawithano tsaibi tsane xua bara ataya tsane.

*Meje yabara po diwesi xua Nacom yabara paeba jiwi xua penatsicuentsiwa poxonae eca pia pexeinya ecaethopeibiwatha, po pexeinya ecaethopeibiwa xua pemainyawa*

<sup>11</sup> Bapoxonae tan xua pexeinya peecaethopeibiwa xua pemainyawa. Muxuna tan xua pon eca barapo pexeinya peecaethopeibiwatha. Bapon peitabaratha tan ira xua po ire yawa itaboco, baxua daxita aichurubenaе, equeicha jopa naitatsiyo.

<sup>12</sup> Bapon Nacom peitabaratha tatsi umena pomonae xua caena bayatha werapa xua pomonae peacopeibi jiwi irano pomonae copei pexeinae jiwi. Bapoxonae diboron patapenta, yawano pataxuba po diborotha ba nacapanenebiya tsaibi pomonae Nacom pia peantobewichi poxonae wan tinadubatsi barapo diborotha. Pomonae xua caena bayatha werapa daxita itawetatsi. Barapomonae yabara cui jupiya exanatsi be po coyeneya bayatha abe exana xua barapo diborotha pecui yabara tinaexaetsi xua poxonae barapomonae abe exana. Daxota barapomonae atene tsane.

<sup>13</sup> Barichi pomonae iru pin mar mentha notatsi, barapomonae Nacomtha pata. Iru pomonae iratha bobena ira wejujuina xua Nacomtha pepatsinexa. Daxita barapomonae Nacom peitabaratha tatsi umena xua baxota peyabara paebinexatsi xua Nacom yabara paebina xua penatsicuentsiwa xua abe peexanaexae Nacomtha. Barapomonae atene exanaeinchi xua Nacom bayatha pecui yabara tinaexae po coyene xua abe exana.



<sup>14</sup> Nacom cana exana po coyenewa xua jiwi tupa pecana exanaewatsi, xua barapo coyenewa isoto pucuatha xotsi xua nacaewita cana exanatsi. Barichi Nacom cana exana xua po nacia pomonae pewerapeibiwi pia nacia tatsi xua barapo nacia xotsi isoto pucuatha xua nacaewita cana exanatsi po pucuatha ichaxota ataya tsitecaeya taxuncua. Barapo petupae coyenewa apara xua jiwi caewa werapaena po jiwi jopa pejume cowantsiwi.

<sup>15</sup> Iruru pomonae xua jopa wan dubenaeyo barapo diborotha po diborotha ba jiwi nacapanenebiya tsaibi poxonae wan dubeibatsi, barapomonae iru barapo isoto pucuatha bebaichi, Nacom bebai.

## 21

### *Meje yabara po diwesi xua pena itaboco yawa xua pena ira*

<sup>1</sup> Bapoxonae tan pena itaboco yawano pena irano, tsipei po itaboco copiya ducua yawa po ira copiya ducua aichurubena, equeicha jopa naitatsiyo. Yawano pin mar mene aichurucuae.

<sup>2</sup> Xan, pon Juan tsocuaein, tan Nacom pia pepa pexeinya tomara tatsi ichaxota jinompa pomonae peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica. Barapo tomara nacui xaxainchiya weta, icha yabayo ichi xua poxonae nacui xaxainchiya weta xua poxonae pecotsiwa peru nacoyobina.

<sup>3</sup> Jume tan pejume xua peitaboco wetsica jume daunweya jeye: “Taema anoxuae Nacom popona pebiwitha. Nacom baru poponaena, bara barapomonae Nacom pijimonae tatsi tsane. Nacom ataya tsitecaeya baru poponaena barapomonae penacana exanaexae xua piamonae tatsi pia Nacom tatsi.

<sup>4</sup> Barapomonae Nacom itacuere mene canotsina xua pewecoyeixae, xua barapomonae equeicha jopa peatenewa tsane. Equeicha jiwi jopa werapae tsane barapo petupae coyenewatha. Matautano jopa pewecoyeinexa tsane, tsipei xua xuan copiya exana po irathe bayatha aichurucuaeya nacaewita”, jei po jume xua itaboco wetsica paeba.

<sup>5</sup> Bapon Nacom pon eca pia pexeinya peecaethopaewatha nejei: “Taema daxita exanan xua xuan penawan”, nejei Nacom. Equeicha nejei: “Baxuan tinare, tsipei barapo jumein pexainyei jumein, daxota ichamonae itacupatsi xua tana neyabara jume cowantsiwa xua bara exanaein pocotsiwa xua taneme”, nejei Nacom.

<sup>6</sup> Bapoxonae equeicha nejei: “Bara baxuan bayatha nacui weta. Xan ponxaein apara ataya tsitecaeya tapoponaein xua poxonae aena daxita tamropata pitaban. Matautano bexano ataya tsitecaeya bara tapoponaewa tsane. Po pebin xua bichocono meratsipa xua daxota bara amanaya mera neapatsiwa barapo coyenewa icha be ichin poxonae jiwi yawenan. Pon xua bejantu coyene jichatsi xua ajantucoyeneyarusu peexanaewatsi bara bapon amanaya catsin peajantucoyeneyarusuwa, po peajantucoyeneyarusuwa xua ataya tsiteca.

<sup>7</sup> Pon xua jantu coyene amanayaba caurimonae poxonae caurimonae bequein abe exana bapontha, bapon xeinaena pocotsiwa be pentoma pocotsiwa xua bayatha jantana jeban bapon. Barapon pia Nacom tatsin tsane yawa barapon apara bara taxanto tsane.

<sup>8</sup> Ichitha pomonae pijunuwi jopa nejume cowantsiyo xua ichamonae abe peexanaewa tsane barapomonaetha iruru pomonae jopa benejume cowantsiyo, iruru pomonae peajantucoyenebewi, iruru pomonae jiwi pejutebiwi, iruru pomonae xua penasi cui exanaewi xua peweiweinaewa, iruru pomonae mara pexeinaewi iruru pomonae wuna pejainchiwi ibo nacom, iruno pomonae naerabiya pepaebiwi, daxita barapomonae bebai tsainchi isoto pucuatha po pucuatha ichaxota ataya tsitecaeya taxuncua xua bichocono aitareyarusu tsuncuae po peitare pewan azufre matawan.

Barapo petupae coyenewa apara xua poxonae equeicha jiwí caewa werapaena pomonaē pejume cowantsiwi”, jei Nacom pon eca pia pexeinya peecaethopaewatha.

*Meje yabara po diwesi xua pena Jerusalén tomara*

<sup>9</sup> Bapoxonaē matatsunpin patopa pon xua siete poyobe jiwana, po siete poyobe matatsunpiwi xua xeina coroton siete xoyobe xua wunba peabe cuiru coyenewan xua bara nama opi ducua pocotsiwa Nacom exanaena. Bapon nejei: “Anetha catsita itatsinchi Cordero pecotsiwa tatsi xua bara yatsicaya piowa tatsi”, jei matatsunpin.

<sup>10</sup> Tananetsita itatsiwatha xua poxonaē Nacom pia Pejumope tuxuxu tatsi netsita itata bapoxonaē matatsunpin necapona pin demxuwa beya po demxuwa xua bichocono tuxcha. Yawano baxotiya matatsunpin netsita itata Nacom pia pepa pexeinya tomara tatsi ichaxota jinompa pomonaē peantobewichi Nacom. Barapo tomara pena Jerusalén tomara, po tomara Nacom pia xainya wetsica tatsi pona xua itaboco wetsica.

<sup>11</sup> Barapo tomara bichocono wunae xua pentha exanuncia Nacom pia pexeinya itupanaē coicha tatsi, tsipei Nacom baxota popona. Barapo pepentha tsuncuae coichawa bichocono daedaena icha iboto ichi xua po iboto itupana po iboto ira buxupana iboto. Bara pocotsi itupanaē iboto jaspe matawun, po iboto xua epa nasaba.

<sup>12</sup> Barapo Jerusalén tomara yacaincha matawacaichiya uncuatsi xua pocotsiwa be curara xua u ibo xua bichocono amuxuburatiyu xuanu xua bichocono tuxcha. Yawano xeina doce po coibotobe. Daxita barapo coibotontha tsiniya umena matatsunpiwi, xua be caein tsiniya. Barapo coibotontha tsitsiniya wun dudubenapoinya Israel pia pemomoxi susato bicheiton tatsi.

<sup>13</sup> Matautano acoibi po coibotobe ducua ichaxota pocotsiwa xometo weecoina. Icha acoibi coibotobe ducua ichaxota pocotsiwa xometo bejopiya. Yawano epatauta dena ainya acoibibe po coibotobe nantiya ducuae.

<sup>14</sup> Yawano barapo curaratha ira wetsina umena iboton. Barapo iboton doce po ibotonbe xua barapo ibotontha tsiniya wun dubena pewanxi xua doce poyobe pomonaē Cordero pia peitorobi jiwí tatsi.

<sup>15</sup> Barapo matatsunpin, po matatsunpin netsipaeba, bapon capatopa pocotsiwa xua pecacanaubiwa xua be naewa xua oro nainto peepa canaubinexa tomara yawa pecoiboton yawa curara.

<sup>16</sup> Tomara nantiya namuxuburu jupabe xua apiya dena. Barapo matatsunpin epa canubarena barapo tomara dos mil doscientos po kilómetrobe xeina xua apiya dena yawa xua tuxcha xua asiyeicha daxita baxuan nantiya naepa jupa.

<sup>17</sup> Bapoxonaē epa canaba curara muxuburu sesenta y cinco po metrobe xeina xua pemuxuburu xua aitiyu. Baxuan matatsunpin exana be jiwí pia pecanaubiya coyenewa tatsi.

<sup>18</sup> Curara iboton u xuan pexeinya iboton, xua ira buxupana iboton xuan jaspe matawun. Tomara acaba u xuan pocotsiwan oro matawun be xuan peepa nasabawan.

<sup>19</sup> Po iboton ira weumeina xua doce po ibotonbe, daxita mata pepena xua mata wunae exana icha be iboton ichi pocotsi iboton ainya matoman. Po iboto copiya barapo iboto mata pepena xua jaspe iboton matawun. Po iboto ichaxota ba “dos”, jei, barapo iboto mata pepena xua zafiro ibo matawun. Po iboto ichaxota ba “tres”, jei, barapo iboto mata pepena ágata ibo matawun. Po iboto ichaxota ba “cuatro”, jei, barapo iboto mata pepena esmeralda ibo matawun.

<sup>20</sup> Po iboto ichaxota ba “cinco”, jei, barapo iboto mata pepena ónice ibo matawun. Po iboto ichaxota ba “seis”, jei, barapo iboto mata pepena cornalina ibo matawun. Po iboto ichaxota ba “siete”, jei, barapo iboto mata pepena crisólito ibo matawun. Po iboto ichaxota ba “ocho”, jei, barapo iboto mata pepena berilo ibo matawun. Po iboto ichaxota ba “nueve”, jei, barapo iboto mata pepena topacio ibo matawun. Po iboto ichaxota ba “diez”, jei, barapo iboto mata pepena crisoprasa ibo matawun. Po iboto ichaxota ba

“once”, jei, barapo iboto mata pepena jacinto ibo matawɔn. Po iboto ichaxota ba “doce”, jei, barapo iboto mata pepena amatista ibo matawɔn.

<sup>21</sup> Barapo doce po boupanbe exana ɩ xuan be perla matawɔn xua daxita barompaya peboupan tsiniya. Barapo pepa namto xua tomaratha exana ɩ pocotsiwa xua xuan be oro nainton xua xuan peepa nasabiwan poxoru xua be pepa oro nainton.

<sup>22</sup> Barapo tomaratha jopa taeinyo Nacom pin pia bo tatsi tsipei bara Nacom baxota pepoponaexae po Nacom daxita pia peayapusɩ itorobi coyenewan xeina. Irɩrɩ xua baxota pepoponaexae Cordero daxota jopa nantawenonaeyo Nacom pin pia bo tatsi.

<sup>23</sup> Barapo tomara jopa nantawenonaeyo xometo xua tomara pentha peexanaewa tsane yawano xua jomocoichatono, tsipei Nacom baxota popona peyacoicha jinaexae xua barompaya pia pexeinya pecoichaxae tatsi, xuano irɩrɩ xeina Cordero barapo coicha.

<sup>24</sup> Pomonae xua bayatha Nacom capanenebiya, barapomonae barapo coichatha ponaena barapo tomaratha po coicha Nacom pia coicha. Daxita pomonae jiwi itorobiya pia pepa peewatsiwichi barapomonae Nacom catsibinchi barapo tomaratha po coyene xua Nacom wɩnae pejainchiwatsi po coyene xua tsita exanatsi xua bayatha jiwi tsita exana barapomonaetha.

<sup>25</sup> Peboupan jopa bapana coibo xatababanobi mataqueitha, xua baxota jopa ataya tsitecaeya pequirei tsaibi tsouneibixae.

<sup>26</sup> Daxita nacuanpiwi Nacom capona barapo tomaratha xua Nacom pecatsibiwa tsainchi pocotsiwan pewɩnaewan xua be copei. Matautano Nacom catatsi po coyene xua Nacom wɩnae pejainchiwatsi.

<sup>27</sup> Ichitha xua xuan peabe coyenein bapana jopa patsi tsane barapo tomaratha. Matautano jopa patsi tsane baxota pomonae abe peexanaewi irɩrɩ pomonae pemuxu-itorobiwi. Saya meisa patsina baxota pomonae wɩn dubena po diborotha ba jiwi nacapanenebiya tsaibi poxonae wɩn dubeibatsi baxota, xua po diboro xeina Cordero.

## 22

<sup>1</sup> Nexata matatsunpin netsita itata mene, po mene xua mene itarana, po mene xua jiwi axumerasɩ exanatsi, xua icha Nacom ichi xua jiwi ajɩntɩcoyenyapusɩ exanatsi. Barapo mene bichocono mene itarana icha bosibɩ ichi xua epa nasaba, baxua xua Nacom pia pexeinya peecaethopeibiwa werena pona, yawano xua Cordero pia pexeinya peecaethopeibiwa tatsi werena pona.

<sup>2</sup> Barapo mene, mene ducuponarena pepa namto dena tomaratha. Barapo mene dena nantiya ainya muxunene denabe naein xuwa xua po naein jiwi ajɩntɩcoyenyapusɩ exainchi. Barapo naein nacoiteiba doce po cuiyobe xua cae weitha. Daxita xometontha nawetouneiba. Barapo naein noxuton jiwi yawenatsi xua jɩntema pejinompaewa xua jopa peatenewa.

<sup>3</sup> Barapo tomaratha jopa xeinae tsane xua peabe coyenein. Barapo tomaratha uncuaena Nacom pia pexeinya peecaethopeibiwa tatsi irɩ baxota uncuaena Cordero pia pexeinya peecaethopeibiwa tatsi. Pomonae Nacom pia petanacuichiwichixaetsi barapo tomaratha barapomonae Nacom wɩnae jainchinchi.

<sup>4</sup> Bapoxonae jiwi Nacom itabara taeya cueicueije tsainchi. Barapomonae peitapatha cainompaena Nacom pewɩn tatsi.

<sup>5</sup> Barapo tomaratha ataya tsitecaeya jopa quirei tsounae tsaibi tsane. Pomonae baxota jinompa jopa nantawenonae tsane pecoicha xua lámpara coicha xuano xua xometo coichano. Daxota jopa nantawenonaeyo tsipei Nacom pon jiwi Pecanamataxeinaein baxota popona, barompaya pia pecoicha peyacoicha jinaexae xua pia pepontha. Irɩ pomonae baxota jinompa jiwi itorobiya ewatsinchi xua ataya tsitecaeya tsane.

*Meje yabara po diwesi xua Jesucristo poxonae patopeicaena xua imoxoyo bara nama*

<sup>6</sup> Bapoxonae equeicha matatsunpin nejei: “Barapo jumein pexainyei jumein. Daxota ichamonae itacɥpatsi xua tana neyabara jume cowantsiwa xua bara exanaein pocotsiwa xua taneme. Pon jiwi Pecanamataxeinaein bapon Nacom itoroba pia Pejumope tɥnaxɥ tatsi xua jiwi peyawenaewa tsainchi xua poxonae jiwi cueicueije Nacom nexa. Yawano Nacom itoroba pia matatsunpin xua petsita itɥsinexa pomonae pia penacajume caitorobi diwesi tatsi petacueicueijeichiwichi xua barapo matatsunpin barapomonae yabara petsipaebinexatsi po coyene Nacom imoxoyo exanaenaba”, nejei.

<sup>7</sup> Equeicha matatsunpin nejei xua saya Jesús tapaebatsi, jeye: “¡Bara nama imoxoyo patopeican! ¡Juntɥ coyene weiweinaena pon xua exana xuan pocotsiwan Nacom ichichipa xuan pocotsiwan paeba po diborothe!” jei barapo matatsunpin xua Jesús tapaebatsi.

<sup>8</sup> Xan, pon Juan tsocuaein, tan daxita baxuan yawano jume tan. Poxonae bayatha jume tan, yawa xua bayatha tan xua pocotsiwan matatsunpin netsita itɥta, bapoxonae bapon petaxutha irabe taeuncuarecan xua wɥnae tajainchinexa bapon.

<sup>9</sup> Ichitha bapon nejei: “¡Bara! Jopa baxua neexanaeinde. Apra xan ponxaein taexanaein Nacom piawa tatsi, icha xam ichim yawa icha pomonae jinya jiwimonae ichi, pomonae Nacom peitorobi jume pepaebiwi, irɥno pomonae xua jume cowanta dubenanaebiya daxita po coyenein xua po diborothe tinan. Jame Nacom bapon wɥnae jainde”, nejei matatsunpin.

<sup>10</sup> Yawano nejei: “Jopa moya yawɥn xeinaeinde Nacom Pejume Diwesi, xua xuan pocotsiwan paeba po diborothe. Tsipei imoxoyo nama Nacom exanaena xua pocotsiwan po diborothe pepaebixae.

<sup>11</sup> Poxonae cataunxuae Nacom jopa wetsiyo, pon xua abe peexanaein, bɥ moya bara abe exana ducuaanaebiya. Irɥ pon xua nanthɥ coyene xeina peacuirucoyenebewan, bɥ moya bara baxuan nanta xeina ducuaanaebiyaena. Ichitha pon wɥnae exana Nacom nexa, bɥ moya exana ducuaanaebiya. Pon xua Nacom petsita naexanaewatsi xua penthɥthɥ xeicaein penaexanaewa, bɥ moya bara Nacom jume cowanta ducuaanaebiyatsi”, nejei.

<sup>12</sup> Bapoxonae Jesús jeye: “Aa, bara nama imoxoyo patopeicaein. Capatopeicaein pocotsiwan be pentoman, xua caeintha barompaya piawan catsibin. Pon xua nawita inta exana xuya nawita catsin. Pon xua be conotha inta exana xuya be conotha catsin.

<sup>13</sup> Xan ponxaein apra ataya tsitecaeya tapoponaein xua poxonae aena daxita tamropata pitaban. Mataɥtano bexano daxita coyenein wetsin tsipei ataya tsitecaeya bara tapoponaewa tsane”, jei Jesús.

<sup>14</sup> Juntɥ coyene weiweinaena pomonae najuntɥ coyene cui barapenta peabe coyenewan. Baxuan be poxonae barapomonae pia paparuwan matanaca xua jopa tsoreiyo. Bapoxonae barapomonae itacɥpaeinchi xua jojoniyaena tomara coiboto iya tsipei pia paparuwan inyapana yawa juntɥ coyene wɥnae. Yawa barapomonae itacɥpaeinchi xua tomaratha iya xaena po pethei pexaewa, po pethei jiwi ajuntɥcoyenesɥ exainchi.

<sup>15</sup> Ichitha nama aisowatha xua tomara jumatha umenaena pomonae peajuntɥcuirucoyenebewi irɥɥ pomonae mara pexeinaewi. Yawano pesatotha umena pomonae penata siwa xeinaewi yabɥxitha, irɥno pomonae jiwi pejutebiwino, irɥno pomonae ibo nacom wɥnae pejainchiwi. Daxitano pomonae becui jichatsi xua naerabiya pepaebiwi xua naerabiya exanano, barapomonae pesatotha umenaena.

<sup>16</sup> Equeicha Jesús nejei: “Xan, pon Jesús, itoroban tamatatsunpin xua daxita baxuan pepaebinexa pomonaetha pomonae pejume cowantsiwi. Xan bara yatsicaya David pia pemomoxi susato jiwi jiwana-pin tatsin, pon David Israel nacuapiwi itorobiya pia pepa peewatsinchi tatsi. Icha be jarawato ichi poto xua bichocono wɥnae xua poto baya ecoina poxonae icha matabi patopa, xan barichin. Patopan tacapatopaenexa jiwitha

po coyene xua bichocono w<sub>nae</sub> po coyene xua Nacom tsiexana, xua jiwi tsiexanatsi”, nejei Jesús.

<sup>17</sup> Nacom pia Pejumope t<sub>na</sub>x<sub>u</sub> tatsi, ir<sub>u</sub> Cordero pia pecotsiwa tatsi, pomonae Nacom pia pejume cow<sub>ntsi</sub>wichixaetsi, jeye Jesustha: “Anetha”, jei Nacom pia Pejumope t<sub>na</sub>x<sub>u</sub> tatsi ir<sub>u</sub> Cordero pia pecotsiwa tatsi. Pomonae xua ir<sub>u</sub> jume tane, jeye: “Anetha”, jei. “Xan Juan paeban pon xua meratsipa yawa beapaena, moya antha, bu apa po mera jiwi aj<sub>nt</sub>yapusu exainchi xua saya amanaya nexa”, jan.

<sup>18</sup> Daxita pomonae xua jume tane barapo diwesi xua Nacom Pejume Diwesi xua barapo diborothe tinan barapomonae tsipaeban, meje baxue: Icha ich<sub>n</sub> mataropeicha paeba icha diwesi xua jopa xainyeyo xua po diwesithe, bapoxonae bapontha Nacom itorobina peabe coyenewan be pocotsi coyene cuirun yabara caunuta po diborothe.

<sup>19</sup> Icha ich<sub>n</sub> jiwana jume wexuba xua po diborothe paeba, xuya Nacom pia diborothe w<sub>n</sub> xubina, po diborothe jiwi nacapanenebiya tsaibi poxonae w<sub>n</sub> dubeibatsi baxota. Yawano Nacom jopa copatsiyo xua bapon pepatopaewa Nacom pia pepa pexeinya tomaratha tatsi po tomara pena tomara ichaxota jinompa pomonae peantobewichi Nacom. Barapo pecapanenebiya coyenewa ir<sub>u</sub> barapo tomarano barapo diborothe yabara tina.

<sup>20</sup> Jesús pon pia matatsunpin peitorobixae xua barapo matatsunpin yabara tana netsipaebiwa pocotsiwa xua bexa exanaena, bapon nejei: “Aa, bara nama imoxoyo patopeicaein”, jei.

Je, moya anetha patopeinca xam, Jesús, ponxaem Tanecanamataxeinaem, jan.

<sup>21</sup> Jesucristo, pon jiwi Pecanamataxeinaein, barab<sub>u</sub> paca yawenaena pia painya nepaca caantobexae daxita paxam. Je bara ichi tsane.

Baja Juan.